

ms. sup. 20. pl. 3.



MICHAELIS BAIL,

CELEBERRIMI IN LOVANIENSI

ACADEMIA THEOLOGI.

O P E R A:

Cum Bullis Pontificum, & aliis ipsius causam spectantibus, jam primùm ad Romanam Ecclesiam ab convitiis Protestantium, simul ac ab Arminianorum cæterorumque hujusce temporis Pelagianorum imposturis vindicandam collecta, expurgata, & plurimis quæ hactenus delituerant opusculis aucta: studio

A. P. THEOLOGI.



COLONIÆ AGRIPINÆ

Sumptibus BALTHASARIS AB EGMONT &
Sociorum. M. DC. XCVI.

MICHAELIS BAIL

CELEBRATION IN LOVANIENSIS

ACADEMIA THEOLOGICA

O P E R A :

Com. Bullae Pontificiae, et alia ipsius Pontificis
 spectantibus, tam pertinent ad Romanam Ec-
 clesiam ab antiquis Pontificibus, simul et
 ab Administratione ecclesiasticae huiusce
 temporis Pontificatus imperantibus, et
 illorum collectis, expurgatis, et
 pluriusque hactenus delictis
 operculis auctis: huius

A. P. THEOLOGICA



COLONIA AGRIPINENSIS

Samptibus BALTHASARII AB EGMONT &
 Sociorum A. D. MDCVI

P R Æ F A T I O.



N novissimis de Christi gratia disputationibus nihil frequentius auditur, quàm Michaelis Baii nomen & Baiarum: ac simul dicere ausim nihil mindus viris etiam eruditis esse notum, quàm quid Michael Baius senserit ac scripserit, & quid posteriori ævo in ejus causa fuerit peractum: adeò rara sunt in bibliothecis ejus opera, ac adeò

neglecta est causæ tam insignis Theologi inquisitio. Fulminibus Vaticanis, quæ in quosdam articulos, ipsi perperam adscriptos, à Pio V. & Gregorio XIII. vibrata creduntur, Virum hunc cum suis libris non percussum modò ac perculsum, sed & penitus attritum, absque ulla veri disquisitione censent Theologi ferè omnes, in ipsa etiam Academia Lovanienti.

Qui Jansenii Episcopi Iprensis *Augustinum* primi impetivere, ac pro ejus Censura institere vehementius, eo potissimum titulo ipsam ab Urbano VIII. obtinuerunt, quòd à Jansenio ibi renovatas dicerent sententias, quæ ex Michaelis Baii libris, si ipsis fides est, collectæ, à præfatis Pontificibus prohibita fuerant ac damnatæ. Id norunt omnes qui legerunt Bullam, quâ Urbanus VIII. Cornelii Jansenii Augustinum proscripsit; vel ea, quæ Ludovici Molinæ schola contra Jansenium ab anno 1640. ad annum 1653. evulgavit.

Qui autem à Jansenii partibus firmius steterunt, sic ejus susceperunt vindicias, ut suæ causæ satis esse judicarint ostendisse quàm procul à vero sit quòd Jansenius vel unum ex damnatis his articulis asseruerit; nullatenus discutientes, an isti articuli Michaeli Baio jure attributi sint, & an in sensu Michaelis Baii erronei sint vel hæretici: ut contendebant Theologi à Societate, ac præcæteris P. Ripalda, qui ingens volumen contra Baium & Baianos typis dedit. Hæc enim prima est machina, quâ præfati Molinæ Schola Augustinianam de gratia sententiam conatur evertere.

Interim verò primum caput, ex quo Protestantes arguunt Ecclesiam Romanam à prisca fide deflexisse ad Pelagianismum: & ex quo Alminiani, Sociniani, alique horumce temporum Pelagiani jactitant ac gloriantur Romanam Ecclesiam idem cum ipsis sentire, illud est, quòd Pius V. non satis se præcavens à malevolentia æmulorum Michaelis Baii, qui ex ejus scriptis varias sententias collegisse se dicebant, instantes ut Censurâ Pontificiâ configerentur, Bullam confecerit anno 1567. quâ omnes illas indiscri-

minatim veluti hæreticas & erroneas prohibuit ac damnavit. Et quòd Gregorius XIII. cum prior censura tumultuantibus minus profecisse videretur, eam novo diplomate, ut falso ferunt, confirmaverit.

Unum sufficiat super hæc audivisse Leydeckerum, in Ultrajectina Academia Theologum Protestantem, qui in secunda Disputatione historico-Theologica de vario Jansenistarum fæto, postquam plures ex memoratis sententiis adduxisset: subjungit: *Eccæ invisæ Romæ propositiones &c.* Deinde Pontificiæ Censuræ conclusionem sic refert: *quas quidem sententias stricta coram nobis. examine ponderatas; quauquam nonnulla aliquo pacto sustineri possent, in rigore ac proprio verborum sensu ab assertoribus intento, hæreticas, erroneas, suspectas, temerarias, scandalosas, & in pias aures offensionem immitcentes, respectivè, & quæcunque super his verbo scriptore emissa, presentium auctoritate damnamus, circumscribimus & abolemus; &c.* Post hæc addit: *Pium V. secutus est Gregorius XIII. suum Prædecessorem. Vidit enim non defuisse suo tempore Theologos & Professores qui articulos in præcedenti Constitutione damnatos asserere & defendere pergerent. Igitur eorum temeritatem & audaciam, ad totius Ecclesiæ scilicet periculum pertinentem, minimè dissimulandam censuit; sed verò ad coercenda hujusmodi ingenia, quarto Cal. febru. 1570. (per errorem, puto, Typographi, loco 1579.) editam Pii Bullam, articulosque ibidem notatos iterato confirmavit, referente Urbano VIII. in sua contra Jansenistas seu Baianas Decreto.*

His ita enarratis, ut in Urbani VIII. Bulla legerat, Romanos istos Pontifices sic insilit: *Atqui non sic Pius egit. ex devota in veritatem, gratia gloriam, & Christi merita, pietate: non se ostendit Gregorius pastorem verè providentem pro sancta fide, resumente suas vires in dies Pelagianismo. Sed & datus erat Ecclesiæ Romane jam libellus repudijs; ET DEBUIT ILLA DESERTA PALAM FACERE SE PLANE EXCIDISSE EX GRATIA, PELAGIANISMUM AMPLEXAM, QUI ANTICHRISTI FIDES ESSE DEBUIT, UTI SUBUIT CHRISTIANISMI FUNDAMENTA.*

Thesi 17. Tum ex historia demonstrat Bullam Pontificiam Minoritarum ac Jesuitarum consilio confectam esse atque evulgatam, *Motis ergo, ait, per M. Baiam controversus, acta omnia ferè per Jesuitas. Franciscanorum secutos vestigia, Dominicanis æmulos atque invisos.*

Ac postquam retulit (ex quorum fide nescio) quòd missus sit Lovanium Bellarminus magnus Jesuita, qui de quæstionibus cognosceret, remve omnem componeret vel ad Papale Tribunal deferret; sic concludit: *Conficitur ergo Decretum Michaelis Baii &c.*

Id. Disputat. tertia: Thesi 24.

Denique totis viribus contendit certum esse Baianas propositiones quovis modo ut scandalosas, falsas & erroneas, eoque condemnatas in Ecclesiæ Romana

Romana esse habitas. Et earum Censuræ opponit assertiones in libro Domini Bossuet cui titulus: *Exposition de la doctrine Catholique &c.* à Cardinalibus & ab ipso Papa anno 1679. diē quarto Januarii approbatas. Deinde infert quoddam istæ Bullæ contra Baium reddunt evanidam, & Papæ horrorem segant, &c: non tamen, ait, adeo ut injustam demonstrent Protestantium ab Ecclesia Romana secessionem. Immo iterum vehementiori impetu instat Leydeckerus his verbis: *Adhuc dico justa fuit Patrum nostrorum ex Babele secessio: æquum manebit nostrum in Romanæ odium: frustra irruabimur ad regressum, qui novimus Pontificia Curie solitas artes, dolos, fraudes. Si hæc (quæ in libro Domini Bossuet habentur) Romana Ecclesia fides est: condemnentur antè evulgata Bulla contra Baium &c.*

Arminius
in Decla-
ratione
suz sen-
tentiz.

Ex quibus liquet, quoddam sicut Arminiani, Sociniani & alii novi Pelagiani gloriari non desinunt & jactare Romanam Ecclesiam pro hæretica habere Augustini doctrinam de gratia & prædestinatione; & nullum esse doctrinæ caput quod ipsa acrius oppugnet: ita ex alia parte Protestantes ex his Censuris, quibus præscam germanamque Ecclesiæ fidem in Baio proscriptam volunt, multo zelo demonstrare conantur quoddam Ecclesiæ Romanæ à fide defecerit & in Pelagianismum sit prolapsa, ut hac arte suos in eorum à nobis secessione foveant.

Ut ergo quivis boni & æqui arbiter judicet quàm vanus sit iste Remonstrantium aliorumque hujusce ætatis Pelagianorum triumphus; quantæque injuriæ alii in Ecclesiam Romanam insurgant: & quàm merito jure qui Ecclesiæ Romanæ firmius adhærent, contendunt germanam Apostoli & Augustini doctrinam, in Michaelis Baio nihil detrimenti per Pontificum Bullas esse passam, sed illam atque inconcussam hætenus permanisse: operæ pretium fuit, ipsa Michaelis Baï opera & quicquid eorum occasione patratum est, in lucem proferre. Eâ igitur mente novam hanc omnium operum Baï, simulque eorum quæ circa hæc gesta sunt, editionem adornavimus: & in duas partes distinximus. Prior Michaelis Baï opera concludit. Altera Bullas & alia quæ causam ejus spectant, complectitur. Ea inter, plurima sunt quæ hætenus inedita manserant ac ignota. Alia erant nonnullis in locis corrupta, quæ ad Codicum MSS. fidem emendavimus. Porro nihil ex nobis, sed vel ex authenticis instrumentis, vel ex Codicibus, eo tempore quo res relatæ contigerunt, manu exaratis, protulimus.

Præter hæc, quæ in hac editione prodeunt; habentur Michaelis Baï Commentarii in Magistrum Sententiarum, ac ejus explicationes in psalmos. Quandoquidem, verò magnum volumen impleant, quod multarum impensarum foret; ideo eorum editionem distulimus, donec ea legendi

cupido studiosos invadat , & ad ea publici juris facienda invitet ac compellat.

Interim his utere ; nec falsâ te decipi patiaris eorum opinione qui sibi imaginantur , ac contra omne verum spargunt , libros Michaelis Baii à Summis Pontificibus fuisse prohibitos. Eos liberè libenterque lege , & quod plus eos legeris , eò pluris facies , & plus in germana sanctorum Patrum , & maxime Augustini , doctrina proficies.

PETRI OPMERI, BATAVI,
DE
MICHAELE BAIO
TESTIMONIUM:
IN OPERE SUO
CHRONOLOGICO,

A D. A N. 1589,

MICHAEL BAIUS, Atho Hannoniæ ortus , vir ingenio facili , & Sacrarum Litterarum eruditâ notitiâ exornato ; in quo nescias an doctrina modestiæ , probitati morum facilitas comitasque cesserit. Quibus virtutibus insignitus , omnium hominum , Principum etiam virorum studia , magnetis instar , ad se attraxit , summâque cum laude divinarum rerum mysteria per annos quadraginta in alma Lovaniensi Universitate , ubi lauream in eadem Facultate consecutus fuerat , interpretatus est. Dein illustri etiam ejusdem Academiæ Magistratu , quem Cancellarium vocant , annis quindecim perfunctus , & ad S. Synodum Tridentinam Regio jussu missus , egregium ingenii , eruditionis , modestiæque testimonium præbuit. Sed & Philippum Marnixium , S. Aldegundi Dominum , alterum nostri ævi solique Tanchelinum , si opinioniones ejus in fidei rebus spectes , SS. Eucharistiam ore sacrilego proscindentem , edito libello prostravit. Dumque adhuc magna & posteritate digna meditatur , morbus ante diem irrepressus , qui septuaginta & sex annos habentem sustulit. Ejus laudes insigni encomio pro-

prosecutus est Jacobus Baius, fratris filius, Doctor itidem Theologus, qui & monumentum eidem, in Sacello Collegii auspiciis Adriani VI. Pont. erecti, cui ille præfuerat, poni curavit. Quique ut gradu, ita & nunc Cancellariatus fastigio par suo Patruo, non exigua quoque eruditionis suæ testimonia seræ posteritati transmittit, æternum victurus.

E X
ATHENIS BELGICIS

S E U
NOMENCLATORE INFERIORIS

GERMANIÆ SCRIPTORUM:

A U T O R E

FRANCISCO SUVERTIO

ANTUERPIÆ 1628.

MICHAEL BAIUS, Melini in territorio Atheni nascitur anno Incarnationis Dei 1513. quo nihil doctius, aut nihil etiam humilior sæculum istud habuit: quod de illo elogium Cardinalis Tolæti aliquando tulit. Sacræ Theologiæ in Lovanienfi Academia Doctor, & per quadraginta annos Professor Regius, eximie virtutis ac maturi consilii fuit. Ad Oecumenicam Synodum Tridentinam (cujus & finem spectavit) unâ cum Cornelio Jansenio & Joanne Hesselio à Philippo Hispaniarum Rege missus, egregiam ingenii, doctrinæ, ac pietatis, in celeberrimo illo Christiani Orbis theatro, testificationem dedit. Facultates suas moriens pauperibus legavit, Collegio Lovanii excitato sub patrocinio B. Augustini, cujus Opera cum novies perlegisset, invenit tamen semper quid ruminaretur. Joannes Bernartius Mechlinienfis J. C. reliquas ejus virtutes funebri oratione est prosecutus. Jacobus Baius, fratris filius, Doctor itidem Theologus, illi monumentum in sacra æde Collegii Pontificii, cui annis multis præfuit, posuit, ex quo varias præstantissimi viri functiones licet cognoscere.

cupido studiosos invadat, & ad ea publici juris facienda invitet ac compellat.

Interim his utere; nec falsa te decipi patiaris eorum opinione qui sibi imaginantur, ac contra omne verum spargunt, libros Michaelis Baii à Summis Pontificibus fuisse prohibitos. Eos liberè libenterque lege, & quò plus eos legeris, eò pluri facies, & plus in germana sanctorum Patrum, & maxime Augustini, doctrina proficies.

PETRI OPMERI, BATAVI,

D E

MICHAELE BAIIO

T E S T I M O N I U M:

I N O P E R E S U O

C H R O N O L O G I C O,

A. D. A. N. 1589,

MICHAEL BAIUS; Atho Hannoniæ ortus, vir ingenio facili, & Sacrarum Litterarum eruditâ notitiâ exornato; in quo necias an doctrina modestiæ, probitati morum facilitas comitasque cesserit. Quibus virtutibus insignitus, omnium hominum, Principum etiam virorum studia, magnetis instar, ad se attraxit, summâque cum laude divinarum rerum mysteria per annos quadraginta in alma Lovaniensi Universitate, ubi lauream in eadem Facultate consecutus fuerat, interpretatus est. Dein illustri etiam ejusdem Academiæ Magistratu, quem Cancellariatum vocant, annis quindecim periunctus, & ad S. Synedum Tridentinam Regio jussu missus, egregium ingenii, eruditionis, modestiæque testimonium præbuit. Sed & Philippum Marnixium, S. Aldegundi Dominum, alterum nostri ævi solique Tanchelinum, si opiniones ejus in fidei rebus spectes, SS. Eucharistiam ore sacrilego proscindentem, edito libello prostravit. Dumque adhuc magna & posteritate digna meditatur, morbus ante diem irrepit, qui septuaginta & sex annos habentem sustulit. Ejus laudes insigni encomio pro-

prosecutus est Jacobus Baius, fratris filius, Doctor itidem Theologus, qui & monumentum eidem, in Sacello Collegii auspiciis Adriani VI. Pont. erecti, cui ille præsuerat, poni curavit. Quique ut gradu, ita & nunc Cancellarius fastigio par suo Patrio, non exigua quoque eruditionis suæ testimonia seræ posteritati transmittit, æternum victurus.

E X

ATHENIS BELGICIS

S E U

NOMENCLATORE INFERIORIS

GERMANIÆ SCRIPTORUM:

A U T O R E

FRANCISCO SUVERTIO

ANTUERPIÆ 1628.

MICHAEL BAIUS, Melini in territorio Atheni nascitur anno Incarnationis Dei 1513. quo nihil doctius, aut nihil etiam humiliter sæculum istud habuit: quod de illo elogium Cardinalis Tolerus aliquando tulit. Sacræ Theologiæ in Lovanienti Academia Doctor, & per quadraginta annos Professor Regius, eximie virtutis ac maturi consilii fuit. Ad Oecumenicam Synodum Tridentinam (cujus & finem spectavit) unâ cum Cornelio Janzenio & Joanne Hesselio à Philippo Hispaniarum Rege missus, egregiam ingenii, doctrinæ, ac pietatis, in celeberrimo illo Christiani Orbis teatro, testificationem dedit. Facultates suas moriens pauperibus legavit, Collegio Lovanii excitato sub patrocinio B. Augustini, cujus Opera cum novies perlegisset, invenit tamen semper quid ruminaretur. Joannes Bernartius Mechliniensis J. C. reliquas ejus virtutes funebri oratione est prosecutus. Jacobus Baius, fratris filius, Doctor itidem Theologus, illi monumentum in sacra æde Collegii Pontificii, cui annis multis præsuit, posuit, ex quo varias præstantissimi viri functiones licet cognosce-

cupido studiosos invadat , & ad ea publici juris facienda invitet ac compellat.

Interim his utere ; nec falsâ te decipi patiaris eorum opinione qui sibi imaginantur , ac contra omne verum spargunt , libros Michaelis Baii à Summis Pontificibus fuisse prohibitos. Eos liberè libenterque lege , & quò plus eos legeris , eò pluris facies , & plus in germana sanctorum Patrum , & maxime Augustini , doctrina proficies.

PETRI OPMERI, BATAVI,

D E

MICHAELE BAIIO

T E S T I M O N I U M :

I N O P E R E S U O

C H R O N O L O G I C O ,

A D . A N . 1589,

MICHAEL BAIUS; Atho Hannoniæ ortus , vir ingenio facili , & Sacrarum Litterarum eruditâ notitiâ exornato ; in quo nescias an doctrina modestiæ , probitati morum facilitas comitalque cesserit. Quibus virtutibus insignitus , omnium hominum , Principum etiam virorum studia , magnetis instar , ad se attraxit , summâque cum laude divinarum rerum mysteria per annos quadraginta in alma Lovaniensi Universitate , ubi lauream in eadem Facultate consecutus fuerat , interpretatus est. Dein illustri etiam ejusdem Academiæ Magistratu , quem Cancellarium vocant , annis quindecim perfunctus , & ad S. Synodum Tridentinam Regio jussu missus , egregium ingenii , eruditionis , modestiæque testimonium præbuit. Sed & Philippum Marnixium , S. Aldegundi Dominum , alterum nostri ævi solique Tanchelinum , si opiniones ejus in fidei rebus spectes , SS. Eucharistiam ore sacrilego profcindentem , edito libello prostravit. Dumque adhuc magna & posteritate digna meditatur , morbus ante diem irrep-
sit , qui septuaginta & sex annos habentem sustulit. Ejus laudes insigni encomio

ecutus est Jacobus Baius, fratris filius, Doctor itidem Theologus, qui monumentum eidem, in Sacello Collegii auspiciis Adriani VI. Pontifici, cui ille præfuerat, poni curavit. Quique ut gradu, ita & nunc Canonicatus fastigio par suo Patrio, non exigua quoque eruditionis suæ testificia seræ posteritati transmittit, æternum victurus.

E X

THENIS BELGICIS

S E U

NOMENCLATORE INFERIORIS

GERMANIÆ SCRIPTORUM:

A U T O R E

FRANCISCO SUVERTIO

ANTUERPIÆ 1628.

MICHAEL BAIUS, Melini in territorio Atheni nascitur anno Incarnationis Dei 1513. quo nihil doctius, aut nihil etiam humilior sæculum istud habuit: quod de illo elogium Cardinalis Tournæus aliquando tulit. Sacræ Theologiæ in Lovaniensi Academia Doctor, per quadraginta annos Professor Regius, eximie virtutis ac maturi confutator. Ad Oecumenicam Synodum Tridentinam (cujus & finem spectatum) unâ cum Cornelio Jansenio & Joanne Hesselio à Philippo Hispaniarum Rege missus, egregiam ingenii, doctrinæ, ac pietatis, in celeberrimo Christiani Orbis theatro, testificationem dedit. Facultates suas moriens superius legavit, Collegio Lovanii excitato sub patrocinio B. Augustini, cuius Opera cum novies perlegisset, invenit tamen semper quid ruminaret. Joannes Bernartius Mechliniensis J. C. reliquas ejus virtutes funebri oratione est prosecutus. Jacobus Baius, fratris filius, Doctor itidem Theologus, illi monumentum in sacra æde Collegii Pontificii, cui annis multis præfuit, posuit, ex quo varias præstantissimi viri functiones licet cognoscere.

cupido studiosos invadat, & ad ea publici juris facienda invitet ac compellat.

Interim his utere; nec falsa te decipi patiaris eorum opinione qui sibi imaginantur, ac contra omne verum spargunt, libros Michaelis Baii à Summis Pontificibus fuisse prohibitos. Eos liberè libenterque lege, & quòd plus eos legeris, eò plus facies, & plus in germana sanctorum Patrum, & maxime Augustini, doctrina proficies.

PETRI OPMERI, BATAVI,

D E

MICHAELE BAIO

T E S T I M O N I U M:

I N O P E R E S U O

C H R O N O L O G I C O,

A D A N. 1589,

MICHAEL BAIUS, Atho Hannoniæ ortus, vir ingenio facili, & Sacrarum Litterarum eruditâ notitiâ exornato; in quo nescias an doctrina modestiæ, probitati morum facilitas comitalique cesserit. Quibus virtutibus insignitus, omnium hominum, Principum etiam virorum studia, magnetis instar, ad se attraxit, summâque cum laude divinarum rerum mysteria per annos quadraginta in alma Lovaniensi Universitate, ubi lauream in eadem Facultate consecutus fuerat, interpretatus est. Dein illustri etiam ejusdem Academiæ Magistratu, quem Cancellariatum vocant, annis quindecim perfunctus, & ad S. Synodum Tridentinam Regio jussu missus, egregium ingenii, eruditionis, modestiæque testimonium præbuit. Sed & Philippum Marnixium, S. Aldegundi Dominum, alterum nostri ævi solique Tanchelinum, si opiniones ejus in fidei rebus spectes, SS. Eucharistiam ore sacrilego proscindentem, edito libello prostravit. Dumque adhuc magna & posteritate digna meditatatur, morbus ante diem irrepsit, qui septuaginta & sex annos habentem sustulit. Ejus laudes insigni encomio pro-

ecutus est Jacobus Baius, fratris filius, Doctor itidem Theologus, qui monumentum eidem, in Sacello Collegii auspiciis Adriani VI. Pont. ri, cui ille præsuerat, poni curavit. Quique ut gradu, ita & nunc Can- riatûs fastigio par suo Patruo, non exigua quoque eruditionis suæ testi- ia seræ posteritati transmittit, æternûm victurus.

E X

THENIS BELGICIS

S E U

NOMENCLATORE INFERIORIS

GERMANIÆ SCRIPTORUM:

A U T O R E

FRANCISCO SUVERTIO

ANTUERPIÆ 1628.

MICHAEL BAIUS, Melini in territorio Atheni nascitur anno Incarnationis Dei 1513. quo nihil doctius, aut nihil etiam humi- lius sæculum istud habuit: quod de illo elogium Cardinalis To- us aliquando tulit. Sacræ Theologiæ in Lovaniensi Academia Doctor, per quadraginta annos Professor Regius, eximie virtutis ac maturi consi- fuit. Ad Oecumenicam Synodum Tridentinam (cujus & finem specta-) unâ cum Cornelio Jansenio & Joanne Hesselio à Philippo Hispania- n Rege missus, egregiam ingenii, doctrinæ, ac pietatis, in celeberrimo o Christiani Orbis theatro, testificationem dedit. Facultates suas moriens uperibus legavit, Collegio Lovanii excitato sub patrocínio B. Augustini, us Opera cum novies perlegisset, invenit tamen semper quid ruminare- . Joannes Bernartius Mechliniensis J. C. reliquas ejus virtutes funebri atione est prosecutus. Jacobus Baius, fratris filius, Doctor itidem Theo- gus, illi monumentum in sacra æde Collegii Pontificii, cui annis multis refuit, posuit, ex quo varias præstantissimi viri functiones licet cognosce- re.

minatim veluti hæreticas & erroneas prohibuit ac damnavit. Et quòd Gregorius XIII. cum prior censura tumultuantibus minùs profecisse videretur, eam novo diplomate, ut falso ferunt, confirmavit.

Theſi 13.
& 14.

Unum ſufficiat ſuper hæc audiviſſe Leydeckerum, in Ultrajeſtina Academia Theologum Proteſtantiem, qui in ſecunda Diſputatione hiſtorico-Theologica de vario Janſeniſtarum ſtatu, poſtquam plures ex memoratis ſententiis adduxiſſet: ſubjungit: *Eæſe in viſa Roma: propoſitiones &c. Deinde Pontificiæ Cenſuræ conſuſionem ſic refert: quæ quidem ſententiæ ſtricta coram nobis examine ponderantur, quanquam nonnulla aliquo pacto ſuſtineri poſſent, in rigore ac proprio verborum ſenſu ab aſſertoribus intento, hæreticæ, erroneæ, ſuſpectæ, temerariæ, ſcandalofas, & in pias aures offenſionem inmiſtentes, reſpectivè, & quæcunque ſuper hiis verbo ſcriptore emiſſa, præſentium aſſeruitate damnamus; circunſcribimus & abolemus; &c.* Poſt hæc addit: *Pium V. ſecutus eſt Gregorius XIII. ſuum Prædeceſſorem. Videt enim non deſuiſſe ſuo tempore Theologos & Profeſſores qui articulos in præcedenti Conſtitutione damnatos aſſerere & defendere pergerent. Igitur eorum temeritatem & audaciam, ad totius Eccleſiæ ſcilicet periculum pertinentem, minimè diſſimulandam cenſuit; ſed verò ad coercenda huiusmodi ingenia, quarto Cal. febru. 1570. (per errorem, putò, Typographi, loco 1579.) editam Pii Bullam, articulosque ibidem notatos iteratò confirmavit, referente Urbano VIII. in ſua contra Janſeniſtas ſeu Baianas Decreto.*

Hiis ita enarratis, ut in Urbani VIII. Bulla legerat, Romanos iſtos Pontifices ſic inſilit: *Atqui non ſic Pius egit ex devota in veritatem, gratiæ gloriæ, & Chriſti merita, pietate: non ſe oſtendit Gregorius paſtorem verè propoſitum pro ſancta fide, reſumente ſuas vires in dies Pelagianismo. Sed & datus erat Eccleſiæ Romana jam libellus repudi; ET DEBUIſſET ILLA DESERTA PALAM FACERE SE PLANE EXCIDIſſE EX GRATIA, PELAGIANISMUM AMPLEXAM, QUI ANTICHRISTI FIDES EſſE DEBUIſſET, UTI SUBRUIT CHRISTIANISMI FUNDAMENTA.*

Theſi 17.

Tum ex hiſtoria demonſtrat Bullam Pontificiam Minoritarum ac Jeſuitarum conſilio conſectam eſſe atque evulgatam, *Motis ergo, ait, per M. Baiam. controverſus, acta omnia ferè per Jeſuitas. Franciſcanorum ſecutos veſtigia, Dominicaniſ emulos atque inviſos.*

Ac poſtquam retulit (ex quorum fide nescio) quòd miſſus ſit Lovanium Bellarminus magnus Jeſuita, qui de quæſtionibus cognosceret, removere omnem componeret vel ad Papale Tribunal deferret; ſic concludit: *Conſicitur ergo Decretum Michaelis Baii &c.*

In Diſpu-
tatione ſecunda:
Theſi 24.

Denique totis viribus contendit certum eſſe Baianas propoſitiones quovis modo ut ſcandalofas, falſas & erroneas, eoque condemnatas in Eccleſia Romana.

mana esse habitas. Et earum Censuræ opponit assertiones in libro Domini Bossuet cui titulus: *Exposition de la doctrine Catholique &c.* à Cardibus & ab ipso Papa anno 1679. die quarto Januarii approbatas. Deinsert quod istæ *Bullam contra Baium reddant evanidam, & Papatûs orem tegant, &c.*: non tamen, ait, adeò ut injustam demonstrent Protonium ab Ecclesia Romana secessionem. Immo iterum vehementiori etu instat Leydeckerus his verbis: *Adhuc dico justa fuit Patrum nom ex Babele secessio: æquum manebit nostrum in Romam odium: frustrabitur ad regressum, qui novimus Pontificie Curie solitas artes, dofraudes. Si hac* (quæ in libro Domini Bossuet habentur) *Romana esia fides est; condemnentur antè evulgata Bullæ contra Baium &c.*

ex quibus liquet, quod sicut Arminiani, Sociniani & alii novi Pelagianari non desinunt & jactare Romanam Ecclesiam pro hæretica habere gustini doctrinam de gratia & prædestinatione; & nullum esse doctri-
caput quod ipsa acrius oppugnet: ita ex alia parte Protestantes ex his-
suris, quibus priscam germanamque Ecclesiæ fidem in Baio proscri-
n volunt, multo zelo demonstrare conantur quod Ecclesia Romana à
defecerit & in Pelagianismum sit prolapsa, ut hac arte suos in eorum
obis secessione foveant.

Arminius
in Decla-
ratione
sue sen-
tentia.

Ut ergo quisvis boni & æqui arbiter judicet quàm vanus sit iste Re-
trantium aliorumque hujuscæ ætatis Pelagianorum triumphus; quan-
te injuriâ alii in Ecclesiam Romanam insurgant: & quàm merito jure
Ecclesiæ Romanæ firmius adhærent, contendunt genuinam Apostoli
Augustini doctrinam, in Michaelæ Baio nihil detrimenti per Pontificum
las esse passam, sed illasam atque inconcussam hætenus permanisse:
æ pretium fuit, ipsa Michaelis Baii opera & quicquid eorum occa-
patratum est, in lucem proferre. Eâ igitur mente novam hanc omni-
operum Baii, simulque eorum quæ circa hæc gesta sunt, editio-
adornavimus: & in duas partes distinximus. Prior Michaelis Baii
ra concludit. Altera Bullas & alia quæ causam ejus spectant, com-
titur. Ea inter, plurima sunt quæ hætenus inedita manserant ac igno-
Alia erant nonnullis in locis corrupta, quæ ad Codicum Mss. fidem
ndavimus. Porro nihil ex nobis, sed vel ex authenticis instrumentis,
ex Codicibus, eo tempore quo res relatæ contigerunt, manu exaratis,
ulimus.

Præter hæc, quæ in hac editione prodeunt, habentur Michaelis Baii
nmentarii in Magistrum Sententiarum, ac ejus explicationes in psalmos.
andoquidem verò magnum volumen implerent, quod multarum
ensarum foret; ideo eorum editionem distulimus, donec ea legendi
cupido

cupido studiosos invadat, & ad ea publici juris facienda invitet ac compellat.

Interim his utere; nec falsâ te decipi patiaris eorum opinione qui sibi imaginantur, ac contra omne verum spargunt, libros Michaelis Baii à Summis Pontificibus fuisse prohibitos. Eos liberè libenterque lege, & quò plus eos legeris, eò pluris facies, & plus in germana sanctorum Patrum, & maxime Augustini, doctrina proficies.

PETRI OPMERI, BATAVI,

D E

MICHAELE BAIIO

T E S T I M O N I U M:

I N O P E R E S U O

C H R O N O L O G I C O,

A D. A. N. 1589,

MICHAEL BAIUS, Atho Hannoniæ ortus, vir ingenio facili, & Sacrarum Litterarum eruditâ notitiâ exornato; in quo neſcias an doctrina modestiæ, probitati morum facilitas comitaſque ceſſerit. Quibus virtutibus inſignitus, omnium hominum, Principum etiam virorum ſtudia, magnetis inſtar, ad ſe attraxit, ſummâque cum laude divinarum rerum myſteria per annos quadraginta in alma Lovaniënſi Univerſitate, ubi lauream in eadem Facultate conſecutus fuerat, interpretatus eſt. Dein illuſtri etiam ejuſdem Academiæ Magiſtratu, quem Cancellariatum vocant, annis quindecim perſunctus, & ad S. Synodum Tridentinam Regio juſſu miſſus, egregium ingenii, eruditionis, modeſtiæque teſtimonium præbuit. Sed & Philippum Marnixium, S. Aldegundi Dominum, alterum noſtri ævi ſolique Tanchelinum, ſi opinionones ejus in fidei rebus ſpectes, SS. Euchariſtiam ore ſacrilego proſcindentem, edito libello proſtravit. Dumque adhuc magna & poſteritate digna meditatatur, morbus ante diem irrepreſſus, qui ſeptuaginta & ſex annos habentem ſuſtulit. Ejus laudes inſigni encomio

pro-

prosecutus est Jacobus Baius, fratris filius, Doctor itidem Theologus, qui monumentum eidem, in Sacello Collegii auspiciis Adriani VI. Pont. recti, cui ille prae fuerat, poni curavit. Quique ut gradu, ita & nunc Cancellarius fastigio par suo Patruo, non exigua quoque eruditionis suae testimonia serae posteritati transmittit, æternum victurus.

EX ATHENIS BELGICIS

S E U

NOMENCLATORE INFERIORIS

GERMANIÆ SCRIPTORUM:

A U T O R E

FRANCISCO SUVERTIO

ANTUERPIÆ 1628.

MICHAEL BAIUS, Melini in territorio Atheniensi nascitur anno Incarnationis Dei 1513. quo nihil doctius, aut nihil etiam humilior seculum istud habuit: quod de illo elogium Cardinalis Totus aliquando tulit. Sacrae Theologiae in Lovanienſi Academia Doctor, et per quadraginta annos Professor Regius, eximiae virtutis ac maturi consilii fuit. Ad Oecumenicam Synodum Tridentinam (cujus & finem spectavit) una cum Cornelio Jansenio & Joanne Hesselio à Philippo Hispaniarum Rege missus, egregiam ingenii, doctrinae, ac pietatis, in celeberrimo Christiani Orbis theatro, testificationem dedit. Facultates suas moriens pauperibus legavit, Collegio Lovanii excitato sub patrocinio B. Augustini, cujus Opera cum novies perlegisset, invenit tamen semper quid ruminaretur. Joannes Bernartius Mechliniensis J. C. reliquas ejus virtutes funebri oratione est prosecutus. Jacobus Baius, fratris filius, Doctor itidem Theologus, illi monumentum in sacra æde Collegii Pontificii, cui annis multis praefuit, posuit, ex quo varias praestantissimi viri functiones licet cognoscere.

re. Siquidem virtutum ejus & omnigenæ eruditionis decora nulla ætas conticeſcet, ut quæ in nepotes ſuos ſingulari providentiâ transfudit, & eandem Academiam per illos etiam hodie ſuſtentat, dum paulò antè in Jacobo nepote, modò in Ægidio abnepote videndum ſe & imitandum exhibet. Monumentum verò quod ei obgit, eſt tale:

Hic jacet ſepultus

Egregius vir D. ac M. N. Michael de Bay
Athenſis, Eccleſiæ Collegiatæ D. Petri Decanus,
Univerſitatis Cancellarius & Conſervator, Generalis
per Belgium Inquiſitor, Reginus S. Theologiæ
Profeſſor, & Collegii Pontificii Præſes,
Deceſſit 16. Septembris anno 1589.
Decanatus anno 14. Profeſſionis 40.
Præſidentia 39. ætatis annum agens 77.
Anima quietem, Lector, precare.

TESTIMONIUM

AUBERTI MIRÆI

IN

ELOGIIS BELGICIS,

DE

MICHAELE BAIO.

QUæ res in unum eundemque hominem rarè admodum convenire solent, præstans ingenium, & summa animi modestia; eæ ambæ in Michaele Baio ita enituerunt, ut de illo orando certasse inter se videantur. Nam & in Philosophiæ studiis, quibus primos annos Porcensi in gymnasio Lovanii dedit, ita excelluit, ut superiorum ætatum Philosophis ingenio doctrinæque par haberetur. Quam eximiam laudem cumulabant singularis morum facilitas, & hilaris naturæ comitas. Quibus quidem virtutibus, cum penitiorè Sacrarum Litterarum, quas annos quadraginta Regius Professor publicè interpretatus est, cognitione conjunctis, voluntates & studia hominum ita ad se attrahebat, ut Principibus etiam viris, in his Joanni Austrio, Belgicæ Proregi, hospitio à se idemtidem in Pontificio Lovanii Collegio cui præerat, excepto, gratus semper extiterit. *Ecce virum* tantis ingenii doctrinæque præfidiis ad maxima quæque munera Reipublicæ obeunda instructum, privatæ vitæ otium ambitiosæ cupiditati anteposuisse, & tranquillam in studiis ætatem perpetuè egisse, summæ moderationis, excelsique animi præclarum specimen fuit. Quanquam illustrem ac perpetuum Academiæ Lovaniensis Magistratum (vulgò Cancellarium vocant) ultrò oblatum declinare non potuit: in quo obeundo annos quatuordecim summâ omnium gratiâ versatus, eximiam sibi laudem peperit.

Ad Tridentinum Concilium, cujus & finem spectavit, unâ cum Cornelio Janzenio, & Joanne Hesselio, à Principe nostro missus, egregiam ingenii, doctrinæ ac pietatis in celeberrimo Christiani orbis theatro testificationem dedit. Omitto quæ cum Philippo Marnixio Sanct-Aldegondio de SS. Eucharistia, pro Romana Ecclesia subtilissimè disputavit. Sacris tam sanctè virpius quotidie operabatur, ut inter sacrificandum & lacrymas effunderet frequenter, & easdem aliis excuteret. Facultates suas moriens pauperibus testa-

An. 1701.

testa-

testamento legavit, Collegio Lovanii, sub patrocinio B. Augustini, quem religiose semper coluit, excitato. Reliquas ejus virtutes funebri oratione Joannes Bernartius Mechliniensis J.C. est prosecutus. Jacobus Baius, fratris filius, Doctor itidem Theologus, illi monumentum in æde sacrâ Collegii Pontificii ab Hadriano VI. exædificati, posuit.

TESTIMONIUM

VALERII ANDREÆ

IN

BIBLIOTHECA BELGICA,

ANNO 1643.

SECUNDUM EDITA,

D E

MICHAELE BAIIO.

MICHAEL BAIUS, Melini in territorio Atheni, anno 1513² natus, cum primùm per ætatem licuit litteris & studiis melioribus se dedit; & puer admodum Lovanium veniens, in Porcensi ibidem gymnasio biennali cursu decurso, inter Philosophiæ candidatos anno 1535. tertium locum obtinuit. Hinc Collegii Pontificii alumnus, eâ modestiâ morumque gravitate inter contubernales suos per totum quinquennium vixit, ut qui Standonicæ Domui præesset dignior inventus sit nemo. Hic triennio rexit; solidoque inde sexennio Philosophiam docuit pari fructu & laude.

Anno 1545. Theologiæ laureâ insignitum, Pontificium Adriani VI. Collegium Præsidem accepit. Cæsar Sacrarum Litterarum Professore constituit: Academia Doctorali purpurâ, anno Do. 1550. quinto Cal. Julius donavit: Philippus Rex Catholicus Tridentum unâ cum Cornelio Jansenio,

& Joanne Hesselio an. 1563. misit. Hic ad illum velut ad oraculum itum est, quæ erat ingenii celeritate, judicii profunditate, doctrinæ excellentiâ. Lovanium absoluto Concilio reversus, anno 1575. Joanne Molinæo vitæ functo in D. Petri (*ecclesia*) Decanus, & triennio post Privilegiorum Academicorum Conservator eligitur. Qua in dignitate constituto, de morum modestiâ puero ingentiâ; de victûs temperantia, quæ in eo semper viguit; de pietate, quæ pia meditati, & sacris quotidie operanti lacrymas frequenter excussit, nihil decessit. Sibi semper similis, vultu gravitatem, sed urbanitati mixtam præferebat: in colloquiis lepidus & facetus, in facetiis gravis & eruditus: omnibus affabilis, benignè audiebat omnes, comiter respondebat omnibus. In sacrarum Litterarum Professione Patrumque lectione assiduus erat; è quibus cùm clarissimum illud Ecclesiæ Sydus, D. Augustinum, nonies totum attentè legisset, invenit tamen semper quod ruminaretur. *Scriptis:*

De meritis operum, libros 2.

De prima hominis justitia, & virtutibus impiorum, libros 2.

De Sacramentis in genere contra Calvinum.

De forma Baptismi. Lovanii simul edita 1565. 8. apud Joannem Bogardum.

De libero hominis arbitrio, lib. 1.

De Charitate, Justitia & Justificatione, libros 3.

De Sacrificio, lib. 1.

De Peccato Originis, l. 1.

De Indulgentiis, lib. 1.

De Oratione pro Defunctis, lib. 1. Omnia ibid. 1566. Atque hæc Lovanii excusa, recudi Autor postea noluit, postquam intellexit in iis quædam Pio V. Pont. Max. displicuisse.

Responsionem ad Quæstiones Philippi Marnixii, De Ecclesia Christi & Sacramento Altaris. Ibid. typis Petri Zangrii. 1579. 8.

Apologiam pro Responsione, contra objectiones ejusdem de veritate corporis Christi in Eucharistia. Ibid. 1581. 8. & cum aliis pro eadem Responsione Apologiis, Coloniz 1583. 8. Lovanii 1590. 4.

Epistolam ad Ambrosium Loosium, Abbatem Parcensem, De Statuum inferioris Germaniæ unione cum iis, qui se desertores Romanæ Ecclesiæ vocant: & De Juramento, quod eorum jussu à Clero & Monachis exigitur. Lovanii 1578. & Coloniz, 1579. 8.

Epistolam ad Doctorem P. Castillo, De juramento, jussu Ducis Alençonii, Antuerpiæ in Prætorio concepto & comprobato (die 12. Apr. 1582.)

Oblit anno Dom. 1589. 16. Cal. Octobris, annos natus 77. Defunctum pro funere laudarunt Joan. Bernartius J. C. & Jacobus Baius, Doctor Theologus, patrum nepos: qui eidem patruo suo in sacello Collegii, ubi sepulturam elegerat, monumentum sepulchrale posuit.

SYNOPSIS CHRONOLOGICA

V I T Æ

MICHAELIS DE BAY.

A Nno 1513. Michael de Bay, sive Baius, natus est Melini, quod est oppidum Belgii in Atheniensi ditione.
 1533. Lovanii ad Philosophiæ studium in Collegio Porcensi admissus est.

1535. Magister Artium renunciatus est.

1541. Assumptus est in Præsidem Domus Standonicæ, in qua ipse enutritus fuerat.

1544. Ex Facultate Artium in Consilium Universitatis adscitus est: ac Philosophiam docere incepit.

1545. Ad sacræ Theologiæ licentiam, ut vocant, est promotus.

1550. Sacræ Theologiæ purpurâ fuit insignitus, ac inter Theologiæ Magistros annumeratus: & delectus in Collegii Pontificii Præsidem.

1551. Sacrarum Litterarum interpres in eadem Academia Lovaniensi à Carolo V. institutus est: quod munus per quadraginta annos non integros, sed inchoatos, exercuit.

1552. In Michaelis Baii sententias, qui cum Scriptura ac Sanctis Patribus, magis quàm cum recentioris scholæ Magistris, loquendum ac sentiendum ducebat, palam invehi cœpit Ruardus Tapperus, in eadem Academia Doctor Theologus, quem ipse Baius in Theologia audierat, sed cujus opiniones à Pelagianismo minùs abhorrentes non sectabatur.

1560. Octodecim articuli, quos nonnulli Michaeli Baio tribuebant, & de quibus multa maximè inter Fratres Minores Belgii erat contentio, à Guardiano Conventûs Nivellensis simul & à Guardiano Conventûs Athenensis deferuntur Sorbonæ, quæ in eas Censuram tulit. Ipsam Baius, mox ut accepit, suis annotationibus expunxit: ac sic expunctam ad P. Antonium Sablonium, FF. Minorum in Flandria Provincialem, misit.

1561. Plures articuli confinguntur, & Michaeli Baio adfinguntur. Exhibentur Cardinali Granvellano, omnia tum temporis in Belgio regenti: & ipse eos tradidit Michaeli Baio, qui statim ad singulos respondit: & suâ responsione os æmulorum occlusit.

Eodem anno Cardinalis Commendonus, qui per Belgium transiens mul-
 ta de Michaeli Baio intellexerat, de eo & de Joanne Hesselio, altero
 Acade-

hanc Cen-
 suram
 cum M.
 Baii anno-
 tationibus
 hæcenus
 ineditis
 habes in
 2. parte
 hujus
 opusculi.

Academiz Lovaniensis Doctore Theologo, scripsit ad Cardinalem à Mantua, ei expendendum proponens, an expediret ut duo isti Theologi ad Synodum Tridentinam mitterentur. Quandoquidem verò negotium hujusmodi Theologorum non discusserat; prudenter adjecit se nolle infaustum præfagium de istis præcinere.

1563. Michael Baius priora sua opuscula *de libero arbitrio, de Justificatione, & de Sacrificio*, publici juris fecit Lovanii cum Approbatione Doctorum ac Regis Privilegio. Tum à Rege Catholico delegatus ivit Tridentum, ac Synodo interfuit.

1564. Absoluta Synodo Tridentina Michael Baius Lovanium reversus, Libros *De meritis operum; De prima hominis justitia; & De virtutibus impiorum*: nec non *De Sacramentis in genere*, ac *De forma baptismi*, typis dedit.

Eodem anno Judocus Ravestyn à Tiletio, sive Tiletanus vulgò nuncupatus, multa contra Michaellem Baium clanculum suscepit; ac Hispaniarum Academiæ ipsamque Regem in eum commovere per litteras fategit.

1567. Michael Baius ivit cum Cornelio Jansenio, ac præfato Judoco Tiletano ad Conventum Cameracensem.

Eodem anno Pius V. Michaele Baio nihil sciente, Bullam condidit, quâ septuaginta sex propositiones, quæ ex Michaelis Baii libris dicebantur collectæ, velut hæreticas, erroneas, suspectas, temerarias, scandalosas & offensivas, respectivè damnavit, simul declarans nonnullas earum in proprio verborum sensu ab assertoribus intento posse defendi.

Hæc Bulla nusquam Romæ affixa est aut promulgata: sed duntaxat Lovanii hoc anno prælecta à Maximiliano Morillon, Vicario Generali Cardinalis Granvellani, Archiepiscopi Mechliniensis, cui istius Bullæ executio à Romano Pontifice fuerat demandata. Nullum exemplar Bullæ, sed duntaxat Articulorum, dare voluit Morillon, quantumvis requisitus.

1568. Michael Baius cum memorato Judoco Ravestyn, & Cunero Petri, juniore Academiz Lovaniensis Doctore Theologo, collationem de Sacrificio per litteras habuit.

hujus opuscula, hanc inedita, habetur in 2. parte.

Eodem anno FF. Minores in suis Comitibus Nivellensibus præfatos septuaginta sex articulos ejuraverunt.

1569. Michael Baius Pio V. scripsit litteras, quibus conqueritur quòd nullum Bullæ, quâ proscripti septuaginta sex articuli passim circumferebantur, exemplar obtineri posset neque Romæ neque Lovanii: simulque suam Apologiam misit, in qua luce clariùs demonstrat quàm falsò isti articuli ipsi ascribantur: & quo sensu plerique ipsorum verissimi sint, & ad mentem Augustini.

Papa rescripsit, juxta recentiorum Romanæ Curiz stylum, causam maturè fuisse discussam; ac Baium hortatur ut se Censuræ subjiciat.

Eodem anno quidam P. Julianus à Quercu, Minister Minoritarum Provinciae Flandriæ, Decretum dedit, quo sibi subditis mandat ut memoratos articulos abjurent, ac omnia Michaelis Baii scripta à se dimittant; & ipsismet Sororibus, ut omni super hæc querelâ abstineant: libri tamen aut scripta Michaelis Baii nullibi damnata vel prohibita reperiuntur.

Hoc Decretum prius editum habetur in 2. p.

1570. Cunerus Petri in Sabbathinis exercitationibus, & F. Godefridus Leodius, Minorita, in Concionibus quas Lovanii habebat, Michaellem Baium coeperunt exagitare.

Hanc Mich. Baii explicationem, hactenus ineditam, Vide in 2. parte. Ipse, qui hactenus silentio se continuerat, consilio ac suasu trium Episcoporum, videlicet, Sylvæ-Ducensis, Iprensis ac Gandavensis, mentem suam circa hujusmodi Articulos in scholis publicis aperuit, ostendens quâ arte conficti fuerint.

Litteras Rythovii &c. primum editas Vide in 2. parte. Dux Albanus, Belgii Præfectus, ab æmulis Baii circumventus, instat apud Episcopos, qui Synodo Mechliniensis hoc anno habitæ intererant, ut Pii V. Bulla Lovanii ritu solemniori promulgaretur: quod & præstitum die decimâ sextâ Novembris hujus anni. Rector istius Academiæ Formulam professionis fidei circa hæc præscripsit: verum à Decano & ab aliis Theologiæ Magistris rejecta est. Hinc majores motus: & graviore in ipsum Morillonium querelæ.

Istius Commentarii valde prolixi ideam habet in 2. parte. 1571. Cunerus Petri, qui ex Doctore Theologo Lovanienfis primus Leuwardiæ Episcopus factus fuerat, Commentarium scripsit in recensitas septuaginta sex sententias, quas dicit damnatas, QUAMQUAM EARUM NONNULLE ALIQUO PACTO IN RIGORE ET PROPRIO VERBORUM SENSU AB ASSERTORIBUS INTENTO SUSTINERI POSSENT: Quæ una præcipui ex Baii æmulis declaratio omnem de famoso commate quæstionem dirimit.

1575. Tot calumniis nihil obstantibus, Michael Baius renunciatus est Cancellarius Academiæ Lovanienfis, & Ecclesiæ Collegiatæ Sancti Petri Lovanii Decanus.

Eodem anno ipse duas singulares Orationes habuit: alteram de Jurisdictione Episcoporum: alteram de infallibilitate Romani Pontificis. Utraque habetur in 1. parte.

1577. Cœpit Disputatio per Litteras inter Michaellem Baium & Philippum Marnixium Sanct-Aldegondium, Calvinianum, circa quæstiones de Ecclesia, & de Eucharistia.

1578. Michael Baius in Conservatorem Privilegiorum Academiæ Lovanienfis assumptus est.

Cum sub anni 1577. finem Belgæ Confœderati tam Catholici quàm A Catholicis arctioris unionis fœdus adversus Joannem Austriacum, Belgii Præfectum inivissent; hoc anno 1578. Ordines Belgii edixerunt ut singuli etiam Monachi & de Clero jurare compellerentur fidem ac obedientiam Mathiæ Archiduci, & defectionem à Joanne. Michael Baius id intelligens scripsit Ambrosio Lootio, Abbati Parcensi, prope Lovanium, litteras, quibus eum Christianâ libertate corripiebat quod isti unioni ac sacramento consensisset; ostendebatque quantum fidei Deo ac Regi debita adversaretur hæc unio & istius jurisjurandi exactio.

1579. Gregorius XIII. Constitutionem edidit, in qua declarat se in sui Prædecessoris Pii V. Registro invenisse Bullam, qua 76. articulos damnaverat; ac vult illius exemplo, quod suæ Constitutioni inserit, integram fidem haberi. At ne verbum quidem habet, quo Bullam istam confirmet aut Articulos in ea expressos iterum damnet. Unde stupeas id vulgò ab ipsismet Lovanienfis assertum.

Ista-

Ista autem Gregorii XIII. Bulla nec Romæ quidem affixa est: sed solummodò in scholis Lovaniensibus promulgata à P. Francisco Tolet. Jesuita; quem Papa ad id Lovanium delegavit. Sed nec ullum ipsi Lovaniensibus Theologis concessum est istius Bullæ exemplum.

Denique P. Toletus, criminationibus, quæ in Michaelem Baium factæ fuerant, diligentius excussis, & earum veritate penitus disquisita, auditore Michaeli Baio, comperit mera esse mendacia, putasque calumnias, quæ de eo Pontifici ac Regi Catholico scripta & dicta fuerant, summamque tanti viri modestiam, profundamque eruditionem miratus dixit se Michaeli Baio humiliorem aut doctiorem neminem vidisse. Imo pollicitus est securaturum ut Pontifex meliora & æquiora de illo non modò sentiat, sed etiam inspiret Regi Catholico. Ipse Baius litteras per eundem P. Toletum Gregorio XIII. scripsit, qui ei statim rescripsit cum multis Paternæ dilectionis testimoniis, ac unum suæ Bullæ exemplum misit, quod hætenus obtineri non potuerat.

*Gregorius
XIII. epi-
stola pri-
mam edita
est in 2.
parte.*

1582. Michael Baius, suo Regi ad mortem usque fidelissimus, argumenta dissolvit, quibus Antuerpienses suadere satagebant Belgis esse licitum rejurando se obstringere ad obediendum Duci Alençonio, abdicatâ, quæ Regi Hispaniarum debebatur, obedientiâ. Eam in rem litteras scripsit Doctori Petro Castillo, qui istius Juramenti formulam cum argumentis Antuerpiensium ad ipsum transmisserat.

1585. Joannes Franciscus Bonomus, Episcopus Vercellensis, à Gregorio XIII. ob alia negotia in Belgium delegatus, Lovanium venit. Ibi apud ipsum eadem institutæ sunt adversus Michaelem Baium criminationes, quas Cornelius Reyneri, Decanus Sacræ Facultatis, anno 1580. in Facultate frustra proposuerat. Et ad contentiones omnes componendas, animorumque concordiam in Academia Lovaniensi stabiliendam, iste Legatus iussit ut Theologica Facultas suam circa memoratos 76. Articulos mentem clarè exponeret, quo omnes istius Academicæ Theologi idem sentirent ac loquerentur. Hæc Expositio à Joanne Lensæo, Doctore Theologo concepta, postquam cæteris Magistris prælecta ac probata est, fuit Pontificis legato tradita.

*Hæc expo-
sitis in 2.
parte extr-
sa habetur.*

1589. Michael Baius annos natus 77. per tot labores ad beatam quietem pervenit, vitâ functus die decimâ sextâ septembris.

INDEX OPERUM

PRIMÆ PARTIS.

primam
edita.primam
edita.
primam
edita.primam
edita.

- De peccato originis, liber unus. pag. 1.
 De meritis operum, libri duo. pag. 25.
 De prima hominis iustitia, & virtutibus Impiorum, libri duo. p. 45.
 De libero hominis arbitrio, liber unus. pag. 74.
 De charitate, iustitia & justificatione, libri tres. pag. 89.
 De Sacrificio, liber unus. pag. 153.
 Collatio Michaelis Baii cum Judoco Raveftyn; & Cunero Petri, de
 Sacrificio Miſſæ. pag. 168.
 De Indulgentiis Tractatus. pag. 196.
 De oratione pro Defunctis Tractatus. pag. 205.
 De Sacramentis in genere contra Calvinum Tractatus. pag. 212.
 De forma Baptismi Tractatus. p. 221.
 Michaelis Baii Responsa ad Conventus Cameracensis deliberationes.
 pag. 229.
 Michaelis Baii Epistola Archiepiscopo Cameracensi. p. 231.
 Quæſtiones Michaeli Baio propolitæ à Philippo Marnixio. p. 235.
 Michaelis Baii ad Quæſtiones de Ecclesia Responsio. pag. 238.
 Philippi Marnixii Epistola Michaeli Baio, de ejus responsione. p. 242.
 Michaelis Baii ad Quæſtiones de Sacramento Altaris Responsio. p. 245.
 Philippi Marnixii Objectiones adversus Michaelis Baii Responsionem de
 Sacramento Altaris. pag. 255.
 Michaelis Baii Responsio ad Objectiones Marnixii. p. 272.
 Philippi Marnixii Epistola Michaeli Baio in ejus responsionem ad Ob-
 jectiones. p. 286.
 Francisci Horantii Epistola Michaeli Baio, de Ecclesia. p. 314.
 M. Baii Epistola Apologetica adversus F. Horantii reprehensiones.
 pag. 339.
 M. Baii Apologia pro sua ad Marnixii objectiones Responsione. p. 350.
 Philippi Marnixii Responsio ad M. Baii Apologiam. p. 379.
 Apologiæ M. Baii adversus Marnixii Responsionem Defensio. p. 414.
 Verba juramenti quod Fœderati Antuerpiæ constituerant. p. 445.
 Argumenta, quibus Antuerpienses quidam juramentum Duci Alençonio
 præſtari poſſe ſuadebant. p. 446.
 M. Baii Epistola Petro Caſtillo, de Juramento Fœderatorum. p. 447.
 M. Baii Epistola Ambrosio Lootſio, Abbati Parcenſi, de unione cum
 eis qui ſe Romanæ Eccleſiæ deſectores vocant; & de Juramento.
 pag. 451.
 M. Baii Tractatus de Ecclesia. p. 459.

M. Baii

- M. Baii Oratio, an Episcopi omnes immediate sint à Deo. p. 471. primùm edita.
 M. Baii Tractatus Apologeticus de Pontificis Romani infallibilitate. primùm editus.
 pag. 481. primùm edita.
 M. Baii Responsio Laurentio Westerhove de eodem argumento. p. 488.
 Michaelis Baii Epistola Academiæ Lovaniens. pag. 491.

I N D E X O P E R U M

S E C U N D Æ P A R T I S.

- Censura Facultatis Theologicæ Parisiensis, in octodecim sententias Michaeli Baio perperam adscriptas. pag. 3.
 M. Baii Annotationes in Sorbonæ Censuram. p. 8. primùm edita.
 Philippi II. Epistola Cardinali Granvellano. p. 32. primùm edita.
 Cardinalis Granvellani Philippo II. Regi Hispaniarum Epistola. p. 33. primùm edita.
 Censuræ Academiæ Hispaniæ in novem Articulos Michaeli Baio perperam adscriptos. p. 37. primùm edita.
 Pii V. Bulla in 76. sententias. p. 49. primùm edita.
 Cardinalis Granvellani Epistolæ Maximiliano Morillon. p. 59. primùm edita.
 Maximiliani Morillon Epistola Cardinali Granvellano. p. 64. primùm edita.
 Cornelii Jansenii Attestatio de Bullæ Pii V. intimatione. p. 66. primùm edita.
 Maximiliani Morillon Epistolæ duæ Cardinali Granvellano. p. 69. primùm edita.
 In præmissas Epistolas Animadversiones Collectoris. p. 76. primùm edita.
 M. Baii Apologia Pio V. Sum. Pontifici. p. 79. primùm edita.
 Maximiliani Morillon Epistola Cardinali Granvellano. p. 128. primùm edita.
 Extractum alterius Epistolæ Morillonii. p. 130. primùm editum.
 Brevis altera M. Baii Apologia. p. 131. primùm editum.
 Breve Pii V. Michaeli Baio. p. 140. primùm edita.
 Explicatio Articulorum à Michaeli Baio facta. p. 141. primùm edita.
 Decretum P. Juliani de Quercu. p. 147. primùm editum.
 Martini Rythovii Iprensis Episcopi, & Cornelii Jansenii Episcopi Gandensis Epistola Sacræ Facultati Lovaniens. p. 149. primùm editum.
 Bulla Gregorii XIII. pag. 151. primùm edita.
 Confessio Michaelis Baii. pag. 152. primùm editum.
 Breve Gregorii XIII. Michaeli Baio. p. 153. primùm edita.
 Epistola D. in S. T. Licentiatu Francisco Sonnio Episcopo Sylvæ-Ducens. p. 154. primùm edita.
 Narratio brevis verborum quæ intercesserunt inter Michaeli Baio, & Goudanum. pag. 157. primùm edita.
 Ex Actis Universitatis Lovaniens. p. 160. primùm editum.

Explicatio 76. Articulorum, à Facultate Theologica Lovanienſi.
p. 161.

Interrogatoria contra Baium propoſita. p. 182.

Extracta ex Actis Facultatis Theologicæ Lovanienſis. p. 185.

Narratio * Chronologica Cauſæ Michaelis Baii. p. 191.

Vindiciæ Eccleſiæ Romanæ, à Collectore. p. 210.

Sententiæ 76. Pio V. exhibitæ & ab eo damnatæ: quænam Baii ſint &
quæ non ſint illius. p. 224.

Apparicio Michaelis Baii. pag. 244.

hæcenus
inedita.
nondum
edita.
• à Colle-
ctore.



P R Æ F A T I O

I N

L I B R U M

D E

P E C C A T O O R I G I N I S.

MIRABERIS forsitan, studiose Lector, quid mihi in mentem venerit: ut post tot tractatus, disputationes & controversias de peccato originis, non ab Augustino tantum: sed etiam à recentioribus scriptoribus editas, rursus idem argumentum aggrediar, maximè pullulantibus quotidie tot novis hæreticorum erroribus, contra quos potius videri queat acuendus scribentium stilus. Dicam paucis quid me impulerit. In duorum hominum causa, inquit Augustinus, quorum per unum venundati sumus sub peccato, per alterum redimimur à peccatis, propriè fides christiana consistit. Quamobrem non minus operæ ponendum esse putavi, ut quisque fidelis suæ originis corruptionem, in qua omnes mortui delictis, & filii iræ nati sumus; & à qua nos Christus, Ephes. 1. non ex operibus justitiæ quæ fecimus nos, sed secundum Timo 1. suam misericordiam salvos fecit, probè intelligeret: & secundum Apostoli præscriptum cum gratiarum actione sæpius ad memoriam revocaret: quàm in refellendis eorum erroribus, qui jam olim sepultas hæreses, & à nostris majoribus clarissimè confutatas & damnatas, quotidie resuscitant,

P R Æ F A T I O.

2 Tim. 4.
psal. 50.
Distributio operis.
 tant, à quibus nemo facile decipitur, nisi qui antiquæ fidei
 pertæsus, & auribus pruriens, juxta sua desideria, mendaciorum magistros quærit, à quibus novos errores hauriat.
 Hac igitur ratione adductus, præsupposito dogmate, quo omnes indubitanter credimus, nos in iniquitatibus concipi,
 & filios iræ nasci, quanta potui brevitate conatus sum juxta
 Scripturas sacras, & veterum monumenta sanctorum explicare : quid sit quod peccatum originis dicimus, quare sit peccatum, & quo ordine deleatur : ne quis fortè obscuris & involutis quorundam disputationibus illusus, suspicetur illud non esse rem in scripturis sacris explicatam, & fidelibus notissimam, contra quam, quamdiu in hac vita sumus, quotidie dimicamus, & gloriosa exercemus certamina ; sed imaginariam, abditam, & veluti à somniante confictam ; quæ cogitari possit, & credi, sed nulla ratione sentiri aut intelligi : de qua sic differuerint veteres Ecclesiæ doctores, ut illam magis quesivisse, quàm invenisse videantur. Quia ejusmodi imaginationes de peccato originis, non ex eo natæ videntur, quòd veteres Ecclesiæ doctores obscure significaverint, quid ex scripturis sacris intellexerint esse peccatum originis ; sed quòd nonnulli posteriores, Philosophicis erroribus impediti, obscurum, aut etiam falsum esse putaverint, quod ab illis contra hæreses & hoc eruditissimè dissertum est.



D E
P E C C A T O
O R I G I N I S
E T
E J U S R E M I S S I O N E,
L I B E R U N U S.

C A P U T I.

*Quòd circa peccatum originis apud Pelagianos
duplex error extiterit.*



IRCA peccatum originis apud Pelagianos duplex error extitit. Alter eorum qui Adæ peccatum ipsi soli nocuisse asserabant, ejusque posteros, qui ex illo nati sunt, neque peccatum neque mortem generatione traxissè, sed prorsus tales, natos esse, qualis ipse à Deo creatus est moriturus videlicet non poena culpæ, quam postea commisit, sed necessitate naturæ quam morti obnoxiam in sua creatione acceperit. Contra quem errorem propriè dirigitur, quod in Concilio Milevitano definitum est. Ut quicumque Cap. 1.
dicit Adam primum hominem, mortalem factum, ita ut siue peccaret, siue non peccaret, moreretur in corpore, hoc est, de corpore exiret, non peccati merito, sed necessitate naturæ, Anathema sit. Item : placuit ut quicumque parvulos recentes ab uteris matrum baptizandos negat, aut dicit in remissionem quidem peccatorum eos baptizari, sed nibilex Adam trahere originalis peccati, quod regenerationis lavacro expiatur, Cap. 2.

pietur, unde fit consequens, ut in eis forma baptismatis in remissionem peccatorum, non vera, sed falsa intelligatur, Anathema sit. Cæterum, quia hic error à divo Augustino aliisque catholicis scriptoribus nimia evidentiâ revincatur, ideo alii nonnihil à Pelagio recedentes, alium errorem excogitaverunt, dicentes mortem duntaxat corporis, quæ pœna peccati est, non autem & peccatum, quod mors est animæ, per unum hominem in omne genus hominum transiisse; quem propriè damnavit Concilium Arafricanum secundum, ubi

Cap. 2. ait: Si quis soli Adæ prævaricationem suam, non & ejus propagini asserit nocuisse, aut certè mortem tantum corporis, quæ pœna peccati est: non autem & peccatum, quod mors est animæ, per unum hominem in omne genus humanum transiisse testatur,

Rom. 5. injustitiam Deo dabit, contradicens Apostolo dicenti: Per unum hominem peccatum intravit in mundum, & per peccatum mors in omnes homines pertransiivit, in quo omnes peccaverunt. De quo Augustinus: Sed Pelagiani quomodo

Contra 2. epistolæ Pel. lib. 4. cap. 4. dicunt solam mortem ad nos transiisse per Adam? Si enim propterea morimur, quia ille mortuus est, ille autem mortuus est, quia peccavit, pœnam dicunt transire sine culpa, & innocentes parvulos injusto judicio puniri, trabendo mortem sine meritis mortis; quod de uno solo mediatore Dei & hominum homine Christo Jesu, catholica fides novit, qui pro nobis mortem, hoc est, peccati pœnam, sine peccato subire dignatus est.

Contra Cas. c. 10. Et infra: Hanc singularem mediatoris prærogativam, Pelagiani evacuare conantur, ut hoc jam non sit in Domino singulare, si Adami ita propter culpam, mortem passus est debitam, ut parvuli ex illo nullam trabentes culpam, mortem patientur indebitam. Prosper quoque: Quia peccato la sum est, si id la sum non est, unde peccatum est?

Nisi forte dicitur in Adæ posteros pœnam transiisse non culpam, quod omni modo falsò dicitur. Et ob hoc fortè non dicitur, nimis enim impium est hoc de Dei sentire justitia, quod à prævaricatione liberos, cum reis voluerit esse damnatos. Patet ergo culpa, ubi non latet pœna, & societas peccati convincitur de communione supplicii. Fulgentius quoque: Si qui ergo mortem solam & non etiam peccatum ex homine primo transiisse in genus humanum nituntur asserere, mirum si non intelligunt quibus sententiæ suæ laqueis obligentur. Primò quia Deum dicunt injustum, in eo quod mori facit parvulos, quos nulla volunt istius originalis peccati contagione pollutos, quosque manifestè constat infantili ætate, aliquid actualis peccati, propriâ non posse voluntate contrahere. Et infra: Quâ justitiâ parvulus subicitur peccati stipendio, si nulla est in eo peccati pollutio? vel quomodo videmus morte punctum, si non sensis aculeum? Et cum non sit iniquitas apud Deum, qui fecit hominem ad imaginem suam; quæ justitia est, ut imago Dei quæ nihil potuit per seipsam delinquere, si non redimatur sanguine filii Dei, in regnum Dei non permittatur intrare? Hæc ne est Creatoris benignitas, ut imaginem suam creet, eamque sine ulla iniquitate condemnet, cum non sit iniquus Deus qui infert iram?

Rom. 9. Cum itaque duo isti errores ante annos mille manifestissimè confutati sunt & damnati: certâ fide credendum est, & humiliter confitendum, omnem hominem qui de viri mulierisque concubitu nascitur, in iniquitatibus concipi, & iræ filium nasci: Quia per unum hominem peccatum in hunc mundum intravit, & per peccatum mors, & ita (merito videlicet peccati, quod omnes ex uno contraxerunt) mors in omnes pertransiit. Qualem enim se primus homo peccando fecit, tales & genuit, ut quod in illo factum erat propriâ actione, in cæteros transfret generatione. Quod enim natum est ex carne,

Rom. 3. ne,

Rom. 5. ne,

Item 3. ne,

ne, caro est: Et quod ex immundo semine concipitur, necessum est ut immundum & in iniquitate concipiatur.

C A P U T I I.

Quid sit peccatum originis.

S E D quid illud sit quod Adam propriâ peccati actione contraxit, & in cæteros generatione propagavit, quod nos maliciam naturalem quia nobiscum natam, & peccatum originis quia ex parentibus contractum nuncupamus, à multis studiosè quæritur, & non ab omnibus invenitur, quia de illo diversa sentiuntur. Alii enim asseruerunt peccatum hoc, esse nudam justitiæ originis, in qua naturaliter à Deo conditi sumus, privationem. Alii verò diffiniunt esse vitium quo caro concupiscit adversus spiritum, existimantes peccatum hoc nudam privationem non esse, sed actum quandam habitualement vitiosum, originali justitiæ contrarium, à quo naturaliter mali, & ad malum semper intenti sumus. Nam licet omne peccatum, imo omne malum à privatione dicatur: quia nihil est aliud quod dicitur malum, quàm naturalium privatio bonorum: Attamen peccatorum alia in actu vitioso consistunt, quæ nos commissionis peccata vocamus, ut fornicatio sive in actione sive in habitu: Alia vero in nuda privatione, absque omni actu, quæ dicuntur peccata omissionis, ut non subvenire indigenti, non honorare parentes. Quæritur igitur primum, utri horum generum connumerari debeat originale peccatum. Si enim nuda originalis justitiæ privatio est: igitur connumerandum est peccatis omissionis, quæ actum nullum habent. Si verò actum aliquem habeat originali justitiæ contrarium, tunc connumerandum est peccatis commissionis, quæ in actu vitioso consistunt, ut fornicatio in concubitu cum ea muliere, cum qua concumbi non debuit. Scripturæ sacræ, quæ peccatum originis commemorant, fere actum aliquem insinuant, quia tribuunt illi operationem, quæ nudæ privationi non competit, ut: *Quare me posuisti contrarium tibi, & factus sum mihi inimicus?* Et: *Manifesta sunt opera carnis, quæ sunt fornicatio.* Et: *Peccatum operatum est in me omnem concupiscentiam.* Et: *Caro concupiscit adversus spiritum.* Et: *Qui secundum carnem sunt, quæ carnis sunt sapient.* Quibus planè consonat, quod toties repetit Augustinus, peccatum originis quando remittitur, manere actu, & præterite reatu: quia actu manere non posset, si actum non haberet. Igitur peccatum originis non in nuda aliqua privatione, sed in actu vitioso, & inordinato consistit, cum quo omnes nascimur. Qui etsi in infante non appareat quamdiu neque in bono, neque in malo, cogitatione versatur, quia utrumque in illo consopitum vacat, & bonum naturale rationis, & malum originale peccati: attamen temporis progressu se prodit, quando puer crescendo vana cupit, vana sapit, & contra semetipsum pugnare incipit. Sine lege enim peccatum mortuum est in infante, & quasi non sit, latet occultum, sed cum venit lex, id est, cum accedente mentis iudicio, lex illi innotescit: tunc peccatum vivendo, atque mala operando se prodit; & quale fuerit, etiam tunc cum veluti profunda ebrietate, in

Aug. En-
chir. c. 11.

Job. 7.
Galat. 5.

Rom. 7.
Galat. 5.
Rom. 8.
Demp.

1^o. 1. c. 27.
Contra Jov-
lia. lib. 6.
cap. 8.

Rom. 7.

Rom. 7. infante sopitum jacebat, ostendit. Nam peccatum ut appareat peccatum, inquit Apostolus, per bonum operatum est mihi mortem, ut fiat supra modum peccans peccatum, per mandatum. Hoc igitur est quod nos peccatum originis dicimus, propter quod baptizantur infantes, vitium in quo nascimur, quo crescendo vana cupimus, vana sapimus, & nisi misericordia Domini spiritus mentis, salutem aliquo usque renovati, ab ejus dominatu liberemur, etiam innumera mala committimus.

CAPUT III.

Quòd originalis vitii quatuor sint partes.

HUjus vitii plures sunt partes. Ignorantia in mente, malicia in voluntate, inobedientia inferiorum partium animæ erga superiores, & rebellio membri genitalis contra imperium voluntatis, quod alio nomine lex peccati & lex membrorum nuncupatur. Ignorantiam intelligo, non quâ fit, ut aliquid simpliciter nesciatur: sed vitium quo cum ad annos discretionis pervenimus, impedimur, ne de Deo, & legitimo ejus cultu veritatem recipiamus, id est, quo fit, ut terrena sapiamus, & non percipiamus ea quæ sunt spiritus Dei, nisi ipse mentes nostras illuminet. Quâ enim lege jubemur Deum colere, & mandatis ejus obedire, eadem jubemur veram ejus notitiam, & mandatorum ejus, non repellere. Porro voluntatis maliciam ex eo maximè cognoscimus, quòd Deum & justitiam ejus, etiam cognitam non amemus, nisi charitas Dei diffundatur in cordibus nostris per Spiritum Sanctum qui datus est nobis; ut amor mundi cum quo nascimur, in Dei amorem commutetur. Inferiorum verò partium animæ, erga superiores inobedientia, & rebellio membri genitalis, contra imperium voluntatis, tantæ evidentie vitium est, ut etiam ab impiis idolorum cultoribus improbetur: licet enim natura non postulet, ut sine genitalium motu filii seminentur; attamen quemadmodum oculi, labia, lingua, manus, pedes, ad opera sibi congrua, non proprio jure, sed imperante voluntate rapiuntur: sic & genitalia in opere sibi congruo, ad nutum voluntatis movereantur, nisi ex prima transgressione, inobedientie vitium contraxissent, quo sic suâ lege, ad opus proprium concitantur: ut neque cum mens voluerit, exurgant; neque cum mens voluerit conquiescant: sed semper suo jure ferantur, etiam si tunc moveantur aut quiescant, quando id poscit volentis intentio.

CAPUT IV.

Quòd ob vitia, alieno opere contracta, nascantur omnes iræ filii.

OB hæc igitur vitia, cum quibus post lapsum concipitur, quisquis ex viri mulierisque congressu concipitur, nascuntur omnes iræ filii, & æternæ damnationi obnoxii, etiam si hæc vitia in se non fecerint, sed ea tantum ex sua

suâ generatione contraxerint. Quia sicut Adam suæ creationis initio Deo acceptus erat, quia rectus erat & iustus, etiamsi se rectum non fecerat: (sicut adhuc hodie Deo accepti sunt infantes recenter baptizati, qui tamen nullâ suâ operatione sunt iusti) sic etiam Deo displicet infans recenter genitus: quia est Deo, & legibus ejus ex innato vitio contrarius, etiamsi non propria operatione, sed parentum duntaxat generatione talis sit. Quia sicut equum, aut ferum quærentes, non tam intuemur quis eum genuerit, aut fecerit; quàm intuemur qualis sit: sic & Deus hominem judicans, non tantùm intuebitur quis eum bonum aut malum fecerit: sed etiam an bonus an malus sit, sive proprio, sive etiam alieno opere talis sit. Aded ut inter sententias ad fidem Catholicam pertinentes, constanter dicat Augustinus. *Scimus etiam parvulos secundum ea quæ per corpus gesserunt, recepturos bonum vel malum. Gesserunt autem non per seipsos, sed per alios eo tempore quo in corpore fuerunt.*

Epist. 157.
Sentent. 3.
ad Vitalium.
2. Cor. 5.

C A P U T V.

Quare concupiscentia & lex membrorum potius in homine quàm in brutis sit culpa.

SED hic multiplex difficultas exoritur. Prima est: Quomodo concupiscentiæ habitus, quo appetitus inferior citra voluntatis imperium, ad concupiscendum movetur, & lex membri genitralis, quæ veluti suo jure, ad opus sibi congruum concitatur, ad peccatum originis pertinere dicantur: cùm hæc eadem etiam in brutis naturaliter reperiantur, in quibus non sunt vitia, sed natura.

Prima
difficultas.

Responsio.

Quemadmodum coitus masculi cum qualibet sui generis fœmina, in brutis est natura; in hominibus verò est culpa, & fornicatio, aut adulterium dicitur: Sic etiam quoddam appetitus sensitivus, citra cujusquam superioris potentiae gubernaculum aut imperium, suo jure in quodvis objectum sibi delectabile concupiscendo feratur, inhiando ex sensu percipere voluptatem; & quod membrum genitale, non imperio voluntatis, sed æstro libidinis ad opus sibi congruum excitetur in bestiis, quæ sic à deo institutæ sunt ut rationem non habeant cui cætera parère debeant, est natura: in hominibus verò, qualiter à Deo conditi sunt, & à quibus juxta naturæ suæ leges exigitur, ut inferiora superioribus obsequantur, est culpa. Unde Augustinus de peccato originali contra Pelagium, explicans quomodo homo dicatur comparatus jumentis insipientibus: *Esse homo, inquit, in bonore positus, & non intelligens comparatur pecoribus, eisque similis sit, non tamen usque aded similis sit, ut pecus sit. Comparatur namque per vitium, non pecoris vitio, sed naturæ. Tantæ namque excellentiæ in comparatione pecoris est homo: ut vitium hominis, natura sit pecoris. Nec tamen ideo natura hominis, in naturam vertitur pecoris, ac per hoc Deus hominem damnat, inquit, propter vitium quo natura debonestatur, non propter naturam, quæ vitio non aufertur.* Et in Psalmum 103. concione 4. *Quod equo natura est, homini crimen*

Aug. contra
Julianum
libr. 4.
cap. 2.

De pecc.
orig. l. 40.
Psalm. 103.

men est. Idem habet contra Julian. libro 4. cap. 14. in fine. Cum itaque natura pecoris crimen & vitium sit hominis, propter quod Deus hominem damnat, satis clarè ostenditur, à concupiscentia bestiarum, quæ illis est natura, non rectè duci argumentum, ad concupiscentiam hominum, quasi videlicet etiam ipsis sit natura & non vitium, nisi simul præsupponatur (quod absurdissimum est) hominem peccando in naturam transiisse bestiarum, & jam non amplius esse hominem, sed bestiam, eandem scilicet cum brutis animalibus naturam habentem. Ex quo etiam intelligi potest, quid responderi debeat ad id quod objici solet ex lib. 3. Augustini de libe. arb. cap. 20. Ubi licet non asserat hominem ab initio talem à Deo creari potuisse, qualis nunc nascitur: Sed quòd si talis conditus fuisse dicatur (sicut postea dixerunt Pelagiani) tamen vincuntur Manichæi, qui voluerunt duas, boni scilicet & mali coæternas esse naturas, sicut apud Augustinum docetur lib. 1. retract. cap. 9. Et lib. de bono perseverantiæ cap. 11. & 12. ubi etiam expressè testatur Augustinus se lib. 3. de lib. arb. secundum utrumque sensum, Pelagianum videlicet & nostrum, id est, catholicum, restituisse Manichæis, licet unum duntaxat teneret. Attamen etiam si talis quispiam homo à Deo creari posse fingatur, quales nunc nascimur, sicut finxit Julianus (ut est apud Augustinum libro 3. contra Julianum cap. 12.) nihilominus quia quæque id natura est, quod à Deo conditus est: ideo concupiscentia, in tali homine natura esset non culpa, non pœna, imò nec vitium, quod semper naturalium est ablatio bonorum; sed naturæ donum, nulli verecundiæ, nulli reprehensioni obnoxium, in quo non propter aliquod vitium improprio aut vituperatione dignum, sed propter naturæ bonum brutis comparatur: sicut nunc ob visum & auditum illis comparari possumus, quos naturaliter cum eis communes habemus. Cæterum in nobis qui aliam à Deo naturam sortiti sumus, non potest non esse vitium, quòd caro concupiscit adversus spiritum: & quòd aliquod corporis membrum, citrà voluntatis imperium, suo jure ad opus sibi congruum concitetur, id quod nobis non solum justè improprie: sed etiam ad æternam damnationem imputatur, nisi ante hujus vitæ terminum ex aqua & Spiritu Sancto renascamur in Christo. Et ideo, sicut superius ostendimus, quòd concupiscentia, quæ brutorum natura est, vitium & crimen est hominum: sic etiam dicendum est, de illius fìcti hominis concupiscentia, cum qua naturaliter creatus esse fingitur, sicut novimus creatas esse bestias; quòd concupiscentia illi quidem homini esset natura, nobis autem & pœna est & culpa, sicut subjecta ratione ostenditur. Omnes enim uno ore fatemur ipsum concupiscere, quod in malo ponitur, & quo illicitum aliquid appetitur, sic ex sua ratione malum esse, ut si voluntas accesserit non possit non esse peccatum, sed concupiscentia habitualis, quæ peccatum originis est, & per se nihil aliud parit, quam hujusmodi motus illicitos, quos etiam nobis nolentibus producit, non potest melioris esse conditionis aut naturæ, quam sit naturalis ejus effectus: Igitur habitualis concupiscentia, sic est ex sua ratione mala, ut si po natur esse voluntaria, non possit non agnosci esse peccatum. Jam verò in infante qui recens nascitur, concupiscentia sic est voluntaria, quemadmodum voluntarium est quicquid dici potest originale peccatum, & quo voluntaria

*Dilutio
objectio. in
lib. 3. Aug.
de lib. arb.*

*In en hi-
vid. c. 11.*

Galat. 3.

Joan. 3.

caria esse dicitur, originalis justitiæ privatio (quam plerique formale vocant in peccato originis:) Igitur concupiscentia in sua ratione aliquid complectitur, ratione cujus rectè peccatum nuncupatur, & infanti recens nato ad damnationem imputatur.

C A P U T V I

Qua ratione peccatum originis sit in omnibus æquale.

Altera difficultas est, quòd peccatum originis sit in omnibus nascentibus ^{Secunda difficultas.} æquale. Sed concupiscentia, & libido carnis, non est in omnibus nascentibus æqualis, sed in aliis major in aliis minor, sicut temporis progressu in infantibus manifestissimo experimento comperitur: Igitur concupiscentia, & carnis libido non sunt partes peccati originis.

Responsio.

Simili planè ratione doceretur, quòd nec privatio justitiæ originalis dici posset esse peccatum originis: quia pro ratione indolis, qua præditi nascuntur infantes, in aliis major, in aliis minor invenitur. Neque enim dubitari potest, eos plus de rectitudine naturali perdidisse, qui feroces, iracundi, crudeles, immites, avari, rapaces, & aliis similibus vitiis nascuntur infecti: quàm qui placidi, mites, mansueti, liberales, & misericordes reperiuntur, idque non instituto, aut disciplina, sed naturâ. Quia (sicut contra ingratos restatur Prosper) universa hæc munera, quibus destituti sunt priores, ex primo naturæ habentur honore, & supersunt de magnis illis opibus, quas in creatione acceptas, per primam transgressionem perdidimus, de quibus Augustinus; non usque adeò, inquit, in anima humana imago Dei terrenorum affectuum ^{Ad difficultatem responsio.} labe detrita est, ut nulla in ea velut lineamenta extrema remanserint. Unde meritis dici possunt ipsi infideles, in ipsa impietate visæ suæ, facere aliqua legis vel sapere, quia non omni modo deletum est, quod ibi per imaginem Dei, cum crearetur, impressum est. Porro quòd de his divinæ imaginis reliquiis in alio plus, in alio minus naturaliter inest, ostendit non tantum diversorum puerorum eadem diligentia institutorum diversissima, imò planè adversa conversatio: Sed etiam Sapiens, cum ait: Puer eram ingeniosus, & sortitus animam bonam. Similiter Job dicens: Ab infantia mea crevit mecum miseria, & de utero matris meæ egressa est ^{De spirite & litera cap. 27.} mecum. Quia cum multis ex utero matris non egreditur miseria: sed feritas, & quædam animi crudelitas, quæ se prodit, accedente mentis judicio. Cum igitur neque concupiscentia mala, neque justitiæ originalis privatio, neque aliud quidvis, quòd quis suspicetur esse peccatum originis, in omnibus nascentibus reperitur æquale, sed in aliis minus & in aliis majus: manifestum est ^{Peccatum originale in omnibus est æquale non actu, sed demerito.} dici non posse peccatum originis in omnibus actu esse æquale, sed solum reatu, & demerito. Quod licet non immerito quis admiretur, quia ex inæqualibus actibus malis videntur nasci debere inæquales reatus: attamen quomodo fieri possit (quantum Deus adjuverit) paucis conabor aperire: sicut plus boni operis est in eo qui voluit facere bonum & fecit, quam in eo qui voluit, & Deo dispo-

1 Cor. 3.
Rom. 2.

nente, facere non potuit: quia in hoc tantum est velle bonum, in illo verò etiam ipsum facere bonum, & tamen æquale est meritum: quia diversitas ex sola Dei dispositione provenit, non ex volentium studio, & electione: ex quibus tamen perpenditur omnis mensura meriti. *Unusquisque enim recipiet secundum suum laborem*, Et: *Deus reddet unicuique secundum opera sua*: Item sicut plus mali operis est in eo, qui voluit facere malum & fecit, quam in eo qui voluit & non potuit: & tamen idem est demeritum, & reatus æqualis: quia diversitas etiam ex sola Dei providentia contigit, qui alterum permisit consummare quod voluit, alterum verò non permisit. Sic in eo qui perversissima indole nascitur, longe plus est vitiorum & privationis originalis iusticiæ, quàm in eo qui Deo miserente sortitus est animam bonam: & tamen apud Deum sunt æqualiter rei, quia diversitas vitiorum quæ in eis reperitur, non provenit ex genitorum, aut generantium studio, & opere: sed tantum ex Dei misereantis dispositione, qui collatis uni bonis animi dotibus, non permisit eum tantum vitiorum nascendo contrahere, quantum contraxit alter, & quantum ex vi primæ transgressionis etiam à generante contraxisset, nisi Deus corrupti feminis actionem, data meliori indole misericorditer in eo non nihil correxisset. Sicut enim Deus secundum altitudinem sapientiæ suæ, quosdam valde malos nasci permittit, per quos ostendat, quanta fuerit virtus primæ transgressionis, etiam ad subversionem totius posteritatis. Sic etiam quibusdam naturaliter utcumque bonam indolem tribuit, ut ex his veluti primæ integritatis vestigiis cognoscatur, & quanta initio fuerit humanæ conditionis excellentia, cujus tam præclara sunt vestigia, & quàm multiplex sit conditoris benevolentia, qui creaturam à se fugientem, etiam in reprobis hominibus, præclaris naturæ dotibus ornare non cessat.

CAPUT VII.

Quòd peccatum originis possit infanti imputari, etiam si non sit ex propria ejus voluntate profectum.

Tertia diffi-
cultas.

Cont. Juli.
lib. 3. c. 5.

TERTIA difficultas est, quomodo infanti possit imputari quod non ex ejus voluntate profectum, cum peccatum omne debeat esse voluntarium. Quam difficultatem etiam suo tempore movit Julianus, cui breviter respondit Augustinus. *Frustrà putas ideo in parvulis non esse delictum, quia sine voluntate, quæ in eis nulla est, esse non potest. Hoc enim rectè dicitur, propter proprium cuiusque peccatum, non propter primi peccati originale contagium, quod tamen & ipsum à mala voluntate primorum hominum sumpsit exordium. Quod ut plenius intelligatur considerandum est, quæstionem qua quæritur: Utrum omne peccatum debeat esse voluntarium, non esse definitionis quæstionem, sed causæ & originis, cui impertinens est, Utrum id quod peccatum esse dicitur, sit ab ejus voluntate profectum cui inest, an ab alterius cuiuspiam; quia à quacunque voluntate sit, semper verum est, quòd neque ex Deo sit, neque ex æterna aliqua natura mala Deo contraria. Sed sicut peccati origo, voluntas mala est, inquit Augustinus, ita nisi voluntas mala, non est cuiusquam origo peccati.* Cæ-

Cont. Jul.
lib. 3. c. 5.

terum

terum quemadmodum de abortivo differentes, homo ne sit an non, non inquirimus, an à Deo ducat originem, (quanquam homo esse non possit nisi quod à Deo sit;) sed an animam habeat rationalem, quod ad ejus definitionem propriè pertinet. Sic de actu aliquo differentes, an ex suo genere sit peccatum; non hoc inquirere debemus, an sit à voluntate, vel à qua sit voluntate profectum; sed an ex suo genere sit divinorum inobedientia mandatorum, quæ peccati propria definitio est. Quia quicquid ejusmodi est, undecunque sit hoc, sine ambiguitate ex sua ratione peccatum est. Sed si ulterius inquiritur, cui peccatum hoc debeat imputari: tum demum rectè quæritur, à qua voluntate ducat originem: quia peccatum suæ originis jure imputatur, nisi fuerit illi dimissum; sicut Adæ dimissum esse credimus, quicquid propriâ voluntate in se mali fecit, & in posteros generando trajecit. Cæterum quia vitium cum quo infans concipitur, ratione suæ originis non ipsi infanti, sed vel generanti, vel primo duntaxat parenti imputaretur. Idè sciendum est, omne id quod re verâ secundum propriam rationem peccatum est; undecunque ducat originem, tantum quia inest, veraciter illi imputari, si vel actu, vel habitu ei dominetur: sicut non gerat contrarium mentis affectum. Quapropter *concupiscentiæ malum, tantum quia inest, inquit Augustinus, infantem De peccat. originis cap. 39. Contra Jn. lib. 6. cap. 5.* tenet in morte, & pertraheret in ultimam mortem, nisi ejus vinculum in illa quæ sit in baptismo remissione peccatorum omnium solveretur. Infans igitur ex hoc nascitur filius iræ, quia nascitur cum vitio ex sua ratione divinæ legi contrario, quod illi, non quidem actu, sed habitu dominatur, etiam si illud vitium propriâ voluntate sibi non fecerit, sed nascendo duntaxat, ex seminis corruptione, contraxerit.

Ambrosius cap. 8. lib. de parv. dissimili sive modo definit peccatum.

Vide D. Aug. lib. 2. de peccat. mor. c. 34. Et Iren. lib. 3. cont. hæres. cap. 34.

De peccat. originis cap. 39. Contra Jn. lib. 6. cap. 5.

C A P U T V I I I.

Quod vitia animi à parentibus in filios traducantur, sive anima sit ex traduce, sive non.

Sed hinc rursus nova difficultas emergit. Quomodo mentis ignorantia, & malicia voluntatis, quæ propriæ ad animam pertinent, à parentibus per generationem transeant in filios, cum in Ecclesia Christi, verisimilior habeatur opinio, quæ dicit animam à parentibus in filios cum corpore non traduci, sed à Deo immediatè novam corpori infundi. Cui respondet Augustinus quod quemadmodum rerum corporalium qualitates, mirabili modo affectis nostris sensibus, ad memoriam & animam transeunt, rursus ab anima ad corpus: sicut colores virgarum quas variavit Jacob, afficiendo transierunt in animas peccorum matrum, atque inde rursus, eadem affectione transeundo apparuerunt in corporibus filiorum: id quod & in foetibus humanis aliquando contigisse legimus: sic etiam fieri potest, ut vitia quæ animæ parentis adhæserunt, per generationem, non migrando de subiecto in subiectum, sed afficiendo, mirabili modo in animam filii transeant, etiam si anima filii non trahatur à parentibus, sed immediatè infundatur à Deo, quia quomodolibet id accadat, attamen experientiâ comperimus, filios non tantum corpore, sed etiam ingenio,

Quarta difficultas.

Contra Jn. lib. 5. cap. 9.

Genes. 30.

& aliis animæ qualitatibus quâdam lege naturæ perentibus nasci similes, sive animam trahant à parentibus sive non. Dicimus igitur, non tantum corporis, sed etiam animæ vitia, à parentibus per generationem transire in filios, quia aut utrunque vitiatum, anima videlicet & corpus, ex parente trahitur, inquit Augustinus, aut alterum in altero tanquam in vitiatum vase corrumpitur. Quid autem horum sit verum, inquit, libentius discō quam dico, ne audeam dicere quod nescio. Hoc autem scio, id horum esse verum, quod fides vera, antiqua, catholica, qua creditur & asseritur originale peccatum, non esse, convicerit falsum.

Libro 5.
contr. Iulii.
cap. 3.

CAPUT IX.

*Quod infantes etiam à parentibus baptizatis
peccatum originis trahant.*

Quæritur etiam, quomodo proles peccatum originis ab illis parentibus trahant, qui per sacramentum fidei sunt ab omni peccato liberati? neque enim videntur parentes in proles posse transmittere, quod ipsi non habent. Quibus respondendum, quod in baptizatis peccatum originis prætereat reatu, sed maneat actû. Manet enim lex illa concupiscentialis, quæ illi membro dominatur, quo fit ipsa generatio: Ex illa autem manente lege, quod nascitur, renasci indiget ut sanetur, inquit Augustinus, quia parentibus duntaxat qui baptizati sunt, & renovari jam cœperunt dimissa est, non etiam filiis, qui illam à parentibus contraxerunt, & ab ejus dominatu liberati non sunt, quia igitur parentes Christiani non mente gignunt, quâ renovari cœperunt, sed corpore, quo adhuc vetusti sunt, ideo vetustos tam mente quàm carne non novos filios gignunt. Nam si de eo bono gignerent quo novi sunt, & adversus carnem concupiscunt, tunc novos & spirituales filios gignerent, quod fide catholica scimus non fieri. Sive igitur à Christianis, sive ab Ethnicis parentibus, ad generationem filiorum semen decidatur, semper immundum est quod gignitur, & mundari indiget, quia de immundo semine concipitur quod fuit corruptum ab initio. Sed quemadmodum manens, sed non dominans carnis iniquitas parentibus dimissa est per baptismum: sic etiam potest recen-ter natis dimitti, si in fide ecclesiæ sacramenta salutis percipiant, sed nisi eis etiam dimittatur, nihil eis proderit parentibus prius facta dimissio.

De pecc.
mor. lib. 2.
cap. 28.

CAPUT X.

*Quod errant, qui habitus, nec merita, nec
demerita esse posse existimant.*

Existimant etiam quidam, in infante nihil referri quod ad meritum, vel demeritum illi jure possit imputari: quia quicquid in ipso est, id non secundum operationem, sed secundum habitum duntaxat in ipso est, quem neque meritum, neque demeritum esse posse arbitrantur, eò quod Aristoteles in Ethicis asserat, quod

Lib. 1. c. 13.

quodd in olympia, non hi, qui sunt elegantissimi formâ, præstantissimi que robore, sed qui decertant, coronis afficiuntur, atque ex eo colligat, summum hominis bonum non in habitu, sed in operatione virtutum debere constitui. Cæterum vehementer hallucinatur. Primum quidem, quia longè aliud est meritum, aliud summum hominis bonum, quod tantum merces est, & meriti finis, non meritum. Deinde cum actiones tam vitiorum quam virtutum (quæ propriè merita sunt) per se ex habitibus oriuntur, quomodo non est meritum, quod per se est causâ meriti. Maximè cum Apostolus non tam ebriis, quam ebriosus comminetur, quodd regnum Dei non possidebunt. Cui consonat Augustinus dicens, quodd avaritia vitium est, id est, qualitas secundum quam malus est animus, etiam quando nihil agit, unde avaritiæ vel rapinæ serviat. Quia id, quo in hac vita malus est animus, jure meritum esse dicitur. Similiter contra Julianum: *Sed ne fortè dicas, inquit, contra hoc potius pugnare baptizatos, quodd sibi ipsis prioris vitæ mala consuetudine fecerunt, quam si hoc dicis, inquit, jam procul dubio cernis, atque concedis, esse in homine aliquid mali, quodd non ipsum, sed reatus qui ex illo contractus fuerat, auferatur in baptismo.* Nam si ex habitu qui consuetudine paratur, contrahitur reatus, qui auferatur baptismo: igitur habitus reum facit, & est justî supplicii meritum. Sed omnium apertissimum est, quodd ait in libro de bono conjugali, ubi æquiparans continentiam Abraham, quæ tantum in habitu fuit, continentia virginum nostri temporis, quæ est in opere, & meritum patientia sanctorum martyrum, quæ in opere apparuit, merito patientia aliorum æquè sanctorum, quæ tantum fuit in habitu: quocirca, inquit, sicut non est impar meritum patientia in Petro, qui passus est, & in Joanne, qui passus non est: sic non est impar meritum continentia in Joanne, qui nullas expertus est nuptias, & in Abraham, qui filios generavit: illius enim coelibatus, & hujus connubium pro temporum distributione Christo militaverunt: Sed continentiam Joannis in opere, Abraham in solo habitu habebat. Quodd igitur insinuat Aristoteles non habitibus, sed actibus virtutum præmia digna retribui, apud homines verum est, qui etsi habitus etiam in honore habeant: attamen quia merita ferè ex utilitate, damno, voluptate, aut tristitia metiuntur, quæ magis percipiunt ex actibus, quam ex habitibus: idè non habitibus, sed actibus præmia digna decernunt. Sed apud Deum, qui merita ex propria cujusque qualitate justâ lance perpendit, non minoris meriti sunt habitus, quam actus, si modo tales sint habitus, ut tempore congruo suos actus proferant.

1. Cor. 6.

De perfrisione just. ration. c. 4.

Libro 2. cap. 5.

Cap. 27.

C A P U T XI.

Quodd non tantum actus, sed etiam habitus vitiorum divina lege prohibeantur.

DUbitant etiam nonnulli: utrum habitus vitiorum, divina lege prohibeantur. Existimant enim, quodd quemadmodum homines non habitus, qui sensu percipi non possunt, sed actus duntaxat, eosque externos & sensibiles percipiunt, vetant, judicant, remunerantur, aut puniunt: sic etiam.

etiam Deus. Sed multum hallucinantur, quia homines vident quæ parent, Deus autem intuetur cor: & ideo homines propriè & per se non de habitibus, sed tantum de actibus judicant, qui subjiciuntur sensibus. Sed Deus qui omnia intuetur, habitus qui per se desideria peccatorum operantur, iisdem omnino legibus prohibet, & judicat, quibus ipsa peccatorum desideria. Quia causa per se non est effectus suo melior. Sicut igitur, lege: *Non concupisces*, prohibentur illicita desideria: sic & ipsa concupiscentia, quæ per se & propriè, etiam nobis invitis nihil gignit, nisi ejusmodi desideria. Deinde quomodo concupiscentiæ habitus, cum quo infans nascitur, verum peccatum esset, si eum nulla lex prohiberet? *Non enim consisteret peccatum*, inquit Ambrosius, *si interdictio non fuisset. Nam ubi non est lex, nec prævaricatio*. Et Augustinus: *Neque negandum est hoc Deum jubere, ita nos in facienda justitia esse debere perfectos, ut nullum habeamus omnino peccatum. Nam neque peccatum erit si quid erit, si non divinitus jubeatur, ut non sit. Et infra: Quomodo non vetatur per Dei justitiam, si peccatum est? Et alibi. Omnes legis alicujus prævaricatae sunt rei, qui aliquo peccato tenentur obstricti. Quamobrem si etiam parvuli (quod vera fides habet) nascuntur, non propriè sed originaliter peccatores; unde illis gratiam remissionis peccatorum necessariam consistemus; profecto eo modo quo sunt peccatores, etiam prævaricatores illius legis quæ in Paradiso data est, agnoscuntur. Et super Psalmum 118. Concione 25. nullum est, nisi in lege peccatum. Similiter Bernardus: Omne peccatum contra Dei mandatum præsumitur: Et rursus: Deus prohibet omne peccatum. Sicut igitur illicita desideria, etiam quæ nobis invitis fiunt divinâ lege prohibentur (ut docet Augustinus libro primo Retract. cap. 15. & de natura & gratia cap. 17.) Sic & ipse habitus concupiscentiæ, qui nihil aliud operatur quàm peccandi desideria; quia in effectu simul prohibetur quicquid per se est illius effectus causa.*

CAPUT XII.

Quo sensu verum sit, quod Deus homini nihil impossibile præceperit.

Sed à plerisque objicitur. Communis animi conceptio est, Deum homini nihil impossibile præcepisse, quam etiam diffinitivâ hâc sententiâ expressit Augustinus. *Nec impossibile potuit aliquid imperare Deus, quia justus est; nec damnaturus est hominem, pro eo quod non potuit vitare, quia pius est.* Sed infanti, imo & adulto, impossibile est carere habitu concupiscentiæ; nec concupiscentiæ habitus, neque prava ejus desideria, divinâ lege prohibentur, nisi quatenus humano subjacent arbitrio.

Responsio.

Quamquam communis animi conceptio, quâ dicitur Deus homini nihil impossibile præcepisse, sensu aliquo legitimo, quem statim explicabimus, verissima sit: attamen definitiva sententia quæ divo Augustino ascribitur, Augustini non est: sed Pelagii in epistola ad Demetriadem virginem, quam Beda

Beda Juliano tribuit, sed Augustinus de gratia Christi cap. 22. 26. 37. & sequentibus Pelagii esse ostendit. Nam Augustini non esse, vel ex eo patet, quòd Tomo 4. Operum divi Hieronymi, in quo hæc epistola primum locum tenet, statim ei subjungitur epistola Augustini & Alipii ad Paulinam, quæ adversus eam ex professo disserit. Dico igitur communem animi conceptionem, quâ dicitur: Deum homini nihil impossibile præcepisse, de homine recto, qualis erat, cum Deus ab initio mandata, & præcepta illi apposuit, esse verissimam, quia in illo statu, ex viribus sibi in sua creatione donatis, absque omni impedimento, & difficultate, præstare poterat quicquid Deus illi præceperat, & quod veruerat vitare; sicut etiam significat scriptura, quæ dicit: *Si volueris mandata servare, conservabunt te.* Nihil enim aliud fuit ei, mandata servare, quam velle servare. Nobis autem post lapsum irreprehensibiliter vivere velle non sufficit, inquit Prosper, nisi ipsum velle nostrum, quod languidâ possibilitate deficit, divina virtus adjuverit, quia illum ad non peccandum juvare poterat etiam sana natura, nos autem impedit vitiata; & illum peccare fecit sola peccandi voluntas, nos etiam cogit plerumque peccati jam facta necessitas. Propter quod Deo clamamus, & dicimus: *De necessitatibus meis libera me.* Hinc Apostolus: *Quod impossibile erat legi in quo infirmabatur per carnem.* Et Propheta Hieremias cap. 10. *Non enim est hominis via ejus, nec viri ut dirigat gressus suos.* Et: *Linguam nullus hominum domare potest.* Quod igitur de homine recto, & in naturæ suæ integritate constituto rectissime dicitur, hoc Pelagius de omnibus qui post lapsum ex Adam nati sunt, quos etiam rectos nasci contendebat, dicendum esse voluit, asserens Deum homini nec impossibile aliquid imperare potuisse, quia justus est, nec damnaturum hominem pro eo quod non potuit vitare, quia pius est. Cui respondet Beda, quòd *qui dicit Dominum homini (corrupto videlicet) non impossibile aliquid præcepisse, quia justus est, verum profectò dicit, si ad ejus respicit auxilium; si verò viribus animi sui fidit, refellit eum veridica sententia, quæ dicit: Sine me, nihil potestis facere.* Qui dicit eum qui pius est non damnaturum esse hominem (lapsum videlicet) pro eo quod vitare non potuit, contradicit pii redemptoris & justii judicis sententiæ, quâ etiam de parvulis ait: *Nisi quis renatus fuerit ex aqua & Spiritu sancto, non intrabit in regnum Dei.* Quod igitur consideratione primæ integritatis, & respiciendo ad vires homini in sua creatione collatas, verissimè dicitur: Deum nihil homini præcepisse impossibile: Hoc de homine corrupto dici non potest, nisi respiciendo ad divinum auxilium, quo sanctis Dei possibile, imò facile efficitur, quod per lapsum viribus humanis factum est impossibile. Idè enim post lapsum sanctis possibile est quicquid præcipitur, quia Deo ad opitulandum, quo fiat quod jubet, nihil est impossibile, inquit Augustinus. Et rursus: *Deus non impossibilia jubet, sed jubendo admonet, & facere quod possis, & petere quod non possis:* & de perfecti justitiæ, rationi. 9: *per arbitrii libertatem factum est, ut esset homo cum peccato: sed jam pœnalis vitiositas subsecuta, ex libertate fecit necessitatem; unde ad Deum fides clamat: De necessitatibus meis educ me: sub quibus positi, vel non possumus quod volumus intelligere; vel quod intellexerimus, volumus, nec valemus, implere.* Et infra: *Quia peccavit voluntas, secuta est peccantem peccatum habendi*

Sup. Cant.
lib. 1. ca. 5.

Ecclesi. 15.

Ecclesi. 15.

De vi'a
contempl.
lib. 3. ca. 2.

Psal. 24.

Rom. 8

Jaco. 3.

Libro 1.

Sup. caus.
cap. 6. ad
10. objec.
Jusanti.

Joan. 15.

Joan. 3.

De pœn.
mer. lib.
2. cap. 6.
De natu.
& g'ra. 43.
Psal. 24.

habendi dura necessitas. Sed quia suam corruptionem, & lapsum, non facile agnoscit humana præsumptio: hinc facile imaginatur, quòd quemadmodum suæ creationis initio, nullum impossibile præceptum accipere potuit: sic & post lapsum, datis semel præceptis teneri non possit, nisi implendi facultatem adhuc in suis viribus habeat, quod à ratione prorsus alienum est. Quia Deus legem, quam homini recto, & ad eam implendam idoneo posuit, non ideo postea mutare, imò potiùs tollere debuit, quia homo voluntariè peccando, suo vitio sibi obediendi facultatem ademit. Sed homo potiùs qui suæ infirmitatis sibi causa est, facultatem quam in sua natura non invenit, quærere debet ex gratia, ut quod ex propriis viribus sibi jam sentit impossibile, ex divino adiutorio fiat ei suave & facile.

CAPUT XIII.

Quare solum Adæ peccatum, generatione transeat in posteros.

Q Uærent etiam, quare unicum primi hominis peccatum, in posteros transire putetur? Cùm etiam de aliis parentibus dicatur, quòd Deus vindicet peccata patrum in filios? Quibus respondendum. Longè aliud esse, peccatum patris transire in filium, aliud peccatum patris in filium vindicari, quia peccatum patris tunc in filium transit, quando filius ex sua conceptione illud peccatum contrahit, quod prius in patre fuit, ut si filius superbus ex superbo, & libidinosus nascatur ex libidinoso. Sed peccatum patris tunc vindicatur in filium, quando filius, ob peccatum quod tantùm in patre fuit, pœnâ aliquâ à Deo afficitur, quâ affectus non fuisset, si pater ejus peccatum illud non admisisset. Dico igitur etiam posteriorum parentum scelera frequenter in filios vindicari, quia Deus parentum sceleribus provocatus, sæpè filiis infert supplicium propriis ipsorum peccatis alioqui debitum, quod tamen illis non inferret, nisi peccatis parentum ad id provocatus esset. Sed quia solum Adæ peccatum humanam naturam sic immutat, & corrumpit, ut suam corruptionem in omnes posteros generando transfundat. Ideo etiam solum illud peccatum in posteros transire dicitur, quod generando in filios traducitur. Cæterùm si ulterius roges: cur posteriora scelera, suis autoribus non talem maliciam statim ingenerent, quam in suos posteros transmittant, qualem primo homini ingeneravit prima transgressio quæ generatione decurrit in posteros; videtur respondendum: Omne quidem scelus ejus esse conditionis, ut suum autorem, & totam ejus posteritatem eo modo inficiat, quòd infecit primæ hominis transgressio. Quia, qui facit peccatum, meretur servus peccati fieri. Et servus factus non nisi servos sibi similes generare. Quod enim nascitur ex carne, caro est. Sed quemadmodum Deus vindictam primæ transgressioni debitam sic temperat, ut ex lapsis parentibus multos non tam perverfos filios sinat generari, quam justo judicio nascerentur, nisi eis misericorditer indolem meliorem indulgeret: sic etiam Deus vindictam posteriorum parentum sceleribus debitam sic temperat, ut frequenter neque parentes ipsos

ſuis peccatis ita corrumpi ſinat, ſicut eorum meretur transgreſſio, neque corruptionem ſclerum uſu contractam in filios traduci ſinat. Et ſiquando ex ſcleratis parentibus etiam filii naturaliter valde ſclerati naſcantur; attamen quia omnis ea malitia, juſto Dei judicio, ex ſola prima transgreſſione trahi poterat, ſicut etiam interdum ab iis parentibus trahitur, qui nulla propriæ actionis pecularia ſclera commiſerunt: ideo qualifcunque ſit ea malicia cum qua infans quiſpiam naſcitur, ea propriè non propinquorum parentum ſcleribus, ſed tantum primæ transgreſſioni aſcribitur. Licet tamen negari non debeat, quin occasione ſclerum quæ à propinquis parentibus committuntur, nonnunquam proles & deteriores & miſeriores naſcantur, quàm alioqui natæ fuiſſent, ſi propinqui ipſorum majores ejusmodi ſclera non commiſiſſent; quia hoc modo viſitat Deus peccata parentum in filios uſque ad tertiam & quartam generationem, non tantum faciendo eos miſeriores, ſed etiam ſinendo naſci deteriores quàm alioquin nati fuiſſent ſi parentes eorum talia non perpetraviſſent. Sed hæc de peccato ipſo dicta ſufficiant. Nunc de ejus remiſſione & qualitate reliquiarum, quæ in baptizatis uſque ad finem vitæ hujus remanent, pauca dicamus &c.

C A P U T XIV.

*Quòd peccatum originis priùs ſolvatur reatu,
quàm tranſeat actu.*

Sicut alibi diximus, in peccato duo continentur: Actus & Reatus: Actus, ſut adulterium, ſive foris in opere, ſive intus in voluntate: Reatus verò, ut obligatio quæ adulter nondum peccato remiſſo adhuc æternæ damnationi obnoxius invenitur, etiam ſi adulterium opere deſeruerit & voluntate. Nam ſi quifcunque *verbigratiâ*, inquit Auguſtinus, *fecerit adulterium, etiam ſi deinceps nunquam faciat, reus eſt adulterii, donec reatus ipſius indulgentiâ remittatur.* De nup. lib. 1. c. 26. Habet ergo peccatum, quamvis illud quod admiſit jam non ſit, quia cum tempore quo factum eſt præterit. Nam ſi à peccando deſiſtere, hoc eſſet non habere peccatum, ſufficeret ut hoc nos moneret Scriptura: *Fili peccaſti, non adjicias ultra.* Ecl. 21. Non autem ſufficit, ſed addidit: *Et de priſtinis deprecare, ut tibi remittantur.* Manent ergo niſi remittantur: Sed quomodo manent ſi præterita ſunt? niſi quia præterierunt actu, manent reatu. Peccatum autem nulum dimitti poteſt, niſi peccatoris animus priùs per poenitentiam ab illo avertatur. *Niſi enim converſi fueritis, inquit Chriſtus, & efficiamini ſicut parvuli, non intrabitis in regnum calorum.* Math. 18. Et: *Niſi poenitentiam habueritis, omnes ſimiliter peribitis.* Luc. 13. Et in Actis: *Poenitemini igitur & convertimini, ut deleantur peccata veſtra.* Quia igitur pleraque peccata in actionibus conſiſtunt, quæ cum ſunt tranſeunt, nec poſſunt remanere cum diſſolvent, neque foris in opere, neque intus in voluntate, ut perjurium, homicidium, furtum, & ſimilia: Hinc ſit, ut ejusmodi peccata, ſemper priùs actu tranſeant, quàm poſſint per poenitentiam ſolvi reatu. In his enim abolendis, ſervatur ordo quem designat Sapiens, cum ait: *Fili peccaſti, non adjicias ultra, ſed de præteritis* Ecl. 21.

sis deprecare Dominum, ut tibi dimittantur. Cæterùm peccata quæ etiam nolentibus & invitis adhærent, nec statim abolentur cùm displicent, sed, ut extirpentur, indigent tempore & exercitio, ut habitus vitiorum, quos suprà & peccata esse diximus, & divinâ lege prohiberi, ut ebriositas, jurandi consuetudo, & similia: Hæc, inquam, peccata, prius per baptismum, aut reconciliationis sacramentum reatu solvuntur, quàm transeant actu. Quibus omnino connumerari debet originale peccatum; quia quantumlibet in hac mortali vita odio habeatur, & ne regnet, etiam mortificetur: attamen (nisi fortè miraculo ineffabili creatoris) in nemine prorsus extinguitur ut non sit, sed primùm superatur, ne dominetur & regnet in nostro mortali corpore, ad obediendum concupiscentiis ejus, deinde reatu ejus per baptismum soluto, interimitur ne damnationi obnoxios teneat, & denique jejuniis, vigiliis, orationibus, & aliis piis exercitiis castigatur, donec in corporis morte, aut potius in corporis resurrectione simul cum morte prorsus absorbeatur in victoria.

1 Cor. 15.
De pecc.
mer. lib. 2.
cap. 28.
Rom. 7.

Unde Augustinus: *Lex peccati, quod etiam peccatum appellat Apostolus, non sic manet in membris eorum qui ex aqua & spiritu renati sunt, tanquam non sit ejus facta remissio, ubi omnino plena, & perfecta sit remissio peccatorum, omnibus inimicitiis interfectis, quibus separabamur à Deo, sed manet in vetustate carnis, tanquam superatum (quia videlicet non amplius dominatur) & peremptum, quia non amplius facit reum.* Moritur enim in baptismo, eo reatu quo prius tenebat. Et infrà: *Quandiu manet lex concupiscentialis in membris, manente ipsâ, reatus ejus solvitur.* Et rursus: *Sicut facta, & dicta, & cogitata iniqua, quantum ad ipsos motus animi & corporis pertinet, jam præterierunt & non sunt; eis tamen præteritis, & non jam existentibus, reatus eorum manet, nisi peccatorum remissione solvatur:* Sic contrà, in hac non jam præterita, sed adhuc manente lege concupiscentiæ reatus ejus solvitur, & non erit, cùm sit in baptismo plena remissio peccatorum. Et alibi: *Quæritur quomodo concupiscentia carnis manet in regenerato, in quo universorum facta est remissio peccatorum?* Respondetur, inquit, *dimitti concupiscentiam carnis in baptismo, non ut non sit, sed ut in peccatum non imputetur; quamvis autem reatu suo jam soluto, manet tamen, donec sanetur omnis infirmitas nostra. Patet igitur primæ originis vitium, primùm in nobis spiritu Dei superari ne regnet, deinde baptismo interimini reatu non teneat. Sed tamen durante hac vitæ miseriâ ad lucem relinqui, ut continuò mortificetur, donec mors cum suo stimulo absorbeatur in victoria.*

De uup.
lib. 1. c. 25.

1 Cor. 15.

C A P U T X V.

Quod lex membrorum, quæ est libido carnis, in Sanctis non tantùm sit mala quia pœna, sed etiam quia divinæ legis est inobedientia.

Cæterùm de his originalis vitii reliquiis, quæ adhuc in baptizatis remanent, quæritur à nonnullis: utrùm in bonis an in malis debeant numerari? quibus satis apertè respondet Apostolus, cùm ait: *Scio quia non habitat in*

Rom. 7.

me,

me, hoc est, in carno mea, bonum. Et: Mibi malum adjacet, condelector enim legi Dei secundum interiorem hominem; video autem aliam legem in membris meis, repugnantem legi mentis meae, & captivantem me in lege peccati, quæ est in membris meis; cui consonat quod ait Augustinus, Eum qui licite concumbit, malo bene uti. Utitur enim lege membrorum, & carnis libidine, quæ in baptizatis adhuc superest ex vitio originis, quæ quoniam mala est, ideo virgines & viduæ melius illâ non utuntur. Sed cum ulterius queritur: Quare libido carnis, & lex membrorum, in Sanctis sit mala, an tantum quia est pœna: an etiam, quia est divinæ legis inobedientia? major difficultas exoritur, quia à plerisque non satis intelligitur, quomodo possit esse divinæ legis inobedientia, & peccatum non esse. Pœnam esse non dubitat, quisquis attentè considerat, ei inobedientiæ, quâ animus erga creatorem suum intumuit, justo Dei judicio retributam esse carnis inobedientiam, quâ membra illa quæ generationis serviunt, & ob rebellionem atque inobedientiam pudenda sunt, non tam imperio voluntatis, quàm ardore libidinis commoventur. Sed quod ex eo etiam dicenda sit mala, quia divinæ legis est inobedientia, multis argumentis convincitur. Hoc enim manifestè significat Apostolus, rationem reddens cur adhuc sibi malum adjaceret, quando subdit: *Condelector enim legi Dei secundum* Rom. 7. *interiorem hominem, video autem aliam legem in membris meis, repugnantem legi mentis meae.* Quia nihil aliud est lex mentis, quàm lex Dei, cui si lex carnis propterea mala sit, quia repugnat: igitur ideo est mala, quia divinæ legis est inobedientia. Sicut etiam offendit Augustinus, quando ait, Concupiscentiam, cujus reatus baptismo solutus est, jam non esse peccatum, sed sic vocari non tantum quia peccato facta est, & quia peccatum facit si vincit, sed etiam quia peccandi delectatione movetur, etsi ei vincente delectatione justitiæ non consentiatur; nam peccandi delectatione moveri, legi Dei reluctari est. Nec his testimoniis satisfacit quod ajunt quidam, concupiscentiam legi Dei reluctari, non quod sit legis transgressio, sicut nec ipse homo qui legi Dei effectivè repugnat: sed solum quod transgressionem legis effectivè operetur. Quia quâcunque lege prohibetur aliqua operatio, eâdem prorsus lege inhibetur, quicquid illam actionem per se operatur. Verbi gratiâ: In eo quod prohibetur fornicatio, simul etiam prohibetur fornicationis cogitatio, desiderium, voluntas, aspectus ad fornicandum, & quicquid per se ad hanc actionem inducit. Homo verò non per se, sed per accideos duntaxat est fornicationis causa. Et ideo lex prohibens nos esse fornicatores, non prohibet nos esse homines, sed prohibet nos esse in verbis lubricos, lascivos in factis, & alia hujusmodi quæ per se ad fornicationem provocant, sicut & ipsum concupiscentiæ malum.

Tertio idem probat Augustinus lib. 2. contra Jul. cap. 5. Ubi legem peccati (cujus manentis reatus in sacro fonte remissus est) propterea vocasse dicit Ambrosium iniquitatem, quia iniquum est ut caro concupiscat adversus spiritum, sicut justum est ut spiritus concupiscat adversus carnem. Id quod repetit libro 5. capite 5. Et libro 6. capite 8. Igitur quomodo legis obedientia est, quod spiritus concupiscit adversus carnem; sic legis Dei inobedientia est, quod caro concupiscit adversus spiritum.

De sup.
lib. 2. c. 21.
Contr. Jul.
lib. 3. c. 21.

Contra 2.
epist. Pel.
lib. 1. c. 11.

Quartò, idem probat quod ait lib. 6. contra Julia. cap. 5. *Quis tam impudens, qui cum peccata mala esse fateatur, neget esse malam concupiscentiam peccatorum, etiam si adversus eam concupiscentia spiritum peccata concipere ac parere non sinatur?* Sed ne quis fortè suspicetur, peccata propter inobedientiam, peccatorum verò concupiscentiam propter pœnam duntaxat ab Augustino malum dici, audiamus quæ statim sequuntur: *Tale porro ac tam magnum malum, tantum quia inest, quomodo non teneret in morte & pertraheret in ultimam mortem, nisi & ejus vinculum in illa quæ fit in baptismo remissionis peccatorum omnium solveretur?* Nam quod tantum pœna est, & non divinæ legis inobedientia, vinculum habere non potest, quod nisi baptismo solvatur in ultimam mortem pertrahet.

Quintò: concupiscentia quæ in baptizatis remanet, displicet Deo, sicut expressè testatur Augustinus super Psalmum 35. tractans illud: *Malitiam non odisti*, his verbis: *Si non potes non habere malitiam, vel oderis illam, quando incipis non esse?* cùm corruptibile hoc induerit incorruptionem. *Antequam hoc fiat, vince peccatum, & voluptatem ejus; peccatum & iniquitatem ejus oderis, ut jungas te Deo, qui tecum illud odit.* Juxta illud *Jude Apostoli*: *Odiemus eam quæ carnalis est maculat tunicam.* Igitur concupiscentia est divinæ legis inobedientia.

Sextò: A pœna tantum dicimur miseri, sed à concupiscentia dicimur etiam mali, juxta illud Evangelii: *Si vos cùm sitis mali, nostis bona data dare filiis vestris, &c.* sicut verbis Hilarii ostendit Augustinus lib. 2. con. Jul. cap. 8. quæ sic habent: *Ipsis Apostolis, verbo licet fidei emendatis atque sanctificatis, non deesse tamen maliciam per conditionem communis nobis originis docuit Christus dicens: Si vos cùm sitis mali nostis bona data dare filiis vestris.* Igitur concupiscentia etiam in baptizatis est divinæ legis inobedientia.

Septimò: Omnis pœna quæ justa est, ex Deo est, siquidem non est malum in civitate quod non fecerit Deus, sed concupiscentia carnis ex Deo non est, sicut expressè testatur Joannes: *Igitur non tantum pœna est, sed etiam divinæ legis inobedientia.*

Octavò: ejus desideria etiam si nobis nolentibus fiant, sunt illicita: sicut testatur Augustinus de nupt. & concupis. lib. 1. cap. 27. *Igitur ipsa concupiscentia est contra Dei legem & illicita.*

Nonò: Sicut adulterii præteritis reatus manet, donec baptismi aut reconciliationis sacramento solvitur, sic contrà manentis concupiscentiæ reatus baptismo solvitur, sed adulterium, soluto reatu, adhuc rectè intelligitur divinorum inobedientia mandatorum. Igitur concupiscentia, soluto reatu, adhuc rectè dicitur divinæ legis inobedientia.

Decimò: Nulla est hujus vitæ pœna, quæ ob finem bonum expecti non possit, adeò ut Apostolus cuperet dissolvi, ut esset cum Christo, & optaret anathema esse Christo, pro fratribus suis secundum carnem, sed concupiscentia carnis non potest ob aliquem bonum finem expecti, ne ob prolem quidem, quæ tamen sine ipsa non potest generari; ait enim Joannes: *Nolite diligere mundum, neque ea quæ in mundo sunt.* Si quis diligit mundum, non est charitas patris in eo. *Quoniam omne quod est in mundo, concupiscentia carnis est, concupiscentia oculorum, & superbia vitæ, quæ non est ex patre, sed ex mundo est.* Igitur

tur concupiscentia carnis non tantum est poena, sed etiam divinæ legis inobedientia.

Denique, Christus ut per omnia fratribus assimilaretur, per omnia tentari voluit, & omnes totæ naturæ humanæ communes miseria in se suscipere; sed non suscepit in se carnis concupiscentiam: Igitur non tantum est miseria, sed etiam inobedientia, quæ in eum cadere non potuit, qui omnem iustitiam implevit; de qua Augustinus: *Hanc concupiscentiam, inquit, diabolus in Domino non invenit, quia Dominus bono non per ipsam ad homines venit.* Unde dicit etiam ipse: *Ecce venit princeps hujus mundi, & in me nihil invenies;* nihil utique peccati, nec quod à nascente trahitur, nec quod à vivente additur: nam ut nobis præberet patiendi exemplum, non habuit ille mala sua, sed pertulit aliena, in doloribus pro nobis, non in cupiditatibus fuit.

ad Heb. 9.
& 4.

Lib. 2. de
imp. cap. 5.
Joan. 14.

Lib. 9.
constr. 7m.
cap. 9.

C A P U T X V I.

*Quomodo concupiscentia carnis, in Sanctis, legis
inobedientia esse possit, & damnatio ac
proprii nominis peccatum non esse.*

S E D contra prædicta objicitur: Concupiscentia carnis, & prava ejus desideria, quæ nobis nolentibus sunt, non sunt in Sanctis damnatio: quia nihil est damnationis in iis qui sunt in Christo Jesu, qui non secundum carnem ambulant; nec sunt peccata, sicut ostendit D. Jacobus, peccatum non in eo ponens, quod quisque tentetur à concupiscentia sua abstractus & illectus, sed in eo quod concupiscentia, aut animum oblectando concipiat, aut plenum consensum extorquendo, peccatum consummet. Ait enim sic: *Unusquisque tentatur à concupiscentia sua, abstractus & illectus;* deinde: *Concupiscentia cum conceperit, parit peccatum; peccatum verò cum consummatum fuerit, generat mortem.* Super quem locum Venerabilis Beda: *Tribus modis, inquit, tentatio agitur, suggestione, delectatione, consensu.* Quod si hoste suggerente, delectari, aut consentire nolumus, tentatio ipsa nobis ad victoriam provenit, quæ coronam vitæ meremur accipere. Si nolumus delectari, inquit, ut etiam illam delectationem à peccato vindicet, & ad victoriam pertinere ostendat, quam casti conjuges in legitimo suo congressu, & pudicæ virgines in violenta oppressione, animo reclamante patiuntur: sicut etiam testatur Augustinus de civit. Dei. Unde Prosper: *Non concupiscentiam in nobis sentiendo, inquit, sed consentiendo peccamus.* Et similiter Augustinus de peccatorum merit.: *Concupiscentia cum parvulis nascitur, in baptizatis à reatu solvitur, in grandibus ad agonem movet, non sibi ad illicita consentientibus, nihil omnino nocitura.* Et de Genes. contra Manichæos: *Aliquando ratio commotam cupiditatem refrenat, quod cum fit, non labimur in peccatum, sed cum aliquanta luctatione coronamur.* Et alibi sæpius, ut lib. 1. de civit. Dei cap. 18. de Genesi ad litteram lib. 2. cap. 15. de nupt. & concup. lib. 1. cap. 23. lib. 2. cap. 34. super Psal. 118. concione. 3. in expositione quarundam propositionum ad Romanos 7. in ver-

Objection
constr. præ-
dicta.
Rom. 8.
Jacob. 1.

Beda in 1.
cap. Jaco-
bi.

Libro 1.
cap. 16. De
vita con-
tem. lib. 3.
cap. 2. lib.
2. cap. 4.

Libro 2.
cap. 14.

bo: *captivantem*: Sed nullo modo fieri posse videtur ut in homine subsistat divinæ legis inobedientia quin damnatio sit, & justo Dei iudicio reum facere possit; quia odio sunt Deo impius & impietas ejus. Igitur concupiscentia carnis in baptizatis manens, in quibus nihil est damnationis, non potest dici divinæ legis inobedientia.

Responsio.

Odibilis Deo est adulter & adulterium ejus, etiam tunc quando adulterium opere & voluntate pertransiit, donec fuerit reatu solutum. Sed non similiter quia adulter solutus adulterii reatu, Deo reconciliatur: ipsum verò adulterium, quod est legi Dei contrarium, irreconciliabile permanet. Eodem modo Deo odibilis est Cathecumenus & concupiscentia ejus, sed non similiter: Quia Cathecumenus per baptismum solutus concupiscentiæ reatu, Deo reconciliatur, & hoc etiam placet quod contra suam iniquitatem sævit. Ipsa verò concupiscentia quæ divinis legibus adversatur, nunquam reconciliatur Deo, sed semper illi displicet. Et ideo ipsa odibili permanente, homo odibilis esse desinit: si modo se Deo jungat, & concupiscentiam semper ode-rit, quam Deus nunquam odisse desinit. Nam si irreconciliato adulterio, potest is qui adulterium volens commisit, Deo & hominibus reconciliari; cur irreconciliata concupiscentia, non potest homo qui eam generatione contra-xit, & invitatus patitur, Deo reconciliari, sic ut illi omnino imputari non pos-sit? Non quòd naturâ aut qualitate mutata sit, aut divinæ legis inobedientia esse desierit, (sicut existimant quidam) sed quòd ejusdem maliciæ perma-nens, superata tamen & imminuta, à legitimo Judice remissa, veluti nun-quam extiterit habeatur. Id enim quotidie etiam in humanis judiciis cerni-mus, in quibus scelera, ob id duntaxat suis authoribus ad poenam imputari non possunt, quia prius à legitimo iudice, aut punita convenienter, aut sim-pliciter dimissa fuerint. Hanc rationem expressit Augustinus de nupt. & concup. cum ait: *Quamvis in omnibus gratia regeneratis sit ista carnalis concupiscen-tia repugnans legi mentis; tamen quia remissa est, jam non illis in peccatum imputa-tur.* Item contra 2. epist. Pelagia. dicens: *Ipsa carnis concupiscentia in baptis-mo sic dimittitur, ut insit nihil ob futura vitæ futura: quoniam reatus ejus generatio-ne tractus, regeneratione dimissus est: Et ideo jam non est peccatum &c.* Idem ha-betur libro 6. contra Julianum cap. 5. Et clarius cap. 6. per totum. Tamen de peccat. merit. dicit istud peccatum manere non solum remissum, sed etiam superatum & peremptum: & sic ideo peccatum non est, quia superatum & remissum est, sicut etiam docet Magister in Sententiis suis. Nec potest in eo diversitas assignari inter adulterium & concupiscentiam quorum reatus solvi-tur, quòd adulterium priusquam solvatur ejus reatus, præterierit, concupis-centia verò manet: Quia sicut apud Deum non magis perit aut mercede frau-datur Sanctorum patientia quæ præterit, quàm bona voluntas quæ manet: sic nisi reatu solvatur, non minus puniuntur iniquitates quæ in actione consi-stunt, & cum sunt prætereunt, quàm mala quæ permanent. Quia si ve exi-stant, si ve non existant, ea tamen semper in memoria judicis perseverant, quæ

Libro 2.
cap. 24.

Libro 1.
cap. 13.

Libro 2.
cap. 28.

Libro 2.
sententia.
distin. 32.
lisc. B.

quæ disponit æternis suppliciis vindicare, nisi ea contigerit misericorditer Christi sanguine relaxari.

Dico igitur concupiscentiam malam & prava ejus desideria quæ nobis nolen-
tibus insurgunt, veras quidem esse legis inobedientias totis viribus fugiendas; Rom. 7.
damnationes tamen, & veri nominis peccata post baptismum in Sanctis non
esse, quamdiu illis non dominantur, sed cum Apostolo veraciter dicunt: Jam
non ego operor illud, sed quod habitat in me peccatum; quia illos coram
Deo reos non faciunt: propriè enim peccatum non dicitur nisi divinæ legis
inobedientia quæ reum facit, aut reatus ipse quem facit, qui salutaribus sacra-
mentis diluitur. Nam baptismo aut sacerdotis absolutione propriè non actus
peccati, sed reatus duntaxat tollitur. Sicut eleganter ostendit Augustinus de
verbis Domini sermone 8. Et super Psalmum 87. docens solum Deum intus
per semetipsum, animam peccatricem vivificare, ut ab operibus mortuis res-
piscat, deinde per confessionem foras prodeuntem ministerio sacerdotum à
peccatorum vinculis, id est, à reatu solvere. Unde Tertullianus: *Non ideo* Libro de

abluimur, inquit, ut delinquere desinamus; sed quia deservimus, quia jam loti cor- par.
desumus. Nomine peccati, solum reatum intellexit Apostolus, cum ait:

Quod si Christus non resurrexit à mortuis, vana est fides vestra; adhuc enim estis in 1. Cor. 15.
peccatis vestris. Neque enim significare voluit, quòd adhuc essent in fornicationibus & illicitis idolorum cultibus, quibus ante serviebant, & quos tunc
opere & voluntate se reliquisse noverant, sed in reatibus duntaxat, quos bap-
tismo solutos esse credebant. Eo videlicet sermonis genere, quo dicimus

in baptismo peccata omnia dimitti, id est, omnium peccatorum reatus, sive
actu præterierint, sive maneant: ut concupiscentiæ malum, de quo Augu-
stinus: *Si queritur quomodo ista concupiscentia carnis maneat in regenerato, in quo* De nupt.

universorum facta est remissio peccatorum? Respondetur, inquit, dimitti concupis- & con.
centiam carnis in baptismo, non ut non sit, sed ut in peccatum non imputetur, quam- ll. 1. ca. 25.
vis autem reatu suo jam soluto, manet tamen. Et rursus: *In eis qui regenerantur in*

Christo, cum remissionem accipiunt prorsus omnium peccatorum, utique necesse est, ut Eodem
reatus etiam hujus, licet adhuc manentis concupiscentiæ, remittatur, ut in pecca- libro c. 26.
tum (sicut dixi) non imputetur. Nam sicut eorum peccatorum, quæ manere non

possunt, quoniam cum sunt prætereunt, reatus tamen manet: sic illius quando re-
mittitur, reatus aufertur. Hoc est enim non habere peccatum, reum non esse pecca-
cati. Nam si quisquam (verbi gratiâ) fecerit adulterium; etiam si nunquam dein-
ceps faciat, reus est adulterii, donec reatus ipsius indulgentiâ remittatur: Habet ergo
peccatum, quamvis illud quod admisit, jam non sit. Sic itaque fieri contrario po-
test, ut etiam illud maneat actu, prætereat reatu. Quam sententiam contra Ju-
lianum postea defendens. Dixi sanè, inquit, quomodo manent peccata reatu,

quæ prætereunt actu: sic contrario fieri potest, ut concupiscentia maneat actu, &
prætereat reatu. Et infra: Nullo pacto, inquit, fieri potest ut maneat actio &
abscedat reatus: hoc de sacrificio, inquit Augustinus, idolis oblato verissimè dicis.

Et paulò post: Quapropter sicut idolis immolatio quæ jam nec in actione est, quia
præteriiit, nec in voluntate, quia error quo fiebat absumptus est, manet tamen rea-
tus ejus, donec in lavacro regenerationis peccatorum omnium remissione solvatur: sic
contrario, quamvis reatus mala concupiscentiæ eodem baptismate sit solutus, manet

tamen

Cons. 7m.
ll. 6. ca. 1.

tamen ipsa, donec medicina perficienda sanetur. Et rursus respondens calumniæ quam veritati struebat Julianus dicens, quodd si mala esset concupiscentia post baptismum manens, tunc baptismus non auferret crimina, sed raderet: Tu autem quæ putas, inquit, quodd si malum esset concupiscentia, careret eâ qui baptizatur, multum erras; omni enim peccato caret, non omnimalo.. Quod planius ita dicitur: Omni reatu omnium malorum caret, non omnibus malis. Quando verò peccata vocamus eas legis inobedientias quæ reos non faciunt, sive quia remissæ sunt, ut concupiscentiæ malum in fidelibus baptizatis, sive quia nunquam placuerunt, ut prava desideria quæ nobis omnino nolentibus insurgunt, tunc de peccato improprie loquimur: sicut locutus est Apostolus sanctificatis fidelibus, cum ait: *Nunc ergo regnet peccatum in vestro mortali corpore; sed neque exhibeatis membra vestra arma iniquitatis peccato.* Et: *Peccatum vobis non dominabitur.* Et: *Non ego operor illud, sed quod habitat in me peccatum.* Nam licet concupiscentia, quam peccatum vocat Apostolus, per baptismum sanctificata non sit, nec legis inobedientia esse desierit, hoc enim si dicerem, inquit Augustinus, non eam malam esse dicerem, sed fuisse: Attamen quia superata est & dimissa, ided peccatum proprie dici non potest. Unde nec propter ipsam, nec propter prava ejus desideria, quibus non consentimus, fateamur nos sine peccato non esse, ut quotidie dicimus: dimitte nobis debita nostra; sed tantum propter ea quæ cum aliquo consensu quotidie incautis obrepunt, sicut docet Augustinus contra duas epist. Pelag. lib. 1. cap. 13. contr. Julia. lib. 2. cap. 10. super Psal. 118. concione 3. quia in pravis illis desideris quæ nos non operamur, sed quod habitat in nobis peccatum, nos satis excusat quod ait Apostolus, *Nunc autem jam, non ego operor illud, sed quod habitat in me peccatum.*

Cont. Jul.
lib. 6. cap. 5.
Idem cont.
2. epist. Pe-
lag. lib. 1.
c. 13. lib. 3.
cap. 3.

Rom. 6.

Rom. 7.

Contra
Jul. lib. 6.
cap. 6.

C A P U T X V I I.

*Cur illicitus concupiscentiæ motus Christianis
dissentientibus non imputetur.*

V ERUM an huic excusationi locum faciat ipsa peccatorum remissio, quæ facta est in baptismo, sicut baptizatis non imputentur, sed tantum infidelibus, an potius ipsa rei natura, quæ non patitur, ut Deus justo judicio cuiquam imputer, quod invitus patitur, non est hujus loci differere: illud tamen non absurdè dici posse videtur, proprios & necessarios habitualis concupiscentiæ motus, quos homo in se non operatur, sed quod habitat in ipso peccatum, à sua causa non debere separari, sed sicut proprios fructus, cum arbore debere conjungi, eo modo quo actum exteriorem cum interiori jungimus voluntate, atque unum & idem peccatum esse dicimus; ac proinde ante baptismum universa mala desideria quæ ex habituali concupiscentia contra voluntatis imperium oriuntur, unà cum ipsa unum peccatum originis efficere, quod totum ab eo reatu peccati rationem & appellationem accipiat, quem habitua- lis concupiscentia pariebat, quando homini dominabatur (si enim nunquam dominata fuisset nunquam illum fecisset: quia Dei justitia non patitur, ut quis

ob id fit reus, quod omnino patitur invitus.) Sed hoc reatu soluto per baptismum, sicut habitualis concupiscentia quam voluntas odit, neque reatum aliquem parit, quia nullo modo dominatur, neque à præterito reatu peccatum dici potest, quia jam solutus est: sic & ejus desideria, quæ nobis nolentibus insurgunt, neque nos reos faciunt, quia nobis non dominantur, neque ab eo reatu peccata dici possunt, quem in causa sua aliquando habuerunt, quia ille prius baptismate solutus est, quam hæc in nobis orirentur. Hinc Augustinus, cum rogasset, quæ petamus dimitti nobis, cum dicimus: *Dimitte nobis debita nostra*, utrùm quæ nos operamur, quando peccati desideriis obedimus, an ipsa desideria nobis dimitti volumus, inquit, quæ nos non operamur, sed quod habitat in nobis peccatum? Responder: *Quantum ego sapere possum*, inquit, *languoris illius & infirmitatis, unde illicita desideria commoventur, quod peccatum vocavit Apostolus, universus reatus sacramento baptismatis solutus est. Nec deinceps languor iste nobis obesse, quamvis inesset, si desideriis ejus illicitis nulli unquam obedientiam præberemus.* Quibus verbis duo manifestissimè significat. Prius est quòd universus reatus, quo languor ille, unde illicita desideria commoventur, nos ante baptismum reos tenebat, sacramento baptismatis solutus est; posterius, quòd languor iste deinceps nunquam nobis obesse potest, aut reos constituere, nisi desideria ejus obedientiam aliquam præbeamus; quia quod nullo modo voluntati dominatur non potest facere reum. Ex quibus rectissimè sequitur, quòd in oratione dominica, non pro hujus languoris aut desideriorum ejus, quibus non consentimus, remissione dicimus: *Dimitte nobis debita nostra*: sed solum pro remissione eorum quibus aliquo modo consentimus, & consentiendo rei sumus; quia nemo remissione indiget, nisi qui aliquo modo reus est. His desideriis quæ inviti patimur admodum simile est homicidium ab invito commissum, quod tamen ex voluntaria aut multum culpabilitura traxit originem: quia si reatus hujus originis non sit antè per legitimam poenitentiam solutus, tunc homicidium etiam ab invito commissum, ab illo reatu peccatum est, quem prius voluntariè peccando contraxit in origine homicidii, sed si ante perpetratum homicidium solutus fuerit reatus originis ipsius, tunc homicidium peccatum dici non poterit, neque ab eo reatu quo reum faciat homicidam, quia quod omnino involuntarium est, non potest parere reatum, neque ab eo reatu quem prius in causa sua contraxerat. Quia per legitimam poenitentiam antè solutus esse ponitur, quàm homicidium opere perpetraretur. Illud tamen observandum, quòd licet justo Dei iudicio reum facere non possit, quod est propriæ voluntati contrarium: attamen benè reum constituit, quod non est à propria voluntate perfectum, si modo voluntati saltem habitu dominetur. Sicut de peccato originis manifestissimum est, quod propterea originis esse dicitur, quia non proprio sed alieno opere contrahitur. Unde etiam D. Thomas: Licet à peccato excusent ea quæ ab invitis contra legem Dei fiunt, attamen quæ à non volentibus, qui non sunt inviti, contra divinam legem fiunt, excusanda non putat. Quia saltem habitu dominantur rationi. Id quod non immeritò approbandum existimo, quia hæc peccato originis simillima sunt, quod justo Dei iudicio imputatur

Super Psal.
118. com-
cio. 3.
Matth. 6.

Matth. 6.

etiam parvulis, qui neque ad volendum neque ad nolendum habere possunt propriæ voluntatis arbitrium, sed tantum ex eo rei sunt, quia alieno opere legis inobedientiam contraxerunt, quæ ipsis saltem habitu dominatur, ut dictum est: quia non gerunt contrarium voluntatis arbitrium.



MICHAELIS BAIL,
 D E
 M E R I T I S
 O P E R U M.
 LIBER PRIMUS.

C A P U T I

*Quodd in malis operibus nemo saltem hoc seculo
 meritum neget, sed tantum in bonis.*



U M adversus nostri temporis hæreticos de meritis operum differitur, non est necessum operosa disputatione laborare, ut ea peccata, de quibus scriptum est, quodd qui talia agunt regnum Dei non consequentur, iusto Dei iudicio æternâ morte damnari monstrantur: quia inter eos nemo adhuc tam impudens extitit, ut negare auderet aut crimina esse mortis æternæ merita, aut æternam mortem esse iustum peccati stipendium. Nam quisquis id negaret, is futurum Dei iudicium, quod nobis Scripturæ sacræ prænunciant, apertissimè damneret. Sed cum ex adverso quaeritur: anne bona opera Sanctorum etiam iusto Dei iudicio vitam mereantur æternam, tunc plerique eorum retributionis magnitudinem, quam in malis operibus dissimulant, admirantur, & meriti nomen quod in malis operibus negare non audent, in bonis tanquam sinceritati fidei perniciosum abominantur, contententes quodd quemadmodum in suppliciis peccatorum Domino tantum cantamus iudicium, sic in præmiis bonorum operum non nisi misericordiam aut gratiæ donum cantare debeamus. Ad quodd ostendendum non tantum illis utuntur argumentis quæ contra lapsi hominis opera militare videntur, sed etiam illis ex quibus eodem jure sequeretur, quodd nec beati angeli suæ perseverantiæ merito vitam consequuti sunt æternam, nec primus homo hanc iusto iudicio consequutus fuisset, etiamsi usque in finem hujus animalis vitæ in justitia perseverasset. Quantum igitur Deus dederit primo loco conabimur ostendere, quodd quemadmodum dæmonibus æterna damnatio iustum peccati stipendium fuit: sic etiam stantibus angelis æterna felicitas fuerit iusta merces meriti. Deinde quodd eadem felicitas eodem prorsus modo homini non gratia, sed merces

*Distributio
 operis.*

meriti fuisset, si in bono quod acceperat usque in finem animalis vitæ constans perstitisset. Et denique, quod non tantum in hominibus stetit, sed etiam in eo qui post lapsum Christi sanguine reparatur vera credenda sunt merita, ob quæ iusto Dei iudicio vita reddatur æterna, licet inter hominem integrum & eum qui reparatur hæc sit agnoscenda diversitas, quod vita æterna homini integro permanenti, sicut facta est angelis, tantum merces meriti fuisset, ei verò qui reparatur simul merces & gratia. Quibus expeditis, sumpto alio initio, ad ea transibimus quæ inter scriptores catholicos salvæ fidei unitate de eodem argumento disputantur.

CAPUT II.

*Quâ ratione, Beatitudinis plenitudo angelis
iusta retributio fuerit.*

Sicut in bene constituta republica non tantum iustitia est quando unaquæque res humanis usibus accommodata tanti venditur quanti vir prudens æstimaverit aut lex iusta statuerit, sed etiam quando scelera iis multantur supplicii quæ lex iusta transgressoribus comminatur, & obsequia reipublicæ præstita illis præmiis compensantur quæ publicis legibus sunt propofita: sic etiam in curia cœlesti vera iustitia fuit quod angelis in iustitia persistentibus æterna felicitas, & ab illa recedentibus æterna damnatio retributa sit. Nam utrumque illis in sua creatione lege naturali à Deo constitutum fuit, ut si per liberum arbitrium, quod acceperant rectum, in data sibi iustitia persisterent, huius perseverantiæ merito tantam beatitudinis plenitudinem acciperent, ut & deinceps cadere non possent & hoc certissime scirent, si verò per idem liberum arbitrium ab accepta iustitia recederent æternâ morte multarentur. Sed qui damnationem impiorum iusto Dei iudicio deputant, Sanctorum verò felicitatem non nisi muneri gratuito, hoc videntur attendere, quod impii suam iniustitiam ob quam damnantur à semetipsis habeant: iusti verò suam iustitiam ob quam glorificantur non nisi ex Dei adiutorio; quasi verò ad commutationis aut distributionis iustitiam requiratur, ut id quod commutatur aut ob quod præmium aliquod decernitur, non sit alieno munere, consilio, aut auxilio partum, sed solum illius industriâ qui aliud quippiam pro illo, iusto iudicio consequitur. Certè in commutationibus evidentissimum est, ibi etiam exactissimam iustitiam inveniri, ubi ea commutantur quæ gratuito munere sunt accepta. Ex quo intelligimus nihil ob stare quominus sit iusta retributio, etiamsi ob illud fiat, quod alieno munere seu auxilio partum est, dummodò illius verè sit cui retributio fit. Sicut absque dubio sunt bona opera quæcunque vel angelo, vel etiam homini tam lapsò, quam integro sunt divino munere collata: quia optimo jure nostrum dicimus quod nobis est legitime datum. Sed obijciunt; Deus statim ab initio potuit ab angelis absque omni spe, aut obligatione mercedis, exigere quicquid illi unquam obsequii præstiterunt: igitur æternæ beatitudinis retributio non potest illis dici iustitia, sed gratia. Responsio: sicut carnalis dominus quamdiu servum in servitutis conditione relinquit,

quit, suo jure absque omni mercedis retributione potest ab eo quodvis obsequium servitutis exigere; & tamen postquam illum libertate donavit pro voluntario & legitimo ministerio sibi ab illo præstito justam debet mercedem: sic Deus licet angelum initio ita naturaliter servum creare potuerit, ut absque omni retributionis debito quodvis obsequium ab illo exigere potuerit; attamen quia illum naturaliter liberum condidit, & conditum in sua potestate reliquit, apponens illi ignem & aquam, ut vel divinis legibus sponte obediens vitam consequeretur æternam, vel proprio arbitrio resistens æternam mortem damneretur. Ideo finito cursu ministerii pro sua voluntaria obedientia, non tanquam gratiæ donum, sed tanquam meriti mercedem, æternam felicitatem adeptus est, quia Deus sic eum naturaliter liberum condiderat, ut cum eo non quasi cum servo, sed tanquam cum libero agere deberet, sicut etiam cum illo debet carnalis dominus agere quem voluntate propria fecit ex servo liberum.

Objicitur secundò: sicut angelis legem Dei servantibus promissa est æterna felicitas; sic etiam credentibus & poenitentibus hominibus promittitur venia peccatorum: sed in peccatorum venia non est agnoscenda retributio justitiæ: igitur neque in vita æterna quæ bonis operibus redditur, sed tantum gratiæ beneficium. Responsio. Inter has promissiones magna distantia est, non tantum in hoc quod illa pertinet ad legem naturæ, hæc verò ad propositum divinæ gratiæ, sed etiam in hoc quod vita æterna angelo & homini in sua creatione tantum intuitu bonorum operum promissa sit, eò quod bona opera ex lege naturæ ad illam consequendam per se sufficiant: ea verò promissio, quæ remissio peccatorum credentibus & poenitentibus promittitur, longè magis respicit illud pietatis sacramentum in quo sanctificamur, quàm fidem ipsam quæ illud sacramentum creditur, aut poenitentiam per quam ad remissionem peccatorum pervenitur, quia sine Christi merito hæc nullo modo ad remissionem peccatorum sufficerent. Et ideo in illa promissione continetur naturalis justitiæ constitutio, quæ pro bonis operibus sine alio respectu vita æterna justis promittitur; in hac verò promissione magis commendatur gratuita Salvatoris redemptio, cujus intuitu credentibus & poenitentibus datur peccatorum remissio, omnisque ea reparatio, quæ nos in Christo renovamur, ut virtutes, imminutio concupiscentiæ malæ, & perseverantia, quæ usque in finem in justitia perseverant, quia fides & poenitentia ex se secundum justitiæ regulam nihil tale promoverent. Quod verò addunt quidam, opera bona non posse apud Deum esse merita, quia Deo nihil utilitatis adferunt, planè ridiculum est. Primum quidem, quia nec opera mala quicquam illi damni adferunt, quæ tamen nemo negat æternæ damnationis esse merita. Deinde, quia nec apud homines qui ob indigentiam aut avaritiam fere lucra sectantur semper meritum ex lucro metimur, sed frequenter ex eo duntaxat quod eorum voluntati servitur à quibus operanti merces proponitur, sive opus ipsum utilitatem illis adferat, sive etiam damno afficiat; & denique Christus, qui apud patrem tanti meriti fuit, ut de illo dixerit: hic est filius meus dilectus in quo mihi benè complacui; & cujus redemptio apud Deum copiosa describitur, Deo tamen nihil utilitatis attulit, sed ejus duntaxat gloriam quæ sivit & promovit, sicut etiam quærunt

2. *Objeccio**Responsio.*

& promovent qui ejus vestigia secuti Deum in sua fide & conversatione glorificant.

CAPUT III.

Quod æterna felicitas non aliter homini contigisset, quam beatis angelis contigit, si homo etiam in accepta justitia perstitisset.

Quod de æterna felicitate sanctorum angelorum diximus, qui perseverantes in accepta justitia merito hujus perseverantiæ immarcescibilem coronam adepti sunt, hoc etiam de hominis beatitudine dicendum fuisset, si in accepta justitia perseverans ad vitam immortalem sine peccato interveniente translatum fuisset: siquidem hoc illi etiam naturali lege constitutum fuit, ut si suo conditori per obedientiam constanter adhereret, ad eam vitam pertransiret in qua mori non posset, si verò ab ea recederet morte æternâ mulceretur. Hoc enim expressissimè testatur Sapiens cum ait: *Deus ab initio constituit hominem, & reliquit eum in manu consilii sui, adjecit mandata & præcepta sua; si volueris mandata servare conservabit te, & in perpetuum finem placitam servare, apposuit illi ignem & aquam, ad quod volueris porrigere manum tuam; ante hominem vita & mors, bonum & malum, quodcunque placuerit dabitur illi, nempe vita pro justitia, & mors pro iniquitate: sicut in Genesi dicitur. Quacunque horâ comederis morte morieris.* Quapropter sicut bonis angelis merces meriti fuit, quod æternam beatitudinem & æternæ beatitudinis certitudinem ac securitatem sunt adepti, sic etiam homini fuisset si in sua rectitudine absque peccato usque in finem vitæ animalis perstitisset, sicut apertissimis verbis testatur Augustinus dicens: *Quideris liberius libero arbitrio quando non poteris servare peccato? quæ futura erat & homini, sicut facta est angelis merces meriti. Nunc autem per peccatum perdit bono merito, in his qui liberantur factum est donum gratiæ, quæ merces meriti futura erat.*

Euseb. 15.

Cap. 2.

De corrupt.
gratia.
cap. 11.

CAPUT IV.

Quare vita æterna, quæ futura erat homini sicut facta est angelis merces meriti, per peccatum facta est in his qui liberantur donum gratiæ.

Cæterum in eo quod Augustinus, vitam in qua liberum arbitrium peccare non poterit, per peccatum perdit bono merito, in his qui liberantur factam esse donum gratiæ, quæ merces meriti futura erat & homini, sicut facta est angelis, si homo in justitia perseverasset, ad eam diversitatem aspexit quæ est inter merita angelorum, seu quæ homo habuisset si in justitia perstitisset, & inter merita hominis jam à peccati servitute liberati. Quia enim priora illa merita

fuc-

fuerunt primæ creationis munera, non quidem aliquorum præcedentium operum meritis reddita, sed nec mali quippiam merentibus in sua creatione donata. Ideo juxta modum loquendi Scripturæ sacræ non rectè vocantur gratia, quod fit tantum meriti non etiam gratia debeat nuncupari. Sed in iis qui per redemptionis gratiam reparantur, nullum inveniri potest bonum meritum quod non sit gratis indigno collatum, & ideo sicut ejusmodi merita rectissimè gratia nuncupantur, sic & ipsa vita æterna cum his meritis redditur; etiam juxta modum loquendi Scripturæ sacræ non tantum meriti merces sed etiam donum gratiæ dicitur. Dico juxta modum loquendi Scripturæ sacræ, quia quæcunque angelis aut homini in sua creatione nullis præcedentibus meritis à Deo donata sunt forsitan non improbandâ ratione possent dici gratiæ munera, sicut profequitur Augustinus epist. 95. & de verbis Apostoli 1. Cor. 11. Sed quia Scriptura sacra, sicut ibidem dicit Augustinus, nomine gratiæ non nisi ea munera intelligit, quæ per Jesum Christum male merentibus & indignis conferuntur: ideo neque merita neque merces quæ illis redditur gratia dici debet, nisi in eo & illi cui merita indigno & male merenti conferuntur. Unde Augustinus: *O homo si accepturus es vitam æternam, justitia quidem stipendium est, sed tibi gratia est, cui gratia est & ipsa justitia: tibi enim tanquam debita redderetur, si ex te tibi esset justitia cui debetur.* In angelo igitur, & in homine si nunquam peccasset, vita æterna quæ meritis redditur tantum merces est meriti, sed in illis qui à peccati servitute liberantur, quia ipsa merita sunt dona gratiæ male prius merentibus indulta, ideo vita æterna quæ his redditur, non tantum merces meriti & stipendium justitiæ, sed etiam donum gratiæ efficitur, ut dictum est. Epi. 105.

CAPUT V.

Quid sicut merita per peccatum perditæ fuerunt: sic Christi beneficio homini sunt reddita.

CÆterum quod hætenus distulimus, an homini post lapsum reparato etiam merita tribuenda sint, videamus. De hoc clamat Psalmista. Omnes Psal. 13. *declinaverunt, simul inutiles facti sunt; non est qui faciat bonum, non est usque ad unum.* Unde etiam jubet Christus, ut quantumcunque in obedientia mandatorum profecerimus, attamen recolentes nativitatæ & miseriæ nostræ primordia, quibus juxta veteris hominis formam huic sæculo & sub diaboli potestate nascimur, semper dicimus quod servi inutiles sumus, quia videlicet ex nostra origine ad omne opus bonum & ad omnè bonum meritum inidonei sumus & reprobi. Unde Augustinus: *non gloriatur caro de meritis, quæ quidem potuit habere, sed perdidit; & per quod habere potuit, per hoc perdidit, hoc est, per liberum arbitrium: & rursus: humana merita conticescant, quæ perire per Adam; merita, inquam, quæ homo ex semetipso habere posset, & dona Dei non essent, sicut docet Augustinus de grat. & lib. arb. cap. 6. Sed si veraciter credimus, & salubriter confitemur promissionem Abraham factam & gratiam Dei per Jesum dominum nostrum non tantum ad remissionem valere peccatorum, sicut docuit Pelagius,* Luc. 17. De corrupt. cap. 12.

- De gradib. lajus, sed etiam ad operationem bonorum operum, in quibus per Christum creati sumus, & quæ præparavit Deus ut in illis ambulemus; tunc sicut in Adam omnia hominum merita periisefatemur, sic etiam in Christo eadem reparata esse necessum est fateamur; juxta illud quod per Malachiam promissit Dominus, quod purgabit filios Levi, & erunt Domino offerentes sacrificium in justitia, & placebit Domino sacrificium Juda & Jerusalem, sicut dies sæculi, inquit, & sicut anni antiqui, quia opus verè bonum & Deo acceptum non potest non esse meritum.*
- Cap. 15. Unde in Genesi, Nolite timere Abraham; ait, ego protector tuus & merces tua magna nimis: & secundo Paralipomenon: Non dissolvantur manus vestre, erit enim merces operi vestro: & apud Esaiam: Ecce merces ejus cum eo: de qua etiam in Evangelio: Beati estis, inquit Christus, cum maledixerint vobis homines, & persecuti vos fuerint, & dixerint omne malum adversum vos, mentientes propter me; gaudete & exultate quoniam merces vestra copiosa est in cælis: & rur-*
- Matth. 10. sus: Qui recipit prophetam in nomine prophete, mercedem prophete accipiet: item: Matth. 10. Voca operarios, & redde eis mercedem; &: Quicunque potum dederit uni ex minimis istius calicem aquæ frigidæ tantum in nomine discipuli, non perdet mercedem suam:*
- Matth. 10. & Apostolus: Unusquisque propriam mercedem accipiet secundum suum laborem: & rursus: Si volens hoc ago, mercedem habeo, si invito dispensatio mihi credita est: 1 Cor. 3. & ad Hebræos: Nolite itaque amittere confidentiam vestram, quæ magnam habet 1 Cor. 9. remunerationem: & rursus: Aspiciebat enim in remunerationem: & ad Colossenses: Quodcumque facitis ex animo operamini sicut Domino & non hominibus, scientes quod à Domino accipietis retributionem hæreditatis: & Joannes in Canonica sua: 2 Joan. Videte vosmetipsos, ne perdati quæ operati estis, sed ut mercedem plenam accipiat. Sed quibus propositum est adversus veritatem contentiosa exercere certamina, & omnem fallendi occasionem quærere, etiam si diffiteri non possint quin Scriptura sacra dicens, quod impii in corruptione sua peribunt accipientes mercedem injustitiæ, & quod omnis prævaricatio accipiet justam mercedis retributionem, nominibus mercedis & retributionis palàm significet, mala opera esse justæ damnationis merita, attamen cum passim de bonis operibus loquens, eisdem vocibus utitur; palàm asserens bonis operibus mercedem, retributionem, remunerationem, fieri, adhuc audent negare bona opera esse alicujus mercedis merita, & diligenter cavendum monent, ne ubi ejusmodi quippiam in Scripturis sacris legitur, correlatio aliqua mercedis & meriti cogitetur, sed omnis intentio ad eum scopum dirigatur quem ipsi sibi præfixerunt, nempe quod fides, quæ se quisque justum esse statuit, sola sine operum meritis sine sacramentorum subdiis, ad vitam ducat æternam. Cæterum qui Scripturis sacris veraciter credunt, non minùs in bonis operibus quàm in malis inter mercedem & meritum correlationem intelligunt. Sciunt enim quod Deus justus judex reddet unicuique secundum opera sua, iis quidem qui secundum patientiam boni operis gloriam & honorem & incorruptionem quarunt, vitam æternam, iis verò qui sunt ex contentione & qui non acquiescunt veritati, iram & indignationem. Nec aliter intelligunt vitam esse bonorum operum mercedem, quàm mortem esse stipendium peccati; nisi in hoc duntaxat quod quia peccatum tantum ab homine est, idem mors non nisi stipendium est; quia verò bona opera in iis qui liberantur sunt Dei dona, & priùs indignis col-*

lata, idèò vita æterna quæ his redditur non tantùm merces meriti: sed etiam gratia nuncupatur, quia videlicet peccatoribus non deberetur nisi eis priùs merita donarentur.

C A P U T VI.

Quomodo vita æterna simul sit merces & gratia.

X quo manifestè solvitur ea objectio quæ adversùs regeneratorum merita solet ex Apostolo confici: Gratia Dei vita æterna; igitur non est merces. *Objectio.*
 Et utrumque enim in Scripturis sacris continetur, & utrumque respectu diverso-
Responsio.
 am verissimè dicitur. Nam vita æterna est gratia peccatori, quales omnes
 huic sæculo nascimur; & est merces benè operanti, qualis quisque ex Dei
 munere efficitur: de qua re Augustinus: Ipsa vita æterna, qua utique in fine
 sine fine habebitur, & idèò præcedentibus meritis redditur; tamen quia eadem merita,
 quibus redditur, non à nobis parata sunt per nostram sufficientiam, sed in nobis facta
 sunt per gratiam, etiam ipsa gratia nuncupatur, non ob aliud nisi quia gratis datur:
 nec idèò quia meritis non datur, sed quia data sunt & ipsa merita quibus datur: &
 infra: Cùm enim dixisset stipendium peccati mors est, quis non congruentissimè & con-
 sequenter addere judicaret; stipendium autem justitiæ, vita æterna? Et verum est,
 quia sicut merito peccati tanquam stipendium redditur mors, ita merito justitiæ tan-
 quam stipendium vita æterna. Sed B. Apostolus adversùs elationem vigilantissimè
 militans: Stipendium, inquit, peccati mors. Deinde ne justitiæ de humano se
 extolleret merito, sicut humanum meritum malum non dubitatur esse peccatum; non à
 contrario retulit dicens, stipendium justitiæ vita æterna; sed gratia, inquit, Dei
 vita æterna: & de gratia & libero arbitrio: Si vita æterna bonis operibus red-
 ditur, sicut apertissimè dicit Scriptura, quoniam Deus reddet unicuique secundum opera
 sua; quomodo gratia est vita æterna, cum gratia non pro operibus reddatur, sed gra-
 tis detur? &c. Ista questio, ait, nullo modo mihi videtur posse dissolvi nisi intelli-
 gatur & ipsa opera bona quibus æterna redditur vita ad Dei gratiam pertinere. Si-
 militer de correptione & grat. Quia & ipsa vita æterna, quam certum est bonis ope-
 ribus debitam reddi à tanto Apostolo, gratia Dei dicitur, cùm gratia non operibus
 reddatur, sed gratis detur, sine ulla dubitatione consistendum est, idèò gratiam vi-
 tam æternam vocari, quia his meritis redditur quæ gratia contulit homini. *Cap. 3.*

C A P U T VII.

Quomodo servi inutiles & quomodo utiles sint dicendi.

Objicitur secundò: Cùm feceritis omnia quæ præcepta sunt vobis, dicite, servi
 inutiles sumus: sed servus inutilis nihil meretur à Domino: igitur apud
 Deum nullum possumus obtendere meritum. Respondeo: Homo & angelus
 naturaliter quidem servi Dei sunt, sed non eo modo quo servos dicimus qui si-
 ne ulla mercede obligatione totà vità dominis carnalibus serviunt. Verum eo
 modo quo liberi & suæ potestati relictī promptā voluntate pro conductā mer-
 cede

- Ecli. 15.* cedē liberaliter serviunt. *Deus enim reliquit hominem in manu consilii sui: cui etiam consummato opere dicit: Nonne ex denario convenisti mecum? Tolle quod tuum est, & vade.* Et idē servitutis modus quo angelis & homo servi Dei conditi sunt, non excludit rationem meriti, sed potius includit. Quod verō addit Christus, ut nos etiā inutiles agnoscamus, ad id respicere jubet quod peccando facti sumus; *omnes enim declinaverunt, simul inutiles facti sunt, non est qui faciat bonum, non est usque ad unum.* Sed si quis ab his se emundaverit, inquit *1 Tim. 2.* Apostolus, *eris vas in honorem sanctificatum & utile Domino ad omne opus bonum paratum.* Idē enim quisque Domino servus utilis est, quia ad bene operandum est idoneus. Quapropter licet quantumcunque in obedientia mandatorum Dei profecerimus, recolentes nativitatis nostrę primordia, nos semper inutiles servos, & ad opus bonum inidoneos agnoscere debemus: sicut Apostolus, recolens quid esset antequam in Christo fuisset, se minimum Apostolorum imo *1 Cor. 15.* Apostolico nomine indignum agnoscebat, ed quōd persecutus esset Ecclesiam Dei; attamen Dei munera contemplantes, quę nos in isto consequimur, non solum nos utiles, sed etiam meritis fecundos dicere possumus: sicut se dicit Apostolus cū ait: *Plus omnibus laboravi, non ego, sed gratia Dei mecum.* Unusquisque enim accipiet secundum suum laborem; & alibi probono certamine dicit sibi repositam coronam justitię, *quam reddet mihi Dominus, inquit, in illa die, justus iudex.*

CAPUT VIII.

Quod vita æterna etiam particularibus operibus debita reddatur.

- Obiectio.* **O**bjiciunt etiam: Deus vitam aut salutem non promittit nisi perfecti totius legis suę observatoribus: sed nemo nunc talis reperitur: igitur in hominibus, saltem quales nunc sunt, nulla potest statui ratio meriti. *Responsio.* Scripturę sacrę quę legis observatiōi vitam aut salutem pollicentur æternam variis loquuntur modis. Alię enim totam legem generaliter commemorant & nullam mercedis ingerunt mentionem, ut, *si vis ad vitam ingredi serva mandata: & qui perseveraverit usque in finem, hic salvus erit.* Alię verō particularia opera commemorant quibus sic vitam promittunt æternam, ut illam etiam nomine mercedis appellent; ut, *beati estis cū maledixerint vobis homines, &c. gaudete & exultate quoniam merces vestra copiosa est in calis: & rursum: quicumque potum dederit uni ex minimis istis calicem aquę frigidę tantum in nomine discipuli, amen dico vobis, non perdet mercedem suam: & qui recipit prophetam in nomine prophetę, mercedem prophetę accipiet.* Ex prioribus igitur illis Scripturis, ad quas solas respexisse videntur qui hoc argumentum conficiant, non satis clarē statui potest in quolibet bono opere ratio meriti, tum quia generaliter de legis observatiōe loquuntur, tum etiam quia nōdam promissionem sine ulla mentione mercedis continent; sed quemadmodum ex eo quod scriptum est: *qui dixerit fratri suo, satue, reus eris gehennę ignis;* certō statuimus hoc crimen etiā si solum esset, æternę damnationis esse meritum: sic

sic ex posterioribus illis Scripturis satis manifestè ostenditur, ea opera quibus particulariter etiam sub nomine mercedis regnum cœlestè promittitur, esse vitæ æternæ merita, licet mercedem suam non consequantur, si ex aliorum mandatorum transgressionibus aliquod superveniat impedimentum.

CAPUT IX.

Quid Christi & quid nostris meritis propriè debeat ascribi.

Nonnulli etiam sic colligunt, nemo justum suæ Iniquitatis pretium Deo *Objectio.* persolvit, sed quisquis à peccatis liberatur illius pretio redimitur qui tactus est nobis sapientia, & justitia, & sanctificatio, & redemptio: igitur *1 Cor. 1.* nemo etiam ullum vitæ æternæ meritum Deo offert, quo justo Dei judicio illam consequatur, sed quisquis illam adipiscitur, illius tantum merito adipiscitur qui sanctos suos salvos facit in regnum suum cœlestè. *Responsio;* Quicquid ad humani generis reparationem pertinet, id non nostris meritis propriè, *1 Tim. 4.* neque justo Dei judicio tribuendum est, quia aliqui saltem ex parte essemus nostri redemptores, sed tantum proposito gratiæ Dei, per redemptionem quæ facta est in sanguine Christi. Et ideo fides, oratio, poenitentia, remissio peccatorum, abolitio poenæ temporalis quæ peccatis per sacramentum poenitentiae remissis quandoque relinquitur, conversatio sancta & perseverantia usque in finem vitæ hujus temporalis, imò & ipsa corporis resurrectio, propriè non nisi Christi meritis ascribenda sunt. Quia licet ad remissionem peccatorum, abolitionem poenæ post sacramentum poenitentiae restantis, mortificationem concupiscentiæ, & perseverantiam in obedientia mandatorum Dei, juxta promissiones Christi ex parte nostra requirantur fides, poenitentia, oratio, satisfactio, & similia; attamen hæc per se nullo modo sufficiunt, ut justo Dei judicio jam dicta Dei dona consequamur, nisi illis suffragetur pretium sanguinis Christi, sine cujus merito nulla omnino sit hominis reparatio. Si enim per se sufficerent, tunc his acceptis ad cætera consequenda non esset passio Christi necessaria. Cæterum quod piè & justè in hac vita mortali usque in finem conversati vitam consequuntur æternam, id non proposito gratiæ Dei, sed ordinationi naturali statim initio creationis humani generis constitutæ, & justo Dei judicio deputandum est, sicut suprà satis diximus. Nec in hac retributione bonorum ad Christi meritum aspicitur, sed tantum ad primævam institutionem generis humani, in qua lege naturali constitutum est, ut justo Dei judicio obedientiæ mandatorum vita, sicut inobedientiæ mors æterna redderetur. Licet igitur universa generis humani reparatio solis Christi meritis tribuenda sit, ne si qua ejus pars alterius cujuspiam meritis propriè tribuatur, is saltem ex parte redemptor esse statuatur; attamen quod operibus bonis, quæ præparavit Deus ut in illis ambulemus, vita reddatur æterna, id non Christi meritis, sed naturali institutioni hominis ascribendum est, ut diximus. Quod verò ad Timor. scribit Apostolus: *Liberavit me Dominus ab omni opere malo, & salvum faciet in regnum suum cælestè;* non sic accipiendum est, quasi utrumque Christi meritis ascribi debeat, nempe quod

Apostolus ab omni opere malo liberatus sit, & quòd pro fide servata coronam gloriæ sit consecutus: sed tantùm quòd hæc duo ex Christi meritis adeptus sit, videlicet quòd in præteritis tentationibus sit ab omni opere malo custoditus, & quòd usque in finem vitæ temporalis in obedientia mandatorum Dei perseveraverit ut salvus esse possit; qui enim perseveraverit usque in finem, hic salvus erit. Unde Apostolus volens ostendere quomodo in hac mortali vita ex Christi meritis salvi facti sumus: *Spe*, inquit, *salvi facti sumus*; quando videlicet peccatorum remissionem accepimus, & Dei mandatis obedi-
 mus. Quòd igitur in hac vita iusti, pii, & apti regno coelorum, seu spe salvi effici-
 mur, non nisi proposito gratiæ Dei deputandum est, quæ restauratur quod per peccatum in nobis perierat: sed quòd iustitiæ & pietatis merito regnum cœleste consequimur, iusto Dei iudicio. Sed quantum dedit Deus, expedita quæstione de qua dubitare fas non est, nempe: Utrùm bona opera sint vitæ æternæ merita; sumpto alio exordio ad eas transeamus, de quibus inter fideles, salvâ pace catholicâ, variè disputatur.



MICHAELIS BAII,
D E
M E R I T I S
O P E R U M.
LIBER SECUNDUS.

C A P U T I.

*Quòd alii fundamentum meriti statuunt divinæ naturæ
consortium, alii verò totam ejus rationem ex
obedientia præcepti metiantur.*

INter eas quæstiones, quæ de meritis operum etiam à Catho-
licis variè disputantur, prima occurrit: An bonis operibus,
id est, ex objecto, fine & reliquis circumstantiis per omnia
divinæ legi consentaneis, ex sua qualitate & natura, quia vi-
delicet sunt divinæ legis obedientia, an solum ex prævia ope-
rantis dignitate, vita debeatur æterna. Sunt enim qui meri-
tum non ex operis integritate, sed ex operantis dignitate me-
tiendum existiment; adeò ut si quis imaginetur angelum aut hominem sic
naturaliter conditum; ut sine inhabitatione ac directione Spiritus sancti to-
tam Dei legem illibatè servaret, juxta horum sententiam nullum omnino vi-
tæ æternæ meritum haberet, donec per inhabitantem Spiritum Sanctum supra
naturæ suæ conditionem sublimatus, & in Dei filium adoptatus, divinæ natu-
ræ consortium accepisset: sic enim accipiendum existimant quod in Canoni-
ca Petri dicitur, Deum nobis per Christum maxima & pretiosa donasse pro-
missa, ut per hoc efficiamur divinæ consortes naturæ. Verùm licet Scriptura
sacra inter promissa nobis per Christum donata, etiam enumeret divinæ na-
turæ consortium, quo fugimus eam quæ in mundo est concupiscentiæ cor-
ruptionem; neque enim tales naturæ facti sumus, ut sine divino adjutorio ac
consortio bonum facere valeamus: nusquam tamen addit in bonis operibus
hanc esse meriti rationem, quòd non sine divino consortio fiant. Nisi quis
fortè ed spectare existimet, quod ait Apostolus: *Si linguis hominum loquar &*
angelorum, charitatem autem non habuero, &c. nihil mihi prodest. Sed quia
pleni-

2 Petr. 1.

1 Cor. 13.

- Jou. 14.* plenitudo legis est charitas; & qui non diligit me, inquit Christus, sermones meos non servat: ideo forsitan non absurdè intelligi potest Apostolus docere, nullius esse meriti quæcunque sine charitate fiunt; non quod in hac vita mortali esse queat aliqua vera & integra legis obedientia, quæ nullius apud Deum sit meriti: sed quia quæcunque sine charitate fiunt, etiam si apud homines speciosa videantur, tamen apud Deum simulata tantum & non verà sunt legis obedientia. Quicunque enim faciebant quod lex jubebat non adjuvante spiritu gratiæ, inquit Augustinus, timore poenæ faciebant, non amore justitiæ, ac per hoc coram Deo non erat in voluntate, quod coram hominibus apparebat in opere. Igitur jam dictum Apostolorum testimonium nihil prohibet, quominus vera meriti ratio non in excellentia operantis, sed in vera obedientia divinæ legis esse dicatur: sicut Dominus in Genesi docere videtur, cum ait Abraham: *Benedicentur in semine tuo omnes gentes terræ, quia obedisti voci meæ*: & rursus ad Isaac: *Benedicentur in semine tuo omnes gentes terræ, eo quod obedierit Abraham voci meæ, & custodierit mandata mea*. Quapropter eorum sententia, qui in bonis operibus totam meriti rationem ex eo metiuntur, quod sint obedientia mandatorum Dei, his rationibus ostendi posse videtur.

CAPUT II.

Quod sicut opus malum ex natura sua est mortis æternæ meritum: sic bonum opus ex natura sua est vitæ æternæ meritum.

- O**Peri malo, non ex prævia aliqua peccantis indignitate, sed ex deformitate operis quæ qualitatem facit operantis, hoc est quia divinæ ordinationi resistit, mors debetur æterna; qui enim resistunt, inquit Apostolus, ipsi sibi damnationem acquirunt. Igitur bono operi, non ex prævia aliqua dignitate operantis, sed ex natura & qualitate boni operis quæ qualitatem facit operantis, quia videlicet Dei ordinationi consentit, vita debetur æterna. Deus enim personam hominis non accipit, sed uniuscujusque opus justâ lance perpendit, ut tam bonis quàm malis unicuique secundum opera sua retribuatur. Nam in omni gente, inquit Petrus, qui timet Deum & operatur justitiam acceptus est illi: &: *Debetur merces bonis operibus si fiant*, inquit Concilium Araus. 2. *sed gratia, quæ non debetur, præcedit ut fiant*. Idem & Augustinus epist. 106. *Bona opera piâ retributione non frustrantur, cum reddat Deus unicuique secundum opera ejus; sitque gloria & honor & pax omni operanti bonum*. Sed in perpenditione meritorum, forsitan nonnullos fallit solius externi operis consideratio: quia dum legunt quod respexit Dominus ad Abel & ad munera ejus, ad Cain autem & ad munera ejus non respexit, significari existimant boni operis meritum necessariò proficisci debere à bona qualitate operantis. Id quod verissimè existimant, si per operantis qualitatem, bonam ejus voluntatem, bonamque ejus intentionem atque internam devotionem intelligant, sine qua nullum est externi operis meritum: sed si qualitatem operantis intelligant, quæ omnem internam præcedit

cedit actionem, à qua videlicet operans prius supra naturæ suæ conditionem extollatur, quàm ullum etiam internum meritum possit operari, tunc omnino consequens esse videtur, ut ante omnem mali meriti rationem, in peccante etiam qualitas aliqua requiratur, per quam infra naturæ suæ conditionem deiciatur, ut per opus peccati tam horrendo stipendio dignus inveniat; quia Scripturæ sacræ bona & mala opera apud Deum æquâ lance perpendi significant, nec aliter legis suæ transgressoribus mortem comminantur, quàm factoribus vitam promittunt æternam. *Deus ab initio constituit hominem, inquit Sapiens, & reliquit illum in manu consilii sui, adjecit mandata & præcepta: Si volueris mandata servare conservabunt te: ante hominem vita & mors, bonum & malum, quod placerit ei, dabitur illi.* Non enim ait, si ex filio hominis, seu ut nonnulli loquuntur, ex homine in puris naturalibus constituto, in filium Dei per sublimantem te gratiam adoptatus, modo quodam deifico mandata Dei servaveris, conservabunt te, scilicet ad vitam æternam, sicut dicendum fuisse significant, qui nullum vitæ æternæ meritum agnoscunt, nisi in eis qui per Dei gratiam ex filiis hominum in Dei filios sublimati sunt: sed simpliciter, si volueris mandata servare, conservabunt te. Si volueris, inquit, ut intelligamus homini recens condito & in statu primæ suæ creationis constituto, (sive absque Spiritu Sancto creatus esse dicatur, sicut nonnulli doctorum scholasticorum errantes autumant, sive cum Spiritu Sancto, ut veritas habet) non aliud fuisse velle mandata servare, quàm servare. Quia sicut peccare in libera ejus potestate erat si vellet, sic etiam mandata Dei servare: nobis autem irreprehensibiliter vivere velle non sufficit, inquit Prosper, nisi ipsum velle nostrum, quod languidâ possibilitate deficit, divina virtus adjuverit: quia in multis verissimè dicimus, velle adjacet mihi, perficere autem non invenio; &: Spiritus quidem promptus est, caro autem infirma. Quapropter Christus in Evangelio hanc eandem primæ constitutionis cum humano genere initam pactionem repetens, non ait: Si vis mandata servare vitam consequeris æternam: sed ait: Si vis ad vitam ingredi, serva mandata; hoc interim insinuans, quodd quædam modum æternæ morti omnes addiçi sumus, quia primum Domini pactum cum humano genere initum, aut in primo parente duntaxat, aut etiam in proprio opere irritum fecimus: sic etiam vitam consequeremur æternam, si in primæ creationis nostræ statu persistentes Dei mandata illibate servaremus.

Ecclesi. 15.

De vita
contempl.
lib. 3. cap. 3.

Matt. 19.

CAPUT III.

Quod natura humana, etiam Spiritu Sancto destituta, si Dei mandata illibate servaret esset de præmio secura.

Sed & Augustinus differens de natura humana jam Spiritu Sancto destituta, statim manifestè ostendit, opera hominis etiam Spiritu Sancto destituti, & nondum per Christi gratiam in filium Dei sublimati, non posse non esse vitæ æternæ merita, si essent verè bona, & omni ex parte facta secundum præscriptum divinæ legis; ait enim sic: *Natura humani generis ex unius illius præva-* De natur.
tica. & 17. c. 2.

ricatoris carne procreata, si potest sibi sufficere ad implendam legem, perficiendamque justitiam, de præmio debet esse securo, hoc est, de vita æterna, etiamsi fides eam lateat sanguinis Christi: non enim injustus est Deus, qui justos fraudet mercede justitiæ. Nam si talis natura humana legem implens non potest fraudari præmio, & mercede vitæ æternæ: igitur impletio legis est vitæ æternæ meritum, etiamsi ab eo fieret qui per Christi fidem nondum sublimatus est in Dei filium. Verum si quem forte movet, quod naturam humanam ex unius illius prævaricatoris carne procreatam, etiamsi ad implendam totam legem sibi sufficeret, adhuc tamen à vitæ æternæ secluderet primæ originis noxa, quam nascendo contraxisset, nisi per fidem Christi renascendo in aqua baptismi deleta foret; ac proinde non posse verum esse quod ait divus Augustinus: Quid si natura humani generis ex unius illius prævaricatoris carne procreata, possit sibi sufficere ad implendam legem, de præmio debet esse securo, hoc est, de vita æterna: is intelligat ex originali noxa esse quod natura humana, qualis nunc est, ad legem implendam sibi non sufficit; ac proinde divum Augustinum per naturam humanam ex primi prævaricatoris carne procreatam (quæ ad implendam legem sibi sufficeret) talem hominem intelligere, quales omnes nos nasci contendebat Pelagius, nempe ab omni culpa immunem, & ad servandam totam Dei legem ex intelligentia rationis sibi sufficientem, qui non egeat remissione peccati, neque ad implendam Dei legem auxilio Christi: sed solum per Christi fidem, & renovationis lavacrum adoptione ex filio hominis in filium Dei, ut juxta Evangelium, possit videre regnum Dei. Hæc enim fuit Pelagii sententia, docentis infantes sine peccato nasci, & ad totam legem Dei perfectè implendam ex innata sibi virtute idoneos, modo doctrinâ legis adjuventur, quâ revocentur ab imitatione malorum. Contra quam dicit Augustinus, quod si homo ex illius unius prævaricatoris carne procreatus, talis esset, qualem eum assererat esse Pelagius, nempe ab omni peccato immunis, & ad implendam Dei legem sibi sufficiens, etiamsi Christum ignoraret, & per ejus fidem ac baptismum in filium Dei sublimatus non esset, & divinæ naturæ consortium adeptus, attamen deberet de vitæ æternæ præmio esse securus: quia talis homo justus esset, nec injustus est Deus, ut justum fraudet mercede justitiæ. Deus namque erit injustus, inquit, si ad ejus regnum verum non admittatur justus: cum & ipsius ejus regnum justitia sit, sicut scriptum est: Non est regnum Dei esca & potus, sed justitia, & pax, & gaudium in Spiritu Sancto. Huic etiam consonat quod idem Augustinus toties inculcat, quod justus Deus imagines suas ob omni peccato immunes (quales eas in primo suo ortu assererat Pelagius) nunquam excluderet à regno Dei: quia has etiam non docebat Pelagius divinæ consortes naturæ. Nam si tales imagines cum nihil boni egissent non possent alienari à regno Dei: igitur multo magis dignæ essent regno Dei, cum factæ rationis compotes, illibatè Dei legem observassent, etiamsi per adoptionis gratiam ad sublimiorem statum translatæ non essent.

*Contra Jul.
lib. 4. c. 3.*

Rom. 14.

CAPUT IV.

Quòd Pelagii sententia sit, opera bona cìtra gratiam adoptionis facta non esse regni cœlestis merita.

Nec qui ita sentiunt ea in re Pelagio consentiunt, (sicut quidam imperitè clamitant) sed hi potiùs qui contrà asserunt: Opera bona non esse regni cœlestis merita, nisi ab eis facta qui priùs in filios Dei adoptati, digni sunt regno Dei. Nam Pelagius docuit infantes (quos ab omni peccato immunes assererat) non propter remittendum peccatum percipere baptismum, sed ut spiritali procreationem non habentes creentur in Christo, & ipsius regni cœlorum participes, fiant eo modo filii & hæredes Dei, cohæredes autem Christi, inquit Augustinus, hoc est, ut de bono in melius translati admitterentur ad regnum Dei. Ex quo manifestè efficitur, quòd etiam si usque in finem vitæ hujus mortalis divinam legem ita completerent, ut in nullo prorsus offenderent: attamen regnum Dei consequi non possunt, nisi per fidem Christi & baptismum adoptarentur in filios Dei. Quòd nihil aliud est dicere, quàm bona opera etiam si justa sint & secundùm legem Dei facta, non esse tamen regni cœlestis merita, nisi ab illo fiant, qui per fidem & baptismum adoptatus est in filium Dei. Sicut etiam apertè dixisse legitur Julianus, asserens multos sine lege, sine Christi fide, ex solis naturæ donis benè vixisse, & multa ac magna virtutum opera præstitisse, nec tamen nisi steriliter bonos fuisse, eò quòd regni cœlestis præmio frustrati sint.

Lib. 1. de peccat. meritis, cap. 18.

CAPUT V.

Quòd ex lege idèd non sit justitia, quia non ex lege, sed ex gratia est legis obedientia.

Quem Juliani errorem videntur nonnulli catholici in iis Scripturis intellexisse quibus dicitur, quòd in lege nemo justificatur apud Deum, & quòd ex lege non sit hæreditas. Has enim sic acceperunt, quasi docere voluerit Apostolus, quòd decalogus, & tota institutio vetus non justificaret obediētes coram Deo, nec eos cœlo dignos faceret, nisi priùs per fidem in sanguine Christi ex filiis hominum translati essent, & adoptati in filios Dei, eò quòd obedientia legis non placeat Deo nisi in reconciliatis; nec animadvertunt hunc eundem errorem olim à Pelagianis apud D. Augustinum etiam catholicis fuisse objectum. Quia enim catholici defendebant, quòd ex lege nemo justificetur apud Deum: inferebant Pelagiani eos dicere legem veteris testamenti non ob hoc datam fuisse, ut justificaret obediētes, sed ut gravior fieret causa peccati. Quibus respondens Augustinus: *Prorsus non intelligunt quid de lege dicamus*, inquit, *quia id quod dicit Apostolus (quem non intelligunt) dicimus. Quis enim dicat non justificari eos qui sunt legi obediētes, quando si non justificarentur non possent esse obediētes: Sed dicimus lege fieri, ut quid Deus fieri velit audiat: gra-*

Galat. 3.

Contra epistolam Pelag. lib. 3. cap. 2.

tiâ verò fieri, ut legi obediat. In quibus divi Augustini verbis duo manifestissimè continentur. Prius est: non idè dictum ab Apostolo, quòd nemo in lege justificetur, quasi possit aliqua esse legis obedientia, quæ non sit vera justitia, sed quia per legem tantum est cognitio peccati, non etiam legis obedientia, quam sola præstat gratia. Posterius est, quòd lex usque ad cò justificet obedientes, ut nemo veraciter in externis operibus legi obediat, nisi prius intus justitiam & rectitudinem cordis habeat: quia fructum bonum non facit nisi arbor bona & vera cordis justitia. Unde etiam lex in Psalmis toties nomine justificationis intelligitur: quia videlicet quisquis illi veraciter obtemperat, is coram Deo justificatur. Nam quòd ea legis obedientia, quæ vel in impiis gentilibus, vel in Judæis ex lege viventibus apparuit, non fuit justitia, non ex eo accidit, quòd possit aliqua esse vera legis obedientia, quæ non sit vera justitia, etiam cœlesti præmio digna: sed quia obedientia illa tantum coram hominibus apparuit in opere, & coram Deo obedientia non fuit in corde. *Sine fide enim impossibile est Deo placere.* Et: *Quicquid non est ex fide, peccatum est:* quia coinquinatis & infidelibus nihil est mundum: sed inquinatæ sunt eorum mens & conscientia, habentium sapientiam non spiritalem, quâ diligant cœlestia, sed terrenam & animale, quâ nihil nisi mundum sectantur. Hunc eundem errorem in locis suis communibus de promissione legalium nobis insinuat Philippus, cùm ait: Bona opera tunc mereri præmia, cùm sunt ab iis qui fide jam consecuti sunt remissionem peccatorum: quia supra dictam humanæ naturæ exaltationem in remissione peccatorum & reconciliatione fieri intelligit.

Hebr. 11.
Rom. 14.
Titum 1.

CAPUT VI.

*Quòd opera pœnitentium non absurdè dici queant
regni cœlestis merita.*

Objeçio.

Sed objicitur: Licet impii qui ab omni bono merito sunt immunes, nulum opus bonum faciant: attamen negari non potest, quin fides & pœnitentia catechumenorum ac pœnitentium, bona sint opera & Dei dona, quæ tamen nemo dixerit esse regni cœlestis merita: quia regnum cœlorum obtineri non potest sine prævia remissione peccatorum. Igitur opera bona, ratione suæ qualitatibus, quia videlicet sunt vera divinæ legis obedientia, non sunt regni cœlestis merita, nisi ab iis facta sint, qui acceptâ peccatorum remissione ad regnum Dei translati sunt. Responsio: Nemo Catholicus dubitat, quin sancti fideles bonis suis operibus mereantur coronam justitiæ: & tamen illam non consequentur, si se averterint à justitia sua, propter legitimum impedimentum quod peccando interponunt. Unde etiam dicitur: *Tene quod habes, ut nemo accipiat coronam tuam, tibi videlicet debitam, & non immerito speratam.* *Qui enim perseveraverit usque in finem, hic salvus erit.* Eodem modo de bonis catechumenorum operibus dici potest, quòd sint quidem regni cœlestis merita, sicut de Valentiniani virtutibus dicit Ambrosius. Nam qui-

Objeçtionis
dimissio.

Apoç. 3.

Matth. 10.

Matth. 10.

cumque dederit uni ex minimis istis calicem aquæ frigida tantum in nomine discipuli,
amen

amen dico vobis, inquit Christus, *non perdes mercedem suam*: sed tamen hanc justissimam mercedem non consequentur, nisi & præcedentium delictorum impedimenta tollantur, & subsequencia non addantur, quia si ad eventum respicias, solam perseverantiam pro merito reputabis. Nemo enim salvus fiet nisi merito perseverantiæ.

CAPUT VII.

Quod personæ operantis sublimitas in opere bono non auget rationem meriti: nisi quantum auget rationem virtutis & boni,

Objicitur etiam à quibusdam, quòd humillima Christi obedientia tantò majoris fuit meriti, quantò major erat qui se per obedientiam humiliabat. Igitur personæ sublimitas plurimùm confert ad rationem meriti, ac proinde à ratione alienum non erit, si dicatur quòd vitæ æternæ meritum non inveniat nisi in operibus eorum qui adoptati sunt in filios Dei. Responsio: Personæ dignitas tantùm auget rationem meriti, quæ boni operis proprietas est, quantum auget rationem virtutis & operis boni: sicut in obedientia & humilitate contingit, quæ tantò majorem habent virtutis & boni operis rationem, quantò major est qui veluti suæ dignitatis oblitus, pro rerum necessitate sese ad abjectissima quæque demittit. Sed in operibus aliarum virtutum, ut justitiæ, temperantiæ & similium, sicut personæ sublimitas nihil addit ad virtutis rationem, sic nec ad meritum quicquam adjicit, sicut cuivis considerare facillimum est. Imò forsitan quantò cuiquam plus collatum est, tantò minoris est meriti, nisi plus operetur quàm qui minus acceperunt, quia quantò plus illi datum est, tantò plus exigetur ab eo.

*Ad objectionem
responsio.*

CAPUT VIII.

Utrum peccata quæ dicuntur venialia, naturâ suâ talia sint, an tantùm divinâ misericordiâ.

Disputant etiam catholici: utrum peccata leviora, (quæ nos vulgò venialia dicimus, eò quòd in hac vita solo pacto dominicæ orationis, & in futura merito hîc benè actæ vitæ, precibus vivorum condonantur) naturâ suâ ejusmodi sint, ut à regno coelorum non secludant, nec in mortem secundam præcipitent; an tantùm divinâ misericordiâ. Nam licet Lutherus & alii quidam posteriores hæretici hanc quæstionem suis assertionibus inferuerint, dicentes omne peccatum naturâ suâ mortem mereri; nec desint Catholici qui hanc eorum sententiam tanquam hæreticam damnare præsumpserint, eò quòd Deus in futuro sæculo, ubi etiam datur horum peccatorum remissio, sine acceptione personarum judicet, secundùm uniuscujusque opus; attamen eruditiores illam non inter dogmata fidei contraria, sed potius inter opiniones

*Joannes
Ross. art.
32.*

- numerandam existimant, eò quòd videatur multis non improbandis rationibus posse defendi. Nam omne opus verè bonum, etiam si exiguum sit, naturà suà est vitæ æternæ meritum: *Quicumque enim dederit calicem aquæ frigidæ tantum in nomine discipuli, non perdet mercedem suam.* Igitur omne peccatum etiam leve, & exiguum naturà suà est meritum æternæ mortis. *Stipendium enim peccati, mors est,* inquit Apostolus: &: *Anima quæ peccaverit, ipsa morietur;* &: *Maledictus omnis qui non permanserit in omnibus, quæ scripta sunt in libro legis hujus;* &: *Qui solverit unum de mandatis istis minimis, & docuerit sic homines, minimus, imò nullus vocabitur in regno celorum;* &: *Quicumque totam legem servaverit, offendat autem in uno, factus est omnium reus.* Nam offensio non tantum in criminibus, sed etiam in levioribus peccatis intelligitur, de quibus etiam scriptum est: *In multis offendimus omnes.* Igitur non tantum per crimina, sed etiam per leviora peccata, meretur quisque perdere quæ operatus est, & à celorum regno separari.

De peccatorum meritis lib. 2. cap. 3.

Unde Augustinus: quis cum aliqua spe adipiscendæ salutis æternæ de hac vita migraret, manente illà sententià, quòd quicumque totam legem servaverit, offendat autem in uno, factus est omnium reus: nisi post paululum sequeretur; sic loquimini & sic facite, tanquam per legem libertatis incipientes judicari. Judicium enim sine misericordia illi, qui non facit misericordiam; superexaltat autem misericordia judicium. Si enim sola crimina suà naturà à regno celorum excluderent, tunc omnes Sancti, qui de hac vita sine criminibus exeunt, cum certissima salutis spe demigrarent, etiam manente illà sententià: Quòd quicumque totam legem servaverit, offendat autem in uno, factus est omnium reus; quia non nisi de criminibus posset intelligi.

Juan. 19.

Apoc. 21.

Huic sententiæ etiam consonum esse videtur, quod pro defunctis qui sine criminibus exierunt orat Ecclesia: Ne absorbeat eas tartarus, ne cadant in obscurum; quia absurdum esse videtur apud justum judicem pro reo pœnam deprecari, quæ scitur illi justo Dei judicio non posse irrogari. Præterea de peccatis levioribus, ait Dominus Petro, *si non laveris te, non habebis partem mecum.* Igitur nisi sanguis Jesu Christi etiam ab his peccatis nos emundaret, secluderemur à regno Dei: quod non ex alia causa nasci videtur, quàm quòd hæc peccata naturà suà à regno Dei secludant, in quod nihil potest coinquinarum introire. Igitur non est improbanda opinio, quã dicitur, quòd etiam levia peccata, secluso Christi sanguine, ex natura suà secludunt à regno Dei. Forsitan imaginantur quidam eos qui in hac vita à criminibus abstinere, suis bonis operibus promereri ut post hanc vitam, justo Dei judicio, leviorum peccatorum veniam consequantur. Sed ut apparet non bene imaginantur; tum quia sic falsum esset quod ait B. Jacobus: *Quicumque totam legem servaverit, offendat autem in uno, factus est omnium reus:* nam qui totam legem servasset, & in uno duntaxat leviorum offendisset, non esset omnium quæ bene egisset reus, sed potius ob illa dignus qui hujus unius transgressionis justo Dei judicio veniam acciperet; tum etiam quia sanguis Jesu Christi non esset necessarius, ut nos ab hujusmodi peccatis emundaret, nec verum fuisset quod de ejusmodi peccatis ait Christus Petro: *Si non laveris te non habebis partem me-*

mecum: sed illi sufficisset sic Dei mandata custodire, ut à criminibus abstinere, & hujus abstinentiæ merito, justo Dei judicio, leviorum peccatorum veniam acciperet. Ad id ergo quod pro opinione contraria dicitur: Deum in futuro sæculo (ubi etiam leviorum peccatorum datur remissio) reddere unicuique secundum opera sua, videtur respondendum, id quidem verum esse, sed eos qui hic sanctè conversati sunt, & in Christi corpore usque in finem mortalis vitæ hujus fideliter permanserunt, hoc etiam suis bonis operibus, justo Dei judicio, meruisse, ut ad quorundam peccatorum veniam (quæ tamen alioqui mortem inferrent) posset eis sanguis Jesu Christi, cum orationibus Sanctorum in futuro sæculo imò etiam in extremo judicio suffragari. Ad quam veniam justo Dei judicio consequendam, propria eorum merita per se nullo modo sufficerent, si ex illis solum tanquam à Christi corpore & meritis alieni judicaretur, quia bona opera quæ fecerunt non sunt justum pretium pro peccatis ipsorum, sed quia in vite tanquam palmites vivi usque in finem permanserunt, & hujus permansionis merito à vite immobiles effecti sunt. Ideò ad horum peccatorum veniam etiam meritis ejus participant, qui est sufficientissima propitiatio pro peccatis totius mundi, & sic accedente pretio sanguinis Christi, fideles pro iis operibus quæ per corpus gesserunt, non tantum vitam, sed etiam leviorum peccatorum indulgentiam justo judicio consequuntur; neque enim novum est aut inauditum, etiam in civilibus causis, ratione societatis aliquid cuiuspiam peccati deberi judicio, quod illi nullatenus deberetur, si per se tanquam ab illa societate alienus judicaretur; sunt enim penè singulorum societatum certa quædam privilegia, quibus non ob aliud gaudere debemus, quam quod ejusmodi societatibus inferi meruimus. Non igitur tam ex propriis meritis, quam ex societate vitis, in futuro sæculo justo Dei judicio Sanctis datur leviorum peccatorum remissio, ut dictum est.

1 Joan. 2.

CAPUT IX.

*Utrum bona opera Sanctorum in die Judicii amplio-
mercedem accipiunt, quam justo Dei judicio
mereantur accipere.*

Dubitant etiam nonnulli, utrum bona opera Sanctorum in die judicii amplio-
mercedem accipiant quam justo Dei judicio mereantur; sic enim loqui videtur B. Fulgentius cum ait: *Vita aeterna etiam non injustè gratia dicitur, quia non solum donis suis Deus dona sua reddit, sed quia tantum etiam ibi gratia divina retributionis exuberat, ut incomparabiliter atque ineffabiliter omne meritum, quamvis bonum & ex Deo datum humana voluntatis atque operationis, excedat. Quamvis enim non solum credendi in Christum lumen, sed etiam pro illo patiendi virtutem, à Deo nobis donari Beatus Apostolus ostendit, illam tamen futuræ vitæ gratiam omnibus præsentis temporis passionibus antepone-
ponit, dicens: Non sunt condignæ passionibus hujus temporis ad futuram gloriam, quæ revelabitur in nobis.* Et alio loco: *Idem quod in præsentem est momentaneum*

De dupli-
citate
lib. 1.Philip. 1.
Rom. 8.
1 Cor. 4.

Et leve tribulationis nostræ, supra modum in sublimitate æternæ gloriæ pondus operatur in nobis. Cui consentire videtur B. Bernardus sermone primo de annunciatione, dicens: Quid enim sunt merita omnia ad tantam gloriam? &c. Verum juxta hunc modum vita æterna non tantum in hominibus qui post lapsum reparantur, sed etiam in angelis & homine, si stetisset, donum gratiæ fuisset: id quod negat tamen Augustinus dicens, quoddam vita æterna futura erat & homini, sicut facta est angelis merces meriti, quæ per peccatum in iis qui liberantur facta est donum gratiæ. Præterea sicut cœlestis gloriæ, in iis qui liberantur, incomparabiliter justorum tribulationes exuperat: sic in iis qui damnantur, acerbitas supplicii etiam incomparabiliter excedit jucunditatem delicti. Sed in his dici non potest, quoddam modus supplicii excedit mensuram delicti, quia iniquitas esset apud Deum, qui infert iram. Igitur in iis qui liberantur gloriæ magnitudo non sufficienter ostendit, quoddam modus præmii excedat mensuram meriti; præsertim quia non desunt qui peccatorum supplicia usque ad eam non putent esse meritis majora, ut etiam impios omnes in inferno non tantam quantam digni sunt atrocitate cruciandos existiment, sed mitioribus & levioribus quam merita eorum requirant: eod quoddam non obliviscetur misereri Deus. Sed hoc dictum Psalmistæ ad vasa misericordiæ pertinet, & ad ipsos filios promissionis, inquit Augustinus, nam judicium sine misericordia illi qui non fecit misericordiam: & qui ab adversario in carcerem mittitur, non exiet inde, inquit Christus, donec reddat novissimum quadrantem. Sicut igitur in impiis non est verisimile, supplicium futuri sæculi fore infra delicti mensuram: sic in justis minus verisimile est quoddam retributio præmii exuperet mensuram meriti, etiam si forsitan humanis sensibus aliud apparet.

*De corrupt.
a. 11.*

Psal. 76.

*Decl. Del.
libro 11.
cap. 24.
Jacob. 2.
Matt. 5.*

MICHAELIS BAII,
SACRARUM
LITERARUM

IN
ACADEMIA
LOVANIENSI,
PROFESSORIS REGII,

DE
PRIMA HOMINIS

Justitia & virtutibus impiorum, libri duo.

MICHAELIS BAIL
 SACRARUM
 LITTERARUM
 IN
 ACADEMIA
 LOYAVENSIS
 PROFESSORIS REGII
 DE
 PRIMA HOMINIS
 JESUUS DE EVANGELII IMPRIMENDI

P R Æ F A T I O

I N

L I B R O S D E P R I M A

H O M I N I S J U S T I T I A ,

E T

V I R T U T I B U S I M P I O R U M .



Uanquam in omni quæstione catholicam fidem concernente, summâ semper ope niti oporteat, ut (quantum res ipsa patitur) vitetur error, & veritas teneatur: attamen id in iis quæstionibus in primis conandum est, sine quibus non satis intelligi queunt prima & præcipua fidei Christianæ fundamenta, quia & ritè cognitæ magnum ad cæteras lumen adferunt, & ignoratæ multos inducunt errores. Tales autem quæstiones semper esse judicavi, quibus quæritur: Qualis ab initio fuerit naturalis hominis integritas, & quid sentiendum sit de virtutibus impiorum, qui nullâ unius veri Dei fide imbuti, multa honesta & apud homines laudabilia fecisse leguntur. Nam sine his quæstionibus non satis potest intelligi, neque prima humanæ naturæ corruptio, neque ejusdem per Christi gratiam reparatio; in quibus tamen duobus (si divo Augustino credimus) propriè fides Christiana consistit: neque enim aliud est corruptio quàm quod vulgò dicimus malum.

*De peccato
orig. c. 24.*

48 P R Æ F A T I O.

in Ench.
cap. 11.

Quomodo autem discerni potest quid sit homini malum, nisi prius intelligatur quid ab initio fuerit naturaliter ejus bonum? cum nihil aliud sit quod dicitur malum, quàm naturalium privatio bonorum. Et rursus: *Quomodo dijudicabitur quid redemptio gratiæ homini jam christiano contulerit, nisi cognoscatur quid prima transgressio à prævaricatore abstulerit, & quid adhuc in impiis & à Christi redemptione alienis ex prima integritate supersit?* De his igitur duabus quæstionibus, sine quibus non satis intelliguntur fidei nostræ fundamenta, quantum Deus adjuverit deinceps pauca disserere conabimur.

MICHAELIS BAIL,

DE

PRIMA HOMINIS
JUSTITIA.

LIBER PRIMUS.

CAPUT I.

*Quòd primi hominis reëctitudo non fuerit sine
inhabitante Spiritu Sancto.*

PRimum hominem, in quo omnium hominum natura con-
creata est, initio fuisse conditum rectum negare nemo po-
test: quia id testatur Scriptura sacra dicens, quòd fecerit Deus
hominem rectum; sed quatenus intelligenda sit hæc primæ Euseb. 7:
creationis integritas, quam Scriptura sacra reëctitudinem nun-
cupat, à quibusdam dubitatur. Non enim defuerunt qui di-
cerent, eum in sua prima creatione, sicut cætera animantia, sortitum esse ani-
mam, quæ ciborum adjuta præsidio, motum & sensum corpori præstaret, &
per sumptionem ligni vitæ, senectam & mortem excluderet, sed non quâ
polleret justitiâ, sapientiâ, mansuetudine, bonitate, & cæteris virtutibus,
quibus quotidie per inhabitantem Spiritum Sanctum secundum imaginem Dei
reformamur. Id quod significatum existimant in eo quod ait Scriptura sacra:
Factus est primus homo Adam in animam viventem, novissimus Adam in Spiritum 1 Cor. 15.
vivificantem. Et rursus: *Primus homo de terra terrenus, secundus homo de cælo*
cælestis. Sed hunc sensum manifestissimè refellit quod in Genesi legitur: *Fa-*
ciamus hominem ad imaginem & similitudinem nostram. Quia licet imago Dei pos-
sit in naturalibus potentiis intelligi, quæ sine virtutibus possunt existere, aut
(ut Chrysostomus ait) in dominii similitudine: attamen similitudo non nisi in
vera sapientia, & aliis virtutibus accipitur, quibus quotidie operante Spiritu
Sancto secundum imaginem Dei reformamur. Nam quantum accedis
ad similitudinem Dei, inquit Augustinus, tantum proficis in charitate. Et
Chrysostomus: *Sicut imaginem dixit ob principatus rationem: ita & similitudi-* in Psal. 99.
nem dixit, ut pro viribus humanis similes fiamus Deo mansuetudine, inquam, Super Ge-
ne. Ho. 8.
& 9.

lenitate & virtutibus: quod & Christus dicit: *Similes estote patri vestro qui est in cælis*; & filius Dei non aliud promittit Joannes, quàm quodd cum apparuerit quid nunc sint, Deo similes erunt, quoniam videbunt eum sicuti est. In eo igitur quodd homo rectus ad imaginem & similitudinem Dei creatus legitur, debet intelligi conditus esse sapiens, justus, bonus, cæterisque virtutibus præditus, quibus quotidie in interiori homine renovamur, sicut etiam omnes veteres Scriptores intellexerunt. Irenæus. Adam eam, quam habuit à Spiritu Sancto sanctitatis stolam amisit per inobedientiam. Et rursus: *Quod perdidieramus in Adam, id est, secundum imaginem & similitudinem Dei esse: hoc in Christo Jesu recipimus.* Et lib. 5. ante medium lib. Cum spiritus commixtus animæ unitur plasmati, propter effusionem spiritus, spiritalis & perfectus homo factus est, & hic est qui secundum imaginem & similitudinem factus est Dei: si autem defuerit animæ spiritus, animalis est verè, & carnalis, derelictus, imperfectus erit, imaginem quidem habens in plasmate, similitudinem verò non assumens per spiritum. Et iterum eodem libro: *Qui instructi sunt iustitiâ, si diligentiam percipiant, & veluti in sectionem accipientes verbum Dei, in pristinam veniunt hominis naturam, eam quâ secundum imaginem & similitudinem factus est Dei.* Cyprianus quoque: *Perfectos, inquit, dixit fieri Dei filios, si similitudo, quam peccato Adam perdidit, manifestetur & luceat in actibus nostris.* Et rursus: *Adam contra præceptum cælestē, cibi lethalis impatiens in mortem cecidit, nec acceptam divinitus gratiam patientiâ custode servavit.* Similiter Ambrosius: *Illā animā benè pingitur, quæ habet in se virtutum gratiam renitentem, splendoremque pietatis; secundum hanc imaginem erat Adam ante peccatum: sed ubi lapsus est, deposuit imaginem cælestis.* Et rursus: *Adam cum in paradiso esset, cælestis erat.* Et tractans illud: *Jordanis conversus est retrorsum* (sicut citat divus Augustinus) *Jordanis, inquit, conversus est retrorsum, significavit salutaris lavacri futura mysteria, per quæ in primordia naturæ suæ, qui baptizati fuerint parvuli, à malitia reformantur.* Et rursus super Lucam, tractans illud: *Homo quidam ex Hierusalem descendebat: Angeli noctis & tenebrarum, inquit, ante despoliant quæ accepimus indumenta gratiæ, & sic vulnera inferre consueverunt.* Chrysostomus etiam super Genesim, primum hominem sæpius terrestrem angelum vocat sapientiâ plenum, & spiritu prophetiæ præditum, cui summum honorem, eminentem gloriam, supernam gratiam, & angelicum statum tribuit ante peccatum. Et Hilarius (sicut citat Augustinus:) *Tanta & tam admirabilis, inquit, in nos misericordia Dei bonitas est, ut per quem in Adā offensa generositate primæ & beatæ illius creationis amisimus, per eum rursus id quod amisimus obtinere mereamur.* Similiter Cyrillus super Joannem: *Sanctificationem in spiritu & per spiritum ad nos derivabas, & quod erat ab initio, quando à Deo creati fuimus, id ipsum renovat.* Et infra: *Alimo terra formatum hominem à Deo Moyses scripsit, & quomodo animatus fuit, docens: Inspiravit, ait, in faciem ejus spiraculum vitæ; ita non absque sanctificatione spiritus animam homini datam significat.* Et rursus: *Renovari ergo ac reformari quodammodo ad imaginem primam participatione spiritus naturam hominis rogat, ut primam illam gratiam induti, peccatum superare possimus:* & infra: *Breviter repetamus priscum humani generis donum, id est, quomodo sanctificationem spiritus ad vos revocat.* Et eodem capite: *Reformemus nos ad justitiam, ad sanctificationem,*

ad imaginem primam. Et lib. 12. cap. 56. Deus pater per proprium verbum de limo terra (us scribitur) hominem formavit, animā decoravit, & sui Spiritus participatione munivit: & rursus: Ut ergo ipsum esse discamus, qui ab initio naturam nostram creavit, & Spiritu Sancto signavit, rursus in ipso initio renovandæ naturæ, sufflatione Spiritum discipulis largitur: ut quemadmodum creati ab initio sumus, renovemur; & quemadmodum ad imaginem factus est tunc homo, similiter etiam nunc participatione Spiritus ad imaginem creatoris renovetur. Et lib. 2. cap. 3. Ab eodem, scilicet Mose, didicimus Spiritu ad imaginem divinam sigillatum hominem fuisse: Et insufflavit in faciem, ait, spiraculum vitæ; & fuit in paradyso, quousque gratiam Creatoris Spiritu Sancto inhabitante servavit. Et lib. 1. Adam Cap. 9. non tempore, quemadmodum nos, prudentiam didicit: sed statim à sui creatione perfectè sapiens fuit. Et de incarnatione unigeniti, cap. 1. Propter Adæ prævaricationem Spiritus ab humanitate discesserat, ob eamque causam in malis omnibus illa fuerat constituta. Et lib. 6. dialo. cum Herma. Ignoras, ait, quod humana natura, principio quidem ubertim recepit, ut particeps esset doni Spiritus. Et lib. de ador. in spiritu: Quod conditum est, ineffabili virtute animabatur, donoque Spiritus statim ornabatur; non enim aliter divina imaginis capaces sumus. Augustinus etiam: Fecit itaque Deus (sicut scriptum est) hominem rectum, ac per hoc Lib. 14. de bonæ voluntatis; non enim rectus esset bonam non habens voluntatem. Et rursus: Cognoverunt quia nudi erant; nudati, scilicet, eā gratiā, quā fiebat ut nuditas cap. 17. corporis, nullā eos lege peccati menti eorum repugnante confunderet. Et de spiritu & litera: Hoc agit Spiritus gratia, ut imaginem, in qua naturaliter facti sumus, in Cap. 27. staret in nobis. Et de libero arb: Quanquam enim credamus hominem tam perfectè conditum à Deo, & in beata vita constitutum, ut ad æternas mortali vitæ ipse inde propriā voluntate delapsus sit, tamen hoc cum firmissimā fide teneam, intelligentiā nondum affectus sum. Et de civ. Dei lib. 13. Fides Christiana prædicat primos ho- Cap. 19. mines ita fuisse conditos, ut si non peccassent, nullā morte à suis corporibus solverentur: sed pro meritis obedientiæ custoditæ immortalitate donati, cum eis viverent in æternum. Similiter Leo primus: Ut fideliter atque sapienter creationis nostræ De ioja. intelligamus exordium, inveniemus hominem idè ad imaginem Dei conditum, ut imi- decimi tentor sui esset auctoris, & hanc esse naturalem nostri generis dignitatem, si in nobis, mensis quasi in quodam speculo, divinæ bonitatis forma resplendeat, ad quam quotidie nos ferme. 1. utique reparat gratia servatoris, dum quod cecidit in Adam primo, erigitur in secundo. Et rursus: Primus homo carnis substantiam accepit è terra, & rationali spiri- De nati. tu per insufflationem creantis animatus est, ut ad imaginem & similitudinem sui auto- Domini ris vivens, formam Dei bonitatis atque iustitiæ, in splendore imitationis, tanquam sermo. 4. in speculi nitore servaret, quam naturæ suæ speciosissimam dignitatem, si per observantiam legis datæ perseveranter excoleret, ipsam illam terreni corporis qualitatem ad cælestem gloriam mens incorrupta perduceret. Idem docet Dionysius de ecclesiast. hierar. cap. 3. parte 3. & Prosper responsione 8. ad capitula Gallorum, cum ducentis quatuordecim sacerdotibus, quorum Constitutionem contra inimicos gratiæ totus mundus amplexus est veraci professione (quemadmodum ipsorum habet sermo;) Dicamus, inquit, gratiam Dei per Jesum Christum dominum nostrum non solum ad cognoscendam, verum etiam ad faciendam iustitiam nos per alius singulos adjuvare; ita ut sine illa nihil veræ sanctæque pietatis ba- bere,

lenitate & virtutibus: quod & Christus dicit: Similes estote patri vestro qui est in cælis; & filii Dei non aliud promittit Iohannes, quàm quòd cum apparuerit quid nunc sint, Deo similes erunt, quoniam videbunt eum sicuti est. In eo igitur quòd homo rectus ad imaginem & similitudinem Dei creatus legitur, debet intelligi conditus esse sapiens, iustus, bonus, cæterisque virtutibus præditus, quibus quotidie in interiori homine renovamur, sicut etiam omnes veteres Scriptores intellexerunt. Irenæus. Adam eam, quam habuit à Spiritu Sancto sanctitatis stolam amisit per inobedientiam. Et rursus: Quod perdidimus in Adam, id est, secundum imaginem & similitudinem Dei esse: hoc in Christo Jesu recipimus. Et lib. 5. ante medium lib. Cum spiritus commixtus animæ unitur plasmati, propter effusionem spiritus, spiritalis & perfectus homo factus est, & hic est qui secundum imaginem & similitudinem factus est Dei: si autem defuerit animæ spiritus, animalis est verè, & carnalis, derelictus, imperfectus erit, imaginem quidem habens in plasmate, similitudinem verò non assumens per spiritum. Et iterum eodem libro: Qui infructuosi sunt iustitiæ, si diligentiam percipiant, & veluti insertionem accipientes verbum Dei, in pristinam veniunt hominis naturam, eam quâ secundum imaginem & similitudinem factus est Dei. Cyprianus quoque: Perfectos, inquit, dixit fieri Dei filios, si similitudo, quam peccato Adam perdidit, manifestetur & luceat in actibus nostris. Et rursus: Adam contra præceptum cælestis, cibi letalis impatiens in mortem cecidit, nec acceptam divinitus gratiam patientiâ custode servavit. Similiter Ambrosius: Illa anima benè pingitur, quæ habet in se virtutum gratiam renitentem, splendoremque pietatis; secundum hanc imaginem erat Adam ante peccatum: sed ubi lapsus est, deposuit imaginem cælestis. Et rursus: Adam quidam in paradiso esset, cælestis erat. Et tractans illud: Jordanis conversus est retrorsum (sicut citat divus Augustinus) Jordanis, inquit, conversus est retrorsum, significavit salutaris lavacri futura mysteria, per quæ in primordia naturæ suæ, qui baptizati fuerint parvuli, à malitia reformantur. Et rursus super Lucam, tractans illud: Homo quidam ex Hierusalem descendebat: Angeli noctis & tenebrarum, inquit, ante despoliant quæ accepimus indumenta gratiæ, & sic vulnera inferre consueverunt. Chrysostomus etiam super Genesim, primum hominem sæpius terrestrem angelum vocat sapientiam plenum, & spiritu prophetiæ præditum, cui summum honorem, eminentem gloriam, supernam gratiam, & angelicum statum tribuit ante peccatum. Et Hilarius (sicut citat Augustinus:) Tanta & tam admirabilis, inquit, in nos misericordia Dei bonitas est, ut per quem in Adæ offensa generositas primæ & beatæ illius creationis amisimus, per eum rursus id quod amisimus obtinere increamur. Similiter Cyrillus super Joannem: Sanctificationem in spiritu & per spiritum ad nos derivabat, & quod erat ab initio, quando à Deo creati fueramus, id ipsum renovat. Et infra: A limo terræ formatum hominem à Deo Moyses scripsit, & quomodo animatus fuit, docens: Inspiravit, ait, in faciem ejus spiraculum vitæ; ita non absque sanctificatione spiritus animam homini datam significat. Et rursus: Renovari ergo ac reformari quodammodo ad imaginem primam participatione spiritus naturam hominis rogat, ut primam illam gratiam induti, peccatum superare possimus: & infra: Breviter repetamus priscum humani generis donum, id est, quomodo sanctificationem spiritus ad vos revocat. Et eodem capite: Reformemus nos ad iustitiam, ad sanctificationem,

ad imaginem primam. Et lib. 12. cap. 56. *Deus pater per proprium verbum de limo terræ (ut scribitur) hominem formavit, animâ decoravit, & sui Spiritus participatione munivit: & rursus: Ut ergo ipsum esse discamus, qui ab initio naturam nostram creavit, & Spiritu Sancto signavit, rursus in ipso initio renovanda natura, sufflatione Spiritum discipulis largitur: ut quemadmodum creati ab initio sumus, renovemur; & quemadmodum ad imaginem factus est tunc homo, similiter etiam nunc participatione Spiritus ad imaginem creatoris renovetur.* Et lib. 2. cap. 3. *Ab eodem, scilicet Mose, didicimus Spiritu ad imaginem divinam sigillatum hominem fuisse: Et insufflavit in faciem, ait, spiraculum vitæ; & fuit in paradyso, quousque gratiam Creatoris Spiritu Sancto inhabitante servavit.* Et lib. 1. *Adam* Cap. 9.
non tempore, quemadmodum nos, prudentiam didicit: sed statim à sui creatione perfectus sapiens fuit. Et de incarnatione unigeniti, cap. 1. *Propter Adæ prævaricationem Spiritus ab humanitate discesserat, ob eamque causam in malis omnibus illa fuerat constituta.* Et lib. 6. dialo. cum Herma. *Ignoras, ait, quod humana natura, principio quidem ubertim recepit, ut particeps esset doni Spiritus.* Et lib. de ador. in spiritu: *Quod conditum est, ineffabili virtute animabatur, doneque Spiritus statim ornabatur; non enim aliter divinæ imaginis capaces sumus.* Augustinus etiam: *Fecit itaque Deus (sicut scriptum est) hominem rectum, ac per hoc Lib. 14. de c. Dei c. 11. cap. 17.*
bonæ voluntatis; non enim rectus esset bonus non habens voluntatem. Et rursus: *Cognoverunt quia nudi erant; nudati, scilicet, eâ gratiâ, quâ fiebat ut nuditas corporis, nullâ eos lege peccati menti eorum repugnante confunderet.* Et de spiritu & litera: *Hoc agit Spiritus gratia, ut imaginem, in qua naturaliter facti sumus, in-* Cap. 27.
staurer in nobis. Et delibero arb: *Quamquam enim credamus hominem tam perfectè conditum à Deo, & in beata vita constitutum, ut ad æternas mortalis vitæ ipse inde propriâ voluntate delapsus sit, tamen hoc cum firmissimâ fide teneamus, intelligentiâ nondum affectus sum.* Et de civ. Dei lib. 13. *Fides Christiana prædicat primos ho-* Cap. 19.
mines ita fuisse conditos, ut si non peccassent, nullâ morte à suis corporibus solverentur: sed pro meritis obedientiæ custoditæ immortalitate donati, cum eis viverent in æternum. Similiter Leo primus: *Ut fideliter atque sapienter creationis nostræ De jeju. de c. 11. sermo. 1.*
intelligamus exordium, invenimus hominem idèò ad imaginem Dei conditum, ut imitator sui esset auctoris, & hanc esse naturalem nostri generis dignitatem, si in nobis, quasi in quodam speculo, divinæ bonitatis forma resplendeat, ad quam quotidie nos utique reparat gratia Servatoris, dum quod cecidit in Adam primo, erigitur in secundo. Et rursus: *Primus homo carnis substantiam accepit è terra, & rationali spiritu per insufflationem creantis animatus est, ut ad imaginem & similitudinem sui auctoris vivens, formam Dei bonitatis atque iustitiæ, in splendore imitationis, tanquam in speculinitate servaret, quam natura sua speciosissimam dignitatem, si per observantiam legis datâ perseveranter excoleret, ipsam illam terreni corporis qualitatem ad celestem gloriam mens incorrupta perduceret.* Idem docet Dionysius de ecclesiast. hierar. cap. 3. parte 3. & Prosper responsione 8. ad capitula Gallorum, cum ducentis quatuordecim sacerdotibus, quorum Constitutionem contra inimicos gratiæ totus mundus amplexus est veraci professione (quemadmodum ipsorum habet sermo;) *Dicamus, inquit, gratiam Dei per Jesum Christum dominum nostrum non solum ad cognoscendam, verum etiam ad faciendam iustitiam nos per actus singulos adjuvare; ita ut sine illa nihil veræ sanctæque pietatis habere,*

lenitate & virtutibus: quod & Christus dicit: *Similes estote patri vestro qui est in cælis*; & filiis Dei non aliud promittit Joannes, quàm quòd cùm apparuerit quid nunc sint. Deo similes erunt, quoniam videbunt eum sicuti est. In eo igitur quòd homo rectus ad imaginem & similitudinem Dei creatus legitur, debet intelligi conditus esse sapiens, justus, bonus, cæterisque virtutibus præditus, quibus quotidie in interiori homine renovamur, sicut etiam omnes veteres Scriptores intellexerunt. Irenæus. Adam eam, quam habuit à Spiritu Sancto sanctitatis stolam amisit per inobedientiam. Et rursus: *Quod perdideramus in Adam, id est, secundum imaginem & similitudinem Dei esse: hoc in Christo Jesu recipimus.* Et lib. 5. ante medium lib. Cùm spiritus commixtus animæ unitur plasmati, propter effusionem spiritus, spiritalis & perfectus homo factus est, & hic est qui secundum imaginem & similitudinem factus est Dei: si autem defuerit animæ spiritus, animalis est verè, & carnalis, derelictus, imperfectus erit, imaginem quidem habens in plasmate, similitudinem verò non assumens per spiritum. Et iterum eodem libro: *Qui infructuosi sunt iustitiæ, si diligentiam percipiant, & veluti insertionem accipientes verbum Dei, in pristinam veniunt hominis naturam, eam quæ secundum imaginem & similitudinem factus est Dei.* Cyprianus quoque: *Perfectos, inquit, dixit fieri Dei filios, si similitudo, quam peccato Adam perdidit, manifestetur & luceat in actibus nostris.* Et rursus: *Adam contra præceptum cæleste, cibi lethalis impatiens in mortem cecidit, nec acceptam divinitus gratiam patientiæ custode servavit.* Similiter Ambrosius: *Illam animam bevè pingitur, quæ habet in se virtutum gratiam renitentem, splendoremque pietatis; secundum hanc imaginem erat Adam ante peccatum: sed ubi lapsus est, deposuit imaginem cælestis.* Et rursus: *Adam cùm in paradiso esset, cælestis erat.* Et tractans illud: *Jordanis conversus est retrorsum* (sicut citat divus Augustinus) *Jordanis, inquit, conversus est retrorsum, significavit salutaris lavacri futura mysteria, per quæ in primordia naturæ suæ, qui baptizati fuerint parvuli, à malitia reformantur.* Et rursus super Lucam, tractans illud: *Homo quidam ex Hierusalem descendebat: Angeli noctis & tenebrarum, inquit, ante despoliant quæ accepimus indumenta gratiæ, & sic vulnera inferre consueverunt.* Chrysostomus etiam super Genesim, primum hominem sapiens terrestrem angelum vocat sapientiæ plenum, & spiritu prophetiæ præditum, cui summum honorem, eminentem gloriam, supernam gratiam, & angelicum statum tribuit ante peccatum. Et Hilarius (sicut citat Augustinus): *Tanta & tam admirabilis, inquit, in nos misericordia Dei bonitas est, ut per quem in Adæ offensa generositate primæ & beatæ illius creationis amisimus, per eum rursus id quod amisimus obtinere increamur.* Similiter Cyrillus super Joannem: *Sanctificationem in spiritu & per spiritum ad nos derivabat, & quod erat ab initio, quando à Deo creati fuimus, id ipsum renovat.* Et infra: *A limo terræ formatum hominem à Deo Moyses scripsit, & quomodo animatus fuit, docens: Inspiravit, ait, in faciem ejus spiraculum vitæ; ita non absque sanctificatione spiritus animam homini datam significat.* Et rursus: *Renovari ergo ac reformari quodammodo ad imaginem primæ participatione spiritus naturam hominis rogat, ut primam illam gratiam induti, peccatum superare possimus;* & infra: *Breviter repetamus priscum humani generis donum, id est, quomodo sanctificationem spiritus ad vos revocat.* Et eodem capite: *Reformemus nos ad iustitiam, ad sanctificationem,*

ad imaginem primam. Et lib. 12. cap. 56. Deus pater per proprium verbum de limo terræ (ut scribitur) hominem formavit, animâ decoravit, & sui Spiritus participatione munivit: & rursus: Ut ergo ipsum esse discamus, qui ab initio naturam nostram creavit, & Spiritu Sancto signavit, rursus in ipso initio renovanda naturæ, sufflatione Spiritus discipulis largitur: ut quemadmodum creati ab initio sumus, renovemur; & quemadmodum ad imaginem facti est tunc bono, similiter etiam nunc participatione Spiritus ad imaginem creatoris renovetur. Et lib. 2. cap. 3. Ab eodem, scilicet Mose, didicimus Spiritu ad imaginem divinam sigillatum hominem fuisse: Et insufflavit in faciem, ait, spiraculum vitæ; & fuit in paradyso, quousque gratiam Creatoris Spiritu Sancto inhabitante servavit. Et lib. 1. Adam Cap. 9.
non tempore, quemadmodum nos, prudentiam didicit: sed statim à sui creatione perfectè sapiens fuit. Et de incarnatione unigeniti, cap. 1. Propter Adæ prævaricationem Spiritus ab humanitate discesserat, ob eamque causam in malis omnibus illa fuerat constituta. Et lib. 6. dialo. cum Herma. Ignoras, ait, quod humana natura, principio quidem ubertim recepit, ut particeps esset doni Spiritus. Et lib. de ador. in spiritu: Quod conditum est, ineffabili virtute animabatur, donoque Spiritus statim ornabatur; non enim aliter divinæ imaginis capaces sumus. Augustinus etiam: Fecit itaque Deus (sicut scriptum est) hominem rectum, ac per hoc Lib. 14. de
c. Deic. 11.
cap. 17.
bonæ voluntatis; non enim rectus esset bonam non habens voluntatem. Et rursus: Cognoverunt quia nudi erant; nudati, scilicet, eâ gratiâ, quâ fiebat ut nuditas corporis, nullâ eos lege peccati menti eorum repugnante confunderet. Et de Spiritu & litera: Hoc agit Spiritus gratia, ut imaginem, in qua naturaliter facti sumus, in- Cap. 27.
staret in nobis. Et delibero arb: Quamquam enim credamus hominem tam perfectè conditum à Deo, & in beata vita constitutum, ut ad ærumnas mortalis vitæ ipse inde propriâ voluntate delapsus sit, tamen hoc cum firmissimâ fide teneam, intelligentiâ nondum affectus sum. Et de civ. De lib. 13. Fides Christiana prædicat primos ho- Cap. 19.
mines ita fuisse conditos, ut si non peccassent, nullâ morte à suis corporibus solverentur: sed pro meritis obedientiæ custoditæ immortalitate donati, cum eis viverent in æternum. Similiter Leo primus: Ut fideliter atque sapienter creationis nostræ De joan.
decimi
mensis
sermo. 1.
intelligamus exordium, inveniemus hominem idè ad imaginem Dei conditum, ut initiator suisset auctoris, & hanc esse naturalem nostri generis dignitatem, si in nobis, quasi in quodam speculo, divinæ bonitatis forma resplendeat, ad quam quotidie nos utique reparat gratia Servatoris, dum quod cecidit in Adam primo, erigitur in secundo. Et rursus: Primus homo carnis substantiam accepit è terra, & rationali spiritu per insufflationem creantis animatus est, ut ad imaginem & similitudinem sui auctoris vivens, formam Dei bonitatis atque justitiæ, in splendore imitationis, tanquam in speculi nitore servaret, quam naturæ suæ speciosissimam dignitatem, si per observantiam legis datæ perseveranter excoleret, ipsam illam terreni corporis qualitatem ad celestem gloriam mens incorrupta perduceret. Idem docet Dionysius de ecclesiast. hierar. cap. 3. parte 3. & Prosper responsione 8. ad capitula Gallorum, cum ducentis quatuordecim sacerdotibus, quorum Constitutionem contra inimicos gratiæ totus mundus amplexus est veraci professione (quemadmodum ipsorum habet sermo;) Dicamus, inquit, gratiam Dei per Jesum Christum dominum nostrum non solum ad cognoscendam, verum etiam ad faciendam justitiam nos per actus singulos adjuvare; ita ut sine illa nihil veræ sanctæque pietatis habere,

lenitate & virtutibus: quod & Christus dicit: *Similes estote patri vestro qui est in cælis*; & filii Dei non aliud promittit Joannes, quàm quòd cum apparuerit quid nunc sint, Deo similes erunt, quoniam videbunt eum sicuti est. In eo igitur quòd homo rectus ad imaginem & similitudinem Dei creatus legitur, debet intelligi conditus esse sapiens, justus, bonus, cæterisque virtutibus præditus, quibus quotidie in interiori homine renovamur, sicut etiam omnes veteres Scriptores intellexerunt. Irenæus. Adam eam, quam habuit à Spiritu Sancto sanctitatis stolam amisit per inobedientiam. Et rursus: *Quod perdideramus in Adam, id est, secundum imaginem & similitudinem Dei esse: hoc in Christo Jesu recipimus.* Et lib. 5. ante medium lib. Cum spiritus commixtus animæ unitur plasmati, propter effusionem spiritus, spiritualis & perfectus homo factus est, & hic est qui secundum imaginem & similitudinem factus est Dei: si autem defuerit animæ spiritus, animalis est verè, & carnalis, derelictus, imperfectus erit, imaginem quidem habens in plasmate, similitudinem verò non assumens per spiritum. Et iterum eodem libro: *Qui infructuosi sunt iustitiâ, si diligentiam percipiant, & veluti infertionem accipientes verbum Dei, in pristinam veniunt boninis naturam, eam quâ secundum imaginem & similitudinem factus est Dei.* Cyprianus quoque: *Perfectos, inquit, dixit fieri Dei filios, si similitudo, quam peccato Adam perdiderat, manifestetur & luceat in actibus nostris.* Et rursus: *Adam contra præceptum cælestis, cibi lethalis impatiens in mortem cecidit, nec acceptam divinitus gratiam patientiâ custodesservavit.* Similiter Ambrosius: *Illam animam benè pingitur, quæ habet in se virtutum gratiam renitentem, splendoremque pietatis; secundum hanc imaginem erat Adam ante peccatum: sed ubi lapsus est, deposuit imaginem cælestis.* Et rursus: *Adam cum in paradiso esset, cælestis erat.* Et tractans illud: *Jordanis conversus est retrorsum* (sicut citat divus Augustinus) *Jordanis, inquit, conversus est retrorsum, significavit salutaris lavacri futura mysteria, per quæ in primordia naturæ suæ, qui baptizati fuerint parvuli, à malitia reformantur.* Et rursus super Lucam, tractans illud: *Homo quidam ex Hierusalem descendebat: Angeli noctis & tenebrarum, inquit, ante despoliant quæ accipimus indumenta gratiæ, & sic vulnera inferre consueverunt.* Chrysostomus etiam super Genesim, primum hominem sæpius terrestrem angelum vocat sapientiâ plenum, & spiritu prophetiæ præditum, cui summum honorem, eminentem gloriam, supernam gratiam, & angelicum statum tribuit ante peccatum. Et Hilarius (sicut citat Augustinus): *Tanta & tam admirabilis, inquit, in nos misericordia Dei bonitas est, ut per quem in Ada offensa generositate primæ & beatæ illius creationis amisimus, per eum rursus id quod amisimus obtinere increamur.* Similiter Cyrillus super Joannem: *Sanctificationem in spiritu & per spiritum ad nos derivabat, & quod erat ab initio, quando à Deo creati fueramus, id ipsum renovat.* Et infra: *A limo terræ formatum hominem à Deo Moyses scripsit, & quomodo animatus fuit, docens: Inspiravit, ait, in faciem ejus spiraculum vitæ; ita non absque sanctificatione spiritus animam homini datam significat.* Et rursus: *Renovari ergo ac reformari quodammodo ad imaginem primam participatione spiritus naturam hominis rogat, ut primam illam gratiam induti, peccatum superare possimus: & infra: Breviter repetamus priscum humani generis donum, id est, quomodo sanctificationem spiritus ad vos revocat.* Et eodem capite: *Reformemus nos ad justitiam, ad sanctificationem,*

ad

ad imaginem primam. Et lib. 12. cap. 56. Deus pater per proprium verbum de limo terræ (ut scribitur) hominem formavit, animā decoravit, & sui Spiritus participatione munivit: & rursus: Ut ergo ipsum esse discamus, qui ab initio naturam nostram creavit, & Spiritu Sancto signavit, rursus in ipso initio renovanda natura, sufflatione Spiritum discipulis largitur: ut quemadmodum creati ab initio sumus, renovemur; & quemadmodum ad imaginem factus est tunc homo, similiter etiam nunc participatione Spiritus ad imaginem creatoris renovetur. Et lib. 2. cap. 3. Ab eodem, scilicet Mose, didicimus Spiritu ad imaginem divinam sigillatim hominem fuisse: Et insufflavit in faciem, ait, spiraculum vitæ; & fuit in paradyso, quousque gratiam Creatoris Spiritu Sancto inhabitante servavit. Et lib. 1. *Adam* Cap. 9. non tempore, quemadmodum nos, prudentiam didicit: sed statim à sui creatione perfectè sapiens fuit. Et de incarnatione unigeniti, cap. 1. Propter Adæ prævaricationem Spiritus ab humanitate discesserat, ob eamque causam in malis omnibus illa fuerat constituta. Et lib. 6. dialo. cum Herma. Ignoras, ait, quod humana natura, principio quidem ubertim recepit, ut particeps esset doni Spiritus. Et lib. de ador. in spiritu: Quod conditum est, ineffabili virtute animabatur, donoque Spiritus statim ornabatur; non enim aliter divinæ imaginis capaces sumus. Augustinus etiam: Fecit itaque Deus (sicut scriptum est) hominem rectum, ac per hoc bonæ voluntatis; non enim rectus esset bonam non habens voluntatem. Et rursus: Cognoverunt quia nudi erant; nudati, scilicet, eā gratiā, quā fiebat ut nuditas corporis, nullā eos lege peccati menti eorum repugnante confunderet. Et de spiritu & litera: Hoc agit Spiritus gratia, ut imaginem, in qua naturaliter facti sumus, instaret in nobis. Et de libero arb: Quaquā enim credamus hominem tam perfectè conditum à Deo, & in beata vita constitutum, ut ad ærumnas mortalis vitæ ipse inde propriā voluntate delapsus sit, tamen hoc cum firmissimā fide teneam, intelligentiā nondum affectus sum. Et de civ. Dei lib. 13. Fides Christiana prædicat primos homines ita fuisse conditos, ut si non peccassent, nullā morte à suis corporibus solverentur: sed pro meritis obedientiæ custoditæ immortalitatis donati, cum eis viverent in æternum. Similiter Leo primus: Ut fideliter atque sapienter creationis nostræ intelligamus exordium, inveniemus hominem idè ad imaginem Dei conditum, ut initiator sui esset antoris, & hanc esse naturalem nostri generis dignitatem, si in nobis, quasi in quodam speculo, divinæ bonitatis forma resplendeat, ad quam quotidie nos utique reparat gratia Servatoris, dum quod cecidit in Adam primo, erigitur in secundo. Et rursus: Primus homo carnis substantiam accepit è terra, & rationalis spiritus per insufflationem creatis animatus est, ut ad imaginem & similitudinem sui autoris vivens, formam Dei bonitatis atque justitiæ, in splendore imitationis, tanquam in speculi nitore servaret, quam naturæ suæ speciosissimam dignitatem, si per observantiam legis datæ perseveranter excoleret, ipsam illam terreni corporis qualitatem ad cælestem gloriam mens incorrupta perduceret. Idem docet Dionysius de ecclesiast. hierar. cap. 3. parte 3. & Prosper responsione 8. ad capitula Gallorum, cum ducentis quatuordecim sacerdotibus, quorum Constitutionem contra inimicos gratiæ totus mundus amplexus est veraci professione (quemadmodum ipsum habet sermo;) Dicamus, inquit, gratiam Dei per Jesum Christum dominum nostrum non solum ad cognoscendam, verum etiam ad faciendam justitiam nos per actus singulos adjuvare; ita ut sine illa nihil veræ sanctæque pietatis habere,

Lib. 14. de
c. Dei c. 11.
cap. 17.

Cap. 27.

Cap. 19.

De jeju.
divini
mensis
sermo. 1.

De nati.
domini
sermo. 4.

P R Æ F A T I O.

in Ezech.
cap. 11.

Quomodo autem discerni potest quid sit homini malum, nisi prius intelligatur quid ab initio fuerit naturaliter ejus bonum? cum nihil aliud sit quod dicitur malum, quam naturalium privatio bonorum. Et rursus: *Quomodo dijudicabitur quid redemptio gratiæ homini jam christiano contulerit, nisi cognoscatur quid prima transgressio à prævaricatore abstulerit, & quid adhuc in impiis & à Christi redemptione alienis ex prima integritate supersit?* De his igitur duabus quæstionibus, sine quibus non satis intelliguntur fidei nostræ fundamenta, quantum Deus adjuverit deinceps pauca disserere conabimur.

MICHAELIS BAII,
DE
PRIMA HOMINIS
JUSTITIA.
LIBER PRIMUS.

CAPUT I.

*Quòd primi hominis reſtitudo non fuerit ſine
inhabitante Spiritu Sancto.*

PRimum hominem, in quo omnium hominum natura con-
creata eſt, initio fuiſſe conditum rectum negare nemo po-
teſt: quia id teſtatur Scriptura ſacra dicens, quòd fecerit Deus *Eccleſ. 7.*
hominem rectum; ſed quatenus intelligenda ſit hæc primæ
creationis integritas, quam Scriptura ſacra reſtitutionem nun-
cupat, à quibuſdam dubitatur. Non enim defuerunt qui di-
cerent, eum in ſua prima creatione, ſicut cætera animantia, ſortitum eſſe ani-
mam, quæ ciborum adjuſta præſidio, motum & ſenſum corpori præſtaret, &
per ſumptionem ligni vitæ, ſenectam & mortem excluderet, ſed non quâ
polleret juſtitia, ſapientia, manſuetudine, bonitate, & cæteris virtutibus,
quibus quotidie per inhabitantem Spiritum Sanctum ſecundum imaginem Dei
reformamur. Id quod ſignificatum exiſtimant in eo quod ait Scriptura ſacra:
Factus eſt primus homo Adam in animam viventem, noviffimus Adam in Spiritum 1 Cor. 15.
vivificantem. Et ruruſus: *Primus homo de terra terrenus, ſecundus homo de cælo*
cæleſtis. Sed hunc ſenſum maniſeſtiſſimè reſellit quod in Geneſi legitur: *Fa-*
ciamus hominem ad imaginem & ſimilitudinem noſtram. Quia licet imago Dei poſ-
ſit in naturalibus potentiis intelligi, quæ ſine virtutibus poſſunt exiſtere, aut
(ut Chryſoſtomus ait) in domini ſimilitudine: attamen ſimilitudo non niſi in
vera ſapientia, & aliis virtutibus accipitur, quibus quotidie operante Spiritu
Sancto ſecundum imaginem Dei reformamur. Nam quantum accedis
ad ſimilitudinem Dei, inquit Auguſtinus, tantum proficiſ in charitate. Et
Chryſoſtomus: *Sicut imaginem dixit ob principatus rationem: ita & ſimilitudi-*
nem dixit, ut pro viribus humanis ſimiles ſiamus Deo manſuetudine, inquam, &
leni-

*Super Ge-
ne. Ho. 9.
& 9.*

*in Pſal. 99.
Super Ge-
ne. Ho. 9.*

lenitate & virtutibus: quod & Christus dicit: *Similes estote patri vestro qui est in cælis*; & filius Dei non aliud promittit Joannes, quàm quòd cùm apparuerit quid nunc sint, Deo similes erunt, quoniam videbunt eum sicuti est. In eo igitur quòd homo rectus ad imaginem & similitudinem Dei creatus legitur, debet intelligi conditus esse sapiens, justus, bonus, cæterisque virtutibus præditus, quibus quotidie in interiori homine renovamur, sicut etiam omnes veteres Scriptores intellexerunt. Irenæus. Adam eam, quam habuit à Spiritu Sancto sanctitatis stolam amisit per inobedientiam. Et rursus: *Quod perdidimus in Adam, id est, secundum imaginem & similitudinem Dei esse: hoc in Christo Jesu recipimus.* Et lib. 5. ante medium lib. *Cum spiritus commixtus animæ unitur plasmati, propter effusionem spiritus, spiritalis & perfectus homo factus est, & hic est qui secundum imaginem & similitudinem factus est Dei: si autem defuerit animæ spiritus, animalis est verè, & carnalis, derelictus, imperfectus erit, imaginem quidem habens in plasmate, similitudinem verò non assumens per spiritum.* Et iterum eodem libro: *Qui instructi sunt iustitiâ, si diligentiam percipiant, & veluti insertionem accipientes verbum Dei, in pristinam veniunt hominis naturam, eam quâ secundum imaginem & similitudinem factus est Dei.* Cyprianus quoque: *Perfectos, inquit, dixit fieri Dei filios, si similitudo, quam peccato Adam perdidit, manifestetur & luceat in actibus nostris.* Et rursus: *Adam contra præceptum cæleste, tibi letalis impatiens in mortem cecidit, nec acceptam divinitus gratiam patientiâ custode servavit.* Similiter Ambrosius: *Illæ animæ bene pingitur, quæ habet in se virtutum gratiam renitentem, splendoremque pietatis; secundum hanc imaginem erat Adam ante peccatum: sed ubi lapsus est, deposuit imaginem cælestis.* Et rursus: *Adam cùm in paradiso esses, cælestis eras.* Et tractans illud: *Jordanis conversus est retrorsum* (sicut citat divus Augustinus) *Jordanis, inquit, conversus est retrorsum, significavit salutaris lavacri futura mysteria, per quæ in primordia naturæ suæ, qui baptizati fuerint parvuli, à malitia reformantur.* Et rursus super Lucam, tractans illud: *Homo quidam ex Hierusalem descendebat: Angeli noctis & tenebrarum, inquit, ante despoliant quæ accepimus indumenta gratiæ, & sic vulnera inferre consueverunt.* Chrysostomus etiam super Genesim, primum hominem sapiens terrestrem angelum vocat sapientiâ plenum, & spiritu prophetiæ præditum, cui summum honorem, eminentem gloriam, supernam gratiam, & angelicum statum tribuit ante peccatum. Et Hilarius (sicut citat Augustinus:) *Tanta & tam admirabilis, inquit, in nos misericordia Dei bonitas est, ut per quem in Adæ offensa generositate primæ & beatæ illius creationis amisimus, per eum rursus id quod amisimus obtinere increamur.* Similiter Cyrillus super Joannem: *Sanctificationem in spiritu & per spiritum ad nos derivabat, & quod erat ab initio, quando à Deo creati fueramus, id ipsum renovat.* Et infra: *A limbo terræ formatum hominem à Deo Moyses scripsit, & quomodo animatus fuit, docens: Inspiravit, ait, in faciem ejus spiraculum vitæ; ita non absque sanctificatione spiritus animam homini datam significat.* Et rursus: *Renovari ergo ac reformari quodammodo ad imaginem primam participatione spiritus naturam hominis rogat, ut primam illam gratiam induti, peccatum superare possimus: & infra: Breviter repetamus priscum humani generis donum, id est, quomodo sanctificationem spiritus ad vos revocat.* Et eodem capite: *Reformemus nos ad justitiam, ad sanctificationem,*

ad imaginem primam. Et lib. 12. cap. 56. *Deus pater per proprium verbum de limo terræ (ut scribitur) hominem formavit, animā decoravit, & sui Spiritus participatione munivit: & rursus: Ut ergo ipsum esse discamus, qui ab initio naturam nostram creavit, & Spiritu Sancto signavit, rursus in ipso initio renovanda naturæ, sufflatione Spiritum discipulis largitur: ut quemadmodum creati ab initio sumus, renovemur; & quemadmodum ad imaginem factus est tunc homo, similiter etiam nunc participatione Spiritus ad imaginem creatoris renovetur.* Et lib. 2. cap. 3. *Ab eodem, scilicet Moise, didicimus Spiritu ad imaginem divinam sigillatum hominem fuisse: Et insufflavit in faciem, ait, spiraculum vitæ; & fuit in paradysō, quousque gratiam Creatoris Spiritu Sancto inhabitante servavit.* Et lib. 1. *Adam* Cap. 9. *non tempore, quemadmodum nos, prudentiam didicit: sed statim à sui creatione perfectè sapiens fuit.* Et de incarnatione unigeniti, cap. 1. *Propter Adæ prævaricationem Spiritus ab humanitate discesserat, ob eamque causam in malis omnibus illa fuerat constituta.* Et lib. 6. dialo. cum Herma. Ignoras, ait, quod humana natura, principio quidem ubertim recepit, ut particeps esset doni Spiritus. Et lib. de ador. in spiritu: *Quod conditum est, ineffabili virtute animabatur, donoque Spiritus statim ornabatur; non enim aliter divinæ imaginis capaces sumus.* Augustinus etiam: *Fecit itaque Deus (sicut scriptum est) hominem rectum, ac per hoc Lib. 14. ad bonæ voluntatis; non enim rectus esset bonam non habens voluntatem.* Et rursus: *c. Deic. 12. cap. 17. Cognoverunt quia nudi erant; nudati, scilicet, eâ gratiâ, quâ fiebat ut nuditas corporis, nullâ eos lege peccati menti eorum repugnantē confunderet.* Et de spiritu & litera: *Hoc agit Spiritus gratia, ut imaginem, in qua naturaliter facti sumus, in-* Cap. 27. *flaret in nobis.* Et de libero arb: *Quamquam enim credamus hominem tam perfectè conditum à Deo, & in beatâ vitâ constitutum, ut ad ærumnas mortalis vitæ ipse inde propriâ voluntate delapsus sit, tamen hoc cum firmissimâ fide teneam, intelligentiâ nondum affectus sum.* Et de civ. Dei lib. 13. *Fides Christiana prædicat primos ho-* Cap. 19. *mines ita fuisse conditos, ut si non peccassent, nullâ morte à suis corporibus solverentur: sed pro meritis obedientiæ custodita immortalitate donati, cum eis viverent in æternum.* Similiter Leo primus: *Ut fideliter atque sapienter creationis nostræ Deo. De jo. deo. mensis sermo. 1. intelligamus exordium, inveniemus hominem idè ad imaginem Dei conditum, ut initiator sui esset auctoris, & hanc esse naturalem nostri generis dignitatem, si in nobis, quasi in quodam speculo, divinæ bonitatis forma resplendeat, ad quam quotidie nos utique reparat gratia Servatoris, dum quod cecidit in Adam primo, erigitur in secundo.* Et rursus: *Primus homo carnis substantiam accepit è terra, & rationali spiritu per insufflationem creantis animam est, ut ad imaginem & similitudinem sui auctoris vivens, formam Dei bonitatis atque justitiæ, in splendore imitationis, tanquam in speculi nitore servaret, quam naturæ suæ speciosissimam dignitatem, si per observantiam legis datæ perseveranter excoleret, ipsam illam terreni corporis qualitem ad celestem gloriam mens incorrupta perduceret.* Idem docet Dionysius de ecclesiast. hierar. cap. 3. parte 3. & Prosper responsione 8. ad capitula Gallorum, cum ducentis quatuordecim sacerdotibus, quorum Constitutionem contra inimicos gratiæ totus mundus amplexus est veraci professione (quemadmodum ipsum habet sermo;) *Dicamus, inquit, gratiam Dei per Jesum Christum dominum nostrum non solum ad cognoscendam, verum etiam ad faciendam justitiam nos per actus singulos adjuvare; ita ut sine illa nihil veræ sanctæque pietatis habere,*

bere, cogitare, dicere, agere valeamus. Neque hæc dona ita à Deo esse opinemur, ut quia ipse natura nostra auctor est, per conditionem jam hæc contulisse videatur, quia dedit quidem ab initio hæc homini facultatem, sed omnes eam in illo amisimus, in quo omnes peccavimus. Idem docet Augustinus, seu potius Fulgentius de fide ad Petrum cap. 25. & de incarnatione capite 6. Credimus itaque bonum & sine ulla carnis impugnatione à Deo creatore factum Adam, magna que præditum libertate, ita ut & bonum facere in propria facultate haberet, & malum si vellet posset admittere. Item: Quisquis, ait, Christiana religionis non vult inaniter imò damnabiliter portare vocabulum, credat firmissimè Deum nostrum primo homini non solum bonæ voluntatis donum, quin etiam ad habendam custodiendamque justitiam integrum sanumque creasse libertatis arbitrium, ut si juvantem se gratiam Dei non desereret, præmium vitæ æternæ tribueret Dei bonitas homini. Similiter Gregorius Magnus lib. 5. epistolarum cap. 114. & lib. 6. cap. 195 Item Celestinus dicit in prævaricatione Adæ omnes homines naturalem possibilitatem & innocentiam perdidisse. Ex quo intelligitur, omnes homines in illo naturalem possibilitatem & innocentiam habuisse. Et Concilium Arausicanum secundum dicit in Adam datum fuisse naturæ bonum, per quod collata erat fides. Ex quibus omnibus manifestissimè patet, omnibus veteribus patribus non tantum visum esse primum hominem conditum esse plenum sanctificatione Spiritus, sed etiam multos id firmâ fide credidisse, hancque fuisse naturalem ejus dignitatem. Sed de hac parte plura infra dicenda sunt.

De incarnatione
cap. 12.

Epistola ad
Episcopos
Gal. cap. 4.

C A P U T II.

*Quòd fieri in spiritu vivificantem sit per resurrectionem
carnis deponere corporis mortalitatem.*

1 Cor. 15.

QUOD igitur ait Apostolus; Factus est primus homo Adam in animam viventem; novissimus Adam in spiritum vivificantem. Et rursus: Primus homo de terra terrenus, secundus homo de cælo cælestis; non ita accipiendum est, quasi significare voluisset, primum hominem in sua creatione Spiritu Sancto caruisse, aut non nisi sensibilia & terrena sapuisse, sicut prætereundum videtur apocrypha quedam & imperita quæstio scripta ab aliquo doctrinæ Augustini ac veritatis ignaro, & ejus operibus fraudulenter ac mendaciter inserta; sed quòd more cæterorum animantium adhuc cibo & potu ad motum & sensum indigeret, nec adhuc talis esset, quales in resurrectione futuri sumus, quando corpus ita spiritui subdetur, ut sine ulla corporalium alimentorum indigentia solo spiritu vivificetur. Idem enim dicitur secundus Adam, id est, Christus factus in spiritum vivificantem, quia post hujus vitæ cursum, in quo terrenum & animale corpus habuit, quod in sua morte & sepultura seminavit, per resurrectionem immortale corpus accepit, cui jam pro vita sufficit sola animæ præsentia, sicut apertissimè interpretatur Augustinus de Genes. ad litteram, his verbis: Imaginem cælestis hominis nunc ex fide portamus, habituri in resurrectione quod credimus. Et rursus: Corpus quod futurum est in resurrectione Sanctorum, spiritale appellat Apostolus, eò quòd miris modis ad omnem facilitatem

In quæst.
maximè in
novo testamento
quæst. 123.

Lib. 6.
cap. 19.

Lib. 12.
cap. 7.

& incorruptionem spiritui subdetur, & sine ulla indigentia corporalium alimentorum solo vivificetur spiritu. Et Epistola 146. Christus per animale, id est, per mortale corpus nobis apparuit, qui utique si voluisset, cum corpore immortali primitus advenisset; anima quippe in corpore animali vivit quidem, sed non vivificat usque ad auferendam corruptionem: in corpore verò spiritali, quoniam perfectè adhærens Domino unus spiritus est, sic vivificat ut spiritalè corpus efficiat, absument omnem corruptionem, nullam metuens separationem. Et infrà: Quid est, qualis terrenus tales terreni, nisi mortalis ex mortali? Et quid est, qualis celestis tales & celestes, nisi immortales per immortalem? illud per Adam, hoc per Christum. Dominus enim ad hoc terrenus factus est, cum esset celestis, ut eos qui terreni erant, faceret celestes. Item lib. 13. de civitate Dei: Sicut spiritus carni serviens non incongruè *Cap. 1.* carnalis, ita caro spiritui serviens rectè appellatur spiritalis, non quòd in spiritum convertetur, sed quia spiritui summa & mirabili obtemperandi facilitate subdetur, usque ad implendam immortalitatis indissolubilis securissimam voluntatem. Et rursus: In eo quod scriptum est, factus est primus homo in animam viventem, voluit *Cap. 11.* Apostolus intelligi corpus hominis animale: spirituale autem quemadmodum intelligendum esset ostendit, addendo, novissimus Adam in spiritu vivificantem, procul dubio Christum significans, quia jam ex mortuis ita resurrexit, ut mori deinceps omnino non possit. Similia etiam habet lib. 1. retract. cap. 12. & in Enchir. cap. 91. Cum igitur non tantùm primus homo Adam cum crearetur, sed etiam novissimus cum nasceretur, factus sit in animam viventem, & animale seu terrenum corpus, factus ex celesti terrenus, acceperit, manifestissimum est non rectè colligi: factus est primus homo Adam in animam viventem: igitur suæ creationis initio Spiritu Sancto caruit; sed multò rectius sic colligitur: formavit Deus hominem de limo terræ, & inspiravit in faciem ejus spiraculum vitæ, & factus est in animam viventem: igitur in sua creatione accepit Spiritum Sanctum, eo modo quo apud Joannem Spiritum Sanctum accepisse leguntur Discipuli, cum Christus insufflavit, & dixit eis: Accipite Spiritum San- *Joan. 20.* ctum. Nam hoc ipsum intellexit Cyrillus in spiraculo vitæ, quod apud Joannem à Christo factum legitur, sicut ex verbis ejus suprapositis est manifestum. Sed & Augustinus in libris de civitate Dei, disserens de eadem Scriptura Gene- *Lib. 11.* sis, illorum sententiam improbat, qui in hac scriptura intellexerunt animam *Cap. 14.* prius homini datam, ac deinde eam quæ jam inerat Spiritu Sancto vivificatam; quia licet animarum præsentia sit corporum vita, attamen animæ rationales sine Spiritu Sancto, inquit, mortuæ deputandæ sunt. Ex quo manifestè sequitur, quòd si Deus primo homini animam sine Spiritu Sancto dedisset, tunc non viventem, sed mortuam animam illi dedisset: licet interim non negemus intelligi posse, quòd Deus fecerit hominem in animam viventem, quia dedit illi animam cibi & potus subsidio corpus vegetantem, (ut dictum est.) Sed non potest intelligi dedisse homini animam Spiritu Sancto destitutam, ne sic corpus vegetasse putetur, ut ipsa in se mortua fuisset creditur.

CAPUT III.

In quibus consistat primæ rectitudinis integritas.

CONSISTEBAT autem primæ rectitudinis integritas, quam initio homini datam credimus, non tantum in hoc, quod mente per integram legis notitiam, & voluntate per plenam obedientiam suo creatori adhærebat, dicens cum Psalmista: Mihi autem adhærere Deo bonum est, & ponere in Deo spem meam: sed etiam in eo, quod inferiores animæ partes superioribus, & omnia corporis membra voluntatis imperio ad nutum serviebant; quod ex eo intelligitur, quia Scriptura sacra non tantum hominem naturaliter in eo vitiatum arguit, quod fide & charitate perditâ sese à Deo elongavit, de quo Psalmista: *Qui elongant se à te peribunt: perdes omnes qui fornicantur abs te*; sed etiam in eo quod caro concupiscit contra spiritum, & quod in uno membro voluntatis imperio subtracto, lex carnis repugnet legi mentis. *Iniquum est enim*, inquit Augustinus, *ut caro concupiscat adversus spiritum*. Et rursus: *Si prudenter hic sapires*, inquit, *profecto esse iniquitatem videres, quâ pars inferior hominis repugnat superiori, atque meliori*. Et iterum: *Neque enim nulla est iniquitas, cum in uno homine vel superiora inferioribus turpiter serviunt, vel inferiora superioribus contumaciter reluctantur, etiamsi vincere non sinantur*. Et nisi iniquum esset quod pars aliqua corporis resistat imperio voluntatis, inhonesta & pudenda membra non essent, quæ magis suo jure quam voluntatis imperio moventur in homine. Neque enim nos in eis aliud pudet, quàm quod imperio nostro caro non servit. Hinc beatus Job hujus rectitudinis jacturam deplorans: *Quare posuisti me contrarium tibi*, inquit, *& factus sum mihi metipsum gravis*? In hoc enim Deo contrarii sumus, quod vel judicio mentis, vel consensu voluntatis ejus mandatis obstitimus, & nos nobis in hoc graves experimur, quia & membra quædam voluntatis, & inferiores animæ partes superioribus, non sine nostra molestia reluctantur. De qua lucta & Apostolus: *Non enim quod volo bonum hoc ago, sed quod odi malum, illud facio*. Et iterum: *Condelector enim legi Dei secundum interiorem hominem; video autem aliam legem in membris meis, repugnantem legi mentis meæ, & captivantem me in lege peccati, quæ est in membris meis*. Infelix ego homo, quis me liberabit de corpore mortis hujus? Unde Augustinus de peccatorum meritis lib. 2. cap. 23. *Primerum illorum hominum prima justitia fuit obedire Deo, & hanc in membris, adversus legem mentis suæ, legem concupiscentiæ non habere*. Hæc lex in membris nostris habitans, & repugnans legi mentis, baptisinate quidem dimittitur, sed in hac vita non finitur; & ideo in omnes posteros transmittit noxam originis, etiamsi à Christianis & sanctis parentibus generentur; quia eis qui baptizantur, & renovari jam cæperunt, dimittitur, non etiam illis qui ex eis nascuntur, nisi & ipsi similiter baptisinate renouentur: sicut eleganter docet Augustinus de peccatorum meritis lib. 1. cap. 28. de nuptiis & concup. lib. 1. cap. 25. & lib. 2. contra Jul. cap. 6.

Psal. 72.

Galat. 5.

Contra

Jul. lib. 2.

cap. 5.

Lib. 5. c. 3.

Contra Jul.

lib. 6.

De pecc.

mer. lib. 2.

cap. 22.

Job. 7.

Rom. 7.

CAPUT IV.

Quod primæ creationis integritas non fuerit indebita naturæ humanæ exaltatio, sed naturalis ejus conditio.

VERùm licet plerique recentiores, hominem in initio absque Spiritu Sancto creatum putaverint: attamen quia divus Thomas (quem multi sequuntur) rei absurditate & veterum Scriptorum testimonio permotus, ab eorum sententia recessit, docens ipsum cum Spiritu Sancto fuisse conditum: forsitan plerique non difficulter adducentur, ut supradictis Veterum testimoniis adhærentes, à communi recentiorum opinione discedant, fatentes hominem sic initio conditum esse rectum, ut iustitiâ, pietate, & cæteris Spiritus Sancti charismatibus repletus fuerit. Cæterùm quòd hæc fuerit naturalis ejus conditio, cujus semper necessario sit absentia malum, & non potius indebita quædam humanæ naturæ exaltatio, quæ ex bona melior facta sit, (sicut Pelagius per Christi fidem & baptismum adhuc quotidie fieri prædicabat) non facile persuaderi sibi patientur. Quapropter de hac parte diligentius differendum est. D. Augustinus in libris de civitate Dei, considerans quòd nihil aliud esset quod dicitur malum, quàm naturalium privatio bonorum: *Mali enim nulla natura est, inquit, sed amissio boni mali nomen accepit.* Idèd volens ostendere, quæ sit naturalis angelorum hominumque conditio, ante omnia jubet intueri, quid juxta Scripturæ sacræ testimonium sit utrique naturæ malum. Nam sicut cæcitas oculi vitium est, inquit, & idem ipsum indicat ad lumen videndum oculum esse creatum; ac ex hoc ipso vitio suo excellentius ostenditur cæteris membris, membrum capax luminis; non enim alia causa esset vitium ejus, carere lumine. Ita etiam natura quæ fruebatur Deo, optimam se institutam docet, etiam ipso vitio, quo idèd misera est, quia non fruitur Deo; non enim vitium esset recedere à Deo, inquit, nisi natura, cujus id vitium est, potius competere esse cum Deo. Cujus enim rectè vituperatur vitium, procul dubio natura laudatur, inquit: Nam rectæ vitii vituperatio est, quòd illo debonestatur natura laudabilis. Sicut ergo cum vitium oculorum dicitur cæcitas, id ostenditur, quòd ad naturam oculorum pertinet visus; & cum vitium aurium dicitur surditas, ad earum naturam pertinere demonstratur auditus: ita cum vitium creaturæ angelicæ dicitur, quòd non adhæret Deo, hinc apertissimè declaratur ejus naturæ, ut Deo adhæreat, convenire. Sed non minùs hominum, quàm angelorum vitium est quod ait Psalmista: *Qui elongant se à te peribunt, perdes omnes qui fornicantur abs te.* Igitur non minùs naturæ hominum quàm angelorum est, quod apud eundem Psalmistam subditur: *Mibi autem adhærere Deo bonum est, & ponere in domino Deo spem meam.* Et eadem est de reliquis primæ integritatis partibus demonstratio. Quia enim vitium est hominis, quòd caro concupiscit adversus spiritum, & quòd lex carnis repugnat legi mentis, idèd manifestè intelligitur naturæ hominis esse, ut utrumque ad nutum pareat imperio rationis, quin nisi id ad hominis naturam pertineret, tunc ejus privatio malum non esset, præsertim in filio & cæteris posteris, in quibus ejusmodi qualitas nunquam

De civit.
Dei lib. 21.
cap. 9.
Enchir.
c. 11.

De civit.
Dei, l. 22.
cap. 1.

De civit.
Dei lib. 11.
cap. 17. lib.
12. cap. 1.

Psal. 73.

Objeſſio. extitſſet. Sed ajunt quidam univerſa hæc, quæ ad originis vitium pertinent, eo modo in nobis mala eſſe, quomodo filio malum eſt carere dominio quod patri non tantum pro ſe datum fuerat, licet gratuito, ſed etiam pro tota poſteritate. Quibus reſpondeo, quod ejuſmodi privato dominio, patri quidem mala eſſet, quia eſſet vera ſpoliatio temporalis boni; ſimiliter forſitan mala eſſet filio jam genito, qui ad ejuſmodi dominium jus aliquod habuiſſet: ſed ei filio qui poſt ejuſmodi juſtam ſpoliationem gigneretur, non magis poſſet mala dici, quam ſi pater ejuſmodi dominium nunquam habuiſſet: quia quantum ad hunc filium attinet; pater perinde ſe habet, quaſi ejuſmodi dominium nunquam accepiſſet, nec in eo plus juris competit aut unquam competiit filio, quam ſi pater illud nunquam habuiſſet. Quare filius poſt ejuſmodi domini ablationem genitus, non eſt dicendus in illa ablatione læſus aut aliquo malo affectus eſſe, niſi forte ſecundum imaginationem quæ exiſtimaret ſibi aliquod jus in eo dominio adhuc competere, aut ſaltem aliquando competiſſe.

C A P U T V.

Quòd naturale, ſive ſecundum naturam ex eo aliquid dicitur, quia ex nativitate trahitur.

*Duplex
nativitas.*

SEd ut hæc res plenius intelligatur, ſciendum eſt, naturale ſive ſecundum naturam idèd aliquid dici, quia ex nativitate ſive origine trahitur; & natura, quòd ita ſit nata (ut ait Athanaſius.) Nativitas autem in humano genere duplex invenitur: altera ſecundum conditionem primæ institutionis, in qua primus homo ſine vitio conditus eſt, omnèſque naſciturus eramur niſi peccatum interveniſſet: altera verò ſecundum corruptionem primæ tranſgreſſionis, in qua peccato & morte aſtriçti naſcuntur quotquot ſecundum peccati legem generantur. Quapropter duobus modis etiam aliquid ei naturale dicitur: altero ſimpliciter & propriè, quia videlicet ad primam illam, non ſenſu cognitam, ſed Scripturis ſacris nobis traditam divinæ institutionis nativitatem pertinet, ut anima, corpus & cætera quæ nobis in prima creatione donata ſunt, ſine quibus aut omnino eſſe non poſſumus, aut malo non caremus: altero impropriè & analogicè, quia ad poſterioſiorem hanc nativitatem ex tranſgreſſione præcepti corruptam pertinet, ut libido, rors, & reliqua mala, quæ per peccatum in naturam humanam inveçta generatione trajiciuntur in poſteros; de quibus duobus modis eleganter Auguſtinus: *In eo quod dixi, inquit, nullum eſt malum naturale, poſſunt Pelagiani latebram querere, niſi hoc dictum ad naturam ſalem referatur, qualis ſine vitio condita eſt: ipſa enim verè ac propriè natura hominis dicitur; tranſlato autem verbo utimur, ut naturam dicamus etiam quali naſcitur homo, ſecundum quam dixit Apoſtolus: Fuimus enim & nos aliquando naturà filii iræ. Et rursus: In eo quod dixi, inquit, naturà eſſe malæ animæ nullo modo queunt; ſi queritur quomodo accipitur quod ait Apoſtolus: Fuimus & nos naturà filii iræ ſicut & cæteri: Reſpondemus, inquit, naturam, in his verbis meis, me intelligere voluiſſe illam quæ propriè dicitur natura, in qua ſine*

*Lib. 1. re-
trad. c. 10.*

Cap. 15.

Ephes. 2.

sine vitio creati sumus; nam ista propter originem natura appellatur, quæ origo utique habet vitium quod est contra naturam. Et infra retractans illud: *Spiritualia diligere, & justitiâ jubemur, & naturâ possumus: quæri potest, inquit, cur naturâ, & non gratiâ potius dixerim: sed contra Manichæos de natura quæstio versabatur; & utique id agit gratiâ, ut sanata natura, quod vitata non potest, possit per eum qui venit quærere & saluum facere quod perierat.* Et rursus, de natura *Cap. 19.*
 & gratiâ: *Ipsam naturam (inquit) aliter dicimus, cum propriè naturam loquimur* *Cap. 67.*
hominis, in qua primum in suo genere inculpabilis factus est; aliter istam, in qua ex illius dammati pena, & ignari & carni subiecti nascimur. Juxta quem modum dixit Apostolus: Fuimus & nos (inquit) naturaliter filii iræ; & Sapiens: na- *Ephef. 2.*
turalis est malitia eorum. *Sapient. 12.*

CAPUT VI.

Quod vera justitia fuerit primo homini naturalis.

Cùm itaque constet justitiâ, de qua differimus, sic primo homini in sua creatione fuisse collatam, ut & in illo esset, & in omnes ejus posteros generatione transfret, cum cæteris animi ejus corporisque dotibus, eo modo quo peccatum originis cum suis effectibus tranfit in omnes Adæ posteros, ob quod naturâ filii iræ dicimur: Mirum est quomodo quisquam dubitare queat, an sit homini naturale, quod tam evidenti ratione comprobatur ad primam ejus nativitatem debere pertinere: maxime cùm id expressè asserat D. Prosper contra Cusianum, dicens primum hominem tale accepisse liberum arbitrium, ut si auxiliantem Dominum non desereret, possent in nobis quæ naturaliter acceperat perseverare. Et Leo primus, sermone primo de je- *Prosper.*
 junio: *Si fideliter creationis nostræ intelligamus exordium, inquit, inveniemus hominem ad imaginem Dei conditum, & hanc esse naturalem nostri generis dignitatem, si in nobis, quasi in quodam speculo, divina benignitatis forma resplendeat; & rursus, de pass. ser. 13. Libertatem innocentia naturalis, quam primorum parentum prævaricatione perdidimus, nulla per se Sanctorum præcedentium merita receperunt. Similiter Fulgentius, de incarnatione & gratiâ D. N. Jesu Christi cap. 23. Potest igitur Deo donante, homo in Deum naturaliter credere: contra naturam quippe hominis est quod in Deum non credit; id quod repetit cap. 24. & 25. Quibus planè consonat Apostolus ad Rom. 2. docens quod gentes, quæ ad Christi fidem conversæ, per veram justitiâ ad primæ lux creationis imaginem reformatur, non supernaturaliter, sed naturaliter ea quæ legis sunt, faciunt. Quam expositionem latè prosecutus Augustinus de spiritu & littera cap. 26. tandem initio capitis 27. Nec moveat, inquit, quod naturaliter dicit eos quæ legis sunt facere, non spiritu Dei, non fide: hoc enim agit spiritus gratiæ, ut imaginem Dei, in qua naturaliter facti sumus, instauret in nobis. Audi quod ait, nos in imagine Dei, quæ spiritu Dei instauratur, non supernaturaliter, sed naturaliter esse factos, & facile intelliges primæ creationis imaginem, non supernaturalem & indebitam fuisse humanæ naturæ dignitatem: (sicut nonnulli ex Aristotele & Pelagianis autumant,) sed potiùs naturalem hominis sanitatem,*

Rom. 2.

ad integritatem ejus pertinentem. Nam quemadmodum sanitas corporis, primarum est proportio qualitaturn, quæ quando contra naturam vitatur, statim nascitur infirmitas: sic naturalis animæ sanitas, legitima est omnium partium ejus obedientia, quæ si vel in una, vel pluribus partibus aliquo affectu malo perturbetur, is affectus rectissime passio, perturbatio, & animi ægritudo dicitur, naturalis ejus sanitati contraria, quæ (ut dixi) consistit in legitima omnium ejus partium obedientia. Unde etiam dixit Apostolus eos, qui spiritu gratiæ renovati divini legi obediunt, non supernaturaliter, sed naturaliter quæ legis sunt facere: quia nihil tam est homini naturale quam mente legi Dei servire, & inferioribus animi partibus ipsisque corporis membris, menti Deo servienti obedire. Et contra, nihil tam naturæ contrarium, quam vel mente à Deo recedere, vel aliquâ inferiorum partium menti Deo servienti reluctari: hoc est, nihil est homini tam naturale, quam legi sibi à Deo præscriptæ obedire, & nihil tam contra naturam, quam à præscripta lege recedere. Sunt tamen qui cum Pelagio existiment, jam dictum Apostoli testimonium de iis gentibus debere intelligi, quæ à gratia Christiana prorsus alienæ, ex primæ imaginis reliquiis ad similitudinem bonorum operum quædam laudabilia, proprio judicio, faciebant: sed hunc sensum non recipit Fulgentius; (sicut patet de incarnatione Domini nostri Jesu Christi cap. 25.) nec immerito, quia licet externum officium, in quo lex servari videtur, satis appareat humanæ naturæ consonum: attramen oculus, quo mens etiam in ejusmodi officiis probitatis à Deo suo fornicatur, prorsus est humanæ naturæ contrarius; & ideo impii quibus nihil mundum, sed inquinatæ sunt eorum mens & conscientia, non naturaliter, sed vitiosè, simulatè, & mendaciter quæ legis sunt faciunt.

Ad Tit. 1.

C A P U T VII.

*Quòd, justitiam esse naturalem, etiam ostendant
pœnæ pro primo peccato relictæ.*

Genes. 3.

HUJUS rei etiam manifestum argumentum complecti videtur ipsa pœnarum, pro peccato primæ transgressionis, ordinatissima retributio, quæ & serpens super pectus suum graditur, & mulier in doloribus parit, & terra in opere viri maledicatur, ut tribulos pariat, & vir in sudore vultus sui vescatur pane suo; quia hæc pœnæ, non in ablatione doni supernaturalis, sed in privatione bonorum naturalium consistunt. Nisi quis forte tam absurdè sentiat: ut putet statim initio creationis rerum, non tantum hominem dono quodam supernaturali & gratuito, supra naturæ suæ conditionem fuisse exaltatum, ut fide, spe, & charitate Deum supernaturaliter coleret, sed etiam serpentem, ut sublimis erectus pedibus insistens graderetur, (ut ait D. Basilii in homilia de paradiso to. 1.) & terram, ut sine laboris molestia, suâ fecunditate fruges humano victui necessarias ultra produceret: sicut adhuc hodie producit fœcenum servituti hominum, & fructiferas arbores (quas nunc videmus, ad vindicandam significandamque humani seminis corruptionem, ex suo semine

ne non nisi surculos degeneres parere, qui fructus producunt acerbos & humano victui ineptos) ut sui generis & fecunditatis semina proferrent, quæ sine infusione ramusculi melioris in primitivæ suavitatis germina fructusque adolefcerent. Quod si mulierem forsan contendant, non nisi supernaturali dono, initio suæ creationis esse consecutam, ut non doloris gemitu, sed maturitatis impulsu ad pariendum viscera sua relaxasset, si ante peccatum peperisset, quia tantam illam viscerum extensionem, quæ partui necessaria est, sine dolore fieri potuisse non putant, nisi mediante quodam supernaturali dono; statim obijciuntur eis gallinæ & anseres, quos quotidie videmus, mirâ intestinorum dilatatione, dura & pro corporis quantitate ingentia ova, non dono supernaturali, sed proprietate naturali sine omni dolore parere. Ex quibus faciliè intelligunt, quod quemadmodum os, quod cibo sumendo destinatum est, pro ratione hujus muneris, ubi & quando volumus naturaliter, sine ulla molestia aut astringimus aut dilatamus: sic etiam mulier matricem & reliqua viscera quæ generationi & partui serviunt, pro ratione hujus muneris naturaliter & sine molestia, aut astringisset, aut dilatasset, nisi ob peccatum hac in parte damnata fuisset.

CAPUT VIII.

Quod ii qui Philosophiam sequuntur, non rectè sentiunt de prima institutione naturæ humanæ.

VERùm qui Philosophorum insipientiam sequentes, nihil aliud quàm consuetudinem naturæ jam currentis attendunt, neglectâ Scripturâ sacrâ, quæ primæ creationis nostræ (cujus nunc nullum videmus exemplum) describit puritatem, id solum homini naturale putant, quod jam nascentes ex parentibus trahunt; cætera verò quæ ex Scripturis sacris discimus nos in Adam accepisse, iustoque Dei judicio in prima ejus transgressione perdidisse, & nunc, si electi sumus, solâ Dei misericordiâ in Christo recuperare, non ad humanam naturam, aut primam ejus institutionem, sed ad superadditam postea creatoris liberalitatem referunt; putantes primum hominem ex inferiore quadam conditione, in qua creatus erat, largitate creatoris per dona naturæ superaddita, fuisse sublimatum & in Dei filium adoptatum; eo modo quo imaginantur Pelagiani, suos infantes sine peccato nasci, & per baptismum à nullo peccato liberari: sed tantum beneficio creatoris, ex filiis hominum vitæ cuidam inferiori destinatis, in Dei filios adoptari, qui regnum possiderent æternum, (ut patet ex Augustino lib. 2. contra duas epist. Pelagia. c. 6. & l. 4. c. 2.) Quasi videlicet homo non fuerit naturaliter ad hoc conditus, ut soli Deo serviret, & postea beatitudinem possideret: sed ut in naturali quadam vivendi ratione, quæ neque peccatum esset, neque regni cœlestis meritum, vitæ suæ cursum transigens, tandem naturalem quamdam beatitudinem acciperet, cujus neque locus, neque ratio in Scripturis sacris invenitur, sed à vanis & otiosis hominibus (juxta Pelagii sensum) ex Philosophia confingitur. Pelagius enim talem beatitudinem infantibus suis sine baptismo ex hac vita decedenti-

Vide de peccat. meritis lib. 1. cap. 15.

bus assignabat, secludens eos & à regno cœlorum, & ab inferno damnatorum, & locum quemdam medium eis præscribens, in quo non regnarent, sed vitâ fruereant æternâ. Quem errorem refellit Augustinus lib. 1. *de peccatorum meritis* cap. 26. dicens nullum esse locum medium, ut non posset esse nisi cum diabolo, qui non est cum Christo; nam (sicut sæpe repetit contra Julianum) quomodo Deus justus, nulli obnoxiam peccato imaginem suam privare vitâ posset æternâ? Unde Christus volens auferre de cordibus malè credentium istam nescio quam medietatem, definitam protulit sententiam, ubi ait: qui non est mecum, contra me est. Nec huic veritati fraudi esse debet, quod ait D. Augustinus lib. 3. de libero arbitrio cap. 23. ubi videtur sententiam quamdam medium tribuere hujusmodi infantibus, quâ in die judicii neque præmium accipiant, neque supplicium patiantur; quia hunc locum sibi ab Hilario objectum diluit in li. de bono perseverantiæ cap. 11. & 12. dicens, nolle sibi de librorum illorum antiquitate præscribi, quos laicus Romæ incepit, & in Africa presbyter explicavit, in quibus tam secundum eam sententiam quam prætendebat Pelagius, quam secundum eam quam docebat populus catholicus, manifestè refellitur Manichæus, &c. quæ ibi clariùs poteris intueri.

Lucæ 11.

*Objectio ex
verbis Au-
gustini.*

Solutio.

C A P U T I X.

*Quibus rebus attribui debeat appellatio supernaturalis,
& quomodo.*

SEd & illud intueamur, quibus in rebus ponenda sit illa supernaturalis appellatio, ut etiam ex hac parte eluceat; quatenus hæc nuncupatio primæ hominis justitiæ possit attribui. Augustinus lib. 9. de Gen. ad lit. elegantissimè docet, universa quidem effecta Dei providentiâ fieri atque gubernari, sed quorundam causas atque rationes rebus ipsis creatis ab initio fuisse inditas, ut quòd ex grano tritici, non faba, sed triticum oriatur: quorundam verò non, sed in Deo fuisse absconditas, quæ ubi & quando vult, non secundum communem naturæ cursum, sed secundum suum beneplacitum ad esse producit, longè aliud & aliter operans, quàm consuetudo naturæ currentis habeat, ut quòd petra, ad hominis jussu, aquæ fontem proferat, & lignum aridum atque politum sine ulla radice frondeat; hæc nos supernaturaliter & mirabiliter, illa verò naturaliter fieri dicimus, quamvis eadem Dei sapientiâ eademque providentiâ ea fieri atque gubernari non ambigamus. Quæro igitur, in utris numeranda sit primi hominis justitia, quam nisi peccasset generatione propagasset in filios? an in iis, quæ mirabiliter secundum rationes in Deo absconditas, nobisque ignotas, rarissimè & cum omnium admiratione fiunt? an potiùs in iis, quæ secundum causas rebus creatis inditas, regulariter & modo nobis quotidiano, usu manifesto generantur? Ego sanè non nisi in posterioribus his effectibus eam ponendam esse sentio. De qua re etiam non video quis unquam dubitare potuisset, si Adam in sua integritate permanens, huic subtili distinctioni, naturalium à supernaturalibus in primo homi-

ne,

Quæstio.

*Quæstio
responsio.*

ne, imò aperto errori peccando occasionem non dedisset. Ponatur enim (disputandi gratiâ) Adam cum sua posteritate talis permanuisse, qualis initio conditus est, atque pari facilitatè Deum agrosque coluisse, quis nunc conjectaret alterum esse nobis naturale, id est, ex ipsâ generatione atque natiuitate concessum, alterum verò supernaturale, id est naturæ nostræ indebitum, & creatoris munificentia nostræ integritati ad ornatum liberaliter adjectum?

CAPUT X.

*Quâ ratione nunc dicatur iustitia donum homini
supernaturale.*

QUando tamen iustitia semel peccato perditâ, secundum dispensationem sacramenti à sæculis in Deo absconditi, per Christum nobis misericorditer redditur, tunc quod aliqui naturale est, non naturaliter secundum vires in humana natura sitas, sed mirabiliter secundum rationes in Deo absconditas nobis redditur: sicut docet Divus Prosper dicens, quòd quamvis secundum naturam sit homini ut bonæ sit voluntatis, vitium tamen, quod per malam voluntatem irruit in naturam, non naturæ superatur virtute, sed gratiæ. Et Fulgentius de incarnatione & gratia: Natura humana sanari potest, sed illius gratia sanitatis accepit donum, ex quo creationis sumpsit initium. Nam si homo naturaliter sanari nullatenus posset, ad sanandum eum cœlestis medicus non venisset. Et eâ ratione nunc iustitia nostra supernaturalis dici potest, sicut etiam à Cyrillo dicitur, cum ait: Creatura cum serva sit, voluntate patris ad supernaturalia vocatur; & rursus: Ascendamus ad supernaturalem dignitatem per Christum, quia videlicet facultatem naturæ jam languentis exuperat. Nam licet possè habere fidem, possè habere charitatem, seu esse reparabilem, naturæ sit hominum, (sicut habet Augustinus de prædestinatione Sanctorum cap. 5. & Prosper de vocatione gentium lib. 2. cap. 2. & contra Cassianum; & Fulgentius de incarnatione & gratia cap. 23.) tamen habere fidem, habere charitatem, & ad pristinam iustitiam esse reparatum, est gratiæ fidelium, eo modo quo sanitas corporis gratiæ est, cum neque viribus naturæ neque operâ medici reparari potest, sed solâ creatoris beneficentiâ redditur: non quòd res sit supernaturalis, aut naturali hominis integritati superaddita, sicut prophetia, gratia sanitarum, & alia multa, quibus sine malo carentur; sed quòd ipse efficiendi modus atque ratio, secundum nativam operandi consuetudinem, in rebus creatis non inveniatur, sed ex superiori quodam & insolito atque occulto divinæ sapientiæ consilio proveniat, ut dictum est; nam bonum meritum animæ sequentis, naturæ prioris est.

*Lib. 2. de
voca. gen-
tium l. 4.*

Cap. 22.

*Lib. 1. com-
ment. sup.
Joannem
cap. 13.*

*De libero
arbit. l. 1.
cap. 10.*

C A P U T X I.

Qudd non oporteat ea quæ naturalia dicuntur, semper ex internis rei principiis esse exorta.

Objeſſio.

Sed prædictis objicitur: Naturalis qualitas dicitur quæ ex naturæ principiis soritur: sed nemo dixerit Adæ justitiam, quæ tantæ excellentiæ fuit ut eum divinæ naturæ confortem faceret, ex animâ ejus & corpore naturaliter tanquam ex efficiente causa exortam: igitur non est illi dicenda fuisse naturalis, quasi ex naturæ viribus orta, sed supernaturalis & divino munere data.

Responsio.

Responsio: Naturale non causæ aut originis suæ comparatione dicitur, sed rei cui sic inest, ut ad naturalem ejus integritatem pertineat, sitque ejus absentia malum, sive ex ejus principiis tanquam efficientibus causis oriatur, sive aliunde accedat, sicut manifestè patet de visu, auditu, sanitate corporis, aliisque qualitatibus ad hominis integritatem necessariis, quas quibusdam natura non contulit, sed Christi gratia reparavit; has enim nemo supernaturales vocat, aut naturales esse negat, sed earum duntaxat generationes. Quapropter sive ex naturæ principiis tanquam efficientibus causis orta fuerit primi hominis justitia, sive à Deo immediatè illi collata, (sicut plerique de anima rationali tradunt, quam tamen nemo supernaturalem esse arbitrat) adhuc tamen illi naturalis fuit, quia sic ad ejus integritatem pertinebat, ut sine ea non posset salva consistere, miseriæque carere, sicut de Angelica natura docet Augustinus lib. 12. de civit. Dei cap. 1. & 19. de utraque tam angelicâ videlicet, quam humanâ naturâ lib. 12. de civit. cap. 1. Utrique enim Deo per justitiâ adhærere bonum est, & non adhærere malum, quod nihil aliud est, quàm naturalium privatio bonorum, sicut docet Augustinus in Ench. cap. 11. Unde

Cap. 1.

Basilii in regulis latiùs disputatis: *Charitate carere, ait, malum est, & malorum omnium gravissimum.* Sed & ipse Aristoteles (ex cujus Philosophia desumpta putatur hæc objectio) non ea tantùm naturalia sive secundùm naturam esse putavit, quæ ex internis principiis tanquam efficientibus causis oriuntur, quia & ipsa principia secundùm naturam esse dicit, quæ necesse est aliunde existere, & gravitatem levitatemque elementorum, quas quidam ejus sectatores non internis elementorum principiis, sed generantibus tribuunt: sed generaliter quæcunque ad rei integritatem pertinent, sic ut sine illis aut omnino esse non posset, aut bene esse non posset maloque carere. Porro quod ex Aristotele vulgò dicitur, omnia naturalia ex natura esse orta, non hûc spectat, ut nihil naturale dicatur, nisi quod ab internis principiis oritur, sicut de ipsis principiis ostenditur, quæ licet non nisi ab externis fieri possint, tamen ab Aristotele naturalia dicuntur: sed ut, juxta infidelitatis errorem quo ex hoc inferiori mundo omnem Dei providentiam sustulit, (sicut testatur Gregorius Nyssenus in libro de providentia) alia à natura, alia à voluntate, alia verò à fortuna & casu, sine ulla Dei cooperatione fieri intelligantur. Cæterùm nobis, qui certâ fide credimus Deum, non tantùm naturalium, sed & voluntariarum, & fortuitarum omnium actionum esse principium, prorsus

ſus impertinens eſt: utrũ ea quæ rebus naturalia dicuntur, à Deo immediata ſunt, an ab aliqua cauſa creata, ſive extrinſeca, ſive intrinſeca: quia quicquid ad rei integritatem pertinet, ſic ut ſit ejus abſentia malum, à quacumque cauſa fiat, id omnino à Deo fieri, & naturale eſſe dicendum eſt: ab ea ſcilicet nativitate in qua Deus bona cuncta creavit, nihil omnino in eis mali inſtituens, ſed univerſa ad rerum integritatem pertinentia illis in ſua nativitate tribuens, aut in opere, ut tactum ſentientibus, aut in origine, ut quorundam animalium catulis viſum: quæ naſcendi ratio adhuc hodie in rebus omnibus inveniretur, ſi ſine ullo impedimento primæ creationis inſtitutio ſervaretur. Sed quia per malam voluntatem vitium in humanam naturam irruit, factumque eſt nobis quodammodo hæreditarium, hinc contra naturam, & contra primæ inſtitutionis nativitatem, nobiſcum mala multa naſcuntur, ut ſuperbia, libido, mors, & morbi quidam corporales, de quibus apud medicos, quæ licet prout noſtræ ſunt inimica naturæ: & præter naturam, quia Deus non ea creavit, (ut ait Athanaſius in tractatu de deſ. Tom. 4.) tamen ſecundum analogiam & improprie naturalia dicuntur, quia nunc ſecundum naturæ corruptionem nobiſcum naſcuntur ex parentibus, ut dictum eſt.

DE VIRTUTIBUS IMPIORUM.

LIBER SECUNDUS.

CAPUT I.

An defendendæ ſint virtutes deſcriptæ à Philoſophis.

MEtiã movet, quodd à Divo Thoma & aliis quibuſdam recentioribus, non ea tantum virtus defenditur & explicatur, quam Deus per Chriſtum in nobis operatur, ſanctificans nos per omnia & ad unius veri Dei cultum revocans: ſed etiã illæ virtutes, quas Stoici & Peripatetici non dico præſtiterunt, (quia ſi quis ſcrupuloſè diſcutiat, quo fine ac præmio infideles omnes ſuas honeſtas actiones perfecerunt, forſitan vix ullos reperiãt, qui etiã juxta illorum præceptiones debitam virtutis laudem meruerint, cum ipſi retulerint penè omnia ad gloriam & honorem, ſicut docet Auguſtinus lib. 5. de civ. Dei cap. 12.) ſed quas in libris ſuis præceperunt, temperantiam, dico, liberalitatem, juſtitiam, & reliquas virtutes in ethicis ab Ariſtotele deſcriptas.

CAPUT II.

Quodd aliud ſit diſſerere de virtutibus, quàm de virtutum officiis.

NEc mihi nunc quæſtio eſt de honeſtatis officiis, quibus aut Deum colendo benè utimur, aut mundum diligendo malè, quæque apud ſapientes, & vulgares Chriſtianos, & gentiles penè eadem commendantur, exceptâ
I humi-

humilitate, patientiâ, & virginitate, quarum cognitio fidelibus propria est: quia ex divinæ providentiæ, peccatique originis fide dependet. Neque enim aut in prosperis humilitatem, aut in adversis patientiam, laudare possemus, nisi nos unius Dei potentiæ subijci, & cuncta ejus nutu justissimâ ratione fieri cognosceremus: virginalem verò pudicitiam, quæ libidini non modum sed interitum molitur, etiam naturæ corruptionem putaremus, nisi didicissemus ex fide catholica, omnem carnis libidinem vitium esse naturæ. Non itaque de officiis mihi quæstio est, quæ aliqua ex parte post lapsum in natura humana remanserunt integra, sed de virtutibus, quæ etiam finibus distinguuntur à vitiis.

CAPUT III.

Quòd Gentiles sua honestatis officia non in eosdem fines referenda putaverunt, ut virtutes dicerentur.

HÆc officia, alii ad voluptatem, alii ad honores, alii ad divitias, alii denique ad seipsa referenda esse præceperunt, nec pro virtutibus, sed pro vitiis ipsa habuerunt, nisi eum finem spectarent quem ipsi toti vitæ humanæ præficiendum esse putabant. Quod secutus Julianus, & nullius ipsorum errore contentus, omnium simul blasphemias uno sermone complexus est, sicut patet apud Augustinum lib. 4. contra Julianum; docuit enim virtutes, cum ad æterna aut temporalia diriguntur, non in eo quod sunt, sed in eo variare quod merentur: *Nec nominis sui, inquit, possunt, nec generis sustinere dispendium, sed solius quod appetierunt præmii vel amplitudine ditantur, aut exilitate frustrantur.* Ex quo palàm efficitur non modò omnes Philosophorum sectas, sed etiam plerosque vulgarij errores, veras habere virtutes, quia eas ad temporalia bona dirigunt, nempe ad voluptatem, divitias, honores aut aliud hujusmodi, veramque virtutem esse avarorum temperantiam, quæ tota divitiis incumbit, & ab Apostolo idolorum servitus nuncupatur; similiter ambitiosorum fortitudinem, comitatemque ebriosorum, quorum tamen Deus venter, & gloria in confusione ipsorum est: quia cum ad temporalia bona dirigantur (si Julianus credimus) non possunt nominis, nec generis sustinere dispendium, sed solius, quod appetiverunt, præmii exilitate frustrantur. Hic error etiam quibusdam divi Thomæ sectatoribus arridet, aded ut eum etiam suo doctore ascribere non erubescant, eò quòd in 2. 2. Peripateticorum virtutes ex eo à peccato vindicet, & virtutes esse contendat, quia ad aliquod bonum particulare referuntur, quod ad bonum universale sit referibile. Ex quibus verbis sic colligitur: quæcunque virtutum officia ad divitias, honores, aut simile bonum referuntur, ad bonum aliquod particulare referuntur, quod ad bonum universale sit referibile: igitur rectè à peccato vindicantur, & virtutes appellantur, licet vitam non mereantur æternam, sed præmii exilitate frustrentur.

Gep. 3.

Coloss. 3.

Philip. 3.

Quæst. 23.
art. 7.

CAPUT IV.

Quid honestatis officia cum in Deum non referuntur non sint virtutes, sed vitia virtutes imitantia.

CÆterum quia sententia hæc paucioribus placet, sublatiſque Stoicorum & Peripateticorum virtutibus, quæ propter ſe expetuntur, ſimul ultrò corruet: idèd præſenti inſtituto ſatis fore putamus, (quantùm Deus adjuverit) oſtendere virtutes eas quæ ab Ariſtotele deſcribuntur, id eſt virtutum officia, quæ non ob aliud ſed propter ſemetipſa expetuntur, non rectè à peccato vindicari, virtuteſque non eſſe, ſed virtutum ſimulationes & vitia virtutes imitantia, ſicut ex profeſſo oſtendit D. Proſper lib. 3. de vita contemplativa cap. 1. Ad quod oſtendendum nihil opus eſſe duxi reſellere duplicem illum cultum Dei, qui neſciò ex qua Scriptura aut veterum traditione deſumptus, à quibuſdam ſolet queſtionibus hujusmodi diſſolvendis adhiberi, quorum videlicet altero Chriſtiani ex ſupernaturali charitate Deum, tanquam objeetum beaſitudinis & remuneratorem meritorum pro regno cælorum conſequendo, fruſtuòſè & meritoriè colunt; altero verò neſciò qui ex naturæ viribus ſolùm tanquam naturæ authorem, pro accepto beneficio creationis tantò ſteriliùs colunt, quantò minorem in ſuo cultu remunerationem ſpectant: quia neque Philoſophorum quiſquam ad ullum Dei cultum ſuas virtuteſ eſſe referendas præcepit, id quod tamen valdè mirum eſſet, in tanta ingeniorum varietate ſtudioſorumque contentione, ſi ex ſolis naturæ viribus non ſolùm noſci, ſed etiam præſtari potuiſſet. Neque etiam D. Thomas in ſua diſputatione id prætendit, (ut patet 2^a 2^a.) ſed ex eo putat eſſe virtuteſ, quia ad verum aliquod bonum particulare referuntur, quod ad bonum univerſale ſit referibile, etiamſi in iis reperiantur, qui unum verum Deum aut cœcitate neſciunt, aut elatione contemnunt. Sed illi planè ſimiles ſunt de quo ait Pſalmiſta, *diſixit inſipiens in corde ſuo, non eſt Deus.* Ubi in primis mirandum occurrit, quomodo D. Thomas hanc proximi finis ad univerſale bonum referibilitatem, ad rationem virtutiſ ſufficere exiſtimet: cùm ejuſmodi referibilitas etiam illi particulari bono competat, quod ab impiis præ univerſali bono & cum expreſſo ejus contemptu expetitur. Sed ne noſtris rationibus impliciti huic diſputationi pondus detrahamus, videamus quid de ea ſenſerit Auguſtinus. Iſ igitur lib. 4. contra Julianum cap. 3. in principio, ſic contra virtuteſ infidelium diſſert: *Corpus non verà ratione pudicum aſſeritur, quando à vero Deo ipſe animuſ fornicatur, ſed infidelis animuſ fornicari à Deo nemo poteſt negare, niſi qui ſe palam ſacrarum literarum proſiſcet adverſariuſ: igitur non poteſt pudicuſ veraciter dici, qui non propter Deum fidem connubii ſervat uxori. Quam rationem de omni virtute, quâ Deo non ſervitur, ſic generaliter inſtituendam eſſe intelligo. Homo ad hoc condituſ eſt, & hoc debet, ut Deum ex omnibus ſuis viribus diligat, & illi ſoli ſerviat: ſed qui ſecundùm virtutem vivit, quod debet facit, & ad quod condituſ eſt: igitur qui Deo non ſervit etiam virtutum officia non ob aliud, ſed propter ſemetipſa expetit, iſ non ſecundùm virtutem*

*Quæſt. 2. 1.
art. 7.*

Pſal. 13.

Aug. contra Julianum de virtutib. inſidelium.

vivit, sed simulat duntaxat, fornicans à Deo suo, & per honestatis officia quæ soli debuerunt creatori famulari, in cogitationibus & inanibus desideriis evanescit. Deinde post multam de virtute disputationem veluti concludens, ait: *absis ut virtutes veræ cuiquam serviant nisi illi, vel propter illum, cui dicimus: Deus virtutum converte nos.* Proinde virtutes quæ carnalibus delectationibus vel quibusvis commodis serviunt, veræ prorsus esse non possunt: quæ autem nulli rei servire volunt, nec ipsæ veræ sunt. *Veræ quippe virtutes, Deo serviunt in bonis, à quo donantur hominibus.* An non tibi videtur Augustinus his verbis non tantum avarorum, ambiciosorum, Epicureorum & similium, sed etiam Stoicorum & Peripateticorum virtutes abjecisse? quando nec eas veras esse dicit, quæ nulli rei servire volunt, sed propter semetipsas expetuntur?

Psal. 79.

C A P U T V.

Quid virtutes impiorum, quæ in Deum non referuntur, non idem ab Augustino negantur esse veræ, quia non salvant, sed quia vitia sunt & damnant.

Verum forsitan tacitus animo respondes, prædictas virtutes ob id ab Augustino non dici veras, quia steriles sunt & ad regnum cælorum consequendum inutiles, non autem quia vitia sunt & peccata digna supplicio. Audi rogo quod sequitur: *Quicquid autem boni sit ab homine, & non propter hoc fit propter quod fieri debere vera sapientia præcipit, etsi officio videatur bonum, ipso non recto sine peccatum est.* Quæro enim à te, utrum virtus, quæ propter semetipsam expetitur, propter id fit propter quod eam fieri debere vera sapientia præcipit? Fit propter se, præcipitque id Aristotelis sapientia quam Apostolus stultitiam vocat: quia vera sapientia nos soli Deo servire præcipit, ut patet ex Enchy. Augustini: *Tu igitur veram profer sapientiam, quæ virtutem propter semetipsam fieri debere præcipit, aut certe mecum satere, eam non tantum non esse virtutem fructuosam, sed vanitatem manifestam, & ut minimum stipulam igne comburendam.* Maxime cum eo capite rejiciat Augustinus virtutes, quas steriles vocabat Julianus. Nam bonum, inquit, non sumus quicquid steriliter sumus: & infra, eodem capite, rogatus à Juliano, si gentilis nudum operuerit, numquid quia non ex fide peccatum est? Prorsus, (ait) in quantum non est ex fide, peccatum est. Non quia per se ipsum factum, quod est operire nudum, peccatum est; sed de tali opere non in Domino gloriari, solus impius negat esse peccatum. Quæro enim ex te, utrum infidelis de tali opere bono in Domino gloriatur? Nam si non gloriatur, aut eum peccare fateris, & mecum sentis aut negas, & ab Augustino non solum erroris argueris, sed etiam inter impios numeraris. Deinde considera quid tibi respondendum sit ad illud Apostoli, quod toties urget Augustinus: *quicquid non est ex fide, peccatum est*: non eo sensu quem præterdunt quidam recentiorum, sed per fidem intelligens quod alibi passim in Scripturis intelligitur. Imò in lib. de grat. Christi & lib. 4. contra Julianum circa finem

*1 Cor. 1.
cap. 2. &
lib. 2. re-
tract. c. 63.*

Rom. 14.

Cap. 16.

finem 3. capitis palam asserit, quòd quicquid non est ex fide per dilectionem operante peccatum est: *Omnis enim amor creaturæ rationalis aut est amor mundi, aut amor Dei*, hoc est (sicut ait Augustinus super illud Psalmi 9. in laqueo isto quem absconderunt comprehensus est pes eorum :) *Omnis amor non est aut pravus est, & dicitur cupiditas vel libido*, aut rectus, & dicitur charitas sive dilectio. Fides autem quæ benè operatur, non per timorem aut cupiditatem, sed per dilectionem benè operatur, ut habet Augustinus de verbis Apostoli sermone 13. circa principium, & de gratia Christi cap. 26. Et idèd quicquid non fit ex fide per dilectionem operante, sed per cupiditatem aut timorem, ipso non recto fine peccatum est. Quod autem aiunt quidam, Augustinum verbis illis Apostoli nihil aliud voluisse intelligi, quàm quòd quicquid sit ex infidelitate peccatum est, quantum ad præsentem quæstionem attinet, in eandem redit sententiam; quia magnæ infidelitatis vitium est existimare, quòd in aliqua nostra actione non oporteat nos Deo servire, sed mundo, sicut clarè demonstrat Scriptura, quæ dicit: *Dominum Deum tuum adorabis, & illi soli servies.* Præterea Augustinus lib. 19. de civitate Dei, tam apertè virtutes has inter peccata numerat, ut nullà videatur tergiversatione aliòd posse torqueri; nam post multa tandem concludens: *Proinde virtutes* (inquit) *quas sibi animus videtur habere, per quas imperat corpori & vitiis ad quodlibet adipiscendum vel tenendum, nisi ad Deum retulerit, etiam ipse vitia potius sunt quàm virtutes.* Nam licet à quibusdam tunc veræ & honestæ putentur, cum ad seipsas referuntur nec propter aliud expetuntur, etiam tunc insatiæ & superbiæ sunt, & idèd non virtutes sed vitia judicanda sunt. *Aquibusdam, inquit, veræ & honestæ putantur, cum ad seipsas referuntur.* Hos ergo Stoicos vel Peripateticos, & post eos Pelagianos intelligo, nec video qui alii possint convenientius intelligi.

Denter. 6.

CAPUT VI.

Quare Stoicorum & Peripateticorum virtutes sint superbiæ.

Sed licet fortassis tanti doctoris authoritati succumbas, tacitus tamen in animo tuo miraris, cur Augustinus virtutes, quæ juxta illorum præceptiones rectæ rationi serviunt, superbiæ arguat, placet ut mireris dicentem, modò dictis fidem adhibeas. Sed ne difficultate permotus ejus verba aliòd torquere coneris, si Deus id largiri dignabitur, conabor efficere ut non tantum cedas authoritati, sed etiam rationi consentias. Augustinus igitur prædicto lib. 4. contra Julianum cap. 3. probat quidem hanc virtutis definitionem à philosophis traditam: *Virtus est habitus animi naturæ, modo atque rectæ rationi consentaneus*: sed quæ sit ratio recta ab ipsis ignoratum esse contendit. Nam Epicurus rectam rationem prædicabat, quæ totam hominis vitam carnis voluptati, tanquam summo bono, jubebat inservire. Stoicus verò & Peripateticus eam rectam esse contendebant, quæ totam hominis vitam non carni, sed menti supremæ hominis parti subiciebat: quasi videlicet hominis summa felicità in hoc consisteret. Sed utrumque reprehendit Christianus dicens, quòd

Recta ratio
cui serviat.

recta ratio neque voluptati, neque sibi tanquam summo bono, sed uni serviendum esse præcipiat conditori, juxta illud: *Dominum Deum adorabis, & illi soli servies*: quia summum super hominem principatum, neque propter suas illecebras carni tribuit, sicut Epicurus, neque menti propter suam super reliquas partes eminentiam, sicut Stoici & Peripatetici: sed soli conditori, propter suam sempiternam virtutem, bonitatem & potentiam. Nam licet ordo postulet, ut & corpus animæ, & partes inferiores superioribus pareant: tamen ante omnia requirit, ut mens suo pareat creatori, quia mens partibus sibi subditis non rectè imperat, nisi prius, ut rectè imperet, se suo creatori subiciat, fiatque obediendo similis Angelis, ut eas partes rectè sibi subdat, quas habet homo communes cum bestiis. In Stoicis autem & Peripateticis mens usque aded non fuit de sui creatoris honore sollicita, ut scriptis ingentibus voluminibus quibus explicaret, quid ab inferioribus partibus sibi deberetur, ne verbum quidem addiderit, quo se creatori servire debere testaretur, quin potius divinas partes sibi arroganter per rapinam usurpans, totum hominem, vel ex hoc fore beatum judicavit, si sibi tanquam summæ Dominæ pareat, & se tanquam Deam quandam nulli subjectam adoret. De qua re Augustinus: *Cum ad urbem Atheniensem, inquit, ubi philosophorum disciplina, studio & contentione fervebant, venisset Apostolus, (sicut in Actibus Apostolorum legitur) contulit cum illo quidam Philosophorum Epicureorum secundum carnem viventes, contulit cum illis Paulus secundum Deum vivens; dicebat Epicurus: Mibi frui carne meâ bonum est; dicebat Stoicus: Mibi frui mente meâ bonum est; dicebat Apostolus: Mibi adhærere Deo bonum est: & cætera quæ sequuntur in eandem sententiam. Vides igitur qualem principatum super reliquas hominis partes sibi usurparit Stoica seu Peripatetica ratio, nempe ut tanquam earum Deus, omnibus ex arbitratu præesset, præsidendoque felicitatem impartiret, ipsa verò nulli serviret, nullius imperio subjaceret, quod quantæ superbix sit, jam opinor intelligis. Unde nec mirari debes quòd Augustinus ausus sit eas virtutes superbas appellare, quas vides non ex recto, sed ex tam superbo mentis judicio prodiiisse. Insuper si prædictas Philosophorum virtutes agnoscas, vide quâ ratione dissolvas, quod & sermone prædicto & lib. 14. de civitate Dei cap. 2. & sequentibus docet Augustinus, nempe quòd non tantum Epicurei, qui omnem suam vitam ad sensuum oblectamenta referunt, sed etiam Stoici (sicut etiam Scriptura loquitur) secundum carnem vivere monstrantur; quia Scriptura sacra non patitur ut secundum carnem vivere, sit steriliter benè vivere, sed potius malè vivendo mortem sibi fructificare, sicut dicit Apostolus: *Si secundum carnem vixeritis, moriemini*. Habes etiam de his virtutibus claram atque definitam sententiam D. Prosperi, lib. 3. de vita contemplativa cap. 1. & aliis locis innumeris, quam longè totius est sequi, quàm reprobendam sapientium sapientiam.*

CAPUT VII.

Quantum ad fidem & religionem referat scire: utrum virtutes liberi arbitrii viribus acquiri possint, an tantum ex dono Dei.

VERUM his omnibus auditis, forsitan ita existimas, utcumque res habeat, parum tamen fidei atque religionis Christianæ interesse, quid in hac quæstione asseratur aut defendatur; sic enim putant quidam quæstionem hanc speculationis esse & opinionis, non religionis aut morum. Non lubens Catholicorum quempiam erroris aut impietatis arguo: illud tamen audeo dicere, hanc quæstionem & ad veram sapientiam, & ad vitam Christianam rectè instituendam tantum habere momenti, ut non satis idoneum sentiam ad formandos Christianorum mores qui in ea turpiter hallucinetur; cur autem ita sentiam jam paucis accipe. Habes ebriosum, incontinentem, contumeliosum, detractorem, aut similis vitii consuetudine depravatum, à sua turpitudine revocandum, quâ tu viâ id præstabis? Præcipit Philosophus ut spe præmiorum, timore pœnarum, odio turpitudinis, amore honestatis, & aliis id genus humanis præidiis ipsum ad bonas actiones excites. Quæro igitur an tu exhortationem hanc satis putes esse Christianam, quæ captivum & vinculis impietatis colligatum, spem docet in se ponere, & sine liberatore, per solam peccati cognitionem, sua vincula rumpere posse? an potiùs Gentilem, aut Judæorum in sua lege gloriantium quemdam esse clamitabis? Quodd si fortè eam perfici debere putes, addendo aliquid de Christo invocando, ut infirmo peccatori, & cum magna difficultate resurgenti, manum auxilii sui porrigat, vide sine quàm apertè in Pelagii sententiam concedas, qui pudore magis quàm judicio tandem ed compulsus est ut non tantum in remissione peccatorum, sed etiam in vita rectè instituenda Christi gratiam agnosceret, non quidem eo modo quo veri consentitur Christiani, audientes vocem pastoris sui dicentis: *Sine me nihil potestis facere*, sed ut quod ex nobis cum labore possumus, Christi auxilio freti faciliùs impleamus; de qua re Augustinus de verbis Apostoli fermone 13. *Sed hic fortiter vigilate*, inquit, *ne dicat spiritus vester: si subtraxerit se cooperatio Dei & adjutorium Dei, spiritus meus facit hoc, etsi cum labore, etsi cum difficultate, potest tamen implere; non sic est adjutorium Christi: prorsus si defuerit, nihil boni agere poteris. Agis illo non adjuvante, liberâ voluntate, sed malè: cum dico tibi, sine adjutorio Dei nihil agis; nihil boni dico, nam ad malè agendum habes sine adjutorio Dei liberam voluntatem.*

Joan. 15.

CAPUT VIII.

Quid liberum arbitrium sine Dei adiutorio, non nisi ad peccandum valeat.

Non ait Augustinus: Ad bene agendum moraliter & steriliter habes sine adiutorio Dei liberam voluntatem, (sicut docet Philosophia) sed ad male agendum, inquit; nempe ut & falsas impiorum virtutes è medio tolleret, & illud simul in animis fidelium confirmaret, quod alibi sæpius inculcat ac repetit, liberum arbitrium sibi derelictum non nisi ad peccandum valere, & tantò citiùs propinquare iniquitati, quantò acriùs intenditur actioni: sicut ait Prosper lib. 1. de vocatione gentium cap. 2. Unde responsione 6. ad objectiones Vincentianas dicit multorum hominum talem esse malitiam, qualis est dæmonum, nec aliud discrimen invenit inter liberum arbitrium dæmonum & impiorum hominum qui sibi derelicti sunt, quàm quòd his superest, si Deus misereatur, reconciliatio, dæmonibus autem in æternum nulla servatur conversio. Similiter Augustinus in lib. de spiritu & litera, cap. 3. *Nam neque liberum arbitrium quicquam nisi ad peccandum valet, inquit, si lateat veritatis via, &c.* Et contra duas epistolas Pelagianorum lib. 3. *Liberum arbitrium captivatum, non nisi ad peccatum valet:* & epistola 89. quæstione secundâ contra Pelagium: *liberum arbitrium, inquit, desertum à divino adiutorio, quàmlibet scientia legis excellat, nullo modo habebit justitiæ soliditatem, sed in stationem impiæ superbie.* Similiter de verbis Apostoli: *Nostrium nihil nisi peccatum est. Quid enim habes quod non accepisti?* Hoc ipsum aliis quidem verbis, sed sensu eodem repetit lib. 1. Retract. cap. 15. dicens: *voluntas in tantum libera, quia in tantum liberata est, & in tantum appellatur voluntas, alioqui tota cupiditas, quæ voluntas propriè nuncupanda est, quæ non est alienæ naturæ additamentum, sed nostræ vitium: quia si voluntas nondum liberata tota cupiditas est, quæ vitium est: igitur non nisi vitiosâ cupiditate operatur, quicquid operatur, & sic non nisi ad peccandum movetur; quam sententiam usque adeò urget Augustinus epist. 106. ad Paulinum, ut oppositam errori Pelagii connumeret, dicens de ipso Pelagio, quòd interdum ita paribus momentis potestatem voluntatis æquâ lance pendat, ut aliquantulum etiam ad non peccandum valere definat. Quod si ita est, inquit, nullus locus adiutorio gratiæ reservatur, sine qua nos dicimus ad non peccandum nihil voluntatis arbitrium valere. Nos, inquit: igitur Pelagianorum vox est, potestatem voluntatis aliquantulum ad non peccandum valere, quod sine dubio dicunt qui virtutes steriles illi tribuunt. Christianorum verò professio est, sine adiutorio gratiæ ad non peccandum nihil valere voluntatis arbitrium. Docet hoc, inquit Augustinus epist. 89. ipsa dominica oratio. Frustra enim rogantes Deum, dicimus: Ne nos inferas in tentationem; si hoc in nostra sit potestate, ut nullo illius adiutorio id valeamus implere. Dictum est enim: Ne nos inferas in tentationem; quod intelligitur, ne nos inferri deferendo permittas. Unde jam dicta epistola 106. inter ea dogmata quæ Augustinus duodecim Pelagii assertionibus opponit, quas nisi Pelagius in Concilio Palæstino damnasset,*

Cap. 8.

Serm. 10.
1 Cor. 4.

Quæst. 2.

set, ipse damnatus exisset. Sic habet undecimum: *Fateatur, quando contra tentationes concupiscentiasque illicitas dimicamus, quamvis & illic habeamus voluntatem, non tamen ex illa, sed ex adjutorio Dei nostram provenire victoriam.* Id quod etiam repetit Cælestinus Pontifex cap. 10. his verbis ex Carthaginensi & Milevitano Conciliis desumptis: *Quicumque dixerit gratiam Dei, in qua justificamur per Jesum Christum Dominum nostrum, ad solam peccatorum remissionem valere quæ jam commissa sunt, non etiam ad adjutorium us non committantur, anathema sit.* Nam ut ait Apostolus de tentatione differens, *si quis existimat se aliquid esse cum nihil sit, ipse se seducit.* Galat. 6.

CAPUT IX.

Quod tentationem vincere sit ab ea in peccatum non induci.

ET ne quis fortè respondeat, victoriam tentationum requirere ut is qui vincit opus salutiferum operetur, non autem sufficere ut declinet à malo & peccatum evitet; in primis dominicam orationem opponimus, in qua fideles non tantum Deo supplicant ut fiat voluntas ejus, quod est operari bonum, sed etiam ne in tentationem inducantur, quod nihil aliud est quàm declinare à malo & vitare peccatum; sicut expressè testatur Augustinus epist. 95. dicens: *Qui autem orat, ne nos inducas in tentationem, orat ut non peccet, hoc est, ne quid mali faciat; idem habet in lib 50. homiliarum.* Secundo objicimus id quod Augustinus sub nomine fidelium supra tam constanter asserit: sine adjutorio gratiæ ad non peccandum nihil valere voluntatis arbitrium; quia si sine ullo gratiæ adjutorio sic posset singulos ejus motus per morales actus temperantiæ comprimere, ut nullum omnino peccatum pareret, sine dubio si non ad benè & meritoriè vivendum, certè ad non peccandum plurimum valeret: id quod tamen invenitur sententiæ fidelium prorsus contrarium. Quibus tertio adjungimus quod docet Cyprianus in sermone de oratione dominica, etiam sceleribus non committendis nostram non sufficere voluntatem: (sicut citat Augustinus lib 4. contra duas epistolas Pelagianorum cap. 9.) Insuper Cælestinus Pontifex cap. suo 6. refert & comprobat verba Innocentiï primi, quibus ait in epistola 91. apud Augustinum: *Neceffe est ut quo auxiliante vincimus, eo iterum non adjuvante vincamur; sed quando vincimus, tunc malum facimus.* Igitur juxta horum Pontificum definitionem necessum est, ut quo auxiliante vincimus, eo rursus non auxiliante non tantum bonum omittamus, sed etiam malum operemur & peccemus. Id quod etiam satis testatur Ecclesia quotidie per singulas horas clamans: *Deus in adjutorium meum intende; Domine ad adjuvandum me festina, dans gloriam Deo non solum in singulis operibus bonis quæ facit, sed etiam in singulis tentationibus, quibus declinat à malo; quia si Dominus manum suam avertat, nulla omnino existit tentatio nec magna, nec parva, quæ militem Christi non conturbet:* sicut expressissimè testatur Chrysostomus tractans illud primæ Corinth. 10. Sed faciet etiam cum tentatione proventum dicens: *Sunt ne ergo tentationes, quas sustinere non possumus? & quænam sunt illæ? Omnes, ut ita dicam inquit: possibilitas enim divino nutu est.* Quarè,

Hom. 41.

ut certò cognoscas, non solum illas, quæ virtutem nostram exuperant, non posse nos sine divino auxilio superare, sed ne has quidem humanas, addidit: sed faciet cum tentatione proventum, ut possitis sustinere. Neque enim mediocres illas quas dixi, inquit, propriâ virtute sustinebimus, sed in his etiam divino opus habemus auxilio, ut eas pertranscamus, & priusquam pertranseamus, feramus. Unde Augustinus de verbis Apostoli: *Si Deus ipse non adjuvat, non dico vincere, sed nec pugnare poterimus, quia opera carnis non humano, sed di-*

- Jer. 13.* *vino spiritu mortificamus; & non solum faciendo bonum se nihil esse testatur Aposto-*
Galat. 6. *lus, sed etiam de tentatione differens statim subjicit: nam si quis existimat se aliquid*
sed etiam ad declinandum à malo pertinere ostendat quod ait Christus in Evangelio:
Jean. 15. *Sine me nihil potestis facere. Ex quibus omnibus talis ratiocinatio conficitur:*
Matth. 6. *Fides Christiana postulat ut fateamur, nos sine divino adjutorio nullam omni-*
no tentationem posse sustinere quin peccemus, & in omnibus debere ora-
re: Ne nos inducas in tentationem; nam (ut ait divus Prosper contra colla-
torem) quisquis in tribulatione non deficit, ab illo se non dubitet adjuvari,
ad quem quotidie corda universorum fidelium clamant: Ne nos inferas in ten-
tationem: sed is qui per moralem actum temperantiæ aut continentiae, illi-
cita carnis desideria comprimit, tentationem aliquam sustinet à qua non vincit-
ur, nec peccat: igitur fides Christiana postulat ut fateamur sine divino ad-
jutorio non posse præstari. Ex quo ulterius sequitur, quod non hi soli fures
sint & latrones, qui Christum viam & ostium veritatis & vitæ negant,
sed etiam quicumque aliunde quam per ipsum in viam justitiæ conscendi posse
docent, aut tentationes ullas sine ipsius adjutorio superari posse contem-
dunt.

C A P U T X.

Quâ ratione peccatores docendi sint vitam mutare, & vitiis superatis ad virtutes aspirare.

*Aug. de
natura &
gratia,
cap. 68.
Sapient. 3.*

QUAM diversâ verò ratione Sapiens, ex summa sibi data sapientia, morum
 mutationem & contra tentationes carnis victoriam nos doceat, obsecro dili-
 genter attende: Ut scivi, inquit, quod non possum esse continens nisi Deus
 daret, & hoc erat sapientia scire cujus hoc esset donum, adii Dominum, &
 deprecatus sum ex imis præcordiis. Nam de semetipso loquens sic nostris auri-
 bus videtur insonare: Quisquis incontinentiæ vitio laboras, (laborant autem
 adolescentes innumeri qualis tunc eram cum istud primum intendi) non id sa-
 pias quod Epicurus, Stoicus, Peripateticus, aut Pelagianus, qui sapientiâ
 hujus mundi inflatus, se ex incontinente continentem, ex ebrioso sobrium,
 ex malo bonum, à semetipso fieri putat: sed illud tibi persuasum habe, quod
 neque sobrius, neque continens, non dico fieri, sed nec perseverare possis,
 etiam si jam talis sis, nisi Deus dederit; quod ubi cognoveris, etiam pro hac
 data tibi sapientia Deo gratias age, ac deinde prostratus ex imis Deum precare
 præcordiis, ut incontinentiâ & ebrietate sublatis, continentiae & sobrietatis

vir-

virtutem tibi largiatur. Et vide anne idipsum manifestissimè doceat Aposto-
 lus, cùm ait: *Nam quod impossibile erat legi, in quo infirmabatur per carnem, Deus*
filium suum mittens in similitudinem carnis peccati & de peccato, damnavit peccatum
in carne, ut justificatio legis impleteretur in nobis, qui non secundum carnem ambula-
mus, sed secundum spiritum; nam si legis justificatio & impletio mandato-
rum Dei, non nisi in illis impletur qui secundum spiritum ambulant, id est,
qui spiritu Dei aguntur, (sicut interpretatur Augustinus princ. lib. 3. contra
duas epistolas Pelagianorum) profectò non rectè sapiunt qui ad id aspirantes, non
in adjutorio spiritus, sed in mandato legis & propriæ voluntatis arbitrio spem vitæ
melioris constituunt. Quapropter Augustinus de natura & gratia: Si volumus, in- *Cap. 61.*
quit, animos ad rectè vivendum frigidos & pigros Christianis exhortationibus
excitare, verberentur terroribus, & præmiorum laudibus erigantur, ita sanè ut
non solum ad bonas actiones, verùm etiam ad piæ orationes eos exhortari memi-
nerimus, atque instruere hac sanitate doctrinæ ut & illi gratias agant cum insti-
tuerint bene vivere. Quanquàm igitur ad rectè vivendum non parùm juvent *Epist. 6.*
 virtutis ejus, adversus omnes hujus vitæ tentationes est constituenda.

MICHAELIS BAII,
DE
LIBERO HOMINIS
ARBITRIO,
ET
EJUS POTESTATE.
LIBER UNUS.

CAPUT I.

Quod de libero arbitrio plures existant quæstiones.

IN Christiana religione vix ullum reperitur argumentum, in quo jam inde ab initio nascentis Ecclesiæ, diversis temporum successionebus, contra fidem Catholicam plures diuturnioresque quæstiones extiterunt, quàm de libero hominis arbitrio. Nam ut Stoicos præteream, qui prætextu inevitabilis fati sui, liberum hominis arbitrium labefactare conati sunt: quis Manichæos ignorat nugatoriis rationibus æternam & immutabilem quamdam mali naturam fabulantes, à qua malum omne necessariam ducat originem? Quibus an connumerari debeant nostri temporis hæretici, contendentes omnia, non tantùm bona, sed etiam peccata, non ex libero hominis arbitrio, sed ex necessitate divinæ prædestinationis evenire: an potiùs Stoicis, non immeritò quispiam dubitarit. Certè Manichæis in hoc deteriores sunt, quòd illi conficito nescio quo malorum omnium principio, naturali quâdam reverentiâ & æquitate, Deum non nisi bonorum autorem statuerunt, nec ex eodem bonitatis fonte dulcem simul & amaram aquam emanare posse putaverunt; hi verò, contra naturæ leges & omnis bene constitutæ mentis iudicium, ed proruperunt insanix, ut eum, qui iustitiæ & bonitatis est author, cujusque leges omnes & præcepta contra peccatum sunt, asserant suâ prædestinatione peccandi necessitatem reprobis injicere, à qua tamen neque eximi pos-

possint, neque peccando excusari; quòdque Deus in suis creaturis justo iudicio ea in æternum puniat, in quæ illas per potentiam impellit; idem expressè dicit Calvinus, secutus Lutheri & similium hæreticorum principia. His ex adverso occurrunt Origenes, Pelagius, ac horum sectatores, qui gratiæ Dei, (quâ prædestinati sumus in adoptionem filiorum per Jesum Christum in ipsum, & quâ erui-⁸⁸mur de potestate tenebrarum, ut in eum credamus atque in regnum ejus transferamur) in tantum, inquit Augustinus, inimici fuerunt, *De heres.* ut sine hac posse hominem crediderint facere omnia divina mandata. Et addit: Denique Pelagius à fratribus increpatus, quòd nihil tribueret adjutorio gratiæ Dei, ad ejus mandata faciendâ, correptioni eorum hactenus cessit, ut non eam libero arbitrio præponeret, sed infideli calliditate supponeret: dicens ad hoc eam dari hominibus, ut quæ facere per liberum jubeantur arbitrium, facilius possint implere per gratiam; tanquam etsi difficilius, tamen possint homines sine gratia facere jussa divina. Nos igitur, quantum Deus donabit, breviter explicare conabimur, primum quid sit voluntas: deinde quibus modis libera esse seu liberum arbitrium constituere dicatur: postremò, tum quid ex se, tum quid ex divini gratiæ adjutorio possit. *Distributio operis.*

C A P U T II.

Quid sit voluntas, & quomodo ab appetitu sensitivo distinguatur.

Voluntatem definit Augustinus, animi motum cogente nullo ad aliquid vel non amittendum, vel adipiscendum; qualis motus non tantum in iis qui ratione utuntur, sed etiam in amentibus, pueris & brutis reperitur. Nam quòd hic motus aliquo etiam pacto voluntas sit, non tantum autoritate Aristotelis ostenditur, ubi ait, spontaneum seu voluntarium ad plura se extendere quàm electionem: est enim cum pueris, inquit, & animalibus ceteris nobis commune: sed etiam Scripturæ sacræ testimonio: Quotquot enim receperunt eum, inquit Joannes, dedit eis potestatem filios Dei fieri, his qui non ex sanguinibus, neque ex voluntate carnis, neque ex voluntate viri, sed ex Deo nati sunt. Et Apostolus Paulus: Cum mortui essetis, inquit, deliciis & peccatis vestris, in quibus aliquando ambulastis secundum saculum mundi hujus, secundum principem potestatis aeris hujus, spiritus qui nunc operatur in filiis dissidentiae, in quibus & nos omnes conversati sumus aliquando in desideriis carnis nostræ, facientes voluntatem carnis & cogitationum, &c. Nam in his duobus testimoniis nihil aliud est voluntas carnis, quàm appetitus sensitivæ voluntatis, qui nobis cum brutis est communis. Unde Prosper: Omni, inquit, animæ humane, quantum intelligere atque experiri datur, naturaliter qualiscunque inest voluntas, quâ aut appetitur quod placet, aut declinatur quod displicet. Hujus voluntatis (quantum ad naturalem pertinet motum ex vicio primæ prævaricationis infirmum) genera sunt duo, secundum quæ voluntas hominis aut sensualis, aut animalis est: sed cum adest gratia Dei, accedit ei perdonum spiritus tertium genus, ut possit fieri spiritalis, & per hunc excellentiorem motum omnes affectus undecun-

*Libro de
dua. ani.
cap. 10.*

*Lib. 3. et hi-
corum, c. 2.*

Joan. 1.

in Ephes. 2.

*Lib. 1. de
voc. gent.
cap. 2.*

que nascentes supernæ rationis lege dijudicet. *Sensualis igitur voluntas*, inquit, quam & carnalem possumus dicere, non erigitur supra eum motum, qui de corporis sensibus nascitur; qualis est in animis parvulorum, qui licet nullo iudicio rationis utantur, ostendunt tamen aliquid se velle, cum videndo, audiendo, gustando, odorando, tangendo, & ea quibus delectantur amant, & ea quibus offenduntur ederrunt. Quid est autem amare, nisi velle? aut quid est odisse, nisi nolle? Habent ergo etiam ipsi voluntatem suam, quæ etsi providendi & consulendi impositæ atque ignara sit, in his tamen amat agere quæ carnis sensibus blandiuntur, donec vigor rationalis ingenii per maturiora ministeria corporis excitetur, & ad famulantium sibi membrorum usum, non alieno motu, sed suâ lege moveatur. Ab hoc ergo sensuali appetitu, in quo remanent hi, quos etiam in annis majoribus excordes videmus & satuos, ad animalem surgitur voluntatem: hæc tamen D. Prosper. Cæterum cum voluntatem à motu sensuali, qui aliqui etiam voluntas est, distinguimus, tum per voluntatem eum tantum intelligimus motum qui ex rationis iudicio nascitur, quem Damascenus Aristotelem secutus definit esse, cujus principium est in ipso agente, sciente singula per quæ & in quibus est actus.

Libri 2.
cap. 24.

C A P U T I I I.

Quod rationalis motus voluntas dici possit, etiamsi non sit contingens, sed necessarius.

PORRò quemadmodum sensualis motus rectè appetitus dicitur, siue malus sit siue bonus, siue contingens siue necessarius: sic etiam motus rationalis rectè voluntas appellatur, siue in volentis potestate situm sit, ut eo relicto in diversum quippiam feratur, siue non: quia esse contingens aut necessarium, neque in sensualis, neque in rationalis voluntatis definitione comprehenditur. Hinc non tantum dicimur velle ambulare, velle iustitiam colere & similia, quæ & velle possumus & nolle: sed etiam dicimur velle esse beati, nolle esse miseri, licet hos rationales motus non possumus abjicere. Similiter: Pater diligit filium, inquit Christus: Et, hic est filius meus dilectus, in quo mihi bene complacui, inquit Pater: cum tamen hanc sanctissimam voluntatem nunquam possit deponere. Sancti quoque angeli & homines beati, rectissimâ voluntate iustitiam diligunt, & dæmones impiissimâ voluntate eam oderunt: & tamen neutri hanc suam voluntatem deponere possunt.

Joan. 3.
Luc. 9.

C A P U T I V.

Quæ sit libertas à necessitate.

CÆTERUM cum voluntas libera esse dicitur, juxta duplicem libertatis rationem duobus modis potest intelligi. Altero & usitatissimo, quia qui vult quippiam, habet in sua potestate ut quod vult etiam possit nolle, aut contra quod non vult, velle; quomodo liberâ voluntate vult Deus quæcumque fors operatur, ut novas hominum animas condere, pios de tentatione eripere, impios

impios æternis cruciatibus reservare. Et, sicut apud Matthæum legimus, potuit filius patrem rogare ut exhiberet sibi plusquam duodecim legiones angelorum, quod tamen non rogavit. Sed pater non liberâ voluntate diligit filium, ut qui illum non possit non diligere. Angeli quoque liberâ voluntate pro his aut illis hominibus apud Deum intercedunt: sed felici quâdam necessitate constricti Deum atque justitiam immobiliter diligunt: sicut dæmones miserâ necessitate eam semper oderunt, licet in tentationibus, & aliis multis quæ adversus homines moliuntur, liberâ voluntate ferantur. Et idem neque angeli sancti neque dæmones circa justitiam hoc modo sunt liberi, sed solum circa ea quæ & velle possunt & nolle. Homines quoque in hac vita hoc modo in rebus plurimis liberâ untur voluntate, quia aut boni sunt, & Deo juvante bonum præ malo seu præ alio bono eligunt, aut si sibi relictis Deo servire non possunt, attamen in vitæ istius bonis appetendis & malis eligendis sunt liberi: bonis, inquam, quæ de bonis naturæ oriuntur, ut velle laborare in agro, velle manducare & bibere, & cætera quæ apud Augustinum lib. 3. Hypog. enumerantur. Possunt tamen mali homines ex hoc etiam dici liberi, quod cum propriâ voluntate malum faciant, Deo tamen adjuvante bonum amplecti possint: id quod de dæmonibus dici non potest, quia ad benevolendum nullum eis sperari potest divinum auxilium. Sed in eo quod homines sibi benè esse volunt, & miseriam fugiunt, non ducuntur liberâ voluntate: quia hos rationales motus necessariò retinent aut in actu, aut saltem in habitu, & virtute. Hæc libertas vulgò à necessitate dicitur, quia videlicet necessitati opponitur: cui libertati etiam cum electione commune sit, quod in iis tantum versetur quæ in agentis sunt potestate, & cum fiunt omitti possunt, attamen multò latius patet quàm electio; quia electio in iis tantum invenitur, in quibus meditatio consultatioque præcessit, hæc verò libertas etiam in iis reperitur, quæ ex consuetudine aut quæ repente fiunt sine ulla deliberatione, quia hæc sic ab agente fiunt, ut tamen omitti possint si cura diligens adhibeatur.

C A P U T V.

Quid sit libertas à servitute.

ALtero modo dicitur voluntas libera, quia in eis quæ vult aut facit nulli servituti est obnoxia, sicut vulgò liber dicitur qui nullius servitutis iugo constringitur. Servitutem constituit aut involuntaria necessitas, quomodo servi sunt etiam qui bonum timore faciunt, aut noxia & insipientis animi propositio à qua se quis eximere non potest; nam in Scripturis sacris etiam servi dicuntur, qui libenter & pronâ voluntate iniquitati serviunt, à qua se eximere non possunt. *Omnis enim qui facit peccatum, inquit Christus, servus est peccati.* *Joan. 8.* Et: *Cum servi essetis peccati, inquit Apostolus, liberi fuistis justitiæ.* Et rursum: *Sicut exhibuistis membra vestra servire immunditiæ & iniquitati ad iniquitatem, ita nunc exhibete membra vestra servire justitiæ in sanctificationem.* *Rom. 6.* Et in Epistola Petri, servi corruptionis appellantur, qui tam sunt in corruptionem *2 Petr. 2.* prони,

proni, ut suis sectatoribus illam pro libertate polliceantur. Quapropter ad
Joan. 8. veram libertatem (de qua apud Joan. dicitur: *Si vos filius liberaverit, verè li-*
berii eritis,) duo requiruntur, nimirum vera & sincera in id quod eligitur aut
Enchir.
cap. 30. agitur animi propensio, & veri boni electio seu, ut ait Augustinus, rectè
 facti lætitia. Sincera quidem animi propensio & lætitia, ut non necessitate
 aut timore, sed spontè obediatur legitimæ potestati. Boni verò seu rectè facti
 electio, ne pro naturali & legitima potestate, hostili aut alienæ voluntati pa-
 reatur: hoc est, vera libertas est, Deo legitimè servire, sicut testatur Petrus,
1 Petr. 2. cum ait: *Quasi liberi, non quasi velamen habentes malitiæ libertatem, sed sicut*
servi Dei. Nam quantumlibet quis peccato voluntariè serviat, tamen quia
 diaboli laqueis irretitus, ad ipsius voluntatem captivus detinetur, donec à
 fortiore superveniente liberetur, servus non liber dicendus est, nisi impro-
 priè & secundum analogiam: quia videlicet hoc habet cum eo qui verè liber
 est commune, ut quomodo ille lubens & spontè servit justitiæ, sic iste injus-
 titiæ; hoc modo servus peccati non simpliciter liberos, sed liberos justitiæ
Rom. 6. vocat Apostolus, quia videlicet à justitia sunt alieni. Sed quomodo servire
 justitiæ servitus est impropria & libertas vera, quia erga legitimam potesta-
 tem vera & spontanea obedientia: sic etiam voluntariè & liberaliter peccato
 servire, est libertas impropria & servitus vera, quia erga hostilem potesta-
 tem stulta & noxia captivi obedientia. Qui autem verè liberi sunt, hi & legi-
 timè potestati & voluntariè obediunt, excepto unico Deo, qui quoniam
 nulli potestati subjicitur, solus ex eo liber esse dicitur, quòd sit sibi regula vi-
 tæ, & sine alieno præscripto omnia quæcunque vult faciat. Quem libertatis
 modum, primùm diabolus, deinde etiam homo peccando appetivit, quan-
 do voluit esse sicut Deus: sed quia hoc appetendo naturæ suæ modum per su-
 perbiam incomparabiliter excessit, justissimo Dei judicio perditâ libertate,
 quam in facili & prompta Dei servitute habebat, in miserrimam malæ suæ vo-
 luntatis dejectus est servitutem, à qua nemo liberari potest, nisi illius auxilio
Joan. 8. de quo scriptum est: *Si vos filius liberaverit, verè liberi eritis.*

CAPUT VI.

Quidam Sancti in hac vita nunquam sint perfectè liberi.

Rom. 7. CÆterum quia in hac vitæ miseria etiam sanctissimis quibusque competit
 quod ait Apostolus: *Igitur ego ipse mente servio legi Dei, carne autem legi pec-*
cati: &: *Velle adjacet mihi, perficere autem bonum non invenio: Spiritus enim*
Matt. 26. *promptus est,* ait Christus, *caro autem infirma:* idèd quamdiu hîc vivunt nun-
 quam potiuntur libertate perfectâ, sed semper habent unde ad Deum clament:
Rom. 7. *Infelix ego homo, quis me liberabis de corpore mortis hujus? Gratia Dei per Jesum*
Christum Dominum nostrum. Nam quæ ex parte servimus Deo, inquit Augustinus,
Sapient.
Joan. 11.
tract. 41. liberi sumus: ex qua parte servimus legi peccati, adhuc servi sumus. Prima ergo li-
 bertas est, inquit, *carere criminibus:* sed ista inchoata est, non perfecta libertas.
 Habemus enim ex ista infirmitate, ex qua parte accipimus libertatem. Tunc autem
 erit plena libertas, quando erit perfecta sanitas, ac totius boni consummatio, vultu
 omni:

omni ex parte peccato. Juxta hunc libertatis modum in omnibus quæ vult & facit liberrimæ voluntatis est Deus: quia neque invitus, neque sponte captivus quoquam trahitur, neque etiam in aliqua sua voluntate impeditur, sed omnia quæcunque vult facit. *Subest enim ei cum voluerit posse,* inquit Sapiens. *Sap. 12.* Liberrimi sunt & angeli & homines beati, etiam in eo quod justitiam diligunt, quia sanguine Christi liberati, & sine servitute servi Deo facti, in hac sanctissima voluntate nullis malis desideriiis aut reguntur aut impediuntur, sed aguntur à spiritu Dei, cui naturali ordine sunt sine servitute subjecti. Verùm dæmones in omnibus suis actionibus & desideriiis miserrimi sunt suæ iniquitatis & malæ voluntatis, quam deponere non possunt, servi. *Similiter & impii homines, quamdiu non sunt à peccati dominio per filium liberati, servi sunt peccati: quia in omnibus suis actibus dominanti peccato serviunt, à cujus dominio sese eximere non possunt, nisi eos liberaverit filius.* Aded ut & ipsa lex quæ est odor vitæ spirans ad vitam, efficiatur eis odor mortis in mortem, & peccato dominanti majores vires tribuendo, servitutem efficiat & molestiorem & deteriorem. *Virtus enim peccati lex,* inquit Apostolus, *& sine lege peccatum mortuum* *1 Cor. 15.* erat: sed cum venisset mandatum, peccatum revixit, & occidit. Sed si vos filius *Rom. 7.* liberaveris, inquit Christus, verè liberi eritis. Gratias igitur agamus Deo, *Joan. 1.* qui dedit nobis victoriam per Jesum Christum Dominum nostrum, per quem liberati à peccato, servi autem facti Deo, habemus fructum in sanctificatione *Rom. 6.* nem spiritus, & tantò liberiores sumus, quantò minùs peccato servimus, tunc futuri omnino liberi, quando in nobis nihil ampliùs retinebitur captivum sub dominio peccati.

C A P U T VII.

Quid libertati à servitute sit impertinens, utrùm actio sit in volentis potestate.

HUic libertatis modo impertinens est, utrùm id quod liberè fieri dicitur, etiam possit non fieri. *Quia voluntas juxta hunc modum ob id duntaxat libera dicitur, quia neque invitata quoquam trahitur, neque sub aliqua hostili potestate sponte captiva tenetur, sed promptè & liberè id quod debet facit, & cui subesse debet lubens obsequitur.*

Hinc Augustinus: Sic oportebat hominem priùs fieri, ut bene velle posset & *Enchir. cap. 105.* malè; nec gratis si bene, nec impunè si malè. Postea verò sic erit ut malè velle non possit, nec ideo libero carebit arbitrio. Muldò quippe liberius erit arbitrium, quod omnino non poterit servire peccato. Neque enim culpanda est voluntas, aut voluntas non est, aut libera dicenda non est, quæ beati esse sic volumus, ut esse miseri non solum volumus, sed nequaquam prorsus velle possimus. Sicut ergo nunc anima nostra nolle infelicitatem, ita tunc nolle iniquitatem semper est habitura: sed ordo prætermittendus non fuit. In eo quod ait, hominem priùs sic factum ut & bene velle posset & malè, prioris modi libertatem significat, videlicet à necessitate, de cujus tamen ratione non est posse bene & malè velle, seu posse peccare, ut *D. lib. ar. bitrio. 6. 1.* rectè ait Anselmus: sed solum flecti ex uno in aliud, sive id fiat ex bono in

malum, sive ex bono in bonum aut melius, sive ex malo in malum aut pejus. Sed in eo quod subdit: *quodd nec libero carebit arbitrio, quando sit erit ut male velle non possit: multo quippe liberius erit arbitrium, quod omnino non poterit servire peccato: ad posteriorem libertatis modum aspexit, videlicet à servitute peccati: quæ voluntatis libertas sola sub hoc nomine in Scripturis sanctis invenitur, ut*

Cap. 8. apud Joannem: *Si vos filius liberaverit, verè liberi eritis.* Ea verò libertas voluntatis de qua priore loco diximus, quæ videlicet necessitati opponitur & idèò libertas à necessitate dicitur, non sub hoc nomine, sed alio quodam sermonis genere in Scripturis sacris expressâ reperitur: ut cùm de homine recens condito dicitur, quodd Deus reliquit illum in manu consilii sui, manifestè significatur, quodd Deus illi voluntatem dederit, quâ & mandata Dei facere possit & omittere. Similiter ubi de homine iusto dicitur, quodd potuit transgredi & non est transgressus, manifestè datur intelligi, utrumque in ejus potestate fuisse, nempe transgredi & non transgredi; & idèò licèt hic libertatis modus in Scripturis sacris non inveniatur hoc nomine expressus, non tamen propterea negandus est aut contemnendus, sed potiùs adversùs hæreticos (qui contra Scripturas sacras omnia ex necessitate evenire contendunt) religiosè suscipiendus & defendendus, ne sub prætextu externi nominis rem eam negemus, quam sine impietate etiam sub quocunque nomine negare non possumus.

Eccles. 15.

Eccles. 31.

CAPUT VIII.

Quodd liberum arbitrium idem sit quodd libera voluntas.

PORRò quod de libera voluntate diximus, hoc etiam de libero arbitrio intelligendum putamus: quia quamvis liberum arbitrium à ratione potiùs quàm ab appetitu nuncupetur, attamen re ipsâ prorsus idem est quodd libera voluntas, potestque iisdem modis intelligi quibus suprà liberam voluntatem distinximus. Nam licèt doctores catholici adversùs hæreticos liberum arbitrium sæpius in eo intellexerint, quodd possit omittere id quodd facit, hoc est, in eo quodd in suis actionibus nullâ sit necessitate restrictum, sicut etiam intellexerunt Philosophi, qui posteriorem libertatis modum, qui nobis non nisi per Christum contingit, ignoraverunt: attamen Augustinus secutus Evangelium, etiam liberum arbitrium in eo intellexit, quodd nullius extraneæ potestatis servituti esset obnoxium, sive in potestate haberet id quodd agit omittere, sive non. Nam pluribus locis asserit, liberum arbitrium tunc liberius fore cùm non poterit servire peccato: nempe liberius quàm sit in hac vita, ubi sic adhæret iustitiæ ut etiam possit servire iniquitati; quodd juxta priorem libertatis modum dici non potest, quia in futura vita diligendo justitiam, nostrum arbitrium non erit priore modo liberum, sed solum posteriori.

*Ench. cap.
105. de
corra. &
gra. l. 11.
de civit.
Dei, l. 22.
cap. ult.*

C A P U T IX.

Quid aliud sit, querere quid liberum arbitrium poterat cum adhuc esset sanum: aliud quid nunc possit postquam à sua integritate decidit.

SEd postquam diximus quid sit voluntas, & quibus modis libera esse seu liberum arbitrium constituere dicatur, restat paucis explicemus quid ex se possit, & quid ex adjutorio divinæ gratiæ. Voluntas, inquam, non qualis ab initio condita est, cum homo per illam omnia Dei mandata perfecte & sine ulla difficultate poterat implere, ac omnibus animi & corporis partibus sic imperare, ut in seipso nullum omnino sentiret dissidium. In quo statu recto & sine vitio si homo per liberum arbitrium manere voluisset, inquit Augustinus, profectò sine ullo mortis & infelicitatis experimento, merito hujusmodi per mansionis, acciperet illam beatitudinis plenitudinem quā & sancti angeli sunt beati, id est, ut in cadere non posset ulterius, & hoc certissimè sciret. Rectum namque, inquit Prosper, & omni vitio carentem creatum esse hominem primum, in quo omnium hominum concreatā natura est, dubitare fas non est, eumque tale accepisse liberum arbitrium, ut si auxiliantem sibi Dominum non desereret, possent in nobis quæ naturaliter acceperat perseverare, quia vellet, & merito perseverantia in eam beatitudinem perveniret, ut nec vellet decidere in pejus, nec posset. Sed ipso libero arbitrio, quo quamdiu voluit bonus mansit, à proposita sibi lege discessit, & omnium virtutum decore, fraude invidentis exutus est, perditisque per quæ ad æternam atque inamissibilem corporis animæque incorruptionem poterat pervenire, quid ei remansit, nisi quod ad temporalem pertinet vitam, quæ tota est damnationis & pænæ? & quia omnes in illo peccaverunt, idè quidquid ille perdidit perdiderunt. Perdidit autem primitus fidem, perdidit continentiam, perdidit charitatem, spoliatus est sapientiā & intellectu, caruit consilio & fortitudine, & impie altiora sectando, à veritatis scientia & obedientiæ pietate dejectus est, nec ipso saltem timore sibi reliquo, ut ab interditiis metu careret pænæ, qui abstinebat amore justitiæ. Liberum ergo arbitrium ubi usum bonorum quæ acceperat fastidivit, & vilescitibus sibi felicitatis suæ præsidis, insanam cupiditatem ad experientiam prævaricationis intendit, bibit omnium vitiorum venenum, & totam naturam hominis intemperantiæ suæ ebrietate defecit. Inde priusquam edendo carnem filii hominis & bibendo sanguinem ejus, lethalem digerat cruditatem, labitur memoriā, errat judicio, nutat incessu, neque ullo modo idoneum est ad illud bonum eligendum & concupiscendum, quo se sponte privavit. Non igitur quærimus, quid liberum arbitrium ex sua virtute poterat cum adhuc sanum erat & integrum, quia tunc poterat non concupiscere & ab omni peccato tantum quia vellet abstinere, quod nulli Sanctorum nunc in hac vita tribuitur: sed quærimus, quid nunc ex sua virtute possit, postquam delinquendo à sua integritate decidit; nam quemadmodum aliud est quærere, quid sapiat homini sano, & quid sapiat ut sapere possit jam lethali febre correpto. sic longè aliud est quærere, quid homo rectus & sanus

De cor. & gratia, cap. 10.

Contra Collat.

amabat, & amando sine ulla difficultate præstabat, aliud verò quærere, quid jam velle aut præstare possit ægrotus, faucius & semivivus, cum ad eum statim pervenit ut cum Psalmista dicere debeat: *Percussus sum ut fenum, & aruit cor meum, quia oblitus sum comedere panem meum.* Et ego dixi, *Domine misere mei, sana animam meam, quia peccavi tibi.* Et rursus: *Miserere mei Domine, quoniam infirmus sum sana me Domine, quoniam conturbata sunt omnia ossa mea.*

CAPUT X.

Quòd liberum hominis arbitrium, quale nunc est, ex se neque bonum facere possit, neque tentationem ullam superare.

PElagius docuit, liberum hominis arbitrium exteriori prædicatione atque exhortatione adjutum, ex innata sibi virtute adhuc posse universa præstare, quæ in sua primæva institutione poterat, necaliter à seipso quale tunc erat differre, quàm quòd tunc nullas expertum peccati illecebras, sine omni impedimento ad omne opus bonum promptum esset & paratum, nunc verò peccandi consuetudine atque illecebris corporis paulatim vitiatum & corruptum, sic nos ex vitiiis corporis malis desiderii obligatos teneat & adstrictos, ut hæc consuetudo vim quamdam videatur habere naturæ, nec quod bonum est nisi cum difficultate operari permittat; sic tamen, ut si ex ingenita sibi virtute fortiter & constanter bono insistere velit, exercitio & consuetudine tandem ad eam vitæ innocentiam & bene agendi facilitatem redeat, in qua primum est conditum, hoc est, ad apathiam, quâ sine his affectionibus vivat quæ contra rationem accidunt mentemque perturbant, ut ait Augustinus. Sic enim colligebat Pelagius: Deus præcepit ut non concupiscamus, & ut Deum ex toto corde, ex tota anima, ex tota mente, & ex omnibus viribus diligamus: sed nihil impossibile potest imperare qui iustus est: igitur licet cum difficultate & molestia, attamen ex nostris viribus possumus hæc universa præstare. Verùm hanc Pelagii collectionem manifestè refellit Christus in Evangelio, cum ait: *Sine me nihil potestis facere.* Similiter Apostolus dicens: *Non quòd sufficientes simus cogitare aliquid à nobis, quasi ex nobis, sed sufficientia nostra ex Deo est.* Et rursus: *Omnia possum in eo qui me confortat,* omnia videlicet quæ possum. Non enim simpliciter omnia poterat Apostolus, quia alibi dicit: *Velle adjacet mihi, perficere autem non invenio: sed quæcunque se posse sentiebat, hæc se non nisi in Deo posse & humiliter agnoscebat, & ingenuè profitebatur. Quid enim boni operari potest perditus, inquit Augustinus, nisi quantum fuerit à perditione liberatus? Unde Cælestinus pontifex: Illud etiam, inquit, quod intra Carthagenensis synodi decreta constitutum est, quasi proprium Apostolicæ sedis amplectimur, quod scilicet tertio capitulo definitum est, ut quicunque dixerit gratiam Dei, quâ justificamur per Jesum Christum Dominum nostrum, ad solam peccatorum remissionem valere quæ jam commissa sunt, non etiam ad adjuto-*

24. de civi-
tate Dei,
cap. 9.

Joan. 15.

2 Cor. 3.

Philipp. 4.

Rom. 7.

Ench. 10.

Epistola ad
Episcopos
Gallia,
cap. 10.

rius ut non committantur, anathema sit. Et in quinto capitulo: ut quisquis dixerit, idem nobis gratiam justificationis dari, ut quod facere per liberum arbitrium jubemur, facilius implere possimus per gratiam, tanquam si gratia non daretur, non quidem facile, sed tamen etiam possimus sine illa implere divina mandata, anathema sit. De fructibus enim mandatorum Dominus loquebatur, ubi non ait: Sine me difficultius potestis facere; sed ait: Sine me nihil potestis facere; hætenus Cælestinus. *J. an. 15.*

De qua re etiam Prosper ad capitula Gallorum ex plenario Concilio totius Africae: Cum ducentis quatuordecim sacerdotibus, inquit, quorum constitutionem contra inimicos gratiae Dei totus mundus amplexus est, veraci professione (quemadmodum ipsorum habet sermo) dicamus, gratiam Dei per Jesum Christum Dominum nostrum, non solum ad cognoscendam, verum etiam ad faciendam justitiam nos per actus singulos adjuvare, ita ut sine illa nihil verae sanctaeque pietatis habere, cogitare, dicere, agere valeamus. Neque ita hæc dona ex Deo esse opinemur, ut quia ipsa natura nostra author est, per conditionem jam hæc contulisse videatur, quia dedit quidem ab initio hanc homini facultatem, sed omnes eam in illo amisimus, in quo omnes peccavimus. Unde alia creatione alioque principio renovari egemus in Christo, in quo sumus nova creatura novumque figmentum; hætenus Prosper. Ex quibus verbis manifestè intelligitur, divina testimonia, quibus per præcepta & mandata liberum hominis convenitur arbitrium, non sic accipiendae esse, quasi liberum hominis arbitrium sine Dei adjutorio ad vitam piam aut conversationem sanctam aliquid valere possit: sed ut intelligatur, quodd Deus id quod bonum est in nobis non sine nobis operetur, (sicut imaginabantur Manichæi) sed cooperantibus nobis. Nam quemadmodum omnis exhortatio & doctrina pietatis (si desit spiritus vivificans qui aures audiendi tribuat) litera est occidens & odor mortis in mortem: sic etiam justitiæ lex, quæ vel libris continetur vel mentibus hominum inscribitur, si spiritus sanctus gratiæ desit, nihil aliud quam prævaricationem & iram operatur. *Lex enim auditores justitiæ facit, gratia facit, inquit Augustinus.* Et rursus: *Lex subintravit ut abundaret delictum, ut homo eo modo convictus atque confusus videret, non tantum doctorem sibi esse necessarium, verum etiam adiutorem Deum, à quo ejus itinera dirigantur, ne dominetur ei omnis iniquitas.* Et Leo Pontifex: *Deus idem dat præceptum, ut excitet desiderium & præstet auxilium.* Quanquam igitur homini lapsò imperatur vera & ab omni peccato libera justitia, quæ ab initio data & imperata fuit recto, ut ex ipso præcepto, quo ei hoc quod accepit indicitur, intelligat quid suo creatori debeat: attamen existimandum non est, quodd ad reddendum quod debet jam ex se sit idoneus, sed quodd per præceptum admoneatur, ut à litera occidente confugiat ad spiritum vivificantem, & facultatem quam non invenit in natura quærat ex gratia, hoc est, homini jam lapsò ad hoc lex justitiæ indicitur, ut ex ea intelligat quid in sua prima creatione acceperit, ac proinde quid suo creatori debeat, ut expertus se reddere non posse quod debet, ex sua infirmitate admoneatur medicum quærere, & facultatem quam peccando perdidit, orando & nomen Domini humiliter invocando, à Deo misericorditer recuperare; quia ex se nec incipere, nec velle, nec cogitare potest quod bonum est: sed in singulis actibus, cogitationibus; motibus auxilio Dei indiget, non tantum ad faciendum bonum quando nullà tentatio-

Cano. 8.
cujus con-
cilio menci-
nit Augu-
stin. 47.

Conver. 2.
epistolæ
Pela. lib. 3.
cap. 2. Et
de spiritib.
& illa. c. 6.
Serm. 8.
de qua-
drag.

ne impugnatur, sed multò magis declinando à malo & quotidianis tentationibus resistendo; hoc est, homolapsus, non tantùm in singulis operibus bonis quæ nemine adversante facit, divino eget auxilio, sed etiam in singulis tentationibus superandis, quibus ad malum provocatur: sicut ex Dominica oratione ostenditur, in qua non minùs petimus, ne inducamur in tentationem, id est, ne à tentatione superati mali quippiam faciamus, quàm ut voluntatem Dei faciamus, id est, ut bonum operemur. Nam ex hac posteriori petitione, quâ dicimus: *Fiat voluntas tua*; rectissimè colligitur, divinum adjutorium in singulis operibus bonis, quibus voluntatem Dei facimus, esse necessarium, sicut nemine dubitante ante annos mille contra Pelagium universa collegit Ecclesia: igitur ex eo quodd petimus ne inducamur in tentationem, etiam rectè conficitur, in singulis tentationibus sufferendis, ut peccatum evitemus, divinum auxilium nobis esse necessarium, dicente Psalmistâ:

Psal. 26.

Adjutor meus esto, ne derelinquas me: & Deus in adjutorium meum intende: Domine ad adjuvandum me festina. Quod etiam quotidie per singulas horas frequentat Ecclesia, sciens quodd Dominus in voluntate sua præstet decori nostro

Psal. 69.

virtutem, & quodd si avertat faciem suam à nobis, statim efficiamur conturbati. Non enim carne, sed spiritu facta carnis mortificamus, & tentationes omnes non propriâ virtute superamus, sed propter illum qui dilexit nos; adeò

Psal. 29.

ut Prosper contra Cassian. dicere audeat, quodd quisquis in tentatione non deficit, ab illo se non dubitet adjuvari, ad quem quotidie corda universorum fidelium clamant:

Rom. 8.

omnes non propriâ virtute superamus, sed propter illum qui dilexit nos; adeò

Ibidem.

ut Prosper contra Cassian. dicere audeat, quodd quisquis in tentatione non deficit, ab illo se non dubitet adjuvari, ad quem quotidie corda universorum fidelium clamant:

Cap. 35.

omnes non propriâ virtute superamus, sed propter illum qui dilexit nos; adeò

Ephes. 6.

ut Prosper contra Cassian. dicere audeat, quodd quisquis in tentatione non deficit, ab illo se non dubitet adjuvari, ad quem quotidie corda universorum fidelium clamant:

1 Cor. 10.

ut Prosper contra Cassian. dicere audeat, quodd quisquis in tentatione non deficit, ab illo se non dubitet adjuvari, ad quem quotidie corda universorum fidelium clamant:

ut Prosper contra Cassian. dicere audeat, quodd quisquis in tentatione non deficit, ab illo se non dubitet adjuvari, ad quem quotidie corda universorum fidelium clamant:

ut Prosper contra Cassian. dicere audeat, quodd quisquis in tentatione non deficit, ab illo se non dubitet adjuvari, ad quem quotidie corda universorum fidelium clamant:

ut Prosper contra Cassian. dicere audeat, quodd quisquis in tentatione non deficit, ab illo se non dubitet adjuvari, ad quem quotidie corda universorum fidelium clamant:

ut Prosper contra Cassian. dicere audeat, quodd quisquis in tentatione non deficit, ab illo se non dubitet adjuvari, ad quem quotidie corda universorum fidelium clamant:

ut Prosper contra Cassian. dicere audeat, quodd quisquis in tentatione non deficit, ab illo se non dubitet adjuvari, ad quem quotidie corda universorum fidelium clamant:

ut Prosper contra Cassian. dicere audeat, quodd quisquis in tentatione non deficit, ab illo se non dubitet adjuvari, ad quem quotidie corda universorum fidelium clamant:

ut Prosper contra Cassian. dicere audeat, quodd quisquis in tentatione non deficit, ab illo se non dubitet adjuvari, ad quem quotidie corda universorum fidelium clamant:

ut Prosper contra Cassian. dicere audeat, quodd quisquis in tentatione non deficit, ab illo se non dubitet adjuvari, ad quem quotidie corda universorum fidelium clamant:

ut Prosper contra Cassian. dicere audeat, quodd quisquis in tentatione non deficit, ab illo se non dubitet adjuvari, ad quem quotidie corda universorum fidelium clamant:

ut Prosper contra Cassian. dicere audeat, quodd quisquis in tentatione non deficit, ab illo se non dubitet adjuvari, ad quem quotidie corda universorum fidelium clamant:

ut Prosper contra Cassian. dicere audeat, quodd quisquis in tentatione non deficit, ab illo se non dubitet adjuvari, ad quem quotidie corda universorum fidelium clamant:

ut Prosper contra Cassian. dicere audeat, quodd quisquis in tentatione non deficit, ab illo se non dubitet adjuvari, ad quem quotidie corda universorum fidelium clamant:

ut Prosper contra Cassian. dicere audeat, quodd quisquis in tentatione non deficit, ab illo se non dubitet adjuvari, ad quem quotidie corda universorum fidelium clamant:

ut Prosper contra Cassian. dicere audeat, quodd quisquis in tentatione non deficit, ab illo se non dubitet adjuvari, ad quem quotidie corda universorum fidelium clamant:

ut Prosper contra Cassian. dicere audeat, quodd quisquis in tentatione non deficit, ab illo se non dubitet adjuvari, ad quem quotidie corda universorum fidelium clamant:

ut Prosper contra Cassian. dicere audeat, quodd quisquis in tentatione non deficit, ab illo se non dubitet adjuvari, ad quem quotidie corda universorum fidelium clamant:

ut Prosper contra Cassian. dicere audeat, quodd quisquis in tentatione non deficit, ab illo se non dubitet adjuvari, ad quem quotidie corda universorum fidelium clamant:

ut Prosper contra Cassian. dicere audeat, quodd quisquis in tentatione non deficit, ab illo se non dubitet adjuvari, ad quem quotidie corda universorum fidelium clamant:

ut Prosper contra Cassian. dicere audeat, quodd quisquis in tentatione non deficit, ab illo se non dubitet adjuvari, ad quem quotidie corda universorum fidelium clamant:

ut Prosper contra Cassian. dicere audeat, quodd quisquis in tentatione non deficit, ab illo se non dubitet adjuvari, ad quem quotidie corda universorum fidelium clamant:

*De verb.
Apostoli
serm. 13.*

1 Cor. 15.

Rom. 8.

Cap. 3.

*Epis. 106.
propositio
37.*

tentationes concupiscentiasque dimicamus, quamvis & illic habeamus propriam voluntatem, non tamen ex illa, sed ex adjutorio Dei nostram provenire victoriam. Et Epistola 95. *Anathemet ergo Pelagius*, inquit, *scripta sua, ubi contra gratiam disputat possibilitatem defendendo naturam ad vincenda peccata complenda mandata*. Hinc Cælestinus Pontifex: *Nemo etiam baptisnatis gratiâ renovatus*, inquit, *idoneus est ad superandas diaboli insidias & ad evincendas carnis concupiscentias, nisi per quotidianum adjutorium Dei perseverantiam bonæ conversationis acceperit*. *Neceffe est eniu quo auxiliante vincimus, eo iterum non adjuvante vincamur*. Et rursus ex Zosimo: *Quod ergo tempus, ait, intervenit, quo ejus non egeamus auxilio? In omnibus igitur actibus causisque, cogitationibus, motibus, adjutor & protector orandus est*. Superbum est enim ut quicquam sibi humana natura præsumat, clamante Apostolo: *Non est nobis colluctatio adversus carnem & sanguinem, sed contra principes & potestates aëris hujus*. Si tantum dixisset Zosimus: *In omnibus actibus adjutor orandus est*: tunc facile fuisset suspicari, non in singulis tentationibus superandis, sed solum in singulis operibus bonis faciendis, Dei adjutorium nobis esse necessarium: sed quando addidit, quod in omnibus motibus adjutor & protector orandus est, quia non est nobis colluctatio adversus carnem & sanguinem, manifestè significavit, non solum in singulis operibus bonis faciendis, sed etiam in singulis motibus pravis superandis, necessarium esse divinum auxilium. *Divini enim muneris est*, inquit Concilium Arausicanum 2. *cum & rectè cogitamus, & pedes nostros a falsitate & injustitia tenemus*. Manifestum est igitur, liberum hominis arbitrium, quale nunc est, etiam in regeneratis ex se non sufficere, neque ad bonum opus faciendum, neque ad tentationem malam superandam, sed horum potestatem nobis dari gratiâ Dei, per Jesum Christum Dominum nostrum, dicente Evangelio: *Quotquot autem receperunt eum, dedit eis potestatem filios Dei fieri*. Liberum enim arbitrium & ad malum & ad bonum faciendum constituendum est nos habere, inquit Augustinus, *sed in malo faciendo liber est quisque justitiæ servusque peccati, in bono autem liber esse nullus potest, nisi fuerit liberatus ab eo qui dixit: Sivos filius liberaverit, verè liberi eritis*. *Nec ita ut cum quisque fuerit a peccati damnatione liberatus, jam non indigeat sui liberatoris auxilio: sed ita potius ut ab illo audiens: Sine me nihil potestis facere; dicat ipse: Adjutor meus esto, ne derelinquas me*. Sed objicitur: *Qui tentatur ad fornicandum, is ex amore gloriæ, principatus, aut divitiarum sæpe ab hoc pernicioso affectu, sine ullo Dei adjutorio, revocatur*: igitur mala tentatio potest sine ullo Dei adjutorio superari. Responsio. Quanquam timor pœnæ non nisi opus externum comprimit, ipsum verò internum peccandi affectum & consensum animi potius augeat quàm minuit, tamen inter tentationes malas potest tanta diversitas atque pugnantia reperiri, ut simul menti non dominantur, sed altera ab altera sic comprimatur, ut neque opus externum, neque etiam mentis consensum obtineat. Quapropter dicendum non est, quod is qui Dei auxilio destitutus tentatione aliqua pulsatur, semper in illud peccati genus inducatur ad quod tentatione provocatur, quia fieri potest ut contrariis cupiditatibus ageretur quæ simul consistere non possunt: sed tamen quisquis tentatur ad peccandum, is necessariò in aliquam tentationem inducitur ac subicitur peccati

Epist. ad
Episcop.
Gal. c. 6.

Ibidem.

Ephes. 6.

cap. 9. 10.

Aug. contra duas
epist. Pelag.
lib. 1.
cap. 2.

De cor. &
Galat. c. 1.
Joan. 3.
Oij. c. 1.

Responsio.

*Psal. 29.
De civit.
Dei, l. 21.
cap. 16.*

cati dominio, nisi à Domino protegatur: sicut de semetipso ait Psalmista: *Avertisti manum tuam & factus sum conturbatus*; quia vel hujus vel alterius malæ cupiditatis dominio subjicitur. Quapropter docet Augustinus vitia non veraciter vinci nisi verâ delectatione justitiæ, licet aliquando sint apertissima vitia, quæ aliis vitiis vincuntur occultis quæque putantur esse virtutes, in quibus regnat superbia & quædam sibi placendi altitudo ruinosa. *Tunc itaque vitia deputanda sunt*, inquit, *cum Dei amore vincuntur*. Nam à quocunque vitia sic vincuntur, is in nullam malæ cupiditatis tentationem inducitur, quod propriè tentationem superare est: sed qui malam unam tentationem aliâ forsitan deteriori comprimit, is non est dicendus tentationem illam vicisse, sed mutasse: sicut nec servitutem evasisse dicendus est, qui mutavit dominum, sed quem ex servo contingit fieri liberum.

CAPUT XI.

Quid liberum hominis arbitrium nunc adhuc possit ex innata sibi virtute.

Cùm itaque liberum arbitrium sine Dei adjutorio, neque bonum aliquod facere possit, neque à malo declinare, hoc est, neque ullam tentationem superare, sicut in tentatione positum omne peccatum evadat; videndum est quid tandem possit. Hoc eleganter exponit liber tertius hypognosticon his verbis: *Esse fateamur liberum arbitrium omnibus hominibus, habens quidem judicium rationis, non per quod sit idoneum quæ ad Deum pertinent sine Deo aut inchoare aut certè peragere, sed tantùm in operibus vitæ præsentis tam bonis quam malis. Bonis dico quæ de bono naturæ oriuntur, id est, velle laborare in agro, velle manducare & bibere, velle habere amicum, velle habere indumenta, velle fabricare domum, uxorem velle ducere, pecora nutrire, artem discere diversarum rerum bonarum, velle quicquid bonum ad præsentem pertinet vitam. Malis verò dico, ut velle idolum colere, velle homicidium, velle adulterium facere. Nam voluntas humana, inquit Prosper, sine sui auctoris participatione in terrenis occiduisque versatur. Si enim nec ad ista ordinanda rationalis animi vigeret ingenium, inquit, non vitiata esset sed extincta natura. Et Maxentius vir Dei, in libello suo fidei: Liberum autem naturale arbitrium, inquit, ad nihil valere credimus, nisi ad discernenda tantùm & desideranda carnalia seu secularia, quæ non apud Deum, sed apud homines possunt fortassis videri gloriosa; ad ea verò quæ ad vitam æternam pertinent, nec cogitare, nec velle, nec desiderare, nec perficere posse, nisi per infusionem & inoperationem intrinsecus Spiritus Sancti. Patet igitur, liberum hominis arbitrium, quale nunc est, ex semetipso nec bonum velle posse, nec tentationem ullam verè superare, sed mala duntaxat & carnalia, quale est adulterium, aut ea bona quæ ad utilitatem hujus temporalis vitæ pertinent.*

*De voca.
Gen. l. 2.
cap. 2.*

*Contr. Col.
las c. 22.*

CAPUT XII.

Quid liberum arbitrium possit ex adiutorio divinæ gratiæ.

POSTQUAM diximus quid liberum hominis arbitrium ex se possit, jam dicamus quid possit ex adiutorio divinæ gratiæ. Atque in primis illud observandum est quod ait Augustinus: nullo modo dicendum esse, Deo deesse possibilitatem, quâ voluntas sic adjuvetur humana, ut non solum iustitia ista quæ ex fide est omni ex parte modò perficiatur in homine, verum etiam illa secundum quam postea in æternum in ipsa ejus contemplatione vivendum est. Quandoquidem si nunc velitetiam hoc corruptibile induere incorruptionem, atque hîc inter homines morituros eum jubere vivere minimè moriturum, ut totâ penitus vetustate consumptâ, nulla lex in membris ejus repugnet legi mentis, Deumque ubique præsentem ita cognoscat, sicut Sancti postea cognituri sunt, quis demens audeat affirmare non posse? Sed quare non faciat quærunt homines, nec qui quærunt se attendunt esse homines. Sed licet omnibus mortalibus etiam quantumlibet impiis, hanc possit Deus conferre potestatem, ut non tantum credant & graviora Dei mandata observent, sed etiam ab omni peccato abstineant & omnem iustitiam sic impleant, ut non sint inferiores angelis Dei: attamen secundum altitudinem divini consilii sui, quibusdam ne hoc quidem tribuit ut possint credere; quales fuerunt de quibus ait Joannes, eorum quod propterea non poterant credere, quia iterum dixit Isaias: *Excæcavi oculos eorum, & induravi cor eorum, ut non videant oculis, & non intelligant corde;* hoc est, quia juxta Isaiæ vaticinium, sic à Deo erant deferendi, ut ne credendi quidem munus acciperent. Nam licet subinde dicat Augustinus, id esse in nostra potestate quod cum volumus facimus, quale sine dubio videtur esse credere, credimus enim si credere volumus: attamen quia voluntatem credendi per nostram sufficientiam habere non possumus, sed solum ex divino munere præparatam; idè de illis quibus eam Deus dare non statuit, rectissimè dixit Joannes, quod non poterant credere, quia juxta Isaiæ vaticinium illis decreverat non dare credendi voluntatem, sine qua nullam habemus credendi potestatem. Aliis verò tribuit quidem in hac vita credendi potestatem, sed non tribuit eis potestatem continendi ab omni concubitu; cujusmodi sunt fideles virgines, quæ non sunt de earum numero de quibus ait Christus: Qui potest capere capiat; sed potius de earum numero de quibus ait Cyprianus, quod si nolunt aut non possunt in continentia perseverare, melius est ut nubant, quam in ignem delictis suis cadant. Qui igitur potest continere, contineat: si verò non potest, oret ut possit: quia si verè fidelis est, certissimâ fide credit, quod non possit esse continens nisi Deus dederit. Aliis verò tribuit Dominus ut & credere possint & continere, & omnia hujus temporalis vitæ bona relinquere: tamen non tribuit eis, ut pro iustitia & veritate possint hanc vitam temporalem contemnere, & Christum sequi morientem; cujusmodi fuit Petrus, cum illi dixit Dominus: *Non potes me sequi modò, sequeris autem postea,* cum videlicet tan-

*Despirna
& lit. cap.
ultimo.*

Rom. 7.

Isaia 29.

*Lib. 2. retract. c. 1.
& maximè
lib. 2. c. 22.*

*Joan. 12.
Isa. 6.*

*Lib. 7.
Epist. 11.*

Sapient. 1.

Joan. 13.

ti boni dederò tibi potestatem; quæ potestas nihil aliud est quàm magna & robusta voluntas. *Qui enim vult facere Dei mandatum, inquit Augustinus, & non potest, jam quidem habet voluntatem bonam, sed adhuc parvam & invalidam; poteris autem cum magnam habueris & robustam. Quando enim martyres magna illa mandata fecerunt, magnâ utique voluntate, hoc est, magnâ charitate fecerunt. Hanc charitatem Petrus nondum habuit, quando timore Dominum ter negavit; & tamen quamvis parva & imperfecta, non deerat quando dicebat Domino: Animam meam pro te ponam: putabat enim se posse, quod se velle sentiebat. Qui igitur robustissimam atque ardentissimam charitatem non acceperunt, hi Christum pro iustitia morientem nondum sequi possunt: qui verò acceperunt, sicut acceperat Petrus quando pro Christi nomine crucifixus est, magna quidem & miranda possunt; de quibus cum Apostolo humillimâ confessione dicunt: Omnia possum in eo qui me confortat. Attamen in hac mortali vita, nunquam eò proficiunt ut amplius non concupiscant, aut dicere non debeant: Dimitte nobis debita nostra, sicut & nos dimittimus debitoribus nostris: licet ad id quotidie summa nitantur instantiâ. Sed cur is qui dat eis credere, dat continere, imò animam pro iustitia ponere, non etiam in hac vita tribuat ut possint contra legem Dei non concupiscere, aut certè ab omni peccato prorsus abstinere, in abditio iudiciorum Dei positum est; de quo nihil aliud possumus quàm cum Hierre. dicere: Scio, Domine, quia non est in homine via ejus, nec viri est ut ambulet & dirigat gressus suos. Qui continuò subjunxit: Corripe, Domine, veruntamen in iudicio, & non in furore. Tanquam diceret, inquit Augustinus: Scio ad correptionem meam pertinere, quòd minus abs te adjuvor ut perfectè dirigantur gressus mei: veruntamen hoc ipsum noli mecum sic agere, tanquam in furore, quò iniquos damnare statuisti, sed tanquam in iudicio, quò doces tuos non superbire. Quis enim cognovit sensum Domini, aut quis consiliarius ejus fuit? Delicto tamen & merito nostro sit, inquit Cyprianus, ut laboremus, nec Dei opem in omnibus sentiamus. Hoc igitur veraciter agnoscere & humiliter confiteri debemus, quòd liberum hominis arbitrium sibi dimissum, neque bonum facere possit, neque tentationem ullam sic vincere ut omne peccatum evadat, sed malum duntaxat aut bonum, quòd ad ornamentum & subsidium præsentis vitæ pertinet; adjutum verò à Deo tantum potest, quantum placet Deo adjuvare, licet in hac mortali vita nullus Sanctorum sic adjuvetur, ut aut non concupiscat aut peccatum nullum habeat, sicut ex Epistola Joannis discimus, quòdque id ad correptionem nostram pertineat, quòd à Deo minus adjuvemur quàm necessarium est ut gressus nostri in via iustitiæ perfectè dirigantur. Ideò tamen, inquit Augustinus, quisque nostrum bonum opus suscipere, agere, implere, nunc scit, nunc nescit; nunc delectatur, nunc non delectatur; ut noverit non suæ facultatis, sed divini muneris esse, vel quòd scit, vel quòd delectatur, ac sic ab elationis vanitate sanctur, & sciat quàm verè non de terra ista, sed spiritualiter dictum sit: Dominus dabit suavitatem, & terra nostra dabit fructum suum. Tantò autem magis delectat opus bonum, quanto magis diligitur Deus summum atque incommutabile bonum, & auctor qualiumcunque bonorum omnium. Ut autem diligitur Deus, charitas ejus diffusa est in cordibus nostris, non per nos, sed per Spiritum sanctum qui datus est nobis.*

MICHAELIS BAII,
 D E
 C H A R I T A T E,
 J U S T I T I A,
 E T
 J U S T I F I C A T I O N E,
 L I B R I T R E S.
 D E
 C H A R I T A T E,
 L I B E R P R I M U S.

C A P U T I.

*Ad intelligendam justificationem necessaria est
 charitatis cognitio.*



E Justificatione differenti, si bene & utiliter differere velit, magno studio quærenda est vera charitatis cognitio, quâ Deum diligimus & proximum, quia charitas aut justitia est, quam adipisci studet is qui justificatur: sicut docet Augustinus in fine libelli de natura & gratia, dicens quod charitas inchoata, inchoata justitia est, charitas magna, magna justitia est; aut certè usque adeo justitiæ conjuncta, ut quamvis sine ea possit simulari, non tamen haberi aut acquiri: sicut docet Apostolus cùm ait: *Si linguis hominum loquar & angelorum, charitatem autem non habuero, nihil mihi prodest.* Et beatus Jacobus dicens, fidem quæ per dilectionem non

1 Cor. 13.
 Jacub. 2.

operatur, usque adeò non præstare justiciam, ut etiam impietati dæmonum conjuncta reperitur. Ut igitur & justitiæ rationem & justificationis modum deinceps investigare possimus, nunc quantum Deus adjuverit, inquiramus, quid sit charitas quam Scriptura tantopere commendat; unde sit homini charitas, à Deo an à seipso; & denique utrum in iustantium reperitur, quibus per baptismum aut salutaris poenitentiae remedium dimissæ sunt iniquitates, sic ut Dei vivi templum effecti sint, an etiam in Catechumenis & poenitentibus, qui justitiam Dei esurientes & mandata ejus diligenter observantes, ad gratiam mysteriorum salutaris aspirant. Sic enim existimant quidam, ante peccatorum remissionem ne principium quidem aut vestigium ullum charitatis inesse qui sanctè vivunt, sed tum demum in momento accedere cum ipsis peccata remittuntur.

CAPUT II.

Quot modis dicitur charitas, & quid sit.

DIvus Bernardus circa finem libelli de diligendo Deo, juxta morem loquendi Scripturæ sacræ duplicem nobis insinuat charitatem, dicens: Lex Dei charitas est, quæ trinitatem in unitate quodammodo cohibet. Nemo tamen me existimet charitatem hic accipere qualitatem vel aliquod accedens, sed substantiam illam divinam; quod utique non novum nec insolitum, dicente Joanne: *Deus charitas est*. Dicitur ergo charitas & Deus & Dei donum. Itaque charitas dat charitatem, substantiva accidentalem; ubi dantem significat, nomen substantiæ est, ubi donum qualitatis. Ex quibus verbis manifestè pater charitatem uno modo divinam dici substantiam, seu propriè ipsum Spiritum sanctum, qui & à Patre Filioque procedit & sanctæ dilectionis motum diffundit in cordibus nostris; ob quam causam & donum & charitas propriè nuncupatur, sicut latè ostenditur primo sentent. distinct. 17. Hoc modo de charitate loquitur Joannes primâ suâ epist. sicut testatur Augustinus libro 15. de trinit. cap. 18. cum ait: *Dilectio quæ ex Deo est & Deus est, propriè Spiritus sanctus est, per quem diffunditur in cordibus nostris Dei charitas per quam nos tota inhabitat Trinitas*. Quocirca rectissimè Spiritus sanctus, cum sit Deus, vocatur etiam donum Dei, quod donum propriè quid nisi charitas intelligenda est, quæ perducit ad Deum. Nam quod quidam existimant Joannem ab Augustino sic accipi, quasi de ea duntaxat charitate loquatur, quâ Deus nos diligit, non autem quâ nos sui dilectores facit, vanum esse viderur; tum quia Spiritus Sanctus eadem ratione dicitur charitas quâ donum, quod dici non potest nisi eâ ratione quâ in nobis esse dicitur: tum etiam quia id ex aliis Augustini locistam clarè refellitur, ut videatur nullam admittere tergiversationem. Ait enim de verbis Domini sermone 13. *Charitas usque adeò donum Dei est, ut & Deus vocetur*. Item in epistola ad Julianum 143. *Ipsa charitas in omnibus Dei donis ita excellit ut Deus dicta sit, quâ unâ impletur in nobis si quid divina legis aut monitionis implemus*. Et de gratia & lib. arbit. cap. 19. *Deus dilectio est*. Et Pelagiani (inquit) etiam ipsum Deum ex semetipsis habere se dicunt; & alibi sæpius, sicut

sicut citat Magister lib. 1. sent. distinct. 17. Altero modo dicitur charitas, ipse animi motus quo Deum diligimus & proximum, qui accidens est & qualitas, de quo ait Apostolus: *Charitas Dei diffusa est in cordibus nostris per Spiritum sanctum qui datus est nobis.* Et Christus in Evangelio: *Remittuntur ei peccata multa, quia dilexit multum.* Hanc charitatem definit Augustinus libro 3. de doctrina Christi. cap. 10. dicens. *Charitatem voco animi motum, ad fruendum Deo propter seipsum, & proximum propter Deum;* de qua re vide Augustinum, lib. 83. questionum, quæst. 36. Et super Psal. 9. *Pes animæ amor est, qui si pravus est, dicitur cupiditas vel libido; si rectus, dicitur charitas.* Similiter Psalmo 3. *Amor Dei, amor proximi, charitas dicitur; amor mundi, amor sæculi, cupiditas.* Item lib. 9. de Trini. cap. 8. *Amor mundi cupiditas, amor Dei charitas.* Et libro 11. de Genesi ad lit. cap. 15. *Hi duo amores, quorum alter sanctus est, alter immundus, &c.* Item libro 14. de civitate Dei cap. 7. *Cujus propositum est amare Deum, & non secundum hominem, sed secundum Deum amare proximum sicut etiam seipsum; propter hunc amorem dicitur voluntatis bonæ, quæ usitatus in Scripturis charitas appellatur, sed amor quoque secundum easdem sacras literas dicitur. Nam & ipse Dominus Petrum interrogans, cum dixisset: Diligis me plus his? Ille respondit: Domine tu scis quia amo te.* Hoc propterea commemorandum putavi (inquit) quia nonnulli arbitrantur aliud esse dilectionem sive charitatem, aliud amorem, sed Scripturæ sacras non aliud dicere amorem, aliud dilectionem vel charitatem insinuandum fuit. Quemadmodum igitur concupiscentia vel libido, quando in Scripturis sacris animi motum significat, nihil aliud est quam amor mundi seu amor creaturæ, qui ad Deum non refertur, de quo 1 Joan. 2. *Nolite diligere mundum, neque ea quæ in mundo sunt:* sic etiam charitas hoc posteriori modo, nihil aliud est quam amor vel dilectio Dei, quæ eadem etiam amor bonæ & voluntas bona dicitur, sicut supra ostendimus ex libro 14. de civitate Dei cap. 7. ubi dicitur, quod propter amorem Dei & proximi dicitur quis voluntatis bonæ, quæ usitatus in Scripturis (inquit) charitas appellatur. Unde etiam idem Augustinus libro 50. Homeliarum, homeliâ octavâ. *In dimidio verum suarum Zachæus: si bonam voluntatem non haberet, (inquit) nihil dedisset. Bona enim voluntas ipsa est charitas.* Et de gratia Christi capite vigesimo primo. *Cum dicat Scriptura, inquit: Ecce qualem charitatem dedit nobis pater; quare contendit Pelagius quod bonam voluntatem bonamque actionem habeamus ex nobis, quasi verò aliud sit bona voluntas quam charitas, quam Scriptura clamat nobis esse ex Deo.* Idem habet de gratia & libero arbitrio cap. 17. Et contra duas epistolas Pelagianorum lib. 2. cap. 9. vocat eam boni cupiditatem. An verò præter hunc animi motum qui charitas dicitur, alia quædam habitualis atque accidentalis qualitas in voluntate ponenda sit quæ etiam charitas nuncupetur, non magnopere contendendum existimo; quia facile intelligi potest, non tantum animi motum, sed etiam conformem aliquem habitum diffundi posse in cordibus nostris, per Spiritum sanctum qui datus est nobis: sed an in Scripturis sacris reperiri queat distincta & aperta hujus habitus mentio sub nomine charitatis, aliâ quæstio est, quam nihil opus esse duxi hoc loco discutere, quia actu cognito, facile est in habitus cognitionem venire. Nunc dicamus de origine charitatis quæ in animi motu consistit. Nam charitatem

quæ Deus est, nemo forsitan ex semetipso, sed ex Deo duntaxat se habere putabit, quanquam tamen Spiritus sanctus non nisi propter hunc motum, quem in nobis præsens operatur, charitas nuncupetur.

CAPUT III.

Unde nobis sit is animi motus qui charitas nuncupatur.

Proprium Pelagii dogma fuit, scientiam quidem legis nobis ex Deo esse, dilectionem verò seu bonam voluntatem ex nobis, sicuti manifestè patet ex Augustini de gratia & lib. arbit. cap. 19. ubi ait. *In Joanne lux ait: Ecce qualem dilectionem dedit nobis pater. Et in Pelagianis tenebra dicunt: dilectio nobis ex nobis est; quam si veram, id est, christianam dilectionem haberent, scirent & unde haberent, sicuti scribat Apostolus, qui dicebat: Nos autem non spiritum hujus mundi accepimus, sed spiritum qui ex Deo est, ut sciamus quæ à Deo data sunt nobis.* Joannes dicit, *Deus dilectio est; & Pelagiani etiam ipsum Deum ex semetipsis habere se dicunt, & cum scientiam legis ex Deo nobis esse fateantur, charitatem ex seipsis volunt.* Similiter de gratia Christi cap. 19. *Alio loco, inquit, cum diu asseruisses Pelagius, non adjutorio Dei, sed ex nobisipsis in nobis effici voluntatem bonam, opposuit sibi illud Apostoli: Deus enim est qui operatur in nobis velle.* Item cap. 21. *Cum dicat Scriptura: Charitas ex Deo est, vel quod est amplius, Deus charitas est; cum apertissime dicat Joannes: Ecce qualem charitatem dedit nobis Pater, quare contendis quod bonam voluntatem bonamque actionem habeamus ex nobis? quasi verò aliud sit bona voluntas quam charitas.* Unde in commentario Epistolarum Pauli, qui falsò inter scripta Hieronymi numeratur, cum sit Pelagii aut saltem alicujus Pelagiani, super caput 13. prioris Epist. ad Corinth. *Charitas ex nobis est, inquit, & omnem possides fructum.* Cæterum hunc errorem clarissime refellit Augustinus, non tantum in locis jam adductis, sed etiam in aliis innumeris, libro 21. de civitate Dei cap. 16. *Tunc itaque vitia victa deputanda sunt (inquit) cum Dei amore vincuntur, quem nisi Deus ipse non donat, nec aliter nisi per mediatorem Dei & hominum Jesum Christum.* Similiter contra Julianum libro 5. cap. 5. *hoc totum rectè fit quando fit propter ipsum, id est, quando gratis amatur ipse, qualis amor nobis esse non potest nisi ex ipso.* Similiter Epist. 107. *liberum arbitrium ad diligendum Deum primi peccati gravitate perdidimus.* Id quod etiam clarè definitum est in Concilio Arausicano capite ultimo, ubi dicitur, quod per peccatum primi hominis ita inclinatum & attenuatum fuerit liberum arbitrium, ut nullus postea aut diligere Deum ut oportuit, aut operari propter Deum quod bonum est possit, nisi gratia eum & misericordia prævenierit. Idem definit Cælestinus Pontifex in epistola ad Episcopos Galliarum cap. 9. & 10. Unde Prosi, in libro primo de vocatione gentium cap. 2. *Voluntas humana (inquit) sine sui authoris participatione in terrenis occiduique versatur.* Et Maxentius in libello fidei, *liberum arbitrium ad nihil valere credimus, nisi ad discernenda tantum & desideranda carnalia sive secularia, quæ non apud Deum, sed apud homines forsitan possunt videri gloriosa.* Similiter Petrus Diaconus, in libello de incarnatione & gratia Christi ad Fulgentium cap. 6. *Homo sine gratia potest quidem cogi-*

cogitare aut desiderare humana, non autem potest cogitare, velle seu desiderare divina: sicut enim per febrim aut aliam corporis agritudinem interdum efficitur, ut saluberrimos quosdam cibos extremè abominemur, sic etià ab iis quæ salutis nostræ sunt, per peccatum originis, usque aded aversi sumus, ut teste Apostolo, ne ad cogitandum 2 Cor. 3. quidem aliquid ex nobis quasi ex nobis sufficientes sumus; nam inquantum cum Christo surreximus, quæ sursum sunt querimus, inquantum verò per peccatum corrupti sumus, non nisi quæ super terram.

CAPUT IV.

Quid non tantum dilectio Dei tanquam beatificatoris, sed etiam tanquam creatoris nobis ex Deo sit.

EX quibus etiam manifestum evadit, quàm vana sit eorum distinctio, qui ut Scripturis sacris & jam dictis aliisque pluribus Veterum testimoniis illudant, sine ulla traditione contendunt duplicem esse Dei dilectionem; alteram quâ Deum tanquam futuræ beatitudinis largitorem diligimus, quæ per Spiritum sanctum diffundatur in cordibus nostris, & charitas nuncupetur; alteram verò, quâ Deum tanquam creatorem amamus, quæ ortum ducat ex libero hominis arbitrio: quia si voluntas humana sine auctoris sui participatione quæ super terram sunt sapiat, & in terrenis occiduisque versetur, nec valeat nisi ad cogitanda & desideranda carnalia, secularia & humana, sicut prædictis testimoniis ostensum est: igitur sine auctoris sui participatione & munere, non potest suum creatorem diligere, sed id à Deo debet accipere. Quin & ipse Augustinus verum Dei amorem, quo ad Deum pervenitur quique non nisi à Deo Patre per Jesum Christum accipitur, pluribus locis amorem creatoris nuncupans, manifestissimè ostendit creatoris amorem, quem nonnulli errantes ex nobis esse putant, non re aut origine, sed solo duntaxat nomine distingui ab amore beatificatoris. Unde libro 4. contra Julianum cap. 3. *Amor Dei, quo pervenitur ad Deum, non est nisi à Deo patre per Jesum Christum cum Spiritu sancto; per hunc amorem creatoris, inquit, bene quisque utitur etiam creaturis; sine hoc amore creatoris nullus bene utitur creaturis.* Et libro 9. de Trinitate capite 7. & 8. *verbum amore concipitur, sive creaturæ, sive creatoris: ergo aut cupiditate aut charitate, non quid non sit amanda creatura, sed si ad creatorem refertur ille amor, jam non cupiditas, sed charitas erit.* Item libro 50. Homiliarum, homil. 34. *amor mundi adulterat animam, amor fabricatoris mundi sanctificat animam.* Nec mirum videri debet, juxta Augustinum, amorem creatoris non minùs diffundi per Spiritum sanctum in cordibus nostris, atque in Scripturis sacris charitatem nuncupari, quàm amorem beatificatoris; quia quemadmodum Deus non aliâ re creator, aliâ verò beatificator est, sed unâ & eadem, nempe suâ substantiâ: sic nec est alia creatoris, alia verò beatificatoris dilectio, sed una & eadem, licet fere hæc nominum diversitas diversâ Dei beneficia in sinuet, quibus ad Dei amorem provocemur.

CAPUT V.

Quòd experientia nihil eis patrocinetur, qui aliquam Dei dilectionem soli tribuunt libero hominis arbitrio.

Quin & hi qui creatoris amorem solis liberi arbitrii viribus ascribunt, quem **Q**uacquisitam vocant charitatem, imprimis fatentur quòd hæc charitas nec ex Scripturis sacris, nec ex Conciliorum auctoritate, nec etiam ex traditione Veterum ullum habeat testimonium, sed ex Philosophia duntaxat & ipsâ rerum experientiâ, cui in ejusmodi rebus necessum est innitatur Philosophia. Deinde etiam adjiciunt, quòd quemadmodum actus fidei ac spei acquisitæ & actus infusæ aded sibi vicini sunt & similes, ut ne à credentibus quidem aut sperantibus possint inter se discerni, sic etiam actus charitatis acquisitæ & charitatis infusæ. Ex quibus ipsorum placitis sic adversus eos colligitur: Habitu charitatis secundum se non cognoscimus, sed actum duntaxat, ex quo per experientiam cognito de ipso habitu conjicitur: at etiam juxta eos, inter actum charitatis acquisitæ & actum charitatis infusæ experientiâ discernere non possumus: igitur charitas acquisita non solum sine Scriptura sacra, generalibus Conciliis, & traditione Veterum asseritur, sed etiam sine experientiæ testimonio; quia experientiâ comperire non possumus, an in nobis existat ulus fidei, spei, aut charitatis motus, quem non operetur Spiritus sanctus: sed dum nos credere, sperare, aut Deum diligere sentimus, etiam juxta eorum placita semper dubitare possumus, utrùm id ex Spiritu sancto proveniat, (sicuti Scriptura sacra testatur, dicens: *Charitas diffusa est in cordibus nostris, per Spiritum sanctum, qui datus est nobis*; & sicut sine ulla hæsitatione agnoscunt, qui non Spiritum hujus mundi acceperunt, sed Spiritum qui ex Deo est, ut sciant quæ à Deo donata sunt) an verò ex solo libero arbitrio, sicut juxta mundi hujus sapientiam, sub nomine philosophiæ, nostræ elationi persuadet humana præsumptio, præsertim si nostris conjecturis plus satis incumbamus, quæ sere in hoc propendent ut crucis Christi doctrinam subvertant, & Scripturas sacras negligenter attendamus, ex quibus solis discitur quid à Deo petere & per Christum obtinere possimus: igitur sub prætextu philosophiæ naturalis, circa ea quæ Dei sunt, nullus est agnoscendus fidei, spei, aut dilectionis motus qui de libero consurgat arbitrio, sed quicquid in quocunque homine ejusmodi reperitur, id juxta Scripturas sacras absque ulla ambiguitate fatendum est; per Jesum Christum descendere à patre luminum, à quo est omne datum optimum & omne donum perfectum, sicut de Latronis, Cornelii centurionis & Zachæi fide definit Concilium Arausicanum 2. cap. ultimo.

Rom. 5.

1 Cor. 2.

Jacob. 1.

CAPUT VI.

*Quod omnis amor creaturæ rationalis sit charitas,
aut vitiosa cupiditas.*

IMò si quis diligenter supradicta Augustini testimonia consideret, forsan
comperiet juxta ipsius sententiam, omnem amorem creaturæ rationalis,
aut vitiosam esse cupiditatem quâ mundus diligitur, quæ à Joanne prohibetur
dum ait: *nolite diligere mundum, neque ea quæ in mundo sunt*; aut laudabilem
charitatem, quâ Deus amatur, quam nisi Deus ipse non donat, nec aliter
nisi per mediatorem Dei & hominum Jesum Christum, sicut supra dixit Augustinus:
Regnat enim carnalis cupiditas, ubi non est charitas, ut ait in enchiridio
cap. 117. & libro 1. retract. cap. 15. *Voluntas in tantum libera est* (inquit) *quia*
in tantum liberata est, & in tantum appellatur voluntas, aliqui tutius cupiditas,
quàm voluntas propriè nuncupanda est, quæ non est alienæ naturæ additamentum,
sed nostra vitium, à quo non sanamur nisi gratiâ salvatoris. Nam dum ait voluntatem,
dum liberata non est, totam esse cupiditatem, quid aliud significat
quàm voluntatem, dum charitas non est, totam esse cupiditatem? neque
enim aliud est voluntas liberata quàm charitas, quâ solâ à mala concupiscentia
liberatur voluntas; ac proinde quid aliud dicit quàm voluntatis amorem, si
charitas non est, semper esse vitiosam cupiditatem? Id quod adhuc expressius
testari videtur lib. 2. de peccatorum meritis cap. 18. dicens: *Mirum si vol-*
untatem potest in medio quodam ita consistere, ut nec bona nec mala sit; aut enim justitiam
diligimus, & bona est; & si magis diligimus, magis bona. Quis verò dubitet
dicere, voluntatem nullo modo justitiam diligentem non modò esse malam, sed etiam
pessimam voluntatem? Si ergo voluntas, aut bona aut mala est, & utique malam
non habemus à Deo, restat ut bonam voluntatem habeamus ex Deo. In quo Augustini
testimonio, per voluntatem bonam & voluntatem malam, non rectè à
quibusdam accipitur ipsa naturalis potentia, quâ & benè & malè volumus,
tum quia paulò antè eodem capite dicit Augustinus, voluntatem bonam in iis
bonis esse, quorum esse usus non potest malus, quod de ipsa potentia intelligi
non potest; quia ipsa in iis bonis est, quibus benè & malè vivitur, (sicut habet
idem Augustinus lib. 1. Retract. cap. 9.) sed solùm de actu, tum quia
statim post jam dictum testimonium, ostendens quid per bonam & malam voluntatem
intellegerit: quod à Deo nos avertimus, inquit, nostrum est & hæc
est voluntas mala, quod verò à Deum nos convertimus, nisi ipso excitante
atque adjuvante non possumus, & hæc est voluntas bona. Igitur cum ait Augustinus,
voluntatem in medio consistere non posse, ut nec bonâ nec mala sit,
nihil aliud significare voluit, quàm omne voluntatis desiderium aut ad bonam
dilectionem quæ charitas est pertinere, aut ad malam quæ est cupiditas.
Id quod etiam apertissimè docet Leo sermone 5. de jejunio septimi mensis,
his verbis: *Duo namque amores sunt, ex quibus omnes procedunt voluntates; rationabilis enim animus,*
qui sine dilectione esse non potest, aut Dei amator est, aut mundi, &c. Similiter Christus in Evangelio, ubi ait: *Qui non est mecum,* con-

1 Joan. 2.

Mat. 12.

tra me est, quia sicut contra Christum nemo esse potest nisi per cupiditatem malam, sic cum illo nemo esse potest nisi per charitatem & voluntatem bonam. Sed jam videamus in quibus reperiri possit charitas.

CAPUT VII.

Quod is animi motus, qui charitas dicitur, remissionem peccatorum præcedere possit.

Cum quaeritur: utrum charitas etiam in iis reperiat qui nondum consecuti sunt remissionem peccatorum propter longum alterius partis præjudici-
cium; & quia plerique per charitatem, non nisi habitum quemdam intelligunt, quo homini insensibiliter infuso fiat peccatorum omnium remissio, & qui sine remissione peccatorum infundi non possit, res quædam absurdissima quaeri putatur; quia apud ejusmodi homines tanquam certum habetur quod primum in quaestionem venire debuit, nempe an in Scripturis sacris, nomine charitatis talis quisquam habitus sit intelligendus, an potius boni animi motus. Sed qui suprapositam divi Augustini definitionem diligenter attendunt, quæ ait: *Charitatem voco animi motum ad fruendum Deo propter seipsum & proximo propter Deum*; cum aliis testimoniis quibus manifeste testatur, charitatem nihil aliud esse quam bonam voluntatem, quæ ad Deum convertitur, de qua ait Apostolus: quod Deus operetur in nobis velle; facile intelligunt, nomine charitatis non tam habitum quam motum quemdam debere intelligi à quo boni esse dicimur, ac proinde non immerito dubitari, utrum charitas in iis tantum reperiat qui jam consecuti sunt remissionem peccatorum, an etiam in catechumenis & aliis poenitentibus, qui ante remissionem peccatorum præveniuntur à Deo multis bonis motibus; nam quod charitas etiam ante remissionem peccatorum in multis inveniatur, sic videtur ostendi.

1. In Scripturis sacris eadem sunt charitas, dilectio & amor, quando in bono ponuntur, sicut ostendit Augustinus de Civit. Dei, lib. 14. cap. 7. nam tria hæc in Scripturis novi testamenti à Latinis interpretibus indifferenter usurpantur: sed *qui non diligit me*, inquit Christus, *sermones meos non servat*: igitur catechumeni & poenitentes, qui ante remissionem peccatorum sermones Domini diligenter observant, diligunt Dominum & habent eum animi motum qui rectè charitas nuncupatur.

2. Christus eodem loco apud Joannem, hunc ponit ordinem: *Si quis diligit me sermonem meum servabit, & pater meus diligit eum, & ad eum veniemus, & mansionem apud eum faciemus*: sed in hoc ordine, primo loco ponitur diligere Dominum: secundo mandata Dei servare, quia plenitudo legis dilectio est: tertio, Pater meus diligit eum, seu diligitur à Patre meo, in quo significatur peccatorum remissio, sicut etiam patet ex parte sequenti, quæ habet: *Et ad eum veniemus, & mansionem apud eum faciemus*. Nam Deus ad nos inhabitandum censetur venire, quando per remissionem peccatorum propitius efficitur, sicut docet Augustinus in epist. 57. ad Dardanum: igitur dilectio Dei & mandatorum ejus observatio præcedunt remissionem peccatorum.

De doct.
christ. lib.
3. cap. 10.

Philip. 2.

Joan. 14.

3. Eundem ordinem ostendit Christus in Maria Magdalena, cū ait: *Dimittuntur ei peccata multa, quia dilexit multum*; sicut etiam interpretatur Augustinus lib. 50. Homiliarum, homil. 23. Similiter Hugo de sancto Victore lib. 2. de sacramentis Christianæ fidei, parte 14. cap. 6. Nam quod ait Calvinus cap. 9. suæ institutionis, parag. 57. *Dimittuntur ei peccata multa, id est, Lnc. 7. dimissa esse monstrantur*: parū textui consonat, præsertim quia verbis Christi tunc Magdalenz dimissa fuisse peccata etiam intellexerunt qui accumbant, dicentes: *Quis est hic qui etiam peccata dimittit?* Unde Ambrosius in Apologia David. cap. 9. *Charitas, inquit, remittit etiam ipsa peccata, sicut scriptum est de muliere quæ super Dominum fudit unguentum, remissa sunt ei peccata multa, quia dilexit multum.*

4. Similem ordinem præscribit Augustinus in Enchiridio cap. 76. docens quemque, ex dilectione secundo præcepto sibi ipsi præcepta, eleemosynam facere dum se præparat ad peccatorum veniam.

5. *Si quis non amat Dominum nostrum Jesum Christum, sit anathema*, inquit Apostolus: sed impium esset execrari cachecumenum aut pœnitentem ad gratiam remissionis peccatorum anhelantem, etiamsi illam nondum sit consecutus: igitur tales cathecumeni & pœnitentes amant Dominum nostrum Jesum Christum, per quem sperant consequi remissionem peccatorum. 1 Cor. 16.

6. Qui non diligit manet in morte, inquit Joannes: sed cathecumeni & pœnitentes, qui Christi fide imbuti præteritos suos consentunt errores, surrexerunt à mortuis & vivunt, etiamsi nondum habeant peccatorum remissionem, quia à mortuo, inquit Sapiens, tanquam qui non est perit confessio: igitur tales diligunt Deum. Quod autem tales dicendi sint vivere docet Augustinus tractatu 8. super Joan. & super Psal. 67. tractans illud: similiter eos qui exasperant, de verbis Domini serm. 81. de verbis Apost. ser. 44. & super Psal. 101. tract. 2. Et Gregorius homilia 26. 1 Joan. 3. Eccli. 17.

7. Cathecumeni & pœnitentes ante remissionem peccatorum vivunt, (ut dictum est) igitur non habent fidem mortuam sed vivam, fides autem non dicitur vivere nisi per charitatem: igitur habent charitatem.

8. *Si habuero omnem fidem, si distribuero in cibos pauperum omnes facultates meas*, 1 Cor. 13. inquit Apostolus, & *si tradidero corpus meum ita ut ardeam, charitatem autem non habeam, nihil mihi prodest*: sed impium esset dicere, quod Cathecumenis nihil prodesset sua fides per quam salvi fiunt, nec pœnitentibus suæ eleemosynæ quibus juxta Danielis consilium sua peccata redimunt, nec martyribus qui non percepto regenerationis lavacro pro Christi confessione moriuntur, sua martyria, per quæ peccatis eorum abolitis ad regnum Dei transeunt; tantū enim eis valent ad abolenda peccata (inquit August. lib. 13. de civi. Dei cap. 7.) quantum si abluerentur fonte baptismatis: igitur tales habent charitatem, quæ magna Dei præcepta facientes ad vitam pertinent æternam.

9. Jàm dictæ Scripturæ similis est illa quæ dicit: *In Christo Jesu, neque circumcisio valet, neque præputium, sed fides quæ per dilectionem operatur*; quia si ad pietatem quæ per Christum est, nihil valet nisi fides quæ per dilectionem operatur: igitur fides quæ valet ad peccatorum remissionem, de qua sæpius ait Christus: *Fides tuæ te salvum fecit; per dilectionem etiam operatur, sicut etiam* Galat. 5.

docet Augustinus toto libro de fide & operibus, & præcipuè cap. 10. ubi redarguit eos, qui à baptizandis Dei dilectionem duntaxat exigendam censebant, à baptizatis verò etiam dilectionem proximi, quâ continentur mores conversationis humanæ, qui alibi manifeste contendit, utrumque charitatis præceptum ab eo qui baptizandus est antequam baptizaretur esse exigendum, & quòd alterum non possit sine altero consistere.

10. Scientia sine charitate inflat, sed Cathecumenos legitime institutos, ad baptismi gratiam humiliter anhelantes, scientia sua ad profectum & remissionem peccatorum ædificat: igitur in eis est charitas, quæ facit ut scientia non inflat, sed ædificet.

11. Concilium Arausicanum 2. cap. ultimo sic habet. *Deus enim nullis præcedentibus meritis, & fidem & amorem sui prius inspirat, ut baptismi sacramentum fideliter requiramus*: igitur Cathecumenus qui baptismum fideliter requirit, ut consequatur remissionem peccatorum, habet Dei amorem sibi inspiratum à Deo.

12. Concilium Milevitanum cap. 4. dicit illi anathema, qui negat dilectionis gratiam esse necessariam ad non peccandum: sed non peccare etiam competit cathecumenis & poenitentibus ante peccatorum remissionem: igitur ante remissionem peccatorum cathecumenis & poenitentibus competit dilectionis gratia quæ ad non peccandum est necessaria.

13. Dicitur in synodo Tridentina, quòd omnes peccatores se ad justitiam præparantes Deum, tanquam fontem justitiæ, diligere incipiant: igitur ante remissionem peccatorum agnoscit in poenitentibus Dei dilectionem.

14. D. Augustinus libro 14. de civit. Dei cap. 7. differens de quatuor animi affectibus tandem subdit: *Cujus propositum est amare Deum, & non secundum hominem sed secundum Deum amare proximum etiam sicut seipsum, propter hunc amorem dicitur voluntatis bonæ, quæ usitatus in Scripturis sacris charitas appellatur*. Et rursus libro 50. Homiliarum, homi. 8. *In dimidio rerum suarum Zachæus si bonam voluntatem non haberet nihil dedisset, bona enim voluntas ipsa est charitas*. Item de gratia Christi cap. 21. *cum dicat Scriptura: Ecce qualem charitatem dedit nobis pater, &c. Quare contendit Pelagius, quòd bonam voluntatem bonamque actionem habeamus ex nobis, quasi verò aliud sit bona voluntas quàm charitas, quam Scriptura declarat nobis esse ex Deo*. Hactenus Augustinus, ex cuius verbis constat, charitatem nihil aliud esse quàm bonam voluntatem: sed bona voluntas invenitur ante remissionem peccatorum, quia promittitur pax hominibus bonæ voluntatis: igitur charitas invenitur ante remissionem peccatorum.

15. Augustinus epist. 143. *Charitas, inquit, in omnibus Dei donis ita excellit ut Deus dicta sit, quâ unâ adimpletur in nobis si quid divini legis & admonitionis implemus*: Idem docet de Cathecizandis rudibus cap. 20. & 22. sed cathecumeni & poenitentes de lege & admonitione Domini multum implent, quando ad peccatorum remissionem aspirantes convertunt se ad Dominum, poenitentiam agunt, continentur, baptizantur, &c. igitur habent charitatem, quæ est legis plenitudo.

16. Item de gratia Christi cap. 26. *Ubi non est dilectio nullum bonum opus impletur*.

tatur nec rectè bonum opus vocatur, quia omne quod non est ex fide peccatum est, & fides per dilectionem operatur; sed in catechumenis ante remissionem peccatorum invenitur aliquod bonum opus quod non est peccatum: igitur ante remissionem peccatorum est in eis dilectio.

17. Idem Augustinus contra 2. epist. Pelag. lib. 2. cap. 9. & 10. docet, primum boni cupiditatem, quæ ex malo in bonum per initium fidei commutatur, & propositum bonum studiumque virtutis esse charitatem. Quid est enim boni cupiditas (inquit cap. 9.) nisi charitas? de qua Joannes sine ambiguitate loquitur, dicens: Charitas ex Deo est; nec initium ejus ex nobis, & perfectio ejus ex Deo: sed si charitas ex Deo est, tota nobis ex Deo est; avertat enim Deus hanc amentiam, ut in donis ejus non priores faciamus, posteriorem ipsum, &c. sed hæc prima boni cupiditas in ratione utentibus necessario præcedit remissionem peccatorum: igitur & charitas; frustra enim veniam sperat qui non diligit (inquit Augustinus super Joan. tractatu 83.) Et Beda super epistolam Petri tractans illud: gratia vobis & pax multiplicetur; bene primò gratiam, postea nominat pacem, (inquit) quia sine gratia Christi ad pacem reconciliationis pervenire non possumus.

18. Idem Augustinus de gratia & libero arbitrio cap. 18. Sine suo fructu, inquit, prorsus admoneretur liberum arbitrium quærere Dei donum, de quo Joannes dicit: Dilectio ex Deo est; nisi prius acciperet aliquid dilectionis: sed liberum arbitrium in Catechumenis & poenitentibus non sine suo fructu admonetur hoc Dei donum quærere; sunt enim de numero eorum de quibus ait Apostolus: Omnis quicumque invocaverit nomen Domini salvus erit: igitur Catechumeni & poenitentes aliquid dilectionis acceperunt quando hoc donum quærere incipiunt. Rom. 1.

19. D. Bernardus epist. 77. quæ est ad Hugonem, loquens de eo qui per superbiam recusat baptizari: tamen si (inquit) ante exitum respiceris, & volueris & petieris baptizari, sed mortis præoccupatus articulo fortè obtinere nequirit, cum non desit fides recta, spes pia, charitas sincera, propicius sis mihi Deus, quia huic ego ob solam aquam si defuerit, nequaquam omnino possum desperare salutem, nec vacuum credere fidem, nec confundere spem, nec excidere charitatem; tantum si aquam non contempsit, sed sola, ut dixi, prohibeat impossibilitas: igitur Bernardus existimavit ante peccatorum remissionem, non tantum fidem & spem, sed etiam haberi posse charitatem. Id quod etiam manifestè testatur Thomas Waldensis, in opere secundo de sacramentis contra Wicleff cap. 97. dicens: bonus Catechumenus druinâ charitate flagrans, justus probatâ justitiâ, priusquam Christi Ecclesiæ conjungatur, est de vi status adhuc ineptus ad capeffendum regnum Dei: nam non est ineptus ad capeffendum regnum Dei, nisi quia nondum habet remissionem peccatorum, qui tamen dicitur flagrans charitate.

Cæterum contra prædicta ab iis qui oppositam sententiam tuerentur unicum objicitur argumentum; 1 Joan. 4. dicitur: Si diligamus invicem, Deus in nobis Objectionem manet, & qui manet in charitate, in Deo manet & Deus in eo. Quas scripturas tractans Augustinus, libro 15. de Trinit. cap. 18. dicit, quòd solum istud donum est, quod dividit inter filios regni æterni & filios perditionis æternæ; id quod etiam repetit, de unitate ecclesiæ cap. 19. Igitur, inquit, charitas

non invenitur nisi in filiis Dei qui jam remissionem peccatorum consecuti sunt.

Responsio.

Cui respondemus, quòd D. Joannes & divus Augustinus locis jam adductis non de quibusvis hominibus loquantur, quasi videlicet semper filii essent quicumque Deum aut proximum diligunt, sed tantùm de credentibus, foris coram hominibus sanctè & honestè conversantibus, & suis temporibus ecclesiæ sacramenta percipientibus. Nam inter hos quicumque charitate faciunt, quod honestè & religiosè coram hominibus faciunt, hi sunt filii Dei; quicumque verò cupiditate ducuntur, licèt coram hominibus filii Dei videantur, atamen quia in nuptiis sine veste nuptiali recumbunt, & amore mundi coram hominibus faciunt quod deberent amore Dei facere, non sunt filii Dei. Quem sensum nobis manifestè suggerit Augustinus, tract. 5. super dictam epistolam Joannis, his verbis: *Dilectio sola discernit inter filios Dei & filios diaboli; signent se omnes signo crucis Christi, respondeant omnes Amen, cantent omnes Alleluja, baptizentur omnes, intrent omnes ecclesias, faciant parietes basilicarum; non discernuntur filii Dei à filiis diaboli nisi in charitate.* In illis igitur qui jam credentes sacramenta ecclesiæ percipiunt & foris similiter vivunt, intelligi debet, quòd sola charitas filios Dei à filiis diaboli sejungit, non autem generaliter in omnibus: quia in iis quorum alii fideles sunt, alii impii, non sola charitas discernit filios Dei à filiis diaboli, sed etiam fides & baptismus. Similiter in iis quorum alii casti sunt, alii adulteri, filios Dei à filiis diaboli discernit continentia. Quapropter de his dici non potest, quòd solum charitatis donum discernat inter filios regni æterni & perditionis æternæ, sed de iis duntaxat qui eadem fide præditi & iisdem sacramentis imbuti, omnia foris similiter faciunt, sed alii charitate verà, alii verò cupiditate malà, ut dictum est.

C A P U T V I I I.

Quod sit charitatis initium.

VERùm ne qua fortè adhuc dubitationis anxietas in hac quæstione suspensa remaneat, etiam illud videamus quod sit charitatis initium & quando in nobis primùm oriatur. Diximus superiùs, charitatem nihil aliud esse quàm bonam voluntatem; ex quo manifestè sequitur, initium charitatis nihil aliud esse quàm initium bonæ voluntatis, quod tunc primùm concipimus, quando Deo operante & meritum omne præveniente, mala voluntas nostra in bonam commutatur, sic ut bene velle incipiamus qui priùs malum volebamus, (quemadmodum docet Augustinus de prædest. Sanctorum cap. 2. de bono perseverantiæ cap. ultimo) sive quando nobis priùs reluctanter aditus divinæ vocationis Dei gratiâ procuratur, ac in nobis jam non reluctanter spiritus virtutis accenditur, sicuti habet lib. 4. contra duas epistolas Pelagianorum cap. 6. *Oramus enim, inquit ibidem cap. 9. non solum pro nolentibus, sed etiam pro repugnantibus & oppugnantibus, ut fiant ex nolentibus volentes, ex repugnantibus consentientes, ex oppugnantibus amantes: hoc igitur primum velle, seu boni propositum, charitatis initium est.* Quod ab eodem Augustino lib. 2. contra 2. episto-

las Pelagianorum cap. 8. & sequentibus vocatur prima boni cupiditas, quam in nobis sine nobis operatur, quando nobis nihil tale merentibus aut cogitantibus voluntas à Domino præparatur. Ait enim sic capite 8. de Pelagianis. *Isti volunt in homine ab ipso homine incipere cupiditatem boni, ut hujus capiti meritum etiam proficiendi gratia consequatur.* Et cap. 9. *Quid est boni cupiditas nisi charitas, de qua Joannes Apostolus sine ambiguitate loquitur, dicens: Charitas ex Deo est; nec initium ejus ex nobis & perfectio ejus ex Deo est: sed si charitas ex Deo est, tota nobis ex Deo est; avertat enim Deus hanc amentiam, ut in donis ejus non priores faciamus, posteriorem ipsum, quoniam misericordia ejus præveniet me, & ipse est cui veraciter fideliterque cantatur: Quoniam prævenisti eum in benedictionibus dulcedinis: & quid hic apertius intelligitur quàm ipsa de qua loquimur boni cupiditas? Tunc enim bonum concupisci incipit, quando dulcescere incepit: ergo benedictio dulcedinis est gratia Dei, quâ fit in nobis ut amemus quod præcipis nobis, in qua finis non prævenit Deus, non solum non perficitur, sed nec inchoatur in nobis. Hoc charitatis initium eodem capite vocat Augustinus bonum propositum studiumque virtutis, quod tunc incipit in nobis, quando incipimus ex malo in bonum per initium fidei commutari, sicuti ibidem dicitur capite decimo.*

CAPUT IX.

*Quòd ipsa charitas non simul tota detur, sed in
proficientibus particulatim accrescat.*

NAm charitatis donum, inquit Prosper libro 2. de vocatione gentium cap. II. non semper ejusmodi est, ut quicquid ad ejus plenitudinem pertinet simul à percipientibus sumatur. Est enim amor qui potest alio amore superari, & sæpe dilectio Dei ex mundi dilectione marcescit, nisi ad eum fervorem Spiritu sancto inflammante profecerit, qui frigore nullo extingui, nullo potest tepore languere, sed multò crebrior multoque numerosior pars illa hominum est, inquit, cui particulatim accrescit. Unde Augustinus de gratia & libero arb. cap. 15. Gratia Dei semper est bona, inquit, & per hanc fit ut homo sit bonæ voluntatis, qui prius fuit voluntatis male; per hanc etiam fit, ut ipsa bona voluntas quæ jam esse cepit, augeatur & tam magna fiat, ut possit implere quæ voluerit, cum valde perfecteque voluerit: ad hoc enim valet quod scriptum est: Si volueris conservabis mandata; ut homo qui voluerit & non potuerit, nondum se plenè velle cognoscat, & oret ut habeat tantam voluntatem, quanta sufficit ad implenda mandata, sic quippe adjuvatur ut faciat quod jubetur, & cap. 8. Certum est nos mandata servare si volumus, sed quia præparatur voluntas à Domino, ab illo petendum est ut tantum velimus, quantum sufficit ut volendo faciamus. Certum est nos velle cum volumus, sed ille facit ut velimus bonum, de quo dictum est: Deus est qui operatur in nobis velle & operari. Certum est nos facere cum facimus, sed ille facit ut faciamus, præbendo vires efficacissimas voluntati, qui dixit: Faciam ut in justificationibus meis ambuletis. Cum dicis faciam ut faciatis, quid aliud dicit, nisi auferam à vobis cor lapideum & dabo cor carneum, unde faciatis. Et cap. 17. Qui ergo vult facere Dei mandatum & non potest, jam quidem habet voluntatem bonam, sed adhuc parvam & invalidam; poterit autem cum magnam habuerit &

& robustam. Quando enim martyres magna illa mandata fecerunt, magnâ utique voluntate, hoc est, magnâ charitate fecerunt. Hanc Petrus non habuit quando timore Dominum ter negavit; & tamen quamvis parva, tamen non deerat quando dicebat Domino: Animam meam pro te ponam; putabat enim se posse, quod se velle sentiebat. Sed imperfectam ejus charitatem notabat Christus, dum diceret: non potes me sequi modò. Patet igitur charitatis initium tunc homini conferri, quando ab infidelitate aut mala voluntate conversus incipit velle bonum, id est, velle facere Dei mandatum, qui priùs volebat malum, id est, non Dei sed suum facere placitum, quod nihil aliud quàm concupiscere est; atque charitatem tunc rectè nuncupari, quando Deo cooperante tantum accipit incrementum, ut & mandata Dei faciat, & cupiditates, quæ prius eum in sceleribus detinebant, vincat, sive hæc per baptismum aut reconciliationem remissa fuerint, sive non. Quia si quis diligit me, inquit, sermones meos servabit, & qui non diligit me, sermones meos non servat. Sed nunc sumpto alio sermonis exordio, de justitia differamus.

MICHAELIS BAIL,

DE

JUSTITIA.

LIBER SECUNDUS.

C A P U T I.

Quid sit justitia.

Rectissime dixit quidam: Justitia in sese virtutes continet omnes; *Arist. 5. lib. 1. cap. 1.* siquidem ut ait D. Chrysostomus: *Nihil aliud est justitia, quam omnium mandatorum plena custodia, quæ sine virtutum omnium præsidio constare non potest.* Hæc eadem in Scripturis sacris alio nomine etiam charitas seu dilectio nuncupatur, quia qui diligit proximum legem implevit, & plenitudo legis est dilectio. *Hom. 12. in Matth.* Unde August. de natura & gratia, *Charitas inchoata, inquit, inchoata justitia* *Rom. 13. est: charitas magna, magna justitia est: charitas provec̃ta, provec̃ta justitia est: cap. ult.* *charitas perfecta, perfecta justitia est; à qua beatum seu justum illum dicit Psalmista, Psal. 1.* qui non abiit in consilio impiorum, & in via peccatorum non stetit, & in cathedra pestilentie non sedit: sed in lege Domini voluntas ejus, & in lege ejus meditabitur die ac nocte.

C A P U T II.

Quid justitia alio modo in Christo, alio in nobis reperiatur.

Cæterum juxta hunc primum felicitatis gradum perfectissimamque justitiæ regulam, secundum quam is tantum justus dicitur qui de Dei lege nihil *Cypria. lib. 1. epist. 3.* unquam prætermisit, nemo post lapsum justus inveniri potuit excepto unico *De pecc. mer. lib. 2. cap. 10.* filio Dei, qui quoniam peccatum non fecit, nec dolus inventus est in ore ejus, idem solus inter mortales ex eo justus dici meruit, quia venit princeps mundi hujus & in eo non invenit quicquam. Nobis vero quod in alio psalmo legimus: *Beati quorum remissa sunt iniquitates & quorum tecta sunt peccata: beatus Joan. 14. vir cui non imputavit Dominus peccatum; quamdiu in hac vita sumus magna ju-* *Psal. 31.* *stitiæ*

Cap. 3.
Lib. 19. de
civ. Dei
cap. 27.

Justitiæ pars est: quia quamdiu in hac vita sumus, justitia nostra magis constat remissione peccatorum quam perfectione virtutum: in multis enim offendimus omnes, inquit Jacobus Apostolus. Quapropter Augustinus: *Nostri justitia, inquit, quamvis vera sit propter veri boni finem ad quem refertur, tamen tanta est in hac vita, ut potius peccatorum remissione constet quam perfectione virtutum. Testis est, inquit, oratio totius civitatis Dei quæ peregrinatur in terris; per omnia quippe membra sua clamat ad Deum: Dimitte nobis debita nostra. Et infra: Hic itaque, inquit, in unoquoque fidei justitia est, ut obedienti Deus homini, animus corpori, ratio autem vitiiis etiam repugnantibus imperet, vel subigendo vel resistendo, atque ut ab ipso Deo petatur & meritorum gratia & venia delictorum, ac de acceptis bonis gratiarum actio persolvatur. In illa verò pace finali, quoniam sanata natura vitia non habebis, non opus erit ratio vitiiis, quæ nulla erunt, imperet: sed imperabit Deus homini, animus corpori, tantaque obediendi erit suavisitas & facilitas, quanta vivendi regnandique felicitas. Et contra Julian. Justificatio, inquit, in hac vita nobis secundum ista tria confertur: prius lavacro regenerationis, quo remittuntur cuncta peccata: deinde congressione cum vitiiis: tertio dum nostra exauditur oratio, quæ dicimus: Dimitte nobis debita nostra. Placuit enim, inquit Concilium Milevitanum, ut quicumque dixerit gratiam Dei, in qua justificamur per Jesum Christum Dominum nostrum, ad solam remissionem peccatorum valere quæ jam commissa sunt, non etiam ad adjutorium ut non committantur, anathema sit.*

Lib. 2. c. 1.

Cap. 30

CAPUT III.

Quod justitia hujus vitæ duabus constet partibus.

Aug. 1. 1.
Retraß.
sep. 19. &
contr. Fam.
scum, l. 19.
cap. 7.
Ad. 13.
Rom. 6.
1 Joan. 1.
Rom. 8.
Rom. 2.
Rom. 2.
Hebr. 11.
Galas. 2.
Auguß.
quæst. 106.

EX quibus manifestum evadit, justitiam hujus vitæ duabus constare partibus, remissione videlicet peccatorum, (de qua Apostolus in Actis: *Notum sit vobis, viri fratres, quod per hunc vobis remissio peccatorum annuntiatur ab omnibus, quibus non potuistis in lege Moyse justificari; in hoc omnis qui credit justificatur. Et rursum: Qui enim mortuus est, justificatus est à peccato;*) & vitæ novitate, quæ posteriori justitiæ pars in Scripturis sacris justitiæ legis nuncupatur, de qua scriptum est: *Qui facit justitiam justus est: & qui facit justitiam ex Deo natus est; &: Quod impossibile erat legi, in quo infirmabatur per carnem, Deus mittens filium suum in similitudinem carnis peccati, & de peccato, damnavit peccatum in carne, ut justitiam legis impleteret in nobis, qui non secundum carnem, sed secundum spiritum ambulamus. Et: Si præputium legis justitias custodiat, nonne præputium illius in circumcissionem reputabitur, & judicabit id quod ex natura est præputium, legem consummans, te qui per literam & circumcissionem prævaricator es legis? & Non auditors legis justi sunt apud Deum, sed factores legis justificabuntur: & Sancti per fidem vicerunt regna, operati sunt justitiam; & alia multa quæ longum esset recensere. Sed utramque justitiæ partem complectitur quod alibi legimus: Si per legem justitia, igitur Christus gratis mortuus est; quia gratiâ Dei per Christum Dominum nostrum, non solum remissione peccatorum justificamur, sicut malè docuit Pelagius, sed prius inspiratione fidei & timoris Dei, impartito salubriter orationis affectu & effectu, ut justificatio legis impleatur in nobis.*

Qua-

Quapropter & ipse Dominus testamenti novi gratiam, id est, veram justitiam *Hier. 31.* nobis annuntians, non tantum suis pollicetur, quod propitius erit iniquitatibus eorum, & peccatorum eorum jam non memorabitur: sed etiam quod dabit leges suas in mentem eorum, & in cordibus eorum superscribet eas: *Est Eccl. 16.* *spiritum meum, inquit, ponam in medio vestri, & faciam ut in præceptis meis ambuletis, & judicia mea custodiat, & operemini; Nam justus ex fide vivit.* *Rom. 1.* *Abac. 1.*

CAPUT IV.

Quod per justitiam quæ in fide vel ex fide esse dicitur, non tantum remissio peccatorum, sed etiam operatio virtutum & justitia legis intelligenda sit.

Rectissime igitur dixit B. Jacobus, quod ex operibus justificatur homo, & *Cap. 2.* non ex fide tantum: quia, ut diximus, hujus vitæ justitia non tantum constat remissione peccatorum, sed etiam operibus virtutum quæ sine fide esse non possunt; quia *sine fide impossibile est Deo placere: & quicquid non est ex fide, peccatum est.* *Hier. 17.* *Rom. 14.* Quapropter dum in Scripturis sacris justitiam in fide vel justitiam ex fide legimus, non tantum remissionem peccatorum, quæ ex fide est, intelligere debemus, sed etiam opera virtutum, quæ proprio nomine justitia legis dicitur: quia sicut non per legem sed per fidem justificamur à peccatis, ut ad Deum pacem habeamus: sic etiam non ex lege, sed ex fide, veram legis justitiam & orando impetramus & vivendo præstamus, ut verè justi simus. *Justus enim ex fide vivit, & Sancti per fidem operati sunt justitiam.* *Quapropter Israël, inquit Apostolus, sectando legem justitiæ, hoc est, conando & præsumendo ex lege legis justitiam præstare, in legem justitiæ non pervenit, id est, veram justitiam quam præcepit lex non præstitit; quia non ex fide conabatur præstare legem justitiæ: ex fide, inquam, & agentis intentionem dirigente, & Christi auxilium impetrante, per quem non dubitant fideles sibi spiritum gratiæ subministrari, ut obediant legi justitiæ. Ignorantes enim Dei justitiam, quam videlicet adjuvando subministrat, & suam volentes constituere, quam non auxilio gratiæ sed suâ virtute præsumebant se facere; justitiæ Dei, quæ vera est, non fuerunt subjecti, sed in falsa justitia, quæ ex lege est, insipienter elati. Sic Apostolus, cum ignorans & incredulus in justitia quæ in lege est conversatus esset sine querela, postea fidelis factus, quæ prius lucra & melioris vitæ merita reputabat, hæc arbitratus est propter Christum detrimenta, ut inveniretur in illo non habens suam justitiam quæ ex lege est, sed illam quæ est ex fide Christi, id est, quam Christus ex fide invocantibus ut justè vivant subministrat: sicut gentibus, quæ prius non sectabantur justitiam, jam credentibus subministravit. Quod enim impossibile erat legi, in quo infirmabatur per carnem, Deus mittens filium suum in similitudinem carnis peccati & de peccato, damnavit peccatum in carne, ut justificatio legis impleretur in nobis, qui non secundum carnem, sed secundum spiritum ambulamus, id est, qui spem præstandæ legis, non in nobis qui caro sumus, sed in adjutorio gratiæ*

Hebr. 11. gratiæ Spiritus sancti collocamus. Hanc fidei justitiam habuit Noë, quando responso accepto de iis quæ adhuc non videbantur, metuens aptavit arcam in salutem domus suæ, per quam damnavit mundum, & justitiæ quæ per fidem est hæres est institutus. Habebant & Abraham & Isaac & Jacob & cæteri, de quibus tandem subdit Apostolus, quod per fidem vicerunt regna, operati sunt justitiam: similiter & hi qui ludibria & verbera experti, insuper & vincula & carceres, lapidati sunt &c. quia hi omnes testimonio fidei probati, in iis numerati sunt de quibus ait Propheta, quod justus ex fide vivit.

Abel. 2.

CAPUT V.

Quod remissio peccatorum non sit proprii nominis justitia, sed reputatur, quia justitiæ propriè dictæ ex parte æquivalet apud Deum.

IMò si propriè loqui velimus, remissio peccatorum justitia non erit, quia justitia propriè legis obedientia est, sive intus in voluntate, sive foris in opere, nec aliter à virtute fecernitur, quàm quod virtus in singulis intelligatur, justitia verò in universis. Sed in Scripturis sacris peccatorum remissio idèd etiam nomine justitiæ intelligitur, quia licèt propriè non sit, tamen apud Deum pro justitia reputatur, dum removendo prohibens, non minùs ad vitam ducit æternam quæ justitiæ præmium est, quàm vera legis obedientia quæ est propriè justitia. Unde Psalmista: *Beati quorum remisse sunt iniquitates, & quorum tecta sunt peccata.* Beatus vir cui non imputavit Dominus peccatum. Omnia enim facta deputantur, inquit Augustinus, quando quicquid non fit ignoscitur: non quod ipsa remissio peccatorum tantum ad consequendam vitam conferat, quantum legis observatio, quæ propriè justitia est & vitæ æternæ meritum: sed quia hoc habet cum illa commune, quod quemadmodum legis obedientia excludit peccatum, quod est vitæ æternæ impedimentum, sic etiam peccatorum remissione efficitur, ut peccata pro non admissis habeantur. Sicut enim in Genesi, Ephraim & Manasses, quos Joseph in Ægypto genuerat, ipsi Jacob reputati dicuntur, non quod essent per omnia pares iis filiis quos Jacob ex se genuerat, sed quia in dividenda hæreditate parem cum eis habituri erant portionem: sic etiam peccatorum remissio dicitur justitia reputari, non quod omni ex parte æquivalet legis obedientiæ quæ propriè justitia est, sed quia hoc habet cum illa commune ut regni cælestis impedimenta secludat. Sed quemadmodum aliud est, esse veraciter legitimo thoro genitum, aliud verò beneficio principis consecutum, ut illegitimus more legitimi patris hæreditatem adeat: sic etiam si propriè & exactè loqui velimus, aliud est ob legis impletionem propriè justum dici & cælesti præmio dignum, aliud verò ob remissionem peccatorum justum reputari & à gloria cælesti non secludi.

Psal. 31.

*Lub. 1.
Retrad.
cap. 19.*

Cap. 48.

CAPUT VI.

Unde æstimari debeat incrementum perfectioque justitiæ.

Quando itaque de incremento aut perfectione justitiæ differitur, non tantum consideranda est peccatorum remissio, ut is videlicet statim perfectè justus esse dicatur qui nulli peccato tenetur obnoxius: sed multò magis ipsa totius hominis renovatio, quâ lex Dei continuò plenius ac plenius observatur, donec illud perfectè in nobis impleatur quod lex dicit: *Non concupisces. Et, Diliges Deum tuum ex toto corde tuo, & tota anima tua, & ex omnibus viribus tuis.* Tunc enim demum perfectè justi erimus, quando accepta omnium remissionis peccatorum, corpus animo & totus homo sic Deo obsequetur, ut neque in carne contra rationem, neque in ratione contra legem Dei ulla rebellio comperiat. Nam sicut ait Augustinus, anima semper in sanctitate proficit, *Contra Justitia lib. 6. cap. 5.* quamdiu magis magisque minuit eas, etiam quibus non consentit, cupiditates. Unde libro de perfectione justitiæ, plenam perfectamque justitiam non infantibus aut adultis rationis expertibus tribuit, qui tamen regenerati baptismo nulli omnino peccato tenentur astricti, sed Sanctis in futura vita, qui potiuntur sanitate perfectâ & totam legis implent justitiam.

CAPUT VII.

Quid licet catechumenus aliquid justitiæ habeat ante baptismum, non tamen rectè justus dicatur nisi post baptismum.

Licet igitur catechumenus aut poenitens ante remissionem peccatorum aliquid justitiæ habeat; (habet enim fidem: *Si autem fidem habemus, inquit Augustinus, aliquid justitiæ habemus; & in Psalm. 32. Fides tua justitia tua est; & de Prædest. Sanctorum, ex fide idèd dicit justificari hominem, quia ipsa prima datur ex qua impetrantur cætera quæ propriè opera nuncupantur: habet & bonam voluntatem, id est, vitæ melioris propositum, quod in Scripturis sacris usitatus charitas nuncupatur, quam supra ostendimus esse justitiam: peccata sua Domino confitetur, id quod etiam justitiæ est initium, sicut testatur Augustinus super epistolam Joannis, dicens: Cæpisti non desinere peccata tua, inchoasti justitiam, perficietur autem in te quando nihil aliud facere delestabis, quando nulla concupiscentia titillabis; præterea custodit legis justitiam, quæ ad Dei justitiam usque ad eò pertinet ut de ea scriptum sit: Qui facit justitiam justus est. Et, non auditores legis justi sunt apud Deum, sed factores legis justificabuntur. Et, si præputium legis justitias custodiat, judicabit id quod ex natura est præputium, legem consummans, te, qui per litteram & circumcissionem prævaricator es legis. Et: si vis ad vitam ingredi, serva mandata.) quia tamen non habet remissionem peccatorum, sine qua non consistit hujus vitæ justitia, *De verb. Apost. 16. cap. 7.* etiamli *Tract. 4. Rom. 2. Matth. 19.**

1 Petr. 4.
Psal. 102.
Psal. 142.

Luc. 1.

Levit. 16.

Epist. 2.

etiamsi proposito & vitæ conversatione multos Dei filios superet, nondum potest justus vocari: at verò baptizatus, qui justificatus à peccatis factus est habitaculum Spiritus sancti, quantumlibet absit à perfectione justitiæ, habeatque adhuc plurimum quo in ea proficiat, tam operatione virtutum, quibus de die in diem renovetur, quàm remissione levium peccatorum, sine quibus ista vita non ducitur & propter quæ justus vix salvabitur, sed in misericordia & miserationibus coronabitur; (neque enim justificabitur in conspectu Dei omnis vivens, sed quamdiu sumus in hac vita, magis sumus in justificatione constituti, quàm in perfecta aut stabili aliqua possessione justitiæ) tamen propter tantillum justitiæ quod tunc consecutus est, quo nonnihil spiritualiter sapit, & mandata Dei sic custodit ut nullum crimen admittat, simul & propter remissionem graviorum peccatorum quæ antè commisit, juxta usum loquendi Scripturæ sacræ, etiam ante Deum justus dicitur: sicut de Zacharia & Elizabeth legimus, quòd erant justii ambo ante Deum, incidentes in omnibus mandatis & justificationibus Domini sine querela. Neque enim existimandum est, quòd sic omnem impleverint justitiam, ut ne de verbo quidem otioso reddituri sint rationem in die judicii, nec opus habuerint dicere: Dimitte nobis debita nostra, sicut & nos dimittimus debitoribus nostris; (siquidem Zacharias è numero sacerdotum fuit, qui juxta constitutionem legis habebant necessitatem quotidie priùs pro suis delictis offerre, sicut ad Hebr. 7. legimus) sed quòd ita inceserint in omnibus mandatis & justificationibus Dei, ut nullum crimen admitterent, ob quod à regno cælorum mererentur excludi. Non enim quaecunque etiam tentationis humanæ, sed grave peccatum est, inquit Augustinus, quod in querela venit.

C A P U T VIII.

Cur in Scripturis sacris rectè justii nuncupentur, qui sine peccato non fuerunt.

1 Joan. 1.

Psal. 142.

De verb.
Apost.
serm. 16.

Aug. de
poc. me-
ris. lib. 2.
cap. 20.

CÆterùm si nec ipse Zacharias, nec alius quivis Sanctorum, qui Scripturæ sacræ testimonio in hac vita fuisse justii prædicantur, absque omni peccato fuerit; sed etiam iis annumerandus fuerit qui cum Joanne Apostolo non minùs veraciter quàm humiliter confessi sunt: Si dixerimus quia peccatum non habemus, nos ipsos seducimus, & veritas in nobis non est; de quibus etiam Psalmista: *Non intres in judicium cum servo tuo, quia non justificabitur in conspectu tuo omnis vivens*; mirum est quomodo iidem simul justii & peccatores esse potuerint; cùm idem sit, justus sum, (ut inquit Augustinus) quòd peccator non sum. Ad quod respondendum, quòd nullus Sanctorum in hac vita ad tantam justitiæ plenitudinem pertigerit, ut secundùm perfectam justitiæ regulam justus dici meruerit, quia nemo ab omni peccato immunis fuit; attamen secundùm modum conversationis humanæ, multi sunt dicti justii, quia post acceptam remissionem peccatorum, & à gravioribus criminibus diligenter abstinerunt, & pro levioribus, sine quibus non vivebant, divinam clementiam instantè imploraverunt; nam quicunque tales fuerint in extremo

Dei

Dei judicio, ubi pro bonorum operum meritis etiam ipsa misericordia tribuetur, quæ fiet beatus cui non imputavit Dominus peccatum, non fraudabuntur præmio justitiæ: nec absurdè justi nuncupantur qui tunc à justo iudice hinc iusti fuisse iudicabuntur. Si enim via quæ mathematicè recta non est, ob id tamen convenienter recta imò rectissima dicitur, quia nullam habet curvitatē quæ proficcientem remoretur; similiter etiam ipsa regula fabrilis, quia tantum habet rectitudinis, quantum fabrilis operi rectè describendo sufficit; cur non etiam verè justus appelletur, qui tantum habet justitiæ, quantum requiritur ut præmio justitiæ non fraudetur, etiam si non careat omni peccato? Non quod vox justitia similis sit charitati, calori, frigori & similibus, quæ in sua ratione nullam perfectionem includunt: sed quod primariò dicatur de justitia patriæ, quæ secum nullum peccatum compatitur, secundariò verò de justitia viæ, quæ ad præmium justitiæ pervenitur, etiam si peccatum non desit. Nam simile quid invenitur in voce sano, perfecto, pleno, beato, mundo & similibus, de quibus non est hujus loci disserere. Unde Augustinus tractans illud Apostoli: *Quos prædestinavit hos & vocavit, & quos vocavit hos & justificavit; quos autem justificavit, illos & glorificavit*; Proposueramus, inquit, considerare de his quatuor rebus, quid jam consecuti fuerimus, quid adhuc adipiscendum expectamus: *prædestinati enim jam sumus antequam essemus, vocati sumus quando Christiani facti sumus; jam ergo & hoc habemus. Justificati quid? quid est justificati? audeamus dicere, hoc tertium habere nos? Et eris quisquam nostrum qui audeat dicere, justus sum? puto enim hoc esse, justus sum, quod est, peccator non sum. Si audes hoc dicere, occurrit tibi Joannes: Si dixerimus quia peccatum non habemus, nos ipsos seducimus & veritas in nobis non est. Quid ergo, nihil habemus de justitia? an habemus? sed totum non habemus? hoc ergo queramus. Si enim aliquid habemus & aliquid non habemus, crescit quod habemus, & implebitur quod non habemus. Ecce enim baptizati sunt homines, omnia illis peccata dimissa sunt, justificati sunt à peccatis, negare non possumus. Restat tamen lucta cum carne, restat lucta cum diabolo: qui autem luctatur, aliquando ferit, aliquando percutitur; aliquando vincit, aliquando perimitur; quomodo de stadio exeat, attendatur. Si dixerimus, quia peccatum non habemus, nos ipsos seducimus, & veritas in nobis non est: Item, si dixerimus, quia justitiæ nihil habemus, adversum Dei dona mentimur; si enim nihil justitiæ habemus, nec fidem habemus; si fidem non habemus, Christiani non sumus; si autem fidem habemus, jam aliquid habemus justitiæ: Justus enim ex fide vivit; Grati sumus ex eo quod habemus, ut non perdamus quod habemus. Ergo & hoc tertium, inquit, jam agitur in nobis; justificati sumus; sed ipsa justitia cum proficimus, crescit donec consummetur, non ut finiatur, sed ut perficiatur. Discant igitur hæretici, aliud esse, nondum totam habere justitiam (quam in hac vita se non habere etiam agnoverunt Apostoli) aliud, nullam in se habere justitiam, quod sine ingratitudine agnoscere non possunt Christiani; & justitiam suam non in alienæ justitiæ ludibrio constituent, solâ suâ fide delusi, sed in remissione peccatorum & ea renovatione quæ fidelibus contingit ex gratuito Christi munere, quâ non quidem plene & in omnibus, sed tamen veraciter & in gravioribus, in hac vitæ miseria divinæ legi obediunt. Neque cuiquam in hac mortali vita tribuitur, ut magnum illud justitiæ præceptum per-*

Aug. de
corrupt.
cap. 13.

Serm. 16.
de vitis
Apost.
Rom. 8.

perfectè possit implere: *Diliges Dominum Deum tuum ex toto corde tuo, ex tota anima tua, & ex omnibus viribus tuis*; quia cum ad id summo conatu aspirent omnes Sancti, sine dubio ipsum perfectè impleant, si ejus rei facultatem à Deo acciperent, nec amplius orare deberent: Dimitte nobis debita nostra; quia ne carne quidem contra legem mentis concupiscerent. Sed cum queritur,

Quæstio.

*In fine libri
de spiritum
& liss.*

Responsio.

Hier. 10.

*De pecc.
mer. lib. 2.
cap. 17.*

cur Deus (quicquid in hac vita tribuit ut à sceleribus perseveranter abstinereant, & leviorum peccatorum multitudinem, quæ quotidianâ infirmitate committunt, continuis precibus, lachrymis, eleemosynis, aliisque charitatis operibus operiant,) non etiam conantibus & ad id sese quantum possunt extendentibus tribuat ut hoc justitiæ præceptum perfectissimè impleant: quandoquidem si nunc velis Deus, inquit Augustinus, etiam hoc corruptibile induere incorruptionem, atque hic inter homines morituros, cum jubere vivere minimè moriturum, ut totâ penitus vetustate consumptâ, nulla lex in membris ejus repugnet legi mentis, Deumque ubique præsentem ita cognoscat, sicut Sancti postea cognituri sunt; quis demens audeat affirmare non posse? sed quare non faciat querunt, inquit Augustinus, homines, nec se attendunt esse homines. Hoc igitur in abdito est cur Deus in hac vita multis tribuat, ut cum facilitate & hilaritate à furtis, à rapinis, ab adulteriis abstineant, non autem ut abstinere possint ab omnibus illicitis desideriis, quod etiam daturus est in cælo, cum utrumque Deo sit æquè possibile. Sed quodd in hac vita mortali non tribuat, judicium & correptio est: de qua Hieremias: *Corripe me Domine, veruntamen in judicio, non in furore*: sicut docet Augustinus cum ait: Scio ad correptionem meam pertinere, quodd minus abs te adjuvor, ut perfectè dirigantur gressus mei: veruntamen hoc ipsum noli mecum sic agere, tanquam in furore, quo iniquos damnare statuisti; sed tanquam in judicio, quo doces tuos non superbire.

C A P U T IX.

Quodd aliud sit justitia legis. aliud justitia ex lege.

Philip. 3.

Idem.

Galat. 5.

*De gratia
& lib. ar-
bit. c. 12.
Rom. 10.*

Nemo tamen suspicetur, cum justitia legis nominatur atque justitiæ veræ pars esse asseritur, quæ sæpius etiam in Scripturis sacris nomine justitiæ simpliciter appellatur, eam justitiam intelligi quæ passim apud Apostolum justitia in lege vel ex lege dicitur, ut cum ait: *Secundum justitiam quæ in lege est, conversatus sine querela*. Et rursus: *ut inveniar in illo non habens meam justitiam quæ ex lege est, sed illam quæ est ex fide Christi*. Et alibi: *Evacuati estis à Christo qui in lege justificamini, à gratia excidistis*. Quia justitia quæ in lege vel ex lege est, id est, ex viribus liberi arbitrii legem agnoscens sine adjutorio spiritus & gratiæ, non Dei, sed hominis, nec vera & coram Deo, sed apparens duntaxat & coram hominibus est justitia, ex timore pœnæ aut amore mundi proveniens, quæ licet apud homines multum honoris & gloriæ mereatur, tamen apud Deum, qui oculum cordis intuetur, nihil aliud est quam vera abominatio. Unde Augustinus: *Quotquot, inquit, adjuncto solo adjutorio legis, sine adjutorio gratiæ, confidentes in virtute sua, suo spiritu aguntur, non sunt filii Dei*. Tales sunt de quibus dicit Apostolus, quodd ignorantes Dei justitiam, & suam volen-

volentes constituere, justitiæ Dei non sunt subiecti. *De Judæis hoc dixit, qui de se præsumebant & gratiam repellebant, eoque nec in Christum credebant. Suam verò justitiam dicit eos volentes constituere, quæ est ex lege; non quia lex est ab ipsis constituta, sed in lege, quæ ex Deo est, suam justitiam constituerunt, quando eandem legem suis viribus se implere posse credebant, ignorantes Dei justitiam, non quia justitiâ Deus justus est, sed quæ justitia est homini à Deo.* Et rursus tractans illud Apostoli: Non habens meam justitiam quæ ex lege est. *Quid est, inquit, non habens meam justitiam quæ ex lege est, cum sua non esset lex ipsa, sed Dei, nisi quia suam dixit justitiam, quamvis ex lege esset, quia suâ voluntate legem se posse putabant implere, sine adjutorio gratiæ quæ est per fidem Christi?* Justitia verò legis vera justitia est, quia vera legis custodia est, nec hominis est, sed Dei: quia illam ex semetipso non præstat homo, sed ex divino adjutorio; a qua etiam coram Deo justi dicimur, quando nulli crimini sumus obnoxii: sicuti de Zacharia & Elizabeth legimus, quoddam erant justii ambo ante Deum, incedentes in omnibus mandatis & justificationibus Domini sine querela. Unde Apostolus: Si præputium, inquit, justitias legis custodiat, nonne præputium illius in circumcisionem reputabitur, & judicabit id quod ex natura est præputium, legem consummans, te, qui per litteram & circumcisionem prævaricator ex legis? De qua etiam Augustinus: Legem, inquit, veteris testamenti nos ajunt dicere, non ob id datam fuisse ut justificares obedientes. Prorsus non intelligunt quid de lege dicamus, quia id quod dicit Apostolus, quem non intelligunt, dicimus. Quis enim dicat non justificari eos qui sunt obedientes, quando si non justificarentur non possent esse obedientes? Sed dicimus lege fieri, ut Deus quid fieri velit audiat: gratiâ verò fieri, ut legi obediat. Et iterum: Putant, inquit, Pelagianise arbitrii sui viribus adimplere legem jubentem, & istâ implicati superbiâ ad gratiam non convertuntur juvenem. Sic eos litera occidit, aut apertè etiam sibi reos, non faciendo quod præcipit, aut putando se facere quod spiritali, quæ ex Deo est, non faciunt charitate, ita remanent aut apertè iniqui, aut fallaciter justii, in aperta iniquitate evidenter elisi, in fallaci justitia insipienter elati, ac per hoc miro quodam modo, sed tamen vero, justitiam legis non implet justitia quæ in lege est vel ex lege, sed quæ in spiritu gratiæ; hæc tamen Augustinus. Quamvis igitur ad veram justitiam non pertineat justitia quæ in lege vel ex lege est, id est, justitia hominis, quam suis viribus præstat adjutus solâ legis cognitione, (quam Apostolus suam justitiam nuncupat, quia pertinet ad mundi sapientiam quæ stultitia est apud Deum) tamen justitia legis, id est, vera legis obedientia legem consummans, quam operatur in nobis spiritus gratiæ quæque in Scripturis sacris non hominis sed Dei sive ex Deo justitia nuncupatur, usque adeo ad veram justitiam pertinet, ut nemo rationis compos justus evadere possit nisi hujus justitiæ particeps fuerit, sine crimine ambulans in omnibus mandatis, aut facto si tempus exigat, aut saltem proposito.

*Ibidem.
Philip. 3.*

Quid justitia legis.

Luc. 1.

Rom. 2.

Lib. 3. contra duas epist. Pelag. cap. 2.

Vide eundem lib. de grat. Christi, c. 13.

*Philip. 3.
1 Cor. 3.*

CAPUT X.

Quod hæretici tria prætendant, ut veram justitiam in sola remissione peccatorum constituent.

CUM igitur vitæ hujus justitia duabus partibus constet, remissione peccatorum, & operatione virtutum, (quæ posterior justitiæ pars in Scriptura sacra ultatius justitia legis nuncupatur) manifestè intelligitur illos vehementer errare, qui justitiam fidei in sola remissione peccatorum constituunt; sive cum Pelagio existiment, nos per Christi mortem ac fidem, non legis observantiam, sed peccatorum duntaxat remissionem accipere, quæ justitia fidei dici mereatur; sive cum nostri temporis hæreticis arbitrentur, justitiam Sanctorum, quam Scriptura sacra commendat, nulla ex parte in sanctis eorum operibus consistere, etiamsi ex Christi sanguine proveniant, sed tantum in misericordia Dei peccata dimittentis & justitiam filii sui nobis per fidem imputantis, sic, inquit, ut Christus pronuntiet nos habere omnes virtutes quas ipse in terris habuit, atque ita coram se justos esse definiat justitiâ alienâ veluti propriâ. Quem suum errorem ex tribus fere capitibus conantur astruere; aut enim prætendunt, (nescio an incitiâ magis an fraudulentâ malitiâ) quæcunque à justis secundum Dei legem fiunt, apud Apostolum vocari opera legis, & pertinere ad justitiam quæ ex lege vel in lege est, quam Apostolus suam nuncupat, & justitiam fidei in sola remissione peccatorum consistere; cum tamen manifestissimum sit, opera legis & justitiam quæ ex lege vel in lege est, non nisi in iis operibus debere intelligi, quæ ex solo legis adjutorio fiunt sine fide, sine auxilio gratiæ, sicut supra satis ostendimus, ipsamque fidei justitiam non minùs in iis operibus reperiri, quæ præparavit Deus ut in illis ambulemus, (sicut ad Hebr. 11. latissimè ostenditur) quàm in remissione peccatorum; aut assument, omnia justorum opera coram Deo vere esse peccata, à quibus non justis sed injustis potius dici mereantur; aut denique ab operibus bonis justum dici non posse, nisi qui ab omni delicto fuerit omnino immunis: id quod olim de justis suis etiam asseruit Pelagius, ut ex Concilio Milevitano manifestum est. Quæ tria capita quoniam multiplicatis & ad nauseam usque repetitis sæpius scripturis, cum aliis quibusdam calumniis in sua Institutione, quam falso nomine Christianam vocat, verbosissimè inculcat Joannes Calvinus, lubet præcipuis ejus argumentis, quæ nodum quæstionis facere videntur, singulatim & paucis respondere.

Sic igitur colligit.

Primum Argumentum.

Rom. 4.

Apostolus non dubitat justitiam in peccatorum remissione collocare, dicens: *Beatus homo*, inquit, à Davide dicitur, *cui Deus accepto fert vel imputat justitiam sine operibus*, sicut scriptum est: *Beati quorum remisse sunt iniquitates; nam beatus est justus*: igitur nulla est in operibus justitia.

Psal. 32.

Rel.

Responsio.

Idem David etiam non dubitat justitiam in legis obedientia collocare, ubi ait: *Beatus vir qui non abiit in consilio impiorum, & in via peccatorum non stetit, Psal. 1. & in cathedra pestilentia non sedit, sed in lege Domini voluntas ejus. Et, Beati Psal. 118. immaculati in via, qui ambulant in lege Domini. Similiter Joannes, ubi ait: Qui 1 Joa. 3. facit justitiam justus est: Et Apostolus Paulus: Non auditores legis justi sunt apud Rom. 2. Deum, sed factores legis justificabuntur. Et Apostolus Jacobus: Qui perspexerit Cap. 1. in lege perfecta libertatis, & permanserit in ea, non auditor obliviosus factus, sed factor operis, hic beatus in facto suo erit.* Nam qui beatus, idem & justus. Quamobrem sicut ex testimoniis quæ citat Calvinus rectè colligitur, justitiam eorum qui recenter ad Deum conversi, nunc primum indulgentiam peccatorum acceperunt, in remissione peccatorum consistere, licet non solâ; sic etiam ex nostris testimoniis clarissimè ostendimus, justitiam eorum qui acceptâ peccatorum veniam legem præstiterunt, (sicut Enoch, Noë, Abraham, Moy- Hebr. 11. ses, & cæteros ad Hebræos enumerat Apostolus, & de quibus ait, quod per fidem vicerunt regna, operati sunt justitiam; & Apostolus Jacobus: Vides Jacob. 2. quoniam ex operibus justificatur homo, & non ex fide tantum,) non tantum in remissione peccatorum, sed etiam in operibus virtutum debere intelligi. Quod autem Apostolus ex Psalms, nullâ operum factâ mentione, etiam beatos pronuntiat quorum remissæ sunt iniquitates & quibus non imputavit Deus peccatum; hoc puto significat, quod non tantum justî dicendi sint, qui acceptâ remissione peccatorum, diu in magnis multisque virtutum operibus laudabiliter versati sunt, à quibus justî dicantur, (sicut de Abraham, Zacharia, Elizabeth & aliis multis legimus,) sed etiam qui recenter ad Deum conversi, per baptismum consecuti sunt remissionem peccatorum, etiam si illis nondum suffragentur magna multaque opera virtutum, quibus fides eorum consummetur, & à quibus justî dici mereantur. Similiter quod eodem loco dicit Apostolus, David beatum hominem dicere cui Deus accepto fert justitiam sine operibus, non eò spectat ut fideles opera bona negligant, aut ad justitiam nihil facere existiment, sed ut intelligant, quod non ex operibus justitiæ quæ fecimus nos, scilicet ex nobis antequam crederemus, sed secundum misericordiam suam salvos nos fecit Deus, per lavacrum regenerationis & renovationis Spiritus sancti, tribuens nobis & peccatorum omnium remissionem & deinceps bene conversandi virtutem, ut non tantum à remissione peccatorum, sed etiam ab operibus virtutum justî dici mereamur, sicut de Elizabeth Luc. 1. & Zacharia legimus, quod erant ambo justî ante Deum, incedentes in omnibus præceptis & justificationibus Domini, sine querela.

Secundum argumentum.

Apostolus dicit se omnia pro stercorebus reputasse, ut Christum lucrifaceret, & inveniretur in illo non habens suam justitiam, quæ est lege est, sed quæ ex fide Jesu Christi. Item Judæi volentes propriam justitiam statuere, ju- Rom. 10.

stitiæ Dei non sunt subiecti: igitur iustitia operum & iustitia fidei sunt inter se contrariæ.

Responsio.

- Hic latenter prætendit Calvinus, quòd initio hujus disputationis primo loco posuimus, nempe omnem operum iustitiam esse iustitiam ex lege, quam suam dicit Apostolus, omnemque fidei iustitiam, quæ etiam Dei iustitia est, in sola peccatorum remissione consistere: quorum utrumque falsissimum esse comperitur; siquidem vera legis obedientia, quæ operum iustitia est, (de qua ait Apostolus: *Nam quod impossibile erat legi, in quo infirmabatur per carnem, Deus mittens filium suum in similitudinem carnis peccati, & de peccato, damnavit peccatum in carne, ut justificatio legis impleretur in nobis, qui non secundum carnem ambulamus, sed secundum spiritum*) non est iustitia ex lege, sed ex fide & adiutorio gratiæ Christi. Et rursus: Iustitia fidei illorum qui ab Apostolo ad Hebræos tanto numero commendantur, & de qua dicitur quòd Noë accepto responso de his quæ adhuc non videbantur, metuens aptavit arcam in salutem domus suæ, per quam damnavit mundum, & iustitiæ quæ per fidem est hæres est institutus. Item, Sancti per fidem vicerunt regna & operati sunt iustitiam, non à remissione peccatorum, sed ab operibus virtutum commendatur. Iustus enim ex fide vivit. Fatemur ergo iustitiam quæ ex lege est, ab Apostolo inanem reputari, & iustitiæ fidei seu iustitiæ Dei esse contrariam, adeò ut qui iustitiam statuere volunt quæ ex lege est, quam suam vocat Apostolus, iustitiæ Dei non sint subiecti. Sed negamus, omnem operum iustitiam ex lege esse, quia necessum est, ex fide esse eorum operum iustitiam, quæ præparavit Deus ut in illis ambulemus, de qua iustitia ait Apostolus, quòd Sancti per fidem vicerunt regna, operati sunt iustitiam; quæ nostra dici non debet, sed Dei & ejus qui factus est nobis sapientia, & iustitia, & sanctificatio, & redemptio; ut quemadmodum scriptum est, qui gloriatur, non in semetipso, sed in Domino gloriatur; quia non ex nobis est, sed ex Deo, à quo accepimus, non tantum remissionem peccatorum, sed etiam opera virtutum, à quibus etiam iusti dici mereamur, sicut Abraham ex operibus justificatus est, non ex fide tantum.

Tertium argumentum.

Fides omnem gloriationem excludit, si autem maneat operum iustitia, manet gloriandi materia: igitur fides excludit omnem operum iustitiam.

Responsio.

- Præcipit Apostolus, ut nemo gloriatur in hominibus, & ut qui accepit non gloriatur quasi non acceperit: sed nusquam fidelibus omnem gloriam adimit, siquidem eadem epist. dicit: *Qui gloriatur, in Domino gloriatur*. Et alibi: *Mibi absit gloriari, nisi in cruce Domini nostri Jesu Christi: omnes enim egent gloriâ*

gloriâ Dei. Quanquam igitur fides excludat omnem gloriationem, quâ quis in semetipso gloriatur, aut in alio, (qualem sine dubio habuisset Abraham si ex suis operibus justificatus fuisset, & justitiam suam non ex gratuito Dei munere habuisset, sed illam sibi suâ virtute peperisset, sicut de se gloriatus est Cicerone, cum ait: *Ego meis majoribus virtute meâ præluxi;*) attamen non excludit *In Saâ.* eam gloriationem, quâ justus in Domino gloriatur, fideliter credens & humiliter confitens illum omnis suæ justitiæ largitorem, tam in remissione peccatorum, quam in operibus virtutum. Nam ad justos pertinet, (inquit Augustinus) qui gloriatur, in Domino gloriatur. Hoc enim Apostolus. *Decorr. & gratia cap. 12.* apertissimè ostendit, qui cum dixisset, ut non gloriatur omnis caro coram illo, ne putarent Sancti se sine gloria remansisse, mox addidit: ex ipso autem vos estis in *1 Cor. 1.* Christo Jesu, qui factus est nobis sapientia à Deo, & justitia, & sanctificatio, & redemptio, ut quemadmodum scriptum est, qui gloriatur, in Domino gloriatur. Hinc Apostolus: exclusa est gloriatio tua, quâ scilicet teipsum glorificabas, præsumens te tuâ virtute legem præstare, non per legem factorum, quam jactabas: sed per fidem, quâ didicisti te non propriâ virtute, sed per adjutorium gratiæ Christi posse legis justitiam præstare.

Quartum argumentum.

Apostolus ait, quodd ex lege nemo justificatur, manifestum est, quia justus *Galat. 3.* ex fide vivit; non constaret argumentum, nisi conveniat, in calculum fidei *Rom. 1.* non venire opera. *Abat. 2.*

Responsio.

Hæc ratiocinatio etiam ex primo erroris capite ducit originem; præten- *Cap. 11.* dit enim omnem operum justitiam & omne opus rectum ex lege esse, ac proinde nullum opus esse ex fide, ex quo justificari queat qui ex fide vivere dicitur. Sed hunc errorem manifestissimè refellit Apostolus in epist. ad Hebræos, ubi ostendit Sanctos testamenti veteris, non ex lege, sed ex fide omnia illa esse operatos, ex quibus consecuti sunt testimonium justitiæ. Ex fide, inquam, quâ non tantum crediderunt se debere Deo obedire, sed etiam à Deo misericorditer accipere, ut & veraciter obedirent quicunque ei obedirent. Quapropter etiam si in calculum fidei veniant ea opera, quæ non ex sola legis cognitione, sed ex fide & adjutorio gratiæ Christi proveniunt, rectissimè constat argumentum Apostoli: justus ex fide vivit, & spem justè vivendi non in seipso, sed in Dei ponit auxilio: ergo non justificatur ex lege, hoc est, ex iis operibus quæ se suis viribus facere præsumit, adjutus solâ legis cognitione: quia neque ejusmodi opera ex fide sunt, neque ex adjutorio gratiæ Christi. Cæterum quomodo audet Calvinus dicere in calculum fidei non venire opera, cum fides justificans ex operibus consummetur, & sine operibus inanis sit & mortua: in Christo enim Jesu, neque circumcisio aliquid valet, neque præ- *Galat.* putium, inquit Apostolus, sed fides quæ per dilectionem operatur: aded ut si babeam omnem fidem, charitatem autem non habeam per quam fides ope-

- 1 Cor. 13. retur, nihil mihi profit. Quando igitur ex fide justificari dicimur, tunc in calculum fidei veniunt opera, non quæ homo suis viribus ante fidem operatur, adjutus solâ legis cognitione, sed quæ Deus in illo per fidem operatur, datâ illi bonâ voluntate. Deus enim est qui operatur in nobis velle & facere
- Philip. 2. pro bona voluntate, sicut in Ezechiele promittit dicens: Dabo vobis cor novum, & spiritum novum ponam in medio vestri, & auferam cor lapideum de carne vestra, & faciam ut in præceptis meis ambuletis, & judicia mea custodiatis, & operemini.
- Ecceh. 36.

Quintum argumentum.

Scriptura sacra cùm de fidei justitia loquitur, eò nos ducit, ut ab intuitu bonorum operum nostrorum averſi, in Dei misericordiam ac Christi perfectionem respiciamus.

Responsio.

- Scriptura sacra loquens de justificatione, abducit nos ab intuitu eorum operum quæ nostrâ virtute facimus, adjuti solâ legis cognitione, quia hæc non sunt opera justitiæ etiamſi foris bona videantur, pertinentque ad justitiam quæ ex lege est, quam Apostolus reputavit ut stercora: sed non abducit nos ab intuitu eorum operum quæ Deus operatur in nobis & quæ præparavit ut ambulemus in eis, quia ejusmodi opera pertinent ad Christi perfectionem, & plenitudinem ejus qui omnia in omnibus adimpletur, ut ait Apostolus. Hinc Ezechias ejusmodi opera recogitans, & intuens non homini, sed Deo, in oratione sua dicebat: Memento quæſo quomodo ambulaverim coram te in veritate & in corde perfecto, & quod bonum est in conspectu tuo fecerim; exauditaque est ejus oratio. Similiter & Apostolus, ubi ait: Bonum certamen certavi, cursum consummavi, fidem servavi; in reliquo reposita est mihi corona justitiæ, quam videlicet certando & currendo præstiti. Sed hæreticus studens modis omnibus bonis operibus adversari, veram legis obedientiam, quam Deus in nobis operatur, exæquare conatur operibus quæ ex lege & viribus humanis fiunt, sine adjutorio gratiæ; quod quàm vanum sit suprâ satis ostendimus.
- Philip. 3.
- Ephes. 2.
- Ephes. 1.
- 4 Reg. 20.
- 2 Tim. 4.

Sextum argumentum.

Peccator nihil reputat sibi nisi miseriam, & totam salutis suæ causam in Deum rejicit: igitur non in bonis operibus, sed in sola peccatorum remissione repositam sibi justitiam cogitat.

Responsio.

De verb.
Apostoli
serm 10.

Nostrium nihil est nisi peccatum, inquit Augustinus, & totam salutis nostræ causam in Deum rejicimus, quia veræ justitiæ fundamentum aliud nemo ponere

nere potest præter id quod positum est, quod est Christus Jesus: attamen gratiam Dei quâ justificamur, non in sola remissione peccatorum constituimus, (sicut olim constituit Pelagius, adversus quem in Concilio Milevitano decretum est, ut quicumque dixerit gratiam Dei quâ justificamur ad solam remissionem peccatorum valere quæ jam commissa sunt, non etiam ad adiutorium ut non committantur, anathema sit:) sed etiam in operatione virtutum; quia sicut Deus utrumque filiis novi testamenti promisit, obedientiam videlicet mandatorum, & peccatorum remissionem: sic utrumque in eis operatur, ut in utroque justitiam eorum constituat, cujus merito ad salutem eos perducatur.

1 Cor. 3.

Cap. 3.

Septimum argumentum.

Apostolus ad Rom. ostendit justitiam fidei legis conditionibus esse solutam, Rom. 10. ubi ait: Justitiam quæ ex lege est qui fecerit homo vivet in ea; quæ autem ex fide est justitia, &c. si confitearis in ore tuo Dominum Jesum, & in corde tuo credideris quod Deus suscitavit eum à mortuis, salvus eris: igitur justitia fidei non constat operibus.

Responsio.

Non veni solvere legem, inquit Christus, sed adimplere: & legem non destruimus Matth. 5. per fidem, inquit Apostolus, sed legem statuimus; plenitudo enim legis est dilectio; Rom. 3. & quod per legem audiebatur & non præstabatur, hoc per fidem & dilectionem adimpletur: quia quod impossibile erat legi, in quo infirmabatur per carnem, hoc factum est facile per incarnationem Christi & adiutorium Spiritus sancti. Quapropter justitia fidei non est sic legis conditionibus soluta, ut legis non debeat præstare justitiam, sed solum soluta est à maledicto legis, à quo nos Christus liberavit, Galat. 3. factus pro nobis maledictum, & ab ea justitia distincta, quam homo superbiens se suis viribus præstare præsumit, adjutus solâ legis cognitione sine ullo auxilio gratiæ, cujus præmium est ut in hac vita non occidatur, ubi ab hominibus judicatur, qui solum vident ea quæ foris patent. Sed justitia fidei quam in nobis operatur Deus, & quæ non tantum manifesta, sed etiam occulta decoris abdicat, fide corda purificans, veram & æternam retributionem expectat, quæ licet etiam in veteri testamento præcepta fuerit, tamen ab iis duntaxat præstari potuit, qui suscepto fidei verbo, quod prædicabant Apostoli, eam suis cordibus inscripserunt, & inscribendo facilem sibi reddiderunt. Nec aliud docet Apostolus eo loco quem citat Calvinus, licet rectum ejus sensum in re obscura pervertere conetur.

Galat. 3.

Octavum argumentum.

Justitia est gratuita: igitur non convenit operibus.

Ref-

Responsio.

Quemadmodum gratuita est peccatorum remissio, in qua Calvinus totam justitiam constituit, sic & gratuita sunt opera, in quibus justitia consistit. *Dei enim sumus factura*, inquit Apostolus, *creati in Christo Jesu in operibus bonis, quæ præparavit Deus ut in illis ambulemus.* Unde & ipsa vita æterna, quæ justo Dei judicio bonis operibus redditur, etiam gratia dicitur: quia gratuita Dei munera sunt opera quibus ipsa redditur: sicuti latissimè docet Aug. epist. 105. De gratia & libero arb. cap. 8. De correptione & gratia cap. 13. Imò & ipsa peccatorum remissio quæ ob poenitentiam datur, ut alias causas omittamus, idèd etiam gratia est, quia Dei donum est poenitentia cui datur, sicuti ait Augustinus.

Nonum Argumentum.

Manifestatur in Evangelio justitia certè non lacera nec dimidia, sed plena & absoluta: lex ergo in ea locum non habet, quia non perfectè impletur in hac vita.

Responsio.

In Evangelio plena & absoluta justitia revelatur, tam in remissione peccatorum, quàm in operatione virtutum: sed talis justitia in hac vitæ miseria non præstat, quia in multis offendunt omnes, & semper habent cur dicant: *Dimitte nobis debita nostra*; nec tamen fraudandi sunt appellatione justorum, quia licet non habeant absolutam & plenam hujus nominis proprietatem, tamen justo Dei judicio, in quo non obliviscetur misereri Deus, expectant veteris justitiæ mercedem, si modò usque ad finem vitæ hujus ab iis operibus abstinere de quibus scriptum est, quòd qui talia agunt regnum Dei non consequentur. Nam si in hac vitæ miseria propter spem salvi facti dicuntur fideles adhuc tam multis calamitatibus obnoxii, quantò magis justii dicendi sunt, etiam si nondum sint in justitia perfecti? Sicut ergo appellationi justitiæ non obstat quorundam leviorum peccatorum, quæ à regno Dei non excludunt, nondum facta remissio, licet in remissione peccatorum sita sit justitia: sic nec eidem appellationi adversatur quorundam mandatorum Dei levior transgressio, etiam si in legis obedientia sita esse dicatur; quia neutrum impedit quominus tandem perveniatur ad veram justitiæ mercedem: sicut suprà latius ostendimus.

Decimum argumentum.

Quid sibi amabò volunt istæ locutiones, sine lege manifestatam esse justitiam, justificari gratis hominem, & sine operibus legis.

Responsio.

Hæ locutiones id volunt quod sæpius diximus, nempe quòd vera Dei justitia, quæ tempore veteris testamenti tanquam pluvia latens in vellere erat occulta, nunc autem tempore novi testamenti, vellere siccato & Judaico populo reprobo, tanquam pluvia in arca patens in filiis promissionis omnibus apparet manifesta. Justitia, inquam, sine lege, id est, non quam suis viribus præstent adjuti solâ legis cognitione, sicut præsumebant superbi Judæi, sed quam illis sine præviis meritis ex gratuita promissione impartitur Deus. Unde etiam gratis justificari dicuntur & sine operibus legis, quia fidem synceram, peccatorum remissionem, & veram legis obedientiam, in qua Dei justitia consistit, non acceperunt ex aliquo præcedentium suorum operum merito, sed ex gratuito Dei dono, reddentis bona pro malis, & impios ac rebelles ad fidem veram & vitam sanctam misericorditer convertentis. Sed quia hanc doctrinam non recipit Calvinus, idèd non intelligit quid sibi velit Apostolus.

Undecimum argumentum.

Per legem cognitio peccati, & lex iram operatur, non justitiam: igitur in operibus non est justitia. Rom. 1.
Rom. 4.

Responsio.

Scimus lege tantum fieri, ut quid Deus fieri velit audiatur: sed quando gratia fit ut legi obediatur, tunc negari non debet quin factores legis ex operibus bonis justificentur, quæ non operatur lex, sed gratia; quia qui facit justitiam, justus est. Nec cum Calvino in illud incurrere debemus, quod Catholicis olim improperabant Pelagiani, nempe legem non ob hoc datam fuisse, ut justificaret obediens, sed ut gravior fieret causa peccati; de quibus Augustinus: *Contra 2. epi. Pelag. lib. 1. c. 2.* Prorsus non intelligunt, inquit, quid de lege dicamus; quis enim dicat non justificari eos qui sunt legi obediens? sed dicimus lege fieri, ut Deus quid fieri velit audiatur, gratia verò fieri, ut obediatur: *Non enim auditores legis, ait Apostolus, justi sunt apud Deum, sed factores legis justificabuntur.* Rom. 2.

Duodecimum argumentum.

Ei qui operatur non imputatur merces secundum gratiam; sed secundum debitum: Rom. 4. justitia autem gratuita est: igitur nulla est fidei justitia, nisi ubi nulla sunt opera quibus merces debeatur.

Responsio.

Ei qui ex semetipso quæ justa sunt operatur, (sicut præsumebant Judæi solâ
Q legi

legis cognitione adjuvati) neque justitia quam operatur, neque justitiæ merces gratia est, sed simpliciter debitum: sed ei in quo Deus per fidem quæ justa sunt operatur, non solum ipsa operum justitia, sed etiam justitiæ merces est gratia. Nam *vita æterna*, inquit Augustinus, *quæ meritis præcedentibus redditur*, (quia eadem merita quibus redditur, à nobis parata non sunt per nostram sufficientiam, sed in nobis facta per gratiam) *etiam ipsa gratia nuncupatur: nec ided quia meritis non datur, sed quia data sunt & ipsa merita quibus datur*. Propterea nihil prohibet ibi gratuitam reperiri fidei justitiam, ubi sunt bona opera quibus merces debeatur: quia bona opera usque aded sunt gratuita, ut & merces quæ eis justo Dei judicio tribuitur, rectè etiam gratia nuncupetur.

Argumentum decimum tertium.

'Apostolus justitiam & reconciliationem promiscuè nominat, ut 2 Cor. 5: *Deus erat in Christo, mundum reconcilians sibi*, non reputans illis delicta ipsorum. Ad Rom. 4. *Beatus cui non imputavit Dominus peccatum*. Actor. 13. Per hunc remissio peccatorum annuntiatur ab omnibus, à quibus non potuistis justificari in lege Moyfi: igitur justitia solum constat remissione peccatorum.

Responsio.

Simili ratione colligas, justitiam nihil aliud esse quàm legis obedientiam; quia Scriptura sacra hæc duo sæpius permiscet, ut ad Hebræos cap. 11. *Sancti per fidem vicerunt regna, operati sunt justitiam: Qui facit justitiam, justus est*. Et, in omni gente qui timet Deum, & operatur justitiam, acceptus est illi. Et, Si præputium justitias legis custodiat. Et, Deus misit filium suum in similitudinem carnis peccati, ut justificatio legis impleretur in nobis, qui non secundum carnem, sed secundum spiritum ambulamus. Et, Factores legis justificabuntur: & alibi sæpius. Quapropter sicut ex his Scripturis justitiam non in sola legis obedientia ponimus; sic nec Calvinus ex illis prioribus intelligere debet, eam in sola peccatorum venia consistere, sed simul in utroque: sicut etiam manifestè continet ea sententia, quam perscriptâ fronte hoc eodem loco pro suo errore ex Augustino profert; sic enim habet: Justitia tanta est in hac vita, ut magis constet remissione peccatorum quàm perfectione virtutum. Ubi manifestè significat quòd hujus vitæ justitia simul duobus his consistet, videlicet remissione peccatorum & perfectione virtutum.

Argumentum decimum quartum.

2 Cor. 5. *Eum qui non noverat peccatum, Deus pro nobis peccatum fecit, ut efficeremur justitia Dei in Christo*: igitur non in nobis, sed in Christo est justitia nostra.

Responsio.

Sicut paulatim efficitur justitia Dei in Christo, sic in ipso edocti sumus, oportet.

oportere nos deponere veterem hominem secundum pristinam conversationem, & induere novum qui est creatus in iustitia & sanctitate veritatis, ut ait Apost. & tamen hanc doctrinam in nobis habemus, licet non nisi ejus munere, qui factus est nobis sapientia, & iustitia, & justificatio, & redemptio: igitur licet paulatim efficiamur iustitia Dei in Christo, tamen nihil prohibet quominus renovati spiritu mentis nostræ hanc iustitiam in nobis habeamus, quam non nisi illius munere, de cujus plenitudine omnes accepimus. Hoc enim à nobis exigit Apostolus, ut antè omnia expoliamus nos veterem hominem cum actibus suis, & induamus novum qui secundum Deum creatus est; id quod etiam monet Hier. cum ait: *Novate vobis novale, & nolite serere super spinas.* Cæterum cum hæc Apostoli sententia quam Calvinus protulit, non loquatur de iustitia hujus vitæ quæ imperfecta est, sed de iustitia regni cælorum, ubi Christus exhibebit Ecclesiam suam gloriosam, non habentem maculam aut rugam, sed omni ex parte, ut iustitia dici mereatur, justam & perfectam; mirum est quomodo eam protulerit, ut ostenderet fideles non dici justos nisi extrinsecè Christi iustitiâ, cum nec ipse ed insanix perductus sit, ut existimer cives regni cælestis, cum erunt iustitia Dei in Christo, id est, omnino perfectè justî & æquales angelis Dei, extrinsecè duntaxat fore justos, sed suâ internâ renovatione à perfectâ omnium spinarum eradicatione. Sicut igitur cives regni cælestis erunt iustitia Dei in Christo cum erunt omnino perfectè & intrinsecè justî: sic & fideles in hac vita sensim efficiuntur iustitia Dei in Christo, quando internâ iustitiâ & quotidianâ renovatione, illius munere perficiuntur, etiamsi ad summam perfectionem in hac vita non perducantur.

Argumentum decimum quintum.

Cum ait Apostolus: *Sicut per inobedientiam unius hominis, peccatores constituti sunt multi: ita & per unius obedientiam justî constituuntur multi:* quid aliud est in Christi obedientia collocare nostram iustitiam, nisi asserere eo solo nos esse justos, quia Christi obedientia nobis accepta fertur ac si nostra esset?

Responsio.

In ea Apostoli similitudine quam Calvinus pro se protulit, usque aded significatur, nos eo modo in Christo justificari, sicut in Adam peccatores sumus effecti: ut D. Augustinus, adversus eos qui peccatum originis in imitatione constituebant, sic colligat: Sicut ille in quo omnes vivificabantur, præterquam quod se ad justitiam exemplum imitantibus præbuit, dat etiam sui spiritus occultissimam fidelibus gratiam, quam latenter infundit & parvulis: sic & ille in quo omnes moriuntur, præterquam quod eis qui præceptum Domini voluntate transgrediuntur imitationis exemplum est, occultâ etiam tabe carnalis concupiscentiæ suæ tabificavit in se omnes de sua stirpe venientes: sed Calvinus fatetur ingenuè, nos in Adam verè & intrinsecè factos esse peccatores: igitur ex hac Apostoli similitudine non solum non evincit quod præten-

dit. videlicet nos à Christi iustitia extrinsecè duntaxat justos dici, sed etiam nobis imprudens suggerit quid adversùs eum proferre debeamus, ut hinc apertum ejus errorem manifestissimè revincamus. Sic enim rectissimè colligimus: sicut per inobedientiam unius hominis peccatores constituti sunt multi, ita & per unius obedientiam justī constituuntur multi: sed per unius inobedientiam multi constituuntur intrinsecè peccatores, infecti occultâ tabe concupiscentiæ: igitur per unius obedientiam multi constituuntur intrinsecè justī, renovati occultâ inspiratione gratiæ. Ad extrinsecam justificationem comprobendam, cuipiam fortasse vicinior videretur ea similitudo quam adjecit de Jacob occultato sub habitu fratris sui Esau, volens significare nos manentes iniquos sic indui iustitiâ Christi, sicut Jacob manens qualis erat indutus est vestibus Esau; nisi ex sacris Scripturis didicissemus, nos Christum induere non tantum remissione peccatorum, quasi videlicet peccata in nobis permanentia remittantur, sed etiam operatione virtutum, quâ vitii exuti veram & intrinsecam iustitiam induimus, juxta illud: Induimini Dominum nostrum Jesum Christum, & carnis curam ne feceritis in desideriis. Et rursus: Hoc igitur dico & testificor in Domino, ut jam non ambuletis sicut & gentes ambulant. Renovamini autem spiritu mentis vestræ, & induite novum hominem, qui secundum Deum creatus est, in iustitia & sanctitate veritatis, &c. Induite ergo vos, sicut electi Dei sancti & dilecti, viscera misericordiæ, benignitatem, humilitatem, modestiam, &c. Et ideò nec hâc similitudine efficit quod prætendit.

Rom. 13.

Ephes. 4.

Galos. 3.

Argumentum decimum sextum.

Deo nihil acceptum est, nisi omni ex parte integrum & absolutum nullâque forde coinquinatum: sed in homine nihil tale reperitur: igitur in homine nullum invenitur opus justitiæ à quo justus dici queat, sed tantum in Christo.

Responsio.

Hic aggreditur Calvinus quod suprâ secundo loco ab hæreticis diximus prætendi, ut persuaderent Sanctos non aliquo sibi opere intrinsecò justos fuisse, sed solâ peccatorum remissione & extrinsecâ Christi virtute: nempe omnia Sanctorum opera peccata esse, à quibus nemo justus dicitur, sed magis injustus. Verum huic suæ subsumptioni mirâ oblivione, seu potius cæcitate præmisit, quodd Deo nihil acceptum sit nisi ex omni parte integrum & absolutum nullaque forde inquinatum; quia in Scripturis sacris plurima Deo placere & accepta esse legimus, secundum quod prædixit Malachias: *Placebit Domino sacrificium Jude & Hierusalem sicut dies saculi, & sicut anni antiqui.* Ait enim Sapiens: *Sapientia custodiet me in potentia sua, & erunt accepta opera mea.* Erratum: *Sacrificium justī acceptum est.* Et Paulus Apostolus: *Repletus sum acceptis ab Epaphrodito quæ missis, in odorem suavitatis, hostiam acceptam, placentem Deo.* Et rursus: *Obsecro igitur primum fieri obsecrationes, orationes, postulationes, gratiarum actiones pro omnibus hominibus, &c. hoc enim bonum est & acceptum*

Malach. 3.

Sapient. 9.

Eccli. 35.

Philip. 4.

1 Tim. 2.

coram

coram salvatore nostro Deo. Et iterum: Si qua vidua filios habet aut nepotes, dis- 1 Tim. 5.
cant primum domum suam regere, & mutuam vicem reddere parentibus: hoc enim as-
ceptum est coram Deo: & alia multa; quæ si definitivæ illi sententiæ jungamus,
quæ dicit Calvinus nihil Deo esse acceptum, nisi omni ex parte integrum & ab-
solutum nullâque sorde inquinatum, quis non statim intelligat evidentissimè se-
qui, hæc quæ Scriptura sacra Deo fuisse accepta commendat, omni ex parte in-
tegra fuisse & absoluta nullâque sorde inquinata? Fatemur ergo nihil Deo esse
acceptum, nisi quod nullâ sorde peccati est inquinatum, quia peccata Deo ac-
cepta esse non possunt: sed negamus omnia Sanctorum merita esse aliquâ pec-
cati sorde inquinata, quia ex Scripturis sacris, quæ multa Deo accepta fuisse
testantur, contra Calvinum manifestissimè colligimus, ipsa nullâ peccati sor-
de fuisse inquinata: nam si aliquâ sorde inquinata fuissent, etiam Calvinus teste,
Deo accepta non fuissent, nec ad patientiam pertinerent, de qua scriptum
est, quod opus perfectum habet.

Sed obijcitur: Sancti nunquam carent concupiscentiâ malâ: igitur quæ-
cunque spiritu Dei operantur, necessarium est concupiscentiâ malâ inqui-
nentur.

Jacobi 1.

Responsio.

Fieri potest, inquit Augustinus, ut insit concupiscentiâ malâ, & nullâ sit tenta- Lib. 6. con-
tra Iulian.
cap. 8.
tione commota, sicut insit timiditas homini timido & quando non timet. Quapro-
pter ea quæ in Sanctis absque omni commotione inhabitantis concupiscentiæ
à Spiritu sancto fiunt, necessum est ut nullâ sorde inquinentur, nisi dicere ve-
limus Spiritum sanctum esse inquinamenti authorem. Non enim vos estis qui Macth. 10.
loquimini, inquit Christus, sed Spiritus sanctus qui loquitur in vobis: &
Spiritus sanctus postulat pro nobis gemitibus inenarrabilibus; & alia sexcenta, Rom. 8.
quæ passim in Scripturis sacris reperiuntur. Quando verò nolentibus Sanctis,
bonis eorum operibus ingerit se aliquid malæ cupiditatis quod mundum dici
non potest, adhuc tamen mundum est quod operantur, seu quod Spiritus san-
ctus pereos operatur; quia malum illum cupiditatis affectum, neque spiritus
Christi, neque ipsi in semetipsis operantur, sed quod habitat in eis peccatum.
Quapropter Apostolus non tantum dixit, conjugium honorabile in omnibus, Hebr. 13.
sed addidit, torus immaculatus, ut significaret etiam illud opus quod constar
non posse carere concupiscentiæ malo, posse tamen carere peccato: nimirum
si concupiscentiæ nulla ex parte consentiatur: quia nihil est damnationis in iis
qui sunt in Christo Jesu, qui non secundum carnem ambulant. Ubi verò San- Rom. 8.
ctis aliqua ex parte consentientibus, bonis eorum operibus aliquid malæ cupi-
ditatis accedit, sic ut sciat sinistra quid faciat dextra, tunc sine dubio quæ alio-
qui bene fiunt, ratione circumstantiæ aliqua ex parte contaminantur. Sed ab-
sit ut talia sint omnia Sanctorum opera, qui Deum ex toto corde quæsis-
sive le-
guntur, & multa Deo accepta fecisse, licet vitam hanc mortalem absque pec-
catis non transegerint, quæ Deus illis quotidie pacto dominicæ orationis in-
dulgeret.

Argumentum decimum septimum.

*Aug. lib. 3.
contr. duas
epist. Pelag.
cap. 5.
1 Tim. 2.*

Omnia piorum sub hoc onere corruptibilis carnis & in hac vitæ infirmitate gementium una spes est, quod mediatorem unum habemus Jesum Christum, & ipse est exoratio pro peccatis nostris: si unica hæc illis spes est, ubi operum fiducia.

Responsio.

*Lib. 2. de
pre. mer.
cap. 3.
Jacobi 2.*

Et si Sancti in hac vitâ plurima bona opera faciant, tamen propter delicta sine quibus non vivunt, in die judicii nulla esset illis salutis fiducia, nisi ob misericordiam, quam in hac vita faciunt, sperarent judicium cum misericordia: sicut apertissime docet Augustinus: Quis, inquit, cum aliqua spe adipiscendæ salutis æternæ de hac vitâ migraret, manente illâ sententiâ, quod quicumque totam legem servaverit, offendit autem in uno, factus est omnium reus, nisi post paululum sequeretur: Sic loquimini, & sic facite, tanquam per legem libertatis incipientes judicari? Judicium enim sine misericordia illi, qui non facit misericordiam: superexultat autem misericordia judicio. Quanquam igitur magna sit in operibus fiducia, de qua ait Joannes: Charissimi, si cor nostrum non reprehenderit nos, fiduciam habemus ad Deum; & quicquid petierimus, accipiemus ab eo, quoniam mandata ejus custodimus; de qua etiam Tobias; fiducia magna erit coram summo Deo eleemosyna omnibus facientibus eam: tamen quia occultis Dei legibus constitutum est, ut nulla sit iniquitas impunita, nisi quam sanguis mediatoris expiaverit, rectè docet Augustinus, quod propter peccata sine quibus hæc vita non ducitur, omnium Sanctorum in hac carnis infirmitate gementium una spes est, quod Christus sit nostrorum propitiator peccatorum: sed hanc propitiationem frustra sperarent Sancti, si in hac vitâ nulla bona opera facerent, propter quæ hanc misericordiam sperarent; quia judicium sine misericordia erit illi, qui non facit misericordiam. Sed quod pro leviorum peccatorum remissione, quæ etiam in judicio necessaria erit, dicit Augustinus, hoc ad bonorum operum injuriam torquere conatur hæreticus.

Jacobi 2.

Argumentum decimum octavum.

*Serm. 61.
super Cantica.*

Meritum meum, inquit Bernardus, miseratio Domini est: igitur nullum est meritum, nisi remissio peccatorum.

Responsio.

Divus Bernardus eo sermone nos monet, ut non cantemus opera justitiæ quæ fecimus nos, scilicet ex nobis, sed justitias Dei solius, cujus misericordia & Sanctus prævenit ut velint, (nam attrahit eos miserans) & subsequitur ne frustra velint: sed Calvinus verbis ejus insidians, miserationem Domini non in

in operibus justitiæ cum fidelibus intelligi voluit, sed cum Pelagio in sola peccatorum remissione; quod quàm alienum sit à doctrina Apostolica jam sæpius ostendimus.

Argumentum decimum nonum.

Si justificare me voluero, os meum condemnabit me: quando igitur opera sua dignitate censentur, non sunt nisi iniquitates & sordēs.

Responsio.

Quia in hac vita mortali sine peccato non vivitur, idèd quisque Sanctorum ex perfecta & exacta justitiæ regula sese metiens, quæ requirit ut justus ab omni peccato sit immunis, etiam multorum bonorum operum sibi conscius sit, justum se tamen pronuntiare non audet: quia simul intelligit, quantùm sibi ad perfectam justitiam desit: sed quod dictum est propter delicta sine quibus non transigitur hæc vita, id Calvinus conatur extendere ad universa Sanctorum opera; quod quàm sit vanum facile quivis intelligit. Et licet omnes nos quasi oves erraverimus, unusquisque juxta viam suam, sicut ex Esaia commemorat; tamen qui juxta Petri testimonium conversi sunt nunc ad pastorem & episcopum animarum suarum, per eum qui venit quærere & salvum facere quod perierat, deducuntur super semitas justitiæ.

*Isa. 53.
1 Pet. 2.*

*Luc. 19.
Psalm. 22.*

Argumentum vigesimum.

Nulla humiliandi nostri ratio est, nisi ut toti inopes & vacui Dei misericordię locum demus.

Responsio.

Duplex est humiliandi nostri ratio: altera quā nos veraciter agnoscimus, & humiliter confitemur non esse quod non sumus, sicut Publicanus agnovit & humiliter confessus est se justitiam non habere quā carebat, prostendo se peccatorem: altera verò quā agnoscimus, unde accepimus quod nos habere sentimus, dicentes cum Apostolo: Nos enim non spiritum hujus mundi accepimus, ut videlicet superbè nobis tribuamus quod accepimus, sed spiritum qui ex Deo est, ut sciamus quæ à Deo donata sunt nobis. Hoc posteriori modo, auditis divinis muneribus sibi datis, humiliavit se virgo Maria, cum ait: *Magnificat anima mea Dominum: & exultavit spiritus meus in Deo salutari meo; quia fecit mihi magna qui potens est, & sanctum nomen ejus. Licet enim melior sis, inquit Augustinus, qui novis à quo speret quod nondum habet, quàm qui sibi tribuit quod habet: attamen utriusque horum præferendus est qui & habet & novis à quo habet.* Etrursus: *Arguens, inquit, superbiam Apostolus, non ait: Non habes; sed ait: Quid enim habes quod non accepisti? Non argueris quod dicebas te habere quod habebas: sed quia ex te sibi volebas esse quod habebas: imò & habere te agnosce, & ex*

Luc. 18.

1 Cor. 2.

Luc. 1.

*De Spiritu
& liti.
cap. 13.*

In Ps. 135.

1 Cor. 4.

te nihil habere, ut nec superbus sis, nec ingratus. Quamquam igitur rectè commendetur Publicani humilitas, qui se quod non erat veraciter & humiliter non esse confessus est: attamen vituperanda esset Sanctorum ingratitudo, si affectantes videri esse humiles, id se esse negarent quod Deo miserante acceperunt: sed necessum est ut & se habere confiteantur quod habent, & ex se non habere, ne cum Cassiano & discipulo ejus Calvino, veritatem humilitatis in mendacio constituent.

Argumentum vigesimum primum.

Luc. 18.

Publicanus legitimæ humilitatis imaginem nobis repræsentavit, ex adverso Phariseus, quamvis apertâ confessione agnoscit Dei donum esse quam habebat justitiam, quia tamen se justum esse confidit, discedit à facie Dei ingratus & odiosus: igitur justitia non in operibus, sed in sola remissione peccatorum consistit.

Responsio.

Humilitatem Publicani, quâ se agnovit non esse quod non erat, hoc est; Dei oculis non esse dignum, non immeritò probamus, præsertim quia nulla suppetebant ei bonorum operum suffragia, in quibus Deum glorificare posset. Sed nec improbanda est beatæ Mariæ humilitas, quæ ab Elizabeth prædicata, non in alienis laudibus se extulit, sed Deum in suis muneribus glorificavit. Quia sicut Publicanus humiliter agnovit se non esse quod non erat: sic & ista humiliter se accepisse confessa est quod acceperat. Nec improbatur Phariseus, quia de his quæ habebat Deo gratias agebat, (sitamen habebat quæ se habere jactabat,) sed quia velut saturatus, inquit Augustinus nihil sibi addid justitiam jam petebat, & quia Publicano esurienti & sitienti justitiam, quasi ipse jam plenam haberet, per superbiam insultabat; denique quia Deum tantum usque ad se divitem esse volebat, nec idem etiam Publicano postulabat. Nam si ex eo displicuisset, quoddam de justitia quam verè habuisset gratias Deo egisset, tunc multo odiosior fuisset Ezechias, quando fiduciam habens accipendi à Domino petitionem quam postulabat, quia mandata ejus custodierat & quæ sunt placita coram eo fecerat, oravit dicens: Obsecro Domine, memento quæso quomodo ambulaverim coram te in veritate & in corde perfectò, & quod placitum est coram te fecerim. Et tamen non discessit à facie Domini ingratus & odiosus, sed audivit Deus orationem ejus, & sanavit eum, addiditque diebus ejus quindecim annos, sicut Scriptura sacra testatur. Similiter & Apostolus Paulus, cum ait: *Gloria nostra hæc est, testimonium conscientia nostra, quoddam in simplicitate cordis & sinceritate Dei, & non in sapientia carnali, sed in Dei gratia conver sati sumus in hoc mundo, abundantius autem ad vos; non recedebat à veræ humilitatis imagine, nec cum Phariseo in se quoddam justus esset confidebat, quia cum timore Deo serviebat, & exultabat ei cum tremore, castigans corpus suum & in servitutem redigens, ne fortè cum aliis prædicasset, ipse reprobus efficeretur: imò recedit potius Calvinus ipse cum suis discipu-*

*De pecc.
mer. lib. 2.
cap. 5.
De spir. &
lit. cap. 13.
Aug. lib.
50. hom. 2.*

4 Reg. 20.

2 Cor. 1.

Psal. 2.

2. Cor. 9.

lis, qui usque adeo in se confidunt quod justii sint, ut non tantum de presenti justitia, sed etiam de futura gloria se certos & securos esse pronuntient. Ex quo sane non immerito conjicimus, quod postquam nemine jubente ex loco infimo nunc superius ascenderunt, & ex damnatorum miseria sese in electorum fastigia transtulerunt, ceteros sibi dissimiles despiciant, & tanquam perditos aut de futuro salute dubios contemnunt, ut superbum Phariseum, non quidem vivendi probitate, cui passim adversantur, sed luxuriandi licentiâ & præsumptione superbiæ incomparabiliter superent.

Luc. 14.

Argumentum vigesimum secundum.

Curandum est ut Domino illibata constet sua gloria: conscientiiis verò nostris coram ipsius judicio placida quies & serena tranquillitas: igitur in operibus bonis nulla statuenda est justitiæ fiducia.

Responsio.

Non potest Domino sua gloria constare illibata, si tantum glorificetur in remissione peccatorum: quia tunc ab ea gloria excluditur, de qua ait Christus in Evangelio: Sic luceat lux vestra coram hominibus, ut videant opera vestra bona, & glorificent patrem vestrum qui in cœlis est; de qua & Apostolus: *Ex ipso autem vos estis in Christo Jesu, qui factus est nobis sapientia, & justitia, & sanctificatio, & redemptio, ut, quemadmodum scriptum est, qui gloriatur in Domino gloriatur; & quâ glorificavit eum Psalmita, dicens: Quoniam tu es patientia mea, Domine, spes mea à juventute mea.* Quapropter si Calvinus non simulatè, sed verè studet Domino gloriam suam integram servare & illibatam, necessum est ut patiat eum glorificari, non tantum in remissione peccatorum, sed etiam in bonis operibus Sanctorum, in quibus eos creavit, & quæ præparavit ut in illis ambulent: quia valde impia sunt & divinæ gloriæ contraria quæ hic contendit Calvinus, nempe Deum in operibus bonis quæ facit non debere glorificari, & ipsa esse opera injustitiæ. Porro licet ad placidam quietem & serenam conscientiam tranquillitatem necessaria sit præcedentium remissio peccatorum, (juxta illud Apostoli: *Justificati ex fide pacem habemus ad Deum; & Gloria in excelsis Deo, & in terra pax hominibus bonæ voluntatis,*) tamen quantum illam in fidelibus sanctis adjuvet vitæ bene actæ recordatio satis ostendit Joannes, cum ait: *Charissimi, si cor nostrum non reprobaverit nos, fiduciam habemus ad Deum, & quicquid petierimus, accipiemus ab eo: quoniam mandata ejus custodimus, & quæ placita sunt coram eo facimus.* Similiter Apostolus Paulus: *Gloria nostra, inquit, hæc est, testimonium conscientiæ nostræ, quod in simplicitate cordis & sinceritate Dei, & non sapientia carnali, sed in gratia Dei conversati sumus in hoc mundo.* Sed Calvinus volens discipulos suos de felicitate æterna securos facere, & eis non fiduciam bonam, sicut habent Sancti in loco certaminis, sed plenam securitatem tribuere, qualem videlicet finito certamine suis daturus est Christus in loco pacis, securitatis suæ fundamentum in arena collocat, docens ad hanc

Matt. 5.

1 Cor. 1.

Hier. 9.

Psal. 70.

Ephes. 2.

Rom. 5.

Luc. 2.

1 Joan. 3.

2 Cor. 1.

sufficere, si Christi verba audiantur & credantur, etiamsi opere non impleantur.

Argumentum vigesimum tertium.

Adversus Deum gloriatur quicumque in se gloriatur: igitur in operibus nulla est justitia.

Responsio.

- Rom. 3.* Omnes peccaverunt, & egent gloria Dei, non suâ: sed sicut non in se gloriatur qui se profitetur habere fidem, quia illi gloriam tribuit qui fidem dedit, sic nec in se gloriatur qui se fatetur habere opera justitiæ, quia illi totam gloriam tribuit, à quo se illa accepisse humiliter agnoscit: sicuti agnoscebat qui dixit:
- 1 Cor. 15.* Plus omnibus laboravi, non ego, sed gratia Dei mecum, seu in me. Et, Non audeo aliquid loqui eorum, quæ per me non effecit Christus. Id quod eum docuerat qui dixit: Non vos estis qui loquimini, sed Spiritus sanctus qui loquitur in vobis.

Argumentum vigesimum quartum.

- Rom. 4.* Si ex lege hæreditas, exinanita est fides, abolita est promissio: igitur in operibus nulla est fiducia justitiæ.

Responsio.

- Hic rursus præsupponit Calvinus quod suprà satis explosimus, omnem legis obedientiam ab Apostolo vocari justitiam ex lege, cum tamen manifestissimum sit, Sanctos qui per fidem operati sunt justitiam, non ex lege, sed ex fide vixisse, & justitiæ quæ per fidem est hæredes fuisse institutos, sicuti ad Hebræos legimus. Ac proinde licet exinanita sit fides & abolita promissio si ex lege sit hæreditas, tamen salva & integra permanet si ex operibus fidei esse dicatur, quæ ipsi fidei cooperantur & ex quibus fides ipsa consummatur, sicuti ait Jacobus Apostolus.

Argumentum vigesimum quintum.

Scriptura docet, non esse firmas promissiones nisi certâ conscientiæ fiduciâ accipiantur: sed conscientia vacillat & fluctuat si operibus incumbamus: igitur si opera in considerationem veniant, perit promissio: ex quo ulterius infert, quod sola fides locum habeat, quæ nos soli promissioni intentos faciat, & cogitationem avertat ab omni hominis dignitate.

Responsio.

- Rom. 11.* In se & coram Deo semper certa est nec ulla ex parte rescinditur divina promissio; quia sine poenitentia sunt dona Dei & vocatio, id est, sine mutatione immobiliter fixa, inquit Augustinus, Nam manet prorsus & quotidie impletur, inquit

inquit Prosper, quod Abraham Dominus sine conditione promisit, sine lege donavit. *De grad. p. San. 2. 16. Lab. 1. de voc. gent. cap. 3.* Quia etsi quidam quibus hæc prædicata sunt non crediderunt, incredulitas eorum fidem Dei non evacuavit. Et licet Hymenæus & Philletus à veritate exciderint, tamen firmum Dei fundamentum stat, inquit Apostolus: Habens signaculum hoc, novit Dominus qui sunt sui. Nam quos præscivit, hos & prædestinavit conformes fieri imaginis filii sui: quos prædestinavit, hos & vocavit: & quos vocavit, hos & justificavit: quos autem justificavit, illos & glorificavit. Unde merito sequitur vox, non ad quemque fidelem, sicuti pueriliter imaginatur Calvinus, sed ad regnum electorum, inquit Augustinus: Si Deus pro nobis, quis contra nos. Quam fortis autem perseverantiæ usque in finem munus acceperint, sequantur, & dicant: Quis nos separabit à charitate Christi? tribulatio, an angustia, an persecutio? Certus sum enim, quoddam neque mors, neque vita, neque angeli, neque principatus, neque creatura alia poterit nos separare à charitate Dei, quæ est in Christo Jesu Domino nostro. *2 Tim. 2. Rom. 8. Infl. Cal. c. 5. fig. 9. De serv. & gra. cap. 7.*

Cæterum ad quos fundamentum hoc, id est, firmissima promissio & divinæ bonitatis immutabilis electio pertineat, quamdiu in hac vita sumus Deus nobis esse voluit occultum; aded ut propter hujus utilitatem secreti, etiam perseverantibus Sanctis sic in Scriptura sacra locutus sit, quasi eos perseveraturos habuisset incertum. „Quia hoc non aliter audire debent, inquit Augustinus, „quibus expedit non altum sapere, sed timere. Quis enim ex multitudine fidelium, „delium, quamdiu in hac mortalitate vivitur, in numero prædestinatorum „se esse præsumat? quia id occultari opus est in hoc loco, ubi sic cavenda est „elatio, ut etiam per satanæ angelum, ne extolleretur, tantus colaphizare- „tur Apostolus. Hinc & Apostolis dicebatur: Si manseris in me; dicente „illo qui illos utique sciebat esse mansuros; & per prophetam, Si volueris „Esa. 1. „Et audieris me; cum sciret ipse in quibus operaretur & velle; & similia multa dicuntur propter hujus utilitatem secreti, ne forte quis extollatur: sed „omnes etiam qui bene currunt timeant, dum occultum est quod perveniant. „Propter hujus ergo utilitatem secreti credendum est, quosdam de filiis perditionis, non accepto dono perseverandi usque in finem, in fide quæ per dilectionem operatur incipere vivere, & aliquamdiu fideliter ac justè vivere, „& postea cadere; neque de hac vita priusquam hoc eis contingat auferri. „Quorum si nemini contigisset, tam diu haberent homines istum saluberrimum timorem, quo vitium elationis opprimitur, donec ad Christi gratiam, „quæ piè vivitur, pervenirent, deinceps jam securi nunquam se ab illo esse „cafuros. Quæ præsumptio in isto tentationis loco non expedit, ubi tanta „est infirmitas, ut superbiam possit generare securitas. Denique etiam hoc „erit: sed tunc quod jam est in angelis, etiam in hominibus erit, quando ulla „superbia non erit. Et rursus: Hominibus videtur, omnes qui boni apparent fideles, perseverantiam usque in finem accipere debuisse: Deus autem „melius esse judicavit, miscere quosdam non perseveraturos certo numero „Sanctorum suorum, ut quibus non expedit in hujus vitæ tentatione securitas, non possint esse securi. Et infra: Ided quippe, sicut jam supra diximus, „inquit, non perseveraturi perseveraturis prudentissimâ Dei voluntate miscentur, ut esse discamus non alia sapientes, sed humilibus consentientes, „&

Rom. 12. „& cum metu & tremore nostram ipsorum salutem operari. Ac rursus: Se-
 Philip. 2. „curuses, inquit, de Deo quod non mutatur, de homine autem impruden-
 De catechi. „ter securus es. Et alibi: Quod Joannes in Apocalypsi addidit: Signavit super
 vndi. c. 25. „eum: significasse mihi videtur, inquit, quod occultum esse voluit, qui per-
 De civit. „tineant ad partem diaboli, & qui non pertineant. Hoc quippe in seculo
 Basil. 20. „istò prorsus latet, quia & qui videtur stare utrùm sit casurus, & qui vide-
 cap. 7. „tur jacere utrùm sit resurrecturus incertum est; hætenus Augustinus.
 Apoc. 20. „Quamquam igitur in hac vitæ miseria improbari debeat, & quantum fieri po-
 rest etiam per fidei vigorem, Deo nos confortante, timor ille secludi qui ex
 humana infirmitate & divinarum promissionum aut potentie dissidentia nasci-
 tur; qualis in Petro fuit, cum descendens de navicula, ambulabat super a-
 quam ut veniret ad Jesum: videns verò ventum validum timuit, & cum cœ-
 pissent mergi, clamavit dicens: Domine salvum me fac; & continuo Jesus ex-
 tendens manum suam, apprehendit manum, & ait: Modicæ fidei, quare
 dubitasti? Similiter in patre pueri lunatici, cum ait Christo: Si quid potes,
 Marc. 9. „adjuva nos, miseri nostri: nam Jesus ait illi: Si potes credere, omnia possibilia
 sunt credenti: tamen secundum Scripturas sacras non modò licitum est, sed &
 præceptum, ut alterius generis timore variis de causis timeamus, & de nostra
 salute securi non sumus. Prima est, ne fortè delictum aliquod nobis dimissum
 non sit, quod tamen remissum esse putamus; ait enim Sapiens: De propitia-
 to peccato noli esse sine metu. Secunda est, ne fortè coram Deo tales non simus
 Ex tribus „ quales nos esse præsumimus: Prævenim enim est cor hominis & inscrutabile;
 causis tri- „
 menda „
 damnatio. „
 Eccl. 5. „
 Hier. 17. „
 Eccl. 9. „
 1 Cor. 4. „
 Mibi autem pro minimo est, ut à vobis judicer, aut ab humano die. Sed neque meip-
 sum judico; nihil mihi conscius sum, sed non in hoc justificatus sum: qui autem judicat
 me, Dominus est. Itaque nolite ante tempus judicare, (nec alios videlicet, nec
 vos ipsos,) quoadusque veniat Dominus, qui & illuminabit abscondita tenebrarum,
 & manifestabit consilia cordium. Quia quandiu hic vivimus, inquit Augustinus,
 & nobis ipsis judicare non possumus: non dico quid craserimus, sed quid ho-
 die simus. Unde Job: Verebor, inquit, omnia opera mea, sciens quod non par-
 ceres delinquenti. Tertia causa timoris est, quod qualescunque nunc simus,
 Psal. 2. „ nescimus tamen quales postea futuri sumus; de qua Psalmista: Servite Domino
 in timore, & exultate ei cum tremore: ne quando trascatur Dominus, & pereatis
 de via justa. Similiter & Apostolus Paulus: Qui se existimat stare, videat ne
 1 Cor. 10. „ cadat. Et rursus: Timeamus ergo ne fortè relicta pollicitatione introeundi in requiem
 Mabr. 4. „ ejus, existimetur aliquis in nobis deesse. Et Joannes in Apocalypsi: Tene quod ha-
 bes, ut nemo accipiat coronam tuam; & alia multa, quorum nonnulla etiam su-
 per præmemoravimus. Nec existimandum est, per hanc saluberrimam timo-
 ris speciem, quâ in hoc vitæ stadio, ubi adhuc currentium incerta per-
 ventio est, etiam à bene currentibus non immeritò trepidatur, (juxta super-
 bum & imperitum Calvini commentum) nihil securitati decedere. Primum
 quidem, quia timor iste ex incertitudine provenit, qui non consistit cum se-
 curitate. Deinde, quia ad hoc etiam bene currentibus & per bona opera
 certam suam vocationem facere satagentibus, à Deo immititur ne currendo
 securi-

securitate fruuntur, & ex securitate superbia generetur, sicut suprà ex Augustino clarissimè monstravimus; quia infirmis animis periculosissimus hostis est securitas. Et denique, ut ait Prosper sentent. 181. non ejusdem est temporis labor pugnae & beatitudo victoriæ, sed alia debet esse certantium, alia eorum qui victores evaserunt conditio. Unde August. epist. 119. alia sunt solatia miserorum, alia gaudia beatorum; nam illorum est pro consequenda victoria & adipiscenda corona esse solliciti, istorum verò de parta victoria & adepta corona esse securos; illorum in loco certaminis cum omni armorum genere stare paratos ad pugnam, istorum in regione pacis cum palmis & coronis requiescere pacatos; illorum est de futuro cursus & certaminis eventu anxios trepidare, istorum de consummato cursu & perceptis coronis solidè & intrepidè gaudere; denique illorum est inter hostium cuneos parturire & intra segemiscere, & pro divino auxilio humiliter deprecari ne cadant, quia nemo est tantà firmitate suffultus, inquit Leo, ut de stabilitate debeat esse securus: horum verò pro impartita sibi redemptione cum lætitia & jubilo gratias agere, & non nisi sanctum timorem in sæculum sæculi permanentem habere, qui nihil aliud est quàm eximia quædam divinæ majestatis reverentia, cum securâ & constanti omnium earum rerum abominatione quæ illi summæ reverentiæ quoquo modo repugnant: quoniam, ut ait Prosper de vocat. lib. 2. cap. 28. in præsentis agonis incerto, ubi tota vita tentatio est, & ab insidiantis superbia nec ipsa est tuta victoria, mutabilitatis periculo non caretur. Et August. de civit. lib. 11. cap. 12. Quis enim hominum se in actione profectoque justitiæ perseveraturum usque in finem sciat, nisi aliquâ revelatione ab illo fiat certus, qui de hac re justo latenteque judicio non omnes instruit, sed neminem fallit. Sed Calvinus studens plurimos sibi discipulos adsciscere, omnem eis timorem adimit, nimirum ut sine ullo metu luxuriam possint habere securam, & perditissimis moribus remorâ omni formidine diffluere. Quapropter alibi præterea adversus tertiam hanc trepidationis causam objicit.

Ser. 5. in
Quadragesima.

Infl. Cal.
c. 5. signa
29. 30. 31.

Argumentum vigesimum sextum.

Apostolus generaliter de omnibus fidelibus ait: Nos autem non spiritum hujus mundi accepimus, sed spiritum qui ex Deo est, ut sciamus quæ à Deo donata sunt nobis: igitur non est temeraria præsumptio, sed divini muneris agnitio & professio veritatis, quòd fideles indubitatam voluntatis ac consilii divini notitiam de sua futura salute sibi arrogent, & circa eam omnem trepidationem excludant.

1 Cor. 1.

Responsio.

Quædam Dei dona ejusmodi sunt, ut non tantùm in piis & veris Dei filiis reperiantur, sed etiam in impiis idolorum cultoribus, ut æternæ virtutis atque divinitatis cognitio quæ fuit in gentilibus Philosophis idolorum cultoribus, & prophetia in Balaam. Verùm inter fideles & impios his Dei muneribus præditos hoc discrimen invenitur, quòd impii spiritu hujus mundi, id est, spiritu superbiæ inflati, quicquid in se boni conspiciunt aut se habere præsumunt,

hoc non Deo, sed suis studiis atque conatibus ascribunt; fideles verò spiritu Dei revelante ex Scripturis sacris didicerunt, quòd omnis sapientia à Domino Deo est; & quòd omne datum optimum, & omne donum perfectum de sursum est, descendens à patre luminum; & quòd Deus in Christo benedixit nos in omni benedictione spirituali in cœlestibus; quia non sumus sufficientes cogitare aliquid à nobis, quasi ex nobis. Hanc igitur differentiam inter fideles & impios generaliter nobis indicat Apostolus cùm ait: *Nos autem non spiritum hujus mundi accepimus, sed spiritum qui ex Deo est, ut sciamus quæ à Deo donata sunt nobis*: sicut ostendit Prosper, cùm ait: *Plenè & veraciter consistenda est gratia Dei, de cujus munere hoc primum est ut auxilium ipsum sentiat, propter quod dixit Apostolus*: Nos autem non spiritum hujus mundi accepimus, sed spiritum qui ex Deo est, ut sciamus quæ à Deo donata sunt nobis. Unde si quis est qui aliqua se habere existimet bona quorum non Deus largitor sit, sed ipse sibi auctor existat, manifestum est hunc non Dei spiritum habere, sed mundi, & de illa secularis sapientia tumere doctrina, de qua dicit Dominus: Perdam sapientiam sapientium, & prudentiam prudentium reprobabo. Adversus hanc igitur superbiam docet Apostolus eos qui verè fideles sunt, si quid boni habent, id non suis conatibus arrogare, sed spiritu Dei revelante cognoscere id semper esse Dei munus.

Cæterum quæ dona quisque fidelis particulariter acceperit, & quantum in unoquoque profecerit, id non revelatione divinâ, sed sensu, experientiâ, aut verisimili conjecturâ percipit. Verbi gratiâ, quòd fides & charitas Dei dona sunt, hoc quisque fidelis certissimè credit, quia id testatur Scriptura dicens, fidem Dei donum esse, & charitatem diffusam esse in cordibus nostris per Spiritum sanctum qui datus est nobis: sed quòd fidem & charitatem habeat, hoc credendo & amando sentit & videt; & an tantum credat & amet, ut præ justitia fortunas, honorem, & vitam præsentem contemnere queat, hoc tentatus experitur, & experientiâ non tantum aliis, sed etiam credenti, speranti, & amanti demonstratur: sicuti in B. Petro manifestum evasit, qui ignorans quantum Christum diligeret, animam suam se pro illo positurum esse præsumpsit, sed postea tentatus, experiendo cognovit se Christum minus amasse quàm putavit. Conjecturâ verò se quisque habere cognoscit, quæ in se neque sentire, neque experiri, sed ex antecedentibus tantum & subsequentibus indiciis colligere potest. Verbi gratiâ, quòd gratuito Dei munere peccatorum nostrorum remissionem acceperimus, id neque sentire, neque experiri valeamus: sed quia certissimâ fide credimus fideles, qui ad Deum verè conversi baptizantur & absolvuntur, remissionem peccatorum accipere, idè ex variis indiciis conjicimus & confidimus, accepisse nos remissionem peccatorum. Tamen quia indicia quæ nobis inesse sentimus, non omnino certam veræ conversionis fidem faciunt, (pravum est enim cor hominis & inscrutabile,) idè ait Sapiens: De propitiato peccato noli esse sine metu. Sed demus jam dicto Apostoli testimonio doceri, quemque verè fidelem Spiritu sancto revelante, non tantum nosse quòd dona sint Dei si qua in se habet, sed & nosse quæ dona à Deo acceperit & quantum in unoquoque profecerit, nunquid ob id nosse eum oportebit, an habiturus sit perseverantiam usque in finem vitæ hujus, quam nondum accepit? Neque enim dici potest accepisse perseverantiam

Eccles. 1.

Jacob. 1.

Ephes. 1.

2 Cor. 3.

1 Cor. 2.

Amd
Ambros.
epist. 14.

1 Cor. 1.

Joan. 13.

Hier. 17.

Eccles. 5.

tiam usque in finem vitæ hujus, nisi qui usque in finem perseveravit, ut juxta Christi promissum salvus sit. Quomocunque igitur intelligatur jam dictum Apostoli testimonium, nihil tamen ad eam securitatem pertinet, quam de futura sua salute, contra Scripturam sacram & veterum Sanctorum scripta, insistentissime sibi arrogat hæretici. Matt. 10. & 24.

Argumentum vigesimum septimum.

Ipse spiritus reddit testimonium spiritui nostro, quod sumus filii Dei: igitur verè fideles debent id certò credere. Rom. 8.

Responsio.

Spiritus sanctus per sancta desideria & alia pietatis argumenta spiritui nostro testatur, quod sumus filii Dei usque in finem vitæ hujus in vero Dei cultu perseveraturi; (justum est enim sentire, quod qui cœpit in nobis opus bonum perficiet usque in diem Christi Jesu;) sed quia testimonium hoc non consistit in revelatione prophetica, sed in verisimilibus duntaxat justitiæ præsentis & futuræ nostræ salutis indiciis, idè ex ejusmodi testimoniis, non absolutâ certitudine, sed spe tantum salvi facti sumus, timentes ne forè relicta pollicitatione introeundi in requiem ejus, existimetur aliquis in nobis deesse: sicut ad Hebræos legitur. Philip. 1. Rom. 4. Cap. 4.

Argumentum vigesimum octavum.

Apostolus ait: *Vosmetipsos tentate si estis in fide, ipsi vos probate:* igitur potest quisque fideliter sibi arrogare certam divini consilii notitiam. 1 Cor. 13.

Responsio.

Ququam aliud sit nosse utrùm quis sit in fide, aliud an usque in finem perseveraturus sit in fide & futurus salvus: tamen tentare & probare utrùm quis sit in fide, non est certâ id revelatione discere, sed ex variis indiciis, quæ quisque probando in se experitur, ejus rei conjecturam facere. Deinde, ut dixi, testimonium istud de præsentis justitia loquitur, non de perseverantia aut salute futura.

Argumentum vigesimum nonum.

Apost. Rom. 8. ostendens, quæ bona in commune universis fidelibus ex fide proveniant, ait: *Certum sum quod neque mors, neque vita, neque creatura alia poterit nos separare à charitate Dei, quæ est in Christo Jesu Domino nostro:* ergo verè fideles sunt de salute securi.

Responsio.

Hoc Apostoli testimonium, quod de certitudine perseverantiæ loquitur, pro-

- propolis ad rem accedere videtur, quàm reliqua quæ non loquuntur nisi de presenti gratia. In hoc tamen fallitur Calvinus, dum universis fidelibus in commune tribuit, quod Apostolus peculiariter de prædestinatis dicit: de quibus ait Christus: *Non rapies eos quisquam de manu mea.* Neque enim eo loco ostendit Apostolus, quæ bona jam factis fidelibus ex fide proveniant, sicut imperitè dicit Calvinus, (nam & ipsa fides inter ea bona numeratur quæ ibi provenire significantur, cùm dicitur: *Quos prædestinavit, hos & vocavit; vocare enim est fideles facere;*) sed quæ bona prædestinatis omnibus, qui secundum propositum vocati sunt, ex omnipotenti misericordia prædestinantis certissimè proveniant; quorum primum est fides, secundum justitia, tertium gloria. Nam quos prædestinavit, inquit, hos & vocavit: & quos vocavit, hos & justificavit: quos autem justificavit, illos & glorificavit. Et quia sine perseverantia usque in finem vitæ hujus non potest haberi gloria; (qui enim perseveraverit usque in finem, inquit Christus, hic salvus erit,) idè Apostolus non omnes fideles, sed omnes prædestinatos etiam certò perseveraturos pronuntiat, dicens: Certus sum enim quia neque mors, neque vita, neque angeli, neque principatus, neque virtutes, &c. neque creatura alia poterit nos separare à charitate Dei, quæ est in Christo Jesu Domino nostro. Non enim, ut vult Calvinus, fidelium omnium hæc vox est, sed electorum duntaxat qui secundum propositum vocati sunt: quemadmodum nondum natum redarguens Calvinum clarissimè ostendit Augustinus, cùm ait. *Meritò sequitur vox ad regnum electorum, si Deus pro nobis, quis contra nos?* &c. Quàm fortis autem perseverantiæ usque in finem munus acceperint, sequantur & dicant: Quis nos separabit à charitate Christi, tribulatio, an angustia, an persecutio? &c. sicut suprà etiam retulimus. Ad eos autem qui in ipsum crediderant Judæos ait Christus apud Joannem: Si manseritis in sermone meo, verè discipuli mei eritis: nimirum ut his qui jam facti erant fideles, verene discipuli essent ac prædestinati, maneret incertum.

Trigesimum Argumentum.

- Etiamsi essent aliqua opera absolutè pura, unum tamen peccatum satis est ad delendam omnem memoriam prioris justitiæ, ut ait Propheta, cui & Jacobus consentit, dicens: *Qui offensus est in uno, factus est omnium reus:* sed nemo vivit sine peccato: igitur apud Deum nulla operum justitia reputatur.

Responsio.

- Peccatorum quædam ejusmodi sunt ut de illis dicat Apostolus, quoddam italia agunt regnum Dei non possidebunt: per quæ justus à justitia sua rectissimè averti dicitur, quia meretur privari mercede justitiæ, quod certissimum est averisionis indicium; de quibus peccatis apud Ezechielem loquitur Dominus dicens: *Si averteris se justus à justitia sua & fecerit iniquitatem, omnes justitiæ ejus quas fecerat non recordabuntur.* Quam sententiam alii verbis exprimit Apostolus Jacobus, dicens: *Quicumque totam legem servaverit, offensus autem in uno, factus est omnium reus.* Nam qui tale aliquod facinus admittit, perdit mercedem

cedem priori totius legis obedientiæ debitam: sed alia sunt peccata justorum quæ fidelibus secundum veniam concedit Apostolus; de quibus ait Sapiens: *Septies cadit justus.* Et Joannes Apostolus: *Si dixerimus quia peccatum non habemus, nos ipsos seducimus, & veritas in nobis non est;* quæ si sola sunt, usque aded non inducunt oblivionem prioris justitiæ, ut in die judicii pro bonorum operum meritis justo Dei judicio etiam remissionem consequantur. Cum enim dicitur, inquit Augustinus: *Judicium sine misericordia illi, qui non facit misericordiam;* manifestatur in his, quibus inveniuntur bona opera misericordiæ, judicium cum misericordia fieri, ac per hoc etiam ipsam misericordiam meritis bonorum operum reddi. Id quod etiam testatur Apostolus, cum ait: *Des illi Deus invenire misericordiam à Deo in illa die.* Qui enim servato fundamento superædificant ligna, scenum, stipulam, non statim à regno cælorum secluduntur, sed salvi erunt merito fundamenti, sicutamen quali perignem.

*1 Cor. 7.
Prov. 24.
1 Joan. 1.
Decor. &
gratia,
cap. 13.
Jacobi 2.*

*2 Tim. 1.
1 Cor. 1.*

Argumentum trigessimum primum.

Ad justitiam necessaria est perpetua legis observantia: igitur non potest unum atque alterum opus proferri.

Responsio.

Ut opera bona tota sint fidelium justitia, requireretur perpetua legis observantia: sed non ut sint pars justitiæ. Nam quantum attinet ad reliquam partem justitiæ, omnia facta reputantur, quando quicquid non sit ignoscitur. Sicut igitur remissio peccatorum rectè justitia nuncupatur, licet non sit tota Sanctorum justitia, qui etiam justitiam legis in multis custodiunt: sic & opera justorum possunt vocari justitia, etiam si non sint tota ipsorum justitia. Nec aded stolidi sumus, ut ad justitiam Sanctorum pertinere negemus eam peccatorum remissionem quæ adhuc quotidie datur dicentibus: *Dimitte nobis debita nostra;* cum expressè dicat Augustinus hîc in unoquoque fideli justitiam esse, ut obediens Deus homini, animus corpori, ratio autem virtutibus etiam repugnanti-
*Libro 19.
de civi-
Dei 6. 27.*

bus imperet, vel subigendo, vel resistendo: atque ut ab ipso petatur & meritorum gratia, & venia delictorum, ac de acceptis bonis gratiarum actio persolvatur: sed dicimus, quòd quemadmodum ad Sanctorum justitiam pertinent omnia opera bona quæ in hac vita faciunt, à principio conversionis usque ad exitum mortis: ita quoque ad eandem justitiam pertineat omnis peccatorum remissio quam in hac vita consequuntur, seu per baptismum, seu poenitentiam, seu eleemosynas, seu orationes, seu aliud quodcunque opus charitatis. Quod autem toties repetit, legem semper mortem denuntiare, de iis quidem verum est quæ sub lege esse dicuntur: Scimus enim quod quæcunque lex loquitur, tam de peccati dominio quàm de legis maledicto, de iis qui in lege sunt loquitur: sed falsum de iis qui sunt sub gratia, quos Christus redemit de maledicto legis, & peccati dominio liberavit.

Rom. 3.

Argumentum trigessimum secundum.

Genf. 15. Dominus pronuntiat, se fidem reputasse Abraham ad justitiam, non quo tempore adhuc idôlis serviebat, sed cum multis jam annis vitæ sanctitate excelluisset: igitur in fide non in operibus reposita est justitia.

Responsio.

L. quæst. vet. & nov. test. quæst. 115. Ex qua historia didicerit Calvinus, quod Abraham aliquando idôlis serviebat, nescio, nisi fortè in eam quæstionem inciderit, quæ sub D. Augustini nomine de fato circumfertur, quæ habet, quod Abraham cum patre suo idôla coluisse intelligatur: sed hanc quæstionem esse apocrypham, non solum ex eo intelligimus, quod à se Romæ scriptam esse testetur, quod post baptismum suum non rediit Augustinus: verum etiam ex lib. 16. de civit. Dei, ubi ex lib. Judith ostendit Augustinus, Thare, Nachor, Abraham, & Loth ex Chaldaea migrasse in Mesopotamiam, quod nolent sequi deos patrum suorum; adorarentque quem cognoverunt cœli Deum. Unde manifestum est, inquit Augustinus, domum Thare persecutionem passam fuisse à Chaldaeis pro vera pietate, quâ unus & verus ab eis colebatur Deus. Sed utut ea res se habet, si in operibus bonis quibus Abraham ante Domini testimonium excelluit nulla ponenda sit justitia, quia Scriptura sacra post diuturnam demum obedientiam dixit: Credidit Abraham Deo, & reputatum est ei ad justitiam: igitur neque in fide, quam ante hoc testimonium habuit, statuenda est aliqua justitia. Si autem Abraham neque ex operibus, neque ex fide ante hoc testimonium ullam justitiam habuit: igitur ante hoc testimonium justus non fuit. Quomodo igitur ait Calvinus quod Dominus pronuntiet se fidem reputasse Abraham ad justitiam, cum multis jam annis vitæ sanctitate excelluisset; cum nemo vitæ sanctitate possit excellere nisi qui facit justitiam, nec justitiam facere quisquam possit nisi qui justus est? qui enim facit justitiam, justus est, inquit Joannes. Quamquam igitur propter justitiæ incrementum, quo Abraham credendo profecit, dictum sit: Credidit Abraham Deo, & reputatum est illi ad justitiam: tamen quia prius etiam, teste Calvino, vitæ sanctitate excelluit, idèd etiam prius ex fide & operibus justificatus fuit. Ex fide quidem, quia sine fide impossibile est placere Deo: & quicquid non est ex fide peccatum est: & coinquinatis & infidelibus nihil est mundum, sed inquinata sunt eorum & mens & conscientia. Ex operibus verò, quia ut ait Apostolus, fide obedivit in locum exire quem accepturus erat in hæreditatem, & exiit nesciens quid iret. Item, quia fide demoratus est in terra promissionis, tanquam in aliena, in casulis habitando. Nam si Apostolus Jacobus rectè intulit Abraham non modò ex ea fide justificatum, quâ credidit Deo multiplicationem seminis ejus ad modum stellarum promittenti, verum etiam ex operibus, quia fide obtulit filium suum Isaac; cur non etiam rectè intulerimus justificatum, non ex ea tantum fide, quâ credidit benedicendas in se universas terræ cognationes, sed & ex operibus, quia, ut inquit Apostolus, fide obedivit exire in locum quem accepturus erat in hæreditatem? tum quia teste Calvino, etiam ante illud testi-

monium

monium vitæ sanctitate excelluit, quod, ut dictum est, sine justitia non potuit, quia qui facit justitiam, justus est? Sed Calvinus anticipatæ semel opinioni ita addictus est, ut licet Apost. Paulus toto cap. 11. ad Hebr. nihil aliud clamet, quàm Sanctos prioris testamenti justitiæ testimonium ex eo consecutos, quoddam variis modis Deo ex fide obtemperarint. Et beatus Jacobus: Abraham, inquit, pater noster nonne ex operibus justificatus est? Et rursum: Videtis quoniam ex operibus justificatur homo? Ac iterum: Raab meretrix nonne ex operibus justificata est, suscipiens nuncios? &c. tamen surdis auribus, & clausis oculis, non cessat undique inconcinna testimonia congerere, quibus otiosis hominibus & ab omni bono opere alienis persuadeat, nullam esse in operibus bonis repositam justitiã.

Argumentum trigessimum tertium.

Dominus testatur se nullam agnoscere operum justitiã, nisi in perfecta legis observatione.

Responsio.

Dubitari non potest, quin justum esse & justificari sic aliquando in Scriptura sacra ponantur, ut secundum exactam justitiæ regulam, quæ perfectam totius legis observationem requirit, accipi debeant, ut cum dicitur: *Nunquid Job. 4. homo Dei comparatione* (seu potius ante Deum) *justificabitur?* Et: *Verè scio quoddam Job. 9. ita sit, quoddam non justificetur homo comparatus Deo* (vel ut Augustinus legit, ante Deum.) Rursum: *Nunquid justificari potest homo comparatus Deo, aut operare mundus natus de muliere?* Juxta quem modum etiam ait Psalmista: *Non De pecc. mer. lib. 2. cap. 10. intres in judicium cum servo tuo, quia non justificabitur in conspectu tuo omnis vivens. Job. 15. Et D. Augustinus: Puto enim hoc esse, justus sum, quod peccator non sum. Attamen quoddam secundum modum conversationis humanæ, cui justo Dei judicio reposita est corona justitiæ, secundum Scripturam sanctam justus ac sanctus dicendi non sint, qui non sic totam Dei legem observant, ut non sit eis necessarium dicere: Dimitte nobis debita nostra; jam olim contra Pelagianos in Concilio Carthaginensi & Milevitano damnatum est. Sanctus enim & justus Cap. 7. erat Jacobus, inquit Concilium, cum dicebat: In multis offendimus omnes. Jacobi 3. Similiter de Zacharia & Elizabeth scriptum est: Erant ambo justi ante Deum, Luc. 1. ambulantes in omnibus mandatis & justificationibus Domini, sine querela; qui tamen peccatis non carebant. Sed non satis erat Calvino etiamdum fumantium & adhuc spirantium hæreticorum venena sorbere, quotidieque inter suos evomere, (Berengarii dico, Joannis Hus, Wiclephi, Lutheri, Oecolampadii, & similibus) nisi etiam extinctos jam olim ac sepultos antiquissimorum hæreticorum cineres excitaret, ut non scriba doctus in regno celorum, sed hæreticorum omnium coryphæus, de thesauro iniquitatis proferret nova & vetera. Cæterum si Deus nullam operum justitiã agnoscit, nisi in perfecta legis observatione, cur defendit Calvinus justitiã remissionis peccatorum in imperfecta peccatorum remissione? Fatetur enim suos collegas peccatorum remissione justos esse, de quorum tamen nullo auderet dicere, quoddam*

peccatum non habeat, nec cum Sanctis dicere debeat: Dimitte nobis debita nostra. Aut igitur justitiam remissionis peccatorum neget, ubi nondum est plena omnium peccatorum remissio: aut ibi fateatur posse operum esse justitiam, ubi nondum plena & perfecta est totius legis custodia. Nulla enim ratio postulat, ut justitia operum plenam ac perfectam totius legis observationem requirat; si justitia remissionis peccatorum non exigit plenam & perfectam omnium peccatorum remissionem.

Argumentum trigessimum quartum.

Tecta & remissa esse peccata antè nobis opus est, quàm ad ullum opus nostrum Dominus respiciat: igitur gratuita est peccatorum remissio.

Responsio.

Remissionem peccatorum gratuitam esse fatemur, sed veram conclusionem vanà & falsà assumptione ostendi non probamus. Vidit enim Deus opera Nivitarum, quia conversi sunt de via sua mala, & misertus est super malitia. *Jona 1.* quam locutus erat ut faceret. Similiter orationes & eleemosynæ Cornelii Centurionis ascenderunt in memoriam in conspectu Dei, ut ad eum veniret Petrus, per cujus prædicationem efficeretur salvus. Et si Nabuchodonosor Rex *Ad. 10.* juxta consilium Danielis peccata sua eleemosynis redemisset, non arbitror eas Deum fuisse despecturum: sicuti nec despexit orationem Publicani, cujus merito descendit justificatus à templo. Quapropter dici non debet, quòd peccata antè remissa esse oporteat quàm Deus ad ulla nostra opera respiciat: quia oculi ejus respiciunt fidem & poenitentiam eorum qui ad gratiam remissionis peccatorum aspirant. Sed idèd secundum gratiam & misericordiam venia Dei poenitentibus datur, & non secundum merita eorum; quandoquidem & poenitentiam Dei donum dixit Apostolus, ubi ait de quibusdam: *Dan. 4.* *Luc. 11.* *2 Tim. 2.* *Epist. 106.* *illu Deus poenitentiam:* sicut definit Augustinus ultimam earum propositionum quas semper tenuisse dicit Ecclesiam Catholicam.

Argumentum trigessimum quintum.

Job. 9. Ait Job: Si justè egi, nec sic erigam caput: igitur ejus justitia primo momento erat à facie Dei collapsura.

Responsio.

In iis quæ Job justè egerat, justum Dei judicium ferre poterat, quia non est injustus Deus ut quemquam damnet ob justitiam: sed caput non erigebat, quia propter multa delicta quibus non carebat (in multis enim offendimus omnes) judicis misericordiam implorabat, dicens cum Psalmista: *Jacob. 3.* *Psal. 142.* *in judicium cum servo tuo, Domine, quia in conspectu tuo non justificabitur omnis vivens.* Sic, inquam, non justificabitur omnis vivens, ut sit immunis ab omni peccato & misericordià Dei non egeat in judicio.

Argumentum trigésimum sextum.

Quod Sancti se recordatione innocentie suae consolentur, hoc faciunt vel causam suam cum impiorum causa comparantes, vel bonis operibus tanquam divinæ erga se benevolentie signo fidem suam fulcientes. Quandoquidem si eorum per se opera æstimentur, non minùs iram Dei suâ imperfectione arguunt, quàm inchoatâ puritate benevolentiam testantur: igitur in operibus bonis nulla est ponenda fiducia.

Responsio.

Quoniam Catholici olim adversus Pelagianos defendebant, Sanctos omnes, tam veteris quàm novi testamenti quibus Deus perhibet justitiæ testimonium, nunquam in hac vita mortali eò virtutis pertigisse, ut nullum peccatum admitterent; idèò calumniati sunt quod Catholici assererent Prophetas & Apostolos in bonis suis operibus non regulâ virtutum, sed comparatione duntaxat sceleratorum justos fuisse, quomodo inter Romanos, Fabium, Fabricium, Regulum, Scipionem ac similes, præ Catilina & Nerone commendamus. Non quod illi in suis operibus quæ laudantur fuerint veraciter justi sed quia his qui in sceleribus vitam suam consumpsierunt longè minùs fuerunt injusti. Cui calumnie his verbis respondet Augustinus: Omnes Prophetas & Apostolos, vel sanctos & Evangelicos & antiquos, quibus Deus testimonium perhibet, non comparatione sceleratorum, sed regulâ virtutum justos fuisse non dubium est: sed (quod adversum est Pelagianis) interrogati omnes de seipsis cum in hoc corpore degerent, unâ voce constantissimâ responderunt: *Si dixerimus quia peccatum non habemus, nos ipsos seducimus, & veritas in nobis non est.* Verùm si Calvino credimus, multis modis necessarium est hanc nobis à Pelagianis objectam suscipere calumniam. Primum quidem quia ait Deum nullam operum justitiam agnoscere nisi in perfecta totius legis observatione, quæ quoniam in nullis Sanctis, quamdiu hic degunt, inveniri potest, sequitur eos in Scripturis sacris à bona sua conversatione non ob aliud justos dici, quàm quia aliis multis minùs sunt injusti. Secundò, quia dicit Sanctorum opera, si per se æstimentur, non minùs iram Dei suâ impuritate promereri, quàm benevolentiam inchoatâ puritate. Nam ex hoc manifestissimè sequitur, opera Sanctorum non rei veritate justa esse propter veri boni finem in quem referuntur, ut ait Augustinus, nec regulâ virtutum, sed solùm comparatione facinorum, quæ iram Dei graviorem promerentur, ac proinde ipsos Sanctos non veritate, sed comparatione duntaxat in hac vita justos fuisse.

*Lib. 4. contr.
duas epist.
Pelag. c. 7.*

1 Joan. 1.

*De civit.
Dei, lib. 19.
cap. 27.*

Argumentum trigésimum septimum.

Augustinus, *Opus tuum, inquit, in me vide, non meum; nam si meum videris, tu Psal. damnas; si tuum videas, coronas:* igitur in operibus plùs est timoris & consternationis, quàm securitatis.

Responsio.

*De verb.
Apo. ser-
mone 10.
Ephes. 2.*

In nostris operibus, quæ videlicet ex nobis habemus, non immerito trepidamus: quia nostrum nihil est, inquit Augustinus, nisi peccatum quod habemus, cui non debetur gloria, sed poena & ignominia: sed in operibus Dei, in quibus creati sumus & quæ præparavit Deus ut in illis ambulemus, (quæ nostra quoque dicuntur, quia nobis à Deo sunt data) multum sanè fiduciæ ponimus; quia pro his non tantum coronam justitiæ expectamus, sed etiam eorum peccatorum veniam, sine quibus hanc vitam non ducimus; securitatem verò & quietem, quam tantopere urget Calvinus, non hic militantibus in castris promittit Deus, sed victoribus & regnantibus in caelis retribuit, sicut suprà latius diximus; & ideo non docemus hic militantes in fallaci & perniciosa securitate requiescere: sed in Domino & in potentia virtutis ejus confidentes, adversus fallaces hæreticorum insidias, pro consequenda victoria, sapienter, viriliter & sollicitè spe regni cœlestis dimicare; quod pro consolatione præsentis miseriz sufficit.

Argumentum trigessimum octavum.

Rom. 6.

Stipendium peccati mors, gratia autem Dei vita æterna: igitur meritis hominum debetur mors, vita autem non nisi in sola Dei misericordia posita est.

Responsio.

Epist. 105.

Qui perpendit Calvinum ad suorum dogmatum confirmationem subinde adferre D. Augustini testimonia, ex quibus videtur nonnulla ejus scripta legisse, non immerito ambigat, quid hoc loco velit suspicari: ignoretne Calvinus quid ad hanc objectionem pluribus locis clarissimè & elegantissimè responderit Augustinus: an potius quoddam id sciens prudensque dissimulet, ut imperitos, qui Augustinum non legunt, etiam contra propriam conscientiam dolosâ mente & malitiosâ objectionem decipiat. Siquidem D. Augustinus compluribus locis tantâ evidentia huic objectioni responderet, ut clarius nihil dici posse

Rom. 6.

videatur. Verba ejus sic habent: *Ipsa vita æterna, quæ utique in fine sine fine habebitur, & ideo meritis præcedentibus redditur, tamen quia eadem merita quibus redditur, non à nobis parata sunt per nostram sufficientiam, sed in nobis facta per gratiam, etiam ipsa gratia nuncupatur, non ob aliud, nisi quia gratis datur; nec ideo quia meritis non datur, sed quia data sunt & ipsa merita quibus datur.* Et infra. *Cum enim dixisset Apostolus: Stipendium peccati mors; quis non congruentissimè & consequenter addere judicaret: Stipendium autem justitiæ vita æterna? Et verum est, quia sicut merito peccati tanquam stipendium redditur mors, ita merito justitiæ tanquam stipendium vita æterna: sed B. Apostolus adversus elationem vigilantissimè militans: Stipendium, inquit, peccati mors. Deinde ne justitia de humano se extolleret merito, (sicut meritum malum non dubitatur esse peccatum,) non à contrario retulit, dicens: Stipendium justitiæ vita æterna; sed, gratia Dei, inquit, vita æterna. Et rursus: Si vita æterna bonis operibus redditur, sicut apertissimè dicit*

*De gra. &
lib. orb.
cap. 3.*

dicit Scriptura: Quoniam reddet Deus unicuique secundum opera sua; quomodo Rom. 2.
gratia est vita æterna, cum gratia non pro bonis operibus reddatur, sed gratis detur? Apo. 11.
 &c. *Ista questio, inquit, nullo modo videtur posse dissolvi, nisi intelligamus & ipsa bo-*
na opera, quibus æterna redditur vita, ad Dei gratiam pertinere. Similiter lib. de
 correp. & gratia: *Quare & ipsa, inquit, vita æterna, quam certum est bonis ope-* Cap. 13.
ribus debitam reddi, à tanto Apostolo gratia Dei dicitur? sine ulla dubitatione confi-
tendum est idèò gratiam vitam æternam vocari, quia his meritis redditur quæ gratia
contulit homini. Unde Concilium Arausicum secundum: *Debetur, inquit,* Cap. 1.
merces bonis operibus fiant: sed gratia quæ non debetur præcedit ut fiant. Videt
 jam, nisi fallor, Calvinus (modò non sit in sua hæresi creatus) iusto Dei ju-
 dicio non minùs bonis operibus deberi vitam, quàm malis mortem: sed quia
 mala opera ex nobis habemus, bona verò non nisi ex Dei gratia, idèò Apo-
 stolus mortem simpliciter stipendium peccati nominasse, vitam verò (quam
 veraciter quidem, sed propter humanam elationem eo loco minùs utiliter po-
 terat mercedem dicere justitiæ) gratiam maluisse nuncupare, ut nos admo-
 neret unde opera bona haberemus quibus vita redditur æterna.

Argumentum trigèsimum nonum.

Augustinus: Cùm viderit homo quicquid boni habet se non habere à se;
 sed à Deo suo, videt id totum quod in eò laudatur non de suis meritis, sed de
 misericordia Dei esse: igitur licèt Veteres fidei synceritati pessimè consulue-
 rint, inducentes fastuosum meriti nomen, attamen nullam meriti dignitatem
 homini tribuerunt.

Responsio.

Sicut qui patrem nominat non potest non ingerere filii cogitationem, sic
 Christus in Evangelio bonorum operum fructum toties nomine mercedis com-
 mendans, non potuit non inducere nomen meriti: *Qui recipit Prophetam in no-* Matt. 10.
mine Prophetæ, inquit, mercedem Prophetæ accipiet. Et rursum: *Quisquis potum* Marc. 9.
dederit vobis, non perdet mercedem suam. Item: *Gaudere in illa die, & exultate,* Luc. 6.
quoniam ecce merces vestra magna est in cælo. Et Apostolus Paulus: *Unusquisque* 1 Cor. 3.
propriam mercedem accipiet. Et Joannes: *Videte vosmetipsos, ne perdatis quæ ope-* 2. Joan.
rati estis, sed ut mercedem plenam accipiatis. Quapropter nomen meriti, quod à
 Christo constat inductum, neque fastuosum, neque synceritati fidei noxi-
 um reputari debet: sed potius temerarius & fastuosus habendus Calvinus, qui fa-
 ctum dicere aude quod induxit Christus: nempe quòd quemadmodum ope-
 ra bona, quæ homo peccando perdidit, merita erant quibus debebatur mer-
 ces æternæ vitæ: sic & opera bona quæ Christus electis suis reparavit, creans
 eos in operibus bonis, quæ præparavit Deus ut in illis ambulent, vitæ æternæ
 sunt merita, licèt, ut Augustinus docet, hæc opera bona, non de viribus aut
 merito hominis sibi derelicti proveniant, sed de misericordia reparantis & adju-
 vantis Dei, qui electis suis tribuit non modò remissionem peccatorum, verum
 etiam operationem meritorum.

Argumentum quadragesimum.

Deprædest. Augustinus: *Humana hic, inquit, merita conticescant quæ perierunt per Adam, Jan. c. 15. & regnet quæ regnat Dei gratia per Jesum Christum.*

Responsio.

Humana merita, quæ in Adam peccante perierunt, abundè conticescunt, quando humana natura post lapsum ex primæ creationis opibus, quas reliquas habet, nullum sibi boni meritum arrogat: sed gratia Dei, quæ regnat per Jesum Christum Dominum nostrum, non satis regnat nisi illi tribuatur non tantùm remissio peccatorum, (sicut olim fecit Pelagius) sed etiam operatio meritorum, quod cum Pelagius hodie negat (alvinus, regnum quidem gratiæ verbis inanibus jactans, sed è multorum cordibus, dolosis & exitiosis disputationibus, expugnans.

Argumentum quadragesimum primum.

Luc. 17. Ait Lucas: *Cum feceritis omnia quæ præcepta sunt vobis, dicite: Servi inutiles sumus.* Sed servus inutilis nihil meretur à Domino: igitur apud Deum nullum possumus obtendere meritum.

Responsio.

Homo & Angelus naturaliter quidem servi sunt Dei, sed non eo modo quo servos dicimus, qui sine ulla mercedis obligatione tota vita dominis carnalibus serviunt, verùm quo modo liberi & suæ potestati relictî promptâ voluntate pro condita mercede liberaliter serviunt. Deus enim reliquit hominem in manu consilii sui; cui etiam consummato opere dicit: *Nonne ex denario convenisti mecum? Tolle quod tuum est, & vade.* Et idèd servitutis modus, quo angelus & homo servi Dei conditi sunt, non excludit rationem meriti, sed potius includit. Quod verò addit Christus, ut nos etiam inutiles agnoscamus, ad id respicere jubet quod peccando facti sumus: Omnes enim declinaverunt, simul inutiles facti sunt; non est qui faciat bonum, non est usque ad unum. Sed si quis ab his se emundaverit, inquit Apostolus, erit vas in honorem sanctificatum & utile Domino, ad omne opus bonum paratum. Idèdque etsi recolentes nativitatæ nostræ primordia, semper (quantumcunque etiam in obedientia mandatorum Dei profecerimus) inutiles servos & ad opus bonum inidoneos agnoscere nos debeamus, (sicut Apostolus recolens quid fuerat antequam esset in Christo, minimum se Apostolorum imò Apostolico nomine fatebatur indignum, quod esset Ecclesiam Dei persecutus;) attamen Dei munera contemplantes, non solum nos utiles, sed & meritis fecundos dicere possumus, unà cum Apostolo, cum ait: *Plus omnibus laboravi, non ego, sed gratia Dei mecum.* Unusquisque enim accipiet secundum suum laborem. Et alibi pro bono certamine dicit sibi repositam coronam justitiæ, quam reddet mihi Dominus, inquit, in illa die, justus judex.

Argumentum quadragesimum secundum.

Esaie 5. dicitur: Omnes sitientes venite ad aquas, & qui non habetis argentum venite, emite absque argento & absque ulla commutatione vinum & lac.

Responsio.

Omnes qui ad aquas salutis advenimus, priusquam à Domino vocaremur, omnino inopes eramus, & pro nihilo salvi facti sumus. Non enim ex operibus justitiæ quæ fecimus nos, sed secundum misericordiam suam salvos nos fecit; adeo ut & vita æterna quæ bonorum operum meritis redditur, quia gratia est justitiæ cui redditur, etiam ipsa gratia nuncupetur. *Est enim justitiæ stipendium*, inquit Augustinus, *sed tibi gratia est, cui gratia est & ipsa justitiæ; tibi enim tanquam debita redderetur, si ex te tibi esset justitiæ cui debetur.* Sed quod Propheta de eorum inopia loquitur, qui à Christo alieni nondum de plenitudine ejus acceperunt, hoc Calvinus ad divitias eorum detorquere conatur, qui Christi inopiâ in operibus bonis divites facti sunt. Tit. 1. Epist. 101. 1 Cor. 9.

Argumentum quadragesimum tertium.

Christus sic est nobis fundamentum justitiæ, ut & initium nobis salutis sit & complementum: igitur nullum est meritum.

Responsio.

Benedictus Deus & Pater Domini nostri Jesu Christi, qui benedixit nos in omni benedictione spirituali in celestibus in Christo, sicut elegit nos in ipso ante mundi constitutionem, ut essemus sancti & immaculati in conspectu ejus: sed in hac benedictione etiam boni operis meritum comprehendimus, sine quo haberi non potest justitiæ complementum; atque ideo Christus totius justitiæ fundamentum est, non solum tribuendo fidem & peccatorum remissionem, sicut prætendit Calvinus: sed etiam largiendo bonam operationem, quæ vitæ æternæ meritum est, sicut supra satis ostendimus. Ephes. 1.

Argumentum quadragesimum quartum.

Deus gratis vult coli: igitur eum cultorem probat, qui præcisâ omni spe mercedis, colere tamen eum non desinit.

Responsio.

Præcipit Apostolus, ut si consurreximus cum Christo, quæ sursum sunt Colamus, quæramus, ubi Christus est in dextera Dei sedens; quæ sursum sunt sapiamus, non quæ super terram. Similiter Christus in Evangelio: *Ne solliciti sitis, inquit, animæ vestræ quid manducetis, aut quid bibatis: neque corpori vestro quid induamini, &c. Querite primum regnum Dei & justitiam ejus, & hæc omnia adjicientur vobis.* Mat. 6.

Matth. 3. *cientur vobis. Beati enim qui esuriunt & sitiunt justitiam: non est autem regnum*
Rom. 14. *Dei esca aut potus, sed justitia, & pax, & gaudium in Spiritu sancto.* Et Moy-
Num. 12. *ses egregius Dei cultor & fidelissimus in omni domo ejus, majores divitias æ-*
Hebr. 3. *stimans thesauro Ægyptiorum improprium Christi, aspiciebat in futuram re-*
Hebr. 11. *munerationem: sicut & reliqui Sancti veteris testamenti, quos eodem capite*
recenset Apostolus, qui promissiones à longè aspiciebant salutabantque, con-
fitentes quòd peregrini essent & hospites super terram, & patriam meliorem,
hoc est, cœlestem appeterent, sicut ibidem ait Apostolus. Ex quibus intell-
ligimus Deum sic velle gratis coli, ut non propter terrenam retributionem co-
latur, quam gentes quaerunt: sed quòd nolit coli propter regnum cœlorum
consequendum, cujus adventum quotidie à fidelibus peti jussit, & propter adi-
piscendam perfectam justitiam, in qua regnum cœlorum potissimum consi-
stit, anilis fabula est ex Aristotelis insipientia nata, qui sapientem suum in
hac vitæ miseria propter virtutum opera beatum esse prædicat, eaque non ob
aliud quippiam, sed propter se tantum etiam in hac vita velut summum bonum
expetenda; atqui summum hominis bonum non est nisi regnum Dei, id est ju-
stitia, & pax, & gaudium in Spiritu sancto, pro quibus quotidie supplicat
Ecclesia, dicens: Adveniat regnum tuum; quod solum propter se expetit, &
cætera propter ipsum, etiam vitæ hujus justitiam quæ imperfecta est, ut vide-
licet ad perfectam veniat: nam propter hanc adipiscendam rectè nobis vi-
vendum est, inquit Augustinus. Quapropter vanum est & illud quòd addit
Calvinus, curam vitæ benè instituendæ non nasci proposità spe mercedis,
sed commemoratione beneficiorum Christi, qui nos suo sanguine redemit ad
serviendum Deo viventi. Nam etsi beneficiorum Dei commemoratio cal-
car nobis sit ad serviendum Deo, tamen longè major additur stimulus si simul
finis explicetur, & quòd tandem tum Deo tum mundo serviendo pervenia-
tur. Id quod locis innumeris sacræ Scripturæ faciunt, dum nos ad rectè vi-
vendum exhortantur. Prudentia carnis mors est, inquit Apostolus, pruden-
tia spiritus vita & pax. Et rursus: Si secundum carnem vixeritis, moriemini: si
Rom. 6. *autem spiritu facta carnis mortificaveritis, vivetis. Similiter dum ait: Quem fru-*
Rom. 6. *ctum habuistis tunc in illis in quibus nunc erubescitis? Nam finis illorum mors est. Nunc*
autem liberati à peccato, servi autem facti Deo, habetis fructum vestrum in sanctifi-
cationem, finem verò vitam æternam. Utrumque autem simul junxit B. Petrus,
1 Petr. 1. *dicens: Et si patrem invocatis eum qui sine acceptione personarum judicat secundum*
uniuscujusque opus in timore, incolatus vestri tempore conversamini, scientes quòd
non corruptibilibus auro vel argento redempti estis, sed pretioso sanguine quasi agni-
maculati Christi; nam priori parte latenter vitam promissam & mortem
contaminatam ingerit, posteriori verò ingentia beneficia ad memoriam reducit.
Fatetur tamen tandem Calvinus, Scripturam sacram hoc exhortationis genus
 sæpenuerò usurpare, sed exordium negat inde sumendum. At contrà Joan-
Matth. 3. *nes Baptista exhortationem suam ita legitur exoriri: Pœnitentiam agite, appro-*
Matth. 4. *pinqvavitis enim regnum cœlorum. Et Christus, qui etiam teste Matthæo cœpit*
Matth. 10. *prædicare & dicere: Pœnitentiam agite, appropinqvavitis enim regnum cœlorum.*
Similiter Apostoli & discipuli Domini, qui & ipsi eo jubente prædicationes
suas ab hac promissione sunt exorfi. Quapropter patienter ferat Calvinus, si
veri

veri fideles, quibuscum nulla est ipsi societas, hanc ejus doctrinam non audiant: sed eorum potius exempla sequuti, quorum se filios & hæredes dicigloriantur, à promissione regni cœlestis exhortationum suarum sumant exordia.

Argumentum quadragesimum quintum.

Ob legem servatam nihil promittit Deus, nisi perfectis legis suæ cultoribus, qualis nemo reperitur: igitur ex legis promissione non potest statui ratio meriti.

Responsio.

Scripturæ sacræ, quæ legis observationi vitam & regnum cœlestē promittunt, variis loquuntur modis. Aliquando enim totam legem generaliter commemorant, & nullam vocabuli mercedis ingerunt mentionem: ut, *Si vis ad vitam ingredi, serva mandata: & Qui perseveraverit usque in finem, hic salvus erit.* Aliquando verò particularia opera commemorant, quibus sic regnum cœlestē promittunt, ut illud etiam nomine mercedis appellent: ut, *Beati pauperes spiritu, quoniam ipsorum est regnum cœlorum. Beati mites, quoniam ipsi possidebunt terram. Beati qui lugent, quoniam ipsi consolabuntur, &c.* Quibus denique subditur: *Beati estis cum maledixerint vobis homines, & persecuti vos fuerint, & dixerint adversus vos omne malum, mentientes propter me: gaudete & exultate, quoniam merces vestra copiosa est in cœlis.* Et rursus: *Quicumque potum dederit uni ex minimis istius calicem aquæ frigidæ, tantum in nomine discipuli: amen dico vobis, non perdet mercedem suam.* Et, *qui receperit Prophetam in nomine Prophetæ, mercedem Prophetæ accipiet.* Ex prioribus igitur illis Scripturis sacris, (ad quas solas respexisse videtur Calvinus, ubi ait, quodd ob legem servatam nihil promittit Deus, nisi perfectis suæ legis cultoribus,) forsitan minus clarè statui posset in quolibet opere bono vera boni meriti ratio, tum quia generaliter de legis observatione loquuntur, tum etiam quia nudam vitæ & salutis promissionem continent, sine ulla mercedis mentione. Sed quemadmodum ex eo quod scriptum est: *Neque fornicatores, neque idolis servientes, neque adulteri, neque masculorum concubitores, neque fures, neque avari, neque ebriosi, neque maledici, neque rapaces regnum Dei possidebunt;* certissimè colligitur singula ejusmodi crimina esse damnationis æternæ merita: sic ex posterioribus locis Scripturæ sacræ satis manifestè ostenditur, ea opera quibus regnum cœlestē sub mercedis nomine promittitur esse vitæ æternæ merita. Nec obstat quod ait Propheta: *Si justus averterit se à justitia sua, & fecerit iniquitatem, omnes justitiæ ejus quas fecit non recordabuntur.* Similiter Apost. Jacobus: *Quicumque totam legem servaverit, offendet autem in uno, factus est omnium reus:* quia sicut peccando mortem indubitanter meremur, & tamen ob poenitentiae fructum in illam non præcipit, sic fieri etiam potest, ut per priores justitias mereatur quis vitam æternam, & tamen ob peccatum subsequens, non solum perdat justitiæ coronam, sed etiam percipiat mercedem injustitiæ, sicuti jam dictis Scripturis significatur. Est tamen differentia inter peccatum quod poenitentia deletur, & opus bonum quod per peccatum sequens suâ mercede frustratur; quia peccatum semel deletum supplicio non afficitur, etiam si rursus peccetur, (ni-

Matth. 19. si forte ob ingratitudinem, de qua doctores circa Evangelium ambigunt disputant;) opus verò justitiæ, quod per peccatum sequens à mercede exciderat, sublato peccato plenam accipit mercedem: ideoque opus bonum non dicitur per peccatum deleri, sed solum à sua mercede impediri.

Argumentum quadragesimum sextum.

Ex fide non adjuvamus ad justitiæ summam, sed totam consequimur justitiā: igitur nulla justitiæ pars in operibus statuenda est.

Responsio.

Totam justitiā ex fide esse confitemur, quia ex illa est & remissio peccatorum & universa opera virtutum, quæ ad justitiā pertinere arbitramur. Ex quo etiam inferimus, nullam justitiæ partem in iis operibus esse sitam quæ ex lege esse dicuntur, etiam si coram hominibus speciosa esse videantur: quia lex seu opera quæ ex lege esse dicuntur non sunt ex fide, sine qua tamen impossibile est placere Deo: sed quia iustus ex fide vivit, & fides ex operibus consummatur, idè in operibus fidei, quæ eadem opera Dei sunt, eam justitiæ partem constituimus quam operati esse leguntur Sancti, qui ex fide testimonium justitiæ acceperunt & justitiæ quæ per fidem est hæredes sunt instituti. Nec sic dicentes ex fide ad legem transimus, (sicut calumniatur Calvinus) quia universa justitiæ opera fidei non legi tribuimus: sed quod rei veritas habet, legem non destruimus per fidem, sed statuimus, docentes justificationem legis non per legem, sed per fidem impleri in nobis qui non secundum carnem ambulamus, sed secundum spiritum. Verum hanc propheticam & Apostolicam doctrinam non recipit Calvinus, quia licet aliud simulet, tamen usque adeò bonis Sanctorum operibus reperitur infestus, ut non aliud de eis sentiendum putet, quàm Christus de Phariseorum hypocrisis pronuntiat, dicens: *Vos estis qui justificatis vos coram hominibus: Deus autem novit corda vestra, quia quod hominibus altum est, abominatio est apud Deum.* Nam hanc Scripturam profert adversus opera Sanctorum, asserens quòd licet humano iudicio aliquid esse videantur, tamen in conspectu Dei nihil aliud sint quàm iniquationes & sordes, quibus non gloria, sed ignominia debeatur, nec in eis locum habeat quòd ait Apostolus: *Gloria autem & honor, & pax omni operanti bonum:* sed planè similia sint hypocrisis Phariseorum, aut certè simulatis gentilium virtutibus, quibus non suā naturā, sed immensā Dei misericordiā & largitate præmium indebitum statuitur, eò quòd ex se injusta sunt, sed fide per peccatorum remissionem justificentur. Eo nimirum modo quo quis imaginetur justificari adulterium, cum remissio peccatorum accipitur, aut (ut levius aliquid dicam) eleemosynam factam ex vana gloria, quando vana gloria Deo misere dimittitur. Sed jam tempus est ut de Justificatione pauca subjiciamus.

MICHAELIS BAII,

DE

JUSTIFICATIONE.

LIBER TERTIUS.

C A P U T I.

Quid circa justificationem potissimum sit inquirendum.

CUM de justificatione differitur, si dialecticorum more illud tantum inquiratur, quid sit justificatio, & quibus partibus consistere debeat plena & integra ejus definitio, habitâ cognitione justitiæ, de qua jam diximus, res brevis ac facilis inquiritur. Quia nihil aliud est justificatio, quam continua quædam & indefinens ad justitiam progressio. Justitiâ verò est mandatorum omnium vera custodia, aut in operatione virtutum, sicut in Christo fuit, aut remissione peccatorum, sicuti in omnibus nobis quamdiu in hac vita sumus magna ex parte reperitur. Nam, ut ait Augustinus: Christus hinc etiam legem adimplevit, quod per carnis suæ sacrificium sacerdos effectus, impetrat nobis indulgentiam peccatorum. Igitur nihil aliud est justificatio, quam continua quædam progressio tam in operatione virtutum, quam in remissione peccatorum. Cæterum ut simul ex Scripturis sacris explicetur, quæ sit incipiendi, quæ progrediendi ratio, & quibus affectibus tangi soleant, qui vel ad inchoandum justitiam, vel ad proficiendum à Deo promoventur, res est operosior, & ad sapientiam Christianam multo opportunior.

*Cons. Fan-
sum, l. 19.
cap. 7.*

C A P U T II.

*Quid licet Deus impium subito possit totum renovare,
tamen id sæpe quodam faciat ordine.*

QUAMVIS igitur nemo dubitet, quin Deus omnis naturæ author & gratiæ, hominem corruptum & vitiis innumeris obnoxium, simul uno momento totum renovare & ad perfectam justitiam possit perducere,tribuendo simul & peccatorum omnium remissionem, & consummationem omnium virtutum,

in hac tamen vitæ nostræ miseria, in qua etiam sanctissimos quosque divina gratia sic adjuvat dimicantes, ut non debeat propter quod exaudiat quotidie veniam postulantes, secundum alitudinem divini consilii sui circa eos qui rationis usu fruuntur, (de quibus hic tantum disserimus) hanc renovationis seu justificationis rationem ferè servat & ordinem, ut ante omnia ex iniquitatis imminentiisque damnationis contemplatione, cordibus eorum in timore spiritum servitutis immitat, qui eos modo quodam compellat medicum quærere,

Galat. 3.

cujus præsidio à peccatis æternaque damnatione liberentur. Sic enim ad Christum & justitiam lex eis pædagogus efficitur, dum peccati damnationis-que considerationem ingerens, Deo in cordibus eorum operante, gehennæ timorem incutit, per quem ulterius misericorditer à Deo & ad Deum conversi, desiderare & quærere eum incipiunt, qui propitiatur omnibus iniquitatibus nostris & sanat omnes infirmitates nostras, juxta illud Esaïæ: *A timore tuo,*

Psal. 102.

Isa. 26.

Domine, concepimus & peperimus spiritum salutis; Quem timorem volens Joannes Baptista sceleratis hominibus incutere; Genimina viperarum, inquit, quis ostendit vobis fugere à ventura ira? jam enim securis ad radicem arboris posita. Et

Matth. 3.

Heb. 10.

Apostolus ad Hebræos: *Voluntariè enim, inquit, peccantibus nobis post acceptam notitiam veritatis jam non relinquitur pro peccatis hostia, terribilis autem quædam expectatio judicii & ignis amulatio, quæ consumptura est adversarios. Irritam quis faciens legem Moysi, sine ulla miseratione duobus aut tribus testibus moritur; quanto magis putatis deseriora mereri supplicia, qui filium Dei conculcaverit, & sanguinem testamenti pollutum duxerit, & spiritui gratiæ contumeliam fecerit? &c. Horrondum est incidere in manus Dei viventis.*

CAPUT III.

Quod timor servilis sic præcedat justitiam, ut tamen non sit pars justitiæ.

Jacob. 2.

NON tamen existimare oportet, timorem futuri judicii qui implis ante suam conversionem plerumque incutitur, quamdiu servilis est & malæ voluntati jungitur, initium aliquod esse justitiæ, (siquidem credunt & dæmones & contremiscunt, qui tamen nihil habent justitiæ,) sed est quoddam Spiritus sancti donum, quo confixa peccatorum corda, spiritui gratiæ & veritatis minùs audent oblectari; & si Deus ulterius miseretur, etiam initium conversionis acquirunt, quæ additis sacramentis ad remissionem eis valeat peccatorum. Nam sicut lex omniisque justitiæ cognitio, quæ auditores legis efficitur, si sola sit, sine spiritu gratiæ, non justificat, sed iram operatur & inflat; ita & hic gehennæ timor, nisi spiritus gratiæ & dilectionis accesserit, non efficitur principium aut causa justitiæ, sed desperationis & pœnæ.

Rom. 4.

1 Cor. 8.

CAPUT IV.

Quod aliter timor, aliter fides justitiæ principium intelligi debeat.

Quapropter aliter timor, aliter fides justitiæ principium debet intelligi. Nam timor dicitur principium justitiæ, sicut lex, sicut doctrina, sicut mundi tristitia, aut aliqua vis affectio, quæ animum quidem ad renovationem foris pulsat, sed intus ipsum non renovat, nisi Deus misericorditer subveniens, ostium cordis aperiat, & ei quod foris seminatur aut plantatur, intus vitam & incrementum tribuat, hoc est, nisi faciat justitiam diligere, & iniquitatem odio haberi. A fide verò justitia sumit initium, tanquam à prima quadam sui parte, quæ ideo statim initio tribuitur, ut per eam & remissio peccatorum & opera virtutum impetrentur, sicut docet Augustinus. Id quod de ea fide debet intelligi, cui conjunctum est bonæ voluntatis initium, & quæ cre-
De grad. san. c. 7. & plen. de spir. & lit. cap. 28.
 dimus unum Dominum nostrum Jesum Christum, qui conceptus est de Spiritu sancto, natus ex Maria virgine, passus sub Pontio Pilato; id est, quæ credimus in unum mediatorem Dei & hominum, hominem Jesum Christum: quia licet omni fidei quam Dei verbis adhibemus commune sit, esse opus Dei & opus justitiæ, quo Deus verax esse agnoscitur & ejus mandatis obeditur, tamen ex æterna Dei prædestinatione, fidei, quæ Deus creditur proposuisse filium suum propitiatore per fidem in sanguine ipsius, peculiare est lapsis reparationem, peccatorum remissionem, cæteraque quæ ad perfectam justitiam pertinent merito crucis Christi impetrare; adeo ut dicat Augustinus: Sine fide incarnationis, & mortis, & resurrectionis Christi, nec antiquos justos, ut
De prec. vi. c. 24.
 justis essent, à peccatis potuisse mundari & Dei gratiâ justificari, fides Christiana non dubitat, si in eis justis quos sancta Scriptura commemorat, si quos non commemorat. Nam si Cornelius Centurio, inquit, ex elemosynis & orationibus (quas sine
De grad. cap. 7. Idem epist. 59. q. 3.
 aliqua fide non faciebat) posset sine fide Christi esse salvus, non ad eum ædificandum mitteretur architectus Petrus.

CAPUT V.

Quo sensu dicat B. Jacobus hominem ex operibus justificari.

Quod verò ait B. Jacobus hominem etiam ex operibus justificari, & quod Abraham ex operibus justificatus est, offerens filium suum super altare, eo etiam sensu intelligi potest quo alibi legimus, quod qui facit justitiam justus est; & Non auditores legis justi sunt apud Deum, sed factores legis justificabuntur; nempe ut intelligatur nos non in hoc tantum justificari, quod redemptionis gratiam agnoscentes, fidei nostræ merito, & præcedentium delictorum veniam & virtutum incrementa consequimur, sed etiam in hoc quod auxilio gratiæ Christi adjuti, legi Dei saltem ex parte & in gravioribus obedimus, &
 obe-

obediendo veram justitiam coram Deo præstamus, à qua justī nuncupemur, sicut de Zacharia & Elizabeth legimus, quodd erant ambo justī ante Deum, incedentes in omnibus mandatis Domini sine querela. Etū enim, ut ait Beda, sicut charitas operit multitudinem peccatorum, sic cuncta opera bona quæ facimus, culpas quas fecimus diluere certum est, tamen ex iis operibus bonis quæ à fidelibus non ob id sunt, ut vel remissionem peccatorum vel incrementa virtutum consequantur, sed solū ut Dei mandatis pareant, cujusmodi sunt obedire parentibus, depositum reddere, ab homicidio, à fornicatione, à furto abstinere; ex his, inquam, operibus in Scripturis sacris justificari dicimur, quia sunt legis obedientia & vera legis justitia, non quia his obtemus aut remissionem peccatorum aut incrementa virtutum. Quia hæc posterior justificandi ratio peculiariter tribuitur fidei quæ credimus in sanguine Christi, sub qua etiam intelligi debent ea opera comprehendī quæ in Scripturis sacris similem habent restorationis nostræ promissionem, quæque ob id potissimum à fidelibus observantur, ut vel delictorum indulgentiam, vel incrementa virtutum consequantur, cujusmodi sunt pœnitentia, oratio, misericordia, eleemosyna, mutua debitorum remissio, quæ pacto dominicæ orationis exigitur, & alia id genus: quia sicuti de fide legimus, quodd credenti in eum qui justificat Impium, reputatur fides ejus ad justitiam, secundum propositum gratiæ Dei; sic etiam de pœnitentia: *Pœnitementini & convertimini, ut deleantur peccata vestra*; & de oratione: *Omnis qui invocaverit nomen Domini, salvus eris*; & de misericordia: *Beati misericordes, quoniam ipsi misericordiam consequentur*; de eleemosyna: *Peccata tua eleemosynis redime, & iniquitates tuas misericordiis pauperum*; & de mutua remissione peccatorum: *Dimittite, & dimittetur vobis*; & *Si dimiseritis hominibus peccata eorum, dimittet & vobis pater vester celestis delicta vestra*. Sicut igitur ex fide redemptionis non ob id tantum justificari dicimur, quia fides opus est justitiæ, sicut cætera quibus Dei mandatis obedimus, sed ob id potissimum, quia per eam & remissionem peccatorum & aliarum incrementa virtutum obtemus: sic etiam de pœnitentia, oratione, & cæteris operibus quæ pauld antè enumeravimus sentiendum est. Pord in eo quod statim subdit B. Jacobus: Vides quoniam fides cooperabatur operibus illius (scilicet Abraham,) & quodd fides ex operibus consummata est; hoc significatum arbitror, quodd neque opera sine fideificent, (nam de his scriptum est: Si Abraham ex operibus justificatus est, habet gloriam, sed non apud Deum,) neque fides sine operibus, (quia hæc etiam in dæmonibus invenitur, in quibus nihil est justitiæ;) sed quodd utrumque alterius ope indigeat, ut coram Deo veram justitiam constituat, efficiaturque fides per dilectionem operans, de qua scriptum est, quodd justus ex fide vivit. Nam qui habent fidem per solum timorem operantem, sicut dæmones credunt & contremiscunt, coram Deo justī non sunt, sed solū coram hominibus, qui ignorant quo animo quave intentione fiant quæ foris officio recta sunt & in speciem sancta videntur.

CAPUT VI.

*Quod timor crescente justitiâ minuatur,
fides verò augeatur.*

QUapropter inter fidem & timorem etiam id discriminis invenitur, quod timor qui in justis relinquitur, crescente justitiâ minuitur & ejus consummatione finitur, secundum illud Joannis: *Timor non est in charitate: sed perfecta charitas foras mittit timorem*; perfecta enim charitas, perfecta justitia est, quæ cum delictorum multitudinem operiat, & Dei legem perfectè impleat, non habet unde in die judicii poenam metuat, sed quare desideret ut transeat iniquitas & veniat regnum Dei. Fides verò quamdiu in hac vita sumus, crescente justitiâ non tantum non minuitur, verum etiam augeatur, donec specie succedente in melius aliquid & perfectius commutetur. Hinc discipuli justitiam Dei esurientes, incrementum fidei postulabant, dicentes: *Adauge nobis fidem.* Et alius quidam: *Credo, Domine, adjuva*, inquit, *incredulitatem meam.*

CAPUT VII.

Quod timor pænæ non semper antecedit justitiam.

SUNT tamen nonnulli in quibus hic renovationis ordo non servatur, ut prius detur eis spiritus servitutis in timore, deinde temporis progressu dilectio justitiæ: sed aut simul cum ipso timore voluntas obediendi tribuitur, ut divo Paulo, qui simul in timore prosternitur, & obediendi voluntate clamat: *Domine quid me vis facere?* Aut sine omni timore, qui saltem manifestus appareat, ad vocem tranquillæ monitionis conversio cordis inspiratur, ut Matthæo, qui vocatus statim a telonio recessit; & Zachæo, qui nullo terrore attritus, nullâ voce increpatus, ad promissiones redemptoris sui spe alacri & avido desiderio cucurrit. Dixi, qui saltem manifestus appareat: nam D. Augustinus dicit nunquam accidere ut quisquam velit fieri Christianus, qui non sit aliquo Dei timore percussus. Cui consonat Sapiens, cum ait: *Timor Domini expellit peccatum*; nam qui sine timore est, non poterit justificari.

Sed & inter eos qui renovationis gratiam consequuntur, illud etiam discrimen reperitur, quod nonnulli penè quicquid ad ejus plenitudinem pertinet, uno ferè momento aut brevissimo tempore consequuntur: sicut Hieremias, de quo scriptum legimus: *Priusquam te formarem in utero, novi te*; & Joannes Hier. 1. Baptista, qui intra Elizabeth matris viscera Spiritu sancto repletus exultat; Luc. 1. cum tamen plerisque aliis diu in sua infirmitate permanentibus, lento quodam incremento vix tandem aliquantulum spiritualis sapientiæ particulam accrescat. Sed quare isti sic, alii aliter, atque alii aliter diversis & innumerabilibus modis vocentur & reformatur; *absis*, inquit Augustinus, *ut dicamus judicium luti esse debere, sed figuli.* Qui etiam, ut alibi ait, *Sanctis suis ideo nonnunquam ali-*

cujus operis iusti non tribuit vel certam scientiam, vel victtricem delectationem, ut cognoscant non à seipsis, sed ab illo sibi esse lucem quâ illuminantur tenebræ eorum, & suavitatem quâ de fructum suum terra eorum.

CAPUT VIII.

Quod omnes ratione utentes duplici ex parte iustificentur.

Quia tamen iustitia in nobis duabus constat partibus, videlicet operatione virtutum, quæ in Scripturis sacris iustitia legis dicitur, & remissione peccatorum, quæ magis secundum reputationem quàm secundum sermonis proprietatem iustitia dicitur; hinc commune est omnibus ratione utentibus duplici ex parte iustificari, remissione videlicet peccatorum, quam quotidie jejuniis, elemosynis, & pacto dominicæ orationis consequuntur, & incremento virtutum, quo sic in mentis renovatione proficiunt, ut quotidie plenius ac perfectius legi Dei obediant. Quapropter hi qui in Scripturis sacris justificationem duplicem faciunt; primam videlicet, quæ nihil aliud sit quàm remissio peccatorum, quæ fit baptismo aut pœnitentiæ sacramento; & secundam, quæ post acceptam peccatorum remissionem constat continuo quodam profectu virtutum, rectius forsitan & Scripturæ sacræ confortiis loquerentur, si unius ejusdemque iustitiæ, quâ potimur in hac vitæ miseria, partes duas esse dicerent, operationem videlicet profectumque virtutum, à principio conversionis usque ad consummationem sanctæ conversationis, & remissionem peccatorum, quâ à peccatis iustificari dicimur, sive cùm baptizamur, sive cùm à sacerdotibus absolvimur, sive cùm aliâ quâvis ratione peccatorum remissionem consequimur. Nam gratiâ Dei per Jesum Christum Dominum nostrum quisque liberatur & iustificatur, non solum remissione peccatorum, in-

Epist. 105.

Psal. 102.

quit Augustinus, sed prius ipsius inspiratione fidei & timoris Dei, impartito salubriter orationis affectu & effectu; donec sanet omnes languores nostros, & redimat de corruptione vitam nostram, & coronet nos in miseratione & misericordia.

MICHAELIS BAIL,
DE
SACRIFICIO
AD
REVERENDIS.

Atque Illustriss. Dominum D. Robertum à Bergis,
Leodiensem Episcopum.

LIBER UNUS.

C A P U T I

Quod sit proprium munus sacerdotii.



Cum nuper gratiæ tuæ assisterem, Reverende Præsul, admodum lætus audiivi, quod inter curas innumeras, tam ecclesiasticas quam sæculares, quibus ob diocesis patriæque Leodiensis amplitudinem sine ulla intermissione distraheris, de sacerdotio nihilominus intra breve tempus suscipiendo seriò cogitares; nec illos velles imitari, qui licet munus sacerdotale gerant, ita se tamen comparant, ut neglecto sacrificio & oratione, quæ sacerdotii propria sunt, nihil præter externa cogitent: sed eos potius qui affectu charitatis ita subditorum necessitatibus inserviunt, ut tamen quoties per occupationes licet, ad interna atque potiora munera sua transferantur. Quapropter tecum cogitans, quomodo de tam sancto proposito tuo non solum Deo gratias agerem, obsecrans in abscondito ut qui cœpit in te opus bonum perficiat, sed etiam tuæ dignitati congratularer, nihil convenientius occurrit, quàm ut de sacrificio aliquid Celsitudini tuæ scriberem, quod ex Scriptura sacra veterumque traditione, aut intelligentiam tuam nonnihil adjuvarem ad plenius cognoscenda contemplandaque tanti mysterii sacramenta, aut si fortè aliquando ea legendo audiendoque consecutus es, saltem ad memoriam tibi re-

vocarem. Hoc enim proprium sacerdotii munus est, offerre dona & sacrificia pro peccatis, uti ad Hebr. 5. legimus. Unde Apostoli congregatâ discipulorum multitudine: *Non est æquum, inquit, nos derelinquere verbum Dei, & ministrare mensis. Considerate ergo fratres ex vobis viros boni testimonii septem, plenos Spiritu sancto & sapientiâ, quos constituamus super hoc opus; nos vero orationi & ministerio verbi instantes erimus.* Nam sub oratione sacrificium comprehenditur, sicuti ex illis discimus qui Actorum 2. perseverantes erant in communicatione & fractione panis, & orationibus. Et ex Levitico, ubi quod de sacerdote dicitur: *Orabit pro se, & pro domo sua; hoc Apostolus ad Hebr. oblationem interpretatur, dicens, quod debet etiam pro semetipso offerre pro peccatis.* Et Esaias de templo, in quo solo offerre licebat: *Domus mea, inquit, domus orationis vocabitur.* Unde Augustinus tractans illud Apostoli: *Obsecro igitur primum omnium fieri obsecrationes, orationes, postulationes, gratiarum actiones pro omnibus hominibus;* nomine orationis votum & oblationem altaris intelligit. Quemadmodum enim Christus in ara crucis tradidit semetipsum pro peccatis totius mundi, oblationem & hostiam Deo in odorem suavitatis: sic etiam sacerdos ad altare passionem ejus recolens & de illa Deo gratias agens, panem & vinum consecrat in salutis hostiam, quam offert pro peccatis totius mundi. „Cum enim sanctarum plebium præfules, in-

Act. 6.

Levit. 16.

Hebr. 7.

Esai. 56.

Epist. 59.

Epist. 5.

*Epist. ad
Epist. Gal.
cap. 11.*

„quit Celestinus, mandatâ sibi legatione funguntur, apud divinam clementiam humani generis agunt causam, & totâ secum Ecclesiâ congemiscente postulant & precantur ut infidelibus donetur fides, ut idololatræ ab impietatis suæ liberentur erroribus, ut Judæis ablato cordis velamine lux veritatis appareat, ut hæretici catholicæ fidei perceptione resipiscant, ut schismatici spiritum redivivæ charitatis accipiant, ut lapsi poenitentiae remedia conficiantur, ut denique cathecumenis ad regenerationis sacramenta perductis, celestis misericordiae aula referetur. *Est enim sacerdos communis quidam totius orbis pater, inquit Chrysostomus, cui incumbit ut omnium curam agat, omnibusque provideat, sicut & Deus, cujus ministerio servit & vice fungitur.*

*Super epistolam 1.
ad Tim.
homil. 16.*

Nec mihi nunc propositum est ostendere Missam esse sacrificium, sicut solent qui vel contra hæreticos, vel apud vacillantes in fide disserunt; quia loquor fidei & catholico Præfuli, qui ab infantia sua didici & credidit, nec templum, nec altare, nec sacerdotium nostrum constare posse sine sacrificio quod pro peccatis offertur. Siquidem omnis Pontifex ex hominibus assumptus, pro hominibus constituitur in iis quæ ad Deum sunt, ut offerat dona & sacrificia pro peccatis.

Neb. 5.

Sed quantum Deus adjuverit conabor ostendere primum, quid sit sacrificium, (quod aliis nominibus à victis hostibus victima & hostia nominatur;) deinde quæ ejus differentia; tum in quo genere numerari debeat nostrum Eucharistiæ sacrificium; post hæc pro quibus causis ac personis offerri debeat; denique quem nobis pariat fructum; ut his cognitis utcumque possint intelligi, quæ sacrificantis debeat esse spes & intentio.

CAPUT II.

Quid sit sacrificium.

Sacrificium definit Augustinus, omne opus quod agitur ut sanctâ societa- Lib. 10. de
civ. Dei
cap. 6.
 Ste inhæreatur Deo, relatum scilicet ad illum finem boni quo veraciter bea-
 ti esse possimus. Unde & ipsa misericordia, inquit, quâ homini subvenitur,
 si propter Deum non sit, non est sacrificium; si verò ad Deum refertur, tunc
 acceptissima Deo hostia est; de qua ad Hebræos: *Beneficentia & communicatio-
 tionis nolite oblivisci, salibus enim hostiis promeretur Deus.* Nec ipsa tantum
 actio misericordiæ sacrificium seu hostia nuncupatur, sed etiam illud quod mi-
 sericorditer tribuitur. Unde Apostolus: *Habeo autem omnia, inquit, & abun-* Philip. 4.
do, repletus sum acceptis ab Epaphrodito, quæ missis in odorem suavitatis, hostiam
placensem & acceptam Deo. Nam hic hostiam vocat, quæ ipsi in vitæ subsidium
 missa fuerunt. Sic & in sacrificio crucis, non ipsa tantum obedientia quâ fi-
 lius Patri factus est obediens usque ad mortem, mortem autem crucis, sacrifici-
 um nuncupatur, sed & ipse Christus qui mortem obediendo subiit, & ejus
 ipsum ejus corpus quod post mortem in cruce remansit, & ejus anima quæ
 relicto corpore ad inferos descendit, rectè sacrificium & hostia nuncu-
 pantur.

CAPUT III.

Quod duplex sint actiones quæ sacrificia vocantur.

Cæterum actiones quæ in Deum relatæ sacrificia nuncupantur, & à qui-
 bus res ipsæ quas actionibus nostris Deo offerimus sacrificii nomen acci-
 piunt, in duplici sunt differentia. Nam aliæ sunt secundum se Deo acceptæ,
 etiam si ad nihil aliud significando referantur, cujusmodi sunt universa opera
 virtutum, quæ ubique & in omnibus sunt Deo accepta; quia non est persona- Act. 10.
 rum acceptor Deus, sed in omni gente qui timet eum, & operatur justitiam,
 acceptus est illi; ut obedientia Christi usque ad mortem; divina laus, de qua
 scriptum est: *Sacrificium laudis honorificabit me.* Et: *Immola Deo sacrificium lau-* Psal. 49.
dis. Cordis contritio, de qua ait Psalmista: *Sacrificium Deo spiritus contribu-* Psal. 50.
latus, cor contritum & humiliatum Deus non despicies. Castigatio corporis, de
 qua ait Apostolus: *Obsecro itaque vos fratres, inquit, per misericordiam Dei,* Rom. 12.
ut exhibeatis corpora vestra hostiam viventem, sanctam, Deo placentem, rationa-
bile obsequium vestrum. Corpus enim nostrum, inquit Augustinus, cum per sempe- Deciv. Dei, lib. 10.
cap. 6.
Rom. 6.
 rantiam castigamus, si hoc, quemadmodum debemus, propter Deum faciamus, ut
 non exhibeamus membra nostra arma iniquitatis peccato, sed arma justitiæ Deo, sa-
 crificium est. Quod si corpus, quo inferiore tanquam famulo vel tanquam in-
 strumento utitur anima; cum ejus bonus & rectus usus ad Deum refertur, sa-
 crificium est; quanto magis anima ipsa cum se refert ad Deum, ut igne amo-
 ris ejus accensa formam concupiscentiæ sæcularis amittat, eique tanquam in-

Rom. 12.

commutabili formæ subdita reformetur; hinc ei placens, quod ex ejus pulchritudine acceperit, sit sacrificium? Nam & hoc significavit Apostolus statim consequenter adjungens: Et nolite conformari huic sæculo, sed reformamini in novitate sensus vestri, ut probetis quæ sit voluntas Dei bona, & bene placens, & perfecta. Itaque ipse torus homo Dei nomini consecratus & Deo devotus, cum mundo moritur ut Deo vivat, & secundum corpus & secundum animam acceptissimum Deo sacrificium est.

Aliæ verò sunt actiones typicæ, quæ ob id potissimum Deo acceptæ sunt & sacrificii rationem induunt, quia ad aliud quippiam significando referuntur, quod secundum se sacrificium est, quodque non solum fide credere, sed etiam perpetuâ mentis recordatione contemplari oportet. Hoc modo sacrificia fuerunt quæcunque olim in ministerio tabernaculi ac templi leguntur divinitus esse præcepta. Non enim secundum se unquam Deo accepta fuit hirci, vituli, aut bovis immolatio, sed hoc solum nomine, quia his actionibus & rebus figurabatur ea sacrificia quæ à filiis novi testamenti requirit Deus, & præcipue futuram crucis sacrificium, cujus apud fideles omnes tam jugis esse debet memoria, ut vel ob hanc etiam tempore novi testamenti institutum sit à Christo quotidianum Ecclesiæ sacrificium, quod in hujus tanti beneficii memoriam & gratiarum actionem semper offeratur. *Hoc facite*, inquit Christus, *in meam commemorationem*.

1 Cor. 11.

CAPUT IV.

Quod sacrificia typica à non typicis multipliciter distinguantur.

PORRO inter hæc duo actionum seu sacrificiorum genera multiplex discrimen invenitur. Nam illa quæ secundum se Deo accepta ad nihil aliud significando referuntur, tanquam naturalia & ex rationalis animi conditione nata, ab initio creaturæ usque in finem semper immutata Deoque accepta permanent. Semper enim erit, & Deo acceptum erit quod ait Psalmista: *Immola Deo sacrificium laudis*. Hæc verò quæ pro ratione temporis ad hoc divinitus instituta sunt & præcepta, ut sint sacrificiorum potiorum sacramenta, tanquam posita & extrinsecus ascita, pro ratione temporis immutantur: sicut de veteris populi sacrificiis manifestissimum est, quæ Christi adventu mutata sunt in unicum nostrum Eucharistiæ sacrificium, virtute majus, utilitate melius, actu facilius, & dignitate incomparabiliter sublimius. Et quæ prius suo modo grata, imò divinitus instituta jussaque fuerunt, statim post tempus correctionis facta sunt molesta, odiosa & abominabilia: sicut Judæis prænuntiavit Esaias, dicens: *Quod mihi multitudinem victimarum vestrarum, dicit Dominus? plenus sum. Et rursum: Ne offeratis ultra sacrificium frustra; incensum abominatio est mihi; neomeniam, & sabbatum, & festivitates alias non feram; facta sunt mihi molesta, laboravi sustinens. Et Hieremias: Holocaustumata vestra non sunt accepta, & victima vestra non placuerunt mihi. Et Amos: Odi & projectivitates vestras, & non capiam odorem cæturum vestrorum. Et clarissime Malachiast*

Psal. 49.

Cap. 1.

Hier. 6.

Amos. 5.

chias: *Non est mihi voluntas in vobis dicit Dominus, & munus non suscipiam de manu vestra; abortu enim solis usque ad occasum magnum est nomen meum in gentibus, & in omni loco sacrificatur & offertur nomini meo oblatio munda.* Manifestissimè enim designavit quo tempore futurum erat, ut Dominus prisca illa Judæorum munera ampliùs non susciperet, nempe tempore revelati novi testamenti, quo in omnibus gentibus offertur nomini Domini mundissima corporis & sanguinis Christi hostia. Id quod ad Hebræos scribens manifestissimè etiam significavit Apostolus, dicens: *Idèò ingrediens mundum, dicit: Hostiam & oblationem* Malach. 1.
noluisti, corpus autem aptasti mihi; holocaustomata & pro peccato non tibi placuerunt, tunc dixi: Ecce venio. In capite libri scriptum est de me, ut faciam Deus voluntatem tuam. Superiùs dicens: *Quia hostias, & oblationes, & holocaustomata, & pro peccato noluisti, nec placita sunt tibi quæ secundum legem offeruntur; tunc dixi: Ecce venio, ut faciam Deus voluntatem tuam; aufert primum, ut sequens statuatur.* Nam præsentè & revelatà veritate cessare debuit umbra, illam obscurè & adhuc revelandam significans. *Quod verò ait Psalmista: Si voluisses sacrificium, dedissem utique, holocaustis non delestaberis; ad tempora veteris illius populi referendum est, non ut ea quæ divinitus instituta præceptaque fuerunt, ante tempus constitutum negligi aut contemni debuissent suspicemur: sed ut intelligamus, quòd Deus voluptatis suæ gratià his nunquam oblectatus fuerit, sicut à stultis putabatur, quòdque de his offerendis nunquam præcepisset, nisi ea sacrificia quæ secundum se citra omnem significationem semper accepta fuerunt, his visibilibus sacrificiis significari voluisset.* Nam in eo quod scriptum est, inquit Augustinus: *Misericordiam volo, & non sacrificium; nihil aliud quàm sacrificium sacrificio prælatum oportet intelligi: & idèò, inquit, mutanda erant opportuno certoque tempore illius populi sacrificia, ne ipsi Deo desiderabilia vel certè in nobis acceptabilia, ac non potiùs quæ istis significata sunt, crederentur.* Heb. 10.
 Psal. 39.
 Psal. 50.
 Lib. 10 de civit. Dei cap. 5.
 Osè 6.

Rursus prioris generis sacrificia semper à quovis offerri potuerunt, nec aliud in offerente requiritur quàm fidem rectam, spem piam, charitatem synceram. Ad omnes enim cuiuscunque temporis homines pertinet quod ait Psalmista: *Immola Deo sacrificium laudis, & redde Altissimo votiva tua.* Et: *Sacrificium Deo spiritus contribulatus; & cætera similia quæ in Scripturis sanctis de huiusmodi sacrificiis scripta leguntur.* Quo fit, ut ab illis sacrificiis, fideles omnes sacerdotes in Scripturis sacris appellentur, offerentes spirituales hostias acceptabiles Deo per Jesum Christum Dominum nostrum, sicuti in epist. B. Petri legimus. Unde in Apocalypsi, Christus nos in hoc dilexisse dicitur, quòd lavit nos à peccatis nostris, & fecit nos regnum & sacerdotes Deo & patri suo. Ob quam causam etiam quatuor animalia & viginti quatuor seniores ceciderunt coram agno, & cantabant canticum novum, dicentes: *Dignus es Domine accipere librum, & aperire signacula ejus; quia occisus es, & redemisti nos in sanguine tuo, ex omnibus, & lingua, & populo, & natione, & fecisti nos Deo nostro regnum & sacerdotes.* Eo ipso enim quo nos impietati atque humanis occupationibus intentione vanissimà servientes ad se convertit, ut jam quæ De sunt cogitantes, non ampliùs mundo, sed Deo sacrificium laudis & gratiarum actionis immolemus, sacerdotes nos fecit Deo nostro, 1 Petr. 2.
 Apoc. 1.
 Apoc. 5.

- nostro, spirituales hostias offerentes. Ea verò sacrificia, quæ ad priora significando referuntur, ab his duntaxat offerri possunt, qui ex hominibus assumpti, pro hominibus constituti sunt in iis quæ ad Deum sunt, ut offerant dona & sacrificia pro peccatis, sicut ex testamento veteri manifestissimum est:
- Hebr. 5.* Nec enim quisquam sumis sibi honorem, inquit Apostolus: sed qui vocatur à Deo, quemadmodum Aaron. Unde in Numeris tam severe animadversum est in Da-
- Ibidem.* than & Abiron, qui cum sacerdotes non essent, sacerdotium sibi vendicaverunt, id ipsum præterdentes quod & hodierni hæretici, nempe quoddam omnis multitudo sanctorum sit, ac proinde omnes habendos sacerdotes & æquales.
- Num. 26.* Similiter 2. Paralip. cum rex Ozias templum ingressus, adolere vellet incensum super altare thymiamatis, statim ingressus post eum Azarias sacerdos Domini, & cum eo octoginta viri fortissimi restiterunt regi, atque dixerunt: Non est tui officii Ozia, ut adoleas incensum Domino, sed sacerdotum, hoc est, filiorum Aaron qui consecrati sunt ad huiusmodi ministerium. Egrederé de sanctuario, &c. statimque orta est lepra in fronte ejus, quoddam cum sacerdos non esset, sacerdotis sibi vendicare officium. Ex quibus manifestum evadit, quod typicorum sacrificiorum oblatio non omnium fidelium officii sit. Unde nec ab horum sacrificiorum ministerio vocandi sunt omnes sacerdotes, sed hi duntaxat qui juxta ritum à Deo præscriptum sunt ad hoc ministerium consecrati. Denique priora illa sacrificia quæ significativa non sunt, tum deum & offerentibus & iis pro quibus offeruntur profunt, cum offeruntur ex corde puro & conscientia bonâ, & fide non fictâ. Nam si offerantur intentione perversâ, prorsus inania fiunt & inutilia tam offerentibus quàm iis pro quibus offeruntur. Unde illud: *Quare jejunavimus, & non aspexisti; humiliavimus animas nostras, & nescisti?* Imò tunc nec sacrificia dicenda sunt, quia non eò referuntur ut Deo verâ charitate adhæreatur, quod tamen initio hujus libri ex Augustino ad rationem sacrificii pertinere ostendimus. Ea verò quæ typica sunt, etiam si offerantur intentione perversâ, nec eis profunt, imò plurimum obfunt per quos offeruntur, quia de his per prophetam dicit Dominus:
- Malac. 2.* Maledicam benedictionibus vestris; tamen propter sacramenti à Deo instituti veritatem imobilemque instituentis voluntatem, (quæ fit ut absque ministrantis devotione non tantum integra sit sacramenti ratio, sed etiam devotis fidelibus profuit,) veram sacrificii rationem retinent; quia hanc non à devotione ministrantis, sed ab instituentis voluntate & sanctitate rei significatæ sortiuntur, sicut & effectum suum; quemadmodum ex Levitico discimus, ubi constitutis sacrificiis quæ pro peccato sacerdotis, principis aut populi per ignorantiam commissio offerri debeant, semper in fine concluditur: Rogabitque pro eo sacerdos, & propitiuserit ei Dominus. Sacerdos, inquit, non addit, devotus aut indevotus. Nec mirum, nam sacramenta non à ministris pietate, sed instituentis ordinatione & suscipientis fide virtutem suam sortiuntur, sicut in baptismo & sacramentis aliis manifestissimum est. Qua de re vide Augustinum, lib. 2. contra epist. Parm. cap. 8;
- Cap. 4.*

CAPUT V.

In quo sacrificiorum genere constituendum sit sacrificium corporis & sanguinis Domini.

AD hoc posterius sacrificiorum genus, præsertim si actionem externamque sacramenti speciem spectes, sine ulla ambiguitate pertinet quotidianum Ecclesiæ sacrificium, quod Christus instante passione pro omnibus sacrificiis veteris testamenti in Ecclesia usque ad finem seculi offerendum instituit; ut quemadmodum illa multis & variis modis verum crucis sacrificium, Christi scilicet mortem tunc adhuc futuram & velatam, adumbraverunt: sic & istud illam jam peractam & toti mundo revelatam, simpliciter ac definito quodam modo semper annuntiet, donec Dominus veniat: Hoc enim facite, inquit, in meam commemorationem. „ Unde Augustinus: In illis, ait, carnalibus *Fulgenc. Deside ad Petrum cap. 13.*
 „ victimis figuratio fuit carnis Christi, quam pro peccatis nostris ipse sine pec-
 „ cato fuerat oblaturus, & sanguinis quem erat effusus in remissionem pec-
 „ catorum nostrorum: in isto autem sacrificio gratiarum actio atque com-
 „ memoratio est carnis Christi quam pro nobis obtulit, & sanguinis quem pro
 „ nobis idem Deus effudit. In illis ergo sacrificiis, inquit, quid nobis esset
 „ donandum figuratè significabatur, in hoc autem sacrificio quid nobis jam
 „ donatum sit evidenter ostenditur; in illis sacrificiis prænuntiabatur filius Dei
 „ pro impiis occidendus, in hoc autem pro impiis nuntiatur occisus. Et rur- *Cont. Fan- sum l. 10. cap. 18.*
 „ sus: Hebræi in victimis peccatorum, multis & variis modis (sicut et tantà
 „ dignum erat) prophetiam celebrabant futuræ victimæ, quam Christus ob-
 „ tulit. Unde jam Christiani paracti ejusdem sacrificii memoriam celebrant
 „ sacrosanctâ oblatione & participatione corporis & sanguinis Christi. Di-
 „ vus Thomas, ut in sacrificiis & oblationibus specialem virtutem constituat,
 „ ea duntaxat arbitratur propriè dicenda sacrificia, quæ non ab aliud merentur
 „ laudem, quàm quodd in Dei reverentiam fiant. Sed juxta hunc modum neque
 „ corporis castigatio, neque contritio cordis, neque alia multa quæ passim in
 „ Scripturis sacris sacrificia aut hostiæ nominantur, propriè dicentur sacrificia;
 „ quia non tantum ex fine, sed etiam ex officio sunt honesta & laude digna: imò
 „ nec ipsa Christi passio (quæ tamen propter eminentiam hoc sibi nomen pro-
 „ priè vendicat) propriè sacrificium dicetur, quia in ipsa tantopere laudandum
 „ humilitatis officium est, ut palam testetur Apostolus quodd propter hoc Deus *Philipp. 2.*
 „ exaltavit eum, & dedit ei nomen quodd est super omne nomen, ut in nomine
 „ Jesu flectatur omne genu, cœlestium, terrestrium, & infernorum, & om-
 „ nis lingua confiteatur quodd Dominus Jesus est in gloria Dei Patris. Quin & ea
 „ quæ in veteri lege ob id peculiariter sacrificia nuncupantur, quodd ad Christi
 „ passionem, quæ propriissimè sacrificium est, significando referantur, etsi
 „ quibusdam videri queant ex eo duntaxat mereri laudem, quodd ad Dei hono-
 „ rem fiant, atamen ex hoc etiam laudabilia sunt, quodd tanti tamque necessa-
 „ rii sacramenti fidem significando doceant & foveant. Rectius igitur & sacræ
 „ Scripturæ conformius, sacrificium cum D. Augustino sine speciali virtutis ratio-

ne intelligimus in omni opere bono, quod ad eum finem refertur quo veraciter beati esse possumus, sive ex fine duntaxat, sive etiam ex officio laudem aliquam mereatur; atque unumquodque opus bonum apud Deum tantò magis esse sacrificium, quantò magis illi fuerit acceptum.

CAPUT VI.

Cur sacræ Eucharistiæ confectio, præ cæteris sacramentis peculiariter sacrificium appelletur.

Quodd si roges, cur sacræ Eucharistiæ confectio præ cæteris sacramentis, (quæ etiam typica sunt & ad hoc divinitus instituta, ut juxta sacrificii definitionem sanctam aliquam actionem significant, eo sine peractam ut Deo sanctâ societate adhæreatur,) à piis fidelibus peculiariter nomine sacrificii celebretur, quadruplex videtur ejus reddi posse ratio. Prima est, quodd sola ad hoc peculiariter est instituta, ut sit illius primi atque eminentissimi sacrificii quotidiana cum gratiarum actione commemoratio: Hoc enim facite, inquit Christus, in meam commemorationem. Nam si juxta Scripturam sacram tempore legis veteris peculiariter sacrificia dici meruerunt, quæ unicum istud sacrificium adhuc futurum & incognitum adumbrabant; quantò magis sacrificium dici meretur, quod ipsum jam peractum manifestè commemorat & continet. In illis enim carnalibus victimis, inquit Augustinus, quid nobis esset donandum figuratè significatur; in hoc autem sacrificio quid nobis jam donatum sit evidenter ostenditur. Secunda ratio est, quodd sola Eucharistia sacratissimam illam hostiam contineat, quæ semel in cruce oblata, totius mundi salutem operatur & propriissimè sacrificium nuncupatur. Tertia est, quodd hoc sacrificium inter omnia sacramenta in effectu suo crucis sacrificio simillimum sit. Sicut enim sacrificium crucis, vivis & defunctis, fidelibus & infidelibus, præsentibus & absentibus prodest; (Christus enim, ut inquit Paulus, unâ oblatione consummavit in æternum sanctificatos) sic & istud; quod nulli prætereà competit sacramento. Unde & in Scripturis sacris, propter affectus similitudinem quam habet cum oratione, frequenter orationis nomine significatur: ut Act. 6. *Nos verò orationi & ministerio verbi instantes erimus.* Et ad Tim. *Obsecro primum omnium fieri orationes,* &c. Et quodd in Levitico legimus: *Orabis pro se sacerdos,* Apostolus ad Hebræos interpretatur, *offeret.* Quibus simile est illud: *Domus mea domus orationis vocabitur:* nam alibi poterat orari, sed non offerri. Quartò potest hujus sacramenti confectio sacrificium peculiariter nuncupari, quia significat etiam illud sacrificium quo universa Sancto- rum societas per sacerdotem magnum Deo offertur. Hoc est enim sacrificium Christianorum, inquit Augustinus, quo multi unum corpus in Christo sumunt; quodd etiam sacramento altaris fidelibus noto frequenter ecclesia, ubi ei demonstratur, quodd in ea oblatione quam offert, ipsa offertur. Igitur ipsa Eucharistiæ confectio non idèd à fidelibus peculiariter nomine sacrificii prædicatur, quodd inter sacramenta, sola sacrificium sit; sed quia inter omnia sacrificia sic eminet, ut nomen aliis commune veluti proprium sibi vindicare mereatur. Nam & ipsum

synaxis

Lat. 22.

Fulgent.
de fide ad
Pet. c. 19.

Hebr. 10.

1 Tim. 2.
Levit. 16.
Hebr. 7.
Esa. 56.De civit.
Dialib. 10.
cap. 6.

synaxis vocabulum, quod alioqui cæteris sacramentis commune erat, (hoc enim agunt universa, ut ejus quod verè unum est societatem unitatemque individuum largiantur) ab effectu ipso quo unitatem perficit, sibi proprium fecit: sicut hanc docet Dionysius Areopagita in Ecclesiastica Hierarchia. Cap. 3.
par. 1.

CAPUT VII.

Quid Ecclesie sacrificium duobus modis significet.

DUOBUS autem modis sacrificium istud significat, externam videlicet sacramenti specie, & circa sacramentum actionis exterioris similitudine. Externam sacramenti specie in primis significat, quod Christus apud Joannem tantam instantiam nobis commendavit: Ego sum panis vitæ: &c, Caro mea verè est Joan. 6. cibis, & sanguis meus verè est potus; &c: Panis verus est, qui de cælo descendit, & dat vitam mundo; &c: Panis quem ego dabo, caro mea est pro mundi vita; &c: Nisi manducaveritis carnem filii hominis, & biberitis ejus sanguinem, non habebitis vitam in vobis. Nempe quod Christi morte, quæ in ejus carne fuit, credentibus & credendo manducantibus vita reparatur, quam rectis ante lapsum panis ille tribuebat, de quo ait Psalmista: Percussus Psal. 107. sum ut fœnum, & aruit cor meum, quia oblitus sum comedere panem meum. Deinde etiam significat illud quod in Apostolo legimus: *Multi unum corpus sumus, omnes qui de uno pane & de uno calice participamus.* Unde Cyprianus episcopus ad Magnum: *Unanimitatem Christianam firmam sibi atque inseparabili charitate connexam, etiam ipsa dominica sacrificia declarant.* Nam quando Dominus corpus suum panem vocat, de multorum granorum adunatione congestum, populum nostrum quem portabat indicat adunatum. Et quando sanguinem suum vinum appellat, de botris atque acinis multis expressum atque in unum coactum, gregem item nostrum significat commixtione adunatæ multitudinis copulatum. Quem secutus Augustinus: Hujus rei sacramentum, inquit, id est, unitas corporis & sanguinis Christi de mensa dominica sumitur. Et clarius super Joannem: Dominus, inquit, noster Jesus Christus (sicut etiam ante nos hoc intellexerunt homines Dei) corpus & sanguinem suum in iis rebus commendavit, quæ ad unum aliquid rediguntur ex multis; namque aliud in unum ex multis granis conficitur, aliud in unum ex multis acinis confluit. 1 Cor. 10.
1 Cor. 11.
Luc. 22.
1 Cor. 11.
In lib. Sermonum.
Tract. 26.

Similitudine verò exterioris actionis circa sacramentum (de qua ait Apostolus: Panis quem frangimus; & rursus: Dominus Jesus in qua nocte tradebatur, accepit panem, & gratias agens, fregit. Item apud Lucam: Accipite, & dividite inter vos) Christi passionem immolationemque significat, juxta illud Apostoli: Quotiescunque enim manducabitis panem hunc, & calicem bibetis, mortem Domini annuntiatibus, donec veniat. Unde Augustinus: Dum frangitur hostia, dum sanguis de calice in ora fidelium funditur, quid aliud quam dominici corporis in cruce immolatio, ejusque sanguis de latere effusio designatur? Id quod intuens Ecclesia tempore fractionis & communionis, veluti Christum in cruce peccata tollentem alloquens exclamat: *Agnus Dei qui tollis peccata mundi, miserere nobis.* Non tamen negaverim Christi mortem, id est, corporis ab anima, quæ in sanguine non absurdè intelligitur, separationem etiam in eo designari, quod

panis seorsim in corpus, & vinum seorsim in sanguinem Christi consecratur. Nam id satis aperte significat quod post panis & vini consecrationem statim in canone sequitur: *Unde & memores, Domine, nos servus tui, sed & plebs tua sancta, ejusdem Christi filii tui Domini nostri, tam beatæ passionis, &c. offerimus præclara majestati tuæ de tuis donis ac datis hostiam puram, &c.*

CAPUT VIII.

*Quid non quorumvis officii sit offerre sacrificium corporis
& sanguinis Domini.*

Sicut igitur olim in testamento veteri, non quorumvis officii erat offerre typica illius temporis sacrificia, sed filiorum Aaron, qui consecrati erant ad hujusmodi ministerium, quibus & populus juxta legem decimas persolvebat, ut se eorum favore patrociniæque apud Deum egre significaret: sic etiam tempore novi testamenti, non quorumvis officii est panem & vinum consecrare in salutis hostiam, illamque Deo Patri offerre, sed eorum duntaxat qui ad hoc ministerium electi sunt & ritu divinitus præscripto consecrati, qui etiam in hodiernum usque diem à populo decimas accipiunt; de quibus Titus scribit Apostolus: *Hujus rei gratiâ reliqui te Cretæ, ut ea quæ desunt corrigas, & constituas per civitates presbyteros.* Et Timotheo: *Noli negligere gratiam quæ est in te, quæ data est tibi per prophetiam, cum impositione manuum presbyterii.* Et rursum: *Manus nemini cito imposueris, neque communicaveris peccatis alienis.* Quia sicut illa sacrificia typica fuerunt, & ad præfigurandum Christi mortem salubriter instituta, sic etiam istud sacrificium typicum est, & in commemorationem mortis Christi divinitus ad hominum salutem institutum; est tamen verum sacrificium, quia corporis & sanguinis Christi vera oblatio in remissionem peccatorum: sicuti & illa licet typica & mortis Christi prænuntiativa, tamen vera fuerunt sacrificia, quibus Dominus iis qui peccaverant fiebat propitiis, sicuti in Levitico sæpius repetitur.

Sed obijcitur: Deus unâ oblatione consummavit in æternum sanctificatos: igitur tempore novi testamenti præter oblationem crucis nulla est oblatio sanctificans & emundans à peccatis. Responso. Deus unâ oblatione non tantum consummavit sanctificatos, tempore novi testamenti, sed etiam tempore veteris, imò & quotquot ab initio mundi unquam sunt sanctificati. Quapropter si hoc Apostoli testimonio tollitur quotidianum Ecclesiæ sacrificium, eadem etiam ratione tollenda erant quæcumque ab initio mundi pro peccatis oblata euntur esse sacrificia; quod quia absurdissimum est, ideo intelligere debemus, Apostolum jam dicto testimonio non loqui de typicis sacrificiis, quæ ad aliud quippiam significando referuntur à quo vim sanctificandi mutuantur, sed de eo quod secundum se sine ulla significatione aut relatione Deo Patri tam est acceptum, ut propriâ virtute ac merito sanctificet quotquot Deo Patri reconciliantur, & reconciliando sanctificantur; quale sine dubio unicum est, videlicet ipsum crucis Christi sacrificium, quo ab initio mundi sanctificati sunt quotquot vel sacrificiis priorum temporum, vel quotidiano Ecclesiæ sacrificio unquam

quam fuerunt sanctificati. Differit enim Apostolus contra Judæos, qui veram crucis oblationem abnegantes & sine ulla Christi gratia veram sibi iustitiam vendicantes, legis quidem obedientiam non adiutorio Christi, sed suæ legis cognitioni, remissionem verò peccatorum non sacrificio crucis, sed suis brutorum animantium tribuebant sacrificiis. Quasi videlicet hircorum aut vitulorum immolatio secundum se, sine ulla relatione ad Christi mortem, Deo tam accepta fuisset, ut ejus intuitu peccata solvisset; serviebant enim carnaliter & signa pro rebus amplectebantur, ut patet lib. 3. de doctrina Christiana, cap. 5. & 6. Quos redarguens Apostolus, omnem omnium omnino hominum, qui vel antè fuerunt vel post futuri sunt, sanctificationem ad unicam crucis oblationem refert, quæ videlicet secundum se sine ulla significatione aut relatione Deo Patri tam accepta fuerit, ut intuitu illius ac merito sanctificet quotquot aliquando sanctificantur, sive per sacrificia typica, sive per alia quæcunque sacramenta. Non enim hoc agit Apostolus, ut per typica sacrificia sanctificatio fieri negetur, (nam alioqui nec baptismo nec ulli sacramento tribui posset ulla sanctificatio;) sed ut omnis sanctificatio, quæ exhortatione, sacramentis, sacrificiis, aut aliâ quavis ratione efficitur, virtute & merito passionis Christi fieri intelligatur, non autem virtute immolationis alicujus pecudis, sine merito passionis Christi, quemadmodum errantes imaginabantur Judæi, qui, uti jam diximus, signa pro rebus amplectebantur.

CAPUT IX.

Quodd et si Ecclesiæ sacrificium typicum sit & significativum, plurimum tamen differat à sacrificiis testamenti veteris.

Cæterum et si quotidianum Ecclesiæ sacrificium typicum sit & significativum, proprios habens sacerdotes ad hujusmodi ministerium consecratos, sicuti & testamenti veteris sacrificia, tamen plurimum ab eis discrepat, non in eo tantum quodd modo quodam unico ac simplici evidenter ostendit, & cum gratiarum actione tanquam exhibitum jam & revelatum commemorat, quod illa multipliciter & obscure adhuc tunc futurum & velatum adumbrabant: sed in eo maxime quodd illa actione & nonnullâ qualitatibus similitudine veram crucis hostiam, quæ pro totius mundi peccatis offerenda erat, tantum præfigurabant; ipsum verò Ecclesiæ sacrificium actione quidem & nonnullis proprietatibus ad significandum institutis ab illo discrepat; (aliud est enim panis & vini consecratio, aliud voluntaria Christi in cruce passio,) sed ipsam hostiam quæ in cruce oblata est veraciter continet, nempe corpus & sanguinem Christi, ut quisquis hujus sacrificii quotidiani particeps efficitur, non tantum suscipiat figuram aut imaginem, sed rem etiam quæ figuratur, & corpus quod pro omnibus sacrificiis veteris testamenti offertur & veraciter participantibus ministratur, sicut docet Augustinus de civitate Dei.

Lib. 17.
cap. 20.

CAPUT X.

Quæ ratione sacrificium corporis & sanguinis Domini non tantum oblatio, sed etiam proprii nominis sacrificium dici queat.

Quidam hîc anxie laborant, ut ostendant hujus confectiorem sacramenti, non tantum esse oblationem, sed etiam proprii nominis sacrificium; de cujus ratione esse contendunt, ut res quæ offertur etiam mutatione aliqua sanctificetur. Quam difficultatem etsi à veteribus observatam discussamque non inveni-erim, attamen sic expediri posse existimo, ut quemadmodum in sacrificio populi veteris vitulus & vivens sacrificium dicebatur, quia id erat quod occisione erat sanctificandum, & occisus, quia erat hostia jam immolatione sanctificata, quam qui edebant efficiebantur altaris participes; sic etiam in Evangelistæ sacramento panis & vinum sacrificium dici possunt, tanquam illa à quibus ipsa mutatio sumit initium; quemadmodum initio canonis Missæ de ipsis dicitur: Supplices rogamus ac petimus uti accepta habeas ac benedicas hæc dona, hæc munera, hæc sancta sacrificia. Et ipsum Christi corpus & sanguis sub specie panis & vini contenta dicuntur sacrificium, tanquam res in quas fit sancta mutatio, de quibus in fine canonis: Offerimus præclaræ majestati tuæ de tuis donis ac datis hostiam puram, hostiam sanctam, hostiam immaculatam. Quapropter utroque modo rectè dicimus, videlicet sacrificium panis & vini, hoc est, ex pane vinoque confectum, & sacrificium corporis & sanguinis Domini, hoc est, ipsa vera hostia, sacra quâdam transmutatione confecta, cujus participes sunt omnes qui in Ecclesia Christi ad altare Domini pertinent.

CAPUT XI.

Cur ecclesiæ ministri in libris novi testamenti non dicantur sacerdotes aut pontifices, sed presbyteri & episcopi.

Nec quemquam movere debet, quod ministri Ecclesiæ à Christo constituti nusquam in Scriptura novi testamenti leguntur appellari sacerdotes aut pontifices, sed episcopi & presbyteri, quasi videlicet hæc nomen immutatione significare voluisset eos non sacrificiis offerendis destinatos, sed prædicationi verbi aliisque similibus ministeriis. Quia omnes libri novi testamenti scripti sunt eo tempore, quo adhuc aut in usu aut in recenti memoria erant pontifices & sacerdotes veteris testamenti, à quibus Apostoli & Evangelistæ (qui novi testamenti libros conscripserunt) volentes distinguere pontifices & sacerdotes nostri temporis, (ne videlicet non secundum ordinem Melchisedech, sed secundum ordinem Aaron intelligerentur constituti,) non eos sacerdotes aut pontifices, sed presbyteros aut episcopos nuncuparunt. Cæterum

deletâ

deletâ Hierusalem, & in cordibus fidelium utrunque oblitteratâ prioris sacerdotii memoriâ, omnes Ecclesiæ doctores qui post Apostolos & Evangelistas extiterunt, ministros novi testamenti constantissime pontifices sacerdotesque vocaverunt, uti ex eorum monumentis evidentissimum est; ut his etiam appellationibus ostenderent, eos successisse in locum pontificum & sacerdotum prioris temporis, ad offerenda dona & sacrificia pro peccatis, & ad implendum in gentibus quod in Malachia prædictum legitur: *In omni loco sacrificatur & offertur nomini meo oblatio munda, quia magnum est nomen meum in gentibus, dicit Dominus exercituum.*

CAPUT XII.

Pro quibus personis & causis offerendum sit quotidianum Ecclesiæ sacrificium.

JAm restat paucis intueri, pro quibus causis & personis offerri debeat nostrum altaris sacrificium. Ubi illud in primis observandum, quod licet de ratione sacrificii non sit quoddam pro peccatis offeratur aut alio quovis humanæ reparationis effectu, (poterat enim homo ante lapsum Deo tanquam supremo Domino in laudem & gratiarum actionem offerre sacrificium;) attamen quia nostrum commune sacrificium ad hoc potissimum institutum est, ut jugis commemoratio sit illius sacrificii quod in cruce oblatum genus humanum reparat, & ut nos eorum munus participes efficiat, quæ Deus diligentibus se præparavit; idè pro iisdem causis & personis offerri debet, pro quibus Christus in cruce oblatum est, nempe pro omnibus electis, aut quos electos arbitramur, tam vivis quàm defunctis, & pro omni eorum reparatione, donec ad eum statum pervenerint, quem omnes homines consecuti fuissent si ab innocentia lapsi non fuissent. Successit enim in locum omnium sacrificiorum testamenti veteris, quæ pro diversissimis causis ac personis offerebantur; adèd ut Machabæus pro peccatis mortuorum in spe resurrectionis offerri mandaverit: sicut & Augustini mater moriens, ad altare memoriæ suscipi petivit; & vir tribunitius Hesperius, sicuti est apud Augustinum, vexationem dæmonum à villa sua sacrificio depelli curavit. Nec arbitrandum est, (ut quidam errantes existimant) sacrificium istud pro iis tantum offerri debere, qui nunc ad Ecclesiam Christi pertinent, sed generaliter pro iis omnibus, de quibus sperare possumus quoddam in Christum gregem aliquando adunabuntur. Nam & ipse Onias sacerdos summus in Machabæis pro salute Heliodori gentilis & impii hostiam obtulit salutarem; & ipse Apostolus Timotheo præcipit, primum omnium fieri orationes, obsecrationes, postulationes, gratiarum actiones pro omnibus hominibus. In quem locum scribens Chrysostomus: *Sed forte quis dixerit, inquit, pro omnibus quod ait, tantum fideles intelligi voluisse: at id verum non esse, inquit, quæ sequuntur ostendunt; siquidem ait, pro regibus, neque enim reges tunc Deum colebant.* Et Augustinus: *Additur, inquit, pro omnibus hominibus, ne quisquam, sicut se habet humana cogitationis infirmitas, existimaret non esse ista scienda pro his à quibus persecutionem patiebatur Ecclesia.* Quam sententiam adhuc

a August.
contra ad-
ver. legis
& proph.
lib. 1. c. 19.
Con. Do-
na l. 9. in
fine. Ec-
clesiæ.
Dei. lib. 17.
cap. 20.
2 Mac. 12.
b Lib. 9.
confess. cap.
11. 12. 13.
c De civi.
Dei. l. 22.
cap. 3.
2 Mac. 1.
Tim. 2.
Homi. 6.
Epip. 19.
clariùs

Lib. 1. c. 12. clariùs exequitur D. Ambrosius, seu potius D. Prosper de Vocatione gentium, dicens: *Præcipit Apostolus, imò per Apostolum Dominus qui loquebatur in Apostolo, fieri obsecrationes, postulationes, & gratiarum actiones pro omnibus hominibus, pro regibus, & pro iis qui in sublimitate sunt; quam legem supplicationis ita omnium sacerdotum & omnium fidelium devotio concorditer tenet, ut nulla pars mundi sit in qua huiusmodi orationes non celebrantur à populis Christianis.* Supplicat ergo ubique Ecclesia Deo non solum pro Sanctis & in Christo jam regnantibus, sed etiam pro omnibus infidelibus & inimicis crucis Christi, pro omnibus idolorum cultoribus, pro omnibus qui Christum in membris ipsius persequuntur, pro Judæis, quorum cæcitati lumen Evangelii non refulget, pro hæreticis & schismaticis, qui ab unitate fidei & charitatis alieni sunt. Et ne quis fortè suspicetur hoc Apostoli testimonium ad quotidianum Ecclesiæ sacrificium non pertinere, attendat in primis quomodo id quod in Levitico de sacerdote legitur: *Orabit pro se; interpretetur Apost. in epist. ad Hebræos: Offerret pro se ipso, pro peccatis; quo sensu etiam scriptum est: Domus mea domus orationis vocabitur; Similiter & illud: Patres nostri in monte hoc adoraverunt, vos autem dicitis quia Hierosolymis est locus ubi adorare oportet; quia ubique licebat adorare, sed offerre non nisi in templo Hierosolymitano.* Videat & August. epist. 59. superius dicta, quomodo orationes pro oblationibus & sacrificiis accipiat, secutus, ut apparet, id quod in Actis habemus de perseverantibus in oratione & fractione panis. Cui planè consentit Chrysostomus in commentario, dicens: *Quid autem sibi vult quod ait, primum omnium; in obsequio scilicet quotidiano, inquit, perpetuoque divinæ religionis ritu. Atque id noverunt, inquit, fideles, quomodo diebus singulis manè & vespere orationes fundantur ad Dominum, quomodo pro omni mundo, & regibus & omnibus qui in sublimitate sunt positi, obsecrationes ab Ecclesia fiant.*

*Levit. 16.**Hebr. 5.**Esa. 56.**Joan. 4.**Act. 2.**Ho. 6. in**1 Tim. 2.*

CAPUT XIII.

Quem effectum pariat quotidianum Ecclesiæ sacrificium.

PORRò sicut orationes, quæ secundum Domini præceptum quotidie in Ecclesia Dei fiunt, inanes & perfunctoriæ non sunt, sed secundum ordinem divinæ dispositionis pro his exaudiuntur, quos quotidie de potestate tenebrarum eximi aut aliud quodcunque misericordiæ munus à Deo consequi videmus; sic etiam de ipso quotidiano sacrificio sentiendum est, quod à sacerdotibus oblatum, pro iis causis & personis sit efficax quarum Deus misereri decrevit, quodque, si aliquos, (ut inquit Prosper, *sicuti videmus accidere, salvantis gratia praterieris, & pro eis sacrificium oratioque Ecclesiæ recepta non fuerint, ad occulta divina justitiæ judicia referendum est, & agnoscendum hujus secreti profunditatem nobis in hac vita patere non posse.* Ex parte enim cognoscimus, & ex parte prophetamus. Quapropter dum scimus sacrificium istud non tantum pro quibuscunque causis offerri posse, præsertim quæ ad sublevamen humanæ pertinent miseræ, ut pro pœnitentia & peccatorum remissione, pro victoria & pace con-

*De vna. gent. lib. 1. cap. 13.**1 Cor. 13.*

consequenda, pro sanitate & aëris temperie, sed etiam pro quibuscumque hominibus quibus salutem sperare possumus, tam iustis quam iniustis, tam defunctis quam vivis, nullo modo ambigere debemus quin in omnibus causis & personis quotidie fortia effectum, quibus Deus secundum ordinem æternæ suæ dispositionis per ipsum sacrificium decrevit subvenire. Sed ubi nulla meritorum existit diversitas, quare potius in hoc homine quam in alio, aut cur potius in hac causa quam in alia effectum consequatur, non debet iudicium esse luti, sed figuli, qui secundum altitudinem divinæ & incomprehensibilis sapientiæ suæ, quorum vult miseretur, & quos vult indurat. Solet etiam queri, utrum istud sacrificium valeat ad remissionem criminum quæ à jam baptizatis committuntur. Cui respondendum videtur, quod valeat quidem & cooperetur ad omnium peccatorum remissionem, non tamen sicut jam baptizatus sine absolutione sacerdotis graviorum scelerum consequatur remissionem, sed solum ut apud Deum dignus habeatur, cui per sacerdotem peccata dimittantur. Nam sicut Ecclesia per orationes Sanctorum tanquam per columbæ gemitum peccata eorum dimittit, qui per sacerdotes sive bonos sive malos absolventur: sic & Ecclesiæ sacrificium (quod cum orationibus usque adeo similem operatur effectum, ut frequenter etiam oratio nuncupetur) cooperatur infirmitati poenitentium, ut apud Deum per Ecclesiæ sacerdotes, ut dictum est, absolvi mereantur. Nam sicut fides in aqua mundat, sic poenitentia, elemosyna, oratio & sacrificium in reconciliationis sacramento sanctificat.

MICHAELIS BAILI,
COLLATIO
CUM
JUDOCO RAVESTYN,
ET
CUNERO PETRI,
Lovaniensis Academiae Doctoribus Theologis:
DE
SACRIFICIO MISSÆ.

Haec littera scripta sunt die Sabbathi post festum S. Catharinae, qui erat vigesima septima Novembris anni 1568. cum die præcedenti disputata fuerat Questio de Sacrificio Missæ, ad quam respondebat Mathias Hovius Mechliniensis, Bursarius Collegii Pontificii; deinde Sancti Petri apud Mechliniam Pastor & Archidiaconus; postea Archiepiscopus Mechliniensis.

CAPUT I.

Michael Cunero.

DOMINE PASTOR.



*a MS. K.
adhera-
tur.*

Uia heri offensus sum in eo quodd post disputationes mihi objecti, quod non recederem ab ea sententia (quam puto aperte hæreticam) quæ habet quodd sacrificium Altaris tantum ex eo dicatur sacrificium, quia fit ob bonum finem, ut Deo *a* inhæreatur sancta societate, &c. visum est ea de re pauca ad conferendum scribere. Imprimis enim dicendo me ab illa sententia non recedere, significabas & me eam aliquando tenuisse, & adhuc tenere: *b MS. C. fr.* quæ in causa hæresis gravissima *b* sunt & mihi molestissima: utpote (sicut mihi vide-

vide-

videtur) aperte falsa. Ad cuius intelligentiam imprimis videtur D. Thomas in 3. parte, quæst. 83. art. 1. Ubi Thomas duas tantum reddit rationes, quare Christus in Altari immoletur: nempe significationem & effectum passionis Christi; quas duas etiam posui (*in Tractatu de Sacrificio.*) a Si tacendo alias causas, approbavi sententiam Hæreticorum: igitur & ipse Thomas. Sed fortè querela est, quòd aliquando dixi ipsam benedictionem esse sacrificium: nec differre à consecratione, nisi fortè ratione. Existimo enim quòd eo ipso quo panem & vinum eà intentione benedicimus, ut non tantum in corpus & sanguinem Christi transmutentur, sed etiam ut vivis & defunctis (pro quibus offertur) Deus reddatur propitius; quòd eo ipso Deo sacrificetur. Et videtur Thomam 2. 2. q. 85. art. 3. ad 3. anne hoc ipsum doccat, dicens quòd quando aliquid Deo immediatè offertur, oblatio est; sive circa illud aliquid fiat, sive non; ut sunt panis, vinum, denarii, & alia, quæ offeruntur super altare. Sed quando circa oblata aliquid agitur; tunc oblatio sacrificatur. Et ponit exemplum de animalibus, quæ olim oblata occidebantur; & de pane, qui frangitur, comeditur & benedicitur. Ego principale intellexi in benedictione, sicut etiam in Libro suo intellexit Dominus Tiletanus (*Judocus Ravesteyn*) dicens tunc sacrificari cum benedicitur, &c. His præsuppositis oro ut digneris indicare in quo putes me dissentire à D. Thoma, à Concilio Tridentino, aut etiam à Domino Tiletano. Nam Magister noster Hessels videbatur rationem sacrificii in aliquo alio intelligere; quod nunquam intellexi: nec puto quòd ei coposuerit Dominus Tiletanus, nisi fortè (quod tamen in libro suo non posuit) intelligat elevationem super altare, aut aliquid hujusmodi esse ipsam sacrificiationem: neque enim, quantum memini, nominabat aut benedictionem, aut fractionem, aut comestionem, sicut D. Thomas; neque etiam elevationem, sicut heri videbatur b indicare Dominus Tiletanus. Deinde de quibusvis vel jam dictorum modorum, vel aliorum quos c non dixi, sit verus, peto ut digneris mihi indicare an propter aliquem horum modorum damnetur in Hæreticis quòd dicant Sacrificium Missæ tantum esse sacrificium, quia refertur ad eum finem ut sancta societas in hæreatur Deo; an verò potius quia hoc d dicendo (quicquid tandem sit ipsa sacrificatio) ipsi negant sacrificium d Missæ, quòd in Missa agitur, posse prodelle vivis & defunctis pro quibus offertur: etsi damnetur propter hanc postremam partem, sicut eos damnari puto. Si enim confiterentur quòd in Missa ex pane & vino fiant Corpus & sanguis Christi, non remanentibus nisi speciebus &c. & quòd hoc sit verè sacrificium, quod pro sit vivis & defunctis pro quibus offertur, sicut hætenus credidit Ecclesia; puto quòd contenti essent Fideles. Si, inquam, propter illam postremam partem damnetur; vides quantà calumnià sive oblibrum (*de sacrificio,*) sive ob disputationes mihi impingatur quòd illi sententiæ hæreticæ vel aliquando consenserim, vel adhuc hodie consentiam: cum ego illum effectum nunquam tacerim. An vis etiam Dominum Hessels huic hæresi implicare, quia modum alium cogitabat, quem nec habet Thomas, nec Dominus Tiletanus sequitur: cui etiam de hac re scripsissem, nisi timuisssem ne fortè e oriretur aliqua contentio. Cupio enim à quovis audire veritatem: & spero quòd absque omni contentione dignaberis mihi scripto respondere, quod ego promitto

a MS. K. tacendo alias causas. Approbavi sententiam Hæreticorum? Igitur etiam ipso Thomas.

b MS. K. significare. c MS. C. quos dicit.

d MS. K. docendo.

e MS. G. oriretur contentio.

mitto tibi remitte re ubi ipsum diligenter inspexero: & peto vicissim ut digneris etiam mihi remittere scriptum meum, quia nullam omnino servavi copiam, partim propter occupationes & celeritatem, partim ne servitor esset ullo modo conscius, si per illum iussissem scribi.

Celerrimè

MICHAEL DE BAI.

C A P U T I I.

Cunerus Petri Michaeli de Baii.

ABsit à me quoddamquam in corde Domini hæresim aliquam suspicatus sim: sed quando de sacrificio Missæ agitur, hoc mihi videtur offendere quoddam propria oblationis ratio verbis Scripturæ atque Ecclesiæ non explicetur. Quamvis enim quæ de repræsentatione, consecratione, fractione & effectu ex D. Thoma proferuntur, præsuppositâ naturâ oblationis ad proprietatem sacrificii, quæ species ejus est, sufficiant; non tamen de quo hic agitur ipsius generis, quod præsupponunt, id est oblationis, notionem attingunt aut explicant, quod cum locis à Domino citatis D. Thomas præsupponit alibi, nempe art. 1. & 2. quæstionis illius a 85. & 1. 2. quæst. 102. art. 3. in corpore eruditissimè declarat. Cum enim Apostolus sacerdotem eum esse definiat, qui ex hominibus assumptus pro hominibus constituitur in iis quæ ad Deum sunt, ut offerat dona & sacrificia, omnisque apud eum Pontifex ad offerendum munera constituatur; manifestum est ad rationem oblationis, adeoque sacrificii, pertinere ut cui sit oblatio, b ei munus, quod creditur ei gratum, præsentetur. Sicut B. Lucas oblationem Domini in templo secundum Legem factam explicans: *Tulerunt eum*, inquit, *in Jerusalem ut sisterent eum Domino: sicut scriptum est in lege Domini: quo modo similis B. Virginis oblatio ab Ecclesia, id est præsentatio, nuncupatur. Unde Dominus imple naturam hostiæ & oblationis in cœna significans, Hoc est, ait, Corpus meum, quod pro vobis datur; Lucæ 22. Idè toties in Canone repetitur, Hæc dona, hæc munera, &, offerimus præclara Majestati tuæ de tuis donis ac datis, super quâ propitio ac sereno vultu respicere digneris: Et, munera pueri tui iusti Abel, &c. Sicut etiam de tribus Magis Evangelium referre novimus, quoddam obtulerunt Domino munera. Et Dominus in Evangelio: cum offers munus tuum ad altare. Cum enim lex naturæ munus à nobis postulet, quo tantam Majestatem, ut a & w, id est principium & finem, recognoscamus, ingenuè nos hic confitemur non aliud hic nos habere eâ Majestate dignum, quam illud ipsum quod ei semel in Cruce datum est; quod cum c sit pretium nostræ redemptionis nobis à Deo datum ejus Majestati sistimus, ut quod ad sufficientiam semel pro omnibus datum est, velit ad efficientiam pro omnium necessitatibus acceptare: quod dictis jam verbis in Canone (*supra quæ propitio &c.*) facit Ecclesia. Proinde quæcunque actio in Missa dicatur oblatio, sive benedictio, aut consecratio, sive fractio, sumptio,*

aut

a M.S. K.
49.

b M.S. K. &
munus.

c M.S. K.
omittit.

aut elevatio; ratio tamen oblationis non retinetur, nisi jam dicta præsentandi atque sistendi intentio conjungatur: sicut è contrario quando illa junguntur, parum videtur referre ubi & quando fiat, cum in tota eorum quæ fiunt actione hæc sit Ecclesiæ intentio, ut Patri Filium pro omnium salute sistat, quamquam probabilius in ipsa consecratione istud fieri existimem, ^{a MS. K. nam quæ.} omniaque quæ de oblatione præcedunt & sequuntur ad eam dirigi & referri. Quodd igitur Patri hæc victima in ^{b MS. K. recognitione.} recognitionem suæ Majestatis, & unde omnia per Filium accipimus, tanquam pretium quo comparatur nostra salus sistitur & repræsentatur, ad propriam ipsius oblationis, id est, generis notionem pertinet: quodd verò aliquo mutationis ritu, utpote benedictionis, consecrationis, fractionis, elevationis, sumptionis & similibus offeratur, spectat ad proprietatem sacrificii, quatenus ipsi generi aliquid adducit, quo ab aliis oblationibus, quæ non sunt sacrificia, secernitur; ut nimirum cruenta illa vivifica hostia cum magna sui mutatione propter nos in cruce facta, coram Deo, cui sistitur, commemoretur & repræsentetur. Quodd autem profit vivis & defunctis, ad effectum pertinet; qui tamen rationem sacrificii perficit, utpote ad quod etiam pertinet ut sit propitiatorium & satisfactorium. Rectè itaque Dominus & verissimè judicat alienum esse ab hæresi, si quis dixerit in Missa ex pane & vino fieri corpus & sanguinem Christi remanentibus tantum panis & vini speciebus, & hoc esse verè sacrificium, quod prodest vivis & defunctis, pro quibus offertur. Sed qui quod dicitur, *offertur*, non explicant, sicut ex Paulo & Scripturis videtur explicandum, communi sensui non satisfaciunt; atque istud est in quo Dominum à cæteris, saltem verbis & reticentiâ differre existimavi.

CUNERUS PETRI.

CAPUT III.

Michael de Baii Cunero Petri.

*Hæ litteræ scriptæ sunt die Jovis post festum S. Andreae,
qui erat secundus Decembris.*

EXIMIE DOMINE, MAGISTER NOSTER,

NUnquam hætenus intellexi me in hoc reprehendi, quodd relicta generali ratione oblationis & sacrificii, in Sacrificio Altaris specialem duntaxat ejus proprietatem exprimerem; sed potius contrâ, quodd relicta speciali ratione, quâ à reliquis secernitur, generalem duntaxat assignarem. Sicenim habet sententia, quæ mihi impingitur: *Sacrificium Missæ non aliâ ratione est sacrificium quàm generali illâ quâ omne opus, quod fit ut sanctâ societate Deo bono inhaereat.* Nec in Scholis disputavimus quæ sit generalis ratio sacrificii; sed illâ præsuppositâ, inquisitum est quomodo sacrificium ^{d In MSS. C. K. hæc desideratur, quæ supplevi, lacunam implens.} [Missæ verè dicatur & sit sacrificium.] Cum itaque in libello meo (*de sacrificio*) non tantum assignas-

sem duas rationes, cur præ cæteris specialiter dicatur sacrificium seu immolatio, quashabet D. Thomas 3. part. quæst. 83. art. 1. sed etiam tertiam quæ ponitur in Concilio Tridentino sess. 22. can. 2. nempe quod Christus in hoc sacrificio contineatur: & quartam ex D. Augustino; valde mirabar cur accusarer quodd negarem specialem hujus sacrificii rationem. Sed nunc intelligo totam querelæ difficultatem circa hoc versari, quodd inter disputandum asserens ipsam benedictionem seu consecrationem esse ipsam sacrificiationem, non satis explicuerim quomodo hæc sacrificatio simul sit alicujus substantiæ oblatio. Non enim videris oblationem agnoscere, nisi ubi substantia aliqua offertur, licet non tantum de substantiis quæ tempore Veteris testamenti rudi populo offerendæ præscribebantur, sed de omni opere bono scriptum sit: *quis prior dedit illi, & retribuatur ei*. Et D. Thomas oblationem definivit, omne opus bonum quod fit immediatè in reverentiam Dei. Sed nihil opus est nos hic ed confugere; quia in hoc sacrificio etiam substantia aliqua offertur. Ad quod intelligendum, considerandum est quodd quemadmodum homini duobus modis possum offerre cinamomum: uno modo, donando integrum, ut videlicet eo utatur sicut vult: alio modo (si videlicet ei gratius esse intellexero) non ei dando utendum, sed in gratiam ipsius comburendo, ut suavitatis odorem sentiat: sic etiam vitulum duobus modis possum in Dei cultum offerre: uno modo simpliciter, a ut videlicet in Dei cultum vendatur arbitrio Sacerdotum pro vestibus sacris aut ædificio templi &c.; alio modo, qui tempore Veteris Testamenti ob certam significationem Deo gratior fuit, ipsum occidendo & manducando coram Domino. In utroque modo verò vituli oblatio est, sed in priori tantum oblatio, quia per offerentem nulla est in vitulo mutatio; in posteriori verò sic est oblatio, ut etiam sit sacrificium, quia videlicet ipsa oblatio simul est mutatio rei oblata. Hoc igitur modo, dum panis & vinum in Corpus & sanguinem Domini consecratur, frangitur & sumitur, sicut dicit D. Thomas 1. 2. quæst. 85. art. 3. ad 3. hæc actiones simul sunt oblatio tam panis & vini, quam Corporis & Sanguinis Christi &c. Nam licet ipsa consecratio principalem locum teneat; tamen quodd etiam manducatio, ac proinde fractio, ad oblationem pertineat, sicut D. Thomas docet, significare videtur Apostolus 1 Cor. 10. ubi ait: *Qui edunt hostias, nonne participes sunt altaris?* nec videtur peractum Missæ Sacrificium, nisi priusquam Sacerdos communicavit. Unde etiam fieri puto, ut si sacerdos factâ consecratione moriatur, sacrificium debeat per alium sacerdotem perfici: ne videlicet relinquatur imperfectum, & quodammodo fiat sacrilegium; quâ ratione etiam ad Laicos pertinet quod mandavit Christus: *Hoc facite*: quemadmodum 3. partè asserit D. Thomas, dicens universis Fidelibus præcipi de b Sacramento Eucharistiæ, ut hoc sumendo faciant: sicut de universo Israel scriptum est circa Agnum Paschalem: *Universus Israel faciet hoc*.

a M. S. C. n.
videlicet
arbitrio
Sacerdotum
vendo
pro.

b M. S. C. de
sacro Eucharistiæ.

Cum Imperator post tempora Martini Rossenii Lovanium rediret ex Geldria jam subactâ; quidam Civis Lovaniensis Joannes Schuerbroeck, vulgò dictus Abraham, sumpto curru & duobus bobus venit in occursum Cæsaris cum multis pottis terreis; & constituto curru secus viam per quam Imperator transituret, ad ostendendam lætitiâ stans supra currum omnes pottos suos confregit, semper concutiens duos contra se invicem. Si

Si portos suos Cæsari in culina ^a utendos dedisset, illa donatio habuisset ^b sim- ^a MS. G. in
plicis oblationis similitudinem: sed quia existimans Cæsari gratius fore si in ^c culina
signum lætitiæ in gratiam ejus illos confringeret, sic eos in honorem ejus ^b dedisset.
consumpsit: ea donatio quæ in illa fractione consistebat, habuit speciem sa- ^c MS. K.
crificii. Sic ego semper & de sacrificiis Veteris Testamenti, & Testamenti novi ^d differt &
intellexi: nempe quod in illis ipsa oblatio, quæ consistebat in occisione & co- ^e differt
mestione coram Domino; & in nostro, ipsa oblatio quæ consistit in bene- ^f differt
dictione, fractione & comestione in honorem Dei, ut sit mundo propitius, ^g differt
sint ipsa sacrificatio, ratione cujus non tantum panis & vinum, sed etiam ^h differt
Corpus & sanguis Christi dicuntur offerri & sacrificari. In qua sententia gau-
deo quod jam sic tandem mutuo intelligamus, ut non amplius existimemus nos
ab invicem dissentire: nam lecto libro D. Tiletani non amplius mihi persua-
si quod à me dissentiret; etiam si videretur mihi non esse mecum contentus.

MICHAEL DE BAIL.

CAPUT IV.

Michael de Bail Domino Tiletano.

EXIMIE MAGISTER NOSTER,

MUltum recogitavi super eo quod nuper post ^a disputationem de sacrificio ^d MS. K.
Missæ Prudentia Tua confirmabat, quod Dominus Pastor dixerat me in ^e disputatio-
ea disputatione non recessisse ab ea sententia, quæ habet quod sacrificium Mis-
sæ solum sit sacrificium generali ratione, quia sit eo fine ut inhæreatur Deo:
quam sententiam semper existimavi hæreticam, & adhuc existimo: ed quod
inter disputandum rogatus quomodo istud sacrificium distinguatur à reliquis,
ex Concilio Tridentino tres causas legerim, videlicet significationem passio-
nis Christi, præsentiam ejusdem, & effectum. Nam D. Thomas in 3. par-
te disputans cur Christus in hoc sacramento immoletur, duas tantum ex his
causas assignat, nempe significationem passionis, & effectum: Concilium
verò addit tertiam, videlicet præsentiam Christi. Si igitur ego has tres cau-
sas assignando consensui sententiæ hæreticæ & damnatæ, quam supra expressi;
& rogo explicetur quare non eidem ^f consensit D. Thomas & Concilium Tri-
dentinum. Sed forte querela est quod non quidem tunc dixi, sed quod aliquan-
do antè disputando expressi ipsam benedictionem seu consecrationem esse ip-
sam sacificationem seu oblationem. Oro ut prudentia tua videat D. Thomam ^g MS. K.
2, 2. quæst. 85. art. 3. ad 3. ubi ostendit quod quando ad Altare offeruntur pa-
nes, denarii &c. ut ad honorem Dei consumantur, tunc est oblatio tantum:
quando verò ad honorem Dei occiditur vitulus, & coram Domino comedi-
tur, tunc ejusmodi oblatio est sacrificium. Nam quod in alteris gratiam &
honorem consumitur, rectè illi offerri dicitur: item quod eodem modo quan-
do panis & vinum in honorem Dei juxta modum ab eo præscriptum, benedi-
cuntur, franguntur & sumuntur, tunc est sacrificium. Nam licet benedictio
in ista

a M.S.C.
principaliter.
b M.S.C. v.
riformiliter.

in ista oblatione seu sacrificacione a principale locum teneat (unde etiam dixi ipsam esse oblationem seu sacrificacionem) tamen ad eandem, juxta D. Thomam & b puto juxta veritatem pertinere fractio & sumptio. His præsuppositis oro ut Prudentia Tua dignetur indicare in quo ego vel à D. Thoma vel à Concilio Tridentino, vel etiam ab ea sententia dissentiam, in qua tunc dicebat cæteros Magistros Facultatis me solo excepto consentire. Præterea peto etiam ut Eruditio Tua dignetur indicare an ego hæreticæ illi sententiæ consentirem, etiam si actionem illam externam, in qua sacrificatio consistit, non rectè exprimerem; modò tamen fatear, de quo nunquam dubitavi, quòd in tota illa actione sacerdotis sit verum & propriè dictum sacrificium, quod prodest vivis & defunctis, pro quibus offertur, sicut credit Ecclesia.

c M.S.C.
consentiam.

Et præterea quia Eruditio Tua etiam dicebat se dum viveret, cum Magistro Nostro Hessels de hac re contulisse: oro ut dignetur indicare in qua actione exteriori consensistis hanc oblationem seu sacrificium consistere. Nam si est externum sacrificium, debet externam aliquam habere actionem, in qua d sacrificatio consistat. Lecto nuper libello tuo, fateor omnino putavi Prudentiam Tuam mecum sentire ipsam benedictionem seu consecrationem esse ipsam sacrificacionem, licèt priùs in disputationibus videretur mihi dissensisse: sed ex reprehensione omnia mihi iterum in dubium sunt revocata. Itaque oro ut Reverentia Tua dignetur indicare in quo ego à cæteris Magistris Facultatis dissentiam.

d M.S.K.
sacrificium
consistit.

MICHAEL DE BAIJ.

C A P U T V.

Judocus Ravestijn Tiletanus Michaeli de Baij.

EXIMIE MAGISTER NOSTER.

e M.S.K. id
quidem.

Quod nuper gravi pedum dolore afflictus facere non valui, id nunc Dei beneficio, mitigato malo, præstare conabor. Quæstionem itaque proponis de Sacrificio Missæ, videlicet quânam ratione intelligenda sit & explicanda ratio Sacrificii Missæ. Ac primùm palam damnas, & e rectissimè quidem, eorum sententiam qui sentirent Sacrificium Missæ generali tantùm ratione sacrificium esse, quâ sit ut sanctâ societate Deo inhæreatur. Sed id in quæstionem proponis, utrumne vera & propria sacrificii Missæ ratio in his causis rectè posita dicatur, quòd in eo sacrificio sit significatio seu commemoratio passionis Christi, præsentia Christi, & effectus passionis Christi: quas causas tres in Concilio Tridentino te animadvertisse scribis: Et utrumne qui ex his causis propriam quamdam & peculiarem sacrificii rationem in Eucharistice sacrificio constituit, palam recedat ab ea sententia quæ habet quod sacrificium Missæ generali tantùm eâ ratione sacrificium sit, quâ sit ut sanctâ societate Deo inhæreatur.

Ad hanc quæstionem hoc mihi initio respondendum esse videtur, sacrificii Eucha-

Eucharistiæ rationem non rectè explicari nec rectè contra Hæreticorum blasphemias defendi, nisi disertè & expressè asseratur & probetur in Missa esse veram & propriè dictam oblationem corporis & sanguinis Christi, quæ incruento quidem ritu à sacerdote Missam faciente seu sacrificante tam verè & propriè offeratur cælesti Patri seu toti Trinitati, quàm verè & propriè Christus semetipsum cruentà formà & specie obtulit in cruce, quemadmodum disertissimè profitetur synodus Tridentina, universique Patres orthodoxi. Itaque quæcunque asseratur ratio & explicatio sacrificii eucharistici, siue generalis illa, secundùm quam sacrificium dicitur quicquid fit ut sanctà societate conjungatur homo Deo; siue aliqua alia, ex quibusvis causis singularibus & peculiaribus; nisi offerri Christus cælesti Patri secundùm veritatem adstruatur & probetur, catholica de sacrificio Missæ explicatio & sententia non tenetur.

Expendendum itaque jam est, an in tribus his causis, significatione seu commemoratione passionis Christi, præsentia Christi & effectu passionis ejus, (ex quibus causis tertiam quæ non ad rationem seu definitionem sacrificii pertinet, sed magis ad operationem & virtutem sacrificii, in hac inquisitione separandam a & rejiciendam existimo) vera & propria oblatio Christi sufficienter influetur & contineatur. At contendit quidem Vestra Dominatio rationem sacrificii Missæ per has causas à Patribus Concilii Tridentini significatam & traditam esse; at ego diversum prorsus sentio. Nusquam enim advertere potui Patres in istis causis ipsam rationem oblationis constituisse, quamvis contra sectarios eas causas fortiter & constanter adstruant & doceant. Deinde Lutherus cum suis Discipulis palam constituit in suo Missæ sacrificio duas illas causas, significationem seu commemorationem passionis Christi, & veram ac realem præsentiam Christi: & ex illis causis quandam fortassis singularem etiam sacrificii rationem constituere conatur. Sed à catholicæ doctrinæ veritate procul aberrat, quia veram oblationem Christi fieri in Missa pernegat. Ex quibus videor mihi rectè intelligere duas illas causas, significationem seu commemorationem passionis Christi, & præsentiam Christi non sufficere ad rectè constituendam & defendendam contra Sectarios, sacrificii Missæ veram & propriam rationem; (nam tertiam illam causam de fructu passionis Christi jam dixi extra præsentem de sacrificii definitione quæstionem rejiciendam esse.) Mihi itaque videtur, ut ingenuè dicam quod sentio, quod non solum hi non rectè sentiant, nec rationem Sacrificii Eucharistici non rectè explicant, qui sentiunt & docent illud esse generali tantùm illà ratione sacrificium, secundùm quod sacrificium ab Augustino definitur quicquid fit ut sanctà societate homo Deo inhæreat & ei jungatur: verùm nec hi qui singularem aliquam & propriam sacrificii rationem ex causis significationis siue memoriæ passionis Christi, & præsentie Corporis Christi extruere conantur. Certè talem rationem sacrificii Lutherus extruxisse clarissimè in suis scriptis compe-

ritur. Quanquam igitur scriptor catholicus existimans ex his causis veram & propriam oblationis Christi rationem rectè defendi, falli mihi videatur & ad veram & solidam explicationem sacrificii Eucharistici nondum profecisse:

a M.S. K.
sed tamen.

haud quaquam tamen cum Hæreticis sentire dicendus est, quando veram sacrificii & oblationis rationem profitetur; quam palam pernegant Hæretici: sed a tantum non satis confutare & subvertere Hæreticorum de sacrificio commentum.

b Al. 37.

Sed interrogat Vestra Dominatio, si in dictis causis non insinuetur sufficienter nec explicetur propria sacrificii Eucharistici ratio; quænam ergo sit illa externa Christi actio, quæ veram sacrificii rationem habeat. Satis diligenter, pro mea quidem virili, hanc quæstionem explicuisse mihi videor in Apologia adversus M. Flaccum Illyricum, in capite illo quo disseritur quid in verbis Christi: *Hoc facite in mei memoriam*; pronomine, *Hoc*, demonstratur, in dissolutione cavillationis 12. fol. b 33. & locum illum non gravabor adscribere.

Quemadmodum Melchisedech panem & vinum obtulit in typo, ut inquit Hieronymus, sacrificii Christi quod in ejus Corporis & sanguinis oblatione perageret ac celebraret. Obtulit autem ille panem tantum purum & vinum. Ita Christus veritatem præfiguratam exhibiturus, ipse quoque verus sacerdos secundum ordinem Melchisedech panem & vinum, non jam puras creaturas, sed consecratas in Corpus suum & sanguinem, obtulit Patri Cælesti & ejus vultui præsentavit. Consecratio igitur panis & vini in Corpus & sanguinem Christi facta à sacerdote, (cujus est officium sacrificium Deo offerre pro populi salute, idque ad veritatem exhibendam, quam per oblationem panis & vini in typo præfigurata erat, hoc est ad offerendum Deo non jam puras creaturas panis & vini, sed panem verum & cœlestem, & Deum verè Corpus & Sanguinem Christi) verissima fuit oblatio ac sacrificium: quia in ea Christus fungens sacerdotio præfigurato in Melchisedech, consecravit panem & vinum in suum Corpus & sanguinem tanquam hostias veras, olim per hostias panis & vini à Melchisedech oblatas præfiguratas & designatas. Per hoc itaque quod Christus ad exhibendam veritatem præfiguratam consecravit panem & vinum, quæ fuerant hostia sacerdotis Melchisedech in typo, in hostias divinas Corporis sui & sanguinis, & manifestè constat quod Christus in Cœnâ Corpus suum & sanguinem, tanquam veras hostias sub symbolis panis & vini, tanquam verus sacerdos secundum ordinem Melchisedech obtulit & sacrificavit: sicut disertissimè dixit Augustinus, Christum de Corpore suo & sanguine instituisse sacrificium secundum ordinem Melchisedech: & D. Hieronymus, Melchisedech in typo panem & vinum obtulit, & mysterium Christianorum in d. Salvatoris Corpore & Sanguine dedicavit. Consecratio itaque creaturarum panis & vini in Corpus & Sanguinem in hoc divino mysterio consideranda est, non solum ut est potentissima conversio creaturarum in Corpus & Sanguinem Christi, sed ut est transmutatio creaturarum, quas olim in typo obtulit Melchisedech, in hostias spirituales Corporis & Sanguinis Christi, quarum oblatione præfigurata veritas tandem exhiberetur. Unde Scholastici quidam, sed tamen aptissimè scripsit Cajetanus, consecrationem esse consecrationem immolationis, sive oblationem. Hæc ibi.

c M.S. K.
manifestis
sini.

d M.S. K.
sanctari.

Et fanè mihi quidem non videtur aliunde posse commodius peti ratio vel intelligendi vel explicandi rationem Sacrificii Eucharistici, quàm ex collatione ejus cum suo typo, quod certum est fuisse sacrificium Melchisedech. Sicut enim

enim peculiare quoddam sacerdotium & sacrificium institutum fuit in Melchisedech sacerdote; ita peculiare quoddam & singulare sacrificium est Eucharisticum Sacrificium. Sicut quoque Sacrificium typicum Melchisedech fuit positum in oblatione verâ & propriâ creaturarum panis & vini, summo Deo facta; ita Eucharisticum sacrificium nihil aliud est, quàm vera & propria oblatio non jam creaturarum panis & vini, sed sub speciebus panis & vini, veri Corporis & veri Sanguinis Christi. Porro hanc consecrationem panis & vini in hostias Corporis & sanguinis Christi, si quis mavult benedictionem, quàm consecrationem appellare, propterea quòd Paulus calicem BENEDICTIO-
NIS appellat, non calicem consecrationis, non est magnopere ei repugnandum; quandoquidem eadem externa actio oblativa Corporis & Sanguinis Christi sub speciebus panis & vini semper designatur & insinuat. Ac de ejusmodi benedictione intelligenda est D. Thomæ sententia, quam in 2, 2. quæst. 85. tradit: Sacrificium propriè dici, quando circa res oblatas aliquid fit; sicut quòd animalia occidebantur, quòd panis frangitur, comeditur & benedicitur. Non itaque affirmat Thomas quàmlibet benedictionem efficere veram rationem sacrificii; sed hoc tantùm dicit quòd quando circa rem aliquam quæ Deo offertur, fit vel occisio vel benedictio, fractio & comestio; tum demum oblatio illa rationem sortiatur propriè dicti sacrificii. Quod sanè si de Eucharistico Sacrificio & benedictione intelligas; de benedictione seu consecratione illa immolativa & oblativa accipiendum est. Quando enim panis & vini, quæ in altari Deo offeruntur, fit benedictio seu consecratio in hostias Corpus & sanguinem Christi, tum demum oblatio sortitur veram Sacrificii Eucharistici rationem. Et diligenter considerandum mihi videtur, quòd Lutherus præter significationem sive memoriam passionis Christi, & præsentiam Corporis Christi, etiam benedictionem agnoscat, fortiter tamen negat in Missæ sacrificio Christum offerri. Utrùm igitur quælibet benedictio, adjunctis duabus illis causis jam sæpe dictis, sufficit ad ritè constituendam veram oblationem Corporis Christi in Missa a tu videris. Existimo per hæc meam sententiam de Sacrificio Eucharistico satis dilucidè expositam: Quid quoque de ea sententia censendum mihi videatur, quæ ex causis illis duabus, significatione passionis Christi, & præsentia Corporis & Sanguinis Christi, constituit rationem sacrificii.

a MSS. C.
K. non habens, tu videris;
qua sup-
plere ut
sensu effat.

JUDOCUS TILETANUS.

CAPUT VI.

Michael de Baii, Judoco Tiletano.

EXIMIE MAGISTER NOSTER;

Lectis Litteris tuis non satis intellexi quomodo satisfactum sit quæstionibus quas proposui. Cum enim in Scholis *a* quæreretur quomodo Sacrificium Missæ à reliquis sacrificiis distingueretur, non intellexi peti ut disertè & expressè explicaretur quâ ratione esset sacrificium propriè dictum, sicut olim fuit immolatio agni aut vituli: sed intellexi hoc præsupponi, & illo præsupposito quæri quomodo à reliquis alioquin etiam propriè dictis sacrificiis distingueretur, in quibus non Christus sed aliud quidpiam *b* offerebatur. Cui quæstioni immediatè responsum fuit, differentiam esse quodd in cæteris sacrificiis creatura duntaxat verè offerretur & immolaretur, hic verò ipse Dei filius pro nobis incarnatus & passus. Si verò ulterius quæreretur quare Christus potius in Missa offerri & immolari dicatur, quàm in sacrificiis Veteris Testamenti, quibus mors & oblatio ejus præfigurabatur: tunc videtur mihi respondendum id quod D. Thomas in 3. parte respondet, tractans ex professo quare Christus dicatur in Sacramento Eucharistiæ immolari seu sacrificari, nempe propter *c* memoriam passionis Christi peractæ, propter effectum passionis quem iis communicat pro quibus offertur, &, sicut addit Concilium Tridentinum, propter præsentiam Christi per consecrationem panis & vini: sicut tunc dixi.

Qui igitur respondens ad prædictam quæstionem in Scholis propositam, non explicat aut probat Sacrificium Missæ esse propriè sacrificium, puto quodd accusari non potest quodd catholicam explicationem non teneat, quia hoc non quærebatur: & multò minùs accusari potest quodd non teneat catholicam sententiam, quia explicatio ad scientiam pertinet, scientia verò ad fidem, quæ integra esse potest etiam si scientia non adsit, *d* quâ ad veram & solidam sacrificiis explicationem profectum sit; sicut etiam Reverentia Tua a postea fatetur.

Si verò præmissâ causâ ob quam Sacrificium Missæ à reliquis etiam propriè dictis sacrificiis discernitur, disertè & expressè quæreretur quare sit verè & propriè sacrificium, generaliter tamen, sicut olim verè & propriè sacrificia fuerant immolatio agni & vituli; tunc recurrendum est ad id quod ait D. Thomas in 2, 2. disputans de sacrificiis propriè dictis in genere, quodd duobus modis Deo aliquid offerri dicitur. Priore modo, per simplicem donationem sine rei mutatione, ut cum ad Altare offeruntur denarii, panes & similia; posteriore verò, cum res quidem non donatur, sed consumitur aut notabiliter *f* ad honorem Dei immutatur. Nam quodd in alterius honorem secundum modum illi acceptum consumimus, hoc illi non immeritò offerre & donare censetur: quia talis consumptio gratior illi est, in cujus honorem fit, quàm esset illi simplex donatio, si sine consumptione per simplicem dominii translationem fieret:

&c

*a MS. K.
propanere-
tur.*

*b MS. K.
duntaxat
offerebatur.*

*c MS. K.
commemo-
rationem.*

*d MS. C.
qua... Ter-
fectum sit.
necessaria.*

*e MS. C.
omittit
posita.*

f MS. K. ip

& quæ hoc secundo modo Deo offeruntur, non tantum dicuntur Deo offerri, sed etiam sacrificari & immolari: sicut olim sacrificabantur agnus & vitulus, quando in honorem Dei ad significandam passionem Christi pro mundi vita, occidebantur & comedeabantur.

Hoc igitur modo in Missa propriè non solum oblatio, sed etiam sacrificium peragitur; quia panis, inquit Thomas, frangitur, comeditur & benedicitur. Sicut enim ipsa thuris incensio, quæ ad honorem Dei fit, non tantum oblatio, sed etiam quædam sacrificatio est; sic etiam ipsa benedictio, quæ panis in Corpus Christi convertitur; item fractio & manducatio, quæ Christus in Sacramento frangitur & manducatur, & oblatio simul & sacrificatio est. Has omnes Sacrificii Missæ rationes, tam ob quas generaliter & propriè sacrificium est, sicut olim erat immolatio agni, quam ob quas à reliquis distinguitur, diligenter expressit Evangelium. Nam loquens de Christo, *accipiens panem*, inquit, *benedixit, fregit, deditque Discipulis suis, dicens accipite & manducate ex hoc omnes*. In benedictione enim, fractione & manducatione secundum D. Thomam continetur generalis ratio quare Missæ celebratio sit propriè sacrificium: sicut olim propriè sacrificia fuerunt immolatio agni & vituli: & sicut nunc sacrificium esse videtur ipsa thuris incensio, quæ immediatè fit ad honorem Dei. Sed quando subditur: *hoc est Corpus meum: hic est sanguis meus*: deinde subjungitur: *qui pro vobis & pro multis effundetur in remissionem peccatorum*: & denique additur saltem in Missa: *Hæc quotiescunque feceritis, in mei memoriam facietis*: tres ponuntur rationes quibus Missæ Sacrificium à Veteris Testamenti Sacrificiis discernitur; & in Novo Testamento singulari quâdam proprietate sacrificii nomine prædicatur: quarum prima est, quod Christus per panis & vini benedictionem præsens efficitur: secunda, quia effectus passionis iis, pro quibus offertur, communicatur: & tertia, quia in memoriam passionis Christi offertur. Nam quia in hoc sacrificio Christus continetur, inquit Concilium, & incruentè immolatur; sacrificium istud verè propitiatorium est. Quantum verò ad Lutherum attinet, si fateretur quod in hoc sacramento panis & vinum verè transmutentur in Corpus & sanguinem Christi, remanentibus tantum speciebus panis & vini; & quod ipsa Missæ celebratio esset verè sacrificium quod prodesset vivis & defunctis, sicut hætenus credidit Ecclesia; puto quod Fideles cum eo contenti essent, nec eum ob subtilem hujus sacrificii rationem seu explicationem fatigaret, aut de aliqua sententia non catholica accusarent: quia Fideles in hoc maxime offenduntur, & existimant eum negare Missam esse eo modo sacrificium quo à Fidelibus esse agnoscitur, quia negat eam prodesse vivis & defunctis, pro quibus celebratur: id est, negat eam esse sacrificium propitiatorium: sicut etiam indicat Concilium Tridentinum, dicens illi anathema qui dicit Sacrificium Missæ esse nudam commemorationem Sacrificii Crucis, non autem propitiatorium, &c. Can. 3. Unde etiam miror quomodo Eruditio tua a contendat hanc proprietatem, nempe quod sit sacrificium propitiatorium, ad rationem seu definitionem Sacrificii Missæ non pertinere, cum & Lutherus ob hanc proprietatem maxime existimetur negare Sacrificium Missæ, & Fideles petentes istud sacrificium pro se aut aliis offerri, hanc proprietatem imprimis expectant: & Evangelium,

gelium, Concilium Tridentinum, & clarissimè D. Thomas Christum in hoc sacramento idè immolari doceant, quia per ejus confectionem fructus passionis Christi communicatur, &c. sicut suprà diximus.

Sicut Baptismi sacramentum in externa aliqua actione consistit; sic etiam Missæ Sacrificium, quod externum sacrificium est, debet in aliqua externa actione consistere, in qua actione satis videmur convenire, quia Dominus dicit quoddè ea sit consecratio panis & vini in Corpus & Sanguinem Christi; cui D. Thomas adjungit fractionem & comestionem. Nam quemadmodum olim non hi tantum immolabant phasè, qui agnum occidebant, & ad manducandum Pascha præparabant, sed etiam qui tantum manducabant, juxta illud: *Omnis cætus filiarum Israel faciet hoc*; nec hi tantum censebantur sacrificare idolis, qui in honorem ipsorum animalia immolabant, & esui præparabant; sed etiam illi qui in idolis recumbentes, ad honorem ipsorum idolothea manducabant: sic nec hi soli censendi sunt Missæ Sacrificium perficere qui consecrant; sed etiam suo modo hoc faciunt, qui manducant consecratam hostiam; juxta illud: *nonne qui edunt hostias, participes sunt Altaris?*

Sed in explicatione rationis cur externa ista actio sit proprii nominis sacrificatio, non videmur satis convenire: quia Reverentia Tua videtur existimare quoddè sit proprii nominis consecratio, quia sit ad exhibendam veritatem præfiguratam in sacrificio Melchisedech quod veri nominis oblatio fuit. Quæ declaratio non admodum mihi arridet: nam oblatio Melchisedech umbra fuit; ipsum verò Missæ Sacrificium veritas est. Veritas autem semper veritas est, & suam propriam rationem haberet, etiamsi nulla ejus figura præcessisset; & idè videtur assignanda esse ratio, propter quam consecratio panis & vini in Corpus Christi cum fractione & manducatione, veri nominis sacrificium esset, etiamsi hanc oblatio Melchisedech, aut quævis alia, non præcessisset. Nam licèt dicat Psalmista: *Tu es sacerdos in æternum secundum ordinem Melchisedech*; non tamen propterea oportet sacrificium Christi definire per oblationem Melchisedech; sicut nec rationem sacrificii Crucis ex eo explicatur quoddè exhibuerit id quod in immolatione agni figurabatur, licèt dictum sit: *Ecce agnus Dei*. Quia per has Scripturas significatur quoddè oblatio Christi in cena sit veritas præfigurata per oblationem Melchisedech; & oblatio ejusdem in cruce sit præfigurata per agnum; juxta illud: *Pascha nostrum immolatus est Christus*. Hæc dicta sunt sine præjudicio eorum quibus Deus fortè dederit ut hæc melius aut etiam verius explicant, ad hunc tamen finem ut ostendam me non rectè accusari, quasi catholicam sententiam non teneam, ex eo quoddè ego hanc rem aliter explicandam judicavi, quàm vobis fortè videtur. Nam alioquin ego etiam possem & de Magistro Nostro Hessels & de Reverentia Tua querulari, quoddè catholicam sententiam de hoc Sacrificio Missæ non teneatis, quia sacrificii rationem aliter explicatis, quàm mihi videtur; quod procul absit à me. Sicut ego ingenuè indicavi quæ mihi displicent in scripto vestro; sic etiam cuperem notari puncta, quæ fortè in scripto meo displicebunt, ut ex his possem intelligere quo usque in hac quæstione pervenimus, ut idem sapiamus, sperantes si quid aliter sapiamus, hoc quoque nobis revelabit Deus.

MICHAEL DE BAILL.

C.A.

CAPUT IV.

Judocus Tiletanus Michaeli de Baii.

EXIMIE MAGISTER NOSTER,

SCRIPTUM secundum Dominationis Tuæ videtur mihi disputationem utilem & hac tempestate necessariam de Sacrificio Eucharistico abducere à vero scopo, & deducere ad subtilem quandam distinctionem oblationis & sacrificii, de qua neque veteres Scriptores de Sacrificio Eucharistiæ Christi disseverentes, neque Concilium Tridentinum, mentionem aliquam fecisse compariuntur. Sed tam Veterum, quàm intentio Concilii in eo versatur ut probent in celebratione Eucharistiæ Christum verè offerri per sacerdotem secundum ordinem Melchisedech in Missa, incruentè quidem, sicut semel in Cruce cruentè semetipsum Patri cœlesti obtulit. Et hac in re nobis cum adversariis Ecclesiæ certamen est; non autem de subtili illa, & tamen non repudianda distinctione oblationis & sacrificii. Quare ad eos limites censeo revocandam esse disputationem, quæ de Missæ Sacrificio cum adversariis suscipitur. Et quidem primo loco puto ordinatissimè constituendum esse & ritè probandum, quòd in Missa Christus verè & propriè per sacerdotem fungentem vice Christi, tanquam sacerdotem secundum ordinem Melchisedech offertur, ut & Concilium Tridentinum explicat, præsentatur a Cœlesti Patri incruento ritu, sicut ille semel cruento ritu semetipsum obtulit. Quo constituto & approbato (in quo Catholici omnes convenimus) illicò differentia Sacrificii Missæ ab aliis quibuslibet sacrificiis, etiam à veteri illo sacrificio panis & vini quod obtulit Melchisedech, innoscit & se conspiciendam offert, quia in nullo aliorum sacrificiorum Christus reipsa & secundum veritatem offertur, sed tantum res creatæ, utpote panis & vinum in celebri illo sacrificio Melchisedech. Jam verò si quærat quâ ratione intelligendum sit quòd dicitur Christus in Missæ Sacrificio offerri seu immolari: iterum mihi respondendum videtur, sicut & in priore meo scripto respondi, non satisfieri quæstioni si dicatur in hoc Christus offerri Cœlesti Patri, seu illi præsentari, sicut semel seipsum obtulit & præsentavit vultui Patris: quòd in celebratione Eucharistiæ Christus sit verè præfens, quòd celebratio illa fiat propter commemorationem passionis Christi peractæ: quòd denique fiat propter effectum passionis Christi, remissionem scilicet peccatorum. Nam hæc palam constet Lutherus reperiri in celebratione Cœnæ Dominicæ, & tamen constanter negat ibi offerri Christum Patri Cœlesti, sed affirmat potius illum ibi dari nobis à Patre Cœlesti. Quòd verò constiteatur effectum quoque passionis Christi in ea celebratione spectari constat manifestissimè, quia dicit celebrationem Dominicæ Cœnæ referri ad remissionem peccatorum. In hoc ergo puncto video inter nos esse præcipuam controversiam. Ad quam tollendam ego in priore scripto proposui sacrificium Melchisedech, quod erat oblatio creaturarum panis & vini, in typo tamen Corporis & Sanguinis olim offerendi. Ad eundem modum

modum intelligendum esse Sacrificium Eucharisticum, quòd in eo sacerdos novus secundum ordinem Melchisedech non jam creaturas panis & vini, sed verè, realiter & propriè & incruentè Corpus & Sanguinem Christi offerret & Cœlesti Patri præsentaret. Unde vehementer admiror quòd Dominatio Tua interpretatur me existimasse quòd in Missa sit proprii nominis oblatio & sacrificium, quia fit in ea consecratio ad exhibendam veritatem præfiguratam in Sacrificio Melchisedech, quod veri nominis oblatio fuit. Nam oblationem Melchisedech umbram fuisse, ipsum verò Missæ Sacrificium veritatem esse; veritatem autem semper veritatem esse, & suam propriam rationem habere scio, etiamsi ejus nulla figura præcessisset. Certè enim scio me non scripsisse quòd Sacrificium Missæ idèò propriam rationem sacrificii habeat, quòd ejus veritas sit præfigurata in veteri illo sacrificio Melchisedech. Sed hoc scripsi, & testimoniis Patrum Hieronymi & Augustini confirmavi rationem propriam Sacrificii Missæ optimè & rectissimè posse intelligi ex collatione cum sacerdote sacrificio veteri. Sicut enim veteris illius sacrificii propria ratio in eo consistit quòd panis & vinum offerebantur Deo excelso, juxta a catholicam interpretationem, idque in præfiguratione sacrificii novi, quod fieret in corpore & sanguine Christi: ita intelligendum esse Sacrificii Christianorum rationem propriam in eo consistere, quòd Corpus & Sanguis Christi præfigurata in umbris panis & vini, sub speciebus panis & vini verè Cœlesti Patri offerretur & præsentaretur à sacerdote novo secundum ordinem Melchisedech. Et adhuc mihi videtur, sicut tunc scribebam, per hanc collationem typi cum veritate optimè & plenissimè intelligi posse propriam rationem sacrificii Missæ, de qua jam inter nos Catholicos & Hæreticos questio agitur. Et omnino sentio non sufficienter eum explicare propriam rationem oblationis & Sacrificii Missæ, qui dicit Missæ oblationem seu sacrificium in eo positum esse, quòd in celebratione Missæ præsens efficitur Christus cum commemoratione passionis peractæ, & propter fructum passionis, scilicet remissionem peccatorum. Sed sentio necessariò addendum, præsentis Christi in ea celebratione fieri à sacerdote oblationem & præsentationem Cœlesti Patri. Et sentio eum qui hoc non disertè addit ad tria illa alia, à Lutheri & aliorum Sacramentarium sententià non satis disertè & expressè recedere. Sed objicit Dominatio tua D. Thomam in 3. parte tractantem ex professo quare Christus dicatur in Sacramento Eucharistiæ immolari seu offerri (nam illis duobus verbis ibi utitur, non autem verbo sacrificari) definire quòd propter commemorationem Passionis Christi peractæ, & propter effectum Passionis Christi, quem iis communicat pro quibus offertur: quibus duobus addit Concilium Tridentinum præsentiam Christi per consecrationem: panis & vini; Christus in sacramento Eucharistiæ immolatur. Respondeo D. Thomam clarissimè & disertissimè dicere quòd celebratio hujus sacramenti dicitur Christi immolatio, sicut solent imagines earum rerum nominibus appellari, quarum sunt imagines: sicut, inquit, cùm intuentes tabulam aut parietem pictum, dicimus, ille Cicero est, ille Salustius est; secundum hunc modum, inquit, poterat dici Christus immolari etiam in figuris Veteris Testamenti. Constat igitur eum haudquaquam sensisse quòd propter commemorationem peractæ passio-

nis habeat celebratio hujus Sacramenti veram & propriam rationem oblationis & sacrificii, seu etiam immolationis: sicut nec celebratio veterum figurarum habuit propriam immolationem Christi, quamvis in futuræ hostiæ præfigurationem exerceretur. Quod autem ad effectum passionis Christi attinet, admiratur Tua Prudentia quòd illum à ratione sacrificii separandum putaverim, cum ille palam pertinere videatur ad rationem sacrificii propitiatorii, ut docet Concilium Tridentinum. Tum rursus quia Paulus scribit, non eos tantum sacrificare idolis, qui in honorem ipsorum animalia immolabant & esui præparabant; sed etiam qui in idolis recumbentes, ad honorem ipsorum idolothyta manducabant: sicut etiam olim non hi tantum immolabant phasæ, qui agnum occidebant, & ad manducandum Pascha præparabant, sed etiam ii qui tantum manducabant, juxta illud: *Omnis coetus filiorum Israel faciet hoc*. Non igitur eos solos censendos Sacrificium Missæ perficere qui consecrant, sed etiam eos qui manducant consecratam hostiam: juxta illud: *Nonne qui edunt hostias, participes sunt Altaris?* Respondeo ex duabus scripturis propositis, alterâ ex Veteri Testamento: *Omnis coetus filiorum Israel faciet hoc*; alterâ Pauli: *Nonne qui edunt hostias, participes sunt Altaris?* evidentissimè constare quòd manducantes de cibis oblati, immolatis seu sacrificatis, non aliâ ratione immolare seu sacrificare aut offerre dicantur, quàm quia per Altaris aut mensarum ministros offerant & offerentibus consentiant. Non enim dicit Paulus quòd qui manducat de cibis qui immolati sunt dæmoniis, ipsi immolent eos dæmoniis; sed quòd de iis manducantes participes sint Altaris. Manducatio igitur, articpantium de immolatis cibis non est proprio sermone immolatio, sed est participatio de cibis immolatis, & proinde consensus in factam dæmonii oblationem. Et quia ea manducatio fiebat in reverentiam & honorem idolorum quibus immolatio facta fuit, habet generalem & veram rationem sacrificii; sed tamen usus rei immolatæ haud quaquam est ipsa immolatio. Scriptura verò Vetus jubens ut ad vesperam omnis coetus Filiorum Israel faceret illud, palam agit de sacrificio, immolatione, & oblatione, quæ nomine totius coetus Israelitici populi fiebat; quam proinde & omnis coetus rectè facere dicitur, quoniam ipsius nomine à sacerdote fiebat. Existimo igitur rectissimè dictum esse in investigatione propriæ rationis sacrificii seu oblationis aut immolationis separandum esse usum rei oblatæ ab ipsa oblatione, quanquam & usus rei oblatæ, quia fit & ipse in honorem Dei, generali ratione sacrificium quoddam, utpote in Dei reverentiam factum, rectè appellatur. Jam quod ad rationem sacrificii propitiatorii pertinet, & scribit Dominatio Tua se mirari quòd scripserim effectum & operationem sacrificii non pertinere ad rationem sacrificii propitiatorii: Equidem multò magis admiror unde me id sensisse vel scripisse colligis: nam nisi me fallat memoria, in toto scripto non feci mentionem sacrificii propitiatorii, sed tantum in genere sacrificii. Et iterum scribo mihi non videri quòd ad propriam rationem & naturam sacrificii pertineat operatio & virtus sacrificii: sed operatio & virtus magis naturam & rationem sacrificii consequitur. Porro sacrificium propitiarium hac sanè ratione quæ propitiatorium est, includit virtutem & efficaciam propitiandi & placandi Deum verum. Quando quæritur quæ sit vera & propria ratio sacrificii Eucharistici,

rificii, non rectè responderet quispiam rationem ejus propriam esse in operanda salute: sed disertè dicendum est propriam rationem Sacrificii Eucharistici in eo consistere quòd Christus in eo verè & propriè incruento ritu offertur seu præsentatur (sic enim explicat Concilium Tridentinum verbum *offerri*) Patri Cœlesti, idque in finem salutis consequendæ. Unde quod Dominatio Tua scribit Lutherum si agnoscat in celebratione suæ Coenæ Christum fieri præsentem, & fieri celebrationem in commemorationem Passionis Christi, non posse jure reprehendi à Catholicis, si simul confiteretur eam celebrationem prodesse vivis & defunctis, verum mihi non videtur nec catholicum: & in eo potissimum consistit nostra controversia. Requirit enim mihi videtur præter tria illa, ut Christus secundum veritatem offeratur, sicut disertissimè scripsit Ambrosius: *per singulos dies offerimus & nos hostiam semel in Cruce oblatam, sed ad recordationem mortis ejus*. Igitur sine vera & reali oblatione Christi, neque præsentia Christi in sacramento, neque commemoratio mortis, neque etiam operatio gratiæ, veram rationem sacrificii seu oblationis Eucharistici mihi non videntur posse constituere; nec rectè per ea explicari aut defendi adversus Sacramentarios catholica doctrina posse. Hanc ego sentio esse claram Concilii doctrinam & Patrum de Sacrificio Eucharistiæ, qui ad subtilem illam distinctionem sacrificii & oblationis, ad quam tandem deducere mihi videtur Tua Dominatio præsentem inquisitionem, respexisse non reperiuntur. Quia tamen à D. Thoma ex Veteri scriptura rectè inducta & constituta est; jam de illa excutiamus quid sit in hac questione sentiendum. Sentio igitur rationem hanc distinctam quâ secernitur sacrificium ab oblatione juxta D. Thomæ doctrinam in 2, 2. non sufficere ad veram rationem Sacrificii Eucharistici, hoc est, sacrificii & in quo revera Christus offertur, constituendam. Celebratio enim Sacramenti Eucharistici per conversionem etiam creaturarum panis & vini, in Corpus & Sanguinem Christi, quæ divina est benedictio circa panem & vinum facta; idque cum commemoratione etiam passionis Christi peractæ, non tantum oblationis sed etiam sacrificii rationem hanc habet, quia ipsa est actio quæ in Dei honorem fit, & quæ ei offertur in reverentiam ejus. Sed nisi intelligatur in ea fieri, rei quæ in ea actione continetur, nempe Corporis & Sanguinis Christi, vera oblatio & præsentatio coram Patre Cœlesti, per sacerdotem secundum ordinem Melchisedech; non habetur tale sacrificium, quale contra Sacramentarios constituitur in doctrina Christiana & à Concilio a definitur. Neque benedictio, quæ circa panem & vinum fit, sacrificii Eucharistici veram & plenam rationem inducit, nisi ea benedictio intelligatur, quæ sit consecratio creaturarum panis & vini in Corpus & Sanguinem Christi immolatis, hoc est, talis ut per eam offerantur Patri Corpus & Sanguis Christi sub speciebus panis & vini: sicut D. Hieronymus & Augustinus dicunt quòd Christus verus Sacerdos secundum ordinem Melchisedech obtulit in veritate suum Corpus & Sanguinem, sicut olim Melchisedech obtulit in typo creaturas panis & vini. Quid verò de esu rei consecratæ & oblatæ mihi sentiendum videatur, jam satis exposui. In hac doctrina & explicatione Sacrificii Eucharistici ego planè acquiesco, & Concilii sententiæ & b definitioni eam existimo planè consentaneam. Si quid tamen minùs ritè à me explicatum

a MSS. C.
K. defendi-
tur.

b MSS. C.
K. defini-
tioni.

plicatum aliis videatur, non præjudico aliorum melius sentientium sententis: mihi prorsus sufficit quòd sciam, etiam si quid sit erratum, à scopo me non aberrare.

JUDOCUS TILETANUS.

CAPUT VIII.

Michael de Baii Judoco Tiletano.

EXIMIE MAGISTER NOSTER,

Mihi optimè placet ut omnia distinctione inter sacrificium & oblationem, tantum inquiramus quare Christus in Missa dicatur offerri; quia ego illam distinctionem tantum propter D. Thomam adhibueram, & simul ut ostenderem aliquid duobus modis posse offerri seu præsentari: uno modo per simplicem donationem, quâ sine rei mutatione in alium sit dominij translatio, sicut offeruntur denarii, panes ad altare: Altero verò modo, non transferendo dominium rei quæ offerri dicitur; sed in gratiam alterius aliquid circa eam agendo, quod illi non minus gratum esse noscitur, quàm esset ipsa donatio: qui posterior offerendi modus est sacrificio proprius; nec tamen abducit à disputatione quæ de oblatione generaliter instituitur; quia necessario sub illa continetur: est enim omnis sacrificatio oblatio, sed non contra. Quibus præmissis dico quòd Christus in Missa offerri non possit, nisi ibi esset; est autem ibi per significationem passionis, per operationem salutis & per veritatem præsentia Corporis & sanguinis, imò & totius substantia.

Has igitur tres causas ex 3. parte D. Thomæ & ex Concilio Tridentino protuli, non ut redderem rationem cur offeratur, sed tantum ut ostenderem quare Christus sit, non autem agnus aut vitulus, qui in Missa offertur. Sed postea differens quare offertur, recurri ad 2. 2. D. Thomæ, quæst. 85. art. 3. ad 3. & dixi quòd non eo modo offeratur, quo denarii offeruntur ad altare quando per dominij translationem sine mutatione ad honorem Dei præsentantur & donantur: sed quòd offeratur eo modo, quo olim agnus Paschalis offerebatur, quando sine translatione dominii ad honorem Dei occidebatur & comede batur. Et sic rationem oblationis in eo posui, quòd circa Christum aliquid ad honorem Dei agitur; quando panis & vinum in Corpus & Sanguinem ejus consecrantur, quando ipse in sacramento frangitur & manducatur, sicut loco supra dicto expressè dicit D. Thomas. Quæ cum in scriptis meis videantur aperta, miror cur Reverentia Tua omisso eo quod ex 2. 2. D. Thomæ protuli, semper recurat ad illa tria, quæ partim ex 3. parte ejusdem, partim ex Concilio Tridentino præmissi, dicendo per hæc tria non satisfieri quæstioni quâ quæritur, quæ sit ratio cur Christus in Missa dicatur offerri. Satisfaciunt enim ex parte quâ intelligitur quæri cur Christus sit, non autem agnus, qui in Missa offertur. Sed ex ea parte quâ quæritur cur offeratur, satisfat quæstioni per ea quæ ex 2. 2. proferuntur, ut dictum est; aut si fortè non satisfaciunt,

ciunt, sicut videtur Reverentia Tua prætere, miror quòd aliam rationem in prioribus scriptis non protulerit, quàm illi satisfaceret; sed tantùm dixerit non sufficere quod dixeramus, & necessariò addendum esse, præsentis in celebratione Missæ Christi fieri à Sacerdote oblationem & præsentationem Deo Patri. Nam verba prioris scripti, quæ sic habent: *Consecratio itaque creaturarum panis & vini in Corpus & Sanguinem Christi in hoc divino mystrio consideranda est non solum ut est potentissima conversio creaturarum in Corpus & Sanguinem Christi; sed ut est transmutatio creaturarum, quas olim in typo obtulit Melchisedech, in hostias spirituales Corporis & Sanguinis Christi; quarum oblatione præfigurata veritas tandem exhiberetur.* Hæc, inquam, verba sic accepi, tanquam significarent, considerationem in ipsis expressam, esse rationem cur Christus in Missa offeratur. Sed cum ego illam rationem improbasset, dicens rationem oblationis Christi in Missa debere subsistere, etiamsi non tantùm non adsit consideratio, sed etiamsi ipse Melchisedech nunquam exhibuisset: respondet Prudentia Tua in hoc scripto, se priore scripto non dixisse quòd Sacrificium Missæ ex illa causa rationem sacrificii habeat; sed tantùm ostendisse rationem propriam sacrificii optimè posse intelligi ex collatione cum sacerdote & sacrificio veteri. Verùm Reverentia Tua hoc ostendendo nullam rationem protulit cur Christus in Missa offeratur; sed tantùm designavit unde possit intelligi ratio, quam tamen non expressit. Sententiam Lutheri de oblatione Missæ discutendum non putavi, quia quando inter Catholicos veritas quæritur, non existimavi curandum quid Hæretici foris somnient; sed quid Scriptura Sacra & Catholici Doctores intus doceant. Dixi tamen quòd si Lutherus fateretur quòd in hoc Sacramento panis & vinum verè transmutentur in Corpus & Sanguinem Christi, remanentibus tantùm speciebus panis & vini; & quòd ipsa Missa celebratio esset verè sacrificium, quod prodesset vivis & defunctis, sicut hætenus credidit Ecclesia; puto quòd cum eo essent Fideles contenti, nec eum ob subtilem hujus Sacrificii rationem seu explicationem fatigaret. Quæ verba mea si integra, sicut meo scripto expressi, non autem truncata & immutata, sicut habentur in tuo, cum attentione legantur, puto quòd non solum inveniantur vera & catholica, sed etiam quòd me tacente evanescet reprehensio tua. Quod autem subdit eum qui ad illa tria quæ toties repetuntur, videlicet ad operationem, significationem & præsentiam Christi, non addit in Missa fieri oblationem & præsentationem (quas videlicet Reverentia Tua contendit in definitione oblationis debere exprimi) à Lutheri & Sacramentarium sententia non satis diserte & expresse recedere; satis odiosè dicitur propter eos qui fidei veritatem simpliciter retinentes aut nullam explicationem norunt, aut in ea quam legitimam existimant, voces has ponendas non a putant, ne videantur idem per seipsum vel definire, quia in speciem saltem notantur de sententia hæretica Lutheri & Sacramentarium, cujus non sunt sibi conscii: cum hoc ipsum credant & aliis locis fateantur quòd hæc contendit Reverentia Tua debere repeti. Et si fortè errarent, adhuc tamen honestius esset eis condolendo doctrinam veritatis impertiri, quàm falsum crimen in speciem improperare, quòd nec Reverentia Tua ab eis sibi veller improperari, qui illam nec scripto priore nec etiam posteriore rationem protulisse existimant, quàm satis explicetur cur in Missa fiat oblatio.

oblato. De ratione prioris scripti diximus superius. In hoc verò posteriori dicit Reverentia Tua quòd quando quæritur quæ sit propria ratio Sacrificii Eucharistici dicendum est propriam ejus rationem consistere in eo quòd Christus verè & propriè incremento ritu offertur seu præsentatur. Cæterum cum principaliter inquiratur quare dicatur offerri seu præsentari, non attendit Vigilantia Tua idem per semetipsum definiri; quod Dialectica non probat.

Effectum passionis Christi, seu esse propitiatorium intellexi per Reverentiam Tuam excludi à ratione non tantum sacrificii in genere, sed etiam à ratione Sacrificii Missæ: primò quidem quia sic habent verba tua in priori scripto: *Ex quibus mihi videor rectè intelligere duas illas causas, significationem seu memoriam Passionis Christi non sufficere ad ritè statuendam & a defendendam contra Sæctarios Sacrificii Missæ veram & propriam rationem. Nam tertiam illam causam, de fructu Passionis Christi jam dixi extra præsentem de sacrificii definitione questionem, rejiciendam esse.* Nam dicendo duas priores rationes ad statuendam rationem Sacrificii Missæ non sufficere, & tertiam causam à definitione debere excludi, significasse videtur Prudentia Tua duas priores causas ad rationem Sacrificii Missæ pertinere, non autem tertiam. Si autem tantum significare voluerit tertiam causam non pertinere ad rationem sacrificii in genere; cur illam à duabus prioribus distinxit, quæ etiam non sunt de ratione sacrificii in genere. Utut res tamen habeat, intellexi verba tua ut dixi, & ex caulis quas dixi.

Quòd dixi Christum in Missa offerri non tantum propter benedictionem, sed etiam propter fractionem & comestionem; juxta expressam D. Thomæ sententiam dixi, quam etiam conatus sum Scripturis sacris confirmare. Ait enim Dominus in Exodo de Agni Paschalis immolatione: *Omnis cætus filiorum Israel faciet illud*: sicut patet ex verbis præcedentibus, quibus dicitur: *immolabitque eum universa multitudo filiorum Israel*: cui præcepto non satisfaciebant filii Israel curando ut per Sacerdotes & ministros occideretur Agnus, &c. Sed universi tam Ministri, quàm alii virtute ejusdem præcepti tenebantur pro complemento immolationis, de ipso Agno manducare, sic ut totum consumeretur. Sicut etiam D. Thomas in 3. parte quæst. 80. art. 7. dicit quòd non solum ex statuto Ecclesiæ, sed etiam ex mandato Domini dicentis Matth. 26. *Hoc facite in meam commemorationem*, omnes tenentur sacramentum Eucharistiæ sumere. Id quod puto non diceret in illis Christi verbis contineri, nisi intelligeret ipsam sacramenti sumptionem pertinere ad consummationem sacrificii, ad quam omnes saltem aliquando, modo sibi convenienti, obligantur. Deinde si sumptio sacramenti Eucharistiæ non sit de integritate sacrificii, sed tantum benedictio; cur Missa per sacerdotem incepta, si eam perficere non possit, juxta antiquam traditionem, per alium sacerdotem perfici debet; si is qui eam incepit, post benedictionem ante fractionem & comestionem cessaverit; non autem, si prius destiterit quàm benedixerit aut consecraverit? Sententiam D. Thomæ, quæ quæst. 85. 2. 2. dicit sacrificium propriè dici, quando circa res Deo oblatas aliquid fit: sicut, inquit, quòd panis frangitur comeditur & benedicitur; non possum non probare. Nec mihi placet quòd ad ostendendam illam insufficientem, dicit Reverentia Tua benedictionem quæ

a MS. 6.
definiendam.

circa panem & vinum sit, sacrificii Eucharistici veram & plenam rationem non induere, nisi ea benedictio intelligatur quæ sit consecratio creaturarum panis & vini in Corpus & Sanguinem Christi IMMOLATITIA. Quia quemadmodum is qui baptizat semper baptismum impertitur, modò ad imitationem Christi & Ecclesiæ baptizantis abluat dicendo: *Ego te baptizo*, &c. sive aliquid ampliùs intendat aut intelligat, sive non: sic etiam a quodocunque Sacerdos panem & vinum præscriptis verbis ad imitationem Christi & Ecclesiæ benedicit, frangit & distribuit; is non tantum sacramentum Eucharistiæ conficit, sed etiam Christum Deo offert, sive intelligat aut credat quod agit, sive non intelligat; aut etiam quamvis aliam intelligentiam ex professo à sua intentione excludat, credens in hoc opere nihil aliud agi, quàm passionem Christi commemorari. Quia sicut ab isto opere per Sacerdotem super debita materia ad imitationem Christi & Ecclesiæ factò inseparabilis est consecratio sacramenti; sic etiam inseparabilis est oblatio Christi. Nam alioquin contingeret saltem Hæreticos verum Sacramentum Eucharistiæ b conficere, & Sacrificium Deo non offerre, quod verum esse non puto. An verò Christus hanc consecrationem, fractionem & manducationem sic potuisset instituere faciendam immediatè ad honorem Dei, ut tamen non solum e non significaret ejus passionem, nec effectum ejus passionis alicui communicaret; sed ut nec omnino veram sacrificii rationem haberet, ex eo quod circa Christum aliquid ad honorem Dei actum fuisset, alia quæstio est quam nolim temerè definire. Sed hæc de hac quæstione dicta sufficiant. Si quid ampliùs occurrat, poterit aut vivâ voce aut recurrendo ad ea quæ scripta sunt, expediri.

MICHAEL DE BAII.

C A P U T I X.

Judocus Tiletanus Michaeli de Baii.

EXIMIE MAGISTER NOSTER;

A Nimadverto scriptum hoc postremum sapere & indicare nescio quid acerbatis, & continere, ut apertè dicam quod sentio, manifestas calumnias seu cavillationes. Ideoque constitui paucissimis ad capita in præscripto scripto reprehensa respondere. Primum, d scribit Reverentia Tua causas illas tres præsentis Christi, significationis passionis Christi, & operationis, non esse à se propositastam ex D. Thoma, quàm ex Concilio Tridentino in superioribus scriptis, nisi ut declararet Christum esse qui in Missa offertur, non autem agnum Paschalem. Quæso te, Eximie Magister Noster, quis de ea requæstionem unquam movit inter Ecclesiæ Professores: An qui in Missa offertur, Christus sit; an Agnus Paschalis? Et si ea fuit mens vestra, profectò licuit eam verbis disertè explicare, & nullum e potuisses habere adversarium. Sed valeant hæc tergiversationes. Addis itaque quòd differens quare offertur Christus, secutus doctrinam D. Thomæ dixisti, quòd non eo modo offertur, quo

a MS. K.
quicunque.b MS. K.
conficere.c MS. C.
non solum
significaret.d MS. K.
sensit.e MS. K.
potuisses.

quo denarii offeruntur ad altare; sed eo modo, quo olim Agnus Paschalis offerebatur; & sic rationem oblationis in eo te posuisset quoddam circa Christum ali- quid ad honorem Dei agitur. Respondeo (ut dissimuletur multum diversas esse questiones quare live cur Christus offeratur, & in quo posita sit ratio oblationis) hoc ipsum esse in quo dissidemus, an ratio oblationis Christi posita sit in eo quoddam in celebratione Eucharistiæ fiat benedictio, fractio, fiat denique comestio. Et ego hæcenus scripsi & sensi, & adhuc absque hæsitacione ulla sentio & scribo, non esse in eo positam rationem oblationis Christi, neque hoc docere D. Thomam in 2, 2: sed veram rationem oblationis in eo positam esse, quoddam secundum Christi institutionem & mandatum, sacerdos juxta ordinem Melchisedech à Christo institutus, sui ministerii & sacerdotii officio fungens, consecrat & celebrat Sacram Eucharistiæ, videlicet in ea celebratione & consecratione Deo Patri oblaturus non creaturas Panis & vini, sicut fecit typicus ille Melchisedech, sed sub speciebus creaturarum panis & vini, divinâ benedictione conversarum in Corpus & Sanguinem Christi, Christum ipsum secundum rei veritatem, sicut secundum rei veritatem oblatum est in Cruce. Sicut enim ipsa jugulatio Agni Paschalis non habuit rationem oblationis & Sacrificii secundum seipsam considerata, sed quatenus ex mandato Domini fiebat ex populo Israelitico oblationem facturo: ita benedictio & fractio & denique manducatio secundum seipsas non faciunt rationem oblationis, nec faciunt Christum offerri. Sed quia sacerdos constitutus ad hoc à Christo, accedens ad sacrificandum & suo officio fungendum, conficit Eucharistiæ benedicendo, frangendo & manducando: idè ejus consecratio & celebratio habet rationem veram oblationis, in qua verè sed incruentè Christus offertur. Sicut nec Christi cruenta mors secundum seipsam veram habet sacrificii & oblationis rationem, sed tantum quatenus consideratur, sicut ait Apostolus, quoddam ipse semetipsum & mortem suam obtulit per Spiritum Sanctum Patri. Sic si separes ab actione illa secundum se considerata, quam facit sacerdos benedicendo, frangendo, &c. sacerdotis ministerium quod in offerendo hostias Deo positum est, non magis constabit vera oblatio Corporis & sanguinis Christi, quàm si ab ipsa Christi cruenta morte separes quoddam Christus semetipsum per Spiritum Sanctum obtulit Deo. Adhuc igitur mihi videor rectissime & verissime scripisse rationem veram & simplicem & apertam oblationis Christi non esse positam neque in præsentia Christi, neque in significatione passionis Christi, neque in operatione; neque denique in benedictione, neque in fractione (quæ omnia libenter agnoscit & confitetur etiam Lutherus, pertinaciter tamen negans Christum ob hæc & per hæc Cœlesti Patri offerri;) sed in eo quoddam sacerdos Dei vicarius constitutus hæc omnia facit secundum Christi institutionem, fungens ministerio sacerdotii & officii sui, quod est oblationem offerre. Cujus officii ministerium & intentionem si separes ab iis quæ aguntur in celebratione Eucharistiæ, benedictione scilicet & fractione, &c. non magis constabit vera oblatio, quàm Christus Patri offeratur, quàm constabit oblatio in morte cruenta Christi, si eam separes ab intentione & sacerdotio veri Melchisedech Christi, quem dicit Apostolus semetipsum obtulisse per Spiritum Sanctum Patri Cœlesti.

Dicis intentionem conficiendi sacramentum Eucharistiæ posse consistere sine intentione oblationis. Igitur potest confectio sacramenti consistere sine oblatione sacrificii. Cavillationem quam Tua Dominatio hic objicit de intentione sacerdotis indignam puro quæ refellatur. Nam satis eam refutant alia Ecclesiæ Sacramenta, quæ sine intentione Ministri constare non possunt.

Tantum video D. Thomæ doctrinam in speciem obfistere huic explicationi posse sæpius jam recitatæ. Sed respondeo non rectè considerari D. Thomæ doctrinam, quasi nostræ explicationi contraria sit. Tradit quidem D. Thomas duplicem oblationis rationem: sed nusquam comperietur dicere quodd ratio oblationis consistat vel in benedictione vel fractione, &c. sed hoc tantum dicit quodd si circa rem oblatam nulla fiat mutatio, oblatio sit non sacrificium: sin verò fiat mutatio aliqua, vel corporalis, qualis est occisio & sanguinis effusio; vel spiritualis, qualis est benedictio, &c. tunc sacrificium sit, & non tantum oblatio. Requirit igitur Thomas ut res aliqua Deo offeratur: & si circa eam nihil fiat, sentit tunc esse oblationem tantum: sin vero circa rem oblatam aliquid fiat, tunc sentit esse oblationem, quæ habeat rationem propriam sacrificii. Non igitur D. Thomas ex benedictione & fractione & similibus immutationibus consurgere ait rationem oblationis: sed hoc tantum docet, si circa rem quæ offertur fiat aliqua specialis immutatio, sacrificii rationem habere eam oblationem, sicut in exemplo Agni Paschalis res aperta est. Non enim jugulatio Agni per se habebat rationem oblationis, sed jugulatio Agni jam destinatio ad offerendum Deo, imo jam oblato Deo, accedens ad rem oblatam & destinatam ad offerendum, efficiebat oblationem illam habere propriam rationem sacrificii secundum sententiam D. Thomæ. Et sanè si in benedictione, fractione, &c. constituitur vera & propria ratio oblationis illius quæ Christo offertur Patri; non existimo sufficienter confutari sententiam Lutheri, quæ negat Christum offerri in Eucharistia, & cum benedictionem, fractionem, &c. absque ulla tergiversatione agnoscat. Et omnino mihi persuadeo quodd Catholicis & ratio oblationis Christi, quæ in benedictione seu fractione, &c. constituitur, nunquam sit futura satis. Existimo me satis disertè explicare rationem, in qua intelligo veram rationem oblationis Christi positam esse, quam & in prioribus scriptis satis insinuavi, si considerata essent. Nolo hic acerbè scribatur iterum me hic scribere satis odiosè. Cum enim à me postulatum esset ut scriberem meam sententiam, quæ in re videretur vestra sententia non plane confutare Lutheri sententiam; scripsi simpliciter nullo odio perturbatus quod iterum scribo, rationem oblationis Christi non esse positam in iis quæ jam suprà dicta sunt ex D. Thoma; sed in iis positam esse propriam & peculiarem rationem sacrificii, quando ea fierent circa rem aliquam alioquin oblatam.

Denique quod scribit Dominatio Tua, me non dicturum fuisse sententiam tuam affinem doctrinæ Lutheri, si eam integram, ut à te posita est, & non truncatam & mutilatam transcripsissem; ego nullius neque detractionis neque mutilationis mihi conscius sum: sed sententiam, quam adhuc tibi place-re video, ingenue fateor mihi displicere, & insufficientem videri ad refellendam Lutheri doctrinam: sicut & in superioribus scriptis dixi, videlicet in benedictio-

a M.S.C.
cum benedictione,
fractione,
&c. cum
illa absque
ulla.

nedictione, fractione, &c. positam esse veram oblationis, illius scilicet in qua Christus a offeratur, rationem.

Postremò, quod Tua Dominatio iterum tergiversatur de manducatione sacrificii oblatis, omnino contendens manducationem sacrificii pertinere ad rationem sacrificii, adferens jam rationem, manducationem sacrificii pertinere absque dubitatione ad complementum sacrificii; admodum miror Dominationem Tuam in eo tergiversari quod perspicuum habet veritatem. Est enim in eo manifesta veritas, quòd qui manducat de cibis Idolis immolatis, non hoc ipso sacrificet, sed sacrificii peracti (secundùm expressam Apostoli doctrinam) se participem faciat. Quòd si igitur, ut perspicuum puto, comedens de sacrificatis seu oblatis cibis, non per hoc offertur dicendus est; quomodo igitur ad rationem sacrificii pertinere dici potest, tanquam in quo ratio sacrificii posita sit?

a M.S. K.
offertur.

Nam quòd pertineat usus & usus sacrificii vel rei oblatæ ad sacrificium tanquam complementum ejus, nemo negat. Constat enim etiam Eucharistiam confici propter usum: non tamen ejus confectio & consecratio consistit in ipsius usu; nec contrà usus ejus pertinere rectè dici potest ad ejus confactionem seu consecrationem.

Eximie Domine, Magister Noster, existimo me & in hoc scripto & in prioribus satis clarè & discretè, atque etiam optimâ fide & sine ullis aut suggillationibus aut odiosis verbis postulatam ab exordio sententiam meam exposuisse; neque contra dialecticam rationem (ut Tua Eruditio notat) idem per idem probasse, dum per sacerdotium typicum Melchisedech, scripsi intelligendum esse sacerdotium Eucharisticum: sed veram & unicam, ut equidem opinor, rationem ostendisse, quâ intelligi debeat Christus in Missa offerri, quam & Concilium Tridentinum proposuit.

JUDOCUS TILETANUS.

C A P U T X.

Michael de Baii ad Lectorem.

AN scriptum meum novissimum nescio quid acerbitalis sapiat, & contineat manifestas calumnias seu cavillationes, sicut Dominus Tiletanus initio postremi scripti sui queritur: item an istud scriptum ejus postremum omnibus suggillationibus & odiosis verbis careat, sicut in fine ejusdem protestatur, Lectoris esto judicium. Cæterùm quia videtur in hoc scripto quædam aperuisse quæ prioribus scriptis minùs patebant; ideo visum est aliquot ejus capita discutere; non quidem *b* propter ipsum, apud quem video me nihil profuturum, sed propter eos qui fortè in utriusque partis collatione veritatem sibi proponerent inquirendam.

b M.S. C.
apud.

Quod igitur ait, neminem in Facultate quæstionem movisse, an Christus sit & non agnus, qui in Missa offertur; ac proinde me hujus rei non debuisse

c M.S. C.
ratio- ad nos.

rationem reddere: Respondeo quoddammodo quemadmodum nemo in Facultate questionem movit, an Christus sit qui in Missa offertur; sic etiam nemo quaesivit an offeratur. Sed quando occasione reprehensionis inter nos quaesitum est, cur Christus in Missa offeratur, duae simul quaestiones in una ad discutendum sunt propositae; nempe quare Christus sit res oblata in Missa; & quae ratione dicatur offerri. Quia igitur videbam id quod ad prioris quaestionis solutionem pertinebat, ab ipso semper accommodari posteriori; & quod posteriori serviebat, dissimulari; ideo distinctè singulas responsiones singulis quaestionibus aptavi. ut ignoriari non posset quid ego singulis quaestionibus judicarem debere responderi. Quod deinde subditur diversas esse quaestiones, cur Christus offeratur, & in quo posita sit ratio oblationis, fateor me diversitatem hanc non assequi: quia si ratio oblationis profertur, tunc ostenditur cur Christus offeratur: & contra, si ostendatur cur Christus offeratur, tunc necessarium est ut ratio oblationis proferatur.

Dicitur eodem Capite, quoddam sacerdos consecrans non offert creaturas panis & vini: cuius oppositum videtur Cyprianus epist. 3. lib. 2. saepius dicere, cum ait quoddam Christus obtulit hoc idem quod Melchisedech obtulerat, id est, panem & vinum, licet etiam Corpus & Sanguinem Christi offerat: sicut etiam de Christo statim subdit dicens suum, scilicet Corpus & Sanguinem, in quae videlicet panis & vinum convertuntur.

Quod autem subdit, jugulationem agni non habere rationem oblationis, secundum seipsam consideratam, sed quatenus ex mandato Domini fiebat à populo oblationem facturo: verum est si intelligatur tantum facta in alicujus convivii praeparationem; sed si intelligatur facta in figuram morituri Christi, & ad Dei reverentiam, non potuit carere ratione oblationis; cum sit actus factus immediatè ad reverentiam Dei, quae juxta Thomam oblationis definitio est: quia sicut is qui immediatè offert ad honorem Dei denarium ad altare, non potest non facere oblationem, sive id ex mandato Dei faciat, sive ex proprio consilio, sive de oblatione cogitet, sive ignoret esse oblationem. Sic olim quisquis ad figurandam Christi passionem, ad Dei reverentiam conveniens aliquod animal occidit, veram fecit oblationem, etiam si nihil de oblatione cogitaverit, sive à Domino acceperit ejus rei mandatum, sive id ex proprio judicio fecerit, quia fecit actum supernaturalem ad Dei reverentiam, quae apud D. Thomam propria oblationis definitio est.

Sed adhuc durius est, quod ait cruentam Christi mortem secundum seipsam non habere veram oblationis & sacrificii rationem; sed tantum quatenus consideratur quoddam ipse semetipsum & mortem suam obtulit per Spiritum Sanctum Patri: quasi videlicet mors ejus rationem sacrificii non habuerit ex opere, quo Christus ad gloriam Dei patiebatur, ut testimonium perhiberet veritati, sed tantum ex nostra consideratione; aut si istam considerationem non in nobis credentibus, sed in Christo patiente necessariam fuisse existimat, ut mors ejus veram oblationis rationem haberet: igitur si tantum cogitasset se sic mori pro mundi salute, sicut boni Fideles ad honorem Dei pro sua salute moriuntur, mors Christi non habuisset veram rationem oblationis; nec veram sacrificii

ficii rationem habet in conspectu Domini pretiosa mors Sanctorum ejus, nisi præscriptam cogitationem habeant, nempe quodd semetipsos & suam mortem per Spiritum Sanctum Patri offerant: quia non in opere, quo se pro veritate in mortem tradunt, sed in consideratione rationem oblationis constituit. Et quemadmodum à Christi morte separandam putat rationem oblationis, si separaretur prædicta consideratio; sic à benedictione, fractione & distributione Sacerdotis separandam existimat rationem oblationis, si ejus ministerium separet, quod in offerendo hostias positum est. Quibus dictis miror eum statim subjungere cavillationem fuisse quâ objeci, quodd si oblatio Christi in Missa consistat in aliqua consideratione distincta ab intentione consecrandi; igitur sacerdotes ex professo intendens ad imitationem Christi, Corpus & Sanguinem Christi consecrare, & juxta aliquem errorem ex professo non intendens offerre, is, inquam, sacerdos tantum sacramentum conficeret, & non etiam offerret: nisi fortè hoc dixerit, ne cogeret fateri aut verum esse quod objiciebam, aut falsum fuisse quod dixerat; quorum neutrum videtur ausus fuisse confiteri. An Lutherus senserit Missas vivis & defunctis prodesse, nihil ad rem facit: non enim tenemus aliquid vitare, quia hoc Lutherus dixit aut negavit, sed tantum quodd Concilium aut Pontifex hoc in eo damnavit. Et idèd ad veritatem solvendam aut damnandam falsitatem proferenda esset legitima damnatio, non Lutheri assertio aut negatio, ex qua nulla fieri potest aut veritatis aut falsitatis illatio. Puto tamen eum saltem temporis progressu sacrificii utilitatem aut effectum non agnovisse.

Postea videns verba D. Thomæ 2, 2. quæst. 85. art. 3. sibi vehementer obfistere, (Dominus Tiletanus) dicit ipsum quidem tradere duplicem oblationis rationem, sed nusquam docere quodd ratio oblationis consistat in benedictione, &c. nec tamen ostendit in quo consistit, sed tantum conatur refellere quod dixi. Cæterum quisquis verba D. Thomæ non tuendæ positionis, sed veritatis cognoscendæ studio intentus diligenter perspexerit, facile intelliget eum rationem oblationis & Sacrificii Missæ constituere in benedictione, fractione & sumptione. Nam volens ostendere sacrificium a generaliter dictum, seu oblationem, specialem esse virtutem, definit sacrificium esse quemdam b supernaturalem actum, laudem ex hoc habentem quodd in divinam reverentiam fiat: propter quod, inquit, ad determinatam virtutem pertinet, scilicet ad religionem: quales actus sine dubio sunt benedictio, fractio, sumptio. Verum quia hæc ratio generalis erat, & non tantum sacrificio specialiter dicto, quod rei mutationem habere debet, sed etiam cuius oblationi competeat, (hoc enim semper laudem habet ex eo quodd in divinam fiat reverentiam) idèd in responsione ad 3. ostendit non quemvis actum in divinam reverentiam factum esse propriè dictum sacrificium, sed eum duntaxat quo circa res oblatas aliquid fit; sicut, inquit, quodd animalia occidebantur, quodd panis frangitur, comeditur & benedicitur. Hos enim actus in divinam reverentiam factos profert tanquam exempla sacrificii specialiter dicti; ex quo manifestè sequitur rationem oblationis in his actibus ad Dei reverentiam factis esse positam. Sed scio quid Dominum Tiletanum remoretur tanto tempore, ne cre-

a MSS. R.
qualiter.

b MSS.
spiritualium.

dat jam dictos actus esse oblationes. Non enim præsupponit cum D. Thoma omnem actum supernaturalem, laudem ex hoc habentem quoddam in divinam reverentiam fiat, esse oblationem, sed eum duntaxat, quo substantia aliqua datur & præsentatur, sicut olim rudi & carnali populo præscriptum fuit. Et quia per benedictionem, fractionem, & comestionem secundum se nihil dari aut præsentari videtur, ided nec hæc secundum se existimat esse oblationem propriè dictam. Non enim existimat quoddam quisque propter Deum aliquid boni facit, hoc ipso aliquid ei det, juxta illud: *Quis prior dedit illi, & retribuetur ei?* sed semper respicit ad donationem alicujus substantiæ; cui jam sæpius respondi, præsentationem seu donationem alicujus substantiæ duobus modis fieri: uno modo per translationem Domini sine aliqua rei mutatione, ut cum ad Dei reverentiam donantur denarii ad altare: & hæc simplex donatio, oblatio tantum est, non etiam sacrificium specialiter dictum. Altero modo fit donatio seu præsentatio substantiæ, non per simplicem domini translationem, sed eminentiori quodam modo & acceptiori quàm est simplex donatio, nempe in reverentiam alicujus consumendo id quod donari dicitur; v.g. quando in reverentiam principis thus aut cinamomum incenditur, ut suavitatis odore perfruat, tunc thus & cinamomum excellentiori & cum majori reverentiâ principi donatur, quàm si illi simpliciter ad utendum offerretur, nempe eo modo quo Joannes Schuerbroeck, dictus Abraham, Cæsari quondam post victoriam ex Gueldria reverenti multas ollas terreas obtulit, non eas illi in culina utendas præsentando, sed in signum lætitiæ juxta viam quâ transibat, ipso spectante, collidendo & confringendo: vilis enim oblatio fuisset si eas Cæsari utendas dedisset; sed quia in argumentum lætitiæ eas confringebat, ejus oblatio in oculis Cæsaris aliquid gratiæ habuit. Sic olim coram Domino acceptior fuit occisio agni aut vituli in figuram mortis Christi, quàm simplex donatio: & sicut acceptior fuit donatio, sic etiam excellentioris generis oblatio, quæ proprio nomine sacrificium dicitur. Sed hæc rursus offunduntur nebulæ ex Lutheri erroribus, quos dicit (Tiletanus) non sufficienter confutari, nisi D. Thomas aut errasse aut sacrificii rationem non convenienter assignasse defendatur. Respondeo, si dicta Lutheri in hac re cum sententia D. Thomæ coincident, non debent à nobis errores, sed potius veritas haberi: non enim debet à nobis veritas per hæreticos usurpata reprobari; sicut à Donatistis reprobata est veritas sacramenti baptismi, teste Augustino lib. 1. de Baptismo contra Donatistas cap. 7. & 8. sed tantum debet eorum falsitas emendari. Quapropter si Lutherus aliquid rectum sensit, non decet propter solius nominis fulmen, existimare illud esse refellendum, cum Hæretici non solum falsa dicant, sed etiam falsis multa vera permisceant. Quapropter non curo quid Lutherus dicat, sed quod veritatem habere existimo, hoc quantà possum perspicuitate defendo, non tantum contra Lutherum, sed etiam contra Dominum Tiletanum: id quod eo facilius apparet, quoddam non Scripturam sacram, non Veterum testimonia Sanctorum, non denique solidam aliquam rationem magnopere urgere videtur; sed tantum propriam assertionem, quam potius excogitasse videtur, quàm ab aliquo gravi Authore sumpsisse.

Quomodo autem satisfaciat duabus Scripturis, quibus conatus sum ostendere & olim ipsam Agni comestionem, & nunc ipsam Eucharistiæ sumptionem ad oblationis consummationem pertinuisse; ut videlicet, hoc fecisse dicantur non tantum qui Agnum occidebant, sed etiam qui illum edebant; & nunc etiam hoc facere qui hostiam consecrant & sumunt ex Christi præcepto, quo juxta D. Thomam dixit: Hoc facite &c. Lectoris judicio relinquo, hoc solum petens, ut utriusque dicta attentè legantur, & quod verum videbitur, acceptetur.



MICHAELIS BAIL,

D E

INDULGENTIIS

TRACTATUS.

C A P U T I.

*Quòd temporis calamitas aliquando cogat etiam coram
imperitis de dogmatis religionis differere.*

TRadit celeberrimus quidam scriptor, de legum justitia & æquitate diligenter inquirendum cum primum statuuntur, sed ubi semel constitutæ sunt & firmatæ, tunc periculosum esse de eis publicè disputare, ne ea quæ firma & sacrosancta apud omnes haberi debent, apud juvenes aut imperitos per disputationes in dubium revocentur & minùs reverenter habeantur.

Verùm si id rectè præcipitur de legibus, quæ & à peritioribus magisque expertis nonnunquam utiliter emendantur, & pro rerum ac temporum conditione aliquando debent immutari, quantò id rectiùs præciperetur de dogmatis nostræ religionis, quæ & immutabilia sunt & nisi ab omnibus firmà fide teneantur ipsi Christiani esse non possunt.

Id quod ante annos viginti quinque prudenter animadverterunt delecti quidam Cardinales cum aliis Prælatiis, quando pro reformanda Christi ecclesia sanctissimo domino nostro Paulo tertio inter cætera etiam suggesserunt, ut coram vulgo non permetteret fieri disputationes de quæstionibus ad fidem & religionem pertinentibus, sed hunc pessimum abusum è templis per Italiam tolleretur, eò quòd dogmata religionis per ejusmodi disputationes apud imperitos plurimùm existimationis amittant. Cæterùm ea nunc est sæculi nostri calamitas, ut contra hoc salubre consilium penè per totam hanc regionem necessum sit etiam coram imperitis de plerisque religionis nostræ documentis sæpiùs differere, eò quòd apud plerosque non sit ea fidei simplicitas, quam per Italiam esse hovebant qui omnem disputationem è templis auferri suadebant; sed importunis hæreticorum studiis ac calumniis plerisque locis effectum est, ut multa fidei nostræ dogmata apud imperitos & minùs attentos tantùm suæ existimationis

mationis amiserint, ut nisi diligenter occurratur vehementer metuendum sit, ne tandem à plerisque pro deliriis habeantur.

CAPUT II.

Quòd si indulgentiæ ante sexcentos annos fuissent prorsus ignoratæ, non fuissent postea recipiendæ.

Quantùm igitur Deus dare dignabitur dicemus pauca de indulgentiis, non tantùm propter hæreticos qui eas ex professo insectantur, sed etiam propter nonnullos catholicos qui eas sic conati sunt asserere, ut præter suam intentionem adversariorum studia non parùm juvisse videantur; Dixerunt enim quòd ante sexcentos annos eas prorsus ignoravit Ecclesia, quòdque postea à recentioribus in Scripturis sacris animadvertæ sint & in usum Ecclesiæ conversæ. Ex quibus eorum placitis non immeritò quis sic colligat; Apostoli & Evangelistæ, quibus Christus non tantùm sensum aperuit ut instrumenti veteris prophetias intelligerent, sed etiam secundùm revelationem notum fecit sacramentum voluntatis suæ, quod aliis generationibus non est agnitus filiis hominum, ut innotesceret principibus & potestatibus in cœlestibus per Ecclesiam multiformis sapientia Dei; similiter veteres Ecclesiæ Doctores, per quos sacræ & Apostolicæ traditiones ad nos pervenerunt, ignoraverunt Indulgentias quæ nunc vulgo prædicantur: igitur non sunt repertæ in Scripturis sacris, nec ex Apostolica traditione acceptæ, sed à recentioribus ad quæstum excogitatæ & inventæ; quia non est credibile, post tot sæcula à recentioribus scriptoribus in Scripturis sacris esse repertum, quod neque intellexerunt qui eas Spiritu sancto revelante scripserunt, neque hi quiearum sensum ab Apostolis acceptum hætenus in Ecclesia Catholica suis scriptis conservarunt. Deinde cum Apostolus doceat fideles in hoc debere gloriari, quòd ædificati sint super fundamentum Apostolorum & Prophetarum, id est, quòd ea credant & doceant quæ ex traditione Apostolorum & Prophetarum didicerunt, sicut adhuc hodie gloriamur quoties ab hæreticis impetitur, quomodo nunc vice versâ audebunt profiteri, se de Indulgentiis credere & docere quod tota ignoravit antiquitas?

Dicit Leo primus, quòd fidei nec addi possit aliquid nec minui. Ex quo sane intelligimus, quòd si Indulgentiæ ab initio nascentis ecclesiæ spatio mille annorum aut circiter ignoratæ fuissent, quòd nec postea credi debuissent; quia ecclesiæ non est ea quæ hætenus ignorata sunt pro suo arbitratu fidelibus credenda proponere, sed tantùm illa quæ ex Apostolica traditione ab universis aut à plerisque ecclesiis, aut saltem ab eruditis scriptoribus semper ab initio nascentis ecclesiæ constat firmâ fide credita & retenta, nascente quæstione ex illorum testimonio cunctis fidelibus credenda præscribere. Sicut olim factum cernimus de epistola ad Hebræos, quam plerique Latinorum inter Scripturas canonicas non recipiebant, & de Apocalypsi Joannis quam Græcorum Ecclesiæ eadem libertate non suscipiebant, sed nos utraque suscipimus, inquit Hieronymus, nequaquam hujus temporis consuetudinem, sed veterum scriptorum auctoritatem.

Hier. ad
Dardanum
Tom. 3.

ritatem

ritatem sequentes. Idem contigit de baptismo ab hæreticis collato, quem Cypranus & multi alii episcopi Africæ contra Romanæ aliarumque ecclesiarum consuetudinem non receperunt, donec his ecclesiis testantibus, plenario totius orbis Concilio, quod saluberrimè sentiebatur, inquit Augustinus, etiam remotis dubitationibus firmaretur.

Contr. De-
nat lib. 10.
cap. 7.

CAPUT III.

*Quodd aliter in baptismo, aliter in reconciliationis
sacramento detur peccatorum remissio.*

UT igitur de Indulgentiis convenienter disseramus, imprimis præsupponendum est aliud nostræ religionis documentum, nempe quodd aliter in baptismo, aliter in poenitentiae sacramento datur omnium peccatorum remissio. In baptismo enim sic Christo commorimur & ad vitam immortalem consequendam renovamur, ut propter dimissa peccata nulla omnino poena restet in futuro sæculo persolvenda.

Ench. 66.

Euli. 40.

Hebr. 9.

Hebr. 10.

Dico in futuro sæculo, quia ut ait Augustinus, magis propter futurum sæculum fit remissio peccatorum. In hac autem vita, inquit, usque aded valet quod scriptum est: Grave jugum super filios Adam à die exitus de ventre matris eorum usque in diem sepulturæ in matrem omnium, ut etiam parvulos videamus post lavacrum regenerationis diversorum malorum afflictione cruciari, ut intelligamus totum quod hîc salutaribus agitur sacramentis, magis ad spem futurorum bonorum, quàm ad retentionem vel adeptionem præsentium pertinere; Christus enim non præsentium, sed futurorum bonorum pontifex effectus est. Sed in poenitentiae sacramento sic datur peccatorum remissio, ut nisi per jejunia, eleemosynas, orationes, aut alia poenitentiae opera de peccatis remissis Deo satisfiat, restet terribilis quædam expectatio judicii: voluntariè enim peccantibus nobis post acceptam notitiam veritatis, inquit Apostolus, jam non relinquitur pro peccatis hostia, quàm videlicet Christo rursus commoriatur & ad vitam immortalem statim consequendam sine poenitentiae gemitu renovemur, sicut in baptismo factum est, sed terribilis quædam expectatio judicii & ignis æmulatio. Datâ igitur peccatorum remissione per reconciliationis sacramentum, nisi per poenitentiae gemitum jejunis, eleemosynis & orationibus Deo satisfiat, restant adhuc luenda pro peccatis supplicia, non tantum in hoc sæculo, sed etiam in futuro, quod nunc brevitatis causâ supponimus.

CAPUT IV.

*Quodd pro peccatis remissis, alii in futuro duntaxat, alii
verò etiam in hoc sæculo negant ullas pœnas persolvi.*

DE pœna hujus sæculi consentit Philippus Melancthon, citans illud Apostoli: *Quodd si nosmetipsos dijudicavimus, non utique dijudicemur*, scilicet in hac vita per infirmitatem aut mortem corporalem: sed utramque pœnam negat Calvinus, non tantum asserens quodd in futuro sæculo nulla sint pro dimissis peccatis luenda supplicia, sed etiam quodd quæcunque hic patiuntur Sancti non sunt præcedentium delictorum supplicia, sed cautio & medicina futurorum. Vidit enim non absurdè colligi: Remissis peccatis Deus pœnam aliquam temporalem exigit in hac vita, ergo non absurdè dicitur, quodd remissis peccatis per reconciliationis sacramentum adhuc pœnam aliquam exigit in futura, pro qua evadenda oporteat in hac vita satisfacere. 1 Cor. 12.

CAPUT V.

Quodd indulgentia sit agenda pœnitentiæ condonatio.

HÆC igitur futuri sæculi pœna si in hac vita dignis pœnitentiæ operibus redimatur, satisfactio est. Non enim externa tantum & politica disciplina est satisfactio humanâ autoritate instituta, quâ lapsi ecclesiæ duntaxat satisfaciunt & eam reddant de sua conversione certiores, sicut hæretici fabulantur: sed divina & ad remissionem peccatorum quæ post baptismum committuntur à Christo instituta & necessaria, quod nunc brevitatæ causâ tanquam certum & in Concilio Tridentino sufficienter definitum supponimus.

Si verò pœnitentiæ opera, quibus hæc pœna redimitur ex causa legitima ab eo qui legitimam habet potestatem, ex toto vel ex parte condonentur indulgentia est. Sess. 14.
cans. 14.

De qua nunc nobis tria dicenda sunt; quorum primum est, quodd ejusmodi indulgentia semper à temporibus Apostolorum in Ecclesia Christi nota fuerit & usurpata, licet vigente adhuc pœnitentiæ disciplinâ longè parcius usurpata fuerit quàm istis novissimis temporibus. Alterum est, quodd hæc indulgentia, quantum ad abolitionem pœnæ post hanc vitam persolvendæ attinet, veraciter relevet pœnitentes, sicut relevaret satisfactio si in hac vita perficeretur. Et tertio, quo sensu dicantur indulgentiæ concedi non tantum ex Christi meritis, sed etiam ex meritis Sanctorum, cum non sint aliorum redemptores.

C I A P U T A V I.

*Quoddæ pœnitentiæ agendæ condonatio à temporibus
Apostolorum semper in Ecclesia fuerit.*

Indulgentiam hanc agnovit Apostolus in posteriori epistola ad Corinthios. *Ubi ait: Sufficit ei qui ejusmodi est, oburgatio hæc quæ fit à pluribus, ita ut contrario magis donetur, & consolemur.* Jubet enim Apostolus ut fornicario pœnitenti aliquid de severitate injunctæ pœnitentiæ remittatur, ne forte austeritate nimia in desperationem veniat, & abjectâ religionem Christianâ ad paganismum relaberetur, quod nihil aliud est quàm condonatio seu indulgentia de qua loquimur.

Deinde subdit Apostolus: *nam & ego quod donavi, si quid donavi, propter vos in persona Christi, ut non circumveniamur à Satana.*

In persona Christi, inquit, ut intelligatur ea condonatio quam faciebat, non tantum in terris effectum habere, ubi solent homines suam exercere potestatem & debita supplicia condonare, sed etiam in cœlis ubi Christus ligandi solvendique potestatem tribuit.

*Chrysost.
homel. 4.
in 2. ad
Corinth.*

Quem locum Apostoli tractans Chrysostomus, docet in condonationibus non tantum attendendam delicti mensuram, sed etiam pœnitentium qualitatem, sicut hic attendit Apostolus, partem injunctæ pœnitentiæ condonans ob infirmitatem pœnitentis, ne desperatione frangatur.

*Concilium
Nicenum,
cap. 11.*

Cyprianus.

Eandem indulgentiam agnovit Concilium Nicenum, ubi Episcopo præscribit ut circa quosdam pœnitentes humanius aliquid cogitet, relaxando vide licet aliquid de tempore pœnitentiæ constituto. Sed omnium apertissimus est gloriosus Christi martyr Cyprianus, lib. 3. epistolarum, epistola 14. 15. & sequentibus usque ad 19. Sic enim habet epistola 14. quam scribit presbyteris & diaconis sui episcopatus: Aliqui de presbyteris nec Evangelii, nec loci sui memores, sed neque futurum Dei judicium, neque nunc præpositum episcopum cogitantes, (quod nunquam omnino sub antecessoribus factum est,) cum contumelia & contemptu præpositi totum sibi vendicant. Nam cum in minoribus peccatis agant peccatores pœnitentiam justo tempore, & secundum disciplinæ ordinem ad exomologesim veniant, & per manus impositionem episcopi & clerici communicationis accipiant, nunc erudo tempore ad communicationem admittuntur. Exponunt deinde invidiæ beatos martyres, & gloriosos servos Dei cum Dei sacerdote committunt, ut cum illi ad melitteras direxerint & petierint, tunc desideria singulorum examinari & pacem dari, cum ipsa antè mater nostra pacem de misericordia Domini prior sumpserit, hi sublato honore quem nobis beati martyres servant, ante reditum nostrum, ante ipsum penè Martyrum excessum communicant cum lapsis, & offerunt & eucharistiam tradunt. Et epistola 15. quæ est ad ipsos Martyres: Illud ad diligentiam vestram redigere & emendare debetis, inquit, ut nominatim designetis eos quibus pacem dari desideratis. Audio enim quosdam sic libello inseri: Communicet ille cum suis; quod nunquam omnino à martyribus factum est,

2 Cor. 2.

est, ut cœca petitio invidiam nobis postmodum cumulet. Latè enim patet cùm dicitur: Ille cum suis, & possunt nobis vicini, & tricenl. & ampliùs offerri, qui propinqui & affines, & liberi ac domestici esse asseverentur ejus qui accipit libellum. Et idèd peto ut eos quos ipsi videris & nostis, quorum pœnitentiam satisfactioni proximam conspiciatis, designetis nominatim libello, & sic ad nos fidei ac disciplinæ congruentes litteras dirigatis. Similiter epistola 18. Qui libellum à Martyribus acceperunt, inquit, & auxilio eorum adjuvari apud Dominum in delictis suis possunt, si premi infirmitate aliquà & periculo coeperint, exomologesi factà & manu eis à vobis in pœnitentiam imposità, cum pace à martyribus sibi promissa ad Dominum remittantur.

Ex quibus & pluribus aliis Cypriani verbis constat; quod cùm tempore persecucionis in exilio ageret, quidam Martyres, dum adhuc carcere clauderentur, litteras ad ipsum fecerant, quibus pacem dari petebant quibusdam lapsis ante completum tempus consuetæ pœnitentiæ; (erat enim tunc moris, ut non priùs daretur reconciliatio, quàm absoluta esset consueta pœnitentia & satisfactio.) At verò presbyteri quidam studentes lapsis esse plausibiles, acceptis his litteris ad episcopum destinatis, ob merita Martyrum, qui dum viverent lapsis litteras dederant, totam fere pœnitentiam lapsis condonabant, & sic reconciliatis ministrabant eucharistiæ & communionis sacramentum. Hos igitur increpat Cyprianus, primùm quòd neque loci sui memores, neque Episcopum sibi præpositum cogitantes id fecissent, quod nunquam omnino sub antecessoribus factum erat, nempe ut inconsulto Episcopo & sine ejus consensu, cuiquam lapsorum agendæ pœnitentiæ condonatio seu indulgentia à presbyteris concederetur. Id quod sui Episcopatus injuriam nuncupat, quia videlicet presbyteri sibi usurpabant quod erat Episcopo proprium, nempe dare lapsis indulgentias & tempus pœnitentiæ breviate. Deinde queritur quòd etiam si legitimam potestatem id faciendi habuissent, sicut habebant episcopi, adhuc tamen in hoc reprehendendi essent, quòd sine ratione restituendæ salutis plausibiles esse cupiebant, & ea concedebant quæ lapsis in perniciem vertebantur. Priùs enim docendi erant & admonendi, quantum scelus admisissent communicando mensæ dæmoniorum, & quantam pœnitentiam agere deberent priùsquam possent esse mensæ Domini participes, ut tum demum indulgentiam mererentur quando pœnitentiam egissent satisfactioni proximam: sicut epistola decimà quintà exprimit, docens confessores quomodo & pro quibus deberent litteris suis, ab Episcopo indulgentiam lapsis petere, nempe ut ipsa mater Ecclesia priùs pacem acciperet quàm negatoribus pax concederetur. Deinde ut nominatim litteris suis designarent quibus pacem dari cuperent; & tertio, ut litteras nonnisi illis darent quos ipsi vidissent & nossent, quorum pœnitentiam satisfactioni proximam conspicerent. Porro in Concilio Lateranensi sub Innocentio tertio, anno Domini 1215. non est Episcopis concessa nova aliqua potestas concedendi indulgentias, sed ea, quam priùs habebant, ad certam quandam normam revocata est. Aitenim sic: *Quia per indiscretas & superfluas indulgentias, quas quidam ecclesiarum prælati facere non verentur, & claves ecclesiæ contemnuntur, & penitentialis satisfactio enervatur; decernimus ut cùm dedicatur basilica, non extendatur indulgentia ultra annum, sive*

Concil.
Lateran.
cap. 62.

ab uno solo, five à pluribus episcopis deditur. Ac deinde in anniversario dedicationis tempore, 40. dies de injunctis penitentiis indultaremissio non excedat; & infra: Juxta hunc quoque numerum, indulgentiarum literas precipuas moderari; quæ pro quibuscumque causis aliquoties conceduntur, cum Romanus pontifex, qui plenitudinem obtinet potestatis, hoc in talibus moderamen consuevit observare. Hoc enim diligenter cavendum est, ne vel summus pontifex, vel alius quivis episcopus, regulariter ex eadem causa largiores indulgentias conferat quàm alius, ne id non tantum minister & dispensator, sed tantum dominus facere videatur; quia sicut non refert quis baptizet, aut quis absolvat penitentem, modò legitimam habeat baptizandi aut absolvendi potestatem, sed solum quantà devotione conversus sit is qui baptizatur aut absolvitur; nam quisquis hoc facit minister est, non dominus: sic etiam non refert quis ex potestate sibi à Deo concessa peccatori condonationem faciat, aut (ut loquitur Concilium Constant.) absolutionem concedat, sed quantam condonationis & concedendæ veniæ causam habeat, sicut satis intelligitur & ex epist. Cypriani suprà citatis, & ex Bonifacio octavo de penitent. & remissionibus, ubi sic ait: *Antiquorum habet fida relatio, quod accedentibus ad honorabilem basilicam principis Apost. de urbe, concessa sunt magnæ remissiones & indulgentia peccatorum, &c.* & infra: *Unusquisque attamen plus merebitur, & indulgentiam efficacius consequetur, qui basilicam ipsam amplius & devotius frequentabit.* Quia enim frequens & devota basilicarum visitatio causa erat indulgentias conferendi, idèò tantò plus merebatur accipere, quantò quisque frequentius & devotius eas visitabat. Igitur inter summum Pontificem & alios episcopos non hoc discrimen ponendum esse videtur, quòd summus Pontifex pro suo arbitratu ex quacunque causa quantascunque velit conferre possit indulgentias, sicut videntur quidam imaginari, cæteri verò episcopi non nisi ex causis legitimis & sufficientibus: sed in hoc quòd summus Pontifex cunctis fidelibus ex causa legitima conferre possit indulgentias, cæteri verò episcopi, non nisi suis subditis; & in hoc quòd potestas summi pontificis restringi non possit aut limitari nisi quantum jure divino limitatur, cæterorum verò potestas, sicut absolvendo à peccatis, sic etiam indulgentias concedendo restringi potest & limitari, sicut in Concilio Lateranensi sub Innocentio tertio limitata est.

Bonifacius
8. in extra-
vagantibus
communibus
lib. 5.
tit. de pen-
itent. &
remiss. c. 1.

C A P U T VII.

Quod penitentia agendæ condonatio etiam in cælis effectum habeat.

Sed fortè suspicabitur quispiam, omnem condonationem seu indulgentiam, de qua hæctenus diximus, nihil aliud esse quàm relaxationem ejus penitentia quæ peccator in hac vita injungitur, non autem hoc præstare, sicut etiam præterdit Lutherus in suis assertionibus, ut poena in futuro sæculo debita condonetur.

Sanè si res ita haberet, frustra de Corinthio dixisset Apostolus: Nam & ego quod donavi, siquid donavi, propter vos in persona Christi; quia sicut Apo-
stolus

stolus Christi potestate non egebat, ut converso Corinthio nullam in terris pœnitentiam injungeret, sed causam ejus divino judicio relinqueret; sic etiam nullâ peculiari Christi potestate egebat ut pœnitentiam à se junctam in terris non exigeret. Sed quia ea relaxatio quam faciebat in terris etiam in coelis effectum habebat, & in remissionem peccatorum concedebatur, sicut loquitur Concilium Constantiense, ided addidit se in persona Christi donare quod donabat, ut dictum est. Super quo Ambrosius, ut ratum ei cui donavit ostenderet, ait, in persona Christi se donasse quod donavit; quam sententiam adhuc uberius prosequitur lib. 1. de pœnitentia cap. 6. & ultimo; ostendens Apostolum se, quod donavit, ex potestate Christi donasse, quâ dicitur: Quæcunque solveritis super terram, soluta erunt & in cœlo. Stultè etiam factum suum & scripto probasset Cyprianus, quod fideles infirmitate lapsi tanto studio ad martyrum merita recurrissent, ut acceptis eorum literis ab episcopo & clero sui lapsus indulgentiam impetrarent; quia neque martyrum meritis opus fuisset ad talem indulgentiam consequendam, neque à sancto episcopo probari debuisset tam coeca lapsorum petitio, quarentium per relaxationem pœnitentiæ salutaris cum magno pœnarum scœnore acerbis futuri sæculi suppliciis reservari, ut hic subrerfugerent levem & momentaneam ecclesiæ disciplinam. Deinde si indulgentiæ pios fideles non nisi à pœnis hujus vitæ liberarent, nimis verum esset quod contra Cypriani verba supra posita & contra antiquissimam ecclesiæ consuetudinem in suis assertionibus dixit Lutherus, indulgentias neque morituris neque infirmis necessarias esse aut utiles, quia hi non solent aliquâ pœnitentiâ ligari, sed iis duntaxat qui per remissiones bonorum operum salutem suam non tam quærent quam fugiunt. Et contra, nimis iniquum esset quod Martinus quintus in conclusione Concilii Constant. suspector de hæresi Joannis Hus & Wicleff interrogari jubet, utrum credant quod Papa omnibus Christianis verè contritis & confessis, ex causa pia & justa, possit concedere indulgentias in remissionem peccatorum, maxime pia loca visitantibus & ipsi manus suas porrigentibus adjutrices; quia remissio pœnitentiæ hic injunctæ non potest peccatorum remissio nuncupari, nisi etiam in cœlis effectum habeat. Certè igitur fide credendum est, sicut hactenus veri fideles crediderunt, per legitimas indulgentias ex causa pia & justa concessas, non tantum in terris pœnitentiam relaxari, sed etiam in cœlis peccata dimitti.

CAPUT VIII.

*Quo sensu d cantur indulgentiæ concedi in meritis
Sanctorum, qui redemptores non sunt.*

Quod verò indulgentiæ non tantum in Christi, sed etiam in Sanctorum meritis concedi dicuntur, non sic accipiendum est quasi Sanctorum quicquam pro peccatis nostris apud Deum propitiatio esse queat, aut hoc justo judicio promereri ut peccata nobis condonentur: Unus est enim mediator Dei & hominum homo Jesus Christus, cujus sanguis non tantum justâ, sed etiam copiosa redemptione emundat nos ab omni peccato. Ipse est enim propitiatio

pro peccatis nostris, inquit Joannes, non pro nostris autem tantum, sed etiam
Epist. 11. pro totius mundi; & ut ait Leo primus: Quamvis multorum Sanctorum in
 conspectu Domini preciosa mors fuerit, nullius tamen infantis occisio propi-
 tiatio fuit mundi: accipere iusti non dedere coronas; & de fortitudine fide-
 lium exempla nata sunt patientiæ non dona iustitiæ; singulares quippe in sin-
 gulis mortes fuere, nec alterius quisquam debitum suo sine persolvit. Sed di-
 cuntur indulgentiæ concedi in meritis Petri & Pauli, eo modo quo dicit Chri-
Matt. 9. stus in Evangelio: Fides tua te salvum fecit; vel potius eo modo quo videns
 fidem portantium paralyticum sanavit eum. Ad hoc enim ut peccatorum re-
Marc. 2. missionem consequamur, præter Christi passionem, quæ sola iustum est pro
 peccatis nostris præcium; secundum propositum gratiæ Dei ex parte nostra re-
 quiritur fides, requiritur poenitentia, requiruntur opera sancta; quæ quoniam
 in nobis plerumque non sufficiunt, ideo imploramus aliena, non ut sint iustum
 præcium pro peccatis nostris & passionis Christi locum teneant, sed ut charita-
 tis & membrorum communione sint nostræ inopiæ supplementum, ut per illa
 digni efficiamur qui remissionem peccatorum, sanguinis Christi merito, con-
 sequamur. Sicut enim nos quando per eleemosynas aliaque poenitentiae opera
 Deo satisfacimus, non dignum præcium Deo pro peccatis nostris offerimus,
 (sicut quidam errantes autumant,) nam alioqui essemus saltem aliqua ex parte
 nostri redemptores; sed aliquid facimus cuius intuitu, juxta propositum gratiæ
 Dei, satisfactionem Christi participamus: sic etiam per merita passionisque
 Sanctorum non proprie redimuntur nostra delicta, sed communione charitatis
 nobis impartiuntur, ut digni simus qui precio sanguinis Christi à peccatis libe-
 remur, (ut dictum est.) Sic dicit Augustinus, quod per orationes Sanctorum
 tanquam per columbæ gemitum eorum peccata solvuntur, qui non per colum-
 bam, sed per accipitrem baptizantur. Sed potestatem placandi iram divinam
 & proprio merito peccatores Deo reconciliandi sibi servavit Christus, sicut
 docet idem Augustinus tractatu quinto super Evangelium Joannis.

*Libro 3.
 cont. De-
 nat. 6. 17.*

MICHAELIS BAIL,
DE
ORATIONE
PRO
DEFUNCTIS
TRACTATUS.

CAPUT I.

Quod orationes pro defunctis quæ prædicationem evangelii præcesserunt, ex solo odio rejiciant hæretici.

DUm antiquitatem & celebritatem ejus fidei perpendimus, quâ hætenus à cunctis Christi fidelibus absque ulla hæsitacione semper creditum est, quod sancta & salubris est cogitacio pro defunctis exorare, ut à peccatis solvantur; non immerito admiramur quid universis nostri temporis hæreticis in mentem venerit, ut hanc saluberrimam atque antiquissimam fidei cogitationem tanto studio è mentibus fidelium erucere moliantur. Neque enim hæc fides à prædicatione evangelii Christi sumpsit exordium, sed ab initio, quo fideles in spe resurrectionis unum Deum coeli & terræ veraciter coluerunt, semper pro defunctis fidelibus est oratum & oblatum sacrificium. Id enim testantur tum Machabæorum libri, qui Christi nativitatem centum & quinquaginta annis aut eo circiter præcesserunt, sive canonici habeantur, sive tantum historici; tum etiam exequiæ & funerum obsequia, quæ ferè ab initio mundi sanctis patriarchis semper impensa leguntur, non tantum honoris & officii causâ ad confirmandam resurrectionis fidem, (sicut quibusdam forsitan videri posset;) sed etiam causâ orationis, sicut in hunc usque diem ex traditione majorum suorum testantur Judæi pro suis defunctis diligenter orantes, & ad id comprobandum adferentes exequias quas Joseph fecit patri suo Jacob in terra Chanaan. Mirum est igitur cur universi hæretici, hæc in re Judæorum perfidiam superantes, hanc antiquissimam fidem,

dem, quæ etiam rationi maximè consona est, tanto molimine persequantur: nisi forte, imò non forte, sed certissimè eos moveat, quòd ex orationibus, sacrificiis & elemosynis, quæ quotidie pro defunctis fidelibus in ecclesia fiunt, maximus fructus & ad eos qui monasticen proficuntur, & ad universum clerum redeat, quos ipsi extremo odio prosequuntur & è medio sublatis cuperent. Sic enim existimant, quòd exterminatis sacrificiis & orationibus quæ pro commendandis fidelibus defunctis quotidie fiunt, facile fuerit & monachos & clericos ad eam inopiam redigere, ut vel suum institutum prorsus desererent, aut in ea paucitate vivant, ut impiis eorum conatibus deinceps obistere non possint. Ex hoc igitur impio fundamento ad hujus præsumptionis persuasionem devenerunt, ut contra antiquissimam veritatem, contra notissimam atque usitatissimam Ecclesiæ consuetudinem aut sint asserere, non sanctum aut salubre, sed stultum & impium esse pro defunctis exorare ut à peccatis solvantur.

S U T A T O A R T
C A P U T I I.

*Quod orationes pro defunctis ex Scripturis canonicis
certum habeant testimonium.*

ET ut hanc suam impietatem aliquà specie rationis obnubilent, post tot sæculorum fidem & tam longam populorum consensionem, jam tandem Scripturam canonicam postulant, quæ testetur sanctum & salubre esse pro defunctis exorare, ut à peccatis solvantur. Si ecclesiæ catholicæ testimonium de libris Machabæorum cum universis fidelibus susciperent, in promptu haberent scripturam canonicam antiquissimo atque frequentissimo Ecclesiæ usu in sacrificio quotidiano decantatam, quæ hoc verbis apertissimis contestatur. Sed quia eodem studio libros istos rejiciunt, quo pro defunctis non orandum esse contendunt, ideò proferamus Scripturas alias canonicas ex iis libris quos ipsi nobiscum eadem reverentiâ suscipiunt, ut vel inviti cogantur agnoscere, antiquissimam hanc atque celebratissimam omnium fidelium consuetudinem, pro defunctis commendandis sacrificia sive altaris sive quarumcunque elemosynarum offerentium, etiam ex Scripturis canonicis manifestum habere testimonium. Ait Apostolus 2. ad Timoth. primo, de Onesiphoro: *Det illi Dominus invenire misericordiam à Deo in illa die*, scilicet judicii extremi; de qua misericordia ait etiam Jacobus: *Judicium sine misericordia illi qui non facit misericordiam. Beati enim misericordes, quoniam ipsi misericordiam consequentur.* De qua misericordia etiam ait David: *Benedic anima mea Domino, & noli oblivisci omnes retributiones ejus qui propitiatur omnibus iniquitatibus tuis, & sanat omnes infirmitates tuas, qui coronat te in misericordia & miserationibus.* De qua etiam mater septem filiorum Martyrum apud Machabæos uni eorum dixit: *Ut in illa miseratione cum fratribus tuis te recipiam.* Si enim fidelibus quibusdam adhuc in die judicii expectanda est misericordia quam Onesiphoro precabatur Apostolus, dicens: *Det illi Dominus invenire misericordiam à Deo in illa die;* & quam sperabat latro ille qui dicebat: *Memento mei, cum veneris in regnum tuum:* Manifestum

1 Tim. 1.

Cap. 2.

Psal. 99.

2 Mac. 7.

Luc. 23.

stum est Christi ecclesiam: usque ad diem iudicii hanc eandem misericordiam, non tantum vivis, sed etiam defunctis posse precari, sicut Onesiphoro precabatur Apostolus, ut tandem consequantur quod Christus illis promissit, dicens: *Beati misericordes, quoniam ipsi misericordiam consequentur*, soluti videlicet à peccatis quæ in hac vita commiserunt. Mat. 5.

CAPUT III.

Quid circa defunctos disputationem admittat.

Sed fortè calumniabuntur hæretici in his Scripturis sacris, quæ in die iudicii quibusdam fidelibus misericordiam dandam prænunciant, nullam ignis nullam suppliciorum mentionem fieri. Fateor, sed ubi misericordia promittitur, ibi miseria esse significatur: ubi autem est miseria, ibi requies non est. Quapropter Ecclesia Christi meritò eis requiem precatur, quos credit usque ad iudicii diem adhuc misericordiæ indigere. Dubitent igitur hæretici de igne purgatorii, dubitent de suppliciorum generibus quibus afficiuntur defuncti fideles, modo tamen fateantur quosdam eorum usque ad diem iudicii in miseria futuros, seu (uti Græci in Concilio Florentino confessi sunt) in loco laboris & tenebrarum, à quibus possunt Sanctorum precibus liberari: tunc non obstreperet orationibus ab ecclesia fieri solitis, quibus juxta Dionysium Areopagitam precatur divinam clementiam, ut cuncta dimittat per infirmitatem humanam admissa peccata defuncto, eumque in luce statuat & regione vivorum, in sinibus Abrahamæ, Isaac & Jacob, in loco unde aufugit dolor & tristitia & gemitus. Sed consitebuntur, quòd sancta & salubris est cogitatio pro defunctis exorare, ut Deus illis requiem contra laborem, & lucem contra tenebras indulgeat; quod ad fidem catholicam sufficere arbitramur, sicut arbitrari videntur patres Concilii Florentini, quando fuerunt supraddicti Græcorum confessione contenti. Idem etiam probat quod ait Christus in Evangelio: *Qui dixeris verbum contra Spiritum Sanctum non remittetur ei, neque in hoc seculo* Mat. 12.
neque in futuro. Neque enim veraciter diceretur, inquit Augustinus, quod istud De civi.
peccatum non remittatur neque in hoc seculo neque in futuro, nisi essent peccata, quæ l. 21. c. 24.
etsi non in isto, tamen remitterentur in futuro. Ut interim taceam quanto periculo quisque fidelium, qui se novit hic sine peccato non vivere, ex hac vita migraret, si in futura per Sanctorum preces nullam omnino remissionem peccatorum expectaret, per quam ad vitam transiret æternam. *Sed etsi nusquam in Scripturis veteribus omnino legeretur,* inquit Augustinus, *non parvè hæc consuetudine claret autoritas, ubi in precibus sacerdotis, quæ Domino Deo ad ejus altare funduntur, locum suum habet etiam commendatio mortuorum.* Quæ commendatio hæc- l. 21. c. 24.
Similiter D. Greg.
4. Dialog. cap. 19. & Bernard.
ser. 66. in Cons. ratiocinantur.
De cura pro mortuis, c. 1.
 nus tanto omnium fidelium consensu semper frequentata est in Ecclesia Christi, tot tam veterum quàm recentiorum scriptorum testimoniis approbata, ut qui de ea dubitaverit potiùs cæcus, surdus aut stipes habendus videatur, quàm hæreticus. Quapropter omis-
 si aliis argumentis quæ nemo ignorare potest, nisi qui veritatem omnino cernere nolit, ad illud transeamus de quo forsitan non immeritò quis aliqua ex parte dubitaverit, nempe quate-

nus post hanc vitam in spiritibus defunctorum intelligi debeat futura purgatio.

CAPUT IV.

In spiritibus defunctorum quatenus intelligenda sit purgatio.

Sicut docet Augustinus lib. 1. de nuptiis & concupisc. & lib. 6. contra Julianum cap. 8. in peccato duo continentur, Actus & Reatus. Actus ut adulterium sive foris in opere, sive intus in voluntate: Reatus verò ut obligatio quâ adulter pondus peccato remisso adhuc æternæ damnationi obnoxius invenitur, etiamsi adulterium opere deseruerit & voluntate. *Nam si quisquam* (verbi gratiâ, inquit Augustinus) *fecerit adulterium, etiamsi deinceps nunquam faciat, reus est adulterii, donec reatus ipse indulgentiâ remittatur*: Habet ergo peccatum, quamvis illud quod admisit jam non sit, quia cum tempore quo factum est præterit. Nam si à peccando desistere, hoc esset non habere peccatum, sufficeret ut hoc nos moneret Scriptura: *Fili peccasti, non adjicias iterum*. Non autem sufficit, sed addidit: *Et de pristinis deprecare ut tibi remittantur*. Manent ergo nisi remittantur. Sed quomodo manent si præterita sunt, nisi quia præterierint actu, manent reatu? Quamdiu in hac vita sumus, ubi multiplex est Dei misericordia, non tantum in levioribus peccatis, sed etiam in sceleribus & ab actu & à reatu purgari possumus; Deus enim per semetipsum intus voluntates fidelium ab actu peccati purificat, & per eos quibus dictum est: *Quorum remisistis peccata remittentur eis*; etiam eos à reatu liberat, sicut docet Augustinus de verbis Domini, sermone 8. dicens: *Mortuus est peccator, maxime ille quem moles consuetudinis premit, quasi sepultus est Lazarus, de quali dictum est: A mortuo, velut qui non sit, perit confessio. Quis eum resuscitavit? nisi qui remoto lapide clamavit, dicens: Lazare veni foras. Quid est autem foras prodire, nisi quod occultum est foras prodire? qui confitetur, foras prodit. Foras prodire non posset, nisi viveret; vivere non posset, nisi resuscitatus esset: ergo in confessione, sui accusatio Dei laudatio est. Dicit aliquis, quid prodest Ecclesia consenti, cui Dominus ait: Quæ solveritis in terra, soluta erunt in celo. Ipsum Lazarum attende, cum vinculis prodit, jam vivebat confitendo, sed nondum liber ambulabat, vinculis irretitus. Quid ergo facit Ecclesia, cui dictum est: Quæ solveritis soluta erunt? nisi quod ait Dominus continuo ad discipulos suos: Solve illi, & finite abire; & super Joannem tractatu. 49. Quam difficile surgit, quem moles male consuetudinis premit; sed tamen surgit, occultâ gratiâ intus vivificatur, surgit post vocem magnam. Quid est factum? voce magnâ clamavit: Lazare prodi foras. Quomodo processit ligatis pedibus miraris, & non miraris, quia surrexit quatrividuus: in utroque potentia Domini erat, non vires mortui, processit & adhuc ligatus est, adhuc involutus; tamen jam foras processit. Quid significat? quando contemnis, mortuus jaces; quando confiteris, procedis; sed ut confitearis Deus facit magnâ voce clamando, id est, magnâ gratiâ vocando. Idem cum processisset mortuus adhuc ligatus, confitens & adhuc reus, ut solverentur peccata ejus, ministris hoc di-*

De nupt.
lib. 1. c. 26.

Eccli. 11.

Joan. 10.
Augustinus.

Eccli. 17.

Joan. 11.

Matth. 18.

Joan. 11.

sic Dominus: solvite illum, & finite abire: quid est solvite & finite abire? Quæ solveritis in terra soluta erunt & in celo. Deus igitur quamdiu in hac vita sumus, per semetipsum ab operibus & per ministerium sacerdotum etiam à reatibus peccatorum nos liberat. Sed quia de sceleribus scriptum est, quod qui talia agunt regnum Dei non consequentur, idè post hanc vitam nulla horum expectanda est purgatio, neque ab actu neque ab æternæ damnationis reatu, sicut latissimè prosequitur Augustinus de Civit. Dei lib. 21. cap. 17. & sequentibus contra Origenem, sed solum à pœna temporali, quæ ejusmodi peccatis per sacramentum penitentiae dimissis nonnunquam adhuc debetur.

*Galat. 5.
1 Cor. 6.
Rom. 1.*

C A P U T V.

Post hanc vitam qualis sit futura peccatorum levium purgatio.

CÆterum de peccatis venialibus, quæ fidelibus secundum veniam permittuntur, & ita impediunt perventionem ad regnum Dei; ut tamen Sanctorum meritis impetrent indulgentiam, alia videtur esse ratio, quia licet actum habeant & reatum, sicut scelera, quæ qui agunt regnum Dei non consequentur: attamen non tantum in hac vita purgantur, de qua purgatione ait Christus: *Ego sum vitis vera & pater meus agricola est, omnem palmitem in me ferentem fructum purgabit eum, ut fructum plus afferat;* (quomodo se purgatum sentiebat Ignatius cum dicebat: Nunc incipio fieri discipulus, nunc didici nihil hujus mundi concupiscere;) sed etiam in futura, sicut indicat Christus: *Beati misericordes, quoniam ipsi misericordiam consequentur, & qui peccaverit in Spiritum Sanctum, non dimittetur ei, neque in hoc sæculo, neque in futuro.* Sed quatenus intelligenda sit horum peccatorum post præsentem vitam futura purgatio, an à reatu tantum, an etiam ab actu & malis desideris, quæ frequenter usque ad mortem plerisque adherent, videtur posse dubitari. Nam in oratione ecclesiæ, quæ juxta Dionysium precatur divinus antistes, ut divina misericordia per summam clementiam non recorderetur maculas quæ defuncto per infirmitatem adhæserunt, rectius reatus quam actus purgatio potest intelligi. Unde Augustinus in Enchiridio, postquam latè ostendit, ligna, fœnum, stipulam, id est, leviorum peccatorum desideria in hac vita igne tribulationis expurgari, tandem subdit de purgatione horum malorum desideriorum, qui sunt actus leviorum peccatorum: Tale aliquid etiam post hanc vitam fieri incredibile non est, & utrum ita sit queri potest, & aut inveniri aut latere; nonnullos fideles per ignem quemdam purgatorium, quanto magis minusve bona percuntia dilexerunt, tanto tardius citiusque salvari. Non quod dubitaverit Augustinus, utrum Ecclesiæ preces defunctis impetrent leviorum peccatorum veniam, eorumque reatus aboleant; nam eodem libro cap. 110. sic ait: *Neque negandum est defunctorum animarum pietate suorum viventium relevari, cum pro illis sacrificium Mediatoris offertur, vel elemosyna in ecclesia fiunt: sed eis hæc profunt, qui cum viverent ut hæc sibi postea prodesse possent meruerunt, &c.* sed dubitasse videtur, utrum fideles transientes ex hac vita, secum deferant aliqua leviorum peccato-

Joan. 15.

*Ignat. in
epist. ad
Roman.
qua est 12.
Matt. 5.
Matt. 12.*

Cap. 69.

rum desideria, quorum non tantum reatus, sed etiam actus debeant in futuro seculo igne tribulationis expurgari, sicut fit in hac vita. Causa autem dubitandi videtur esse, quia ægritudo, mors & similia sine quibus ex hac vita non transimus, etiam ad ignem tribulationis pertinent, quo solemus à malis desideriiis expurgari; & idem fortè dubitari posset, utrum fidelis eo ipso quo moritur, perdat omnia desideria mala quibus in hac carnali vita pereuntia bona diligebat; an verò non obstante mortis tribulatione, in anima ejus quædam prava desideria remaneant, & ad vitam futuram pertranseant, donec ibi labore & ærumna extirpentur, sicut solet fieri in hac vita. De qua re etiam sic loquitur lib. 21. de civit. Post istius sanè corporis mortem, donec ad illum veniatur, qui post resurrectionem corporum futurus est damnationis & remunerationis ultimus dies, si hoc temporis intervallo spiritus defunctorum ejusmodi ignem, scilicet tribulationis, dicuntur perpeti, quem non sentiunt illi qui non habuerunt tales mores & amores in hujus corporis vita, ut eorum ligna, & fœnum, & stipula consumatur: alii verò sentiant, qui ejusmodi secum ædificia portaverunt, sive ibi tantum, sive hic & ibi, sive idem hic ut non ibi, secularia, quamvis à damnatione, venialia, concretam ignem transitorie tribulationis inveniant, non redarguo, quia forsitan verum est. Potest quippe ad istam tribulationem pertinere etiam ipsa mors carnis, quæ de peccati primi perpetratoe concepta est, & secundum eamque ædificium tempore suo ab unoquoque suscepta. Possunt & persecutiones Ecclesiæ, quibus martyres coronati sunt & quas patiuntur quicunque Christiani; probant utraque ædificia velut ignis, & alia consumunt cum ipsis ædificatoribus, si Christum in eis non inveniunt fundamentum: alia sine ipsis, si inveniunt, qualicet cum dampno salvierunt, ipsi non consumuntur, propter Christi videlicet meritum in fundamentum reperti, qui manet in æternum. Erit etiam in fine sæculi tribulatio tempore Antichristi, qualis nunquam antea fuit, quam multa erunt tunc ædificia, sive aurea sive fœnea, super optimum fundamentum, quod est Christus Jesus, ut ignis ille probet utraque, & de aliis gaudium, de aliis inferat damnum, neutros tamen perdat in quibus hæc inveniet, propter stabile fundamentum. Quamquam igitur certà fide credendum sit, vivorum preces ad hoc prodesse defunctis, ut dimittatur eis poena temporalis, peccatis eorum per reconciliationis sacramentum dimissis debita, & poena debita peccatis venialibus: attamen dubitari posset, utrum valeant ad abolendos actus leviorum peccatorum, non quin aboleri possint si fortè in morientibus permaneant, sed quia incertum est utrum in electis post mortem remaneant, nec tribulatione mortis simul cum hac vita intereant, ut dictum est. Sed adversus preces quæ ab Ecclesia pro defunctis fiunt, & à Dionysio Arcopagita cap. ult. Eccl. Hierar. & ab Augustino cap. 110. Enchiridii & de cura pro mortuis cap. 1. unicum objicit argumentum: *Deus reddet unicuique secundum opera sua*; Et: *Omnes vos manifestari oportet ante tribunal Christi, ut unusquisque referat propria corporis, prout gessit, sive bonum, sive malum*: sed postquam defuncti ex hac vita excesserunt, tunc ipsi omnes suas actiones in corpore peregerunt, ex quibus debent in futura vita fructum ac mercedem percipere: igitur postquam defuncti sunt, nihil eis prodesse

Cap. 26.

Objection.

Rom. 2.

a Cor. 5.

desse possunt quæcunque à vivis pro ipsis sunt. Cui respondet uterque, quòd fideles in hac vita per corpus, eo tempore quo in corpore vixerunt, meritum omne comparaverunt, quo possunt post hanc vitam relevari; non enim omnibus profunt, quæ pro defunctis commendandis frequentat Ecclesia, sed eis qui cum viverent, ut hæc sibi postea prodesse possent meruerunt. Qui enim usque in finem vitæ hujus corporalis in Christo fideles permanserunt, hoc suâ perseverantiâ meruerunt, ut propter membrorum communionem illis prodesse queant, si forte indigeant. quæcunque sacrificia sive altaris sive quarumcunque eleemosynarum quæ pro baptizatis defunctis offeruntur. Et quemadmodum in hac vita, etiam dum sola justitia quæritur, aliter judicantur cives & qui civium privilegio gaudent, aliter verò qui sunt ab hoc privilegio alieni; sic etiam in futura vita, ubi omnis retributio justitia est; adeò ut tunc pro bonorum operum meritis iusto judicio, inquit Augustinus, etiam ipsa misericordia tribuetur, aliter judicabuntur Sancti, qui misericordiam faciendo etiam misericordiam consequi meruerunt, aliter iniqui, qui quoniam misericordiam non fecerunt, idè sine misericordia judicabuntur. Nam Sancti merito vitæ quam in hoc sæculo sanctè consummarunt, iusto Dei judicio etiam ex aliorum precibus fructum consequentur; ut enim hoc quod impenditur possit eis prodesse post corpus, inquit Augustinus, in ea vita acquisitum est, quam gesserunt in corpore; iniqui verò qui vitam hanc præsentem in injustitia consummarunt, indigni judicabuntur, non tantum qui alienis precibus & operibus bonis, sed etiam qui propriis bonis adjuventur. Si enim averterit se justus à justitia sua, inquit Propheta, & fecerit iniquitatem, omnes justitia ejus quas fecerat non recordabuntur; & Qui offendit in uno, factus est omnium reus: &, Qui in uno peccaverit, multa bona perdet, inquit Sapiens.

*Responsa
en D. Dionysio
cap. m. par. 3.
de Eccl.
Hierar. &
D. August.
cap. 110.
Euchérist.*

*De corr.
cap. 13.*

*Ezech. 18.
Eccle. 2.*

MICHAELIS BAIL,
 D E
 S A C R A M E N T I S
 I N
 G E N E R E
 C O N T R A C A L V I N U M.
 T R A C T A T U S.

C A P U T I

*Quodd spiritus erroris non æqualem in omnibus errorum
 magistris decipiendi energiam operetur.*

1 Cor. 12.
 Ad 1. 25.



Rom. 1.

1 Reg. 22.

Sicut Spiritus Sanctus non omnes catholicæ fidei doctores eadem ad cognoscendum mensurâ illuminat, nec eadem imbuat docendi hortandive facultate, sed prout vult singulis secundum propriam virtutem, id est, secundum naturalem capacitatem dona gratiæ suæ dividit: sic & ipse spiritus erroris, qui hæreticorum corda, mentes & ingenia possidet, non in omnibus eandem decipiendi energiam operatur, sed in aliis maiorem, in aliis minorem, prout illos vasa ad opus malitiæ & infidelitatis suæ apta reperit, & secundum quod, pro ipsorum meritis aut eorum ad quos fallendos diriguntur, justo Dei iudicio illi permixtum fuerit. Nam in eis quos diabolus ad fallendos alios variis erroribus & artibus imbuat, alii proprio merito, alii verò alieno hoc pati permittuntur, verbi gratiâ Philosophi de quibus ait Apostolus, quodd cum cognovissent Deum, non sicut Deum glorificaverunt aut gratias egerunt, sed evanuerunt in cogitationibus suis, & obscuratum est in lipiens cor eorum, propriæ superbix merito hanc insipientiam cordis incurrerunt. Sed prophetæ Achab regis Israël, in quibus à Domino factus est spiritus mendacii, ut illum vanâ pollicitatione deceptum in Ramoth Galaad cadere facerent & verbum Helix

Helix prophetæ complerent, quo prædixerat quòd in loco in quo linxerant canes sanguinem Naboth Israëlitzæ, quem Rex Achab propter vineam occiderat, lamberent quoque sanguinem regis, non tam suo, quàm regis merito, qui per eos falli meruerat, à spiritu erroris sunt decepti. Reg. 21.

CAPUT II.

Quòd seductorum insidiis resistentes, non in nostris studiis, sed in Dei adiutorio confidere debeamus.

PORRO inter vasa iniquitatis & doctores mendacii, qui hanc nostrâ infelici tempestate ad fideles seducendos in mundum exierunt non parvo ecclesiæ detrimento, multum à filiis erroris colitur & extollitur Joannes Calvinus, Breviter
depingitur
Calvinus. homo dicendo vaser, mentiendo impudens, differendo subdolos, & ad resistendum veritati adversus Scripturas sacras & omnem tam Conciliorum, quàm scriptorum veterum traditionem, adeò confidenti præsumptione tumidus, ut non tam humano quàm diabolico spiritu agi videatur. Quapropter dum ejus aliorumque similium insidias pandere & impia dogmata refutare conamur, non tam pueriliter sapere debemus ut æstimemus, quòd sit nobis colluctatio adversus carnem & sanguinem, id est adversus hominem etiam magnis naturæ dotibus & studiorum profectu sublimem, sed (sicut monet Apostolus) Ephes. 6. adversus principes & potestates, adversus mundi rectores tenebrarum harum, contra spiritalia nequitie in cœlestibus, qui operantur in filiis diffidentie, quorum ductu mens & os ipsius gubernatur. Quamobrem nec in nostris studiis aut industria confidere possumus, etiam si fortè nostrum quispiam ingenio & eruditione sibi pollere videatur, sed in illius potentia qui suos non tantum incitat ut pugnent, sed etiam armat & juvat ut vincant. Nam si Deus pro nobis, inquit Apostolus, quis contra nos? qui etiam nos consolatur dicens: Rom. 9.
Joan. 16.
Luc. 21. Confidite, ego vici mundum. Et rursus: Ego dabo vobis os & sapientiam, cui non poterunt resistere & contradicere omnes adversarii vestri.

Et alibi: Nolite præcogitare quid loquimini, sed quod datum fuerit vobis Matt. 10. in illa hora, id loquimini; vos enim non estis qui loquimini, sed Spiritus sanctus. Hæc igitur spe animati, conabimur pauca quædam adversus ea dicere quæ de Sacramentis novi testamenti contra fidem catholicam astutissimè differvit; non plenum & integrum Sacramentorum numerum, quem catholica novit ecclesia, adversus illum ex Scripturis sacris asserendo, quia id longum esset, & à multis jam dudum abundè præstitum est: sed tantum in iis Sacramentis quæ retinere videtur, ostendendo quòd licet simulet se ea tueri velle, attamen sic de eis differit, ut facile sit perspicere, quòd nihil aliud moliat, quàm ut ea paulatim in contemptum adducat & tandem prorsus eliminet, sicut ple-
risque eorum locorum nunc factum videmus in quibus obtinuit principatum.

CAPUT III.

Quòd ubi duo commendanda sunt, Calvinus alterum supra modum extollat, ut reliquo sublato totum evertat.

Sicut enim in aliis pluribus, sic etiam in Sacramentis hâc arte utitur, ut cum duo commendanda sint, in altero duntaxat se disertum ostendit, ut reliquo sublato (quod ferè potius est) totum inane efficiat. Verbi gratiâ: In justificatione duo sunt necessaria; vitæ novitas quæ nobis inhæret & propriè justitia est, quia vera legis obedientia quæ ducit ad vitam; & remissio peccatorum extrinsecus adveniens, quæ ob id justitia dicitur, quia hoc habet cum justitia propriè dicta commune, quòd excludat peccata quæ sunt impedimenta salutis. Hanc posteriorem justitiæ partem minùs propriè dictam, quam sine renovatione mentis habere non possumus, ad hoc duntaxat prædicat, ut reliquâ parte sublâtâ nos totius justitiæ inanes faciat, & vanâ imaginatione deceptos sub diaboli potestate relinquat. Similiter duo sunt quæ Deus in nobis aspiciat, & quæ nos Deo acceptos faciunt; fides quâ in Deum credimus, & opera justitiæ quæ Deo adjuvantefacimus; sicut enim scriptum est: *Oculi tui respiciunt fidem.* Et: *Sine fide impossibile est placere Deo;* sic etiam de Ninivitis legimus, quod Deus vidit opera; & in Actis: *In omni gente, qui timet Deum, & operatur justitiam,* inquit Petrus, *acceptus est illi.*

Hier. 5.

Heb. 11.

Jona 3.

Act. 10.

Ipse verò ad hoc duntaxat fidem, eamque vanam & ab hæreticis excogitatam prædicat, ut abolitis operibus bonis, sine quibus inanis est omnis fides, nos absque omni fructu & justitiæ inanes statuât. Item duo sunt salutis modi inter se conjuncti & inseparabiles, (inquit Divus Basilus) fides & baptisma. Ipse verò sic de fide disserit, ut nullam omnino salutis fiduciam in baptismo aliisque Sacramentis statuendum esse contendat, sed in sola fide. Rursus in quolibet Sacramento duo sunt consideranda; significatio quæ pertinet ad spiritalem instructionem, & sanctificandi vis quæ pertinet ad operationem salutis. Ipse verò sic in significatione versatur, quæ non minùs spectantibus Sacramenta, quàm suscipientibus obvia est, ut sanctificatione sublâtâ, ob quam illa tantum suscipimus, nos ab eorum usu prorsus alienos faciat.

CAPUT IV.

Quòd sacramenta, juxta Calvinum, non nisi ad docendum valeant.

Pincipiò enim disputationem de sacramentis aggrediens, definit Sacramentum esse symbolum, quo Deus benevolentie erga nos suæ promissiones conscientis nostris obsignat, ad sustinendam fidei nostræ imbecillitatem. Sacramenta enita, inquit, id sunt nobis à Domino, quod ab hominibus rerum lætarum nuncii, ut quæ non à se quidem largiantur aliquid gratiæ, sed renuntient & ostendant quæ divinâ largitate nobis donata sunt. Et rursus:

Quid sacramentis tribuat Calvin.

Non

Non aliæ sunt sacramentorum quàm verbi Dei partes. Ex quibus & aliis pluribus ejus verbis manifestum est eum sentire, quòd sacramenta per Christum instituta nihil aliud sint, quàm divinarum promissionum visibilia signa, quibus sine verborum strepitu suscipientium, aut intuentium oculis, veluti in muta scena exhibeantur novi testamenti promissa, quæ in Ecclesia Christi ex Evangelicis & Apostolicis litteris etiam expressis verbis quotidie prædicantur, quòdque non plus habent virtutis ad sanctificandum, quàm si à quovis homine impiò & Gentili ad id significandum inventa essent & instituta. Nam quod ait, se non inficiari Dominum suæ institutioni Spiritus Sancti virtute præsentem adesse, de quavis prædicatione veritatis æquè dici potest, sive fiat verbis aut signis à Deo institutis, sive Gentium linguis, etiam ab impiis idolorum cultoribus adinventis & excogitatis; quia ejusmodi prædicationi, quibuscumque tandem verbis fiat, etiam spiritu suo adest Dominus, ut audientium corda ad suscipiendum & credendum quæ dicuntur aperiatur. Quolibet enim modo dicatur verbum Dei, procul dubio qui sic audit ut illi obediat, inquit Augustinus de bono perseverantiæ cap. 19. donum Dei est. Similiter quod torques inculcat, sacramentis divina promissa discipulorum suorum conscientiiis obsignari, quasi videlicet per hæc, tanquam per Divina testimonia, quisque eorum certus fieret, quòd Divina promissa signatè ad ipsum pertinerent, etiam propheticæ & evangelicæ prædicationi commune esse prædicat.

Ex quibus se & suos de sua electione & futura salute certos fieri statuit; quia sicut falsò existimat Sacramentis hoc significari, quòd quisquis illis imbuatur eo ipso certus efficiatur, quòd novi testamenti promissa signatè ad ipsum pertineant: sic etiam impudentissimè prædicat, scriptis Prophetarum & Apostolorum contineri, quòd quisque fidelis debeat apud se certò statuere, se ob Christi mortem jam factum esse justum. Et idèd nec in hac parte Sacramenta distinguit à prædicatione veritatis, sed in hoc duntaxat, quòd prædicatione veritatis sæpius in verbis, Sacramenta verò magis in rebus & significantibus actionibus consistant.

CAPUT V.

Quòd licet Sacramentorum ritus instructionem habeant, attamen ad hoc principaliter conferuntur & suscipiuntur, ut operentur sanctificationem.

Quapropter ad id quod principaliter & ex professo conatur asserere; nempe quòd Sacramenta nihil aliud sint quàm inania symbola divinitus instituta, quibus divina promissa nobis annuntientur & conscientii nostris obsignentur, eo videlicet modo quo eadem promissa in Scripturis sacris verbis annuntiantur, & (ut falsò existimat) etiam nostris conscientiiis obsignantur ac firman-
tur; Respondemus, quòd nemo dubitare queat, quin Deus symbolum ali-
quod instituens spiritalis gratiæ significativum quam solus dare potest, hoc
E e ipso

ipso latenter insinuet, se ejusmodi gratiam electis suis sibi notis aliquando collaturum, quia non potest esse author mendacis aut inanis symboli : ut cum unus membri circumcisionem Abraham præcipiens, significavit ab electis suis universam peccati corruptionem aliquando rescandam, hoc ipso testatus est se aliquando ab electis suis ablaturum universas peccati reliquias ; similiter Christus Sacramento baptismi significans, quod quicumque in ipso baptisati sumus, in morte ipsius baptizati sumus, conscripti cum illo per baptismum in mortem, ut quomodo ipse surrexit à mortuis, & ita & nos in novitate vitæ ambulemus, confidentes quod si complantati facti sumus similitudini mortis ejus, simul & resurrectionis erimus ; satis apertè promisit se electis suis aliquando collaturum, ut non tantum in hac vita peccatis mortui in novitate vitæ ambulent, sed etiam in futura ad resurrectionis gloriam perveniant : quod fit ut rectissime dicatur, quod quemadmodum Circumcisio olim signaculum fuit justitiæ fidei & conversionis cordis ad Dominum, sive quæ præcedebat in eis qui prius fideles facti postea circumcidebantur, sive quæ sequebatur in eis qui infantes circumcisi postea fideles effecti ad Deum toto corde convertebantur ; sic etiam nunc baptismus. Sicut enim in Abraham, inquit Augustinus, præcessit fidei justitia, & accessit circumcisio, signaculum justitiæ fidei, ita in Cornelio præcessit sanctificatio spiritalis in dono Spiritus Sancti, & accessit Sacramentum regenerationis in Sacramento baptismi. Et sicut in Isaac, qui octavo suæ nativitatis die circumcisus est, præcessit signaculum justitiæ fidei, & quia fidem patris imitatus est, secuta est in crescente ipsa justitia, cujus signaculum in infante præcesserat ; ita & in baptizatis infantibus præcedit regenerationis Sacramentum, & si Christianam tenuerint pietatem, sequitur etiam in corde conversio, cujus mysterium præcessit in corpore ; conversio, inquit, non peccatorum remissio, quia hæc præcessit cum ipso baptismatis Sacramento. Sed quod is qui baptismi Sacramentum alicui impendit, hunc fructum spectare debeat, aut intendere ut divinas promissiones hoc symbolo illi annunciet, & (ut loquitur Calvinus) conscientia ipsius obsignet, non autem ut eum veraciter à peccatis emundet, commentum est hæreticorum, sub laude prædicationis verbi Dei, sub prætextu annunciandi divinas promissiones conantium abscondere suam impietatem, quâ persuadere conantur omnem sanctificationem, & peccatorum remissionem uni fidei à se consistere sic debere tribui, ut ad hæc nihil omnino cooperentur Sacramenta. Cum tamen manifestissimum sit, quod quemadmodum Christus, quoties intuitu fidei quempiam verbo aut tactu curavit, etiam si hoc facto aliquid designaverit, hoc tamen principaliter intendit, ut merito fidei loquendo vel tangendo sanitatem illi impenderet ; sic etiam sacerdos cum ex data sibi potestate pœnitentem à peccatis absolvit, etiam si suo facto aliquid significet, attamen hoc potissimum spectat, ut ex potestate sibi à Christo concessa, pro merito fidei & pœnitentiæ contentis, indulgentiam peccatorum illi impertiat. Similiter cum credenti baptismum impendit, licet aliquid intelligentibus significet, hoc tamen ex professo agit, ut juxta Christi promissum, corpus aquâ tangendo, cor ejus à peccatis abluat, non magica incantatione elementum consecrando, sicut impiè loquitur Calvinus, imitatus Judæorum blasphemiam, qui

Rom. 6.

De bapt.
contra Do-
na. c. ult.
lib. 4.
Rom. 4.

dæmoniacy, cæci & muti curationem à Christo factam, non divinæ virtuti, sed magicæ incantationi & Beelzebub principi dæmoniorum ascribere præsumperunt, sed juxta Christi præceptum & promissum, invocato Patris, & Filii, & Spiritus Sancti nomine, eum qui baptizatur ex aqua & spiritu regenerando. Nam: *Nisi quis renatus fuerit ex aqua & Spiritu Sancto*, inquit *Joan. 1.* Christus, non potest videre regnum Dei. Et post resurrectionem: Item inquit, docete omnes gentes, baptizantes eos in nomine Patris, & Filii, & Spiritus Sancti. *Mat. 28.* De qua non magica, sed divina baptismi virtute, ait etiam Petrus in Actis: *Penitentiam agite, & baptizetur unusquisque vestrum in nomine Jesu Christi in remissionem peccatorum*; & Ananias Paulo: *Et nunc quid moraris? exurge, & baptizare*, & ablue peccata tua, invocato nomine ipsius; & Apostolus Paulus: *Cum autem benignitas & humanitas apparuit Salvatoris nostri Dei, non ex operibus iustitia, quæ fecimus nos, sed secundum suam misericordiam salvos nos fecit per lavacrum regenerationis, & renovationis Spiritus Sancti*; & rursus: *Viri diligite uxores vestras, sicut Christus dilexit ecclesiam, & seipsum tradidit pro ea, ut illam sanctificaret, mundans eam lavacro aquæ in verbo vitæ*; & Petrus in epistola sua priore: *In arca Noë pauci, id est, octo animæ salvæ factæ sunt per aquam, quod & vos nunc similis forma salvos facit baptisma.*

CAPUT VI.

Quod Scriptura sacra remissionem peccatorum fidei tribuens, non eam adimit sacramentis.

Quibus testimoniis, cum apertissima sint, nihil derogat quod in eadem Petri epistola statim subditur; Non carnis depositio sordium, sed conscientiæ bonæ interrogatio; quasi videlicet non baptismus aquæ, sed testimonium bonæ conscientiæ, quo catechumenus tam verbo quàm Sacramento fidem suam profiteretur, remissionem peccatorum & salutem operetur in baptismo. Quia hæc adjectione nihil aliud significavit Petrus, quàm quod ait Apost. Paulus: Mundans eam lavacro aquæ in verbo vitæ, id est, baptismo simul & fide, quia ad remissionem peccatorum non sufficit baptismus, nisi ei fides suffragetur; sicut nec sufficit fides, nisi illi accedat baptismus. Nam fides & baptisma, inquit Basilii, duo sunt modi parandæ salutis inter se cognati & inseparabiles; aded ut nec infans baptismo sanctificetur nisi alienâ fide illi suffragante; quia verbo fidei ut mundare possit, inquit Augustinus, consecratur baptismus; quod verbum tantum valet in ecclesia Dei, ut per ipsum credentem, offerentem, benedicentem, tingentem etiam tantillum mundet infantem. quamvis nondum valentem corde credere ad iustitiam, & ore confiteri ad salutem. Sicut igitur Scriptura sacra, dum salutem & peccatorum remissionem tribuit baptismis, non eam fidei adimit, sed baptismis & fidei simul tribuendam ostendit: Baptismo quidem, tanquam instrumento quo Deus nostram salutem operatur, fidei verò tanquam illi quo nos Deus, per cordis conversionem ad Deum, sanctificationi seu peccatorum remissioni præparat; sic etiam ubi salutem fidei tribuit, non est intelligenda illam baptis-

*Opinio Philippi de
Lanchtonis
de Sacram.*

mo adimere, sed fidei simul & baptismo velle tribuere, quia non tantum fidei, orationi & aliis ejusmodi operibus additæ sunt in Evangelio divinæ promissiones, (sicut in locis suis communibus videri vult Philippus, docens hæc in Evangelio magnificas habere promissiones, ipsos verò ritus etiam in Evangelio institutos, videlicet baptismum, cœnam Domini & absolutionem, tantum usurpari ad significandum propriam Evangelii promissionem de remissione peccatorum;) sed easdem promissiones sibi conjunctas etiam habent Sacramentorum ritus, ut cum dicitur: Qui crediderit, & baptizatus fuerit, salvus erit; salus non minus ritui baptismi, quam fidei promittitur; & cum alibi dicitur: Quorum remisistis peccata, remittentur eis; peccatorum remissio tantâ evidentia promittitur reconciliationis Sacramento, ut id inficiari non tam ignorantia videatur quam aperienda impudentia.

Marc. 16.

Joan. 20.

C A P U T VII.

Quod baptismi susceptio sit ad salutem Christianæ fidei confessio.

Rom. 10.

1 Tim. 6.

*Lib. 8. con-
fessionum
cap. 2.*

*Super
Joannem
tractatu
80.*

Rom. 10.

Quando igitur baptismum aut aliud quodvis novæ legis sacramentum suscipimus, non hoc spectare debemus ut ejusmodi symbolo divinas promissiones annunciemus, aut ad exitiosam securitatem (ut loquuntur hæretici) conscientis nostris obfignemus, sed ut quod prius ad justitiam credidimus, ore & Sacramento ad remissionem peccatorum & salutem confiteamur. Corde enim creditur ad justitiam, id est, ad veram cordis conversionem, ore autem confessio fit ad salutem, id est, ad peccatorum remissionem, sine qua salus haberi non potest. Nam quod hæc confessio quâ salvi efficimur, non tantum in martyrio, sed etiam in baptismatis Sacramento intelligi debeat, ostendit Apostolus cum viventi adhuc Timotheo scribit: *Certa bonum certamen, apprehende vitam æternam, in quam vocatus es, & confessus bonam confessionem coram multis testibus;* nam per fidem & baptismum intelligendus est Timotheus fuisse vocatus ad salutem, & confessus eam confessionem, de qua loquitur Apostolus; quam etiam Victorinum Rhetorem tandem confessum fuisse refert Augustinus in suis Confessionibus. Nam cum prius Scripturam sacram omnesque Christianas litteras studiosissime investigans ad justitiam corde credidisset, & apud Simplicianum se jam Christianum esse jactaret, sæpius ab illo audiens: Non deputabo te inter Christianos nisi te in ecclesia Christi videro; tandem intelligens, inquit Augustinus, quod si Christum timeret coram hominibus confiteri, ipse vicissim coram angelis Dei ab illo negaretur, humilitatis Christi Sacramentis imbutus est, ut quod corde crediderat ad justitiam, ore & Sacramento palam confiteretur ad salutem. Nam (ait Augustinus) sine verbo quid est aqua nisi aqua? id est, sine fide quid prodest baptisma quod celebratur in aqua? accedit verbum ad elementum, id est, fides ad baptismum, & fit sacramentum ipsum tanquam visibile verbum, id est, tanquam visibilis quædam ejus fidei confessio, quam corde verbo prædicationis adhibet qui imbuatur baptismatis Sacramento. Corde enim creditur ad justitiam, id est, ad internam cordis

cordis renovationem, sed cum fidelis baptizatur, ore & Sacramento fit ad salutem confessio, ut dictum est.

CAPUT VIII.

Quod quando nomine justitiæ sola cordis renovatio intelligitur, tunc justitia fidei etiam sine Sacramentis rectè tribuitur.

Sed objicitur: Vera justitia, propitiatio, pax & peccatorum remissio in Scripturis sacris, tacito Sacramento, passim fidei tribuuntur, ut: *Justus ex fide vivit; Corde creditur ad justitiam; Gentes quæ non sectabantur justitiam, justitiam apprehenderunt, justitiam autem quæ ex fide est; Fide purificans corda eorum; &: Deus proposuit Christum propitiatorem per fidem in sanguinem ipsius; &: Justificati ex fide pacem habemus ad Deum.* Igitur baptismi Sacramento nulla vis sanctificandi competit, sed soli fidei. Responsio: Scriptura sacra nomine justitiæ quandoque solam cordis rectitudinem & renovationem spiritus intelligit, quæ etiam remissionem peccatorum sæpius antecedit, quam nihil mirum est soli fidei tribui, cum Sacramentum hujus justitiæ, fidei signaculum duntaxat sit, non causa. Sed quando Scriptura sacra salutem & peccatorum remissionem, quæ sine sacramento non solet haberi, ipsi fidei tribuit; tunc sine dubio ex aliis Scripturis Sacris sub fide debet Sacramentum comprehendi, quod sæpius cum ipsa fide exprimitur; ut apud Apostolum, ubi ait: *Mundans eam lavacro aquæ in verbo vitæ.* Nec sic rectè colligitur; Scriptura Sacra simpliciter pronuntiat, quod fides hoc aut illud operetur: igitur hoc non facit Sacramentum; quia etiam de iis, quos Christus verbo aut tactu curavit simpliciter dicitur: fides tua te salvum fecit. Ex quo inferri non potest, quod Christus eos tactu aut verbo non fecerit salvos, sed solum sequitur quod Christus eos salvos non fecisset, nisi aut eorum propria aut aliena fides hoc eis meruisset. Quemadmodum igitur curationes quæ à Christo fiebant, fidei tribuuntur, ut intelligatur quare ipse alios curaverit, alios vero non, sic etiam salus quæ confertur baptismi Sacramento, idem fidei tribuitur, ut intelligatur quod baptismus credentibus prosit, iis verò qui non credunt, non tantum non sit præcedentis culpæ remedium, sed etiam vinculum novæ iniquitatis.

CAPUT IX.

Quod si Sacramenta tantum essent fidei exercitia, tunc eruditis & studiosis non essent admodum necessaria.

SI verò (uti prætendit Calvinus) Sacramenta nihil aliud essent quàm divinarum promissionum quæ sacris litteris continentur signacula, quibus ipsæ promissiones humanæ infirmitati obsignentur & firmentur, eo modo quo sigillis, quæ diplomatibus aliisque publicis actis appenduntur, conscripta veritas confirmatur; tunc Sacramenta non essent iis admodum necessaria aut utilia, qui in sacris litteris diligenter instituti sibi firmissimâ fide persuaserunt,

1 Petr. I.

quoddam non voluntate humanā allata sit aliquando prophetia, sed Spiritu Sancto inspirati locuti sunt sancti Dei homines. Quia hi jam abundē consecuti sunt verbi Dei fidem, quam Calvinus per Sacramentorum exercitia solam quærendam esse somniat: sicut se consecutos esse præsumunt, quotquot doctrinam Calvini aliorumque sectariorum profitentur, quia in hoc toti incumbunt ut sibi certissimè persuadeant, se justos esse & electos Dei filios, ad quos promissiones Abrahamæ pertineant. Unde etiam fieri arbitror, ut ipsi tam rarè, tam negligenter, tam irreverenter iis Sacramentis utantur, quæ se prædicare simulant; quia non ignorant se longè plenius & uberius ex perspicuis Prophetarum & Apostolorum scriptis posse de divinis promissionibus institui & confirmari, quàm ex obscuris Sacramentorum significationibus, quæ nisi Scripturæ sacræ verbis explicentur, vix etiam ab eruditis intelligentur. Sicut igitur initio diximus, quanquam simulet Calvinus se aliquot sacramenta velle retinere; quia tamen non ad sanctificationem, sed ad doctrinam & exercitium fidei duntaxat illa valere prædicat; ideo huc tantum spectat universa ejus doctrina, ut paulatim & sine violentia, tanquam res minus necessariae aut parum utiles, in contemptum abeant, & tandem prorsus aboleantur.



MICHAELIS BAIL,
 DE
 FORMA BAPTISMI,
 SEU
 DE VERBIS
 SINE QUIBUS NON PERFICITUR
 SACRAMENTUM BAPTISMI,
 TRACTATUS UNUS.

P R Æ F A T I O.

Cum nuper in quodam congressu assererem Christi baptisma non aliis
 verbis posse perfici, quam quæ omnes tres divina substantie perso-
 nas exprimerent, objecit quidam responsum Nicolai Pontificis ad *De conse.
dist. 4. c.
ad quodam.*
 consulta Bulgarorum, quod sic habet: A quodam Judeo mul-
 ros baptizatos asseritis, & quid inde agendum sit consultitis. Hi
 profectò si in nomine Trinitatis vel in nomine Christi, sicut in Acti-
 bus Apostolorum legimus, baptizati sunt, (unum enim idemque est, ut exponit
 Ambrosius,) rebaptizari non debent; Respondi (sicut tunc ex tempore occur-
 rebat) verbis illis duo contineri: Alterum quod baptizati à Judeo (quem in-
 telligebam nunquam fuisse Christianum) non essent rebaptizandi; Alterum verò *Lib. 1. de
Spiritu
Sancto
cap. 3.*
 quod ratum haberi deberet ejusmodi baptisma, etiamsi esset solà nominis Christi in-
 vocatione consecratum. De priori dixi Augustinum dubitare lib. 2. contra Per-
 menianum cap. 13. Aut enim sic: Et hæc quidam alia questio est, utrum & ab
 eis qui nunquam fuerunt Christiani possit baptismus dari, nec aliquid temerè inde
 affirmandum est sine autoritate tanti Concilii, quantum tante rei sufficit. Quorum
 verborum memor addidi me nondum vidisse Concilium, cujus autoritate ductus
 Nico-

Gregor. 2.

Nicolaus tam intrepide pronuntiaret de hac questione tam abdita. Subjeci nihilominus, me in ea parte libenter verbis ejus accedere, quia contrarium documentum non habebam, nisi quis proferendum puer dictum Gregorii secundi, quod habetur de consecratione, distinctione 4. c. Quos à paganis, ubi videtur contrarium doceri. De posteriori verò parte dixi, quòd tam aperte repugnaret Basilio, Didimo, Origeni, Theophylacto, Cypriano, Augustino & dictis pontificum (quæ habentur de consecrat. distinct. 4.) ut Nicolao Pontifici non quidem definienti, sed respondendo ad quædam consulta simpliciter asserenti, ratum fore baptismum solo Christi nomine invocato collatum, credere non audeam, præsertim quia partem hanc responsionis extra questionem propositam obiter adjecit; non enim quærebatur, quibus verbis baptismus perfici deberet: sed an veraciter baptizasse putandus esset Judæus qui prius non erat baptizatus. Verùm quia is, qui jam dicta opponebat, responsionem hanc tanquam novam & Pontifici injuriam improbavit, visum est paucis ostendere quid juxta veterum scriptorum traditiones & Romanorum Pontificum definitiones de hac re sentiendum videatur.

MICHAELIS BAILL,
DE
FORMA BAPTISMI,
TRACTATUS UNUS.

C A P U T I.

*Qudd inane sit eorum fundamentum, qui opinantur Apostolos
quandoque solo Christi nomine invocato baptizasse.*



Ententia eorum, qui vel tempore Apostolorum duntaxat, ut
D. Thomas, vel etiam nunc, ut Cajetanus, baptisma cum
expressione solius nominis Christi collatum ratum esse putant,
sicut etiam ipse Nicolaus indicat, quem Cajetanus sequitur
ex Act. Apostolorum duxit originem, ubi ait Petrus: *Pæni-*
tentiam agite, & baptizetur unusquisque vestrum in nomine Jesu

Christi, & ex aliis Scripturis, in quibus in mentione baptismatis unius dunta-
taxat personæ divinæ nomen exprimitur; sed omnes penè Veteres circa ejusmodi
Scripturas tam sollicitè monent, ne quis in eum errorem incidat, ut existimet
in celebrando baptismi mysterio reliqua duarum personarum nomina non
debere invocari, ut ex ipsis prævidisse videantur hunc errorem aliquando nati-
citurum, quo quidam præsumunt asserere, Apostolos aliquando solo Christi
nomine invocato baptizasse, ac proinde nunc adhuc ratum fore baptismum si
quis eisdem verbis baptizetur, (quia institutio sacramentorum novi testamenti
videtur esse immutabilis.) Igitur nullo modo credendum est Apostolos un-
quam aliter baptizasse quàm expressè invocando Patrem, Filium & Spiritum
Sanctum. Nam ut à Græcis incipiam, ex quibus plerique Latini sua hause-
runt, D. Basilus de Spiritu Sancto, sic ait: Neminem ad errorem impellat
illud Apostoli, quodd nomen Patris & Spiritus Sancti in baptismatis mentione
sæpe omittit, neque ob id putet nominum nomenclaturam non necesse esse
observari. Quicunque, inquit, in Christo baptizati estis, Christum indui-
stis. Nam Christi appellatio totius est confessio Trinitatis. Declarat enim
& eum qui unxit, & filium qui unctus est, & Spiritum Sanctum qui est un-
guentum. Porro videtur aliquando etiam solius Spiritus in baptismate men-
tionem fecisse: Vos autem baptizabimini in Spiritu Sancto; at non ob id per-
fectum quis dixerit baptisma, in quo solum Spiritus nomen invocatum est.

3. parte
quæst. 66.
art. 6.
Cajeta.
in 66.
Pæni-
tentiam
Toma
commen-
tans.
Athen. 2.
Act. 8. c.
& 10. g. &
19. a

Basilium
cap. 12.

Mardi 1.

Oportet enim immobile manere traditionem in vivifica gratia datam; quare addere quid aut detrudere palam est elapsus à vita æterna. Audis circa Scripturas quæ in mentione baptismi unicam duntaxat personam exprimunt, cavendum esse errorem quem Nicolaus incurrit, putans in ipso baptismo nominum nomenclaturam non necesse esse observari, sed sufficere unius Christi nomen exprimere. Audis etiam cætera, quæ clariora sunt quam quicquid posset de eis à nobis dici. Didimus quoque principio 2. lib. de Spiritu Sancto: Quis non ex ipsa cogetur veritate suscipere indifferentiam sanctæ Trinitatis, dum una sit fides in Patre, & Filio & Spiritu Sancto; & lavacrum detur atque firmetur in nomine Patris, & Filii & Spiritus Sancti. Non arbitror quemquam tam vecordem atque insanum futurum, ut perfectum baptismum putet, quod datur in nomine Patris, & Filii, sine assumptione Spiritus Sancti, aut rursus, in nomine Patris, & Spiritus Sancti, Filii vocabulo prætermisso, aut certe in nomine Filii, & Spiritus Sancti, non præposito vocabulo Patris. Licet enim quis possit existere saxel, ut ita dicam, cordis, & penitus mentis alienæ, qui ita baptizare conetur ut unum de præceptis nominibus prætermittat, videlicet contrarius legislator Christi, tamen sine perfectione baptizabit, imò penitus à peccatis liberare non poterit, quos à se baptizatos existimaverit. Hic certe magnæ novitatis & scandalosi erroris insimulari deberet, qui tot contumeliis eos infectatur, qui in baptismo aliquid de præceptis nominibus prætermitti posse putant, si invocato solo Christi nomine posset verum baptismum conferri. Similiter Origenes tractans 6. cap. Roman. Cur hic Apostolus Christi nomen assumpsit, dicens: Quicumque in Christo baptizati sumus; cum utique non habeatur legitimum baptismum nisi sub nomine Trinitatis; deinde responderetur, quoniam hoc loco non tam baptismatis rationem, quam mortis Christi discutere cupiebat, &c. His accedit Theoph. super ultimum caput Lucæ, dicens: Quomodo autem baptismum in nomine solius Christi fieri intelligemus, præsertim cum aliàs doceamur baptizari in nomine Patris, & Filii, & Spiritus Sancti? Primum dicimus, inquit, quod quando dicimus baptismum fieri in nomine Christi, non dicimus quod oporteat in solius Christi nomine fieri; & cætera quæ sequuntur in eandem sententiam. Inter Latinos primus occurrit gloriosus martyr Cyprianus, qui in epistola ad Iubajanum: Illi, inquit, qui iam legis & Moysi antiquissimum baptismum fuerant adepti, in nomine quoque Jesu Christi fuerunt baptizati, secundum quod in Act. Apostolorum Petrus loquitur: *Pœnitementi & baptizetur unusquisque vestrum in nomine Jesu Christi*: Jesu Christi mentionem facit Petrus, non quasi pater omitteretur; sed ut patri quoque filius adjungeretur. Quomodo ergo quidam dicunt, inquit, modo in nomine Jesu Christi, ubicunque & quomodocunque Gentilem baptizatum remissionem peccatorum consequi posse, cum ipse Christus gentes baptizare jubeat in plena & adunata Trinitate? Augustinus etiam lib. 3. contra Maximinum cap. 17. *Si quia non est nominatus Spiritus Sanctus, quod etiam per illum facta sit creatura, quando de filio dictum est*: Omnia per ipsum facta sunt; idem putas Dei spiritum non esse creatorem: procul dubio nec in ejus nomine poteris baptizatos dicere, quibus ait Petrus: *Agite pœnitentiam, & baptizetur unusquisque vestrum in nomine Domini Jesu Christi; quia non ait,*

Didymus
lib. 2. de
Spiritu S.

Origenes in
6. cap. ad
Rom.

Theophi-
lactus.

Cyprianus
tom. 2.

Adler. 1.

Mat. 28.
Augus.

Jean. 1.

& Spiritus Sancti, nec in Patris nomine, quia nec ipse ibi est nominatus. Si autem etiam non nominatis Patre & Spiritu Sancto, in nomine Jesu Christi jussi sunt baptizari, & tamen intelliguntur non baptizati nisi in nomine Patris, & Filii, & Spiritus Sancti: cur non sic audis de Filio Dei: Omnia per ipsum facta sunt; ut & Joan. 1. non nominatum intelligas ibi & Spiritum Sanctum. Nam (ut ait de baptismo contra Donatistas lib. 6. cap. 25.) certa sunt verba Evangelica, sine quibus non potest consecrari baptismus. Quibus planè consonat Fulgentius de incarnatione & gratia Domini nostri Jesu Christi cap. 11. cum ait: Omnis qui in nomine Patris, & Filii & Spiritus Sancti, Sacramento Spiritus Sancti regenerationis abluitur, non nisi in Christi morte ac nomine baptizatur.

CAPUT II.

Quod Pontifices Romani ex professò damnaverint baptismum datum invocato solo Christi nomine.

Idem ostendit Innocentius primus in epistola ad Episcopos Macedoniæ, docens quoddam olim qui à Novatianis baptizati ad Ecclesiam revertebantur, solâ manu impositione recipiebantur; qui verò à Paulianistis, in nomine Patris, & Filii, & Spiritus Sancti baptizabantur. Quod idem distinctum, inquit, de ipsis duobus hæresibus ratio manifesta declarat, quia Paulianistæ in nomine Patris, & Filii, & Spiritus Sancti minimè baptizabant: Novatiani verò isdem tremendis venerandisque nominibus baptizabant. Similiter Gregorius Magnus capite: *Ab antiqua; & capite: Hi verò hæretici.* His addunt aliorum adhuc duorum Pontificum apertissima decreta, Pelagii & Zachariæ, synodum Anglorum confirmantia, quæ licet à quibusdam oppositam sententiam defendentibus ita contra omnem sensum torqueantur, ut apud plerosque penè abierint in contemptum, tamen iis qui veteres legunt non ob aliud fortè edita videbuntur, quàm ut eorum temeritas comprimatur, qui audent docere ratum posse esse baptismum, quod non est collatum in plena & adunata Trinitate, sicut loquitur Cyprianus. Prius decretum sic habet: Si hi qui in locis dilectionis tuæ vicinis commorari dicuntur, se solummodò in nomine Domini baptizatos fuisse consentunt, sine cujusque dubitationis ambiguo eos ad fidem catholicam venientes in sanctæ Trinitatis nomine baptizabis. Posterius verò sic: In synodo Anglorum decretum firmissimè præceptum & diligenter demonstratum esse dignoscitur, quoddam quicunque sine invocatione Trinitatis merus fuisset, Sacramentum regenerationis non haberet, quod omnino verum est; quia si merus in fonte baptismatis quis fuerit sine invocatione Trinitatis, perfectus Christianus non est, nisi in nomine Patris, & Filii, & Spiritus Sancti fuerit baptizatus. Hoc quoque observari in prædicta synodo sacerdotes voluerunt, ut qui vel unam de Trinitate personam in baptismo non nominaret, illud baptismum esse verum non posset, quod pro certo verum est. Quæ verba cum apertissima sint, non rectè à quibusdam subvertuntur per rationem quæ sequitur, quia qui unum ex Sancta Trinitate confessus non fuerit nomen, perfectus Christianus esse non potest. Quasi vide-

Innocent. 1.
cap. 5.

Gregorius
epist. 61.
lib. 9. ad
Quirinum,
& ceteros
episcopos
Hispania.

licet ipsa synodus Anglicana (quæ tamen clausulam hanc non adjecit, sed Zacharias,) tunc demum voluerit non esse verum baptismum, in quo persona aliqua non nominaretur, quando hæc persona non solum exterius à sermone per omissionem, sed etiam intus in corde per infidelitatem à reliquis separaretur; tum quia constat ad baptismum, quod verbis evangelicis consecratur, non pertinere cuiusquam dantis vel accipientis errorem, sive de Patre, sive de Filio, sive de Spiritu Sancto aliter sentiat quàm cœlestis doctrina insinuat, ut ait August. lib. 4. de unico baptismo, & Concilium Arclatense de consecratione dist. 4. capite, de Arrianis; tum etiam quia rationem hanc subjecit Zacharias pontifex, imitatus D. Basilium de Spiritu Sancto. cap. 12. superius citato; ubi simili ratione demonstrat in ipso baptismo omnes tres personas debere nominari, cum ait: Fides & baptismus duo salutis modi sunt inter se coherentes & inseparabiles; Fides enim perficitur per baptismum, Baptismus vero fundatur per fidem, & per eadem nomina utraque res completur. Sicut enim credimus in Patrem, & Filium & Spiritum Sanctum, sic etiam baptizamur in nomine Patris, & Filii, & Spiritus Sancti. Et præcedit quidem confessio ad salutem inducens, consequitur autem Baptisma obsignans nostram confessionem & pactum.

C A P U T III.

Quod Ambrosius libro primo de Spiritu Sancto non loquatur de verbis quibus baptismus Christi perficitur, sed quibus Scriptura sacra utitur faciens baptismi mentionem.

SEd objicitur Ambrosius lib. 1. de Spiritu Sancto cap. 3. ubi ait, quod Æthiops Eunuchus Candacis reginæ baptizatus in Christo, plenum mysterium consecutus est. Cujus etiam rationem subjicit: quia si Christum dicas, & Deum Patrem à quo unctus est filius, & ipsum qui unctus est Filium, & Spiritum quo unctus est designasti. Respondeo, quod si Veterum autoritas sequenda sit, non debet cuiquam contra manifestam sententiam Basilii, Didymi, Origenis, Theophylacti, Cyprian. Aug. & aliquot Pontificum Romanorum de unius Ambrosii obscuritate præscribi, quem tamen, si diligenter expendas, forsitan deprehendes non nisi absurdissimè in eam sententiam posse detorqueri, quæ in objectione prætenditur. Nam si memoria repetas quæ superius ex D. Basilio protulimus, in primis invenes rationem ab Ambrosio subiectam, quæ à nonnullis obscuritate præteritur, ex eo Basilii capite penè ad verbum esse translatam; ubi Basilius ex professo docet, in consecratione Baptismatis observari debere nomenclaturam totius Trinitatis: deinde (sicut ex principio cap. patet) propositum est Ambrosio demonstrare, quod ubi operatio aliqua divina in Scripturis Patri, Filio, aut Spiritui Sancto seorsim tribuitur, tunc reliquæ personæ non excluduntur, sed quia inseparabiles sunt cointelliguntur. Id quod ex iis Scripturis conatur ostendere, in quibus sub unius personæ nomine baptismatis mentio reperitur. Quia si hi qui in Christo, vel in Spiritu Sancto

Sancto baptizati leguntur, non aliter intelliguntur fuisse baptizati, quam in nomine Patris, & Filii, & Spiritus Sancti; sicut supra præsupposuit Augustinus, manifestè consequitur in omnibus Scripturis, quæ baptismum sub unius personæ nomine commemorant, etiam non nominatas intelligi debere personas, sine quarum invocatione baptismus non perficitur. Si autem dixerimus (uti objectio dicendum esse prætendit) eos qui vel in Christo, vel in Spiritu Sancto baptizati leguntur, in nomine unius personæ duntaxat fuisse baptizatos, videtur quanta pro Arrianis adversus D. Ambrosium relinquatur tergiversatio, ut prædictis Scripturis respondeant, quòd qui in nomine unius personæ baptizati leguntur, etiam sunt unius personæ duntaxat operatione sanctificati. Et sic ex hujusmodi Scripturis, nec ab Ambrosio, nec ab Augustino, nec à Didymo, aut Basilio, quos ipsi imitati sunt, sufficienter ostensum fuerit, quòd ubi in Scripturis Sacris operatio aliqua uni personæ tribuitur, reliquæ non intelligantur excludi, sed comprehendi. Ut igitur ad verba Ambrosii summam respondeam; dico Ambrosium dicto cap. non disputare de verbis quibus baptismus ipse perficitur, quæ completi oportet nomenclaturam totius Trinitatis, sed de verbis Scripturæ sacræ mentionem hujus sacri mysterii facientis, quæ ut plenius ostenderet inseparabilem atque indivisam trium personarum unitatem, sine quarum invocatione atque operatione neque perficitur baptismus, neque etiam sanctificari potest qui baptizatur, in ejus tamen mentione sæpe unicam duntaxat nominat personam, & ex notissima baptizandi forma reliquas duas lectori cointelligendas relinquit. Quam intelligentiam peculiari etiam quâdam ratione juvant hæc nomina, Pater, Christus, & Spiritus, sicut ibidem ostendit Ambrosius secutus Basilium; quia qui Christum nominat, inquit, is & ungentem, & unctum, & ipsum etiam ungentum latenter insinuat; & si Patrem dicas, inquit, & Filium ejus, & Spiritum oris ejus pariter indicasti; & si Spiritum dicas, & Deum Patrem à quo procedit Spiritus, & Filium, quia Filii quoque est Spiritus, nuncupasti. Nemo tamen unquam adeò insaniit, ut hic Ambrosium voluisse putaret verum esse baptismum, si qui solum Patris nomen exprimat, aut solum nomen Spiritus Sancti. Unde quanquam aliarum personarum significatio in ratione nominis Domini Jesu forsitan minùs contineatur, quia qui nomen Domini Jesu pronuntiat, is neque Patrem, neque Spiritum patris indicat, tamen etiam in hoc nomine leguntur quidam baptizati, ut non solum ex significatione nominum quibus divinæ personæ significantur, sed etiam ex baptizandi ritu fidelibus noto, & ex vera fide Trinitatis hæc intelligentia Scripturæ capiatur, ut ubicunque uni personæ aliqua operatio tribuitur, reliquæ duæ non putentur excludi, sed intelligantur sub ea, quæ nominatur, comprehendi: sicut supra ostendit Augustinus in Scriptura quæ sub unius personæ nomine baptismatis mentionem continebat. Et quia Nicolaus Pontifex huic Ambrosii testimonio in suo responso innititur, idè mirum non est ipsum in re obscura ex verbis non benè intellectis fuisse deceptum.

CAPUT IV.

*De epistola quæ apud D. Bernardum 340. habetur.
quid sentiendum.*

Non ignoro epistolam quamdam (quæ in Bernardo 340. ponitur) approbare baptismum datum in nomine Dei & sanctæ veræ crucis. Sed ea est ex eis triginta quæ posterius additæ sunt, de quibus forsitan non immeritò possumus dubitare, an sint revera Bernardi. Quicquid sit D. Thomas id non approbat; & si ejusmodi ratiocinatiunculas sequi velimus, qualisibi redditur, tunc necessum erit in baptismo tot invocationum formas agnoscere, quot baptizantium contigerit de Deo existere phantasias.



MICHAELIS BAII
RESPONSAAD
CONVENTUSCAMERACENSIS
DELIBERATIONES.Ex MS. R.
primum
edita.

N Conventu Cameracensi anno 1567. nobis subscriptis præsentibus, post eorum qui convenerunt deliberationem, sic conclusum est de tribus quæ quæruntur.

De Baptismo parvulis collato ab Hæreticis, dicitur quoddam cum constat Hæreticos usos fuisse formam indebitam, simpliciter in Ecclesia sunt parvuli baptizandi. Cum dubitatur an forma debita usi sint (ut merito sæpe dubitari potest) sub conditione Baptismus est repetendus, sicut Ecclesia facit in baptizatis ab Hæreticis. Cum autem bene constat debitam formam eos esse usos, Baptismus in Ecclesia penitus omitti debet, nec sub conditione est repetendus: semper tamen exorcismi & catechismi, cum reliquis ceremoniis ab Hæreticis prætermissi, sunt supplendi propter servandam uniformitatem in Baptismo, & quia Jura Canonica docent in sacramentorum collatione si quid est omissum, cautè supplendum esse, non tamen repetendum quod bene impensum est. Idem docet Thomas parte 3. quæst. 71. art. 3. ad 3. & Richardus in 4. sentent. dist. 6. art. 6. quæst. 1.

De Templorum, Imaginum, & Reliquiarum violatoribus pœnitentibus, judicatum est, eos procul dubio ab Ecclesia recipiendos esse, sed probandos num ex animo pœniteant. Demum non statim eos ad reconciliationem, potissimum ad Eucharistiæ perceptionem admittendos esse, sed aliquot mensibus, juxta Christi aut Pastoris discretionem, congruam ab eis satisfactionem exigendam & persolvendam, priusquam ad sacramentorum communionem admittantur, eamque talem quæ ædificet eos quos scandalizaverant, & quæ quantum facultates ferunt, illata damna reparet.

De Matrimonio apud Hæreticos solemniter celebrato, dictum fuit illud: Si inveniatur contractum inter personas illegitimas, omnino dirimendum est,

nisi

nisi impetratâ dispensatione à summo Pontifice in gradibus prohibitis, quo tamen casu Matrimonium in Ecclesia repetendum est. Similiter si contractum sit in aliquo loco ubi Concilium Tridentinum publicatum fuit, omnino repetendum esse; quia illis locis contractum, nullum fuit, quia non contractum præsentè Parocho. Si autem contractum fuit illis locis in quibus needum publicatum fuit Concilium, etsi ratum sit matrimonium inter legitimas personas contractum, tamen repetendum esse in Ecclesia cum consuetis ceremoniis, sicut & clandestina matrimonia repetuntur, ut contractus matrimonialis legitimus sit & habeatur.

Cornelius Jansenius Primus Episcopus Gandensis.

Judocus Ravesteyn Tileanus.

Michael de Baii Athenensis.



MICHAELIS BAII,
 EPISTOLA
 REVERENDISSIMO
 ET
 ILLUSTRISSIMO,
 D. MAXIMILIANO,
 ABERGIS,
 Archiepiscopo Cameracensi.

REVERENDISSIME ET ILLUSTRIS-
 SIME DOMINE PRÆSUL.

P Erlegi testimonia quibus comprobatur admiranda curatio Antonii Despretii & Annæ de Morine ad memoriam B. Virginis in Sacello ejusdem Cerine, vulgariter dicto ad Fontem, & prælecta etiam aliis Magistris nostræ Facultatis, qui Gallicè norunt, examinanda tradidi, quæ cum simul retulissemus coram Magistro Nostro Tiletano, & aliis Magistris nostræ Facultatis Theologicæ, judicatum est hæc duo miracula quæ Deus hoc miserando tempore ad subveniendum nostræ incredulitati mirabiliter operatus est, tam certis testimoniis comprobari, ut sine grandi impietate obsecrari aut dissimulari non possint, quia horum publicatio fidei catholicæ prædicatio & defensio est, quæ ad Episcopos maximè pertinet. Sicut igitur Nabuchodonosor Rex signa & mirabilia Dei, quæ apud se contigerant, laudabiliter toto regno suo prædicavit, sicut in Daniele legitur; sic etiam duo hæc miracula celebrari aliquâ solemnitate ad multorum notitiam videntur esse deducenda, ut Deus in B. Virgine glorificetur, per quam talia dignatur operari. Nam, ut ait Angelus Tobix; sacramentum Regis abscondere bonum est, opera autem Dei revelare & confiteri honorificum est; maximè quia non tantum infirmis corporibus, sed multò magis mentibus medentur incredulis, de quibus scriptum est: *nisi signa & prodigia videritis, non credetis.* Porro quomodo non sunt abscondenda miracula latè prosequitur Augustinus lib. 22. de Civit. Dei cap. 8.

Nunc primum edita ex MSS.

ubi etiam circa tertium miraculum quod refert, se stomachatum dicis, quod non satis publicatum fuerit.

Cum autem paucos dies essem in patria, sensi sorores Cerinenses vehementer perturbatas quod contra propriam voluntatem & contra proprii voti obligationem essent reclusæ. Ostensa est mihi copia Bullæ secundum quam profitentur, & nullam inveni clausuræ mentionem, sed potius contrarium: nam ibi disponitur, ut supplementum suæ necessitatis mendicando conquirant, quod sine exitu fieri non potest. Præterea relinquuntur sub Pastore Parochiæ, ratione cujus videntur teneri adire templum parochiale ad audienda sacra & percipiendum Sacramenta, & ad sepelienda corpora mortuorum, sicut hætenus observaverunt, à quibus tamen omnibus nunc secluduntur. In Concilio Tridentino ordinatur, ut ubi clausura Monialium violata est, diligenter restituatur; sed non ordinatur ut ubi nunquam fuit, contra propriam earum voluntatem violenter instituitur: quia hoc esset ab eis exigere quod nunquam promiserunt; id quod videtur mihi esse contra jus divinum, & apertissimè contra D. Bernardum *de præcepto & dispensatione*. Sicut enim nemo ad vovendum potest cogi, sic etiam qui vovit, non potest ultra cogi quàm vovit: quia utrumque esset velle de alieno sacrificium Deo facere, quod prorsus est illicitum. Nec opus est hoc turbulento sæculo exigere violenter à quopiam quod non debet; cum nobis multum gratulari debeamus, si quisque persolvat quod debet. Habent etiam Bullam quamdam ipso facto excommunicantem Fratres Minores, qui eas volebant restringere ultra suam institutionem; quam facile ostendent si res ista postulet. Hæc paucis indicavi, quia res ista concernit etiam Curatos Illustrissimæ Tuxæ Reverentiæ subditos, quam Deus Ecclesiæ suæ diu servet incolumem. Lovanii 1. Julii, anno 1569.

Reverendissimæ atque Illustrissimæ gratiæ tuæ

Addictissimus servitor Michael de Baii.

MICHAELIS BAII,

Regii in sacris Litteris

PROFESSORIS RESPONSIONES,

A D.

PHILIPPI MARNIXII

SANCT-ALDEGONDI

Quæstiones de

ECCLESIA CHRISTI

ET DE

SACRAMENTO ALTARIS.

MICHAELIS BAI

PROFESSORIS

PROFESSORIS

A D

PHILIPPI MARINII

SANCTI ALDEGONDI

Omnium

ECCLESIAE CHRISTI

ET DE

SACRAMENTO ALTARIS

Q U Æ S T I O N E S M I C H A E L I B A I O

PROPOSITÆ A
P H I L I P P O M A R N I X I O ,

die 14. Octobris , Anno 1577.



N Ecclesia , ejusque constitutiones seu iraditiones nullum habeant utriusque aliud , nisi consuetudinem eorum qui se profitentur Romanam sectari religionem quam vocant catholicam ?

An hoc utriusque , si quod aliud est , constet pagina sacre scriptura sola ?

An patrum explanationibus & commentariis ?

An Conciliorum decretis ?

An Pontificum Romanorum placitis ?

An Scholasticorum pronuntiatis ?

An passim sequatur , ut ait Satyricus , corvos testaque lutoque ?

An Ecclesia tribuat auctoritatem verbo Dei , an potius verbum Dei , Ecclesie auctoritatem atque axioma conferat ?

Onorum
Qua , & cujus auctoritate confirmatorum seu approbatorum ?

DE V E R B I S

S A C R A M E N T I C O E N Æ

D O M I N I C Æ

1. *A*n hac verba , Hoc est corpus meum , continent pronomen identicum atque idem significantem , quod : corpus meum est corpus meum ; an verò attributum corpori : attribuitur subjecto significato per pronomen , hoc , tanquam dixerit : suo attributo ?

2. Et si attribuitur tanquam dixerit : an attribuitur substantivè , ita ut hac verba (hoc est corpus meum) idem significant atque , hoc est substantia-

liter, ut ita dicam, corpus meum? An potius attribuitur sacramentaliter, ita ut ea verba nihil aliud significant, nisi, hoc est sacramentaliter corpus meum, seu, Corpus meum dicitur de hoc quod vobis do, planè ut sacramenta dicuntur de rebus quas significant & sua institutione demonstrant, quemadmodum Augustinus in libello De doctrina Christiana docet, Sacramentum fidei fidem esse, & sacramentum corporis corpus, & sacramentum fœderis fœdus, & sacramentum verbi Dei ipsissimum verbum Dei; non quidem substantiâ, sed usu, institutione, representatione, ac significantissimâ exhibitione ante oculos fidei.

3. Quo argumento doceatur vocem EST in hac circumstantia significare substantialitatem? liceat enim ita loqui. An hoc ipso argumento tanquam prius non possit formari certa atque indubitata ratiocinatio per propositionem generalem, quo argumenti vis possit & rectius intelligi & certius judicari?

Exempli gratia.

Ubique vocula EST conjungit predicatum cum subiecto in hac vel ejusmodi circumstantia, toties accipitur substantivè.

In hac propositione vocula EST conjungit predicatum corporis cum subiecto pronominis demonstrativi, Hoc &c.

Ergo, &c.

4. An explicatio horum verborum debeat aut possit aliunde sumi, quàm ex ipsis Christi aut Evangelistarum verbis?

5. An illa propositio de calice: Hoc poculum est novum testamentum seu fœdus (duâ enim utrunquo hic significat, ut Hebræis Oth-Berith) in meo sanguine: & illa, Hic est sanguis novi testamenti, non idem significant, & sese mutuo significanter explicent? Ac proinde, an non penitus sit eadem ratio in pane; ita ut hæc propositiones, Hic panis est novum testamentum seu fœdus in meo corpore, & Hoc est corpus meum: & item, Hic panis quem frangimus est novum corpus Christi, & Hic panis quem frangimus est corpus Christi, idem significant, & sese mutuo significanter explicent.

6. Item an pronomen Hoc aliud significet quàm idipsum quod uno ore omnes angeliste testantur, Christum accepisse, fregisse, dedisse discipulis, ac jussisse ut acciperent & comederent?

7. An 1. Cor. 10. quum hunc panem nominat, & panem quem frangimus disertè exprimit, aliud sacramenti subiectum statuat atque Christus, vel ipse Paulus (1 Cor. 11.) nomine Hoc veli significari quod omnes Evangeliste testantur fuisse panem quem Christus fregit & dedit, & de quo demique loquimur est?

8. An in propositione de calice non eadem sit subiecti ratio, atque in ea qua est de pane; ac proinde quum subiectum in propositione & oratione de calice non solum demonstratur pronomine Hoc, sed plane & discrete nominetur tũto id est rĩpus. vel fructus ac genimen vitis, an non eadem sit ratio in pronomine Hoc quod usurpatur in propositione de pane: ita ut Hoc idem significet, quod, hic panis, vel hic fructus tritici de multis coadunatus gravis.

9. Si subiectum possum in hac propositione, Hoc est corpus meum, mutatur vel mutatum fuit à subiecto panis quod Evangelista testatur Christum accepisse, fregisse, & dedisse &c. quando mutatum fuit, qua vi, quo Domini mandato, quo divini verbi argumento?

10. Quae sit analogia unionis corporis Christi cum Ecclesia declarata 1 Cor. 10. si nulla est panis vel vini reliqua substantia?

11. Quando Veteres docuerunt eandem aut similem esse transformationem panis & vini in corpus & sanguinem Christi, qualis erat aqua admista vino in populum Christi ejus corpori per fidem conglutinatam.



MICHAELIS BAII

A D

PRIORES QUÆSTIONES
QUÆ SUNT DE
ECCLESIA RESPONSIO.*Generoso, Nobili, Eruditissimoque viro Domino Philippo
Marnixio Sanctaldegondo.*

Ominus de Wignacourt mihi hætenus & de nomine & de facie ignotus, sed tuæ generositati, ut intelligo, affinitate conjunctus, Generosissime atque eruditissime Sanctaldegonde, multas mihi quæstiones obtulit, quas aiebat tractandas atque solvendas ad me per te transmitti. Facile fuisset, ætatem, quotidianam prælectionem, & negotiorum turbam quibus quotidie in universitate, in ecclesia S. Petri, & in collegio nostro interpellor atque distrahor, excusare: sed in rem pietatæque patriæ utili (si fortè dignaretur Deus in te operari, quod magnopere exopto, quodque quotidianis precibus instanter ab eo postulo,) nolui dilationem quærere, confidens quod is qui tibi hunc quærendi affectum indidit, etiam mihi suggeret, meque docebit quid & quomodo respondere debeam, ut tibi in bonum cooperetur mea responsio. Utrumque enim Dei donum est, & veritatem sincerè, hoc est non contendendi sed sciendi studio atque intentione invenire, inventamque sic proponere, ut honorificè suscepta debitam suo auctori gratiarum referat actionem. Ne autem mora & responsionis prolixitas tibi fortè molesta sit, si illam distulero mittere donec universas quæstiones absolvero, decrevi primum iis tantum respondere quæ de Ecclesia proponuntur, & responsionem hanc mittere, ut cognito quomodo eruditioni tuæ satisfecerit, alacrius reliquarum tractationem aggrediar & prosequar: idque non carptim ac seorsim de singulis quæstionibus disserendo faciam, sed uno quodam sermoni tenore, quia quæstiones ita inter se ordine convenienti contextæ sunt & coadunatæ, ut ipsa earum dispositio id omnino postulare videatur. Quod si fortè non per omnia tuæ intentioni satisfecerit, non propterea debes de assequenda veritate desperare. Non potest homo accipere quicquam, nisi fuerit ei datum de cælo: sed quod hodie nobis clauditur, potest nobis cras petentibus & ad aures divinæ misericordiæ pulsantibus aperiri, aut per eloquia sanctarum Scripturarum aut per sermocinationes fratrum, aut per internam
divinæ

divinæ inspirationis gratiam, ubi sine sono verborum, sine elementis literarum veritas ipsa tantò dulcius quantò secretius loquitur.

Quæris igitur:

1. *An Ecclesia ejusque constitutiones seu traditiones nullum habeant præter aliud, hoc est, ut interpretor, judicium seu ex quo judicentur, nisi consuetudinem eorum qui se profitentur Romanam sectari religionem quam vocant Catholicam?*

2. *An hoc præterea, si quod est, constet pagina sacra Scriptura sola?*

3. *An Patrum explanationibus & commentariis?*

4. *An Conciliorum decretis?*

5. *An Pontificum Romanorum placitis?*

6. *An Scholasticorum pronuntiatis?*

7. *An passim sequatur (ut ait Satyricus) corvus testaque lutoque.*

An Ecclesia tribuat auctoritatem verbo Dei, an potius verbum Dei, Ecclesiae auctoritatem atque æquum conferat.

Ad primam & secundam quæstionem clarissimè respondet D. Augustinus cap. 2. lib. De unitate Ecclesiæ, qui habetur in 7. tomo operum ejus, his verbis: Inter nos & Donatistas quæstio est, ubi sit Ecclesia; quid ergo facturi sumus? in verbis nostris eam quæsituri, an in verbis capitis sui Domini nostri Jesu Christi? Puto quodd in verbis illius eam quærere debeamus, qui veritas est & optimè novit corpus suum: Novit enim Dominus qui sint ejus. Et cap. 3. ejusdem lib. Non audiamus, Hæc dico, hæc dicis: sed audiamus, Hæc dicit Dominus. Sunt libri Dominici quibus utrique nostrum consentimus, utrique credimus, utrique servimus, ibi quæramus Ecclesiam, ibi discutiamus causam nostram. Et infra: Nolo humanis documentis, sed divinis oraculis S. Ecclesiam demonstrari; Id quod in reliqua parte libri elegantissimè exsequitur. Primum quidem varias regni Dei figuras insinuans, sed tamen nolens iis quæ ab ingeniosis hominibus huc atque illuc converti possent suam disputationem committere, statim transit ad Scripturas veteris Testamenti, quæ majori evidentia prænuntiant, futurum Christi regnum non uno aliquo angulo constituendum, sed toto terrarum orbe diffundendum, quàm prænuntiant mundi Salvatorem aliquando venturum. Deinde transit ad Scripturas novi Testamenti, quibus ostendit id toto orbe terrarum post Christi resurrectionem impletum, quod variis figuris & manifestis Prophetiis de Ecclesia Christi toto terrarum orbe diffundenda fuerat ante prædictum. Longum esset ipsas utriusque Testamenti scripturas sacras prosequi, & quantum mihi appareret, superfluum, quia in jam dicto D. Augustini libello, De unitate Ecclesiæ, tam convenienti ordine disponuntur, tantà eruditione & perspicuitate disse-runtur, ut per me aut alium quempiam similem aliquid velle adjicere, potius sit eas obscurare quàm illustrare. Itaque, ut compendior, ego tuam eruditionem ad jam dictum libellum remitto, ex quo etiam non tantum perspicies judicium de Christi Ecclesia ex Scripturis Sacris esse petendum, sed etiam quodd ex sola Scriptura peti debeat. Quanquam, sicut eruditissima prudentia tua

rus non dedignatur meæ tenuitatis obsequio velle uti, ut in Scripturis Sanctis verum de Christi Ecclesiæ iudicium cernat; sic etiam mirari non debet, si veri fideles, ut ex Scripturis Sanctis de eadem Ecclesiâ verum iudicium accipiant, eorum se studio, diligentia & testimonio iuvare conentur, qui præ cæteris verâ sapientiâ à Deo ditati fuisse creduntur: Ejusmodi fuit D. Augustinus, de quo scribit Prosper in carmine contra ingratos: quod

*Cum nulla sibi tribuit bona, fit Deus illi
Omnia, & in sancto regnat sapientia templo.*

Fuerunt & alii multi toto orbe notissimi, quorum studio & auctoritate ad hanc rem juvari possumus. Ad eundem usum referenda existimo Conciliorum decreta, placita Romanorum Pontificum & pronuntiata Scholasticorum, quibus tamen Scholasticis (ut verum fatear) subinde plus tribuerem, si magis Scripturis incumbentes, ex Philosophorum gentilium tenebris non tam multa emblemata suis disputationibus intexerent.

Quæstio autem quâ quæritur: An Ecclesiâ verbo Dei, an potius verbum Dei Ecclesiæ auctoritatem & dignitatem tribuat, similis est ei quæstioni quâ quæritur: An Christus auctoritatem Joanni Baptistæ tribuerit, dicens: Inter natos mulierum non surrexit major Joanne Baptista: an verò Joannes Christo, cum ait: Ecce agnus Dei, ecce qui tollit peccata mundi: hic enim venit in testimonium, ut testimonium perhiberet de lumine, ut omnes crederent per illum. Et discipuli Joannis: Qui erat trans Jordanem, cui testimonium perhibuisti (inquiunt) hic baptizat. Nam in quantum per testimonium Joannis, qui fuit virâ admirabilis, inducti sunt homines ut in Christum crederent: negare non possumus quin Joannes apud homines aliquam Christo auctoritatem & dignitatem tribuerit, licet Christus illo testimonio non indiguerit, sicut apud Joannem prosequitur, cum ait: Vos misistis ad Joannem & testimonium perhibuit veritati, ego autem non ab homine testimonium accipio. Et infra: Ego habeo testimonium majus Joanne; opera enim quæ dedit mihi Pater ut perficiam ea, ipsa opera quæ ego facio, testimonium perhibent de me, quia Pater misit me. Sed quia Joannes lucerna tantum fuit luce lucens alienâ, quæ vero lumine destituta, statim ad suas tenebras recidisset: idèd longè convenientius dicitur, quòd Christus qui est lux vera quæ tenebrescere non potest, & lumen & auctoritatem & dignitatem Joanni tribuerit, quàm contrâ. Simili modo etiam, quia testimonio Patrum & totius Ecclesiæ inducimur ut scripturas Canonicas pro sacris & divinis habeamus, rectissime dicitur quòd Patres & Ecclesiâ Dei vivi, quæ est columna & firmamentum veritatis, non quidem lumen & veritatem, sed apud fideles & multos infideles qui ejus testimonio commoventur, auctoritatem & dignitatem tribuat. Sed quia Scriptura sacra quæ nec falli potest nec fallere, ipsam veritatem in se continet; Ecclesiâ verò non nisi veritate in sacris litteris descriptâ illuminatur, & sibi derelictâ facile posset in suas tenebras relabi: idèd convenientius dicitur, quòd Scriptura sacra Ecclesiæ Christi auctoritatem & dignitatem tribuat, quàm contrâ.

De constitutionibus Ecclesiæ hoc solum dico, quodd ubi regnum agnoscitur ibi non possunt negari constitutiones: cum omne regnum pro suo regimine habeat constitutiones. Porro Ecclesiam Christi regnum esse, agnoscit non tantum Daniel in Prophetia sua, dicens, quodd suscitabit Deus cæli regnum quodd in æternum non dissipabitur: sed etiam Joannes Baptista & Christus ipse, cum ajunt: Pœnitentiam agite, appropinquabit regnum cælorum. Facile possent hæc longè diffusius & copiosius ex Scripturis Sanctis differi; sed puto id acuminis ingenii tui minus congruere, quodd Deus in iis quæstionibus illustrare dignetur in quibus caligare aut saltem hæerere videtur. Bene vale generosissime atque eruditissime domine.

Levanii 22. Octobris 1577.

MICH. DE BAIL



E P I S T O L A
 PHILIPPI MARNIXII
 MICHAELI BAIO,
 DE EJUS
 R E S P O N S I O N E.

Ampliff. viro D. Michaeli Baio Academiæ Lovaniensis
 Cancellario & Theologiæ professori, Philippus
 Marnixius Sanctaldegondus S.



Litteræ tuæ, eruditionis ac benevolentis atque humanitatis pleniores, Reverende D. Doctor, ita mihi fuere gratae ut quod omnium est gratissimum. Fuis enim jucundum à tali ac tanto viro & quem sciebam negotiorum ac laborum ingenti mole propemodum obrui, eam tamen mihi præstari operam quæ posset & ad Dei gloriam promovendam, & ad fidem corroborandam esse vehementer utilis. Sed multò etiam fuit jucundius in gravissima questione, quam ego hactenus omnium nostrarum controversiarum tantum non cardinem ac fundamentum præcipuum esse semper sum arbitratus, prope ad amissum nos consentire. Itaque ego, mi Domine, gratias tibi pro hoc beneficio, meumque studium atque operam si qua in re commodare aut prodesse potero, tibi tuisque polliceor; & humanitate istâ tuâ fretus, pergo in prioribus questionibus reliquos si quirestant scrupulos enodare, & simul responsionem ad posteriores deponere. Quantum itaque ex tua seu potius Augustini responsione possum conicere, omnino ita sentis, unicum Ecclesiasticarum traditionum præcipuum, unicum lapidem Lydium atque judicem esse verba Domini nostri Jesu Christi tradita sacra scripturâ disertis paginis, nec audiendum esse: Hoc dicit Augustinus, hoc dicunt Donatistæ, sed Hæc dicit Dominus, & in libris Dominicis quibus utriusque credimus utrique assentimur quærendam esse Ecclesiam, causamque omnem nostram & controversiam discutiendam. Denique judicium de Christi Ecclesia ejusque doctrina & sacramentis, (hoc enim ex priori necessariò efficitur) ex sola Scriptura peti debere. In hoc certè ego tibi per omnia planissimè assentior, ac verè etiam ita statuo, si hoc ipsum impetremus, faciliè reliquas omnes controversias ac nullo negotio tri composuimus. Ut enim post Paulum ait Athanasius, sufficiunt sancta ac divinitus inspirata Scriptura ad omnem instructionem veritatis. Quamobrem etsi libens confiteor quod ais, veros fideles, ut ex Scripturis sacris de Christi Ecclesia verum judicium

ium accipiant, eorum se studio, diligentia & testimonio iurare qui præ cæteris verâ sapientiâ à Deo ditati fuisse creduntur, inter quos ego vel imprimis Augustinum non gravatè reposuimus; tamen illud cum Chrysostomo liceat contendere, multos quidem Spiritum Sanctum iactare, sed qui propria loquuntur falsò illum præterdere; ut enim Christus non à seipso loqui se testatur, quia ex lege loquebatur & prophetis: ita si quid præter Evangelium sub titulo Spiritus obtrudunt, ne credamus, quia sicuti Christus legis & Prophetarum impletio est, ita Spiritus Evangelii. Deinde & hoc addo, quòd Augustinus ejusque similes verâ à Deo sapientiâ præ cæteris ditati fuisse credantur, id non aliunde fuisse adeptos, nisi quòd Scripturis, quæ sola hanc sapientiam uberrimo latice profundunt & sola hominem reddunt ad salutem eruditum per selem in Christo Jesu, consentanea & senserint & scripserint. Quid enim quod propius ab hoc fonte suos irrigat doctrinarum tubos, ed puriori certè limphâ lectorem quisque reficit: quòd verò remotius, ed inquinatiore, ita ut qui se longissimo intervallo ab eodem continent, ii jam non inter pios & sinceros Ecclesiæ doctores, sed inter hæreticos & Scripturarum depravatores connumerentur, cujus cum eadem penitus sit in Conciliis, Pontificum, veteris & Scholasticorum placitis statuenda ratio, non est quòd verear cum Augustino pronunciare: „Nec ego Nicenam synodum tibi, nec tu mihi Ariminensem debes tanquam præjudicaturus objicere, nec ego hujus auctoritatem, nec tu illius detineris, Scripturarum autoritatibus, non quorumcumque quod propriis, sed quæ utriusque sunt communes, res cum re, causa cum causa, ratio cum ratione certet &c. In summa hoc inter nos conveniat, doctrinæ Apostolicæ & Propheticæ, cui soli innixa est Ecclesiæ, judicium omne ad Scripturam sacram esse revocandum, omniaque omnium vel Patrum dogmata, vel Conciliorum decreta, vel Pontificum placita, vel Scholasticorum axiomata non aliter esse recipienda, nisi quatenus huic Scripturæ sunt consentanea.

Quod ad alteram questionem attinet: An Ecclesiæ verbo Dei, an potius verbum Dei Ecclesiæ auctoritatem tribuat: ita mihi per omnia satisfecisti, ut non potuerim istum tuum candorem non vehementer exosulari. Ne tu etenim perquam eruditè ac piè responsionem tuam comparatione Johannis Baptista cum Christi doctrina confirmasti, ita ut in hoc capite nulla resset inter nos controversia.

Postremum tantum Epistolæ tuæ caput, de constitutionibus Ecclesiæ, vellem paulò dilucidius explicasses. At enim, ubi regnum agnoscitur, non posse negari constitutiones: quod certè libenter damus, sed simul addimus, ab ipso rege in quovis quidem regno constitutiones debere proficisci; sed maxime certè in Ecclesiæ, in qua Christus ita regem agit, ut simul sit & corporis caput, & sponsæ maritus, & ovium pastor, ita ut unus ejus vocem audiant oves, imperium accipiat sponsa, spiritu vegetentur ac moveantur membra, constitutionibus denique obtemperet populus: Ipse enim unus est de quo dictum est: Hunc audite; ac proinde semper atque indefessè sæculorum continuatione resonavit ac resonat in auribus Ecclesiæ ista regis unus vox ac mandatum: „Quod præcipio tibi, hoc observabis ut facias, non addes quicquam nec detrabes. Et illa: Non addes ad verbum Domini, nec minuas ex eo, ne te fortè arguat, inveniarisque mendax. Item: Audiendo audite vocem meam, & ero vobis Deus, & eritis mihi populus, & ambulabitis in omni via quam mandavi vobis. Item: Nunquid vult Dominus holocausta & victimas, & non potius ut obediat voci suæ? melior est enim obedientia quàm victimæ, & auscultare magis quàm offerre

„adipem arietum, quoniam quasi peccatum ariolandi non auscultare, & quasi idolo-
 „latræ inquisas non acquiescere. Et item: In constitutionibus patrum vestrorum ne
 „ambuletis, & judicia eorum seu decreta ne observetis, & in pollutionibus eorum
 „ne conspurcemini: ego enim sum feborva Deus vester; in constitutionibus meis am-
 „bulate, & decreta mea seu judicia observate, & facite ea: aliaque sexcentæ, qui-
 „bus inducti patres infinitis locis affirmarunt, quicquid non esset manifesto Dei verbo
 „fundatum habendum esse pro sacrilegio; nec enim in ullo ferendum est regno, rege vivo
 „ac regnante ac iussu sua ex sacrarum tabularum præscripto distante, à quoquam alio
 „legem constitutionemque sanciri. In quo site habeo, quod certè tuæ mentis ac judi-
 „cii perspicuitate & simul eruditionis ubertate fretus fore confido, ad stipulatorem
 „nihil plane restat amplius in priori de Ecclesia questione quod habeat scrupulum: ac
 „proinde rogo ut ad posteriores de sacramento interrogationes tuam primo quoque tem-
 „pore audiam sententiam. Vale.

Datum Bruxellæ quinta Novembris 1577.

Reverentia tue studiosissimus Philippus de Marinx.



MICHAELIS BAII

Responsio ad posteriores

PHILIPPI MARNIXII

QUÆSTIONES DE

SACRAMENTO ALTARIS.

*Generoso, nobili, eruditissimoque viro, Domino
Philippo Marnixio Sanctaldegondo.*



Um nondum acceptis tuis litteris, ex quibus cognoscerem quomodo priores responsiones accepisses, inciperem de tractandis reliquis quæstionibus cogitare, eruditiss. D. Sanct-Aldegondo (metuebam enim ne actionibus publicis plus satis occupato non vacasset tam citò responsiones meas legere & dijudicare) decimanonâ hujus oportunè supervenerunt mihi binæ tuæ litteræ, quæ multis de causis, quas longum esset prosequi, mihi jucundissimæ fuerunt: nam licet videam non deesse in quibus adhuc conferre debeamus, & Deo juvante conferemus, attamen confidens in eo qui habitare facit unanimes in domo, & sollicitos reddit servare unitatem spiritus in vinculo pacis, spero nos de omnibus collaturos absque omni amaritudine & animi contentione; Servum enim Domini non oportet litigare, sed mansuetum esse ad omnes, docibilem, patientem, cum modestia corripientem eos qui resistunt veritati; & Modestia vestra nota sit omnibus hominibus, inquit Apostolus. Imprimis autem me exhilaravit, quòd senserim tibi ostensum à Domino, quæstionem de Ecclesia versari circa unum ex præcipuis cardinibus seu fundamentis nostræ religionis. Nam in duorum hominum causa propriè fides Christiana consistit: unus, in quo lapsi, cæci & mali facti sumus; alterius, in quo reparamur. Porro in eo in quo reparamur, non tantum agnoscendum est caput, de quo scriptum est: „Omnis quicumque invocaverit nomen ejus salvus erit; & „Non est in aliquo alio salus; nec enim est aliud nomen datum hominibus in quo oporteat nos salvos fieri; sed etiam corpus extra quod salus esse non potest, dicente Christo: Nemo ascendit in cælum nisi qui descendit de cælo, filius hominis qui est in cælo: caput videlicet cum corpore: nam si solum caput ascenderet in cælum, omnes nos in terra remaneremus. Porro sicut caput quod nascendo positum est in ruinam & in signum cui contradicetur, non tantum à filiis suis semper agnitum fuit & creditum, sed etiam suo tempore in terris.

terris visum, & à reliquis omnibus certâ fide discretum, dicendo ei: Tu es Christus filius Dei vivi, qui in hunc mundum venisti; sic etiam corpus Christi, seu manifestum ejus regnum à Patriarchis & Prophetis semper creditum fuit, & ab iis qui post Christi ascensionem, misso Spiritu Sancto, Christi Evangelium toto orbe terrarum disseminaverunt aut disseminari viderunt, usque in hunc diem semper visum fuit, & ab omnibus schismatis certâ fide discretum, dicendo: Hæc est domus Domini firmiter ædificata super firmam petram. De qua re ne longum faciam sermonem, oro ut digneris legere sermonem quartum & septuagesimum primum in fine D. Augustini, inter sermones Lovanii impressos, quorum exemplar tibi transmittito, ne fortè non sit apud vos in promptu.

Nunc superest ut responsiones brevissimas, ingenio & occupationibus tuis ac meis accommodas, quantum Dominus largiri dignabitur, reliquis quæstionibus adhibere conemur, quarum primæ sic habent:

1. *An hæc Christi verba, Hoc est corpus meum, contineant propositionem identicam atque idem significantem, quod: corpus meum est corpus meum? An verd attributum corporis, attribuitur subjecto significato per pronomen, hoc, tanquam diverso à suo attributo?*

2. *Et si attribuitur tanquam diverso, an attribuitur substantivè, ita ut hæc verba (hoc est corpus meum) idem significant atque, hoc est substantialiter, ut ita dicam, corpus meum? An potius attribuitur sacramentaliter, ita ut ea verba nihil aliud significant nisi, hoc est sacramentaliter corpus meum, seu, Corpus meum dicitur de hoc quod vobis do, planè ut sacramenta dicuntur de rebus quas significant & suâ institutione demonstrant, quemadmodum Augustinus in libello De doctrina Christiana docet, Sacramentum fidei fidem esse, & sacramentum corporis corpus, & sacramentum fœderis fœdus, & sacramentum verbi Dei ipsissimum verbum Dei; non quidem substantiâ, sed usu, institutione, representatione, ac significantissimâ exhibitione ante oculos fidei?*

3. *Quo argumento doceatur, vocem EST in hac circumstantia significare substantialitatem? liceat enim ita loqui. An hoc ipso argumento tanquam prout non possit formari certa atque indubitata ratiocinatio per propositionem generalem, quo argumenti vis possit & rectius intelligi & certius judicari? Exempli gratiâ.*

Ubiunque vocula EST conjungit prædicatum cum subjecto in hac vel ejusmodi circumstantia, toties accipitur substantivè:

In hac propositione vocula EST conjungit prædicatum corporis cum subjecto pronominis demonstrativi, Hoc &c.

R E S P O N S I O.

Propositionem identicam vocamus, non quando attributum & subjectum pro eadem re particulari accipiuntur, pro qua verificatur assertio: nam alioquin enunciatio generis de specie, speciei de individuo, & accidentis de subjecto, essent propositiones identicæ: ut, lapis est substantia, Petrus est ho-

mo, & Cicero est Orator: sed vocamus propositionem identicam, quando res eadem sub eodem nomine aut saltem sub synonymo de seipsa enunciatur: ut, corpus meum est corpus, gladius est ens. Quamobrem dicendum non est quod hæc Christi assertio, *hoc est corpus meum*, sit identica propositio, etiam si vera esse nequeat nisi attributum & subiectum pro aliqua eadem re particulari accipiantur pro qua sit verificatio: sed dicendum est quod sit enunciatio communis attributi de singulari subiecto. Nam licet Christus unicum corpus habuerit, attamen etiam si viginti corpora habuisset, de quolibet dicere potuisset, *hoc est corpus meum*. Ex quo intelligimus vocem, *meum corpus*, sicut meus digitus, communem esse non singularem. Porro enunciationes simplices, in quibus alterum de altero mediante verbo substantivo est enunciatur, sunt in duplici genere: aliæ enim proferuntur intentione asserendi id quod est, quando ejusmodi propositio incipit enunciari, ut lapis est corpus, Petrus sedet: Aliæ verò proferuntur non intentione asserendi id quod est, quando enuntiatio incipit proferri: sed intentione faciendi id quod ejusmodi enunciatione significatur, & quod tunc primum erit, quando ipsa enuntiatio prolata fuerit: Ut si quis demonstrato agro proprio cuipiam, alteri diceret, hic est ager tuus, non intentione asserendi quod non est, sed intentione faciendi ut id sit quod dicit, hoc est, ut ager qui ei proprius est, alterius efficiatur; ejusmodi enim sermonibus apud Jurisconsultos aliquando intelligitur fieri dominiorum & possessionum translatio. Talis sermo videtur esse apud Lucam, cum ait Christus: „Homo, remittuntur tibi peccata tua” & rursus: Remittuntur ei peccata, „multa, quoniam dilexit multum; & apud Johannem: Filius tuus vivit. Non enim (sicut intellexerunt illi quibus loquebatur) volebat Christus asserere quod esset, sed id facere quod dicebat. Cæterum quia nos nostris sermonibus substantias mutare non possumus, ideo exempla enuntiationum posterioris generis, quibus substantia in substantiam transmutatur, non in nostris, sed in Christi sermonibus sunt petenda. Verbi gratia: Si Christus in nuptiis volens ex aqua sex hydriis contenta vinum facere, his verbis usus fuisset, *hoc est vinum*: similiter si voluisset diabolo acquiescere petenti ut diceret lapidi huic ut panis fiat, atque id his verbis effecisset, *hic est panis*, non intendisset his duabus enunciationibus, videlicet, *hoc est vinum*, & *hic est panis*, asserere, quod aqua hydriis contenta, & hic lapis, (quæ tunc existabant cum has enunciationes proferre cœpisset) fuissent vinum & panis, quia id manifestè falsum fuisset, sed tantum intendisset facere ut id esset quod dicebat, & hoc dicendo significare ea quæ ex aqua hydriis contenta, & ex hoc lapide demonstrato fecisset, esse vinum & panem: quasi dicat, hoc quod ex aqua hydriis contenta facio, vinum est: & hoc quod ex hoc lapide facio, panis est. Simili modo quando ait Christus, *hoc est corpus meum*; &, *hic est sanguis meus*, non intendit asserere quod panis & vinum quæ tunc præsentia habebat cum hæc incipiebat dicere essent corpus & sanguis ejus, quia id falsum est: sed ne falsum diceret, omnino credendus est intendisse ex pane & vino corpus & sanguinem suum efficere, & illis duabus enunciationibus, *hoc est corpus meum*, &, *hoc est sanguis meus*, significare, quod ea quæ suis verbis ex pane & vino faciebat essent corpus & sanguis ipsius. Ex quibus facile intelligitur, quod in

dictis duabus enunciationibus, *boc est corpus meum*, & *hic est sanguis meus*; pro nomina *boc* & *hic* non referuntur ad panem & vinum, quæ ante prolationem harum duarum enunciationum præfuerunt, (sicut intelligerentur referri si tantum intentione asserendi proferrentur, quod Christus facere non potuit, quia non potuit falsum dicere,) sed referuntur ad hoc corpus & ad hunc sanguinem, quæ jam dictis verbis Christo hoc intendente efficiuntur, quasi dicat: hoc quod ex hoc pane facere intendo & facio, est corpus meum; & hoc quod ex hoc vino facio, est sanguis. His diligenter consideratis, facile est propositis quæstionibus respondere, quod hæc verba, *boc est corpus meum*, non continent propositionem identicam, atque idem significantem quod, corpus meum est corpus meum: sed id significantem quod diximus: quoddamque attributum *corpus* tribuatur subjecto significato per pronomen *boc* non tanquam diverso à suo attributo, sed tanquam rem eandem singularem significanti, nempe, hoc Christi corpus ex pane confectum virtute verborum Christi. Unde nec dicere oportet quoddam hujus enuntiationis, *boc est corpus meum*, sensus sit, quoddam hic panis substantialiter vel sacramentaliter sive significantivè sit corpus meum: sed sensus est, quoddam id quod ex pane facere intendo & facio, est corpus meum, ut diximus. Cæterum quia negari non potest, quin Christus ex aqua vinum, ex lapide panem, ex pane & vino corpus suum & sanguinem efficere potuerit, idque his verbis, *boc est vinum*, *hic est panis*, *boc est corpus meum*, *hic est sanguis meus*. Si enim potuit Petrus umbrâ suâ pertransendo quosvis ægros ad infirmitatibus liberare, quantum magis potuit Christus verbis suis ex re qualibet quamlibet aliam rem aliam efficere? Ponatur ergo disputandi gratiâ quoddam Christus hæc universa jam dictis enuntiationibus effecerit, oro ut tua eruditio dignetur propositis à se quæstionibus respondere, nempe an hæc propositio sit identica, *boc est corpus meum*? An attributum *corpus* tribuatur subjecto significato per pronomen *boc* tanquam diverso? An hujus enuntiationis, *boc est corpus meum*, sensus sit, hic panis est substantialiter vel sacramentaliter corpus meum? & si ubi de re convenimus, adhuc easdem penè difficultates invenire quas nunc proponis, facile intelliges quæstionum multarum nebulas non tam ad rei veritatem quam ad dicendi rationem pertinere.

Miror autem prudentiam tuam quærere, quo argumento doceatur, vocem *est* in hac sermonis circumstantia, *boc est corpus meum*, significare substantialitatem, cum illa sit propria & consueta ejus significatio tam Græcè quam Latine, in qua ab initio nascentis Ecclesiæ semper ab omnibus nostris majoribus accepta est. Neque enim rogare solemus, cur aliquis per publicam & consuetam viam ambulet, sed si ab illa digressus insolita & improbata diverticula sectetur, tunc merito rogatur, cur derelictâ regiâ viâ ad insolitam sese convertat: & idem potius rogandum esset, quo argumento moveantur, qui vocem *est* in hac circumstantia, præter consuetam significationem & præter omnium catholicorum intelligentiam, ad significationem referunt, quàm quo argumento doceatur substantialitatem significare. Scio quosdam proferre Scripturam 1 ad Cor. 10. Petra autem erat Christus; in qua vocem *est* existimant pro *significat* positam, ut persuadeant ipsam etiam in hac circumstantia pro *significat* accipiendam. Sed an ex hac scriptura satis solidum proferri possit argu-

mentum quod id probetur, forsitan non immerito dubitaverit quispiam: quia Apostolus non videtur loqui de petra Oreb suo loco manente, ex qua Moyses semel aquam protulit, quæ petra non poterat esse Christus nisi significantivè: sed loquitur de petra semper populum consequente, & potum corporalem ac spiritalem semper suppetante, quæ petra non significantivè, sed substantialiter erat Christus, sicut D. Chrysostomus interpretatur. Sed detur vocem *est* uno atque altero loco propter sermonis circumstantiam significantivè seu sacramentaliter intelligi, an idem quando sine tali circumstantia simpliciter ponitur, proferendum erit certum argumentum quo doceatur substantialitatem significare, & in sua significatione propria debere accipi? Scio etiam D. Augustinum epistolâ 23. dicere, quod sacramenta habeant quamdam similitudinem earum rerum quarum sunt sacramenta, atque ex hac similitudine plerumque etiam ipsarum rerum nomina accipere; sed subjungens exemplum, quod secundum quemdam modum sacramentum corporis Christi est corpus Christi, satis apertè significat hunc loquendi modum, sacramentum corporis Christi est corpus Christi, non esse proprium & consuetum, sed insolitum & ex sermonis circumstantia intelligendum, quæ ubi defuerit, sicut in verbis Christi, quibus ait, *hoc est corpus meum, hic est sanguis meus*, non sine studio proprii sensus videtur talis intelligentia quæri. Quæris etiam:

4. *An explicatio horum verborum, hoc est corpus meum, debeat aut possit aliunde sumi, quàm ex ipsius Christi aut Evangelistarum verbis?*

5. *An illa propositio de calice: Hoc poculum est novum testamentum seu fœdus (διὰ τοῦτο enim utrumque hic significat, ut Hebræis Oth-Berith) in meo sanguine: & illa, Hic est sanguis novi testamenti, non idem significant, & sese mutuo significanter explicant? Ac proinde, an non penitus sit eadem ratio in pane; ut hæc propositiones, Hic panis est novum testamentum seu fœdus in meo corpore, & Hoc est corpus meum: & item, Hic panis quem frangimus est novum corpus Christi, & Hic panis quem frangimus est corpus Christi, idem significant, & sese mutuo significanter explicant.*

RESPONSIO.

Augustinus de doctrina Christiana lib. 2. c. 9. docet, illa quæ in libris Canonicis apertè posita sunt solertiùs diligentiusque investiganda, ut ad obscuriores locutiones illustrandas de manifestioribus sumantur exempla, & quædam certarum sententiarum testimonia dubitationem de incertis auferant. Ex quo intelligimus non omnia Scripturæ sacræ testimonia ex aliis esse intelligenda. Nam quædam apertè posita sunt, quæ ex propriis verbis & locutionibus intelliguntur; sed ea duntaxat quæ obscuritatem habent, quæ possit ex aliis manifestioribus locutionibus aut testimoniis illustrari. Nunc verò considerandum est utrum hæc duo testimonia, *hoc est corpus meum, & hic est sanguis meus novi testamenti* obscuritatem habeant: & si obscuritatem habere putentur, an hæc obscuritas per hanc sententiam tanquam manifestiorem, *hic calix novum testamentum est in meo sanguine*, possit illustrari. Nam priora illa duo testimonia for-

litam multis videbuntur hoc posteriori longè magis esse perspicua, præsertim quia hæc sententia, *hic est sanguis meus novi testamenti*, planè respondet illi, quam ex Exodo citat Apostolus ad Hebræos capite 10. *Hic est sanguis testamenti, quod mandavit ad vos Deus*. Igitur hoc testimonium, *hic calix novi est testamenti in meo sanguine*, non est idoneum ad illustrandum duo illa priora, sed potius contrà: aut si utraque ambiguitatem aut difficultatem habere prætenduntur, cur ad alias sententias obscuriores recurremus in quibus videtur posse error abscondi, & non potius ad eorum studium ac testimonium qui præsentis temporis contentiones præcesserunt, & ad intelligendas Scripturas sacras præcæteris fuerunt à Deo illuminati; cujusmodi fuit D. Ambrosius, qui de iis qui initiantur & de Sacramentis quæstiones istas clarissimè dissolvit. Nam negare non possumus, Deum quorundam oculos excæcare, ne fortè videant oculis, & auribus audiant, & corde intelligant, ut ad Dominum convertantur, & sanentur ab eo, in quibus Deus hujus sæculi, inquit Apostolus, excæcavit mentes infidelium, ut non fulgeat eis illuminatio Evangelii gloriæ Christi, etiamsi apertissimè prædicetur. Restat igitur, ut in his obscuritatibus quæ non videntur obscuritates fuisse Veteribus, ad illos recurramus quibus Deus putatur dedisse aures ad audiendum & oculos ad videndum, ne fortè nos hinc non satis acutè cernamus. Verba Ambrosii de iis qui initiantur mysteriis, cap. ultimo, sic habent: Potior est lux quàm umbra, veritas quàm figura, corpus auctoris quàm manna de cælo. Fortè dicis: Aliud video, quo modo tu mihi asseris, quòd Christi corpus accipiam? & hoc nobis adhuc superest, ut probemus. Quantis igitur utimur exemplis, probemus non hoc esse quod natura formavit, sed quod benedictio conservavit; majoremque vim esse benedictionis quàm naturæ, quia benedictione etiam natura ipsa mutatur. Et lib. 4. de Sacramentis cap. 4. Author Sacramentorum quis est, inquit, nisi Dominus Jesus? tu fortè dicis, meus panis est usitatus, sed panis iste, inquit, panis est ante verba Sacramentorum: ubi accessit consecratio, de pane fit corpus Christi; hoc igitur astruamus. Quomodo potest qui panis est, corpus esse Christi? consecratione, inquit. Consecratio igitur quibus verbis est, & cujus sermonibus? Domini Jesu; nam reliqua omnia quæ dicuntur, laus Deo defertur. Ubi venit ut conficiatur venerabile Sacramentum, jam non suis sermonibus sacerdotes, sed utitur sermonibus Christi, Ergo sermo Christi hoc conficit Sacramentum. Quis sermo Christi? nempe is quo facta sunt omnia; jussit Dominus, & factum est cælum; & cap. 5. Antequam consecratur, panis est: ubi autem verba Christi accesserunt, corpus est. Denique audi dicentem: Accipite & edite ex eo omnes, hoc est corpus meum; & ante verba Christi calix est vini & aquæ plenus; ubi verba Christi operata fuerint, ibi sanguis efficitur qui plebem redemit. Ergo videte quantis generibus sermo Christi potens est universa convertere. Hactenus Ambrosius, qui adjectis adhuc aliis multis sententiam suam tam facit manifestam ut non possit de illa dubitari, sicut nec de sententia reliquorum Veterum qui has quæstiones tractaverunt; quibus si cum Evangelio cum totius Ecclesiæ testimonio non creditur, sed verba Scripturæ manifesta ad inusitatum tropum detorquentur, non erit mirum si etiam verbis meis non credatur, cum nemo credat nisi volens.

lens, nec quisquam credere velit nisi cui dedit Deus ut velit. Porro quòd vox Græca *διαιρέω*, quam interpret noster vertit testamentum, sicut & Hebræa, subinde vertatur fœdus, nihil huic disputationi præjudicat: quia licet per se posita fœdus significet, atramen morti vel sanguini juncta propriè testamentum significat, sicut ostendit Apostolus ad Galatas 3. & ad Hebræos cap. 9. Similiter quòd ait Apostolus 1. ad Corinth. 10. Panis quem frangimus nonne participatio corporis Domini est? licet sit verum quòd is panis, qui factâ benedictione frangitur & à fidelibus participatur, sit corpus Christi, in quod per consecrationem mutatus est panis, qui à sacerdote ad benedicendum accipitur, non tamen vult ibi Apostolus dicere quid sit panis qui frangitur, sed quid participatione hujus panis significetur & efficiatur, nempe ut multi unum corpus simus, omnes qui de uno pane & de uno calice participamus, sicut seipsum explicat Apostolus, & Apostolum D. Cyprianus in epist. ad Magnum, cujus verba etiam refert Augustinus lib. 7. contra Donatistas cap. 50. Ex his facile est respondere sequentibus aliquot quæstionibus, nempe

6. *An pronomem hoc aliud significet quàm idipsum quod uno ore omnes Evangelistæ testantur, Christum accepisse, fregisse, dedisse discipulis, ac jussisse ut acciperent & comederent?*

7. *An Paulus 1 Cor. 10. quum hunc panem nominat, & panem quem frangimus disertè explicat, aliud sacramenti subiectum statuat atque Christus, vel ipse Paulus (1 Cor. 11.) pronomine hoc velit significari, quod omnes Evangelistæ testantur fuisse panem quem Christus fregit & dedit, & de quo denique loquutus est?*

8. *An in propositione de calice non eadem sit subiecti ratio atque in ea quæ est de pane, ac proinde quum subiectum in propositione & oratione de calice non solum demonstratur pronomine hoc, sed planè & disertè nominetur τὸ ποτήριον, vel fructus ac genimen vitis, an non eadem sit ratio in pronomine hoc quod usurpatur in propositione de pane: ita ut hoc idem significet, quod, hic panis, vel hic fructus tritici de multis granis coadunatus.*

His, inquam, quæstionibus facile est ex dictis respondere: nam cœnantibus Apostolis, inquit Matthæus, accepit Jesus panem usitatum videlicet, quia tunc ibi panis alius non erat, & eundem panem benedixit; sed quod fregit deditque suis discipulis, dicens: Accipite & manducate; non fuit panis usitatus, sed benedictus in corpus ejus mutatus, sicut ipsemet testatur, dicens: Accipite & manducate, hoc est corpus meum: non enim ait, accipite panem & comedite panem, sicut de ipso prius ait Evangelista: Accipit Jesus panem; sed ait: Accipite & comedite, hoc est corpus meum. Jussit ergo ut acciperent & comederent, non panem usitatum de quo prius locutus est Evangelista, dicens: Accipit Jesus panem; sed panem benedictum, de quo dicit: Hoc est corpus meum; jam videlicet ex pane benedicendo confectum. Similem loquendi modum secutus est Apostolus 1 Corinth. 11. cùm ait: Dominus Jesus in qua nocte tradebatur, accepit panem, & gratias agens: sub quo intelligitur, benedixit, sicut expresserunt Matthæus & Marcus, fregit & dixit, accipite & manducate, hoc est corpus meum quod pro vobis trade-

tur: quæ verba simili modo accipienda sunt, quomodo suprà ostendimus verba Matthæi accipi debere. Dico igitur ad primam quæstionem jam propositam, quodd pronomen *hoc* in Christi verbis aliud quidem significet quàm quod uno ore omnes Evangelistæ & Apostolus 1 Corinth. 11. testantur Christum accepisse, sed non aliud significet quàm iidem testantur Christum discipulis dedisse, & iussisse ut acciperent & comederent: significat enim corpus Christi ex pane confectum benedicendo, sed non significat panem usitatum, quem omnes Evangelistæ testantur Christum accepisse. Ex quo intelligimus verba hæc, *accipite & comedite*, non debere construi cum nomine, *panem*, quod præcessit, cum ait Evangelista, Accipit Jesus panem, sed cum eo quod sequitur, *hoc est corpus meum*, vel cum eo quod intelligitur, ut sit sensus: accipite corpus meum, vel, quod in idem redit, accipite panem benedictum & consecratum.

Porro ad id quod secundâ quæstione proponitur: An Paulus 1 Corinth. 10. cum nominat panem quem frangimus, aliud Sacramenti subiectum statuatur quàm Christus vel ipse Paulus 1 Corinth. 11? Respondeo quodd Paulus cap. supradicto idem sacramenti subiectum statuatur cum eo quod statuit Christus apud Matthæum, cum ait: Accipite & comedite, hoc est corpus meum. Nam subiectum sacramenti statuit verum Christi corpus, quod translato nomine panem appellat, quia ex pane confectum, & speciebus panis velatum: quam nominis translationem manifestè significat ipsa sermonis circumstantia, cum dicitur (panis, quem frangimus: & omnes qui de uno pane participamus) nam omnibus fidelibus notissimum est in altari neque frangi neque participari panem nisi benedictum, & in corpus Christi benedictione conversum: Sed sacramenti subiectum non statuit panem usitatum quem Evangelista dicit Christum accepisse.

Ad tertiam quæstionem respondeo, id quod apud Evangelistas & apud Apostolum 1 Corinth. 11. de calice dicitur, eodem modo accipiendum sicut id quod de pane dicitur, nempe quodd ubi narratur accepisse calicem, ibi intelligendus sit accepisse calicem vini & aquæ plenum, sicut ait Ambrosius: ubi verò verba Christi operata sunt, hoc est, ubi post benedictionem ait: bibite ex hoc omnes, ibi non est intelligendus porrexisse vinum & aquam, sed suum sanguinem, qui plebem redemit, & de quo dicit, hic est sanguis meus novi testamenti. Quod verò apud tres Evangelistas dicitur de genimine vitis, videtur potius referendum ad poculum Paschæ veteris, quàm novi, sicut Lucas non obscurè significat.

Quæritur deinceps.

9. Si subiectum positum in hac propositione, Hoc est corpus meum, *mutatur vel mutatum fuit à subiecto panis quod Evangelistæ testantur Christum accepisse, fregisse, & dedisse, &c. quando mutatum fuit, quâ vi, quo Domini mandato, quo divini verbi argumento?*

Respondeo, subiectum positum in hac propositione, *hoc est corpus meum*, non mutari,

mutari, quia subjectum istud corpus Christi est, à quo in Sacramento nulla fit mutatio; sed papem quem accepit Iesus dicimus mutatum esse in corpus ejus, quando benedicendo & consecrando panem, ait *hoc est corpus meum*, mutatum, inquam, virtute verborum ejus. Nam, ut ait Ambrosius de iis qui initiantur, cap. 9. Si tantum valuit humana benedictio, Elizei videlicet facientis ferrum natare, ut naturam converteret, quid dicemus de ipsa consecratione divina, ubi verba ipsa Salvatoris Domini operantur? nam Sacramentum istud quod accipis, Christi sermone conficitur. Quòd si tantum valuit sermo Helix ut ignem de coelo deponeret, non valebit sermo Christi ut species mutet elementorum? De totius mundi operibus legisti: Ipse dixit, & facta sunt: ipse mandavit, & creata sunt. Sermo ergo Christi, qui potuit ex nihilo facere quod non erat, non potest ea quæ sunt in id mutare quod non erant? non enim minus est novas rebus dare quàm mutare naturas. Et lib. 4. de Sacramentis cap. 4. Sermo Christi, inquit, hoc conficit Sacramentum; quæ autem sunt verba Christi quibus hoc sacramentum conficitur, exponit cap. 5. dicens: Omnia illa verba Evangelistæ sunt usque, *accipite*, sive corpus, sive sanguinem; inde verba sunt Christi. Audi dicentem, *hoc est corpus meum*; & ante verba Christi, calix est *vini & aquæ* plenus, ubi verba Christi cooperata fuerint, ibi sanguis efficitur qui plebem redemit. Ecce habes quòd verbum, *accipite*, non construat cum nomine, *panem*, sed cum nomine, *corpus & sanguinem*, sicut suprâ diximus. Habes secundò, non quando subjectum positum in hac propositione, *hoc est corpus meum*, mutatum sit, sed quando mutatus sit panis, quem coenantibus Apostolis accepit Iesus, nempe quando dixit, *hoc est corpus meum*: Habes quâ vi, & quo Domini mandato mutatus sit panis, nempe virtute verborum Christi, quibus dixit & facta sunt, ipse mandavit & creata sunt. Habes & quo divini verbi argumento, nempe argumento verborum Christi, quibus apertissimè dixit, *hoc est corpus meum*: nam quia mentiri non potuit, oportet ut ex pane quem accepit id fecerit quod dixit, videlicet, *hoc est corpus meum*, ne vincatur falsum fuisse quod dixit.

Quæris etiam:

10. *Qua sit analogia unionis corporis Christi cum Ecclesia declarata 1 Cor. 10. si nulla est vel panis vel vini reliqua substantia?*

R E S P O N S I O.

Hanc analogiam explicat Augustinus libro 7. contra Donatistas cap. 50. verbis D. Cypriani, quæ sic habent: Quando Dominus corpus suum panem vocat de multorum granorum adunatione congestum, & quando sanguinem suum vinum appellat de botris atque acinis multis expressum atque in unum coactum, gregem item nostrum significat conjunctione adunatæ multitudinis adunatum: nam quemadmodum panis ex quo corpus Christi conficitur, quod interdum etiam panis vocatur, ut panis quem frangimus; quemadmodum, inquam, panis ex granis in unum adunatis conficitur, & quemadmodum vi-

num

num ex multis acinis in unum confluentibus coalescit: sic etiam mysticum Christi corpus, quod per hoc Sacramentum significatur & coit, ex dispersis Dei filiis colligitur, qui per fidem & dilectionem in unum corpus adunantur. Nec huic analogiæ obstat quoddam in confectioe Sacramenti nulla est panis aut vini reliqua substantia; quia nec remanet ipsa granorum aut acinorum forma, ex qua tamen sumitur potissima hujus analogiæ portio, quia analogia sumitur non ex substantia quæ in ipso sacramento permanet, sed ex ea quæ in pane & vino præcessit, ex quibus sacramentum ipsum conficitur.

Ultima quæstio sic habet.

II. Quomodo Veteres docuerunt eandem aut similem esse transformationem panis & vini in corpus & sanguinem Christi, qualis erat aqua admixta vino in populum Christi, ejus corpori per fidem conglutinatum?

R E S P O N S I O.

Hanc quæstionem moveri puto occasione verborum beati Cypriani in epistola 63. quæ est ad Cæciliam, ubi sic habet: Quando in calice vino aqua miscetur, Christo populus adunatur & credentium plebs ei in quem credidit copulatur & conjungitur; & infra: Sic autem in sanctificando calice Domini offerri aqua sola non potest, quomodo nec vinum solum potest: nam si vinum tantum quis offerat, sanguis Christi incipit esse sine nobis: si verò aqua sit sola, plebs incipit esse sine Christo: quando autem utrumque miscetur & adunatione confusa sibi invicem copulatur, tunc sacramentum spiritale & cœleste perficitur. Quibus verbis non continetur ea comparatio quæ in quæstione exprimitur, nempe quod talis sit transformatio panis & vini in corpus & sanguinem Christi, qualis est aquæ vino permixtæ in populum Christi: sed tantum exponitur quid sacrificium ex vini & aquæ commistione confectum significet & efficiat: nempe ut quemadmodum sacrificium ex aqua vino permixta conficitur, sic etiam Christus & plebs ejus in unum corpus coadunetur, non Christum mutando in perversos plebis affectus, sed reformando plebem, ut cum Christo quæ Dei sunt sapiat, & deposita pravitate Spiritum Christi induat. Nam & ipsa vini & aquæ mistio sic temperatur, ut non vinum in aquam, sed aqua in vinum convertatur, & hoc modo invicem copulentur. Quoddam si forte quæstio hæc alia Veterum dicta respiciat quæ mihi non occurrunt, cuperem illa designari, ut si Deus largiretur posset eis conveniens adhiberi responso. Bene vale. Lovanii 26. Novembr. 1577.

Tuus Mich. de Bail.

PHILIPPI MARNIXII

Responsum & objectiones adversus

MICHAELIS BAII RESPONSIONEM

A D

Q U Æ S T I O N E S

D E

S A C R A M E N T O A L T A R I S.

Ampliff. viro D. Michaeli Baio, Academiæ Lovanienſis
Cancellario & Theologiæ profeſſori, Philippus
Marnixius Sanctaldegondus S.

Responſionem tuam ad poſteriores meas quæſtiones, Ampliffi-
me D. Cancellarie, quæ mihi Antuerpiâ Bruxellam reverſo ter-
tiâ Decembris tuit reddita, diligentiffimè perlegenti, & fir-
mum ac ſtabilem in ea gradum quærenti, ubi aſſenſionis pe-
dem figerem illud obſtitit, quod orationi quæ ſecum ipſa diſſen-
taret non videbam quomodo niſi reclamante conſcientiâ poſ-
ſem aſſenſum præbere. Nec enim, ut verum fatear, quivi vel ratiocinationis
tuæ firmamenta quibus eſſent connexa vinculis cernere, vel quæ ſecum ipſa
diſcrepabant (qualia erant meo certè iudicio magni momenti permulta) inter
ſe conciliare. Uno loco aſſeveras propriam, conſuetam & uſitatam verbi,
Eſt, ſignificationem eſſe tam Græcè quam Latine ut designet ſubſtantialita-
tem, & in ea ſignificatione ab initio naſcentis Eccleſiæ ſemper ab omnibus
noſtris majoribus fuiſſe acceptam. Ita ut mireris me quærerere, quo argumento
doceatur in noſtra quæſtione ſignificare ſubſtantialitatem: facerem enim inſtar
eorum, qui rogare ſolent cur aliquis per publicam & conſuetam viam ambulet.
Et tamen altero loco idem tudicis: verbum, *Eſt*, accipi biſariam: aliquan-
do uſurpari intentione aſſerendi id quod eſt, quando incipit propoſitio enuntia-
ri; aliquando non intentione aſſerendi id quod eſt, ſed intentione faciendi id
quod

quod ejusmodi enuntiatione significatur, id est, faciendi ut sit quod non erat, & tum primum cum enuntiatione prolata fuerit esse incipiet. De priori quidem significatione nulla certe est dubitatio: agnosco enim genuinam & usitatam vocis notationem. Posterioris autem mihi ne fando quidem unquam audire, ne unum quidem exemplum proferi. Dicis quidem ejusmodi sermonibus aliquando apud jurisconsultos intelligi dominiorum & possessionum fieri translationem: sed nullo exemplo id affirmas. Et tamen si verum esset, quoniam omnino tibi necesse est fateri id aliquando tantum & valde improprie fieri, ac proinde ambiguitate non carere, jam relicta via regia & plana in diverticula te prorepisse palam constaret. Nam illa exempla quibus peccata remitti declarantur, quia eo ipso momento quo profecti incipiunt planè sunt verissima, vel tuo ipsius judicio nihil habent simile. At verò ista tua quæ producis, ut si de aqua dictum esset, *hoc est vinum*, & de lapide, *hoc est panis*, quia omnino dicta non tuerunt, & non rei veritate sed nudâ imaginatione existunt, responsione haud indigent. Nam si dicta essent, omnino vel à genuina & propria significatione verbi, *Est*, longissimè deflexum esset, vel certe vera esse non potuissent, nisi jam ante aliâ quâpiam vi facta fuisset mutatio & quidem aliis verbis designaretur. Verbum enim, *Est*, quum indicativo modo & præsentis tempore enuntiatur, non dare rebus naturam, multò minùs in aliam immutare, sed tantum notare & declarare quid sit id de quo dicitur & quidem eo ipso momento quo profertur, omnes norunt qui vel ab uberibus maternis balbutire didicerunt. Quod cum ipse tu pro optimo tuo judicio animadverteres & planè inficiari non posses (vide quanta sit vis veritatis) ipse te confestim à via regia in aspera certè atque horrida humani-sensus vel (ut Pauli verbis utar) τοῦ νόου τῆς σαρκὸς senticeta deflexisse prodixi. Aisenim: Si verbum, *Est*, in hac quam constat esse propriam, consuetam, atque omnibus linguis, nationibus, seculis denique usitatam significationem, hoc loco retineatur, intelligaturque panis & vinum quæ tunc erant præsentia eo ipso momento quo hæc dicerentur esse id quod Christus ipse asseverat esse, corpus, inquam, suum & sanguinem, planè falsum fore quod Christus dixit. Ac proinde ut Dei filium, ipsam inquam veritatem, à tam turpi nota mendacii vindices, obtrudis novum & ab Evangelistarum verbis alienissimum commentum: Hæc enim tua sunt verba: *Non intendis Christus asserere quoddam panis & vinum, quæ tunc præsentia habebat cum hæc incipiebat dicere, essent corpus & sanguis ejus, quia id falsum est. Sed ne falsum diceret, omnino credendus est intendisse ex pane & vino corpus & sanguinem suum efficere.* Quæso te, mi Domine, an hoc est viâ regia & planâ incedere, cum doceas omnino non esse, atque ad id falsum esse id quod Christus ore suo sacramento jam jam moriturus, ac proinde testamentum condens revera esse sanctissimè asseverat, novoque atque importuno commento in ea nos diverticula deducas, in quæ jam multis retrò seculis infinitos viros magnos, pios, eruditos ut contra conscientiam ac veritatis testimonium deflecerent, non ignis, non cruces, non gladii, non carceres, non eculei, non denique acerbissimi cruciatus cogere unquam potuerunt? Sed quid ego illos testes laudem? Ipse tu in tua hac responsione, quasi conscientiam reclamantem perentiscens, ex his anfractibus conaris te recipere, & aliam sed nihilo planiorem tibi viam sternere. Pau-

Id enim post ipse tecum dissentiens asseveras, verba hæc; *accipite & comedite*, non debere construi cum nomine, *panem*, quod præcessit, cum ait Evangelista: *Accipit Jesus panem*: sed cum eo quod intelligitur: ut sit sensus: accipite corpus meum: vel quod in idem redit: accipite panem benedictum & consecratum &c. Et planè vis, quod & ipse disertis verbis explicas, quod accepit Jesus & benedixit, fuisse panem: quod verò fregit & dedit discipulis suis, & de quo dixit, accipite comedite hoc est corpus meum, non fuisse panem sed corpus ejus. Nam quod utrobique adjicis vel usitatum vel benedictum, nihil officit sententiæ, neque potest nebulas tua verba penitus insipienti offundere. Nec enim controvertitur an panis sit usitatus vel non usitatus, & benedictus an non benedictus: sed an panis sit, aut non panis. De substantia, non de qualitate aut accidentibus est omnis controversia. Alioqui si tateris post benedictionem remanere panem & quidem substantiâ, sed benedictum, neminem nostrum haberes repugnantem. Itaque clarè, nudè & *κατὰ γράμματα* explicanda nobis est tua ista sententia, quæ alioqui sub illis in volucris, *benedicti & usitati*, tanquam quibusdam nebulis caliginosis delitescit; & ad rem ipsam veniendum. Vides itaque, si panis acceptus & benedictus non ampliùs est panis substantiâ, sed factum benedictione ipsissimum Christi corpus, jam etiam antequam eum frangeret & daret discipulis, & illis verbis, Hoc est corpus meum, uteretur: Vides, inquam, quàm inanis fuerit ille tuus metus quum vererere, ne falsum dixisse videretur Christus nisi ejus orationem commento illo de nova verbis, *Est*, significatione à falsi crimine vindicasses. Etenim si panem benedicendo jam fecerat suum corpus antequam diceret esse, proculdubio est verissimum quod tu dicis esse falsum; eum nimirum sequentibus illis verbis, *hoc est corpus meum*, voluisse asserere quodd panis & vinum, quæ tunc præsentia habebat cum hæc incipiebat dicere, essent corpus & sanguis ejus. Hic tu jam obsecro, Vir Amplissime, collige te paulisper, atque abjectâ omni præjudicatâ opinione, & veritati locum & Deo gloriam tribue. Dum enim ut tuam sententiam stabilias Christum Dei filium falsi coarguis: nã tu inanibus te irretiens paralogismis tecum ipse manifestè pugnans deprehenderis. Itaque ignosce quæso, si tuis verbis credere non possum, quæ tu ipse paulo momento apertè jugulas. Verumenimverò si benedictionis vi panis usitatus in corpus Christi est transubstantiatus, quæ tandem fuerunt illa benedictionis tam efficacia verba? Proferst tu quidem ex Ambrosio, Christum suis verbis elementa posse omnia commutare. Damus libenter. Dicis etiam sermonem Christi hoc conficere sacramentum: & id concedimus: Sed cedo quibus verbis est usus ut id faceret? si dicis benedictione quæ præcessit & fractionem & verba sacramenti: ergo non jam fit illis verbis sacramenti quæ sunt in controversia & quæ in consecratione proferunt Sacerdotes, ac proinde de significatione verbi, *Est*, nulla restat ambiguitas. Tantummodò incumbit ibi probandum ea verba *πρωτον & δευτερον*, quibus indiscriminatim utuntur Evangelistæ, significare vel usquam gentium unquam significasse (magos ac præstigiatores sèmp̃ excipio) mutationem unius substantiæ in alteram. Ego quidem hæctenus ex Scriptura didiceram *πρωτον* atque *δευτερον* in ejusmodi argumento prorsus idem significare quod gratias agere vel bene precari, & Dei laudes pro beneficiis in

nos collatis celebrare: Hanc ego statuebam esse viam regiam, planam, usitatam: tamen si habes argumentum, rationem, aut scripturam, quâ probes significari his verbis *μεταμόρφωσιν* seu transubstantiationem, & quidem vani & corruptibilis omnique motu & vita carentis elementis in sacrosanctum atque incorruptibile & planè divinum Christi filii Dei corpus, quod ad dexteram Dei patris æternâ atque omnem humanum mentis captum superante gloriâ decoratum sedet, ne graveris producere. Habebis me docilem atque obsequiosum auditorem, nec erit opus in latebras duplicis significationis verbi, *Est*, confugere. Sed si te dicis non posse nisi verbis illis subsequenter, *hoc est corpus meum*, quod intendis probare: quid hoc est aliud quàm actum agere & ut loquuntur logici, petere principium? Quod enim unum est in controversia, id unum tu sumis quasi concessum confessumque pro argumentationis tuæ unico firmamento, quod & ipsum si dederò nihil effeceris, quia tum denuo tibi restabit demonstrandum: æquibus ergo verbis Christus consecraverit, ut videlicet non jam suis sed Christi verbis reliqui conscrent sacerdotes, & ita rursus omnis vestra transubstantiatio collabatur. Deinde definiendum etiam erit, quomodo Christus suum ipse corpus fregerit, quod universa testatur Scriptura semel tantum non à seipso sed à Judæis, nec in Cœna sed in crucis ara fractum & morti ac sepulture traditum, ac tertiâ die à morte excitatum in cœlos ascendisse, nec aliunde nisi ex cœlis esse venturum. Vides arbitror pro tua prudentia & judicii limatissimi sinceritate, Vir amplissime, in quo te laqueos conjeceris, dum te, à veritatis Evangelicæ recto atque indubitato tramite aberrans, in Scholasticorum improbata atque anfractuosa diverticula prœipuisi. Ipse tu igitur judex jam esto, an immeritò percunctatus fuerim quo argumento doceretur, vocem, *Est*, in nostra quæstione significare substantialitatem. Nam si negas illis verbis, *hoc est corpus meum*, fieri transubstantiationem, quia jam non ad panem sed ad corpus ex pane confectum referantur, quemadmodum uno loco doces: haud erit necesse (fateor) quærere id quod quæro. Tum enim nativâ, propriâ, & consuetâ significatione suâ, verbum, *Est*, per se satis innuet quod quæritur, sed omnino efficietur vel nullam esse planè transubstantiationem, vel aliis fieri verbis quàm iis de quibus tantopere gloriantur transubstantiationis architecti atque propugnatores. Sin autem asserebas iis penitus verbis fieri transubstantiationem, (quemadmodum certatim omnes contendunt qui se catholicæ Romanæ ecclesiæ alumnos esse profitentur) jam utique docendum restat quo argumento possis probare verbum, *Est*, desiisse significare id quod suâ naturâ semper post homines natos omnibus linguis, nationibus ac seculis sine controversia significavit, & illam suam significationem in verbum, *fieri*, commutasse. Argumentum enim illud quod profers ab absurdo: quia alioqui falsum esset quod Christus dixit; ita est ipsum absurdum ac falsum, & (ignosce quæso si veritatis zelus asperius verbum extorquet) cum blasphemiam conjunctum, ut propemodum legens totus inhorruerim. Et tamen nititur omnis tua responsio hisce fundamentis, quæ quàm firma sint puto te videre, & jam mihi esse æquiores quod verbis tuis credere non possim, à quibus, utpote quæ nullum habeant firmamentum, video te ipsum quoties lubet diffentire.

Sed quæris tamen quo ego argumento seu *parâ* doceam, verbum, *Est*, in nostra quæstione debere accipi sacramentaliter, seu, ut tu vocas, significativè. Refugissimè sanè lubens hoc genus orationis: volo enim discere, non docere. Sed tamen quia postulas, non tacebo, præsertim non nescienti, aliquando parvulis sua mysteria revelare Deum quæ vel doctissimis abscondit: hoc est igitur nostrum argumentum.

Quotiescunque in sacramentorum institutione rebus aut elementis terrenis atque aspectabilibus, quæ pro sacramentis usurpantur, cœlestium aut spiritualium rerum nomen per verbum, *Est*, attribuitur ad eas ipsas revera nobis exhibendas atque oculis fidei repræsentandas, toties verbum, *Est*, non demonstrat substantiam, quia non adhibetur ut explicet quid sit id quod oculis ac manibus corporeis proponitur, sed planè declarat quid fidei ac mentis oculis & manibus detur ac revera exhibeatur. Hæc est major propositio, quam certè existimo esse *aliqua* perpetuum atque indubitatum. Sequitur altera: In his Christi verbis, *Hoc est corpus meum*, rebus terrenis, panis nimirum & vino per pronomen, *Hoc*, demonstratis (quæ omnes uno ore Evangelistæ testantur Christum accepisse, fregisse, dedisseque: quæque universa Ecclesia ab initio nascentis Christianismi confessa est esse sacramenta, typos & mysteria corporis & sanguinis Christi) tribuitur nomen ipsum corporis & sanguinis per verbum, *Est*, seu tribuitur nomen fœderis seu testamenti in corpore & sanguine Domini per verbum, *Est*: Ergo verbum, *Est*, eo loco non demonstrat quæ sit substantia ejus rei quæ oculis ac manibus corporalibus exhibetur: nempe an panis sit & vinum, an corpus & sanguis, an verò testamentum in sanguine substantialiter: sed tantum demonstrat quid sit illud quod illis sacramentis exhibetur oculis & manibus fidei spectandum atque apprehendendum, nempe corpus & sanguis Christi, quæ pro nobis fuere in ara crucis ad nostram salutem tradita atque effusa, vel novum testamentum vel novum fœdus in corpore & sanguine Domini Jesu Christi sancitum: Ut scilicet illo sacramento sciamus, intelligamus, & nihil addubitantes tanquam oculis cernamus nos revera esse participes ejus corporis & sanguinis: ac proinde cum illo indissolubili nexu sanctissimi fœderis copulatos. Vel ut verbis Concilii Nicæni argumentum concludam: Ergo non debemus intenti hæere in proposito pane & poculo, sed elevatâ mente per fidem considerare in sancta illa mensa agnum Dei. Vel si mavis verba Augustini: Ergo quum in hoc sacramento non minùs quàm Joannis cap. 6. jubemur accipere & manducare ejus corpus, figura est præcipientis passioni Domini esse communicandum, & suaviter atque utiliter recondendum in memoria, quòd pro nobis caro ejus crucifixa & vulnerata sit; nisi volumus, quod graviter ab eodem Augustino reprehenditur, sub signo servire operantes aut venerantes aliquam rem significantem, nescientes quid significet. Ac proinde Christus ipse nos huc manifestè revocans, jubet hoc ipsum nos tacere in sui commemorationem: & Paulus docet nos quoties id fecerimus mortem Domini annuntiare, quòd nihil est aliud nisi id ipsum quod ex Augustino diximus, suaviter in memoria recondere quòd caro ejus pro nobis crucifixa & vulnerata est. Atque hoc est planè ipsum illud quòd alibi ait Paulus: Panem quem frangimus (hîc nihil ambigitur de substantia panis, nec enim

aliud quippiam frangimus nisi panem) esse *κατατύπος* veri corporis Christi: & Calicem cui benedicimus (id est quem sumendo beneficium Domini in morte Christi nobis datum *ευχαριστούντες* celebramus) esse *κατατύπος* ejus sanguinis. Etenim quum hæc Christus institueret, haud utique ambigebatur quid esset panis quoad substantiam, sed quorsum à Christo in manus sumeretur, frangeretur, distribuereturque: nimirum ut quoad usum, institutionem ac repræsentationem discipulis esset ipsissimum Christi corpus. Nec enim panis substantiæ ullam volebat Christus novam conferre dignitatem, multoque minus ejus accidentibus omni substantiâ exutis suum corpus quasi novâ quâdam incarnatione unire & glutinare: sed fidelem sibi populum, quem sanguinis effusione & fractione corporis erat jamjam redempturus, hoc significantissimo sacramento secum in æternæ vitæ societatem ac divinitatis participationem conjungere. Hoc est enim (ut in Evangelium Joannis tractatu 26. scribit Augustinus,) manducare illam escam & illum bibere potum, in Christo manere, & illum manentem in se habere. Ac per hoc, qui non manet in Christo & in quo non manet Christus, proculdubio non manducat spiritaliter carnem ejus, nec bibit ejus sanguinem, licet carnaliter & visibiliter premat dentibus sacramentum corporis & sanguinis, sed magis tantæ rei sacramentum ad judicium sibi manducat & bibit, &c. Quid ergo est? An non revera panis est corpus Christi? Est sanè & quidem verissimè; & tamen non substantiâ, nec quoad substantiam; quemadmodum nec verbum Christi, Dei est verbum vel Dei voluntas quoad substantiam, sed quoad usum, institutionem, significationem, ac vivam ante oculos fidei repræsentationem. Verissimè tamen enuntiatur, verbum ex Christi ore prolatum esse verbum Dei; quemadmodum verissimè dicitur, panem in cena à Christo in eum finem quem diximus sumtum, esse ipsissimum Christi corpus. Sed quia ejusmodi enuntiationes non ad substantiam rei de qua queritur declarandam, sed ad vim, usum, institutionisque significationem explicandam usurpantur: idèd verbum, *Est*, quo attributum conjungitur cum subjecto, non potest ad substantiæ ullam immutationem, quæ hic minimè spectatur, referri, sed ad significandum id quod est in dicentis mente atque intentione; quemadmodum in arcu cælesti, non disputatur à Mose quid sit arcus aut unde componatur, aut in quid mutetur & transsubstantietur (nam Philosophis hæc relinquitur disputationes) sed quorsum à Deo usurpetur instituatque: nimirum ut sit certum atque indubitatum signum fœderis divini cum genere humano. In Circumcisione item non spectatur quid sit circumcidere præputium, quod ad substantiam vel cultelli vel præputii attinet: sed quorsum ejusmodi signum instituat; ac proinde ipsum circumcidere verè dicitur esse fœdus inter Deum & Abrahamum ejusque semen, & verè dicit Dominus pactum suum esse in carne Abrahami in fœdus sempiternum. Similiter in Baptismo non queritur quid sit substantia aquæ: sed quorsum illa nobis aqua fuerit data atque instituta, quò denique illa baptisandi spectet ceremonia. Itaque verè dicitur illa ipsa aqua esse ablutio sanguinis Christi, quia peccatorum sordes in credentibus eluuntur; & verè in Baptismo Christum induisse, & cum eo conscripti esse dicimur. Non ait (ut Augustini verbis utar) sepulturam significamus, sed prorsus ait conscripti sumus.

Sacramentum ergo tantæ rei non nisi ejusdem rei vocabulo nuncupavit. Sunt hæc ita plana, aperta, irrefragabilia, ut nihil ambiguum, nihil hiucum, nihil occurrat protuberans; & tamén probentur categoricè! Et primum quidem major propositio; nam de minori nulla potest esse dubitatio. Quotiescunque in sacramentorum, hoc est sacrorum signorum institutione, rerum signatarum (quæ ferè solent esse cœlestes atque spiritalæ) nomina tribuuntur rebus signantibus (quæ sunt terrenæ atque visibiles) per verbum. *Est*, toties non designari substantiam rerum significantium, sed ulum institutionem atque repræsentationem: alioqui non essent sacramenta, sed *μυστήρια φάσις* vel *μυστήριον* seu transsubstantiationes. Probatur exemplis, ratione, Scripturâ & testimoniis. Exempla suppetunt infinita tum in rebus civilibus ac prophanis, tum in divinis ac cœlestibus. Quod enim in divinis ac sacris sunt sacramenta: idem in prophanis ac civilibus sunt signa atque ceremoniæ. Quoties igitur dicitur de annulo, vel de porrecta manu, hæc est fides quam tibi do; designatur non quæ sit substantia manus vel annuli, sed finis ac scopus significationis seu repræsentationis propter quam datur porrigiturve. De insigni aurei velleris dicitur, esse ordo regius seu *φερεῖα* regia, sive domus Burgundicæ. De sceptro ac diademate dicitur esse regnum: De fascibus, cruce & lictoribus, dicitur esse justitia prætoris. Quâ loquendi formulâ nihil est vulgarius, nihil planius. Ita Christus dicit Joanni, *hæc est mater tua*; matri Mariæ, *hic est filius tuus*; non quidem transsubstantiatione (& tamen poterat rerum creator verbo efficere quidquid vellet) sed institutione, significatione ac repræsentatione. Sed malo hæc verbis Bernardi viri suâ ætate facilè omnium præstantissimi, quàm meis declarare: ut si veritati pondus adferre potest dicentis autoritas, non jam mihi, licèt veridicenti, propter me, sed Bernardo credatur. Hæc igitur sunt ejus verba, hoc ipsum argumentum ex professo tractantis in Sermone de cena Domini: „Sacramentum dicitur sacrum signum sive sacrum secretum. „ Multa siquidem fiunt propter se tantum, alia verò propter alia designanda, „ & ipsa dicuntur signa, & sunt. Ut enim de usualibus sumamus exemplum, „ datur annulus absolutè propter annulum, & nulla est significatio: datur ad „ investiendum de hæreditate aliqua, & signum est: ita ut jam dicere possit „ qui accipit: Annulus non valet quicquam, sed hæreditas quam quærebam. „ In hunc itaque modum, appropinquans passioni Dominus, de gratia sua in- „ visibile curavit suos, ut in invisibilis gratia signo aliquo visibili præstaretur. Ad „ hæc instituta sunt sacramenta omnia: ad hæc Eucharistiæ participatio: ad „ hæc pedum ablutio: ad hæc denique ipse Baptismus initium sacramentorum „ omnium, in quo complantamur similitudini mortis ejus; unde & trina mer- „ suo tridui quod nunc celebrandum est formam gerit. Sicut enim in exteriori- „ bus diversa sunt signa: & ut cœpto immoremur exemplo, varix sunt investi- „ turæ secundum ea de quibus investimur; verbi gratiâ, investitur canonicus „ per librum, abas per baculum, episcopus per baculum & annulum simul: „ sicut, inquam, in hujusmodi rebus, sic & divisiones gratiarum diversis sunt „ traditæ sacramentis, &c. Hactenus Bernardus, qui nostram certè omnem sen- „ tentiam hoc suo calculo ita difertè comprobavit, ut nihil addi potuisset, e- „ tiam si de industria transsubstantiationis doctrinam voluisset jugulare. Sed quid

quid opus est in re tam clara unius Bernardi testimonio? Pleni sunt omnes Grammaticorum, pleni Philosophorum, pleni Jurisconsultorum libri ejusmodi locutionibus, atque in omni nostra vita nihil occurrit frequentius, nihil usitatus. Quid enim audimus in civili hominum societate crebrius quàm, hoc quod dico, quod scribo, quod enuntio, hæc tabulæ, hoc diploma, hæc syngrapha vel est regis edictum, vel est lex & voluntas populi, vel privilegium civitatis, vel est mea obligatio, vel denique est mea mens atque sententia seu ultima voluntas. Hic codex est novum testamentum, hic liber est vita Imperatorum, vel fœdes populorum, non quidem suâ substantiâ, de qua non laboramus, (nihil est enim aliud si illam spectes nisi vel sonus percussû aëris vel charta notis characterum exarata,) sed significatione, usu, fine, atque institutione seu intentione, ad quam exprimendam repræsentandamque live verba live characteres usurpantur. In sacris rebus arbor quâ vita repræsentatur, significatur, exhibetur, dicitur arbor vitæ; quâ verò scientia boni & mali demonstratur, boni & mali arbor esse dicitur. Sacrificia dicuntur nos Deo conciliare, eumque nobis reddere propitium, atque aded eorum nidor dicitur Deo esse gratus ac fragrans odor, (quo nihil occurrit in Scriptura frequentius,) & peccata abolere, non quidem ipsa per se aut suæ substantiæ & naturæ vi, sed Domini institutione, quâ voluit illa nobis his rebus poni ob oculos. Ita agnus est pascha seu transitus, ita Circumcisio est fœdus, ita Bethel est domus Dei, ita cœderis est ipse Jehova exercituum, ita columba est Spiritus Sanctus, ita denique vox in ore Isaïæ ac reliquorum prophetarum atque Apostolorum resonans est verbum Domini, Prædicatio Pauli est spiritus, est lux, est vita. Quo quid est frequentius, quid magis proprium aut magis usitatum? Hic nemo tamen impingit, nemo quærit an vocis humanæ substantia mutetur transsubstantiatione in verbum Dei. Omnes quidem fatebuntur Deum omnia posse quæ velit, & quæcunque dicat eodem illo momento quo dixerit existere & esse certa atque indubitata, ac proinde posse verborum sonis tribuere substantias quas velit: sed tamen nemo est ita rerum omnium humanarum hospes atque omnis civilis ac popularis sermonis signarius, qui non intelligat illam vocem illaque verba esse fieri ac pronuntiari, non ut quid suâ sint naturâ aut substantiâ disputetur, sed ut quid nobis significant, exhibeant, repræsentent intelligatur. Verba enim reponuntur ab omnibus & disertè ab Augustino in eo signorum genere quorum omnis usus in significando est: Nemo enim utitur verbis nisi aliquid significandi gratiâ: atqui sacramenta rerum sacrarum esse signa nemo est qui unquam dubitarit: Nam etsi sunt res, ut Augustini utar verbis, tamen ita sunt res ut aliarum sint rerum signa, ita ut omnis eorum usus in significando consistat: quo respectu meritò idem Augustinus appellavit sacramenta verba visibilia, & verba dixit esse sacramenta vocalia. Utraque enim ad significandum ac repræsentandum instituta sunt. Hæc quidem semper & ubique ad significandum: illa verò hæctenus quoad sunt sacramenta. Itaque verè quidem & eleganter ab Ambrosio dicitur illud quod pro te videris allegare: *Panis iste panis est ante verba sacramentorum: ubi accessit consecratio, de pane fit corpus Christi.* Est enim hoc extra controversiam: panem quem frangimus in cœna Domini ejus mortem commemorantes & *innoxium*, non ed usurpari ut sit panis vel funga-

fungatur panis munere ac vi, sed ut nobis exhibeat ac significantissimè repræsentet ipsissimum Christi corpus pro nobis in ara crucis fractum, quod verè est panis ille qui de coelo descendit & qui vitam dat hominibus. Jam igitur non est amplius panis, si spectes usum instituentis ac finem institutionis, sed corpus ipsum, non quidem substantiâ, sed repræsentatione atque exhibitione ac sine ipso propter quem institutus est, quemadmodum disertissimè annuli exemplo supra ex Bernardo probatum est. Hæc igitur enuntiatio Christi de pane sumto, fracto ac dato, omnino est verissima, neque quidquam falsi continet ut arbitrar, etiamsi non recurramus ad duplicem illam significationem verbi, *Est*. Una enim & simplex ejus est significatio: Semper enim verbum, *Est*, significat esse, sed non semper significat esse substantiam, aliquando qualitatem, aliquando quantitatem, aliquando relationem designat, aliquando aliam ex decem vocibus in categoriis pro ratione rerum de quibus est sermo.

Hæc autem enuntiatio facta de pane, quemadmodum uno testantur ore omnes Evangelistæ atque Apostoli, *hoc est corpus meum*, est enuntiatio vera, propria & significantissima, quemadmodum est illa Pauli: *Panis quem frangimus est communio corporis Christi*, non quidem substantiâ (quod & tu ipse de hac posteriore confiteris) sed usu, fine, institutione. Quod ut intelligas, agnosce ipsissima tua verba, Amplissime Domine; Ita enim scribis: Non tamen vult ibi Apostolus dicere quid sit panis qui frangitur, sed quid participatione hujus panis significetur & efficiatur, &c.

Hic tibi nos si volesse æquos, eandem & tu nobis æquitatem præbe: nimirum non semper quoties usurpatur verbum, *Est*, significari quid sit rei de qua agitur substantia, sed sæpe alibi & semper in sacramentis designari quid illius participatione significetur & efficiatur.

Vides nos nulla quærere diverticula, imò regiâ viâ quam tu nobis sternis insistere. Alioqui si obstinatè clamabis verbum, *Est*, non dici nisi ad explicandas rerum substantias, ipse te vide quomodo laqueo quem nobis posueris extricabis. Nam si apud Paulum verbum, *Est*, usurpatur non ad significandam rei substantiam, sed participationem seu significationem rei, quemadmodum tu ipse disertè testaris: cur non idem nobis concedes fieri apud Matthæum, imò cur non & apud eundem Paulum capite insequenti de eodem prorsus argumento & sacramento pertractantem?

Atque hæcenus quidem de exemplis planis, perspicuis atque usitatis, in quibus omnibus haud quidem eadem ubique est ratio: nec enim si non aliquâ parte discreparent, quæ sunt similia dici omnino similia possent: Sed in eo conveniunt planissimè omnia, quòd signis tribuantur nomina atque effecta rerum signatarum, & tamen non designent transformationes substantiarum, sed tantum rerum signatarum vivas tanquam imagines, repræsentationes ac significationes. Rationem si quærimus, est omnino in promptu: sed malo Augustini verbis explicari, propterea quòd video veritatem, etiamsi per se pondus habeat maximum, non posse tamen nisi autoritate dicentis fultam locum hodie obtinere: „Nunc (inquit Augustinus) nemo ambigit, per similitudines libentius quæque cognosci, & cum aliqua difficultate quæsitâ multò gravius

„veniri. Quemadmodum enim, idem ait Augustinus, nihil aliud iis Can-
 „tici verbis, Dentes tui sicut, &c. hominem discere, quàm cùm illud planif-
 „simis verbis sive similitudinis huiusmodi adminiculo auditur, tamen nescio
 „quomodo suavius se intueri Sanctos, cùm eos quasi dentes Ecclesiæ videt
 „præcidere ab erroribus homines, atque in ejus corpus emollitâ duritiâ quasi
 „demorsos mansosque transferre, &c.

Planè eodem modo, etsi nihil homo discit aliud, ubi panis in Cœna exhi-
 betur, frangitur, daturque, ac denique jubetur accipi, & asseritur esse cor-
 pus Christi quod pro nobis traditum est in ara crucis, nisi id ipsum quod uni-
 versa docet Scriptura, nos cum Christo ita esse unitos, ut simus os de ossibus
 ejus & caro de carne ejus, per mortis ejus efficaciam spiritus vi per fidem in
 nos transfusam: tamen nescio quomodo cùm panis manducandus exhibetur, at-
 que id fieri in recordationem mortis Christi præcipitur, quasi in rem præsen-
 tem venientes videmur nobis Christum pro nobis crucifixum nostrumque fa-
 ctum & nos cum illo arctissimè conjunctos videre atque palpare. Ita quamvis
 illa locutio, *nisi manducaveritis carnem Filii hominis & sanguinem biberitis, non*
habebitis vitam in vobis, sit figura quemadmodum docet Augustinus, nihil præ-
 cipiens aliud nisi passioni Domini esse communicandum, &c. tamen nescio
 quomodo & altius insidet animo ea figura, & efficacius præsentem nobis statu-
 it mirificam illam atque arctissimam ^{unitatem}, & denique tenacius hæret in
 memoria. Theodoreti verba, quibus rationem hujus rei disertè explicat, pau-
 lò infrâ commemorabimus, ubi ad testimonia veniemus.

Nunc satis est id constare: in universum sacramentorum omnium rationem
 illam esse, ut imbecillitati nostræ fidei succurratur. Et quemadmodum in Bap-
 tismo non modò auribus audimus nos ablutos Christi sanguine, sed etiam ocu-
 lis ipsis quasi rem præsentem cernimus: Ita in Domini Cœna videmus nos non
 minùs arctè cum Christi carne & sanguine conjunctos esse, quàm panis & vi-
 num cùm nostri corporis substantia copulentur unianturque; ac proinde car-
 nem ejus verè nobis esse cibum & sanguinem verè esse potum, quorum admi-
 niculis unam sumus cum illo, sicut ipse unum est cum patre cœlesti; quem-
 admodum ipsa veritas, cap. Joan. 6. luculenter docet; cujus certè doctrinæ no-
 bis in sacrosanctæ Cœnæ institutione illustre ac præclarum quasi speculum,
 tesseram ac sacramentum exhibet.

„Alioqui (ut idem ait Augustinus) miserabilis prosectò est animæ servi-
 „tus: signa pro rebus accipere, & supra creaturam corpoream oculum mentis
 „ad hauriendum æternum lumen levare non posse. Inter hæc autem signa di-
 „sertè ab eo reponuntur Baptismi sacramentum, & celebratio corporis & san-
 „guinis Domini.

„Quæ unusquisque (inquit) cùm percipit, quò referantur imbutus agnos-
 „cit, ut ea non carnali servitute, sed spiritali potiùs libertate veneretur. Scri-
 „pturam autem apertissimè idem significare ex superioribus faciliè elucescit.
 „Christus enim quum de pane dixisset, *hoc esse suum Corpus*; dixit de Calice,
hoc poculum est novum testamentum in meo sanguine. Tu quidem vis illam hæc esse
 clariorem orationem: & tamen asseveras illam falsam futuram, nisi novâ si-
 gnificatione verbi, *Es*, muniatur; & non ignoras de illa multis seculis Chri-
 stianum

flianum orbem fuisse digladium, de hac posteriori nullam unquam ne minimam quidem existisse controversiam vel ambiguitatem. Et tamen si maxime ita ut dicis se res haberet, & illa per se esset clarissima, hæc verò omnium obscurissima: nihilominus quando inter nos de illa controvertitur, de hac nihil ambigitur, omnino est æquius hanc ab illa, quàm ab hac illam sumere interpretationem. Quare seposità omni contentione adaptemus utrobique eadem verba, & dicamus, quemadmodum hæc oratio, *hoc poculum est novum testamentum in meo sanguine*, idem significat quod illa, *hic est sanguis novi testamenti qui pro vobis effunditur*: ita illam orationem, *hoc est corpus meum quod pro vobis frangitur*, idem penitus significare quod, *hic panis est novum testamentum in meo corpore quod pro vobis frangitur*. Ecquis nunc est homo sanæ mentis, qui non è vestigio sententiam Christi planissime assequatur: nimirum, panem illum institui ut sit *antiquum* seu testamentum seu fœdus atque contractus Christi morientis nobiscum, quo se obligat nobis dare suum corpus, atque illud ipsum quasi præsens exhibet, ut certò statuamus nos cum eo indissolubili nexu conjunctos esse atque copulatos. Huic jam adijunge Pauli sententiam Domino suo adfipulantis, dicentisque: *Panis quem frangimus est communio corporis Christi*: id est, ut tu ipse interpretaris, participatione hujus panis quem frangimus significatur nobis corpus Christi.

Quid jam restat ambiguum, quid obscurum! Et tamen si Scripturam adhuc penitus introspicias, ut nimirum (quod longè tutissimum esse docet Augustinus) quod habet controversiam ex eadem Scriptura ubicunque inventis atque adhibitis ejus testibus terminetur: nihil vetabit quominus certam atque irrefragabilem hujus loci eramus interpretationem, & transsubstantiationi oculos configamus. Cum enim Christus jubet hoc fieri in sui memoriam, quum Paulus hæc sacramenti celebratione mortem Domini docet annuntiari, quum Christus ipse cap. Joan. 6. carnis suæ manducationem & potionem sanguinis his verbis explicat: „Qui venit ad me non esuriat & qui credit in me non sitiet, in æternum: & paulò post, verba quæ dixit testatur esse spiritum & vitam, „propterea quòd caro non profit quicquam, sed spiritus sit qui vivificat, & simul animos audientium ad ascensionis suæ in cœlos considerationem revocat: an non manifestè docet non esse nobis de substantiarum corporalium transmutatione quicquam laborandum, sed illis sacramentorum vehiculis ad cœlestis illius corporis conjunctionem per vim spiritus mediante fide compactam mentes nostras evehendas, quemadmodum & ipsius Niceni Concilii canone elegantissime & clarissime dicitur.

Quid verò, cùm Paulus infinitis locis panem post consecrationem non minus panem appellat quàm ante: an non manifestè transsubstantiationis commentum evertit? *Panis* (inquit) *quem frangimus est communio corporis Christi*. Et addit rationem, quæ nulla potest eludi cavillatione, *quoniam unus panis, unum corpus multi sumus: nam omnes de uno pane participamus: & Quotiescunque hunc panem manducaveritis, mortem Domini annuntiabitis: & Quicumque manducaveris hunc panem indignè, reus eris corporis Domini*. Et: *Probet seipsum homo antequam de pane illo edat*. Et semper profectò in veteri ecclesia, cui erat ignotum transsubstantiationis commentum, hujus sacramenti participatio panis fractio nominata est.

Hæc omnia si quis cavillando velit eludere, nihil erit tam firmum, nihil tam sanctum, nihil tam perspicuum, quod ejusmodi non violet atque obscuret audacia. Et tamen si nulla possunt Domini eloquia intelligi nisi ab hominibus lumen accipiant, audiamus Patrum testimonia, quos ego libenter sanè dabo magnificè ac nonnunquam etiam hyperbolicè de sacramentis locutos esse, ita ut & baptismi aquæ vim ac nomen Spiritus Sancti, & panis elementum corruptibili corporis Christi & nomen & effecta persæpe tribuerint. Nec mirum: habuerunt præeuntem magistrum qui eâ ratione voluit, quid nobis ejusmodi carnalibus elementis exhiberet, significanter ob oculos ponere. Sed quoties ad interpretationem veniunt, toties profectò manifestissimè declarant elementum panis non esse rem eam quæ significetur, sed signum seu significationem, seu sacramentum seu mysterium rei cœlestis, quæ nobis exhibeatur cœlitus. Sed paucos adducam, ne multitudine testimoniorum veritatem in dubium videar revocare.

Tom. 6.
cap. 12.

Augustinus certè, quem inter cæteros faciliè principem dixeris, qui quæ hanc controversiam infinitis locis apertissimè decidit, ubi contra Adimantum Manichæum disputans, ejus insaniam refutat allegantis verba Moïsis, quædā *sanguis sit carnis anima*, ita scribit:

„Nam ex eo quod scriptum est sanguinem pecoris animam ejus esse, præter id quod suprà dixi, non ad me pertinere quid agatur de pecoris anima, possum etiam interpretari præceptum illud in signo esse positum: non enim Dominus dubitavit dicere, *Hoc est corpus meum*, cum signum daret corporis sui, &c.

Hæc si bonâ fide conferantur cum iis quæ primo & 2. libro de doctrina Christiana docet de signis & rebus signatis, quis non videt ita esse plana atque perspicua ut nullâ possint tergiversatione eludi? Sed ipsemet se paulò inferiùs clariùs explicat, ita ut nullæ interpretationi alienæ locus relinquatur. „Air enim eodem illo capite, idemque prosequens argumentum: Sed quamvis de pecorum animis non curemus, cum quibus non habemus rationis aliquam societatem: tamen illud quod lex dicit, fundendum esse sanguinem nec in escam assumendum, quia sanguis est anima, esse positum in signo dicimus sicut alia multa: & pendè omnia Scripturarum illarum sacramenta signis & figuris plena sunt futuræ prædicationis, quæ jam per Dominum nostrum Jesum Christum declarata est. Sic est enim sanguis anima, quomodo petra erat Christus, sicut dicit Apostolus: *Bibebant enim de spiritali sequente eos petra, petra autem erat Christus*. Notum est autem filios Israel petrâ percussâ bibisse aquam in eremo: de quibus loquebatur Apostolus cum hæc diceret. Nec tamen ait, petra significabat Christum, sed ait, petra erat Christus. Quæ rursus ne carnaliter acciperetur, spiritalem illam vocat, id est, illam spiritaliter intelligi docet. Longum est & nunc non necessarium sacramenta ejusdem legis exponere, nisi cum breviter possint: sufficit autem ut noverint illi qui de his calumniantur, non ea nos ita intelligere, ut illi solent irridere, sed quemadmodum Apostoli omnia intelligentes pauca exposuerunt, ut ad easdem regulas cætera posteris intelligenda relinquerent, hæcenus Augustinus. An verò est ulla tanta vis ingenii quæ huic tam claræ luci nebulas possit offundere, &c

& Augustini sententiam verborum aut sophismatum involucris obscurare? Itaque fateamur panem esse corpus Christi, & quidem eum mutatum esse in corpus Christi, translementatum in ejus carnem: sed ubi ad interpretationem veniendum est, ne signa pro rebus serviliter accipiamus, sed aperte & planè cum Augustino dicamus, hæc omnia in signo esse posita. Ac proinde frustra conaris, Vir doctissimè, eundem Augustinum in castra tua pellicere, dicentem:

„Si enim sacramenta quamdam similitudinem earum rerum quarum sacramenta sunt non haberent, omnino sacramenta non essent. Ex hac enim similitudine plerumque etiam ipsa rerum nomina accipiunt. Sicut ergo secundum quemdam modum sacramentum corporis Christi corpus Christi est, sacramentum sanguinis Christi sanguis Christi est, ita sacramentum fidei fides est, &c.

Quod enim tu ais his verbis significari hunc loquendi modum, Sacramentum corporis Christi est corpus Christi, non esse proprium & consuetum, planè à nobis facit. Dicimus enim esse modum loquendi sacramentalem, quo nimirum tribuitur signo quod est rei signatæ. Nimis enim sunt manifesta Augustini verba quàm ut ejusmodi nebulis possint obfascari: hæc enim præcedunt:

„Nempe sæpe ita loquimur ut paschâ propinquantè dicamus, crastinam vel perendinam Domini passionem, cum ille ante tam multos annos passus sit, nec omnino nisi semel illa passio facta sit, nempe ipso die dominico dicimus, hodie Dominus resurrexit, cum ex quo resurrexit tot anni transierint. Cur nemo tam ineptus est ut nos ita loquentes arguat esse mentitos, nisi quia istos dies secundum illorum quibus hæc gesta sunt similitudinem nuncupamus, ut dicatur ipse dies qui non est ipse, sed revolutione temporis similis ejus; & dicatur eo die fieri propter sacramenti celebrationem, quod non illo die sed jam olim factum est. Nonne semel immolatus est Christus in seipso? & tamen in sacramento non solum per omnes paschæ solemnitates, sed omni die populis immolatur: nec utique mentitur qui interrogatus responderit eum immolari: si enim sacramentum quamdam similitudinem earum rerum, &c. ut supra.

Quæ verba si quis arte sophisticâ possit eludere, haud ego quicquam tam esse planum, tam clarum atque perspicuum dicam quod idem non possit in tenebras convertere.

*Tom. 2.
epist. 23.
ad Bonifacium.*

His addo quod suprà allegavimus: figuram esse quum jubet carnem & sanguinem suum manducari, &c. cum in psal. 3. admirans Christi bonitatem dicit, eum adhibuisse Judam ad convivium in quo corporis sui figuram discipulis commendavit & tradidit. Possem sexcenta ejusmodi loca ex Augustino proferre: sed hæc satis sunt ei qui manifestæ veritati non vult refragari.

Tertullianus verò, qui ætate illum præcessit, an ulla in re cum eo discrepat, ubi adversus Marcionem lib. 1. ex universæ & Catholicæ Ecclesiæ sententia scribit:

„Sed ille quidem usque nunc neo aquam reprobavit creatoris quâ suos abluit, nec oleum quo suos unxit, nec mellis & lactis societatem quo suos pavit,

„ nec panem quo ipsum corpus suum representat, etiam in sacramentis propriis
 „ egent mendicitatibus creatoris, &c. Et paulò pòst:
 „ Sic enim Deus in Evangelio quoque vestro revelavit, panem corpus suum
 „ appellans, ut & hinc jam eum intelligas corporis sui figuram panem dedisse,
 „ cujus retrò corpus in panem prophetes figuravit, ipso Domino hoc sacramen-
 „ tum postea interpretaturo.

Et lib. 4.

„ Professus itaque se concupiscentiâ concupisse edere pascha, ut suum (in-
 „ dignum enim ut quid alienum concupisceret Deus) acceptum panem & di-
 „ stributum discipulis, corpus suum illum fecit, hoc est corpus meum dicendo,
 „ id est figura corporis mei; figura autem non fuisse, nisi veritatis esset corpus.
 „ Cæterum vacua res, quod est phantasma, figuram capere non potest; & quæ
 „ sequuntur: Quæ sanè si non sunt meridianâ luce clariora, nihil ego profectò
 video. His accedat Theodoretus in dialogo qui dicitur ἀκριβῶς:

Ορθόδοξος. ὁ δὲ τι εἶπεν ὁ ἡμέτερος ἱεράρχης τὰ ὀνόματα, καὶ τῷ ῥῷ σώματι τὸ τοῦ
 συμβόλου τίθηται ἑστῶς, τὸ δὲ συμβόλον τὸ τοῦ σώματος ὥτως ἀπικίλει ἑαυτὸν ὀνομάσας,
 αἷμα τὸ σύμβολον ἀποσημαίνει. Εὐσεβίου: Τότε μὲν αἰσθάνεις ἱερῶς ἑαυτὸν λέγειν ὁ
 τίς μανθάνει τῆς τῶν ὀνομάτων ἰσχυρῶς.

Ορθόδ. δὲ λέγει ὁ σκοπὸς τοῦ ταῦτα μεταμελήσας. ἡ ἐκλήθη γὰρ τὰς τῶν θεῶν μυστηρίων
 μεταλλαγμένους, μὴ τῷ φύσει τῶν βλεπομένων προσέχειν, ἀλλὰ διὰ τῆς τῶν ὀνομάτων ἀ-
 λλαγῆς πιστεύει τῇ ἐκ χειρὸς γιγνησμένη μεταβολῇ. ὁ γὰρ δὲ τὸ φύσει σῶμα εἶναι καὶ
 αὐτοὶ ἀποσημαίνει, καὶ πάλιν ἑαυτὸν αἷμα ὀνομάσας ὥτως τὰ ὀνόματα σύμβολα τῇ
 τοῦ σώματος καὶ σώματος ἀποσημαίνει τιτίνωνται, ὃ τὸ φύσει μεταβαλὼν, ἀλλὰ τῷ χειρὸς
 τῷ φύσει ἀποσημαίνει.

„ Quæ possunt ita Latine reddi: *Orthodoxus*. Noster sanè servator nomi-
 „ na permutavit, & corpori quidem symboli nomen dedit, symbolo verò
 „ corporis. Ita seipsum vitem nuncupavit & symbolum sanguinem appella-
 „ vit.

„ *Erasmus*. Hoc tu quidem verè dixisti, sed velim rationem hujus nominum
 „ permutationis ex te intelligere.

„ *Orthod.* Perspicuus certè scopus est iis qui sacris sunt imbuti. Voluit enim
 „ eos qui sacris mysteriis participant nequaquam eorum quæ oculis cernuntur
 „ naturæ intentos esse, sed per nominum permutationem adduci, ut crede-
 „ rent ei, quæ per gratiam fit, commutationi. Nam qui, quod natura erat cor-
 „ pus, panem & cibum appellavit seque ipsum vitem nuncupavit, idem sym-
 „ bola aspectabilia corporis & sanguinis nomine decoravit, non quidem natu-
 „ ram immutans, sed naturæ gratiam adjiciens.

Hæc certè ita sunt clara ut nihil planius dici possit: Et tamen in eo dialogo,
 quem inscripsit ἀσύνχρητος, hoc argumentum etiam fusiùs explicat. Quæ verba
 quia omnem istam controversiam luculentissimè definiunt, libet hic adji-
 cere.

Ορθόδοξος: Επὶ τοῖνυν τὰ μυστικὰ σύμβολα ὡς τῶν ἱερῶν λέγουται τῷ θεῷ ἀποσημαίνει-
 να, τὴν αὐτὴν ἰσὶ σύμβολον;

Ερωτής: Τὸ διςποτικὸν σῶματός τε καὶ αἷματός.

Ορθ. Τὸ ὅπως σῶματός, ἢ αἷματός;

Ερωτής. Τὸ ὅπως.

Ορθ. Ἄρα, καὶ γὰρ ἵκανα τὸ τῆς ἐκείνου ἀρχήτου. καὶ καὶ εἰ ζυγοῦσιν τὸ φύσει μαμῶται, καὶ τῶν ἐρωμάτων γυμφοῦται τὰς ἱκανάς. Ερω. ἀλλῶς.

Ορθ. Εἰ τοῖνυν τοῦ ὅπως σῶματός ἀντίτυπα εἰσι τὰ θεῖα μυστήρια, σῶμα ἄρα ἐστὶ καὶ τοῦ τοῦ διςποτικῶ τὸ σῶμα εἰς διότητος φύσει μεταβαλὼν, ἀλλὰ θεῖας διέξως ἀναπαλάδων. Ερω. Εἰς καιρὸν τὸν αὐτὸν τῶν θείων μυστηρίων ἐκείνας λόγους, ἐνταῦθα σοὶ γὰρ διέξω τοῦ διςποτικῶ σῶματός τὸν εἰς ἴτερος φύσει μεταβαλὼν. ἀπεκρίθη τοῖνυν πρὸς τὰς ἱμῶς ἐρωτήσεις.

Ορθ. ἀποκρινόμενος. Ερω. Τὸ καλὸν τὸ ἀποσφειρόμενον ὄνειρον πρὸς τῆς ἱερτικῆς ἐκκλησίας.

Ορθ. Οὐ καὶ σαφὲς εἰπεῖν. εἰδὼς γὰρ τινὰς ἀμύτους παρῶναι. Ερω. ἀνυμναστικῶς ἢ ἀπικριστικῶς.

Ορθ. Τὸν ἐκ τοῖνυν ἐπιμαρτυροῦν.

Ερω. Τὸ δὲ ἴτερος σῶματός πῶς ὀνομάζεται;

Ορθ. Καὶ τὸ τοῦτο ὄνομα, πῶματός εἶδον σημαίνει. Ερω. Μετὰ δὲ γι τοῖς ἀγιασμοῖς, πῶς ταῦτα προσαγορεύεις;

Ορθ. Σῶμα Χριστοῦ καὶ αἷμα Χριστοῦ. Ερω. καὶ πιστεύεις γι σῶματός Χριστοῦ μεταλαμβάνειν καὶ αἷματός;

Ορθ. ὅπως πιστεύω. Ερω. ὡςπρὶν τοῖνυν τὰ σῶματά τοῦ διςποτικῶ σῶματός τε καὶ αἷματός, ἀλλὰ μὴ ἐστὶ πρὸς τῆς ἱερτικῆς ἐκκλησίας, μετὰ δὲ γι τὸν ἐκκλησίαν μεταβάλλεται καὶ ἴτερος γίνεσθαι, ὅταν τὸ διςποτικὸν σῶμα μετὰ τὸν ἀναλυσιν, εἰς τὰ ὅπως μεταβάλλεται τὸν θέναι.

Ορθ. ἄλλως αἰς ὅπως ἀρκεῖν. οὐδὲ γὰρ μετὰ τὸ ἀγιασμοῖς τὰ μυστικὰ σῶματά τῆς ἐκκλησίας ἐξίσταται φύσει. μῆνι γὰρ ἐστὶ τῆς ἀσπίδος ὁστίς καὶ τοῦ σχήματος, καὶ τοῦ εἶδους, καὶ ὅπως ἐστὶ καὶ ἀπὸ, οἷα καὶ πρότερον ἢ νοῦται, δι' αἵμα ἰνίοντο καὶ πιστεύονται. Παρῶν τούτων τὸ ἀρχήτου τὸν ἱκανὰ καὶ ὅπως τὸν ὁμοῦτητα. Καὶ ἰοικίται τῇ ἀληθείᾳ τοῖς τύποις, καὶ γὰρ ἐκείνο τὸ σῶμα τὸ μὴ πρότερον εἶδον ἵχνη καὶ σχῆμα καὶ περιγυροῦν καὶ ἀπαξιαλῶς εἰπεῖν τὸν τοῦ σῶματός ὁστίς, ἀπαιτεῖται δὲ μετὰ τὸν ἀναλυσιν γίγνηται καὶ κερῖντοι φθορῆς καὶ τῆς ἐκ δεινῶν ἐξίσταται καὶ ὅπως καὶ παρῶν πᾶντος προσηνύεται τῆς κτίσεως αὐτὴ δὲ σῶμα χρηματίζον τοῦ διςποτικῶ τῆς φύσεως.

Hec ita Latine.

CONTRA

Orthodoxus. Dicigitur; symbola mystica quæ à sacra facientibus Deo offeruntur, quarum rerum sunt symbola? *Era.* Corporis & sanguinis Domini.

Orthod. Corporisne quod verè existit, an quod non verè. *Era.* Quod verè existit.

Orthod. Optimè: necesse est enim imaginis quoddam esse exemplar atque archetypum: nam & pictores naturam imitantur, & rerum aspectabilium formas effingunt. *Era.* Ita est.

Orth. Quodd si igitur divina mysteria corporis reverà existentis sunt antitypa, fanè & nunc quidem Domini corpus reverà corpus est, non quidem in deitatis naturam commutatum, sed divinâ gloriâ impletum.

Era. Næ tu oportune de divinis mysteriis sermonem injecisti. Hinc etenim tibi

tibi Dominici corporis in aliam naturam permutationem commonstrabo. Age itaque responde ad meas interrogationes.

Ortbot. Respondebo. *Era.* Quo nomine vocas donum quod offertur ante sacerdotalem nuncupationem?

Ortbot. Haud fas est palam effari, verisimile est enim quosdam hic adesse nondum initiatos. *Era.* Ænigmaticè itaque respondeto?

Ortbot. Voco alimentum ex certis granis compositum.

Era. Alteri verò symbolo quod nomen damus?

Ortbot. Commune etiam nomen quod potus quamdam speciem denotet. *Era.* At verò post sanctificationem quibus ea nominibus appellas?


Ortbot. Corpus & sanguinem Christi. *Era.* Et credis omnino corporis & sanguinis Christi fieri participem?

Ortbot. Ita credo. *Era.* Quemadmodum igitur symbola corporis & sanguinis Domini alia quidem sunt ante sacerdotalem nuncupationem, postea verò immutantur & alia sunt: ita planè & corpus dominicum post assumptionem in essentiam commutatum est divinam.

Ortbot. nã tu iis quæ tetendisti retribus ipse captus es: neque enim post sanctificationem symbola mystica propriam exuunt naturam, (permanent enim in priori substantia, figura & specie, & sunt non minùs aspectabilia & palpabilia ac priùs,) sed mente & cogitatione comprehendenda sunt ea quæ facta sunt & creduntur. Nunc itaque exemplari huic & archetypo imaginem adaptato, & planè cetnes similitudinem; oportet enim veritati similem esse figuram. Etenim & illud corpus retinet priorem quam habuit figuram, formam & circumscriptionem, & ut breviter dicam ipsam corpoream essentiam: post resurrectionem autem factum est immortale & omnis corruptionis planè expers & ipsa etiam ad dexteram sessionem dignum atque ab universa creatura, utpote quæ verè corpus ejus dicitur qui natura Dominus est, adorandum.

Possem ex Irenæo, Origene, ex Clemente Alexandrino, ex Cypriano, Ambrosio atque Basilio, Nazianzeno, Chrysostomo, Macario, Maximo, aliisque infinitis ejusmodi luculentissima atque certissima testimonia depromere, planissimèque demonstrare universæ Ecclesiæ sensum à Christo nato adusque Bertrami tempora, qui hac de re librum de industria conscripsit sub ætatem Caroli (ni fallor) Crassi, certum atque constantem semper fuisse. Postea verò quàm horrenda illa Gothorum vastatio ecclesiæ justo Dei judicio pro virtute libidinem, pro justitia tyrannidem, pro pietate superstitionem invexerat sub Nicolai tempora, qui Berengarium rectè atque orthodoxè sentientem canere coëgit palinodiam, tum primùm Romanorum Pontificum fulminibus, universum propè terrarum orbem territantibus, invecsta est hæc de transubstantiatione doctrina. Sed nolo veritatis luci manifestissimæ conquestorum testium multitudine facere præjudicium, ne videar doctrinæ orthodoxæ atque ecclesiasticæ aliud amplecti fundamentum aliudque *ædificium*, nisi unam ac solam sacræ Scripturæ doctrinam, cui quamdiu consenserint Patres non verborum cos laudare ac venerari, sin autem ab ea desciverint, haud mihi sanè pluris erunt quàm fuit Augustino synodus Arminienis, vel nobis est Tridentina.

Sed quia longior fui quàm speraram, nolo in hujus novæ quæstionis campum digredi; ad epistolam enim illam tuam quam responsioni de sacramentis adjecisti respondebo aliàs. Interea hoc meum scriptum rogo ut boni consulas, & si quâ parte erro, Scripturis, ratione & probatissimorum testium auctoritate errorem commonstres, sin minus, vel ipse veritati locum des, vel nos certè propter veritatis testimonium multa indigna patientes tuo patrocinio tueare. Vale, Vir Amplissime, meque tui esse observantissimum tibi certò certius persuade.



MICHAELIS BAII

RESPONSIO

AD EA QUÆ

MARNIXIUS

OPPOSUIT EJUS

RESPONSIONI

AD QUÆSTIONES DE

SACRAMENTO ALTARIS.

Generoso, Nobili Eruditissimoque viro, Domino Philippo
Marnixio Sanctaldegondo.



Ecce responsione tuâ ad ea quæ de posterioribus quæstionibus tuis, quantum Deus largiri dignatus est, disserui, eruditissimè D. Sanctaldegonde: deprehendi te disputationi meæ minùs consentire, quòd non satis assecutus sis quomodo vel dicta mea sibi consentiant, vel quibus firmentur argumentis. Et inter ea quæ discrepare existimas, imprimis profers, quod dixi verbum substantivum, *EST*, usitatâ suâ significatione substantialitatem notare: cum tamen ante præmiserim enuntiationes simplices in quibus alterum de altero mediante verbo substantivo, *EST*, enuntiatur, aliquando proferri intentione asserendi id quod est priusquam talis enuntiatio proferri incipiat, aliquando verò intentione faciendi id quod nondum est quando ejusmodi oratio enuntiari incipit, sed tunc demum erit quando ipsa enuntiatio absoluta fuerit.

Hanc enim distinctionem sic accepisti, quasi dixissem verbum substantivum, *EST*, bifariam accipi, aliamque significationem habere in iis enuntiationibus quæ tantum proferuntur intentione asserendi quod præfuit, & aliam in iis quæ dicuntur intentione faciendi quod tali enunciatione designatur. Id quod neque dixi, neque significare intendi.

Sed tantum volui ostendere, enuntiationes quasdam manente eadem usitatâ & genuinâ omnium vocum significatione, posse aliâ & aliâ intentione dici:

nempe

nempe intentione asserendi quod præfuit, & intentione faciendi quod non præfuit, sed quod tum demum erit quando ejusmodi enuntiatio absoluta fuerit. Et quia satis suspicabar istud posterius enuntiationum genus à te minus observatum; conatus sum illud comprobare, non tantum sermone jurisconsultis noto, sed etiam tribus sacræ Scripturæ testimoniis: quorum duo satis leviter attigisti; sed tertium, tanquam huic rei impertinens, omnino præteristi: in quo tamen tantā evidentia ostenditur, unam & eandem enuntiationem, manente prorsus eadem vocum significatione, posse proferri & intentione faciendi quod non præfuit, & intentione significandi quod præfuit: ut non nisi absurdissimè negari possit. Erat quidam regulus cujus filius infirmabatur Capernaum: abiit & rogavit Jesum ut sanaret filium ejus: tandem dicit ei Jesus: filius tuus vivit: & hoc dicendo sanavit eum, sicut etiam postea à ministris tibi occurrentibus cognovit. Hic significavit Jesus, non quod præfuit, sed quod hæc dicendo fecit: nempe quod filius ejus viveret, id est sanus esset. Descendente regulo, servi occurrerunt ei, & indicaverunt dicentes quia filius ejus viveret: ergo & hi dixerunt regulo filius tuus vivit; non aliā vocum significatione, sed prorsus aliā intentione; quia Christus regulo dixerat, filius tuus vivit, intentione faciendi quod dicebat: servi verò dixerunt eidem, filius tuus vivit: non intentione faciendi quod prius non erat, sed intentione nuntiandi quod jam esse gaudebant, & ipsum regulum gavisurum esse sciebant. Accipe exemplum aliud: Cum Jesus ex cruce vidisset matrem & discipulum stantem quem diligebat: dicit matri suæ, non de seipso sed de discipulo: *mulier, ecce filius tuus*: deinde dicit discipulo, *ecce mater tua*: & ex illa hora accepit eam discipulus in suam.

Quæro an Jesus hic matri & discipulo dixit quod præfuit, an potius quod suis verbis effecit? certè si præfuisse, non subjecisset Evangelista, quoddam ex illa hora, nempe quā hoc audivit à Domino, accepit eam discipulus in suam: non significatione (ut ais) sed adoptione, sicut etiam in civilibus fieri solet. Sicut enim Christus mandando multa effecit, quæ nos iisdem verbis & eadem significatione acceptis tantum præcipere solemus: ut, *surgere, tolle grabatum tuum, & ambula*: *Lazare veni foras*: *Extende manum tuam*: *Respice*, &c. sic etiam per præsens enuntiando multa effecit, quæ nos iisdem verbis, eadem significatione acceptis, præfuisse significamus. Jam puto intelligis me, dicendo, enuntiationes in quibus alterum de altero enuntiatur, mediante verbo substantivo, *EST*, aliquando proferri intentione asserendi quod præfuit, aliquando verò proferri intentione faciendi quod non fuit, sed quod tunc primum esse incipit quando prolata est oratio; non geminasse verbi substantivi, *EST*, notionem, sed semper genuinam & usitatam servasse, quæ substantialitatem significat: ac proinde non esse contrarietatem, quam in meis scriptis contrarietatem esse putasti, sed meram & apertam veritatem solidis & manifestis Scripturæ sacræ testimoniis sufficienter comprobata.

Aliam contradictionem attulisti, quoddam dixerim apud Evangelistas verba Christi, *accipite & comedite*, non debere construi cum nomine, *panem*, quod præcessit, quando Evangelista ait: *Accipit Jesus panem*; quia ibi de communi pane loquitur, quem Ambrosius usitatum vocat. Sed dixi debere construi cum

eo quod sequitur: *hoc est corpus meum*; vel cum eo quod intelligitur; panem benedictum & consecratum. Quasi videlicet hæc inter se opponantur: verbum, *comedite*, non construitur cum nomine, *panem*, quod præcessit: quia significat panem usitatum; sed construitur cum nomine, *panem benedictum & consecratum*, quod intelligitur: cum manifestum sit panem benedictum & consecratum jam amplius panem non esse: sed in Christi corpus esse mutatum: sicut aqua in vinum mutata jam amplius non est aqua sed vinum: & homo mortuus non amplius est homo sed cadaver. Non est igitur sibi contrarium verba Christi, *Accipite & comedite*, non construi cum nomine, *panem*, quod præcessit, sed cum eo quod sequitur, *Hoc est corpus meum*: vel cum eo quod intelligitur, *panem benedictum & consecratum*: sicut construit Ambrosius.

Longum esset cuncta prosequi, nunc præsertim occupationibus me aliud vocantibus: ne etiam per occasionem particularium difficultatum, quas Deo juvante postea per otium carptim excutiemus, causæ caput prætereamus. Notum enim cardinem, in quo vertitur summa nostræ controversiæ esse; in qua, imò in utra significatione accipi debeat verbum substantivum, *EST*, cum ait Christus: *hoc est corpus meum*; an ut substantialitatem designet, an verò ut ponatur pro verbo, *significat*. Ambo dicimus propriam & genuinam significationem verbi, *EST*, esse, ut substantialitatem designet. Fatemur etiam propositionem hanc, *hoc est corpus meum*, veram esse non posse, si verbum substantivum, *EST*, in propria significatione sumatur, & simul ad id respiciatur quod ante horum verborum prolationem exstitit. Nam verum esse non potest, quoddam, id est, hic panis in sua substantia permanens, sit corpus Christi: & nihilominus ne in Christum, qui veritas est, blasphememus, ambo defendimus verum esse quod accepto pane dixit, *hoc est corpus meum*. Sed tu hanc veritatem defendis, dicendo verbum, *EST*, non accipi in usitata & genuina significatione, sed pro verbo, *significat*, quasi dixisset: hic panis significat corpus meum. Ego verò, imò Catholica fides defendit, sententiam hanc à Christo prolatam veram esse, accipiendo verbum substantivum, *EST*, in sua genuina significatione: sed addit, Christum hanc sententiam protulisse, non respiciendo ad id quod erat priusquam eam enunciaret, sed ad id quod his verbis faciebat, & quod futurum erat ultimo momento prolationis eorum: quasi dixisset: hoc quod ex hoc pane verbis meis facio, est corpus meum. Et ut ostendam hunc loquendi modum Christo non fuisse inusitatum, alia ejus verba profero quibus regulo dixit: filius tuus vivit: dixit matri suæ de Joanne Apostolo, *Eccē filius tuus*: dixit ipsi Joanni, *Eccē mater tua*: quibus verbis non intendit significare quod præfuerat, sed facere quod nondum erat: sicut supra latius prosecuti sumus. Imò etiam verbo præterito significavit quod non præfuit, sed tantum prolata oratione perfecit, dicens: *Mulier, dimissa es ab infirmitate tua*. Quia igitur hujus collationis initio tam gratanter accepisti, quod dixi, judicium de Christi Ecclesia ex sola Scriptura juxta D. Augustinum peti debere, cui etiam subjecisti reliquas controversias nullo negotio compositum iri, si ad verba Domini Salvatoris Scripturis sanctis tradita tanquam ad Lydium lapidem explorentur: oro, ut quemadmodum ego multis & certis Scripturæ sacræ testimoniis ostendi Christum verbis indicativis præsentis temporis imò

& præteriti sine ulla æquivocatione tam præcedenti quàm præsentī scripto sæpius significasse, non quod præfuerat antequam loqui inciperet, sed quod suis verbis faciebat: sic etiam certa proferas testimonia, in quibus Christus verbo substantivo, *EST*, usus sit pro verbo, *significat*, præsertim dicendo simpliciter, hoc est illud: ut omnibus ex utraque parte diligenter consideratis, facilius videri queat utri parti magis adhærendum sit: præsertim cum & Veteres omnes & omnia Concilia quæ hujus quæstionis mentionem fecerunt, eam partem amplexa sint quam tuemur, & contrariam expressè damnaverint. Nullum enim unquam audiui designari Concilium in quo vestra sententia probata sit.

Fateor Berengarium primum eam in medium protulisse: sed sicut eam primus attulit, sic eam primus bis terve abjurando, & quantum memini, in abjuratōe moriendo, jugulavit. Quod ais, multos pro hac sententia subiisse mortem, non me movet: tum quia plures pro veritate catholica oppetierunt mortem, tum etiam quia Donatistæ & alii plures hæretici similia prætendentes semper ab Ecclesia contenti sunt. Nam ubi quis pro iustitia moritur, veritatis testificatio est: ubi verò pro errore, obstinationis est miseranda ostentatio. Quod fieri posse testatur Apostolus, cum ait: Si tradidero corpus meum ita ut ardeam, charitatem autem non habuero nihil mihi prodest. Martyrem non facit pœna, sed causa; si videlicet pro iustitia moriatur: sicut Dominus definivit dicens: *Beati qui persecutionem patiuntur propter iustitiam*. Sed de his hætenus. Hoc unum te suppliciter oro, optime Domine, quod & fratrem proprium si tuo loco esset obnixè rogarem, ut diligenter expenso libellò D. Augustini de unit. Eccles. prudentia tua consideret, an audeat confidere se esse in Christi Ecclesia, extra quam salus esse non potest; quis in die iudicii nos non iuvabit tergiversatio & subtilis defensio positionis, sed humilis, simplex & aperta veritatis confessio, quam in mansuetis & humilibus operatur Deus. Bene vale. 18. Decemb. 1577.

Scio non tantum seculares libros vulgaresque sermones, sed etiam sacros libros tam novi quàm veteris testamenti plenos esse parabolis, allegoriis, tropis, aliisque figuratis locutionibus: sed ego eum tropum quæro in Scriptoris sacri usurpatum, secundum quem verbum substantivum, *EST*, pro significat ponatur, quia nondum video mihi illum reperiisse: Nam ubi Christus propter aliquam proprietatis similitudinem significatur esse leo, agnus, petra, serpens, hircus, aut aliud ejusmodi, non est æquivocatio aut tropus in verbo substantivo, *EST*, sed illa ingenuina sua significatione permanente, tropus in attributo quæritur, idque ex iusta aliqua necessitate, sicut lib. 3. de doctrina Christi cap. 16. à te citato docet Augustinus; quapropter si in his sententiis, *hoc est corpus meum*, *hic est sanguis meus*, tropus aliquis esset, is (ut tuâ pace dicam) non esset quærendus in verbo substantivo, *EST*, sed aut in pronomini- bus, *hic* & *hoc*, quæ subjiciuntur, aut in orationibus, *corpus meum*, & *sanguis meus*, quæ de pronomini- bus enuntiantur. Qui tropus specialiter probandus esset, non ex aliis vocibus, sed ex ea ipsa in qua tropus esse asseritur. Non enim sequitur, agnus, leo, serpens, tropo Christum significant, ergo & quævis alia vox. Hæc celeriter dicto & scribo, sciens te satis intelligere

quid velim, etiam si illud non admodum scire exprimam; iterum vale: eo die quo suprà.

Thus Mich. de Baii.

Nunc superest ut carptim & quantà potero brevitate reliquis tuæ disputationis capitibus quæ nodum quæstionis facere videbantur, respondeam.

1. Si Christus ex pane corpus suum benedicendo fecit, igitur simpliciter & consuetà locutione verum est quod postea dixit: hoc est corpus meum.

R E S P O N S I O.

Benedictiones in Scripturis Sacris duobus modis factæ leguntur: sine verbis, & cum verbis: sine verbis ut Matth. 14. Christus aspiciens in cœlum, benedixit & fregit & dedit discipulis panes multiplicatos: sed nulla benedictionis verba protulisse legitur. Similiter Lucæ 9. ubi acceptis quinque panibus & duobus piscibus, suspexit in cœlum, & benedixit illis; non legitur expressisse aliqua benedictionis verba. Sed Genesis 1. *Deus benedixit animalibus, dicens: Crescite & multiplicamini;* & 35. *Deus benedixit Jacob, dicens: Non vocaberis ultra Jacob, sed Israël erit nomen tuum;* & 49. Jacob benedixit singulis filiis benedictionibus propriis, quas & prophetando verbis expressit. Hoc posteriori modo acceptum panem benedixit Jesus dicens, *Hoc est corpus meum.* Quamobrem Christi benedictio, quâ panem benedixit, non præcessit hæc verba, *Hoc est corpus meum*: sed his verbis facta est; ac proinde res verbis istis significata non præcessit horum verborum prolationem, sed potius secuta est, sicut effectus causam sequitur; & idem respiciendo ad id quod præfuit, sicut frequentius in hujusmodi sermonibus respicere solemus, non potest verum esse quod ait Christus, *Hoc est corpus meum*: sed tantummodò respiciendo ad id quod istis verbis efficiebatur; sicut priùs diximus.

2. Si benedictionis vi panis usitatus in corpus Christi transsubstantiatur, quæ tandem sunt benedictionis tam efficacia verba?

R E S P O N S I O.

Huic difficultati clarè & disertè satisfactum est, respondendo quæstioni quâ initio hujus collationis sciscitabaris, si subjectum positum in hac propositione, *Hoc est corpus meum*, mutatur, quando mutatum fuit, quâ vi, quo Domini mandato, quo divini verbi argumento. Legantur verba non tam mea, quam Divi Ambrosii ibi posita; & manifestè inveniatur, quod benedictionis verba efficacia, sint Christi verba, quibus ait, *Hoc est corpus meum*; sicut etiam satis clarè testantur Evangelistæ & D. Chrysost. circa finem homiliæ de Juda proditore, tomo 3. Nec dicimus verbo *transsubstantiatur*, metamorphosin aut transsub-

stantiationem significari: quia potest homo Deo & homini absque ulla mutatione benedicere. Sed dicimus quòd quemadmodum Deus benedicens animalibus, dicendo, *crescite & multiplicamini*, dedit eis generandi facultatem: sic etiam Christus benedicendo panem, his verbis, *Hoc est corpus meum*, de pane corpus suum fecerit.

3. *Libenter damus quod ait Ambrosius, Christum suis verbis elementa omnia posse commutare.*

R E S P O N S I O.

Vellem eadem facilitate dares, quod idem Ambrosius ait: *Antequam consecratur, panis est; ubi autem verba Christi accesserunt, corpus est. Denique audi dicentem: accipite & edite ex eo omnes, Hoc est corpus meum.* Quia non ad alium finem dicit Ambrosius, quòd sermo Christi potens sit omnia convertere, quàm ut persuadeat quòd Christus his verbis, *Hoc est corpus meum*, &, *Hic est sanguis meus*, panem & vinum in corpus & sanguinem suum converterit. Sed tu hæc D. Ambrosii verba, priùs à me citata: *Antequam consecratur, panis est; ubi autem verba Christi accesserint, corpus est*: item, *De pane fit corpus Christi*; novo Calvini tropo eleganter expedis: quòd panis antequam consecratur, panis est: sed ubi verba Christi accesserint, est corpus, non substantià, sed repræsentatione; & quòd panis desierit esse panis, non mutatione substantiæ, sed si spectat usum instituentis & finem institutionis. Certè si panis esse desierit quando ad significandum institutus est: igitur & vox vox esse desinit, quando ad significandum instituitur; quod an aliquis mortalium unquam senserit nescio. Fateor, cùm supradicta verba D. Ambrosii proferrem, hoc omnino de ingenuitate & acumine ingenii tui confidebam, quòd longè citius responderes, aut Ambrosii verba non esse, aut te ejus sententià non teneri: quàm contra omnium legentium sensum conareris ea in alienum sensum detorque-re. Sed video te ita imbutum & sensu & tropo à Calvino inventis, ut etiam pugnantissima tibi non nisi Calvinum sonent & sapiant. Quamobrem videne hic Calvini sensus tibi altissimè impressus, sit velamen & cauterium, de quibus loquitur Apostolus. Cæterùm cùm dicis panem non substantià, sed repræsentatione & institutione fieri corpus Christi, rogo quando & quibus verbis fit panis hoc modo corpus Christi? Scio te dicturum istis verbis quando proferuntur, *Hoc est corpus meum*. Ex quo infero, quòd ante horum verborum prolationem hic panis non fuit corpus Christi, nec substantià, nec institutione. Quæro igitur ulteriùs, quomodo suprà dixisti, quòd si à Christo aquam in vinum mutante dictum fuisset, Hoc est vinum, omnino vel à propria significatione verbi, *EST*, deflexum esset, vel certè verum esse non potuisse, nisi jam antea alià quâpiam vi facta fuisset mutatio? Nam si accepta aqua, sine deflexione à significatione verbi, *EST*, verè dici non potest, hoc est vinum, nisi jam antea alià quâpiam vi facta sit mutatio aquæ in vinum, quomodo sine deflexione à significatione verbi, *EST*, verum esse potest quòd hic panis sit repræsentatione & institutione corpus Christi, nisi jam ante ista verba alià quâ-

quâpiam vi facta fuerit præfacta sacramentalis institutio, quâ hic panis hoc modò corpus Christi effectus sit? Jam puto vides etiam secundum sensum quem prætendis, omnino tibi dicendum, quòd Christus accepto pane dicens: *Hoc est corpus meum*; non ad id respexerit quod erat ante horum verborum prolationem, sed quod verbis suis faciebat, nempe ad institutionem sacramenti, per quam dicit panem hunc factum esse corpus Christi. Ac per hoc vides te, asserendo quòd Christus dicens, *Hoc est corpus meum*, non ad id respexit quod faciebat, sicut ego dixi & Scripturis Sacris usitatum esse ostendi: sed ad id quod præfuerat; non tantum esse in aperto errore, sed etiam te tibi ipsi manifestè contradicere: aut certe ista duo inter se concilia: Non potest verum esse, si accepta aqua dicatur, *Hoc est vinum*, nisi vi aliqua antè facta sit mutatio aquæ in vinum: & tamen verum est quòd accepto pane dicitur, *hoc est corpus Christi* institutione, etiamsi antè horum verborum prolationem nondum facta sit jam dicta institutio sacramenti: sed nunc primum his verbis fiat quòd iisdem, verbis significatur.

4. *Rogas quomodo Christus corpus suum fregit?*

R E S P O N S I O.

Christus corpus suum seu panem benedictum fregisse dicitur: quia sic fregit sacramentum quo corpus suum tegebatur, ut licet corpus integrum & incorruptum permaneret, tamen non ab uno tantum, sed à pluribus sub sacramento sumeretur. Non enim uni, sed omnibus discipulis ait Christus: *accipite & manducate, hoc est corpus meum*. Et si Dominus gloriæ ratione humanitatis in qua lædi potuit, rectè crucifixus esse dicitur, quid mirum, si Christi corpus, ratione formæ panis, sub qua continetur, etiam frangi dicitur? Sed qui ad credendum tardi sunt, faciliè tergiversationes quærunt, quas Christi verbis opponant: sicut opposuit Zacharias dicens: unde hoc sciam? quem Elizabeth latenter coarguens, ait beatæ virgini: *Beata quæ credidisti, quoniam perficientur quæ dicta sunt tibi à Domino*.

5. *Si verbis istis, hoc est corpus meum, fit transmutatio panis in Christi corpus: igitur verbum, EST, relicta propria significatione pro, fieri, positum est.*

R E S P O N S I O.

Possit alius simili modo dicere: si Christus his verbis, *filius tuus vivit*, filium reguli sanavit: igitur verbum, *vivit*, relicta propria significatione, pro, *sanus fit*, ponitur. Et si Lazarus his verbis è sepulcro eduxit, *Lazare veni foras*; igitur verbum, *veni*, ponitur pro, *facio te venire*. Et denique si his verbis, *hoc est corpus meum*, efficitur, ut hic panis sit sacramentaliter corpus Christi: igitur verbum, *EST*, relicta propria significatione pro, *fit*, positum est. Quasi Deus, apud quem ab æterno sunt omnia (nam quod factum est in ipso vita erat) non possit mediante verbo, *EST*, efficere,

re, ut quod est ab æterno apud illum, etiam ex tempore apud nos esse incipiat.

6. *Argumentum quo docetur verbum, EST, in hac enuntiatione, Hoc est corpus meum, accipio pro, esse sacramentaliter: Quotiescunque elementis terrenis spiritualium rerum nomen per verbum, EST, attribuitur, verbum, EST, non demonstrat substantiam, sed declarat quid fidei exhibeatur.*

R E S P O N S I O.

Dicis infra hæc eadem responsione, verbi, EST, unam & simplicem esse significationem, ac subjungis: Semper namque verbum, EST, significat, esse, sed non semper significat, esse substantiam: aliquando quantitatem, aliquando qualitatem, aliquando relationem. Quæ verba non tantum inter se, sed etiam cum hac ratiocinatione pugnare videntur. Inter se quidem: quia ubi analogia est, non est una & simplex significatio. Sed verbum, EST, non potest nisi analogicè pro substantia & reliquis supremis rerum generibus enumeratis ab Aristotele in categoriis accipi, quia alioqui esset unum supremum rerum genus: igitur cum significat aliquando esse substantiam, aliquando quantitatem, qualitatem, aut relationem, non est ejus simplex & una significatio, sed multiplex. Cum hac verò ratiocinatione in hoc pugnare videntur hæc verba, quod ratiocinatio prætendat panem à Christo demonstratum corpus ejus fuisse, non simpliciter, sed tantum sacramentaliter & secundum quid. Nam quemadmodum esse aliquid imaginariè, non est illud esse simpliciter, sed secundum quid, sic etiam, esse corpus Christi sacramentaliter, non est esse corpus Christi simpliciter, sed secundum quid: ac per hoc significatio verbi substantivi, EST, non tantum ex eo multiplex invenitur secundum sententiam tuam, quia analogicè significat non tantum esse substantiam, sed etiam quantitatem, aut relationem, aut aliud supremum rerum genus: sed quia aliquando significat esse simpliciter aliquid, aliquando verò esse non simpliciter, sed sacramentaliter sive significativè. Deinde non explicas in hac Christi sententia, *Hoc est corpus meum*, an attributum, *corpus meum*, significet verum Christi corpus, an tantum signum seu sacramentum corporis Christi. Nam si per metonymiam tantum significet signum seu sacramentum corporis Christi, nihil opus est verbum substantivum, EST, novo tropo & in rhetorica hæcenus ignoto explicare, dicendo quod significet *esse sacramentaliter*: Si verò attributum, *corpus meum*, significet veram corporis Christi substantiam, tunc necessum est verbum substantivum, EST, à sua propria significatione deflectere, ut aliud significet quàm significare consuevit cum simpliciter loquimur: nempe ut significet non simpliciter esse, sed esse sacramentaliter. Oro ut hæc digneris explicare, ne fortè suspicemur te obscuris verbis eos qui parvi sensus sunt velle deludere, & novo tropo obnubilare quod apertè eloqui & in lucem proferre non audes. Sed nunc ad ipsum argumentum veniamus, quo conaris ostendere verbum, EST, in hac Christi sententia, *Hoc est corpus meum*, debere accipio, *esse sacramentaliter*, seu significativè, etiam non obstante quod

verbi, *EST*, fit simplex & una significatio, id quod tamen mihi videtur esse ænigmati simile. Imprimis itaque in tua ratiocinatione assumis universale axioma philosophiæ naturali & Scripturæ sacræ prorsus ignotum, & nullo tamen Scripturæ sacræ exemplo, velut inductionis initio, probatum. Neque enim ullum adfers testimonium in quo ostendas verbum substantivum, *EST*, pro *significat*, vel pro *esse sacramentaliter*, debere accipi, sed tantum asseris te existimare esse axioma perpetuum & indubitatum. De quo tamen axiomate ego vehementer dubito, quia nullum video mihi Scripturæ sacræ testimonium reperire in quo verbum, *EST*, à sua propria significatione translaturum, pro verbo *significat*, aut pro eo quod est *esse significativè*, ponatur. Nam sicut etiam prius dixi, ubi Christus propter aliquam proprietatis similitudinem tropicè dicitur esse agnus, leo, ostium, serpens, vitis, lapis aut aliud ejusmodi, non est tropus aliquis in verbo, *EST*, quo à propria sua significatione transferatur, ut ponatur pro *significat*, vel pro *esse sacramentaliter*, sed tantum in ipsis attributis. Ut igitur rem compendio colligam, in his duabus sententiis, *hoc est corpus meum*, *hic est sanguis meus*, nullus est tropus in subjectis quo à propria significatione transferantur; quia secundum tuam sententiam accipiuntur pro pane & vino proprii nominis. Nullus etiam est tropus in verbo substantivo, *EST*; quia ut ipse confiteris, una & simplex est ejus significatio quæ semper esse significat: igitur secundum tuam sententiam necessum est tropum invenire in attributis, *corpus meum* & *sanguis meus*, secundum quem tropum transferantur à substantiis, quas propriè significant, ad earum substantiarum imagines & sacramenta. Rogo igitur ut testimonium aliquod Scripturæ sacræ proferas, ubi hæc attributa, corpus Christi, caro Christi, sanguis Christi, à significatione quæ substantias significant transferantur, ut harum substantiarum imagines seu sacramenta significant; ne fortè tuo axiomati, cuius nullum profers exemplum præsentis negotio conveniens, ego aliud axioma opponam: nempe quoddam in Scripturis sacris non existet exemplum in quo nomen aliquod Christi substantiam sive divinam sive humanam propriè significans, à sua propria significatione translaturum, elemento aut inanimatæ substantiæ tribuatur, ad significandam aliquam ejus proprietatem. Nam licet Dominus apud Psalmistam hominem ad suam imaginem conditum & divinæ naturæ consortem hoc honore afficiat, ut substantiæ suæ nomen tropo quodam illi commune faciat, dicens: *Ego dixi, dii estis, & filii excelsi omnes*: attamen non faciliè invenietur tale aliquid inanimatæ substantiæ tribuisse.

7. *Qui panem benedicunt, vel de benedicto pane participant, non debent habere in proposito pane & poculo: sed elevatâ mente per fidem, considerare agnum Dei.*

R E S P O N S I O.

Quis nescit panem hunc benedictum esse Christi morientis sacramentum? unde etiam mandatum est à Domino, *hoc facite in meam commemorationem*: ut & offerentes hostiam salutarem, & participantes, elevatâ mente per fidem,

perpe-

perpetuū in eam formam intenti sint quam Christi corpus habuit, & in cruce per passionem, & in resurrectione per gloriam & immortalitatem. Sed numquid inde sequitur, corpus istud in sacramento non contineri? alia forma consideranda est, ut perpetuū habeatur passionis & resurrectionis memoria; sed non alia substantia quā in sacramento ipso contineatur.

Sicut enim de sacramento agitur, jubemur accipere & manducare corpus Christi: sic etiam Joan. 6. dicitur, nisi manducaveritis carnem filii hominis, & biberitis ejus sanguinem, non habebitis vitam in vobis. Sed apud Joannem, testante Augustino, figura est præcipiens passioni ejus esse communicandum, & suaviter atque utiliter recordandum in memoria, quod pro nobis caro ejus crucifixa & vulnerata est: igitur etiam figurata sunt Christi verba quibus ait: Accipite & manducate, hoc est corpus meum.

RESPONSIO.

Verba Christi apud Joannem, quæ nondum instituto corporis & sanguinis Domini sacramento primā facie significabant, carnem Christi eo modo manducandam esse quo laceramus & manducamus carnes boum & arietum, juxta Augustinum simpliciter accepta flagitium aut facinus jubent, & ideo figuratē accipiendi sunt. Sed quia tale nihil jubent verba Christi, offensitas corpus suum manducandum & sanguinem bibendum sub specie panis & vini: ideo nihil opus est hīc figurā. Deinde quando ait Augustinus, figuratam esse locutionem quā dicitur: *Nisi manducaveritis carnem filii hominis, & biberitis ejus sanguinem, non habebitis vitam in vobis; & caro mea verē est cibus*; numquid dicit figuram esse in nominibus, *carnem & sanguinem*; an potius in verbo, *manducaveritis*, & in nomine, *cibus*? sicut & in nomine panis, quod ibi transsumitur ad significandum omne id quod vitam tribuit, sicut & in eo testimonio quod ex Apostolo protulisti: *panis quem frangimus, &c.* Nondum igitur reperisti testimonium in quo nomina hæc, *corpus, caro, & sanguis Christi*, transsumantur ad significandam imaginem carnis aut sanguinis ejus; sed tantum reperisti aliarum vocum translationem, quæ designandis veri corporis & sanguinis Domini proprietatibus deserviant: nempe harum vocum, *cibus, panis, manducaveritis*. Sicut enim esurire dicimur quod vehementer desideramus, sic manducare quo delectamur. Cujus difficultatis tibi conscius, hætenus videris voluisse tegere quod in nominibus, *corpus meum, sanguis meus*, figuram intelligeres, quam in Scripturis sanctis invenire non potes, & ideo illam in verbum, EST, transferre voluisti. Sed quia etiam illius verbi figuratam translationem à te præteritam in Scripturis sanctis invenire non potes, ideo adhuc in luto hæres, nec invenis quomodo ex Scripturis sacris hanc controversiam inter nos componas, etiam si illam ex Scripturis sacris componendam tibi libenter offeramus. Non enim sequitur, verbum *manducaveritis*, & nomina *cibus & panis*, ad significandam aliquam veri corporis & sanguinis Christi proprietatem transferuntur; ergo etiam nomina hæc, *corpus meum, caro mea, sanguis meus*, transferuntur ad significandas harum substantiarum imagines aut sacramen-

cramenta; nec sub signo servit quî corporis & sanguinis Christi veritatem sub venerabilis sacramenti speciebus contineri contendit, si modò per species ipsum corpus ac sanguinem ibi invisibiliter contentum, formam passionis & resurrectionis ejus recolat: sed potiùs Manichæis accedit, qui per corpus & sanguinem Christi non corporis & sanguinis veritatem, sed imaginem intelligendam præscribit. Quia si non veritas, sed imago corporis Christi intelligitur, ubi ait Christus, *hoc est corpus meum*; quid prohibet etiam Manichæos dicere, quodd ubique corpus & sanguis Christi nominatur, ibi non veritas, sed imago & phantasma debeat intelligi? Nec causam juvare potest, quodd super caput 6. Johan. ait Augustinus tract. 26. manducare illam escam & bibere illum potum, esse in Christo manere & illum manentem in se habere, quia ibi per escam & potum non intelligitur corporis & sanguinis nudum sacramentum, sicut intelligi vis per corpus & sanguinem Christi, cum ait Christus, *hoc est corpus meum, hic est sanguis meus*; sed solùm ostendit quis sit modus manducandi veram carnem & verum sanguinem, de quo ibi loquitur Christus, aut si ibi ullam carnis & sanguinis transumptionem intelligit Augustinus, non eam intelligit, quæ est de veritate corporis & sanguinis Christi ad signa corporis & sanguinis ejusdem; sed tantùm quæ est à capite ad corpus, id est à Christo ad Ecclesiam; ut cum dicitur, quodd iste cibus & potus sit societas Sanctorum. Unde nec ullo modo conformiter ad cap. 6. Johannis loqueris, quando temetipsum urgens interrogas, an non vera panis est corpus Christi? ac deinde respondes; est sanè, & tamen verissimè, non substantià, sed quoad significationem; quia apud Johannem nullum est prorsus judicium quodd panis in sua substantia permanens sit corpus Christi propter aliquam significationem, sicut videri vis: Sed Christus se & carnem suam, panem & cibum nuncupat, quia cum pane & cibo similem habet proprietatem, quia videlicet dat vitam mundo. Juxta quem modum, etiam pater ipse panis nuncupatur, cum dicitur: percussus sum ut fœnum & aruit cor meum, quia oblitus sum comedere panem meum. Non enim vocatur Deus, panis angelorum aut hominum antè lapsum; quia pane materiali significatur: sed dicitur panis, quia in se sperantes & sibi adherentes vivificat, sicut panis materialis vivificat se comedentes. Addis ex Scripturis sacris multas metonymias, sed quæ causam non tangunt, quia nulla earum probat, corpus & sanguinem Christi transferri ad significandum signa eorumdem: etiam si ipsum sacramentum, sub quo Christus continetur, signum sit ejus formæ quæ in ejus morte apparuit.

Et quis ignorat omnia sacramenta esse signa? Sed dum Calvinus ex hoc fundamento conatur ostendere, ipsa Sacramenta tantùm esse signa, & nullum prorsus effectum habere nisi quodd significant, non autem quodd nostram salutem operentur; eodem modo prorsus argumentatur quo tu hîc, sic colligendo: Sacramentum Eucharistiæ est signum; ergo non est corpus & sanguis Christi; cum utrumque sit & signum Christi morientis pro mundi vita, & veritas corporis & sanguinis Christi. Sicut aqua in baptismo & signum est, & aqua esse non desinit; sed simul aqua & signum est, sed quando sibi relinquitur, tunc tantùm aqua est. Sicut dicit Augustinus, *quid est aqua, nisi aqua?* Quando verò sub certa verborum forma ad baptizandum adhibetur, tunc efficitur visibile

bile signum: nec tamen dici potest quòd designat esse aqua; sed id verè dicere-tur, si aqua in vinum mutaretur. Sed tu æquitatem judicii postulas in eo quod dixi, Apostolum dicentem: *Panis quem frangimus, nonne communicatio corpo-ris Domini est*; non velle dicere quid sit panis, sed quid participatione hujus panis significetur & efficiatur. Quasi ego dixerim, verbum, *EST*, pro *si-gnificat*, esse positum. Video enim hunc Calvini tropum, quo aliquid aliud esse dicitur quia ipsum significat, ita animo tuo impressum ut vix quicquam di-ci queat quod non statim ed trahas. Dixi igitur in eo quod dixit Apostolus: *panis quem frangimus*; non significari quid sit panis, sed quid participatione hujus panis efficiatur: non exponendo verbum, *EST*, per *significat*: sed ostendendo cujus rei sacramentum sit comestio hujus venerabilis sacramenti, quasi dicas: panis quem frangimus, id est, sumtio panis benedicti, est parti-cipatio seu sumtio corporis Domini, & simul omnium nostrum cum ipso unio, id est unionis sacramentum & causa. Puto enim hujus transsumtionis tropum, tibi ignotum non esse; secundum quem etiam dicitur quòd Christus factus sit sapientia & justitia, id est sapientiæ & justitiæ causa.

9. *Dicit Augustinus, de doctrina Christiana lib. 3. cap. 9. miserabilem esse servi-tutem, signa pro rebus accipere.*

R E S P O N S I O.

Signa pro rebus non accipit, qui in tremendo Eucharistiæ sacramento cor-poris & sanguinis Christi præsentiam agnoscit: præsertim si simul intelligit ip-sam Eucharistiam esse etiam passionis Christi memoriam. Servitus est, ubi quod signum est restantum esse putatur, non ubi signum agnoscitur, & res quæ illo signo regitur non negatur.

10. *Addis Christum in omnibus Sacramentis nos revocare ad ascensionis suæ in cæ-los considerationem: ac proinde non esse nobis de substantiarum corporalium transmu-tatione laborandum.*

R E S P O N S I O.

Quid si alius dicat, Christum suâ incarnatione & omnibus miraculis quæ in terris fecit, nos ad cognitionem & amorem cœlestium revocare: igitur non esse contra Mænichæos, neque de veritate incarnationis, neque de veritate miraculorum laborandum, sed tantum de iis ad quæ nos per ista revocat. Vi-desne in quæ prærupta nos ejusmodi argumenta præcipitent?

11. *Paulus in finis locis panem post consecrationem non minus panem appellat quàm ante: igitur evertit fundamentum transsubstantiationis.*

R E S P O N S I O.

Christus apud Joannem se panem appellat: Ego sum panis vivus qui de cœlo descendi; igitur everit suæ divinitatis atque humanitatis veritatem. Item dicit: *panis quem ego dabo, caro mea est*: igitur everit carnis datæ in cruce veritatem. Si autem & Christus & caro ejus, panis seu cibus verissimè dicitur, quia dat vitam mundo, quare non potest simili tropo etiam panis benedictus & in corpus Christi conversus, panis nuncupari, etiam si post benedictionem non remanserit substantia panis, sed formâ remanente versa sit in corpora Christi veritatem?

Post hæc profers aliquot sanctorum Patrum testimonia, quibus videri vis eos suo tempore sensisse & docuisse sententiam quam tueris. Sed quia his ante annos fere quingentos per Lanfrancum, Guitmundum, Algerum, & nostro sæculo per Joannem Hesselium, aliosque plures plenissimè satisfactum est, productis etiam longè plurium pluribusque ac manifestioribus sententiis, quibus manifestè probantur id & docuisse & sensisse quod usque in hodiernum diem sentit & docet Ecclesia catholica, id quod & ipse satis videris agnoscere, quando fateris eos interdum hyperbolicè de hoc sacramento locutos. Nam quod apertè & simpliciter dixerunt, hoc videris hyperbolicè dictum interpretari; ne cogaris fateri esse mendacium. Quia igitur his Patrum testimoniis per alios satis responsum est; ided his prætermisiss, ad illud transeo quod ais in fine responsionis tuæ;

12. *Horrendam Gothorum vastationem Ecclesiam corrupisse, ipsamque Romanorum Pontificum fulminibus territam, invexisse doctrinam de transsubstantiatione.*

R E S P O N S I O.

Obsecro ex qua Scriptura sacra aliquando didicisti, Ecclesiam Christi perfectionibus esse corruptam; & non potius à vitiis & erroribus, qui dormientibus hominibus tempore pacis irrepere solent, veluti à somno excitatam & purgatam; promittente Domino apud Psalmistam: *Si dereliquerint filii tui legem meam, & in judiciis meis non ambulaverint, & mandata mea non custodierint, si justitias meas prophanaverint; visitabo in virga iniquitates eorum, & in verberibus peccata eorum: misericordiam autem meam non dispergam ab eo, neque nocebo in veritate mea. Non enim continet Deus in ira misericordias suas: sed corripit in misericordia & miserationibus. Sicut etiam Ecclesia orat apud Psalmistam: Domine ne in furore tuo arguas me, neque in ira tua corripas me. Non enim in ira corripit, quando ad hoc corripit ut emendet, & purgat palmites in se fructum facientes ut fructus plus afferant. Unde etiam confidenter dicit: *Virga tua & baculus tuus ipsa me consolata sunt*; fructu, videlicet, qui ex flagellis nascitur. Bonum mihi, inquit, quia humiliasti me, ut discam justificationes tuas. De quo Apostolus: *In disciplina perseverate, tanquam filiis vobis offert se Deus. Et rursus apud Psalmistam: Sæpe expugnaverunt me à juventute mea, dicat nunc Israël; id est,**

est, se antiquis exemplis in persecutione consoletur. *Sæpe expugnauerunt me à iuuentute mea; ætatem non potuerunt mihi, scilicet nocere, sed potiùs prodesse, quia maior seruiet minori.* Et omnis iniquorum persecutio consumitur, operando salutem iustorum. Disciplinam Ecclesiæ non persecutio, sed pax longa corrumpit. Unde Prosper in Sent. *Inimici Ecclesiæ quolibet errore cecentur; si accipiunt potestatem corporaliter affligendi, exercent ejus patientiam: si tantummodo malè sentiendo aduersantur, exercent ejus sapientiam: & etiam, ut inimici diligantur, exercent ejus benevolentiam: quia Deus iis qui eum diligunt, omnia cooperatur in bonum.* Sed & ipse memorià repetens quæ ab annis quinquaginta sex vidi, quando, auctore Luthero, cœpit hæresis has inferiores provincias infestare, inuenio & Abbatis Monachorum, & Capitula Canoniorum, & multitudines inferiorum Clericorum, & turbam laicorum, ab innumeris & infandis sceleribus esse repurgatam, quæ facillè possem explicare, si luberet in hominum vitiis exspatiari. Noli ergo, frater Sanctoaldegondie, noli existimare Ecclesiam Christi fuisse Gothorum vastatione corruptam aut extinctam; ut perniciosum errorem de transubstantiatione susciperet, susceptumque defenderet: sed crede fuisse à somno excitatam & purgatam, ut nascenti errori circa tremendum Eucharistiæ Sacramentum sese sincerè & constanter opponeret: & fidem Catholicam non tantùm verbo, sed etiam celebri festiuitate & conuenientibus ritibus, toto orbe terrarum concordibus animis prædicaret: sicut hodie transactis quingentis annis ab exorto errore constantissimè prædicat. Hæresum & schismatum est, instar torrentis subito extolli, & sedatà tempestate paulatim deficere, sicut testatur Psalmista: *Vidi impium superexaltatum & eleuatum, sicut cedros libani: & transiui, & ecce non erat; & quæsiui eum & non est inuentus locus ejus.* Sicut defecerunt Donatistæ, qui de ducentis septuaginta Episcopis gloriabantur: defecit Berengarius & post eum Hus & Wicleff: imò & ipse Lutherus magna ex parte, recedentibus ab eo Carlostadio & Zwinglio, qui sine episcopis ac presbyteris aliisque sacris Ordinibus in Scriptura sacra commendatis, filiorum ab Ecclesia recedentium turbam coacervantes, Calvino sectam parauerunt: quæ an diu subsistet, an verò paulatim degenerabit ad sectam Anabaptistarum, sicut Lutherana degeneravit ad sectam Calvinistarum, novit Altissimus, qui ad nostram correptionem & purgationem, illam & alias permiscuit exsurgere: quæ aut non flagellantur, recedente zelo Domini ab eis; aut flagellis non emendantur: sed proficiunt in pejus, errantes & in errorem mittentes: Christi verò Ecclesia adversus quam portæ inferi non prævalebunt, stabit in æternum: & licet aliquando velut obnubiletur multitudine scandalorum & falsorum fratrum, qui ortà persecutione exeunt, & instar pælearum vento flante huc atque illuc rapiuntur: attamen etiam tunc in suis firmissimis eminet, ut nunquam abscondatur civitas super montem Christum posita: sed semper & bonis ad consolationem & malis ad persecutionem, satis sit nota & ab hæresibus schismaticisque discreta. Bene vale. 7. Januarii 1578.

Tuus Misch. de Bay.

PHILIPPI MARNIXII
EPISTOLA
MICHAELI BAIO
IN EJUS
RESPONSIONEM
A.D
OBJECTIONES
MARNIXII.

Philippus Marnixius Sanctaldegondius Michaëli Baio.

S. P. D.



Iam plusquàm annus est, quòd reverso mihi ex Frisia, quo negotiorum publicorum causà fueram ablegatus, Amplissime Cancellarie, seriùs redditæ fuerunt tuæ literæ. Et tamen dum responcionem parabam satis festinanter & tumultuariè, denuò ablegatus fui in Germaniam: ubi præter opinionem per aliquot menses hærendum fuit. Postea verò quàm huc redii, audio Lovanium in hostium isse potestatem: quod quidem mihi non solùm per se fuit gravissimum; sed ea etiam re molestum, quòd non putarem nos posthac institutam nostram per Literas disputationem commodè posse perficere. Neque enim est animus ullum tibi periculum creare apud eos qui omni nobiscum communicationi graviter solent interdicerè. Itaque putavi commodius esse tempus expectandum, & in aliam oportunitatem reliquam nostram disputationem rejiciendam, si fortè Dominus suà benignitate nos iterum aliquando conciliare & pristino amicitiz ac civitatis vinculonectere dignetur. Dum id exspecto, adfertur mihi ex Francfortenlibus nundinis libellus cum hac inscriptione, *Michaëlis Baii Regii in Theologia professoris Academia Lovaniensis, ad quæstiones Philippi Marnixii Sanctaldegondii, de Ecclesia Christi & Sacramento altaris responsio.* Perlustro, & comperio meam responcionem meaque omnia argumenta de re Sacramentaria penitus esse omisiss: solam il-

lam

lam Epistolam, quā probabam tuam de Ecclesiæ κατὰ τοῦ in solo Dei verbo consistente iudicium, adjunctam, reliqua omnia deesse. Miror profecto tam malā fide à te nobiscum agi, qui Theologum & quidem Regium te esse profitearis: neque possum tantam contumeliam non tam in me, quàm in ipsam Dei veritatem irrogatam silentio præterire. Itaque responsionem illam, quam totius penè anni intervallo abjeceram, repeto & absolvo, atque in lucem do: & simul tuas omnes epistolas, ut apud me ad verbum asservantur tuā manu obsignatæ, addo; ut faciat lector iudicium apud quem sit veritas. In hoc si quid erit quod minùs tibi placeat vel facti vel scripti ratione, tu tibi imputabis, qui tam iniquum te mihi haud unquam lacesitus præbueris. Itaque venio ad tuam epistolam. Ais, non rectè me tuum animi sensum comprehendisse. Quum enim diceres; Enuntiationes simplices in quibus alterum de altero mediante verbo substantivo, *Est*, enuntiatur, aliquando proferri intentione asserendi id quod est, priusquam talis enuntiatio proferri incipiat: aliquando verò intentione faciendi id quod nondum est quando ejusmodi oratio enuntiari incipit, sed tunc demum erit quando ipsa enuntiatio absoluta fuerit: Haud voluisse te significare (uti à me est acceptum) quasi verbum substantivum, *Est*, bitariam accipiat, aliāque significationem unā atque aliā ratione loquendi habear: sed tantum voluisse ostendere, enuntiationes quasdam, manente eadem usitatā & genuinā omnium vocum significatione, posse aliā & aliā intentione dici, nempe intentione asserendi quod præfuit, & intentione faciendi quod non præfuit, sed quod demum erit, quando ejusmodi enuntiatio absoluta fuerit.

Tu verò, Eruditissime Domine, vide quā pingue mihi ac rude sit ingenium, qui non possum hinc nisi prævaricationem aut collusionem animadvertere. Dum enim quod dixi simulas te destruere, planè astruis. Nec enim aliter potest intelligi, nisi orationem esse earum notionum quas animo ex speciebus impressas infixasque comprehendimus notam. Ex notionibus si sint diversæ inter se, omnino efficitur orationes quibus diversæ illæ notiones explicantur, notanturque necessariò aut diversas esse, aut certè diversas habere significationes. Verissimum enim est quod ait Philosophus hus, ἵτι μὲν εἰ τὰ ἐν τῇ φωνῇ τῶν ἐν τῇ ψυχῇ καθαρὰ τὸν συμβολὰ, καὶ τὰ γὰρ φωνῆ τῶν ἐν τῇ φωνῇ, hoc est: Suncunque voce effertur, mentis sunt symbola; non aliter quàm vocis sunt symbola ea quæ scripto explicantur. Quod igitur intentione mentis quis concepit, id si verborum notis explicet, ea verba intentionem illam complectantur necesse est. Quum igitur ais, enuntiationes manente eadem usitatā & genuinā omnium vocum significatione, posse aliā & aliā intentione dici, quid aliud designas nisi easdem illas enuntiationes idem significando non idem tamen significare, diversasque & non easdem intentiones, unā tamen & eadem significatione explicare? quod certè aut est omnium absurdissimum & planè inter se dissidens, aut ego Latine non intelligo. Nam si alia quidem atque alia est enuntiantis intentio, & tamen intentionis notæ seu voces non aliud atque aliud significant, sed unam, simplicem & genuinam significationem retinent, nē aut illæ intentionem enuntiantis nequaquam explicant, aut simul eadem est & non eadem loquentis intentio, verborumque significatio. Vides in quas

te tendiculas inducis, dum apertam rerum veritatem involucris orationis obtegere conatus es. Exempla quæ producis vel nihil prorsus habent cum nostro hoc argumento simile, vel si qua in re conveniunt, faciunt contrate. Ecquid enim, amabo, habet simile, unam naturam commigrare in alteram, & quidem substantiam brutam, vitā, sensu, ratione atque animā carentem, in divinum Dei domicilium, in sanctum, sublime ac gloriosum Christi Dei filii corpus commutari ac transubstantiari (ut loquuntur vestræ sapientiæ antistites) cum iis propositionibus quibus significatur accidere quippiam substantiæ quod naturali rerum serie usvenire plerumque soleat. Quid enim est usitatus in rerum natura, quàm humanum corpus ex ægitudine convalescere? Aut ecquæ tandem rerum commutatio seu potius *transmutatio* potest esse naturalior, quàm infirmum corpus reddi firmum, & è diverso? Quare si in ejusmodi enuntiationibus quod duntaxat fit, vel in actu est ut fiat, jam esse diceretur, nemini posset mirum videri: quemadmodum si quis calidum esse diceret qui calefcat, frigidum qui frigefcat, saturum qui saturetur, sanum qui sanetur, mortuum qui moriatur: propterea quodd non modò in ejusmodi enuntiationibus potentiæ ad actum, sed ipsius actus inchoati ad perfectionem est ita proclivis atque *propensivus* appulsus, & usque ad breve intervallum, ut vel penè pro eodem habeantur, vel certè nullam obscuritatem ab uno ad alterum traducta pariat oratio. At verò ubi dissimillimæ & disparatæ naturæ sive substantiæ, quibus (ut quæ toto genere inter se dissideant) penitus nihil est commune, aliæ in aliam transformari significantur: equis est ita rerum omnium rudis, qui antequàm illa ipsa tam mirifica transformatio seu *metemorphosis* jam perfecta esse indicetur, putet eam per verbum, *Est*, posse constitui, manente neque quicquam immutata verbi, *Est*, genuinā atque usitatā significatione? Ut si quis quia Christus dixit, ego sum vitis, vos verò palmites, idem mordiculis contendat, verbi, *Est*, manente genuinā significatione, Christum Dei filium in vitem fuisse aut nos in palmites transmutatos. Enimverò haud magis sunt disparata Christus & vitis, quàm Christus & panis: nec minùs verus nec minùs omnipotens est Dei filius, ut efficiat quod ait, & rerum naturas inter se commutet, dum se vitem & quidem vitem veram esse asseverat, quàm dum panem, vel hoc quod omnes Evangelistæ testantur fuisse panem, suum esse corpus testatur; neque est denique transubstantiationis commentum, in uno minùs quàm in altero, vel alienum vel portentosum.

Ais Christum dixisse regulo, *Filius tuus vivit*, aliā intentione quàm ejus servi totidem illa verba, filius tuus vivit, usurparint, manente tamen penitus eadem ac simplice vocum significatione. Non hic repetam quod antè ostendi: Si eadem est vocum omnium utrobique significatio; sanè & eadem est dicentium intentio: aut certè vocum significatio intentionem dicentis minimè explicat. Tantùm dicam, immeritò me perstringi quasi huic argumento in superioribus meis scriptis non responderim. Generali enim illā propositione satisfecerim quā dixi: Illas enuntiationes, quæ quidem eo ipso momento quo proferri incipiunt sunt verissimæ, neque aliud indicant nisi quod jam re ipsa perfectum est, nihil ad tuam ratiocinationem pertinere. De reliquo te judicem faciam, an cùm id Christus regulo illi diceret, non indicabat jam

jam convaluisse suâ virtute ac voluntate ejus filium. Itaque eo ipso momento quo verba proferebat vel proferre incipiebat, jam sanus erat filius, non quidem villorum verborum, quæ merè sunt enuntiativa seu indicativa, sed virtute divinâ Christi, qui voluerat filium reguli convalescere. A quo quàm procul absint, illa verba, *hoc est corpus meum*, vel ex tua ipsius sententia æstimato. Ita enim scripsisti; Quando Christus ait, *Hoc est corpus meum*, non ostendit asserere, quòd panis, quem tunc præsentem habebat quum hæc incipiebat dicere, esset ejus corpus; quia id falsum est, &c. Vides hîc nihil esse quod tuo de transubstantiatione dogmati non repugnet. Verissimum enim est quum Christus inciperet dicere, Filius tuus vivit, eo ipso momento vixisse filium & sanum fuisse: falsum autem fuisse, panem factum corpus quum inciperet dicere, *Hoc est corpus meum*, tu ipse disertis verbis asseveras. Hallucinaris itaque si existimas ex illius exempli similitudine transubstantiationem posse comprobari. Alterum illud exemplum, *Mulier ecce filius tuus*, ita prorsus facit à nobis, ut vel efficacissimè nostram confirmet sententiam. Neque enim es usque aded transubstantiationis studio & amore fasciatus, ut arbitreris iis verbis voluisse Christum substantialiter mutare Joannem in virginis Mariæ filium, vel virginem in illius matrem: tantum enim indicat velle se ut Joannem illa loco filii habeat atque amplectatur; illamque vicissim Joannes matris loco veneretur. Nec est quòd hîc adoptionis juridicæ asylum tibi patrocinari posse arbitreris, ut significationem quam posuimus impugnes. Non enim agit hîc jurisconsultum Christum (quamquam ne ipsa quidem adoptio apud jurisconsultos ullam rerum metamorphosin introducit) sed merentem virginem matrem, Joannis charissimi Apostoli præsentia ac pietate, quasi quâdam sui absentis imagine, representatione ac significatione consolatur: planè quemadmodum Symbolum ac Sacramentum sui corporis in cælum assumpti vult haberi à nobis pro ipsissimo suo corpore, ad fidem unionis quam cum ipso habemus ita confirmandam fulcendamque, quasi vel ipsis manibus atque ore palpandum nobis suum corpus traderet.

Quod quidem, ne exotics quæramus interpretes, ipsemet Christus disertissimè indicat, dum adjicit: *Quoties id feceritis, in mei memoriam facietis*: quasi dicat, nos eâ actione, memoriz atque oculis animi mentisque nostræ siltere Christum præsentem. Et Paulus, *Mortem Domini annuntiabit, donec veniat*. Cui planissimè ad stipulatur Augustinus inquires, *Quum ait Dominus, Nisi manducaveritis carnem filii hominis, &c. figura est præcipiens passioni Domini esse communicandum, & suavitè atque utiliter recondendum in memoria quòd pro nobis caro ejus crucifixæ & vulneratæ sit*. Quod enim tu in posteriori tuâ epistola ad hæc Augustini verba effugium paras, dum ais ideò apud Joannem illa verba fuisse figuratè accipienda, quòd primâ facie significarent eo modo esse manducandam Christi carnem, quo laceramus & manducamus carnes boum, nugas agis. Neque enim hîc de modo sed de re disputat Augustinus, definitque omnino flagitium & facinus esse, humanam carnem quocunque tandem modo seu integram seu laceratam manducare: ac proinde, Manducare Christi carnem & bibere ejus sanguinem, nihil aliud esse nisi condere in memoria, carnem ejus pro nobis esse crucifixam & vulneratam. Atqui sanè nemo nescit unum tantum

esse Christi corpus quod à nobis manducetur, ac proinde Joannis 6. de eodem agi corpore de quo hic agitur. Ibi Augustinus tum ait manducari carnem illam, quum animo recordamur & fide certà nobis persuademus, carnem Christi pro nobis fractam ac vulneratam esse: totidem propè verbis Christi simul & Apostoli sententiam explicans. Nec enim omnino est aliud, panis sacramento in memoriam Christi instituto mortem Domini annuntiare, nisi passioni Domini communicare, & in memoria recondere quòd caro ejus pro nobis crucifixa & vulnerata sit. Fides enim, si nescis, unica est ratio quàm in Christi corpus uniamur, & fiamus os ejus ossibus & caro ex ejus carne, ac proinde carnem ejus manducemus & bibamus sanguinem. Quòd si mirum videtur vobis, qui dente carnem ejus vos premere & sensualiter atterere gloriamini, audite Christum disertè pronuntiantem, Qui venit ad me non esuriat, qui credit in me non sitiet in æternum, & credite spiritalem hanc famem ac sitim non dente sed fide restingui, propterea nimirum quòd cibum illum æternum ac vitæ panem nobis edendum fides præbeat. Quo sensu præclarè scriptum est, ab Augustino: Quid paras dentem & ventrem? crede, & manducasti; & item: Nulli aliquatenus dubitandum est, unumquèquē fidelium corporis & sanguinis tunc esse participem quando in Baptismate membrum efficitur Christi, nec alienari ab illius panis calicisque consortio, etiamsi antequam panem illum edat calicemque bibat, de hoc seculo migraverit in unitate Christi constitutus. Sacramenti quippe illius participatione ac beneficio non privatur, quando in ipso id quod sacramentum significat invenitur. In quo certè nihil docet aliud nisi quod ipse asseverat Paulus, eos qui in Christo baptizati sunt Christum induisse; & rursus: Christum habitare in nobis per fidem, &c. Quæ certè omnia nobis deferuntur, exhibentur, & revera præstantur donanturque in sacrosancto panis hujus & calicis sacramento. Fide enim hoc Domini testamentum, quod morte & sanguine semel sanctum est, amplectentes, omnino & Christum induimus, & cum eo coalescimus, ejusque carne & sanguine enutrimur, & in ejus communionem imus, & denique totum Christum in nobis habitantem eadem fide complectimur. Ad cujus certè admirabilis ac tremendi, neque unquam satis comprehensi mysterii, ratam, sanctam atque exploratam certitudinem, panis ac vinum pro pignore, arrha, & quævis, atque indubitata promissionis divinæ tessera nobis proponitur, & in ejus memoriam commendatur, tantisper donec ipsemet denuò veniat, id est donec suo adventu reipsa, perspicuè ac manifestè promissionis veritatem atque effecta in salutem omnium credentium comprobet. Interea sublato in celum suo corpore, vult hæc nobis pignora hætenus in illius vicem substitui quoad nobis mortem ejus annuntient, & novum sanguinis testamentum, loco illius veteris quod agni paschalis celebratione & brutorum animalium cæde ac sanguine constabat, ob oculos quasi præsens sistat. Quam igitur hic nobis Joannis Apostoli & Virginis matris exempla profers, hæc tu mihi prorsus colludere videris, clarissime Doctor, & prævaricari. Planè enim quemadmodum nec ex Maria Joannis matrem Christus iis verbis fecit, ac proinde neque Joannes in virginei uteri substantiam oculos concepit, ut sibi ex omnipotentia verbi divini fulcrum strueret ad novum indidem quærendum naturæ suæ ortum: neque

1. Ego Berengarius
de conf. d.
2. & in
sens. Later.

Gal.
1 Cor. 1.
Rom. 8.

bis sunt confingenda miracula, ut prætextu omnipotentiae divinae absurdam atque inauditam, & à Scripturis omnique sacramentorum ratione & analogia remotissimam metamorphosim pro libidine architectemur. Quod autem adfers Christum mandando multa fecisse, non equidem diffiteor, si mandatum referas ad mentem ac voluntatem, & non ad magicam vim verborum, quæ tantummodò ad illam explicandam indicandamque adhibentur: Et nihilominus certè, argumentum à verbis mandandi ad enuntiandi voces tractum quàm sit elumbe nemo est qui non videat. Quanquam, quid attinet his immorari, cum neque ante neque post hæc verba enuntiatiua, ullam omnino ex Evangelistarum verbis possis producere circumstantiam, ex qua appareat Christum voluisse ut ex panis eversa substantia sibi corpus constaret sub nudis accidentibus delitescens. Quod si fecisset, tum demum tibi pugnandum esset, ut his verbis indicatis, *Hoc est corpus meum*, illud ipsum posse significari evinceret. Sed cum omnes undiquaque circumstantiæ reclament, cum omnes Evangelistæ testentur de pane Christum loquutum esse, quum omnes Apostoli consentiant etiam post consecrationem panem esse qui frangitur; Christus doceat manifestissime ad memoriam suæ mortis esse institutum, & nihil esse nisi testamentum corporis & sanguinis pro nobis expositi, & nobiscum individuâ societate ac manducatione spiritali conjuncti: cum universa Ecclesia fateatur esse Sacramenta, symbola, signa, significationem, typos, antitypa, figuram, mysterium, mysticam mensam, quæ unusquisque cum percipit (ut Augustini verbis utar) quod referantur imbutus agnoscit, ut ea non carnali servitute, sed spiritali potiùs liberrate veneretur: Quid est quæso causæ cur inutiliter signa interpretando, imo verò verborum significationem contorquendo, à jugo servitutis eductam cervicem de integro pergas laqueis erroris inferere, & in diversis intentionibus unam eandemque vocum significationem nequicquam rimari?

Secundo Epistolæ capite, vitium argumentationis ambiguitate verborum panis consecrati & benedicti, conaris nequicquam involvere. In quo tuum, mi Bait, candorem per Deum immortalem ac vivum obtestor, ut apertè ac sine involucris rem tantam agas. Quod enim ais antè fuisse panem usitatum, postea benedictum & consecratum, planè non dissentio. Itaque quæ inter nos conveniunt in medio relinquuntur. Sed video te propterea quòd verè dicere id quod sentis, nimirum antè fuisse panem, postea non panem sed corpus, neque habeas Christi verbum quo celerem hanc atque improvissam mutationem fulcias; pro corpore succenturiare panem consecratum, de quo nulla penitus est controversia. Cum enim in sacrum usum hic panis à Christo instituat ad ejus memoriam celebrandam, nemo est qui dubitet quin illà ipsâ summatione atque institutione panis jam sit sanctus & consecratus. Quod enim ad sacros usus destinatur, sanctum esse nemo non fatetur: Sed quæsi an verbum, *comedite*, construat cum substantia panis, an cum substantia corporis. Fluctu mihi candidè, genuinè, atque *analogè* debueras respondisse, neque differentias consecrati seu benedicti & usitati usque ad nauseam ingeruisse, cum de illis ne tantillum quidem inter nos dissentiamus. Sic itaque ratiocinor: Quum Christus jubet accipere & edere Apostolos, jubet hoc ipsum accipere & edere

quod ipse accepit, quod fregit, quod eis dedit: Atqui accepisse, fregisse, dedisse panem, omnium universim Apostolorum testimonio liquet: Panem igitur velle edi, & non ullam aliam adscititiam substantiam, luce meridiana est clarius. Quod enim tu hic nobis panem consecratum obtrudis, nihil agis. Vel tuâ enim ipsius confessione hic panis consecratus nihil minus est quàm panis quem acceperat, quum in aliam substantiam toto genere totâque naturâ discrepantem commigravit.

Postea ais, nos in eo consentire quòd verbo, *Est*, utrique tribuamus substantialitatis significationem: quod certè quomodo vel suspicari potueris haud intelligo. „Ita enim scripsi disertis verbis: Una & simplex ejus est significatio. „tio. Semper enim verbum, *Est*, significat esse, sed non semper significat „esse substantiam; aliquando qualitatem, aliquando quantitatem, aliquando relationem designat, aliquando aliam ex decem vocibus seu categoriis pro „ratione rerum de quibus est sermo, &c. Quomodo igitur tu jam ais nos ambobus dicere propriam & genuinam significationem verbi, *Est*, esse, ut significet substantialitatem? Quum inter decem summas voces quæ rerum creaturarum naturis tribuuntur una sola sit substantia quæ substantialitatem notet: reliquæ omnes ad accidentia referantur: & quidem ipse Aristoteles ab omnibus illis decem summis categoriis *τὸ ὅτι κατὰ φύσιν ὄντος* & sejungat & variis etiam modis (quod non potes ignorare) discriminet. Sanè si quis dicat Christum Jesum fuisse dimensum, si bonum, si misericordem, si benignum, si omnipotentem, si Dei agnum, si ostium, si pastorem, si leonem, si vitem, si panem quide de cœlo descendit, si quidvis denique aliud eorum epithetorum illi vendicet per verbum, *Est*, quæ in Scriptura tribuuntur, nihil planè substantialitatis intelligi poterit: & tamen verbi, *Est*, significatio non quidem erit illa maxime omnium propria & prima, sed tamen simplex, genuina, usitata, familiaris & significantissima, quam nemo sanæ mentis vocabit in dubium, etiam si substantialitatis opem haud impleret. Imo verò, ut propius pedem contexam, dico verbum, *Esse*, semper significare, *Esse*, & nunquam nisi valde improprie, fieri: sed propriam ejus explicationem sumendam ex natura & ratione attributi seu materiæ quæ attribuitur subiecto de quo agitur. Et ubi in Sacramentis dicitur de signo per verbum, *Est*, id quod proprium est rei signatæ, omnino improprium & alienam quæri significationem in substantiarum inter se commigratione vel metamorphosi; cùm omnis explicatio in analogia signorum ad res signatas (quemadmodum superiori meo scripto luculenter ostendi) posita sit. „Nam, ut disertè monet Augustinus, quemadmodum in „rebus cavendum est nequis in eis attendat nisi quòd sunt, non etiam si quid „aliud præter se significant, ita vicissim de signis videndum est nequis in eis attendat quòd sunt, sed potius quòd signa sunt, id est quòd significant. Signum „est enim res, præter speciem quam ingerit sensibus, aliud aliquid ex se faciens „in cogitationem venire, &c.

Quòd me in calce, quasi re confectâ, ad Patrum doctrinam fide amplectendam invitans, demiror, cum manifestè probaverim classici omnes Patres nostram sententiam jam ab initio nascentis Ecclesiæ stabilivisse; ad quæ tu mihi ne verbo quidem respondes, nisi quòd quodam loco vidèris me ad nescio quas illo-

illorum rapsodias velle remittere, qui putidas sub nomine Clementis, Ana-
clei, Evaristi, aliorumque larvatorum Patrum nœnias ac ne patientissimi
quidem lectoris auribus dignas farragines, unâ cum detortis nescio quibus Pa-
trum testimoniis confusè permiscet, iisque demùm pro coronide Scholasti-
corum sophistica dogmata quasi ad populum phaleras adjungunt, quibus inuti-
lium nœniarum cantones suos farciunt.

Rationes etiam omnes, quibus meam probavi sententiam, intactas relin-
quis; & posteriori tuo scripto, quod tum eodem accepi tempore, pergis ad
reliqua disputationis capita respondere. Et primo quidem capite ais, benedi-
ctionem aliquando fieri sine verbis, aliquando cum verbis. Hic factam cum
verbis. Ea enim verba, *Hoc est corpus meum*, esse ipsam benedictionem quâ
mutetur panis in corpus. In quo non modò cum innumeris Scholasticis, sed
& cum Christi verbis, & ipse tecum etiam dissides. Antè enim asseruisti, de
jam benedicto pane ea dici, *Accipite & comedite*: Hic ais nondum esse benedi-
ctum nisi postquam ea verba sunt prolata, *Hoc est corpus meum*, & in iis vis in-
telligi benedictionem: quam tamen uno ore omnes Evangelistæ præcessisse
asseverant, ita ut nulla jam sibi tuæ orationis pars constet; quod certè in cau-
sa est ut in verba Christi præceps impingas, eisque veritatem detrahas, in-
quiens non posse vera esse respiciendo ad id quod præfuit, sed tantùm ad id
quod eis verbis efficiebatur: ita ut tibi hæc oratio, *Hoc est corpus meum*, nu-
dè & simpliciter intellecta falsa sit: illa autem quam Christus nunquam dixit,
sed à vobis conficta est, duntaxat vera, Hoc erit corpus meum, vel, Hoc fit
aut efficitur meum corpus. In quo certè video te magistros tuos præcentes se-
qui, qui non minus blasphemè quàm ineptè & perridiculè hoc verborum tur-
pi cœno sententias suas asperserunt: Alii dicunt & meliùs, quòd non demon-
stratur illud quod sacerdos tenet in manibus, quia mentiretur, cùm non ibi
nunc sit nisi panis: Sed demonstratur corpus Christi ratione illius instantis in
quo finitur illa oratio, & fit demonstratio ad intellectum, &c. Ita vobis ip-
sa Dei veritas Christus Jesus mendax est, nisi ad fulciendam vestram ementi-
tam transsubstantiationem patriatur vel significationem verbi, *Est*, in *Fieri*,
novâ quâdam transsubstantiatione commigrare, vel certè recantatâ suâ oratio-
ne, quâ omnes Evangelistæ illum testantur panem quem acceperat, fregerat,
ac dederat demonstrasse, novam vestram demonstrationem quam vocatis ad
intellectum introduci. Et tu etiamnum audes gloriari tritâ te & publicâ viâ incede-
re, neque quicquam obscurum aut involutum in medium adferre.

Quod verò etiam in verbo *in laudem* ita subtiliter philosopharis, ut novam illi
atque inauditam transsubstantiandi vim affingas, à tanto mihi viro perquam
alienum videtur, cùm constet benedicendi verbum idem esse quòd laudare,
gratias agere, ac beneprecari, nihilque habere commune cum substantiarum
transfementatione. Nam illud exemplum quo ais, quemadmodum Deus ver-
bo illo, *Crescite & multiplicamini*, dedit generandi facultatem: ita fecit ex pa-
ne corpus iis verbis, *Hoc est corpus meum*; ita est remotum ab hac loquendi ra-
tione ut responsione nullâ indigeat. Jubet enim ibi Deus creaturas crescere ac
multiplicari: Quod autem jubet, id vult etiam ut fiat. Hic verò nullo verbo
jubet panem fieri suum corpus, aut relictis accidentibus evanescere ut corpori
suo

Englef. 9.
Henrici de
Urimaria
d. 8. c. 2.
ad 5. si for-
mam verò.

suo locum faciat. Vestrum enim hoc est commentum, ad quod tanquam ad lapidem Lydium Christi orationem expenditis atque explicatis.

Quòd autem Ambrosium tantopere urges, quasi ejus verba non possint ad sacramentalem referri repræsentationem, propterea quòd dicat desuisse esse panem, exemplo vocis quæ non desinat esse vox, ex quo ad significandum fuerit instituta: Primùm nusquam equidem reperio dixisse Ambrosium, quòd desierit esse panis: sed dicit ante consecrationem fuisse panem: ubi autem verba accesserint, esse corpus. Quo quid aliud, quæso, notatur, quàm illud vulgatissimum, *Accedat verbum ad elementum, & fiet sacramentum*. Antè quidem nudum erat elementum: nunc autem corporis est sacramentum, seu sacrum corporis signum. Ita aqua Baptismi ante consecrationem est aqua: post verò, ablutio peccatorum, vel indumentum Christi, vel sepultura in Christo. Ita calix benedictionis cui benedicimus, antè quidem erat vinum: post verò consecrationem seu benedictionem est novum fœdus seu novum testamentum in sanguine Christi, seu sanguis novi testamenti, seu communio sanguinis Christi: Hæc enim esse prorsus eadem, ipsa docent Evangelistarum atque Apostolorum oracula.

Atque ita etiam si adjecisset Ambrosius, desuisse esse panem post consecrationem, (quod nunquam probabis) tamen nihil aliud ex eo evinceretur nisi desuisse esse panem talem, qualis fuit ante consecrationem, seu panem elementarem: quemadmodum hostia ante oblationem est agnus fortè vel hircus: post consecrationem desinit esse agnus, & fit *λύτρον* sive propitiatio peccatorum. Desinit enim esse quod antè fuit non substantià, sed usu atque institutione, ed quòd prioris substantiæ non major habetur ratio quàm si non esset. In signis enim, ut ex Augustino ostendimus, non attenditur quod sunt, sed quod signa sunt, id est quod significant: & nihil est usitatus, quàm dicere ea non esse quorum nulla prorsus habetur ratio neque æstimatio. Ita dicitur Melchisedec esse sine patre & sine matre: nimirum, quòd ejus parentum nulla neque mentio neque ratio habeatur. Ita vox Pauli, etsi est aër seu spiritus è pulmonibus & gutture perductus, & deinde ad maniculo linguæ, dentium, & circumstantiis aëris repercussione in syllabas erumpens; tamen ubi Dei scædus in Christo crucifixus eà voce significatur, fideique auribus præsens statuitur, jam non est ampliùs aër (nec enim aëris ulla est æstimatio) sed sacrosanctum ipsissimi Dei verbum, non quidem quòd substantia desinat esse quod antè fuit, sed quòd in alium finem jam sit institutum. Neque ullum planè est sacramentum, in quo hæc ratio locum non habeat. Quæ quidem nos haud à Calvino accipimus, (quod tu invidiosè nobis objicis) sed ab universa Scriptura & consentiente cum illa Patrum doctrina hausimus atque arripuimus: cuine ipse quidem Ambrosius, quem tu transubstantiationis patronum esse putas, refragatur. Quod ut intelligas, seridè ac diligenter totam illam Ambrosii, in libro de iis qui initiantur mysteriis, tractationem examinato. Videbis enim, postquam splendidis ac magnificis verbis sacramenti hujus dignitatem extulit, ac veterum figuris & antiquius esse & multò præstantius, ornatà contentione atque exemplorum, in quibus per Dei verbum ac virtutem rerum naturæ immutata perhibetur, accumulatione comprobavit, tandem in epilogo quorū hæc omnia re-

ferri debeant disertè ac sine ulla verborum ambiguitate demonstrat. „ Quid
 „ hic quæris, inquires, naturæ ordinem in Christi corpore, cum præter na-
 „ turam sit ipse Dominus Jesus partus ex virgine? vera utique caro Christi quæ
 „ crucifixæ est, quæ sepulta est, verè ergo carnis illius sacramentum est. Ipse
 „ clamat Dominus Jesus, *Hoc est corpus meum*. Ante benedictionem verborum
 „ cælestium alia species nominatur: post consecrationem, corpus significa-
 „ tur. Ipse dicit sanguinem suum. Ante consecrationem aliud dicitur, post
 „ consecrationem sanguis nuncupatur, &c. Vides nihil esse quòd vel mihi suc-
 „ censeas, vel Calvinii memoriæ petulanter insultes, quasi ejus commentum sit,
 „ significatione & nuncupatione sacramentali non tantum apud Evangelistas,
 „ sed apud ipsos etiam Patres, panem in corpus Christi commutari, repudiata
 „ commenticiâ vestrà transsubstantiatione. Quod enim Patres tantopere hoc
 „ mysterium admirantur, & supra omnia veterum sacramenta infinitis efferunt
 „ præconiis, variisque potentie divinæ exemplis illustrent: idèd fit quòd in hoc
 „ sacramento verè nobiscum atque *in unum* communicatur atque unitur sacro-
 „ sanctum illud è Virgine natum atque in cruce pro nobis oblatum Christi cor-
 „ pus, ita ut verè siamur nos (non panis ille elementaris, sed nos qui Christum
 „ fide apprehendimus ejusque mortis ac beneficii memoriam hoc sacramento re-
 „ colimus) os ex ossibus ejus & caro ex carne ejus; quâ copulatione nihil potest
 „ fingi aut cogitari arctius, nihil indissolubilius, nihil denique admirabilius.
 „ Ac proinde non injuriâ piorum Patrum mentes in admirationem quasi quod-
 „ dam *istiusmodi* sustollit atque abripit. Sed qui hoc beneficium quod in nos &
 „ in suam Christus ecclesiam confert, ad panis vel substantiam vel accidentia velit
 „ traducere, is profectò non modò stultitiam suam prodiderit, sed à mente ac
 „ doctrina Patrum toto se cælo aberrare perspicuum fecerit. Ita enim in unde-
 „ cimum caput prioris ad Corinthios idem ille scribit Ambrosius: Sicut enim
 „ nos de uno pane & de uno calice percipientes, participes & consortes sumus
 „ corporis Domini, ita & quiedunt hostias participes sunt altaris erroris; &
 „ in caput undecimum: Quia enim morte Domini liberati sumus, hujus rei
 „ memores in edendo & porando carnem & sanguinem quæ pro nobis oblata
 „ sunt significamus, quod est nova lex quæ obedientem sibi tradit cælestibus
 „ regnis. Et mox, Testamentum ergo sanguine constitutum est, quia divini
 „ beneficii sanguis testis est. In cujus typum nos calicem mysticum sanguinis
 „ ad tuitionem corporis & animæ nostræ percipimus: quia sanguis Domini
 „ sanguinem nostrum redemit, id est, totum hominem salvum fecit. Quibus
 „ certè verbis nihil potest dici clarius, nihilque ad nostræ sententiæ atque inter-
 „ pretationis firmamentum accommodatius. Quare & reliqua illa omnia quæ in
 „ libellis de sacramentis proferuntur, eodem ducimus esse referenda. Alioqui
 „ si quid contra tam certam atque indubitatam veritatem ex eis opponatur, non
 „ verebimur cum doctissimis nostri seculi viris eos libellos, qui alioqui satis per
 „ se rhapsodi nescio cujus stilum referunt, pro spuris & illegitimis & cum Am-
 „ brosii sententiâ pugnantibus libris repudiare, & ex iis quæ sine controversia
 „ Ambrosio tribuuntur & Scripturæ sunt ubique consentanea de ipsius mente ac
 „ sensu judicare.

Discis deinde, vocem non desinere esse vocem quando ad significandum est

instituta: quasi nos unquam statuerimus, vel panem desinere esse panem; vel vocem vocem, quum ad significandum adhibentur: vel omnium significatorum parem esse rationem posuerimus: & non libenter demus hanc prerogativam rebus sacris, ut posteaquam semel consecratæ Deoque mancipatæ sunt, nomen profanum prioris substantiæ soleant amittere, & nomen dignius quod à significatione mutantur retinere: ut est superius à nobis infinitis exemplis luculentissimè demonstratum.

Quòd verò etiam festivè & joculariter videris in nos velle retorquere quòd vobis ipsi impegimus; dum quæris quando, & quibus verbis panis fiat corpus Christi, repræsentatione, an ante verborum prolationem, an post: in casum profectò sudas, & cum tua ipse umbra digladiaris. Nec enim quum dicimus fieri corpus Christi repræsentatione, ullà nobis mutatione aut metamorphosi opus est. Magicum enim & cabalisticum hoc est commentum, qui verborum vi elementa putant consecrari. Tota enim illa actio, non certè aliquæ voces aut carmina efficiunt ut panis sit corpus Christi; quia nimirum universà illà actione panis ad eum finem sanctificatus (hoc est à communi pane separatus) destinatur & usurpatur. Nos enim quoties in commemorationem mortis Christi sacramentum usurpamus & mortem Domini annuntiamus, ad tanti mysterii *σφραγίδα* seu symbolum, panis elementum adhibentes: toties & quidem ex eo ipso momento, dicimus hoc esse nobis Christi corpus repræsentatione, usu, institutione & significatione; quod quidem fiat, non verborum seu carminis aliquo murmure, sed vi promissionis divinæ quam fide amplectimur; ac proinde si desinimus ad eum usum panem illum usurpare, jam quod illius substantiæ reliquum est, exemplo vetustioris Ecclesiæ pauperibus destinatur, non ut sacramentum, sed ut panis ac cibus communis quo famis molestia ab esuriēte corpore depellatur; omnino quemadmodum dicimus aquam Baptismi non fieri sacramentum ullà vi verborum ab homine prolatorum, sed Dei promittentis institutione & Ecclesiæ destinatione, quæ illius mandato obsequens aquam ad significandum id quod promisit Dominus usurpat, & præter illum usum nihil est nisi aqua communis; quemadmodum Jordanis olim fuit fluvius quo Christum ipsum baptisavit Joannes. Vides omnia tua firmamenta, quibus videbaris paulò confidentiusculè gloriari, excusso tibi illo magicarum seu cabalisticarum præstigiarum in verbis vim profanam constituentium casto scipione, penitus elumbia corruiere.

In 4. capite, ubi conaris explicare quomodo Christus corpus suum fregerit; multò etiam magis ac magis te tuis laqueis pergis irretire: ita ut perspicuum facias quod ab Aristotele olim usurpatum fuit; *ὅτι ἀρίστου δόξιν, πολλὰ ἔτιονται*.

Primùm conaris te iterum obtegere nebulà illà panis benedicti, quo minùs persentiscatur à simplicioribus quanta sit illa tuæ sententiæ absurditas. Neque enim *ἀπλῶς* fateris Christum fregisse suum corpus, (esset enim omnium absurdissimum;) sed hanc quam metuis absurditatem velas, scilicet illà leviori explicatione panis benedicti, quam nobis nunquam definis fastidiosè inculcare. Sed jam antè rogavi, ut hoc semel expedires, an panis benedictus sit Christi corpus nec ne? Si enim non est: fateri ingenuè, & veritati locum da-

ro. Sin autem: noli posthac tuam sententiam ambiguis sermonibus obtenebrare.

Sed necdum visus tibi fuit hic fucus satis idoneus qui tam fœdas sententiæ labe obtegeret, nisi & alterum illevisset. Ita enim respondes anfractuose: Christus dicitur fregisse suum corpus, seu panem benedictum. Amabo te, quorsum attinebat hoc, *dicitur*? An metuebas ne si aperitè & categoricè dixisses, Christus fregit suum corpus, omnes viderent absurdissimè te loquutum esse? Et tamen necesse est ita loquere, si transsubstantiationis sententiam tueri voles: cum non modò omnes uno ore Evangelistæ testentur Christum fregisse, quod tu asseveras fuisse ipsissimum ejus corpus: sed Paulus ipse testetur idem ipsum quotidie à nobis frangi. Id viderunt olim tui illi hujusce transsubstantiationis architecti in concilio Lateranensi. Itaque pro oraculo docuerunt, ipsissimum Christi corpus non modo edi à nobis in sacramento, sed revera & sensu aliter frangi manibus, & dentibus atteri. Ita blasphemiam trudit blasphemiam, ut clavus clavum.

Tu tamen abhorrens fortasse à tam impio carcinomate, non quidem ais fregisse Christum, sed tantum dici fregisse suum corpus seu panem benedictum, (quasi quod verè dicitur non etiam verè atque efficienter existat;) & addis rationem, quia sic fregit sacramentum quo corpus suum tegebatur, ut licèt corpus integrum & incorruptum permaneret, tamen non ab uno tantum sed à pluribus sub sacramento sumeretur. Hic jam vide rursum quàm fœde impingas, etiam de aliis interroganti de cæpīs quod aiunt respondisti. Quæ si enim, an Christus corpus ipse suum fregit & quomodo? Tu respondes, dici fregisse quia sumatur ejus corpus à pluribus licèt maneat incorruptum. Neque planè ais fractum fuisse corpus neque negas. Quo certè perspicuum facere videris cavillandi studium.

Sed videbas te hîc teneri, neque ullum patère effugium. Omnino enim aut confitendum erat, ipsum Christi corpus fregisse suum corpus, aut certè falsa esse Spiritus Sancti oracula, aut denique evertendam omnem transsubstantiationis doctrinam. Itaque noluisti sententiam tuam à nobis intelligi; in quo certè secutus es vestræ theologiæ magistros Scholasticos, qui etsi peracuti ac solertes homines, mirum tamen dictu est quàm se in hoc nodo explicando anxie ac sollicitè torserint, & variis propositis ventilatisque sententiis, tandem multò quàm antè arctiori nervo sese irretierint. Ita enim hanc quæstionem agi, tant in Sententiarum seu potius Romanæ fidei oraculorum libro: Solet etiam quæri de fractione & partitione quæ ibi videtur fieri, utrùm vera sit: & si ibi vera fractio est, cujus rei sit, vel in qua re fiat; cumque non sit ibi alia substantia quàm Christi, si in aliqua substantia est illa fractio, in corpore Christi videtur esse: sed è contrà, cum ipsum corpus incorruptibile sit, quia immortale & impassibile, in ipso non posse esse videtur, &c. Idèò quibusdam placet, quòd non sit ibi fractio sicut videtur, sed dicitur frangi quia videtur frangi, &c. Hanc tu sententiam verbo tenus videri posses hîc secutus fuisse, nisi è vestigio aliud arripiens, multò altius pedem cæno immerisisses: quòd certè & illis ipsis usu venit. Ita enim disputationem persequitur Lombardus: Quibus objicitur quod ait Ambrosius, nihil falsi putandum est in sacrificio

Hæc ad verbum descripta sunt ex lib. Sententiarum 4. dist. 12. cap. 2.

„veritatis, vel sicut fit in magorum præstigiis, ubi delusione quâdam falluntur
 „oculi, ut videant esse quod non est, &c. Sed hic mirum est eos oculorum
 „præstigias tantopere averfari, cum in transubstantiatione non oculos tantum,
 „sed manus, linguam, palatum, & denique ventriculum ipsum meris præsti-
 „giis confiderenter deludant. Tertiam deinde opinionem ventilant his verbis:
 „Alii dicunt quod sicut ibi species panis est, & non est ibi res cuius vel in qua sit
 „illa species: ita est ibi fractio quæ non fit in aliqua re, quia nihil ibi frangitur.
 „Quod mirabiliter Dei potentia fieri dicunt, ut ibi fiat fractio ubi nihil frangi-
 „tur. Vide quàm protervè ad suas nœnias stabiliendas Dei potentia abutantur.
 „Sed neque hoc illis aridet. Itaque aliud effugium parant, & aiunt: Alii tra-
 „dunt corpus Christi essentialiter frangi & dividi, & tamen integrum & in-
 „corruptibile existere: quod se colligere asserunt ex confessione Berengarii,
 „qui confessus est coram Nicolao Papa & pluribus episcopis, Panem & vinum
 „quæ in altari ponuntur, post consecrationem non solum sacramenta, sed e-
 „tiam verum corpus & sanguinem Christi esse, & sensualiter non solum sub
 „sacramento, sed in veritate manibus sacerdotum tractari & frangi, & fide-
 „lium dentibus atteri, &c. Hæc sanè sententia etsi contradicentes pugnan-
 „tesque inter se enuntiationes simul veras esse profiteretur (quod certè Magistris
 „nostris minimè est insolens, qui pro sua autoritate ejusmodi flagitia omni-
 „potentiæ velo ad populum tegunt:) tamen erat cum transubstantiationis dog-
 „mate omnium maximè consentanea, & concilii Lateranensis pontificisque
 „Nicolai decreto roborata: & nihilo tamen minùs à delicato Magistrorum no-
 „strorum palato quasi minus sapida repudiatur. Aliam enim quam aiunt esse
 „probabiliorem tandem obtrudunt pro oraculo, quam & tibi video, Amplissi-
 „me D. Cancellarie, placuisse. Sed quia corpus Christi, aiunt, incorruptibile
 „est, sanè dici potest fractio illa & partitio non in substantia corporis, sed in
 „ipsa forma panis sacramentaliter fieri: ut vera fractio & partitio sit ibi, quæ
 „fit non in substantia corporis, sed in sacramento, id est in specie, &c. Quæ
 „quidem mihi videntur cum ista tua responsione ad amussim consentire: Nam
 „etsi primâ fronte verba inspicienti videri possis ipsam fractionem in viso potiùs
 „quàm rei veritate ponere: tamen postea ais, fregisse sacramentum quo corpus
 „suum tegebatur. Sed cedò, vir amplissime, quod tandem istud est sacramen-
 „tum? Nec enim potes ignorare vos vestramque Ecclesiam Romanam duo
 „hic sacramenta statuisse. Tria enim omnino vultis esse distinguenda: Unum,
 „quod est sacramentum tantum, ut species visibiles, vinum & panis; aliud, quod
 „est sacramentum & res, ut caro Christi vera & sanguis verus: tertium, quod
 „est res & non sacramentum, ut corpus Christi mysticum; & primum quidem
 „hederæ pro caupona suspensionis comparatis: alterum, ipsi cauponæ: tertium
 „vino cellâ claufo simile esse dicitis. Ac proinde debueras certè explicare utrùm
 „ex his duobus sacramentum fregisset Christus: illudne quod tantum significat,
 „nimirum accidentia panis & vini; an verò suum ipsissimum corpus, quod vultis
 „& rem simul esse & sacramentum? Sed hæc omnia ex composito præteristi,
 „ne in foedissimo humani commenti cœno nimis altè pedem fixisse deprehende-
 „reris. Quod si tamen Romanæ ecclesiæ dogma sequi voles, utique necesse est
 „ut omisso vero Christi corpore (quod tamen præcipuum esse sacramentum
 „semper

*Hac sum-
 ta sunt ex
 lib. Sentent.
 4. dist. 9.
 cap. 1. &
 ibi glossa
 Henrici de
 Utramar.
 Hac simili-
 tudo usur-
 patur d.
 Panormi-
 tano quem
 deinde reli-
 qui sequun-
 tur & Lo-
 vianensis
 & Sibela-
 stici.*

semper inculcatis) ad nuda, inania & planè commentitia te panis accidentia convertas. Et sanè hoc ipso intuitu videris hæc verba adiecisse, *Sacramentum quo corpus suum tegatur*: innuens videlicet, verum Christi, corpus, quod sub panis forma & accidentibus nudis tectum delitescat, nequaquam frangi, sed tantum ejus tegumentum sive involucrum, accidentia nimirum & substantiâ vacuum formam. Verumenim verò, Vir doctissime, cum omnes uno ore Apostoli atque Evangelistæ Christum testentur sumxisse, fregisse ac dedisse panem, (quo certè nomine unâ cum accidentibus & forma substantiam etiam ipsam vel maximè comprehendi ne vos quidem ponitis in controversia,) deque eo dixisse, *Hoc esse suum corpus*: Cum Paulus etiam post consecrationem ubique asseveret, Panem esse quem frangimus, cui benedicimus, quem denique vel dignè vel indignè manducamus, & ex panis natura atque analogia uberrimam & cumprimis salutarem de unione corporis Christi cum ecclesia, ejusdemque membrorum inter se nexu indissolubili doctrinam eliciat; de forma verò seu accidentibus substantiâ nudatis ne iota quidem universa Scripturæ sacræ pagina contineat: quo tandem præeunte Dei verbo, aut quo suggerente spiritu didicistis, ipsum panem neque frangi, neque omnino esse Christi corporis vel sacramentum vel symbolum, sed illo prorsus evanescente commentitiam hanc vestram umbram atque inanem panis formam pro sacramento quæ sola frangatur succedere? cum nemo sanæ mentis homo non videat, planè nullam esse nudis hæc rerum & commentitiis atque inanibus accidentibus cum vero ac vitali efficienterque vegetante Christi corpore analogiam, nullam similitudinem, nullam comparisonem: & jam in scholis vestris ex Augustino vel „ pueris ipsis tritum sit: Si sacramenta nullam habeant similitudinem earum rerum, quarum sunt sacramenta, omnino sacramenta non esse: propter illam „ enim similitudinem, & ipsarum sæpe rerum nomina accipere. Quænam igitur vos vel vis vel ratio vel fortuitus denique casus impulit, ut spreto abjectoque pane qui vim illam vitalem ac salutarem carnis Christi significatissimè nobis ponit ob oculos, quemadmodum post Apostolum Paulum omnes uno ore testantur vetustioris ecclesiæ Patres, & proinde vicissim suum nomen cum Christo communicat, qui se hoc intuitu panem è cælo delapsum appellavit, ut nimirum quam ab illo accipimus vitam ac nutritionem diseretè exprimeret: in ejus locum inane nescio quod vestri cerebri commentum & cassum simulacrum substitueretis? præsertim cum jam omnium Apostolorum testimonio liqueat, veram panis fractionem verba etiam illa quibus transsubstantiationis omne dogma fulcitur præcessisse, ac proinde baud potuisse Christum nuda panis accidentia frangere, cum vel vobis autoribus ante illorum verborum prolationem substantia necdum evanuerit: Ita ut quocumque tandem vos vertatis, utique fiat perspicuum vos à Christi exemplo & doctrina quàm longissimè recessisse. Alioqui obsecro te, vir præclare, cede tandem ex quibusnam fontibus vel rivulis hauserint vestræ hujus præstigiøsæ theologiæ antistites, præcipuum in hoc jus & singularem prærogativam accepisse nuda hæc vestra accidentia, ut hoc Christi corpus invisibile atque impalpabile nullâque corporeâ circumscriptum ut volunt dimensione, non æquè possit sub vero, naturali & vitali pane, atque sub cassis & inanibus accidentibus occultatum delitescere? An

verebantur ne forte non se posset eousque porrigere divina omnipotentia, ut unâ cum pane simul ipsum Christi corpus, disparatas nimirum substantias, uno eodemque loco ontoque momento præsens sisteret? haud equidem arbitror. Quos enim nihil movebant innumerabilia alia miraculorum portenta, quibus pro libidine confictis ad sustentandam mirificam illam suam transubstantiationis machinam, nihil dubitarunt omnipotentia velum quasi quoddam suorum somniorum tegumentum perpetuè & sine ulla fronte confidentissimè obtendere: eosdem vix est verisimile ut disparatarum inter se substantiarum nova coagmentatio seu coalitio conturbaret. An forte existimarunt Christi majestate dignius videri, ut cassis accidentibus quàm ut verâ panis substantiâ corpusejus velaretur? Ne id quidem. Esset enim nimis ridiculum. Quid ergo est? Obfirmarant scilicet animum semel in eam sententiam, ut æternum Dei filium atque adeò Deum ipsum Christum Jesum unicum humani generis Servatorem, non sursum in cælis, (quemadmodum & ipse voluit & Apostoli docuerunt,) sed hîc deorsum in terris quærendum, adorandum, amplectendumque proponerent, eundemque sacrificorum suorum verbis quasi Jovem elicum evocari, manibus porrigi, & instar Perfici numinis circumgestari, litatione denique in peccatorum remissionem & vivorum defunctorumque salutem Deo patri tanquam salutarem victimam offerri. Hoc enim erat unicuique illis & faciendi quæstus compendium, & subjiendarum sibi conscientiarum artificium, si crederet vulgus in illorum esse arbitrio ac potestate, Christum ipsum quoties liberet in terris præsentem sistere, & salutis humanæ mysterium quibus essent benevolentiores dispensare. Ad eam rem arripuerunt hæc sacramenti verba, quibus panem esse suum corpus testatur; eademque non pro ratione sacramentorum & signorum, in quibus nihil nisi quod signa sunt, id est quod significant attenditur; sed ad litteram, & ut loquitur Augustinus, serviliter voluerunt intelligi; & quæ Christus in sui jamjam morituri, seseque in cruce oblaturi & post in cælum ascensuri memoriam fieri jubet, hæc illi ad eum ex cælo in terras evocandum & de integro novo quodam *ἱερευτικῷ* sacrificio immolandum, contra genuinam atque usitatam omnium verborum significationem traduxerunt. Atque inde porro ut novo sacrificio novum adderent miraculum, & ira suæ dignitatis existimationem ac reverentiam in hominum animis novâ religione cumlarent, putaverunt populo esse persuadendum, haud ullum amplius restare panem, sed habere se in manibus & ipsis dentibus premere Deoque offerre ipsissimum illud quod in cruce pendit corpus; quod quidem omnipotentia divinæ obrento velo rudium oculos obtundentes, finxerunt non esse quale olim fuit, visibile nimirum & palpabile, sed mirificâ quâdam & portentosa ac inter se pugnante machinatione, esse hîc quidem penitus invisibile, neque omnino vel sensui obnoxium vel dimensionis corporeæ capax: in cælo autem idem illud & videri & palpari & omnium sensuum perceptioni obnoxium existere, neque tamen vel hîc vel illic coporeâ suâ dimensione ac finibus circumscribi, sed per omnes sacrificorum aras quocunque velit sine ulla circumscriptionis meta se porrigere. Huic autem portentosæ metamorphosî vehementer obstabat quoddam videbant nemini nisi planè cæco & vecordi posse persuaderi, omnem illam pristinam panis formam, figuram, colorem, saporem

rem & reliqua quæ vocantur naturalia panis accidentia penitus interiisse: quippe cum ea omnium oculis manifestè cernerentur, manibus contingerentur, & totis denique sensibus haurirentur. Hæc illi accidentia Christi corpori tribuere nequaquam sunt ausi. Fuisset enim è vestigio deprehensa impostura; cum nemo nesciat verum Christi corpus neque rotundum esse, neque farina-ceum, nec denique panis forma & accidentibus vestitum. Itaque commenti sunt, panis quidem substantiam atque aded ipsum panem ad verba consecrationis diffuere ac penitus evanescere atque interire, eique verè Christi corpus ipsissimum succedere, atque illud unum à sacrificiis, manibus teneri, dentibus premi, & sacrificio immolari, populoque adorandum exhiberi. Sed tamen quia non possunt falli oculi vel reliqui omnes sensus, ided in aère vel nescio ubi tandem pendula hæreere panis accidentia. Ita enim scribunt disertis verbis, quoddam accidentia sensibilia quæ fuerunt in pane, eadem numero maneat post consecrationem, ut patet per experientiam, quia eadem apparent post consecrationem quæ antè, & sensus circa objectum proprium non decipiuntur; & licet multa ibi sint quæ non apparent, scilicet corpus Christi & sanguis, cum accidentibus propriis: ea tamen quæ apparent tanquam propria objecti sensus, qualitates scilicet sensibiles, eadem quæ fuerunt ante consecrationem ibi sunt, &c. Ex quibus certè meridianâ luce clarius fit, universam hanc transsubstantiationis molem nullo planè fidei aut verbi Dei fundamentum, sed solo sensuum externorum iudicio atque experientiâ subnixam consistere. Et quidem in eo ipso iudicio pro imperio illos quod arrideat amplecti, quoddam minùs palato sapiat, anathemate ferire & funesto theta inurere. Ceteroqui cum pleræque post consecrationem omnes omnino substantiæ proprietates, ipsaque essentialis forma quæ dat esse rei, tum reipsâ tum numero eadem permaneat quæ fuit ante consecrationem, neque quicquam immutetur (quod & certissimâ patet experientiâ, & sensuum omnium indubitato iudicio comprobatur) nihil erat causæ cur substantiâ ejectâ, cassâ & nuda accidentia rudis plebeculæ sensibus largirentur. Quod enim aiunt, substantiam non æquè esse proprium sensuum objectum atque sint accidentia, versuram profectò faciunt, & in eodem semper luto hærent. Non enim quisquam non insaniissimus unquam dabit, accidentia quæ nulli inhæreant substantiæ esse propria sensuum objecta. Quod enim omnino sensibus percipiuntur, ided fit quia substantiæ inhærent; quod si ademeris, jam non modo sensibus objici non poterunt, sed planè nihil erunt. Ecquis enim unquam vel oculis vidit vel fando audit, colorem si à substantia colorata divellatur oculis cerni posse? vel rotunditatem sensu percipi quæ nulli rei rotundæ seu orbiculari inhæreat? Accidentium certè omnium una hæc est definitio atque ipsum *τὸ ὄν*, quoddam rebus per se existentibus id est substantiis accidant atque inhæreant. Eo autem sublato ne accidentia quidem esse possunt, utpote quæ nulli accidant, nedum ut sensuum proprium objectum dici debeant: cum nullus certè sensus abstractarum qualitarum, imò verò earum quæ nusquam sunt capax possit intelligi. * Et tamen quando sensuum trutinam certamque ac propriam perceptionem in solis accidentibus voluerunt collocari, debuerant certè meminisse ipsum Christi corpus suapte naturâ dimensum atque aspectabile suisque naturalibus & propriis

*Gab. Theol.
quæst. 1
dist. 12.*

priis vestitum accidentibus, quale fuit in cruce, hinc unà cum panis accidentibus ab eis statui, & tamen sensibus omnino non comprehendi, quos tamen unos atque irrefragabiles testes in corporis sui veritate exploranda Thomam Apostolum Christus ipse iussit adhibere. Fallentur ergo vobis sensus in ipso Christi verissimo, ut vultis, corpore, ejusque forma atque omnibus accidentibus & proprietatibus substantiæ suæ naturaliter ac verè inhærentibus, quæ sunt proprium sensuum objectum: & in fictis atque commentitiis & à substantia sua divulsis accidentibus, quæ neque sensus ullus neque ratio ipsa aut intelligentia queat percipere, falli non poterunt? Hoc certè jam non est loqui, sed fortitò ac temerè arripere quod effutiat, quodque stupenti ad tanta miraculorum portenta plebi pro inani fuco obtrudatis. ~~Et non dubitatis~~ tamen, inania hæc & monstruosa humani cerebri ~~commenta~~, quæ neque Dei verbo, neque ulla vel vera vel probabili ratione potestis tueri, non modò ferro & igni quasi aras vestras ac focos propugnare, sed multò etiam absurdioribus & à Scripturarum veritate atque analogia fidei longè remotoribus dogmatum portentis cumulare. Tu enim hic, ut præclaram hanc ex Magistrorum vestrorum cerebro prognatam minervam in fidei arce possis collocare, non dubitas quasi ex tripode, pro oraculo absurdissimam hanc similitudinem adicere: Si Dominus gloriæ, „ratione humanitatis in qua lædi potuit, rectè crucifixus esse dicitur: quid mirum si Christi corpus ratione formæ panis sub qua continetur etiam frangi dicatur? Quid? an potes esse nescius quòd idiomatica naturis duabus inter se communicentur, quemadmodum locuta est omnis theologorum antiquitas, id fieri duntaxat ratione unionis hypostaticæ, quâ Deitas humanitati personaliter ita conjuncta est, ut ex duabus naturis diversissimis una tantùm existat persona? Tunc igitur huic evanidæ panis formæ seu accidentibus ejusmodi aliquam unionem cum Christi corpore audebis tribuere, cujus ratione atque intuitu quod panis formæ usu veniat, idem Christi corpori sub ea latitanti usu venire non impiè dici possit? At quo tandem verbo, aut quonam Evangelista vel Apostolo teste id comprobabis? cum nemo sit sanæ mentis homo qui tam crassam atque implam blasphemiam toto pectore non aversetur? Et tamen aut hoc tibi statuum est, aut confitendum non modò elumbem atque insanem, sed impiam esse hanc tuam rationem: aut certè ex verbo Dei demonstrandum, quali tandem unionem aut quo genere copulationis, Christi corpus cum panis accidentibus esse connexum intelligatur. Id autem quomodo possit demonstrari non video, cum in universa Scriptura ne minimo quidem apice horum vestrorum accidentium vel tantula mentio injiciatur. Et tamen si dederimus sublatæ panis substantiæ subire accidentia, necdum quicquam effeceris. Nam si non junguntur hæc accidentia cum Christi corpore unionem hypostaticâ, restabit ut conjungantur vel eâ quæ est essentialis ac naturalis, vel eâ quæ dicitur sacramentalis. Naturalem scio te nunquam esse admittendum: neque enim posses tueri. Restat igitur sacramentali conjunctione hæc constet coagmentatio. Quod si ita est, inanis certè est hæc tua ratiocinatio, quâ tribuatur unioni hypostaticæ idiomaticum communicatio, eandem posse sacramentali eodemque jure tribui: ac proinde Christi corpus frangi rectè dici, propterea quòd panis forma seu panis frangantur accidentia, quemadmodum Dominus

gloriæ

gloriæ dicitur crucifigi, propterea quod illa natura quæ crucifigitur cum divina Domini gloriæ natura ita arctè est unita, ut idem sit crucifixus atque idem gloriæ Dominus. Nam planè à diverso efficietur, quum hîc nulla alia nisi sacramentalis unio possit intelligi, haud aliter accipiendum esse quod Christi corpus hîc è cælo sub panis forma sistatur, nisi pro ratione & perpetua norma sacramentorum, id est quemadmodum in reliquis omnibus sacramentis & sacris signis res signatæ sisti solent. Hîc tu tam immensâ absurditatum voragine obrutus, tamen audes quasi prætor aliquis ferre sententiam; Quod qui ad credendum tardi sunt, facîle tergiversationes quærunt quas Christi verbis opponant, sicut opposuit Zacharias dicens, Unde hoc sciam? Quasi verò quæ vestri Scholastici ac Pontifices contra Scripturarum fidem, contra omnem Sacramentorum rationem atque analogiam, contra denique articulorum fidei consensionem absurdissima finxerunt dogmatum portenta, nobis continuò fide sint amplectenda, quia vos ita esse dicitis: quum ipsi tamen à vobis non minus quàm ab Evangelicorum oraculorum veritate dissideatis.

Ad quintum caput quia satis antè responsum est, nihil repetam: tantùm addam, Deum omnia posse efficere quæ velit & quâcunque velit ratione: sed planè non cogitur ad sancienda vestra miraculorum commentitiorum plaustra divinam suam vim atque potentiam quoties vobis adliverit exerere. Illa enim nihil agit nisi quod vult, neque ad sophistarum libidinem vel rerum à se conditarum naturam evertit, vel semel sancitam veritatem labefactat: sed quæ facit miracula, ea facit ita efficienter ut sub sensus veritatis testes cadant & nihil cum magorum præstigiis commune habeant: eademque verbo suo & spiritu eatenus facit manifesta quoad ex usu Ecclesiæ esse novit. Quod autem verbo, *Est*, miracula fabricari posse contendis, nihil est aliud nisi ad quæstionis caput quæstionem ipsam revocare, & petendo (ut dialectici loquuntur) principio non modo actum agere, sed ferulâ se dignum præbere. Quæritur enim, an Deus verbo, *Est*, id fieri voluerit quod est in controversia. Tu ut ostendas voluisse, dicis eum si velit posse mediante verbo, *Est*, efficere quæ velit: quæ quidem argumentandi ratio omni responsione indigna est.

In sexto capite fidem tuam, mi D. Doctör, iterum vehementer desidero. Reprehendis quod dixerim, verbi, *Est*, unam & simplicem esse significationem, ut semper significet, *Esse*, selt non semper significet, *Esse substantiam*, sed aliâ etiam summis tribui vocibus. Hæc tu verba ais non tantùm inter se, sed etiam cum mea ratiocinatione pugnare. Inter se quidem, quia ubi est analogia, non est una & simplex significatio: sed verbum, *Est*, analogicè refertur ad decem voces: ergo non est ejus simplex significatio, &c. Sanè si simpliciter dixissem esse unam, simplicem & perpetuam verbi, *Est*, significationem, haberes fortasse quod suggillares: Sed quum certant subjunxerim interpretationem, ut nimirum significet semper, *Esse*, sed non semper, *Esse substantiam*: eccui facies fidem te hîc bonam fidem præstitisse? Quum enim dico, *Esse*, semper significare *Esse*, tum dico verbi, *Est*, significationem in se quidem esse unicam, sed respectu rerum cui tribuatur esse analogicam.

Hoc si non esset, jam necessariò esset una ex decem vocibus. Sed quia omnibus decem vocibus peræque accommodatur, quamvis diversâ ratione: idèd esse supra illas omnes voces præclarè est à Logicis definitum. Itaque quàm tu ipse hic turpiter impingas vide, qui contendas verbi, *Est*, significationem semper significare substantialitatem. Ita erit $\alpha\delta\epsilon$ unum ex decem vocibus & quidem erit substantia. Nihil enim nisi meram significabit substantiam.

Quod quidem si discipulorum tuorum quiquam dixisset, serulâ certè dignum iudicares: Et tamen paulò post etiam impingiturpius, dum significationem sacramentalem ab omnibus decem vocibus planè separas. Et ais significationem verbi, *Est*, non tantùm ex eo multiplicem inveniri quia decem vocibus accommodetur: sed etiam quodd aliquando significet aliquid esse simpliciter, aliquando non simpliciter, sed significativè & sacramentaliter: quasi verò hæc significatio sacramentalis non manifestè ad relationis categoriam sit referenda. Nam si *καταγορεύεται* quippiam de altero dicitur, quâcunque tandem ratione respectuque ei tribuatur, omnino necesse est ad harum decem vocum unam referatur. In quo tu vidèris in vocem analogiæ impegisse, quam pro æquivocatione seu amphibologia sumisti, & *παρόντων* cum *ἐναντίοις* seu æquivocis confudisse. Etenim verbum, *Est*, per se quidem *παρόντων* est, & cuicunque tandem categoriæ accommodetur, significat *Essè*: sed cum aliis comparatum, tum demum æquivocè seu ut tu loqueris analogicè dicitur, & non simpliciter. Ita cum dicimus, Hominem pīctum esse hominem, verbum quidem conjugens has voces significat simpliciter esse, non autem esse substantialiter, sed tantùm per similitudinem, seu ratione *πρὸς τι*; & tamen æquè propriè dicitur imago esse id quod refert ratione similitudinis, ac ratione substantiæ dicitur homo esse homo. Sed si rationem similitudinis cum substantia conseras, tum demum hujus comparisonis intuitu alterum diceret simpliciter, alterum secundùm quid & non simpliciter. In quo demiror tantòpere hospitem te videri, qui apud tuos nihil audias videasque frequentius. Nullusenim est vicus, nullus angiportus qui non habeat aliquod *ἰδωλον* seu simulacrum, de quo nemo est vestrū qui dubitet dicere, hæc est Maria, hic est Christophorus, hic est Christus crucifixus, & infinita ejusmodi: sed de modo interrogati, continud respondetis, ad memoriam seu similitudinem earum rerum quas significant ita dici. Et interim non auditis Christum ipsum sese explicantem, dum jubet ut in sui sūæ crucis memoriam non simulacra aurea saxeave erigantur, sed panis ac vini symbolum in sacrosancta coena usurpetur.

Tandem venis ad meum argumentum, in quo me ais assumere axioma Philosophiæ naturali & Scripturæ sacræ prorsus ignotum. Quod an ita se habeat ex superioribus quæ à me scripta sunt, ne sæpius repetita fastidium pariant, lectori æstimandum relinquo.

Postremò, quasi persentiscens veriste nihil rationibus efficere, ad cavillos plusquam sophisticos confugis. Ais meis exemplis quæ produxi non quidem verbum, *Est*, sumi tropicè seu sacramentaliter ac figuratè, sed ipsum attributum, corpus scilicet aut sanguinem; quod quidem et si nobis quasi quemdam

dam Ajacis clypeum iteratò objicis, quàm sit tamen puerile ac penitus elumbe tu quæso ipse judex esto. Ego si de simulacro quopiam vestro dixero, Hoc est S. Franciscus vel Dominicus, & interrogatus an substantialiter ita sit, vel ut ipsius Augustini exemplo utar, si dixero, Hic dies est dies resurrectionis seu paschatis, respondero verbum, *esse*, ibi (quemadmodum idem loquitur Augustinus) positum esse in signo vel significatione: si quis me hic suggillet quasi tropus non sit in verbo, *Est*, sed in attributo, nimirum Francisco & Dominico, vel Paschatis die, ut dicam verba mea sic debere intelligi, hoc est verè Franciscus, vel hæc dies verè est Pascha, id est Francisci imago, vel Paschatis rememoratio: quis ejusmodi hominem cum tam putida sophistica non putet esse procul explodendum? Sive enim dicas hæc verba, Petra erat Christus, innuere quòd Petra significabat vel repræsentabat, vel figurabat, vel sacramentaliter notabat Christum, (ut tropus sit in verbo, *erat*,) sive ponas tropum in attributo, & dicas tantumdem exprimere ac, petra erat significatio, vel signum, vel repræsentatio vel figura, vel Sacramentum Christi: quis est ita cæcus qui non videat hæc penitus eodem recidere? Et tamen videmini nescio quomodo vobis in ejusmodi cavillis delitiosos triumphos facere, & quidem usque adeò ut nonnulli libros quos de nostrorum disentionibus inscripserunt, non dubitarint ejusmodi puerilibus nœniis infarcire, quibus rudi plebeculæ persuaderent Zwinglium, Oecolampadium, Carlostadium, Calvinum & nescio quos alios inter se digladiari propterea quòd alii in his verbis, *Hoc est corpus meum*, tropum in verbo, *Est*, alii in attributo corporis posuerunt. Quæ quidem nimium impudens calumnia quum in nemine terenda planè sit (nec enim est quisquam ita cæcus qui nesciat ne tantillum quidem hæc inter se significationis veritate discrepare) tum certè vel maximè in vobis, qui scholasticæ vestræ theologiæ rivos propè ex Aristotelis fontibus deduxistis, prorsus est intoleranda, quum disertis verbis præeuntem habeatis vestrum Aristotelem, apertèque in metaphysicis ita docentem: *ὅτι αὐτὸ δι' εἰναι λέγεται, σημαίνει τὰ σχήματα τῆς καθ' ἑαυτὴν οὐσίας, τοσαυτὰχὺς τὸ εἶναι σημαίνει*, id est, Per se autem dicuntur esse ea quæcunque in categoriæ figuris significatione continentur; nam quocunque tandem modis dicuntur, totidem planè significant, *Esse*. Ex quibus certè non debeatis ignorare in omni enuntiatione verbum, *Est*, adhiberi ad significandum eam quæ est inter extremas utrasque voces inter se conjunctionem copulationemque, & quidem pro ratione ac natura ipsarum vocum quæ inter se copulantur. Itaque quemadmodum, *εἶναι διαφέρει τὸ ἀνθρώπου ὄντα*, ἢ τὸ ἀνθρώπου σημαίνει, teste Aristotele: ita planè nihil interest utrùm dicas, panis est signum corporis, posito nimirum tropo in voce attributi corporis; an potius, panis significat vel signat, vel repræsentat ipsissimum corpus Christi, posito eodem in verbo, *Est*, quod adhibetur ad copulandum attributum cum subiecto. Certissimum enim est quod idem ait Aristoteles: *ὅτι τῶν κατὰ μεθ' ἑαυτὴν συμπλεκόντων λογισμῶν ἕκαστος αὐτὸ πᾶν κατ' αὐτὸ ἐν ἑνὴν κατὰφασιν λέγεται ἢ ἀποφασί, πᾶς δὲ αὐτῶν ἄλλα τέτοιαι συμπλοαὴ κατὰφασιν ἢ ἀποφασί γίνεται, αὐτὸ δ' εὐθέως καὶ διαίρειν ἐστὶ τὸ ψευδὲς καὶ τὸ ἀληθές*. Id est, quòd nihil eorum quæ conjuncta non sunt, in affirmatione aut

negationedicitur: sed ex eorum mutua quadam inter se conjunctione omnis manet vel affirmatio vel negatio. Nam circa conjunctionem aut sejunctionem verum & falsum omne versatur. Quod quidem cum in omnibus omnino categoriis quæ per se esse dicuntur sit extra controversiam *ὅτι ἡδὲν τῶν τῶ ἰσχυρῶ ἂν αὐτῶ ἐμφανίς*, id est, propterea quod eorum unicuique, *Esse*, idipsum significat, tum certè vel facillimè potest in analogicis & sacramentalibus loquendi rationibus quæ in signo positæ sunt & per similitudinem explicantur intelligi. Quod ipse tu facillè potuisses perspicere, si disertissima te Augustini verba superiori à nobis epistola ex libro ejus contra Adamantium Manichæum producta non piguisset examinare, vel certè iudicem ipsum ac dictatorem Christum docili aures controversiam hanc omnem suis verbis decidentem auscultare. Uno enim loco ait, hoc est sanguis novi testamenti: & altero, ne disputaretur ubi esset tropus, in verbo ne an in attributo, sic locutus est, & se explanavit: Hoc poculum est novum Testamentum in meo sanguine. Quod si velimus in verbum resolvere, idem valebit atque, Hoc poculum testatur, vel testamento ac fœdere sancit meum sanguinem pro vobis effusum esse in remissionem peccatorum vestrorum. Vides, Vir doctissime, sive tropum in verbo, *Est*, constituas, sive in voce subiecto attributa: id est sive dicas poculum esse sanguinem vel sanguinis fœdus ac testamentum; vel denique sanguinem testamentum sancire; prorsus idem te dicere: vel certe necesse esse ut Evangelistas ipsos mendaces ac tropistas seu hæreticos & sacramentarios esse convincas; qui manifesta Christi verba de sanguine per tropum explicarunt, & quid de iis quæ de pane dixerat esset sentiendum apertissimè commonstrarunt. Apageligitur cum istis frivolis effugiis & verborum inanibus ampullis, & cum se Christus dicit esse vitem, agnum, &c. tu si libet explicare per tropum in attributo: ego etiam si dixero unam esse & perpetuam verbi, *Est*, explicationem, ut semper, *Esse*, significet: tamen non dubitabo ita exponere quasi dicat se esse similem non agno, viti, aut ostio tropico, (quemadmodum vos apud ignaram & stupidam plebem nos fingitis statuere nescio quod corpus Christi tropicum seu figuratum atque commentitium,) sed vero ostio, vero ac naturali agno, veræ denique viti: Sed dicam verbum substantivum, *Esse*, hic non substantiam, sed similitudinem notare; ut cum de bardo homine dicitur, eum esse asinum, caudicem, stipitem: quod nimirum ingenii tarditate *ἀνέλπον*, quidam iis referat. Ex quo, Amplissime Cancellarie, facillè cernis necesse esse ut corruar invictus ille tuus aries quo nostrum perpetuum atque indubitatum axioma sperabas te posse convellere. Ais enim quod „ in Scripturis sacris nullum exstet exemplum, quo nomen aliquod Christi substantiam sive divinam sive humanam propriè significans, à sua propria significatione translatum elemento aut inanimatæ substantiæ tribuatur, ad significandam aliquam ejus proprietatem. Nam etiamsi esset hoc omnium verissimum, quod minimè est: quid quæso tamen efficeres, nisi quodd nobis gladium in manus porrigeres quo in tuum jugulum contorto tibi omnino pereundum esset? Eadem enim argumentandi ratione valeret & hoc axioma: Nullum posse produci ex Scriptura exemplum quo Christi corporis & sanguinis nomen

men, mutis ac brutis creaturis tributum transsubstantiationem invehat. Ac proinde nullam esse rationem cur & in iis verbis quibus instituuntur sacramenta quæ sunt *εφ' ου* signa & typi & ad memoriam & annuntiandum Christi mortem instituta, tale quippiam præter omnem rationem atque exemplum cōfingī debeat.

Sed audi Augustinum exemplis quibus hoc tuum axioma jugulatur & Christi nomen mutis elementis tribuitur utentem: cujus authoritati pro tua modestia sat scio non voles refragari. Is verba illa Pauli, *Petra erat Christus*, prorsus eadem ratione exponit, ut Christi nomen tum divinam tum humanam substantiam significans tribuatur petrae, ad significandum signum seu sacramentum quod in illa petra Dominus populo proposuerat. Et illud ipsum exemplum ad hanc ipsam rem de qua agimus ita accomodat, ut doceat propter similitudinem & analogiam quam habent inter se signa & res signatæ unius nomen alteri tribui. Sed hæc tu omnia à nobis toties inculcata, tamen surdâ aure prætereundatibi putasti. Deinde, quoties obsecro arca fœderis nominatur ipse Jehovah exercituum? Quid? an non Jerusalem nominatur Jehovah Justitia nostra. Ecquem autem nosti Jehovah qui sit Justitia nostra, præter unum Christum? Decolumba an non dicitur, fuisse Spiritum Sanctum? Et tamen nemo est ita omnis sensus ac rationis expertus qui propterea Spiritum ipsum & Patre & Filio Christo procedentem in columbam fuisse transsubstantiatum; vel è diverso columbam in Spiritum somniet. Sunt enim hæc temulentorum seu potius furioforum hominum infomnia, quæ mens ægritudine & præjudicatæ opinionis errore occupata, per visum seu *phantasma* sibi reddit verisimilia.

Pergis deinde ad refutationem nostrorum argumentorum. In quo pleraque, & quibus urgeris vehementissimè, silentio præteris, & ad Synodi Nicenæ decretum pedem refers, atque ais neminem esse qui nesciat, Panem hunc benedictum esse Christi morientis sacramentum. Unde etiam mandatum est à Domino, *Hoc facite in meam commemorationem*: ut & offerentes hostiam salutarem & participantes elevatâ mente per fidem, perpetuè in eam formam intenti sint quam Christi corpus habuit. Sed non propterea sequi, corpus istud in sacramento non contineri: Aliam enim formam considerandam esse, ut perpetuè habeatur passionis & resurrectionis memoria, sed non aliam substantiam quam in sacramento ipso contineatur.

Hic tu mihi vidêris, quod tanti viri pace dixerim, quasi alto quodam & supino veterno confopitus, omnium eorum quæ antè dixisti penitus esse oblitus. Nam ne concilii Nicæni authoritatem cogaris elevare, simulas te nostræ sententiæ prope ad amissum astipulari. Ais enim panem hunc benedictum esse sacramentum Christi morientis. In quo certè si tibi constares, & superiora omnia quæ de transsubstantiatione enixus es stabilire, everteres, & cum veritatis doctrina pulchrè consentire. Sed continuò pedem retrahis

----- veluti qui sentibus anguem
Pressit humi nitens, trepidusque repente refugit.

& variè tecum ipse pugnās, ut facilè appareat, quum dixisti neminem nescire quin panis hic benedictus sit Christi morientis sacramentum, longè sensisse aliud quam verba præ se ferant: & voluisse te hinc iterum effuso illo obscuro & ambiguo panis benedicti verbo, quasi sepiæ quodam atramento involvere; metuens videlicet ne ut forex, quod aiunt, tuo ipse iudicio prehensus tenerere, si planè ac sine ambagibus vel panem vel Christi corpus nominasses. Quid enim est obscuro panis iste tuus benedictus, quem tu nobis usque ad nauseam toties ingeris, & Christi morientis sacramentum esse pronuncias? panis ne? At nullus vobis restat panis; an corpus Christi quod pani successit? At non ignoras Sacramenti definitionem esse, ut sit sacræ rei signum: atqui jam corpus Christi est ipsa res sacra: non potest igitur sui ipsius esse signum, præsertim quum non sit visibile. Quam certè notam Augustinus & reliqui omnes Patres in sacramentis animadvertunt. Adjicis propterea mandatum esse à Domino ut hoc faciant in sui commemorationem. In quo nisi tutemet tibi oculos rancidis magistrorum tuorum collyriis oblevisses, facilè cereres te hic universam transubstantiationem jugulasse, nihilque nos ab orthodoxa fide aberrare, qui doceamus hoc sacramentum benedicti panis & calicis in ejus mortis memoriam ac sacrum signum esse institutum. Sed evertis è vestigio quæ dixisti, & jubes ut offerentes hostiam salutarem intenti sint non in eam formam quam vident, sed in illam quam habuit dum viveret & in terris conversaretur: quo quid potest esse absurdius? Nam si est illa vestra hostia verissimum atque ipsissimum Christi corpus, quemadmodum soletis etiam ignibus & gladiis effertè contendere; quid est necesse in aliam formam intentos esse vestros sacrificios? quasi verò ea forma quæ Christo ipsi placuit non etiam vobis placere debeat: aut quasi Romanæ Ecclesiæ Scholastici Christo præscribere debeant, quā ille nobis formā sit adorandus. Sed quid quodd & in Romanam Ecclesiam es contumeliosus? Illa enim dum se corpus Christi capsulā condere arbitrat, dum se illud per fercula & pompas tum flaminales tum funerales circumgestare credit, & non modò incensis facibus, thure, campanis ac libaminibus colit, sed etiam quotidie in missa univèrsò populo tanquam Deum ipsum rerum omnium conditorem ac vitæ fontem adorandum proponit: tantum certè abest ut ad aliam aliquam formam populum revocet, ut qui coram hac ipsa forma vel vitreā etiam capsulā inclusā non ad genua actutum provolvantur, eos confestim ignibus atque extremis cruciatibus addicant. Tu tamen illā formā neglectā aliam vis considerari, ut possit haberi ejus passionis & resurrectionis memoria. Vides enim pro tuo ingenii acumine Christum neque passum fuisse unquam neque resurrexisse in forma panis; ac proinde ut ejus memoriam tibi proponas, aliam omnino formam esse animo ac mentis oculis objiciendam. In quo fortè non planè abs re lignei vobis & saxeï vestri crucifixi, atque alia simulæ cræ seu *ιστάματα* ac deorum formæ ex usu erunt. Sed vide quā iniquè agas. Christus, ut nobis vim atque efficaciam salutarem ac vivificam sacrosancti sui corporis & sanguinis à virgine matre accepti & in cælum postea sublari præ oculis mentis ac memoriæ statueret, putavit nullum se posse magis proprium atque accommodatum, nullumque significantius signum, sacramentum, aut mne-

mosynon proponere nisi panem & vinum, ut nimirum illis sumptis ejus mortis perennem memoriam retineremus. Vos quasi Christum Dei filium sapientiā longē antecellatis, primū abjicitis panis substantiam, & nuda relinquitis accidentia quæ mirabili verborum fūco formam nominatis, cū nullius formati formam esse posse ipsi suaviter in scholis vestris disputetis. Mox non contenti tantā contumeliā Christi affecisse institutionem, etiam formam ipsam eripitis, & ad aliam formam vultis animi nostri atque oculorum aciem esse intentam. Et interea ne ullum infantæ vestigium relinquatis intactum, unam illam ac simplicem corporis esse substantiam pugnat. Necessum igitur est Christi corporis unam & eandem substantiam diversas habere formas. Unam nimirum quam sumpsit à matre virgine: alteram, quam à pistore seu fornacario mutuam vestri sacrificii solemnī carminis præstigio corpus ejus effecerunt. Ita una ejus forma erit in cælis, altera in terris: una vera, ejusque omnibus proprietatibus atque accidentibus vestita, quam secum post mortem abiens abstulit, eādemque se denuo ad iudicium venturum dixit: altera imaginaria sine ulla aspectabili figura ullisque sensui objectis accidentibus, missatica nimirum, quæ neque in pane sit, neque in corpore, neque pendeat in aëre, neque in manibus sacrificii hæreat, nec in stomachum delabatur: sed sit quod non est, & non sit quod est: quodque malefanum Scholasticorum cerebrum extra Dei verbum somniavit, & stolido mundo pro miraculo obtrusit.

In octavo capite variis uteris involucris, ut ostendas caput Joannis 6. ad sacramentalem manducationem minimè pertinere; quod si luberet contradicere, haud me deficerent veterum Patrum testimonia. Sed lubens acquiesco, modò & tu fateare quòd Christus cap. Joh. 6. promittit id ipsum præstare in cruce, idemque ipsum ante crucem significantissimè in cœna sacramento ad sempiternam sui recordationem instituere. Itaque non est alia manducatio Christi corporis proposita Joan. cap. 6. alia in cœna, nisi quatenus ad sacramentum attinet. Christus enim Joan. 6. testatur se esse verum illum panem qui de cælo descendit & mundo vitam largitur, non enim vi carnis, sed Spiritus divini carnem vivificantis, & quasi quodam organo seu tubo utentis, per quem fidei apprehenditis virtute vitam & justitiam in nos transfundit. Frustra itaque desudas, quum hic elabi te posse speras objectā lectori diversæ manducationis nebulā. Omnino enim, quemadmodum Joan. 3. Christus dum dicit, homini esse renascendum qui vitam velit ingredi; non quidem instituit Baptismum, sed illud ipsum planè declarat quod Baptismo nobis tanquam certā atque indubitātā tessera & *specyvi* obsignatur exhibeturque: ita dum docet sese in hunc mundum venisse, ut vitam mundo præstet & credentibus justitiam, per veram illam ac mirificam sui corporis nobiscum unionem, longè profectò arctiorem quàm sit illa panis aut vini cum corporis substantia & carne coalitio, non instituit quidem ille cœnæ sacramentum, sed verum ejus effectum ac finem declarat. Et sanè in cœna nihil consequimur aliud, vel Paulo teste & te etiam astipulatore, nisi ut in Christi corpus & sanguinem ad vitæ æternæ participationem uniamur & coalescamus. Quare quod hic identidem nos traducis, quasi cœnæ Sacramentum nudum & inane signum esse doceamus, neque ullum

ullum habere effectum nisi ut significant: bona si tua cum venia licet dicere; mera calumnia est; nisi tu inane signum audes fortasse appellare, cum quo & per quod tanquam per intermedium arrabonem ac sigillum Deus ipse animis nostris præsens statuit Christi corpus, ex eoque nobis verè atque essentialiter iustitiam, sanctitatem, vitam æternam, & denique omnia quæ in Christo accipere possumus dona affatim & luculentissimè largitur. Sed sunt jam pridem hæc calumniæ ab aliis plus satis confutata, quorum lectionem si vos liberam populo permitteretis (quemadmodum nos vestrorum librorum & commentariorum liberam mercem etiam myropolis & tonforibus relinquimus) haud ægrè sanè hominum mentibus diffusâ humanorum commentorum caligine, Dei veritatis lux afflueret.

Quæ reliqua sunt in hoc capite, sunt omnia ejusdem farinae. Tu quidem tibi delicias facis in argutula illa distinctione: quodd scilicet tropus sit non in verbo, *Est*, sed in ipso attributo: eodemque Pauli sententiam conaris revocare. Sed quod hoc sit inane, jam antè satis demonstratum est. Et tamen tu ipse tuo hic laqueo prehenderis. Fateris enim, his Pauli verbis, Panis quem frangimus est communicatio live communio corporis Christi, noluisse Paulum significari quid esset Panis, sed quid participatione illius panis significaretur atque efficeretur (etsi in postrema tua Epistola quasi tenèri te tuis pedicis sentiens, illud verbum significandi expunxisti) quamobrem quæso te, vir optime, quum hic de verborum Christi interpretatione sit controversia, & nemo planè dubitet quin eorundem fidissimus fuerit interpret Paulus, præsertim eandem materiam pertractans: præsta hîc nobis bonam fidem, præsta animum modestum ac dociles aures: & quemadmodum tu tibi tribuis posse te verba Pauli, prout commodissimè licet, interpretari: ita nobis ipsissimam hanc tuam interpretationem patere ad ea ipsa verba quorum sententiam Paulus ad amussim explicavit accommodare, & continuo senties omni penitus nebulâ discussâ, nihil ampliùs superesse quod veritatem possit obscurare: neque opus esse ullis vel ambagibus vel cavillis, vel variis verbi, *Est*, distinctionibus, ut quod est per se planissimum verborum involucris obtegatur.

Similitudo porrò illa tua quæ ex Joan. cap. 6. in medium productâ conaris Pauli testimonium, panis nomen Sacramento manifestè atque identidem tribuentis, eludere, propterea quodd se Christus ipse panem appellet, propè mihi etiam risum excussit, quem vix te certè ipsum in scribendo tenuisse arbitror. Nimis est enim venusta & lepida illius ruz ratiocinationis complexio, „dum scribis: Si Christus & caro ejus, panis seu cibus verissimè dicitur, quia „dar vitam mundo: quare non potest simili tropo etiam panis benedictus & „in corpus Christi conversus panis nuncupari? Taceo, quod hîc per te potes animadvertere, innumerabilem vos passim troporum catervam in vestri de transubstantiatione commentu suppetias advocare, ut scilicet positam in signo & sacramento Christi orationem à Spiritus efficientia & fidei ratione ad dentes ac ventrem avertatis. Prætereo etiam cramben illam tuam toties cum nausea repetitam de pane benedicto. Sed quis quæso non vider, quæ tu similia esse autumas, ea plus quàm toto inter se cælo discrepare, cum nemo non stultissi-

mus ullam sibi amphibologiam in illa Christi assertionē, quā se panem esse testatur, vel imaginatione possit confingere. Tota enim oratio eō spectat, ut cælestem vitam ex se uno Christus manare asseveret: ac proinde ait se esse panem qui de cælo descendit. Deinde omnes videbant Christi vivum ac naturale corpus neque tum esse, neque antē unquam fuisse panem: Hic verō in eo quōd panis fuerit, quōd panem esse omnes sensus judicent, natura doceat, ortus convincat, forma testetur, color, figura, gustus, omnes denique circumstantiæ atque omnia planē accidentiæ manifestē prodant, Verbum ipsum divinum & à Spiritu Sancto dictatum oraculum iteratō ac sæpius inculcet. Velletamen emendicato aliquo tropo quod paulō antē proprium fuerit ejus nomen ad peregrinam significationem contorquere, abutentis est profectō & auditoris patientia & verbi Dei dignitate. Patrum testimonia quæ produxi ne verbo quidem confutas. Conscius es enim ipse tibi nimis esse plana, diserta atque perspicua quàm quæ verbis eludiqueant. Ad nescio quem Lanfrancum, & Guitmundum, & Algerum me remittis. His adjicis Joannem Hesselium Lovaniensem; quasi verō mihi cum Hesselio, & non cum Michaelē Baio hæc sit palæstra. Deinde dicis ex ipsis Patribus alias & quidem plures ac manifestiores colligi posse sententias quibus vestra opinio constabiliatur. Quod si ita est, necesse est multum esse vel in Patrum delectu discriminis, vel in ipsis eorum scriptis ambiguitatis: & tamen ea ipsa debueras producere ut ad veritatis trutinam expenderentur.

In extrema Epistolæ parte graviter me & pro magistri autoritate reprehendis quasi dixerim, horrendam Gothorum vastationem Christi Ecclesiam corrupisse. Unde tu in campum Philosophiæ de Ecclesiæ afflictionibus orationem vocas; ut quasi Theologiæ magister ostendas, afflictiones non corrumpere sed repurgare Ecclesiam. In quo certē primū præstas malam fidem, & manifestam impingis calumniam: deinde turpiter & sophistice cavillaris: postremō torā rei veritate aberras. Quod ut intelligas recole hæc mea verba. „Ego ita scripsi. Postea verō quā horrenda illa Gothorum vastatio Ecclesiæ justo Dei iudicio pro virtutelibidine, pro justitiæ tyrannidem, pro pietate superstitionem invexerat, sub Nicolai tempora, &c. Quæ quā sint à tuis diversa, judicet æquus Lector: & an te calumniæ reum immeritō agam, ex æquo & bono seu potius ex re præsentī statuāt. Observa deinde cavillum plus quā sophisticum. Quod si dixissem Ecclesiam corruptam esse Gothorum vastatione, nemo me existimasset de alia locutum esse Ecclesiā nisi de aspectabili ac visibili, quā nimirum Christus piscium sagenæ & aræ tritici dicit esse similem, & proinde improbis æquē ac probis confertam. Eam si dixerō persecutione imminui, & propemodum totam perdi atque interire, quid aliud dixerō nisi quod ipsa universa testatur apud Isaiam Ecclesiā: Nisi Dominus reliquisset nobis semen, omnes sicut Sodoma fuissetus, & sicut Gomorrha perissetus. Est igitur cavillus impudens, ita ludificari lectorem vocabulorum ambiguitate. Sed vide quā bonus sis Theologus, qui te illius sacrosanctæ doctrinæ antistitem profitearis. Queris ex qua Scriptura sacra aliquando didicerim Christi Ecclesiam persecutionibus esse corruptam. At pleni sunt

omnes prope omnium Prophetarum libri, pleni Apostolorum atque Evangelistarum infinitis harum rerum exemplis. Quid enim aliud pertractat *Isaias*, quid *Jeremias*, quid *Ezechiel*, quid *Daniel*, quid *Oseas*, quid *Joël*, quid *Psalmorum* liber, quid denique omnes reliqui? nisi quodd propter hominum peccata ira Dei accensa, miras & horrendas strages in Dei populo quotidie edat, Ecclesie sue sepem diruat, seminarium evellat, stolones extirpet, vitem suisibus & apris laniandam & cuius obvio diripiendam tradat. Hæc si, Domine Doctor, tu ignoras, quodd in Scholasticorum argutis quolibet ætatem potius quàm in Scripturarum simplici veritate pro academice vestre more triveris: est quod te ipsius Domini verbis remittam cum Judaica synagoga ad locum Siloh. Vide quid ibi egerit Dominus exercituum; quomodo Ecclesiam suam hostium persecutionibus dissiparit, sanctissimi fœderis symbolum ludibriis incircumcisorum exposuerit: remittam te ad Bethel quod Berhane factum est: ad Geihinnem, quod in Gehennam commutatum est: rogabo ut ipsam visas *Jerosolymam* ac montem *Sionis*, de quo dictum erat: Hic est locus meæ requietis in æternum, &c. Et si hæc tibi satisfaciunt, rogabo ut mihi florentissimas illas *Asiæ* & *Græciæ*, *Ægypti*, *Africæ* Ecclesias commonstres, quis illas ita vastarit atque everterit edoceas. Ubi sedes illa *Antiochena*, quam *Petro* per vigintiquinque annos vestri tribuunt fabulatores: ubi *Roma* illa antiqua quâ alios xxv. annos illum sedisse comminiscuntur? An non vides urbium ruinas, hominum excidia, gentium ac populorum interuisiones; quasi verò quod in *Silo*, quod in *Jerusalem*, quod in *Græcia*, quod in *Asia*, quod in *Ægypto*, *Africa*, quod denique in universo terrarum orbe pro sua iustitia fecit Dominus exercituum, non etiam in Romana vestra Ecclesia audeat ex-
 „ periri: quæ nullam certè habet ejusmodi promissionem: Hæc est requies
 „ mea in seculum. Si filii eorum peccarint mandatorum meorum obliti, &c.
 „ misericordiam tamen meam ab eis non auferam. Et sanè à veritatis doctrina longè etiam si non fœdius, at certè multò protervius & petulantius sese sciens volensque averterit quàm unquam fecerit Ecclesia Judaica, quippe quæ nunquam ausa fuerit statuere Deum in terris, in cujus gremio reconditum esset universi juris & divini & humani scrinium, qui conciliis auctoritatem daret, decreta scisceret, fidei articulos fabricaret, de verbo ac mandatis Dei pro arbitrio dispensaret: hominum animas Christi sanguine redemptas in infernum cattervatim ducens à nemine posset reprehendi; ut qui iudex esset omnium, à nemine planè judicandus, Dominus mundi, Regum rex & Dominus dominantium. Hæc non est necesse tibi certè ut probem. Agnoscis enim vestræ Ecclesie Romanæ catholicæ & universalem doctrinam, agnoscis ipsissima verba & decreta, quibus olim in principum ac regum omniumque populorum aures insonuistis, oculos fulminastis, animas attonitas reddidistis. Et quia vos jam, si qui estis paulò verecundiores, tam horrendarum blasphemiarum pudet, vultis emendicato Petri velo Romanæ meretricis, cujus nomen est Hebraicè, *Geddon Harma*, seu ut Græco more legitur *harma Geddon*, id est, excisio Romæ, vel excisio altæ urbis, spurcissima opprobria obtegere: & quod neque ratione, neque Scripturarum testimoniis evincere potestis, id ferro,

ferro, flammâ, cruce, eculeis ac violentâ manu extorquere. Sed adest jam brevi tempus, quo vestrum hoc probrum universo terrarum orbi patefiat, quo ipsi reges qui meretricem hanc splendidam ac purpuratam stupidè adorant, ejus carnes frustatim sint incisuri ac devoraturi. Ac proinde si tu, mi D. Bati, cujus aliquando conscientiam mellioribus fuisse imbutam quàm hodie præ te feras satis scio, iram Dei non reformidas: sine, quæso, nos ad ejus vocem ac mandatum ex Babylone maturè fugere, ne abominationum ejus & simul condignorum suppliciorum fiamus participes.



EPISTOLA F. FRANCISCI HORANTII

Minoritæ, universæ regie expeditionis Flandricæ
Sedis Apostolicæ gratiâ Præfetti.

DE ECCLESIA CHRISTI AD MICHAELEM BAILL,

Lovaniensem Cancellarium, virum doctrinâ ac
pietate maximum.



N Ecclesia, ejusque constitutiones seu traditiones, nullum
habeant *mentis* aliud, nisi consuetudinem eorum, qui se
profiterentur Romanam sectari Religionem, quam vocant Ca-
tholicam?

An hoc *mentis*, si quod est aliud, constet paginâ Sacræ
Scripturæ solâ?

An Patrum explanationibus & commentariis?

An Conciliorum decretis?

An Romanorum Pontificum placitis?

An Scholasticorum pronuntiatis?

An passim sequatur, ut ait Satyricus, corvos testaque lutoque?

An Ecclesiæ tribuat authoritatem verbo Dei, an potius verbum Dei Eccle-
siæ authoritatem atque axioma conferat?

M. Michaëli Baili hæc quæstiones per Marnixium Aldegondu[m] proposuit
fuere.

MAGISTRO NOSTRO
MICHAELI BAII,

Sacrae Theologiae Professori Regio, meritissimo
Lovaniensi Cancellario, viro longè
Clarissimo eruditissimoque,

F. FRANCISCUS
HORANTIUS

S. D. P.



Iu est, quod me certiores feceras, sacri ludi apud Lovanien-
ses Coryphaee maxime, transmisisse ad te Philippum Sanct-
Aldegondum, scrupulos aliquot gravissimarum Quaestionum,
per eruditionem tuam (quae merito maxima omnibus habe-
tur, & longè latèque collucet) è suo animo expungendos.
Commemini pariter, addere te quando ista mihi narrabas,
lætatum Aldegondum lètitiiis omnibus, quantum intelligere
potuisti ex litteris nuper ab eo ad tuam Reverentiam delatis, quòd in gravissi-
ma quaestione de Christi Ecclesia, ad amussim prope vos duo consentiretis.
Nec obliviscor, imò probè etiam nunc recordeor, incredibilem subortam
animo meo admirationem mox atque ex te ista audivi. Constans siquidem a-
pud nos fama jam diu vagata est, Aldegondum jam dudum Christi Ecclesiae ul-
timum vale dixisse, renuntiasseque Patrum Ecclesiasticorum disciplinis; ut
qui satis sit edoctus à nostrorum hostium Antesignano Joanne Calvino, instar
onagri, liberrimi perniciosissimique animalis, insequentium clamores parum
curare, Spiritus vincula aspernari, libertatis nefandae studiosum esse, Anti-
quitatem totam *Naso suspendere*, cunctam demum vociferantem Ecclesiam ri-
dere: ac passim criminari è filo ipsam pendere totam. Indomitum nimirum in-
genia, nullà disciplinà, & multò minùs indulgentià ac dulcedine curari pos-
sunt. Incredibili ergo tunc me tua Prudentia admiratione plenum reliquit.
Nec erat inventu facile, qui sic convenire posset viro adprimè Theologo sum-
mèque Catholico, cum eo homine, qui à tam multis annis incidisset in per-
turbatorem veteris disciplinae Joannem Calvinum, & quidem super quaestione
omnium primà, & quae tantum non cardo & fundamentum praecipuum est,

quam nequiter satis ab ipso Aldegondi Magistro sciebam in Institutione sua agitatam, & nequissimè profigatam: (quemadmodum libro integro nostrorum locorum Catholicorum, non omnino obstinatis animis ac duris satis ostensum mihi persuadeo) nempe de primo ac uno iudice, qui sit velut *Lydius lapis* Ecclesiasticorum dogmatum, atque aded ipsius fidei nostræ Orthodoxæ regula prima & una. Verum, quoniam nimis ingrata & importuna illa hora mihi visa est, ad seriò agendum de eo negotio tam gravi, & erat mihi summo mane urbe recedendum; non adjeci animum, Eruditionem tuam super ea re sollicitius pulsare. Imò, cum post sæpe te convenerim, & de more nostro de rebus gravibus, quæ (proh dolor) nobis nolentibus, & maximè recusantibus, hisce calamitosi temporibus obveniunt, multis verbis ultra citròque habitis, totus nobis non semel consumeretur dies; numquam tamen, aut in memoriàm mihi venit Prudentiam tuam denuò eo in negotio consulere, aut ipse omnino unquam rei hujus meministi: tam nos undique coarctant ac premunt curæ longè acerbiores ac molestiores, quæ nec me, nec te, istarum litium cum Aldegondo recordari sinant. At cum nihil minus quàm de vestro litigio ego cogitarem, rogavit me casu doctus quidam Pater mei Sodalitii Franciscani, legissetne Cancellarii Lovaniensis Responsiones ad quæstiones ei per Philippum Aldegondum olim propositas, nunc recens excusas Lovanii, de Christi Ecclesià, & de tremendo altaris Sacramento. Non, inquam, legi; nihil verò posset mihi accidere jucundius, quàm jam antea à me tantopere concupitum opus, integrum devorare. Brevi hoc meum tantum desiderium bonus ille Pater explevit, atque codice conspecto, novis igniculis amoris totus ardeo; ut qui mihi certò promitterem, brevi abs te tractandum impostorem illum, & plusquam simulatum discipulum, ut dignus erat. Dicam, & quidem liberius, quàm tibi par esse fortasse videbitur, quid ego desiderem in responsione tua ad quæstionem de Christi Ecclesià. Nam in quæstione altera, de tremendo altaris Sacramento terminanda, ita profectò me totum explevisti, ut mihi sim planè visus non aliud, quàm Ambrosii, aut Cypriani, aut cujusquam veterum Patrum voces ex isto tuo ore dimanantes audire: quippe qui tam graviter, dexterè, feliciter & aptè, fidei tuæ hostem coërceras.

Priùs tamen nequeo dissimulare, ex coacervatione tot quæstionum, redditu mihi ipso initio suspectum Aldegondum, cum intuerer eum hominem, quem multi fecisse progressus in hac scientia plurimi factitarent (ut solent cæteri hæretici hujus nostri sæculi) primis semper hæere rudimentis hujus divinx artis, continuò addiscere, & (ut Divus ille dixit) *ad veritatis cognitionem numquam pervenire*, in eadem semper salebra versari, & eodem in luto perpetuò volutari. O quam est solemne istis inclamare altè, poscentes referari sibi ostium, & cum maximè cunctis fores pateant, nolle tamen rectè introire. Fingunt sibi novos quotidie arbitros, quorum se parituros sententiæ ac iudicio sanctè promittunt; ac sæpius, legitimo superati iudicio, causam ipsam eandem, non modò denuò exagitant, verum iudicantem Ecclesiam, eum suo iudicio, in eandem arenam semel atque iterum protrahunt. An non ludus merus est, & jocus atque ludicra scena, quæcumque ab istis nobiscum

cniiti-

enititur concertatio; si non potius simulata, & ad omnem artem astumque composita tragedia? Contemnunt Ecclesie censuram, & tuum iudicatum probabunt? & quid vides, & quid sentis? vero iudice non audito, quos posthac iudices sumus habituri? cupis scire? nihil isti aliud simulatione sua moventur, dum tecum privatè agunt super eia causis, quas omnium Magistra parens Ecclesia, ad debitos fines deductas, servat suo in archivo reconditas; quam etsi tibi in ipso conflictu (ut fit sæpe) verbum unum excidat, quod suæ insaniz ac delirio quoquo pacto ad stipulari existiment; id ipsum tunc amplificare, ornare, extollere, exosculari, & tantùm non adorare possint, ingentes pro beneficio suscepto gratias agere, suum suorumque studium atque operam, si qua in recommendare aut prodesse poterunt, tibi tuisque (quos aliqui impense oderunt) polliceri: & in summa, quòd te habeant suarum partium imitatore inter lata sua pocula lictores exulare, triumphare & gaudere videas. Si verò intellexerint te sagaciùs odorari, & diligentius explorare quid ipsi animi habeant, ipsosque degustatos habere; certè statim alienant se, & inimicantur apertè, teque cum aliis sibilant. Observo secundo, dum Aldegondum, sua quæsitæ tibi proponentem, contemplor, quàm despiciatè, quàm contempnè, pretiosissima quæque ac divinissima isti de more suo tractent, Sacris sua prophana immiscentes: ut, etsi nolis, videas tamen, quæ lacte isti sint enutriti, qui tam repentè Theologi in hominum perniciem procedunt. Quærit itaque Aldegondus unico tractu de primo iudicio Ecclesie & Ecclesiasticarum traditionum, an ipsum sola Sacræ Scripturæ pagina non stet? an Patrum explanationibus & commentariis? an Conciliorum decretis? an Pontificum Romanorum placitis? an Scholasticorum pronuntiatis? Et quorum, quæ, & cuius autoritate confirmatorum, seu approbatorum? *an passim sequatur*, ut ait Satyricus, *corvos testaque lutoque*? Heu, quàm istis facilis est transitus à Prophetis ad comicos, ab Evangelio ad Satyras, ab Apostolis ad Poëtas! En quorum commentariis se muniant, quoties ad Sacras litteras & arcanas (in quibus tantum quærendam esse Ecclesiam, causamque omnem nostram & controversiam discutiendam contendunt) se accingunt. Vastus profectò est mihi dicere Aldegondus, quando causa ista non tam Patrum explanationibus & commentariis, nec Conciliorum decretis, nec Pontificum Romanorum placitis, nec Scholasticorum pronuntiatis transigenda est, quàm ipsismet Scripturæ Sanctæ vocibus, utique jam nos vicimus; quippe apud quos tam viget & florent Satyrici, Comici, Oratoresque: verùm de his satis.

Accedo jam ad responsionem tuam, doctissime Michaël, super eo Aldegondi de Dei Ecclesia quæsito, & (ut liberè quod sentio edam) cœpi ipso primo gradu hære ob istam nimiam tui animi lenitatem, (quam nec ego, qui ejus animi candorem satis novi, sed forsitan quicquam alius, vitioso lenitudinis nomine appellet) & desiderare vehementem illum præcorum Theologorum zelum, quo divinis flammis æstuantes minimè sinebant, impietatem Religionis prætextu dissimulari; & osculo pacis, ut olim hominis Filium, ita nunc ipsius sponsam ab istis proditoribus traduci, sinistram de ea famam spargi, ludibrio exponi, ac deridendam omnibus per viços & theatra (ut isti faciunt)

ciunt) duci. Ad hæc, dum semel, atque iterum attentiori animo perlego, & observo primo quæ abs te in eam rem proferuntur; ita omnia mea Deus benè vertat! tam sum incensus, cum cui, tum Ecclesiæ desiderio, ut flagitium haud vulgare in vestrum utrumque, admittere me existimarem, ni Prudentiam tuam hisce nostris litteris admonitam reddidissem eorum omnium quæ inde expuncta, vel certè dictis tuis addita vehementer desiderassem, quod ita expeditissime existimationi tuæ, atque idèò fidelium, qui tua legent, commodo ego plane iudicassero; mihi ipsi persuadeo non id te gravatè laturum, nec aliud suspicaturum, nisi animo candido & tui observantissimo ad te hæc mittere. Quis enim tam sit demens, qui gratis velit tam Sanctis senibus, mihi præsertim summo in honore semper habitis, vel minimum detrudere? Nec sum, qui solem senum facta reprehendere; sui que semper omnia magis quam Zoilus. Cæterum, etsi te humanitatis tuæ & sinceritatis minimè accussem, qui putaveris Philippo istijam deplorato responsonem tuam in bono cooperaturam; non tamen æquo fero animo quodd pro jure tuo ementitum discipulum, cum abste discere se velle fingeret, digno verberare non cecidisti, quodd sic media in luce se talpam simulet, & inter vehementes solis ardores frigere se adhuc componat, communique nostrum omnium progenitrici Ecclesiæ, super tritissimo jam olim negotio, apud te, non tam judicem suum, quam ipsius Filium diem dicere, inque jus illam vocare ingratus pariter & stultus ipse audeat. Quis, cedo, homo prudens, degenerantem vicini Filium à gravitate paternâ, si possit, non reducendum curet, & tradendum progenitoribus suis, qui propriis cum legibus imbuant, flagello emendent, cogantque paternis stare præceptis?

Quid à me petis, Philippe, (ô si tu ita cum Aldegondo egisses!) quodd à matre tua per multas annorum centurias non habeas de hæc re ad Sacras Scripturas discussum decisumque? Cessa, ingrate puelle, in tuam matrem recalcitrare, quæ dicere potest cum Simone illo Machabæo glorioso: *Nec alienam mihi terram hæcenus sumpsi, nec alienam detineo, tantum hæreditatem Patrum, quæ injustè ab inimicis, exempto vaginâ ferro satis hostiliter invaditur, pro mea virili vendico.* Redi ad te, fili, & quid sis considera, & noli agni nuptam nefariè oppugnatam & proditam ab istis spuris, suæque dote spoliata, novo per te scelere quodd aliena occupet, gravari & onerari. Num ignorat Ecclesiâ, multum honoris & cultus cum primis deferendum verbo divino arcanis litteris contento? Num ignorat eadem Scripturas Sanctas à solo Deo precariò habere omnem illam suam majestatem & firmitudinem præ cunctis Scripturis, nec ad te, sed ad primam ipsam veritatem, qui Deus est, referendam esse cunctam earum divinarum Scripturarum authoritatem? Num ignorat Ecclesiâ insigne illud sibi proprium, quodd errare non possit, intra divinos libros non in obscuro sed omnibus pervio loco collocatum, ut per locum connexorum utramque in altius probationem sumere debeamus? Num ignorat eadem contineri ibidem aut in principiis, aut in conclusionibus expressè, vel per consecutionem, in genere, sive in numero, explicatè aut involutè, omnia fidei nostræ dogmata, & Christiani cultus observationes? Num ignorat Ecclesiâ, si quid sit suos natos doctrina, consulendas sibi prius Scripturas, velut Dei ipsissimum

oraculum, ac sibi semper perscrutandas, ut inde Spiritu Scripturarum plena ad nos prodiens, secum clavem deferat earumdem Scripturarum Sanctarum, quâ profundam illam abyssum nobis adaperiat; urque inde colligat, quo pacto nos versari conveniat in Dei domo, quæ est Ecclesia Dei viventis, columna & basis veritatis? videlicet locum cum loco concordat, verbum cum verbo confert; & in summa, multa deligit, multa colligit, multa elicit nobis in Scripturis non multum pervia, sibi verò certissima notissimaque. Estne hoc *corvus lutoque testaque sequi*? Jam verò (ô mihi charissime) quis tam demens, qui iudicium primum de Scripturis per ipsasmet Scripturas quoquo pacto constare possentiat? quis tam cæcus, qui Scripturam Iudicem mortuum non consideret, qui litigantium utrinque rationes audire, nec sententiam ipse eloqui valeat? Dic, Philippe, cujus est, si non Ecclesiæ, divinos libros ab aliis, qui tales non sunt, tam illustri notâ secernere? Cujus, si non Ecclesiæ, germanam Scripturarum intelligentiam habebimus? Num Arrii? Num Eurychis? Num Manichæi, Lutheri, aut Calvini? Noverint igitur sciolii isti, qui te, mi Aldegonde, sic decipiunt, qui te suâ linguâ malâ fascinant, divinis litteris levissimè tincti (qui cum in sacrarum musarum ædem vix à limine inspexerint, nihil tamen non audent,) falsæque eruditionis opinione sic intumescunt, ut utrumque depositum Ecclesiæ commissum, utrumque etiam fide perpetuâ conservet, reddatque simul quas accepit Scripturam Scripturæque intelligentiam. Rectè proinde magnus Augustinus Judæos, ante quorum oculos *velamen est positum*, (teste Apostolo) dum Moses legitur, Scriptorios Ecclesiæ Christi, verbo satigeleganti, appellavit. Imò noveris non eos habere veras Dei Scripturas, qui verum earum intellectum (qui proculdubio Ecclesiæ est) non habent, quantumlibet Scripturas jactent, & de Scripturis inani triumpho gaudeant. Non (inquit D. Hieronymus) *Dei Evangelium in Scripturis, sed in sensu est; non in superficie, sed in medulla; non in verborum foliis, sed in radice rationis*. Qualis ergo donum & quantum, si cum Dei verbo ipsam etiam germanissimam ejus verbi intelligentiam non accepit à sponso Ecclesia? putas, tantum Scripturis illis bene consultum Christi Ecclesiæ, quam expetivit Sathan ut cribraret, nisi cum eis Spiritum intelligentiæ Scripturarum earumdem accepisset? cedo, non indubitatus, certus, & in hoc ipsum munus à Deo destinatus vivens nostrarum controversiarum in Religione nostra Judex, à cujus sententia & iudicio non sit jam nobis ad firmius & certius tribunal provocandum, ullusne tibi videbitur nostrorum dissidiorum futurus finis? ulla fidelium consensus? ulla fidei unitas? ulla pax? ulla fides? ulla charitas? immò ullum Ecclesiæ aut nomen, aut officium? Profectò, si talem Deus nobis reliquisset Ecclesiam, multò Andabatis illis, qui (ut fertur) oculis clausis digladiabantur, deteriores essemus. Durius siquidem multò est, & minùs ferendum, si nescias quo spectatore, quo iudice desertes, quàm si ex cæcatis etiam oculis non modò clausis tendas in adversarium. Ne dubita, Aldegonde, Ecclesiæ iudicium cum per Scripturas, tum per Apostolicas traditiones (constat namque Christiana Religio Dei verbo partim scripto quidem illo, partim annos traditionibus jam à primis Ecclesiæ fasciis asservatis) *Lydius & Heraclius lapis est*, cujus attritu cœleste aurum eloquiorum Dei nobis proditur; di-

vina est regula, qua lineæ universæ hujus nostræ revelatæ Philosophiæ diriguntur; norma est altissimæ rationis, vitam nostram in cœlum juxta Scripturas dirigens, & diligentissimè perpendens momenta officiorum omnium nostrum; perpendicularum demum est, quo rectitudo seu obliquitas fidei nostræ & operis juxta Dei verbum perpenditur & examinatur. Cave ergo, generose Sanctæ-Aldegonde, tantæ matris disciplinam fastidias: cave ipsius legem dimittas, ne me cogas tui amantem habere te (juxta evangelicum mandatum) *ethnicum & publicanum*, Christianissimis alioqui generosisque ortum parentibus, & qui sanguine proprio ejus Ecclesiæ leges obfirmarunt; quorum tu imitari potius fidem debuisses, quàm quoddam istorum, qui nihil ad te & quibus jam tam nihil sit frontis, sectari insaniam atque furorem maluisses. Nihil hic Christi verbo derogatur, cujus hoc jus est, ut ab ipso instructa Ecclesia, nostris omnibus certaminibus præsideat.

Hoc, ut de universali fidelium cœtu dictum sit, vellem nihilominus tibi persuadeas, nihil etiam in Ecclesia, toto terrarum orbe diffusa, esse prius aut antiquius legitimorum ac Oecumenicorum Conciliorum auctoritate jam ab ipsis Apostolorum temporibus pro dissidiis, quæ de religione horis singulis suboriuntur, in Ecclesia componendis. Scis tu, opinor, quas ego legitimas & Oecumenicas Synodos appellem, nempe quando auctoritate Romani Pontificis (qui procul dubio fidei & potestatis Petri hæres est) Ecclesiæ Pastores ac Primores in unum locum cœunt de fidei causis, & Religionis nostræ Sacramentis, per Scripturas, & Apostolicas traditiones, annosissimæque ipsius Ecclesiæ consuetudines jam cum ipsa nascentes & adolentes, acturi & judicaturi. Quorum certè Patrum judicium, postquàm fuerit illius Sedis, ad quam nunquam perfidia ulla accessum habuit hætenus, Romanæ videlicet, suffragio firmatum, quisquis detrectat; is sanè nullum judicem vivum est inventurus, à cujus tribunali non sibi semper integrum esse existimet discedere; immodò, si ejusmodi Pastorum ac Patrum conventus in errorem labi possent; nulla utique via nobis esset reliqua, ut in fidei controversiis Catholicum dogma exploraremus: redirentque prorsus omnia illa inconvenientia, quæ, cum de universali Ecclesia ego tecum agerem, tetigi. Amabo, quis putas nostrarum quæstionum finis reperiretur, ab utentibus hæreticis de more Scripturis Sanctis; si semel liceret Conciliorum generalium fidem, non modò pro libitu rejicere, sed quoquo pacto ulterius de ipsorum judicio dubitare? Oritur Antiochiæ non modica seditio propter Judæos volentes gentes ad Deum conversas circumcidi; Paulus & Barnabas rem ad Apostolos Hierosolymis referunt, qui post Petri omnium illorum maximi, & Jacobi ejus urbis Antistitis, suffragia communi decreto per litteras statuunt gentes conversas non ligari Mosis lege. Quocertè in Concilio, licet magna de Prophetarum & legis sententiis super eo negotioquisquisquis præcesserit, divino tamen flammæ primas dant Apostoli, inquietes, ita esse cum primis Spiritui Sancto visum, sibi que deinde: id Theologos illos divinos consilio summo fecisse, nemo negabit; ut videlicet ostenderent jam ab illis annis Spiritum Jesu primarium Synedrum Ecclesiasticorum Patrum omnium seculorum conventibus à Deo pronuntiatum & declaratum, cujus perennes illustrationes cuncta quæ sunt ad salutem omnium nostrum,

nostrum, pro quibus, sicut pro illis primus Christus mortuus est, patefaciant atque illustrent. Utque noverit, quisquis adversum talium Conciliorum decreta pugnavit & contentiosus, non tam hominibus, cum quibus non sit ille conferendus, se opponere; quam Spiritui Sancto (qui habitator est in hac cœlesti & divina domo, rector, moderator, & tanquam Architectus tanti operis tantique muneris) palam contradicere. Rectè proinde Gregorius verè Magnus de illis quatuor illustribus Conciliis locutus, dicebat: *Cunctas verò quas præfata veneranda Concilia personas respiciunt, respuo, quas venerantur, amplector. Quia, inquit, dum universali sunt instituta consensu; se & non illa destruit, quisquis præsumit absolvere quos ligant.* Dicere vult Sanctus hic & doctus pariter Pontifex, qui enim sibi per omnia consonant, hos non à proprio Spiritu, qui semper dissidia quærit; sed à Deo, qui veritatem amat, duci necessè est: atque ita in se ipsum contumeliosus est, & non in illos Patres, quiquis eam unitatem Spiritus proscindere conatur. Ergo desine, desine, fili, dicere hoc vestrum dogma, cum in Scripturis Sanctis expressè non legam, quantumlibet Concilia inclament, ipsum tamen nunquam sum admisurus. Audi non me, cui tamen propter annos & senium credere debuisses, sed Nazianzenum illum Gregorium ter Theologum maximum, quem authorem ejus Symboli, quod in Ecclesia canitur, multi faciunt. Is namque mirabilis Pater, cum sibi à Macedonio hæretico objiceretur Spiritum Sanctum Deum non esse, quod non sic appellaret eum Scripturæ, tali sermone blasphemum illud os fortissimè compescuit cohibuitque. *Rerum alia (Macedoni) cum non sint, esse tamen dicuntur; ut cum Scriptura dicit Deum dormire, evigilari, irasci: alie cum sint, non dicuntur; ut quod Deum Patrem ingenitum vocamus, non quod sic legamus in Scripturis, sed quod sic juxta seniorum Ecclesiæ interpretationem ex ipsis colligamus: alia neque sunt neque dicuntur; ut Deum esse malum, aut mali auctorem: alia tandem & sunt, & dicuntur; ut Deum esse, Angelum esse, hominem esse.* Spiritum (concludit) Sanctum Deum esse in Scripturis Sanctis expressè non lego, non dicitur, sed est. Hæc divus ille. Audis non omnia quæ credimus, disertas paginis Biblia Sacra nobis plane edisserere; quum sæpe etiam opus sit talibus Scripturis divinum admovere lumen, quo Synodi gaudent ad obstructissima quæque perlustranda. Manens siquidem nobiscum in æternum hic amplissimus veritatis Spiritus (quem mundus non potest accipere, sicut & eum, cuius est ille, non cognovit) reconditas exquisitasque sententias mirificè pollicens, in medium proferre nunquam cessat. Sexcenta Græcorum & Latinorum Procerum Ecclesiæ tibi darem in eam rem præclaræ testimonia, si venerer Epistolæ prætergredi fines, teque, mi Aldegonde, gravare. Tantum hoc scias, ad Concilii generalis Patres & Pastores potissimum respexisse Dominum, cum diceret: *qui vos audit, me audit; & qui vos spernit, me spernit: qui autem me spernit, spernit eum qui me misit; & cum rursus diceret: ubicumque duo vel tres fuerint congregati in nomine meo, in eorum medio ego sum.* Dixit, duo vel tres, ut apertè indicet in Conciliis non tam habendam esse rationem multitudinis Patrum eò confluentium; quam spiritus cœlestis, qui sic in eo spiritu legitime collectos, labi non sinat.

Vide item, ne in istum quid & demissum de Romana Ecclesia aut sentias

aut loquaris. Ea enim, etsi Apostolica à Sanctis omnibus, Græcis & Latinis, pleno ore acclametur; non tamen ab ipsis tantum Apostolis, sed à Christo etiam suum primatum obtinuit, eminentiamque potestatis super Ecclesias universas, & cunctum Christiani populi gregem est assecuta; sicut Beato Petro dictum est: *tuas Petrus, & super hanc Petram ædificabo Ecclesiam meam*. Quamobrem non minus credas super Romana sede, ut in cardine verè Apostolico & plus quam humano fundamento, totum hoc cæleste ædificium verti, quod supra Divum Petrum à Domino (post ipsum Christum *lapidem verè angularem à solo Deo innixum*) fundatam esse Ecclesiam, per Evangelium edoctus, credere debuisti. Intuere, quæso, quantus hic sit Romanæ Sedis principatus, cui non privati homines tantum, verum tota etiam ipsa Ecclesia assurgit. Sic Synodus Nicæna trecentorum & octodecim Patrum dogmata sua omnia hujus Sedis, cui tunc Sylvester præerat, autoritate firmari, supplices eundem Beatissimum Antistitem orat. Sic eadem non posse Concilia Oecumenica, Romano & universalissimo Patre inconsulto, cogi, non tam sanxit, quam à Deo eam legem Christianis omnibus stabilitam explicuit. Adde, quòd famosæ Synodi, Ephesina, Constantinopolitana & Chalcedonensis (quibus singularem Ecclesia ac præcipuum honorem impartitur) illi Sedi, velut principi, tantum detulerunt honoris, ut altero post Christum gradu, Petri successorem ad Christiani orbis clavum ibidem sedentem suspiciant, exosculentur & adorent. Sic Synodus septima, ante octingentos plus annos celebrata, anposam esse & satis pervulgatam in Christi Ecclesia Romani Pontificis super cunctas orbis nationes præminentiam à Christo ipso descendente disertis verbis eisque satis elegantibus est profecuta. Sic Florentinum Concilium definire audet Sanctam Apostolicam Sedem & Romanum Pontificem, in universo terrarum orbe habere principatum, successorem esse Beati Petri Principis Apostolorum, & verum Christi Vicarium, universæ Ecclesiæ Christi caput, omnium Christianorum Patrem ac præceptorem: Fatetur etiam, illi Sedi in Beato Petro à Domino nostro Jesu Christo potestatem pascendi plenam tradi regendi ac gubernandi universalem Ecclesiam, quemadmodum (ut sancta Synodus ait) in actis universalium Conciliorum, & sacris Canonibus continetur. Quid? non (opinor) ignoras, Aldegonde, quibus verbis hanc Sedem Athanasius ille magnus, & universi Ægyptiorum, Thebaicorum & Lybiorum Episcopi, in sancta Alexandriæ Synodo gratiâ Dei convocati, supplices salutaverint: *Pater (inquiunt) beatissime, ad Sedem istam vestram, quasi ad matrem nostram, recurrimus, ut ejus uberibus nutriamur; quoniam non potest mater oblivisci infantem suum: nihil vobis inconsultis agere præsumimus. Canonibus quippe jubentibus, absque Romano Pontifice nos de majoribus nostræ Fidei causis nihil debere decernere. Ob id enim, vos vestrosque prædecessores, Apostolicos videlicet Præfules, in summitatis arce constituit, omniumque Ecclesiarum eos Deus habere curam præcepit, ut nobis succurratis, nos doceatis, ruentesque, ut quibus à Deo iudicium omne est commissum, liberare non negetis*. Hæc ibi, & his multò præclariora, in hanc rem quam tractamus habentur. Scripserunt & iidem ad Marcum Pontificem Romanum litteras simili & pari observantiâ plenas, quibus perhonorificam Sylvestri & Felicis Prædecessorum Pontificum mentionem faciunt, & Sedem illam, Ca-

put & Matrem omnium Ecclesiarum, atque Magistram orbis totius prædicant. O quàm sunt præclara, quàmque admiranda, quæ scripsit vetustissimus post Apostolos Theologorum Irenæus Polycarpi, D. Joannis alumni, discipulus, lib. 3. adversus hæreses de Principatu, Magisterio & Majestate Romanæ Ecclesiæ: In ea (nimirum dicit) Apostolos universam hanc nostram Religionem fundasse, hic caput atque arcem totius pietatis constituisse, hanc unam omnium Ecclesiarum magistram esse voluisse, hinc fontem per orbem universum profuentis sanctitatis ac Religionis erupisse, hic erudiri omnes oportere Apostolos derrevisse, hinc manare veram Apostolorum (quasi alterum Evangelium) traditionem, hinc traditionem non-scriptam illos reliquisse, quæ sit alterum quoddam amplissimum uberrimumque Evangelium. Vides unde, Irenæo divino teste, nobis hæc nostra manarit præcellentia. Vides apud eum virum Apostolis æqualem, certam esse scientiam, quòd Ecclesia Romana lumen sit orbis terrarum; quòd hic sit magnus Religionis principatus; hujus unius Ecclesiæ sapientiâ, ab Apostolis fusâ, hæreticos omnes coarguendos, unde fors Apostolicæ sapientiæ perpetuâ per ætates omnes successione scaturiret? Post Græcum unum, accipe Latinum testem Tertullianum, in eo libro quem etiam adversus hæreticos author pervetustus edidit. Namque antiquus is scriptor similia scribit & asserit, quæ Irenæus prodidisset; aut ex fontibus certè ejus, quod mihi verosimilius habetur, delibavit. Si autem, ait, Italiæ adjeceris, habes Romam, unde nobis quoque auctoritas præsto est statuta. Felix, addit, Ecclesia, cui totam doctrinam Apostoli cum sanguine suo profuderunt. Ubi Petrus passioni Dominicæ adequatur, ubi Paulus Joannem exitu coronatur, ubi Apostolus Joannes, posteaquam in oleum ignem demersus; nihil passus est, in insulam est relegatus. Et lib. adversus Marcionem: Quid etiam Romani de proximo sonent, quibus Evangelium & Petrus & Paulus sanguine quoque suo signatum reliquerunt. Hæc ille. Revertar ad Græcos, inter quos primus mihi occurrit os illud vere aureum, Pauli præcipuus imitator, Joannes Chrysostomus, qui non longè post Constantinum floruit, tempore videlicet Theodosii. Illustri hic Doctor similem cum reliquis Theologis sententiam tulit de hoc principatu, Petro à Christo tradito, cum interpretaretur Evangelium Joannis: Tradidit, inquit, in manus Petri omnium credentium Principatum. Nam etsi Jacobus Hierosolymorum sedem accepit; at Petrus totius orbis terrarum. Eia age, ait, accipe pecudes, egredere in orbem terrarum, sequere me deducentem te ad prædicationem, totumque terrarum orbem in tuas manus tradentem. Hæc aureus Theologus, qui cum dira passus periclitaretur, ad Innocentium Papam, velut ad unicum miserorum & afflictorum parentem, & ad injuriæ legitimum vindicem, suâ appellatione confugit. Nec te pigeat Cyprianum, longè antiquissimum Theologum Latinum, de capite & unitate Christianæ Religionis candidè differentem audire in Epistolis de Hæreticis ex Africa Romam navigantibus. Audent, inquit, navigare ad Petri cathedram, Ecclesiam principalem, unde totius Fidei nostræ ordo & veritas pendet. Quid clarius? quid expeditius? Cernisne caput ordinis, unitatis, Religionis Christianæ? Audias quoque Cypriani vocem de Sede Sancti Petri & hodiernâ gigantum audaciâ: Deus, ait, unus est, & Christus unus, & una Ecclesia, & Cathedra una, super Petrum, Domini voce fundata; aliud altare constitui, & sacerdotium novum fieri, præter unum altare & unum sacerdotium, non potest. Quisquis alibi colligerit, spargit: adul-

scrum est, impium est, sacrilegium est, quodcumque humano furore instituitur, ut depositio divina violetur. Inde schismata & hæreses obortæ sunt & oriuntur, dum Episcopus, qui unus est & Ecclesie præest, superbâ quorundam præsumptione contemnitur. Cernisne, Philippe, veluti prophetantem, ac spiritu quodam divino prænuntiantem, divinum hunc ore prophetico, hodiernam hæresim atque ejus præcipuam causam, quâ septentrionalis superbia summum sacerdotem erat contemptura, aliud altare sacerdotiumque institutura, idque humano furore, cæcitate ac dementiâ, cælestibus ordinibus violatis, institutisque divinis repudiatis? Hoc etiam Cypriani testimonium protulit etiam Anselmus, Theologus apprime bonus ac sanctus etiamque antiquus. Nolo oblivisci, quid idem Cyprianus de Petri primatu, & una Ecclesie Cathedra in Epistolis dicat. Loquitur Dominus, inquit, ad Petrum, ego dico tibi, quia tu es Petrus, & super hanc petram ædificabo Ecclesiam meam. Super unum ædificat Ecclesiam, & quamvis Apostolis omnibus post resurrectionem suam parem potestatem tribuat, & dicat: sicut misit me Pater, & ego mitto vos; accipite Spiritum Sanctum: tamen, ut unitatem manifestaret, unitatis ejusdem originem, ab uno incipientem, suâ auctoritate disposuit. His certe divini Theologi dictis planè cognoscitur antiquam fuisse indubitatamque fidem, Sanctum Petrum caput esse Religionis: nec verum esse, quæ nostri temporis audacia conata est persuadere, fuisse omnes Apostolos æquales; neminem plus cæteris habuisse; quidquid uni datum esset, hoc unicuique datum esse. En, mi Aldegonde, Sanctorum Theologorum testimonium, à quibus, usque ad sanguinis effusionem, defensa est Religio: Deum decrevisse caput esse Petrum, ad cujus thronum omnia Ecclesie Dei referrentur, & à quo Religio dependeret: tametsi Sancti Apostoli potestatem parem à Christo Jesu accepissent. Quare, conticescat, rogo, erubescatque insanorum hominum temeritas. Theodoricus Græcus, (libet enim catenam hanc verè auream, & Græcorum simul & Latinorum nexibusnectere) qui celebri illi Chalcedonensi Patrum conventui interfuit, ad Leonem hujus nominis primum Romanum Antistitem scribens, sic habet post multa: Petrus ac Paulus Sedem vestram admirandam clarissimamque reddiderunt. Hoc bonorum vestrorum supremum est culmen, quoniam Deus etiam nunc Sedem ipsorum claritate conspicuam reddidit, vestrâ sanctitate super ea collocatâ, unde sanctæ ac puræ Religionis radios diffundit. Si enim Paulus, veritatis præco, tuba Spiritus Sancti, ad magnum Petrum accessit, ut ab eo solutionem referret super his dubitationibus quæ Antiochia inciderant, an vivendum esset secundum legem, multò magis nos abjectæ sortis & exigui homines ad Apostolicum vestrum thronum recurrimus, ut à vobis medicinam ad sananda Ecclesiarum ulcera discamus. Vestrum enim est in cunctis præesse ac dominari, propterea quod Sedi vestræ omnium charismatum excellentia data est. Hactenus divus hic. Vides ut omnes mirificè congruant super Romanæ Sedis majestate, utque in causis Fidei ab ea Sede sit cùm auxilium, tum responsum expetendum, ut Romanæ fidei tota nostra Religio nitatur. Scilicet Augustinus ab his, quæ de divino hoc primatu & magisterio diximus, longè vehementissimèque dissentit? minimè gentium; imò maximè illi tota hæc placet oratio de divi Petri ac successorum præfectura. Et, ut pluribus locis Scripturarum ejusdem divini libens supersedeam, unus tamen ille longè

longe est omnium clarissimus patentissimisque in hanc rem, ubi inter cætera, quæ illum in Ecclesiæ gremio iustissimè detinere diceret, illa tamen ab ipsa Sede Apostoli Petri, cui pascendas oves suas Dominus commendavit, usque ad sui temporis Episcopum, qui Romæ tunc præerat, sacerdotum successio præcipua sibi videbatur & habebatur. Quid hîc commemorem utrumque Cyrillum, Alexandrinum scilicet & Hierosolymorum Patriarcham? quorum ille prior in libro Thesaurorum: *Christus, inquit, accepit à Patre esse Dux, & super omne quodcumque est, ut ei cuncta genua curvantur, plenissimam potestatem, quam sic Petro & ejus successoribus commisit plenissimè.* Hæc ille: posterior verò, *Christi personam sustinens, Petrum ita alloquitur: tu es Petrus, & ego sine fine cum omnibus, quos loco tui ponam, planè & perfectè sacramento & auctoritate cum eis ero, sicut sum tecum.* Non te celabo autem Maximi, in Epistola ad Orientales, de hac re verbum. Omnes, ille ait, *fines orbis, qui Dominum Jesum sincere receperunt, & ubique terrarum fidem veram Catholici consentientes, in Ecclesiam Romanorum Pontificum, tanquam in solem, respiciunt.* Mediolanensem Ambrosium, Constantini Magni ac Nicæni Concilii temporis vicinum, præterire neque debeo, neque volo: *Hanc, inquit, solam Ecclesiam navem Dominus ascendit, in qua Petrus Magister est constitutus; quæ navis in altum seculi istius natus, ita ut pereunte mundo omnes, quos suscipit, servet illos: sicut enim Noë arca, naufragante mundo, cunctos quos susceperat incolumes servavit; ita & Petri Ecclesia, conflagrante seculo, omnes quos amplectitur representabit illos.* In urbe, inquit, Roma, quæ principatum & caput obtinet nationum, passi sunt gloriosi Apostoli, ut ubi caput superstitionis erat, illic caput quiesceret sanctitatis, & ubi gentilium Principes habitabant, illic Ecclesiarum Principes morarentur. Sic Divus ille. Hem, quid ago? quid tam longè progredior? sic vivam, tanta tu docendi, mi Philippe, animo huic meo, commodo tuo obsequentissimo, cupiditas incescit, ut nec temporis nec Epistolæ rationem habuisse ullam jure aliis videar. Verùm non assueo facio, quid illi de me sentiant, modò munus ego meum apud te, qui me præceptore uti dignatus es, officiosè & amicè, etli cum nonnullo tuo tædio, expleam. Quamobrem libenter proficiscor ad reliqua. Rogo, tribunal illud dei nostræ unâ adeamus, ac te ipsum illi Sedi sistens verba Athanasii Græci, & Hieronymi Latini sic usurpabis. *Vestram Sanctam Romanam interpello Sedem, cui ab ipso Domino potestas ligandi & solvendi specialis est privilegio super alios concessa. Hæc enim firmamentum à Domino fixum & immobile percepit: quoniam ipsam formam universorum titulorum lucidissimam, Dominus Jesus Christus vestram hanc Apostolicam constituit sedem. Hæc enim ipsa sacer est vertex, in quo omnes vertuntur, sustentantur & revolvantur: & sicut in Christo Christiani; ita in petra, id est Petro, Christo renovantur Ecclesiæ. Tu es (sicut divinum veraciter testatur eloquium) Petrus, & super fundamentum tuum Ecclesiæ columnæ, id est, Episcopi, qui Ecclesiam sustinere, & propriis humeris reportare debent, tibi sunt confirmatæ. Tibi claves regni celorum commisit, atque ligare & solvere potestati tuæ, quæ in terra & quæ in celo sunt, promulgavit. Tu profanarum hæresum, & impetitorum atque omnium infestantium depositor; tu Princeps & Doctor caputque omnium Orthodoxorum doctrina, & immaculatæ fidei existis: te particularis decet reverentia pro rebus fidei tuæ & nostræ, causisque cunctis inquirendis atque determinandis, quas sollicitè decet justique abs te*

ipso Præfulum vertice Apostolico examinari, cujus sollicitudo semper fuit & est, tam mala damnare, quam probare laudanda. Placentne tibi Athanasii verba, Philippe? Næ tu isto Græco sanctior, melior nec doctior es: dicito, oro, cum Hieronymo viro integro, & qui omnia ferio & dicit & agit, nullius fortunam admiratus nec adulatus unquam, ut cujusquam libidini inferviret, & adniteretur humanum emereri favorem: Quoniam (inquit divus hic) vetus oriens inter se populorum furore collisus, indissimam Domini tunicam & desuper textam, minutatim per frustra decerpit, & Christi vineam exterminant vulpes inter lacus contritos, qui aquam non habent; ut difficile ubi fons signatus & hortus ille conclusus sit, possit intelligi: idem mihi Cathedram Petri, & fidem Apostolicam ore laudatam censui consulendam, inde mihi mea anima postulans cibum, unde olim Christi vestimenta suscepi: nec enim tanta vastitas elementis liquentis, & interjacens longitudo terrarum me à pretiosa margarita potuit inquisitione prohibere. Ubique fuerit corpus, illuc congregabuntur & Aquilæ. Prostrigato à sobole mala patrimonio, apud vos solos incorrupta Patrum servatur autoritas. Ibi cespitem terra secundo Dominici seminis puritatem centeno fructu refert: Hic obruta sulcis frumenta, is solium avenamque degenerant. Nunc in Occidente sol iustitiæ oritur; in Oriente autem Lucifer ille, qui ceciderat, posuit Thronum suum. Vos estis lux mundi, vos sal terræ, vos vasa aurea & argentea: Hi seste, seu vasa fictilia, quæ virgam ferream & æternum operiuntur incendium. Quantumque tui me terret magnitudo, tantum invitat humanitas. A Sacerdote victimam salutis, à Pastore præsidium oris efflagito. Faceat invidia Romani culminis, recedat ambitio: cum successore Piscatoris discipulo Christi loquor. Ego nullum primum nisi Christum sequens, beatitudini tuæ, id est, cathedra Petri communionem consocior: super illam Petram ædificatam Ecclesiam scio. Quicunque extra domum hanc agnum comederit, prophanus est. Si quis in arca Noë non fuerit, peribit regnante diluvio: & quia pro facinoribus meis ad eam solitudinem commigravi, quæ Syria cognomento Barbariæ fines determinat, non possum Sanctum Domini, tot interjacentibus spatiis, à sanctimonia tua semper expetere: Idem Collegas tuos Ægyptios sequor, & sub eorum parva navicula delitescō. Non novi Vitalem, Meletum respicio, ignoro Paulinum. Quicunque tecum non colligit, spargit; hoc est, qui Christi non est, Antichristus est. Ita eximius ille Theologus Sedem Apostolicam alloquitur. Agnosce sine, Philippe, hominis pene divini phrasim? eloquentiæ admirabile corpus? rarum dicendi modum? considerasne Christiani peccatoris candorem? fidem integram & sanam? videsne quàm ille suspiciat, quàm admiretur collatam huic Sedi cœlitus potestatem? observasne quàm punctum & cœsim ille Throni hujus verè Apostolici hostes petat? ut nos omnes Romano præceptori dedat? ut Romanam fidem tenere perinde ac Catholicum esse æstimet? Antichristi signa sequi, qui non sequatur doctrinam & fidem successoris Petri? Quid, si te, mi Aldegonde, clarissimorum Imperatorum illustria & dicta & facta de hac re delectant: ut, qui generosis satisque claris, & illustribus sis editus majoribus? profectū ne vereris tuā abuti humanitate, qui me tam diu loquentem sic patienter sustineas & feras, sexcenta proferrem exempla, quæ domi meæ collecta habeo ex antiquissimarum Historiarum monumentis deprompta; quæ te docerent non à Theologis tantum, verum etiam ab ipsa Imperatorum & Regum celsitudine adorari solitam & consuli

suli prædictam Petri Cathedram. In tantum, ut summi hujus orbis Monarchæ, non modò suis edictis publicis de Petri ac successorum majestate & Principatu multa prædicarent & statuerent; quin etiam tantà observantiâ Romanum Pontificem coram prosequerentur, ut & pedes exofcularentur cum magna humilitate terræ prostrati, & vice stratorum usque in aliquantum locum juxta summi Patris sellam properarent, & cum gloria ad palatium ducerent: à quibus ille quæ peteret, impetraret omnia. Constantinus Magnus Imperatorum Orthodoxorum primus, quantum huic Sedi cultus detulerit, nemo ignorat: deficeret me tempus narrantem de Valentiniano Augusto, Carolo Magno, Pepino, Galla Placidia Augusta, Andronico, Justiniano, Eoò Leone, Pulcheria, cæterisque nobilissimis Imperatoribus, Principibus ac Regibus, apud quos Romanus Pontifex tantum non Deus in terra habebatur, & colebatur illius fidei & potestatis hæres, quibus præ cæteris Apostolis Petrum pollere ex ipsis divinis libris, omni oriente atque occidente huc veritati attestante, didicerunt. Quid diceres, si ego hîceorum Imperatorum attexerem catalogum, qui ob scelera sua, hæreses atque flagitia ab ejus sedis moderatioribus, tanquam à fidei nostræ unicis magistris ac judicibus, & proborum morum censoribus diro anathematis fulmine sunt percussi? sed nolo eam ingredi silvam. Nec volui ipsosmet Pontifices Romanos suæ potestatis assertores huc introducere, viros longè antiquissimos, & ex eis gloriosissimos Christi Martyres non paucos, quod talibus testibus parum apud te me profectum sperarem. Tantum dico, Romanus Pontifex est, ex cujus ore legem Domini accipere universi jubemur, quia primarius & universalis Dominici gregis Sacerdos est & Magister. Scilicet qui Romanorum Pontificum responsa sequitur, *corvos seque lutoque insequitur.*

* De Patrum etiam explanationibus & commentariis, summatim dicam id ipsum, quod ex ipsis eorum commentariis edoctus sum: esto hoc unum & præcipuum. Nullus Sanctorum Ecclesiasticorum Patrum, Græcorum seu Latinorum, eam sibi à nobis adhiberi fidem unquam poposcit, quam præstare teneamur vel canonico Scriptori, vel Synodo universali & legitimæ, vel Romanæ Sedi, in eis rebus quæ ad religionem nostram pertinent: probè namque humiles isti Ecclesiæ & Scripturarum Discipuli, & veræ disciplinæ alumni, norunt se homines esse, & errare posse ac labi: multaque suis commentariis interferunt, hominum aliorum opinionibus innixi, præsertim in describendis Historiis. Immò, in omnibus quæ ad fidei, morum, Christianæ Religionis necessitatem spectant, pro generali regula in singulis Sanctorum Patrum libris, observandum quòd ejusmodi Patres, qui ad mortem usque permanferint in Ecclesiasticæ fidei unitate, in qua Petri Cathedra per Christum regnat, non aliter se intelligi volunt, quàm hætenus Catholica Ecclesia id ipsum, de quo per eos agitur, intellexit. Tot hæresibus nimirum a nondum exortis securius multa dixerunt, quæ postmodum hæreticis in alienum sensum detorquebantur, civili interpretatione indigent. Hinc illa cujusdam ipsorum vox: *errare potero, hæreticus tamen nunquam ero.* Verùm hoc tibi certum persuadeas velim, quòd, etsi ut homines nonnulli ex illis priscis Patribus, in rebus etiam quæ ad fidei nostræ substantiam pertinent, aliquando lapsi sint; in re tamen reli-

ligionis nostræ concorditer nunquam errarunt. Id enim Christi pollicitationi, & perpetuæ Spiritûs præsentia, apertissime repugnabat. Lege diligenter D. Augustinum, hujus divinæ scientiæ peritissimum, libro adversus Julianum primo, capite secundo, & libro 11. adversus eundem; & disces eum, qui antiquos Patres imitatur, non, ut ait Satyricus, *Corvos testaque lutoque insequi*. Cùm enim Julianum vellet Augustinus Sanctorum testimoniis in fidei dogmate, de quo controversia erat, revincere; *Omnium* (Aurelius ait) *de hac re sententias commemorabo, sed ponam pauca paucorum, quibus tamen nostri contradiutores coguntur erubescere & cedere, si ullus in eis vel Dei timor, vel hominum pudor tantum malum pervicacia superaverit*. Inferiùs paulò: *Alia sunt, inquit, in quibus inter se, etiam doctissimi atque optimi regulæ Catholicæ defensores, salvâ fidei compage, non consonant, & alius alio de una re melius aliquid dicit & verius*. Hoc autem, nunc nunc agimus, ad ipsa fidei pertinet fundamenta. Et libro altero in eundem Julianum, ita D. Augustinus invehitur: *Hoc probavimus Catholicorum autoritate Sanctorum, ac per hoc non est consequens, ut falsum sit: tales quippe actanti viri secundùm Catholicam fidem hoc esse confirmant, ut vestra fragilis & argutula novitas solâ autoritate conteratur illorum: præterquam quod ea dicunt, ut se per eos loqui veritas ipsa testetur: sed nunc autoritate primitus eorum vestra est contumacia comprimenda, ut, dum tales homines Dei in fide errare non potuisse creditis, ausus præcipientes refrenetis*. Et mox: Ego te, inquit, ante istos iudices constituo, quos non amicos meos & inimicos tuos in hac nostra disputatione constitui cognitores, nec quorum sententiæ de hoc, quod inter nos disputatur, incertæ sunt, inani cogitatione confixi, sed Sanctos & in Sancta Ecclesia illustres Antistites Dei, non Platonicis & Aristotelicis & Zenonicis, (quamquam & in his docti nonnulli ex his fuere) verum omnes Sacris litteris eruditos nominatim, sicut oportebat, expressi; ut in eis timeas non ipsos, sed eum qui sibi eos utilia vasa formavit, qui tunc de ista causa judicaverunt, cum ab odio, amicitia, & inimicitia, irâ vacui erant. Quod invenerunt in Ecclesia tenuerunt. Statim: Usque aded, ait, permiscuit imis summa longus dies, ut videant Pelagius, Cælestius, Julianus; & cæci sint Hilarius, Gregorius, Ambrosius, Cyprianus? sed qualiscumque homo sis; tamen, quia homo es, videre mihi videor verecundiam tuam, (si tamen, non in te spes est & omnis mortua sanitatis) & quodammodo audio vocem tuam, quâ respondes, absit, ut audeam eos istos viros vel cogitare vel dicere. Et tandem in libri fine, qui Sanctos rejicit, eum universam Christi Ecclesiam rejicere, testatur Augustinus. Igitur ne te, Aldegonde, multis onerem, ad summam dictum existimato, in expositione sacrarum litterarum, communem omnium Sanctorum veterum intelligentiam certissimum argumentum Theologo præstare ad fidei dogmata comprobanda stabiliendaque. Scias demum, vel eorum unum contemnere pro tua libidine ortum esse signum, quodd inverecundum animi ingenium possideas.

Circa demum Scholasticorum placita habeo unum quod te doctum cupio: Scholastica Theologia ascriptitia & ad discordiam nata ingenia non probat, pertinacia & omnia scalpentia: sed quæ in litteris arcanis, & Apostolorum traditionibus, ac Patrum conciliis, & antiquorum commentariis abdita speculantur, & quæ ex principiis fidei à Deo revelatis, conclusiones suas in ipsis princi-

principiis implicatas, eruere & explicare (hoc profecto munus est Scholasticæ Theologiæ) per argumentationem naturæ consentaneam, contendunt: talia sane ingenia efficere debent, ne propter paucorum vitia, omnium corona traducatur. Habet item hæc differendi in scholis facultas alterum propositum scopum adversus hæreses fidei nostræ defendendæ. Ad ipsos namque Scholasticos Theologos (Augustino teste) attinet facere, quemadmodum fides Catholica piis opituletur, & contra impios defendatur. Hinc illæ lacrymæ, illudque intestinum odium hæreticorum adversum tam præclaram, tamque Ecclesiæ necessariam professionem: spectat demum ad Scholasticorum functionem, Christi & Ecclesiæ doctrinam, quantum id possit fieri, ex humanis disciplinis aut illustrare, aut etiam confirmare. Quare vera hæc & consummata Theologica scientia coelestium rerum cognitione, & humanarum prudentiâ ac usu consistat. Danda proinde est Scholasticæ Theologiæ opera, sine qua, nec hostium fraudes & artes detegere, nec ullam omnino perfectam in Ecclesiâ doctrinam consequi tu possis. En, Aldegonde generose, ostende tibi sellas nostras Curules & tribuales. En, quibus sit permissum de fidei nostræ Sacramentis incorruptè judicare: contemplare, quæso, paululum nostrorum judiciorum speciosam formam. Occurrent tibi primo loco Scripturæ Sanctæ, quibus, velut divino verbo, nos certè fidimus: habemus dein Apostolorum traditiones, quas, ceu amplissimum *alterum Evangelium*, (ut dixit Irenæus) nos veneramur: habemus dein Romanorum Pontificum responsa, nobis velut divina habita: habemus dein Patrum nostrorum decreta in Conciliis edita: habemus demum veritatis Spiritum, quem nobis Jesu sanguis peperit, qui judices illos nostros errare & labi non sinat. Quos cùm sequimur, non corvos, sed columbam, cujus oculi divini, sequimur. Cave tibi, qui, ut video, corvos imitaris, ne in te paræmia jactetur, *malis corvi, malum ovum*.

Non equidem dubito, Michaël eruditissime, si simili ratione respondere voluisses primo Philippi tui de Christi Ecclesia quæsito, te multò præclariora in eam rem, pro tua eximia eruditione, adducturum, quibus compeferetur ille, ne in eas iret blasphemias, in quas in altera ad te post tuam responsionem epistola te audiente legenteque prorupit. Liberes sanè animi, postquam lege nullâ semel intellexerint se coërceri, in dies horasque indulgentiâ multò sunt deteriores. Quamobrem, ut tibi ultrò assentior in eo quod Augustinum imitatus initio responsionis tuæ asseris judicium de Christi Ecclesia, deque ejus constitutionibus & traditionibus (de his siquidem omnibus tibi ab Aldegonde quæstio proponebatur) ex Scripturis Sanctis esse petendum: ita profecto tibi reluctari cogor, in eo quod dictum amplificans, subjungis non tantum præfatum judicium ex Scripturis nobis petendum, sed etiam quòd ex sola Scriptura peti debeat. Utenim prius illud non Augustinus solus, sed fides ipsa Patrum nos doceat, omnia videlicet Ecclesiastica ad Scripturarum amussim esse exigenda; hoc tamen posterius nec suspicatus certè est Divus ille. Quare desiderarem utique exclusionis notam illam ex sola Scriptura, omnino inde expunctam, aut certè (ut decebat) explicatam. Quasi verò minùs sit credendum Ecclesiæ in his quæ nos docet, aut facere nos jubet, quod ea in arcanis

litteris minùs nobis videantur excussa: & quasi multa non sint, quæ sine expressa Scriptura à Christo ad Ecclesiam per viros Dei plenos spiritu transmissa fidei ipsa memoriâ retineat; & quasi tandem solâ vocum Scripturæ Sanctæ efficaciam sit nobis semper omnis aut corrigendus error, aut firmanda veritas. Dicam ad summam, quid sibi vult hoc: *ex sola Scriptura peti debet?* nam quàm sæpe Scripturæ locus obscurus est, quem minimè possis ex aliis ejusdem divini canonis manifestioribus locutionibus illustrare? an non tunc ad eorum testimonia & studia recurremus, qui nostri temporis contentiones præcesserunt, quique lumine celesti in eam rem sunt à Deo ditati, cujusmodi imprimis est Ecclesia, & Ecclesiæ conventus legitimi, Romanique Pontifices, Ecclesiastici Patres? Nonne ex his simul cum Scriptura, & non ex sola Scriptura judicium de divinis tunc petemus? Adde quòd multa sunt ad doctrinam Christianam maximè facientia, quæ nec etiam obscurè in numero in ipso canone divinorum Bibliorum leguntur, quæ tamen Sancti Apostoli bonis de causis vivâ tantùm voce prodiderunt. Exempla ponerem, nitecum agerem, ut non sit mihi metuendum, ne videar quid novum & recens excogitatum dicere. Horumne etiam judicium ex sola Scriptura petemus? nisi velit tua prudentia dicere, universorum etiam quæ traditione solâ servantur in Ecclesia (quæ plurima sanè sunt) judicium ex sola adhuc Scriptura petendum; non eatenus quòd expressè Dei verbo scripto ea constent, sed quatenus eadem Scriptura expressas Ecclesiæ Dei notas (sicut Augustinus eo in loco contra Donatistas egregiè convincit) profert; quæ cum cognoscantur Ecclesiæ nostræ Romanæ propriæ, faciliè colligamus, inde verè eam esse *columnam & veritatis fundamentum*, ac perinde noverimus errare, & labi non posse, quidquid doceat aut jubeat. Vel certè ed apposuisti prædictam exclusivam, quòd insinuaves Ecclesiam veritate in Scripturis Sanctis scriptâ semper illuminari, etiam circa ea, quæ in numero divinis litteris mandata non sunt. Quorum certè utrumque tam est verum, & Christianæ parænesi conforme, quàm quod maximè. At, quod tuâ pace dixerim, nec id erat quod querebat Aldegondus, nec satis in re tam gravi, tamque cum hostibus fidei nostræ controversâ, fidelibus simplicioribus per te responsione illâ consultum judico. Hanc ego legem semper vidi servari, non modò apud Ecclesiasticos viros, verùm apud prophanos, in ferendis sententiis super aliquorum dissidiis, ut scilicet judicantis verba tam sint clara & perspicua, ut nullus deinde futuris jurgiis relictus locus videatur, nec sit altero judice opus, qui prioris mentem interpretetur. Acutè proinde, et finimis subdolè & fraudulenter, Philippus tuus rem jucundam & sibi pergratam habens, quod in gravissima quæstione, & quæ omnium cum hæreticis controversiarum tantùm non cardo ac fundamentum est præcipuum, tu cum illo propè ad amussim consentires, sententiam tuam in satis iniquum judicium trahit, quâ visus ei fueris nudam & solam Scripturam judicem constituisse omnium nostrarum cum hæreticis litium: ait enim in litteris ad te datis §. Novembris 1577. Quantum igitur ex tua, immò potiùs Augustini sententia possum conjicere, omnino ita sentis; unicum Ecclesiasticarum traditionum *beatissimam*, unicum lapidem *Lydiu*m atque judicem esse verba Domini nostri Jesu Christi tradita Sacræ Scripturæ disertis paginis; nec audiendum esse, hoc

dicat

dicat Augustinus, hoc dicunt Donatistæ, sed hoc dicit Dominus: & in libris Dominicis, quibus utrique credimus, utrique assentimur, quærendam esse Ecclesiam, causamque omnem nostram & controversiam discutiendam. Hic jam ille, quasi Ecclesiæ funere exultans, & tripudians, tamquam si verbo illo ex sola Sacræ Scripturæ pagina, Apostolicas traditiones, Conciliorum decreta, Romanorum Pontificum placita, Patrum explanationes & commentarios ab illo unico ac primo Ecclesiasticarum traditionum judicio tu exclusisses. Ulterius audet progredi & inferre: Ergo *judicium de Christi Ecclesia ejusque doctrina & Sacramentis* (hoc enim ex priori necessario efficitur) *ex sola Scriptura peti debere.* In hoc, addit, certe ego tibi per omnia planissime assentior, ac vere ita statuo, si hoc ipsum impetremus, facile reliquas omnes controversias ac nullo negotio iri compositum. Hæc ille: & ut clarius videas adhuc, quantum tibi vox illa, ex sola Sacra Scriptura, arriserit, quamque eam suis sensibus infixam server; deinde, quasi tuæ sententiæ rationem reddens: *ut enim*, inquit, *post Paulum ait Athanasius, sufficiens sanctæ ac divinitus inspiratæ Scripturæ ad omnem instructionem veritatis.* Vides non diu potuisse istum simulatum tuum discipulum dissimulasse, quæ olim ex Calvinii sui ore toties accepisset. *Sacramentum & ejus usus* (dixerat ille) *nisi certo Dei verbi expressi fundamento nitatur, de filo pendeat.* Præmiserat verò eodem in loco, inquiens: *ubi demum in carne manifestata est Dei sapientia, quidquid humanam mentem de Patre cælesti comprehendere potest, & cogitari debet, plene ore nobis edisseruit.* Quæ duo, quasi tu signo exclusivo firmaveris, ea tibi Aldegondus adscribit. Heu, quantam fenestram (mi Domine) ad nequitiam furis istis illo tuo benè dicto verbo *ex sola Scriptura peti debet*, etiam nolens, patefeceris.

Illud etiam quod subjungis, non debere mirari Aldegondum, si exemplo suo, qui te de ea re dignatus fuerit consulere, veri fideles, ut ex Scripturis Sanctis de eadem Ecclesia verum judicium accipiant, eorum se studio, diligentia & testimonio juvare conentur, qui præ cæteris à Deo verâ sapientiâ ditati fuisse creduntur; hoc, inquam, licet verè dixeris, nimis tamen blandè & molliter est abste dictum; nollem profectò deo in negotio tam ipsius admirationem taxasses, quam quod inculcasses necessitatem summam accersendi sibi expertos Doctores verbi Dei, quoties esset ei de divinis per Scripturas Sanctas judicandum, terruisseque hominem pro tua dignitate & gravitate, ne imprudens ac demens immenso Scripturarum Sanctarum pelago (in quo multò acutiores & ingenio valentiores Aldegondo miserandum naufragium pertulerat, miserumque periclitati sunt) sine bonis ac firmis remis, & quibus tumens mare facile cedat, & non sui cerebri levitate tantum fretus se committat, unde miser, scopulosis illis collibus, enavigare & nesciat & nequeat. O quàm fuissèm lætus, si admonitionem istam tuam verè paternam, immò reprehensionem tanto Magistro dignam, præclaro illo Scripturæ loco ornasses, ubi legimus, quod quot intra arcam, hæc est Dei Ecclesia, inclusi non fuissent, periisse regnante diluvio! Vis dicam? tu istos curas molliter. Ægyptium erat mare, & tamen gentiles suos (ut ita loquar) devoravit; eis verò qui unius ducis unanimes fidem imitarentur, etiam exteris & ignotis ultrò divino jussu cessit. Ceciderunt illi in suis equis ac curribus, transiverunt hi pedites revelatis

sibi terræ fundamentis, patefactisque aquarum fontibus, idque non aliâ ratione, (juxta divinum canonem) quàm quoddam Dei verbo per suum famulum divulgato illi constanter reluctarentur non semel per eundem sibi popositi, hi corde tunc perfecto crediderunt. Verum revertamur ad Aldegon dum; & si placet, contemplemur quantum apud eum tu profeceris dulcedine tuâ istâ nimiamque indulgentiâ. *Esti lubens, inquit, confiteor quod ais, veros fideles, ut de Scripturis Sacris, de Christi Ecclesia verum judicium accipiant, eorum se studio, diligentia & testimonio juvare, qui præ cæteris verâ sapientiâ à Deo ditati fuisse creduntur; inter quos ego & Augustinum non gravatè reposuerim: tamen illud cum Chrysostomo liceat contendere, multos quidem Spiritum Sanctum jactare: sed qui propria loquantur falsò illum prætere. Ut enim Christus non à se ipso loqui se testatur, quia ex lege loquebatur & Prophetis, ita si quid præter Evangelium sub titulo Spiritus Sancti obtruditur, non credamus.* Quia sicuti Christus legis & Prophetarum impletio est, ita Spiritus Evangelii. Hæc ille. Ipsissimus cuneus iste est, quo Calvinus in Institutione sua ad findendam Ecclesiam utitur, à quo, non animum tantum & sententias, verum & verba ipsissima mutuo Aldegon dus accepit: quo sanè loco non satis mirari queo, quàm nihil mentis istis hominibus sit. Si apertos profectò oculis haberent, planè intuerentur se suo perimere ense, cadereque trucidatos proprio gladio. Utri (ab eis quero, respondeant) magis videntur Spiritum Sanctum jactare, magis propria loqui, falsòque Domini Spiritum prætere? Utri (rogabo istos) securius mare hoc Scripturarum navigabunt? illine qui spretis pro libidine Patribus, spretis Apostolicis traditionibus, spretâ demum omni Ecclesiasticâ disciplinâ, quotidie ad Scripturas provocant adversarios suos, jactantque eâ se libertate potiri, ut in ipsis enarrandis, in nullius debeant cogi *jurare verba Magistri*; etiam si eis tota obijciatur Ecclesia & tanta Patrum nubes, quorum animus errore vagetur, nec habeant quod certò sequantur? An qui mutam illum Scripturarum judicem germanâ Ecclesiæ & Sanctorum intelligentiâ, vivificare & animare nunquam non contendunt, quique eos sectantur Magistros, quorum probitas quemquam fallere non sinat, quorumque plurima scientia divinitus concessa ac vigiliis multis aucta, ipsos decipi non patiatur? Certe quidem (Michaël longè doctissime) locus hic, in quem te ille projecit invitum, si abste pro tua magna eruditione fuisset occupatus & expeditus; non opinor, tam inverecundum animi ingenium possideret Philippus iste, ut te virum sanctum, pium & doctum eligeret, apud quem virus nequissimæ acerbitalis suæ, quod in Ecclesiam ejusque universales ac legitimas Synodos, inque Romanorum Pontificum sanctissima certissimaque decreta jam diu suo stomacho concoxisset, evo meret forasque projiceret; sed te contrâ nulla in re ipsius dementiæ conniventem, imò potiùs ad vivum omnia refecantem, non modò revereretur, sed etiam pertimesceret. Dixi semel, nec me dixisse (sat scio) unquam pudebit pigebitque, deteriores istos fieri licentiâ & indulgentiâ. Rectè proinde eâ lege Ezechiel à Deo missus speculator constituitur, ut, si prævisum imminens malum non annuntiaverit, ejus qui perit reus efficiatur. Contemplemur & expendamus sequentiâ, videbis quàm ille sinceritati tuæ infidietur semper.

Postquam enim juvari nos dixisti in responsione tua, hominum clarissimo studio & scientia, ut ex Scripturis Sanctis de Dei Ecclesia verum iudicium accipiamus; subiungis, ad eundem usum referenda Conciliorum decreta, & Romanorum Pontificum placita. Ita me Deus amet! cogor invitushanc tuam, pene appellaverim desidiā, in disserendo hoc loco Ecclesiastico magisterio, (quod te sat scio aliqui magnopere delectat) iterum notare. Novit namque tua Reverentia longē ad præstantiores usus referenda Conciliorum decreta, & Romanorum Pontificum placita, quā cuiusvis hominis iudicia quantumvis licet excellat. Illa siquidem esse non vera nequeunt: cū sæpe contingat doctos aliqui viros hallucinari graviter, & à iudicio vero longē aberrare. Non ergo debuit tua Eruditio sic hīc æquo pede hæc omnia metiri, ne videretur quasi apertam dedisse hosti anſam, ad tam faciliē hæc quā illa perdendum, ut qui sibi persuadeat, nihil his inesse divinius quā illis: quod re ipsa accidit. Non enim horret dicere, tuis auditis, eam sibi statuendam rationem penitus de Conciliis & Pontificum decretis, atque de aliorum Ecclesiæ Doctorum iudiciis, nec hos divinos iudices minū quā illos veretur non inter pios & sinceros Ecclesiæ Doctores connumerare, sed inter Hæreticos & Scripturarum depravatores, si quid, præter Evangelium in Scriptura expressum, sub titulo Spiritus Sancti obtrudere illi pergant. Domine mi, quia nimis virgæ tuæ percisti, odisti profectō virum tuum. Vides quō insanīæ deveneris iste, quōd initio, cū posses & deberes, similes in Spiritum Dei contumelias ultum non iveris, nec vi sapientiæ tuæ corripueris. Ergo Aldegon dum inter pios & sinceros Ecclesiæ Doctores habebimus, quōd sic prope ab Scripturarum fonte suos irriget doctrinarum tubos, ut, nisi expresso Dei verbo, velut purissimā lymphā refici velit, universos veræ Ecclesiæ Pastores, legitimo modo in unum Concilium coactos, si dicant nobis quæ sunt, modō non in Scripturis legantur, inter Hæreticos & Scripturarum depravatores connumerabimus? Heu quā est solemne, iniquis insignitos notis velle optimos quosque eisdem denigratos reddere. Utique non id obscurē præ se ille ferebat, cū de Ecclesiæ Dei iudicio se velle denuo tecum contendere diceret. Nec multū dissimulare animū potuit, quin tandem ipsum tibi palam exprimeret, quantumvis qui istius sunt artis, nunquam non præparent dissimulatim insidias tandem, ut quod cœpit expleat, & nichilominus nequam sermonem nequiore coronide ornet & terminet, concludens, inquit: *In summa, hoc inter nos conveniat, doctrinæ Apostolicæ & Prophetica, cui soli innixa est Ecclesia, iudicium omne ad Scripturarum esse revocandum, omniaque omnium Patrum dogmata, vel Conciliorum decreta, vel Pontificum placita, vel Scholasticorum axiomata, non aliter esse accipienda, nisi quatenus huic Scriptura sunt consentanea.* Hæc Aldegon dū. Profectō si dixisset, iudicium omnium dogmatum, quæ in Catholica nunc habentur Ecclesia, ad Scripturam fuisse per ipsam & Concilia atque Romanos Pontifices revocata, planē nos isti ad stipularemur. At antiquissima quæque nunc denuo per Aldegon dū ad Scripturam revocari quis ferat? Estne hoc aliud, nisi littem omnem de Religione Christiana perpetuam & infinitam reddere? nunquam non de Religione litigare? esse fora Ecclesiastica semper litigiosa, & nunquam terminandis litibus plena? Si antiquæ furix, ac monstra prisca, quæ

quæ olim Ecclesiam prætextu Scripturarum vexarunt, nunc triverunt, aut ex inferis ad nos remearent, haberent profectò, juxta Aldegondi præscriptum, imò verò juxta Sathanicum per Hæreticos inventum, quod se tueri possent adversum Ecclesiastica decreta, quibus sua illorum insania jam diu damnata est: verum de hoc paulò inferiùs redibit sermo.

Quid ad ista deliria tua Reverentia responderit vidi in Epistola vigesima octava mensis Novembris, anno 1577. ad eundem missa: verba tua sunt hæc: *Dicis itaque, tibi licere illud cum Chrysostomo contendere: Multos quidem Spiritum Sanctum iactare, sed qui propria loquantur, falsò illum prætendere: id quod verissimè dicis, quia id docet Scriptura Sancta, cum ait: Nolite omni spiritui credere, sed probate spiritus, si ex Deo sint.* Et rursus: *Propheta duo vel tres dicant, & ceteri dijudicent.* Duplici sanè Scripturæ loco hominem cruciasses, si aut ille saperet, aut tu in eum te hæc dicere palam testarere. Cæterum pergo: *Sed si quis, inquis, æquè conetur persuadere, veterum testimonia & Conciliorum decreta, præsertim antiquiorum, quæ per multas annorum centurias à viris doctissimis ad Scripturas Sanctas discussa, tamquam ab Spiritu Sancto profecta, hæcenus sine contradictione recepta sunt, posse leviter rejici, putò non facile excusabitur à contemptu eorum, quos venerari convenis.* Addis: *nam Concilii generalibus, quæ communi Patrum consensu conclusa, à cunctis fidelibus recepta sunt, etiam hoc accedit, quòd non immeritò existimantur & præsumantur continere sensum Ecclesiæ, de qua dicit Apostolus, quod sit columna & firmamentum veritatis: & generali sententiâ mandat Dominus, ut, qui Ecclesiam non audierit, sit tibi sicut Ethnicus & Publicanus.* Hæc tu.

Non desunt, qui de responsis primarii ac universalis omnium nostrorum Pastoris, Sacerdotis ac Magistri, Romani videlicet Pontificis, quem Aldegondus non minùs iniquè tractaverat quàm generalia Concilia, vellent ex te aliquid audire, quæ tu silentio texisti. Verùm ego non sine magno consilio id à te factum, & animo satis candido sic interpretor. Nosti certè, tam aversò istos esse animo in eam Sedem, (quæ omnium Ecclesiarum caput est & Magistra, & cujus Responsa circa fidem nostram divina sunt jam ab Apostolicis annis habita) ut certò tibi persuaderes Aldegondum cum suis scripta tua omnia execraturum devoturumque, si, quemadmodum sentis, ejus cum Cathedræ disciplinæ subjiendum necessariò decerneres, cui sanè non omnino displicere, ut, si posses, prodesse cupiebas. Sed revertor ad tua.

Dicam liberè, quæ nollem apposuisse, & cujus gratià id abs te omissum considerem. Novit tua Prudentia quid Calvinus, cujus umbra est iste Aldegondus, de Conciliis generalibus senserit, & in Institutione sua omnia magis quàm Christiana suos imitatores docuerit. Is namque Author ita eo in loco habet: *Quid ergo, inquires, nullane erit in definiendo Conciliorum autoritas? Imò verò, neque enim hic omnia Concilia damnanda, aut omnium acta rescindenda, & quod dicitur, unà litera esse inducenda puto. At cogitamen, inquires, omnia in ordinem, ut cuilibet in mediopositum sit recipere, vel repudiare quod statuerint Concilia.* Minimè verò: Imò præscas illas Synodos, ut Nicenam, Constantinopolitanam, Ephesinam primam, Chalcedonensem & similes, quæ confutandis erroribus habitæ sunt, libenter amplectimur, reverenturque ut Sacrosanctas quantum attinet a

fidei dogmata. Nihil enim continens aliud, quàm puram & nativam Scriptura interpretationem, quam S. Patres speciali providentiâ ad frangendum Religionis hostes, qui tunc emerferant, accommodant. In posterioribus quoque nonnullis, addit, videmus elucere verâ pietatis studium, notas adhuc ingenii, doctrinæ, prudentiæ non obscuras. Sed quemadmodum solent res in desertis ferè prolabi, ex recentioribus Conciliis videre est, quantum subinde Ecclesia à puritate illius auri seculi degeneravit. Dum enim numerantur, non appenduntur sententia, minorem partem à majori vitæ necessesse est. Quamobrem, adjungit, quoties Concilii alicujus decretum profertur, expendi primum diligenter velim, quo tempore habitum sit, quæ de causa habitum, & quo Concilio, quales homines interfuerint; deinde idem ipsum de quo agitur ad Scripturæ amussim examinari: idque in eum modum, ut Concilii definitio pondus suum habeat, sitque instar præjudicii. Ne tamen examen quod dixit impediatur, statim apponit: utinam eum modum omnes servarent, quem præscribit Augustinus. Profert illud idem exemplum de Maximino hæretico, cujus & Aldegondus sua in Epistola meminit. Nihil enim iste novit, nisi quòd fuerit ab illo edoctus. Vides, hæc omnia communia habere nobiscum Calvinum: videlicet maximam esse Conciliorum in definiendo fidei dogmate autoritatem; non esse cuilibet in medio positum recipere vel repudiare quod statuerint Concilia: amplecti se ingenuè, & minimè gravatè præfatas illas quatuor Synodos, & revereri ut Sacrosanctas; elucere sibi in posterioribus quoque nonnullis veræ pietatis studium: at, quia nondum ille cum Dei Ecclesia credit, quidquid fuerit decretum fidei nostræ ab omnibus sacris & legitimis Episcoporum Conciliis, tam præfatis illis quàm recentioribus his, ad divinam id esse voluntatem referendum, utpote in quibus certè Dei Spiritus præsideat, & contra Synodorum, quas nunc commendaverat, decreta de actis in ipsis adhuc inquirendum sentit, & denuò per viros doctos ad Scripturæ amussim illud totum revocandum, examinandum, & discutendum; nec sibi persuadet, includi Ecclesiæ veritatis firmamentum ac columnam in universali Patrum Concilio, summi omniū ac universalissimi Patris & Pastoris operâ collecto, & consensione obfirmato: quia itaque in his omnibus ab ipsorum Patrum regula Calvinus longè recedit, non magni Patres æstimant, si prædicet decreta Conciliorum, præsertim antiquorum, quæ per multas annorum centurias à viris doctis & sanctis pariter ad Scripturas Sacras discussa, tanquam ab Spiritu Sancto profecta, & hæcenus sine contradictione recepta, non modo non posse ea à nobis leviter rejici, sed prorsus nefas esse, nec quoquo pacto excusari contemptorem à contemptu eorum, quos venerari convenit: & quidem meritò jam diminutos Ecclesiæ suorum studiorum æstimatores & judices parvi facit. Nam vel recentissima Concilia legitima (de eis enim tantum sermo est) eodem Spiritu nunc ducuntur, quo antiquissima illa ducebantur, vel diverso. Si eodem, profectò aut utraque sunt fidei nostræ ex Scripturis dicenda regula certa, ut, si divino Spiritu regantur; aut, si humano, neutra: quod sanè veri fideles alienum ducunt à majestate Spiritus Dei, qui per Patres nos ibidem docet & suggerit, quæ Christus Dominus locutus est. Cui etiam perverse hæresi & illud accederet, quòd per eam incredibilis & æterna confusio Dei Ecclesiæ obtruderetur. Si verò præfati Patres in suis conventibus divini numi-

nis assensione gaudebant, quâ nostri destituantur; sanè quidem nequissima foret conditio nostra, qui eo ductore careamus inter tot errorum aggeres, quibus seculis istis cingitur Ecclesia, licet Dei gratia non similibus tutulis obruatur, quo illi à Deo ditati creduntur. At firmiorem habemus Evangelicum sermonem, firmiusque nobis à Deo promissum donum. *Dabo (ait fidei nostræ consummator & Author) vobis promissum Spiritum veritatis, qui sit vobiscum in æternum mansurus.* Ac si Dominus his verbis sponsam suam recessurus consolaretur: ut enim mendacii Spiritus nunquam vos non agitat, perturbabit, molestabit, & nequiter insectabitur; ita sane semper vobis aderit, semper vos tuebitur veritatis Spiritus, qui sua inter vos perpetuo exerceat Magistreria, nec sinat Ecclesiam meam illius nequam Spiritûs arte diludi. Observemus (si placet) hoc loco & tempore hæreticorum ingenia. Qui Ephesinæ Synodo interfuere hæretici, nullâ aliâ ratione contendebant acta in Nicæno Concilio esse rescindenda, quàm quoddam causa minimè fuisset satis perspecta, nec ad Scripturæ amussim pro veritate examinata, quodque multitudine solâ vicissent Catholici: ad eundem modum, nostrâ hâc tempestate iidem eâ ipsâ notâ Patrum nostrorum conventus infamant, & priscas illas Synodos laudant, quas veteres furæ velut illegitimas & nothas vanissimè repudiarunt. Quid est, si non hoc, *Lesbiâ sive plumbeâ regulâ*, divinissima quæque metiri: fidemque nostram, quam constantem esse maximè convenit, non pluris æstimare, quàm cereum quemdam nasum, quem ubicumque sit opus, faciliè flectas, torqueas ac curves? quæ lex, ut id tantum probes quod tuæ libidini non intellexeris palam adversari; id damnes quod instituto tuo noceat maximè? Nullus itaque Scholasticorum Patrum tam humiliter & demissè de generalibus Ecclesiæ Conciliis sensit unquam, vel suspicaretur examine suo ac discussione vel minimum certè illius maximæ divinæ autoritatis, quâ à Deo solo in causis fidei sine errore sententiandis ditata sunt, eis iri conciliatum, & multò minùs ullâ temporis diuturnitate: & licet quatuor illæ Synodi quædam habuerunt propria, quæ commendatioras eas orbi reddiderunt, in tantum, ut Divus quidam summus Ecclesiæ Christi Sacerdos, dicere non dubitavit, *venerari se eas quatuor, & ex osculari velut quatuor Christi Evangelia*: Tamen in universum cuncti Patres, jam ab eo tempore quo celebrari & cogi in Ecclesiâ ejusmodi conventus coeptum est, planè noverunt, ac constantissimè crediderunt non à quoquam hominum Synodos examinandas, sed per eas quoscumque tandem & sine spe provocandi ad judicem superiorem judicandas, habueruntque & reputarunt maledictos, & suo anathemate jam olim percusserunt eos omnes, quotquot non addiscendi animo, sed novo inquirendi studio, & denuò judicandi de decretis Concilii generalis ac legitimi, molirentur ea ipsa definita semel per Synodum ad Scripturas Sacras, velut ad suam regulam, perpendiculum & normam, examinare novo & rigoroso exigere. Idque facili sibi perferunt primarii illi viri, ut tam sanctè & piè de Oecumenicis Conciliis sentirent, quoddam certissimè crederent talibus conventibus divinâ Christi pollicitatione Dei Spiritum dulcissimo firmissimoque vinculo alligatum; cui qui reluctetur plusquam *Ethnicus* esset sibi habendus Domini mandato & *Publicanus*. Quamobrem (ut ad te veniam) verbum illud tuum, *presertim Antiquorum*:

& illud, ad *Scripturas Sanctas* discussa: & illud, *leviter rejici*: & illud, *puto quod non facile excusabitur*: (hoc inquam) totum puto inde expungendum, ut, quod de generalibus Conciliis verè & piè pronuntias quod sensum Ecclesiæ contineant, hoc abs te de omnibus generalibus ac legitimis dictum omnes videant; quodque cum illa communi Patrum consensu fuerint conclusa, necessum sit, à cunctis eà fidelibus recipi, haberique tamquam ab Spiritu Sancto profecta, nec indigere, quod per multas annorum centurias à doctis sanctisque viris denuo ad *Scripturas Sacras* discutiantur.

Cupio scribendi finem facere; faciam verò, cum leviter tetigero quonam pacto responsum tuam ad alteram quæstionem (an scilicet Ecclesia verbo Dei, an potius verbum Dei Ecclesiæ auctoritatem tribuat) ego nunc interpreter, & longè forte alio ab eo quo ipsam interpretatus est. Qui ad te scribit, ita sibi per omnia hac in parte abs te satisfactum, ut non potuerit istum tuum candorem non vehementer exosculari. Dico & ego. Næ tu perquam eruditè ac piè, responsum tuam comparatione Joannis Baptistæ cum Christi doctrina confirmasti, docuisti que convenientius dici, quod *Scriptura Sacra* tribuat Ecclesiæ auctoritatem, quàm contrà. Ita ut in eo capite, inter te & eos qui candidè abs te dicta, etiam candidè interpretantur, nulla restet controversia: inter te verò & Calvinianos maxima. Quare, vel Aldegondus hac parte Calvinianus esse desivit, vel tui animi candore inique hoc loco abusus est, sententiam tuam aliorum accipiens, atque ipse dixeris. Quasi hoc demum asseras, eruditionis veræ Theologicæ esse (ut sentiunt isti) nihil ultra, quàm sacris libris proditum est, & quod inde necessarià consecutione colligitur definire: cætera omnia (ut ajunt) esse problemata in illud rejicienda tempus, quum sublato speculo videbimus Deum de facie. Similitudinem itaque istam tuam (mi Domine) ego sic accipio: sicut, inquis, Joannes lucerna erat aliena (nempe Christi, qui naturà lux est, in eo tenebræ ullæ non sunt) luce lucens, divinà tamen illà flammâ micans, dicente eodem divo: *qui me misit baptizare, ille mihi dixit: supra quem videris Spiritum descendentem, ipse est: & ego vidi, & testimonium perhibui: Quia hic est Filius Dei*: dilecto similiter attestante divinitati hujus cælestis testimonii illis brevioribus verbis: *Fuis homo missus à Deo, cui nomen erat Joannes: Hic venit, ut testimonium perhiberet de lumine, ut qui Joanni non crederet, non crederet ei, qui illum misit testificari de Christo*: pari modo utut *Scriptura Sacra*, quæ nec falli potest, nec fallere, ipsam veritatem in se contineat, quæ certè veritate Ecclesia illuminetur, penitus tamen Ecclesiam sentis continuè asservari digitum Joannis, quo certò Christus & Christi omnia in *Scripturis* contenta divinitus, etsi humano ministerio, fidelibus demonstrantur. Quæ sanè Ecclesia instar Joannis dicere nobis potest, qui me elegit Filio suo Sponsam, ille mihi hæc & hæc dixit, locutus mihi olim per Prophetas, novissimè per Filium, & Filii sui Legatos, Apostolos, Sanctos. In summa, ex tuo exemplo non modò mihi elicio quod sibi Aldegondus collegit, nimirum, convenientius dici, quod verbum Dei auctoritatem Ecclesiæ tribuat, quàm contrà. Verum conjicio voluisse te eà comparatione indicasse utramque auctoritatem esse divinam & de cælo, cui nemini mortalium quoquo pacto reluctari liceat. Quis, cedo, negare audeat testimonium Joannis

de cælo fuisse, licet per hominem hominibus redditum, sicut de ejus Baptismo ipsissima veritas testata est, de cælo venisse, nec hominum fuisse inventum. Quare illud quod addis, posse facile Ecclesiam in suas relabi tenebras sibi derelictam; ita accipio, sicut & illud, quod de D. Joanne præmiseras, lucem esse, quæ vero lumine destituta, statim ad tenebras suas recidisset. Non enim id ideo dicis, quod sentias aut Ecclesiam, stante Dei verbo, posse in suas tenebras relabi, sibi quæ cælesti destitutam luce derelinqui, cum ejus *lucerna sit agnus*, qui, cum fuerit occisus, vivet in æternum: aut D. Joannem (quem Spiritus Sanctus, ne peccaret aut erraret in ipsis maternis visceribus inclusum, suâ gratiâ obfirmavit) potuisse juxta Dei legem, vero lumine destitui, ut in tenebras, quibus cæteri homines sunt obnoxii, ille recideret. Sed eò id dicis, quod indices in utroque fontem ipsum aut lucis aut veritatis.

Nolo tamen negare, immò fatebor ingenuè tuum illud verbum: *Ecclesia verò non nisi veritate in Scripturis Sanctis descripta illuminatur; & sibi derelicta, facile posset in suas tenebras relabi*, tam me offendit, quàm illud, *ex sola Scriptura peti debet præfatum Ecclesie judicium*, utrumque certè idem mihi sonat. Atque hæc forsitan pluribus à me dicta sunt, quàm exigebat ratio aut epistolæ, aut veritatis: minùs tamen multis, Domine mi, quàm postulabat pravè detorta, & inveterata istorum hominum opinio: tantum attigi illa & quidem raptim, & negotiorum turbâ vehementer complicatus, quorum te admonitum existimationi tuæ expedire pro nostra necessitudine judicavi: nec vereor dicas hæc nobis inchoata & rudia excidisse: solum digneris, oro, rudem me & integrum discipulum accipere, quem prima illa scientiæ nostræ rudimenta, de quibus tecum Aldegondus binis litteris egit, & tuam plurimam eruditionem recens percontari non dubitavit, planiori distinctiorique sermone quem nemo simulatus discipulus à tuæ mentis candore detorqueat, tu doceas: pluris certè æstimabo in tuam me dedisse disciplinam, quàm si se mihi instituendos plurimi permittant. Tam est magna omnium Catholicorum opinio de te, magnæque vitæ & scientiæ tuæ apud cunctos commendatio: atque, si id quod efflagito abs te obtinero, gratiorem me fore in te, quàm isti perversi sint, certum habeto; meque, quod hîc tu operæ insumpseris non *in carnem*, ut dicitur, *diem*, sed fides occultam, precibus nimirum pro incolumitate tua coram Deo fundendis, soluturum atque annumeraturum: sin frustra te rogavero, unum tamen mihi nunquam negabis, hoc, inquam, meo desiderio, non ita privato commodo studuisse me, quin & tui nominis rationem simul habuerim, cui apud fideles omnes consultum tantopere cupiam. Vale, celeberrimi Musæi moderator præclare; meque, ut solitus es, amabis. Trajecti ad Mosam, 8. Januarii, 1580.

MICHAELIS BAII,
 ADVERSUS
 P. FRANCISCI
 HORANTI
 REPREHENSIONES
 EPISTOLA
 APOLOGETICA.

Eximio D. & Sacræ Theologiæ Licentiato; M. Anthonio
 Ghennart, Canonico Leodiensi,

MICHAEL DE BAII,

CAPUT PRIMUM.

Quodd secundum D. Hieronymum & Augustinum reprehensibile sit, epistolam ad amicum scriptam non prius ei mitti, quàm latius in alios dispersatur.



Um nuper ex litteris tuis intellexissem, quemdam (cujus nomen reticebas) obrulisse tibi approbandam epistolam, contra responsiones meas ad quæstiones Sanct-Aldegondi, de Ecclesia scriptam, ut Leodii imprimeretur, optime Domine Anthoni, teque cum tuis consortibus ex certis causis approbationem recusasse, atque illum respondisse, quodd curaret eam imprimi Coloniz; cùmque deinceps ex litteris Reverendissimi Domini Ruremondensis, datis Trajecti Mosæ, 8. Februarii anni 80. & mihi Lovanii redditus 13. ejusdem, cognovissem supradictæ epistolæ scriptorem fuisse R. D. Ho-

rantium, quem similiter scribebat sibi promississe, quod hanc epistolam non ederet, si modò intra dies quindecim clariùs explicarem, quo sensu dixissem D. Augustinum asseruisse, Judicium de Ecclesia ex sola Scriptura petendum; omnino putabam fore, ut supradictus Horantius epistolam suam aut omnino supprimeret, aut saltem mihi mitteret, priusquam ederet in publicum, ut possem certius cognoscere, quid illi in scriptis meis displiceret, præsertim quia acceptis litteris R. D. Ruremondensis, etiam corpore malè affectus, tantà celeritate respondi, ut ne exemplar quidem litterarum mearum apud me servaverim. Misque simul quatuor illa prima capita libelli de Ecclesia, quæ & ad te priùs miseram, in quibus clarissimè aperui, ex Leodio Lovanium attulit, non ad me, sed in usum suum, aut fortè eorum quibus luberet eam legere. Quæ cum fuerit in via à Colonia usque Lovanium dies novem: & ipsa epistola constet undecim quaternionibus, qui non nisi singuli diebus singulis imprimuntur, necessum est, epistolam ut minimùm impositam esse prelo, octavo aut nono die Februarii, quando videlicet datæ sunt litteræ R. D. Ruremondensis, quibus scribebat, se litteris tuis admonitum, adiisse R. D. Horantium, ac rogasse, ne epistolam suam Coloniae imprimendam curaret, priusquam privatis litteris me fraternè admonuisset de iis quæ in scriptis meis ad Aldegon-dum offendeant. Deinde subdit in suis litteris: *Hac eadem de te Reverendus D. Levinus, R. D. Cardinalis jussu, cum eodem egit. Post quæ (inquit) bodie tandem ab eo impetravimus, ut promiserit, se suæ epistolæ libellos in vulgus non editurum, modò tu intra dies quindecim nobis rescripseris.* Rescriptum autem magnà celeritate, sicut suprà dixi, & nihil promovi. Igitur magna fuit hujus epistolæ publicandæ necessitas, propter quam & excusio & editio tantopere accelerata est, idque extra patriam, ut author nec monitus observaret quod & D. Hieronymus de epistola D. Augustini non fuisse observatum tam graviter conqueritur, & D. Augustinus observari debuisset palam constiterit: nempe, ut epistola ad amicum scripta, priùs ad eum perveniat cui scripta est, quàm in alios dispergatur. Ait enim Hieronymus: *Satis mirari nequeo quomodo ipsa epistola tua & Roma, & in Italia haberi à plerisque dicatur, & ad me solum non pervenerit, cui soli missa est.* Augustinus verò sic respondet: *Dabo operam diligentier, ut litteræ quas ad te scribo, priùs ad te perveniant, quàm ad quemquam à quo latius dispergantur.* Fateor enim nec hoc mihi fieri velle de tuis ad me, quod de meis ad te factum justissimè exoptulas. Et Hieronymus ad Domnionem de Monacho quodam: *Si errare me arbitratus est, inquit, debuit vel arguere, vel interrogare per litteras: quod vir eruditus & nobilis fecit Pamphilius. Imitatus saltem fuisset tuam verecundiam, qui ea loca quæ scandalum quibusdam facere videbantur, excerpta de volumine per ordinem digessisti.*

Epist. 14.
apud Aug.

Epist. 19.

CAPUT II.

Quod responsio ad quæstiones de Altaris sacramento supra meritum ab Horantio extollatur; sed in Responsione ad quæstiones de Ecclesia duo sunt reprehensionis capita.

Responſionem ad quæſtiones de tremendo Altaris ſacramento, longè ſuprà quàm meretur extollit Horantius; ſed in Reſponſione ad quæſtionem de Chriſti Eccleſia, duo ſunt reprehensionis capita. Prius eſt, quòd nimia lenitate, ſeu potiùs deſidià Sanct-Aldegondum corripuerim: Alterum verò, quòd ſecutus D. Auguſtinum, dixerim iudicium de eccleſia, ex ſola Scriptura ſumendum; quòdque Sanct-Aldegondo ſatis impudenter inde colligenti, omnem noſtram cauſam, & cum hæreticis controverſiam, ad verba Domini tradita ſacræ Scripturæ eſſe diſcutiendam, non reſponderim ex profeſſo, ſed tantum principio reſponſionis ad poſteriores quæſtiones, dixerim in epiſtola Sanct-Aldegondi (quæ hæc continebat) non deeſſe, de quibus adhuc conferre debueremus. De unita.
Eccleſ. c. 2.

CAPUT III.

Quod Scriptura ſacra duos corripiendi modos inſinuet.

Ut igitur de priori capite dicam; Scriptura Sacra nobis duos corripiendi modos inſinuat. Alterum cum lenitate & manſuetudine, in quo Chriſtus in primis eminuit, dicens: *Diſcite à me, quia mitis ſum & humilis corde.* Matth. 12. Alterum verò cum aſtutia, cum increpatione, & imperio. De priori dicit Apoſtolus: *Fraſtres, ſi præoccupatus fueris homo in aliquo delicto; vos qui ſpiritusuales eſtis, huiusmodi inſtruite in ſpiritu lenitatis:* & ad Timoth. Seniore *ne increpaveris, ſed obſecra ut patrem, iuvenes ut fraſtres:* & iterum: *Servum Dei non oportet litigare, ſed manſuetum eſſe ad omnes, docibilem, patientem, cum modeſtia corripientem eos qui reſiſtunt veritati; nequando Deus illis det poenitentiam, ad cognoscendam veritatem.* Galat. 6. Item Petrus: *Parati ſemper ad ſatisfactionem, omni poſcenti vos rationem, de ea quæ in vobis eſt ſpe; ſed cum modeſtia & timore.* 1 Petr. 1. De poſteriori verò dicit Apoſtolus: *Peccantes coram omnibus argue, ut & ceteri timorem habeant.* 1 Tim. 5. Et ad Titum: *Inrepa illos durè, ut ſani ſint in fide.* Et ruruſus: *Hæc abſens ſcribo, ut non præſens durius agam, ſecundum poteſtatem quam dedit nobis Deus, in adificationem, & non in deſtructionem.* Tit. 1. De amboſ autem corripiendi modis ſimul ſcribit Corinth. *Quid vultis, in virga veniam ad vos, an in charta- & Cor. 4.* te & ſpiritu manſuetudinis?

C A P U T IV.

Quòd tacendo non sit veritatis honori detrahendum.

QUæritur ergo inter nos, utro modo Sanct-Aldegondus quæstiones suas proponens, per me tractari debuit; An in spiritu lenitatis, an in austeritate, & increpatione sermonis. Non enim sentit Horantius, ad quæstiones ejus omnino respondendum non fuisse; sicut alius quidam, à quo increpatus sum, quòd non profus tacuerim: cui objeci quod ait beatus Petrus, semper paratos nos esse debere, ad satisfactionem omni poscenti nos rationem, de ea quæ in nobis est spe. Item illud Christi apud Matthæum: *Omnis ergo qui confitebitur me coram hominibus, confitebor & ego eum coram patre meo, qui in calis est: Qui autem negaverit me coram hominibus, negabo & ego eum coram patre meo, qui in calis est.* Alia est enim causa, cum rogamur: alia, cum non rogamur. Cum non rogamur, locum non habet confessio in Evangelio præcepta, sed tantum fraterna correptio, quæ pro eorum utilitate moderanda est, quibus impenditur; & idè si omnino putatur non profutura, tunc impendenda non est, ne margaritas spargamus ante porcos. Quando verò rogamur, tunc facillè potest intervenire præceptum confessionis, quo jubemur confiteri veritatem, non tantum propter rogantis utilitatem, sed etiam propter honorem veritatis, ne quid illi tacendo detrahamus, tunc sive interroganti profutura sit nostra responsio, sive obfutura, attamen respondere tenemur. Unde etiam Christus in Evangelio, non tantum interrogantibus discipulis respondit, ut eis consuleret, sed etiam cum inimicis tentantibus, obtestantibus, maledicentibus, habuit de veritate sermonem, ut illam honoraret. Quin & ipsum diabolum insidiosè tentantem, & de Scripturis Sanctis quæstionum laqueos opponentem (inquit Augustinus) de Scripturis sanctis respondendo convincit: Nec judicavit indignum, cum sathana Christus de divinis eloquiis habere colloquium.

*Contra
Cres. lib.
1. cap. 1.*

C A P U T V.

Quòd errantes, extra nostram potestatem positi, potiùs sint cum lenitate docendi, & ad fidem revocandi, quàm increpandi cum imperio.

CUm ergo ambo sentiamus, ad quæstiones Aldegondi omnino tacendum non fuisse, inter nos controversatur, utro modo respondendum fuerit. An cum lenitate eum docendo, quæ veluti dubitans discere velle videbatur: an cum austeritate, imperio, & autoritate eum increpando, quod ejusmodi quæstionibus fidem suam suspectam redderet. Si mihi subjectus fuisset, & in mea potestate positus: sicut Timotheo & Tito subjecti fuerunt, de quibus ait Apostolus: *Peccantes coram omnibus argue, ut & ceteri timorem habeant; & ad Titum: Increpa illos durè, ut sani sint in fide: potuissèm ei cum increpatione respondere,*

*1 Tim. 3.
Tit. 1.*

pondere, & eum minando detertere, ne ejusmodi periculosis, ne dicam perniciosis, disputationibus incumberet. Sed quia assistens lateri principis Aurai (qui favore multorum, etiam contra Regiam majestatem incipiebat hic rerum potiri, & me potius in potestate habebat, quam ego illum) idem non putavi illum meâ gravitate terrendum, sicut à me requirit Horantius, sed potius ex Scripturis Sacris cum modestia docendum: sicut ait Petrus, *Parati semper ad satisfactionem omni poscenti vos rationem de ea qua in vobis est spe, sed cum modestia & timore.* Similiter Apostolus: *Servum Dei non oportet litigare, sed mansuetum esse ad omnes, docibilem, patientem, cum modestia corripientem eos qui resistunt veritati.* Et rursus: *Seniorem ne increpaveris, sed obsecra ut patrem.* Si enim ob reverentiam ætatis, seniorem Episcopo subiectum, & in ejus potestate positum jubet Apostolus non increpari, sed rogari ut patrem; quanto magis intelligendus est jubere, ne quis privatus & abjectæ originis, qualis ego sum, virum nobilem, potentem & in lubrico positum, duris & acerbis verbis exasperare præsumat: sed tantum docere, & rogare ut Deum timeat, & suæ aliorumque curam salutis non negligat. Sicut divus Bernardus primâ suâ epistolâ, nepotem se juniorem, sibi que etiam ratione voti astrictum, sed jam extra suam potestatem positum, admirabili humilitate & lenitate obsecrat, ut ad susceptum prius institutum revertatur. Quo consilio etiam erga suos subditos nunc utitur Catholica Majestas, quæ tamen non sine causa gladium portat, magis studens eos lenitate attrahere, quam minis & timore suppliciorum compellere, ut ad catholicam fidem & sui principis obedientiam redeant. Petit Horantius ut contemplerur quantum apud Sanct-Aldegondum profecerim istâ meâ dulcedine, nimâque indulgentiâ? Respondeo, me hoc profecisse, ut de rebus gravissimis differentem (nec judicio ejus omnino infelicer differentem, præsertim de tremendo Altaris sacramento) patienter audierit, & iis quæ dicebantur sic intenderit, ut mihi absque omni contumelia semel atque iterum responderit. Ex quo infero me hoc saltem apud eum profecisse, ut auditorem & benevolum & attentum reddiderim, & forsitan in quibusdam consentientem; licet, superveniente bello, quod conabar perficere non potuerim. Cæterum ego vicissim rogo, ut Horantius intra aliquot menses contempletur, quid ipse suâ acri increpatione, seu, ut vocat, suâ virgâ, cui me nimium pepercisse queritur, profecerit: nominando eum impositorem, tractandum, ut dignus est, deploratum, e mentium discipulum, ingratum pullum in suam matrem recalcitrantem; & fortè comperiet se apud eum nihil aliud profecisse, quam ut ipse, cum doctrina veritatis quam illi cum increpatione ingerit, aut omnino contemnat, aut irrideatur, subsannetur, aut alia similia patitur; quæ non debent esse Christianis formidabilia, quando pro veritate irrogantur: sed tamen non sunt per eos ex stimulo impatientiæ aut vindictæ provocanda, quando aut nulla, aut exigua utilitas expectatur, ne videantur eo zelo succensî, quo succensî erant Christi discipuli, dicentes: *Vis dicamus, ut ignis descendat de caelo, & consumat eos?* non autem eo, quo succensus erat Apostolus, dicens: *Maledicimur & benedicimus, persecutionem patimur & sustinemus, blasphemamur & obsecramus.* Sed omnis ejus nobiscum disputatio, inquit Horantius, simulata & composita tragœdia est; nec aliud agit, quam

quàm ut ex ore nostro verbum aliquod excidat, quod suæ insaniz astipulari existimet. Respondeo, fieri posse ut ita habeat; possum hoc timere, non tamen audeo judicare, præsertim de futuris, quæ adhuc in manu Dei sunt, & procul à nostra cognitione, quia scriptum est: *Nolite judicare & non judicabimini. Tu quis es qui judicas alienum servum?* (inquit Apostolus) *Domino suo stat aut cadit: stabit autem: potens est enim Deus statuere illum.* Qualiscunque sit, etiamsi fortè deterior esset Phariseis & Saducæis, quibus insidiantibus & calumniantibus Christus ex Scripturis Sanctis respondit; saltem non est diabolus deterior, quem etiam ex Scripturis Sanctis redarguit Christus, & confudit.

Lui. 6.

Rom. 14.

Matt. 23.

& 22. &

19.

Matt. 4.

C A P U T V I.

Quòd hæretici veras Scripturas habeant, ex quibus possit cum eis disputari.

AT hæretici non habent veras Dei Scripturas, inquit Horantius, qui verum earum intellectum, qui Ecclesiæ est, non habent, quantumlibet Scripturas jaçent: quia Dei Evangelium non in Scripturis, sed in sensibus est. Hic rursus quæro, An Pharisei, an Saducæi, an denique diabolus ipse, veras Scripturas habuerint, cum quibus Christus sæpius ex Scripturis Sacris disputavit? Attamen quòd & Judæi & hæretici veras Scripturas Sacras habeant, quamdiu libros habent incorruptos, ex eo convincitur, quòd Scriptura nomen signi est, quòd apud quemcunque reperitur, semper manet verum quamdiu servatur incorruptum; etiamsi vera ejus intelligentia non habeatur, quæ significatur nomine Evangelii. Evangelium enim propriè non tam signi nomen est, quàm intelligentiæ signatæ, quæ intelligentia invenitur in solis cognoscentibus veritatem. Sed sicut Ecclesia catholica, contra Donatistas defendit, quòd hæretici habent & conferunt vera sacramenta, rerum sacramenta signa, etiamsi res ipsas sacras nec conferant, nec habeant; & cùm ad Ecclesiam redeunt qui sacramenta ab eis susceperunt, signa ipsa non rejiciuntur tanquam falsa, sed agnoscuntur tanquam vera Christi sacramenta: Sic etiam defendere debemus, quòd Judæi & hæretici, quando libros sacros habent incorruptos, veras habent Scripturas sacras, ex quibus eos redarguere & convincere possumus; sicut ab initio nascentis Ecclesiæ semper fecerunt nostri majores, non reddendo eis Scripturas Sacras, quibus non carent; sed ostendendo eis veram earum intelligentiam, quam obtenebrati non vident. Si verò, juxta sententiam Horantii, in eo reprehendendus sum, quòd secutus divum Augustinum, ut ad cor Aldegondi introitum invenirem & loquerer, aliquid dixi ex quo sententiam meam in satis iniquum judicium trahit, nescio quomodo ipse Horantius reprehensione carebit, id dicens quod non iniquo judicio trahitur, sed sensu verborum proprio, argumento scilicet à simili, spontaneo cursu, impetuque vehementi fertur, ut comprobet hæresim Donatistarum: nempe, quòd quemadmodum hæretici non habent veram Scripturam, quia intelligentiam signatam non habent; sic etiam ab hæreticis baptizati &

ordi-

ordinati non habent vera sacramenta, quia res sacras per sacramenta significatas non habent.

CAPUT VII.

*Quod peculiari quâdam ratione dicitur à Divo Augustino:
ex sola Scriptura Sacra discutiendum quanam,
& ubinam sit Christi Ecclesia.*

SEd nunc transeamus ad alterum reprehensionis caput. Ait autem sic Horantius: *Ut tibi ultro assentior, in eo quod Augustinum imitatus, initio responsionis tuae asseris, iudicium de Christi Ecclesia, de ejus constitutionibus & traditionibus, ex Scripturis Sanctis esse petendum: ita profecto tibi reluctari cogor, quod ex sola Scriptura peti debeat.* Fateor Horantium hæcenus satis fideliter retulisse, quæ responsionibus meis continebantur: sed hoc loco non bene copulavit iudicium de Ecclesia, cum iudicio de constitutionibus & traditionibus Ecclesiæ: quasi ego dixissem, iudicium de his tribus, videlicet de Ecclesia, ejusque constitutionibus & traditionibus, ex sola Scriptura petendum: quia licet de his omnibus mihi ab Aldegondo sit proposita quæstio, quemadmodum mihi objicit Horantius, attamen (sicut in mea responsione manifestissimum est) ego quæstionem de prædictis tribus simul propositam respondendo divisim, quod aut non advertit, aut dissimulat Horantius. Et principio quidem de sola Ecclesia ex D. Augustino dixi, quod ejus iudicium ex sola Scriptura peti debeat: de reliquis verò quæstionis partibus, videlicet de constitutionibus & traditionibus, post expeditas alias quæstiones de Ecclesia, brevissimam responsionem per se posui: quia prius admonitus à Domino doctore Leonino, dum adhuc nobiscum esset, quod valde expediret, ut Sanct-Aldegon dum de Ecclesia Christi conarer instruere; omnino decreveram de sola Ecclesia cum illo seriò disputare. Et ut de hac tam necessaria quæstione, cum benevolentia ad cor ejus loqui possem, ad eum sanandum ex professo præmisi, quod de unitate Ecclesiæ ad sanandum Petilianum præmiserat Augustinus, nempe ubinam & quanam esset Ecclesia, ex sola Scriptura petendum, Nam licet Augustinus non utatur voce, *sola*; utitur tamen æquivalentibus, præsertim cap. 16. ubi ait: *Utrum ipsi Ecclesiam teneant, non nisi divinarum Scripturarum canonicis libris ostendant.* Sive enim dicat, non nisi; sive dicat, solis divinarum Scripturarum canonicis libris; idem omnino significat. Sicut etiam intellexit Dominus Tiletanus, in Apologia pro concilio Tridentino; & Dominus Tapperus, in articulo de Ecclesia, qui nondum est editus. Quia enim videbam Sanct-Aldegon dum eodem prorfus morbo laborare, quo laborabat olim Petilianus, idè peritissimum medicum imitatus, eodem conatus sum uti remedio. Petilianus enim veram Christi Ecclesiam non agnoscebat, quia dicebat eam esse perditorum conspirationem, ac proinde nec Concilia sacra, nec constitutiones, nec traditiones ejus recipiebat; sed solos libros sacros, quos per suos majores ab ignibus conservatos gloriabatur. Nonne eodem morbo laborat Sanct-Al-

degondus? Sed ne quis existimet vel D. Augustinum, vel me ejus imitorem, dicendo judicium de Ecclesia ex sola Scriptura esse sumendum, aliquid voluisse detrudere traditionibus Apostolicis, Conciliis sacris, aut decretis Ecclesie, paucis aperiam cur videatur mihi D. Augustinus hoc peculiariter de isto fidei articulo dixisse, quod de aliis nec dixit, nec dici passus fuisset. Disputatio quâ queritur quænam & ubinam sit Christi Ecclesia, propter eos instituitur, qui de illa malè sentiunt: Qui autem de Christi Ecclesia malè sentiunt, consequens est ut & de traditionibus, & de Conciliis, & de constitutionibus Ecclesie, doctorumque testimoniis, non satis reverenter sentiant. Ac proinde sola restat Scriptura Sacra, ex qua adversus eos disputari possit, ubinam & quænam sit Christi Ecclesia. Quæ cum apertissima & innumera contineat testimonia, quibus id clarissimè ostenditur, (sicut de unitate Ecclesie, & alibi sæpius prosequitur Augustinus) idè rectissimè dixit, ubinam & quænam sit Christi Ecclesia, non nisi ex Scripturis Sacris esse disserendum, cum eis videlicet, propter quos ista instituitur disputatio, qui de Ecclesia malè sentiunt.

C A P U T VIII.

Quod veritas quæ utiliter dicitur, non debeat reticeri propter malignantes, qui illam in judicium perversum trahunt.

Sed Sanct-Aldegondus hanc sententiam meam ex D. Augustino desumptam, in satis iniquum judicium trahit, quasi visus ei fuerim solam Scripturam, judicem constituisse omnium nostrarum cum hæreticis litium. Quid est quod hæretici non depravant, ad suam ipsorum perditionem? Sed si bene dictum est quod depravatur; non est dicentis, sed depravantis culpa quod veritas suo loco dicta, cernentibus bonis, ad iniquum judicium trahitur. Magnum etiam periculum est, cum hæretici à nobis increpando nominantur impostores, & plusquam simulati discipuli, prout digni sunt tractandi, item deplorati & ingrati pulli in suam matrem recalcitrantes; non hæc nomina, non tanquam increpationes criminum ex charitatis zelo profectas, & ad emendationem prolatas, sed potius tanquam irascentis & impatientis animi convitia, contra Dei præceptum; nolite maledicere; ad vindicandum dicta intelligant, & sic maledictis maledicta reponant. Et tamen non timemus, ne hæc & similia in iniquum judicium trahant; sed tantum timemus, ne quod particulariter à Divo Augustino, propter certam utilitatem, de Christi Ecclesia verè dictum est absque ulla consequentia, generaliter de universa fide Christiana dictum ab hæreticis malitiosè accipiatur. Propter ignorantes & infirmos aliquando reticenda est veritas, etiam ubi alioqui utiliter diceretur. Sed de malignantibus ait Christus; *Sinite illos, quia cæci sunt, & duces cæcorum.* Unde etiam Apostolus, non ignorans in quàm iniquum judicium trahi possit quod se habet Judæis tanquam Judæus, iis qui sub lege erant quasi sub lege esset,

iis qui sine lege erant, tanquam sine lege esset: poterat enim putari, nunc esse Judæus, sub lege constitutus; nunc sine lege vivere, & sicut apud Judæos accusatus est, docere discensionem à lege: & tamen his non obstantibus, non *Ador. 11.* solum omnibus omnia factus est, ut omnes faceret salvos; sed etiam hoc ipsum se factum esse gloriatur, dicens: *Cum liber essem ex omnibus, omnium me 1 Cor. 9.* servum feci, ut plures lucrificarem: & factus sum Judæus tanquam Judæus, ut Judæos lucrarer: iis qui sub lege sunt, quasi sub lege essem, (cum ipse non essem sub lege) ut eos qui sub lege erant, lucrificarem: iis qui sine lege erant, tanquam sine lege essem, (cum sine lege Dei non essem, sed in lege essem Christi) ut lucrificarem eos qui sine lege erant. Quid igitur mirum, si ut Sanct-Aldegondum lucrificarem, conatus sum ei fieri, quod olim ob eandem causam Petiliano factus est Augustinus? Sed ego in responsione ad epistolam Sanct-Aldegondi, non eum ar- *Objectio.* guo, quod sententiam meam, de Christi Ecclesia particulariter dictam, tanquam de doctrina & sacramentis generaliter pronuntiatam intulerit. Respondeo: Priusquam hanc responsionem dictarem, miseram ad eum responsionem ad cæteras ejus quæstiones, quæ erant de Venerabili sacramento: in cuius quidem responsionis initio præmittebam, in ejus epistola non deesse in quibus adhuc conferre deberemus, & Deo juvante, absque omni amaritudine & animi contentione confereamus, inter quæ ego istud unum intelligebam. Sed quia mihi omnino propositum erat, de Ecclesia Christi latius cum eo disserere, sicut facillimè potest ex verbis meis intelligi, quæ in eadem responsione subjeci, videlicet, *In primis autem me ex hilaravit, quod senserim tibi ostensum à Domino, quæstionem de Ecclesia versari circa unum ex præcipuis cardinibus, seu fundamentis nostræ Religionis: & intra: Porro sicut caput, quod nascendo positum est in ruinam, & in signum cui contradicetur, non tantum à membris suis semper agnitus fuit & creditum; sed etiam suo tempore in terris visum, & à reliquis membris certâ fide discretum, dicendo: Tu es Christus filius Dei vivi, qui in hunc* *Matt. 16.* *Joan. 11.* *ebis & Prophetis semper creditum fuit, & ab iis qui post Christi ascensionem, misso Spiritu Sancto, Christi Evangelium toto orbe terrarum disseminaverunt, aut disseminari viderunt, usque in hunc diem semper visum fuit, & ab omnibus schismaticis certâ fide discretum, dicendo: hæc est domus Domini, &c.* Et in responsione ad objectiones Sanct-Aldegondi, paulò ante primam objectionem: *Hoc unum te suppliciter oro, optime Domine, quod & germanum fratrem, si tuo loco esset, etiam omninè rogarem, ut diligenter expenso libello D. Augustini de unitate Ecclesiæ, prudentia tua consideret, an audeat considerare esse in Christi Ecclesiâ, extra quam salus esse non potest.* Quia igitur omnino decreveram incumbere quæstioni de Ecclesiâ, in qua si mihi consenisset, facillè cætera obtinuissem; ideo reliquas quæstiones in aliud tempus differebam, ne vel importunâ aliquâ contradictione offensus, vel prolixitate scriptorum meorum fatigatus, collationem inter nos cœptam abrumperet, quam tamen postea (me dolente) bellum abrupit.

C A P U T. I X.

Quod errores hæreticorum facilius per partes expugnantur, quàm simul extirpentur universi.

Objeſio.

Solutio.

ILLud etiam graviter accusatur, quòd in responſione ad epiſtolam ejus, nimis remiſſè & reſtriçtè defenderim Concilia Patrum, additis reſtriçtionibus, &c. Ad quòd reſpondeo, quòd quia non ſtatueram immorari quæſtioni de Conciliis & Conſtitutionibus Eccleſiæ, donec plenius de Eccleſia diſſeruiſſem; ideò celeriter pertranſiens, ea duntaxat obiter perſtrinxi, quæ videbantur mihi non poſſe ſine magna abſurditate defendi: cujuſmodi erat, quòd videbatur mihi Sanct-Aldegondus in ſua epiſtola judicare, licere ſibi pro arbitrio veterum teſtimonia & univerſa Concilia ſacra dijudicare, an ex divi-
no, an ex humano eſſent ſpiritu profeçta. Contra quòd dixi: quòd ſi quis con-
netur perſuadere, veterum teſtimonia & decreta Conciliorum, præſertim antiquorum, quæ per multas annorum centurias à viris doctiſſimis atque ſan-
ctiſſimis ad Scripturas Sacras diſcuſſa, tanquam à Spiritu Sancto profeçta, hæcenus ſine contradicçione recepta ſunt, poſſe leviter rejici; puto quòd non
facile excuſabitur à contemptu eòrum quos venerari convenit. Nam Conci-
liis generalibus etiam hoc accedit, quòd non immeritò exiſtimentur continere ſenſum Eccleſiæ, quæ eſt columna & firmamentum veritatis. Reſtrinxi
autem ſermonem meum ad Concilia ſine contradicçione recepta, ne mihi
aliò properanti quæſtionem moveret de Concilio Ariminenſi, Conſtantiènſi,
Bafilienſi, & ſimilibus, quorum nonnulla decreta à quibuſdam in juſ vocan-
tur: ſed ea ſaltem Concilia fixa teneret, de quibus non ſolent fideles movere
quæſtionem, ut jacto hoc fundamento, introitum haberem ad ingrediendum
domum fortis, & demoliendum munitiones ejus, non ſtatim ſimul univerſos
ejus errores facto impetu undique oppugnando, & conando radicibus evel-
lere, ſicuti à me requirit Horantius; ſed paulatim nunc hanc, nunc illam par-
tem expugnando. Conſiderabam enim Chufai Arachitem conſilium dediſſe

Matt. 12.

1 Reg. 17.

Abſalon, ut ſimul univerſos, qui ad Davidem quoquo modo pertinebant, conglobatis univerſis copiis à Dan uſque Berſabee, uno impetu dele-
ret; & ſi quam forte intraret civitatem, illam detraheret in torrentem, ut non re-
periretur ne calculus quidem ex ea. Conſiderabam, inquam, Chufai hoc
conſilium dolosè ſuggeſſiſſe, non ad promovendam cauſam Abſalonis,
ſed ad diſſipandum conſilium Achitophel, quòd ad delendum Davidem uti-
lius fuiſſe teſtatur Scriptura, quàm ipſius Chufai: univerſa enim ſimul op-
pugnando, facile ſit ut nihil expugnetur. Viſum eſt adverſus epiſtolam Ho-
rantii pauca hæc curſum perſtringere, ut intelligentioribus oſtenderem,
non ſtatim ſecundùm Scripturas Sacras, debere deſidioſum, & ad revocan-
dum errantes infirmum reputari quicquid militarem fervorem, ſeu potiùs fu-
rorem non ſapit: quia quod infirmum eſt Dei, fortius eſt hominibus; & infirma
mundi elegit Deus, ut confundas fortia; & placuit Deo pro ſtultitiâ prædicatio-
nis ſalvos facere credentes: unde illud Apoſtoli: Nos ſtulti propter Chriſtum,
vos autem prudentes in Chriſto: nos infirmi, vos autem fortes.

1 Cor. 1.

1 Cor. 4.

ELENCHUS CAPITUM PRÆCEDENTIS EPISTOLÆ.

CAPUT I. *Quodd secundum D. Hieronymum & Augustinum reprehensibile sit, epistolam ad amicum scriptam non prius ei missi, quam latius in alios dispergatur.*

CAPUT II. *Quodd responsio ad quæstiones Sancti-Aldegondi de Altaris sacramento supra meritum ab Horantio extollatur, sed in responsione ad quæstiones de Ecclesia duo sunt reprehensionis capita.*

CAPUT III. *Quodd Scriptura Sacra duos corripiendi modos insinuet.*

CAPUT IV. *Quodd tacendo non sit veritatis honori detrabendum.*

CAPUT V. *Quodd errantes extra nostram potestatem positi, & sua cum dubitatione proponentes, potius sint cum lenitate docendi, quam increpandi cum impetio.*

CAPUT VI. *Quodd hæretici veras Scripturas habeant, ex quibus possit cum eis disputari, etiamsi intelligendo deficient.*

CAPUT VII. *Quodd peculiari quâdam ratione dicitur à Divo Augustino, ex sola Scriptura Sacra discutiendum, quanam & ubinam sit Christi Ecclesia: quæ ratio in aliis articulis fidei non perinde locum habet.*

CAPUT VIII. *Quodd veritas quæ utiliter dicitur, non debeat reticeri propter malignantes, qui illam in iudicium peruersum trahunt.*

CAPUT IX. *Quodd errores hæreticorum facilius per partes expugnentur, quam simul extirpentur universi.*

Utiliter cum Apologia excudetur,

Job. Molanus censor.

MICHAELIS BAII

A P O L O G I A,

PRO SUA AD

M A R N I X I I

OBJECTIONES RESPONSIONE.

C A P U T P R I M U M.

Quoddam hæretici vocentur Antichristi, quia licet aliud profiteantur, tamen re ipsâ Christo & Ecclesiæ ejus sunt adversarii; sicut Antichristus suo tempore futurus est, non solum re, sed etiam professione & nomine.



Um ante aliquot dies, ex Aquisgrano ad me missus esset libellus Antwerpiae editus, quem inscripisti: *Theses aliquot Theologicae de Ecclesia, atque ecclesiasticarum traditionum veritate*: in quo conaris redarguere responsionem meam, ad quaestiones de venerabili Altaris sacramento, per te mihi nuper propositas, optime Sanct-Aldegonde; valde miratus sum, te in eo libello asserere, quoddam edendo responsiones meas Lovanii, malâ fide tecum egerim, tibi quoque atque veritati contumeliam fecerim, quoddamque tuam responsionem tuaque omnia argumenta de re sacramentaria prorsus omiserim; cum mundo manifestum sit, me ex responsione tua, objectiones seu argumenta tua numero duodecim collegisse, ac quantum Deus pro tempore dedit, ex Scripturis Sacris (in quibus imprimis gloriaris) confutasse. Tuam autem Epistolam ad verbum prelo non commisi, quia sicut optimè nosti, (licet id dissimules) publica potestas nunquam permisisset ut hic ederetur epistola tua, quæ nihil nisi Calvinum sapit: cujusque author pertinaciter in eorum communione permanet, qui se palam in edictis publicis profitentur & nominant desertores Romanæ Catholicæ Religionis; quod nomen an aliqua hæresis unquam ante

Joan. 2. vos assumpserit, non memini me usquam legisse. Joannes 1. suæ epistolæ c. 2.

omnes

M. BAII APOLOGIA, PRO SUA RESPONSIONE. 351

omnes desertores Romanæ Catholicæ Religionis, qui ex nobis prodierunt, Antichristos vocat, quia licet non profiteantur se hostes Christi & Ecclesiæ ejus, sicut aliquando facturus est Antichristus; attamen reverà sunt Christi & Ecclesiæ persecutores ac hostes, sicut suo tempore futurus est Antichristus. Sed quòd aliqua secta ante vos ad Antichristum tam propè accesserit, ut etiam desertoris seu persecutoris Romanæ Catholicæ Ecclesiæ nomen assumpserit, nondum videor mihi legisse; nisi quis fortè talem existimet esse sectam Mahumeticam, quam nonnulli arbitrantur, regnum & potentiam Antichristo præparare.

C A P U T II.

*Quòd due sint causæ, cur epistola Sancti-Aldegon-
di non sit Lovanii edita.*

DUæ igitur sunt causæ, cur ego epistolam tuam posteriorem Lovanii non ediderim. Altera, quam dixi, quia à potestate publica nunquam ad prelum admissa fuisset, sine qua tamen edi non poterat, sicut optimè nosti. Altera, quia nolebam argumentis Calvinii, per te in ea epistola plausibiliter & apparenter propositis, eorum infirmitatem tentare, qui in Ecclesia Christi adhuc laste fidei nutriuntur, nec tantum in rerum divinarum intelligentia profecerunt, ut seductorum laqueos observare queant & conterere; quibus libenter insidiantur hæretici, intendentes arcum, & parantes sagittas, ut *sagit- Psal. xv.*
tens in obscuro rectos corde; eos videlicet qui nondum intelligendo clarescunt, sed tantum credendo recti sunt: quales nisi tu etiam te reperiturum sperasses, puto quòd nunquam ea argumenta in publicum emisisses, quibus posteriori hæc tuâ responsione dicta mea redarguere conaris.

C A P U T III.

*Quòd eadem propositio, servatâ eâdem vocum omnium
significatione, aliâ & aliâ intentione
possit enuntiari.*

QUIS enim (non dico in re Theologica, sed in Grammatica, & Dialectica paulò instructior) non videat, quantâ absurditate, quàmque pingui rudique ingenio, sicut loqueris, seu potius mente amore proprii erroris excæcatâ, sic colligis: Ista enunciatio, hic ager est tuus: aut ista, tu es uxor mea; aliquando profertur intentione tantum significandi id quod fuit, priusquam hæc oratio inciperet enuntiari: aliquando verò intentione faciendi ut ea prolata sit, quod per illam significatur. Igitur verbum substantivum, est, in illa positum bifariam accipitur; quia, ut ait Aristoteles, ea quæ sunt in voce, sunt earum quæ sunt in anima passionum notæ: quasi videlicet nulla passio, nulla intentio possit esse in anima loquentis, quin significetur vocibus ab

Genes. 12.
& 20.
Genes. 26.

eo profatis. Et si quis dicat, hæc est soror mea: intentione celandi quoddam sit uxor: sicut Pharaoni regi Ægypti, & Abimelech regi Geraræ de Sara dixit Abraham: & Isaac Palæstinis de Rebecca: aliud verò idem dicat intentione confitendi quod res habet, sicut ipse Abraham postea Abimelech regi Geraræ confessus est, dicens: *Verè soror mea est, filia patris mei, & non filia matris meæ*; necessum sit ut toties varietur verbi substantivi, est, significatio, quoties aliò atque aliò refertur loquentis intentio, etiamsi hanc suam intentionem, quæ alia est, non tantum nolit verbis aut signis indicare, sed etiam modis omnibus conetur abscondere. Vide sine quàm plumbeum & obrusum sit argumentum, quod non ex Scripturis Sacris, sicut præfando quàm disputando libentius gloriaris, sed ex Aristotele desumptum, tibi acutulum sonabat? Quod argumentum infra non omnino absurdè tendiculas appellasti, quibus me iactas indutum, quia infidias habent; sicut laqueus, quo improvidi capiuntur. Sed non minori negotio potuit dissolvi ac conteri, quàm à muscis maioribus solent araneorum telæ dirumpi. Sicut igitur prior tuâ responsione non rectè obiectisti, verbi substantivi (est) in aliqua enuntiatione positi, non posse unam & eandem esse significationem, si ea sententia aliâ & aliâ intentione profertur: sic nec in hac responsione ex verbis Aristotelis rectè collegisti, quod dicere enuntiationem aliquam, manente eadem vocum omnium significatione, posse aliâ & aliâ intentione dici, nihil aliud sit, quàm dicere enuntiationem aliquam, idem significando non idem significare: quia quando una & eadem propositio aliâ & aliâ intentione profertur, non oportet eam intentionem, quæ alia & alia est, illâ enuntiatione significari, sed eam tantum passionem quæ utrobique est eadem, ad quam significandam voces in propositione posite sunt institutæ: quæ eadem passio potest apud utrumque enuntiantem integra consistere, etiamsi ipsa enuntiationis pronuntiatio, à pronuntiatione ad aliam atque aliam intentionem referatur. Quamobrem non rectè asseris, me aut prævaricatum esse, aut destruxisse quod asserui, aut simulasse me velle destruere quod affirmasti: videlicet, hæc duo inter se discrepare, nec conciliari posse: verbum substantivum (est) propriè significat substantialitatem; & propositio in qua idem verbum ponitur, aliquando enuntiat intentionem asserendi quod fuit, priusquam inciperet efferri: aliquando verò intentionem faciendi, quod eâ propositione significatur. Nam ostendi hæc duo optimè inter se convenire, atque hanc Christi orationem: *hoc est corpus meum*, &, *hic est sanguis meus*; proferri posse, & intentione asserendi quod prius fuit quàm inciperet proferri, & intentione faciendi quod non fuit prius, sed quod futurum expectatur, ubi enuntiata fuerit, absque ulla mutatione significationis verbi substantivi (est) quia (ut dixi) ipsa passio, quæ vocibus propriè significatur, potest apud utrumque enuntiantem eadem consistere; etiamsi ipsorum enuntiantium alia atque alia sit enuntiandi loquendique ratio & intentio.

CAPUT IV.

Quod virtute hujus propositionis, hoc est corpus meum, possit fieri, quod per eam non significatur fieri, sed tantum significatur esse.

Potestque virtute hujus enuntiationis: Hoc est corpus meum: & hic est sanguis meus: effici quoddam per eam non significatur fieri, sed tantum significatur esse. Si enim, sicut refert B. Joannes, ut Christus dixit: *Ego sum*, Joan. 18. videlicet Jesus Nazarenus; Judas & qui cum eo erant abierunt retrorsum & ceciderunt in terram, prostrati verbis Christi nihil ejusmodi significantibus: quantum magis credendum est, verbis Christi effectum, quod, cum prius non esset, ipse verbis suis non tantum fieri (sicut debere prætendis) sed esse significavit, dicens: *Hoc est corpus meum*, &, *hic est sanguis meus*; juxta illud Psalmistæ: *Ipse dixit, & facta sunt: ipse mandavit, & creata sunt*. Nam dicere, est enuntiare: mandare verò, est imperare ut sit vel fiat quod dicitur aut mandatur. Christum autem dicendo efficere posse quicquid volebat, credidit Centurio, cum ait: *Non sum dignus ut intres sub tectum meum; sed tantum dic verbo, & sanabitur puer meus*. Matt. 8. Credidit & diabolus dicens: *Si filius Dei es, dic ut lapides isti panes fiant*; quo non decet Christianum ad credendum Christi verbis esse tardiolem. Miror te non attigisse similitudinem, quam in responsione mea his verbis posueram: Sicut Christus mandando multa effecit, quæ nos iisdem verbis, eadem significatione acceptis, tantum præcipere solemus ut per alios fiant: ut, *surgere, tolle grabatum tuum, & ambula*: *Lazare, veni foras*: *Respice*, &c. sic etiam per præsens enuntiando multa effecit, quæ nos iisdem verbis, eadem significatione acceptis, tantum esse significamus. Sed fortè non invenisti quomodo verisimiliter assereres, aut in imperativis orationibus cum intentione imperantis, vocum significationem debere mutari, aut inter orationes imperativas & indicativas hanc diversitatem debere poni, quoddam oratio imperativa possit alià & alià intentione offerri sine significationis vocum mutatione: enuntiativa verò minime. Et idèò prudenter hoc argumentum, cui rationabiliter respondere non poteras, dissimulasti.

CAPUT V.

Quod Christus non tantum mandando, sed etiam enuntiendo, multa operatus esse legitur.

Sed ais te non diffiteri, Christum mandando multa fecisse, si mandatum referatur ad mentem ac voluntatem, & non ad magicam vim verborum, quæ tantummodò ad illam explicandam adhibentur: sed elumbe esse argumentum, à verbis mandandi, ad enuntiandi voces tractatum. Sanè si Chris-

stus mandando duntaxat, & non etiam dicendo seu enuntiando explicuisset voluntatem suam, quâ aliquid facere voluit & fecit, posses forsan cuipiam videri aliquid dicere, prælerim non attendenti Psalmistam ista duo æquiparare, dicere & mandare, cum ait: *Ipse dixit, & facta sunt: ipse mandavit, & creata sunt.* Sed quia manifestissimum est, Christum utroque modo voluntatem suam, quâ aliquid fecit, explicuisse, nempe dicendo seu enuntiando, & mandando: idè: non tantum in imperativis orationibus, sed etiam in enuntiativis tibi agnoscenda est Christi operatio. Sicut enim cæco dixit, *Respice*; & hoc imperando visum ei restituit: sic etiam mulieri, & paralytico dixit: *Dimittuntur tibi peccata tua*; & hoc dicendo, suamque voluntatem enuntiandi voce explicando, peccata eis dimisit. Sicut etiam intellexerunt increduli Pharisei, dicentes: *Quis est hic, qui etiam peccata dimittit?* Et quem admodum Christus resuscitavit Lazarum imperando: *Lazare, veni foras*; Sic etiam dicendo regulo, *Filius tuus vivit*; & voluntatem suam enuntiativâ voce explicando, sanavit filium ejus. Sicut ipse fateris, dicens, quod eo momento quo Christum proferre incipiebat, filium ejus sanavit virtute suâ divinâ, quâ voluerat filium reguli convalescere: sive enim primo momento, sive ultimo, quo hæc dicebat, filium reguli sanaverit; attamen fateris, quod ipsum sanaverit divinâ suâ voluntate: quam voluntatem indicativâ voce regulo aperuit, dicens, *Filius tuus vivit*: sicut intellexit, & credidit regulus, vadens domum, & à servis interrogans, quando melius habuisset. Nec huic veritati obstitit, quod supra alio loco responsionis tuæ dicis, filium reguli, non vi illorum verborum, quæ merè indicativa sunt, fuisse sanatum, sed virtute divinâ: quia licet isto alio loco videaris inter verba imperativa & indicativa diversitatem ponere, quod Christus nihil operatus sit vi verborum indicativorum, sed tantum vi imperativorum: attamen posteriori loco responsionis tuæ, prius à me citato, tui oblitus, ut apparet, idem dicis de verbis imperativi modi, quod prius dixisti de verbis indicativis, nempe quod Christus mandando multa fecit, si mandatum reteras ad mentem & voluntatem, & non ad magicam vim verborum quæ ad illam explicandam adhibentur. Cum igitur Christus, ad explicandam voluntatem suam quâ aliquid fecit, non tantum adhibuerit verba imperativi modi, sed etiam indicativi, sicut statim ostendimus; velis nolis, omnino tibi fatendum est, cum non tantum verbis imperativis, sed etiam indicativis multa fecisse, saltem operationem tribuendo, non magicæ vi verborum (sicut blasphemans loqueris) sed divinæ voluntati quæ Christi verbis indicatur.

C A P U T VI.

Quod non sit magica, sed divina vis, quam Christus verbis suis impertivit.

CÆterum valde mirandum est, quâ fronte audeas asserere, magicum & Cabalisticum esse commentum dicere, quod Christus verbis suis tribuerit vim operandi, mutandique elementa: cum ex Scripturis sacris manifestissimum

mum sit, Dominum Moyſi & Aaron mandaffe, ut coram filiis Iſrâel loquerentur ad petram; ac promiſiſſe, quòd loquendo aquas de petra educerent; ſicut de promiſſione Domini diſſidentes, eduxerunt bis virgâ percutientes. Quin & ipſe Chriſtus in Evangelio, non tantùm tactu corporis aut veſtis multos curaffe legitur, ſed etiam ſolis verbiſ: ſicut ab eo petivit Centurio, cùm ait; *Tantum dic verbo, & ſanabitur puer meus.* An potuit umbræ Petri, & ſudariis à Pauli corpore delatis, vim ſanandi tribuere; & non potuit verbis ſuis dare virtutem mutandi elementa, præſertim docente Scripturâ ſacrâ, quòd in voce Archangeli & in tuba Dei deſcendet de cælo, & omnes qui in monumentis ſunt audient vocem filii Dei: ſicut etiam audit Lazarus dicentem: *Lazare, veni foras?* Et quid ad D. Ambroſium de initiandis, & ad Scripturas ſanctas ab eo productas respondebis? Qui ut oſtenderet in hoc ſacramento non eſſe quod natura formavit, ſed quòd benediçtio conſecravit, quia benediçtione, inquit, etiam natura ipſa mutatur; ex Veteri Teſtamento plurima adfert exempla, in quibus Deus variis acctionibus vim tribuit mutandi elementa & ſubſtantias: *Virgam tenebat Moyſes, inquit, projecit eam, & facta eſt ſerpens.* Ruſus: *Apprehendit caudam ſerpentis, & in virga naturam revertitur.* *Currebant Egypti flumina puro aquarum metu; ſubitò de fontium venis ſanguis cepit erumpere.* Nonne clares naturam vel maritimorum fluctuum, vel fluvialis curſus eſſe mutatam? Et inſrâ: *Quòd ſi tantùm valuit humana benediçtio, ut naturam converteret; quid dicimus de ipſa conſecratione divina, ubi verba ipſa Domini Salvatoris operantur?* Nam Sacramentum iſtud quod accipis, Chriſti ſermone conſecritur. Quòd ſi tantùm valuit ſermo Helie, ut ignem de cælo deponeret, non valebis Chriſti ſermo ut ſpecies mutet elementorum? De totius mundi operibus legiſti: Quia ipſe dixit, & facta ſunt: ipſe mandavit, & creata ſunt. Sermo ergo Chriſti, qui poſuit ex nihilo facere quod non erat; non poteſt ea quæ ſunt, in id mutare quod non erant? Non enim minus eſt novas rebus dare quàm mutare naturas. Audiſne, Sanct-Aldegonde frater, quomodo D. Ambroſius dicens quòd verba Salvatoris operantur, quòd Sacramentum iſtud Chriſti ſermone conſecritur, quòd ſermo Chriſti mutet ſpecies elementorum, & quòd ea quæ ſunt mutet in id quod non erant, tuæ doctrinæ conſentiat, quâ dicis, magicum eſſe commentum dicere, quòd Chriſtus verbis ſuis tribuerit vim operandi, atque in ſacramento Eucharistiæ nullam fieri naturarum mutationem, ipſumque panem ex hoc duntaxat fieri Sacramentum, quòd abſque omni mutatione aſſumatur ad ſignificandum Chriſti corpus; eo modo quo à mercatoribus adhibetur ſtramen, & vaſi imponitur, ut vas ſignificetur eſſe venale, quòdque peracto ſignificandi uſu, quod reliquum eſt panis, non ſit ampliùs ſacramentum, ſed tantùm cibus reſtingendæ fami idoneus: ſicut ſtramen à vaſe venali ſublato non ampliùs eſt ſignum, ſed tantùm ſubſtantia igni incendendo idonea & accommodata, ſicut priùs fuit: nec iſtud tantùm aſſeris, ſed etiam hoc doctrinæ tuæ myſterio, nullâ Scripturâ ſacrâ productâ, contendis omnia diſputationis meæ firmamenta corruiſſe.

CAPUT VI.

Quod enuntiationes quibus aliquid efficitur, non ipso momento quo pronuntiari incipiunt, sed eo quo pronuntiatæ sunt, suum effectum consequantur.

SUBDIS in tua responsione: exempla Scripturæ sacræ per me proposita, ut ostenderem unam & eandem enuntiationem, servatâ eadem vocum significatione, posse aliâ & aliâ intentione efferri, videlicet: *Filius tuus vivit*: & mulier, *ecce filius tuus*; cum nostro argumento nihil habere commune, eo quod nullam significant transmigrationem substantiæ in substantiam, sed tantum accidentis in accidentis: quæ ratio videtur veluti à somniante omnino extra causam adducta. Quia ut eadem oratio, servatâ eadem vocum significatione, aliâ & aliâ intentione dicatur, non est opus ut aliquam mutationem significet, sive substantiæ in substantiam, sive accidentis in accidentis, sed tantum requiritur, ut alio atque alio fine efferatur. Cæterum quo argumento movearis, ut contendas Christum dicendo reguli: *filius tuus vivit*; non eo momento quo orationem suam complevit, sed primo momento quo eam pronuntiare incepit, filium reguli curasse in scriptis tuis non reperi. Si vir animo ducendi uxorem, mulieri dicat, Tu es uxor mea: & illa vicissim viro dicat, Tu es vir meus; secundum Jurisconsultos, non eo momento quo vir & mulier loqui incepissent, sed quo sermonem complevisset, facti essent conjuges. Nam siambo supradictum suum sermonem inchoassent, & non complevisset, non fuissent facti conjuges. Sicut etiam Judas cum suis, non ipso momento quo Christus cepit dicere: *Ego sum*; sed eo quo complevit sermonem suum, verbis Christi in terram prostratus esse legitur. Ex quibus sequi videtur, quod orationes quibus aliquid efficitur, non ipso momento quo pronuntiari incipiunt, sed eo quo pronuntiatæ sunt, suum effectum consequantur. Sed esto, ut eo momento quo Christus hæc verba pronuntiare incipiebat; *filius tuus vivit*; sanus factus sit reguli filius. sicut tu præendis: cur non similiter fateris, eo ipso momento, quo Christus verba ista proferre incipiebat: *Hoc est corpus meum*, &c, *hic est sanguis meus*; panem & vinum, quæ cum accipiebat nondum mutata erant, tunc cum hæc diceret in corpus & sanguinem Christi fuisse conversa, non vi verborum quæ Christus protulit, sed occultâ voluntate divinâ, quam verbis istis indicavit, & sic veritatem accepisse Christi verbum, quo dixit: *Hoc est corpus meum*, &c, *hic est sanguis meus*; sicut veritatem accepisse præendis quod dixit reguli: *filius tuus vivit*? An quia oculis cernebatur, quod Christo dicente: *filius tuus vivit*; ipse reguli filius ex ægro sanus efficiebatur: quod verò Christo dicente, *hoc est corpus meum*, &c, *hic est sanguis meus*, nullo sensu percipiebatur, quod panis & vinum in corpus & sanguinem Christi convertebantur, idem illud credis, istud verò non credis? Si tibi visum fuerit, veritatem & verborum Christi intelligentiam corporeis sensibus metiri, nonli igitur credere, quod dicente Christo mulieri & paralytico: *Dimittuntur*

tibi peccata tua, verè remissa sunt eis peccata: sicuti nec crediderunt Judæi, dicentes: *Quis est hic, qui etiam peccata dimittit?* quia nec hoc sensu aliquo corporeo poterat dijudicari. Noli etiam nobis impropere, quòd universam transsubstantiationis molem, soli externorum sensuum judicio superstruimus, cum relictis corporeis sensibus, ipsam ex solis Christi verbis astruimus: sed fateri, quòd habet rei veritas, universam tuam infidelitatem, quà corpus & sanguinem Christi negas tremendo Altaris sacrificio contineri, ex eo provenire, quòd magis fidas & inhæreas phantasie, quam ex sensuum exteriorum judicio concipis, nempe quòd in pane & vino, per Christi benedictionem, nulla sit facta mutatio; quàm credas verbis Christi in sacra Scriptura manifestissimè contentis, quibus ait: *Hoc est corpus meum, &c, hic est sanguis meus.* Nam alicubi objicis contra transsubstantiationem, non oculos tantum, sed manus, linguam, palatum, & denique ventriculum ipsum meris præstigiis deludi. Alibi verò dicis, quòd panem esse omnes sensus judicent, natura doceat, ortus convincat, forma testetur, color, figura interpretetur, omnes denique circumstantiæ, atque omnia planè accidentia manifestè produnt. An non hic manifestissimè omnium sensuum exteriorum imploras judicium, quo errorem tuum contra Christi verba confirmes: & interim nobis impropere quòd transsubstantiationem soll externorum sensuum judicio superstruimus? Sed hoc tibi familiare est, aliis impingere & impropere, quod ipse machinaris & facis, ut sub accusatione aliorum possis artes tuas abscondere.

CAPUT VIII.

Quòd Christus dicens matri suæ de Joanne: hic est filius tuus; Joannem verè adoptaverit in Mariæ filium.

Circa alterum exemplum Scripturæ sacræ à me productum: *Mulier, ecce filius tuus;* ut refellas, quod dixi, Christum verbis suis adoptasse Joannem in Mariæ filium, sic ratiocinaris: Christus non agebat Jurisconsultum, cum hæc diceret: igitur non adoptabat Joannem in Mariæ filium: sed mœrentem matrem, Joannis præsentia, quasi quâdam sui absentis imagine solabatur, planè quemadmodum sacramentum sui corporis in cœlum assumpti, vult haberi à nobis. Ubi nimis manifestum est, te eadem licentiâ, quâ in aliis Christi verbis, per corpus & sanguinem Christi, sinistra interpretatione intelligis corporis & sanguinis Christi signum, ut veritatem supprimas: sic etiam in istis per matrem & filium, velle intelligi matris & filii symbolum, idque tam ridiculo argumento ut pudeat referre. Sic enim colligis: Christus non agebat Jurisconsultum, cum hoc diceret: igitur non adoptabat Joannem in Mariæ filium, sed illum tantum constituebat sui absentis symbolum. Obsecrote, an Jacob Jurisconsultum agebat, quando dicebat filio suo Joseph: *Duo filii tui qui nati sunt tibi in terra Ægypti, antequam huc venirem ad te, mei erunt, Ephraim & Manasses; sicut Ruben & Simeon reputabuntur mihi: reliqui autem quos genueris post eos, tui erunt, & nomine fratrum suorum vocabuntur in possessionibus suis?* An Christus Jurisconsultum agebat, quando nos in filios adoptabat, ut confiden-

Genes. 41.

JOAN. 1.

ter dicamus: *Pater noster, qui es in caelis?* An verò solum constituebat nos; unigeniti filii sui symbolum, ut non veritate, sed tantum imagine & nomine simus filii & hæredes Dei, cohæredesque Christi? Et quando potentes aut Principes legitimo hærede destituti, quempiam adoptant in filium, ut futurum hæredem videant & instituunt, nunquid ipsi Jurisconsultos agunt? an tantum aliquid faciunt, de quo cognoscit Jurisconsultus, rectè ne an secus factum sit? Sicut & ipsi mercatores, quando emendo aut vendendo contractus ineunt, de quibus an iusti sint ac rati disputant Jurisconsulti, non usurpant sibi quod est Jurisperitorum, sed tantum excercent quod est mercatorum. Miror an nondum videas, quàm ridiculis argumentis movearis, ut Scripturas sacras pro tuo arbitrato, contra propriam verborum significationem, in sensum sibi placentem transformes, dicendo Joannem non factum esse Mariæ virginis filium, quando Christus dixit: *hic est filius tuus*; sed tantum filii symbolum, quia Christus tunc non agebat Jurisconsultum.

CAPUT IX.

*Quodd verbum substantivum, est, etiam juxta Sancti-
Aldegondum, propriâ & genuinâ significatione
designet substantiam.*

SUBdiste haud intelligere, unde suspicari potuerim, nos in eo consentire, quodd verbo (est) utrique tribuamus substantialitatis significationem, cum tu scripseris ejus unam & simplicem esse significationem, nec semper significare substantiam, sed aliquando qualitatem, aliquando quantitatem, aliquando relationem. Si attendisses quid ego sextæ tuæ objectioni responderim, proculdubio intellexisses & in his tuis verbis quibus ais, verbi (est) unam & simplicem esse significationem, & aliquando significare substantiam, aliquando qualitatem, aliquando quantitatem, te tibi ipsi apertè contradicere, quia non potest ejus vocis simplex & una esse significatio, quæ aliquando significet substantiam, aliquando quantitatem, &c. sed multiplex. Et etiam intellexisses, quare suspicatus sum te mecum sentire, propriam & genuinam verbi (est) significationem esse, ut substantiam designet: Videbam ex verbis tuis te velle sequi Aristotelem lib. 4 Metaph. cap. 1. ubi docet id quod est, multipliciter quidem dici, eo modo quo verbis tuis explicas, sed ad unam quandam naturam, sicuti omne sanum ad sanitatem dicitur, inquit. Ex quo collegi, quodd quemadmodum sanum propriâ & genuinâ significatione designat id quod habet in se sanitatem, analogicè verò id quod significat aut quod efficit sanitatem: sic etiam quodd verbum (est) secundum tuam sententiam, propriâ & genuinâ significatione designet substantiam, analogicè verò quantitatem, qualitatem, & cætera suprema rerum genera; licet per inaniam advertentiam & propriam sententiam non considerans, adjunxeris, verbi (est) unam & simplicem esse significationem. Deinde considerabam te mecum distinerere de verbo (est) posito in hac oratione: *Hoc est corpus meum, &c., hic est sanguis*

sanguis meus; in qua attributum, *corpus meum*, &c, *sanguis meus*, substantiam significat. Jam verò (sicut etiam in hac tua responsione asseris) explicatio seu significatio verbi substantivi (est) sumenda est ex natura & ratione attributi. Cum itaque attributum ejus sententiæ de qua diserebamus, propriissimè substantiam significet, nec alicubi, quantum meminisse possum, inveniatur significare accidens, quod prætendis; quid aliud suspicari poteram, quàm te juxta tuum Aristotelem mecum sentire, verbum substantivum, est, propriè & in ea sententia de qua diserebamus, significare substantialitatem? Sed tandem in hac tua responsione confiteris, quòd hæcenus ex labiis tuis extorquere non potui, nihil planè interesse, utrùm interpreteris, hoc est corpus meum, id est, hoc est signum corporis mei, posito nimirum tropo in voce, corpus, ut non significet substantiam, sicut priùs intelligebas, sed ad aliquid: an potius, hoc representat corpus meum, posito tropo in verbo, est. Id quod si priùs dixisses, non à te petissem Scripturam sacram, quâ doceres, verbum substantivum (est) tropo novo accipi pro esse sacramentaliter, præsertim cum simul diceres, ejus simplicem & unam esse significationem: sed tantum postulasset Scripturam sacram, in qua nomen, corpus meum, tropo significet signum corporis Christi: quod quia non magis invenire potes, quàm ubi verbum substantivum (est) tropo novo ponitur pro esse sacramentaliter, aut pro significat; idè adhuc in luto hæres, sicut ibi sum profectus.

C A P U T X.

Quòd Sanct-Aldegondus non de hoc attributo, corpus meum; sed de verbo substantivo, est, questionem proposuerit, An significaret substantialitatem, ut obscuritate questionis suam sententiam tegeret.

Cæterum cum nihil intersit, si ve vos pro vestro arbitratu, citra omnem Scripturam sacram, & contra omnium rectè sentientium intelligentiam, tropum constituatis in verbo, est, ut accipiatur pro esse sacramentaliter; si ve in nomine (corpus meum) ut significet tantum corporis Christi signum: quid est, quòd questionem tuam tam studiosè, seu potius tam insidiosè proposuisti, interrogans quo argumento doceatur, in hac circumstantia sermonis, *hoc est corpus meum*, verbum (est) significare substantialitatem: & de nomine (corpus meum) nihil omnino quæristi, an significaret substantiam, an verò ad aliquid? cum non ignorares, sicut hac responsione ostendis, significationem verbi substantivi, est, ex attributo esse desumendam; & quòd, si constaret an attributum substantiam significaret, an verò aliud quippiam, tunc nulla omnino restaret quæstio, quid ipsum verbum, est; significaret? Quid est, inquam, quòd me tam abstrusè quæstione aggressus es, pro substantia ponens substantivum; & de verbo proponens, quod non solet nisi de attributo differi; nisi ut me insolitè & hæcenus inauditè quæstione turbares,

ac sententiæ tæ venenum absconderes? Quam vulpis astutiam, ut in quæ-
 stionibus tuis minùs attenderetur, tu tibi tui facti conscius, in meam respon-
 sionem derivare conaris, dicens, quodd secundo capite responsionis meæ, vi-
 tium argumentationis ambiguitate verborum, panis consecrati & benedicti,
 conatus sum involvere: & infrà: *Vide te* (inquis) *propterea quodd verearis di-
 cere id quodd sentis, nimirum antea fuisse panem, postea non panem, pro corpore suc-
 centuriare panem consecratum.* Et rursus: *Quæsiui, ais, an verbum, comedite,
 construat cum substantia panis, an cum substantia corporis.* Hic tu mihi candidè
 respondi debuisse. Respondeo: Relege verba mea quibus principio respondi
 ad quæstionem quâ quærebas, An pronomèn, hoc, (in hac oratione, *hoc est
 enim corpus meum*) aliud significet quàm idipsum quod uno ore omnes Evan-
 gelistæ testantur: & alia, quibus, respondens objectionibus tuis, ostendit
 secundam contradictionem per te in mea responsione prætentam, non esse
 contradictionem, sed claræ & irrefragabilis veritatis assertionem; & inve-
 nies non tantùm candidam & apertam responsionem ad quæsitâ tua, sed etiam
 manifestam vanitatem, & falsitatem eorum quæ mihi hîc impingenda putasti.
 Verba quibus initio respondi quæstionibus tuis, sic habent: „His, inquam,
 „quæstionibus facile est ex dictis respondere: Nam *cœnantibus Apostolis* (in-
 „quit Matth.) *accepit Jesus panem*, usitatum videlicet, quia ibi alius panis non
 „erat; & eundem panem benedixit: sed quodd fregit, deditque discipulis suis
 „dicens, *Accipite & manducate*; non fuit panis usitatus, sed benedictus, &
 „benedictione in corpus ejus muratus, sicut ipsemet Christus testatur dicens:
 „*Accipite, & manducate, hoc est corpus meum.* Non enim ait, accipite panem;
 „& comedite panem, sicuti priùs de ipso ait Evangelistâ, *Accipit Jesus panem*:
 „sed ait, *accipite, & comedite, hoc est corpus meum.* Jussit ergo ut acciperent,
 „& comederent, non panem usitatum, de quo priùs locutus est Evangelistâ,
 „dicens: *Accipit Jesus panem*; sed panem benedictum, de quo ait, *hoc est cor-
 „pus meum*: jam videlicet ex pane, benedicendo confectum. Non minùs
 manifesta sunt verba mea quæ sequuntur in eadem responsione, & quæ postea
 disserui circa tuam secundam objectionem: quæ verba si velim repetere, &
 veluti novâ disputatione illustrare, ut omnibus sit manifestum me clarissimè
 respondisse, verbum Christi, *comedite*, non construi cum nomine panem,
 quodd præcesserat, ubi ait Evangelistâ: *Accipit Jesus panem*; quodque signifi-
 cat veram panis substantiam; sed cum nomine, *corpus meum*, seu cum nomi-
 ne subintellecto, panem benedictum, quodd non panis usitati, sed Christi cor-
 poris substantiam significat; quis non existimabit me insanire, cum manife-
 stiora sint quæ tunc dixi, quàm quæcunque adducere possim? Non miror quodd
 perfrictâ fronte Scripturas sacras & Patrum dictâ tibi repugnantia, à parte tua
 stare jaçites, quando me viventem, loquentem, & quibus possum verbis,
 servatâ Christianâ modestiâ, tuis erroribus resistentem, non erubescis asserere,
 aut simulare, aut sententiam meam velut in nebula velle abscondere, eo
 quodd alludens ad verba Scripturæ sacræ, panem benedictum semel atque ite-
 rum nuncupaverim, & sicut loqueris, tanquam crambem bis positam fasti-
 diosè inculcaverim. Miror tamen tibi tam fastidiosum esse, audire verba
 Christi & Apostolorum in Scripturis sacris expressa, quibus ajunt Chri-
 stum

stum benedixisse panem; ex quibus solis te differere velle præfari; cum neque tædiosum, neque fastidiosum tibi esse videatur, responsum tuum suffragare verbis Aristotelis, primum quidem Græcè positis, ac deinde etiam in linguam Latinam conversis. Nec est quoddam calumniæ, me horum verborum obscuritate voluisse abuti, cum apertissimè exposuerim, quid per panem benedictum intelligerem; bis interpretans, panem benedictum esse corpus Christi, benedicendo ex pane confectum. Et in responsione ad objectiones tuas dixi panem benedictum amplius panem non esse, sed in corpus Christi esse mutatum; sicut aqua in vinum mutata, non amplius est aqua, sed vinum. Quid vis apertius dici, ut non sit tibi fastidio quod profertur ex Dei verbo? Sed forsitan tibi fastidiosum est audire quoddam Christum panem benedixerit; quia omnibus aliquid Christiani sensus retinentibus, hoc audito, statim occurrit Christi benedictionem non posse esse inanem, cum Dei benedicere sit benefacere, sicut ostendit Scriptura quæ ait: *In semine tuo benedicentur omnes gentes.* Nam & ipsum Dei maledicere, magnum effectum habet, sicut patet in terra, in serpente, in sicu, & aliis quibus maledixit Dominus. Tu verò Christi benedictioni, quæ benedixit panem, nullum omnino effectum tribuis, nec circa panem ac vinum Christi benedictione aut verbis ullam mutationem fieri existimas; sed tantum doceri quoddam quemadmodum quispiam forum præteriens, cernensque stramen vas impositum, potest absque omni mutatione straminis dicere: Hoc stramen vas impositum significat hoc vas esse venale, quamdiu ibi relinquitur: ubi verò sublatum fuerit, amplius signum non erit: Sic etiam Christus panem discipulis suis distribuens, dixerit: hic panis est corporis mei crucifixi signum, quamdiu ad hoc significandum distribuitur; sed hæc distributione completâ, si quid ex illo super sit, non amplius erit alicujus rei signum, sed tantum substantia restringendæ fami idonea. Saltem id Christi benedictioni tribueres, quod benedictioni cibi, qui fidelibus cum gratiarum actione percipitur, tribuit Apostolus dicens: *Quod sanctificatur per verbum Dei & orationem.* Nam hæc sanctificatio absque omni mutatione non fit, & non statim desinit, ubi desinit cibi perceptio. Nec benedictionis Christi verba sic in ventum doceres effluere, ut nullum omnino effectum circa panem eis tribueres, sed tantum circa aures ac mentem audientis, ut credat Christum circa panem suâ benedictione ac verbis nihil efficere, sed tantum præsentibus discipulis id dicere, quod sine Christi præsidio aut mandato, à quovis alio æquè fieri poterat, nempe ut panis usitatus distribueretur fidelibus, ad significandum & in memoriam revocandum, quoddam Christus pro nostra salute esset crucifixus.

Christi benedictio non est inanis. Galat. 3.

1 Tim. 4.

Hæc sunt tuæ sapientiæ mysteria, seu potius incredulitatis tuæ præstigia, quibus non meæ disputationis firmamenta (sicut gloriaris) sed fidei ac salutis tuæ fundamenta subvertis, & Manichæorum errorem adjuvas, dicentium quæcunque de corporis Domini veritate dicuntur, ad phantasiam & similitudinem esse referenda; sicut ad octavam tuam objectionem, priori responsione tibi objeci, ad quod ne verbum quidem respondisti.

C A P U T X I.

Quodd Christus præcipiens venerabilis sacramenti dispensationem fieri in sui memoriam, non negavit sui corporis & sanguinis præsentiam.

Objeſſio.

Solutio.

POſt hæc ſic argumentaris: Chriſtus præcepit, ut quotieſcunque id fecerimus, in ſui memoriam faciamus: igitur in ſacramento eucharistiæ non eſt Chriſti præſentia, ſed memoria. Reſpondeo Chriſtum juſſiſſe benedictionem, fractionem & ſumptionem hujus Sacramenti, in ſui memoriam fieri: Sed numquid negavit præſentiam, cum dixit: *hoc eſt corpus meum, &c, hic eſt ſanguis meus?* Ad id verò quod ex ſexto capite Evangelii Joannis & commentario D. Auguſtini objicis, ſicut ad octavam tuam objectionem priùs reſpondi, nihil aliud dico, quàm D. Joannem ejusque commentatorem D. Auguſtinum, eo capite non agere neque de ſignis hujus Sacramenti, neque de iis quæ ſub ſignis continentur, ſed tantùm de Chriſti incarnatione & morte, quæ ab initio mundi omnium electorum ſalutem & vitam eſt operata: ad quam mortem ſignificandam & commemorandam, in noviffima cœna inſtitutum eſt ſacræ Eucharistiæ myſterium: & ideò ubi de ſignis hujus Sacramenti agitur, aut de iis quæ ſub ſignis contineri dicenda ſunt, non eſt ad hoc caput recurrendum, in quo nulla ſit mentio ſignorum hujus Sacramenti, ſed tantùm ad ea Evangeliorum & Epistolarum D. Pauli loca, quibus hujus Sacramenti inſtitutio deſcribitur. Quodd verò jam dicto cap. 6. Joannis Chriſtus ſe panem nuncupat, non ad aliquod hujus Sacramenti ſignaculum, aut ad panis ſubſtantiam referendum eſt; ſed ad effectum, quo Chriſti incarnatio, mors & reſurrectio ab initio mundi vitam credentibus tribuit: ob quem effectum, Chriſti caro panis dicitur: panis enim verus eſt, qui de cœlo deſcendit, & dat vitam mundo, etiamſi hujus Sacramenti ſignorum nulla unquam facta eſſet inſtitutio. Juxta quem ſenſum etiam dicit: *Caro mea verè eſt ſubis, & ſanguis meus verè eſt poſus.*

Joan. 6.

C A P U T X I I.

Quodd carnem Chriſti integram & illeſam manducare non ſit facinus, ſed tantùm dentibus laceratam.

UT probes verba Chriſti apud Joannem, *Niſi manducaveritis carnem filii hominis, & biberitis ejus ſanguinem, non habebitis vitam in vobis;* non debere ad litteram, ſed ſecundùm tropum accipi, dicis D. Auguſtinum definire facinus eſſe, humanam carnem, quocunſque modo, ſive integram, ſive laceratam manducare. In his Chriſti verbis, *niſi manducaveritis,* &c. tropum eſſe, diligenter oſtendimus reſponſione ad octavam tuam objectionem: non quidem in verbo (carnem & ſanguinem filii hominis) ſicut prætendis, ut in
de

de colligas etiam in verbo, *corpus meum*, &c, *sanguis meus*, tropum esse, cum ait Christus, *hoc est corpus meum*, &c, *hic est sanguis meus*; sed tantum in verbo, manducare, quod hic non significat ore sumere & deglutire, sed tantum significat ex vera Christi carne vitam accipere; sive id fiat per solam fidem, sicut quidam existimant Abraham alioque Patriarchas credendo duntaxat carnem Christi manducasse, juxta illud Augustini, *Crede & manducasti*; sive ex fide offerendo sacrificium, aut suscipiendo Sacramentum, nempe circumcisionem, baptismum, aut etiam absolutionem Sacerdotis. Agit enim Christus de spirituali manducatione, sive ea fiat sine sacramentis, sive cum sacramentis; non autem de sumptione sacramenti Eucharistiae, aut corporis Domini sub eo sacramento contenti, quod Sacramentum tunc nondum institutum fuit. Ceterum quod assumis, D. Augustinum definire facinus esse, humanam carnem sive integram sive laceratam manducare, ut velut aliud agens, minus attento lectori instilles & persuadeas Augustinum docere facinus esse manducare carnem Christi integram sub speciebus panis; nescio unde didiceris: cum D. Augustinus non integræ, sed tantum laceræ carnis mentionem faciat, quam lacerando manducare (præsertim in Christo, cujus umbram in Saul David non est ausus contingere) sine dubio facinus esset, contra præceptum: Non occides; sed integram Christi carnem sumere, non magis facinus est Christiano, quam beatæ Virgini fuit, eam integram concipere, & in utero suo alere: quia sicut beata Virgo integram Christi carnem concipiendo, & alendo in utero, sine cujusquam injuria, vitam temporalem illi tribuit: Sic quivis fidelis, carnem Christi integram sub speciebus panis manducans, hinc vitam spiritualem, & in resurrectione etiam corporalem, absque alicujus injuria sibi acquirit, sicut testatur Cyrillus super Joan. Nihil igitur hic attulisti, ex quo probare queas, verba, *corpus meum*, &c, *sanguis meus*, secundum tropum debere accipi, cum ait Christus: *Hoc est corpus meum*, &c, *hic est sanguis meus*; sed tantum alio verborum ordine repetivisti argumentum, cui circa octavam tuam objectionem prius abundè responsum fuit: videlicet tropum non esse in nomine, carnem meam; sed in verbo, manducare, ut dictum est: ubi verò de sacramento Eucharistiae aut Christi corpore sub eo contento differitur, non sunt producenda verba Scripturæ sacræ apud Joannem capite sexto, ubi tantum de eo effectu agitur, cujus ab initio mundi semper participes fuerunt omnes fideles, etiam priusquam aliquid nossent de hoc Sacramento; sed ea proferenda sunt, in quibus describitur ejus institutio, sive apud Evangelistas, sive apud Apostolum Paulum; nisi fortè ut probes nomina hæc, corpus meum, caro mea, sanguis meus, in Scripturis sacris secundum tropum accipi; quod non magis hoc sexto capite Joannis, quam alibi reperisti.

C A P U T XIII.

Quòd non sint neganda Christi verba, aut ad inusitatum & insuetum loquendi modum detorquenda, etiamsi sine miraculorum assertione defendi non possint.

Objection.

Responsio.

Hebr. 11.

Rom. 4.

Hebr. 11.

Lut. 1.

1 Petr. 1.

SUBDIS non esse confingenda miracula, ut prætextu omnipotentiae divinae, absurdam metamorphosim architectemur: quam omnipotentiam postea dicis à nobis pro velo erroris obtendi. Fateor non esse confingenda miracula, ut citra doctrinam Scripturarum sacrarum, sententias à nobis excogitatas defendamus. Sed addo non esse neganda Christi verba, aut ad insolitum & inusitatum loquendi modum detorquenda, sicuti facere solent increduli, etiamsi sine miraculi confessione eorum veritatem tueri non possimus. In qua re maximè eminebat Abrahæ fides, qui fidelem credidit eum qui promiserat, etiamsi neque sine miraculo fieri posse existimaret quod promittebatur, neque tamen sciret per quod miraculum adimpleretur, quod eum promississe & facturum esse non dubitabat. Cum enim tentaretur, unigenitum offerebat (inquit Apostolus) in quo susceperat promissiones, ad quem dictum est: In Isaac vocabitur tibi semen; arbitrans, quia & à mortuis suscitare potens est Deus, & sic contra spem in spem credidit, inquit Apostolus. Si vis igitur inter filios Abrahæ computari, indubitanter crede, quod ait Christus: hoc est corpus meum, & hic est sanguis meus, etiamsi non ignores id sine miraculo esse non posse. Et noli humanis rationibus & absurditatibus conari evertere, quod neque in divina sapientia potes comprehendere: neque in humilitate & mansuetudine Christiana vis credere: sed præsuppositâ verbi Dei veritate, in quo tantopere gloriaris, consequenter rationem, ut potes, inquire quomodo effici possit quòd ex Christi verbis fieri oportere non licet dubitare: sicut inquisivit Abraham, cogitans quia & à mortuis suscitare potens est Deus, licet non illo, sed alio modo impleverit Deus quod promisit. Inquisivit & beata Virgo, cum ait. Quomodo fiet istud, quoniam virum non cognosco? & noli inquirere sicut inquisivit Zacharias, metuens non futurum quod per Angelum suum promittebat Deus: quia modum quo impleveretur non inveniebat. Sed sicut de salute animarum, quam futuram prævidebant, requisiverunt atque scrutati sunt Prophetæ, scrutantes in quod vel in quale tempus significaret in eis spiritus Christi, sicut 1 Petri 1. dicitur. Certum est quòd cœnantibus discipulis accepit Jesus panem, & benedixit, ac fregit, deditque discipulis suis, & ait: Accipite, & comedite, hoc est corpus meum. Sed quo ordine hæc facta sunt, quia in Scripturis sacris quædam interdum præoccupantur, quædam verò recapitulando narrantur, & quibus factis aut non factis miraculis hæc vera facta sint, quia in Scripturis sacris non exprimitur, idè ab humilibus & mansuetis scriptoribus, sine veritatis præiudicio, ad satisfaciendum curiosis & incredulis hominibus, non immeritò ratione inquiritur. Ego ut aperiàm quod mihi videtur, hunc ordinem & hanc rerum agendarum rationem servatam arbitror: accepit Jesus panem

usita-

usitatum, qui mensæ appositus erat in cibum, eundem panem benedixit, dicens: *Hoc est corpus meum*, & benedicendo in suum corpus convertit, sic ut ibi non esset amplius substantia panis, sed in ejus locum succederet Corporis Christi substantia. Deinde fregit, panem videlicet jam benedictum, & benedictione in corpus Christi conversum & dedit discipulis edendum.

CAPUT XIV.

Quodd Christi corpus in sacra Eucharistia, non ratione propriæ quantitatis, sed ratione quantitatis ex pane relicte in partes frangatur.

Sed hic insurgit difficultas, ex cujus obscuritate conaris intelligentiæ verborum Christi tenebras offundere, quid in pane per Christum benedicto frangi potuit. Nam substantia panis, quæ jam per benedictionem esse desierat, frangi non poterat, similiter nec substantia corporis Christi, ut apparet, quia facinus fuisset illum in partes dividere. Restat igitur, ut fracta & divisa sit panis magnitudo post benedictionem relicta, quæ modum & formam suam retinuit, & per se divisibilis est, sicut color visibilis. Nam quod ais colorem à substantia divisum videri non posse, etiam tuo Aristoteli contrarium est, qui docet colorem per se visibilem, substantiam verò sub colore latentem, non nisi ratione coloris. Cum itaque panis magnitudo post benedictionem integra permanferit, & suum modum ac formam servaverit, ipsa per se, & immediate à Christo divisa est: ipsum verò Christi corpus sub ea contentum, per accidens divisum est, non quidem eo modo quo divisum fuisset, si ratione quantitatis propriæ divisum fuisset, quia tunc sub parte quantitatis contenta fuisset & pars substantiæ corporis ejus, & non tota corporis Christi substantia sub qualibet parte magnitudinis: sed sic divisa est, ut & sub tota panis magnitudine, & sub qualibet ejus parte fuerit tota corporis ejus substantia, & tamen eo modo fracta & divisa, ut pluribus distribueretur, & locis distinctis sub diversis quantitatis partibus esse dignosceretur. Idè autem non dividebatur ibi Christi corpus ratione suæ magnitudinis, sibi accidentaliter inhxrentis, quia hæc magnitudo ibi modum suum & formam non habebat, sine quibus non est divisionis capax. Hæc dicimus non miraculorum portenta consingentes, ad sustentandam transsubstantiationem, sicut nobis impingis; neque transsubstantiationem in sensuum judicio constituentes, sicut absque omni ratione & apparentia consingis: sed ad imitationem Sanctorum, quibus Deus per angelos locutus est, primum quidem fidei nostræ fundamentum & infirmitatis subsidium, divinam omnipotentiam statuentes: deinde exquirentes modum, quo vera esse possint Christi verba, quibus accepto pane ait, *Hoc est corpus meum*; quæ dubitare non possumus esse verissima, etiam si veritatis modum ignoremus. Sic enim credidit Abraham, quod in Isaac vocaret sibi semen (etiam si jubente Deo illum immolaret) arbitrans quia & à mortuis potens est *Heb. 11.* Deus suscitare: licet hunc modum non elegit Deus, ut diximus. Credidit & beata

- Luc. 1.*
1 Petr. 1. beata Virgo, cū ait: *Quomodo fiet istud*, &c. Similiter & Prophetæ, scrup-
 tantes in quod vel in quale tempus significaret in eis spiritus Christi, prænun-
 cians eas quæ in Christo sunt passionēs, & posteriores glorias. Quod si tibi
 alius modus occurrit, quo verum esse possit, quod ait Scriptura sacra, Chri-
 stum id fregisse, de quo ipse veraciter ait, *hoc est corpus meum*; non admodum
 tibi reluctabimur, modò consideratā divinā omnipotentiam, credas Christum
 non inusitato & contorto, sed simplici & usitato sermone veraciter dixisse:
hoc est corpus meum, &c., *hic est sanguis meus*. Nec nos movent absurditates, quas
1 Cor. 1. te ex verbis Christi, in proprio & usitato sensu acceptis, colligere existimas,
 quia ex Apostolo didicimus, quod Deus elegit ea quæ sunt stulta mundi, ut
 confundat sapientes; & quod stultum est Dei, sapientius est hominibus; &
 quia mundus in Dei sapientia non cognovit per sapientiam Deum, placuit Deo
 per stultitiam prædicationis salvos facere credentes, qui humanæ cæcitatīs &
 ignorantie sibi conscii, divinis verbis tanquam vero lumini stulta modestia &
 humilitate acquiescunt, etiam si stultitiam & absurditatem secundum humanæ
 sapientie fumum continere videantur, quia volens Deus humanam superbiam
 conterere, etiam earum rerum fidem exigit, quarum intelligentiam non tri-
 buit. Quapropter etiam si ego in harum difficultatum explicatione sic detine-
 rer, ut nullum mihi pateret effugium, sicut de me gloriaris; attamen non eru-
 bescerem confiteri vera esse quæ locutus est Christus, etiam si veritatis modum
 explicare non possem; eosque impiè & infideliter agere, qui veritatem ver-
 borum Christi redarguere conantur consequentium miraculorum, quam pu-
 tant, absurditate, quia quibusdam ait Christus: *Si cæci essetis*, id est, si cæ-
 citatem vestram agnosceritis, *peccatum non haberetis: nunc verò dicitis, quia vi-*
demus: Peccatum ergo vestrum manet.
7. an. 9.

C A P U T X V.

*Quod licet Christi corpus nullā circumscriptum dimensione
 possit cum panis substantia simul consistere; attamen
 non est dicendum panis substantiam remanere
 in Altaris Sacramento.*

Responsio. **D**icis Christi corpus nullā circumscriptum dimensione, seu magnitudinis
 suæ modum & formam non habens, æquè posse sub naturali pane atque
 sub inanibus accidentibus delitescere: sicut Martinus Lutherus asseruit prius-
 quam vestra hæresis emergeret, dicens propter Christi verba, quibus ait:
Hoc est corpus meum; corpus Christi in Sacramento Altaris præsens esse; sed ta-
 men panem ipsum cum Christi corpore simul permanere. Fatemur id à Deo
 fieri potuisse, quod à Christo factum asseruit Martinus Lutherus. Sed quia à
 Christo dictum legimus: *Hoc est corpus meum*, non autem, hoc simul est panis
 & corpus meum, ideo quod Christus hoc dicens demonstravit, fregit, de-
 ditque discipulis suis, corpus ejus fuisse credimus, panem autem sub quo cor-
 pus delitesceret, & quem propter usitatum naturæ cursum, corpus Christi pe-
 netraret,

netraret, esse non credimus; ne, sicut nobis impingis, non pro defendenda Scripturæ sacræ veritate, sed pro nostra libidine, ad sustentandas ad inventiones nostras, miraculorum portenta fingere dicamur, & omnipotentis Dei velum, quasi quoddam somniorum tegumentum, obtendere.

CAPUT XVI.

Quid licet verba Christi: hoc est corpus meum, apud Matthæum ponantur post verba, accipite & comedite; & apud Marcum post verbum, dedit eis: attamen apud Matthæum debent intelligi dicta immediate post verbum, benedixit; & apud Marcum post participium, benedicens.

Sed ais Christum nondum dixisse, *Hoc est corpus meum*, cum panem fregit ac distribuit, quia verba hæc, *hoc est corpus meum*, apud Matthæum ponuntur post verbum, *accipite, & comedite*: Apud Marcum verò & Lucam post verbum, *dedit eis*: ex quo conaris efficere quod Christus fregerit, deditque discipulis eundem panem usitatum, quem ex mensa acceperat, & nondum his verbis benedictum, *Hoc est corpus meum*. An vos in vestra communione, juxta horum trium Evangeliorum ordinem, vestri consortii hominibus prius panem edendum detis, quam minister dicat: *Hoc est corpus meum*; vos videritis. Certè si in communione calicis, ordinem verborum sequimini, quem in suo Evangelio servavit Marcus, necessum est ut omnes prius bibant, quam dicat Minister: *hic est sanguis meus*: quia apud Marcum prius dicitur quod *Christus accepto calice gratias agens dedit eis*, & biberunt ex illo omnes, quam addatur: & ait illis: *hic est sanguis meus novi Testamenti, qui pro multis effundetur*. Si autem in vestra communione, non obstante verborum Christi ordine apud Marcum posito, prius dicat Minister: *hic est sanguis meus*; quam bibant omnes ex calice; facillè intelligitis, quod quemadmodum apud Marcum, juxta sextam Ticonii regulam, quam recapitulationem vocat, ea quæ de calice à Christo prius dicta sunt, veluti posterius dicta narratur: sic etiam apud Matthæum, Marcum, & Lucam, id quod de pane dictum, *hoc est corpus meum*, posteriori loco narratur, non debere accipi, tanquam Christus hoc posteriori loco dixerit, aut dictum intellexerit, sed quod suo loco ab Evangelistis prætermissum, posterius recapitulando narratur, ut sensus verborum hunc ordinem habeat: benedixit, dicens, hoc est corpus meum, fregit, deditque discipulis suis, dicens: accipite & comedite.

CAPUT XVII.

Quod fideles in transsubstantiatione panis, neque sensibus fallantur, neque præstigium patiantur; sed mente contemplantur quod non possunt assequi sensibus.

Obiectio. **P**ost hæc sic argumentaris: Nihil falsi putandum est esse in sacrificio: sed in transsubstantiatione non oculi tantum, sed manus, & lingua, palatum, & denique ventriculus ipse deluditur, & præstigium patitur: igitur in Sacrificio nulla est transsubstantiatio. Responsio: Vellem etiam adjecisses, quod pro repudiando baptismo objecit quidam: proles quæ Christi baptismo baptizatur, post ablutionem omnino talis apparet qualis ante fuit: igitur si in baptismo sit innovatio mentis & peccatorum remissio, sensus ipse, qui nihil mutationis advertit, fallitur & præstigias ac ludibrium patitur. Quo argumento etiam refellere posses, quod paralytico & mulieri peccatrici ait Christus in Evangelio: *Remittuntur tibi peccata tua*; quia uterque post hæc verba sensibus talis apparuit, qualis ante fuit. Dico igitur sensus humanos deludi & præstigias pati, non quando Deus in substantia panis, aut mente hominis latenter operatur, quod sensibus non observatur; sed quando diaboli industria foris apparent qualitates sensibiles, quæ aut non sunt, aut tales non sunt, quales apparent: sicut etiam in nube luminis reverberatio sensum fallit, quando varios colores apparere facit in iride, (quæ aëris affectio est) quorum constat aërem non esse capacem: & idem in transsubstantiatione panis, quæ verbis Christi efficitur, nulla est sensuum deceptio, quia nulla qualitatium falsarum sensibilibus apparitio: Sed Christiana mens verbis Scripturæ sacræ adjuta, & fide eorum instructa, quod sensu non assequitur, hoc fide veraciter contemplantur, quod carnalis incredulitas patrociniis sensuum, quo in multis ad cognoscendam veritatem adjuvamus, frustra conatur refellere.

Obiectio. Etiam sic argumentaris: Apostolus dicit Christum fregisse panem: igitur non defuit panis substantia, quando panis à Christo frangebatur. Respondeo: Tu contendis de panis substantia rectè à Christo dictum: *hoc est corpus meum*; tantum quia panis adhibebatur ad significandum Christi corpus, cujus nullam præferebat imaginem: Et miraris si Apostolus imitans Scripturam Exodi 7. quæ serpentem ex virga Moyse factum adhuc virgam vocat, panem vocet Christi corpus, quod verbis Christi ex pane factum est, & adhuc integram panis figuram retinet; præsertim cum apud Apostolum statim præcedat mentio calicis benedictionis, per quam satis manifestè significat se non loqui de pane simpliciter, sed de pane benedicto, & virtute benedictionis in Christi corpus transmutato. Et quis ignorat mortua corpora, quæ formam hominis retinent, quotidie non tantum homines, sed etiam Petrum, Paulum, & Jacobum nuncupari? His igitur circumstantiis consideratis, Apostolus substantiam corporis Christi ex panis substantia factam, & formam panis integrè retinentem, rectè panem vocavit, dicendo, panem quem frangimus; etiam si vos perver-

sè do-

sed doceatis Christum de pane omnino immutato, tantum quia ad significandum ejus corpus adhibebatur, dixisse, *hoc est corpus meum*. Defendis verbi substantivi, est, unam & simplicem esse significationem, quia semper significat esse; nec advertis quam parum scite idem per seipsum explices, dicendo, quodd verbum, est, semper significat esse. Non advertis etiam ipsum (esse) secundum tuum Aristotelem esse multiplex, secundum quod diversis attributis jungitur, atque ratione rerum significatarum, ad definitionem æquivocorum in categoriis positam pertinere: ac per hoc, dicendo quodd verbum substantivum, est, semper significat esse, non tantum non ostendens ejus unam & simplicem esse significationem, sed tibi ipsi potius contradicendo, indicas ejus significationem non unam esse, sed multiplicem. Sicut etiam in eo palam testatus es, quodd dixisti ipsum verbum, est, aliquando significare substantiam, aliquando verò esse sacramentaliter: Id quod tibi superiore Responsione objeci, non præterdens quodd esse sacramentaliter, non pertineret ad aliquod decem generum rerum, sicut vis videri. Sciebam enim illud pertinere ad ad aliquid, sed tantum volens ostendere quodd simul dicendo verbi, est, unam & simplicem esse significationem; & ipsum verbum, est, aliquando significare esse substantiam, aliquando verò esse sacramentaliter: tu tibi in verbis tuis contradiceres, sicut cuivis advertenti manifestissimum est.

Valde etiam subtiliter inducis, quodd nemo reprehendat, Si quis de simulachro sancti Francisci interrogatus, è vestigio responderit, hoc est sanctus Franciscus, ac proinde usitatum esse sermonem, quo de pane, corpus Christi significante, dixerit Christus: *hoc est corpus meum*: quasi videlicet in pane mensæ appposito, reluceat ipsa corporis Christi imago, ex qua statim intelligatur analogia, secundum quam dixerit Christus: hic panis est corpus meum: sicut in simulachro sancti Francisci, relucet imago sancti Francisci, ex qua è vestigio intelligitur analogia, secundum quam dicitur hoc simulachrum esse sanctus Franciscus: aut quasi Christus ante hæc verba Apostolis significaverit, quodd quoties viderent panem aliquem mensæ appositum, semper de corpore ipsius cogitarent, & ipsum tanquam corporis ejus signum aspicerent, ut audientes Christum dicentem, *hoc est corpus meum*, è vestigio cogitarent ipsum hoc dicendo, nihil aliud voluisse significare, quam panem quem in manibus habebat, esse corporis sui signum & memoriam. Non est igitur simile, quod pro simili adduxisti, videlicet quodd quemadmodum ostenso simulachro sancti Francisci, rectè & usitatè dicitur, hoc simulachrum est sanctus Franciscus: sic etiam ostenso pane mensæ appposito, Christus usitatè dixerit, hic panis est corpus meum: quia sicut dixi, in altero est manifestum analogiæ indicium; in altero verò non. Nec causam tuam juvat, quodd in Scripturis sacris multi sint tropi, quos sæpius inculcas: quia si quis inde colligat, sibi licere quæcunque voluerit pro suo arbitratu in tropum convertere, quis non videt eum sibi viam sternere, ut in Scripturis sacris id quod vult recipiat; quod verò nolit, hoc in tropum convertat? Ut igitur persuadeas, Christum non secundum proprietatem, sed secundum tropum & analogiam dixisse: *hoc est corpus meum*, &, *hic est sanguis meus*: peculiaris & solida tibi reddenda ratio est, cur hoc nomen, *corpus meum*, &, *sanguis meus*, in hac sermonis circumstantia non pro

substantia, sed pro signo substantiæ corporis & sanguinis Domini sumi debeat; quam quia diligenter & diu quæsitam non invenis, idèd si catholicus esse velis, necessum est ut non tropum, sed proprietatem sermonis amplectaris, sicut hæcenus amplexi sunt, qui te & me fidem catholicam docuerunt.

C A P U T XVIII.

Quòd Scripturæ sacræ, quæ nomen, Deus, Dominus, aut Christus, aliquando significant posse rebus inanimatis attribui, non abutantur istis divinis nominibus, ad significandas rerum inanimatarum proprietates; sed tantum significant illa in suâ propriâ significatione accepta, rectè attribui rebus per substantias inanimatas sacramentaliter significatis.

Sed nunc ad eum locum veniamus, in quo conaris refellere quod dixi in Scripturis sacris non extare exemplum, quo nomen aliquod Christi substantiam, sive divinam, sive humanam propriè significans, à sua propria significatione translatum, elemento aut inanimatæ substantiæ tribuatur, ad significandam ejus proprietatem. Ubi primum objicis quod ait Apostolus: *Omnes eundem potum spirituales biberunt: bibebant autem de consequente eos petra: petra autem erat Christus:* ac prætendis nomen, petra, propriè sumi pro eo lapide, qui in Oreb virgâ percussus aquas fudit: Nomen verò, Christus, (quod præsupponis propriè significare Christi substantiam, de quo fortè non immeritò dubitetur) non accipi juxta suam propriam significationem pro Christi substantia, sed tantum pro signo substantiæ Christi: quasi diceret Apostolus, quòd omnes patres nostri fideles, qui in Moyse baptizati sunt, biberint de inanimata petra consequente eos per viam deserti: quæ petra in Oreb virgâ Moysi percussa, populo sitienti aquas fuderat, eratque sacramentum ipsius Christi: ac proinde ab Apostolo diceretur, quòd petra illa erat Christus. Qui sensus verborum Apostoli omnino consistere non potest, quia licet petra illa insensibilis, percussa in Oreb, posset intelligi spiritualis, quia rem spirituales significabat; attamen dici non potest quòd manens in Oreb, consequeretur populum per viam deserti, quodque ei potum corporalem aut spiritalem suppeditabat: sed hoc necessariò de Christo accipiendum est, qui per fidem habitans in cordibus eorum, & ab eis non recedens, semper eos spirituali potu reficiebat, sicut Joannis sexto ait: *qui credit in me, non sitiet in æternum:* quia credendo bibit de aqua, quam se Christus daturum pollicetur. Est ergo sensus verborum Apostoli, sicut etiam docet Chrysostomus, quòd omnes patres nostri in Moyse baptizati, qui idem nobiscum crediderunt, eandem inter se & nobiscum escam spirituales manducaverunt, & omnes eundem spirituales potum biberunt, nempe carnem filii hominis & ejus sanguinem, in quibus non caro & sanguis, sed spiritus est qui vivificat; & idèd meritiò vocantur esca

& potus spirituales, de quibus ait Christus: *Qui venit ad me, non esuriit: & qui credit in me, non sitiet in æternum: caro enim mea verè est cibus (inquit) & sanguis meus verè est potus: qui manducat meam carnem, & bibit meum sanguinem, in me manet, & ego in illo.* Christus enim ratione carnis & sanguinis, in quibus pro nostra salute est passus, erat esca illa spiritalis, & potus spiritalis, de quibus loquitur Apostolus, sicut manifestè significat, cum subdit: *Bibebant autem de spiritali consequente eos petra; petra autem erat Christus.* Et ne quis fortè suspicaretur Apostolum loqui de potu materiali, quem in Oreb fuderat petra, vel de ipsa petra insensibili, quæ aquas ibidem fuderat, dicit quodd bibebant eundem potum, non materiale, sed spirituale: ac subdit, non quodd bibebant de inanimata & insensibili petra, manente in Oreb, sed de spiritali, consequente eos petra, quæ erat Christus, in quem credendo carnem ejus manducabant, & sanguinem bibebant, sicut ait: *Qui venit ad me, non esuriit: & qui credit in me, non sitiet in æternum.* Unde Augustinus: *Crede, inquit, & manducasti,* quia manducare carnem filii hominis, & bibere ejus sanguinem, est credendo vitam in se habere. Loquitur ergo Apostolus non de signis quibus in veteri testamento usi sunt Judæi, hoc est, non de manna, neque de aqua quam fudit petra in Oreb, neque etiam de ipsa petra insensibili; sed de rebus per illas figuras sacramentaliter significatis, quæ sunt omnibus fidelibus tam Veteris quam Novi Testamenti tempore communes, nempe de carne & sanguine Christi, quæ ipsi juxta doctrinam Christi Joannis 6. credendo manducabant & bibebant; sicut & nos manducamus & bibimus, quando credendo carnem & sanguinem Christi spiritaliter manducamus & bibimus. Similiter si arca fœderis, aut alia quævis res, quæ tempore Veteris Testamenti, divinæ aut humanæ Christi substantiæ sacramentum fuit, alicubi in Scripturis sanctis, Deus aut Dominus esse significetur; ut Numerorum 10. Ubi cum elevaretur arca, dicebat Moyses: *Surge Domine, & dissipentur inimici tui;* ubi significari videtur quodd arca erat Dominus, non est intelligenda vox, Deus, seu Dominus, à sua propria significatione transferri, ut significet signum divinæ aut humanæ Christi substantiæ, seu proprietatem rei inanimatæ, quæ voce subjectæ significatur, sed intelligenda est hæc vox, Deus, seu Dominus, in propria sua significatione accipi, atque enuntiari, non de substantia inanimata, quæ subjecti voce propriè significatur, nempe de arca testamenti, sed de re sacramentaliter significata per illam rem inanimatam, quæ per vocem subjectam significatur. Miror te non adduxisse, quod aiunt Philistæi primo Regum 4. capite de arca Dei: *Venit Deus in castra;* ut ostenderes quodd arca fœderis dicta sit Deus, quia erat Dei signum: sed forsitan advertisti Philistæos nomine Dei, non signum divinæ substantiæ intellexisse per tropum; sed verum Deum, quem, juxta tuum errorem, credebant arcâ contineri. Vade nunc, & profer Scripturas sacras, in quibus vox aliqua, divinam vel humanam Christi substantiam propriè significans, à sua significatione transferatur, ad significandam rei inanimatæ proprietatem, quia quas veluti de nobis triumphum agens protulisti, nihil instituto tuo serviunt, cum in eis voces quas divinam substantiam significare prætendis, à sua propria significatione non transferantur, sed in sua propria significatione acceptæ, intelligantur de ea

re enuntiari, quæ sacramentaliter significatur per rem inanimatam, quæ voce subjecti significatur, ut dictum est. Omnia enim tunc in figura continebant eis, & non tantum vocibus, sed etiam rebus, quibus temporaliter à Deo juvabantur, spiritualiter erudiebantur: sicut etiam tempore Novi Testamenti Joannes Baptista per descensum columbæ super Christum, edoctus est quod Spiritus sanctus super ipsum descendisset. Quamobrem si Scriptura sacra aliqubi diceret illam columbam, quæ tunc super Christum descendit, fuisse Spiritum sanctum, non deberemus intelligere vocem, Spiritum sanctum, à sua propria significatione desecti, ut significaret signum Spiritus sancti: quasi diceret, hæc columba est signum Spiritus sancti; sed consideratæ facti circumstantiæ, deberemus intelligere ipsam vocem, Spiritus sanctus, in propria significatione acceptam, de particulari illa re enuntiari, quæ per illam columbam sacramentaliter significabatur, nempe de persona Spiritus sancti, ut videlicet allegoria intelligeretur esse non in aliqua voce, sed tantum in re per subjectum significata, quæ ad significandum Spiritum sanctum fuit adhibita.

C A P U T X I X.

Quodd corpus Christi in sacramento Eucharistiæ, res sacra sit, & nihilominus sacramentum corporis Christi in cruce oblatis.

POST hoc, sicut præfando omnia te ex Scripturis demonstraturum esse profiteris, & disserendo, relictis Scripturis sacris, statim te totum effundis in dicta Aristotelis & rationes frivolas potius quàm philosophicas: sic etiam mihi objicis quodd alto somno dormiam, quodd mihi ipsi contradicam, quodd oculos mihi adimam; & nihil dignum profers, quo id rationabiliter ostendas. Nam quod ais corpus Christi esse ipsam rem sacram, ac per hoc non posse sui esse sacramentum; sed oportere dicere panis substantiam esse Sacramentum Eucharistiæ: tritum & jamdudum detritum argumentum est. Sicut enim tu dicis quodd panis tuus, absque ulla mutatione à Christo benedictus, & absque sanctitate sanctificatus, sacramentum est Christi in cruce patientis, quem sacrificando & sumendo, elevatà mente per fidem considerare oportet: sic etiam dicit Christi Ecclesia quodd corpus Christi contentum sub speciebus panis, ratione quarum cernitur, & ubi sit, etiam sensibus discernitur, est sacramentum corporis Christi pro nobis in cruce morientis: quo sacramento significatur quodd Christus moriendo factus sit nobis panis verus, qui de cælo descendens dat vitam mundo. In quam morientis formam intenti sunt sacrificantes, non oculis carnis, sed memoriâ & consideratione mentis, sicut præcepit Christus dicens: *hoc facite in meam commemorationem.* Nec Ecclesiæ displicet aut contemptibilis est forma corporis Christi, secundum quam in sacramento continetur, sicut ridens calumniaris; quia in ea quotidie (te & tibi similibus subsannantibus) Christum reverenter & suppliciter adorat. Sed quia Christi passio, nostra est redemptio, ob quam clamat Ecclesia: *O crux ave spes unica;* ideo

ided sacrificantes oculis carnis sacramenti formam contemplantes, & humiliter adorantes, in laudem & gratiarum actionem, memoriam & contemplationem suam in eam formam transferunt, quam Christi corpus in cruce habuit, in qua sola, propter suam redemptionem gloriatur Apostolus, & omnes glorari debemus. Galat. 6.

CAPUT XX.

Quod heretici contra rationem catholicos crudeliùs tractent, quàm ab eis tractentur.

Hic obiter gloriaris quòd vos de veritatis luce confisi, in locis vobis subditis, librorum nostrorum exemplaria populo permittitis. Possem hñc respondere quod ait quidam: *Docilis pravi Romana juvenus*; quodque homo corruptus, longè faciliùs capiatur malis, quàm bonis emendetur. Cæterùm si tantum de veritatis vestræ luce confiditis, ut contranites non reformidetis, quid est quòd Anglia publico edicto prohibuit libros à Papiis linguâ vulgari scriptos in Angliam inferri? Quid est etiam quòd vos contra pacta & juramenta, quibus jurastis, Catholicos qui se vobis conjunxerunt, in sua religione defendere, templa eorum & sacramenta prophanatis, imagines conteritis, Sacerdotes, Monachos, & alios de veteri religione suspectos, quæsitis occasionibus, aut sub specie tumultus spoliatis, occiditis, ejicitis, ne plebem in antiqua religione retineant; aded ut & Abbates, & magna pars nobilitatis à vobis priùs falsis promissis circumventæ, quorum autoritate & ductu in hanc patriam admissi estis, vestrâ perfidiâ ac perjuriis offensi, jam à vobis defecerint, & non obstantibus injuriis, quibus se ab Hispanica gente affectos existimant, ad partes Regiæ Majestatis redierint? Sed etsi Catholici principes de vobis aliquid duriùs statuerent, quàm vestri duces de Catholicis statuunt, an id præter rationem fieret? Quis enim, nisi planè barbarus & omni ratione destitutus, in communem hostem, qui tantum ex eo hostis est, quia suo principi fideliter adhærens, id permanet quod ab infantia fuit, & à suis majoribus accepit? Quis, inquam, in hunc ita vindicandum esse censeat, sicut in perduellionem sui Principis, suæque religionis à suis majoribus acceptæ perfidum desertorem, qui non contentus suâ perfidiâ, fraudibus, perjuriis, dolis, & violentiâ, aliena tam sacra quàm prophana invadat & conterat? Nunquam enim fuimus quod estis, nec aliquid vobis promissimus, neque à vobis unquam defecimus, ut vobis hostes efficeremur; vos à nobis, nostra religione, nostroque Principe contra fidem datam, contra majorum instituta defecistis. Vos vosmetipsos Romanæ Catholicæ religioni subtraxistis, & substractos Romanæ Catholicæ religionis desertores appellastis. Vos discedendo à nobis, hostilem erga nos animum induistis, etiamsi nostrorum plerique Christianæ fraternitatis memores, non tam irascantur vestræ malitiæ, quàm cecitati condoleant. Ubi igitur non est paritas in causa, quid mirum si dispar esset vindicta aut disciplina? Sed qui mores & artes vestras experti sunt, probè norunt, quantum crudelitatis erga Sacerdotes, Monachos, & alios catholicos exer-

exerceatis, ubi non timetis regni vestri diminutionem. Et interim, ut vulgus hominum Christi Ecclesiæ infensum reddatis, in hoc toti estis, ut oculos eorum convertatis in maculas, rugas, aliasque abominationes, quas in medio Ecclesiæ gemunt & dolent, qui ad decorem domûs Dei pertinent, & super quorum frontes, apud Ezechielem, jubet Dominus signari Thau: ut hoc modo persuadeatis, in agro Domini non crescere simul utraque, triticum videlicet & zizania, usque ad messem, sed omnes catholicæ Ecclesiæ filios, & maxime Præfectos qui Romæ consistunt, tales esse, quales partim cernitis, partim fingitis illos esse, in quos solos vultis oculos hominum intendi, nec in agro Domini superesse triticum, in cujus medio dicit Christus superseminata esse zizania; sed sola restare zizania, etiam si Christus in Scriptura sacra, ad quam semper provocatis, apertis verbis mander, ut sinantur utraque crescere usque ad messem, & in tempore messis dicturus sit messoribus: *Colligite primum zizania, triticum autem congregate in horreum meum.* Nam in adventu filii hominis, duo erunt in agro; unus assumetur, & unus relinquetur: duæ molentes in mola; una assumetur, & una relinquetur: duo in lecto; unus assumetur, & unus relinquetur. Licet igitur in zizaniis & levibus paleis, quæ tanquam pulvis à tentationum vento huc illucque rapiuntur, à vobis blasphemetur Ecclesia, quia triticum attendere non vultis; attamen per eos qui frumentum sunt, & ad frumentum aspiciunt, impletur quod ait Psalmista: *Confitebor tibi in Ecclesia magna, in populo gravi laudabo te.*

C A P U T XXI.

Quod de Ecclesia differendo non sint intelligendæ duæ Ecclesiæ, sed una duntaxat.

Nunc ad illud venio, quod in extrema parte responsionis meæ graviter arguendum censiisti. Dixeras in tuis objectionibus, horrendam Gothorum vastationem, Ecclesiæ pro virtute libidinem, pro justitia tyrannidem, pro pietate superstitionem invexisse. Ego contractiori sermone repetivi te dixisse, horrendam Gothorum vastationem ecclesiam corrupisse, vitiis videlicet ac erroribus; & ostendi secundum Scripturas sacras, Ecclesiam Christi persecutionibus, afflictionibus, & vastationibus non corrupti, sed purgari à vitiis, quæ pacis tempore contrahit: sicut de lapsis testatur Cyprianus, dum loquens de lapsu Fidelium ait: *Cladis causa cognoscitur, quia traditam nobis disciplinam pax longa corrumperat, jacentem fidem, & penè dixerim dormientem censura celestis erexit; & dum Domini mandata contempsimus, ad correctionem delicti, & probationem fidei, remediis severioribus venimus.* Hic tu lectoris judicium imploras, ut me calumniæ reum agas, quod servatâ verborum tuorum sententiâ alio sim usus sermone. Deinde petis observari cavillum plus quàm sophisticum, in ambiguitate verbi, Ecclesia, quam dicis non debuisse aliam intelligi, quàm visibilem, quæ à Christo piscium sagenæ & aræ tritici similis perhibetur. Quis significavit aut intelligere potuit, te de alia Ecclesia locutum quàm de visibili, quæ à Christo sagenæ piscium & aræ tritici comparatur? nisi forte qui

qui contra symbolum fidei tecum sentit, seu potius desipit, non unam sanctam catholicam & apostolicam esse Ecclesiam, sed duas, & corpus Christi esse bipartitum, sicut 2. suâ regulâ docuit Tyconius, quem de doctrina Christiana reprehendit Augustinus. Lege Cyprianum de unitate Ecclesiæ, & observa Scripturas sacras, quibus probat quòd in symbolo fidei canit Ecclesia unam sanctam catholicam & apostolicam esse Ecclesiam; & faciliè intelliges me nec voluisse, nec debuisse dicta tua aliter intelligere, quàm de una sancta Ecclesia, à Christo in Evangelio commendata, & sagenæ piscium comparata, de qua ait in Canticis: *Una est columba mea, perfecta mea, una est matri suæ, ele. Cantic. 6. & genitrici suæ.* Sed tu fortè tibi conscius, quòd hujus unius catholicæ Ecclesiæ defector es, aliam fingis Ecclesiam, in qua tu cum tuis contra Dei legem, contra apostolicam traditionem salvari queas. Falleris, Sanct-Aldegonde frater, falleris, & alios fallere niteris. Quisquis ab Ecclesia segregatus adulteræ jungitur, à promissis Ecclesiæ separatur, inquit Cyprianus: Nec perveniet ad Christi præmia, qui reliquit Ecclesiam Christi. Nemo ascendit in cælum, nisi qui descendit de cælo, filius hominis qui est in cælo, caput videlicet cum corpore. Et ideò si ad unicum Christi corpus non pertinueris, donorum cælestium particeps non eris, sed caliginis tenebrarum, quæ seducto-ribus reservatur in æternum. Ego igitur ex Scripturis sacris ostendens Christi Ecclesiam in persecutionibus & afflictionibus, vitis non corrupti, sed purgari, (sive quia palmites in Christo fructum facientes, tanquam aurum in fornace igne tribulationis expurgati, plus fructus afferunt, contemnentes quæ vobis rapientibus amiserunt: sive quia paleæ vento flante aut ab Ecclesia recedunt, aut afflictione intellectum dante, in triticum commutantur) non aliam cogitavi Ecclesiam, quàm illam quæ in Evangelio sagenæ missæ in mare, & aræ tritici comparatur. Sed non ignoravi, quod tu videris non advertisse; *Matt. 13. unius & ejusdem Ecclesiæ in Scripturis sacris duo nobis tempora commendari.*

Alterum in hac vita, ubi multi mali bonis sunt permisti, ratione quorum sagenæ comparatur, bonos & malos pisces congreganti, quæ ait in Canticis: *5. & 79.* *Nigra sum, sed formosa.* Nigra, propter malorum permissionem, & tribu-*Cantic. 1.* lationum multitudinem: formosa, propter sanctos, de quibus Psalmista: *Do- Psal. 25. mine dilexi decorem domus tuæ, & locum habitationis gloriæ tuæ: Qui videlicet sunt vitæ sanctitate decori, & de suo decore non in se, sed in Domino gloriantur.*

Alterum verò Ecclesiæ tempus est, post hanc vitam, de quo ait Aposto-*17 Jan. 1.* lus: *Christus dilexit Ecclesiam suam, & tradidit seipsum pro ea, mundans eam la- Ephes. 5. vacro aquæ, in verbo vitæ, ut exhiberet sibi gloriosam Ecclesiam, non habentem maculam, aut rugam, aut aliquid hujusmodi.* Nam in hac vitæ miseria, licet Ecclesia filios Dei contineat, nondum tamen est in eis gloriosa, quia nondum ap-*1 Cor. 4.* paret quid erunt; nec caret maculâ & rugâ, quia habet immundos, fornicatores, & adulteros, qui sunt ecclesiæ macula, & falsos fratres ambulantes in astutia, qui sunt duplicitis ruga; quibus omnibus carebit, quando oves ab hædis separatæ, possidebunt regnum sibi ab origine mundi præparatum. *Matt. 25.*

Hæc disputavi ut potui, non ex argutis scholasticorum quodlibetis, sed ex simplici Scripturarum veritate: quam si, relicto tuo Aristotele, tam diligen-ter differendo, quàm præfando & jactando, in hac tua responsione profectus

fuiſſes, forſitan apud cordatum leſtorem plus ſolidæ laudis & exiſtimationis conſecutus fuiſſes. Sed dum hæc unâ reſponſione, tu decies plura ex Ariſtotele & Scholaſticis Doſtoribus attuliſti, quàm ego hætenus in omnibus ſcriptis meis, & nihilominus ex ſola tua præſumptione non erubeſcis effundere, quodd in Scholaſticorum argutis quodlubetis ætatem potiùs quàm in Scripturarum ſimplici veritate, pro Academiæ noſtræ more, triverim. Quid aliud cordatis leſtoribus cogitandum relinquis, quàm te in præſando, jactando & aſſerendo, plus fiduciæ ponere, quàm diſſerendo, & ex Scripturis ſacris demonſtrando, quæ jactanter aſſeris? Forſitan non deerunt qui ex hac unica reſponſione judicabunt me non ita triviſſe ætatem in Scholaſticorum argutiis, quin Deus mihi ex Scripturis ſacris apta & ſufficientia ſanctarum Scripturarum teſtimonia ſuggeſſerit, quibus & errores tuos coarguerim, & objectiones tuas ita diſſolverim, ut potiùs habeas unde erubeſcas, quàm unde glorieris. Denique cauſam aggrediens, ut oſtendas hoſtium vaſtationes, Eccleſiæ vitiorum corruptionem inveniſſe, remittis me ad locum Siloh, ad Hieruſalem, ad montem Sion: item in Aſiam, Græciam, Ægyptum, Africam, & antiquam Romam, cui noſtram Romanam Eccleſiam brevi aſſimilandam auguraris, & petis ut quis illas Eccleſias vaſtarit atque everterit edoceam. Ac denique rogas an non videam urbium ruinas, hominum excidia, gentium ac populorum interneſiones. Quasi videlicet urbium ruinæ, hominum excidia, gentium ac populorum interneſiones, ſint Eccleſiæ Dei in moribus & doctrina corruptiones, & non potiùs purgationes vitiorum, quæ tempore pacis, ſeu potiùs tempore pacatæ libidinis, ſolent irrepere. Video igitur non tantùm in ſacris hiſtoriis quas commemoras, ſed etiam in veſtris moribus & injuriis, quibus quotidie infeſtatis & exercetis Chriſti Eccleſiam, domorum, templorum, ac urbium ruinas, interneſiones hominum, oppreſſiones, ſpoliationes, & exilia Sacerdotum, Monachorum, Monialium, & aliorum, quos de antiqua catholica religione ſuſpectos habetis. Sed doleo te non videre hæc quæ in ſanctos impiè committitis, non eſſe (quam intenditis) Eccleſiæ, quæ in fide & moribus eſt, corruptionem, ſed tantùm terræ & carnis vaſtationem. *Terra enim data eſt in manus impii*, inquit Job. Unde Eccleſia apud Pſalmiſtam:

Pſal. 26. Dum appropiavit ſuper me nocentes, qui edant carnes meas, qui tribulant me inimici mei, ipſi infirmati ſunt & ceciderunt. Qui igitur Eccleſiam Dei perſequuntur, carnem vaſtant, non ſpiritum, in quo Eccleſia eſt, nec illam infirmant. *Cum enim infirmor, tunc potens ſum*, inquit Apoſtolus, ſed ipſi infirmantur & cadunt, & ſine effectu malæ ſuæ voluntatis mercedem juſtam accipiunt: ipſa verò Eccleſia, in die malorum protecta in petra, ſuper quam ædificata eſt, hoſtium ſuorum perſecutionibus exaltatur. Primùm quidem in iis qui pro catholica religione occiſi ſunt, & ſalce paſſionis expurgati, calcato leone & dracone, in horreum Domini congregantur. Deinde in iis qui mendacibus litteris, aut calumniis accuſationibus oppreſſi incarcerationantur, ſpoliantur, in exilium mittuntur, & his tribulationibus exercitati, diſcunt præſentia deſpicere, & ad eos pertinent, de quibus ait Chriſtus: *Omnem palmitem in me ſerentem fructum, purgabit eum, ut fructum plus afferat: patientia enim opus perfectum habet.* Et denique in iis qui ex converſatione vos propius cognofcentes, ingemiſcunt,

& spectante mundo detestantur quòd unquam dolis ac perjuriis vestris crediderint. Et non obstantibus injuriis, quas se ab exteris passos existimant, malunt bonis temporalibus exui, & cum rubore detestari pacta, quæ decepti vobiscum inierunt, quàm diutius amicitia ullâ vobis conjungi. Qui verò amore terrenorum, aut antiquæ religionis pertæsi, ante tempus novissimæ ventilationis sese, à sanctorum societate separantes ultrò ad vos transeunt; & vobis tantò acceptiores sunt, quantò in persecutendis sanctis sunt ardentiores: hi Ecclesiam Dei non maculant, sed à sordibus exonerant, quæ ad vos quotidie defluentes, societatem vestram magis magisque sordescere faciunt: sicut in Apoc. 22. pocalypsi legimus: *Qui sordet, sordescat adhuc.*

CAPUT XXII.

*Quòd heretici maledictis suis Ecclesiam exaltent,
& se in infernum præcipitent.*

Ultimo loco nobis improperas, quòd Ecclesia Romana à veritatis doctrina, si non scèdiùs, at certè multò proterviùs & petulantius se averterit, quàm unquam fecerit Ecclesia Judaica, quippe quæ non ausa fuerit statuere Deum in terris. Miror te non advertere quàm ineptè argumenteris, ab Ecclesia Judaica, quæ tempore Veteris Testamenti fuit, ad eam quæ exitit tempore Novi Testamenti, quasi videlicet Deus, veniente Christo, nihil Ecclesiæ suæ contulerit, quod sibi illa potuerit statuere, quin id ipsum etiam olim per Moysen Ecclesiæ Judaicæ sit impertitus. Et ubi est quod ait Propheta: *Post hæc in terris visus est, & cum hominibus conversatus est;* de quo & Joannes in Evangelio: *Verbum caro factum est, & habitavit in nobis: & rursus primâ suâ epistolâ: Quod fuit ab initio, quod audivimus, quod vidimus oculis nostris, quod perspeximus, & manus nostra contrectaverunt de verbo vita, & vita manifestata est, & vidimus & testamur, & annuntiamus vobis vitam æternam, quæ erat apud patrem, & apparuit nobis.* Sunt & alia multa, quæ Ecclesia tempore Novi Testamenti, sine mendacio sibi statuere potest, quæ non potuit sibi statuere Judaica. Sed quia video te istud ad Romanum Pontificem detorquere, quem calumniaris ab Ecclesia catholica Deum statui, paucis conabor respondere tuæ calumniæ. In primis constat apud Judæos summum Sacerdotem fuisse summum judicem, Deut. 17. ejus sententiam sequi oportuit sub pœna mortis. Quod quia tempore Novi Testamenti recusatis agnoscere, idè in hac parte non nos, qui hoc in Pontifice Romano agnoscimus, sed vos, qui nullum talem judicem in terris recipitis, Judæis estis deteriores. Secundò fateamur Presbyteris omnibus dictum à Christo: *Quorum remisistis peccata, remittuntur eis: & quorum retinueritis, retenta sunt.* Id quod Judæi nec ipsi in terris concessum fuisse crediderunt, dicentes: *Quis potest dimittere peccata, nisi solus Deus?* Quibus an vos in hac parte eis tantum similes sitis, an verò etiam deteriores, qui credente mundo datam Sacerdotibus potestatem dimittendi peccata, id credere recusatis; ipsi videritis. Tertiò credimus omnibus Episcopis generaliter dictum: *Pascite*

- 1 Petr. 5. *qui in vobis est gregem* : &c : *Quæcunque alligaveritis super terram, erunt ligata &*
 Matt. 18. *in cælo; & quæcunque solveritis super terram, erunt soluta & in cælo.* Ipsique Petro & successoribus ejus Romanis Episcopis peculiariter & singulariter dictum:
 Matt. 16. *Tibi dabo claves regni cælorum, & quodcunque ligaveris super terram, erit ligatum & in cælis: & quodcunque solveris super terram, solutum erit in cælis: & rursus:*
 Joan. 21. *Petre, diligisme plus his, pasce oves meas;* ut quod cæteris Episcopis pluraliter dictum, & communiter datum est, hoc Petro singulariter dicendo, & peculiariter commendando, eminentiùs & sublimiùs, tanquam omnium Episcoporum primati & præfecto, dictum intelligeretur. Quod quia vos nec vi, nec ratione aliquâ probabili potestis invertere, ideo ut ipse Pontifex, & alii fideles qui à vobis nondum occiduntur aut corporaliter affliguntur, non sint ejus benedictionis expertes, quam Christus iis promittit qui propter justitiam persecutionem patiuntur, sumptâ occasione unde vobis lubet, & exco-
 gitatis quotidie novis blasphemiiis, diligenter adimpletis quod Christus in evangelio subjunxit: *Beati estis cum maledixerint vobis homines, & persecuti vos fuerint, & dixerint omne malum adversum vos, mentientes propter me, gaudete & exultate, quoniam merces vestra magna est in cælo.* Hoc solum dolendum est, quod vestris maledictis Romanum Pontificem & alios Fideles apud Deum exaltando, vos ipsos in infernum præcipitetis, ubi aliquando obmutescetis: sicut apud Psalmistam prænuntiavit Ecclesia Catholica dicens: *Domine non confundar, quoniam invocavi te; erubescant impii & deducantur in infernum, muta fiant labia dolosa, quæ loquuntur adversus justum iniquitatem in superbia & in abusione.*

Visum est hæc pauca, ex conscientie meæ testimonio, objectionibus tuis respondere, Sanct-Aldegonde frater, forsitan nonnihil alio orationis vultu, quam nuper respondi quæstionibus tuis, sed non alio animo: quia sicut tunc, ita & nunc, ex animo conatus sum tibi ostendere veritatem, & ab errore conversum ad nos revocare: aliter tamen tunc monendum judicavi quærentem veritatem, & veluti in suis erroribus dubitantem: aliter verò nunc, resolutum, & ex professo oppugnantem veritatem. Expecto nihilominus, & quotidie suppliciter oro, ut Deus aliquando tenebras tuas illuminet. Quod si non sum dignus exaudiri, aut si Deus ita tibi offensus sit, ut nec Ecclesiam suam, id ipsum quotidie pro te supplicentem, audiat; saltem spero hunc meum laborem iis profuturum, quos tuis disputationibus conaris à fide avertere, & tecum errando, aut dubitando, in æternam damnationem præcipitare.

P H I L I P P I M A R N I X I I S A N C T A L D E G O N D I I R E S P O N S I O,

*Ad Michaelis Baii Lovaniensis Academia Cancellarii,
& S. Theol. Professoris Apologiam.*

Libellus ille tuus postremus, mi Baii, quo ad mea scripta respondisti, superioribus nundinis Francofurtensibus in lucem editus, vix tandem mihi huc ex Anglia reverso redditus fuit. Eum tu inscribis Apologiam, quum sit atrox & convitii plena criminationis, & quasi pro tribunali promulgata sententia, quâ me impietatis, doli, perfidiæ, atque hæreseos damnatum, in infernum præcipitans, jubes obmutescere. De tua tamen hac æquitate & modestia nihil dicam. De causâ ipsâ respondebo, æquumque lectorem obsecra-
bo, ut omni deposito præjudicio, collatisque Scripturæ testimoniis, & rationibus ac firmamentis utrinque à nobis productis, semel totam rem æstimet, & quod erit veritati consentaneum, sequendum sibi statuat. Sed priorem tui libri partem, quia nescio cui Magistro Antonio Genardo inscribis, & in ea purgas te Minoritæ cuiuspiam Francisco, ni fallor, Horantio, de gravissimis scilicet quæ tibi impegerat criminibus (nempe, quodd & menimiâ lenitate prioribus tuis responsionibus corripuisses, & Judicium ex sola Scriptura sumendum censuisses) quia propriè ad causam nostram non pertinet, attingam quàm potero brevissimè. Reliquam vobis litem inter vos dirimendam relinquam.

Et principio quidem, quod ais, si tibi fuisset subiectus, & in tua potestate pos- Pag. 1.
tus, fuisse te mihi forsam cum increpatione responsurum, & minando deterriturum ne
ejusmodi periculosis disputationibus incumberem: sed quia habebam te potius in potesta-
te mea, quàm tu me in tua, non me putasti illâ gravitate terrendum fuisse, quàm à te
requirit Horantius. Næ tu prudenter & ut cautum virum decet, increpationem
tuam oportuna lenitate temperasti. Meque præclaro hoc beneficio, quod
cum omnibus tibi latronibus est commune (parcunt enim iis quos non habent
in potestate) vehementer obstrinxisti. At ego verò magnas Deo immortaliter
gratias ago, qui me tam tyrannico imperio & potestate, quàm in vestros exer-
cetis, justissimis ad libertatem datis vindictis, asseruerit. Vos enim vestris
laicis,

laicis, in quibus ego meum nomen non recuso profiteri, Sacrorum librorum lectione interdicitis, veritatem ex Dei verbo investigare nefas esse decernitis, quicquid vestra credit Ecclesia, id est, quicquid pro vestra libidine atque auctoritate credendum esse statuitis, id omne non secus illos ac divina oracula & credere & venerari cogitis. De reliquo, iudicium omne rerum tollitis. Ego me certe belluam propemodum esse mavelim, quàm alieni erroris atque libidinis tam abjectum mancipium.

Deinde quòd iudicium de Ecclesia sejungis à iudicio de ejusdem constitutionibus & traditionibus, facis tu quidem peracutè, ut cætera omnia, sed quàm candidè ac sincerè, tu ipse videris.

Nec enim potes ignorare, duas à me tantùm quæstiones fuisse de Ecclesia propositas: Priorem, an Ecclesia ejusque constitutiones seu traditiones (hæc enim omnia pro eodem per Epexegetin posueram) nullum haberent aliud *religiosum* nisi consuetudinem eorum qui se profitentur Romanam sectari Religionem? Et si quod haberent aliud, quibus tandem vel sanctionum, vel decretorum, vel dogmatum limitibus ac repagulis continerentur? Alteram verò, An Ecclesia tribuat verbo Dei auctoritatem dignitatemque, an contrà verbum Dei Ecclesie? Hæc quidem posterior pertinet ad iudicium de Ecclesie corpore, ut ubinam illud sit decerni queat. Nam si verbum Dei Ecclesie omnem tribuit dignitatem, planè efficitur ex illius decreto statui debere, ubi sit illa Dei Ecclesia.

At priori verò quæstione, nihil poteras suspicari me aliud petiisse, nisi ut unde tu nos velles nostræ disputationis de doctrinæ controversiis capitibus firmamenta depromere, semel & clarè explicares. An scilicet ex auctoritate solius Scripturæ, an verò ex Patrum variis & sæpè inter se pugnantibus interpretationibus, an ex effrenatis atque impotentibus Pontificum decretis, an ex contentiosis Synodorum sanctionibus, an denique ex horridis ac spinosis Scholasticorum concertationibus, ut semel hoc fundamento constituto, in reliquo orationis progressu nulla inter nos nova ea de re controversia moveretur, quæ curriculum disputationis posset abrumperè. Tu verò perastutè, triplicem facis tuam responsum, & meam priorem quæstionem in duo dispecis capita, in eaque iudicium de Ecclesia fecernis à iudicio de Ecclesie constitutionibus. Cùm tamen de constitutionibus hoc tantùm dixeris, quòd ubi regnum agnoscitur, ibi non possint negari constitutiones. Sed unde illarum fides atque auctoritas depromi deberet, ne verbo quidem attigisti. In quo quàm bonam fidem præstiteris penes lectorem esto iudicium.

Ego certè priori meâ quæstione neque aliud sum percuntatus, nisi unde doctrina eorum, qui se Ecclesie nomine venditant, deberet confirmari, neque te aliud voluisse respondere suspicatus.

Cùm enim vos vestræ doctrinæ centones undequaque confarciatis, & quæcunque adlibuerunt pro oraculo & pro Ecclesie traditionibus venditetis, quæ quidem nonnunquam ex contorta depravataque aliqua Scripturæ sententia depromitis, nonnunquam ex synodi, nescio cuius, suspecta fide mutuatimini, vel Pontificis alicujus pro arbitrio quod velit sancientis auctoritate fulcitis; ac deinde pro Patrum interpretationibus, nescio quas, rancidas nobis
&

& loquacis, vel ex epistolis Decretalibus, vel ex alijs adulterinis libris orthodoxorum Patrum nomine inscriptis nœntes, & subinde etiam Monachorum delirantium visa & bonas anicularum intentiones, Pontificis bullâ comprobatas, obtrudatis: omninò erat operæpretium antè omnia decernere quid sit illud tandem, quod vos Ecclesiæ orthodoxæ doctrinam atque interpretationem nuncupatis, penes quam de fidei Christianæ dogmatibus omne arbitrium esse statuitis.

Non quærebam igitur priori quæstione simpliciter, quibus notis discernenda esset Ecclesia, sed quibus documentis aut quarum tabularum fide decerni posset, veram esse illam Doctrinam seu interpretationem quam Ecclesiæ nomine velatum nobis assidue inculcatis. Et sanè quod tu ex Augustino produxisti, ad eandem causam referri videbatur. Nam etsi est illi etiam cum Donatistis controversia, ubi quærendum sit Ecclesiæ corpus, an in Donatistarum paucitate, an verò in multitudine orthodoxorum; tamen, quum eam ipsam controversiam nullo alio nisi Scripturarum testimonio ac decreto decidi posse arguit, an non manifestè confirmat, omnes omninò quæstiones omnesque doctrinas ad illum unicum lapidem lydium esse examinandas? Quod enim assererebant Donatistæ penes se solos esse Ecclesiam, reliquas omnes gentes à Christo capite descivisse, id maximè hoc nomine rejiciendum putat, quod Scripturæ testimonio minimè consentaneum esse demonstrari possit. Atque hoc est illud quod ait, quodque tu testimonium laudabas: *Non audiamus, Hec dico, hæc dicis: sed audiamus, hæc dicis Dominus. Sunt certè libri dominici, quorum auctoritati utrique consentimus, utrique credimus, utrique servimus. Ibi quæramus Ecclesiam: ibi discutiamus causam nostram.* Et mox, *Totus Christus caput & corpus est. Caput, unigenitus Dei filius, & corpus ejus Ecclesia, sponsus & sponsa duo in carne una. Quicumque de ipso capite à Scripturis sanctis dissentiant, etiamsi in omnibus locis inveniantur in quibus Ecclesia designata est, non sunt in Ecclesia, &c.* Ac deinceps postquam ex omnibus tum Veteris tum Novi Testamenti libris evicit, Ecclesiam per omnes gentes esse dispergendam, ac proinde vanum esse signum tum Donatistarum, qui dicerent eam esse ex Africa excitandam, ita disputationem claudit: *Restat ergò ut non ex divinis libris, sed ex vobis ista dicatis.* Proinde dignissimè respondebitur: *Anathema sitis. Tenens enim ecclesiæ, apostolico labore fundatæ, cum quanta cura sibi prædictum sit: si quis vobis Evangelizaverit præterquam quod accepistis, anathema sit.* Ex quo apparet, eum in quærenda Ecclesia potissimum illud quærare, an qui Ecclesiæ titulum sibi arrogantes, Scripturarum testimonii doctrinam suam fundatam habeant. Quæcunque enim illis aperte confirmari non possunt, ea omnia ut hominum commenta, & verò ut anathema rejici prorsus debere asseverat. Propterea ejusdem libri capite undevicesimo, nulla utrinque vel visa vel miracula, nullaque humana testimonia producenda decernit, ut penes quem sit Ecclesia deonstretur, sed ea solùm quæ Scripturarum testimonio confirmantur. *Ipse Dominus Jesus, inquit, cum resurrexisset à mortuis, discipulorumque oculis videndum manibusque tangendum corpus suum offerret; ne quid tamen fallacie se pati arbitrarentur, magis eos testimoniis lixis & Prophetarum & Psalmorum confirmandos esse judicavit, ostendens ea de se impetita quæ fuerant antè prædicta.* Sic & Ecclesiam suam commendavit,

vit, dicens prædicari in nomine suo penitentiam & remissionem peccatorum per omnes gentes, incipientibus ab Hierusalem. Hoc in lege & Prophetis & Psalmis esse scriptum ipse testatus est. Hoc ejus ore commendatum tenemus. Hæc sunt causæ nostræ documenta, hæc fundamenta, hæc firmamenta, &c. Quibus verbis manifestè evincitur Augustinum eo libro ad quem me remisisti, semel & generatim decernere, ut quæcunque tandem causâ, sive doctrina, sive traditio venerit in controversiam, ea solâ Scripturarum autoritate decidatur. Hoc est quod ego de te quæsi, quodque nostræ disputationi fundamentum esse subternendum putavi. Quod tu vel planè omitis, vel uno verbo leviter tantum attingis; & alium nostræ controversiæ statum fuisse simulas. Sed cuiusmodi se res habeat, ego quia video non tam tibi mecum, quàm cum Horantio hanc esse susceptam litem, eâ omisâ ad alteram tui libelli partem quæ me propriè attingit transibo.

IN ea tu prætermisissis plerisque & quidem primariis nostræ disputationis capitibus, hoc propè unum tibi sumpsisti confirmandum, quod eadem *propositio servatâ eadem vocum omnium significatione, possit aliâ & aliâ intentione enuntiari*: Ver enim omnino in iis verbis, *Hoc est corpus meum, & hic calix est sanguis meus*, servari propriam & genuinam omnium vocum significationem; & simul tamen negas iis significari ipsum illud quod voces propriè sumptæ notant. Sed aliam eis nescio quam peregrinam intentionem, & à proprietate significationis longè alienam, (quam vobis præjudicium Ecclesiæ vestræ extorsit,) affingis. Enimverò haud potest cuicumque esse dubium, quin ea verba propriè usurpata, planissimè significant, panem illum à Christo sumptum, fractum, distributumque, esse ipsissimum ejus corpus; & calicem esse ejus sanguinem vel ipsissimum testamentum in sanguine. Sed tu quia hoc intelligis verum esse non posse, jam enim falsum esse confessus es: idè vis & aliter explicari ea verba quàm propria significatio patiatur, & tamen propriam significationem nihilominus retineri, quæ certè manifestè inter se pugnare nemo non videt. Longè enim diversa sunt ipsum panem verè esse corpus, & quod fuit panis jam non esse panem, sed in ejus locum corpus subuisse. Hic cum teteneris sentis, neque patere effugium; fingis posse easdem voces, eadem significatione ubique conservatâ, aliâ atque aliâ enuntiari intentione. Quod quidem etsi largiremur posse, non propterea tamen effeceris continuò ita esse: nam alioqui & nobis esset integrum eadem methodo ratiocinari, quia possint enuntiationes per verbum, est, prolatæ, accipi per tropum, idè & hæc verba de quibus est instituta quæstio, per tropum indubiè esse explicanda. Sed quis tibi non insanissimus dabit, voces quæ prorsus idem significant, si ad explicandam dicentis intentionem adhibeantur, non eodem sensu atque eadem periculis usurpari intentione? Ais tu quidem, *intentionis diversitatem haud efficeret discrepantiam in vocum significatione*: Sed quid ejusmodi portento potest esse absurdius? cum nemo non videat, certissimum esse illud quòd secundo de Doctrina Christiana libro præclare tradit Augustinus: *Nullam esse causam nobis significandi, id est, signi dandi, nisi ad depromendum & trajiciendum in alterius animum, id quod in animo geritis*

gerit is qui signum dat. Data enim signa sunt, quæ sibi quaque viventia invicem dant ad demonstrandos quantum possunt motus animi sui vel sensa aut intellecta qualibet. Verba autem (quod idem ait Augustinus) obtinuerunt principatum significandi quæcunque animo concipiuntur, si ea prodere quisque velit. Innumerabilis enim multitudo signorum, quibus suas cogitationes homines exerunt, in verbis constituta est, &c. Quod si ita est, ut certè esse, & Augustino & me tacente, veritas ipsa perspicue evincit, sanè efficitur, verba quæ ad aliquod significandum usurpantur, mentem & cogitationem seu intentionem loquentis eodem explicare modo, quo illa verba rem significant. Quocirca si propria & genuina eorum significatio certum quidpiam & ratum designat, quicumque verbis illis propriè utitur; is, si neque mentitur, neque dissimulanter loquitur, nullam potest aliam intentionem explicare, nisi eam quam verborum propria illa significatio præ se fert, & audientium animis ingerit. Ac proinde voces quæ idem utrobique significant, necesse est vel ut eadem utrobique usurpentur intentione, vel certè si in altera enunciationum diversa erit loquentis intentio, jam à propria & genuina sua significatione declinabunt. Portentum igitur est quod ais, intentionis diversitatem haud efficere discrepantiam in vocum significatione. Nam significare & intentionem explicare, eadem penitus esse nemo sanus potest ire inficias. Quod quidem tu videris etiam ipse advertisse; quæsisisti enim effugium, inquires, posse verbis clarè & apertè rem aliquam significantibus, loquentis intentionem celari & omnibus modis abscondi. Sed hoc ipso effugio ex Scylla, quod aiunt, in Charybdim præceps ruis. Quum enim ais, esse nonnullos qui vel contra mentem loquantur, vel certè verbis clarè significantibus utentes, intentionem tamen haud clarè explicant, sed studiosè potiùs abscondant & celent; idque Abrahami exemplo confirmas, qui dissimulanter Pharaoni & Abimelecho dixerit, Saram esse sibi sororem, intentione celandi quoddam esset uxor; quid aliud agis, nisi quoddam causam ipse tuam prodis, & prævaricatorem te nobis præbes? Nam quid est aliud quod ego dixi, nempe, posse mentiendo quempiam vel dissimulando suaque animi sensa obtegendo, verbis claris atque apertis mentem tamen suam minimè explicare? Ita enim scripti: *Nam si alia quidem atque alia est enuntiantis intentio, & tamen intentionis nota seu voces non aliud atque aliud significant, sed unam simplicem & genuinam significationem retinent: Ne aut illa intentionem enuntiantis nequaquam explicant* (observa quæso hæc verba, mi Baii) *aut simul eadem est & non eadem loquentis intentio verborumque significatio.* Quo cum nihil verius nihilque planius dici posset, tu tamen contradicendi studio confidenter insultans, dum quod dico vis reprehendere, idem ipsum vehementer confirmas. Quasi videlicet, *Fig. 22.* inquis, nulla passio, nulla intentio possit esse in animo loquentis, quin significetur vocibus ab eo prolatis. *Hæc est soror mea, intentione celandi quod sit uxor: alius verò idem dicat intentione confitendi quod res habet; necessum sit, ut toties varietur verbi substantivi, est, significatio, quoties aliud atque aliud refertur loquentis intentio: etiamsi hanc suam intentionem quæ alia est, non tantum nolit verbis aut signis indicare, sed etiam conetur modis omnibus abscondere.* In quo quum idem dicas quod ego dixi, tamen quasi re præclarè & ex sententia confecta suavem tibi triumphum ipse accinis, glorians, *me jam posse videre, quam plurimum*

beum & obtusum sit argumentum, quod ex Aristotele non ex Scripturis desumptum mihi sonabat acutulum. Addis etiam facerías, ne theologiam tuam sine fále, suam videlicet sine anima, esse suspicaremur, & diciste non secus ac majorem muscam meas aranearum telas evasisse.

Sed collige te paulisper, homo acutissime, & ipse quid dicas accuratiús attende, senties profectò nostram à te sententiam vehementer esse confirmatam, jugulatam tuam. Est enim quod ais longè verissimum, sæpenuerim vocibus claris atque apertè ac propriè rem aliquam significantibus, loquentis intentionem non explicari, sed studiosè abscondi celarique: atque hoc est illud quod dixeram illis vocibus intentionem enunciantis nequaquam explicari. Hoc enim fit, quoties vel apertè mentimur, & aliud dicimus quàm sentiamus; vel de uno quopiam interrogati, non candidè & simpliciter de eodem respondemus, sed dissimulanter & callidè aliò contorquemus orationem; quod quidem usu venit Abrahamo à regum libidine sibi metuente. Vel certè tropum aliquem in oratione usurpamus, qualis est, vel Ironia vel, Mimesis, vel Allegoria, vel Apologus, vel alia denique ejusmodi figura, quæ non quidem ipsa verba simplicia, sed compositam orationem à propria & genuina significatione avertit.

Sed quia jam hîc planè est extra controversiam, Christum neque mentium esse, quæque mentem atque intentionem in hujus ultimi testamenti sacrosanctâ institutione dissimulanter celare aut abscondere voluisse: sed claram orationem usurpasse, quâ mentem illam suam atque intentionem, instituendi suæ mortis symboli, seu sanctissimi Sacramenti significantissimè explicaret; & tamen ea verba in propria sua significatione retineri nullo modo possunt, ne novent ipsissimum panem & vinum quæ tunc habebat in manibus, esse substantiale corpus ejus & sanguinem, quod vos esse falsum confitemini; idèd efficimus ejus verba non propriè ac substantialiter, sed symbolicè & per eum tropum, quem ipse Christus disertè ac significanter designavit, inquires, *hoc facite in meam commemorationem*, esse necessariò explicanda.

Omnino enim aut propriè locutum esse Christum fatearis necesse est, aut figuratè: nullum est tertium. Si propriè locutus est, non potest ejus intentio aliò referri, quàm quòd verborum proprietas nos deducit. Atqui deducit nos indubiè ad id quod ipse tu fateris esse falsum: nimirum, ipsum panem esse corpus. Restat igitur ut figuratè fuerit locutus, & corporis nomen pani per verbum, est, attributum, eodem sensu usurparit, quo in simili planè oratione nomen testamenti seu fœderis in suo sanguine, calici per idem verbum, est, tribuit. Videlîcet tandem jam, sapientissime Magister, te tuissem pedicis arctè irretitum tenet? Neque ut majorum gentium muscam meas aranearum telas evasisse, sed ut foricem tuo prehensum indicio, tuæque acutissimè rationationis cuspide confixum jacere? Neque est hoc ex Aristotele, quemadmodum tu invidiosè objicis, desumptum, sed & verbi divini testimonio fundatum, & è primis atque à sapientissimo rerum opifice Deo insitis animo humano veritatis notionibus erutum argumentum: quas quidem Aristoteles diligentius observatas indicare & in lucem productas quasi digito monstrare potuit, gignere certè non potuit, & verò ne autoritatis quidem

dem ullum majus momentum eis appendere. Veritas enim suoapte pondere rata semper & constans alienæ authoritatis præsidio non eget, sed sui per omnia similis, futileis mendacii nebulas suo splendore facillè discutit. Tu verò, ut hoc veritatis jubar caligine mendacii obscurares, percallidè & veteratorie pagina libri tui 23. argumentum meum truncasti, iniquens, *me collegisse, ex verbis Aristotelis, quoddam dicere Enunciationem aliquam, manente eadem vocem omnium significatione, posse alià & alià intentione dici, nihil sit aliud, quàm dicere enuntiationem aliquam idem significando non idem significare, &c.* quo certè nihil potest fingi vel vanius vel homine Theologo indignius. Ego enim alterutrum effeci, vel illis vocibus intentionem dicentis non explicari, quod ipse tu etiam confiteris, vel easdem certè voces idem significando non idem significare. In quo cum tu truncatà alterà orationis parte alteram Sycophanticè cavilleris, quàm bonam in reliquis omnibus fidem præstes, quantumque causæ tuæ bonitate confidas prudenti lectori perspicuum facis.

CApite deinceps quarto, vehementer in eo desudas, ut probes enunciante aliquà propositione, posse quidpiam effici, quod tamen non fieri, sed esse tantum significetur. Quod etiam si dederimus posse; non magis efficietur idèd protinus factum esse, quàm efficitur idèd verba Christi tropicè intelligenda, quia possint intelligi tropicè. Sed operæ pretium est acumen tuæ ratiocinationis paulò penitus advertere. Si, inquis, *ut Christus dixit, Ego sum, videlicet Jesus Nazarenus, Judæi & qui cum eo erant abierunt retrorsum, & ceciderunt in terram, prostrati verbis Christi, nihil ejusmodi significantibus, quantum magis credendum est, verbis Christi effectum, quod cum prius non esses, ipse verbis suis non quidem fieri sed esse significavit, &c.* Perbellè profectò & non illepide: Das enim quod petimus; nimirum his Christi verbis, *Hoc est corpus meum*, nequaquam significari quod panis fiat corpus Christi. Et nihilominus, obstinatè contendis, etiam si non significetur, tamen posse effici. De eo fortè aliàs. Nunc facis nobis est, vel, te contente, iis verbis non illud significari, quod ita nobis importunè semper inculcatis. Quare adaptato, sodes, præclaram istam tuam similitudinem illis Christi verbis, *Ego sum*, vel, *ego sum Jesus Nazarenus*, prosternuntur Judæi, nihil tale significantibus: Ergo & his verbis: *Hoc est corpus meum*, potest mutari panis in carnem Christi, etiam si tale nihil significant. Vides quàm elumbis sit hæc argumentatio? & tamen nisi Joannes diserte tradidisset ad illam Christi vocem Judæos prostratos concidisse; quis esset ita vecors qui hoc modo ratiocinaretur, Judæi ad verba Christi potuerunt collabi, ergo necessum est, iis auditis, pronos corruisse. Ejusmodi certè ratiocinatorem Anticyram relegandum & purgandum helleboro, ne tu quidem ipse posses ire inficias. At, idem planè nos de vestra isthac nova dialectica statuere cogit ratio.

Nam si ad illa à Christo pronunciata verba, *Hoc est corpus meum*, Evangelistæ subjunxissent, continuò inania panis accidentia, abjecta substantià & formâ *viuendi* commigraſſe in Christi corpus, nemo esset nostrum qui dubitaret virtute diuina potuisse effici, quod factum esse ipse Dei omnipotens Spiritus assevera-

ret. Sed jam non agitur ut quid possit Christus doceamur, sed ut quid ejus verba significant eruamus. Quare cum ipsi vos, extorquente id veritatis quaestione, fateamini neque his verbis significari, ex pane vel fieri vel factum esse corpus Christi, neque Evangelistarum esse quemquam, qui post eorum prolationem, ejusmodi quid factum fuisse testetur; quænam est ista tam pro-cax intemperies, quæ hæc portentosa nobis commenta tam importunè obtrudat: hic quum urgemini, iterum ad ipsa de quibus disceptatur verba, quasi ad Sisyphi saxum recurritis, eaque sursum deorsum rotantes clamatis esse certa, plana, indubitata. Quo quid potest esse impudentius? quid inanium? quàm actum semper agendo, & quod erat probandum, postulando auditoris patientiam in re usque adeo sacrosancta tam protervè ludificari? Sed ais, etiam si verba propriè id non significant fieri; tamen quum vi omnipotentis Dei fieri id possit, & Christus dicat esse corpus suum quod erat panis, idè effici necessariò factum & transsubstantiatum esse panem in corpus. Hæc verò si vobis conexio constabit, an non videtis eodem jure necessariò dandum esse, ut quotiescunque Dei Spiritus res planè disparatas alteram de altera enuntiaverit per verbum, est; cum Deus omnia possit, continuè significetur alterum disparatorum in alterum esse commutatum seu transsubstantiatum? Omnino enim complexio singularis, ad universalem erit propositionem reducenda: ita fateamini necesse est eundem Christum in veram vitis substantiam, in agnum, in leonem, in panem, in lapidem, & è contra lapidem & panem in Christum fuisse transsubstantiata. Aut si hæc sunt & falsa & absurda; quid est causæ, cur vos in uno singulari exemplo ita fastidiosè urgetis quod in reliquis omnibus obfirmatè repudiatis? Illa enim Dei virtute ac potenti manu peræquè potuerunt effici ac panis in ejus corpus potuit transsubstantiari, & non minus de illis enunciata est clara, diserta, & indubitata propositio per verbum, est; quàm de his quæ nobis ad ravim usque assidue inculcatis. Quare cum ex puris singularibus quæ nectuntur complexiones non modò non necessariæ, sed planè sint futiles, & vos universalem enunciationem statuere nequeatis; desinite tandem ad inania vestra signenta stabilienda Dei omnipotentiam nequicquam accersere. Illa enim vestra causam non magis juvat, quàm reliqua illa quæ tum hoc tum sequenti capite de mandandi verbis loquaciter & importunè disputas, dum ea non imperativo tantum loquendi modo, sed etiam indicativo enunciarum contentis: vagantur enim hæc omnia extra oleas. Nam illud erat vobis ante omnia probandum, vel Christum disertè mandasse ut panis in ejus corpus transsubstantiaretur; vel certè quoties per verbum, est, alterum alteri tribuitur, toties necessariò consequi transsubstantiationem. Horum alterutrum quia nunquam evincetis; ne nos quidem commentitiæ vestræ & fanaticæ sententiæ ad stipulatores habebitis.

QUOD me sexto capite traducis, quasi dixerim magicum & cabalisticum esse commentum, si quis statuat Christum verbis suis tribuisse vim operandi mutandique elementa, vel impudens est calumnia, vel putida certè oscitantia. Didicimus enim & Dei verbo & orthodoxâ universæ Ecclesiæ doctrinâ
præ-

præeunte, res eas quæ verbis efferantur, ab ipsis vocibus & verborum sonis religiosè secernere. Nam constans ac sempiterna Dei vel in pios benignitatem atque clementiam exercentis, vel severa in impios judicia exercentis voluntas ac decretum, verbum Dei nobis est, sive de cælo illud detonet, sive characteribus consignetur, seu denique voce hominis aut spiritus sancti testimonio in cordibus fidelium obsignetur. Id nos religiosè supplices veneramus, eisdemque quoties Domini jussu ac mandato hominibus denunciatur, summam atque incredibilem efficientiam constanter inesse credimus. Ita Petrus Ananiam & Sapphyram uno verbo morte affecit, Paulus Elymam cecitate percussit, Christus ejusque Apostoli infinitos vel gravissimis morbis vel morte liberarunt. Neque hic quomodo enunciatur magnopere laboramus, modò ut de voluntate constet ejus, qui omnia suo versat nutu atque imperio. Sed interea, longissimo certè intervallo ab hoc Dei verbo inanes vocum fonos aut characterum typos, quoad quidem per se considerantur, semovemus. Nec enim quia Christus cæci oculos aperiens, hac voce usus legitur, Epphatach, id est, aperire, idèò arbitramur iisdem syllabis quoties in aërem labiorum motu, & gutturi, ac dentium adminiculo, aut linguæ ad palatum adpulsu emittuntur, singularem aliquam vim inesse, aut ea quasi ad ludibrium ad aperiendos infantium oculos, unà cum ejecta saliva, debere pronunciari. Nec quia Christus ita jussit nos orare, *Pater noster, qui es in cælis*, &c. certamque addidit promissionem à Patre nos iri exaudiri, si quid in ejus nomine poposcerimus; idèò has voces eam habere vim existimamus, ut quæ eadem etiam non intellectas ad ratum enuntiet numerum, is propterea venales Pontificum indulgentias consequatur, quibus ab inferorum liberetur cruciatibus. Nec denique quia in nomine Jesu, omne genu flectitur; idèò huic vocali seu his characteribus *J E S U S* signa, aras, delubra, monumenta & Monachorum ordines putamus esse instituendos. Sunt enim hæc Judæorum, & impurorum Cabalistarum seu Magorum impia sacrilegia, qui Dei atque Angelorum sacris nominibus ad suas præstigias & ad evocandos dæmones flagitiosè abutuntur. Nam voces quidem & typi, nuda sunt signa, quæ per se non modò nihil possunt, sed ne significant quidem quicquam, nisi ex voluntate atque instituto hominum: Dei autem verbum est ipsa illa sacratissima & perpetua ejus voluntas ac decretum, quod vel vocibus enunciat, vel characterum typis designatur. Quum itaque Christus dixit Panem quem acceperat esse suum corpus, haud sanè voluit istis vocibus eam vim ac facultatem tribuere, ut quotiescunque & à quocunque illæ pronuntiarentur, toties miraculorum novorum nova vis ederet, & rerum omnis subverteretur natura: sed planè ad rem ipsam signatam voluit nos attendere, ut ejus mortis, qua se in hostiam offerens Patri nos conciliavit, memoriam gratà & piâ mente celebraremus: quam ob causam disertè etiam monuit, ut in ejus memoriam id faceremus, annunciendo ejus mortem. Hinc igitur, si vel latum culmum digressi, vocibus ac syllabis vim affinxerimus, peripicuè sanè est, Magis nos ac præstigatoribus similes, Dei beneficium sacrilegio contaminare. Hæc si tu non potuisti distinguere, mi Baii, quæ sunt ab Augustino in libris de Doctrina christiana ita luculenter atque accuratè pertractata, ut nihil ampliùs possit desiderari; stuporem certè atque

oscitantiam nimis supinam prodidisti. Sin autem probè intellexisti, ut certè intellexisse te satis scio, & tamen dissimulasti; non potes profectò impudentissimæ calumniæ notam effugere.

SEquens caput ejusdem farinae, tutes sententiæ vestræ ineptias magis etiam sac magis prodit. Pugnas enim, ut probes, Enunciationes quibus aliquid efficitur, non ipso momento, quo pronunciari incipiunt, sed eo quo pronuntiatæ sunt, suum effectum consequi. At modò vidimus enunciationes quidem per se nullam habere vim aut efficientiam, sed tantum adhiberi ad significandum. Itaque non est magnopere laborandum, quo momento vim suam exerant: nam Dei quidem voluntas ac decretum, quod verbo nobis vult consignari, eo ipso momento vim exerit quo auctori Deo visum est, quod velit efficere; quæ verò inter homines enuntiantur, vim suam ante accipere non possunt, quàm ita sint enunciata ut rectè perfectèque intelligantur, neque ullus restet tergiversandi locus. Atque hinc est quod aiunt Jurisconsulti, non eo momento quo vir & mulier loqui cœperint, factos esse conjuges, sed quo sermonem compleverint.

Cùm enim hominibus negatum sit arcana mentis intueri; omninò necesse est, ut planis atque apertis vocum significationibus illa declaretur. Itaque oportet sententias quæ enuncientur, esse perfectas atque absolutas, antequam ex iis de mente pronuntiantis quidquam possit statui. Hæc verò quid faciunt ad vestrorum Scholasticorum insulsißimas nugas, de ultimæ syllabæ, *u m*, prolatione, ad cuius usumque, universam transubstantiationis machinam susti volunt? & quidem utque eò, ut si quis tantum dixerit: Hoc est corpus me, nihil ampliùs effecerit, quàm qui planè nihil dixerit. Statuitis enim pronomine, *Hoc*, non demonstrari illud quod Sacerdos manibus tenet, quia mentiretur, cùm nihil sit nisi panis, *sed demonstrari corpus Christi, ratione illius instantis in quo finitur illa oratio*. Ita ut donec planè finita sit oratio, Christus mendacii reus à vobis peragatur. Quo quid potest dici magis vel impium vel ineptum? Quid enim est hoc aliud, quàm Sacrosancto Dei verbo ad impuras & magicas abuti præstigias? Quod itaque mihi hæc impingere videris, quasi ego in momentis syllabarum vim aliquam constituerim, facis tuo more. Nec enim ejusmodi quidpiam vel per somnium mihi venit in mentem. Constitui equidem discrimen inter illas enunciationes quibus aliquid esse declaramus, & eas quibus aliquid fieri eo ipso intervallo quo verba enunciantur, volumus. Itaque affirmavi cùm Christus Regulo dixit, *Filius tuus vivis*, verum fuisse quod dicebat, & quidem eo ipso momento quo verba illa enunciabat; non quidem verborum vi, sed Christi operantis virtute.

Quantopere autem ab illa discrepet hæc oratio, *Hoc est corpus meum*, ex tuis ipsius verbis perspicuum feci. Tu enim scripsisti disertissimè falsam fore orationem, si statuatur eo ipso momento quo Christus eam cœpit enunciare, panis fuisse ejus corpus; & vestri Scholastici, ut jam vidimus, asseverant mentiri sacerdotem si demonstret id quod manibus tenet, nisi habeatur ratio, ad illud instans quo finitur orationis universa circumscriptio. Ex eo effeci illius exem-

Gloss. in lib. smerniarum dist. 8. cap. 2.

pli similitudine, quam tu tamen identidem gloriosè vendicasti, tuam transsubstantiationem, vel te ipso iudice, stabiliri non posse. Quod igitur hic jam tui oblitus videris me velle cogere, ut confitear quo momento Christus ea verba proferre incipiebat, eodem ipso non verborum vi, sed voluntate divinâ panem & vinum in carnem & sanguinem fuisse commutata, non mecum tu, sed cum umbra tua ipse digladiaris. Tu enim es ille qui asseverasti falsum illud esse; & ut Christum à falsi nota vindicares, nescio quos grypos es commentus, è quibus necdum potuisti te expedire. Quanquam certè turpissima hæc falsi labe, non in Christi verbis, sed in vestra hæret interpretatione: neque potest nisi fœdiori etiam cœno abtergi. Nos contrâ planissimè confitemur, quo momento hæc Christus cœpit pronunciare, & verò etiam quo panem hunc ad repræsentandam mortis suæ memoriam destinavit, eo ipso verba omnia fuisse verissima atque certissima. Ex quo enim voluit hunc sacramentum ac benedictum panem in eum à nobis usum accipi, ut esset vice sui corporis, jamjam in ara crucis morituri, non fuit ille amplius vulgaris panis, sed ipsum ejus corpus, non quidem ullâ substantiarum commigratione aut metamorphosi, sed ipsi ac destinatione, quemadmodum annulus, teste Bernardo, qui ad investituram donatur, non jam amplius est annulus, sed ipsa illa investitura quam annulus repræsentat.

Miraris me non attendisse eam quam statuisti similitudinem, in verbis mandandi à Christo usurpatis & iis quæ per modum indicandi dicis ab eodem fuisse enunciata, ac proinde accusas quod eandem interpretandi rationem non admittam in his verbis; *hoc est corpus meum*, quam videor admisisse in illis, *filius tuus vivis*. Sed jam ex tuis ipsius verbis declaravi quanta in his loquendi formulis esset discrepantia. Deinde, si nulla planè esset, tamen eâ re quàm longissimè certè differrent, quod in illis, Evangelistæ testantur mutationem esse subsecutam, non quidem substantiarum, sed ægri corporis in corpus sanum: quod ipsum etsi cum natura rerum minimè pugnet, tamen nisi scripto prodidissent, difficile fuisset ex Christi verbis intelligere. In his cum tu nobis nihil possis simile demonstrare, haud abs re hoc ego argumentum Augustini verbis claudam. *Restat ergo ut non ex divinis libris, sed ex vobis ista dicatis. Proinde dignissime respondebitur: Anathema sitis.*

Quòd itaque me dicis, *sensuum implorare judicium, quo meum confirmem contra Christi verba errorem*: Primum quidem, nullum hæcenus demonstrasti errorem. Deinde si sensuum judicium implorarem, quid facerem aliud quàm quod me optimus Magister docuit Christus? qui Thomæ & reliquorum Apostolorum incredulitati hoc ipsum sensuum objecit judicium, inquiring, *Palpate & videte: Spiritus carnem & ossa non habes quemadmodum me videtis habere?* Planè veluti ego vobis optimo semper jure objiciam: *Palpate & videte*: Christi corpus neque rotundum est, neque tangi aut corrumpi, vel à vermibus corrodì potest, quemadmodum hoc vestro panis frustulo fieri videtis. Quam ego quidem rationem non Christi verbis, sed fabulosæ vestræ metamorphosi opponam. Christi enim verba supplex adoro, & certissimâ fide veneror: vestrum

strum autem transsubstantiationis idolum cum nullo Scripturarum nitatur fundamento, prorsus ignoro, & ut anathema rejicio. Sed quis non videt hanc esse meram calumniam, quâ mea iterum verba mutilè ac truncatè producents, sensuum me fingis iudicium implorare? Mea enim verba apertè declarant me non tam sensuum stetit iudicio, quàm verbi Dei oraculo. Ita enim se habent. *Tota Christi oratio ed speculat, ut celestem vitam ex se uno manare asseveret, ac proinde ait se esse panem qui de celo descendit. Deinde omnes videbant Christi virum ac naturale corpus neque tum esse neque ante unquam fuisse panem. Hic verò in eo quod panis fuerit, quod panem esse omnes sensus iudicent, natura doceat, ortus convincat, forma testetur, color, figura, gustus, omnes denique circumstantiæ atque omnia plane accidentia manifestè prodant: verbum ipsum divinum & à Spiritu sancto dictatum oraculum iteratò ac sapius inculcet, velle tamen emendicato aliquo tropo quod paulò ante proprium fuerit ejus nomen ad peregrinam significationem contorquere; abutentis est & auditoris patientia & verbi Dei dignitate, &c.* Hic cum ego, qui & primâ & extremâ orationis parte Christi auctoritatem verbique divini oraculum pro summo argumentationis firmamento sumsi, accusar tamen à te quasi contra Christi verba, sensuum tantummodò iudicium implorarim, an non meritò & angelorum & hominum fidem implorem, ut mihi tam perversè ne dicam deploratæ tuæ malitiæ & calumniæ plus quàm sycophanticæ velint coram Dei tribunali & iudicio esse testes?

Sed nec dum facis finem. Mox enim capite octavo fingis, *usum me esse hoc argumento: Christus non agebat jurisdictionem, cum Maria virgini diceret, Mulier, ecce filius tuus: igitur, non adoptabat Joannem in Mariæ filium, sed illum tantum constituebat sui absentis symbolum.* In quo cum mihi ne in mentem quidem id venisse scias, immoraris tamen; & adducto Jacobi Patriarchæ exemplo, injectâque similitudine de Adoptione, quâ nos per Christum in filios Deus adoptavit, nescio quas de Adoptionis jure persequeris argutias. Atqui non est de Adoptione instituta nobis quæstio, sed de substantiarum transmutatione. Tu enim, ut aliquod promeris exemplum quo per verbum, est, significatur transsubstantiatio, produxisti ea verba quibus Christus in cruce moribundus Matrem Virginem Joanni commendavit, & è diverso, Joannem Virgini: inquit, *Mulier, hic est filius tuus: & rursus, Hæc est mater tua.* Respondi, nihil hoc ad robur facere, neque enim esse te usque adeò transsubstantiationis amore fascinatam, ut arbitreris iis verbis voluisse Christum substantialiter mutare Joannem in Virginis Mariæ filium, vel Virginem in illius matrem. Ad hoc tu ne gry quidem. Aliud arripis quod arrodas: & inde in campum adoptionis expatiaris. Sed quin tu apertè fateris vel Virginem Mariam duos ex sua substantia habuisse filios, alterum ortu, alterum transsubstantiatione, & Joannem duas genitrices: vel certè nihil hoc exemplum ad tuum de transsubstantiatione commentum stabiliendum facere.

Quid enim est causæ quod caput rei alto involvis silentio, voculam quam obiter injeceram de adoptionis juridicæ azylo, mordicus arripis, arque inde pro tua libidine syllogismos cornutos eruis, in quibus tibi delicias facias, &

argutum te esse ratiocinatorem, seu potius facetum scurram, prodas? Quid verò? an est ulla Adoptio quæ rerum creatarum substantias immutet? Num te hoc adoptionis azylum tueri potest? Sed tu percallidè hoc omisso in quo erat cardo disputationis, suggillas mea illa verba quibus dixi: Christum non hic agere Jurisconsultum; & arguis, qui filios adoptent non agere Jurisconsultos, sed tantum id facere de quo cognoscit Jurisconsultus, rectè ne an secus factum sit: interjecto simili de Mercatorum contractibus, de quibus cum Jurisconsulti cognoscant, non tamen ab iisdem propterea ineuntur. Sollicitè tu quidem caves ne quid non satis videar dixisse vel propriè, vel grammaticè, itaque exerceste magnà & tanto Theologo ac regio professore & cancellario dignà curà. Sed obsecro te, gravissime Censor, cui ego ita videor perridiculus, cur non mihi liceat latà significatione usurpare hoc verbum, agere Jurisconsultum, pro eo quod est, anxie ac sollicitè aliquid agere quod in Jurisconsultorum disceptatione versatur, ritè ne satis ac solenniter peractum sit? Hoc enim est quod volui, Christum in crucis arapendentem non egisse Jurisconsultum; id est, non admodum anxie laborasse, an Joannes à Virgine matre solenniter illis verbis adoptatus censerì posset, nec ne: & tamen si in eo totus fuisset, ne hoc quidam tuæ transubstantiationis causæ quidquam fore patrocinaturum, cum adoptio nihil habeat commune cum substantiarum commigratione.

DEinceps capite sequenti mira congeris sophismata: quibus contractam superioribus tuis scriptis calumniæ labem eluas. Sed veterem culpam novâ cumulas. *Scripteram verbi, est, unam & simplicem esse significationem, quatenus quidem semper significat esse, id est, quatenus ab omnibus se junctum categoriis per se consideratur. Sed ubi conjungitur categoriis, tum accipit pro re subiecta, & significare aliquando substantiam, aliquando qualitatem, aliquando quantitatem.* Inde collegisti, me verbo, est, unam & propriam substantialitatis significationem tribuisse: quo certè quid queat esse impudentius, quum ex iis quæ dixi non possit significatio substantialitatis nisi ad substantiæ categoriam referri? Itaque cum dico quid esse magnum aut parvum, album aut nigrum, patrem aut filium & infinita alia; verbum certè, est, non significat substantialitatem, sed ea quæ vocibus adjunctis designantur. Tu hic multis ambagibus conaris te purgare à tam manifesta calumnia, & ais te suspicatum fuisse me tecum sentire, propterea quodd cum verbum, est, extra categorias consideratum, sit *πολύσημον*, seu varia significans; ego tamen unam illi & simplicem significationem tribuerim: ac proinde non aliter te potuisse judicare; nisi quodd sentirem propriam illam & simplicem ejus significationem referri ad substantialitatem debere. Hoc tu identidem inculcas, & quasi trophæum hic tibi statuis. Sed quo jure id facias, quæso, adverte. Tu magno studio voluisti verbi, est, significationem traducere ad, Fieri, ut scilicet persuaderes, hoc est corpus meum, idem significare, atque hoc fit vel hoc factum est corpus meum. Ego, ut commentum tam absurdum refellerem, ostendi variam quidem esse & multiplicem verbi, est, significationem, prout categoriis omnibus potest accommodari;

sed interea per se consideratum, nihil aliud significare nisi, esse: nunquam autem, fieri vel factum esse. Esse itaque magnum aut parvum, album aut nigrum, significat quidem quantitatem aut qualitatem, non substantialitatem. Et tamen nihilominus omnino significat esse, & non fieri; ac proinde cum à categoriis sevocatum per se consideratur, habet generalem quandam significationem, sed eam perpetuam ac sibi peculiarem, quā separatur ab omnibus aliis verbis quæ non significant, esse, sed fieri, aut aliud simile. Quare verissimè à me dictum est unam & simplicem, id est, propriam sibi ac peculiarem habere significationem, quā semper significet esse, etiam si non significet esse substantialiter. Quemadmodum in nostra quæstione, panis est quidem corpus, et si non substantialiter, sed tantum Sacramentaliter, id est, ratione Sacramenti & signi, quod quidem non ad substantiæ, sed ad *speciem* categoriam referri debet. Sed ais, differere nos de verbo, est, in ea ratione, quā attributum sententiæ de qua disceptatur significet substantiam, nempe corpus Christi; ac proinde non posse verbum, est, aliud quicquam præter substantialitatem designare. Quasi verò solius vocis attributæ natura, orationem semper afficiat, & non ipsa potius attributi cum subiecto copulatio. Verum enim & falsum in conjunctione & disjunctione rerum omne consistit. Alioqui, cum se veram esse vitem Christus pronunciat, quis ex eo effecerit quia vox attributa, nempe, vitis, significet substantiam, ideo totum orationis ambitum substantialitatem significare, ac propterea Christum contenderit in veram vitis substantiam esse transmutatum. Quid verò? in hac oratione, *Petra erat Christus*, an non & subiecta vox & quæ illi attribuitur utraq; substantiam significant? Cur igitur non credimus Petram substantialiter fuisse in Christum transformatam. Apage igitur cum rancidis istis tuis & putidis sophismatibus.

Circumspectum
cap. 9. &
notat. 10.

Postea iterum variis me criminationibus aspergis, quas si sigillatim coner refutare, actum egerim. Nullo enim negotio de rei veritate prudens iudicabit lector, qui mea quidem scripta ad tuas accusationes examinaverit. Quocirca prudenter sanè & circumspectè cavisti ne isthic in lucem prodirent, non modò veritus, quod tu priori parte libelli tui confessus es, ut quos tu simpliciores vocas quique in ignorantie gurgustio à vobis per vim retinentur, meis argumentis, quæ tu dicis plausibiliter fuisse proposita, commoverentur; sed etiam ut quicquid adhibuisset, impunè mihi posses ad fingere, measque sententias & verba quocunque velles impunè detorquere. Disputationes tuæ de benedictione & maledictione, deque straminis vasi impositi similitudine, aliaque ejusdem generis permulta, quia neque quicquam ad rem faciunt, neque tantillum roboris aut nervorum habent, prudens transeo, ne consultandis tuis inceptis ipse me ineptum præbeam.

Capite undecimo iterum tuo more syllogismum mihi ad fingis, cujus ego nihil unquam simile cogitavi. Ais me sic esse argumentatum: *Christus præcepit ut quotiescunque id fecerimus, in sui memoriam faciamus; igitur in Sacramento*
Encha-

Eucharistia non est Christi præsentia sed memoria. In quo certè versutè ac veteratiorè Christi præsentiam pro transsubstantiatione panis substituiti, quod quidem ipsum in libri tui titulo fecisti sanè quàm impudenter. Atqui, quis est nostrum qui præsentiam Christi in cœnæ Sacramento pernegarit, quippe qui cum Augustino constanter profiteamur. *Unam illam personam qua Deus & homo est, & utrumque unus Christus Jesus, ubique esse per id quod Deus est, etiamsi sit in calo per id quod homo.* Ac proinde, ut idem ait Augustinus, *et si secundum præsentiam carnis illum Ecclesia paucis habuit diebus, modò fide tenet, oculis non videt, tamen secundum præsentiam majestatis semper habemus Christum præsentem.* Nam secundum majestatem suam, secundum providentiam, secundum ineffabilem & invivibilem gratiam, impletur ab eo quod dictum est, *Ecce ego vobiscum sum usque in consummationem sæculi, &c.* Impudens igitur esse calumnia quod ais nos negare Christi præsentiam in cœna. Sed cùm intelligatis multum distare doctrinam de Christi præsentia à doctrina de transsubstantiatione; & præsentiam corporis aut carnis Christi, multum differre à præsentia Christi, quatenus est Christus Deus & homo; tamen ejusmodi strophis, auram captatis popularem, & nos apud ignaram plebem, cui nostris libris graviter interdictis, vocatis in invidiam, criminantes nos Christi præsentiam in sacrosancta cœna penitus pernegare. At ego certè transsubstantiationis quidem dogma oppugnavi, de præsentia Christi ne verbum quidem tecum commutavi, tantùm abest ut eo sim argumento usus, quod tu mihi hîc adfingis. Et verò etiam non dubitem, ratione Fidelium qui Christi corporis & sanguinis sunt in cœna participes, ipsam carnis præsentiam, modò ut sanè intelligatur, in Sacramento Eucharistiæ admittere: non quidem, ut eam cœlo detractam, in terra præsentem statuamus, vel surdo panis elemento ejusve accidentibus copulemus, sed quia in cœlo manens Christus, vi Spiritus Sancti nos in cœlum fide evectos, ita arctâ unione secum necit & copulat, ut non possit ullus neque capitis humani cum reliquis corporis membris, neque vitis cum palmitibus, nec radicis cum ramis arctior nexus cogitari. Quâ igitur loquendi ratione arboris radicem quamvis profundè in solo defixam, ramis, etiamsi cœlum vertice attingant, adesse & præsentem esse rectè dicimus, vel caput adesse suis omnibus membris quamvis longiusculè distitis: eâdem haud erit absonum Christi corpus quod est in cœlo, ejus necessitudinis ratione, quæ cum membris illi arctissima intercedit, Fidelibus omnibus, in Cœnæ mysterio, præsens esse censerî. Itaque cum argumento à te confecto non mecum, sed cum tua ipse umbra dimices, non est quòd hîc insistam pluribus. Nam quod ad sextum Joannis caput attinet, quod magnopere videris reformidare, ne machinam vestræ transsubstantiationis demoliat, si ad doctrinam de Sacramento Eucharistiæ traducatur; non tam hîc mecum dissentis, quàm cum omnibus illius vestræ machinæ architectis. Illi enim in eo capite doctrinæ suæ vel præcipuum statuunt fundamentum, ut ex Magistro sententiarum, Thoma Aquinate, aliisque qui in eas commentati sunt, videre licet. Itaque penes vos sit hæc controversia. Mihi satis sit dixisse, quanquam illo capite de Sacramento nihil agatur ex professo, dubitari tamen non posse, quin de re Sacramenti, id est, de salutari ac vivifica corporis Christi manducatione, deque sacratissima illa simul & arctissima Christi

cum Fidelibus unione, cuius mysterium & Sacramentum in sacra cœna proponitur, omnis Christi sermo sit institutus: quod certè Patres orthodoxi & inter cæteros luculentissimè Cyrillus, qui hoc argumentum ex professo persecutus est, uno ore omnes testantur. Quod autem argutulè cavillaris, haud esse facinus deglutire integram Christi carnem, modò non frangatur aut laceretur, & illam corporis devorantem audes comparare cum Christi in utero virginis conceptione, ita est & impium & ridiculum, ut nullâ indigeat confutatione. Nec enim quisquam ita est amens, ut non intelligat æquè facinorosum esse vivum hominem balænzæ ritu deglutire, atque eundem in frustra minutatim discerptum dentibus terere: etli non potes ignorare, in Concilio Lateranensi, quod est unum vestrz hujus doctrinzæ fundamentum, planissimè decerni, verum Christi corpus in veritate manibus Sacerdotum tractari, frangi, & Fidelium dentibus atteri: quemadmodum disertis verbis in Decretorum libros vestri legislatores retulerunt. Ita ut nihil vos istud de laceræ aut fractæ carnis discrimine, aut de macello nescio quo effugium, in quo tamen mirificè vobis placetis, juvare possit. Quanquam quod tibi, hic sumis Augustinum, non integræ sed laceræ tantum carnis facere mentionem, futile commentum est. Augustinus enim simpliciter asseverat, quum ait Christus, *Nisi manducaveritis carnem filii hominis & sanguinem biberitis, non habebitis vitam in vobis, facinus vel flagitium videri eum jubere*. Ac proinde necessariò concludit, inquit: *Figura est ergo præcipiens, passioni Domini esse communicandum, & suavitè atque utilitè recondendum in memoria, quod pro nobis caro ejus crucifixa & vulnerata sit*. Et quod alibi ait: *Spiritualitè intelligite quæ locutus sum, Non hoc corpus quod videtis manducaturi estis, & bibaturi illum sanguinem quem sursuri sunt qui me crucifigent: Sacramentum aliquod vobis commendavi. Spiritualitè intellectum vivificabit vos, &c.* Non in modo edendi aut bibendi sive visibili sive invisibili, neque in laceratione discrimen statuit, uti vos fingitis: sed in re ipsa quæ comeditur & bibitur diversitatem omnem collocat, inquit, non illud ipsum fore corpus, illumve sanguinem quem nos sumpturi sumus, sed eorum tantum Sacramentum. Etli vel hoc uno potest stultitia vestra reteggi, quod hanc vestram lacerationem & macellum non potestis nisi carni tribuere: Augustinus autem cum æquè magnum statuat flagitium in bibendo hominis sanguine (quod quidem nisi integrum bibi non potest) atque in edenda carne, vestras istas nugas, nobis esse exhibendas perspicuum facit.

*Hic consule
magistram
sententiarum,
Thomas
Aquinas,
religiosum,
omnes
veritas
Scholasticas.*

Fateris deinde, non esse quidem confingenda miracula, ut citra doctrinam Scripturarum sacrarum sententias à vobis excogitatas defendatis. Sed addis neque esse neganda Christi verba, aut ad insolitum & inusitatum loquendi modum detorquenda, atque inde porrò in latilimos de fide Abrahami & Mariæ Virginis, aliorumque fidelium campos digrederis, quasi victor ex arena lauream reportaris. Sed cum ipse satis scias neminem unquam nostrum verba Christi pernegasse, quæ nos quidem religiosissimè colimus, & in ecclesiis nostris si quicquam aliud, assidue inculcamus; insolitum certè & inusitatum loquendi aut interpretandi modum quem nobis objicis, quid aliud agis nisi quòd crimen ipse tamen in nos nequicquam conaris derivare?

Primum enim, quid potest esse magis vel insolitum vel novum atque inusitatum, quam ex iis verbis quibus Sacramentum instituitur, fabricare transsubstantiationem? ita ut, *hoc est corpus meum*, tantundem significet, atque *Hoc* cuius substantia jam evanescit mutatur, vel transsubstantiatur in meum corpus: Quæ certè loquendirationio, nullo neque Scripturarum, neque communis sermonis exemplo unquam confirmabitur. Deinde, an potest quicquam fingi magis vel insolitum vel inusitatum, quam uni Sacramento eam transsubstantiandi rationem adfingere, quam in reliquis omnibus tum Veteris tum Novi Testamenti signis & Sacramentis vos ipsi constanter repudiatis? Ita ut Thomas ille vestræ disciplinæ scholasticæ facilè princeps, quum hanc objectionem proposuisset, quòd in aliis omnibus Sacramentis substantia materiæ maneat, ut in baptismo & confirmatione liquet, ac proinde cum in Sacramentis debeat esse conformitas, videatur & in hoc Sacramento debere panis & vini substantia remanere, nihil potuit aliud invenire quo nodum hunc dissolveret, nisi quod idem per idem confirmando, & contra disputationis leges, quod erat unum in controversia, id unum quasi confessum postulando, inquit: *Ad secundum dicendum est, quòd in aliis Sacramentis non est ipse Christus realiter, sicut in hoc Sacramento: & idè in aliis Sacramentis manet substantia materiæ, non autem in isto. Quid? quod illi ipsi qui hanc transsubstantiationis Pandoram in arce fidei collocarunt, eam tamen aperte confitentur esse novitatem, & quidem novitatem sæpius geminatam? Ita enim in Thomam disertis verbis scribit vester Cajetanus: Et quoniam varia fuerunt opiniones, multiformique sunt argumenta circa hæc, implicant mentes etiam eruditiorum, prænotandum est & ante oculos semper habendum, intervenire hic non unam sed duas novitates valde mirabiles, &c. Et mox: Quapropter conformiter ad sacros canones loquendo, vocetur ista Novitas, Novitas continentie, quoniam verè secundum hanc corpus Christi continetur, & hostia continet corpus Christi, quamvis non continentia locali. Altera autem novitas vocetur novitas conversionis, quoniam secundum illam panis verè convertitur in corpus Christi. In hac igitur conversionis novitate, manifesta mutatio intervenit, quæ ex pane fit corpus Christi: sed mutatio ista absque subiecto invenitur, habens pro termino à quo, panem, & pro termino ad quem, corpus Christi. Et scito, quòd tanta est utilitas discernendi inter has novitates & inter has mutationes, ut inde pendeat & intelligere tam varias objectiones, & scire formaliter respondere, & scire quid scias vel nescias, &c. Hæc est vestrorum Doctorum de his novitatibus tam admirabilibus confessio, quæ certè sunt ejusmodi, ut in infinita illa Scholasticorum vestrorum caterva, haud facilè duos reperias, qui de verborum Christi explicatione inter se consentiant. Cum enim ea velint omnes ad transsubstantiationem contorquere, & tamen sentiant non congruere, nemo est qui non sibi novum aliquem atque insolitum interpretandi modum comminiscatur, & quasi novum fabricet cothurnum, quem novo huic pedi possit induere. Hinc varix illarum opinionum & multiformia argumenta, de quibus ait Cajetanus, orta sunt, quæ ne intelligi quidem nisi confectis novitatibus posse tradit. Sed quid ego ista commemoro? vos ipsi an non uno ore omnes traditis, ita novam atque insolitam esse istam transsubstantiationem, ut nullius unquam alterius rei vel creatæ vel increatæ exemplo visa auditave sit? Eò enim detorqueis illam Christi orationem, verba quæ ego lo-*

Hæc sunt
verba Tho-
ma quaest.
76. arti. 4.

quor vobis spiritus & vita sunt, id est, ut vestri Doctores interpretantur, *spiritualia sunt, nihil habentia carnale, neque consequentiam naturalem: sed eruta sunt ab omni tali necessitate quæ in terra est, & à legibus rerum creaturarum.* Ac proinde docetis nullam hîc vel formalem vel materialem esse mutationem conversionemve, ut in cæteris omnibus rebus quæcunque aliæ in aliam convertuntur, usuvenit. Sed novo, atque omnibus sæculis, omnibusque qui unquam fuerunt hominibus inaudito atque inusitato modo, neque formam transire in formam, nec materiam in materiam, sed totam unius substantiam mutari in totam substantiam alterius: manentibus nihilominus illius & omnibus accidentibus & ipsâ visibili atque omnibus sensibus objectâ specie: quod quidem novâ & creatis omnibus rebus insolitâ virtute agentis infiniti contra omnes naturæ leges fieri magistraliter decernitis. Quæ res cum ita sit prorsus nova atque insolens, ut necesse vobis fuerit ad eam explicandam etiam nova comminisci veritum vocabula; quis non videt vos esse illos, qui verba Christi ad novum insolitum atque inusitatum loquendi modum detorquetis? & quidem usque eò ut etiam si vobis largiremur, iis quæ soletis producere exemplis rerum transformationem significari; nullam tamen habere possent illa cum vestra isthac transubstantiatione societatem, nullam cognationem. Nam etiam si Christus in Cana Galilæe ejusmodi prolatis verbis, *Hoc est vinum*, aquam in vinum convertisset; illa tamen conversionis ratio ab hac vestra toto, quòd aiunt, cœlo discreparet.

Postremò ad novam hanc & inauditam atque insolitam fabricam nova etiam & nunquam antehac non modo visa, sed neque cuiusquam vel sermone explicata, vel cogitatione comprehensa miracula substruxistis, ut videlicet novam vestram Pandoram novis fucis ac pigmentis exornaretis. Et interea non veremini ad hæc omnia frontem impudenter perfricare, & nobis novum, insolitum atque inusitatum loquendi atque interpretandi modum apud ignaram plebeculam obijcere. Quum nihil possit esse usitatus, nihil planius, quàm uni cuiquam sacramento tribuere, id quod omnibus esse sacramentis commune vos ipsi non audetis inficiari; & Augustinus certè atque omnes orthodoxi Patres manifestè tradiderunt. Omnino enim vel Eucharistiam negetis esse Sacramentum necesse est; vel si est Sacramentum, id est, ut ipsi vos ex Augustino definitis, sacræ rei signum, & habet quandam similitudinem cum ea re cujus est Sacramentum; fateamini neque novum neque inusitatum esse, ut ejusdem illius rei signatæ nomen accipiat, quum id omnium universim sacramentorum ratio, natura, analogia, & veritas denique postulet. Quod quia superiori nostrâ disputatione variis exemplis & rationibus manifestum fecimus à nobis hîc non repetetur pluribus. Id unum ex te sciscitabimus, qui ab hac interpretatione tanquam à scopulo refugere videris, quid est illud tandem quod te hîc offendat aut novum aut insolitum? Nova certè vocabula nulla exquirimus, quibus nostram sententiam explicemus: rerum naturas minimè invertimus; substantiarum inauditam commigrationem non agnoscimus; neque à verbo usitata significatione, neque à Sacramentorum analogia vel tantillum recedimus: rerum diversissimarum novas concomitantias ignoramus: vero Christi corpori incorporeas atque immensas proprietates minimè tribuimus:

man-

manducationes quæ stomachi regionibus finiuntur, de reliquo penitus evanescent, penitus ignoramus: Murium ac vermium de nihilo nutritiones non admittimus. Accidentia sine substantiarum fulcro rejicimus. Infinita denique confictorum à vobis miraculorum portenta repudiamus. Nec denique quicquam huc adferimus, nisi quod est planum, perspicuum, usitatum, & cum ipsa sacramenti de quo agimus natura & analogia ubique consentaneum.

At vos econtra ad fulciendam istam vestram novam, vagam atque instabilem transsubstantiationem, Deus bone, quas machinas, quos vestes, quæ fulcra adhibetis! quas metamorphoseis, quæ monstra, quæ portenta quàm licenter comminiscimini! quàm importunè Dei potentiam, quoties rationibus & argumentis urgemini quasi *ἀπὸ μηχανῆς* ad auxilium evocatis! & adhuc audeatis inusitaram interpretationis novitatem à vestris cervicibus in nos invidiosè derivare! Quum tu hoc ipso capite fateare non vestræ interpretationis veritatem sine miraculo tueri.

Sed quæ tandem est ista vis ac necessitas tam fatalis, quæ in eas vos cogat angustias, & everfis rerum creaturarum legibus quas quidem ratas & perennes esse Deus voluit, quæ ad nova Epicuri intermundia, novasque universæ naturæ metamorphoses ablegat? Ais quidem exquirere vos modum quo vera esse possint Christi verba, quibus accepto pane dixit, *hoc est corpus meum*, quæ dubitare non potestis esse verissima, etiam si veritatis modum ignoretis. Hoc unum igitur vos urget, ut verborum Christi veritatem conservetis. Atqui, non potestis negare quin & nos verba Christi longè verissima esse profiteamur. Quid est igitur causæ quamobrem interpretationem nostram, in qua nihil est huiusmodi, nihil protuberans, nihil absonum, nihil vel à sacramentorum natura alienum, vel à fidei Christianæ articulis dissentaneum, vel denique cum Christi corporis natura seu proprietatibus naturalibus pugnans, tantopere exhorrescat? Valet scilicet apud vos opinio præjudicata, propterea quod à Magistrorum vestigiis quos Ecclesiæ nomine semel ornastis, recedere vobis nefas putatis: & eventum rerum omnium universitatem, ac de vita potius, quàm de sententiâ decedendum arbitramini. Quod quidem an ita se habeat, Cajetanus vester, & Cardinalis & summâ inter vestros eruditione atque indubitatâ fide vir, testis esto. Is in Thomam, ubi ait Magistrum Sententiarum nostram sententiam improbare, ita diserte scribit.

Circa præsentis & sequentium articulorum doctrinam ac materiam, pro claritate & ampliori intellectu difficultatum sciendum est, ex autoritate sacra Scriptura, de existentia corporis Christi in sacramento Eucharistiæ, nihil aliud haberi expressè, nisi verbum Salvatoris dicentis, Hoc est corpus meum: Oportet enim verba hæc verba esse. Et quoniam verba sacra Scriptura exponuntur dupliciter, vel propriè vel metaphorice: primus error circa hoc fuit interpretantium hæc Domini verba metaphorice, quem Magister Sententiarum in distict. 10 libro 4. tractat, qui & in hoc articulo reprobatur. Et consistit vis reprobationis in hoc, quod verba Domini intellecta sunt ab Ecclesia propriè. Et propterea oportet illa verificari propriè. Dico autem ab Ecclesia, quoniam non apparet ex Evangelio coactum aliquid ad intelligendam hæc verba propriè, &c. Hactenus ille. Ex quibus certè verbis vel meridianâ luce clarius apparet, nihil esse penitus in sacra Scriptura quod vos in istas proprietatis

*Thomas à
vico Cajet.
titulo 5.
Sixti pres-
byter. Car-
dinal. sup.
2. partem
S. Thoma
supra 2. 75.
art. 1.*

verbo-

verborum adigat angustias; sed quidquid illud tandem sit, id omne ex præjudicata vestre romanensis Ecclesiæ sententia proficisci. Quanquam ne ex hac ipsa quidem verborum proprietate, transubstantiationis doctrina, de qua nobis est omnis disputatio, potest esse consecutanea, sed tantum præsentia corporis Christi in sacramento Eucharistiæ, de qua paulò ante sententiam nostram explicavimus. Nam quod ad transubstantiationem attinet, vide quæso quale sit ejusdem Cajetani judicium. Paulò enim post, *Habemus igitur, inquit, ex veritate verborum Domini in sensu proprio, Corpus Christi veraciter esse in Eucharistia: & hoc est primum quod ex Evangelio habemus circa hoc sacramentum. Alterum autem quod Evangelium non explicavit, expressè ab Ecclesia accepimus, scilicet, conversionem panis in corpus Christi.* Quæ sit autem isthæc Ecclesia, idem diserte notat, subiungens: *Hanc enim (scilicet conversionem) non solum à priscis doctoribus Ecclesiæ, quos habes de consecratione distinct. 2. copiose, & à Magistro Sententiarum in tractatu de Eucharistia diffusè; sed à concilio Lateranensi sub Innocentio tertio accepimus, ut patet ex tract. de summa Tri. & fide Cathol. firmiter credimus, ubi utrumque simul dicitur, &c.* Etenim cum illis ipsis, qui tum in Decreto, tum in libro Sententiarum, producantur testibus planissimè appareat, veterem universam Ecclesiam aliter sensisse, & Christi verba per sacramentum explicasse; omnino liquet, hujus doctrinæ fundamentum in solius concilii Lateranensis autoritate conquietere. Nihil est igitur ista vestra transubstantiatio, nisi mera traditio, ac purum putum commentum eorum, quibus vos Ecclesiæ nomen arrogatis, ex quorum autoritate haustam atque infixam animis vestris opinionem si deposueritis, ejusque loco, sacræ Scripturæ autoritati vos subjeceritis; nec ulla restabit inter nos hac de re controversia, nec erunt vobis nova miraculorum portentia confingenda. quibus veritatem verborum Christi à falsi nota vindicetis; atque ita quæcunque tu hîc importunè de fide Abrahami & Virginis Mariæ, & Zachariæ accumulas, suâ sponte corruent, neque ullâ responsione indigebunt.

EX his facillè apparet, difficultatem de fractione panis haud à me inventam productamque esse, quemadmodum tu fingis: fluxit enim illa, ut cæteræ omnes, ex illo absurditatem omnium immenso gurgite, transubstantiationis, inquam, doctrina, quæ ut olim omnes vestros Scholasticos, ita nunc te necessum est mirificè torqueat. Nec enim potes te ex hoc cæno expedire. Substantiam panis fateris frangi non potuisse, utpote quæ jam esse desierit: at ne Christi quidem corpus, quod est nefarium, in frustra discerpi. Efficis igitur omnino reliqui panis frangi magnitudinem, quæ post benedictionem sit relicta, modumque suum & formam retinuerit, &c. Omitto flagitia orationis, quod ais magnitudinis quæ sit sine subjecto modum & formam retineri, quum omnis forma sit formati forma: magnitudini autem per se, quæ substantiam ipsam quoddammodo informans ipsa informari non possit, formam tamen & modum tribuere, nimis certe supinæ est ocitantia. Sed his omisissis, sententiam expendamus. Equidem cum hæc legerem, subiit animum meum illa Senecæ increpatio de iræ impetu: *In quo es? vanis concitati sumus, nos dicit perseverare, ne videamur capisse sic*

causa:

causa: & quod iniquissimum est, pertinaciores nos facit iniquitas ira. Resinemus enim illam & augemus, quasi argumentum sit justè irascendi, graviter irasci. Quod ille de ira dicit, etiam de errore verissimum esse, tuo hic doces exemplo. In eo enim semel suscepto perseveras, ne videaris cœpisse sine causa: ita errorem & pertinaciter retines, & vehementer etiam auges, ut justè errandi argumentum facias, errare graviter. Quis enim unquam vos vel Apostolus vel Evangelista docuit, panem quidem deliisse, magnitudinem autem panis quæ frangatur relictam esse? Quasi verò cùm Paulus disertè affirmaret, panem quem frangimus esse corporis Christi communionem; non de pane egerit, sed de visa magnitudinis specie ac simulachro, quod sine pane subsistat? Sed hæc jam satis superque repetita non est necesse pluribus inculcare. Verba Pauli & omnium Evangelistarum plana sunt, clara atque perspicua, neque possunt ejusmodi fascinis aut præstigiis obscurari. At verò, qui potest existere panis magnitudo, ubi nullus est panis? an non vides esse hæc pugnantia, frangi magnitudinem panis non panis? An tu mihi ullius rei quæ non existat, magnitudinem ullam aut formam dabis? Quid verò si fracta illa magnitudo à mure corrodatur eundemque nutriat? an vivum animal inani magnitudine nutriri contendetis? Sed relinquitis Deo hanc curam: modò ut vestrum semel susceptum errorem tueamini, de reliquo nihil vobis est pensū. Ita enim quasi ex tripode pronuntiat vestrer Sententiarum Magister. Illud etiam sanè dici potest, quòd à brutis animalibus corpus Christi non sumitur etsi videatur. Quid ergo sumit mus? vel quid manducat? Deus novis hoc, &c. Lepidam sanè & magistralem sententiam! Sed quid tandem est istud vestrum magnum, album, rotundum quod frangitur? Dicitis esse accidentia. Esto. At cui ergo accidunt? Christi ne corpori, an panis substantiæ? Planè nulli, sed hærent in aëre pendula. Ergo ne accidentia quidem sunt, cùm nulli planè rei accidunt. Hic prehensi, excurritis in campos miraculorum, & omnipotentiam Dei ad fulcienda vestra somnia à cœlo devocatis. Nam quom tandem verbo potestis docere, magnitudinem aliquam esse, ubi nihil sit magnum; rotunditatem, ubi nihil existat rotundum; frangi denique aliquid, quod omninò non existat? Reditis ad usitata illa verba: Hoc est corpus meum. Ea clamatis esse clara, perspicua, indubitata: quasi verò illa pronuntiavit Christus ad portentosa hominum fanaticorum sustentanda deliria. Et tamen utut se res habeat, utique videtis non aliter vos absurdissima quæque vestra commenta tueri posse nisi uno illo à vobis sumpto quod unum est in controversia, quodque nullo argumento potestis probare. Conterendis magnitudinem per se divisibilem esse, sicut color est per se visibilis, & Aristotelem etiam hujus insanix testem laudas, quia videlicet tradat colorem per se visibilem; substantiam verò sub colore latentem cerni non posse, nisi ratione coloris. O præclarum Philosophum, & acutum simul Theologum! quasi verò Aristoteli vel per somnium venerit unquam in mentem, ullum posse cogitari colorem nulli planè rei quæ per se existat subnixum fulcitumque, qui perpetuò inculcat non posse extare accidentia, nisi habeant cui accidunt. Ais deinde Christi corpus sub panis magnitudine contentum, per accidens divisum esse. Atqui paulò antè dixeras, solum dividi accidens seu solam magnitudinem. Illud autem accidens Christi corpori cum minimè accidat; certè eò

diviso, Christi corpus ne per accidens quidem dividi potest. Dividi enim per accidens vel pueri intelligunt, nihil esse aliud, nisi dividi ratione accidentiæ quod inest ipsi illi quod dividitur. Cui enim accidens aliquod non inest, ei certè ratione illius accidentis tribui nihil potest. Paulò pòst quasi ex uno delirio in aliud lapsus, inquis divisam esse ita Christi substantiam, ut & sub tota panis magnitudine, & sub qualibet ejus parte tota existat. Ergo & divisa est Christi substantia & non divisa, & fractum ejus corpus & simul non fractum, & denique integrum & non integrum. Hoc si non est delirare, ego certè nunquam ægrum delirantem vidi. Sed adjicis præclaram rationem & mysticâ isthac theologiâ perdignam. Idèò Christi corpus suæ magnitudinis ratione non fuisse divisum, quia hæc magnitudo suum modum & formam non habebat. Ergo Christi corpus & alienæ magnitudinis ratione divisum fuit, quod certè est absurdissimum: & suâ magnitudine prorsus caruit, ac proinde immensum fuit, omnique corporeâ proprietate vacans, & ita ne corpus quidem: quod est impium. Nam si est ita ut dicis, omninò necesse est vel imaginarium & phantasticum Christo corpus assignas, vel in immensam Deitatis naturam idem transfundas, quorum alterum est Marcionem ex inferis revocare; alterum, cum Swencfeldio & Anabaptistis insanire. Hic tu tamen tanti convictus probri, non vereris pronunciare, vos ad imitationem Sanctorum divinam omnipotentiam pro fidei vestræ fundamento constituere. At oportebat meminisse fidem esse ex verbi Dei auditu; ac proinde nullam esse fidem, ubi non sit verbum. Crediderunt enim sancti Patriarchæ quibus per Angelos Deus locutus est, Christum ex semine Davidis in hunc mundum venturum & pro nostris peccatis hostiam se Deo oblaturum: & reliqua, quæ Prophetarum oraculis consignata sacræ Scripturæ paginâ continebantur. At verò ut ad vestrorum sacrificarum murmur panis insusurratum omnis rerum natura everteretur, ut quod revera existit panis subitò evanesceret, & inania ejus accidentia in aëre pendula hærerent, ut denique panis substantia in substantiam corporis Christi converteretur, id quia neque Prophetarum neque Apostolorum testimonio comprobatur, neque vobis ipsis testibus vel minimo Evangelii apice traditur; idèò nos vobis vestræque Ecclesiæ, à qua vos dicitis accepisse hoc tam portentosum mysterium, relinquimus; & uno Dei verbo cum omnibus Sanctis indubitata fide acquiescimus. Quòd itaque adjicis, non moveri te absurditatibus à nobis collectis, quia ex Paulo didiceris, *quòd Deus elegit ea quæ stulta sunt mundi ut confundat sapientes*, non modò ridiculum est, sed vanum etiam & impium. Nam quòd has absurditates ex verbis Christi in proprio & usitato sensu sumptis ais colligi, insignem Dei filio contumeliam inuris; cujus certè verba plana, perspicua & aperta cum sint, nihil habent absurditatis, quia nihil habent commune cum transubstantiatione, è qua sola tanquam ex putri sentina omne hoc absurditatum cœnum longè latèque profluxit. Quod autem ea quæ Paulus de Christo crucifixo, qui gentibus habebatur stultitia, Judæis scandalum, ad vestrum transubstantiationis monstruosum fœtum traducis, plenum est impietate. Ridiculum etiam quod in commentitia ista transubstantiationis fabulâ, stultitiæ & cœcitatibus notam ipse animadvertis, quam quidem frustra Dei sapientiæ tribuis, cum sit vestræ synagogæ fœtus, & è Jovis Ro-

mani cerebro, in Lateranenſi Concilio, prognata inſauſto partu Minerva. Ita ut manifeſtum ſit non pro Dei verbo, ſed pro veſtris adinventionibus ſuſtendis vos velum omnipotentiae, quaſi quoddam ſomniorum tegumentum, obtendere.

Capite xv. manifeſtam iterum adhibes calumniam. Ais enim me dixiſſe, *Chriſti corpus nullâ circumſcriptum diſpoſitione, ſeu magnitudinis ſuae modum & formam non habens, aequè poſſe ſub naturali pane atque ſub inanibus accidentibus deſiſcere, &c.* Ex quo facilè jam eſt videre, quod antè attingi, noluiſſe te ut mea prodiret in lucem Epiſtola, quo poſſes quidquid adlibuiffet impunè mihi adſingere, neque Lectori eſſet integrum de rei veritate quicquam ſtatueri. Ego enim tantùm abeſt ut id vel ſcriperim vel ſenſerim, ut jam ante duodeviginti annos, libellum contra illam ſententiam in lucem ediderim. Mea autem ex quibus te hæc hauſiſſe poſſum ſuſpicari, ita ſe habent paginâ libelli mei 299. *Alioqui obſervo te, vir præclare, cedo ex quibus ſua tandem fontibus vel rivulis hauſeris veſtra hujus præſtigioſæ theologiae antiſtites, præcipuum in hoc juſ & ſingulari prerogativam accepiſſe nuda hæc veſtra accidentia, ut hoc Chriſti corpus inviſibile atque impalpabile nullâ corporeâ circumſcriptum (ut voluit) diſpoſitione non aequè poſſit ſub vero naturali & viſibili pane atque ſub caſſis & inanibus accidentibus occultatum deſiſcere, &c.* Videtne hæc portenta quæ tu mihi adſingis, non ex mea, ſed ex veſtra manare ſententia? Vos enim eſtis ii qui quoties lubet, pernegatis Chriſti corpus dimenſis & corporeis circumſcribi ſinibus: & in omnes ſacrificorum aras, in omneſque manducantium hunc panem ſtomachos ſine ulla diſpoſitione aut quantitate porrigi aſſeveratis. Nos verò ejusmodi blaſphemias & portenta eâdem fide averſamur, quâ veritatem Evangelicam amplectimur, quæ tradit verum Chriſti corpus, verâ & corporeâ diſpoſitione conſtans, in cœlum ſemel receptum, eodem contineri, donec ad rerum omnium inſtaurationem inde ſit deſcenſurum. Sed quàm hoc eſt ridiculum quoddam conſiteri quidem Deum potuiſſe efficere, ut Chriſti corpus ſub panis ſubſtantia deſiſceret; ſed quia dixit Chriſtus, *Hoc eſt corpus meum*, non autem, *Hoc ſimul eſt & panis & corpus meum*; ideò credere te id quod Chriſtus demonſtravit fuiſſe quidem corpus, panem verò nequaquam: quaſi verò magis Chriſtus dixerit, hoc ſimul eſt & ſpecies panis & corpus meum; quàm, hoc ſimul eſt & panis & corpus meum; ac proinde ejus oratione magis excludatur panis ſubſtantia, quàm caſſa & inanis ejusdem ſpecies ſeu accidentia. Deinde cùm demonſtratio ad externos procul dubio ſenſus, & ad id quod Chriſtus in manus ſumpſit, *fragit*, deditque diſcipulis, reſeratur, & tu panem demonſtrari non velis, efficietur ejusdem tantùm ſpeciem demonſtrari, ac proinde inanem illam panis ſpeciem iſſiſſimum eſſe Chriſti corpus: aut certè aliud demonſtrari quàm illud quod Chriſtus manibus ſumptum, manibus ipſe ſuis porrexit, quod certè cum manifeſta Evangeliorum veritate pugnat. De ordine, utrumne verba fractionem præceſſerint, an verò conſecuta ſint; veſter eſt omnis iſte labor, qui vobis mordicus arripitis, & ſub ſigno ſervientes, quod ait Auguſtinus, rem ſignificantem veneramini, neſcientes quid ſignificet. Ac propterea noſtrarum

certè Ecclesiarum consuetudo, quam tu hîc producis, causam istam vestram juvare nihil potest. Nos enim qui signa pro rebus non accipimus, sed supra creaturam corpoream, oculum mentis ad hauriendum æternum lumen tollimus, ut idem ait Augustinus, de ordine verborum haud magnopere laboramus; quovis enim modo nobis nostræ constat sententiæ ratio. At vos qui vim omnem in verborum pronunciatione ponitis, si vobis ipsi constare vultis, necesse est ut fateamini, verba consecrationis fractionem præcessisse, ac proinde necdum evanuisse panis substantiam, cum ea verba pronunciarentur. Nam si dixeritis verba fractionem fuisse consecuta, positâ certè transubstantiatione, nulla restabit fractionis analogia, quæ à vobis non in substantia panis, sed in simulachro & inanibus ponitur accidentibus, quocirca ne usus quidem ullus ejus erit, & ita frustra dixerit & Paulus panem, quem frangimus, esse communionem Christi corporis; & ipse Christus, hoc esse suum corpus quod pro nobis frangitur, quippe quum nulla restet inter fractionem panis & corporis similitudo, nullaque analogia.

Laboras deinde non mediocriter, ut ostendas nullum à verbis hîc induci præstigium, neque sensus deludi, sumpto à similitudine Baptismi argumento, *ubi cum sit innovatio mentis & peccatorum remissio; tamen homo qui baptizatur, post abluitionem omnino talis apparet qualis ante fuit.* Demiror equidem si cum hæc scriberes non erubuisti. Cum scias planè nihil habere vel mentis innovationem, vel peccatorum remissionem cum transubstantiatione simile. Illa enim in homine fit, & quidem in ejus mente & spiritu, neque ullam substantiæ mutationem invehit: hanc vos in pane corporaliter statuitis, cujus accidentia in aëre pendula nullo substantiæ fulta adminiculo hæreere vultis; & cum omnes omnino sensus videant, odorentur, gustent, contrectent panem, vos panem esse pernegatis, eosque in nudis accidentibus falli ac deludi, quoad quidem illis subjectum substernunt, perhibetis. Quo quid potest esse præstigiosius? Quid? quod illud ipsum quod in frustra discerpitis, dente premittis, in stomachum atque inde porrò in secessum mittitis, traditis nihil habere solidi, nihil *verius*, & verò ne subsistere quidem. Deinde in ipso etiam hominis stomacho & ventre miras præstigias comminiscimini: præscribitis metam quousque sub accidentibus panis contineat se corpus Christi, inde porrò missionem illi facitis, & in cælum relegatis, ac deperditam semel panis substantiam denuo redintegratis, & ad fulcienda iterum pristina sua accidentia remittitis: mures & vermes solis accidentibus nutritis, & etiam si aliter videatur; corpus tamen Christi ab eis minimè sumi asseveratis; ita manifestâ delusione fallitis oculos, ut videant esse quod non est. Quid? quod in ipso Christi corpore præstigias editis: vultis ibi esse corpus visibile quod non videatur, palpabile quod non palpetur, corporeum quod omni corporis dimensione careat, locatum denique neque tamen localiter. In fractione *verò*, Deus bone, quos ludos, quos fascinos adhibetis! frangi dicitis quæ nulla sit substantia, sed nuda & in aëre pendula, nullius rei magnitudo. Christi corpus videri quidem frangi, & tamen non frangi; & idem tamen frangi per accidens quod ei non
inhæ-

inhæreat; & rursus pluribus distribui, & tamen integrum suis omnibus partibus manere. Et hæc cum corporaliter fieri omnia asseveretis, nullistamen vel sensibus vel proprietatibus corporis posse percipi traditis. An fuit ultis unquam post homines natos circulator usque adeo impudens, qui miseræ plebeculæ oculos, dentes, manus, totum denique corpus ita protervè ludificaretur? sed ais: ibi tantum censerî præstigiū, ubi qualitarum falsarum est apparitio. Quid verò? cum ex inanibus qualitatibus falsæ apparent substantiæ? cum ipsæ qualitates quæ in re aliqua insunt, vel non apparent, vel non ita apparent ut sunt? an potest quis dubitare quin sensus corporei ludibrium aut præstigium patiantur? An non ipsi vos decernitis ibi magorum censerî præstigias, ubi delusione quâdam falluntur oculi, ut videant esse quod non est? & tamen asseveratis mures non edere Christi corpus, etiam si edere videantur: an hoc non est oculos præstigio fallere? Quanquam quis non videt infinitas à vobis qualitates sensibiles fingi apparere quæ non sunt? vultis album & rotundum apparere quod non existat, neque in aliquo insit? Panem qui revera sit, qui appareat, negatis existere. Et hæc omnia etiam ludicrâ & sophisticâ cavillatione sursum deorsum vertentes statuitis, quia substantiæ per se non sint objecta sensuum, nisi quatenus vestita sunt accidentibus; ided ne sensus quidem falli: etiam si nullam substantiam, sed accidentia nuda & omni subiecto vacantia percipiant. Ita ut vanissimos quosvis agyrtas & circumforaneos præstigiatores vestra isthac vanitate longè antecellatis. Scimus quidem nos Dei potentiam naturæ ordini non sic alligari, quin & contra & præter naturam quicquid velit, effectum reddat. Sed quia id ita est, ided simul etiam statuimus ejus potentiam esse efficacem; & quod faciat, ita facere ut sit: & si fecit esse corporeum, simul facere ut tale appareat quale est, habeatque & naturam & proprietates corporis, neque hominum sensus temerè fallere aut ludificare, quemadmodum in hoc vestro transsubstantiationis monstro usuvenire ostendimus.

Postea verba Pauli de pane qui frangatur disertè pronunciata, ad inane panis simulachrum derivas, producto exemplo virgæ Moïsis, quæ postquam esset in serpentem commutata, nihilominus virga dicitur. Sed non potes te expedit. Scriptura enim apertè tradit Moïsi virgam verè fuisse in serpentem commutatam, & propterea illam ipsam virgam comparatam cum reliquis magorum virgis quæ revera mutatæ non erant, illas devorasse. Hic verò, cum de pane nihil tale dixerit Paulus, & verò constanter pronuntiet esse panem, & quidem panem qui frangatur, qui edatur, qui unionem Ecclesiæ granorum ex quibus est coagmentatus coalitione referat; omnis ejus oratio vestram transsubstantiationem juguet necesse est. Quod autem ex benedictionis verbo vis demonstrare non loqui Paulum de pane simpliciter, sed de pane tantum benedicto, à nobis etiam facit: ex eo enim evincimus de vero illum & substantiali pane agere, propterea quod verus sit atque *ἁγῖος* panis ille cui benedicatur. Benedictionis enim verbo nihil minus quàm transsubstantiationem notari, jam satis ante demonstratum est. Ad ea quæ iterum de verbi, est, significatione, hic *injustis*, nihil addam; ad superiora te remittam.

Quod autem in putribus vestris truncis & saxcis idolis, aliisque cinibus simula-

mulachris, quæ ab homuncionis miscelli & mortalis peccatrici manu nasci aut oculorum formam ad puerorum & anicularum terriaculum accepit, Christi & Sanctorum agnoscis imaginem, ex qua statim intelligatur analogia: in pane autem, qui vivificæ verbi Dei virtute ac potentiâ, hominem nutriat atque sustentet, non agnoscis; perspicuum certè facis in te adimpletum esse Domini verbum, quo ait, *stant similes illis qui faciunt ea*, &c. qui spem ponunt in eis vel ea venerantur. Prodis enim manifestè te tuis saxeis simulachris multò magis esse saxeam, qui neglectis Dei admirabilibus operibus, Christi analogiam in opere manuum hominum, quo nihil potest esse vilius, nihil abjectius, quæris. Christus autem passim se denunciavit esse panem, & quidem panem vitæ, panem qui de cælo descendit. Et ediversò panem esse suum corpus asseverat, ut illam de qua quærimus analogiam nobis repræsentet. Simulachrum autem neque pictum neque sculptum se esse unquam dixit, & verò ne ullum quidem simulachrum sui referre similitudinem, vel analogiam testatus est. Cùm contra clamet universa Scriptura quævis simulachra, quæ homines effinxerunt, & venerantur, vel tanquam Deos, vel tanquam imagines Deorum, ut præclare annotavit Augustinus, nihil esse præter nefandas abominaciones & obscæna scorta, quæ hominem à sincero & spiritali Dei cultu atque à veritatis cognitione quàm longissimè abducunt. I nunc & in his præclaram tuam quære analogiam. Nos Christi verbis insistentes & vestigiis panis sacramento nomen ejus corporis tribuimus, & in eo certam analogiam agnoscetes, vestra nefanda simulachra toto pectore averfabimur.

Capite duodevicesimo conaris locum illum Pauli, *Petra erat Christus*, argutulâ cavillatione pervertere, & non modo contra Augustini & plerorumque veterum auctoritatem, sed etiam contra sententiarum Magistri fidem, non de sacramento aquæ quæ ex petra profuebat, sed de ipso Christo qui per fidem in eorum cordibus habitabat, interpretari: Sed non animadvertis tibi Pauli verba manifestè repugnare, qui disertè testatur maximam eorum, de quibus loquitur, partem fuisse infideles. Alit enim eos Deum in deserto tentavisse, scortatione & idololatriâ contaminatos diem obiisse, neque omnino Deo gratos fuisse, quod certè illis in quorum cordibus Christus per fidem habitet, tribui non posse, vel ipse tu fateberis nisi planè perfvercisti frontem. Deinde quid potest esse manifestius, quàm Paulum ibi agere de Sacramentis, cùm primùm quidem baptismum, deinde cibum etiam ac potum spiritalem disertè nomet, quæ duo inter Christianos Sacramenta, orthodoxa semper agnovit Ecclesia. Et eorundem dicit Patres in deserto fuisse participes, non aliter ac nos simus, & tamen illos Deo charos propterea minime fuisse, quia scilicet constanti fide & patientiâ in ejus verbo non acquieverint. Quare ne de nobis quidem esse temerè gloriandum, aut animos propter usum Sacramentorum efferendos. Quid? quod ipsemet ea typos nominat, quo certè vocabulo græca omnis ecclesia Sacramenta semper expressit, non minùs quàm vocabulo mysterii. Nimis itaque putidum est & scurrile etiam cavillatio, in quo tibi ad eludendam tam perspicuam veritatem suaviter delicias facis:

Dum ais non posse hæc de petra intelligi, propterea quòd petra in Orebo monte sua sede fixa populum Dei sequi in deserto non potuerit; cùm nemo sit ita impudens, qui in hac Pauli oratione metonymiam non agnoscat, fateaturque, petram pro aqua ex petra profluente (quemadmodum Christus dixit, calicem pro vino qui calice contineretur) nuncupari. Air enim bibisse illos de petra: quo certè vocabulo non potest nisi potus intelligi, qui ex ea manans non nullo tempore Dei populum ex historię serię secutus intelligitur. Pudeat igitur tam inanibus cavillis lectoris tentare patientiam & sacra Spiritus Sancti Oracula contra ejusdem mentem atque apertissima verba ita protervè detorquere.

Reliqua quæ produxeramus exempla, dum eadem arte conaris eludere, planissimum facis te stimulis conscientię urgentibus ad veritatem Domini profitendam quamvis invitum ac reluctantem trahi. Dum enim puerili atque ineptâ cavillatione studes demonstrare, quoties nomen *JEHOVÆ* aut Domini exercituum tribuatur arce fœderis, vel quoties columba dicatur esse Spiritus sanctus, eâ voce, non significari sacramentum, sed rem ipsam Sacramento significatam; quid aliud, quàm nostram doctrinam verissimam esse confiteris, & simul te proditis cavillandi studio excæcatum quid ipse dicas non attendere? Quod ut cernas clariùs, agnosce hæc tua ipsius verba: *Si Scriptura diceret eam columbam fuisse Spiritum sanctum, vel arcam fuisse Dominum exercituum, non deberemus intelligere vocem, Spiritum sanctum à sua propria significatione deflecti, ut significaret signum Spiritus sancti, quasi diceret, hæc columba est signum Spiritus sancti; sed considerata facti circumstantiâ, deberemus intelligere ipsam vocem, Spiritus Sanctus, in propria significatione acceptam, de particulari illa re enuntiari, quæ per illam columbam sacramentaliter significabatur, nempe de persona Spiritus sancti, &c.* Accipio, mi Baii, istam tuam confessionem, & si tibi constare voles, haud me posthac fore adversarium profiteor. Nec enim est animus de voculis aut verborum ordine litigare, modo ut de re ipsa inter nos constet; placet itaque quòd non vis hanc enuntiationem, *Hæc columba quæ super Christum descendit fuit Spiritus Sanctus*, explicari per istam, *hæc columba significavit Spiritum Sanctum, seu fuit ejus signum aut Sacramentum*: Sed tantùm per hanc: *Id quod illâ columbâ sacramentaliter fuit significatum, verè fuit ipse Spiritus Sanctus*. Ne sit igitur figura in voce attributa Spiritus sanctus, neque in copula verbi, est, sed in ipsa tantùm voce subjecta; modò ut illud inter nos constet, idem valere illam orationem, ac si quis dixerit Spiritum sanctum sacramentaliter fuisse significatum per columbam. Ita certè libenter patiar (nec enim de voculis lubet contendere) ut hæc verba: *Hoc est corpus meum*, eadem penitus ratione interpreteris, ut idem significet ac si dicas, id quod sacramentaliter significatur per hoc quod vobis demonstro, vel per hunc panem, est verè corpus meum. Quod si fateare, ut certè fateri te tua ipsius cogit ratiocinatio, jam omisâ de significatione vocalæ, est, omni controversiâ, ego ne verbum quidem ampliùs posthac tecum commutabo.

Sequenti capite quo tradis ipsum Christi corpus, Christi corporis esse sacramentum, quia nullo neque rationis firmamento neque Scripturarum nititur testimonio; ac proinde quâ facilitate dicitur, eâdem negari potest, non attingam, cum ex iis quæ jam abundè in hoc argumentum utrinque dicta sunt, quid verum, quid falsum sit, æquus & cordatus lector facillè possit judicare. Transeo itaque ad reliqua.

In ultima orationis parte, tui semper es similis. Ut excuses quoddam lectione nostrorum librorum ita graviter isthuc interdicitis, Angliæ nobis exemplum objicis. Deinde variis nos criminationibus perfidiæ, fraudum, perjurii, perduellionis, hæreseos & sacrilegii, pro theologica tua modestia & fraterna charitate, reos agis. Angliæ exemplum nihil ad nos attinet. Illi enim suum factum facillè tuebuntur, quanquam ego certè possum juratus affirmare, quod mecum testabuntur omnes qui Angliam viderunt, Papistarum libros infinitos in omnibus ibi bibliothecis publicè venum ire. Ego verò ipsius Edmundi Campiani, hominis seditiosissimi, seditiosissimam Epistolam cum Guilielmi Withakeri doctissima refutatione utrâque linguâ & latinâ & Anglicâ passim prostrare non ita dudum vidi, & unum mihi exemplum cœm. Tu meam epistolam à te, ut quidem gloriaris, abundè confutatam prælo isthuc committere nunquam ausus es, ne censuram Inquisitionis incurreres. Quid? quoddam quo tempore eram Lovanii, vidi Ruardi Tappardi theologorum vestrorum coryphæi scripta contra Calvinum & Lutheranos (ut vocatis) eo tantum nomine vetari, quoddam Calvinii rationes interdum fusius & de verbo ad verbum proposuisset, quibus adjunctam confutationem quia nimis imparem esse sentiebant sapientissimi vestri Theologi, veriti sunt quod tu etiam in meis scriptis metuissti; ne qui utraque legeret, de veritate facillè posset judicare. Sed non est mirum odisse lucem veritatis eos qui in erroris & mendacii tenebris versantur. Maledictis tuis, quia morbum animi tui potius quàm quiddam aliud produunt, sigillatim non respondebo. Scio enim stultorum esse thesaurum maledictionum, quem ego vobis haud invideo. Quod autem ab Hispaniarum Rege nos descivisse objicis, hujus neque temporis est neque instituti. Constat enim nobis facti nostri ratio, quam quoties ex usu erit, facillè piis omnibus & Christianis Principibus ac populis probatam reddemus. Dicam tamen, quod non potes diffiteri: si non propterea perduelles sumus, vos sanè bis esse perduelles: qui primùm à Rege ob Hispanorum tyrannidem defecistis: mox fortunâ paulùm commutatâ, pro eorundem dominatu, nefaria in patriam tulistis arma, ut in ejus perniciem illorum tyrannidem stabiliretis. Ita vestram defectionem, duplici perduellione cumulastis. Quod autem Catholicæ Romanæ Ecclesiæ nos ais esse desertores, est verò perdidiculus. Quid enim quæso est Catholica Romana, nisi universalis particularis? Catholicum enim idem esse quod universale, vel pueris notum est: quocirca Ecclesia Catholica indubiè universam omnium omninò Fidelium & Sanctorum quicumque à condito mundo ad hoc usque temporis momentum, sive in Asia, sive in Europa, seu in Africa aut

ca, aut America extiterunt, communionem complectitur. Quæ quidem non magis dici Romana potest, quam univèrsa orbis machina unius Romanæ urbis nomine contineri. Romana certè Ecclesia, si catholicam & apostolicam fidem tenuerit, & relictis humanis superstitionibus Deum ex verbi præscripto, non ex hominum traditionibus coluerit, catholicæ quidem Ecclesiæ particula & membrum dici poterit, catholica certè Ecclesia non diceretur, nisi quo pacto dicitur minimus digitus esse totum corpus. Sed fortè censes nos ipsam Catholicæ Ecclesiæ fidem, quam Romani retinuerint, deseruisse. Nos autem, cum catholicam Ecclesiam, nisi eam quæ vocem unius audiat Pastoris & sponsi, quæque Apostolorum & Prophetarum doctrinâ fundetur, nullam agnoscamus; ne fidem quidem aut doctrinam catholicam, quæ uni illi Pastoris voci & Apostolorum verbo non innitatur, possumus ullam prostiteri. Quare si ad hunc lapidem lydiurn nostrâ fides examinata, pulchrè ubique consenserit; perspicuum fiet catholicæ fidei desertores censei nos nequaquam posse. Sed longum esset per singula fidei capita discurrere, eaque omnia ad Pastoris vocem & Apostolorum doctrinam sigillatim expendere: & jam sæpe hoc ab aliis ita est præstitum, ut nihil habeatis quod è verbo Dei possitis opponere. Quare cum hujus non sit instituti singula ista persequi, relinquamus in medio ea capita quæ inter nos controvertuntur. Ex illis quæ utrinque confessa & indubitata habentur, exquiramus utri nostrum catholicæ & orthodoxæ fidei desertores meritò habeantur. Et primùm à Dei cultu, in quo potissima consistit pietatis pars, fiat initium. Unum quidem Deum colere vos profitemini: id, si ita est, habetis nobiscum commune. Sed vos quidem infinitos adhibetis Patrones, quos Sanctos aut Divos nominatis, quasi minorum gentium Deos, à quibus opem atque auxilium difficillimis vestris temporibus imploretis. Illis vota nuncupatis: aras, fana, delubra dedicatis; Sacerdotum ac Flaminum Vestaliumque ordines consecratis. Sacrificia, libationes, thura, Missas celebratis: & verò etiam Virginem Mariam, unicam vestram spem ac misericordiæ azylum, & matrem gratiæ, quæ extremâ mortis horâ vos suscipiat, quæque filio Dei veroque Deo jure Matris imperet, religiosè invocatis. Nos unum tantum habemus Deum, quem quia solum, & arcana cordium perscrutari & in rebus afflictis auxiliari & servare posse arbitramur, idèd solum in quavis ærumna & calamitate imploramus. Non inquiri utri nostrum faciant rectius, & cum Dei verbo convenientius: hoc solum dari mihi postulo, quod non ibitis inficias, neque Christum neque Apostolos istum vestrum colendi Dei ritum vel præscripsisse vel planè agnovisse: ac proinde catholicam Ecclesiam, quam suâ illi Doctrinâ fundarunt, hac certè parte, non nos, sed vos potiùs deseruisse. Deinde, etsi unum Deum colitis, simulachra tamen, quæ *idola* græci nominarunt, non modò ipsi huic Deo (quasi hominum digitis summu[m] atque immensum numen exprimi queat) sed reliquis etiam omnibus vestris Sanctis pontis, quæ magno cultu veneramini. Iis nos omnibus repudiatis, in spiritu & veritate Deum esse colendum statuimus, qui neque manibus hominum fingi, neque ullum sibi simulachrum poni velit. Non disputo utri nostrum cum lege Dei consentiant. Id tantum urgeo; cum vel vobis testibus Apostoli nullis usi simulachris fuerint, non magis certè quam ipse Christus aut Prophetæ;

necesse esse ut confiteamini nos ne hac quidem parte à catholicæ Ecclesiæ doctrina descivisse. Præterea cum Deum invocatis, an non infinitos, pro arbitrio quique suo, deligitis vobis deprecatores, quorum meritis & precibus, illius gratiam vobis promereamini? nos contra unum deprecatorem unumque Mediatorem Dei & hominum agnoscimus Jesum Christum hominem, cujus unius meritum & gratia patri nos possit conciliare. Non dico vos errare, nos rectè sentire: nequid attingam quod possit esse controversum: Tantum dico, quod ipsi non negatis, neque Prophetas neque Apostolos ullum alium deprecatorem aut intercessorem vel nobis commonstrasse, vel sibi adhibuisse præter unum Messiam Servatorem, Davidis & Abrahami sobolem ac Dei filium: quare qui eorum certis & minimè deviis insistat vestigiis, eum defectionis à fide catholica seu apostolica reum peragi non posse. Ad hæc, invocationes & orationes reliquæ omnia sacra, sunt à nobis linguâ vernaculâ, quæ ab omni populo intelligatur. Vestra non nisi latinè; linguâ, scilicet, vestræ plebis auribus peregrinâ. Hunc nisi vestrum ritum ab exemplo omnium & Prophetarum & Apostolorum fatebimini esse ita dissentientem, ut noster est consentaneus, eritis nimium impudentes, & vestro ipsi testimonio mendacii convincemini. Quando igitur & hac in parte à vobis descivimus, haud certè descivimus ab ecclesiæ Apostolicæ doctrina; sed ab illis tantummodò, qui Apostolorum institutionem ac doctrinam priores deseruerant. Veniamus ad Sacramenta. Quis quæso fuit Apostolis baptisandi ritus? Sentio quid dicturus: sanctos videlicet, qui Apostolorum ætatem consecuti sunt, Patres reliqua illa quæ vos usurpatis adjecisse. Non pugno, nec enim statui vobiscum contendere. Quod ipsi dabitis, id solum sumam, Apostolos non aliter baptisasse, nisi quemadmodum nostræ baptisant hodie ecclesiæ; neque ipsum Christum Dei filium aliter baptismum vel accepisse vel instituisse. Erraverit Christus: deliraverit Apostolorum simplicitas: vestri Pontifices pietate & sapientiâ illos anteierint: Non litigamus: illud patiamini nos extorquere quod abnuere nec voleris nec poteritis; cum in baptisandi ritu, non ab Apostolis neque à Christo, sed ab iis qui vel meliorem vel certè splendidiorem baptismi rationem excogitarunt, defecerimus; haud posse censeri à catholica & apostolica Ecclesia nos descivisse. Quid de Eucharistiæ Sacramento dicam? An potestis negare nos ritum à Christo traditum (nihil de doctrina dico, ea enim inter nos controvertitur) ab Apostolo Paulo in Corinthiorum ecclesia revocatum, ab omni deinde primitiva Ecclesia religiosè observatum ad amussim retinere? Finxerint vobis meliora vel Gregorius, qui paulò minus sexcentis annis est Christi ætatem consecutus, vel nescio qui alii mytrati Pontifices. Non expendimus quantò sint his illa vel probiora vel deteriora: modò non abnuatis, apostolicæ & catholicæ Ecclesiæ exemplum imitando, ejusdem desertores nos dici haud quaquam posse: Quid dicam de sumptione Eucharistiæ sub utraque specie? cum illa ipsa vestra Pontificum & Conciliorum Decreta, quæ Calicis usu laicis interdixerunt, non dissimulanter profiteantur eundem qui à nobis usurpatur ritum & à Christo institutum; & ab Apostolis traditum & ab universa vetustiore Ecclesia multis retrò sæculis constanter fuisse observatum: Non sumus ergò, ne vestrâ quidem confessione, hac in parte Ecclesiæ apostolicæ sed apostaticæ desertores. Quid verò? quum

fatalis illius crustuli pro Deo adorationem, pompam, lectisternia, & solemnitas tum ambarvalibus, tum aliis festis diebus, præunte cymbalo & cereis, circumgestationes, allaque à prophanis gentibus mutuata sacra repudiavimus, Ecclesiæ apostolicæ quæ hæc omnia ignoravit, an apostolicæ ritus & solemnitas deferimus? Visne porro ad eandem stateram vel ciborum delectum, vel discrimina dierum, vel Sacerdotibus factum conjugii interdictum adpendamus? Quod quidem conjugium cum & Christus suâ præsentia & miraculo primò sanctificasset, & Apostolus in omnibus esse sanctum & venerandum pronuntiasset, vestri legillatores spurcitas & coinquinationem carnalem esse pronunciarunt, in qua Deo placere nemini fas esse possit. An potestis negare in his omnibus exemplum & doctrinam Apostolorum, ut nos sequi, ita vos deruisse. cum ipsi illi vestri legillatores in suis sanctionum libris apertè scripserint? *Antequam Evangelium claresceret, multa tum fuisse permixta quæ tempore perfectioris disciplinæ penitus sunt eliminata, &c.* Est igitur vestra disciplina perfectior, at nostra certè cum & legali & Evangelicâ seu Apostolicâ nitatur traditione atque exemplo, quod quidem ipsi vos diserte confitemini, nullo jure potest existimari ab Ecclesiâ catholica descivisse, nisi si quis à catholicæ Ecclesiæ fide doctrinam Evangelicam & Apostolicam penitus excluderit. Visne etiam reliqua perverstigemus, quæ primi ipsi auctores atque inventores multo sæculorum intervallo post ætatem Apostolorum in Ecclesiâ introducta minimè dissentiant: Qualia sunt, statarum feriarum indictio, reliquiarum veneratio, indulgentiarum nundinatio, ad Sanctorum simulachra votorum nuncupatio, & longinquæ peregrinationes; sollicita ad eorundem sana & delubra discursatio, pro demortuis deprecatio, inferiarum institutio, ignis expiatorii cruciatus, ejusdemque antidota, amuleta, atque alia omnis generis remedia, aquæ lustralis asperio, cereorum consecratio, campanarum & æramentorum baptisatio, aquæ, salis, olei, cinerum, palmarum, aliarumque rerum sexcentarum, cum horrendis exorcismis, benedictio, libæi atque olei veneratio, Monachorum ac Vestalium infinitæ, & quidem diversissimæ atque inter se pugnantes perfectionum regulæ, cuculli, merita, opera supererogatoria, splendida denique illa vestra & Persicæ potiùs pompæ, quàm Apostolicæ simplicitati similis hierarchia: Visne, inquam, hæc omnia ad Apostolicæ Ecclesiæ exemplum & doctrinam expendamus, quæ ab Apostolis prorsus ignorata, vix multis postea sæculis fuisse inventa vestri omnes libri cumulatissimè testantur? Quare qui hæc deferimus, à vestris fortasse institutis & Romanensis Synagægæ traditionibus detecisse existimari possumus, ab Ecclesiâ certè Catholica & Apostolica, quæ ista omnia portentis loco fuisset habitura, nemo nos sanus defecisse censuerit. Neque jam ego ista contendo vel impia esse, vel prophana & paganæ superstitionis plenissima. Sed quandoquidem omnino vultis, quicquid à vobis bonâ fiat intentione, id omne proprio & sacrosancto haberi; & in accepti atque expensi codicem à Domino referri; præbeo me indulgentem adversarium, neque quod petitis abnuo. At certè id efficio, qui illis explosis, Apostolicæ doctrinæ archetypum secutus in uno Dei verbo acqvieverit, eundem Apostolicæ & catholicæ Ecclesiæ non desertorem, sed instauratorem debere censerî: ac proinde impudenter te mentitum esse, qui nos à catholica Ecclesiâ descivisse dixeris.

Ais deinde nos à vobis discedendo hostilem animum induisse, etiamsi vestrum plerique Christianæ fraternitatis memores, non tam irascamini nostræ, ut inquis, malitiæ quàm cæcitati condoleatis. Primum quidem non nos à vobis, sed vos à nobis quibus eratis arctissimo juncti fœdere & sacramento, discessisse omnes vident. Deinde quæ est ista vestra condolentia, quæ Christiana fraternitas? cujus exempla si libeat ab ovo, quod aiunt, usque ad mala sigillatim percensendo commemorare, facile demonstravero vos scythicam omnem feritatem longè exaperare. Sed nolo tam funestâ historiâ disputationem nostram commaculare. Testentur enim id nobis tacentibus, tot Regum ac Principum per fraudem extorta in nostram perniciem crudelissima edicta: testentur falsissimæ illæ criminationes, quibus ad perpetuam posteritatis memoriam eadem illa edicta aspersistis: Testentur omnes toto terrarum orbe longè latèque diffusæ regiones atque provinciæ, quæ plusquàm sexcenta nostrorum millia & bonis & patriâ ejectorum, & conjugibus ac liberis orborum, omnique calamitatis genere coopetorum, suis finibus atque hospitio exceperunt. Testentur infinitæ cædes, strages, laniæ eorum, quos nullo neque sexus neque ætatis discrimine ferrum, aquæ, flammæ, equulei, laquei, fossæ per universam Galliam, Germaniam, Angliam, Italiam, Hispaniam, per ipsam denique terrarum extremam Indiam crudeliter absumpserunt. Testentur hæc ipsa misera & luctuosa nostra bella civilia, quibus vestri Romani Pontifices, vestrique Magistri nostri, ut suam scilicet dignitatem suasque delicias & fastum tueantur, funestas facies non desinunt submittere: quibus jam universus penè Christianus orbis in sua sæviens viscera, conflagravit. Testentur denique præclaræ illæ Philippi Regis Hispaniarum proscriptionis tabulæ: In quibus omnibus undique licariis, latronibus, veneficis, parricidis, facriligis, omnibus denique nefariis & facinorosis hominibus, ad cædem, ferrum, flammam, toxicum atque omnis generis veneficia in nostram perniciem signum attollitur; & scelerum non modò impunitas, sed ingens etiam præmium proponitur. Hæc si vobis est condolentia, si Christiana fraternitas; non possum equidem intelligere quid tandem erit immanis crudelitas. At quæ est hæc tanti & tam efferati odii causa, aut quodnam tandem in vos tantum crimen admisimus? Deservimus scilicet illa vestra instituta, superstitiones, idola, ac nefandos ritus à vestris illis Patribus quos ecclesiæ nomine insignitis, extra Dei verbum & Apostolicam doctrinam excogitatos; & ex præcepti divini norma unum Deum, in spiritu & veritate, per unum intercessorem ac deprecatorem Jesum Christum, adorandum nobis decrevimus. Hinc illæ lachrymæ. Hinc omnis illa mali labes. Hinc enim & non alicunde illa vestra Christiana fraternitas & condolentia in truculentissimam ac plusquam belluinam rabiem exarsit.

Sed objicis nobis crudelitatem propterea quòd victâ tandem vestro furore nostrâ patientiâ, vestrorum carnicum sicas, gladios, igneis, venena, totis jugulis totoque corpore non diutius exceperimus: quòd vim omnium injustissimam atque immanissimam vi necessaria patrio jure repellere coacti simus: quòd ardente bello, qui hujus miseri ac luctuosi incendii flabella semper extiterunt eos nostris excedere finibus coegerimus. At verò tu, cedo mihi unum

aliquem

aliquem ex iis qui nostram se doctrinam amplexum profiteatur, cui vos in vestris urbibus domicilium ac sedem tranquillam & liberam permittatis: ut agnoscant hujus vestræ Christianæ fraternitatis vel tenue aliquid vestigium. Apud nos certè etiam in mediis hisce belli flammis, qui Romanam Religionem publice profiteantur non modò sunt infiniti ex vulgo, sed etiam viri principes non pauci qui in reip. administratione vel primum locum tenent. Nemini enim qui modo pacatè se & tranquillè gerat, religionis causâ periculum à nobis creatur. Ita ut ne Sacerdotes quidem & Monachos aut Moniales expulerimus; nisi si qui vel perpetratæ sodomix, vel tentatæ seditionis ac defectionis crimine convicti, aut certè meritò suspecti fuere: reliquis etiam ex publico alimentum suppeditatur; ita ut metuendum potiùs sit, ne hæc nobis lenitas atque indulgentia in nervum erumpat denique. Inunc, & condolentiam nobis vestram ac fraternitatem Christianam exprobrato.

Penultimo capite magno te conatu, sed frustra, à calumniæ manifestæ nota niteris vindicare: & simul prodis te nescire quod sit inter visibilem seu aspectabilem Ecclesiam discrimen, & eam quæ solis Dei oculis conspicua electorum numero continetur. Nam quia dixeram, universæ Ecclesiæ sensum inde usque ab ætate Apostolorum ad Bertrami tempora dedoctrina Eucharistix certum & constantem extitisse. Postquam verò Gothorum vastatio in ecclesiam infinita scelera & flagitia invexerat, Pontifices Romanos ambitione & avaritiâ ardentes hanc de transubstantiatione doctrinam ignorantì populo facile obtrussisse: tu priori tuo scripto ostentandi fortè ingenii causâ, graviter me & acerbè reprehendisti, quod existimarem Ecclesiam persecutionibus corrumpi posse: atque inde in campum doctrinæ de Domini castigationibus digressus, ipse tibi trophæum quasi de hoste victo excitasti. Jam ubi persentiscis calumniam reiectam esse, in aliam etiam fœdiorem impingis, & ais me contra fidei symbolum sentire non unam sanctam catholicam & Apostolicam esse ecclesiam; sed duas, & corpus Christi esse bipartitum. Quo quidem mendacio quid potest esse turpius? quid tanto Theologo indignius? quasi verò non vel pueris in schola tritum sit, unam tantùm esse Ecclesiam catholicam, quæ verè sit Sanctorum seu electorum omnium communio. Quo nomine nemo nisi qui verè sit membrum Christi, caro ex carne ejus & os ex ossibus ejus censerì potest: ac proinde de hac Ecclesia ait Paulus, Dei firmum ac ratum existere fundamentum, Dominum nosse qui sui sint. Et nihilominus tamen, cùm sint multi vocati, pauci electi, non sit ipsâ meridianâ luce clarius, Ecclesiæ nomen esse polysemum: aliquando enim pro illa quam diximus Sanctorum communione poni; aliquando pro quovis eorum coetu qui nomen Christi externo ritu profiteantur, inter quos cum innumeri sæpè delitescant hypocritæ, neque pauci impii, non rarò fit ut Dominus pro sua justitia quasi larvam detrahens, patiatur eos vel tumultibus bellorum, vel barbararum gentium incurfionibus & vastationibus, vel aliis cladibus ita imminui, atque omnibus scelorum, flagitiorum, atque impietatum generibus cooperiri, ut præter solum nomen vix ullum ecclesiæ restet vestigium. Atque hoc est quod ait Isaias. *Nisi Dominus reliquisset nobis semen, omnes sicut Sodoma fuissetis, & sicut Gomorra perissetis.* Quod certè Israëliticæ ecclesiæ suo tempore usuisse gravissimâ disputatione

ad Romanos cap. 9. 10. atque 11. Paulus demonstrat, qui nihilominus constanter asseverat haud propterea repulsum esse Dei populum quem elegerat; sed uti multò antè, temporibus Heliæ, usuvenerat, cum ille se solum esse relictum arbitraretur, qui nomen Domini invocaret; ita & suo tempore asseverat conservata esse septem millia eorum qui Baali seu idolis genu non flexerint. Hoc idem nos præeunte nobis Paulo, qui Antichristum in Dei templo sessurum esse prædixit, Romanæ isti vestræ ecclesiæ jampridem contigisse asseveramus. Quum enim Christi nomen, & baptismi Sacramentum, etsi variis hominum corruptelis adulteratum, retinueritis; non diffitemur quin etiamnum sitis Ecclesiæ & templum Domini. Sed illud certè templum estis, in quo sedet Antichristus, quem vos in ea ipsa urbe, quæ Joannis ætate septem montibus ceu cornibus insignis in Reges terræ imperium exercebat, cujusque nomen Hebraicè est Geddon harma, i. excisio Romæ, in Dei terrestres, & Christi Vicarii throno venerandum collocastis. Ac proinde cum vestra Romana ecclesiæ, illa ipsa proculdubio sit Babylon, à qua nos jubet Dominus excedere, ne abominationum ejus fiamus participes; haud est mirandum, si vestri Pontifices à doctrina Apostolorum ad impietatem ac tyrannidem aversi, tam impia dogmatum portenta, quale est hoc nefandum transubstantiationis idolum, in Dei populum tot cladibus affectum, & altissimâ ignorantie & caliginis voragine obrutum, fidenter invexerunt. Quod mihi Aristotelem invidiosè objicis, fucum facis. Ais me plura ex Aristotele in una mea responsione attulisse, quam tu in omnibus tuis scriptis. Quid hoc ad rem? quasi propterea minus omnes sentiant, videant, intelligant vos in Aristotele potiùs ætatem, quàm in sacra Scriptura terere? & ad vestram stabiliendam doctrinam, infinita ex eodem conquirere fundamenta? Quid verò? an potes diffiteri neminem à vobis in Artium Magistrum adscisci, ac proinde ne in Theologorum quidem collegium cooptari, nisi qui disertè in Aristotelis verba juraverit? Ex eo fit, ut pleni sint Scholasticorum vestrorum libri argutiis ex illius Philosophia haustis, quibus contra manifestam Scripturarum doctrinam liberum hominis arbitrium seu *liberum arbitrium* & alia impia dogmata stabilitis. Ego verò si produxi Aristotelem, non in confirmando doctrinæ aliquo capite produxi, sed tum solum, cum de enuntiationum ratione ageretur, quæ omnis tractatio propriè ad logicam pertinet, Theologiæ propria non est; ac proinde cum nemo existat scriptor, qui hanc disserendi rationem Aristotele meliùs aut accuratiùs tradiderit: & si quis esset, ego tamen alium producere non debuim aduersus te, qui in ejus verba juratum te esse non potes diffiteri; nihil erat causæ cur me reprehenderes.

Postremò pueriliter cavillaris in discrimine ecclesiæ Judaicæ & Christianæ. Ego verò nunquam statui, veniente Christo nihil fuisse in Ecclesiam Christianam collatum, quod antea Dominus pro sua infinita sapientia necdum erat largitus: sed asseveravi, quod & nunc aio, Deum non minus severa hodie in Ecclesiam Christianam judicia posse exercere, quàm olim fecerit in populum Israëliticum: & verò nisi vestra illa Romana meretrix seu Babylon à tam nefandis abominationibus se converterit, multò etiam animadversurum gravis. Quod quidem non ego, sed ipse Dei spiritus per Pauli os disertè pronunciat, iniquis: *Siquidem Deus naturalibus olea ramis non pepercit, haud certè tibi parcat,*

qui præter naturam ex oleastro es in oleum insitus. Etenim & tu excideris, nisi Dei clementia ac benignitati per fidem constanter adhiæseris. Non est itaque quodd Ecclesiæ tuæ Romanæ ita suaviter ac blandè palpère, mi Baii, ejusque cervicibus & alistam molles, ut ait Propheta, pulvillos substernas. Adest enim, ut dixi, adest jam tempus, quo Dominus sedem illam magnæ meretricis funditus evertat, & suam Ecclesiam ab immani ejus tyrannide vindicet. Quod in extrema calce adjicis de Romani Pontificis potestate, ita est puerile ut non egeat confutatione. Postea quàm enim ex Scriptura probaveris, Romæ sedem Episcopi positam esse, quæ cæteris omnibus præesse ac dominari debeat, quemadmodum ego tibi diserte possum probare in ea sedem esse Antichristi & magnæ illius meretricis, quæ venefico suo poculo regesterræ inebriarit, tum demum nos ad responsionem accingemur. Interea quod nos in infernum præcipitas, nihil movet: & verò etiam magnopere juvat & recreat propter Domini nomen & Evangelii veritatem, ab illis, qui blasphemix atque impietatis Antichristianæ se Doctores & antesignanos profitentur, condemnari. Scimus enim non tuo nos, sed Domini iusto stare aut cadere judicio; qui non ex Regii edicti neque ex decreti Pontificii formula, sed ex sui verbi præscripto, & secundùm Evangelii doctrinam, orbem terrarum est judicaturus. Vale.



A P O L O G I Æ
MICHAELIS BAII,
ADVERSUS
M A R N I X I I
RESPONSIONEM
DE
SACRAMENTO ALTARIS,
DEFENSIO.

CAPUT PRIMUM.

Quod responsio ad Apologiam, multa pericula contineat.



Uero nuper Catalogo, seu indiculo librorum, qui nundinis Franckfordiensibus circa Septembr. anni 82. venales expositi fuerunt, mi Sanct-Aldegonde, comperi te Antuerpiæ edidisse responsum ad Apologiam, quam pro responsionibus ad quæstiones tuas de Sacramento Altaris, anno 1581. Lovanii emiseram, cujus responsionis exemplar cum diu & frustra ex Colonia expectassem (neque enim aliâ expeditiori viâ, cessantibus jam dudum propter bellorum dissidia inter nos & Antuerpienses consuetis commerciis, acquiri posse existimabam) tandem post multum circuitum 10. Martii anni 83. ad me ex Antuerpia perlatum est. Hanc igitur responsionem tuam percurrendo, reperi multis longissimis parergis ad rem nihil pertinentibus suffultam: ut videlicet partim omissis, partim obiter duntaxat commemoratis plerisque, iisque præcipuis, nostræ disputationis capitibus, parum ad rem dicendo, aliquid dixisse & libello meo respondisse videreris. Quorsum enim alioqui pertinebat, tam multa commemorare, & quæsitis verborum campis, tam mordaci & odiosâ oratione, per multas paginas refellere, quæ

quæ à Concilio Lateranensi, à D. Thoma Aquinate, à Cajetano, aliisque doctoribus scholasticis, de transubstantiatione quoquo modo dicta prætendis? Cum ego neque Concilium Lateranense commemoraverim, sciens modestiam tuam Conciliorum autoritate non detineri, neque testimonium ullum produxerim ex Doctoribus Scholasticis, quos tu tantâ loquacitate refelle-re, & in contemptum adducere conaris. Eodem spectare videtur sequens dis-putatio, in qua Scripturæ sacræ veritatem, quæ de Christo ait, quod accepit panem, & benedixit, fregit, deditque Discipulis suis, & ait: Accipite & comedite, hoc est corpus meum, obnubilare conaris,volvendo te in philosophicæ quæstio-nis obscuritate, quæ in Categoriis Aristotelis solet inquiri, quid sit per se & immediatè divisibile; substantiæ corporea, quæ accidentibus omnibus sub-jicitur, an magnitudo, seu quantitas continua quæ in illa excipitur. Nec ab hac intentione dissentit ea narratio, quâ per multas paginas persuadere nitæris, Romanam Ecclesiam humanis & superstitiosis traditionibus Deum colere; ve-stram autem societatem, non nisi ex Dei verbi præscripto. Et tamen quasi ver-bum Dei non sit quod Christus cuidam adolescenti consulens dixit: *Vade; ven-de omnia quæ habes, & da pauperibus, & veni sequere me:* & alibi: *Sunt eunuchi qui seipsos castraverunt propter regnum celorum. Qui potest capere capiat;* à vobis tam insana & à cultu Dei aliena reputantur Christi consilia, ut si quis com-munem Fidelium infirmitatem, eminentiore virtute supergressus, ea comple-xus fuerit, & in his, jejuniis & orationibus, nocte & die Deum colere decre-verit, ut ejus præcepta purius & sincerius impleat, non prius ad vestram so-cietatem recipiatur, quàm per apostasiam, universorum Christi consiliorum observationem abjecerit. Unde etiam sectæ vestræ protector & Coriphæus Princeps Auriacus, non aliâ ratione melius se vestræ conspirationi probari posse putavit, ut manus vestræ cum eo roborarentur, quàm si imitaretur Ab-salonem, patrem suum fœdantem, ut quemadmodum ille, consulente Achito-phel, ingressus est ad concubinas patris sui coram universo Israël, sic etiam ipse Auriacus, vivente adhuc uxore propriâ, spectante orbe, sub nomine con-jugii (te auctore, ut multi autumant) sociarit sibi Christi sponsam consilia E-vangelica professam, tantùm ut hac ratione vestra societas, quæ illa extremè odit, & contemni ac violari gaudet, illi arctius copularctur. Sed nunc ad ea redeo, quæ ordine in tua responsione continentur.

C A P U T II.

*Quod Apologia fuerit fraterna correptio, non
convitii criminatio.*

Dicis me postremum meum libellum inscripisse, Apologiam, cum sit atrox & convitii plena criminatio: nec tamen ullum convitium profers à me in illo libello positum, de quo me accusandum putes. Dico igitur me mihi con-scium non esse, quòd ullum in te convitium dixerim: sed fortè convitium interpretaris, quòd tibi duo crimina objecerim; alterum quòd palam sequaris damnatum Calvinii dogma de Christi corpore in sacramento Altaris; alterum

quod in eorum communione permanes, qui se palam in edictis publicis profitentur & nominant desertores Romanæ Catholicæ religionis: quod nomen à nulla hæctenus secta, quod sciam, assumptum est. Ad quod posterius ne verbum quidem respondisti. Sed hæc mea objectio non est convitium, sicut videri vis, vocans eam criminationem, id est, falsam & contumeliosam accusationem: sed est fraterna correptio & charitatis officium, quo te tuosque conatus sum à tam gravi scelere revocare, & eos qui per te seduci possent ne tibi acquiescant impedire, sicut conabatur Joannes Baptista cum ait: Serpentes, genimina viperarum, quis ostendit vobis fugere à ventura ira? Et Apostolus dicens: O insensati Galatæ, quis vos fascinauit non obedire veritat?

C A P U T I I I.

Quod terrere subditos, ut emendentur, non sit tyrannicum, sed æqui juris imperium.

DEinde transiens ad ea quæ in Epistola ad D. Ghennart respondendo objectionibus R. Patris Horantii dixeram, quodd si tu mihi subiectus fuisses & in mea potestate positus, potuisses tibi cum increpatione respondere, & minando detertere, ne periculosus, ne dicam perniciosus disputationibus incumberes, (sicut à me in suis objectionibus requirebat Horantius.) Hæc igitur pertractans, magno fremitu adversum me insurgis, & magnas Deo immortalī gratias agis, qui te à tam tyrannico imperio & potestate asseruerit; quasi tyrannicum sit imperium, si præfectus subditum instruens, cum increpatione & minis eum deterreat, ne periculosus & perniciosus disputationibus incumbat. Ego de moribus vestris non disputo, nec quàm modestè imperetis inquirō, quia utinam nihil præter timorem inferretis: hoc solum te rogo, an Apostolus tyrannicum imperium doceat, cum ait; *Principes non sunt timori boni operis, sed mali.* Etrursus, *Si malum feceris, time; non enim sine causa gladium portat.* Et ad Timotheum, qui tantum Ecclesiasticā potestateungebatur; *Peccantes (inquit) coram omnibus argue, ut & ceteri timorem habeant.* Et Christus in Evangelio, servo, quem ad vocandum invitatos misit, *Compelle, inquit, intrare, ut impleatur domus mea:* plus enim est compellere quàm terrere. Quæro igitur in his divinæ Scripturæ testimoniis, quibus præfecti jubentur subditis timorem incutere, ut errantes in viam reducant, an doceatur tyrannicum imperium, an potius æquum jus dominandi, quo is qui præest, unicuique subditorum, prout illis expedit, sincerā charitate ad Deum promerendum consulit? Aliter enim regendi sunt servi pigri, qui verbis non emendantur, aliter liberi, aliter contumaces, aliter infirmi. Lege Augustinum Epist. 48. hanc quæstionem ex Scripturis sacris diligenter pertractantem, & videbis quàm præter rationem, hoc loco animi tui acerbicatem, ex apertissimo errore, huic tuæ responsioni infarcias.

Rom. 13.

1 Tim. 5.

Luci. 14.

CAPUT IV.

*Quod ad quæstiones plures, plures dandæ sunt
responsiones.*

Ejusdem planè absurditatis est querela sequens, quòd ad quæstionem tuam plura continentem, non unam, sed plures dederim responsiones. Interrogasti enim quod *negarierum* haberet Ecclesia, ejusque Constitutiones seu Traditiones? Ac deinde adjecisti: *An hoc negarierum constet pagina Sacra Scriptura?* Quas quæstiones in duas dividens partes, respondi ex D. Augustino de unitate Ecclesiæ, Judicium de Ecclesia, ex Scripturis sacris esse petendum: & quia non simul dixi, etiam Constitutiones seu Traditiones ex Scripturis sacris dijudicandas; clamitas me quæstionem tuam dividendo, peracutè quidem id fecisse, sed parùm candidè ac sincerè. Miror te hîc tuum Aristotelem non esse recordatum, tam in Topicis docentem quomodo terminari debeat problema multiplex, quàm in Elenchis, ubi explicat quomodo dissolvi debeat sophisma, ex eo proveniens quod interrogans plures interrogationes ut unam facit, sicut tu in hac tua quæstione fecisti. Ex eo enim accidit sophisma, quòd respondendo non dividitur ejusmodi propositionis ratio. Tu igitur ad quæstiones plures, responsionem unam absque divisione postulans, non sinceram & candidam, (sicut videri vis) sed obscuram & tenebris involutam responsionem extorquere conaris, ut sit locus sophismati: à quo remotissimus esse debet simplicitatis sacre Scripturæ pertractator. Quia qui *sophisticè loquitur* (inquit Sapiens) odibilis est: in omni re defraudabitur, non est enim illi à Domino data gratia: omni enim sapientià defraudatus est. Sed forsitan facilè passus fuisses, me quæstionem tuam plura continentem, juxta regulas dialectices, in duas parti-
Eccles. 17.
ri, & utrique quæstioni seorsum suam assignare responsionem, si modò generaliter fateri voluisssem, Constitutiones Ecclesiasticas ex sola Scripturâ sacra dijudicandas. Sed ego id dicere nolebam. Primò quidem, quia (sicut ex epistola ad D. Ghennart satis intelligere potuisti) mihi omnino propositum erat, dissimulatis aliis quæstionibus, ante omnia tecum de sola Ecclesia differere: in quam disputationem etiam pluribus modis provocatus, hæcenus descendere noluisti. Deinde, tanta est ecclesiasticarum Constitutionum varietas, ut non videantur omnes ex eodem capite dijudicandæ, aliæ enim desumptæ sunt ex Scripturis sacris, ut quæ certò & in divinis litteris sacro dierum numero jejuniâ præscribunt: aliæ verò ex Traditione Apostolica: hæc verò ex recta ratione, ut quod librorum hæreticorum lectio indoctis & idiotis non permittatur. Lectio enim legentis est cibus, qui si sit veneno permixtus, opus est solertia, quæ in idiotis non est, ut prudenter dijudicetur. Et cum prohibeat Johannes, ne is qui alienam doctrinam affert, in domum recipiatur; quantò magis prohibendum est, ne ejusmodi doctrina in animum rudioris lectoris admittatur: præsertim cum omnes naturâ mali sumus, & ad tenebras, in quibus nati sumus, quàm ad lucem, in qua per Christum reformamur, multò propensiores. Unde etiam sacrarum litterarum indagatorem monet Augustinus, ut

De doctrina
Christi.
lib. 2. c. 8.

in initio studii litteras apocryphas vitet, ne præoccupent imbecillum animum, & periculosius mendacis atque fantasmatibus eludentes, præjudicent aliquid contra sanam intelligentiam. Cæterum ut Constitutiones Ecclesiæ ex solidis Scripturis sacris dijudicandas esse concludas; cætera pene omnia, quæ ad illarum comprobationem existimasti potuisse videri oportuna, veluti pertransiens canino dente perstrinxisti, dicens: *me non potuisse suspicari te aliud petivisse, nisi ut semel & clarè explicarem, an Constitutiones Ecclesiæ, ex autoritate solum Scripturæ censendæ essent? an verdè ex Patrum variis & sæpè inter se pugnantibus interpretationibus? an ex effrenatis atque impotentibus Pontificum decretis? an ex consentiosis Synodorum sanctionibus? an denique ex horridis & spinosis Scholasticorum concertationibus?* Benè habet, quòd dum salutaris doctrinæ fulcimenta tuo stylo velut aliud agens conatus es jugulare, saltem Apostolicas Traditiones, de quibus ait Apostolus: *Tenete traditiones quas didicisti, sive per sermonem, sive per epistolam nostram:* & judicium Ecclesiæ, quæ est columna & firmamentum veritatis, quam qui audierit, sit tibi (inquit Christus) sicut Ethnicus & Publicanus: bene, inquam, habet, quòd hæc duo nobis integra & intacta reliqueris, ut ex iis etiam Constitutiones Ecclesiæ possimus non tam dijudicare, quàm defendere. Tunc enim dijudicandæ, cum statuuntur: ubi autem statutæ sunt, tunc sunt observandæ. Et simul cum his duobus fundamentis ipsam rectam rationem admittis, ex qua puto te velle defendere constitutiones vestras, quibus per magistratus seculares, nunc à Clero & Monachis, nunc ab universis civitatibus per vos occupatarum incolis, exigitis absurda & inter Fideles hætenus inaudita juramenta, quibus bonas conscientias aut sceleribus vestris implicetis, aut sua omnia deferere cogatis: quia horum juramentorum, neque in Scripturis sacris, neque in aliis salutaris doctrinæ fundamentis, ulla sit mentio. Hic prudens pertransfeo ridiculum argumentum quo vis ex D. Augustino colligere omnes omninò quæstiones ad Scripturas sacras esse examinandas; quia id dixit de quæstione, quæ quærebatur, Ubinam esset Ecclesiæ corpus; quia non videtur responsione dignum.

2 Thess. 2.

1 Tim. 3.

Matth. 18.

C A P U T V.

Quòd alia sit intentio per propositionem significata; alia finalis, quæ priori frequenter adjicitur.

Joan. 4.

CAPITE secundo libri tui, multa sophisticè congeris, ut redarguas quòd dixi, & manifestissimis Scripturis comprobavi, quòd eadem propositio servatà eadem vocum significatione, possit alià & alià intentione enunciari. Nam licet Christus & servi reguli in Evangelio, eadem omnium vocum significatione, eademque intentione per voces ipsas significatà, regulo dixerint, *filius tuus vivit*: attamen Christus hanc enunciationem alià finali intentione protulit, quàm ipsi servi; nempe intentione faciendi quòd dicebat, videlicet, sanandi filium ejus. Quam intentionem neque enuntiatio ipsa significat, neque servi habebant cum dicerent: *filius tuus vivit*; neque etiam omnes intelligebant, qui audiebant Christum dicentem, *filius tuus vivit*: sed hi soli, qui filium

filium usque ad id momentum ægrotasse noverunt, & simul credebant Christum verbis suis efficere velle quod dicebat: sicut credidit Centurio, confidenter domum abiens, & de filii sui sanitate non dubitans. Sed hanc loquentium intentionem, quæ extra significationem verborum frequenter concipitur, tu peregrinam vocas: ut sophisticando, & de duabus intentionibus, alterâ per voces significatâ, alterâ per loquentem cogitatâ, tanquam de una loquendo incurioso lectori nebulam suffundas; nec permittas eum intelligere, quod clausis oculis vidêris non velle attendere. Quis enim ignorat Abraham duobus regibus dixisse de uxore sua, *Soror mea est*: & hoc dicendo, non tantum intendisse significare quod verba ipsa significant; sed etiam occupando eos circa hanc intentionem per verba significatam, voluisse impedire, ne cogitarent eam esse ipsius uxorem? quæ fuit altera intentio extra verborum significationem ab eo cogitata. Quod igitur ais me dicere in his verbis, *Hoc est corpus meum*, servari propriam & genuinam omnium vocum significationem, verum dicis; sed quod addis, me simul negare iis significari ipsum illud quod voces propriè sumptæ notant, hoc dicendo aut calumniaris, aut falleris. Utrumque enim dico, videlicet, in his verbis, *hoc est corpus meum*, servari propriam & genuinam omnium vocum significationem; & his verbis significari ipsum illud quod voces propriè sumptæ notant. Sed addo Christum simul intendisse facere quod verbis illis non quidem fieri sed esse designatur: quam intentionem faciendi, verba ipsa non significant. Quod autem ais haud posse cupiam esse dubium quin ea verba propriè usurpata planissimè significant panem illum, à Christo sumptum, esse ipsum (scilicet Christi) corpus, procul dubio non diceres, si ex Dialectica didicisses propriam demonstrativorum pronominum significationem esse ipsam demonstrationem. Et idèd cum dicitur; *Hoc est corpus meum*, si per pronomen (hoc) demonstrasset Christus panem quem manu tenebat, sicut vos prætenditis, tunc propria hujus pronominis significatio, fuisset hic panis; sed quia non demonstrabat panem, sed corpus suum, quod ex pane verbis suis facere intendebat & discipulis distribuere manducandum, idèd propria hujus pronominis significatio in ea oratione non est panis quem Christus acceperat, sed corpus quod facere intendebat, ut diximus. Ex iis facilè intelligitur, quàm certum sit & evidens quod dixi capite tercio libri mei, enunciationem aliquam, manente eadem vocum omnium significatione, posse aliâ & aliâ intentione dici; cujus rationem subjeci his verbis: quia quando una & eadem propositio aliâ & aliâ intentione profertur, non oportet eam intentionem, quæ aliâ & aliâ est, illâ enunciationem significari; sed eam tantum passionem quæ utrobique est eadem, ad quam significandam voces in propositione posita sunt instituta: quæ eadem passio potest apud utrumque enunciantem eadem consistere, etiamsi ipsa enunciationis pronuntiatio à pronunciantem ad aliam atque aliam intentionem, finalem videlicet, referatur. Hactenus verba mea: quæ cum apertissima sint & indubitata, non est portentum quod dixi, sicut mihi objicis, sed potius est portentum, quodd certissimam veritatem tam clarè expressam non intellexeris, aut etiam non satis lectam redarguere conaris. Neque enim adduci possum, ut credam te tam stupidum, ut si paulò consideratius legeris verba mea, non attenderis me de duplici intentione loquutum: alterâ quæ per verba

significatur, alterâ verò finali, quæ à loquente, extra verborum significati-
nem, cogitur; & non ex verborum significatione, sed ex aliis circumstan-
tiis intelligitur, sicut suprà ostendi in hac enunciatione à Christo & servis re-
guli dicta: *Filius tuus vivit*. Sed sicut suprà ex duabus quæstionibus conatus
es unam facere, unamque responsionem extorquere, ut esset locus sophisti-
cæ; sic & hoc loco libenter confunderes duas intentiones, quas dixi Abraham
habuisse quando dixit de sua uxore, *Soror mea est*; alteram quæ verbis illis signi-
ficatur; alteram verò finalem, quâ intendebat avertere suspicionem seu cogi-
tationem Ægyptiorum, quod esset ejus uxor, ne propter illam occideretur:
ut te in hac confusionis obscuritate volutares, & sublatâ distinctione, quæ
veritate manifestat, tuo more sophisticæ apparentiæ, verbis ad eam
rem ingeniosè compositis, incumberes. Dicis eadem esse, significare, &
intentionem explicare: sed non attendis me toties inculcasse, quod sicut Chri-
stus dicens: *Filius tuus vivit*, nec dixit, nec verbis significavit intentionem,
quâ filium sanabat, sed illam regulo credendam reliquit: sic etiam dicens,
Hoc est corpus meum, nec dixit nec verbis explicavit intentionem faciendi quod
verbis illis significabatur; sed consideratâ ejus omnipotentia & veritate, il-
lam discipulis credendam reliquit: quam quia tu non vis credere, idè nec
eam potes intelligere. *Nisi enim credideretis* (inquit Propheta) *non intelli-*
getis.

C A P U T VI.

*Quòd obtegere finalem sui sermonis intentionem non
sit mendacium.*

Q UOD autem illos mendacii arguis, qui loquendo animi sui sensû obtegunt;
hoc est, qui finalem intentionem reticent, propter quam enunciant quod
dicunt, sicut fecit Abraham cum de uxore sua dixit, *Soror mea est*, ut nemo ux-
orem esse suspicaretur, perridiculum est. Id enim dixit quod & veritas habuit,
& sensit, sicut ipsi Abimelech postea aperuit dicens, *Verè soror mea est, filia
patris mei, & non filia matris meæ*. Sed hoc dicens, absque omni mendacio ali-
quid reticuit, quod justissimâ ratione intendit; nempe, ut nemo cogitaret
ipsam illi esse uxorem, ne propter illam occideretur, sicut Gen. 20. aperuissimè
declaratur.

Denique capitis hujus epilogum faciens, ut concludas verba Christi quibus
ait: *Hoc est corpus meum*, &: *Hic est sanguis meus*, non propriè ac substantiali-
ter, sed symbolicè & per tropum esse necessariò explicanda, dicis: Christum
neque mentiri posse, quod verum est: neque mentem atque intentionem dis-
simulanter celare, aut abscondere voluisse; id quod etiam verum est de inten-
tione verbis significata: sed intentionem consciendi quod esse dicebat, ex aliis
circumstantiis intelligendam reliquit, ipsum omnipotentem atque veracem
esse fideliter credentibus: à quibus quia recessistis, idè ne hanc postero-
rem Christi intentionem intelligitis, sed illam quibus potestis argumentis im-
pugnatis.

Addis hæc verba: *Hoc est corpus meum*, in propria sua significatione retineri nullo modo posse. Id quod suprà falsum esse ostendimus, quia sive pronomem (hoc) demonstret panem, quem Christus in manibus acceperat, sicut absurdè dicitis; sive corpus Christi, quod verbis suis ex pane conficiebat; semper est propria loquutio, quia propria significatio pronominis, est ipsa demonstratio, ut diximus.

Jam puto vides, mi Sanct-Aldegonde, me non meis pedicis impeditum, sicut gloriaris, ut cogar fateri toties mutari enunciationis significationem, quoties mutatur qualiscunque intentio loquentis, verbi gratiâ finalis, (de hac enim manifestè sum locutus;) sed potiùs me vides sophisticis tuis ratiocinationibus ita expeditum, ut cuiusvis faciliè pateat vanum esse quod tanto molimine conaris ostendere, non posse aliam & aliam esse enunciantis intentionem, etiam finalem, de qua manifestè locutus sum, nisi sit alia & alia enunciationis significatio. Quod ais me, ut veritatis jubar caligine mendacii obscurarem, veteratoriè argumentum tuum truncasse, in quo dicis te alterutrum effecisse, nempe vel illis vocibus intentionem dicentis non explicari: vel easdem certè voces, idem significando non idem significare: vel non recordans verba tua, multùm falleris; vel ad alia verba tua respicis, quàm ego: Sic enim habent verba tua, à me commemorata: Cùm ais, *Enunciationes manente eadem usitatâ, & genuinâ omnium vocum significatione aliâ & aliâ intentione dici, quid aliud designas nisi easdem illas enunciationes, idem significando non idem significare?* Ostende hîc distinctionem ex qua te alterutram partem effecisse contendis; & considera an ne his tuis verbis apertè significaveris, quod asseruisse retuli; nempe quodd dicere enunciationem aliquam, manente eadem vocum omnium significatione, posse aliâ & aliâ intentione dici, nihil aliud sit quàm dicere enunciationem aliquam idem significando non idem significare. Hac tuâ tamen objectione admonitus reperi te postea repetendo supradicta verba tua, aliquid eis adjecisse, quod aliquid habet disjunctionis: sed ego tantùm priora tua verba citavi, & quàm absurdum sensum contineant ostendi. Quodd verò postea adjecisti, illis vocibus intentionem dicentis non explicari, verum est de intentione finali loquentis, sicut sæpius dixi; non autem de ea, quam verba ipsa significant.

C A P U T V I I.

Quodd licet Deus faciat quodd dicit, attamen id non debet de iis propositionibus intelligi, quarum res significatæ priùs extiterunt, quàm in Scripturis sacris dicerentur.

Q Uia in Thesis tuis Theologicis confessus eras Christum mandando multa fecisse: sed addideras argumentum à verbis mandandi, ad enunciandi voces tractum elumbe esse; per quodd significaveras te quidem credere Christum mandando multa effecisse, sed non enunciando: sicut cùm dixit: *Hoc*

est corpus meum. Dixi virtute hujus enunciationis, *Hoc est corpus meum*, effici quoddam per eam non significatur mandando fieri, sed tantum significatur esse enunciando, sicut per hanc enunciationem: *In dolore paries filios tuos*, effecit Deus non quoddam oratio significabat, fieri, sed quoddam tantum significabat futurum esse. Adhibui tunc quidem aliud exemplum ex Scripturis sacris quod ex tempore occurrebat, sed ad eandem rem pertinens. Si igitur Deus in futuro effecit, non quod iussit fieri mandando, sed quod maledicendo futurum enunciavit, dicens: *In dolore paries filios tuos*: quid mirum si etiam credatur fecisse, quod benedicendo esse enunciavit, dicens: *Hoc est corpus meum?* cum enim benedixit Deus (inquit Prosper in Psal. 108.) facit quod dicit; & quia Deus facit quod dicit, ideo Psalmista tantum à Domino petit: Dic animæ meæ, salus tua ego sum. Sed contra hæc sic argumentaris. *Si Deus facit quod dicit, quotiescunque spiritus ejus res planè disparatas, alteram de altera enunciaverit per verbum est, cum Deus omnia possit, fateamini necesse est eundem Christum in veram vitis substantiam, in agnum, in leonem, in panem, in lapidem; & contrà, lapidem & panem in Christum fuisse transmutata: aut si hæc sunt & falsa & absurda, quid est cause cur vos in singulari exemplo ita fastidiosè urgeatis, quod in reliquis omnibus obstinatè repudiatis?* Respondeo quoddando Deus aut spiritus ejus res disparatas alteram de altera per verbum (est) enunciat; facit quod dicit, quando id quod dicit non prius fuit quàm illud enunciat; ut, *filius tuus*, videlicet æger, *virgis*: mulier, scilicet ægra, *dimissa es ab infirmitate tua*: *Tu es sacerdos in æternum secundum ordinem Melchisedech*. In his enim enunciationibus locum habet quod ait Psalmista: *Ipse dixit & facta sunt, ipse mandavit & creata sunt*. Sed quando Deus id dicit quod prius fuit, tunc hoc dicendo, non facit quod dicit, sed tantum enunciat quod prius & dixit & fecit: ut cum Christus: *Tu es Simon filius Jona*. In his autem enunciationibus quas ex Scripturis sacris protulisti, res significata non tunc esse cœpit, quando Christus aut spiritus ejus illas in Scripturis sacris enunciavit, sed longo antè tempore fuit. Christus enim prius fuit vitis, agnus, leo, panis, petra, quàm diceret: *ego sum vitis, ego sum panis*; item quàm in Scriptura sacra diceretur; *Ecce agnus Dei, Petra erat Christus, Vicit leo de tribu Juda*: & ideo nihil mirum, si Christus aut spiritus ejus, his enunciationibus in Scriptura sacra positis, nullam transmutationem fecerit; sed tantum id esse significaverit, quod antè cœpit esse quàm hæc diceret. Id autem quod hac enunciatione significatur, *Hoc est corpus meum, Hic est sanguis meus*, non prius fuit, quod credo nec vos esse concessuros. Ut autem intelligatur, quomodo harum enunciationum, *Ego sum vitis vera, Ecce agnus Dei, vicit Leo de tribu Juda, Ego sum panis vivus, Petra erat Christus*: quibus similes sunt, *Pascha seu agnus paschalis est Christus, Sapiencia est lignum vitæ omnibus amplectentibus eam*: ut, inquam intelligatur, quomodo harum enunciationum res significata prius extiterit, quàm à Spiritu Sancto in Scripturis sacris enunciaretur; sciendum est has universales voces, vitis,

agnus,

Gen. 1.

Prosper.

Psal. 34.

Object.

Solutio.

Johan. 4.

Luc. 13.

Psal. 109.

Psal. 148.

Johan. 1.

Johan. 16.

Johan. 6.

Johan. 1.

1 Cor. 10.

Apoc. 5.

agnus, leo, panis, propter aliquam significatæ rei similitudinem, Christo figuratè attribui: vitis propter nutrimentum quod palmitibus suppeditat: agnus propter innocentiam: leo propter fortitudinem; panis propter vitæ subsidium, quæ res prius Christo inerant, quàm hæ orationes Scripturis sacris enunciarentur.

C A P U T VIII.

Quidæ Christus non dicatur metaphoricè Agnus Paschalis, aut Petra in Ore percussa: sed quia per eas res sacramentaliter significatur.

HÆ verò tres voces, Agnus Paschalis, Petra, & Lignum vitæ, non metaphoricè Christo & sapientiæ tribuuntur. Nam sumuntur in propria sua significatione; nempe Petra, ut lapidem significet virgâ Moysi in Ore percussam; Agnus Paschalis, ut significet animal, quod à Judæis in paschate immolabatur in phase; & Lignum vitæ, ut significet certam arborem Paradisi. Unde D. Augustinus de Gen. ad litteram libr. 8. cap. 4. *quando hæc commemorata sunt*, inquit: sapientia est lignum vitæ omnibus amplectentibus eam, & Petra erat Christus, *non erat illa figurata locutio, sed earum rerum expressa narratio, quarum erat figurata præcessio.* Et infra: *Rectè quippe appellatur quod ad eam significandam præcessit.* Igitur hæ duæ voces, videlicet (Petra) & (Agnus Paschalis) non metaphoricè Christo tribuuntur, sicut nec vox (Lignum vitæ) tribuitur ipsi sapientiæ; sed tantum ratione rei significatæ, quæ prius sacramentaliter instituta fuit, ad id significandum, cui vox ipsa tribuitur, quàm Christus in Scripturis sacris diceretur esse Petra in Ore percussa, Agnusque Paschalis, & quàm sapientia diceretur lignum vitæ. Nam Petra in Ore virgâ Moysi percussa, tunc ad significandum Christum in cruce propter scelus populi Domini percussum, sacramentaliter est instituta, quando virga Moysi percussa aquas fudit: & Agnus Paschalis, quando ad immolandum iussu Domini deputatus est: & lignum vitæ tunc institutum est ad sacramentaliter significandam sapientiam, quando in Paradiso est plantatum. Sicut enim dicitur: Hæc statua est sanctus Franciscus, non quia vox ista (statua) propriè aut metaphoricè significat sanctum Franciscum; sed quia lapis ipse demonstratus, aut lignum exsculptum (quod propriè non metaphoricè per statuam significatur) sanctum Franciscum repræsentat: sic etiam dicitur, quod Petra, videlicet in monte Ore percussa, erat Christus, non quod vox, Petra, in illa oratione propriè vel metaphoricè Christum significet, sed quia lapis ille quem vox (Petra) propriè significat, dum percutiebatur, sacramentaliter institutus est ad significandum Christum.

C A P U T I X.

Qudd in hac oratione: Hoc est corpus meum, pronomen (hoc) nec metaphoricè sumatur, nec demonstret rem quæ corpus Christi prius sacramentaliter significabat.

PORRò in hac enunciatione quam Christus in cœna novissima protulit: *Hoc est corpus meum*, pronomen (hoc) neque metaphoricè sumi potest, ut Christi corpustropicè significet, quia ejusmodi pronomina, metaphoram non admittunt, sed demonstratio rei de qua agitur, est tota pronominis demonstrativi significatio. Et licet vocabulum panis, dum indefinitè dicitur, admittat metaphoram, ut cum ait Christus, *Ego sum panis vivus qui de cælo descendi*: attamen, quia in hac enunciatione non dicitur: panis est corpus meum: sed loco subjecti tantum ponitur pronomen (hoc) quod individuum significat. Ideò non potest hujus metaphoræ hic haberi ratio. Insuper pronomen (hoc) non demonstrat rem aliquam, quæ prius sacramentaliter instituta fuerit ad significandum Christi corpus. Nam secundum vos demonstrat panem illum, quem Christus tenebat in manibus, qui, priusquam Christus hoc diceret, non magis institutus fuerat in sacramentum corporis Christi, quàm qui-vis alius panis: Igitur cum Christus dixit: *Hoc est corpus meum*, si pronomen (hoc) demonstret panem, sicut vos dicitis, nulla potest esse alia istius sermonis intelligentia, quàm quòd hæc individua panis substantia sit Christi corpus, quo nihil est absurdius: quia, ut jam ostensum est, neque per metaphoram id dici potest, neque etiam ratione rei, ad quam significandam panis ille prius institutus erat: quia panis quem Christus tunc secundum vos demonstrabat, nihil sacramentaliter significabat, ad quod respectus haberi potuisset, cum diceret: *Hoc est corpus meum*. Accipe simile, cujus etiam supra meminimus: Si quis de lapide in imaginem sancti Francisci exsculpto dicat: *Hic lapis est sanctus Franciscus*; verum dicit propter rem quam lapis exsculptus significat: sed si quis idipsum de lapide adhuc rudi enunciaret, omnino absurdè loqueretur, quia non posset haberi respectus ad rem significatam per lapidem qui adhuc rudis nihil significat, sed tantum ad ipsam lapidis substantiam, quæ sine aperta absurditate dici non potest esse sanctus Franciscus. Idipsum autem & in vobis, quæ inter homines significandi principatum obtinent, manifestissimè ostenditur. Priusquam enim vox (homo) quæ sensibilis qualitas est, ad significandam creaturam rationalem institueretur & usurparetur, non minus absurdum fuisset dicere: homo est substantia, quàm nunc absurdum esset, si quis prolata voce nullius rei significativà diceret, bû est substantia. Sed postquam vox (homo) hanc accepit significatiouem, tunc nemo miratur, cum dicitur quòd homo sit substantia: quia audito hoc sermone, statim intelligitur debere accipi, non de illa voce quòd sit substantia, sed re per vocem significatâ. Eodem modo cum secundum vos dixerit Christus: *Hic panis est corpus meum*; si hic inveniretur præ cæteris panibus prius institutus fuisse in sacra-

mentum corporis Christi, quàm hoc diceretur, nemo sermonem illùm deberet admirari: sed quia nec vos dicitis hunc panem priùs fuisse institutum in sacramentum corporis Christi, quàm hoc diceretur, sed vultis id tropo dici: idèd absurda est vestra intelligentia, quàm dicitis per pronomen (hoc) demonstrari hunc panem. Quibus omnibus consideratis manifestè efficitur aliter dici non posse, quàm quòd Christus dicens: *Hoc est corpus meum*, pronomine (hoc) demonstraverit non panem, quem manu tenebat, sed corpus suum, quod verbis suis efficiebat: ut diximus.

Jam puto vides, Sanct-Aldegonde frater, quòd quemadmodum priùs in verbo substantivo (est) quod pro (significat) positum voluisti, deindè in attributo (corpus meum) per quod corporis Christi signum intelligendum putasti, secundùm Scripturas sacras, non invenisti tropum, quem tantà instantià quærivisti; sic & nunc in pronomine (hoc) non potuisti invenire quod putasti, nempe quòd pronomen (hoc) aut per metaphoram corpus Christi significaret, aut rem aliquam demonstraret, quæ priùs instituta fuisset in sacramentum corporis Christi. Obsecro te, jam satis diu cum impiis circumvisti: (In circuitu enim impii ambulant) regredere aliquando in rectam simplicis veritatis semitam, & veræ fidei lumen aspice, ut possis aliquando foeliciter intueri, quod nunc infideliter credere recusas, nempe, quòd Christus dicendo: *Hoc est corpus meum*, ex pane, quem manibus tenebat, verè corpus suum effecerit: quia ipse dixit, & facta sunt, ipse mandavit, & creata sunt. *Psal. 11.* Et quia Christus etiam Apostolis eorumque successoribus præcepit: *Hoc facite in meam commemorationem*; idèd etiam Sacerdotes in persona Christi dicentes: *Hoc est corpus meum*, &, *Hic est sanguis meus*, idipsum faciunt, quod Christus in novissima cœna fecit. *Psal. 148.*

C A P U T X.

Quòd Christus prætendatur vocibus & tactu non fecisse miracula, ad hoc videtur referri, ne ipsius sacramentis vis aliqua operandi tribuatur.

IN responsione ad objectiones tuas contra meam responsionem ad posteriores quæstiones, per te mihi propositas, dixeram, quòd sicut Christus mandando multa effecit, quæ nos iidem verbis, eadem significatione acceptis, tantum præcipere solemus ut per alios fiant, ut, *surgere, tolle grabatum tuum & ambula*: *Joan. 5:* &, *Lazare, veni foras*: *Extende manum tuam*: *Respice*, &c. Sic etiam per præsens multa effecit, quæ nos iidem verbis, eadem significatione acceptis, priùs fuisse significamus: ut, *Filius tuus vivit*, cui in Theobus tuis, more tuo dissimulatis sacre Scripturæ testimoniis, quibus dicta mea confirmavi, Respondes *te non inficiari Christum mandando multa fecisse, si mandatum referas ad mentem, ac voluntatem; & non ad magicam vim verborum, quæ tantummodò ad illam explicandam indicandamque adhibentur.* Quibus verbis tuis intellexi, sicut quis alius intelligeret, te sentire curationem paralytici, resurrectionem Lazari, *Joan. 11.* *Matt. 22.* *Luc. 19.* *Joan. 4.*

aliasque sanitates supra commemoratas, divinâ quidem mente ac voluntate factas, sed non vocalibus Christi verbis, quæ tantummodò (ut ais) ad explicandam indicandamque divinam voluntatem sunt adhibita, & non ad ali- quid operandum: & quod tribuere dictis Christi vocibus, aliquam operandi vim, sit magicum, id est, fallax curiosorum hominum præsumptio, cui se solet diabolus insinuare, occultâ suâ potestate faciens, aut simulans facere, quod homines errando, verbis aut signis magicis ascribunt. Hanc eandem verborum tuorum intelligentiam, tuâ hac responsione repetis, dicens: *Verbum Dei vobis esse Dei voluntatem, ac decretum, cui summam efficientiam inesse creditis: sed voces & typos, esse nuda signa.* Quæ cum apertissima sint, attamen ut increpationibus & verborum involucri sententiam tuam obnubiles, non erubescis perstrictâ fronte supradictam meam, imò potiùs tuam, intelligentiam appellare impudentem calumniam, vel putidam oscitantiam: Additque me meum stuporem prodidisse, quòd æternam Dei voluntatem, à verbis Christi vocalibus, & ad significandum adhibitis, distinguere non potui. Quasi videlicet ego æternam Dei voluntatem, quæ rerum omnium prima & radicalis causa est, à verbis Christi vocalibus, quibus tanquam instrumentis usus est, ad illuminandum cæcum, ad suscitandum Lazarum, aliasque sanitates perficiendas, distinguere non potuerim, quia contra apertissima Sacræ Scripturæ verba, quæ non tantum tactu ossium Elizæ, sed etiam magno Christi clamore mortuum suscitatum ostendunt, nolui fateri, non fuisse veram vocis Christi operationem, quâ Lazarum suscitavit; sed magicam, sed cabalisticam, sed diabolicam: sicut etiam de Christo commenti sunt Pharisei, quòd in Beelsebut principe dæmoniorum ejiciebat dæmones. Ego igitur, mi Philippe, non tantum æternum Dei verbum, quod rerum omnium prima causa est, à temporali & à vocali verbo, quo & ad significandum & ad operandum tanquam instrumento usus est Christus quando voluit, distinguere potui; sed etiam tuam absurditatem redargui, quâ negas Christum verbo suo vocali operatum, cum paralyticum sanavit dicens: *Surge, tolle grabatum tuum, & ambula;* cum Lazarum resuscitavit clamans voce magnâ, *Lazare, veni;* sicut suo tactu auriculam Malco restituit. Quid autem te moveat, ut contendas magicum esse, dicere Christum esse usum verbis suis vocalibus, tanquam instrumentis, ut sanitates perficeret: ex quo sequitur, quòd nec tactu vestris sanaverit mulierem patientem fluxum sanguinis, nec tactu manuum curaverit leprosum, aut auriculam Malco restituerit: sed quòd id dicere sit magicum, quia non est alia de vocibus quàm de tactu ratio: quid, inquam, te move- rit, ut contra omnium intelligentiam hæc diceret, paucis verbis indicasti, di- cens: *Cum Christus dixit panem quem acceperat esse suum corpus, baud sanè voluit istis vocibus vim ac facultatem tribuere, ut quotiescunque, & à quocunque illæ pro- nunciarentur, toties miraculorum nova vis ederetur.* Non quidem hoc dixit Chri- stus quod illi fallaciter imponis, videlicet panem quem acceperat esse suum corpus, sed dixit: *Hoc est corpus meum:* sed de hoc alias. Nunc illud conside- randum est, te fateri nolle Christum verbis suis vocalibus Lazarum quando voluit resuscitasse, ne quis fortè inde colligat absurdum non esse si quis dicat, etiam Christum verbis suis ex pane corpus suum confecisse, ipsosque Sacerdotes,

4 Reg. 11.

Joan. 11.

Marc. 2.

Joan. 11.

Luc. 22.

Luc. 3.

Matt. 9.

tes, qui ad hoc consecrati sunt, ut Christum repræsentantes in ejus persona hoc etiam dicerent, idem facere. Sicut enim ex vestra conspiratione prorsus exhibistis Christi consilia, de quibus principio hujus defensionis; sic etiam abiecitis universa ejus sacramenta: sed in hoc differentiam posuistis, quod in Christi consiliis nullam retinuistis speciem aut umbram, quâ rudioribus illuderetis, & simularetis vos observare quod non observatis. Nam licet conqueraris apud nos esse infinitas Monachorum formas, quæ Christi consilia profitentur: attamen neque ex eis aliqua vobis placet, neque alia per vos excogitata est, in qua aliqui ex vobis profiterentur se Christi consilia conservare velle. In Sacramentis verò invenistis fucum, quo simularetis vos servare quod non servatis: explosâ enim omni verborum vi, quibus Christus baptismum & sacram Eucharistiam perfici mandavit (quam vim dicitis esse magicam) solam verborum factorumque significationem & doctrinam reservastis, ut rudioribus, qui artem verum non observant, illudatis. Hæc sunt non sacramentorum, sed præstigiorum vestrorum mysteria, quæ apud fideles tantæ sunt absurditatis, ut ea Christianis auribus aperuisse, satis sit redarguisse. Quod autem ais, *istis vocibus*, Hoc est corpus meum, non esse eam vim inditam, ut à quocunque pronuncietur, id efficiant quod esse significant, verum dicis: quia sicut non cuivis Angelo commissum fuit, ut diceret: *Ego sum Deus Abraham, Deus* Eund. 1.
Isaac, Deus Jacob, sed illi duntaxat qui ad hoc à Deo deputatus fuit, ut divinam personam repræsentans diceret, non quod sibi, sed quod illi personæ congrueret, quæ per ipsum significabatur: sic etiam non cuivis homini commissum est, ut personam Christi repræsentet, & in ejus persona efficaciter dicat, quod non personæ loquenti, sed Christo significato congruit, *Hoc est corpus meum*, sed solis Apostolis, eorumque in ea re successoribus Sacerdotibus, quibus à Christo mandatum est: *Hoc facite in meam commemorationem*. Nam si quis alius ad hoc per consecrationem non deputatus, id attentet dicere (sicut apud vos quotidie faciunt sutores & calcifices) non tantum nihil operatur, sed etiam perniciosè mentitur, significans absque legitima commissione, se Christi personam gerere: sicut absque dubio mentiretur, quisquis absque legitima commissione diceret: *Ego sum Deus Abraham, Deus Isaac, Deus Jacob*: quia cum is Deus non esset, neque Deum significando repræsentaret, ut ratione rei significatæ posset verè dicere: *Ego sum Deus*, palàm mentiretur, asserendo quod verum esse non posset.

C A P U T X I.

Quod hæc Christi enuntiatio, Hoc est corpus meum, semper vera fuit; etiamsi Christi corpus non nisi ultimo ejus momento ibi esse cæperit.

Capite tuo quinto ais, caput Apologiæ meæ sequens, quod in ea septimum est, sententiæ meæ ineptias magis ac magis prodere: nempe quia contra id quod dixisti, quod eo ipso momento, quo Christus hæc verba proferre incipiebat,

*videlicet, Filius tuus vivit, jam sanus erat regulifilius: tantâ manifestatione ostendi orationes quibus aliquid efficitur, non eo momento quo pronunciari incipiunt, sed eo quo pronunciatae sunt, suum effectum consequi; ut modò nolens volens id ipsum fatearis. Addis tamen te in momentis syllabarum, nullam vim constituisse, nec ejusmodi quippiam vel per somnium tibi in mentem venisse. Quid tibi in mentem venerit, nescio: sed quid à calamo tuo processerit, hoc in scriptis tuis lego, hoc redarguo, & nihilominus quasi te pœnituerit approbasse quod dixi: Si vir animo ducendi uxorem mulieri dicat, Tu es uxor mea: & illa vicissim viro dicat, Tu es vir meus; secundùm Jurisconsultos non eo momento, quo vir & mulier loqui inceperint, sed quo sermonem complevis-
sent, factos esse conjuges: atque ex eo conclusi, orationes quibus aliquid efficitur, non ipso momento quo pronunciari incipiunt, sed eo quo pronuncia-
tae sunt, suum effectum consequi, argutaris, dicens; *Quod si per pronomen (hoc) dicente Christo, Hoc est corpus meum, demonstretur corpus Christi, ratione illius instantis in quo finitur oratio, igitur donec plane finita sit oratio, Christus mendacii reus à vobis peragitur.* Visne similiter ex dictis tuis colligamus: quòd si vir & mulier, non eo momento quo loqui cœperint tunc conjuges, sicut ipse fatêris, sed quo sermonem compleverint: Igitur donec planè finita sit oratio, mendacii rei sunt, dicentes: Tu es uxor mea, Tu es vir meus: Si autem hæc duæ orationes, idèd semper veræ sunt, quia non referuntur ad momentum quo pronunciari incipiunt, sed ad illud quo pronunciatae sunt: similiter intellige quòd licet per pronomen (hoc) demonstretur Christi corpus sub specie panis, eo momento futurum, quo hæc oratio completa fuerit, *Hoc est corpus meum:* attamen semper vera est oratio, quia non refertur nisi ad illud tempus, quo res se habet, sicut ipsa enunciatio significat. Puerilia sunt quæ hic argutaris & Sacrarum litterarum pertractatore indigna: sed quia forsitan eos movere possent, qui in Dialecticis, imò & Sophisticis minùs sunt exercitati; idèd tuo sophismati respondendum esse putavi, quo niteris ostendere, non quidem in Christi verbis, ut ais, sed in nostra interpretatione turpissimam falsi labem esse: quam non video quomodo deterges à tua interpretatione, quâ ais per pronomen (hoc) panem demonstrari, ipsamque enunciationem ad illud tempus esse referendam, quo pronunciari incipit. Quia panis quem pronomen (hoc) secundùm vos demonstrat, primo orationis momento, nihil ulterius significat, ratione cujus possit dici esse corpus Christi: ac proindè secundùm vos, nulla potest esse hujus enunciationis intelligentia, nisi quòd hæc panis substantia sit Christi corpus: à qua intelligentia; si falsi labem absterferis, eris mihi magnus Apollo. Si verò (non ex Scriptura sacra, sed ex tua præsumptione & sapientia) dixeris quòd ante Christi verba, quibus ait, *Hoc est corpus meum;* panis hic in sacramentum transierit, ut ratione rei significatæ per hunc panem à Christo acceptum in manus, verè dixerit Christus: *Hoc est corpus meum.* Igitur & quivis alius, ante Christi verba ipsi Christo potuit veraciter dicere: *Hoc est corpus tuum.* Nec in hujus sacramenti distributione opus erit ullis verbis: sed sicut stramen vasi absque ullis verbis imponitur, nihilominus à transeuntibus tantisper intelligitur significare vas esse venale, donec à vase deponitur: sic etiam panis vester absque omni sermone, per hoc quòd vice corporis Chri-*

sti distribuitur, tantisper intelligetur, usu esse ipsum Christi corpus, donec hic usus cessaverit, sicut etiam suprà attigimus. Quod autem te planissima omnia facere iussas, dicens; *Quodd ex quo Christus voluit hunc sacramentum ac benedictum panem, in eum à nobis usum accipi, ut esset vice sui corporis, jamjam in ara crucis morituri: non fuit amplius vulgaris panis, sed ipsum ejus corpus, non quidem ullà substantiarum commigratione, sed usu & destinatione:* Quid aliud, quàm nos verborum involucris, & sermonis ambiguitate ludificas. Incertum enim est, quod tempus designes: dicens: *Ex quo Christus voluit hunc panem à nobis accipi, an æternum, (voluntas enim Christi æterna est,) an temporale, quando videlicet à nobis accipitur, juxta illud: Accipite & manducate.* Deindè hunc panem vocas sacramentum & benedictum, sed non explicas quando, & quibus verbis sit sacratus & benedictus: an his, *Hoc est corpus meum*, an aliis, an nullis: & quem effectum habuerit ea benedictio. Quod si fortè dicas, non esse verbis vocalibus benedictum (id enim magicum esse contendis) sed tantum æternà Dei voluntate: adhuc restat explicare, quando sit æternà Dei voluntate benedictus, & sacratus: an quando Christus dixit, *Hoc est corpus meum*, an quando illum manducandum tradidit, dicens: *Accipite & manducate.* Satis sentio te non libenter confiteri quòd hic panis eo tempore versus sit in sacramentum, quo Christus dixit: *hoc est corpus meum*, ne cogaris fateri hunc panem, primo momento quo Christus hanc orationem inchoabat, *Hoc est corpus meum*, nondum fuisse sacramentum corporis Christi; ac proindè non posse veram esse vestram intelligentiam, quà per hanc enunciationem: *Hoc est corpus meum*, significatum esse contenditis, quòd hic panis sit corpus Christi. Explica tandem quid velis, & sermones indefinitos de medio tolle, ut possimus certà & definità oratione, tecum ex præsuppositis, de quæstionis tuæ capite differere. Laus tamen Superis, quòd nunc ex Scripturis sacris didiceris, non debuiste nuper tibi fastidiosum fuisse, quòd ego panem, quem Christus ferebat dederatque Discipulis, semel atque iterum benedictum nuncupaverim, quia hunc eundem panem nunc & sacramentum & benedictum nuncupasti. Sed tamen doleo, quòd ita vocem agnoscas, ut rem voce significatam obstinatè perneges, contendens Christi benedictione nullam panis factam esse mutationem. Quando enim Deus benedixit (inquit Prosper) *facit quod dicit*: sicut etiam patet in maledictione, quà mulieri maledixit, dicens: *In dolore paries filios tuos.* Insuper in tua declaratione, quà te existimas omnia planissima facere, addis, *hunc panem fieri Christi corpus, non metamorphosi, sed usu ac destinatione.* Quibus verbis rursus per circuitum ad illud redis quod tibi priùs extortum est, nempe hujus enunciationis attributum, *Hoc est corpus meum*, non sumi propriè pro vero Christi corpore, sed figuratè, pro signo corporis Christi. Hoc enim significant verba tua, quibus ais panem hunc fieri corpus, non metamorphosi, sed usu & destinatione, hoc est, figurà, non rei veritate. Denique addis, similitudinem annuli, quo Episcopus aut Abbas investitur. Sed longè exactiùs vestro sacramento correspondet similitudo straminis vasi impositi, quia annulus post investitionem diligenter & honorificè conservatur, ac in rei memoriam publicè ostentatur; vestrum autem sacramentum nec conservatur, nec ostentatur: sed aut usu consumitur, aut cessante usu ad

Prosper
super
Egal. 201.

pristinum suum statum revertitur; sicut stramen vasi impositum, si in sua significatione non sit consumptum, cum à vase detrahatur, omninò tale evadit, quale erat priusquam vasi ad significandum imponeretur.

C A P U T XII.

Quoddam responsio de transsubstantiatione ad testimonia, Filius tuus vivit; &, Mulier, ecce filius tuus, sit omnino extra causam.

Joan. 4.

Capite septimo Apologiæ meæ improbaveram, quod videris mihi veritatem & verborum Christi intelligentiam corporeis sensibus metiri, & magis fidere & inhærere phantasiæ, quam ex sensuum exteriorum iudicio concipis, nempe quod in pane & vino per Christi benedictionem nulla sit facta mutatio; quàm credere verbis Christi, in Scriptura sacra manifestissimè contentis, quibus ait: *Hoc est corpus meum*, &, *Hic est sanguis meus*. Et tamen nobis absque ulla apparentia impropèras, quòd transsubstantiationem soli externorum sensuum iudicio superstruimus. Contra quæ quid capite quinto responsionis tuæ dicas, non est opus hîc explicare; videat lector, & iudicet: quia sentio tibi cerebrum commoveri, si quid per te dictum exactius discutiam, quod existimas ex propinquo non contingere caput disputationis nostræ, quam facere vis de transsubstantiatione. Ut igitur ostenderem eandem enunciationem, aliâ & aliâ intentione posse proferri, dixeram Christum aliâ intentione, scilicet finali, dixisse regulo: *Filius tuus vivit*; nempe intentione sanandi filium ejus; aliâ servos, nempe intentione lætificandi Dominum suum de sanitate filii: Hîc tu respondisti in curatione filii reguli, *nullam significari transmigrationem substantiæ in substantiam*. Ad quod dixi, rationem per te datam, veluti à somniantem, omninò extra causam adductam, quia non agebamus de transsubstantiatione, sed an eadem enunciatio, servatâ eadem significatione, posset aliâ & aliâ intentione proferri. Atque ut ostenderem, posse aliâ atque aliâ intentione, videlicet finali, proferri, illam Scripturam adduxi, non tanquam exemplum aliquod, quo per verbum (est) significatur transsubstantiatio, sicut tu contra tua & mea expressa verba tibi confingis. Sic enim habet initium capituli septimi in Apologia mea. *Subdis in tua responsione, exempla Scripturæ sacræ per me proposita, ut ostenderem unam & eandem enunciationem, servatâ eadem vocum significatione, posse aliâ & aliâ intentione proferri: videlicet; Filius tuus vivit; &, Mulier ecce filius, cum nostro argumento nihil habere commune, eò quòd nullam significant transmigrationem substantiæ in substantiam; sed tantum accidentis in accidentem*. An non hîc manifestè vides, ad quid probandum adduxerim illa duo Scripturæ sacræ testimonia: *Vade, Filius tuus vivit*; &, *Mulier, ecce filius tuus*? Et hîc adhuc conquereris, quòd ad tuam transsubstantiationem, in his testimoniis per te allegatam, ne gry quidem responderim. Obsecro an non satis magnum gry fuit, quòd te dixi in prima responsione ad dicta testimonia veluti somniantem respondisse, & quòd nunc adhuc

adhuc dico, te in eodem somnio perseverare, quando à me petis ut aperte fatear, Beatam Virginem duos ex sua substantia habuisse filios, alterum ortu, alterum transsubstantiatione; cum in productione dictorum testimoniorum nullam omnino transsubstantiationis mentionem fecerim: sed tantum conatus sum ostendere eandem orationem aliam & aliam finali intentione dici? Nam Christus in cruce dicens matri de Johanne: *Hic est filius tuus*, finaliter intendit his verbis, Johannem in Mariæ filium adoptare. Si autem S. Petrus postea hoc idem Beatæ Mariæ dixisset, tunc tantum intendisset id significare quod à Christo factum erat in cruce, nempe significare quod Johannes esset Filius Mariæ adoptivus.

Hic præterire non possum id de quo & mihi congratulor, & tibi condoleo, nempe quod me facetum scurram vocas: gaudeo enim quod à Domino judicatus sum dignus, qui pro veritatis defensione contumeliam sustinerem: Nam *beati estis cum maledixeritis vobis homines, & dixerint omne malum adversum vos, mentientes propter me; gaudete & exultate, quoniam merces vestra copiosa est in caelis*, inquit Christus. Sed me contristat, quod cum hætenus gloriatum sim de te, quod licet pro defensione causæ quam sustines multa diceres, quæ mihi non placerent; attamen à conviciis & contumeliis abstineres. Nunc autem, non video quo modo hoc verbum, quod tibi hic excidit, referre queam ad defensionem causæ quam suscepisti, & non potius ad studium lædendæ & inhonorandæ personæ meæ, quod est convicii & contumeliæ proprium. Potest quidem à furore oculus meus conturbari, ut alicui inferam iudicium contumeliæ, sicut mihi principio tuæ responsionis objecisti, sed sincere dico, si quid à me prodiit, quod tale quippiam tibi sonare videtur (cujus non sum mihi conscius) non intendi id quod mihi impingis. Si quid autem interdum disserendo conatus sum lepidius dicere, id non feci animo irritandi quempiam, aut vanè delectandi, sicut solent faceti scurræ, sed studio consulendi Fidelibus, ut ab erroribus revocarentur: sicut Heliam fecisse arbitror, quando sacerdotibus Baal illudebat, dicens: *Clamate voce majore, Deus enim est, & Reg. 18.* forsitan loquitur, aut in diversorio est, aut in itinere, aut certe dormit, ut exci-

C A P U T XIII.

Quod hac oratione, Petra erat Christus, nulla efficitur transmutatio; quia tantum significatur quod ante fuit, quam hæc oratio pronunciaretur.

C Apite octavo refricas verbi (est) unam & simplicem esse significationem; sed ubi conjungitur Categoriis tum accipi pro re subjecta: de qua re satis dixi in Apologia; sed cum eo quod addis, *me magno studio voluisse verbi (est) significationem introducere ad fieri, ut persuaderem, Hoc est corpus meum, idem significare, atque hoc fit, vel hoc factum est corpus meum; vellem ad jungeres quo loco, aut quibus verbis conatus sum hanc verbi (est) significationem intro-*

ducere, ut appareret quàm sit verum quod dicis. Dixi capite quarto Apologiæ meæ, virtute hujus propositionis, *Hoc est corpus meum*, posse fieri quoddam per eam non significatur fieri, sed tantum significatur esse: ubi satis aperte significavi verbum (est) in propria significatione, & non pro (fieri) accipi: sed ubi diversum asseruerim, non invenio. Proinde observa, ne fortè in libro meo non inveneris quod mihi scribis, nempe quod magno studio voluerim verbi (est) significationem introducere ad (fieri,) ut persuaderem, *Hoc est corpus meum*, idem significare, atque hoc sit vel hoc factum est corpus meum; sed te potius hoc, aut dormiendo somniasse, aut vigilando confinxisse.

Dicis in hac oratione: *Petra erat Christus*, & subjectam vocem, & quæ illi attribuitur, *justitiam* significare: & verum dicis. Ac deinde rogas, cur non credimus *Petram* substantialiter fuisse in *Christum* transformatam? Respondeo, quoddam sicut *Petra*, quæ est vox subjecta, lapidem significat, sic & ipse idem lapis significatus, ulteriùs sacramentaliter Christum repræsentat, de quo dicitur *Petra autem erat Christus*, id est, res significata per illum lapidem virgâ Moysi percussam, erat Christus: quod quia sine ulla transmutatione verum invenitur, idèd in hac oratione, *Petra erat Christus*, nulla transmutatio quæritur, ut vera esse inveniat: sicut nec in hac; Hæc statua est sanctus Franciscus, homo est substantia: quia cùm dicitur, *Petra erat Christus*, non ad signum, sed ad rem significatam respicitur, quæ longo tempore priùs fuit quàm hoc ab Apostolo diceretur. In hac autem oratione, *Hoc est corpus meum*, nihil potest intelligi demonstratum, quod tunc fuerit Christi sacramentum cùm hoc dici inciperet, ut intelligi queat sermo esse, non de re per pronomen (hoc) demonstrata, sed de re sacramentaliter per rem illam demonstratam ulteriùs significata: sicut de *Petra* diximus. Et idèd in hac oratione, *Hoc est corpus meum*, necessum est ad id venire quod suprâ diximus, ut per pronomen (hoc) demonstretur Christi corpus, quod his verbis efficiebatur. Nam alioqui verum esse non potest quod ait Christus, *Hoc est corpus meum*. In hac autem oratione, *Petra erat Christus*, nullâ transmutatione opus est ut vera sit oratio, quia per eam nihil aliud significatur, quàm quod res sacramentaliter significata per *Petram*, in monte Oreb virgâ Moysi percussam, sit Christus; quod sermone simplicissimo verum est. Sed de his plura diximus superiùs.

C A P U T X I V.

Quoddam præsentia Christi in sacramento Altaris (quam populus Christianus semper intellexit secundum corpus & sanguinem) versutè transfertur ad præsentiam secundum Divinitatem.

Capite tuo nono gloriaris, quoddam cùm scripta tua cum mea Apologia non ediderim, (malui enim venenatum cibum peritis medicis judicandum relinquere, quàm rudi plebi manducandum propinare) tu tamen Apologiam meam cum tua responsione curaveris excudi, nempe ut eos nostræ disputationis

tionis iudices constituas, eorumque iudicio victor evadas, de quibus ait Apostolus, *Quid eris tempus cum sanam doctrinam non sustinebunt, sed ad sua desideria 1 Tim. 4.* coarceabunt sibi magistros, prurientes auribus; & à veritate quidem auditum aversent, ad fabulas autem convertentur. Cæterum si quis vestrorum, meis verbis, quæ tu venenata reputas, incantetur: nonne tibi imputabitur quoddam absque necessitate venenum ab alio confectum propinaveris, tantum ut expectaris, anne per te sufficiens & oportunum contra illud sit adhibuit remedium? Addis etiam, te prudentem pertransire disputationes meas de benedictione & maledictione, de quo straminis vasi impositi similitudine, aliaque ejus generis permulta: ne confutandū meis ineptiis, ipse te ineptum præbeas. Respondeo, non exigam esse prudentiam, ea quasi contemnendo præterire, quæ propter nimiam evidentiam, neque argumentis refelli, neque verborum involucris possunt obscurari. Ad illud transeo, quod capite sequenti tam acerbis verbis exaggeras, me versum de veteratoriæ & Christi præsentiam pro transsubstantiatione panis substituisse. Quod quidem ipsum (inquis) in libri titulo fecisti, sane quam impudenter. Capite undecimo Apologiæ meæ sic breviter argumentum tuum intuli: *Christus præcepit, ut quotiescunque id fecerimus, in sui memoriam faciamus: igitur in sacramento Eucharistiæ non est Christi præsentia, sed memoria.* Deinde respondi; Christum jussisse benedictionem, fractionem, & sumptionem hujus Sacramenti, in sui memoriam fieri: sed nunquid negavit præsentiam, cum dixit: *Hoc est corpus meum:* &, *Hic est sanguis meus?* Quia igitur in argumento tuo non intuli: igitur in sacramento Eucharistiæ non est Christi præsentia secundum corpus: sed tantum dixi, non est Christi præsentia: Ideo exclamas me veteratoriæ & versum agere, quasi non hoc ipsum satis expresserim cum subjeci: nunquid negavit præsentiam, cum dixit: *Hoc est corpus meum: Hic est sanguis meus?* significans me loqui de Christi præsentia, non secundum Divinitatem, de qua nemo vobiscum contendit, sed de præsentia secundum carnem & sanguinem. Sanè si tunc advertissem, quod nunc adverto, te reformidare populi iudicium, cujus animo ex antiquissima fide impressum est, Christum in sacramento Eucharistiæ semper esse præsentem, teque hujus dicti intelligentiam de veritate corporis & sanguinis Domini astutè, dolosè, veteratoriæ velle transferre ad præsentiam secundum divinitatem vel secundum fidem, sicut ait Apostolus, Christum habitare per fidem in cordibus, ut populo illudas, qui hanc Christi præsentiam semper intellexerit secundum corpus & sanguinem: ego potius ter intulisse, te velle colligere in sacramento Eucharistiæ non esse præsentiam Christi secundum corpus & sanguinem; quàm semel omisissem, quod nunc exprimo, secundum corpus & sanguinem, ut amputassem tibi occasionem tam multa dicendi de Christi præsentia secundum Divinitatem & fidem; de qua nulla quæstio tibi movebatur. Sed quia tunc hoc non adverti, idè contra sophisticam & dolosam, ne dicam veteratoriam tuam intelligentiam, minùs vigilans fui, simpliciter ponens Christi præsentiam, pro præsentia secundum corpus & sanguinem. Quid autem in titulo libri mei dicas impudenter per me factum, non intelligo; sic enim habet titulus: *Apologia de veritate corporis Christi in sacramento Altaris.* Nullum enim locum reliqui intelligentiæ tuæ de præsentia Divinitatis. Sed fortè malè te habet, quoddam non

inscripserim Apologiam de transubstantiatione, ut relictis sacræ Scripturæ verbis, in quæstione transubstantiationis, posses simulare cupressum, ad quam tanquam locum communem libenter, etiam sine necessitate, recurris. Addis *me argutulè cavillari, haud esse facinus, deglutire integram Christi carnem modò non frangatur aut laceretur*. Hoc dixi, nec mutò, quòd Christum deglutire, imò & frangere, eo modo quo in sacramento frangitur, nec facinus nec crimen est: quia neque occisio est, neque læsio, quæ occisionis principium est. Tu autem, qui facinus esse contendis, dic cujus mandati sit transgressio deglutire aut etiam frangere Christi corpus, sine injuria & læsione: facinus enim omne contra aliquod mandatum præsumitur. Sed tibi sufficit id dicere, etiamsi neque Scripturam sacram, neque rationem possis adducere. Dicis *facinus esse deglutire ritu balanæ*. Fateor quia balænà deglutit ad interimendum, sed si sine læsione deglutiret ad transportandum, sicut navigantem deglutit navis, aut sicut cœrè deglutivit Jonam, non esset facinus, sed beneficium.

CAPUT XV.

Quòd sensus præstigium non patiantur, quando substantia in substantiam insensibiliter transmutatur.

Capite tuo XI. & XII. in verborum campos excurris, & libro tuo prolixam disputationem inferis de dictis Petri Lombardi, Divi Thomæ Aquinatis, Cajetani & aliorum: Item de sensibilibus qualitatibus, quas dicis à nobis fingi apparere, quæ non sunt: velut album, rotundum: in quare si nihil fingeres, fortè religiosior appareres. Item caput 13. consumis, negando te significasse possibilem esse Lutheranorum opinionem, de pane remanendo in sacra Eucharistia cum Christi corpore: de quibus omnibus nihil dico, quia fidei Catholicæ, non Scholasticorum doctorum suscepi defensionem.

Ad caput tuum 14. venio, in quo conaris defendere, quòd si panis per verba Christi in Christi corpus convertatur, igitur sensus, qui hoc non advertunt, præstigium patiuntur. Rogavi an etiam sensus præstigium patiantur, quando non advertunt, quòd infans in baptismo, ex filio diaboli Del filius efficitur? sed quia existimas inter has duas transmutationes, quæ tamen ambæ insensibiles sunt, nihil esse simile, ob id (ut suspicor) quod in baptismo nulla fiat substantiæ transmutatio, quæ possit cum ea transubstantiatione comparari, quæ videtur tibi perpetuò ob oculos versari, adferam aliam transmutationem. Rogo igitur, si quis te præsentem, sed id sensu non percipientem, moriatur, an sensus tui in hac transmutatione substantiæ præstigium passi dicentur, quia non adverterunt quod alià ratione postea deprehenditur, nempe ex vivo homine cadaver inanime factum esse? Intellige igitur sensus præstigium pati, non quando circa substantias aliquid occultè mutatur, quod sensu non percipitur, sed quando sensibus in suo sensibili illuditur, ut aliud pro alio sentiant.

Ut ostendas apud Apostolum, cū ait: Panisquem frangimus, non cor- 1 Cor. 10.
pus Christi ex pane factum, sed verum panem esse, qui frangi dicitur: cona-
ris ostendere serpentem, in quem virga Moyſi conversa legitur; adhuc virgam
nominari, non quia ex virga factus est, sed quia magorum virgis comparaba-
tur, quas prætendis revera in serpentes mutatas non fuisse. Sed si verus ser-
pens propter nudam comparisonem ad virgas, quæ sub serpentum specie oc-
cultabantur, nomine virgæ appellatus est, quantò magis potest idem serpens
virga nuncupari, propter comparisonem ad virgam quæ spectantibus omni-
bus in illum serpentem est conversa? Et simul ad illud nihil respondes; quod
tibi primo loco obiecti, dicens, quod cū tu contendas de panis substantia re-
ctè à Christo dictum, *Hoc est corpus meum*, tantū quia panis adhibebatur ad
significandum Christi corpus, cujus nullam præferebat imaginem: miraris ta-
men, si Apostolus panem vocet Christi corpus, verbis Christi ex pane factum,
& adhuc integram panis figuram retinens.

Quia dixeram in simulachro S. Francisci, relucere imaginem ejus, ut sta-
tim intelligatur, cur hoc simulachrum sanctus Franciscus esse dicatur (quod
non minùs dicere poteram de imagine Cæsaris, vel simulachro dæmonis,
quā de imagine alicujus sancti) atamen arreptā occasione, statim excurris
ad accusationem saxeorum idolorum, & sacris imaginibus maledicendo te di-
sertum ostendis. Quasi hīc aliquid egissem de cultu imaginum, & non potiùs
de sermone, quo in talibus rebus uti solemus, dicentes: Statuam Jovis esse
Jovem, quia videlicet res per statuam Jovis significata Jupiter est. Sed more
tuo fecisti, quod auditā voce imaginis, hunc locum tuum communem negli-
gendum non putasti, ut tuæ responsionis chartas disputatione nihil ad rem
pertinente adimpleres.

C A P U T XVI.

*Quod locus Apostoli: Bibebant de consequente eos petra, à
D. Augustino rectè accipiat de Judæis spiritaliter
utemibus sacramentis illius temporis.*

Capite tuo xv. queris me locum illum Pauli; *Bibebant de consequente eos* 1 Cor. 10.
Petra, Petra autem erat Christus, argutū cavillatione pervertere; & con-
tra Augustini aliorumque veterum auctoritatem de ipso Christo, qui per fi-
dem in eorum cordibus qui bibisse dicuntur habitabat, interpretari; non au-
tem de incredulis Judæis, qui sacramentorum duntaxat erant participes. Ni-
si in Apologia ostendissem, Chrysostomum id sentire quod dixi, forsitan il- Chrysost.
lum etiam hīc nominasses: sed quia D. Augustinum reliquis suppressis nomi- August.
nasti, audi quid lib. 12. contra Faustum cap. 29. de hac re dicat. Recitatis e-
nim verbis Apostoli ex cap. 10. prioris ad Corinth. usque ad hanc clausulam:
Petra autem erat Christus, subjicit verba sua, quæ sic habent. *Exponendo unum,
in cætera introducit intellectum. Si enim Petra Christus propter firmitatem; cur non
& manna Christus, tanquam panis vivus qui de calo descendit? quo verò qui vescun-*

sur, spiritualiter vivunt: nam illi veterem figuram carnaliter accipientes mortui sunt. Sed cum dicit Apostolus, eundem cibum spiritualem manducaverunt, ostendit illud spiritualiter intelligi in Christo, sicut & potum cur spiritualem dixisset, aperuit cum subiunxit: Petra autem erat Christus, quo aperto cuncta fulserunt. Et rursus tractat. 26. super Joannem, tractans illud; Patres vestri manducaverunt manna in deserto, & mortui sunt. Quare manducaverunt & mortui sunt? Quia quod videbant credebant, quod non videbant non intelligebant. Idem patres vestri, quia similes estis illorum. Manducavit manna & Moyses, & Aaron; manducavit manna & Phinees, & mortui non sunt; quare? quia visibilem cibum spiritualiter intellexerunt, spiritualiter gustaverunt, ut spiritualiter satiarentur. Et infra super illud: Hic est panis qui de celo descendit. Hunc panem, inquit, significavit manna; hunc panem significavit altare Dei. Sacramenta illa fuerunt, in signis diversa sunt, sed in re quæ significatur, paria sunt. Apostolum audi: Nolo enim vos, inquit, ignorare fratres, quia patres nostri omnes sub nube fuerunt, & omnes mare transierunt, & omnes per Moysen baptizati sunt in nube & in mari, & omnes eandem escam spiritalem manducaverunt; spiritalem utique eandem, nam corporalem alteram, quia illi manna, nos aliud; spiritalem vero, quam nos vel patres nostri, quibus nos similes sumus, non patres illorum quibus illi similes fuerunt. Et adiungit; Et omnes eundem potum spiritalem biberunt; aliud illi, aliud nos; sed specie visibili quidem, tamen hoc idem significante virtute spiritali: Quomodo enim eundem potum? Bibebant, inquit, de spiritali sequente Petra, Petra autem erat Christus. Indepanis, indepotus. Petra Christus in signo, verus Christus in verbo & in carne. Et quomodo biberunt? percussa est Petra de virga bñ. Gemina percussio duo ligna crucis significat. Hic est ergo panis qui de celo descendit, sed qui pertinet ad virtutem sacramenti, non qui pertinet ad visibile sacramentum. Hactenus Augustinus: quem manifestum est dictum Apostoli locum intellexisse de iis qui in sacramentis veteribus per fidem Christum spiritaliter manducabant. Nam cum dicit Apostolus: Eundem cibum spiritualem manducaverunt, ostendit illud spiritualiter intelligi, in Christo, inquit. Sed & ipse textus Apostoli, nos cogit intelligere quod dixi: habet enim sic: Nolumus vos ignorare fratres. Igitur Fidelibus loquitur, qui fratres appellantur. Quoniam patres nostri omnes sub nube fuerunt: fideles loquuntur, fidelium enim patres fuerunt Prophetæ & alii sancti, quorum conversatio in cœlis fuit. Nam fidei illorum credendo sunt imitatores. Igitur de spiritalibus Judæis loquitur; infidelium autem est dicere sibi patrem super terram, quibus ait Christus: Patres vestri, videlicet infideles & increduli, manducaverunt manna in deserto, & mortui sunt; quia non spiritaliter fide intelligendo sacramenti rationem, sed tantum carnaliter vitam temporalem sectando, manducaverunt. Sequitur, bibebant autem de spiritali consequente eos Petra. Petra autem erat Christus: qui de se ait apud Joannem: Qui credit in me, non sitiet. Sed ne cogaris per petram sequentem. Christum intelligere, (nam lapis ipse populum non sequebatur) dicis Petram quidem in Oreb virgâ Moysi percussam, non esse secutam populum; sed aquam de Petra fluentem, quæ per Metonymiam nomine Petra intelligitur.

Sed quomodo illa aqua sit populum secuta, tu videris: Nihil enim ejusmodi in Numeris habemus. Imò populus obtulit in Idumæa pro aquis pretium dare; quod

quod non obtulisset, si aqua petrae percussa populum secuta fuisset, sicut prætendis. Quoniam igitur in D. Augustino quem nominasti, te falsum dixisse comperio; nempe quoddam locum Apostoli de carnalibus Judæis acceperit; & meritis idem suspicor de pluribus aliis, quorum nomina tacuisti: ideo ad textum Apostoli te revoco, & ex illo tibi ostendo quid me moverit, & quid te movere debuerit, ut istud Apostoli testimonium acciperes, non de iis Judæis, qui carnaliter tantum, sicut accipiunt quidam; sed de iis qui spiritualiter Veteris Testamenti sacramenta perceperunt. Non igitur ego lectoris patientiam tento, aut à proprio sensu verba Apostoli protervè detorqueo, (sicut absque omni ratione mihi impropèras) sed tu, qui etiam sacris Doctoribus, contra apertissima verba textus, audes falsum imponere. Sed objicis *maximam eorum partem de quibus loquitur Apostolus, fuisse infidelem; quod illis, in quorum cordibus habitavit Christus, tribui non potest.* Respondeo me fateri quod dicis, maximam partem eorum fuisse infidelem. Sed multum miror te velle de Scripturis sanctis disserere, & tamen ignorare secundam Ticonii regulam, quæ habetur apud Augustinum de doctrina Christi. lib. 3. cap. 32. cui subdit, quoddam lector vigilanter requirit, quando videlicet Scriptura, cum ad alios loquitur, tanquam ad eos ipsos, ad quos loquebatur, videtur loqui: vel de ipsis, cum de aliis jam loquitur, tanquam unum sit utrorumque corpus, propter temporalem commixtionem & communionem sacramentorum. Et adducit hujus regulæ exemplum ex Canticis Canticorum, ubi ait Ecclesia; *Fusca sum, sed Cap. 1. formosa*, fusca in malis, formosa in bonis. Item aliud ex Isai. 42. cap. ubi de bona parte dicit: *Ducam eos in viam*: deinde de alia parte, tanquam de iisdem subdit: *Ipsi autem conversi sunt retrorsum*; quamvis alii jam significantur his verbis. Igitur si circa dictam Ticonii regulam vigilasses, facile intellexisses objectionis tuæ solutionem, quoddam Apostolus juxta morem Scripturæ sacræ, in priore quidem capitis sui parte de spiritualibus Judæis loquatur: in sequenti verò, de carnalibus in eodem populo, eorundemque sacramentorum communione existentibus.

C A P U T XVII.

Quoddam Petra de qua ait Apostolus: Petra erat Christus, prius Christi sacramentum fuit, quam hoc dicetur; non autem panis priusquam à Christo in manus acciperetur.

CAPITE XVI. multâ verborum ambitione præmissâ, acceptas meam confessionem, quâ dixi hanc sententiam, *Petra erat Christus*, vel hanc, si usquam in Scripturis sacris reperiretur: Columba quæ super Christum descendit, fuit Spiritus sanctus: non sic explicandam: Hæc columba significavit Spiritum sanctum: vel sic, Hæc columba fuit sacramentum Spiritus sancti: sed tantum explicandam per hanc sententiam: Id quod per illam columbam fuit sacramentaliter significatum, verè fuit Spiritus sanctus: sic, ut non sit figura

gura in voce attributa (Spiritus sanctus) neque in copula verbi (est) sed (ut ais) in ipsa voce subjecta. Respondeo juxta jam dictam explicationem hujus sententiæ, Columba quæ super Christum descendit fuit Spiritus sanctus: cui similis est: Petra in Ore percussa erat Christus: non tantum in voce attributa & in copula, sed etiam in voce subjecta nullam omnino fuisse figuram. Ipsa enim subjecta vox, videlicet, columba, juxta suæ significationis proprietatem, avem notam significat, sicut & Petra lapidem: sed quia hæc avis quando super Christum descendit, sacramentaliter Spiritum sanctum significavit: idem ratione rei per hanc avem significatæ, rectè dici potuit, quod illa columba fuit Spiritus sanctus. Unde Divus Augustinus de Genesi ad litteram libr. 8. cap. 4. dicit, quod in his sententiis: Sapientia est lignum vitæ omnibus amplectentibus eam: &, Petra erat Christus: quibus omnino similis est hæc enunciatio: Columba illa quæ super Christum descendit fuit Spiritus sanctus: non erat (inquit) figurata locutio, sed earum rerum expressa narratio, quarum erat figurata præcessio. Et infra: Rectè quippe appellatur, quod ad eam significandam præcessit. Non igitur est in voce (lignum vitæ) neque in voce (Petra) vel (Columba) ulla figurata significatio; sed in re significata (de qua in dictis sententiis mentio est) præcessit quædam sacramentalis institutio, quæ res ipsa per vocem propriè significata, Sapientiam, Christum, aut Spiritum sanctum significat. Quod autem consequenter ex dictis duabus sententiis congruenter postulas, ut hæc enunciatio à Christo prolata: *Hoc est corpus meum*, non explicetur per hanc sententiam, Hoc significat corpus meum: neque per hanc, Hoc est signum corporis mei, ut sit figura in attributo, aut verbo: sed tantum per hanc: Id quod sacramentaliter significatur per hoc quod vobis demonstro, vel per hunc panem, est verè corpus meum: absurda petitio est, quæ exigitur falsa & absurda hujus propositionis explicatio. Siquidem hujus panis, quem præterdis pronomine (hoc) demonstrari, nulla omnino præcessit sacramentalis institutio, quæ Christum aut ejus corpus significaret, sed antea tantum res fuit, non signum. Quod qui attendunt faciliè vident falsam & dolosam esse hanc explicationem à te excogitatam, videlicet; Id quod per hunc panem significatur, est Christi corpus. Hic enim præsupponitur, quod quemadmodum Petra in Ore percussa, prius sacramentaliter Christum significabat, quàm diceret Apostolus, Petra erat Christus: sic etiam panis, quem in novissima cæna accepit Christus in manus suas ad benedicendum, prius sacramentaliter institutus fuerit ad significandum Christi corpus, quàm ipse Christus benedicens panem, diceret, *Hoc est corpus meum*. Id quod apertè falsum est: quia nulla præcessit institutio, quæ hic panis, quem Christus in suas manus accepit, sacramentaliter significaret Christi corpus, aut si qua talis institutio sacramentalis præcessit, proferatur, & ex Scripturis sacris confirmetur.

C A P U T XVIII.

Quod confidentia non semper sit argumentum veritatis, sed aliquando præsumptionis & impudentiæ.

CApite ultimo responsionis tuæ, refricas confidentiam tuam, quâ scripta mea cum tuis ausus sis prælo committere, ut mundus de causâ judicet. An in hæc instituto tuo congruenter feceris, sicut suprâ dixi, tu videris. Ego tamen considerans te eadem fronte quâ scripta mea cum tuis edidisti, simul asserere, quod quo tempore eras Lovanii, videris scripta Ruardi Tapperi eo tantum nomine vetari, quod Calvinî rationes interdum falsius & de verbo ad verbum proposuisset: non magnificatio confidentiam tuam; quia mihi & pluribus aliis qui ejus temporis adhuc memoriam retinent, certò constat falsum esse quod de scriptis Ruardi Tapperi te vidisse scribis. Erat enim tunc non tantum Professor sacrarum Litterarum, sed etiam de consilio Universitatis Lovaniensis, & facultatis sacræ Theologiæ: in quibus consiliis, nulla unquam facta est ejus rei mentio.

Confidentia igitur non semper est veritatis argumentum; sed frequenter præsumptionis, superbix & impudentiæ testimonium, quâ nonnulli, & præsertim hæretici, constantiore vultu asserunt quod nesciunt, aut etiam quodolose consinxerunt, quàm alii quod compertum habent. Quæ impudentia in sequentibus adhuc manifestius ostenditur, ubi volens verba mea refellere, quibus dixi, *Quod si Catholici Principes de vobis aliquid durius statuerunt, quàm vestri duces de Catholicis statuunt, id præter rationem non fore.* Nunquam enim fuimus quod estis, nec aliquid vobis promissimus, neque à vobis unquam defecimus, ut vobis hostes efficeremur: vos à nobis, nostra religione, nostroque Principe, contra fidem datam, contra majorum instituta, defecistis. Deinde adjeci: *Vos vosmetipsos Romanæ Catholicæ Religionis subtraxistis, & subtrahos Romanæ Catholicæ Religionis desertores appellastis.* Respondes nobis esse perduelles. Primum quod à Rege ob Hispanorum tyrannidem defecerimus; deinde fortunâ paululum commutatâ in patriam arma tulerimus, seu, ut infrâ ais, à vobis, quibus eramus arctissimo juncti fœdere & sacramento, discessisse omnes vident. Deinde etiam addis, perdidicimus esse, quod Catholicæ Romanæ ecclesiæ vos dixerim esse desertores, ed quod Catholicæ Romanæ nihil aliud sit quàm universalis particularis. Si apud Jurisperitos duntaxat causa hæc ageretur, facilis esset ad tuas accusationes responsio, quod criminatio (præsertim quæ vos deficiendo à Rege saltem semel perduelles esse convincit) non sit purgatio: sed quia mundo satisfaciendum est, in quo sunt non solum intelligentes & eruditi, sed etiam rudes & imperiti, qui inter purgationem & criminationem non distinguunt: idèd respondeo, nobis, id est, Universitati Lovaniensi, antè adventum Domini de Glabbeke, nihil unquam fuisse propositum, quod ullam à Rege Catholico defectionem portenderet. Sed cum is aliquot diebus antè conflictum Gemblacensem venisset Lovanium, me præsentem, audiente, & simul cum cæteris respondente, Universitati Lovaniensi proposuit, & ad ea responsum accepit: quæ sequenti

commentario, ex Actis Universitatis Lovaniensis ad verbum extracta, continentur.

ANNO Domini 1578. die Lunæ, 27. Januarii, horâ tertiâ post meridiem, in superiore Capitulo sancti Petri Lovaniensis, fuit sub juramento convocata, congregata Universitas, cui Magnificus dominus Rector proposuit ea quæ sequuntur. Primò, an placeat acceptare pro superintendente custodiæ & conservationis, ac inde dependentium, oppidi Lovaniensis, Maximilianum de Cottreau, Dominum temporalem de Glabbeke, &c. juxta commissionem sibi datam. Secundò, proposuit Universitati, an placeat præstare juramentum, juxta formulam ab eodem domino Maximiliano propositam, tenoris hîc inferius inserti. Super quibus Universitas deliberando conclusit, præfato de Glabbeke dandum esse responsum in scriptis, tenoris sequentis.

A L M A Universitas studii generalis oppidi Lovaniensis, viso exemplo commissionis, quæ sub data 17. hujus mensis Januarii, nobili viro Maximiliano Cottreau, domino de Glabbeke, &c. data est, quo ad superintendentiam custodiæ & vigiliarum oppidi Lovaniensis: auditâ quoque illius propositione, & exactione juramenti in scriptis concepti, sub formula sequenti.

Ick ghelobe ende zweren ten heyligen / den Conincklijchen Majesteit / als Hertoge van Brabant / Certshertoge Mathias van Oostenrijck / Souverneur ende Capiteyn generael van ynen Nederlanden: Myn Heere den Pynce van Draengien / als Souverneur particulier van Brabant / ende Lieutenant generael van den voorszeyden Nederlanden: ende Maximiliaen van Cottreau / Heere van Glabbeke / Wassemon / &c. als superintendent deser Stad van Loben / van den Conincklijchen Majesteit / ende Staten generael daer toe specialijch gecommitteert: gehoorszam / goet ende getrouwt te zijne: ende met raet ende daet / lijf ende goet te wederstaen de verclaerde Opanden van onsen gemeynne Vaderlanden / ende de voorsz. Stad van Loben. So helpe mi Godt / ende alle zijn Heylighen / &c.

Quod Latine ad verbum sonat.

Ego promitto & juro ad sancta, Regiæ Majestati, tanquam Duci Brabantia: Mathia Archiduci Austria, Gubernatori & Capiteano generali suarum inferiorum Provinciarum: D. Principi Auraico tanquam gubernatori particulari Brabantia, & vicem gerenti generali prædictarum inferiorum Provinciarum: & Maximiliano van Cottreau, Domino de Glabbeke, Wassemon, &c. tanquam superintendenti hujus civitatis Lovaniensis, à Regiæ Majestate & Statibus generalibus ad hoc specialiter commissionem habenti, me obedientem, bonum & fidelem fore, & quod consilio & opere, vitâ & bonis resistam declaratis hostibus nostræ communis Patriæ & prædicti oppidi Lovaniensis. Sic me Deus adjuvet & omnes Sancti, &c.

Ex deliberationibus quinque Facultatum conclusit, Domino Superintendenti respondendum esse quodd, quoad receptionem suæ personæ ad dictam superintendentiam, hæc res ad Universitatem non pertineat, cum non habeat dicti

dicti oppidi administrationem & gubernationem, quæ pertinet ad Magistratum, &c. Et quoad formulam propositi juramenti, declarat Universitas se existimare, quod sic illud non possit nec debeat præstare: & miratur hujusmodi juramentum ab Universitate (quod corpus est Ecclesiasticum) præter exemplum exigi.

Postridie, die Martis 28. Januarii, horâ undecimâ ante meridiem, finitâ repetitione in utroque jure, in Scholis Mathematicorum, M. Petrus Peckius, Juris utriusque Doctor, in Universitate retulit, quomodo ipse cum eximio Domino & M. N. Roberto Malcotio, ac domino Advocato fiscali, tradiderit Domino de Cottreau instrumentum Universitatis.

Et ne dicas hæc quæ retuli, fortunâ paululum mihi atâ contigisse, (sicut respondendo indicas,) advertendum est hæc contigisse diebus Lunæ & Martis 27. & 28. Januarii: Conflictum verò Gemblacensem postea fuisse commissum, die Veneris sequenti, trigessimâ primâ videlicet ejusdem mensis Januarii. Cùmque die Sabbathi, id est, primâ Februarii sequentis, præfatus Superintendens postularet consensum Universitatis, ad introducendum externum præsidium, pro civitatis custodia: conclusit Universitas respondendum, quod ad se non pertineat ordinare de recipiendo, aut non recipiendo milite, rogans Magistratum, ut si intendat intrmittere militem, priusquam id faciat, dimittat omnes de Universitate abire volentes, juxta jus commune, & privilegia ejusdem Universitatis. Et hujus conclusionis data est præfato Superintendenti copia vernaculo sermone.

Cùmque secundâ Februarii, per dictum Superintendentem & quosdam alios, sub vesperam clandestinè in oppidum Lovaniense introducta essent duo vexilla Scotorum, pro murorum custodia, Universitas postridie horâ nonâ ante meridiem congregata in magno refectorio fratrum Prædicatorum, conclusit, & eodem die in scriptis, præfente superscripto Superintendente, Magistratui conclusionem suam exhibuit, quâ conquerebatur inter cives sparsum esse rumorem, quod externum præsidium receptum esset de consensu Universitatis: cujus oppositum ipsis esset satis cognitum. Et quia jam admissum erat præsidium, Universitas petiit, ut juxta priorem suam petitionem, statim omnibus studiosis daretur potestas discedendi ex oppido. Ad quod respondit Superintendens, se ad hoc nihil posse respondere, absque ordinatione Statuum.

Videsne, mi Marnixi, quomodo à Rege Catholico deficientes, vobiscum perduelles effecti sumus, & quàm arcto scedere ac sacramento vobis juncti fuerimus? Si res habet ut dicis, non debuit sine scripto perfici. Profer igitur tabulas initii vobiscum scederis, & præstiti juramenti: ut spectante mundo, te expurges à crimine mendacii, quo penè in singulis quæ narras, scatèrè deprehenderis.

Quod autem addis, *perridiculum esse quod aio, vos Romanæ Catholicæ Ecclesiæ esse desertores, ed quod Catholica Romana, nihil aliud sit quàm universalis particularis: quid aliud quàm impudentia est?* cùm vos ipsi priores in Edicto publico, vos Romanæ Catholicæ Religionis desertores nuncupaveritis? Si enim ridiculum est, Ecclesiam aliquam dicere Romanam Catholicam, ed quod Ro-

mana Catholica, nihil aliud sit quàm universalis particularis: igitur ridiculum fuit vestrum Edictum, quod & præconis voce publicastis, & prælo commissum in mundum universum emisistis; in quo vocastis vos Romanæ Catholicæ Religionis desertores: aut si tunc aliam Romanam Catholicam Ecclesiam cogitabatis, quam nunc Catholicam dicere non vultis, saltem explicate quam nunc velitis appellare Catholicam. Nam licet symbolum fidei unam sanctam Catholicam agnoscat Ecclesiam, tu tamen duas describis Ecclesias: alteram visibilem; alteram quæ solis Dei oculis conspicua electorum numero contineatur: quarum discrimen me ignorare gloriaris. Id quod libenter agnosco, quia mihi verendum non est ignorare, quod Scriptura sacra nescit, quod universa Scripturum antiquitas ignoravit, & quod nulla ante vos hæresis somniavit. Scribit Apostolus de vocatione quæ vocati sumus, de qua alibi: *Videte vocationem vestram, fratres*, id est, de Christi Ecclesia, *unum corpus & unus spiritus, sicut vocati estis in una spe vocationis vestræ. Unus Dominus, una Fides, unum Baptisma, unus Deus & pater omnium*. Et tu non tantum duas facis Ecclesias, alteram in visibilem solis Dei oculis conspicuam, alteram visibilem, quam definis esse quemvis eorum cœtum, qui nomen Christi externo ritu profitentur: sed penè innumeras, quæ in unum corpus coalescere non possunt. Nam nomen Christi externo ritu profitetur, non tantum Romana Ecclesia, quam tantopere detestaris; sed etiam universæ hæreses & schismata, quæ Christianum nomen nondum abjecerunt, etiam si diversissimis & adversissimis spiritibus inter se conflictentur, & non magis in unum coalescere possunt, quàm Christus & Belial, aut quàm templum Dei & idola. Et tamen has universas conspirationes, in tua visibili Ecclesia comprehendis: unde etiam non diffiteris quin Romana Ecclesia, licet in ea sedeat Antichristus, attamen sit Ecclesia & templum Domini, quia Christi nomen & baptismatis sacramentum retinet, licet variis hominum corruptelis adulteratum: hoc est, Ecclesiæ Christi tibi sunt, & Christi regnum (quod tamen sanctum esse dicit Apostolus) quæcunque aliquam pietatis speciem Christum nominando retinent, etiam si in totum virtutem ejus abnegaverint; & sicut in Canticis legimus, se quidem propter iniquitatem nigras dicere possunt, sed formosas à vera pietate non possunt. Cæterum quod ait symbolum, unam esse sanctam Ecclesiam Catholicam, ad tuam invisibilem referendum putas, quæ verè sit sanctorum omnium communio. Quia enim Dominus novit qui sunt ejus; idèd hanc sanctorum congregationem, non re quod futurum est in judicio, sed nunc mente & cogitatione à cæteris separatam solam, absque ullo Scripturæ sacræ testimonio, dici vis Catholicam. Visibilem autem Ecclesiam non vis credi esse sanctam, & præsertim Romanam, de qua ais, *adesse jam tempus, quo Dominus sedem illam magnæ meretricis fruditus evertat, & suam Ecclesiam ab immani ejus tyrannide vindicet*. Sed hanc tuam prophetiam potes conjungere cum prophetia Martini Lutheri hoc expressa versiculo,

Pessis eram vivens, moriens tua mors ero, Papa.

Quia similis erit utriusque Prophetiæ exitus: ut videlicet in tuo desiderio maneat tua prophetia, & effectum alium non habeat: sicut nec à mille quingentis

Eph. 5.

1 Cor. 1.

1 Tim. 2.

Cant. 1.

tis annis habuerunt similes aliorum hæreticorum conatus, de quibus in persona Ecclesiæ prædixit Psalmista: *Sæpe expugnauerunt me à iuventute mea, dicit nunc Israel; sæpe expugnauerunt me à iuventute mea: etenim non potuerunt mihi. Supra dorsum meum fabricauerunt peccatores, prolongauerunt iniquitatem suam: sed non impleverunt malitiam suam, quia firmum Ecclesiæ fundamentum stat, quod posuit Christus dicens: Tu es Petrus & super hanc Petram ædificabo ecclesiam meam, & portæ inferi non prævalerunt adversus eam.*

CAPUT XIX.

Quòd licet Deus plura contulerit Ecclesiæ Christianæ, quàm Judaicæ; attamen Præfecti in utraque rectè Dii vocantur.

Postremò dicis, me pueriliter cavillari in discrimine ecclesiæ Judaicæ & Christianæ, quòd nunquam statueris, veniente Christo, nihil fuisse in Ecclesiā collatum, quod antè Dominus necdumerat largitus. Respondeo, quòd oratio tua, quæ de hac re differis, redacta in formam Dialecticæ, hanc ratiocinationem continet: Ecclesiā Judaicā nunquam ausa fuit statuere Deum in terris; sed Ecclesiā Romana statuit Romanum Pontificem Deum in terris: igitur Ecclesiā Romana à veritatis doctrina se protervius avertit, quàm unquam fecit Ecclesiā Judaicā. Quā illatione manifestè significas, Ecclesiā Romanam non posse sibi sine errore statuere, nisi quod sibi olim statuit Judaicā. Non ignorabam in Scripturis sacris Ecclesiā Judaicā, seu potius Synagogā, Præpositos sæpissimè deos nuncupari, ac deos in terris statui, ut nemo eos contemneret. De his enim scriptum est Psal. 46. *Dii fortes terra vehebementer elevati sunt.* Et 49. *Deus deorum Dominus locutus est.* Et 81. *Deus stetit in medio deorum, in medio deos dijudicat.* Et rursus: *Ego dixi dii estis.* Et Exod. 21. *Offerret eum diis.* Et 22. *Dominus domus applicabitur ad Deos.* Et iterum; *Dii non detrabes, & principi populi tui non maledices.* Et quia Scriptura sacra ministros Veteris Testamenti, id est, ministros litteræ & mortis, sæpissimè deos vocat; satis intelligebam Præfectos Ecclesiæ, quos Apostolus vocat ministros spiritus, rectissimè posse statui & vocari deos. Nam si ministratio mortis fuit in gloria? inquit Apostolus, quomodo non magis ministratio spiritus erit in gloria? Sed ut ostenderem quòd etiam si vera fuissent quæ assumebas, attamen argumentando negativè ab Ecclesiā Judaicā ad Ecclesiā Christianā, nihil Aristotelicè concluderes; monui te ut adverteres quàm ineptè argumentareris ab ecclesiā Judaicā ad Christianā. Ego tamen interim satis sentiebam, te verborum tuorum circuitu velle significare, quosdam nostrum, non tam veritate, quàm benevolentia aut adulatione, præeminentias quasdam Romano Pontifici tribuere, quæ in Scripturis sacris non satis clarè exprimuntur, atque eum inter ministros Novi Testamenti, eminentiorem Deum velle facere, quàm Scriptura sacra testetur. Pro quibus respondeo, si qui fortè tales sint, eos incomparabiliter minùs benevolentia peccare, conando eum

majorem facere quàm est: quàm vos odio & malevolentia, conando id totum abolere quod est. Agnoscite igitur beatum Petrum ejusque successores Romanos Pontifices id esse quod Christus eis locutus est, & tunc de latitudine potestatis ac præeminentiarum eorum differite: quia quamdiu in hoc toti estis, ut ejus potestatem evertatis, facile quis suspicabitur vos de potestatis eorum latitudine differentes, non modum potestati velle imponere: sed hoc prætextu, illam simpliciter velle abolere.

J A M secundo à me admonitus, Sanct-Aldegonde frater, magis magisque declarasti quàm obfirmato animo illis adhæreas, qui se Romanæ Catholicæ Religionis desertores nuncuparunt, & acerrimos hostes exhibent. Quod sit ut vehementer timeam, ne & mea admonitio, & totius Ecclesiæ oratio, quæ etiam pro te quotidie ad Deum funditur, tibi in peccatum convertatur. Quia tamen, sicut à principio Collationis nostræ, ita & nunc tibi ex animo bene volo, non cesso lugere, & à Deo petere, ut quod meâ industriâ non valeo, id suâ misericordiâ præstare dignetur, & meliorem mentem tibi aliquando largiatur. Cui orationi utinam tu aliquando definas obistere.



VERBA JURAMENTI
QUOD
F O E D E R A T I
A N T V E R P I Æ

Præstandum constituerant :

E X
F L A N D R I C O
L A T I N E R E D D I T A .

Ego N. Juro, quod Regem Hispaniarum nec reverebor, nec agnoscam tanquam meum principem aut supremum Dominum : sed quod ego ab eo discessi, habens me ab omni officio & obligatione liberum quibus olim ipsi veluti supremo Domino Provincia quocunque modo devinctus fui. Ego insuper promitto ac juro, quod Illustris Princeps Franciscus, Filius Franciæ, frater unicus Regis, Dux Lotharingæ, Brabantia, Limburgii, Geldria, Audegavensis Provincia, Comes Flandriæ, Hollandia, Zeelandia, Zutpheni, &c. Margravius sacri Imperii, pro meo legitimo principe ac Domino fideliter habetur ac inauguratur. Et quod ipsi omne auxilium & subsidium, pro posse meo, dabo contra memoratum Regem Hispaniarum & omnes ei adhaerentes, nemine excepto ex hostibus sua Altitudinis atque patriæ : præterea quod omnia præstabo quæ boni ac fideles incolæ ac inquilini Brabantia præstare debent suo legitimo Domino, juxta latum adventum : & insuper ego juro ac promitto me huic urbi Antverpiæ bonum ac fidelem esse, ac quod ipsam juvabo & defendam, sub obedientia prædicti Nostri Clementis Domini. Sic Deus omnipotens me adjuvet. Statutum in Collegio in Domo Civica Antverpiæ, die duodecimâ Aprilis, 1582.

Emendata
en Codice
MS. Mi-
chaëlis Vof-
mer, viiâ
fanci a.
1616.

Argumenta quædam quibus utuntur Ecclesiastici quidam qui nunc sunt Antverpiæ, ut persuadeant Catholicis qui nunc sunt Antverpiæ, salvâ conscientia juramentum Duci Alençonio præstari ab iisdem posse.

1. **N**ON tenentur, *inquiunt*, singuli de plebe inquirere de negotiis & regimine Reipublicæ. Debent singuli obedire Magistratibus etiam discolis, etiam Tyrannis; etiam si novus & electus Princeps à toto & pleno Collegio statuum electus non esset: & quædam statuum membra desiderata essent: hæc enim singuli de plebe non tenentur inquirere aut considerare, sed obedire ut suprà: quia omnis potestas à Deo est, etiam Tyrannica.

2. Item vinculum obligationis, quo singuli de plebe Principi suo obstricti sunt, non tantum est, ut in gratiam Principis, onerati uxore ac liberis sedes suas relinquere, hinc profugere, per orbem vagari, mendicare, & in miseria tabescere debeant, qui media non habent unde foris vitam sustentare valeant.

* Edit. hæc
omisit.

* Majus esse vinculum obligationis erga uxorem & liberos & propriæ vitæ tuendæ.

3. Non agi hîc de renuncianda Religione Catholica, sed de recuperanda eâ, & exercitio ejus, medio hoc juramento.

4. Regem Hispaniæ delerere nos Catholicos; aut saltem nobis opem ferre non posse.

5. Cum vi expugnatâ civitate, Victor victum ad præstandum fidelitatis juramentum cogit; nullum in ea re à Victo peccatum committi. Simile & hîc accidere, quantum ad singulos de plebe, eam coactionem, si quid peccati in hoc juramento foret, omne peccatum tollere.

6. Metum perdendi bona temporalia, vel gravem in eis jacturam, sine quibus non potest quis sustentari, justum esse metum.

7. Et præterea ignorantiam & errorem, si quis esset, excusare singulos de plebe. Ignorantia enim eorum quæ quis non tenetur scire, à peccato populum excusat. *Hæc & similia multa adferunt.*

MICHAELIS BAILL.

EPISTOLA,

PETRO CASTILLO,

DOCTORI.

De Fœderatorum Juramento & Argumentis quibus
illud defenditur.



Vt intelligatur an licitum sit Juramentum, per te mihi cum argumentis quorundam transmissum, quod Antverpiæ etiam à plebeis exigi dicitur, Eruditissime Domine Doctor, imprimis videtur considerandum, an verum sit quod in eo Juramento asseritur, & licitum quod promittitur. Nam jurare verum, & promissioni licitæ addere juramentum non est peccatum. Sed jurare falsum, & rei illicitæ promissionem, seu potius comminationem, conari juramento firmare, est immane scelus, quod proprio nomine vocatur perjurium. Qui enim jurat se facturum quod non potest licite facere, censetur coram Deo jurare falsum; & si faciat quod se facturum juravit, addit perjurio alterum peccatum, sicut docet Augustinus sermone 117. inter noviter impressos Lovanii.

Porro in Juramento mihi transmissio prima pars quæ habet quoddam Civis Antverpiensis jurabit quoddam Regi Hispaniarum non obediet, neque eum curabit aut agnoscat pro suo principe; sed cum jam deteliquit, habens se pro absoluto ab omni obligatione quâ prius illi tanquam suo principi obligabatur, nihil aliud est quam formalis & expressa rebellio, ac inobedientia erga Regem Hispaniarum legitimum Principem civitatis Antverpiensis: quæ inobedientia ejus incolis est manifestè illicita; & non legitimi juramenti, sed tantum perjurii materia. Sicut enim conjux, quæ sine vitæ periculo viro suo adesse debitumque obsequium reddere non potest, durante hac necessitate justissimam quidem exceptionem habet cur non præstet quæ viro suo præstare tenetur: sed tamen neque in animo statuere neque ore jurare potest quoddam deinceps illum non curabit, neque agnoscat pro viro, sed habebit se pro absoluta ab omni obligatione, quâ prius illi adstringebatur ratione conjugii: quia ratione divini præcepti, quo uxor viro suo obligatur, etiam cum illi adesse non potest, si non opere saltem desiderio & animo tenetur illi adhærere, habens promptam voluntatem præstandi quæ sunt conjugis, mox ubi res ipsa tulerit. Sic etiam fidelis subditus, qui hostili tyrannide & timore oppressus à suo principe non de-

fenditur aut liberatur, habet quidem justam causam cur durante hac necessitate principi suo tributa non reddat, nec debita præstet obsequia: sed non potest in animo suo statuere aut jurare quodd ei deinceps non parebit, nec eum reverebitur, aut pro suo principe habebit. sed eum in totum ex animo suo abiecit, habens se pro absoluto ab omni obligatione, quâ prius ei obligabatur, sicut continet propositum Juramentum. Quia quândiu talis subditus habitat in terris sui Principis, permanet ei adstrictus, nec potest se ab ejus obligatione absolvere absque Principis consensu: sed ratione hujus obligationis tenetur Principem in animo suo reveri, ac pro legitimo Principe habere, paratus etiam opere quæ sunt veri subditi præstare, mox ubi res ipsa tulerit. Et ideo qui jurant quæ prima hac Juramenti parte continentur, & jurando illicita pejerant, & præstando quæ jurant, suo perjurio aliud crimen adjiciunt, ut diximus.

Altera pars ejusdem Juramenti asserit Ducem Alençonium esse legitimum, Principem Brabantiae & aliarum Provinciarum ibidem nominatarum: id quod est apertè falsum, aut saltem illis incertum qui hoc jurant; & ideo cum aperto perjurio aut saltem cum temeritate hoc jurant: sicut & illi qui in Anglia jurant Reginam esse Caput Ecclesiae Anglicanae, apertè falsum jurant. Si quis fortè prætendat hac parte Juramenti non asseri quodd Dux Alençonius sit legitimus Dux Brabantiae; sed tantum exigi ut jurans eum pro tali habeat; tunc adhuc illicitum est juramentum, quo jurat se eum habiturum pro legitimo Principe, quem in corde suo judicat esse tyrannum, quod sine mendacio præstare non potest.

Tertia pars Juramenti, quæ requirit à Cive Antverpiensi, vero Regis Catholici subdito, ut juret quodd ex omnibus suis viribus assistet Duci Alençonio, in bello contra Regem & alium quemcunque, &c. ex prioribus dependet. Quia si Alençonius non sit verus Princeps earum Provinciarum, quarum in Juramento fit mentio; ipse Regi Catholico injustum bellum movet, imò potius non movet bellum, sed sub belli nomine per homines impios exercet apertum latrocinium, in quo nemo potest ei assistere, nisi qui velit reus esse latrocinii. Ipse enim Alençonius non est absolutus Dominus, cui competat jas movendialicui bellum, sed tantum fratris sui vassallus, qui rebellium & inutilem hominum conspiratione fretus, & nuper contra fratrem suum, & nunc contra Regem Catholicum, sub nomine belli exercet latrocinium, gravissimo supplicio dignum; sicut aliquando sentiet, nisi citò resipiscat, & sui sanguinis honori prudentius consulat.

Rationes autem quibus nonnulli conantur plebeios Antverpienses hoc Juramentum præstantes à peccato excusare, non videntur mihi aliud esse quàm verba malitiæ ad excusandas excusationes in peccatis. Nam quod aiunt plebeios non debere inquirere de negotiis & regimine Reipublicæ, sed Magistratibus simpliciter obedire, ut innumera præteream, etiam mundo manifesta, quæ de absurda & presumptuosa Ducis Alençonii electione dicenda essent, si res ad vivum excuteretur; & de impiis novitatibus, quas quotidie introducunt Magistratus rebellium civitatum, ob quas etiam plebe iis suspecti esse debent in omnibus quæ moliantur: quis non videt aliud esse inquirere de negotiis Reipublicæ, aliud verò inquirere de iis quæ quis jubetur jurare, ne fortè
falsa

falsa aut illicita jurando incidat in perjurium. Nam si temerarium est asserere de quo dubitas, quantò absurdius est jurare quod nescias? Deinde quod addunt, omnem potestatem etiam tyrannicam, à Deo esse: nihil ad hanc rem pertinet; quia licet potestas imperandi quæ legitimis præfectis competit, ad licita & honesta subditos obliget: atramen potestas aliquid faciendi, quæ tyrannis & latronibus communis est, neminem adstringit ab obediendum, sed devictis & superatos tantum vi compellit obedire: quæ compulsio ad illicita perpetranda extendi non debet.

Nec majoris momenti est quodd querulantur singulos de plebe, uti vobis & liberis oneratos non ita astringi Principi, ut in ejus gratiam cogantur foris mendicare & inedia contabescere: quia qui oppressione hæreticorum tyrannisantium, ad hanc necessitatem rediguntur, ut vel cogantur omnia sua perdere, vel contra suum legitimum principem perpetuum rebellionem, inobedientiam, & hostilitatem jurare; non in gratiam Principis omnia sua deserunt, sed ad conservandam justitiam & bonam conscientiam, quam habere debet omnis Christi discipulus, id faciunt, quod eo casu jure divino facere tenentur, sicut docet Christus Lucæ 14. cum ait: *Si quis venit ad me, & non odit Patrem suum & matrem & uxorem, & filios, & fratres & sorores, adhuc autem & animam, non potest meus esse discipulus.* Et denique concludit: *Sic ergo omnis ex vobis qui non renunciat omnibus quæ possidet, non potest meus esse discipulus.* Hæc est enim crux miseris istis eo casu à Deo imposita, ut propter justitiam cogantur sua deserere, ne jurent res illicitas, de qua Cruce Christus ibidem ait: *Qui non bajulat crucem suam, & venit post me, non potest meus esse discipulus.* His autem propter justitiam sua contemnentibus promittit Dominus: *Non te deseram nec te derelinquam,* sicut ad Hebræos decimo tertio legimus. Nihil etiam eos excusat quodd aiunt se jurare ad recuperandum Catholicæ Religionis exercitium: quia neque facienda sunt mala, ut inde eveniant bona; neque ad aliud servit hoc Juramentum, quàm ut longissimè ab eo dissit, simul cum exercitio Religionis etiam fidem ipsam deserant.

Quodd autem Deus Regi Catholico non tribuit facultatem, ut omnibus oppressis statim subveniat, ex eo provenire arbitror, quodd tentat nos Dominus Deus noster, an mandata ejus divitiis nostris præferamus, an non.

Denique objiciunt, civitates vbi expugnatas victori licitè præstare juramentum fidelitatis. Ex quo videntur velle colligere quodd boni cives, qui non suâ sponte in potestatem tyrannidevenerunt, sed tantum prævalente malorum conspiratione subacti sunt, licitè possint oblatum sibi præsens juramentum præstare. Ad quodd breviter respondeo, quodd sicut præceptum obediendi parentibus, intelligitur in licitis & honestis; sic & juramentum fidelitatis, quodd per ingenuos Principes, ommissis novisticulis, hætenus à devictis hostibus tantum in genere exactum est, non nisi in licitis & honestis debet intelligi: & ided non in præstando juramento fidelitatis, sed fortè in observando potest esse peccati periculum, si fortè is qui fidelitatem juravit, prætextu juramenti faciat quodd ei non licet. Sed in præsentî Juramento plura in particulari manifestis verbis expressa continentur, quæ sunt apertè falsa aut illicita; ad hoc videlicet ab hæreticis, diabolo suggerente, excogi-

tata, & Fidelibus ad jurandum proposita, ut Fideles vel salute perpetuâ excident, vel temporalibus bonis hoc prætextu possint à Sectariis spoliari.

Quod in fine additur de metu perdendi bona temporalia excusante peccatum, non videtur mihi responsione dignum: quia si non licet timere eos qui occidunt corpus; quantò minùs timere licet eos qui auferunt bona? Similiter nec illud quod de ignorantia dicitur; quia nemini licet ignorare quod ipse præsumit jurare. Igitur aut diligenter inquirat, & intelligat quod jurat; aut à jurando absteineat.

Hoc Michaëlis Baij responsum cum legisset Joannes Lensæus, pariter Doctor Theologus Lovaniensis, ei subscripsit his verbis: Est ea quoque mea sententia, Juramentum ejusmodi præstari sine gravi scelere non posse: quia Juramento ejusmodi firmatur rebellio injusta & simul tendens ad Religionis exitium. Quare illa suprâ posita declaratio iniqui Juramenti per omnia mihi probatur. Joannes Lensæus, anno 1582.



MICHAELIS BAII,

De Statuum inferioris Germaniæ unione cum iis qui præter omnium hæctenus Hæreticorum morem, se desertores Romanæ Catholicæ Religionis vocant; & de juramento, quod eorum jussu à Clero & Monachis exigitur,

E P I S T O L A.

*Reverendo Patri Ambrosio Lootsio Abbati
Parcensi, Michaël de Baii,*

Reverende Pater; sentio fratres vestros, & totam familiam vehementer contristari, propter longam absentiam tuam. Et quantum mihi videtur, non immeritò contristantur: non tantum propter detrimentum, quod ex hac absentia tua, & in spiritualibus, & in temporalibus patiuntur; sed etiam propter periculum conscientiarum tuarum, quam putant, sicut & ego puto, non posse diutius sine gravi peccato ab ovibus suis abesse. Quis enim nescit, pastorem in tantis difficultatibus & periculis debere suo gregi adesse; imò etiam pro illo animam ponere, quando non patitur peculiarem persecutionem præ fratribus suis?

Cui accedit, quòd satis intelligam te consensisse, & juramento firmasse unionem statuum, etiam cum iis, qui se Romanæ & Catholicæ Ecclesiæ Desertores profitentur, sub principe Auraico tanquam Gubernatore Brabantiae, & Vicegubernatore omnium provinciarum inferioris Germaniæ: non obstante, quòd se palam Bruxellæ Calvinistam professus sit. Id quod (pace tuâ dicam) quantum mihi videtur, nec per te, nec per consortes tuos, sine gravi scelere fieri potuit.

Primum quidem propter manifestum scandalum. Nam usque ad id tempus, Ordines hujus patriæ semper unanimiter jactaverunt se velle manere, non tantum sub obedientia Regiæ majestatis, sed etiam in fide Romana Catholica: querebanturque sibi magnam injuriam fieri, quòd & summo Pontifici, & Catholicæ Majestati per quosdam intelligebant aliud suggeri. Nunc verò per hanc unionem cum subtractionis filiis in perditionem, sub homine, qui se palam hæreticum profitetur, proprioque se judicio condemnat, non tantum

Heir. 10.

summo Pontifici, & Regiæ Majestati, sed etiam omnibus cordatis fidelibus ingeritur manifesta suspicio, quodd ab utraque illa sua professione Ordines recesserint; aut certè ad illudendum fidelibus, non animo, sed verbis duntaxat professi sint quæ sunt professi. Eò quodd hæc unio cum iis qui se palam vocant Desultores Romanæ & Catholicæ religionis, sub homine qui se palam Calvinistam proficitur, directè tendat ad contemptum Regiæ Majestatis, subversionem Catholicæ fidei, & exterminium sacerdotii, quod Calvinistæ cane pejus & angue oderunt.

Et cum nemo possit sibi superiorem assumere, nisi in eum finem, ut ejus vigilantia & sollicitudine in suo sancto proposito juveretur & defendatur: (nempe Christianus catholicus, in vera Christiana religione; & monachus in professione monastica, &c.) quomodo reclamante primâ civitate Brabantiz Lovanio, & aliis multis viris illustribus, (quorum nonnulli ob eam causam, fictis mendacibus litteris, putantur Gandavi in vincula conjecti, & adhuc detineri) potuistis & vobis & nobis hominem præficere, quem jam certò sciebatis & Catholicæ religioni, & monastico instituto vestro ex professo esse inimicum? iisque ministris potissimum utentem, qui ob hæresim sunt veræ pietatis adversarii? quique aut statim omnem pietatis speciem è templis aboleret (sicut tota Hollandia & Zelandia testatur) aut tantisper dissimulando permittunt, donec quæsitis occasionibus, sine tumultu possint (sicut in Calvinismo jurant) ad ejus subversionem pervenire. Imitantur enim Julianum apostatam, qui initio non palam persecutionem in Christianos exercebat: sed populis, quæcunque vellent in eos committere permittebat, ut etiam clam mandabat, & maxime in clerum; ut sublatis ducibus, plebs in oblivionem religionis facilius deveniret. In hoc tantum Juliano dissimiles, quodd ille nullum juramentum de conservanda religione præstitisse legitur; ut Auræus Princeps cum assediis suis, qui, ut Catholicis imponant, & quidvis faciliè jurant, & opportunitatem nacti juramenta pro ludo habent. Hinc ad conservandas civitates, finguntur necessaria esse templorum, cœnobiorum, & aliorum locorum ad pietatem institutorum incendia; idque contrafactiùs prius imaginibus, & conculcatis, præh dolor, sacramentis. Hinc à sacerdotibus & monachis exiguntur illicita juramenta; ut aut exules fiant, eosque tum bonis omnibus exuant, aut impietati consentiant. Hinc civitatibus & militibus præficiuntur hæretici, aut erga Catholicos, veterisque religionis cultores, malè affecti; ut eos onerando multitudo militum, & variis modis vexando, eò compellant, ut malint miserè in exilio vivere, quàm in paternis avitisque ædibus tot ærumnis exerceri.

Porro sicut Princeps Auræus suscepturus Bruxellæ gubernationem Brabantiz, dicitur jurasse conservationem Romanæ & Catholicæ religionis in civitatibus Brabantiz, sic etiam regressus ab expeditione Montenfi in Hannonia, & proficiscens in Hollandiam, Mechliniæ (me etiam audiente) professus est, se non venisse in hanc patriam cum exercitu, ut aliquid immutaret, aut sacerdotes, monachos, & alios clericos de suo loco deturbaret; sed tantum, ut liberaret patriam à servitute Hispanica; quàm religionis conservationem etiam quibusdam civitatibus Hollandiæ juravit. Obsecro ut in Zelandia, aut Hollan-

Hollandia, vel unus pagus, qui se tunc ejus subjecit imperio, designetur, in quo servata sit supradicta professio?

Fiunt hæc quidem plerumque tumultu quodam phanatico, per homines scditiosos sive subornatos, ut multi persuasum habent, sive ultro currentes: sed quomocunque fiant, certè imperante Principe Auraco fiunt, idque impune, quæ illo prius non imperante non fiebant, & postquam semel facta sunt, non emendantur. Et quantò ingeniosius artificiosiusque fiunt; tantò manifestius produunt mysterium iniquitatis, quod nunc operari testatur Apostolus; donec reveletur ille iniquus, cujus hi præcursores esse videntur, omnibus speciose libertatem religionis promittentes, saltem donec principatum obtineant, & manifestam tyrannidem exercere queant: & illam libertatem soli impietati (hoc est, Calvinisticæ sectæ, aliisque sibi gratis hæresibus tantummodo) permittentes. Cùm enim Catholica religio hæcenus libera fuerit, quid promittendo libertatem religionis, intelligere possunt, nisi tyrannidem hæreticam, quâ Catholicam religionem extinguant?

Clamat Apostolus: Nolite jugum ducere cum infidelibus. Quæ enim participatio justitiæ cum iniquitate? aut quæ societas luci ad tenebras? quæ autem conventio Christi ad Belial? aut quæ pars fidei cum infidelibus? Et nos temporalem utilitatem prætextentes, ultro nobis præficimus hominem, qui palam se hæreticum, id est, lupum profitetur: ut hæreticorum communionem semel ingressi, à Christi societate Regisque obedientia separemur; & ut ipse novâ potestate adjutus, fidem Catholicam facilius extirpet, & suæ tyrannidi resistentes etiam malis artibus sub prætextu justitiæ opprimat. Nam ex hac causâ antiquissimo jure constitutum est, ut subditus fidelis non teneatur obedire superiori, si à fide Catholica manifestè defecerit, ne videlicet potestas, quæ fidelibus ad ædificationem datur, jam factis hæreticis, ad destructionem & subversionem fidei patrocinetur & serviat.

CUM patria hæc nuper maximo turbata dissidio, propter vim exterorum, qui putabantur eam velle exterminare, & in extremam servitutem redigere, in maximo periculo versaretur; ne fortè Auracus (qui cum suis tum temporis in armis erat) magnam ejus partem jam armis destitutam occuparet, & occupatam Catholicâ religione spoliaret, sicut prius in iis Hollandiæ, Zelandiæque partibus fecerat, quæ se illi subjecerant: ad vitandum tantum malum, multis viris bonis consentientibus, inita est quædam pax statuum harum provinciarum cum illo & statibus illi subiectis. Quam pacem multi pii & eruditi viri, attento rerum statu, qui tum erat cùm iniretur, etiam postea Catholicæ fidei utilem fore putaverunt, sicut subscriptionibus suis testati sunt: tum quia Auracus cum suis submittendo se ordinationi generalium statuum quoad exercitium religionis in Hollandia, Zelandia, & Bomelia, magnam reconciliationis spem præbebat (erant enim tum reliqui status harum provinciarum Catholici, & quâvis occasione datâ semper protestabantur, se velle retinere fidem Catholicam, & Catholicæ Majestatis obedientiam) tum etiam, quia per hoc subscribentium testimonium videbant futurum, ut D. Austriacus in Gubernatorem facilius susciperetur, faciliusque sic congregatis statibus generalibus in Hollandia & Zelandia religio Catholica instauraretur. Sed sicut

2 Cor. 7.

De pace Gandavensi & piorum subscriptione.

Luthe-

contra Cresconium Grammaticum olim ex professo destructa; nempe quòd hæretici nullà sint coertione puniendi, sed suo arbitrio relinquendi: eò quòd fides sit Dei donum. Nam hæresis ista continetur libello Antverpiæ edito auctoritate Illustrissimi Archiducis Austriæ, qui ex suæ receptionis formula, meritò præsumitur hanc editionem non admisisse sine consensu ordinum patriæ: qui etiam juraverunt, se modis omnibus impedituros, ne quis aut Catholicos aut hæreticos verbo aut factò, molestià propter suam fidem afficiat. Nam hoc juramento manifestè significant, se omnino intendere, unumquemque suo arbitrio relinquere; ut credat quod volet; sicut videtur libellus iste prætere. Est quidem fides Dei donum, sicut & cæteræ virtutes, quibus bene vivitur, & à vitiis abstinetur; propter quod orandum est, ut Deus incredulis fidem tribuat, sicut & cætera opera virtutum, quibus bene vivitur: sed est etiam opus liberi arbitrii, propter quod & verbis & suppliciis admonendum est liberum arbitrium, ut contra Evangelii prædicationem cor suum non obduret, nec resistat verbo veritatis; quia servus verbis non potest erudiri: multò autem minùs obstinatus hæreticus. Scripsit D. Augustinus contra hunc errorem etiam libellum *de Correctione & gratia*, ostendens non propterea negligendam esse disciplinam, quia gratia & donum Dei gratuitum est, ob quod neglectum quispiam corripitur: sed & diligenter orandum esse, ut Dei donum tribuatur: & nihilominus docendum, admonendum, & corripiendum liberum arbitrium, ut opus hominis esse comprobetur, quod etiam à Deo suppliciter postulatur.

De Juramento; quod jussu ordinum inferioris Germaniæ, à Clericis & Monachis exigitur.

UT autem intelligatur, cur suprà illicitum dixerim juramentum, quod jussu ordinum patriæ, per inferiores magistratus civiles à Clero & Monachis, sine præjudicio privilegiorum & libertatis Ecclesiasticæ (sicut irridendo ecclesiasticos dicere videntur) exigere jussum est: diligenter intuendum est, quid ipsum juramentum in se contineat. Imprimis enim continet affirmationem, seu probationem pacis Gandavensis, cum declaratione & assecuratione subsecuta: quæ declaratio continet expressam unionem jurantium cum iis, qui se vocant Desertores Romanæ & Catholicæ religionis. Igitur qualiscunque jam habenda sit pacificatio Gandavensis: at tamen quisquis hoc juramentum præstiterit, eo ipso, saltem ratione declarationis postea subsecutæ, communione jungitur cum iis, qui se vocant Desertores Romanæ Catholicæ religionis; ac per hoc recedit à communione Ecclesiæ Catholicæ, quæ cum manifestis, & suo judicio condemnatis hæreticis, communionem habere non potest, sitque schismaticis.

Secundò continet, quòd jurans ad hoc totis viribus laborabit, ut neque Catholici hæreticis, neque hæretici Catholicis, ob religionis causam, factò vel verbo ullam inferant molestiam. Quàm sollicitè huic parti satisfacere studeant

hæretici, nimis manifestè & plurimorum ingenti dolore ostenderunt Amsterdami, Harlemi, & aliis pluribus locis. Sed quisquis episcopus aut presbyter hoc juramentum præstiterit, nonne se àstringit, ut non pareat Apostolo scribenti Timotheo: Testificor coram Deo & Jesu Christo, qui judicatorius est vivos & mortuos, per adventum ipsius, & regnum ejus: prædica verbum; instā oportunè, importunè; argue, obsecra, increpa cum omni patientia, & doctrina. Et rursus ad Titum: Increpa illos durè, ut sani sint in fide. Nam hoc juramento constricti, ne verbo quidem importunus esse poterit; aut eos increpare, qui à veritate defecerint, aut ei restiterint: aut si quid tentaverit, statim prætextu perjurii, conjicietur in vincula, aut mittetur in exilium: imò tenebitur eos contra quemcunque defendere, si fortè propter religionem hæreticam impetantur. Potest quidem episcopus, aut presbyter certis temporibus & locis veritatem reticere: sed nunquam potest jurare, vel vovere, quòd eos non docebit, neque increpabit, qui veritati restiterint; & multò minùs, quòd eos contra quemcunque in sua impietate defendet: quia hoc est directè impio in sua impietate præbere auxilium.

Tertiò, decretum ordinum promissionem exigit, quod jurans corpore & bonis cooperabitur Archiduci Matthiæ, id est, Principi Auraico, qui sub ejus nomine imperat, ad ejiciendum D. Joannem Austriacum ex hac patria, cum omnibus illi coheræntibus. Hic civilem quæestionem non discutio: An ordines hujus patriæ, justas & sufficientes causas habeant insectandi Serenissimum Principem D. Joannem Austriacum, à Catholica Majestate constitutum generalem hujus patriæ Governatorem, & ab ipsismet ordinibus semel unanimi consensu susceptum: an potiùs quæsitæ, & à Principe Auraico confictas, suggestas, & malis artibus vulgo malè persuasas; ut sub nomine Archiducis, instantibus hominibus seditiosis, toti patriæ præficeretur, & ejusdem spoliis adjutus, Catholicæ Majestatis potentiaè faciliùs resisteret: Hoc solum nunc inquirò; An Clericis & Monachis liceat militem agere, ac corpore & bonis quempiam à patria fugare. Hoc olim conatus est Julianus Apostata, cogens clericos & monachos ad militiam: sed ejus conatus ab Ecclesia damnatus est. Cùm itaque Clericis non liceat militare, manifestum est iniquam esse constitutionem, quâ jubentur promittere, se tanquam milites, corpore & bonis cooperaturos, ut D. Joannes Austriacus cum omnibus sibi coheræntibus toto Belgio exturbetur.

Sed dicet quispiam, plerisque locis, per magistratus seculares, qui adhuc fideles dici volunt, & jurandi formam, ac ordinibus patriæ clericis propositam, forsitan erubescunt, à clericis non eam jurandi formam exigi, quam ordines præscripserunt; sed aliam quamdam mitiorem. Certè qualiscunque forma exigatur, difficultè est eos, qui jurant, non ingredi communionem cum iis, qui se vocant Desertores Romanæ Catholicæ religionis, (quibuscum ordines hujus regionis arctissimis juramentis constricti sunt, quosque contra quemcunque etiam in sua hæresi defendere juraverunt) & schismate non inquinari. Sed demus, per quosdam magistratus seculares, à suæ ditionis clericis juramentum exigi, quod neque communionem cum hæreticis contineat, neque impedimentum Evangelicæ prædicationis & correptionis, quam ab

Episco-

Episcopo requirit Apostolus, neque etiam promissionem cooperandi ad ejciendum D. Joannem Austriacum cum adhærentibus, sed tantum quod Clerici erunt suo ministerio contenti, nec quicquam molientur adversus eos, qui communem hostem D. Joannem Austriacum cum adhærentibus propulsabunt: adhuc tamen impium est juramentum. Non quia per se impium est quod juratur; sed quia ad hoc juratur, ut impio decreto, quod plane damnum ac fugiendum fuit, aliquo modo pareatur. Habet enim impietatis speciem, & suo exemplo ad impietatem ducit. Qui vult videri propolitis contra Evangelium vel edictis, vel legibus satisfecisse, inquit Cyprianus, hoc ipso jam paruit, quod videri paruisse se voluit. Unde nec solos thurificatos, qui sacrilegis idolothytorum contactibus manus suas atque ora maculassent, criminidicit obnoxios: sed etiam Libellaticos, qui nefandis libellis conscientiam polluisent, dando videlicet pecuniam idololatriæ exactoribus, & litteras satisfactionis accipiendo, quibus thurificasse viderentur, & impio edicto paruisse, cum tamen reipsa non thurificassent. Licetigitur æquari non debeat, qui impium juramentum, per ordines patriæ decretum & justum præstitit, ei, qui ut impio decreto satisfecisse videatur, connivente civili magistratu, aliud quippiam, aliquo licitum, juravit: attamen uterque lapsus est, & impio decreto consensit; alter jurando quod impium est; alter simulando, & alios suo exemplo ad impium juramentum provocando. Unde Cypr. de exhortatione martyrum cap. 11. Ne quis libelli, inquit, nec alicujus rei oblata sibi occasione, quâ fallat, amplectatur decipientium malum munus; nec Eleazarus tendendus est, qui cum sibi offerretur à ministris regis facultas ut accepta carne, quâ liceret vesci, ad circumveniens Regem simularet se illa edere quæ de sacrificiis atque illicitis cibis ingerebantur, consentire ad hanc fallaciam noluit, dicens nec ætati suæ, nec nobilitati convenire id fingere, quo cæteri scandalizarentur, & in errorem inducerentur. Nec jurantes excusat apud exactores quævis ante juramentum præstitum facta protestatio; quia & ipsi Libellatici apud exactores idololatriæ, teste Cypriano, pulcherrimam protestationem præmittent, & tamen non carebant crimine: tum quia volebant videri satisfecisse jussioni, quam avertis debuerant: tum etiam, quia alios ad satisfaciendum provocabant. Sic enim ait Cyprianus epist. 52. Quam acerba duritia, Libellaticos cum iis qui sacrificaverint jungere? quando is, cui libellus acceptus est, dicat: Ego prius legeram, & Episcopo tractante cognoveram, non sacrificandum idolis, nec simulachra servum Dei adorare debere; & idcirco ne hoc facerem, quod non licebat (cum occasio libelli fuisset oblata, quem nec ipsum acciperem, nisi offensa fuisset occasio) ad magistratum vel veni, vel alio eunte mandavi, Christianum me esse, sacrificare mihi non licere, ad aras diaboli me venire non posse, dare me ob hoc præmium, ne quod non licet faciam. Nunc tamen etiam iste, qui libello maculatus est, posteaquam nobis admonentibus didicit, ne hoc se facere debuisse; & si manus pura sit, & os ejus feralis cibi contagia nulla polluerint, conscientiam tamen ejus esse pollutam, flet, auditis nobis, & lamentatur. Ecce qualem protestationem, Cypriano teste, faciebat Libellaticus, priusquam satisfactionis libellum redimeret; & tamen dando pretium, ne faceret,

quod impiè mandabatur, recedebat mente pollutus: quia si non manifesto crimine, certè errore deceptus, id fecerat, quod non licebat: sicut etiam hoc tempore faciunt, quicumque magistratibus urgentibus quippiam jurant, ut jussioni ordinum patriæ cum hæreticis junctorum aliquo modo satisfecisse putentur, & deinceps ad jurandum non urgeantur; etiamsi alioqui licitum sit, quod juraverint. In hoc tamen differunt, qui licitum quippiam jurant, ab iis qui res jurant illicitas; quod hi jurantes, quod facere non possint, perjuri sint, sicut docet Aug. in ser. 117. in iis qui Lovanii recenter impressi sunt: illi verò minimè; sed tantùm in hoc peccant, quod impio decreto aliqua ex parte consentiunt, & suo exemplo alios ad consentiendum invitant, sicut diximus. Quod superest, opto R. T. P. rectissimè valere, & salutaribus consiliis semper auscultare.

L O V A N I O.

In credendi libertatem.

*Libera Religio quamprimum intravit in orbem;
Pelluntur subito pax pietasque simul.
Libera Religio ni mox excesserit orbe,
Asperius miseros bella futura prement.*

MICHAELIS BAII

TRACTATUS

DE

ECCLESIA.

CAPUT PRIMUM.

*Quòd nostri temporis Hæretici sectas suas ex antiquarum
hæresum fragmentis consunt.*



Inter plurimas errorum pestes quibus laborat nostra ætas, & quas spargunt nostri temporis Hæretici, si diligenter excutiantur, paucissimæ reperiuntur saltem in quas eorum factiones intendant, quæ non ex jam pridem extinctis hæresum favillis originem ducant: adeo ut non immeritò dicamus sectas Hæreticorum nostri temporis nihil aliud esse quàm perditorum hominum centones ex priorum hæresum fragmentis pro uniufcujusque arbitrio contextos. Alia enim sumunt ex Manichæo, alia ab Ærio, alia ab Ætio, alia à Joviniano, alia à Berengario & posterioribus Hæreticis: ex qua permixtione, prout visum fuerit, addito uno aut altero novo dogmate, sua conventicula faciunt.

Nam, v. g. quòd ajunt omnia quæ ab hominibus fiunt, tam bona quàm mala, certà & definità necessitate divinæ prædestinationis evenire, nempe ut sua facinora latenter Deo ascribant, & ipsi sine culpa sint, à Manichæo didicerunt; à quo in hoc tantum differunt, quòd ille aliud bonorum, aliud malorum statuebat principium; hi ab uno fonte bonitatis tam bonum quàm malum miserabili quadam necessitate & absurditate incredibili extra omnem rationem derivari contendunt.

Similiter quòd prædicant pro defunctis non esse offerendum vel orandum: Ecclesiasticis Constitutionibus, quæ de jeuniis & ciborum abstinentiis præscribunt, neminem teneri: Romanum Pontificem & cæteros Episcopos ejusdem esse potestatis & dignitatis, ab Ærio mutuati sunt, quem scribit Sanctus Augustinus in Arrianam hæresim lapsum propria quoque dogmata addidisse, nempe orare vel offerre pro defunctis non oportere, nec statuta solemniter

ter esse celebranda jejunia; sed cum quisque voluerit, esse jejunandum, ne videatur esse sub lege. Dicebat etiam, inquit Augustinus, presbyterum ab Episcopo nullâ differentiâ discerni.

Similiter in eo quodd bonorum operum merita tollunt, & bonis operibus ad-
verfantes in sola fide iustitiam & spem salutis constituunt, Aëtium sequuntur,
de quo Sanctus Augustinus inquit: fertur etiam usque adeo fuisse bonis operibus
inimicus, ut asseveraret quodd nihil cuiquam obesset quorumlibet perpetratio ac
perseverantia peccatorum, si ejus, quæ ab illo prædicabatur, fidei esset par-
ticeps.

Item quodd negant Sanctos invocandos, & eorum intercessionem contem-
nunt, à Vigilanti didicerunt, ad quem B. Hieronimus; *Dixi in libello tuo,*
inquit, quodd dum virum mutud pro nobis orare possumus, postquam autem mortui
fuimus, nullius sit pro alio exaudienda oratio; præsertim cum Martyres ultionem
sanguinis sui obsecrantes, impetrare nequiverint. Cui breviter respondet: *Si A-*
postoli & Martyres adhuc in corpore constituti possunt orare pro cæteris, qui pro se esse
debent solliciti, quodd magis post coronas, victorias & triumphos?

Jam verd quodd cœlibem vitam Sacerdotum & Monachorum Sancti-Monia-
liumque virginitatem incæstis nuptiis contaminant, Jovinianum habent au-
thorem, qui, sicut refert Sanctus Augustinus, virginitatem Sancti-Monialium
& continentiam sexus virilis, in Sanctis eligentibus vitam cœlibem, conjugiorum casto-
rum meritis adæquabat: ita ut quedam Virgines sacræ provecta jam ætatis in urbe
Roma, ubi hæc docebat, eo audito nupsisse dicerentur: Non sanè iste, inquit, habe-
bat vel habere volebat uxorem; quodd non propter aliquod apud Deum majus mæritum
in regno vitæ perpetuæ profuturum; sed propter præsentem vitæ necessitatem, ne homo
conjugales patiatur molestias disputabat. Quâ Joviniani disputatione si contenti
essent nostri temporis Hæretici, videri possent ratione aliqua velle Sacerdo-
tum, Monachorum & Sancti-Monialium continentiam tolerare: sed cum pa-
lam blasphemant eam esse impium cultum & sacrificium dæmonibus oblatum;
manifestè ostendunt se neminem tolerare velle nisi cubilibus & foetandis uteris
deditum, quia ita suæ libini vacet, sicut equus & mulus in quibus non est in-
tellectus.

Ab hoc Joviniano etiam initium sumpsit plausibilis illa pax & tranquilla salu-
tis securitas, quam suis sectatoribus in sola fide indifferenter pollicentur omnes
nostri temporis Hæretici, ut carnalis & imperita hominum multitudo hæc spe
inaniter delinita alacrius eam doctrinam suscipiat, susceptamque ferventiùs
defendat & pertinaciùs retineat, quæ in hac vita securam luxuriam, & in
futura nihilominus expectatione certissimâ gloriam pollicetur æternam.

Docuit enim Jovinianus eos qui in fide à se tradidâ præditi essent, lavacro re-
generationis accepto, ampliùs peccare non posse. Quem secutus Calvinus
nusquam non inculcat in bonis operibus nullam ponendam salutis fiduciam,
ne si conscientia bonis operibus incumbat, propter humanæ conversationis
incertitudinem, de sua futura salute aliqua ex parte fluctuet, de qua suos Secta-
tores certos & ex omni parte securos debere esse præcipit, etiamsi in iis sceleri-
bus perseverent, de quibus ait Apostolus quodd qui talia agunt, regnum Dei non
consequentur. Quid ex Berengario, Joanne Huss, Joanne Wicleff & similibus
hauserint, notius est quàm ut relatione egeat.

CAPUT II.

*Quod vera Ecclesiæ Catholicæ cognitio errorum omnium
nebulas faciliè possit de cordibus malè creden-
tium discutere.*

Quapropter his & similibus omisiss, unum tractemus quod ritè intelle-
ctum & humillimâ mente susceptum universas hujusmodi errorum nebulas
faciliè potest de cordibus malè credentium discutere, nempe quæ sit & ubi sit
Ecclesiæ Dei vivi, quam Apostolus dicit columnam esse & firmamentum veri-
tatis, quam Spiritus Sanctus inhabitans sanctificat, & omnem docet verita-
tem: & extra quam neque fides neque vera justitia potest consistere.

Nam quisquis illam probè noverit, & sinceram veritatem à Deo quæsierit,
faciliè intelliget sibi non esse ab ejus communione & magisterio recedendum,
quam noverit à veritate non posse deficere: & extra quam neque fides neque
vera justitia potest existere.

Hanc Hæreticorum alii in angulo aliquo mundi ad se trahere conantur, ut
Donatistæ dicentes Christi hæreditatem per Cæciliani consortium (quem de sa-
crorum librorum traditione accusabant, nec probabant) in toto orbe terrarum
defecisse, præter quam in eo Africæ angulo in quo non reperlebatur ejus com-
munio. Alii verò ut in errorum suorum tenebris faciliùs delitescerent, ne
possent manifesto Ecclesiæ testimonio redargui, illam occultam & nobis signo-
ram prædestinatorum Universitatem seu congregationem esse prætendunt: ut
Joannes Hus, & illius sequaces. Sed abscondi non potest civitas supra mon-
tem posita, Ecclesiæ super Christum ædificata; quia juxta prophetiam Danie-
lis, abscissus de monte sine manibus crevit in montem magnum, & omnia re-
gna terræ contrivit, quæ in idolis confidebant. De quo Isaias 2. *Et eris in no-
vissimis præparatus mons domus Domini in vertice montium*, hoc est super eminen-
tiam omnium patriarcharum & Prophetarum, qui eum præcesserunt; & ele-
vabitur super colles, quia videlicet à B. Petro & omnibus verè fidelibus Chri-
stus filius Dei vivi agnosceatur, Joanne Baptista, Eliâ, Jeremiâ, cæterisque
prophetis longè sublimior. *Et fluent ad eum omnes gentes, & dicent: venite,
ascendamus ad montem Domini, & ad domum Dei Jacob; & docebit nos vias suas,
& ambulabimus in semitis ejus: quia de Sion exibit lex, & Verbum de Jerusalem.*
Nam quod toties ante priorem Christi adventum de regno Christi, Abrahæ,
Isaac & Jacob promissum est: *in semine tuo benedicentur omnes Gentes; & domi-
nabitur à mari usque ad mare, & à flumine usque ad terminos orbis terræ: à civitate
Jerusalem sumpsit initium, & in omnibus terræ finibus tantùm cepit incre-
mentum, ut deinceps abscondi non possit: unde B. Ambrosius lib. 7. super
Lucam: illa Jerusalem quæ in cælo est, in qua militat fides nostra, in illo altissimo
omnium locata monte, hoc est in Christo, non potest tenebris & ruinis hujus mundi ab-
scondi, sed fulgens candore lucis æternæ, luce nos spiritualis gratiæ illuminat.* Et B.
Chrysostomus super Isaiam hom. 4. *facilius est, inquit, solem extinguî, quàm
Eccle-*

Ecclesiam obscurari. Nam, inquit Sanctus Hilarius, lib. 7. de Trinitate, *Ecclesia lumen doctrinae suae etiam imprudentiae saeculi inuehit, ut licet fidei sacramentum non suscipiat; tamen adversus Haereticos veritatem sacramenti à nobis intelligat. Magna enim vis est veritatis, quae cum per se intelligi non possit, per ea tamen ipsa quae isti adversantur, elucet, ut in natura sua immobilis manens, firmitatem naturae suae quotidie dum attentatur, acquirit. Obscuratur quidem; inquit B. Augustinus epist. 48. aliquando, & tanquam obnubilatur Ecclesia multitudine scandalorum: sed etiam tunc in firmissimis suis eminet, ut si aliqua in his verbis divinis distributio facienda est; fortasse non frustra dictum est de semine Abrahae: sicut stellae caeli & sicut arena quae est adoratio maris: ut in stellis caeli, pauciores, firmiores clariioresque intelligantur; in arena autem maritimi litoris, magna multitudo infirmorum atque carnalium, quae aliquando tranquillitate temporis quiescit & libera apparet, aliquando autem tribulationum & tentationum fluctibus operitur & turbatur.*

C A P U T I I I.

Quod sicut Christus ab Apostolis visus, à posteris tantum est creditus: sic Ecclesia Christi à prioribus tantum est credita, à posterioribus est visa.

Sicut ergo Messias ex antiquo tempore multis prophetarum testimoniis praenunciatus, multis ceremoniarum & oblationum observationibus praefiguratus, tandem in terris apparens & cum hominibus conversans visus est, ab Apostolis, & à Sancto Joanne Baptista dicente: *Ecce Agnus Dei*, digito in particulari demonstratus; & à posteris eorum creditus: sic etiam de Ecclesia seu Christi regno dicendum est, quod ex Prophetarum & Christi verbis prius à Prophetis & Apostolis, creditum sit, dicente Christo: *penitentiam agite, appropinquaretis &c.* & tandem post Christi Ascensionem reipsa visum & exhibitum. Unde B. Augustinus serm. * 4. inter recentem impressos, tractans illud: *quoniam scriptum est, quia sic oportebat Christum pati & resurgere à mortuis tertia die: viderunt hoc Apostoli*, inquit, *viderunt patientem, viderunt pendentem; viderunt post resurrectionem, presentem, viventem. Quid ergo non videbant? Corpus, id est, Ecclesiam: illum videbant, istam non videbant; sponsum videbant, sponsa adhuc latebat. Promittat & ipsam, sic scriptum est. ET SIC OPORTEBAT CHRISTUM PATI, ET RESURGERE A MORTUIS TERTIO DIE. Hoc sponsus est. Quid de sponsa? Et praedicari in nomine ejus poenitentiam & remissionem peccatorum, per omnes gentes incipientibus ab Hierusalem. Hoc nondum videbant discipuli, Ecclesiam per omnes gentes incipientibus ab Hierusalem nondum videbant. Caput videbant, & de corpore capiti credebant. Per hoc quod videbant, quod non videbant credebant. Similes illis sumus & nos. Videmus aliquid quod ipsi non videbant: & non videmus aliquid quod ipsi videbant. Quid nos videmus quod ipsi non videbant? Ecclesiam per omnes gentes. Quid non videmus quod ipsi videbant? Christum in carne constitutum. Quomodo illi illum, & de corpore credebant; sic nos corpus videmus, de capite credamus. In vicem adju-*

* 4. inter
17. sermo-
nes à Pa-
risiensibus
additis.

Luc. 24.
Ibid. Ec-
clesia futu-
ra per
mundum
ab ipso
(Christo)
praevidetur,
à Discipulis non-
dum vide-
batur. Cap-
ut asser-
ebat, cor-
pus promit-
tebat.

adjuvent visa nostra. Adjuvit eos visus Christus ut futuram Ecclesiam crederent: adjuvat nos visa Ecclesia, ut Christum resurrexisse credamus. Impleta est fides eorum, impletur & nostra. Impleta est illorum de capite, impletur nostra de corpore. Totus Christus & illi innotuit, & nobis innotuit. Sed totus ab eis non est visus, nec à nobis totus est visus. Ab eis Caput est visum, Corpus creditum: à nobis Corpus visum, Caput creditum. Nulli tamen deest Christus. In omnibus plenus est, & adhuc ei restat Corpus. Et Sermone * 71. tractans eandem Scripturam: Sic oportebat Christum pati & resurgere à mortuis tertio die: & prædicari in nomine ejus penitentiam in remissionem peccatorum, incipientibus à Hierusalem. Illud non vidimus, inquit, sed hoc videmus. Quando ista promittebantur, nondum videbantur. Apostoli Christum præsentem videbant; sed toto orbe terrarum diffusam Ecclesiam non videbant. Videbant Caput, & de Corpore credebant. Habemus vices nostras, habemus gratiam dispensationis & distributionis nostra ad credendum certissimis documentis, tempora nobis in una fide sunt distributa. Illi videbant Caput, & credebant de Corpore: nos videmus corpus, credemus de Capite. Hactenus Augustinus, ex cujus verbis manifestum est quoddam quemadmodum Christus aliquando in carne visus est, & postea à non videntibus creditus est: sic etiam Ecclesia, quæ prius tantum futura credebatur; postea etiam manifestè visa est, sicut adhuc hodie videtur. Et quemadmodum post Christi adventum nunquam satis fuit in genere credere quoddam aliquis venisset Messias de semine Abraham; sed semper credere oportuit quoddam verus Messias esset Jesus Nazarenus, Mariæ Virginis filius, natus in Bethleem Judæ, passus sub Pontio Pilato: sic etiam postquam Christi Ecclesia coepit in Hierusalem congregari, nunquam satis fuit in genere credere quoddam aliqua esset in mundo Christi Ecclesia, quæcunque tandem illa esset; sed semper necessarium fuit credere quoddam illa esset vera Christi Ecclesia quæ coepit in Hierusalem per Judæam, Samariam, & reliquas orbis provincias diffusa ab Apostolis fundata est Antiochiæ, Corinthi, Ephesi, Galatiæ, Philippis, Colossis, Thessalonicæ, Romæ, & aliis nationibus, quæ jam dictis Ecclesiis communione ficiantur, quæque Apostolos & eorum successores pro præfectis habent, & præsertim Romanos pontifices, qui sine ulla interruptione à B. Petro usque ad Gregorium XIII. manifestissimo ordine sibi successerunt, deficientibus cæteris. A qua Ecclesia separati sunt quicunque illam vel occultam esse contendunt, vel alio quovis modo persequendo eam manifestant, & suis inimicis non ignotam esse testantur: nisi enim eam nossent, non ita adversus eam fremerent, sicut Psal. 2. prædicitur: Quare fremuerunt gentes, & populi meditati sunt inania? Affiterunt Reges terræ & Principes conveniunt in unum adversus Dominum & adversus Christum ejus, eo genere sermonis quo ait Dominus in Actis: Saule, Saule, quid me persequeris? quia Discipulos suos usque in externas civitates persequabatur.

De his persecutoribus Ecclesiam Christi non ignorantibus, sic scribit B. Augustinus super Psal. 30. tractans illud: Qui viderant me, foras fugerunt à me: Ignoscendum esses, inquit, si foras fugissent à me qui me non videbant: etiam qui me videbant, fugerunt à me: nec dicendum est, foras fugerunt, quia intus non fuerunt. Si intus fuissent, vidissent me: id est, cognovissent corpus Christi, cognovissent membra Christi, cognovissent unitatem Christi. Illud est magis gemendum, illud omnino

* Serm.
167. seu
147. de
temp. in
fine.
Similia
habes Serm.
31. de Per-
dis Aposto-
li.

insolubile, quia multi qui videbant me, fugerunt à me; id est, qui cognoverant quid esset Ecclesia, exierunt foras, & hæreses & schismata contra Ecclesiam fecerunt. Illum da qui voluitur quotidie in Scripturis, qui legit, qui prædicat. Itane tandem non ibi vides: Postula à me, & dabo tibi gentes hæreditatem tuam; & possessionem tuam terminos terræ? Non ibi vides: Commemorabuntur & convertentur ad Dominum universi fines terræ, & adorabunt in conspectu ejus universæ patriæ gentium? Si vides ibi totius orbis unitatem; quid foras fugis, ut non solum ipse patiaris, verum & aliis facias cecitatem? Qui videbant me, id est, qui noverant quid sit Ecclesia, qui eam in Scripturis intuebantur, foras fugerunt à me. Putatis enim, Fratres mei, quia illi omnes qui fecerunt hæreses per loca & partes, non noverant in Scripturis Dei quia Ecclesia non est prædicata nisi toto terrarum orbe diffusa? Verè dico Charitati Vestræ, certè omnes Christiani sumus, vel Christiani omnes dicimur, & omnes Christi signo signamur. Obscurius dixerunt Prophetæ de Christo quàm de Ecclesia: puto propterea quia videbant in spiritu contra Ecclesiam homines facturos esse particulam, & de Christo non tantam litam habituros, de Ecclesia magnas contentiones excitaturos. Idèd illud unde majores lites futuræ erant, planius prædictum, & apertius prophetatum est, ut ad judicium illis valeat qui viderunt & fingerunt. Exempli gratiâ, unum commemorabo: Abraham pater noster fuit non propter propaginem carnis, sed propter imitationem fidei. Justus & placens Deo per fidem suscepit filium sibi promissum Isaac de Sara sterili uxore sua in senectute sua; iussus est immolare Deo eundem filium, nec dubitavit, nec disceptavit, nec de jussu Dei disputavit, nec malum putavit quod jubere Optimus potuit. Duxit filium suum ad immolandum, imposuit ei ligna sacrificii, pervenit ad locum, erexit dexteram ut percuteret: eo prohibente deposuit, quo jubente levaverat. Qui obtemperaverat, ut feriret; obtemperavit ut parceret: ubique obediens, nusquam timidus. Ut tamen impleretur sacrificium, & sine sanguine non discederetur, inventus est aries hærens in vepre cornibus; ipse immolatus est, peractum est sacrificium. Quare quid sit. Figura est Christi involuta sacramentis. Denique ut videatur, discutitur, ut videatur, pertractatur, ut quod involutum est, evolvatur. Isaac tanquam filius unicus dilectus figuram habens filii Dei, portans ligna sibi, quomodo Christus Crucem portavit. Ille postremò ipse aries Christum significavit. Quid est enim hære cornibus, nisi quodammodo crucifigi? Figura est ista de Christo. Continud prædicanda erat Ecclesia, prænnuntiato capite prænnunciandum erat & corpus. Cæpit Spiritus Dei, cæpit Deus ab Abraham prædicare velle Ecclesiam, & tulit figuram. Christum figuratè prædicabat, Ecclesiam apertè prædicavit: ait enim ad Abraham: Quoniam obaudisti vocem meam, & non pepercisti filio tuo dilecto propter me; benedicens benedicam te, & implendo implebo semen tuum sicut stellas cœli, & sicut arenam maris, & benedicentur in semine tuo omnes gentes terræ. Et pene ubique Christus in aliquo involuto Sacramento prædicatus est à Prophetis, Ecclesia apertè; ut viderent illam & qui futuri erant contra illam, & impleteretur in eis ista nequitia quam prædixit Psalmus: qui videbant me, foras fugerunt à me.

*Psal. 2.
Psal. 21.*

CAPUT IV.

*Quâ ratione Ecclesia à cæteris conventiculis
dignosci queat.*

Postquam monstravimus Ecclesiam Dei non occultam, sed visibilem; non solum Fidelibus eam diligentibus, sed etiam Hæreticis & Infidelibus eam persequentibus; superest ut non ex nostris conjecturis, sed ex certissimis Scripturæ testimoniis ostendamus quâ ratione dignosci queat, & à cæteris hominum conventiculis distinguatur. Nam licet à nostri temporis hæresibus & schismatibus satis ex eo discernatur, quod illa neque templum, neque altare, neque sacrificium, neque Episcopos, Sacerdotes, Monachos aut Moniales, neque juxta clarissimum Evangelii testimonium consilia Christi complectantur; sed tantum declamationum, seu potius debacchationum Synagogas, in quibus maledici homines impudenter garruli, suâ loquacitate vulgus & alios auribus prurientes insanire faciant.

Attamen ut ab iis conventiculis discernatur, quæ cum societate Fidelium templum, altare, sacramenta, & colendi ritum communem servant, cujusmodi veniente Christo, fuisse videntur Saducæi & Pharisei: & post ejus Ascensionem, Arriani, Donatistæ & Pelagiani: Necessum est ad Sacras Scripturas habere recursum, & ex his discere quid sit veræ Ecclesiæ Christi proprium, quo à cæteris coetibus qui se Christi Ecclesiam esse mentiuntur, distinguatur; sicut in opere imperfecto super Mathæum latè prosequitur Chrysostomus. *Cum videritis abominationem desolationis stantem in loco sancto*, id est, „cùm
„videritis hæresim impiam, quæ est exercitus Antichristi, stantem in locis
„sanctis Ecclesiæ. In illo tempore qui in Judæa sunt, fugiant ad montes;
„id est qui sunt in Christianitate, conferant se ad Scripturas. Sicut enim ve-
„rus Judæus est Christianus, dicente Apostolo, *non qui in manifesto Judæus est*,
„sed qui in occulto: sic vera Judæa, Christianitas est; montes autem sunt
„Scripturæ Apostolorum aut Prophetarum, de quibus dictum est: *illuminans*
„*te mirabiliter à montibus æternis*: Et iterum de Ecclesia dicit: *Fundamenta ejus*
„*in montibus Sanctis*. Et quare jubet in hoc tempore omnes Christianos con-
„ferre se ad Scripturas? Quia in hoc tempore ex quo obtinuit hæresis illas
„Ecclesias, nulla alia probatio potest esse veræ Christianitatis, neque refu-
„gium Christianorum aliud volentium cognoscere fidei veritatem, nisi Scri-
„pturæ divinæ. Antea enim multis modis ostendebatur quæ esset Ecclesia
„Christi, & quæ Gentilitas: nunc autem nullo modo cognoscitur à volenti-
„bus cognoscere fidei veritatem, quæ sit vera Ecclesia Christi, nisi tantum-
„modo per Scripturas. Quare? Quia omnia hæc quæ sunt propriè Christi in
„veritate, habent & hæreses illæ in Schismate, similiter Ecclesias, similiter
„& ipsas Scripturas divinas, similiter Episcopos & alios ordines Clericorum,
„similiter baptismum, similiter Eucharistiam, & cætera omnia, denique ip-
„sum Christum. Antea per signa cognoscebantur qui erant veri Christiani,

„ & qui falsi: nunc autem signorum operatio levata est. Item ex moribus ip-
 „ sis prius intelligebatur Ecclesia Christi, quando conversatio Christianorum
 „ aut omnium aut multorum erat sancta, quæ apud impios non erat: nunc au-
 „ tem aut tales aut peiores facti sunt Christiani, quales sunt Hæretici aut Gen-
 „ tiles. Qui ergo vult cognoscere quæ sit vera Ecclesia Christi, unde cognos-
 „ cat nisi tantummodo per Scripturas? Sciens ergo Dominus tantam confusio-
 „ nem rerum in novissimis diebus esse futuram; ided mandat ut Christiani,
 „ qui sunt in Christianitate, volentes firmitatem accipere fidei veræ, ad nullam
 „ rem fugiant nisi ad Scripturas, &c. Hactenus Chrysostomus.

Qui ergo veram Christi Ecclesiam cupit generaliter ab omnibus errorum
 conventiculis; & præsertim ab eo cœtu qui tempore Antichristi, pro Dei
 templo, id est, Ecclesia sese gesturus est, sufficienter discernere; is secun-
 dum B. Chrysostomum non immeritò debet ad Scripturas Sacras habere re-
 cursum.

C A P U T V.

Quantum mali sit in Ecclesia non esse.

I Deoque tantò studiosius atque diligentius ad Sacras Scripturas recurren-
 dum, ad discernendam veram Christi Ecclesiam; quantò periculosius est aut
 in ea non esse, aut ab ea recedere, aut ei non obedire. Si enim quis Eccle-
 siam, inquit Christus, non audierit; sit tibi sicut Ethnicus & Publicanus.
 „ Hæc nos Deo servat, inquit Cyprianus: Hæc filios regno quos generavit as-
 „ signat. Quisquis ab Ecclesia segregatus adulteræ jungitur, à promissis Ec-
 „ clesiæ separatur; nec perveniet ad Christi præmia, qui reliquit Ecclesiam
 „ Christi; alienus est, prophanus est, hostis est: habere jam non potest Deum
 „ Patrem, qui Ecclesiam non habet matrem. Si potuit evadere quisquis extra
 „ arcam Noë fuit; & qui extra Ecclesiam fuerit, evadit. Monet Dominus,
 „ & dicit: *qui non est mecum, adversum me est, & qui non colligit mecum, spargit.*
 „ Qui pacem Christi & concordiam rumpit, adversus Christum facit: qui ali-
 „ bi præter Ecclesiam colligit, Christi Ecclesiam spargit sit licet dives, magnus,
 „ scientiâ, & dicendi docendique gratiâ spectabilis; si tamen superbiâ elatus,
 „ dominica retia scindat, non ad littus intra vasa dominica servandus colligitur,
 „ sed in mari periturus relinquitur.

Nec se quidam vanâ interpretatione decipiant, quod Dominus dixerit: *ubi-
 „ cunque fuerint duo vel tres collecti in nomine meo, ego cum eis sum.* Non enim in
 nomine Domini colligunt, qui ad hoc conveniunt ut unitatem scindant, &
 inconfutilem Domini tunicam dissipent. Non possunt convenire cum Capi-
 te, qui ad hoc congregantur ut faciant divisionem in corpore. *Quomodo pos-
 „ sunt duo aut tres in nomine Christi colligi, dicit Cyprianus, quos constat à Christo
 „ ab ejus Evangelio separari?* In nomine Christi congregari non possunt inimici
 fratrum, æmuli Sacerdotum, flagrantes invidia & supercilio pereuntes; quia
 ad hoc tantum congregantur, ut Dei traditione contemptâ, fideique veritate
 convulsâ doctrinas à se præsumptas, & magisteria humanæ institutionis indu-
 cant;

L. de uni-
 tate Eccle-
 siæ.

Ibid.

cant; & quos ad errorem divisionemque propensos invenerint, ab universitate separent, & ad se in angulo aliquo pelliciant, ad quem universam Christi Ecclesiam seu hæreditatem jam tandem esse redactam contendunt.

CAPUT VI.

Quod Ecclesia toto orbe non in angulo quærenda sit.

QUOD vera Christi Ecclesia, quæ sollicita est servare unitatem Spiritûs in vinculo pacis, de qua scriptum est: *unum corpus, unus spiritus; sicut vocati estis in una spe vocationis vestræ; unus Deus, una fides, unum baptisma, unus Deus & Pater omnium*: Quod, inquam, hæc Ecclesia à civitate Hierusalem cœpta sit & toto orbe diffusa, nec in angulo aliquo terræ apud Confessionistas, Calvinistas aut aliud quodvis schisma, sed toto terrarum orbe quærenda sit, tam evidentibus Scripturis ostenditur, ut qui hoc non videt, merito cæcus reputetur. Genes. 22. *Propter memetipsum juravi, dicit Dominus, quia fecisti hanc rem, & non pepercisti filio tuo primogenito, benedicam tibi, & multiplicabo semen tuum, sicut stellas cæli, & velut arenam quæ est in histore maris: possidebis semen tuum portas inimicorum suorum; & benedicentur in semine tuo omnes gentes terræ.* Hoc idem testamentum juramento firmatum repetit ad Isaac Gen. 26. & ad Jacob Gen. 28. quod in Gentibus impletum esse testatur Apostolus ad Gal. 3. & 4. Hoc enim Testamentum à Deo confirmatum, quando post quadringentos & triginta annos facta est Lex, non irritum facit ad evacuandam promissionem; sicut etiam prophetavit Isaias dicens: *repleta est terra scientiâ Domini sicut aqua maris operientis*: & rursus cap. 49. *Parum est ut sis mihi servus ad suscitandas tribus Jacob, & feces Israël convertendas. Dedi te in Lucem Gentium, ut sis salus mea usque ad ultimum terræ*: & rursus: *Redemptor tuus, Sanctus Israël, Deus universa terra vocabitur.* Unde & illud Psalm: *Postula à me, & dabo tibi gentes in hæreditatem, & possessionem tuam terminos terræ.* Et quia hæc hæreditas in terra cum bonis malos etiam erat habitura, ideo subditur: *Reges eos in virga ferrea, & tanquam vas figuli confringes eos.* Nam super quæ lapis angularis ceciderit, conteret; etiam si prius sine veste nuptiali in cœna cum cæteris invitatis recubuerit.

Quod ergo à Prophetis tanto tempore prædictum est, hoc necesse fuit impleri, sicut Lucæ 24. testatus est Christus, cum ait: *Isti sunt sermones quos locutus sum ad vos, cum adhuc essem vobiscum, quia oportebat adimpleri omnia quæ scripta sunt in Lege Moysi, & Prophetis & Psalmis de me.* Quomodo autem implenda erant, statim exprimit dicens: *Quoniam sic scriptum est: Et sic oportebat Christum pati & resurgere à mortuis tertiâ die, & prædicari in nomine ejus penitentiam & remissionem peccatorum IN OMNES GENTES, incipientibus ab Hierusalem.* Quibus verbis etiam istud addidit, sicut idem Lucas testatur in Actis cap. 1. *Eritis mihi testes in Hierusalem, & in tota Judea & Samaria & USQUE AD EXTREMUM TERRÆ.* Quod quemadmodum cœperit, & paulatim Spiritu Sancto misso de cœlo impletum sit, etiam in Actis exprimitur; dum prædicante Petro adjectæ sunt uno die animæ credentium circiter tria millia:

& Stephano lapidato omnes dispersi sunt per regiones Samarizæ præter Apostolos, & transeuntes evangelizabant verbum Dei. Cùmque per regiones Judææ & Samarizæ prædicatum esset verbum Evangelii, statim describitur visio quâ Petrus instruitur jam tempus esse ut impleatur quod apud Esaïam dicitur: *Dedi te in salutem Gentium, ut sis salus mea USQUE AD EXTREMUM TERRÆ*: hoc est, ut Christus Cornelio Centurioni & cæteris Gentibus prædicaretur. Ad quod opus etiam Paulus & Barnabas segregati sunt, dicente Domino: *Segregate mihi Paulum & Barnabam in opus ad quod assumpsi eos*: qui licet initio per singulas civitates in omnibus Judæorum Synagogis prædicarent; attamen turbis Judæorum nimis apertè contradicentibus his quæ à Paulo dicebantur, dixerunt Paulus & Barnabas, *vobis oportebat quidem loqui verbum Dei, sed quoniam repellistis illud, & vos indignos judicatis æternæ vitæ; ecce convertimur ad Gentes: sic enim præcepit nobis Dominus*: posui te in lucem Gentium, ut sis salus mea usque ad extremum terræ. *Audientes autem Gentes gavise sunt, & crediderunt quotquot præordinati sunt ad vitam æternam.*

Disseminabatur autem verbum Domini per universam regionem, sicut ulterius partim in Actis Apostolorum, partim in aliis explicatur historiis. Sed quomodocunque istud impletum sit, partim impletum esse, partim omnino implendum nullo modo dubitari debet, non tantum ob verba Apostoli Pauli, quibus scribit Romanis se ab Hierusalem per circuitum usque ad Illiricum replevisse Evangelium Christi, & proponit se in Hispaniam profecturum; sed etiam ob antiquissima Prophetarum vaticinia, quibus testantur Deum jurasse immutabiliter & sine poenitentia proposuisse se hoc impleturum; & ob certissimam Christi promissionem, quâ testatus est Matth. 24. quod prædicabitur hoc Evangelium Regni in universo orbe, in testimonium omnibus Gentibus, & tunc veniet consummatio sæculi.

C A P U T V I I.

Ecclesiam per totum orbem diffusam usque ad consummationem sæculi permansuram.

CÆterum sicut Donatistæ suo tempore; sic etiam nostri temporis Hæretici, non valentes negare quod in Lege, Prophetis & Psalmis, imò & in Evangelio promissum, & in Actis Apostolorum adimpletum esse describitur: nempe conversos esse ad Dominum universos fines terræ; hoc quidem semel fateantur impletum: sed sicut Enoch solus translatus est; Noë cum conjugibus, filiis, & nuriis, solus in Arca meruit liberari; Loth cum solis filiabus meruit de Sodomis educi; & populo Israël multiplicato, ex Tribus quibus David & Salomon præfuerunt, duæ tantum meruerunt conservari, reliquis à vera religione deficientibus: sic etiam nunc totum mundum à fide semel suscepta detecisse contendunt, & se solos in ea fide prima stetisse quæ ab Apostolis tradita est Ecclesiæ.

Responsio: Si quemadmodum de Enoch, Noë, Loth, in Scripturis Sanctis legimus quod cæteris pereuntibus ipsi liberati sunt, sic etiam de Donatistis, Hussitis, Lutheranis & Calvinistis legeremus quod cæteris deficientibus, ipsi soli

foli in fide catholica perstitissent; sicut illud credimus, sic & istud crederemus. Sed quia prius in Scripturis Sacris manifestè legimus, & de posteriori nihil prorsus scriptum invenimus, nisi quod partem appositam manifestè convincit; idèd prius firmiter credimus, & posterius cum magna fiducia rejicimus. Oportet enim Evangelii prædicationem non aliquo schismatis aut hæresis angulo concludi, sed toto terrarum orbe compleri, & tunc veniet consummatio, inquit Christus. Id quod etiam comprobatur parabola, quam de zizaniis in medio tritici superfeminatis proposuit & exposuit, dicens agrum esse mundum in quo diabolus superfeminavit zizania in medio tritici, & mandat servis ut sinant utraque crescere usque ad messem, id est, usque ad mundi consummationem.

Igitur usque ad consummationem sæculi in agro Domini, id est, in toto mundo non tantum crescunt zizania sed etiam triticum, per quod boni Fideles intelligendi sunt, qui etiam si propter scandalorum & persecutionum abeuntio, plerisque locis non tantum Hæreticis, quibus præposterum est bonos Fideles malorum criminibus detestando errore infamare, sed etiam Fidelibus non semper appareant; sicut Eliæ suo tempore in decem Tribubus non apparebant septem millia virorum quos Dominus sibi reliquerat, qui non curvaverunt genua sua ante Baal. Attamen sicut & vento persecutionis resistente distinguuntur à paleis, & sic impletur quod servis à patre familias mandatum est: *sinite utraque crescere*, videlicet zizania & triticum, *usque ad messem*, id est sæculi consummationem, quando non Hæretici hujus temporis, qui se velut triticum à toto mundo, tanquam à paleis segregare præsumunt; sed messorum Angelii colligent de regno Domini toto orbe disperso omnia scandala & eos qui faciunt iniquitatem; & mittent eos in caminum ignis, ubi erit fletus & stridor dentium. Nam & Anti-Christo veniente, juxta Apocalypsim, Gog & Mogog castra Sanctorum & civitatem dilectam non in uno conclusam loco, sed super terræ latitudinem, id est, toto orbe diffusam coangustiaturi sunt, sicut l. 20. de Civit. Dei c. 7. interpretatur D. Augustinus.

Igitur non tantum credendum est Ecclesiam Christi successione temporis toto orbe diffundendam; sed etiam Christo veniente toto terrarum orbe adhuc triticum cum zizaniis fore permixtum; & ultimâ ventilatione per Angelos messorum separandum. Illud tamen quod ultimo loco assumebatur de decem Tribubus Israël statim post mortem Salomonis sub filio ejus Roboam à vera religione lapsis, ex eo salum esse convincitur, quod Deus has decem Tribus secundum Scripturas, à reliquis duabus separari præcepit. Deus enim nunquam jubet schisma aut hæresim fieri: *Regni ergo*, inquit B. Augustinus, *non religionis divisio fuit, cum Deus inter duas Israëlites partes divisionem fieri præcepit*. Nam de decem Tribubus, quæ schisma fecisse putantur, peculiariter à Domino Eliæ dicitur: *reliqui mihi septem millia virorum qui non curvaverunt genua sua ante Baal*: quos Deus non diceret se sibi reliquisse, seu servasse, sed potius cum cæteris labi permisisse, si non tantum regno cum contribulibus suis, ob injustitias se à tribu Juda separassent, sed etiam in religione schisma fecissent; sicut postea fecerunt Samaritani & alii qui idola coluerunt. Nam quisquis à schismate non recedit, sed illi cohæret & consentit, schismatici culpam incurrit:

rit: sicut Numer. cap. 16. dicitur: *Recedite à tabernaculis hominum impiorum, ne involuamini in peccatis eorum.*

Sed obijciat quod ait Dominus in Evangelio: *Verumtamen Filius hominis veniens, putas inveniet fidem in terra:* per quod significatur ipsum Christum, qui omnium corda scrutatur, cum ad judicandum venerit, nullam fidem inventurum esse in terra. Igitur non est absurdum dicere quodd universus mundus, qui terræ nomine significatur, à fide Christi apostataverit: & quodd vera fides veraque Christi Ecclesia in aliquo orbis angulo remanserit.

Responsio. Si nunc tempus impletum est, de quo nunc Hæretici prætendunt dictum esse, quodd filius hominis veniens non inveniet fidem in terra; non est cur ipsi sibi præ cæteris fidem vendicent: cum & ipsi cum eis habitent in terra de qua scriptum est: *Filius hominis veniens, putas inveniet fidem in TERRA.* Si verò hæc non obstante Scripturâ fidem se habere contendunt, necessum est fateantur nihil ob stare quominus & aliqui cum ipsis in terra sunt, etiam fidem habere queant. Cum ergo Christus per fidem in cordibus nostris habitet, & se nobiscum usque ad sæculi consummationem futurum esse promiserit; fatendum est fidem in terra nunquam defuturam usque ad consummationem sæculi: sed illud à Christo dictum esse videtur vel propter ipsam fidei perfectionem, quæ ita inventu difficilis est in hominibus, ut etiam in Moysæ aliquid trepidationis inventum sit: vel propter nostram dubitationem, quam Christus in se transfiguravit significans aliquando futurum ut propter multa scandala circa finem sæculi pullulantia, infirmitas humana nonnunquam dubitet, an in terra supersint veri Fideles; sicut suo tempore in decem Tribubus dubitavit Elias, & in Psalmo dubitasse videtur, qui ita ait: *Salvum me fac, Domine, quoniam defecit sanctus; quoniam diminutæ sunt veritates à filiis hominum:* & tamen utramque genus, videlicet triticum & zizania, usque ad messem crescet in agro Domini: & ipse unus homo, quod est corpus Christi ex multis constans, tanquam Enoch Deo placens transferetur, & tanquam Loth de Sodomis, & tanquam Noë de diluvio ad Dominum clamans liberabitur. An fortè Dominus hæc loquens ejusmodi Hæreticos notare voluit, quos prævidebat aliquando dicturos universum mundum præter se detecisse à fide? Nam statim sublequitur quodd Dominus eis loquebatur qui sibi iusti videbantur, & aspernabantur cæteros, quales sine dubio sunt qui se solos cæteris lapsis fidem reservasse contendunt. Sicut igitur Scriptura hæc nihil obstat quominus in aliqua parte terræ fides catholica usque in finem remaneat: sic etiam nihil prohibet quominus zizania toto terrarum orbe usque ad consummationem sæculi simul crescant cum tritico.

E X I M I I

M. N.

MICHAELIS BAII

O R A T I O :

*An solus Romanus Pontifex immediatè à Deo * suam Jurisdictionis potestatem habeat, cæterique Episcopi per eum? ^{En MSS. K. & L. primam edita.}*
An verò omnes Episcopi æque immediatè à Deo? habita ^{L. sua.}
Lovanii in scholis Theologorum, partim 4. Maii, partim penultimo Augusti, anno 1575.



Um Patres Concilii Tridentini de iis agerent quæ Sess. 23. de ^{L. omitti} residentia Episcoporum conclusa fuerunt, à pluribus eorum ^{no. parva difficultas.} mota est non parvi momenti nec parvæ difficultatis quæstio, utrum Episcopi jure divino suis præfecti sint Ecclesiis, & suam Episcopalem jurisdictionem à Deo immediatè accipiant: an verò solum à Pontifice Romano.

Non quærebatur ab eis an Episcopi à Deo eam accipiant potestatem, quâ ^{L. interpretatur quæstio.} baptizatos confirmant, & confirmatos in Subdiaconos, Diaconos aut Sacerdotes consecrant: quia sicut Sacerdotes per hominem quidem, non tamen ab homine, sed à Domino Jesu Christo in sua ordinatione accipiunt potestatem consecrandi panem in Corpus Domini, & vinum in sanguinem: sic etiam dubitandum non est Episcopos accipere eodem modo potestatem confirmandi Fideles, consecrandi ministros Altaris, & suos subditos ligandi solvendique. Sed vertebatur quæstio, utrum quemadmodum Pontifex Romanus, eo ipso quo à Cardinalibus electus in Episcopum Romanum consecratur, immediatè à Deo super illam Ecclesiam Episcopus efficitur, & super universam Ecclesiam eum primatum & potestatem accipit, quam suo tempore D. Petrus in discipulos habuit; sic etiam quivis alius Episcopus eo ipso quo à certis hominibus ^{K. discipulis.} ad hoc constitutis certæ diocesis prius à Romana Ecclesia constitutus Episcopus eligitur, & consentiente eodem consecratur, immediatè à Deo super illam diocesim potestatem & jurisdictionem Episcopalem accipiat, quam possit exequi quæ pertinent ad fidelem & prudentem servum, quem constituit ^{K. jam.} Dominus super familiam suam. De qua quæstione in dicta sessione 23. nihil aliud conclusum invenimus, quàm præcepto divino mandatum esse omnibus quibus animarum cura commissæ est, oves suas agnoscere, pro his sacrificium

cium offerre, Verbiq; divini prædicatione, sacramentorum administratio-
ne, ac bonorum omnium operum exemplo pascere, pauperum aliarumq;
miserabilium personarum curam paternam gerere, & in cætera munia pasto-
ralia incumbere. Quæ conclusio etsi Episcopos cæterosq; curam animarum
habentes ad personalem residentiam constringere videatur, attamen quæstio-
nem hanc non dissolvit. Quoniam sicut is qui ecclesiastico vel civili munere
alteri subijcitur, quandiu subiectus est, jure divino tenetur illi obedire, juxta
illud: *obedite præpositis vestris, & subjacetis eis*: & rursus: *omnis anima potesta-
tibus sublimioribus subdita sit*: sic etiam quisquis præest, sive ecclesiastico mune-
re sive civili præfectus sit, quandiu tamen præfectus est, tenetur jure divino
in iis quæ sui sunt muneris illis consulere, quibus hoc modo præfectus est,
quia omnibus indifferenter dicitur: *pascite qui in vobis est gregem*, provi-
dentes non coactè sed voluntariè. Et idèd in hac Sessione quæstio jam prædi-
cta non tam soluta fuisse videtur, quàm prudenter & ingeniosè dissimulata,
ne fortè diversæ Patrum opiniones & sententiæ confusionem aliquam aut dis-
ensionem parent.

Cæterùm Joannes de Turre-cremata annos aliquot post Basileense Conci-
lium, quæstionem hanc ex professo & latè tractavit, lib. 2. suæ summæ de
Ecclesia cap. 54. & sequentibus; contendens non tantùm Episcopos & alios
inferiores pastores; sed etiam universos Christi Apostolos non immediatè à
Christo, sed mediante Petro jurisdictionis accepisse potestatem, ed quodd
Petro concessum sit ut reliquis præesset Apostolis, nec possit dici, ut existi-
mat, reliquis præfuisse, nisi ab eo potestas jurisdictionis derivetur. Sed huic
ejus positioni, quantum ad hanc partem attinet, quæ Apostolos Christi con-
cernit, valde obfistere videtur quod Matth. 10: 8. & Marci 6: 6. & Luc. 9: 8.
dicitur Christum duodecim Apostolos, quorum nomina etiam expressit, mi-
sisse, præcipiendo eis: *in viam Gentium ne abieritis, (& in civitates Samaritano-
rum ne intraveritis, sed potius ite ad omnes qui perierunt domus Israël: euntes autem
predicate dicentes quia appropinquavit regnum Dei.)* Ubi etiam additur quodd
egressi *circuibant per Castellà evangelisantes & curantes ubique*: ita nec Petro
mediate ibi missi esse significantur, neque ab illo potestatem aliquam accipere
potuerunt, quam nondum à Christo acceperat, sed per omnia adhuc cæteris
parerat in potestate. Quodd si fortè prædictus Joannes de Turre-cremata præ-
tenderit omnes Apostolos ante Christi passionem immediatè missos fuisse à
Christo ad omnes qui perierant domus Israël; sed post Christi passionem & re-
surrectionem, cum Petrus esset jam Pastor constitutus, cæteros Apostolos ad
Judæos & Gentes nonnisi ipso mediante missos fuisse: imprimis aliud docere
videtur Matthæus cap. 28. & Marcus cap. 16. dicentes Christum post resurre-
ctionem suam Apostolis omnibus indifferenter dixisse: *Euntes in mundum uni-
versum predicate Evangelium omni creatura, docentes eos servare quæcunque manda-
vi vobis.* Cui subijcit Marcus: *illi autem profecti predicaverunt ubique, Domino
cooperante & sermonem confirmante sequentibus signis*: nullà omnino factà mentio-
ne quodd Petrus à Domino, cæteri verd à Petro missi sunt. Sed liceat hic rod-
dità ratione quam supra posuimus, ex verbis Christi alium sensum eruere,
quàm verba ipsa præ se ferant, dicendo Evangelium ibi nullam quidem inter
Petrum

L. hinc
emittit.

K. omittit
passionem
&.

L. eviden-
ter.

L. collige-
re.

Petrum & cæteros Apostolos differentiam ponere; sed quia jam caput erat Ecclesiæ, illam esse subintelligendam. Qui tamen commentandi modus, nempe ratione redditâ sensum dare qui nobis videtur, si D. Augustino credimus, consuetudo periculosa est.

Quid ad Apostolum dicemus qui Galathis scribens ait: *Paulus Apostolus non ab hominibus neque per hominem, sed per Jesum Christum & Deum Patrem, qui suscitavit eum à mortuis*, &c. Nam si omnes Apostoli suam jurisdictionem à Petro acceperunt: igitur Apostolus Paulus non tantum per hominem, sed etiam ab homine suam commissionem accepit, & non Christi sed Petri Apostoli tuit & legatus; sicut nunc Pontificis Legatus dicitur quisquis ab illo cum potestate mittitur: nec debuit Apostolus apud Galathas gloriari quod Jacobus & Cephas & Joannes, qui videbantur columnæ esse, dextras dederunt ei & Barnabæ societatis. Nam si reliqui Apostoli à Petro missi sunt; igitur non socii sed Vicarii duntaxat fuerunt & ejus Legati, id quod nemo facile concesserit. Maxime cum Pontifices Romani usque in hodiernum diem omnes Fideles filiorum nomine appellent, exceptis Episcopis quos vocant Fratres; sicut etiam à D. Cypriano vocatus est Cornelius.

L. ab hominibus, sed etiam per hominem, L. non solum Christi.

Quibus consideratis forsan suspiceretur quispiam Joanni de Turre-cremata in hac disputatione, quantum ad Apostolos pertinet, id contigisse quod ait Augustinus: *De fide & operibus*: ERRANT, inquit, homines non servantes modum, & cum in unam partem procliverit ire cæperunt, non respiciunt divinam auctoritatis & testimonia, quibus possint ab illa intentione revocari, & in ea quæ utriusque temperata est veritate & moderatione consistere.

L. omittit & moderationem.

Quidam intuentes in Scripturis Virginitatis laudem, inquit, connubia damnaverunt: quidam rursum ea testimonia celsantes, quibus casta connubia prædicantur, virginitatem nuptiis aquaverunt. Quidam cum legerent: Bonum est, Fratres, non manducare carnes & non bibere vinum: Nonnullas Dei creaturas & quas voluerunt escas, immundas esse senserunt. Quidam verd legentes: omnis creatura Dei bona est, & nihil rejiciendum quod cum gratiarum actione percipitur, in voracitatem violentiamque lapsi sunt. Sic & in hac causa quæ habetur in manibus, quantum apparet, Joannes de Turre-cremata considerans cunctis Evangelium scientibus liquere quod voce Dominicâ Sancto & Apostolorum omnium principi Petro totius Ecclesiæ cura commissa sit, sic ut non tantum suæ diocesi intendere habeat, sed etiam cæterorum Episcoporum vitia corrigere & defectus supplere, illique dictum sit: *Tibi dabo claves regni cælorum*: &, *Petre, amas me, pasci oves meas*; inter quas oves & cæteri Apostoli nominantur, consequens esse putavit ut cæteri Apostoli in potestate Apostolica sibi à Christo data non essent ei fratres & socii, sed tantum vicarii. Quod de Apostolo Paulo quomodo dici possit non intelligo, nisi prorsus non attendendo quod ipse de seipso Galathis scripserit ut diximus: nec ejusmodi quidpiam concludit ratio quæ sic colligit: Petro concessum est ut reliquis præficeret Apostolis: igitur potestas reliquorum à Petri potestate derivatur. Quia & Joseph à Pharaone concessum est ut & domui Regis, & universæ terræ Egypti præficeret, nec tamen ab ejus potestate derivata est eorum Ministrorum commissio, qui ante Joseph ad ministerium assumpti potestatem suam immediatè à

L. nuptias.

L. accipitur.

L. legitimis.

L. debent.

Fortè nominantur.

K. susceperant.

Rege acceperant: sic igitur & in familia Christi fidei & prudenti servo quem constituit Dominus super familiam suam, subiecti esse possunt universi, etiam si nonnulli eorum à Domino immediatè suam potestatem susceperunt, sicuti de potestate conficiendi sacramenta extra omnem controversiam est. Sed Julius Papa 2. q. 6. c. *qui se fecit*; videtur dicere quòd Ecclesiæ Romana universis Episcopis vices suas commiserit: igitur reliqui Episcopi non sunt nisi Romani Pontificis vicarii; ait enim sic: *Ipsa namque Romana Ecclesia quæ prima est, ita reliquis Ecclesiis vices suas credidit largiendas, ut in partem vocati sint sollicitudinis; non in plenitudine potestatis.* Ubi notat Joannes de Turre-cremata quòd prima Ecclesiæ vices suas impertiverit, per quod putat significari quòd omnes qui fuerunt Petro, & qui sunt Romanis Pontificibus subiecti, non sunt immediatè à Christo alicui Ecclesiæ præfecti, sed tantum sunt eorum vicarii. Respondendo jam dictum Caput non loqui de Apostolis, sed tantum de Romana Ecclesia, & de inferioribus Ecclesiis illi subiectis. Sed ne quis suspicetur quomodo

K. d. d. m.

cunque res de Apostolis habeat, hic saltem definitum quòd omnes reliqui Episcopi in suis Ecclesiis tantum sint Romani Pontificis vicarii, de qua questione ne secundo loco differendum est; diligenter consideranda est epistola Leonis 84. in qua dictum Caput repetitur, & quo sensu accipiendum sit manifestissime ostenditur. Leo Pontifex Anastasio Episcopo Thessalonicensi vices sui moderaminis delegaverat; & in quo delegaverat exprimit, dicens ut curam quam universis Ecclesiis principaliter ex divina institutione debemus, inquit, imitator nostræ mansuetudinis effectus adjuvares, & longinquis ab Apostolica sede provinciis præsentiam quodammodo nostræ visitationis impenderes. Ipse verò Anastasius prætextu hujus potestatis sibi traditæ Atticum veteris Epiri Metropolitanum quodam animi impetu quòd ab illo evocatus, valetudinem excusans, non statim venerit, sine causa rationabili statim excommunicavit. Cui scribit Leo quòd etsi dictus Atticus quid grave gessisset & dignum censurâ excommunicationis; *nostra erat, inquit, expectanda censura, ut nibil prius decerneres, quam quid nobis placeret agnoscere: vices enim nostras ita tuæ Charitati credidimus, inquit, ut in partem sis vocatus sollicitudinis, non in plenitudinem potestatis.* Ex quibus patet Leonem non in Episcopali functione vices suas Anastasio commisisse, sed in aliarum Ecclesiarum visitatione, quæ à Sede Apostolica procul distitæ erant. Et idè ex hoc Capite ostendi non potest quòd cæteri qui rectè nominantur Episcopi in suis Dioccesibus & Episcopali functione non sint nisi Romani Pontificis tanquam universalis Episcopi totius orbis vicarii: sed tantum ostenditur quòd quando propter nimiam distantiam à Romana Sede, aut propter alias causas rationabiles datur inferioribus Episcopis aliqua potestas super alienas Dioceses, tunc ea potestas non datur in ea plenitudine etiam super illas Ecclesias, in qua est in ipso Romano Pontifice, sed cum aliqua limitatione.

L. b. c. m. i. si.

Cæterum an illi Episcopi in suæ Diocesis administratione sint immediatè à Deo constituti, sicut opinantur Latomus, & Dominicus Soto, & Joannes Torrensis, (& Bartholomæus Caranza in controversia sua de necessaria residentia personali Episcoporum,) & Jacobus Simancas, Episcopus Pacensis *L. de dignitate Episcoporum*: an verò tantum à Pontifice Romano tanquam ejus vicarii,

carii, sicut docet Joannes de Turre-cremata & Catharinus, non dicitur. De qua quæstione, quia difficilis est & lubrica, deinceps decrevimus inquirere: non enim nobis propositum est eam nostrâ temeritate definire, sed tantum propositis rationibus & testimoniis, quæ etiam eruditos forsitan movere queant, alios ad inquirendam veritatem excitare.

Joannes de Turre-cremata volens de universis Episcopis asserere, quod supra, quantum Deus dedit, de Apostolis & præsertim de Apostolo Paulo ostendimus non satis veritati congruere, aliquot Sanctorum auctoritates proferens, quibus se consecisse existimat quod excepto Pontifice Romano nullus Episcoporum suam jurisdictionem immediate accipiat à Christo, sed omnes jurisdictionem suam quam habent, accipiant à Sede Apostolica, & sic revera licet dicantur Episcopi, non sunt nisi Romani Pontificis vicarii quid autem nunc etiam sine causa possunt magna suæ jurisdictionis parte aut portione privari, aut in totum à suis Ecclesiis dimoveri, & alii in locum eorum surrogari.

*K. sua
portio
jurisdictionis
ne spoliari.*

Cæterum quia omnes ejus rationes videntur multis modis posse infirmari, & nonnullæ etiam ad statuendam partem oppositam non improbabilius converti: ideo visum est nunc paucis ostendere quid ad dictas rationes videatur posse convenienter responderi. Prima ejus ratio sic habet. Dicit Cyprianus, *Id est unitate Ecclesiæ, quod Dominus ut unitatem manifestaret, unitatis ejus originem ab uno Petro incipientem suâ auctoritate disposuit.* Et rursum: *Exordium ab unitate proficiscitur, ut Ecclesia Christi una esse monstretur.* Igitur omnes reliqui Episcopi non immediate à Christo, sed à Petro suæ potestatis originem accipiunt. Respondeo, non ait Cyprianus potestatis originem ab uno Petro incipere, sed unitatis. Ideo enim sub unius Petri nomine potestas pastoralis omnibus Pastoribus à Christo tribuitur, ut ipsos unum Christi gregem unanimi consensu, perinde ac si unus Pastor essent, debere pascere significaretur: quibus etiam à Christo Petrus superponitur, ut schismatis tollatur occasio. Quem sensum clarè explicat Cyprianus eodem loco dicens: *primatus Petro datur, ut una Christi Ecclesia & Cathedra una monstretur.* Et Pastores sunt omnes, sed unus Grex ostenditur qui ab Apostolis omnibus unanimi consensione pascitur. Hanc Ecclesiæ unitatem qui non tenet, tenere se fidem credit? Quam unitatem firmiter tenere & vindicare debemus maxime Episcopi, qui in Ecclesia præsidemus, & Episcopatum quoque ipsum unum atque indivisum exhibemus. Episcopatus unus est cujus à singulis in solidum pars tenetur. Et clariùs in epistola 55. dicens, A Petri Cathedra atque ab Ecclesia principali unitatem Sacerdotalem esse exortam. Non igitur voluit Cyprianus quod omnis reliquorum Episcoporum Pastoralis auctoritas à Petro ejusque successoribus immediatam traxerit originem, quia alibi dicit quod Christus unus & solus habet potestatem præponendi Episcopos in Ecclesiæ suæ gubernationem; sed tantum ostendit quod Christus significare voluerit in eo quam sub unius Petri nomine Episcopis omnibus pascendi potestatem largitus est, dicendo peculiariter ipsi Petro: *Pasce oves meas;* perinde ac si ad ipsum solum id perlineret: cum tamen hoc ipsum quod ibi Petro dicitur à Christo, etiam reliquis Episcopis dictum debeat intelligi. Voluit enim Christus significare quod sicut Ecclesia una est, & Episcopatus unus; sic Episcoporum om-

*L. ut...
cubitas...*

nium qui in uno Petro sibi præposito Pastores à Christo constituuntur, unus debeat esse consensus, nec plures debeant fieri magistri diversa atque adversa inter se sentientes: & si in una Christi Ecclesia plures sunt Pastores & Episcopi, quia sub unius veri magistri magisterio sicut idem audiunt à Domino, sic idem dicere debent in populo Si verò sicut reipsa unus est Episcopatus, cujus à singulis Episcopis in solidum pars tenetur, sic etiam reipsa unicus esset Episcopus, videlicet Pontifex Romanus, cujus cæteri in certis partibus sibi tributis tantum essent accepti ab eo potestate, vicarii; non rectè diceretur quodd à singulis Episcopis unius Episcopatus pars in solidum teneretur; sed solum dicendum esset quodd unus Episcopus, nempe Romanus totum Christiani orbis Episcopatum teneret in solidum, sicut olim totam Synagogam tenebat summus Pontifex Judæorum, & in certis portionibus sui Episcopatus vicarias partes aliis commisisset. Sed id non videtur pati quodd idem D. Cyprianus epistola 52. dicit: *Episcopatus unus est Episcoporum multorum concordia numerositate diffusus: re videlicet ipsa Episcopatus unus, concordia verò & non reipsa unicus Episcopus.* Sicut etiam ostendit epistola 67. ad Stephanum Pontificem de Martino Arelateni Episcopo qui Novatiano consenserat scribens in hunc modum: *Idcirco enim, Frater Charissime, copiosum est corpus Sacerdotum concordia mutua glutino atque unitatis vinculo copulatum, ut si quis ex collegio nostro hæresim facere, & gregem Christi lacerare & vastare tentaverit, subveniant cæteri, & quasi Pastores utiles & misericordes, oves Domini in gregem colligant.* Et rursus epistola 27. Dominus Episcopi bonorem & Ecclesiæ suæ rationem disponens in Evangelio loquitur & Petro dicit: *Ego dico tibi quia tu es Petrus & super hanc Petram ædificabo Ecclesiam meam, & Portæ inferorum non vincent eam: & tibi dabo claves regni cælorum; & quæcunque ligaveris super terram, erunt ligata & in cælis; & quæcunque solveris super terram, erunt soluta & in cælis.* Inde per temporum & successionum vices Episcoporum ordinatio & Ecclesiæ ratio decurrit, ut Ecclesia super Episcopos constituatur, & omnis actus Ecclesiæ per eosdem præpositos gubernetur. Nam quodd Sacra Scriptura dicit Ecclesiam super Petrum ædificari, hoc D. Cyprianus intellexisse videtur super Episcopus inter se & cum Petro unitatis vinculo conjunctos, qui non unitate personæ, sicut olim in Synagoga, sed unitate mentis & animæ unicum Pontificem Ecclesiæ & sponsum repræsentent. Unde etiam patet solutio ad secundam auctoritatem, quam idem Joannes à Turre-cremata adducit ex ultimo Tractatu Augustini in Joannem, ubi sic ait: *Petrus Apostolus propter Apostolatus sui primatum gerebat figuratè generalitè Ecclesiæ personam... Ecclesia ergo, quæ fundatur in Christo, claves ab eo regni cælorum accepit in Petro: quam auctoritatem ex multis adhuc aliis Augustini dictis proferre potuisset.* Nam Tractatu 50. super Joannem: *Petrus, inquit, quando claves accepit, Ecclesiam Sanctam significavit.* Et Tractatu 7. In Petri nomine figurata est Ecclesia. Et epistola 165. *Petro totius Ecclesiæ figuram gerenti Dominus ait: Super hanc Petram ædificabo Ecclesiam meam.* Et super Psal. 108. *Quædam dicuntur quæ ad Apostolum Petrum propriè pertinere videntur, nec tamen habent illustrem intellectum nisi cum referuntur ad Ecclesiam, cujus ille agnoscitur in figura gestasse personam propter Primatum quem in Discipulis habuit, sicuti: Tibi dabo claves regni cælorum &c. & si qua hujusmodi.* Et de

Agone

Agone Christiano cap. 30. *Non sine causa inter omnes Apostolos Ecclesia Catholica personam sustinet Petrus; huic enim Ecclesia claves regni cœlorum data sunt; & cum ei dicitur, ad omnes dicitur, Amas me, Pasce oves meas. Et in Sermonibus noviter impressis, * Sermon. 34. Petrus multis Scripturarum locis apparet quod personam gesseret Ecclesia, maxime illo in loco, ubi dictum est illi: Tibi dabo claves regni cœlorum. Nunquid istas claves accepit Petrus, & Paulus non accepit? Petrus accepit, & Joannes & Jacobus non accepit? aut non sunt istæ in Ecclesia claves, ubi peccata quotidie remittuntur? Sed quoniam in significatione personam Petrus gestabat Ecclesia; quod illi uni datum est, Ecclesia datum est. Ergo Petrus figuram gestabat Ecclesia, Ecclesia corpus Christi est. Similiter Fulgentius lib. 2. de remiss. pecc. c. 20. Christus B. Petro, hoc est, Ecclesia sua, inquit, in terra ligandi solvendi que dedit potestatem. Ex quibus omnibus manifestum evadit B. Augustinum in verbis à Joanne de Turre-cremata citatis non id voluisse quod præterdicit, nempe quod Christus Petro immediate dederit claves regni cœlorum, cæteris vero mediata per potestatem Petro collatam à Christo; sed potius contrarium, nempe quod quemadmodum Petrus propter primatum quem in Discipulis gerebat multa Christo respondit, non tantum nomine proprio, sed etiam nomine cæterorum Apostolorum, veluti nomine procuratorio, sicut expressè testatur Hieronymus super Matthæum dicens: Petrus ex persona omnium Apostolorum proficietur dicens: Tu es Christus, filius Dei vivi. Et Augustinus in Psal. 88. Respondet pro omnibus Petrus ex unitate unus: Tu es Christus, filius Dei vivi: erat enim os Apostolorum & princeps, inquit Chrysostomus hom. 87. super Joannem, & hom. 4. in Acta. Sicut ergo sæpe pro omnibus respondit Petrus; sic etiam quando claves accepit, non tantum eas pro sua persona accepit; sed etiam veluti nomine procuratorio pro cæteris Apostolis & aliis qui in sacris Scripturis nomine Pastorum censentur, sic ut non tantum personæ Petri, sed etiam ipsi Ecclesiæ simul claves datæ sunt, ut diximus: quod sensu etiam accipiendum videtur quod ex sermone Leonis citat dictus Joannes, quod Christus si quid cum Petro commune cæteris voluit esse principibus Ecclesiæ, nunquid nisi per ipsum dedit quicquid aliis non negavit? Nam per ipsum Petrum dedit Christus quicquid cæteris Apostolis dedit, non tanquam à data ei potestate derivatum, sed tanquam per illum qui ratione Primatûs, veluti nomine procuratorio, etiam pro cæteris accipiebat quod illi & reliquis dabatur à Christo.*

Ex quibus etiam patet solutio ad argumentum quod ex ea Scriptura conficitur, quâ Petro nominatim à Christo dictum legimus: *Petre, amas me? Pasce oves meas.* Si enim hoc soli Petro pro se & successoribus suis, Romanis Pontificibus dicitur; tunc sine dubio ipse solus cum successoribus universalis Pastor Ecclesiæ constituitur. Si vero non tantum nomine proprio, sed etiam cæterorum Pastorum illi dicitur, tunc ipse sic inter Pastores primus constituitur, ut tamen cæteri in sua portione quàm in solidum tenent, ab hoc Pastoris munere non secludantur, sed simul cum illo Pastores in suo gradu & ordine, à Christo etiam immediate constituuntur. Sicut enim quando in Cœna novissima dictum est Apostolis: hoc facite in meam commemorationem, hoc ipsum Sacerdotibus omnibus, qui non ab homine sed immediate à Christo potestatem consecrandi Corpus Domini accipiunt, dictum esse intelligitur: sic etiam quando

* Serm. 26. de diversis.

L. Jacobus & cæteri Apostoli non accepissent

Eadem non minus expressis verbis habet in serm. 108. de diversis, ubi dicit: Inter hos (Apostolos) pene ubique Jonas Petrus totius Ecclesiæ materiam gerens personam.

Propter ipsam personam quam totius Ecclesiæ solum gestabat, dicitur: Tibi dabo claves regni cœlorum.

Has enim claves non homo unus, sed multis accepit Ecclesia.

L. in persona.

quando dictum est Petro: *Pasce oves meas*: suo modo etiam omnibus Episcopis debet dictum intelligi, ut non humanam, sed divinam in suis Ecclesiis habeant potestatem: sicuti ex Augustino, de Agone Christiano cap. 30. supra ostendimus: ubi ait: *Et cum Petro dicitur, omnibus dicitur*: Petre, amas me? pasce oves meas. *Nam sicut Petrus figuram gessit Ecclesiæ, quando illi claves promissa sunt dicendo: Tibi dabo claves regni cælorum: sic etiam necessarius est figuram gesserit Ecclesiæ, quando eidem claves data sunt dicendo: Petre, amas me? pasce oves meas. Nam istud non est nisi ejus rei donatio, cujus antè facta est promissio.*

Sed objicit Joannes de Turre-cremata Synodum Chalcedonensem, quæ Leoni Papæ acclamavit: *Leo sanctissimus, Apostolicus, universalis Patriarcha, per multos annos vivat.* Jam dicta Synodus agnovit eum universalem totius orbis Christiani Episcopum, & cæteros qui Episcopi dicuntur, tantum ejus esse vicarios. Cui imprimis respondet Gregorius lib. 4. Epistol. Regist. cap. 76. quodd pro B. Petri Principis Apostolorum honore per venerandam Chalcedonensem Synodum Romano Pontifici oblatum est nomen, Universalis: sed nullus eorum unquam hoc singularitatis vocabulum assumpsit, necuti consensit, ne dum privatim daretur uni, honore debito privarentur universi. Sed fortè objicies Leonem ejusque Successores ex humilitate quidem tam arrogans nomen usurpare noluisse; ipsam tamen Synodum ei hoc nomen non acclamasse, nisi quia sciebat rem saltem illo nomine significatam isti competere, nempe quodd esset Universalis Episcopus totius orbis Christiani, & sic reliqui tantum ipsius vicarii. Ad quod respondeo, ipsam Synodum non acclamasse quodd sit Universalis Episcopus, sed quodd sit Universalis Patriarcha, nempe ad differentiam aliorum certæ alicujus regionis Patriarcharum qui neque universalem in totam Christi Ecclesiam habent Patriarchæ potestatem, neque immediatè à Deo, sed tantum à Romano Pontifice.

Cæterum longè aliud est Episcopi, aliud Patriarchæ officium. Episcopis suæ Diocæsis cura incumbit; Patriarcha verò aliis Episcopis superintendit, visitando, vitia corrigendo, & defectus supplendo; non autem usurpando quod illorum est proprium, quando suo legitime funguntur officio. Quia igitur summus Pontifex non tantum suæ Diocæsis Episcopus est, habens potestatem confirmandi, ordinandi Ministros, & cætera faciendi quæ sunt Episcoporum propria, sed etiam reliquis Episcopis ratione sui primatus est præfectus, habens potestatem corrigendi errores & defectus eorum supplendi: idèò verissimè à Synodo Chalcedonensi non Universalis Episcopus, sed Universalis Patriarcha nuncupatus est; quia videlicet omnibus Episcopis, Archiepiscopis, Primatibus & Patriarchis habet superintendere, vitia eorum corrigendo, defectus supplendo, & ea constituendo quæ non particularem aliquam sed universam concernunt Ecclesiam, cujusmodi est quicquid in fide constituitur. Sed ex eo non sequitur quod ex suo arbitrio usurpare debeat quæ sunt Episcoporum propria, quasi videlicet esset proprius cujusque Ecclesiæ Episcopus. Hoc tamen profanum vocabulum, nempe, Universalis, inquit Gregorius cap. 80. lib. 4. Epistol. Leo usurpare noluit partim quia si unus Patriarcha Universalis dicitur, inquit, Patriarcharum nomen cæteris derogatur; partim ne uni-

universalem Patriarcham nominando, simul Universalis Episcopus esse intelligeretur; sicut se Universalem Episcopum nominavit Joannes Constantinopolitanus. Ex quo infert Gregorius Lib. 4. Epistol. c. 78. quòd dum vult vocari Universalis Episcopus, solus cònetur appellari Episcopus. Nam si hoc vocabulum privatum datur uni, honore debito sacerdotes privantur universi, inquit idem Gregorius. Et idèd si Romanus Pontifex sibi in Pontificatùs gradu hanc gloriam singularitatis acciperet, inquit c. 82., hanc omnibus Fratribus denegasse videretur. Unde scribens cap. 80. Sebastiano Episcopo Senensi, *Sanctitas Vestra in suis Epistolis*, inquit, *neminem unquam Universalem nominet, ne sibi debitum detrabat.* Nam si unus Universalis est, inquit Lib. 7. c. 69. *refraset vos Episcopi non sitis.*

Quoniam igitur Synodus Chalcedonenfis protano vocabulo, ut vocat Gregorius, Leoni I. acclamaverit veraciter quòd esset Universalis Patriarcha; attamen non videtur posse veraciter dici quòd sit Universalis Episcopus, & cæteri tantùm ejus vicarii; quia tunc ipse solus esset dicendus Episcopus, quod sacris Scripturis manifestè adversatur: sed tantùm dictum est quòd Romanus Pontifex sit antiquæ Romæ Episcopus, & reliquis, cùm culpa & negligentia exigit, divinâ autoritate præfectus, ut & quod omittunt suppleat, & corrigat quod erraverunt. Si verò suo legitimo funguntur officio, tunc magno onere sublevari, & liberè potest suæ diocesis ministerio & communibus totius Ecclesiæ utilitatibus inservire, relictis iis quæ sunt unicuique Episcopo propria, quæ ut apparet sunt eis sære divino commissæ, & nisi manifestum errorem contineant, judicio Dei reservanda. *Habeas enim omnis Episcopus*, ait Cyprianus in principio Concilii Carthaginensis, *pro licentia libertatis & potestatis suæ arbitrium proprium; tamque ab alio judicari non possit, quàm nec ipse potest alterum judicare: sed expectemus universi*, inquit, *judicium Domini Nostri Jesu Christi, qui unus & solus habet potestatem & præponendi Episcopos in Ecclesia suâ gubernationem, & de actu eorum judicandi:* Id quod Augustinus lib. 4. contra Donatistas c. 3. commemorans, *Opinor*, inquit, in his quæstionibus quæ nondum eliquatissimâ perfectione discussæ sunt. Nam quemadmodum illud quod in Evangelio dicitur: *nolite judicare, & non judicabimini:* de rebus mediis intelligitur quæ incertum est quo animo fiant; sic etiam quod dixit Cyprianus Episcopum in proprio actu ab alio Episcopo non posse judicari; de eo actu intelligit Augustinus in quo non invenitur error manifestus.

Ex his sequitur verum non esse quod Joannes de Turre-cremata contendit, Romanum Pontificem esse immediatum judicem & prælatum omnium Christianorum: sed potius dictum esse quòd sit immediatus judex totius suæ Diocesis, & Episcoporum qui illi immediatè subsunt; sed mediatu eorum qui suis Episcopis sunt immediatè subjecti: quorum causas, lites & contentiones non debet studiosè & sine causa legitima ad suum tribunal attrahere, aut eorum artes fovere, qui cùm judicem habeant ordinarium & sibi propinquum, attamen longè positum & rei gestæ ac tacitæ veritatis ignarum quærunt, quem circumveniunt, & cui fraudulenter obrepunt; sed potius eos punire qui aut suos judices immediatos dolosè & sine justa causa prætereunt, aut ab eis auditri temerè ad ipsum provocant. Hanc sententiam clarè secutus est Latomus de primatu

Pontificis; Dominicus de Soto de jure & iustitia; & Joannes de Turre-cremata; sicut refert idem Dominicus. Sed obicitur: depositio cujuscunque Episcopi per Pontificem Romanum facta, rata haberi debet sive ex justa causa, sive ex nulla causa facta sit: igitur Episcopus est tantum Romani Pontificis vicarius ad nutum deponibilis. Respondeo; semper pro sententia per legitimum iudicem lata præsumitur, quandiu aut revocata non est & ad superiorem evocata: & idem apud homines, quibus veritas non est manifesta, rata haberi debet Episcopi depositio per Summum Pontificem facta, etiam si non subit depositionis causa quam prætendit. Nam si nullam omnino causam prætenderet nisi propriæ voluntatis arbitrium, quo judicaret in tali Episcopatu sibi alio utendum esse vicario; forsitan non parva quæstio oriretur, an talis sententia posset contemni tanquam ex errore profecta. Sed quando causa prætenditur, quæ revera non subest, licet apud homines talis depositio rata habeatur; attamen an apud Deum rata sit, qui servorum suorum erronea judicia corrigit, longè alia quæstio est. B. Cyprianus epist. 59. loquens de Seraphio Episcopo qui Victori Presbytero contra Concilii decretum antequam poenitentiam plenam egisset, & Domino Deo, in quem deliquerat, satisfecisset, temerè immaturo tempore & præproperà festinatione pacem dederat, *librato*, inquit, *apud nos diu consilio satis fuit objurgare Saraphium collegam nostrum, quòd temerè hoc fecerit, & instruxisse ne quid tale de cætero faciat: pacem tamen quomodocunque semel à Sacerdote Dei datam non putavimus auferendam, ac per hoc Victori communionem sibi concessam usurpare permisimus.* Ubi videtur innui quòd licet à Concilio aut Summo Pontifice possit Episcopis lex in propria functione præscribi; attamen sicut lex in conficiendis sacramentis præscripta, irritum non facit quod contra præscriptum fuerit, (ut si quis panem fermentatum consecret, non est inane quod facit,) sic etiam si ab Episcopo in propria functione contra legem præscriptam aliquid attentatum fuerit, irritum haberi non debeat, quod fecit. Cujus non videtur alia esse ratio, quàm quòd utatur potestate sibi immediatè à Deo tradita, quam superior potest quidem suo præcepto aut consilio dirigere ut convenienter & utiliter exerceatur, non autem pro suo arbitrio irritum facere, ut inane sit quod attentatur. Quòd autem Romanus Pontifex non tantum in sua Diocesi, sed etiam in aliis, certis mensibus Beneficia confert, quod alioquin Episcoporum & inferiorum prælatorum est proprium, videtur aut ad publicam & totius Ecclesiæ utilitatem introductum, ut facilius ubique superior agnoscat; aut certè pro propriæ potestatis extensione ad ea quæ alioquin Episcoporum & aliorum prælatorum deberent esse propria, consuetudine magis quàm divinà ordinatione introductum.

MICHAELIS BAII

TRACTATUS

APOLOGETICUS,

CIRCA

QUESTIONEM:

Utrum ex isto Christi verbo :

Ego pro te rogavi, Petre, &c.

*Satis clarè ostendatur Romanum Pontificem in
definiendo non posse errare.*

*Ex MS.
K. & L.
primum
edita.*

NUnquam mihi eorum placuit intentio quos suspicatus sum disputando aut docendo non tam sectari quod irrefragabilis testatur autoritas, aut solida ratio suadet, quàm quod existimabant suis præconceptis opinionibus congruere, aut illis non displicere quorum favorem quærebant aut offensiones devitabant; quia hos mihi in Evangelio notasse videtur Dominus, cum ait: *Nolite secundum faciem judicare, sed justum judicium judicate.* Et rursus: *quomodo vos potestis credere, qui gloriam ab invicem accipitis; & gloriam, quæ à solo Deo est non queritis?* Nam gloriam videntur ab hominibus expetere, qui quod eis placet aut eos non offendit sapere & docere intendunt. Neigitur nuper in disputatione vitium priore loco à me positum videar incurrisse; decrevi paucis aperire quam autoritatem aut rationem secutus sim, dubitando utrum ex isto Christi verbo: *Ego pro te rogavi, Petre,* ut non deficiat fides tua, satis clarè & evidenter ostendatur Romanum Pontificem definiendo ea quæ fidei sunt, sive solus faciat, sive cum paucis sibi placentibus, sive cum totius Ecclesiæ suæ Concilio nullo casu posse errare: petens vicissim ut & tu digneris ostendere quam autoritatem aut rationem secutus hanc dubitationem tam absurdam existimaris, ut nullâ ratione productâ eam scandalosam pronunciaveris. Joannes Driedo olim mihi ante Ruardum & Latomum Præceptor 4 lib. *De dogmatibus Ecclesiasticis*, de prædictâ Christi sententia ex professo differens, dicit eam posse concipi sub triplici intellectu; primò ut loquatur de persona Petri & successorum ejus, à quorum corde nunquam deficiat fides. 2. Ut fides

*L. testa-
batur...
suadebat.*

nunquam deficiat à generali cathedra, à sede, à generali Ecclesia, seu ovibus ipsius Petri usque ad consummationem sæculi. Vel 3. ut fides nunquam deficiat à propria fede, quam Petrus particulariter pascendam suscepit: Primus, inquit, intellectus videtur esse extra intentionem Salvatoris, de quo nos postea. Secundus est fidei: & tertius probabilis.

Observo ut digneris ostendere sub quo horum trium intellectuum comprehendatur is intellectus, de quo putas non licere dubitare. Quia si vir tantus enumerans non tantum verum & verisimilem hujus Scripturæ sensum; sed etiam alium qui præter intentionem Salvatoris possit concipi; illum sensum prætermisit, de quo tanquam certo & necessario dubitare non licet; non videtur ejus explicatio scandalo carere. Quodd igitur eum intellectum præterierit, de quo putas non dubitandum, sic ostenditur.

Primus ejus intellectus loquitur de persona Petri & Successorum, à quorum corde nunquam deficiat fides. Ille verò intellectus loquitur de officio & functione Petri & Successorum ejus, à qua functione nunquam deficiat fides, si ve in corde remaneat si ve non. Ergo primus ejus intellectus est à tuo diversus. Deinde etiam si sub primo comprehenderetur is, quem clarum & certum esse præterdis; nihil tamen juvaret causam tuam, quia Driedo dicit eum esse extra sententiam Salvatoris; quem tamen intellectum à Domino Driedone improbatum, parum (quod sciam) ausus est comprobare Albertus Pighius, nostræ Facultatis Baccalaureus, & suo tempore in Collegio Houterle Driedonis discipulus. Secundus verò & tertius loquuntur non de Pontifice solo, aut cum paucis sibi placentibus; sed cum sua Ecclesia universali vel particulari; si ve cum Concilio alteram harum Ecclesiarum representante.

Joannes de Turre-cremata 2. lib. summæ suæ de Ecclesia, cap. 112. differens quo sensu verum sit quodd judicium Sedis Apostolicæ in iis quæ fidei sunt errare non possit, videtur amplecti secundum & tertium sensum à Driedone assignatum. Nam approbat dictum Archidiaconi dicentis quodd Agatho cautè dixerit Apostolicæ Sedis sanctiones suscipiendas tanquam ipsius divinæ voce Petri firmatas: & non dixerit, Sanctiones Apostolici, id est, Pontificis. Nam postea subdit Sanctiones Apostolicas intelligendas, quæ à Romano Pontifice maturo & gravi sapientium virorum & maximè Dominorum Cardinalium primo Concilio digestæ & maturatæ sanciuntur, de quibus dicit quodd in fide deficere non possunt. Sed non videtur idem velle dici de iis Sanctionibus quæ à Ro. Pontifice occultè, inconsultè, aut solo, aut cum paucis sibi faventibus, aliis non vocatis ad partem, proferuntur. Hanc sententiam audivi aliquando à Domino Ruardo in Scholis defendi, & ad objectionem quâ colligitur: pontifex potest aliquando errare, nempe quando solus & sine Concilio decernit; ergo ejus definitio non est semper suscipienda: Respondebat, nego consequentiam, quia *qui vos audit, me audit*; nec licet superioris decretum negligere, nisi præcipiat manifestè illicitum, sicut docet Bernardus *de præcepto & dispensatione*. Unde non rectè videtur suprâ motus Archidiaconus, ut prætenderet sanctiones Apostolici non semper suscipiendas, quia aliquo casu possit errare, quia *qui vos audit, me audit*. Quid Latomus senserit videatur de *primatu Petri* circa finem, ubi dicit Concilia generalia in fide errare, nec ta-

men suam auctoritatem perdere. Suprà dictam sententiam etiam secutus videtur Dominus Hesselius de primatu pontificis, concedens pontifices respondendo etiam ex officio in iure Canonico etiam errasse in fide. Nam responsiones Juris Canonici in quibus non consultitur Pontifex tanquam vir doctus, sed tanquam potestatem habens in iudicio, vim decretorum obtinent, quam non obtinerent, si tantum essent ab eo tanquam à viro docto profecta. Sed addit hos errores à successoribus correctos, ipsamque correctionem prius ad Ecclesiam pervenisse quam errores. Quid hac de re senserit Adrianus (VI.) Pontifex, potest (ut cunque conjici ex quodlibeto 2. q. 1. sine argumentis, &) clarè *L. mittis* intelligi ex responsione ad secundum principale circa finem quæstionis de sacramentis Confirmationis, ubi sic habet: *Dico quòd si per Ecclesiam Romanam intelligatur Caput ejus, puta Rom. Pontifex; certum est quòd possit errare etiam in iis quæ tangunt fidem, hæresim per suam determinationem aut Decretalem asserere. L. & do. Plures enim fuerunt Romani Pontifices hæretici. Item & novissimè fertur de Joanne XXII. quòd publicè docuit, declaravit, & ab omnibus teneri mandavit quòd animæ purgatiæ ante finale iudicium non habent stolam, quæ est clara & facialis visio Dei; & Universitatem Parisiensem ad hoc induxisse dicitur quòd nemo in ea poterat gradum in Theologia adipisci, nisi prius hunc errorem Pestiiferum jurasset se defensurum...* Item patet hoc de errore quorundam Pontificum circa matrimonium, &c.

Ex quibus puto patere me disputando non tam longè recessisse à sententia non dico Scholæ Parisiensis, quæ definitionem summi Pontificis extra Concilium Generale parvi pendit; sed eorum quæ in nostra Schola ab annis octoginta celebres fuerunt, quàm tibi visum est. Nisi fortè in eo quòd dubitavi, an ex hac Scriptura: *Ego pro te rogavi, Petre, ut non deficiat fides tua*, satis clarè ostendatur Romanus Pontifex definiendo ea quæ fidei sunt, etiam si id solus faciat, nullo casu posse errare; Adrianus verò dixit certum esse quòd possit errare etiam in iis quæ tangunt fidem; & per suam determinationem aut Decretalem hæresim asserere. Longè enim aliud est dubitare, an ex jam dicta sententia satis clarè ostendi possit Romanum Pontificem in iis quæ fidei sunt non posse errare; quàm asserere certum esse quòd possit errare, & hoc ipsum pluribus exemplis ostendere. Hujus Dominicæ sententiæ: *Ego pro te rogavi, Petre, ut non deficiat fides tua*, & *tu aliquando conversus confirma fratres tuos*, apud D. Basilium, Euthymium, Hieronymum & Ambrosium, nullum adhuc commentarium reperi.

Sed D. Cyprianus epist. 8. & de orat. Domin. Chrysost. hom. 72. super Joannem, Augustinus de corr. & grat. c. 8. Leo de anniversario die suæ assumptionis Serm. 3. & in natali Petri & Pauli Serm. 2. Et Beda in Comment. super Lucam eam clarissimè accipiunt de persona Petri. Nec eos movisse videtur ratio quæ Dominum Driedonem ab hoc intellectu revocavit, nempe, quòd Petrus post hæc Christi verba in fide Christum negando defecerit: quia ex Christi verbis, quibus illi suam negationem & à lapsu conversionem prædixit, satis intelligitur quòd Christus his verbis noluerit significare quòd Petrus nullo modo deficeret, sed quòd in lapsu non remaneret; & quòd post lapsum negationis, inquit Beda, ad statum pristinum pœnitendo resurgeret, à quo amplius non deficeret; vel, sicut ait Chrysostomus, *ne in fine periret.*

Quibus omnino consonat Aug. in Psal. 118. Conc. decimâ tertiâ, dicens: *Non omnino ex ore Petri, in quo erat typus Ecclesiæ, verbum veritatis ablatum est, qui etsi ad horam negavit timore turbatus; tamen fiendo est reparatus, & confitendo postea coronatus. Et rursus: Dominus ad Petrum, rogavi, inquit, pro te, Ecce, ut non deficiat fides tua, hoc est, ne auferatur de ore tuo verbum veritatis usque valde. Totum corpus Christi lequitur, ex cuius ore non est ablatum verbum veritatis usque valde, siue quia negantibus pluribus remanserunt sortes, qui usque ad mortem pro veritate certarent, siue quia ex his qui negaverunt, multi reparati sunt. In his D. Augustini verbis duo videntur esse notanda, videlicet, quoddam Christi verba: Ego pro te rogavi, Petre, ut non deficiat fides tua, ad totum Christi corpus pertinere, sicut ea intelligit Dominus Driedo; & quoddam fides dicitur non deficere, siue quia negantibus pluribus remanserunt sortes usque ad mortem pro veritate certantes; siue quia ex his qui negaverunt, multi reparati sunt, inter quos est & ipse Petrus, ut diximus.*

Quantum igitur ex dictis Patribus licet intelligere, jam dicta Christi sententia de Petro venit intelligenda. Sed quia multa quæ de Petro dicuntur, non habent sensum illustrem, nisi cum referuntur ad Ecclesiam, cuius ille in figura agnoscitur gestasse personam, ut ait Augustinus Psal. 108. idem quod hic de Petro ad litteram dicitur, sicut interpretati sunt quos statim nominavi, de Ecclesia cum suo capite rectissime à Domino Driedone intelligitur: sicut accepit Augustinus Ps. 108. dicens Christum pro Discipulis orasse ante passionem ne deficeret fides eorum; de Ecclesia, inquam, universali, quod ipse Driedo certum esse asserit; aut particulari, quam particulariter pacendam suscepit; sicut idem circa tertium sensum à se assignatum à pluribus Patribus probabiliter esse traditum commemorat. Quod autem Petrus multis Scripturæ locis figuram gesserit Ecclesiæ; & præsertim ubi dicitur: *Tibi dabo claves regni celorum*: cui etiam necessarid conjungitur: *pasce oves meas*; nam prius illud dictum, hujus posterioris promissio est; manifestè docet Augustinus Psal. 108. jam citato tractatu 50. & ultimo super Joannem: * Sermonem 54. in Novis: Epist. 105. de agnone Christiano cap. 30. Lib. 1. Retract. cap. 21. Cui simile quid habet Cyprianus epist. 69. dicens Petrum loqui Ecclesiæ nomine, cum ait: *ad quem ibimus?* Et Hieronymus super 16. Matthæi testatur Petrum ex persona omnium Apostolorum professum esse: *Tu es Christus filius Dei vivi. Et D. Fulgentius lib. 2. de pecc. remiss. cap. 20. Christus Petro, hoc est, Ecclesiæ suæ in terra ligandi solvendi que tribuit potestatem, ut intelligamus in tempore hujus vite gratuitam tribui peccatorum remissione misericordiam.*

Cæterum licet Petrus multis locis gesserit figuram Ecclesiæ, non est tamen existimandum ea quæ illi vel ab illo dicuntur ad solam pertinere Ecclesiam, & non ad personam Petri: quia sicut in Veteri Testamento quæ per allegoriam dicta sunt, etiam ad litteram vera fuerunt: sic etiam quæ ad personam Petri figuratè de Ecclesia dicuntur, non debent secundum historiam & litteram à Petri persona separari, sed à persona Petri tanquam principis Apostolorum ad Ecclesiam transferri. Verum quoniam Scripturæ Sacræ diligenter scrutandæ sunt, nec earum superficiei, nec aliorum commentariis statim debemus esse contenti, quæ ad nostram exercitationem ita modificatæ sunt, inquit Augu-

stinus

K. perso-
nam.

* Serm.
26. de di-
versis.

L. nomine.

L. agnosca-
mus.

L. remissio-
nem pecca-
torum no-
strorum.

L. de per-
sona Petri.

stinus epist. 80. ut altius se penetrari velint, ne videamur tantum ex commentario sapere, & ex ipsis Scripturæ verbis non audere congreddi, diligenter inspiciamus & verba & intentionem Salvatoris, quibus ista Petro loquebatur. Nam Sacras Scripturas aut illustrium virorum dicta ad suum sensum trahere volentibus non est difficile verba aliquot truncare; & ex iis, ut ait Hieronymus, Homeri centones aut Virgilii centones imperitè texere, quibus fidei veritas apud imperitos imperitè aut confirmari aut improbari videatur.

Petrus igitur cum in ea præsumptione versaretur, ut tentationibus Diaboli ^{L. omittit diaboli.} aut mortis forpidini suâ se virtute posse resistere putaret; prædixit ei Dominus quoddam hujus præsumptionis merito, priusquam gallus cantaret, ter eum esset negaturus: sed ne cum Juda desperaret, & à Domino in æternum abjiciendus ^{L. abjectus reprobatur. K. liberatur.} putaretur, ait Christus se pro illo rogasse, non ut non tentaretur, & tentatus formidine laberetur, sed ne deficeret fides ejus: id est, inquit Beda, ut post lapsum negationis ad pristinum statum pœnitendo resurgeret, seu, ut ait Chrysostomus super Joannem, ne in fine periret. Nam hujus orationis merito Dominus Petrum respexit, & respiciendo correxit. Quapropter eum etiam admonet Dominus ut à sua negatione conversus, suum lapsum considerans, alios similiter lapsos suæ reparationis exemplo, ne de veniâ fortè desperent, ut inquit Beda, erigat; quod & nunc procul dubio facit Petrus, inquit Leo, & mandatum Domini pius Pastor exequitur, confirmans nos exhortationibus suis, & pro nobis orare non cessans ut nullâ tentatione superemur. Quoddam Cætanus & Catharinus, & fortè plures recentiores hanc scripturam de fide infor- ^{K. Gami accipiunt, videtur non tantum antiquis commentariis, verum etiam ipsi textui parum congruere. Dicit enim quoddam Sathanas expetivit Apostolos ut cribraret, sicut cribratur triticum cum ventilando purgatur. Maluisset Sathanas paleas præ manibus habere, & eas in sepes ac foveas ventilando dispergere, sed quia Apostoli, Domino protegente, ad firmamentum pertinebant quod opera manuum ejus annunciat; idè maluit eos Dominus tritico comparare quod cribrante diabolo non dispergitur cum paleis, sed purgatur & horreo Domini præparatur: sicut ad Romanos scribit Ignatius: *frumentum Dei sum, destibus bestiarum molar, (hæc est cribratio) & sic panis mundus inveniar.* ^{K. os.}}

Cum igitur prima cribratio Fidelium fuerit in persecutione Judæorum & Tyrannorum, quibus spoliatio bonorum, carceribus, & mortis formidine ^{K. carceris.} ne ad Christi negationem, & Judaicum aut Gentilem cultum compellebantur, sicut etiam Petrus intelligit respondens, Domine, tecum paratus sum & in carcerem ^{K. Domini.} & in mortem ire: quomodo credi potest Christus pro Petro & Ecclesia in eo figuratâ tantum orasse ut fidem informem servaret, quam tunc vivi absorpti in corde servabant, & in corde servatam, formidine mortis ore negabant.

Posterior ventilatio quæ fit per Hæreticos, & de qua scriptum est: oportet hæreses esse: id est, non tantum corporales persecutiones, quibus Fidelium ^{L. tempor.} probatur constantia; sed etiam hæreses, quibus tentetur mentis judicium. ^{valet.} Hoc quidem directè agit ut refrigescente charitate non quidem de ore Fidelium tollatur Christi confessio, sed etiam de mente veritatis persuasio. Sed abest ut dicamus Christum pro Petro & Ecclesia in eo figuratâ tantum orasse, ut ab Hæreticis tentata fidem informem retineat, quam B. Jacobus etiam dæmonibus

nibus attribuit: sed sicuti post pro omnibus Discipulis & omnibus Ecclesiis apud Joannem oravit, ut omnes in Patre & Filio unum sint, & ut Pater eos in veritate sanctificet; sic etiam ante pro Petro specialiter orasse credendus est, ut in fide & fidei confessione usque in finem perseverans posteris veræ in Christo perseverantiæ præberet exemplum; tum quia Petrus in Discipulis primum habiturus erat; tum etiam quia in Ecclesia unitatem significabat, extra quam nemo habiturus erat hujus orationis effectum aut fructum. Neque enim puto Christi oratione dignum, ut dicatur peculiariter pro aliquo orasse ut in sceleribus perseverans fidem in formem non ad salutem sed ad damnationem cum dæmonibus retineat. Et obsecro ut attendas quàm latum subsannandi campum offeremus Hæreticis, si dicamus Petrum ejusque successores toti Ecclesiæ Præfectos, ad hoc Christi oratione confirmatos, ut contra diaboli tentationes fidem servant in formem, quàm nec caret ipse diabolus. Facile enim blasphemabunt Petrum cæteris Apostolis imò & Sanctis esse inferiorem, pro quo rem tam exiguam petiverit Christus; nec debuisse Ecclesiæ Dei Sanctæ præfici, quæ fide vivâ purificatur, si ad ejus Pastoratum imprimis pertinebat fidei inanis custodia, quæ & malis Christianis & dæmonibus est communis; sed tantum debuisse illi societati præfici, quæ sine bonis operibus de fide gloriatur inani. Deinde etiam verbum, *confirma*, non solet ad inanem credulitatem pertinere; sed ad fortem & constantem Christi confessionem, sicut etiam appellatio sacramenti Confirmationis significat.

Si quæretur an nihil eorum quæ hæc Scripturâ continentur, à Petro in omnes ejus successores, Romanos Pontifices, transierit: Videtur respondendum quòd secluso Apostolorum munere, quicquid in Petro potestatis fuerit, hoc totum in universos ejus posteros Romanos Pontifices transierit; sed ea quæ sanctitatis & propriæ operationis sunt, non item. Quia igitur fides quæ per dilectionem operans usque in finem vitæ hujus in Petro permanfit, ad ejus sanctitatem & propriam operationem pertinebat: idèd non opus est illam in omnibus ejus posteris Romanis Pontificibus inveniri, similiter nec conversionem à lapsu; quia neque omnes à primo statu labi oportet, neque omnes lapsos ad pristinum statum restitui. Restat igitur ut videamus, an quod illi dictum est: *confirma fratres tuos*: ad omnes Romanos Pontifices transeat. Si verbum, *confirma*, potestatem & munus Pastorale significet, quo Petrus à Christo officium & præceptum accepit omnes in fide confirmandi & pietate; hoc sine dubio ad omnes ejus posteros transit.

Cæterum quia Petrus vivente adhuc Christo in carne mortali ante passionem non putatur munus & autoritatem Pastoris accepisse, sed tantum post resurrectionem Christi, quando ei dictum est, *Pasce oves meas*: idèd non immeritò potest dubitari utrum verbum istud: *confirma fratres tuos*: quod illi ante passionem dictum est à Domino, non tanquam Pastori dictum sit, sed tanquam fratri, qui fraternâ dilectione quâ pollebat, fratrum curam debet gerere. Nam hoc verbum sic videtur Leo intellexisse, cum ait quòd & nunc proculdubio hoc faciat Petrus & mandatum Domini pius Pastor exequatur, confirmans nos exhortationibus suis, & pro nobis orare non cessans, ut nullâ tentatione superemur: sicut superius citavimus. Neque enim nunc exhortando & orando pro

K. *confir-*
vent.

K. *non a-*
portet.

L. *nullis*
tentationi-
bns.

pro nobis in cœlis, pro nobis Pastoris partem, quæ per mortem evacuatur, exequi putandus est; sed tantum pii Patris dilectionem. Si verò verbum, *confirma*, non potestatem, sed rectam potestatis executionem significat, quæ in Petro & quovis ejus successore operationis est propriæ, non oportet illam ad omnes posteros transire: tum quia per violentiam aut voluntatem propriam potest aliquis eorum in totum ab usu potestatis abstinere: tum quia puto quod etiam in hoc Pastorum ordine non desint, qui datâ sibi potestate non legitime fungantur; sed ad eos Pastores pertineant, de quibus Ezechielis 34. dicitur: *Vae Pastoribus Israël, quod crassum erat, occidebatis; gregem autem meum non pasciebatis: quod infirmum suis non solidastis, & quod agrotum non sanastis; sed cum autoritate imperabatis & cum potentia: & dispersæ sunt oves meæ, ed quod non esset pastor;* functione legitimâ, scilicet, sed tantum potestate: de quibus etiam Jeremias 23. *Vae Pastoribus qui disperdunt & dilacerant gregem pascuæ meæ.*

Debemus quidem optare & instantè orare ut non tantum Romani Pontifices, sed etiam omnes omnino Pastores in munera pastoralia toti incumbant, & gregem suum sic pascant, ut nullâ officii sui parte claudicent: sed quia meritis peccatis nostris, id non consequimur à Domino; non debemus sic hominibus placere, ut nostrâ adulatione id eis tribuamus quod sacra Scriptura non tribuit; nempe ut suâ potestate abuti non possent, præsertim hisce novissimis temporibus, quibus refrigerente charitate homines seipsos amantes quantò minùs merentur, tantò faciliùs sibi tribuunt (quod sancti & eruditi Patres ne audire quidem voluissent) quorum cupiditati non debemus nostrâ adulatione patrocinari. 1575.

MICHAELIS BAII

R E S P O N S I O

LAURENTIO

WESTERHOVEN,

Majoris Collegii Lovaniensis

M O D E R A T O R I :

De eodem argumento.

ERuditissime Domine; Autoritates per te adductæ vix videntur attingere quæstionem quam versamus, nempe, utrum existo Christi verbo: *Ego pro te rogavi, Petre, ut non deficiat fides tua*: satis clarè ostendatur quodd summus Pontifex definiendo ea quæ sunt fidei errare non possit, sive id solus faciat, sive cum paucis sibi placentibus, sive cum ratione aut Catholicæ Ecclesiæ Concilio. Quia quæstio est de claro & certo sensu jam dictæ scripturæ; autoritates verò de re loquuntur, nec dictam scripturam nisi obiter citant: idque non ad hoc ut ostendant personam Pontificis, quando sola aut cum paucis aliquid decernit, nunquam errasse; sed Ecclesiam Catholicam, de qua Dominus Turnhout (Driedo) tanquam per Petrum figuratâ, etiam dictam scripturam intelligit. Sed satis sentio sicut Pyghio, sic etiam tibi videri Ecclesiam errare non posse, & columnam ac firmamentum esse veritatis, non quia à Christo per Pastores ac Doctores in fide & veritate occulta inspiratione & doctrinâ confirmatur, sicut docetur Ephes. 4. sed tantum quia externo Romani Pontificis ministerio, seu potius austero & potenti imperio in fide custoditur. Id quod & Pyghio & tibi probandum esset: quia licet summus Pontifex inter Pastores & Doctores, per quos Christus corpus suum ædificat, primum locum teneat; attamen non est solus Pastor & Doctor Ecclesiam Christi in fide custodiens, sicut testatur Cyprianus epistola 67. dicens copiosum esse corpus Sacerdotum, ut si quis ex collegio hæresim facere tentaverit, subveniant ceteri: ut interim taceam quod externum ministerium parum juvare queat sine interno Dei auxilio, quo Deus frequenter oves suas custodit sine omni externo ministerio, sicut ostendit Augustinus in sermone *de Pastoribus*, notans quodd Deus apud Ezechielem dicat se liberaturum oves suas de manu Pastorum; nec addit quodd eas

trader

trader bonis Pastoribus, ut pascantur: sed dicit quoddam ipsemet eas pascet, sicut sine Pastoribus & Doctorum ministerio pavit Abraham, Isaac, Jacob, Job, & similes.

Cæterum multi videntur falli hoc argumento: Potestas præcipiendi quæ fidei sunt, est in solo Pontifice &c.: Igitur inventio, conservatio, & doctrina veritatis ab eo solo pendet. Ad quod respondeo, quoddam potestas in uno sit, sed rectus potestatis usus in rebus gravibus non facile fit sine multorum consilio: quia omnis sapientia à Domino Deo est, nec facile scimus per quem velit eam Deus Ecclesiæ suæ revelare; an per superiorem cui data est potestas, an verò per inferiorem, ut in superiore Ecclesiastico non tantum honoretur potestas, sed etiam conservetur humilitas. Unde etiam frequenter contestatur Cyprianus se sine Cleri imò populi sui conscientia nihil velle facere. Et certè cum omnis sapientia à Domino Deo sit, & Spiritus dividat singulis prout vult; & si alii revelatum fuerit sedenti prior taceat, inquit Apostolus; & cum David per Natham, & Apostolus Paulus per Agabum de veritate sit edoctus; non videtur præsumptione carere quoddam quis non sapientiâ sibi à Deo datâ, sed tantum potestate fretus in rebus arduis sine sapientium & multorum consilio pronunciet: præsertim cum non ignoret per quosdam inferiores longè plura revelata esse Ecclesiæ suæ quàm per supremos; ut per Augustinum, Hieronymum, & similes, quàm per Romanos Pontifices.

Quapropter rectissimè dictum videtur per Joannem de Turre-cremata Apostolicas Sanctiones intelligendas non quæ occultè & inconsultè per solum Romanum Pontificem, aut etiam per ipsum cum paucis sibi faventibus ad partem proferuntur; sed quæ maturo & gravissimo sapientum virorum consilio digestæ & maturatæ sancuntur; quia hæc non ex humana præsumptione, sed Apostolicâ humilitate & revelatione divinâ profectæ videntur: quam humilitatem requisivit Christus cum ait: *Discite à me quia mitis sum & humilis corde*. Qui verò tanquam unicornes sibi ipsis sapientes actus suos præsertim in rebus arduis aliorum consiliis juvari nolunt, superbix & præsumptionis merito à Deo deserti facili in ea incidunt quæ à Deo non sunt.

Ex qua causa forsitan apud Psalmistam Christus pro se & membris suis orat non tantum ex ore Leonis, sed etiam à cornibus unicornium servari humilitatem suam: id est, à potestate superbiorum, qui suo freti consilio in sua sapientia omnem rei bene gerendæ, & potestate suâ benè vivendi fiduciam collocant, non considerantes vias nostras & consilia à Deo dirigi, idque frequenter per inferiores, quorum debent superiores audire consilia, ne ex præsumptione potestatis oblivio nascatur humilitatis.

De hac re sic loquitur Joannes de Turre-cremata in suæ Sum. lib. 3. cap. 64. *Magis rationabiliter standum foret iudicio primùm totius Concilii, quàm iudicio Romani Pontificis. Ista conclusio, inquit, videtur colligi ex Glossa in c. ANASTASIUS. dist. 19. quæ ita habet: PAPA TENETUR REQUIRERE CONSILIUM EPISCOPORUM, UBI DE FIDE AGITUR: ET TUNC SYNODUS MAJOR EST PAPA; quod intelligendum est de majoritate discretivi iudicii, secundum quod non dubium quin rationabiliter Concilium sit majus Romano Pontifici. Nam, ut Bernardus dicit, quæ major superbia, quàm quoddam unus homo toti congregati*

tioni iudicium suum præferat; tanquam ipse solus habeat Spiritum Dei? Propter quod Archidiaconus approbans Glossam præfati capituli: ANASTASIUS: dicit: periculum esset fidem necessariam committere arbitrio unius hominis. Et non modò Papa Universalis Concilio, sed etiam unicuique qui melius sentiret, deberet credere plus quàm sibi: sicut exemplum habemus de B. Petro qui Pauli resistentis sibi rationibus acquievit: de quo pulchrè Cyprianus in quadam epistola ita loquitur: Nam nec Petrus, quem primum Dominus elegit, & super quem ædificavit Ecclesiam suam, cum secum Paulus de Circumcisione postmodum disceptasset, nec vindicavit sibi aliquid insolenter, aut arroganter assumpsit; nec dixit se primatum tenere, & obtemperari à novellis & posteris sibi potiùs oportere; nec despexit Paulum quod Ecclesiæ priùs persecutor fuisset; sed consilium veritatis admisit, & rationi legitimæ quam Paulus vendicavit, faciliè consensit, documentum nobis & concordiæ & patientiæ tribuens, ut non pertinaciter nostra amemus, sed quæ aliquando à fratribus & collegis nostris utiliter & salubriter suggeruntur, si sint vera & legitima, ista potiùs quàm nostra dicamus. Hactenus Joannes de Turre-cremata. Reliqua istius Responsionis desiderantur.



MICHAELIS BAII

EPISTOLA

ACADEMIÆ LOVANIENSIS.

*primum
edita, sed
non ordinis
suo, quia ad
Collectoris
manus ve-
nit tar-
dine.*

Magnifice Domine Rector, cæterique Domini mei Eximii, Ex Litteris sollicitudinis vestræ datis Lovanii 16. Octobris 1563. & nobis redditus Tridenti 28. ejusdem, satis intelleximus per litteras nostras ad Magistrum nostrum Thomam Goseum, non minus anxietatis vobis injectum, quàm nobis injectum fuerat ex iis quæ hîc didiceramus.

Scimus nos & vobis & privilegiis nostris magis obnoxios, quàm ut vel precibus vel etiam admonitione egeamus, ut ea ubicumque detur occasio conservare & promovere studeamus. Gaudemus tamen quodd vigilantiâ, consilium & auctoritatem vestram nostræ exiguitati ex animo jungere volueritis, ut quod volebamus, si res postulare, etiam perficere valeremus. Cæterum ne rebus nunc meliore loco constitutis anxietas ex litteris nostris concepta perduret, exponam breviter ordinem totius negotii. Cùm unum & viginti Capita Reformationum (de quibus nunc adhuc in Concilio agitur) Patribus in deliberationem essent proposita, data sunt adhuc alia quindecim Capita Patribus per Ministros exscribenda, de quibus postea deliberaretur, ut possent eadem sessione cum prioribus expediri. In his unum Caput erat quod revocabantur quæcumque privilegia nominandi, præsentandi, &c. quibuscumque personis vel communitatibus data, etiamsi continerent quodd revocari non possint, nisi de verbo ad verbum &c. exceptis privilegiis quæ concessa erant Principibus & Cathedralibus Ecclesiis. Ubi sub hac generalitate intelleximus nostræ Universitatis privilegia etiam revocari, statim judicavimus per nos tres, tres viros Episcopos & tres Doctores, offerendam esse supplicationem Legatis Præsidentibus, quâ nomine Universitatis nostræ prioribus exceptionibus peteremus addi exceptionem etiam Privilegiorum in Catholicis Universitatibus concessorum intuitu fidei vel studiorum. Nam sperabamus quod pro obtinenda hac generali exceptione multi alii pro suis Universitatibus nobis cooperarentur. Dum hæc agimus quidam Abbas su-

*Mari-
nam
Rytho-
viam.*

Illustrissimo Domino Varmienſi; an verbis illi duntaxat commendare petitionem noſtram, ne fortè Illustriſſimus Dominus Moronus ſuſpicaretur nos de ſua diligentia aut favore erga noſtram Univerſitatem diffidere, ſi hæc ſecunda ſupplicatio ad ejus notitiã perveniret; commodè cecidit ut Oratores Principum in dictis quindecim Capitibus quædam animadverterent ſuis Dominis præjudiciaria, de quibus eoſ priùs certiores reddere volebant, quàm proponerentur in deliberationem. Hæc ubi Dominis Legatis propoſuiſſet Illustriſſimus D. Moronus, habitã ad Patres oratione, petivit ut hæc quindecim Capita in aliam ſeſſionem differrentur, ne fortè proxima ſeſſio ob hanc injectam difficultatem moram aliquam pateretur. Conſenſerunt Patres, inter quos quidam deliberans addidit ſe conſentire in dilationem ſalvo quòd non protraheretur uſque ad diem Univerſalis Judicii: ad quod verbum protruſi M. N. Heſſels mihi aſſidentem, ac illi in aurem inſuſurravi, quòd hîc Epiſcopus ſubodoratus eſſet id quod mihi agi videbatur, nempe ut ſub prætextu dilationis hæc Capita in totum ſupprimerentur, eò quòd nec ſine offenſione Principum id concludi, nec concluſa ad executionem facilè poſſent deduci.

Hæc Dominis meis prolixiùs retuli, ut intelligerent quomodo non noſtrã induſtriã, ſed divinã providentiã per Oratores Cæſareæ Majeſtatis, & aliorum Principum à concepto metu magna ex parte liberati ſimus. Exhibuimus nihilominus poſteà Oratori Regis noſtri Litteras Magnificentie veſtræ Reverendiſſimo Domino Ipreñſi miſſas, juncto nobis quatuor Domino Doctore Coſma Fonteo Hiſpano, qui omnia hiſpanicè expoſuit Domino Oratori, cui etiam tradidimus brevem ſupplicationem hiſpanicam, quæ eadem cum litteris continebat. Si quid ampliùs moveatur, Deo juvante, pro viribus ſollicitabimus; experimurque tantum Patrum favorem erga noſtram Univerſitatem, ut omnino ſperemus quòd noſtra privilegia per eos nihil detrimenti accipient. Deus Magnificentiam eximiasque Paternitates veſtras diu Eccleſiæ ſuæ ſervet incolumes, quibus nos omnes ex animo commendamus, offerentes quodcumque obſequium præſtare poterimus. Datum Tridenti primâ Novembris 1563.

Magnificentie & eximiarum Dominationum
Diſcipulus & alumnus MICHAEL DE BAY.

B A I A N A,
S E U
M I C H A E L I S
B A I I
O P E R U M
S E C U N D A P A R S:
Complectens Scripta quæ controversias spectant
occasione sententiarum
M I C H A E L I S B A I I
E X O R T A S.

B-A-I-A

M-I-C-H-A-E-L-I-S

B-A-I

O-R-A-M

T-E-C-U-N-A-P-A-R-S

Compositum est ex
duobus partibus

M-I-C-H-A-E-L-I-S

E-X-O-T-A-S

C E N S U R A

F A C U L T A T I S

T H E O L O G I C Æ

P A R I S I E N S I S,

*In octodecim sententias quas Michaëli Baio perperam
tribuebant, emendata ad fidem MSS.*



Nuo Domini millesimo quingentesimo sexagesimo, die Jovis, vicesima septima mensis Junii, Sacratissima Theologia Facultas Parisiensis, post Missam apud Collegium Sorbonæ ex more celebratam, in eodem Collegio per juramentum congregata est in materia fidei, super propositionibus infra scriptis, per eandem Facultatem cum matura deliberatione Magistrorum nostrorum Censurâ notatis, quas F. Petrus de Quercu, Guardianus Conventus Nivellensis, & F. Egidius de Querceto, Guardianus Athenensis, prædictæ Facultati miserunt, sigillis prædictorum Conventuum signatas: rogantes obnixè, ut super iis dicta Facultas Censuram ferret. Quarum propositionum tenor sequitur, cum censura ad easdem.

I. Propositio.

Liberum arbitrium hominis non habet potestatem ad opposita; nec illi convenit ea potestas ex ipsius naturalis & intrinseca ratione.

C E N S U R A.

Prima pars hujus propositionis est hæretica: secunda est falsa (1) & morali philo-

*(1) Al. ad-
debatur &
erronea.*

2. *Propositio.*

Libertas & necessitas eidem conveniunt respectu ejusdem: & sola violentia repugnat
 (1) *Al. ad libertati naturali.* (1)
 deb. homi-
 nis.

C E N S U R A.

Hujus propositionis prima pars includit contradictionem, & est haretica: secunda est falsa.

3. *Propositio.*

(2) *MSS.* *Liberum arbitrium* (2) *ex sua ratione intrinseca non habet, ut ex se, de se, &*
in sua si- *per se efficiat actum liberum.*
gnificatio-
ne.

C E N S U R A.

Hæc propositio est falsa, erronea, & perniciofa.

4. *Propositio.*

Liberum arbitrium ex se non potest nisi peccare: & omne opus liberi arbitrii sibi di-
missi est peccatum mortale aut veniale.

C E N S U R A.

(3) *Al. pro* *Hæc propositio* (3) *utraque sui parte est haretica.*
utraque
parte.

5. *Propositio.*

Homo faciendo quod in se est, peccat: & non potest non peccare, faciendo quod in
se est.

C E N S U R A.

Tota hæc propositio est haretica.

6. *Propositio.*

Potest peccare non est de ratione liberi arbitrii hominis; nec (4) *hujusmodi peccandi*
 (4) *Al. r-* *facultas homini à Deo data est.*
ajusmodi p-
otentia pec-
candi ho-
mini data
est à Deo.

C E N S U R A.

Hujus propositionis prima pars est falsa: & secunda haretica.

7. *Propositio.*

Librum arbitrium hominis non potest absque speciali gratia Dei vitare peccatum: unde fit, ut omne opus hominis pure infidelis, sit peccatum.

CENSURA.

Hujus propositionis secunda pars est falsa, & male ex (1) priore inferitur.

(1) *Al.*
praedicti.

8. *Propositio.*

*Librum arbitrium liberè vult quicquid sponte, seu voluntate (2) vult: ita ut (2) *Al.* sponte sub voluntariè vult, ita ut quod necessariè vult, idem liberè vult.*

CENSURA.

Hujus propositionis secunda pars implicat contradictionem, & est haeretica.

(2) *Al.*
sponte sub voluntariè vult, ita ut quod necessariè vult, idem liberè vult.

9. *Propositio.*

Haereticus, & Schismaticus, & homo non pure infidelis, meretur quandoque de condigno vitam aeternam.

CENSURA.

Hac propositio est planè haeretica.

10. *Propositio.*

Homo existens in peccato mortali, siue ejus reatu ad aeternam mortem, habet in se charitatem.

CENSURA.

Hac propositio est haeretica.

11. *Propositio.*

Per contritionem, non adhibito realiter sacramento Baptismi vel penitentiae, non dimittitur (3) peccatum extra casum martyrii aut necessitatis.

(3) *Al.*
crimen.

CENSURA.

Hac propositio est haeretica, (4).

(4) *MSS.*
add. & schismatici.

12. *Propositio.*

Peccator si faciat quod mandatur per contritionem, & confessionem factam sacerdoti, non remittitur illi peccatum, nisi sacerdos absolvat, etiam si per malitiam & absolutionem sacerdos illi (1) denegat absolutionem.

(1) *Al.*
negat.

C E N S U R A.

Hæc propositio est hæretica.

13. *Propositio.*

Non (2) sine Pelagiano errore admitti potest ante primam justificationem in homine, aliquis liberi arbitrii usus bonus: & qui se præparat ad eam, peccat, ut is qui pessimè (3) utitur suis (4) bonis naturalibus; nam ante eam omnia (5) opera bonis sunt peccata damnatione digna.

(2) *Al.* *mi-*
ne.

(3) *Al.* *o-*
bitur.

(4) *Ad S.* *t.*
minis

(5) *Ad S.* *2.*
omnia sunt

(6) *Al.*
omitt. suu.

C E N S U R A.

Hæc propositio pro omnibus (6) suis partibus est hæretica.

14. *Propositio.*

Non datur gratia nisi reluctanti, (7) proinde nec prima justificatio; (8) quia justificatio est ipsa fides: fides enim est quæ ex impio quis fit (9) iustus.

(7) *Al.* *pe-*
trinde.

(8) *Al.*
qua.

(9) *Al.*
pius.

C E N S U R A.

Hujus propositionis duæ (10) partes sunt hæreticæ, & tertia est falsa.

(10) *Al.*
duæ primæ.

15. *Propositio.*

Homo necessariò peccat etiam damnabiliter in aliqua specie peccati; & actus (11) in quem necessariò fertur, est illi peccatum: quare ut liberè feratur in actum, non est conditio necessaria ad peccandum.

(11) *Al.*
ad.

C E N S U R A.

Hæc propositio est hæretica pro omnibus partibus,

16. *Propositio.*

Nemo præter Christum est absque peccato originali: Hinc B. Virgo mortua est propter peccatum quod contraxerat ex Adam: omnesque ejus afflictiones in hac vita, sicut & aliorum iustorum, sunt ulsiones peccati originalis vel actualis. Unde & Job passus est, & omnes Martyres propter sua peccata.

C E N.

CENSURA.

Hac propositio pro omnibus suis partibus est hæretica, & Beata Maria (1) San- (1) *Al.*
ctissima omnibus injuriosa. *Virgini*
Dei geni-
trici &
Santis in-
juriosa.

17. *Propositio.*

Omnia in gloriam Dei facite: &c., dico vobis non resistere malo: hæc sunt simpli-
citer ut præcepta accipienda.

CENSURA.

Hujus propositionis posterior pars (2) est falsa.

(2) *Al. ut*
facit, est
hæretica.

18. *Propositio.*

Omne opus bonum est meritorium vitæ æternæ: quod si aliquod remuneretur tempo- (1) *Al.*
raliter (3) tamen non dignum vitæ æternæ, illud malum est, quia nullum est opus tantum.
meritorium, nisi æterna vitæ.

CENSURA.

Hæc propositio tota repugnat Sacra Scriptura.

Ex MSS.
G. K. pri-
mum edi-
ta.

MICHAELIS BAIL ANNOTATIONES

IN SORBONÆ CENSURAM.

*Honorando Patri Antonio Sablonio nuper in partibus
Flandriæ Provinciali Fratrum Minorum;*

MICHAEL DE BAIL.

(a) MSS. C.
Regis.



Acceptis nuper Censuris quæ passim (a) in Belgio nomine Sorbonæ Parisiensis in octodecim propositiones circumferuntur, & quæ partim verè partim calumniosè, ut intelligo, quibusdam vestris Fratribus adferuntur, Honorande Pater, diu hæsi suspensus quid facerem, an omnino tacerem, an breviter ostenderem in his Censuris nonnulla contineri manifestæ veritati contraria. Ad tacendum hortabatur tam antiquæ tamque numerosæ Facultatis veneratio, quam rebus in Gallia turbatis, ob nonnullos infirmos illæsam servari cupiebam, ne fortè Hæretici nostro studio abuterentur ad persuadendum populo quoddam etiam pro fide differens audienda non esset, si in harum propositionum nonnullis palam errasse ostenderetur. Deinde cum unius communionis simus & ejusdem corporis membra, summopere cavendum judicabam ne quisquam nostrum ab altero læderetur. Cæterum ad respondendum impellebat tum veritatis catholicæ tum illorum Fratrum injuria, quos propter veritatem passim cum Ecclesiæ detrimento infamari sentiebam prætextu harum Censurarum, quas tamen non dubito aut (b) supposititias esse, aut certè per æmulos Sorbonæ Parisiensis in quorundam subversionem non satis bonis artibus ipsis inficiis clam extortas. Deinde sperabam eos qui Censuras, non malitiosè forsitan, sed incogitanter duntaxat, aut ab æmulis impulsu protulerunt, non ægrè laturos rectam admonitionem, sed acceptæ ratione aut suam sententiam muturos, aut excusatos quoddam circumventi sint astutis quibusdam machinationibus: præsertim quia non ignorant se in his quæ ad fidem pertinent, propriè Censores non esse, sed doctores; & adjuutores fidei nostræ, non dominos. Doctores enim sunt à Domino constituti, non domini ac judices.

(b) MSS. C.
suppositas.

ces. Movebat etiam quòd memineram Sorbonam Parisiensem in Censuris non tantùm circa has propositiones, si tamen ejus sunt; verùm etiam circa alias quæstiones sibi propositas decretis summi Pontificis, potestate sibi à Deo concessâ legitimè fungentis, (quod omnibus (a) obedientiæ filiis meritò displicet,) adhuc etiam nostrâ memoriâ contra veritatem obstitisse. Taceo enim quæ nostram memoriam præcesserunt: ut in dispensatione facta Henrici VIII. Regis Angliæ cum matre Mariæ novissimè defunctæ, quam cum magno fidei catholica & Reginæ suæ præjudicio damnavit: similiter in damnatione instituti Societatis Jesu à Summo Pontifice sæpius confirmati, & nunc omnium pene Fidelium consensu probati. His igitur rationibus adductus pauca quædam annotavi tam circa propositiones, quàm circa Censuras earundem, quæ (b) si tibi probabuntur, Vestra paternitas poterit eis legenda permittere quibus judicabis sine cujusquam injuria posse prodesse: sin verò minùs, licebit exiguo chartæ detrimento suppressere. Deceveram has Annotationes ante omnia curare exhiberi alicui Magistro Sorbonæ, ut responso accepto cognoscerem quid magis expediret. Sed interim intellexi ab amico agente (c) Parisiis quòd Magistri Sorbonæ recusassent dare exemplar legitimum unde certò (d) possem cognoscere an hæ Censuræ eorum essent, an non. Quapropter metuens ne frustra etiam responsum expectarem, mutato proposito nihil aliud restare putavi, quàm ut iis studerem consulere, quos prætextu harum Censurarum passim injustè lædi sentiebam, si ve à Sorbona profectæ sint, si ve non.

(a) M.S.G. adversaria.

(b) M.S.G. si probabuntur Vestra Paternitati, poterit.

(c) M.S.G. Lintetia.

(d) M.S.G. possit cognosci.

Has reddiderunt Censuras anno 1560.

PRIMA PROPOSITIO

CENSURÆ

ANNO

B

M

Ex MSS.
K. an.
1574. &
C. an.
1578. cu-
vatis jam
primam
edita.

MICHAELIS BAII

IN

PROPOSITIONES

ET

CENSURAS.

QUÆ PASSIM NOMINE

SORBONÆ

Circumferuntur

BREVES ANNOTATIONES.

PRIMA PROPOSITIO



Liberum arbitrium hominis non habet potestatem ad opposita: nec ei convenit ea potestas ex ipsius intrinseca & naturali ratione.

CENSURA.

Prima pars hujus propositionis est hæretica: secunda falsa & moraliter Philosophiæ adversa.

ANNOTATIO.

Quamvis vox, *liberum*, sive *libertas*, quantum memoriâ consequi possum in Scripturis Sanctis nunquam sic accipitur ut opponatur necessitati; sed potius servituti: cui significationi est impertinens utrum id quod liberum esse dicitur, in omnibus iis potestatem habeat ad opposita in quibus liberum esse dicitur; sed à Philosophis accepta sit significatio, quâ quippiam liberum ex eo dicitur quodd aliquid facere potest ac idem omittere: Attamen placet Censurâ, quia licet non hoc nomine, alio tamen (a) quodam sermone in Scripturis sæpius continetur quodd voluntas hominis, (quæ cum ratione liberum constituit ar-

bitrium,)

(a) Omit.
godan.

bitrium,) hoc modo loquendi libera sit: ut eum de justo dicitur: *qui potius transgredi, & non est transgressus*, &c. Ecclesiasticus 31. manifestè significatur justum suâ voluntate Domini mandatum servasse, & quod illud etiam prævaricari potuerit.

II. PROPOSITIO.

Libertas & necessitas eidem conveniunt respectu ejusdem: & sola violentia repugnat libertati naturali. (a)

(a) K. naturalis hominis.

O. I. CENSURA.

Hujus propositionis pars prima includit contradictionem, & est hæretica: secunda est falsa.

A. N. N. O. T. A. T. I. O.

Qui in Philosophia detriti nullam libertatis significationem attendunt, nisi quam in Scripturis Sacris non didicerunt; auditâ hâc sententiâ: *libertas & necessitas eidem conveniunt respectu ejusdem*; non immeritò exhorrescunt ob contradictionem, quam eis suggerit ea libertatis definitio, quam solam cogitant. At si diligenter versati essent in Scripturis Sacris, & eorum Patrum monumentis, qui alteram libertatis significationem, quæ sola in scripturis sacris reperitur, usurpant sæpius, secundum quam verè liber est qui servic justitiæ, sive ab illa excidère possit sive non. *Tunc enim vera pax & vera libertas* (inquit Leo Serm. 1. De Quadrag.) *quando & caro animo judice regitur, & animus Deo præfida gubernatur*: hac assertionè sibi propositâ sine adjunctis, ex quibus rectè conicere possunt utrâ significatione sumi debeat libertatis nomen: tunc aut censuram suspenderent, aut certè distinctionem adhiberent, dicentes quod sumendo libertatis nomen sicut in Philosophia sumitur, falsa est & hæretica propositio, (b) quâ dicitur libertas & necessitas eidem convenire respectu ejusdem; sed in ea significatione, quâ & Christus & Apostoli hâc voce usi sunt, vera erit propositio, ut ibi: *Si Filius Dei libera verit vos, tunc verè liberi eritis*: (b) Quâ dicitur quod. (& (c) Gal. 4. *non sumus ancillæ filii, sed liberæ, quâ libertate Christus nos libera vit*: (& (c) C. hæc omittit. & *promittentes illis libertatem, cum ipsi sint servi corruptionis*: rursus, *ubi Spiritus Domini ibi libertas*.

Neque enim hoc modo tantum liberi sunt qui in hac vita justitiam diligunt, quam etiam possunt non diligere; sed etiam multò magis qui de corpore mortis hujus liberati sunt, & sic adhærent justitiæ, ut non possint illi non adhærere. Et hoc modo liberum arbitrium liberamque voluntatem in re necessaria quæ aliter esse non potest, clarissimè ponit Augustinus c. 105. Enchyrid. sic inquit: *Sic enim oportebat hominem prius fieri ut & bene velle posset & malè: nec gratis, si bene; nec impune, si malè. Postea verò sic erit, ut malè velle non possit; nec ided libero carebit arbitrio: multò quippe liberius erit arbitrium, quod omnino non poterit servire peccato. Neque enim culpanda est voluntas, aut voluntas non est, aut libera dicenda non est, quâ beati sic esse volumus, ut esse miseri non solum nolimus, sed nequaquam etiam velle possimus: sicut ergo nunc etiam anima nostra nolle infelicitatem;*

ita tunc nolle iniquitatem semper habitura est. Hæc Augustinus: Et rursus de Corrupt. & grat. cap. 4. & 12. Quid erit liberius libero arbitrio, quando non poteris servare peccato: prima voluntatis libertas erat, posse non peccare; novissima erit multo major, non posse peccare. Hæc si Sorbona attendisset, forsitan non tam precipitanter hæreticam propositionem pronuntiasset, quæ secundum Scripturas Sacras & Veterum monumenta Patrum verissima & fidei catholicæ consona ostendi potest, ut jam ostensum est. (a) (Vide & Aug. cap. 45. de natura & gratia.)

(a) Omit-
tita.

III. PROPOSITIO.

Liberum arbitrium in sua (b) ratione intrinseca non habet ut de se, in se, ex se aut per se efficiat actum liberum.

(b) AL.
significa-
tione.

CENSURA.

Hæc propositio est falsa, erronea & perniciofa.

ANNOTATIO.

Hæc Censura satis convenit, nisi fortasse is à quo hæc propositio manasse putatur, actum liberum ab ea libertate intelligat, quæ Christus nos liberavit. Talem enim actum (c) non potest voluntas humana (qualis nunc est) ex se præstare; sed solum ex ea quam nobis Filius impertit libertate.

(c) K.
actum libe-
rum.

IV. PROPOSITIO.

Liberum arbitrium non potest ex se nisi peccare: & omne opus liberi arbitrii sibi dimissi est peccatum mortale vel veniale.

CENSURA.

Hæc propositio pro utraque sui parte est hæretica.

ANNOTATIO.

Quamquam propositio hæc in sermone duas partes habeat, sicut Censura notavit; res tamen una est. Idem enim est: liberum arbitrium ex se nihil aliud potest, quam peccare: &, omne opus liberi arbitrii sibi dimissi esse peccatum. In quo etiam continetur quod infra propositione septima dicitur: omne opus hominis pure infidelis esse peccatum: quia quisquis infidelis permanet, is sic à Deo deseritur ut nec ad credendum adjuvetur: at infidelem non oportet esse eum, quisquis in aliquo opere à Deo derelinquitur: sicut a Paralip. 5. de Ezechia legimus quoddam in legatione Principum Babylonis qui missi fuerant ad Ezechiam ut interrogarent de portento quod acciderat super terram:

(d) K. idem
idolatriam.

Dereliquit enim eum Dominus ut per infidelitatem ad (d) cultum idolorum dilata-

dilaberetur. Quapropter plus complectitur ista propositio, quàm illa quæ septimo loco ponitur.

Quodd igitur sententia hæc: *Omne opus liberi arbitrii sibi dimissi peccatum est*, non sit hæretica, sicut Sorbona malè censuit; sed verè catholica & Scripturis Sacris Veterumque Doctorum monumentis (a) omnino consona sic ostenditur. Qui facit peccatum, servus est peccati, & diaboli laqueis irretitur, ad ejus voluntatem, quæ tota (b) peccati est, captivus tenetur: Ergo nihil aliud quàm peccat. Nam, ut ait Augustinus Enchyr. 30. *quid boni potest operari peccatus, nisi quantum fuerit à perditione liberatus*? Et, *quandiu homo est peccati servus*, inquit Fulgent. de incarnat. Christi cap. 15. 19. *non nisi ad serviendum peccato reperitur idoneus*. Et Augustinus lib. 3. contra duas epistolas Pelag. c. 8. *Liberum arbitrium (c) captivatum non nisi ad (d) peccandum valet*. Enchyr. c. 30. (c) *K. cap. livum.* Qualis enim potest servi addicti esse libertas, nisi quando eum peccare delectat; ac per hoc ad peccandum liber est qui peccati servus est: sed talis est quisquis qui à Deo non juvatur ut à servitute diaboli liberetur: quia dum fortis armatus custodit atrium suum, nisi fortior illo supervenerit, in pace sunt omnia quæ possidet. Igitur omne opus liberi arbitrii sibi dimissi, peccatum est & servitus peccati. Augustinus lib. 4. Confess. cap. 1. & super 1. Joannis Epistolam: & de Verbis Apost. ferm. 19. *Sed hic fortiter vigilate*, inquit, *ne dicat spiritus vester, si subtraxerit se cooperatio & adiutorium Dei; Spiritus meus facit hæc, etsi cum labore, etsi cum difficultate potest tamen implere*. Non sic est: *adiutorium Christi prorsus (e) si defuerit, nihil boni agere poteris*. Agis illo non adjuvante libera voluntate, (e) *C. si* sed (f) malè. Cum tibi dico sine adiutorio gratiæ Dei nihil agis, nihil boni dico. *deservit.* Nam ad malè agendum habes sine adiutorio Dei liberam voluntatem. Et epist. 106. (f) *K. mala.* Pelagium in hoc graviter accusat quòd interdum ita paribus momentis potestatem voluntatis æquà lance pendendat, ut aliquantulum etiam ad non peccandum valere definiat: (g) *(quod si ita est, inquit, nullus locus adiutorio gratiæ reservatur, sine qua nos dicimus ad non peccandum nihil valere libertatis arbitrium.* (g) *C. om. i. ista.* Si Pelagianum est dicere potestatem voluntatis sine adiutorio gratiæ ad non peccandum nihil valere: igitur sententia catholica est liberum arbitrium sine adiutorio gratiæ nihil aliud quàm peccare. Sic l. 1. de pecc. mer. c. 18. dicit bonum motum voluntatis non esse nisi Deo adjuvante.) & (b) (lib. 2. de peccat. merit. (h) *K. om. i. ista.* cap. 8. aperte offendit Augustinus omnem motum voluntatis esse bonum aut malum, malum ex nobis, bonum non nisi ex Deo adjuvante.) Si enim gratia se subtraxerit, inquit Augustinus, de grat. & lib. arb. cap. 6. *cadit homo non erectus sed præcipitatus libero arbitrio: juxta illud Psalmistæ: avertisti faciem tuam à me, & factus sum conturbatus*. Necessè est enim, inquit Coelestinus epist. ad Episcopos Galliæ, cap. 6. *ut quo auxiliante vincimus, eo non auxiliante vincamur*. Et Zozimus Papa ibidem cap. 9. *quod ergo tempus intervenit, quo ejus non egeamus auxilio? In omnibus igitur actionibus, causisque, cogitationibus & motibus adiutor & protector rogandus est*. Superbum enim est (i) quicquid humana sibi præsumit natura, clamante Apostolo: non est nobis colluctatio adversus carnem & sanguinem, & c. Si tantum dixisset Zozimus, (i) in omnibus rogandus est adiutor; non desissent qui clamarent (k) in omnibus necessarium adiutorem ad benè operandum, sed non ad vitandum malum; quamquam tamen & vitare malum (l) non possit. (l) *K. non possit, nisi esset bonum.*

possit non esse bonum. Verum quando addidit quod in omnibus etiam protector orandus est, quia non est nobis colluctatio adversus carnem & sanguinem; quis non videt quod quemadmodum ex eo quod in Oratione Dominica dicimus? *Fiat voluntas tua*: Ecclesia Catholica intelligit in omni opere bono necessarium esse gratiæ divinæ auxilium; sic etiam ex eo quod dicimus: (a) *ne nos inducas in tentationem*: etiam (b) cum ipsa intelligere debemus idem auxilium in omni (c) tribulatione & tentatione esse necessarium ut à malo declinemus, id est, ut malum non faciamus: quia in his omnibus superamus, inquit Apostolus, *per eum qui dilexit nos*. Nam post casum hominis, teste Augustino de bono perseverantiæ, cap. 7. non nisi ad gratiam suam Deus voluit pertinere (d) *(ut homo accedat ad eum; neque nisi ad suam gratiam voluit pertinere)* ut homo non recedat ab eo: & per hoc sicut operatur ut accedamus, sic operatur ne (e) discedamus. Divini enim muneris est (inquit Concilium Arausicanum 11. can. 2.) cum & rectè cogitamus, & pedes nostros à falsitate & injustitia tenemus. Unde Chrysostomus homil. 24. in Epistol. 1. ad Cor. tractans illud Apostoli: *faciet cum tentatione proventum*: suntne ergo tentationes, inquit, quas sustinere non possumus? & quam sunt illæ? Omnes, ut ita dicam, possibilitas enim in divino munus est: (f) quare ut cerèd cognoscas non solum illas, quæ virtutem nostram exuperant, non posse nos sine divino auxilio (g) superare, sed ne has quidem humanas; addidit: sed faciet cum tentatione proventum, ut possitis sustinere. Neque enim mediocres quas dixi propriâ virtute sustinebimus, sed in his etiam divino opus habemus auxilio, ut eas pertranseamus, & prius quam pertranseamus, feramus. Augustinus quoque serm. 13. de verbis Apostoli: *si Deus*, inquit, non adjuvet; non dico vincere, sed ne pugnare quidem poterimus. Quisquis igitur in tribulatione non deficit, inquit Prosper contra Collatorem cap. 35. ab illo se non dubitet adjuvari ad quem quotidie universorum Fidelium corda clamant: ne nos inducas in tentationem; sed libera nos à malo: (b) (quoniam custodit Deus animas Sanctorum suorum.) Hinc Psalmista: Adjutor meus esto, inquit, ne derelinquas me; & rursus: Deus, in adjutorium meum intende; Domine, ad adjuvandum me festina. Quod etiam omnibus horis frequentat Ecclesia, sciens se in nulla tentatione posse subsistere, nisi divino (i) indefinenter fulciatur auxilio: quia liberum arbitrium, inquit Prosper in epist. ad Rufinum, circa finem, (cum solum esset) sibi permittum, non nisi in suam perniciem movebatur: & lib. 1. de vocat. Gent. cap. 2. *Voluntas*, inquit, quæ non ab incommutabili voluntate regitur, tantum citius propinquat iniquitati, quantum acius intendit actioni. Et rursus contra Ingratos: quæ, scilicet voluntas, sine te quid agit, visis ut procul exulet à te? nam quem gratia non recto tramite ducit, quantum plus graditur, tantum plus errat. Hinc contra Cassianum sententiam hanc tanquam evidens & expressum Pelagii commentum improbat: *Cavendum est nobis ne ita ad Dominum omnia Sanctorum merita referamus, ut nihil nisi quod malum est & perversum, humana tribuamus natura*: quam tamen Pelagianam sententiam necessarium est ut non tantum probent, sed etiam ad fidem catholicam pertinere existiment illi qui hæreticum esse pronunciant dicere, quod omne opus liberi arbitrii sibi relictum sit peccatum. Quod si Sorbona majoris se autoritatis aut eruditionis existimat, quam ut hujusmodi testimoniis cedat; saltem ferat ut à domesticis Dei non excludat eos qui humiliter

(a) C. addit: dimittis nobis debita nostra.

(b) K. omitt. cum ipsa.

(c) C. peccatorum remissionem & tentationes.

(d) C. omitt. ista.

(e) C. discedamus.

(f) C. addit: quam vestra altissimi consilio.

(g) C. facit sustinere.

(h) K. omitt. ista.

(i) C. omitt. indefinenter.

(k) C. omitt. hæc.

liter (a) cedunt, & hujusmodi Scriptorum autoritatibus libentius credunt quàm (a) *K. credunt.*
 Pelagio & Symmisticis ejus acquiescunt. Nec eos tam præcipitanter hæreticos
 pronunciet, qui adversus Pelagium non tantum prisci Ecclesiæ Doctores; (b) *K. libentius acquiescunt, quàm Pelagii & Symmisticis*
 sed etiam excellentissimis Ecclesiæ Romanæ Pastoribus, Zozimo & Cœlestino, manifestissime consentiunt. De qua quæstione etiam eleganter disseritur
 lib. 1. de vocat. Gent. cap. 6. 9. ultra medium usque ad finem: & apud Augustinum epist. 84. 89. quæst. 2.

V. PROPOSITIO.

Homo faciendo quod in se est, peccat: & non potest non peccare, faciendo quod in se est.

CENSURA.

Tota hæc propositio est hæretica.

ANNOTATIO.

Origenes lib. 3. *περί ἀγνῶσθαι*, dicit dubium non esse quin in omni tentatione
 adsit nobis tolerandi virtus, si tamen nos competenter utamur virtute concessa: quam virtutem cum Pelagio naturam intelligit. Nam (c) doctrinâ Pelagii (c) *C. Pelagius*
 Origenis ramusculus est, inquit Hieronymus in epistola ad Cresiphontem. Existimavit enim Origenes in nostra potestate esse servare Dei mandata, tam faciendo bonum, quàm declinando à malo, sine ullo Dei adjutorio: ut patet ex cap. 2. ejusdem libri *περί ἀγνῶσθαι*. Simile quid præ se ferre videntur verba definitivæ sententiæ, quâ usi sunt nonnulli recentiores Doctores, dicentes quod Deus adsit omnibus Infidelibus facientibus quod in se est: sicut ingenuè fatetur Joannes Driedo à Turnhout, in lib. de concordia liberi arbitrii & prædestinationis, dicens quodd quantum attinet ad grammaticam sermonis significationem, significat, inquit, hominem facere (d) quod in se est, ex his quæ in se (d) *C.*
 habet: quanquam tamen ei sensum catholicum tribuat. *Quia ergo Infideles in se quantam non habent unde boni quiddam faciant; de ipsis idem rectè dicitur quodd faciendo quod in se est, peccant.* Nam de eorum voluntate ait Prosper 1. de vocat. Gent. c. 2. 6. quodd *tantò citius propinquat iniquitati, quantò acrius intendit actioni*: sicut in annotatione præcedentis propositionis dictum est. Sed an hoc etiam ad Fideles extendi queat, qui jam bonæ voluntatis facti, acceperunt benè agendi potestatem; alia quæstio est. Habent enim in se bonam voluntatem, quâ benè vivere possunt; sed quia illam à se factam non habent, sed à Deo præparatam; idè quæstio grammatica est utrum benè vivendo dicendi sint facere quod in se est, an quod Deus in illis est. Scriptura Sacra sæpe sic loquitur ut quod bonum est soli Spiritui Sancto tribuere videatur, ut ibi: *non est in homine via ejus; nec est viri ut ambulas, & dirigat gressus suos:* & ibi: *non vos estis qui loquimini, sed Spiritus Sanctus qui loquitur in vobis.* Rursus: *Spiritus postulat pro vobis gemitibus inenarrabilibus,* &c. non quodd bonum opus alienum sit ab hominis voluntate; sed ne de eo quod acceperit, gloriatur in semetipso quasi non accepisset.

(a) C. an
propria
virtutis.
(b) C. omis.
loqueretur.

Si igitur quis simili aliquâ ratione, non tantum de Infidelibus; sed generali-
ter de omni homine rectè dici putaret quod in se est, id est,
quod non ex gratia Dei, sed quod (a) ex propriâ voluntatis virtute potest,
peccat; non aliud assereret, quàm quod præcedenti propositione satis defen-
sum est; nec tam absurdè (b) loqueretur, ut ob id hæreticus dici mereretur,
sicut prætendit hujus Censuræ severitas: quia sicut aliud est errare etiam in his
circa quæ versatur fides, aliud hæreticum esse; Hæreticus enim non est, nisi
qui erroris sui excusationem non habet: Sic longè aliud est propositio erronea,
aliud hæretica: sicut ex Epiphânio & Augustino & cæteris, qui usque ad sua
tempora hæreses numeraverunt, constat. Hæretica enim sententia aut propo-
sitiō censerī non debet, nisi quæ tam manifestè fidei est contraria, ut inter Fi-
deles de peccato excusationem habere non possit qui illam asseverat, ne viris
sanctissimis & unitatis catholicæ studiosissimis, qui in hujusmodi nonnun-
quam quippiam passi sunt humani gravissimum infidelitatis impietatisque cri-
men impingentes, summam injuriam irrogemus. Malim tamen eum qui rectè
sentit, clarè eloqui quod sentit; ne ob inordinatum sermonem, malè sentire
putetur.

VI. PROPOSITIO.

(c) C. fa-
m. las.

*Posse peccare non est de ratione liberi arbitrii hominis: nec hujusmodi peccandi
(c) potestas homini à Deo data est.*

CENSURA.

Hujus propositionis prima pars est falsa, secunda est hæretica.

ANNOTATIO.

Quantum ad priorem hujus propositionis partem attinet, divus Anselmus
est ejusmodi Censuræ valde contrarius: si quidem lib. suo de Libero arbit.
cap. 2. sic ait: *Quamvis differat liberum arbitrium hominis à libero arbitrio Dei &
Angolorum: tamen hujus libertatis denominatio secundum hoc nomen debet esse eadem:
Quapropter talem oportet dare denominationem, quæ nec plus nec minus illâ contineat.
Quoniam igitur liberum arbitrium Dei & Angolorum non potest peccare; ideo non per-
tinet ad (d) definitionem liberi arbitrii posse peccare. Denique nec libertas est nec pars
libertatis posse peccare, sive potestas peccandi. Hic videre potest Sorbona quem
suâ Censurâ refellat, & à quo sua Censura refellatur. Et licet Anselmus ta-
cuisse, adhuc tamen manifestum est Sanctos in futura vita, cum erunt æ-
quales Angelis Dei, & amplius peccare non poterunt; non aliâ ratione fore
liberi arbitrii, quàm sint in hac vita, ubi peccare possunt: sicut nec Christus
qui peccare non potuit, aliâ ratione liberi arbitrii fuerit, quàm hi qui peccare
(e) poterant. Ex quo manifestè sequitur posse peccare non magis esse de ratio-
ne liberi arbitrii hominis, quàm Angeli: nisi fortasse Sorbona dicere velit San-
ctos in futura vita, quando erunt immortales, etiam aliâ (f) ratione fore ho-
mines, quàm sint in hac vita ubi sunt mortales: quia si posse peccare & non
posse*

(d) K. de
nominati-
nem.

(e) K. pos-
sunt.

(f) C. defi-
nitione.

posse peccare liberi arbitrii definitionem variant; æquum est etiam ut mortale & immortale etiam variant definitionem hominis; præsertim quia non defuerunt Scriptores in externa sapientia præclari qui mortale & immortale in hominis definitione ponendum censuerunt.

Porro quid Sorbonæ in mentem venit, quando secundam hujus propositionis partem, quæ habet quoddam potestas peccandi homini non sit à Deo; non falsam, ut priorem, sed hæreticam censuerit; non facile possum conicere: præsertim cum sub iisdem verbis sub finem libri 2. sentent. à Doctoribus Scholasticis tanquam dubia quæstio disputetur utrum potestas peccandi homini sit à Deo; nisi forte dum plus ad damnandum, quam ad intelligendum intendit, etiam suos Doctores Scholasticos oblita, per hanc potestatem significari putaverit mentem, voluntatem, aliaque potentias, quibus in hac vita peccamus, à Deo non esse. Id enim manifestè erroneum est. Verum si id putaverit, valde turpiter hallucinata est in proprietate hujus nominis, (a) *potestas*, (a) *K. potentia*, seu, *posse*: quod, sicut aliz multæ voces, quibusdam dictionibus junctum, sæpius à sua significatione propria (b) *avocatur*, ut significet non potentiam, (b) *C. avertitur*, sed aut impotentiam, ut cum dicimus, molle faciliè dividi posse; aut nudam aliqujus facultatis negationem, ut cum dicimus: quandiu in hac vita sumus, semper labi possumus. Nam hoc dicentes nihil aliud significamus, quam quoddum mortales sumus, semper possumus à Dei mandatis deficere; nec eâ facultate præditi sumus, quâ præditi sunt Angeli in cælo, ut sumus perfectè stabiles in bono: quam facultatem ubi consequemur, non aliquam poteriam deperdemus, quâ in hac vita posse peccare dicebamur; sed facultatem quam in hac vita non habuimus, solâ negatione sublatâ, consequemur.

Quodd igitur secunda propositionis pars non debeat dici hæretica, sic ostenditur: Cum omnino non essemus, non à Deo acciperamus ut non essemus, quamvis illo & sciente & consentiente non essemus. Ergo quando sic sumus ut in bono stabiles non sumus; non hoc à Deo accepimus ut stabiles non sumus, quamvis illo & sciente & permittente stabiles non sumus: sed hanc negationem ex eo reservamus quod aliquando omnino nihil fuimus. Deus enim, qui summè est, juxta Augustinum lib. 2. de Civit. cap. 2. rebus quas creavit, esse dedit, sed non (c) *summè: ac per hoc*, inquit lib. 19. de Civit. Dei cap. 13. (c) *C. summi*, *ut natura sit, ex eo habet quodd à Deo facta est; ut autem ab eo à quo facta est; deficiat; ex hoc, quod ex nihilo facta sit*. Idem dicit lib. 2. contra Julian. cap. 8. & (d) *de fide ad Petrum*, cap. 3. Naturæ (e) igitur à Deo factæ idèd deficere possunt, quod ex nihilo factæ sunt; peccare autem deficere est: ergo ex eo peccant quod ex nihilo factæ sunt. Non ignoro partem oppositam à Catholicis quibusdam non absurdè defendi: sed per hoc manifestè (f) omnino convincitur partem hanc talem non esse, (g) ut debuerit hæretica censerì: præsertim exurgentibus nunc undique tot Hæreticorum catervis, quas si adhuc ex hujusmodi quæstionibus multiplicare volumus, tot Hæreticorum alvearia facientes, quot occurrerent sententiæ nostris opinionibus aut etiam erroribus contrariæ, facile implebimus quod in Evangelio dicitur: *Filius hominis veniens putas invenies fidem in terra*, quia universa (b) hæresibus & schismatibus imple-

(d) Fulgent.
(e) C. inquit.
(f) K. ostendit.
(g) C. ut hæretica ostendit & dicit moritur.
(b) K. hæretici & schismi in istis implebimus.

VII. PROPOSITIO.

Liberum arbitrium hominis non potest absque speciali gratia vitare peccatum: unde fit ut omne opus hominis parè infidelis sit peccatum.

CENSURA.

Hujus propositionis secunda pars est falsa, & malè inferitur ex priori.

ANNOTATIO.

Si Sorbona sensisset divinum auxilium esse homini necessarium, non tantum ut longo tempore vitaret peccatum; sed etiam ut in singulis actibus, causis, cogitationibus & motibus peccatum effugeret; sicut ex Scripturis Sacris docuit contra Pelagium veneranda Patrum antiquitas; Lex enim sine gratia non minuit peccatum, sed abundare facit: quia Lex sine gratia occidit; si, inquam, hoc sensisset Sorbona, nunquam existimasset posteriorem hujus propositionis partem malè inferri ex præcedenti: quia manifestum est eos, qui parè infideles sunt, in nullo suo opere adjuvari. Sed quia de antecedenti superiori quæstione quartâ satis diximus; nunc de consequenti pauca subjiciamus. Præceptum est homini ut soli Deo serviat, & omnia in ejus gloriam referat: nam quia Deo commodare non possumus, idèd serviendo & voluntatem ejus taciendo illum glorificare debemus. Sed Deo servire non potest, nec quicquam in gloriam ejus facere qui illum & cæcitare nescit, & elatione contemnit. Igitur in omni suo opere peccat: ut verum sit quod ait Apostolus, quoddam inquinatis & immundis nihil est mundum: omne enim quod non est ex fide, peccatum est. Quod posterius Apostoli dictum etsi Gagnæus, Sorbonæ alumnus, & quidam alii recentiores nescio quo sermonis prodigio conantur eludere, non tantum contra omnium latinè intelligentium sensum, sed etiam contra (a) sententiam Veterum Patrum, per fidem intelligentes (b) bonæ conscientie testimonium: attamen manifestè refelluntur testimonio Augustini locis penè infinitis, & præsertim lib. 4. contra Julian. cap. 3. Similiter Prosperi contra Ingratos, ubi sic ait: omne etenim probitatis opus nisi semine veræ fidei exorsur, peccatum est; & in peccatum vertitur; & sterilis cumulat sibi gloria putant.

(a) K. sententiam omnium Veterum.
(b) K. propria.

VIII. PROPOSITIO.

Liberum arbitrium liberè vult, quicquid sponte aut voluntate vult; ita ut quod libere vult, idem necessarid velit.

CENSURA.

Hujus propositionis secunda pars implicat contradictionem, & est barba.

A N N O T A T I O.

De hac Censura sufficienter dictum est circa secundam quæstionem: quare silentio præterimus.

I X. P R O P O S I T I O.

Hæreticus & Schismaticus, & homo non parè fidelis, meretur quandoque de condigno vitam æternam.

C E N S U R A.

Hæc propositio planè est hæretica.

A N N O T A T I O.

Quòd homo non habens plenam fidem, nec peccatorum suorum remissionem, aliquando à Deo adjuvetur ut aliquid boni faciat, quod Deo gratum sit & acceptum, docent nos orationes & eleemosynæ Corneli Centurionis: Cui etiam si certum sit in futuro sæculo nullam fuisse retribuendam mercedem, si in peccatis suis usque ad mortem permanisset; attamen quòd accepta suorum peccatorum remissione apud iustum Judicem, qui acceptor personarum non est, non sit pro ejusmodi operibus accepturus retributionem, vellem Sorbona aliquo Scripturarum testimonio tam solidè doceret (quod doctoribus proprium esse debet) quàm ejus oppositum confidenter & temerè damnavit: præsertim quia sicut malis operibus idè poena debetur, quia mala sunt: sic etiam bonis, (a) quia bona sunt, debetur merces. Sicut in Concilio Arausicano II. can. 18. dicitur, *debetur merces bonis operibus, si fiunt: sed gratia, quæ non debetur, præcedit ut fiant*: ut est apud Augustinum epist. 106. *Bona, inquit, opera pia retributione non frustrantur; cùm Dominus reddat unicuique secundum opera ejus.* Similia quædam opera tribuit Augustinus Schismaticis in lib. de penitentia cap. 26. & 27. quæ Dei dona esse contendit, & ad hoc prodesse ut minus damnentur, non ut regnum consequantur æternum. (c) (Nam præsupponit eos in suo schismate permanere usque ad mortem.

Scimus apud Calvinum (d) de justificatione certum principium reputari, quòd opera bona etiam si careant omni imperfectionis vitio, attamen per se nec ad justitiam nec ad meritum conferant, nisi præsupposita peccatorum remissione. Sed an istud principium sumperit ex aliquo Concilio generali, aut testimoniis sacræ Scripturæ; an potius ex communi placito Scholæ Parisiensis, nec affirmare audeo, neque negare, ne inveniari dicere quod nescio.

X. P R O P O S I T I O.

Homo existens in peccato mortali, sive ejus reatu ad mortem æternam, habet in se charitativum.

Hæc propositio est hæretica.

A N N O T A T I O. XI

Augustinus lib. 14. de Civit. cap. 7. differens de quatuor animi affectibus, qui aliquando boni sunt, aliquando mali, tandem subdit quod cuivis propositum est amare Deum, & non secundum hominem, sed secundum Deum, amare proximum sicut seipsum. *Propter hunc autem, inquit, dicitur voluntas bona, quæ usitatius in Scripturis Sacris charitas appellatur.* Idem docet lib. de gratia Christi cap. 21. l. de grat. & lib. arb. c. 17: & l. 2. contra duas epistolas Pelagian. c. 9. differens de prima boni cupiditate, quam Deus homini inspirat, & per quam efficitur de invito volens & de reluctantem consentiens; quid est, inquit, boni cupiditas, nisi charitas, de qua Apostolus sine ambiguitate loquitur, dicens: Charitas ex Deo est; (a) (nec initium ejus ex nobis est, & perfectio ex Deo est.) Sed si Charitas ex Deo est, tota nobis ex Deo est. Ex quibus manifestum est apud Augustinum nomine Charitatis in Scripturis sacris rectissime intelligi bonam voluntatem, seu propositum bonum & studium veritatis, sicut eodem capite 7. dicitur. Sed bona voluntas etiam ante peccatorum remissionem invenitur. Nam pax in terra promittitur hominibus bonæ voluntatis. Igitur Charitas præcedit remissionem peccatorum.

(a) C. o.
mitt. ista.

(b) C. est
ne mortua.

(c) C. o.
mittit ista.

Præterea fides quæ non operatur per dilectionem, (b) inanis est & mortua; nec valet ad remissionem peccatorum consequendam: sicut toto libro de fide & operibus, docet Augustinus. Igitur ut quis sit idoneus ad consequendam remissionem peccatorum (c) (præter baptismum) necessaria est fides per dilectionem operans, qualis à B. Jacobo in Raab meretrice commendatur, & qualem habuit Maria Magdalena, cui dimissa sunt peccata multa, quia dilexit multum.

(d) C. o.
mitt. ista.

(e) C. illuminationem Sacramenti.

Tertio, qui non diligit, manet in morte. Sed Catechumenus, qui ante peccatorum remissionem suos (d) (præteritos deflet &) confitetur errores, surrexit à mortuis; quia à mortuo tanquam ab eo qui non est, perit confessio. Igitur Catechumenus diligit Deum, etiam priusquam per (e) illuminationis Sacramentum peccatorum suorum remissionem consequatur.

(f) C. o.
mitt. ac
servare.

Quarto, qui non diligit me, sermones meos non servat, inquit Christus; sed multi Catechumeni adhuc portantes peccatorum suorum sarcinam usque ad baptismum, majori diligentia (f) ac fervore servant Dei mandata, quam nonnulli alioquin boni & justi Christiani. Igitur & ante peccatorum remissionem diligunt Deum.

Quinto, si habuerim omnem fidem, Charitatem autem non habuero, nihil mihi prodest: sed fides ex qua Infideles justificantur, eis multum prodest; sicut Publicano multum profuit oratio, cujus merito descendit justificatus in domum suam ex templo: & eleemosynæ Regi Nabuchodonosor, teste Daniele, profuissent, si illis peccata redimere voluisset. Igitur ut fides ad remissionem pec-

peccatorum proſit, neceſſarium eſt ut conjunctam Charitatem habeat. Quia, ut ait Apoſtolus, *in Chriſto Jeſu neque circumciſio aliquid valet, neque præputium, ad Gal. 5. ſed fides quæ per dilectionem operatur.*

Sextò, ſi quis non amat Jeſum Chriſtum Dominum noſtrum, ait Apoſtolus, ſit anathema. Sed nemo dixerit Gentili anathema, qui Spiritus Sancti baptiſmate regenerandus vetuſtatem peccati exuere cupit & Chriſti novitate veſtiri: neque etiam peccatori, qui accepto pœnitentiæ dono, per reconciliationis auxilium feſtinat ad veniam; quia hiſ ab Eccleſia impenditur benedictionis gratia. Igitur uterque amat Dominum noſtrum Jeſum Chriſtum etiam ante remiſſionem peccatorum. *Deus enim etiam nulli præcedentibus meritis & ſædem & amorem ſui præſens inſpirat, (inquit Concilium Arauſicanum II.) ut ſacramentum Baptiſmi fideliter requiramus.*

Sed quid ego hîc diutius laboro, cùm Leo Papa ſerm. 9. de paſſione Domini, aſſerat quòd Dominus in Petro negante viderat non fidem fictam, non dilectionem averſam, ſed conſtantiam fuiſſe turbatam: & quòd abundavit fletus, ubi non deſuit affectus; & quòd fons charitatis lavit verba formidinis; (a) *ne tardatum eſt remedium abolitionis, ubi non fuit judicium voluntatis.* (a) C. o. m. i. ſa. Ex quo maniſeſtè ſequitur Charitatem non tantùm cum reatu, ſed etiam cum actu peccati mortalis in Petro permaniſſe, cujus merito poſtea abolita eſt ejus negatio. Scio Scholæ commune eſſe documentum, Charitatem eſſe habitum omni cupiditate & omni tentatione fortiorem, cui addi quippiam poſſit, ſed nihil detrahi, niſi per peccatum mortale in totum pereat; per cujus ſubitam & inſenſibilem inſuſionem formaliter fiat omnium peccatorum remiſſio, & ſine cujus inſuſione fieri non poſſit. Sed an iſtud decretum tam ſolidis argumentis probari queat, ut contrarium dicendum ſit hæreticum, magnopere cuperem edoceri: quia nulla Scriptura Sacra mihi occurrit, quâ hoc ſatis doceri queam: nonnullæ occurrunt, quibus hoc decretum videtur in multis non improbabili- ter poſſe refelli.

XI. PROPOSITIO.

Per contritionem, non adhibito realiter Sacramento Baptiſmi aut pœnitentiæ, non dimittitur peccatum extra caſum martyrii aut neceſſitatis.

CENSURA.

Hæc propositio eſt hæretica & ſchiſmatica.

ANNOTATIO.

Maniſeſta eſt Chriſti doctrina, quòd niſi quis renatus fuerit ex aqua & Spiritu Sancto, non intrabit in regnum calorurn: quam ſecurus Auguſtinus docet quòd Catechumeni credentes uſque ad Baptiſmum portant peccatorum ſuorum ſarcinam, quæ autem Baptiſmi, eadem & reconciliationis eſt ratio, ſicut ait idem Auguſtinus in fine primi Libri de adulterinis conjugiiſ. Ideoque certiſſima eſt doctrina quòd extra caſus à D. Bernardo epiſt. 77. (b) exceptos ex veterum

(b) C. p. tra- ſiſſi, non.

traditione non detur peccatorum remissio, nisi eis qui realiter baptizantur aut à Sacerdotibus absolvuntur.

- Cæterum quid intenderit Sorbona, cum hanc propositionem non tantum erroneam, sed etiam hæreticam & schismaticam pronunciat, conicere non valeo. Schisma enim facit animorum (a) divisio, quæcunque ex causa proveniat, etiam si nullus error (b) interveniat. Nullam autem inter Fideles divisionem facit, qui peccatricem Magdalenam ad Christum pro venia currentem imitari docet, & ad Sacerdotes mittit; quod sine dubio faciunt qui extra casum Martyrii & necessitatis, sine absolutione (c) Sacerdotis non dari peccatorum remissionem docent. Igitur qui (d) sic docent, nullum schisma in Ecclesia faciunt; sed potius qui Novatum ex parte sequentes, aliquoties lapsos à Sacerdotibus alienant, sine quorum ministerio per solam contritionem contra Dei legem Deo posse reconciliari prædicant: de qua re videre licet Jacobum Latomum, de *Confessione secreta*.
- (a) C. divisionem.
(b) C. interveniatur.
(c) K. Sacerdotum eos non posse remissionem habere peccatorum docent.
(d) K. sic faciunt.

XII. PROPOSITIO.

- (a) C. post contritionem. Peccator si facit quod mandatur, (e) per contritionem ac confessionem factam Sacerdoti non illi remittitur peccatum, nisi Sacerdos absolvat; etiam si per malitiam absque ratione Sacerdos illi denueget absolutionem.

CENSURA.

Hæc propositio est hæretica.

ANNOTATIO.

- Ex hac Censura, si tamen Sorbonæ sit, manifestum est eam arbitrari hunc hæreticum esse, quisque dixerit Confessionem & Sacerdotis absolutionem extra casum Martyrii aut necessitatis esse necessariam; nec procul à vero esse quod dicit Lutherus fidem sine satisfactione ad salutem & remissionem peccatorum sufficere: Vel potius quod Joannes Wicleph docet, & quod olim damnatum est, videlicet, si homo fuerit debite contritus, omnis Confessio exterior est superflua & inutilis. Id quod tamen usque adeo non approbant Veteres, ut Jacobus Latomus de *secreta Confessione*, ex Cypriano, Augustino, Hilario, (f) Beda, & aliis pluribus Veteribus contra Hæreticos manifestè ostendat sanæ fidei esse contrarium, quod Confessio & Absolutio post Baptismum relapsis non sunt necessariae. Sed & quisque legerit epistolam 180. Augustini, quæ est de fuga in persecutione, nullo modo dubitare poterit extra necessitatem ad remissionem peccatorum necessarium esse Sacerdotis ministerium: cum ministerium dicat impium, qui extra casum necessitatis subtraheret ministerium pietati & reconciliationi necessarium. Deinde subdit: *Annon cogitamus, cum ad istorum periculorum pervenitur extrema, nec est potestas ulla fugiendi, quantus in Ecclesia fieri soleat ab utroque sexu, ab omni ætate conuersus, aliis Baptismus flagrantibus, aliis reconciliationem, alii etiam ipsas penitentiam actionem; omnibus consolationem ac Sacramentorum confessionem & administrationem poscentibus.*
- (f) C. omittit Beda.

bus. Unde si ministri desint, quantum exitium sequitur eos, qui de isto sæculo non regenerati exierunt, vel ligati, præsertim in tali necessitate? Hæc ille. Quæ tamen verba intelligenda puto, quantum attinet ad impietatem ministrorum illos in necessitate tali deferentium. Nam, sicut tradit Augustinus, Deus in necessitate supplet quod deest ex Sacerdotum ministerio. Attamen quia necessarium est quod à ministris exigitur; idèd non minùs deferendo peccant, quàm si hoc ipsum à Deo misericorditer non suppleretur, quod ab ipsis in necessitate non impenditur. Error esset tolerabilis, si Sorbona se contrarium opinari diceret; sed dum catholicam veritatem hæreticam pronunciat, viderit ne illud incurrat quod dicit Gregorius lib. 9. Regist. c. 30. quodd videlicet sunt multi Fidelium qui (a) imperito zelo succenduntur, & dum sæpe quosdam quasi hæreticos insequuntur, hæreses ipsi faciunt. (a) C. imperfecto.

XIII. PROPOSITIO.

Non sine Pelagiano errore admitti potest ante primam justificationem in homine aliquis bonus usus liberi arbitrii: & qui se ad eam præparat, peccat; ut is qui naturalibus (b) bonis suis pessimè utitur; nam antè eam omnia opera hominis sunt peccata damnatione digna. (b) C. de merito.

CENSURA.

Hæc pro omnibus suis partibus est hæretica.

ANNOTATIO.

Si per primam justificationem intelligatur peccatorum remissio, sicut in scholis intelligi solet; verissima est Censura. Sed quantum ex propositionibus prioribus, & ex verbis hujus colligere licet, qui hanc propositionem asseruisse putantur aut finguntur, nihil aliud senserunt quàm quodd ante primum divinæ renovationis initium nullus sit in homine bonus liberi arbitrii usus, quia omne quod non est ex fide peccatum est; ut dictum est propositione septimâ. Quapropter non videtur improbanda Censura, sed delatorum calumnia, qui studio lædendi verbis (c) aliorum insidiati sunt, & quæ benè dicta erant, sicut & in aliis pluribus propositionibus, ad sensum reprehensioni obnoxium, paucis commutatis detorserunt. (c) C. aliter.

XIV. PROPOSITIO.

Non datur gratia nisi reluctanti: proinde nec prima justificatio, (d) quia justificatio est fides; fides enim est quæ ex impio quis fit justus. (d) Aliter.

CENSURA.

Hujus propositionis duæ partes sunt hæretica, & tertia est falsa.

A N N O T A T I O.

Pelagii sententia fuit quòd gratia bonum uniuscujusque propositum adjuvaret, non autem reluctanti studium virtutis immitteret: ut patet ex Augustini lib. 2. *contra duas epistolas Pelagianorum* cap. 8. Per quod intelligebat Pelagius quòd initium nostræ conversionis esset ex nobis, incrementum verò ex Deo. Contra quem ostendit Augustinus quòd & initium & incrementum & complementum nostræ conversionis ex Deo sit; quòdque Dei gratia non inveniat in nobis bonam voluntatem, sed eam faciat: Deus enim ipse est qui operatur in nobis velle & perficere pro bona sua voluntate, nec facit ex his qui per se boni sunt, meliores; sed quoscunque primum ad se convertit, ex malis bonos facit. Quod enim queritur Job: *quare posuisti me contrarium tibi*, est toti naturæ lapsæ commune.

(a) K.
reluctantibus
quantum
possunt.

Verissimè ergo dici potest quòd primum conversionis initium non nisi reluctanti tribuatur, quia per illud ex reluctante volens & consentiens efficitur: sicut ex Ambrosio docet Augustinus l. *de bono persever.* cap. 19. Sed quia jam volentibus, & ad majora Dei dona per orationes & gemitus tendentibus multa gratiarum munera tribuuntur, quæ non tantum sunt gratia, sed gratia pro gratia; idè manifestè erroneum est, quod ex particulari à calumniatoribus generaliter delatum est, gratiam, videlicet, non dari nisi reluctanti: cum id tantum de prima conversionis gratia sit dictum. Qui verò dicunt quòd fides quæ per dilectionem operatur justitia sit, non scio an multò plus peccent, quàm peccavit Augustinus dicens l. *de natur. & grat.* cap. ultimo: *charitas inchoata, inchoata justitia est; & charitas perfecta, perfecta justitia est*: quia in Scripturis Sacris non commendatur fides, nisi quæ per dilectionem operatur, & cum qua similiter dilectio intelligitur, quæ rectè justitia esse dicitur.

XV. P R O P O S I T I O.

Homo necessariò peccat etiam damnabiliter in aliqua peccati specie: & actus in quem necessariò fertur, est illi peccatum: quare ut liberè feratur in actum, non est conditio necessaria ad peccandum.

C E N S U R A.

Hæc propositio pro omnibus partibus est hæretica.

A N N O T A T I O.

Joannis primo capite dicitur quòd quotquot Dei Filium receperunt, id est, in eum crediderunt (inquit Augustinus ad Bonifacium lib. 1. cap. 2.) dedit illis potestatem filios Dei fieri: hanc enim potestatem quæ crederent & filii Dei fierent, ex se non habuerunt, sed aliunde accipere debuerunt: sicut docet idem Augustinus lib. 1. contra duas epist. Pelagian. cap. 2. & l. *de natur. & grat.* c. ulti-

e. ultimo; & Cœlestinus Pontifex epistolâ suâ ad Episcopos Galliæ, cap. 4. Ex quo intelligimus quoddam hi quibus hæc potestas non datur, quandiu non datur, nec credere possint nec filii Dei fieri; sicut capite 12. apud Joannem de quibusdam dicitur, quoddam tanta signa Christus fecisset coram eis, *propterea non poterant credere*, quia juxta Isaiæ vaticinium non illuminabantur Christi misericordiâ, sed suâ justitiâ quam in se constituebant, excæcabantur & obdurbantur: erant enim de eorum numero, quibus prædictus erat Christus futurus lapis offensionis & Petra scandali. Sed hi suâ incredulitate tam graviter offenderunt, ut Christus de illis quasi per antonomasiam dicat: *si non venissem, peccatum non haberent*: quasi videlicet cætera peccata dici non mererentur. Igitur (a) C. o. mit. ista. peccato infidelitatis gravissimè peccaverunt (a) (qui credendi potestatem non habuerunt, quando non credendo peccaverunt); quamvis verum sit quoddam credere poterant, si Deus eorum misereri voluisset: sed quia non miserebatur, idè dicuntur non potuisse credere. Præterea Cyprianus lib. 1. Epistol. 2. epistolâ de Virginibus Deo (b) dicatis dicit: *Si perseverare nolunt aut non possunt*; (b) C. s. gratis. *melius est ut nubant*: ubi manifestè datur intelligi inter Virgines Deo dicatas, quæ incontinententer vivunt, quasdam nolle continere, nec votum adimplere quod semel promiserunt; alias velle quidem, sed non posse. Nam ex voluntate fit libido, & ex libidine consuetudo; & dum consuetudini non resistitur, fit necessitas, inquit Augustinus 8. Confess. cap. 8. & tamen eas à peccato non excusat. Igitur fieri potest ut aliquis in quodam genere peccati sic peccet necessariò, ut in se non habeat potestatem evitandi peccatum, cum peccat: sed meritò ad Deum clamare debeat: *De necessitatibus meis erue me*: ut qui dedit voluntatem, debeat etiam (c) potestatem, seu magnam & efficacem voluntatem, quâ superare queat contrariam cupiditatem: qui enim *vult facere mandatum*, inquit Augustinus lib. de gratia & libero arb. cap. 17. *& non potest*, ille quidem habet bonam voluntatem, sed adhuc parvam & invalidam: poteris autem, cum magnam habueris & robustam. Tanta, inquit idem l. de corr. & grat. cap. 12. *accenditur Spiritu Sancto voluntas Sanctorum, ut idè possint quia sic volunt, & idè sic velint quia Deus operatur ut velint*. Idem prorsus nobis indicat illud Matthæi: *qui potest capere, capiat*. Nam (d) (et si non desint qui hoc sic accipiant, (d) C. o. mit. ista. quasi dictum sit: qui vult capere capiat:) attamen res eodem recidit, quia voluntas quæ præparatur à Domino, cum tanta est ut ab ea superetur cupiditas, ipsa est potestas quæ datur à Domino ut & mandata & consilia capiantur. Verissima igitur est hujus propositionis prima pars, videlicet quoddam homo necessariò peccet in aliqua specie (e) peccati, sic videlicet ut cum peccat, potestatem evitandi hoc peccatum non habeat; quia hujusmodi potestas ipsa est efficacissima voluntas, quæ præparatur à Domino; quam nec Petrus habuit cum putabat se posse, quod se velle sentiebat; nec multi alii gravissimè peccantes acceperunt, nec ex se ipsis habere potuerunt, ut dictum est. Et si Sorbona vidisset quod anno 1347. censuerit de propositione 14. & 15. Joannis de Mercurio; forsitan comperisset se tunc manifestè probasse quod nunc hæreticum esse pronunciat, inconstanter quidem & temerariè. Cæterum quod posteriore propositionis parte dicitur, videlicet quoddam actus in quem necessariò quis fertur, illi peccatum est; non de propria aliqua specie peccati, sed de

particulari aliquo opere videtur accipiendum, quod videlicet ab aliquo sic ex necessitate fiat, ut quando ipsum facit, in sua potestate non habeat omittere ipsum. Mihitale esse videtur homicidium à phrenetico, ebrio, aut ignorante commissum, sive sit voluntate antecedente necessarium, sive non: modò tamen non sit involuntarium, seu voluntati facientis contrarium. Nam D. Thomas asserit etiam illud esse peccatum quod per meram sit ignorantiam, si modò non sit involuntarium. Nam si esset involuntarium, sic ut (a) actor quod nollet, faceret; eìtū imputari non posset, sicut ex Apostolo discimus: *quod si hoc quod volo facio, jam non ego operor.*

(a) C. an-
tit.

Quòd si Sorbona in hoc D. Thomam non recipiat, quòd ait malum opus esse peccatum, modò non sit involuntarium; saltem negare non potest homicidium necessitate commissum, sed in sua causa voluntarium, severa peccatum esse: quod certè ad veritatem posterioris partis hujus propositionis sufficere videtur. Quapropter valde mirum est quid in mentem illi venerit, ut omnes hujus propositionis partes etiam contra proprium sensum, hæreticas esse pronunciet; nisi fortè non satis attenderit quid diceret, cum etiam duas posteriores hujus propositionis partes pronunciet hæreticas.

XVI. PROPOSITIO.

Nemo præter Christum est absque peccato originis: hinc B. Virgo mortua est propter peccatum, (b) quod contraxit ex Adam: omnesque illius afflictiones in hac vita, sicut & aliorum justorum, sunt ultiones peccati originis, vel actualis: unde Job passus est & omnes martyres propter sua peccata.

(b) K. ad-
dit: origi-
nalis.

CENSURA.

Hæc propositio pro omnibus suis partibus est hæretica; & B. Maria Sanctisque omnibus injuriosa.

• A N N O T A T I O.

(c) C. od-
deretur.

(d) C. o-
mit. origi-
nalis.

(e) C. o-
mit. ca-
lamita.

(f) C. o-
mit. brevi-
ter.

(g) C.
querela.

(h) C. ad-
dit: com-
missa.

Si quis tam absurdus (c) reperiretur, ut diceret B. Virginem & Sanctos nunc cum Christo regnantes & in Paradiso requiescentes, nondum carere peccato (d) originali; sine dubio meritò ab omnibus damnaretur tanquam hæreticus. Sed quia nemo tam stupidus est ut id cogitet: ideò (e) calumnias artificium est quòd hæc propositio sic expressa sit ne hunc sensum habere possit & non immeritò damnari; ut per ejus damnationem, etiam tanquam hæreticum videatur damnatum, quòd B. Virgo concepta sit in peccato originali.

Quòd igitur hoc non debeat damnari tanquam hæreticum, sic (f) breviter ostendo. Scriptura Sacra generaliter loquitur dicens, omnes in Adam peccasse, à qua (g) regula neminem exceptum facit præter eum in quo Princeps mundi hujus nihil invenit. Igitur sicut dicimus B. Virginem ex voluntate carnis & voluntate viri esse genitam; sic etiam sine periculo hæresis aut injuriæ in ipsam, (h) dicere possumus ipsam in iniquitatibus esse conceptam: maximè quia id etiam sentit universa antiquitas, & recentiorum doctissimi quique.

Unde

Unde Ambrosius super Isaiam, sicut etiam citat Augustinus lib. 1. de nupt. & concup. cap. 35. & lib. 2. cap. 8. *Servatum est ut ex viro & muliere, id est, per illam corporum commixtionem, nemo videatur expers esse delicti: qui autem expers est delicti, etiam expers est huiusmodi conceptionis.* Idem manifestissime docet Augustinus lib. 12. de Genesi ad litt. c. 18. & 20. & lib. 5. contra Julian. c. 9. & lib. 2. de pec. mer. c. 24. ubi sic ait: *Solus ergo ille etiam homo factus, manens Deus, peccatum nullum habuit, nec sumpsit carnem peccati, quamvis de materia carnis peccati sumpserit. Quod enim inde carnis suscepit, aut suscipiendum mundavit, aut suscipiendo: (a) (mundavit, inquit; igitur prius immundum fuit.)* Similiter Leo Papa, serm. 2. de Nativitate: *Cum in omnibus matribus non sis sine sordibus peccati conceptio; Maria inde purgationem traxit, unde concepit.* Unde Fulgentius de Incarnat. Domini cap. 6. *Hæc est gratia, quæ factum est, inquit, ut Deus qui venit peccata tollere, quia peccatum in eo non est, homo nasceretur atque conciperetur in similitudine carnis peccati de carne peccati.* Caro quippe Maria quæ (b) in iniquitatibus humanâ fuerat solemnitate concepta, caro utique fuit peccati. Chrysostomus quoque hom. 17. in Joan. etiam inordinatum affectum ei tribuit; quamquam in ea re non consentiat Augustino l. de nat. & grat. c. 36.

(a) C. o. mit. ista.

(b) C. de.

Inter recentiores nota est D. Thomæ & D. Bonaventuræ sententia, similiter & Bernardi in epistola ad Canonicos Lugdunenses 174. quos ibi gravissime reprehendit, quod quibusdam nescioquod supernæ revelationis Scriptum proferentibus, imperitorum simplicitate decepti, in Ecclesiam sententiam novam, & Ecclesiæ ignotam celebritatem invexissent. Similiter sentiunt Alexander de Ales, & Albertus Magnus. Scotus docuit fieri potuisse ut sine peccato concepta sit, sed an factum sit ignorare se dicit.

Non ignoro anno 1439. undecimo Cal. Octobris in Concilio Basileensi, quod Eugenio Pontifici & Synodo Florentinæ repugnabat, esse definitum, eam doctrinam quæ dicit Beatam Virginem nunquam (c) subjacuisse peccato originis, tanquam piam, & cultui ecclesiastico consonam, fidei catholicæ, rectæque rationi, & Sacræ Scripturæ, ab omnibus approbandam; nullique de cætero licitum esse in contrarium prædicare aut docere. Sed indiscretam hujus Concilii sententiam & prohibitionem postea anno 1484. correxit Xistus IV. illos sententiæ excommunicationis subiciens, qui alteram hujus propositionis partem (d) aut hæreticam aut peccato mortali obnoxiam dicere auderent, cum non sit adhuc à Romana Ecclesia aut Sede Apostolica decisum. Ubi latenter indicat Xistus, illud quidem prius in Concilio Basileensi decisum fuisse; sed decisionem illam non esse curandam, cum (e) à Sede Apostolica non approbetur: sicut nec hodie à Rege & Statibus Galliæ curatur multum istud Concilium, si sit vera protestatio quæ sub eorum nomine circumfer-
tur.

(c) C. addit: *adma-
liser.*
(d) C. tan-
quam hære-
ticam dam-
nem, aut
eos morta-
liter peccat-
ura dicere
audens, quod
B. Mariam
tenens cum,
originali
peccato
fuisse con-
ceptam,
cum non
dum id sit
in Ecclesia
Romana
decisum.
Sed decisum
non.

(e) C. cum
Sedes Apo-
stolica id
non appro-
baverit.
(f) C. ad
nunc posita.

Si igitur Sorbona in sua Censura ad (f) incomposita hujus propositionis verba respexit, quæ significare videntur B. Virginem & Sanctos nunc non esse sine peccato originis; rectissime de hac prima propositionis parte censuit. Sed si hæreticum esse voluerit quod B. Virgo sit in peccato concepta; non solum graviter erravit, sed etiam sententiam excommunicationis à Xisto IV. latam incurrit: præsertim quia Concilium Basileense non definivit hanc partem esse

hæreticam, sed solum prohibuit illam prædicari & doceri: cum quo stare potest quoddam liceat eam sentire & opinando asserere; quanquam, ut dictum est, hæc definitio curanda non sit, quam Sedes Apostolica repro-
bavit.

Porro quoddam festum Conceptionis pie ac religiose à Fidelibus in Ecclesia jam celebretur, nullum facit huic quæstioni præjudicium, eo quoddam de nostræ salutis exordio Deo gratias agere possumus, siue peccatum habuerit, siue non. Nam & in novi Principis nativitate, per quem salutem temporalem speramus, non immerito exultamus & Deo gratias agimus; etiam si non ignoramus ipsum & conceptum & natum in peccatis.

Altera pars hujus propositionis continet, quoddam non tantum flagella peccatorum, sed etiam mors & universæ tribulationes justorum propriæ sint pœnæ peccatorum. Quam mirum est à Sorbona hæreticum id pronunciari, cum manifestè id doceant Sacre Scripturæ & Concilia Ecclesiæ & veterum Sanctorum scripta, adeo ut oppositum videatur sacræ fidei contrarium: *Deus enim creavit hominem inextinguibilem*, inquit Sapiens, Sapientiæ 2. & *ad imaginem similitudinis suæ fecit illum. Invidia autem diaboli mors cum reliquis hujus vitæ tribulationibus intravit in orbem terrarum*. Quomodo autem intravit in hunc mundum, ostendit Apostolus, cum ait Rom. 5. *per unum hominem peccatum intravit in hunc mundum, & per peccatum mors; & ita in omnes homines mors pertransiit*.

Sicut igitur mors in Adam intravit peccati merito, sic & in cæteris qui in illo peccaverunt, id est, ipso peccante, per generationem peccatum contraxerunt: *Omnes enim*, ait Apostolus 1 Cor. 15. *in Adam moriuntur*; etiam justi, in quibus peccatum est stimulus mortis. Nam de his ait Apostolus: *Si Christus in vobis est, corpus quidem mortuum est propter peccatum*, id est, moriendi necessitati subjectum; *Spiritus vero vivit propter justificationem*. Quapropter *Fidelibus utrumque debetur*, ait Augustinus, & *mors propter peccatum originis, quod cædo contraxerunt; & resurrectio propter justitiam, quam de plenitudine Christi acceperunt*: quia sicut vita immortalis, quam resurgendo consequimur, stipendium est justitiæ; sic stipendium peccati mors tam corporis quam animæ: *Sicut enim in Adam omnes moriuntur, sic & in Christo omnes vivificabuntur*.

Cæterum Sorbona imaginari videtur, aut quoddam in Adam mori non sit mori peccati originis merito: ex quo ulterius consequitur quoddam peccatum originis non sit mortis temporalis (a) causa, quod est manifestissime hæreticum: aut quoddam soli impii, quibus peccatum originis dimissum non est, in Adam moriuntur, non autem justi quibus per baptismum data est remissio omnium peccatorum. Verum si id imaginatur, vehementer fallitur Sorbona in hoc quoddam non intelligat remissionem peccatorum, quæ in hac vita salutaribus perficitur Sacramentis, magis pertinere ad spem futurorum bonorum, quam ad adeptiorem vel retentionem præsentium: sicut proposita sibi hac quæstione respondet Augustinus l. 2. de pec. mer. & remiss. c. 33. Idem docet in Enchir. c. 66. & l. 5. contra Jul. c. 6. & l. 21. de Civit. c. 15. Sicut enim David confessione peccati sui remissionem meruit, & tamen peccati merito humiliatus est à suo filio:

(a) AL. mer-
itum.

filio: sic etiam quisque Fidelium consequitur peccati sui originalis per baptismum veniam; & tamen hac remissione factâ non evadit mortem hanc temporalem, quam Deus Adæ comminatus est si de ligno vetito comederet: ut verum sit quod ait Apostolus, quod in Adam omnes moriuntur, tam iusti quam iniusti. Unde Augustinus libro 15. de Civit. c. 8. disputans de Martyribus dicit, quod eorum mors fideliter pieque tolerata auget meritum patientiæ, non aufert vocabulum pœnæ, & cùm sit peccati retributio aliquando imperat, ut nihil retribuatur peccato. Quem sequitur Prosper sententia 146. *Mors, inquit, etiam piorum pœna peccati est; quæ idem bona dicitur ipsis, quia eâ bene utuntur.* Hinc etiam in Concilio Arausicano II. dictum est: *Quod si quis dixerit mortem corporis, quæ pœna peccati est, non autem peccatum, per unum hominem in omne genus humanum transiisse; injustitiam Deo dabit.* Nullam autem injustitiam Deo daret, hoc dicendo, si Martyres possunt sine peccati sui merito mori. Ergo mors non est in instantum exercitium meriti, sed etiam retributio peccati. *Nimis enim impium est, inquit Prosper contra Collatorem, hoc de Dei sentire iustitia, quod à prævaricatione liberos cum reis voluerit esse damnatos.* Patet ergo culpa, ubi non latet pœna: & societas peccati convincitur, de societate supplicii; ut quod est humana miseria, non de institutione Creatoris, sed de retributione sit iudicis. Si enim nullum esset peccatum, inquit Augustinus l. 2. contra Jul. c. 7. profectò nullo malo parvuli obstricti, nihil mali vel in corpore vel in anima sub tantâ Dei (a) iustitiâ pateretur. Et lib. 6. contra Jul. c. 4. *In hac magnas manifestissimasque miseras, in quibus homo vanitati similis factus est, merito peccati humanum genus collapsum est.* Et rursum in fine libri 4. *Grave jugum super filios Adæ non fuisset, inquit, nisi peccati originis meritum præcessisset.* Et l. 6. c. 2. *quomodo non est injustum jugum grave, si nullum est in parvulis peccatum, propter quod iuste premantur jugo gravi?* Idem l. 3. c. 4. dicit genus humanum trahere originis noxam, his omnibus dignissimum pœnis, nisi ubi parcat ratione dispositionis occultæ inscrutabilis sapientia Conditoris.

Ex quibus omnibus adversus Sorbonam hanc conficio ratiocinationem seu argumentationem: Certâ fide credendum est peccatum originis esse mortis temporalis meritum, ut jam probatum est: sed neque Scriptura Sacra, neque experientia docere potest hanc pœnam Sanctis per baptismum aut aliud quodvis sacramentum in hac vita esse dimissam: imò satis constat non esse dimissam; quod etiam Hieronymus in epistola ad Minerium & Alexandrum to. 4. quod mors ista communis credentibus & non credentibus æqua dicatur: sicut Augustinus in lib. inchoactæ expositionis in epist. ad Rom: *iustitia divinæ tanta constantia est, inquit, ut cùm pœna spiritalis & æterna alicui fuerit relaxata; pressuræ tamen cruciatuque corporales, quibus etiam Martyres exercitatos novimus, postremò mors ipsa, quam peccando meruit natura nostra, nulli relaxetur.* Quod enim iusti boni & pii tamen exolvunt ista supplicia, de iusto Dei iudicio venire credendum est.

Ipsa est quæ in Sacris Scripturis aliquando disciplina nuncupatur, quam neminem nostrum finit effugere. Neminem enim excepit cùm diceret: *quem diligit Deus, corripit: flagellat autem omnem filium, quem recipit.* Unde etiam ipse Job, qui propterea tam multa passus est, ut hominibus qualis vir esset & quantus

(a) C. alienus
aut curat
agens.

tus Dei servus, eluceret; pœnas tamen corporis se pro peccatis suis exolvere sæpe testatur. Petrus quoque Apostolus exhortans Fratres ad perferendas pro Christi nomine pœnas, ita loquitur 1. Pet. 4. *Nemo autem patiaturs quasi homicida, aut fur, aut maledicus, aut (a) alienorum appetitor: si verò quasi Christianus, non erubescat, glorificet autem Deum in isto nomine; quoniam tempus est ut incipiat iudicium à domo Dei. Si autem initium à nobis; quis finis eorum qui non credunt Evangelio Dei? & si quidem iustus vix salvabitur, impius & peccator ubi parebunt?* Manifestè ostendit Apostolus Petrus easdem ipsas passiones, quas iusti patiuntur, ad iudicium Dei pertinere, quod inchoare dicitur à domo Dei, ut inde conjiciatur quanta impiis futura supplicia reserventur. Unde etiam ipse Apostolus ad Thessalon. dicit, *ita ut nos ipsi de vobis gloriemur in Ecclesia Dei pro vestra patientia & fide in omnibus persecutionibus vestris & pressuris quas sustinetis in exemplum iusti iudicii Dei.* Quod omnino ad illud respicit quod ait Petrus tempus esse inchoationis iusti iudicii Dei à domo Dei; & illud quod de Propheta interposuit: *& si iustus vix salvabitur, impius ubi parebit?* Unde etiam mihi videtur illa quæ per Nathan Prophetam Regi David comminatus est Dominus, quamquam statim ignoverit pœnitenti, propterea tamen omnia accidisse ut demonstraretur illam veniam spiritualiter datam propter futurum iudicium pœnarum, quod expectat eos qui hoc tempore corrigi nolunt; dicit enim & alibi Petrus: *Propter hoc enim & mortuis evangelizatum est, ut iudicentur quidem secundum hominem in carne, vivant autem secundum Deum in spiritu.*

Hoc dixi ut ostenderem quantum possem, & quantum oportunitas presentis loci ac Scripturarum finit, non sic accipiendam esse gratiam ac pacem Dei, ut existiment homines à iustitia Deum posse discedere; nam & ipsam pacem cum promitteret Dominus, ait: *hæc dixi, ut in me pacem habeatis, in mundo autem pressuras habebitis.* Sed tribulationes & molestiæ, cum per Dei iustitiam redduntur peccatis. homines bonos & iustos efficiunt, & quibus jam plus peccata ipsa displicent, non ullâ corporis pœnâ flectuntur ad peccandum, sed ab omni labe prorsus purgantur. Et rursus Psal. 142. in fine: *Iusti qui hîc sunt labores, pericula, molestias & passiones meritò patiuntur iusto Dei iudicio: quia ille solus potest dicere: quæ non rapui, tunc exolveream.* Et quasi diceretur ei, quare ergo pateris? sequitur & dicit: *& scient omnes quia voluntatem Patris facio, surgite, eamus hinc.*

(b) C. clarior.

Ceteri omnes merito suo, iudicio Dei, & pro iustitia qui patiuntur, non sibi arrogant quasi haberent veram innocentiam, qualis in Christo erat. Audi Apostolum Petrum: *tempus est, inquit, ut iudicium incipiat à domo Dei.* Et Augustinum in Psal. 34. Concione 2. super istum versum; *ego autem cum mihi molesti essent, inducbar silicio.* Peccatum enim factum est ex peccato, quia inde carnem assumpsit de massa ipsa, quæ mortem meruerat ex peccato. Ut (b) clariùs dicam, Maria ex Adam mortua est propter peccatum Adæ, Adam mortuus est propter peccatum: & caro Domini ex Maria, mortua est propter delenda nostra peccata. Eadem docet Augustinus epist. 122. Similiter epist. 72. dicit Leo Papa quoddam solus Christus mori non debuit.

Igitur Sorbona malè & temerè censuit (si tamen ejus sit Censura) hæreticum esse asserere quoddam Job & Sancti Martyres propter sua peccata afflicti arque passi

passi sunt: cum Augustinus jam à mille & ducentis annis Doctor Ecclesiæ, & alii omnes Scriptores tam apertè ex Sacris Scripturis id doceant; ut qui his lectis id negaverit, audeo dicere quòd aut latinè non intelligat, aut frons illi tenera sit.

Sed objicitur: Christus in Evangelio de cæco nato ait, quòd neque hic peccaverit, neque parentes ejus, ut cæcus nasceretur. Igitur in illo cæco nullum præcessit cæcitatis meritum. Similiter Job dicit: *utinam appenderentur peccata mea, quibus iram merui, & calamitas, quam patior, in statera: quasi arena maris hæc gravior appareret.* Responsum: Apostoli non de peccato originis, ob quod sumus iræ filii, interrogabant quis peccasset, an cæcus, an parentes: ob quod peccatum originis digni sumus omnibus pœnis temporalibus in hac vita, etiam facta ejus remissione: nec de peccatis levioribus, à quibus justus (a) (non reputantur alieni,) nec se alienos reputari debent, ut ait Augustinus lib. 1. de Civit. c. 9. ut nec temporalia pro eis mala perpeti se judicent indignos. Sic in Daniele, Tobia, & aliis Sanctis circa se justum judicium Dei laudantibus, manifestum est; nam tempus est ut judicium incipiat à domo Dei. Sed interrogabant Apostoli Dominum de aliquo insigni facinore, ob quod in Scripturis Sanctis & justus & injustus gravibus suppliciis percuti leguntur, aut in semet ipsis, ut Pharaon, Nabuchodonosor, Herodes, & similes alii; aut in suis filiis, ut Cham & David. Hoc enim imaginabantur Discipuli Domini, neminem in hac vita gravi calamitate plecti à Deo, nisi ob parentum aut proprium aliquod grave scelus; quos Christus in Evangelio redarguit: (b) (Sicut & Job eodem errore imbutos redarguit,) ostendens se nulla grandia scelera commisisse, ob quæ sic percuteretur à Domino; sed potius ita vixisse, ut si vita ejus hominibus bene perspecta fuisset, merito longè minore calamitate digna judicata fuisset, quàm ipse patiebatur. Homines enim grandia facinora grandi calamitate puniendi judicant, & levia levioribus. Et quanquam secundum ejus intentionem verum erat quod dicebat Job: attamen quia in specie Deum arguebat, idèd illi dicitur à Domino: (c) (quem in justitia quasi accusabat dicens se) plus pati quàm merebatur, hominum scilicet judicio, ad quod intentus erat redarguendo amicos, qui eum sceleratum fuisse colligebant: & idèd cap. 40. dicit illi Deus: *Nunquid irritum facies judicium meum, & condemnabis me, ut justificeris.* Deinde cap. 24. fatetur se insipienter locutum, seque reprehendit in sermone isto, & agit pœnitentiam in favilla & cinere. Quia hæc est singularis Christi prærogativa, quod de uno solo mediatore Dei & hominum Christo Jesu fides Catholica novit, inquit Augustinus, qui pro nobis mortem, id est, pœnam peccati sine peccato subire dignatus est. In cæteris verò omnibus hominibus quantumvis justis, corpus morti addictum est propter peccatum, etiam si ex merito justitiæ gloriæ resurrectionis expectent. Id quod mirum videri non debet, cum etiam ista peccati sit pœna quòd justus à Deo non semper sic adjuventur ut sine peccato Deo semper, perfectè & perseveranter servire possint: sicut docet Augustinus l. 2. de pecc. mer. & remiss. c. 7. & l. de Corrupt. & grat. c. 7.

(a) C. o. mit. ista.

(b) K. o. mit. ista.

(c) C. o. mit. ista.

XVII. PROPOSITIO.

Omnia in gloriam Dei facite: Dico vobis non resistere malo: hæc sunt simpliciter us præcepta accipienda.

CENSURA.

Hujus propositionis posterior pars est falsa.

ANNOTATIO.

Mirum est Sorbonam de priori hujus propositionis parte tacuisse; cum supra propositione 7. falsum pronunciaverit omne opus hominis purè infidelis esse peccatum. Si enim præceptum est ut omnia in gloriam Dei faciamus; id est, ut non hominibus, sed soli Deo serviamus: quomodo non est consequens omne opus hominis purè infidelis esse peccatum: cum nihil in gloriam Dei talis faciat, (a) quum Deum ipse prorsus ignoret, dicente Psalmista: *Dixit infipiens in corde suo non est Deus?*

(a) C.
quem Deus
ipse prorsus
ignorat.

Quid verò secundà parte velit nescio. Videtur enim condemnare Scripturam Matth. 7. *Qui audis verba mea, & non facit ea, similis est viro stulto.* Unde omnia verba ista (b) præcepta esse intelliguntur, quæ sunt in monte dicta: quæ Augustinus ser. 1. de Sermone Domini in monte, nomine præcepti nominat: Item Tract. 52. in Joan. & Thomas in 12. Rom. lect. 3.

(b) C. præ-
cepta esse
intelligun-
tur in mon-
te; & Au-
gustinus.

XVIII. PROPOSITIO.

Omne opus bonum, est meritorium vitæ æternæ: quod si aliquid remuneretur temporaliter, tamen non dignum vitæ æternæ, illud malum est: quia nullam est opus meritorium nisi vitæ æternæ.

CENSURA.

Hæc propositio tota repugnat Sacra Scriptura.

ANNOTATIO.

Puto Sacram Scripturam esse quæ dicit: *Si servaveris mandata, servabunt te.* Et iterum: *Si vis ad vitam ingredi, serva mandata.* Ubi tamen significatur quoddam omnis observatio mandatorum Dei vitæ æternæ sit meritum. Quæ autem Sacra Scriptura significet aliquid opus verè bonum esse, quod non sit vitæ æternæ meritum; vellem quod Sorbona tot Doctorum numerositate conspicua, uno verbo indicasset; ut quæ in multis damnando nocuit, saltem in uno veritatem dicendo profuisset: ne quis fortè suspicetur eam ad damnandum esse paratorem quàm ad docendum; cum tamen illud sit proprium Doctoris officium. Sed acceptâ forsitan Censurarum harum ratione aut defensione, aut exemplari magis probato, plura licebit de omnibus jam notis quæstionibus disserere.

CARDINALIS
GRANVELLANI
PHILIPPO II.
REGI HISPANIARUM.
EPISTOLA.



En gran barahunda me he visto sobre una contencion entre los Frayles de San Francisco, y la dependencia que esto traya de algunos Doctores de Lovayna con harto peligro de que nasciese gran discordia entre la Universidad de Lovayna, y la de Paris. Y no pensava trabajar à V. Maj. en dar le parte desto, aviendo mas de siete o ocho mezes que de Roma le han escripto, y que lo sabe el

Ex Litteris Cardinalis Granvellani qua Venturissimi in Abbatis S. Vincenstii asservantur primùm edita.

Padre Confessor, por via del Ministro General. Algunos annos ha que el Presidente Viglius y yo con participation del Dean Ruardo, que en gloria sea, aviamos hablado a los Doctores Theologos, por que ussarpasen algunas maneras de dezir no acostumbradas en la escuela, para que se abstiniassen, porque aunque en aquello no avia tanto mali en si, otros tomaran ocasion de passar mas adelante, como lo hizieron aquellos Frayles cuyas proposiciones han sido censuradas. y como estos padres tuvieron otros Padres doctos y pios que les picaron sobre ello quisieron se ayudar de la autoridad destos Doctores contra los quales usaron de alguna diltura, unos en sus sermones, por donde tomaron alteracion, y no saltava, como se suele, quien los estimulasse, y ya venia la cosa a terminos que empassaron imprimir in Francia Prospero Discipulo de San Augustin con prefacion que picasse a sus adversarios; lo qual estorve escribiendo al Embassador, mi hermano; y tambien escrivi a Roma para que su Santidad me escribiesse un Breve; dando me autoridad de poder los mandar lo que conveniesse: el qua venido, antes de usar del, como estos Doctores de Lovayna son en lo demas hombres muy catholicos y doctissimos, y de exemplar vida; y que si (que dios no guiera): les perdiessemes, podrian hazer grandissimo dño a la Yglesia de Dios. Considerando que la desesperacion haze salir algunas vezes los hombres a extremos, y que vyendos se abatidos, pobres, sin emparo, y picados, pudieran caer en la desesperacion que digo: parecio me antes de todo, ganar la voluntad de dos principales dellos, y por mostrar les que estavan

en buena opinion, y que no eran desavorecidos, les hize hablar paraque acceptassen de ser de mi consilio sin salir de Lovayna ny dexar sus cathedras, dando les a cada uno de los dos buena pension de sò mio, lo qual acceptaron de muy buena gana. y como me parecia que y a tenio ganado credito con ellos, y su voluntad mas en mi mano, de alli a algunos dias los llame, como si en el mesmo punto me huviera llegado el breve, y en presentia del Presidente les dixe lo que me parecia convenir, y passaron por lo que yo quize, sometiendo se en todo al juyzio de su Sanidad y del Concilio, dieron sus quexas, y sus disculpas: y como el Padre General estava por a qui, yo le correspondia, y nos concertamos en que era bien que este negotio se sepultasse, y que se la hechasse mucha tierra en cima: y su Paternidad ha procurado, proveyendo a toto muy cueradamente, que sus Padres callassen, y lo mesmo he procurado yo por lássora parte con otros Doctores, de manera que y a no siento en esto ruido; y espero que al fuego que dello aparentemente havia de nacer, esta en buena parte apagado &c.

De Brussellus a 18. de Octubre, 1561.

E A D E M E P I S T O L A L A T I N E R E D D I T A.

NOn leviter interturbatum me vidi ob contentionem qua erat inter Ordinibus (a) Sancti Francisci Religiosos, quaque nonnullos Doctores Lovanienses secum trahere, cum multo discrimine ne gravis inde Lovaniensem inter & (b) Parisiensem Academiam discordia nasceretur. Non mihi visus sum molestus Vestre Majestati futurus, si negotii istius consciam eam fecero, cum à septem vel octo mensibus & ultra, de illo Romà scriptum fuerit, illudque intellexerit Pater, qui Vestra Majestati à confessionibus est. Aliquot anni sunt, cum ego & Virgilius Preses, una cum (c) Ruardo Decano, qui in gloria sit, Doctores hosce Theologos fueramus allocuti, eo quòd quibusdam mereretur (d) locutionibus in schola non solitis, quatenus illis abstinerent. Licet enim id non tantum in se contineat mali, alii occasionem sumebant ulterius progrediendi, ut fecerunt hi Religiosi, quorum propositiones censurà (e) confixæ sunt. Quandoquidem autem Patribus his non defuerunt alii Patres docti & pii qui ipsis ex hoc insularent, ipsi se tutari voluerunt eorum Doctorum auctoritate, adversus quos alii ferociter insurrexerant, & nonnulli quidem in suis concionibus; adeo ut nonnihil inde

(a) Contentiones istæ inter Minoritas maximè fervebant.

(b) Ob Censuram an. 1560. inextinguibilem latam, quæ supra adducta est.

(c) Ruardus Tappertus, Decanus Sacra Facultatis Lovaniensis obiit die 2. Martii, an. 1559. Baio insensibilis.

(d) De nomine magis quam de sensu disputabatur.

(e) Censurà Parisiensi, de qua supra.

inde perturbati sint, non deficientibus, ut moris est, qui ipsos extimularent. Res eo devenit ut (a) ipsi opera Prosperi, discipuli Sancti Augustini typis dare coepissent in Gallia cum praefatione in qua suos emulos acriter exceperant. Quod eundem disturbari scribens fratri meo qui ibi Legatus erat. Romam pariter scripsi, ut Sanctitas sua mihi Breve rescriberet, quo mihi facultas concederetur id eis praecipiendo quod expediret. (b) Illud cum recepissem, priusquam eo iterer, quia Doctores isti Lovanienses cateroque sunt maxime catholici, virique eruditissimi, ac probatissima vita: sique; quod Deus avertat, illos perderemus, plurimum Ecclesia Dei nocere possent; perpendens quomodo desperatio homines nonnunquam ad extrema adigit; & quod illi videntes se prostratos, opibus destitutos & patrocínio, verbisque laceffitos, in eam quam dixi cadere possent desperationem: (c) mihi visum est ante omnia conciliandos mihi esse duos qui inter istos Doctores erant praecipui: Et ut eis ostenderem quod bonum nomen haberent, nec ulla tenus extra gratiam essent, iussi illos conveniri quatenus de meo Consilio esse assentirent, ita tamen ut nec Lovanio discedere, nec suos deserere cathedras tenerentur: & ego ambobus his pinguem pensionem essem de meo soluturus. Id acceptarunt libentissimè. Et cum mihi videret illos mihi ita devinxisse ut eorum animos magis in manibus tenerem; paucis ab hinc diebus illos advocavi, non secus ac si eo temporis momento Breve ad me pervenisset: praesenteque (d) praeside id illis dixi quod expedire existimabam, & illi omnibus assenserunt quae requisivi, in omnibus subicientes se Sanctae Sedis iudicio, ac (e) Concilii. Suas querelas exposuerunt, simulque sua defensionis rationes. Et quia Pater (f) Generalis in his partibus erat, cum illo egi, simulque deliberavimus expedire ut negotium istud alitè sepeliretur, multà humo desuper injectà. Et sua quidem Paternitas tantam curam adhibuit ac tam sapienter omnia disposuit, ut ejus Religiosi silentio se contineant: quod & ego pro altera parte cum istis Doctoribus ita procuravi, ut ea de re (g) nihil jam audiam, confidamque incendium quod inde verosimiliter erat exoriturum, magna ex parte esse extinctum, &c.

(a) Sancti Augustini ac Baii discipuli opera Prosperi typis danda suscipiunt. Id ne fiat impedit Granvelanus. (b) Breve missum Granvelano ut contentiones ejusmodi componeret. (c) Politici viri consilia.

(d) Viglio.

(e) Tridentini. (f) FF. Minorum.

(g) Sopor contentiones hujusmodi.

Bruxellis die 18. Octobris, 1561.

P H I L I P P I I I.

R E G I S H I S P A N I A R U M

E P I S T O L A

C A R D I N A L I G R A N V E L L A N O.

Ex Gran-
vellani
Registro
primùm
edita.

Muy bien ha sido lo que haveis hecho con aquellos Doctores Theologos de Lovayna: y que y a quede assentado a quel negocio y no se trate mas del ny allí, ny por los Franciscos, en que creo que havia entendido su General como dezis. Yo os encargo que siempre tengais la mano para que este negocio no se buelva a levantar pues veyes el inconveniente que seria. Y por el cuydado que teneis de todas estas cosas os doy muchas gracias, que yo os promitto que no me podeys hazer mayor plazer &c.

De Madrid a 17. de Novembre 1561.

E A D E M E P I S T O L A

Latinè reddita.

Quod cum Doctorebus istis Theologis Lovaniensibus actum est, optime egisti. Bonumque est quod negotium istud sit compositum, ac de eo jam nec ab illa parte agatur, nec a Franciscanis: in quo existimo ipsorum Generali operam suam collocasse, veluti dicis. Ego tibi injungo ut semper invigiles ne istud negotium iterum suscitari contingat, cum incommodum videas quod ex hoc possit consequi. Et pro opera quam hac in re adhibes, plurimum tibi gratias ago, certiotremque te facio quòd nihil mihi gratius prestare valeas.

Madridi die 17. Novembris 1561.

C E N-

CENSURÆ ACADEMIARUM HISPANIÆ

Primum
editæ ex
MS. Mal-
dei.

In Novem Articulos

MICHAELI BAIO

Perperam adscriptos.

Venerabili Patri Laurentio Villavicentio, Ord. Erem.
S. Augustini, S. T. Doctori, Judocus
Ravesteyn.

Post reditum nostrorum Doctorum è S. S. Tridentino Concilio iterum recrudescunt contentiones in nostris scholis Theologicis propter novas sententias, quas illi boni viri in Scholis, uti ante Concilium solebant, invehunt, & magnâ fiduciâ repudiâtâ communi doctrinâ tuentur: quas eos confidebamus mutaturos & correcturos postquam cum viris doctis in Concilio super eis consulissent. Sed intelleximus eos tanquam securos de suarum opinionum veritate, de eis ne verbum quidem apud illos fecisse. Itaque alia ratio querenda est, quâ pax & concordia in nostra Schola conservetur & procuretur. Editio libro M. N. Michael receptissimam doctrinam de meritis bonorum operum convellit, non sine stomacho & gravi aliorum reprehensione; quæ habet bona justorum opera non habere rationem meriti de condigno vitæ æternæ; nisi ex eo quod justificatorum opera non liberi arbitrii tantum sunt opera, sed Christi & Spiritus ejus inhabitantis, justificantis, & eos super naturam sublimantis, sicut manifestè Concilium Tridentinum docet meo quidem judicio, & hæcenus omnes Doctores senserunt & docuerunt.

In eodem Libro docet opera nondum justificatorum ante remissionem peccatorum esse verè meritoria, eo quod sint conformia legi divinæ; & aliapluraque similia. Opinor Vestram Paternitatem vidisse Censuram Parisiensem Theologorum ejus propositiones

damnantem, quod opera nondum justificatorum, habentium tamen fidem, sint meritoria de condigno vitæ æternæ.

Item, in eodem Libro docet primum hominem & Angelum per naturam suam promeritos vitam æternam, non per Spiritus Sancti inhabitantis gratiam.

In altero Libello novam prorsus disputationem habet de statu primi hominis, contendens beatitudinem illam quâ præditus fuit, non fuisse gratiæ beneficium, sed naturalem; & pleraque alia.

De concupiscentia quoque, de qua olim plurimam contentionem Vestra Paternitas audivit, id adhuc docet quod in renatis lapsis sit proprii nominis peccatum; quamvis in renatis perseverantibus in justitia non sit peccatum. Eximie Magister noster, nisi vir aliquis strenuus remedium adferat; vides brevi labefactandam opinionem & gloriam Scholæ nostræ Theologicæ, quæ nunc est florentissima & celeberrima per universi Christiani orbis regiones.

Si præsentī cum præsentī communicare consilia liceret, ponerem in deliberationem num consultiissimum foret hos libellos & propositiones omnes, quæ concordiam scindunt graviter, sinerè collectas ad Regiam Majestatem transnittere, illiusque sincerissimum erga Religionem studium implorare, ut curet in Academia sua celeberrima Salmaticensi, vel aliâ quâvis, censuram fieri, & hac ratione pacem & concordiam hujus suæ Academia Professoribus severè indicare.

Cerè ego promptissimo animo semper parebo catholicarum Academicarum judicio & censura, abjecto proprio sensu. Contentiosarum nostrarum disputationum conscius est Reverendissimus Confessarius Regiæ Majestatis; & cum dolore animi sui de iis abscindendis, & sarcienda concordia sæpe mecum Bruxella egit: hujus ergo operâ, si adhuc à Confessionibus Regiæ Majestatis est, existimarem rem hanc posse feliciter confici. Eximie M. N. cupio de hoc meo consilio vestram sententiam intelligere: & oro ut hujus meæ deliberationis neminem conscium facias. Haud enim ignoras Vestra Paternitas miram tragediam adversus me excitandam, si hæc sollicitudo palam fieret. Christus Vestram Paternitatem diu servet incolumem suæ Ecclesiæ juvanda. Vale.

P. Francis-
cus Horan-
cius.

Levanii die Novembris 20. 1564.

C E N S U R A

Propositionum cujusdam Doctoris, per infrà
Scriptos Theologos

A C A D E M I Æ
COMPLUTENSIS,

Jussu Illustrissimi

C A R D I N A L I S
T O L E T A N I

Sacro-Regiæ Inquisitionis

P R Æ S I D I S G E N E R A L I S.

I. P R O P O S I T I O.



Mnis poena est poena peccati. Itaque omnia quæ Sancti sunt passi & patiuntur, ut Job, Tobias, B. V. Maria, & omnes martyres & Sancti, propter suum peccatum patiuntur.

C E N S U R A.

Hæc propositio duplicem sensum habet. Primus, ut nomine sui peccati, significetur peccatum Originis, à quo ex sententia hujus Doctoris ne B. quidem Virgo immunis fuit: & in hoc sensu non erroris condemnanda. Secundus, ut per suum peccatum significetur peccatum actuale; quod intendisse videtur hic Doctor, propter ea quæ continentur secundâ & nonâ propositionibus; in quo sensu est erronea.

II. P R O P O S I T I O.

Indulgentiæ quidem dantur ex thesauro Ecclesiæ: sed hic thesaurus sunt Christi.

Christi merita, non Sanctorum, qui vix sibi sufficiunt, sed ex Christi gratia habent omnia.

C E N S U R A.

Cum vix sibi sufficere Sanctus dicat, erronea est hæc propositio.

III. PROPOSITIO.

Locum Joannis 6. *Caro mea verè est cibus*, &c. docet propriè intelligendum de spirituali manducatione, & non de sacramentali.

C E N S U R A.

Nisi ex aliis propositionibus suspectus esset hic autor, nibil esset hic annotandum: quia tamen suspectus est, propositio ista videtur applaudere Luthero, qui hunc locum ne syllabam quidem habere unam de Eucharistia sacramento attestabatur. Quare sapit hæresim.

IV. PROPOSITIO.

Locum Lucæ: *Ego pro te rogavi, Petre*, &c. exponens dixit Petrum illic gerere personam Electorum; sicut Judas est caput Reprobatorum.

C E N S U R A.

Hæc propositio ut minimum reddit authorem de hæresi suspectum.

V. PROPOSITIO.

Romanus Pontifex non est appellandus Universalis: quia S. Gregorius illud nomen abhorruit, & reprobavit.

C E N S U R A.

Hæc propositio sapit hæresim.

VI. PROPOSITIO.

In Apologia ad Gregorium XIII. pro suis condemnatis articulis habet hominem posse apud Deum justificari non habito respectu aut relatione ad merita Christi.

C E N S U R A.

Hæc propositio est hæretica.

VII. PROPOSITIO.

In Concilio Tridentino sunt quædam inconsideratè posita.

C E N S U R A.

Si de Canonibus ac Decretis fidei & morum intelligitur, est hæretica: si de illis quæ ad reformationem pertinent; consumeliosa simul & temeraria.

VIII. PROPOSITIO.

Post publicationem Sanctissimi D. PP. Bullæ condemnationis articulo-
rum, non destitit hic Doctor in Scholis & disputationibus spargere & do-
cere ac defendere sua nova dogmata, & alia antiqua, quæ erant illi inter-
dicta.

C E N S U R A.

*Ostendit pertinaciam, & auget suspensionem persona, cujus sunt hæ proposi-
tiones.*

IX. PROPOSITIO.

Martyrum passiones & tormenta, purgationes sunt peccatorum, non co-
ronæ.

C E N S U R A.

*Hæc propositio vel inepta est prorsus atque stolidæ, si corona nomen præmium signifi-
cat: vel planè hæretica, si pro merito usurpetur: quem sensum reddere videtur, pro-
pter primam & secundam propositionem.*

B A I A N A
A L T E R A
T H E O L O G O R U M
C O M P L U T E N S I U M
C E N S U R A,

In novem Propositiones cujusdã Doctoris, jussu
Illustriſſimi D. Cardinalis Toletani.

I. P R O P O S I T I O.

OMnis pœna est pœna peccati. Itaque omnia quæ Sancti sunt passi & patiuntur, ut Job, Tobias, B. V. Maria, ac omnes Martyres & Sancti, propter suum peccatum patiuntur.

C E N S U R A.

Dictio, peccati, potest accipi pro peccato Originis, aut pro peccato actuali. Si peccatum Originis significatur, à quo nec B. Virgo, ex sententia hujus Doctoris immuni fuit, nullum errorem continebit: Siquidem Concilium Tridentinum confirmavit Constitutionem Sixti IV. de Contemptione B. Mariae Virginis, atque innovavit pœnas in ea contentas. Si verò pro peccato actuali insurpetur; est apertè erronea: cum de Beata & intemerata Dei genitricis Maria idem S. Concilium Tridentinum declaraverit, tenere Ecclesiam ex speciali privilegio eam omnia peccata venialia vitasse; ut omittamus quæ de Job, & Tobia Sacra Littera prodiderunt. Consolutores quippe Job idè onerosi illi erant, quia hoc principio nitabantur; pœnas videlicet infligi à Deo propter scelera, & ex magnitudine pœnarum gravitatem criminis deducebant. In hoc sensu sumpta videtur hæc propositio, propter ea quæ secundâ & nonâ continentur.

II. P R O P O S I T I O.

Indulgentiæ quidem dantur ex thesauro Ecclesiæ: sed hic thesaurus sunt Christi merita, non Sanctorum, qui vix sibi sufficiunt, & à Christi gratia habent omnia.

C E N S U R A.

De Indulgentiarum thesauro quanquam obiter tactum sit ab Alexandro & Leone X. nihil tamen adhuc ex professo definitum esse reperitur: & ob hanc causam Theologi Scho-

Scholastici in varias sententias abierunt. Si doctor iste tantummodo tradidisset thesaurum istum solis meritis Christi Domini constare, condemnari non posset, quia sententiam qua est in opinione sequeretur. Addit tamen rationem propositionis, dicens, qui vix sibi sufficiunt, sed ex Christi gratia habent omnia: propter ea nullam possunt habere satisfactionem redundantem, sed vix illis sua satisfactio sufficit: hoc est planè erroneum, & sapiens hæresim. Quia licet in opinione sit an satisfactiones Sanctorum redundantes inter thesauros Ecclesie computentur; nunquam tamen Ecclesia vel Catholici dubitarunt, sed semper senserunt D. Virginem nullas meruisse penas, Job & Tobiam plus satisfecisse, quàm deberent. Idem de Apostolis & reliquis viris Sanctis, qui post baptismum nunquam gratiam primam amiserunt, vel amissam maximà contritione recuperarunt, & in diuturnis pœnitentiis reliquum vitæ tempus transegerunt.

III. PROPOSITIO.

Locum Joannis sexto: *caro mea verè est cibus*, &c. docet propriè intelligendum de spiritali manducatione, & non de sacramentali.

C E N S U R A.

Variè ab Expositoribus Sacræ Scripturæ, Caput Joannis sextum, ab illo loco: ET PANIS QUEM EGO DABO, &c. interpretari solet. Quibusdam enim placet de Sacramento Eucharistiæ, & de manducatione sacramentali hunc propriè esse intelligendum. Alii de corpore & sanguine Christi (id est de vita & morte Christi) spiritaliter manducando; ita ut propriè de sola manducatione & potu spiritali debeat intelligi: neque S. S. Concilium Tridentinum aliquam expositionem ex his, ut illius loci propriam, determinavit; sed neque ex hoc loco deduxit realem ac veram præsentiam Corporis Christi in Eucharistiæ Sacramento: sed ex verbis quibus conficitur, & ex Paulo & ex traditione. Quanquam ad id Doctor eo utatur ut probet Sacramentum hoc sumendum tanquam spirituales animarum cibum, qui manducat me & ipse vivet, &c. Caterùm quia Auctor istius propositionis est valde suspectus, suspectam videtur sententiam protulisse, atque non tam Catholicorum expositionibus convenientem quàm Lutheri, qui in libro de captivitate Babilonica docuit, hunc locum ne syllabam quidem unam de Eucharistiæ Sacramento habere. Quare hæc propositio sapit hæresim.

IV. PROPOSITIO.

Locum Lucæ: *Ego pro te rogavi, Petre*, &c. exponens dicit Petrum ibi gerere personam Electorum; sicut Judas est caput Reproborum.

C E N S U R A.

Si perfunctoriè versans hunc Lucæ locum, & perquamdam adaptationem, ut mos est Prædicatoribus, prædestinatis Christi orationem extendens, hanc exhibuisset expositionem; tolerandus quidem esset: quia non omnes, immo pauci hunc rigorem serv-

vant ut nunquam ex suggestibus Sacras Scripturas extortas proferant. Significaret ergo illam Christi orationem, quæ propriè ad Petrum & ad ejus successores dirigebatur non solum sufficientem, verum & efficacem pro illis fuisse, tum etiam pro prædestinatis; ita ut non solum impetraverit conversionem Petri, & ejus ac Successorum ipsius confirmationem; sed & omnium Prædestinatorum, quorum præcipuè causâ ille fundamentum est & caput Ecclesiæ. Veritatem non fuisse hanc mentem illius Doctoris exemplum prodis, quod è vestigio sequitur: sicut Judas est caput Reprobatorum. Quare significare videtur vel Petrum tantum esse Caput Prædestinatorum, sicut Judas Reprobatorum, vel nullam Petri & Successorum prærogativam illis verbis contineri, quæ non sit communis singulis prædestinatis: quorum utrumque est hæreticum. Hæc ergo propositio reddit Authorem de hæresi suspectum.

V. PROPOSITIO.

Romanus Pontifex non est appellandus Universalis, quia Sanctus Gregorius illud nomen abhorruit & reprobavit.

C E N S U R A.

Hæc propositio sapit hæresim: quia ideo videtur denegare summo Pontifici hanc appellationem Universalis atque Oecumenici, quod credat Author harum propositionum eum non habere universalem in totam Ecclesiam potestatem, ac versusse addidisse D. Gregorii dictum, ut vel sic suam hæresim tegeret vel fucaret. Quod Sanctum Gregorium attinet, falsum est eum nomen illud in ea significatione, in qua bujusmodi appellatione Ecclesiæ utitur, reprobasse; sed detrectasse honorificentissimum nomen, quo nunquam uti Summi Pontifices in suis Diplomatis, Bullis, ac Decretis Apostolicis voluerant. In ejus fidem & confirmationem consulantur Epistolæ ejus, de hac questione, inter alias maximè 32. & 36. indictionis 2. Ex quibus tria ex ipso colligimus. 1. Beato Petro totius Ecclesiæ curam commissam esse; non Jacobo, Joanni, & cæteris: atque ita totius Ecclesiæ directionem & curam Petri Successoribus alligatam, particularium iis qui cæteris Apostolis successerunt. 2. Concilium Chalcedonense hoc Universalis nomen Summis Pontificibus obtulisse. Etenim nullus libellus oblatæ & lectus est in Actione tertia, cujus initium & caput non fuerit: Sanctissimo & Deo amantissimo: vel, Beatissimo & Universali Archiepiscopo Patriarchæ magnæ urbis Romæ Leoni, & Sanctæ & Universali Calcedonenſi Synodo, &c. Subſcriptiones etiam Legatorum B. Leonis PP. in similem modum scriptas legimus: Paschasium & Lucentium Episcopos & Bonifatium Presbyterum in Actione sexta subſcripſiſſe Leonis Universalis Papæ nomine. Ex quibus constat in Universali & amplissimo Concilio hanc appellationem fuisse Romano Pontifici oblatam: & nos etiam posse, imò debere ipsum sic appellare; quia hinc cæteri Episcopi non tollunt, neque Archiepiscopi aut Patriarchæ; sed Romanum Patriarcham supra omnes Patriarchas, Archiepiscopos, & Episcopos esse agnovimus: atque ita curam totius Ecclesiæ sibi delegatam à Christo proſitemur. 3. Colligitur summos Pontifices nunquam uti voluisse hoc honorificentissimo nomine, se potius humiliter servos servorum Dei appellantes, quod illud à Christo didicerint, cujus personam gerunt in Ecclesiâ. Ne igitur

nomen viderentur superbum atque arrogans usurpare; neve alii Episcopi hoc titulo essent offensi, quasi ad seipsoz solos Summi Pontifices totam dignitatem Episcopalem transferre viderentur; non solum eo uti noluerunt, sed & sibi oblatum repudiarunt. Hinc etiam est ut idem B. Gregorius dicat nihil se jubere... sed invitare, epistolâ 30. Lib. 7.

Ex his evidenter deprehendimus nomen istud Summis Pontificibus quadrare, atque à nobis in sensu catholico & quo Ecclesia Catholica uti consuevit eos honorandos: Quod si eo sensu negatur in quinta propositione, assertio erit hæretica; atque assertor, hæreticus manifestus. Cum ergo in hunc videatur sensum inclinare, dictum est propositionem hæresim sapere & redolere.

VI. PROPOSITIO.

In Apologia ad Gregorium XIII. pro suis condemnatis articulis habet, hominem posse apud Deum justificari, non habito respectu aut relatione ad merita Christi.

C E N S U R A.

Si verbum, posse, dicat aut referat potentiam Dei absolutam; nemo illi contradicit: si tamen referat potentiam lege præscriptam, quod absolute positum est, reddit propositionem manifestè hæreticam; cum sit contra manifesta Sacra Scriptura testimonia, & contra definitiones Sanctorum Conciliorum. Et ne in re aperta diutius immoremur; tantum proferemus testimonium sacri Concilii Tridentini ex Sess. 6. Can. 1. Si quis dixerit hominem suis operibus, quæ vel per naturæ humanæ vires, vel per legis doctrinam fiunt, absque divina per Jesum Christum gratia posse justificari coram Deo, anathema sit. Est ergo propositio hæc planè hæretica.

VII. PROPOSITIO.

In Concilio Tridentino quædam sunt inconsideratè posita.

C E N S U R A.

Si de Canonibus ac Decretis fidei & morum intelligitur, est hæretica: cum de fide sit in his omnibus Concilium non errasse, tum quia legitime congregatum, tum quia à Summo Pontifice approbatum. Si de iis quæ ad Reformationem pertinent; temeraria simul & contra traditionem. Videturque alludere hujus propositionis author Lutbero asserenti, viam nobis factam esse venerandi auctoritatem omnium Conciliorum, & libere contradicendi eorum gestis, & judicandi eorum decretis.

VIII. PROPOSITIO.

Post publicationem Sanctissimi D. Papæ Bullæ condemnationis articulorum, non destitit hic Doctor in scholis & disputationibus spargere & docere ac defendere sua ista dogmata, & alia antiqua, quæ erant illi interdita.

B A I A N A.

C E N S U R A.

Ostendit pertinaciam, & auget suspitionem persona cujus est.

N O N A P R O P O S I T I O.

Martyrum passiones & tormenta purgationes sunt peccatorum, non coronæ.

C E N S U R A.

Hæc propositio vel inepta est atque stolidæ, si corona nomine præmium significaretur; vel planè hæretica, si pro merito usurpetur: quem sensum reddere videtur propter primam & secundam propositiones ejusdem Authoris; nec adeo manifesta ullis eget probationibus.

C E N S U R A

A C A D E M I Æ

S A L M A T I C E N S I S

I N

E A S D E M P R O P O S I T I O N E S.

I. P R O P O S I T I O.

OMnis poena est peccati poena: itaque omnia quæ Sancti passi sunt & patiuntur, ut Job, Tobias, B. V. Maria, & omnes Martyres ac Sancti propter peccatum suum patiuntur.

C E N S U R A.

Hujus propositionis prima pars, quæ dicitur quod omnis poena est peccati poena, proprie loquendo vera est: non tamen ex eo sequitur omnia quæ Sancti passi sunt, ut Job, Tobias, & B. V. Maria, &c. propter suum peccatum patiuntur. Itaque duos habet sensus: unus est, omnia quæ Sancti passi sunt, propter suum peccatum, id est, originale,

ginale, pertulisse. Et hic sensus, si intelligatur ea introducta fuisse propter peccatum Originale & in panam ipsius, errore caret. Alter est, illos ea pertulisse propter suum peccatum actuale, & est sensus hæreticus. Videtur autem iste Auctor hanc propositionem asseruisse in hoc posteriori & hæretico sensu, ut colligitur ex sequenti propositione, in qua affirmat Sanctos vix sibi sufficere, aut vix pro suis peccatis satisfecisse.

II. PROPOSITIO.

Indulgentiæ quidem dantur ex thesauro Ecclesiæ: sed hic thesaurus sunt Christi merita, non Sanctorum.

CENSURA.

In eo quod negat Ecclesiæ thesaurum constare ex meritis Sanctorum, temeraria est, & hæresi proxima: in eo quod assertur pro ratione Sanctos vix sibi sufficere, est hæretica. In eo verò quod addat illos ex Christi gratia habere omnia, sapit hæresim.

III. PROPOSITIO.

Locum Joannis sexto: Caro mea verè est cibus, &c. docet intelligendum de manducatione spiritali, non de corporali.

CENSURA.

In eo quod negat Christum eo in loco agere de sui Corporis manducatione Sacramentali; si intelligat neque de ea manducatione quæ in re, neque de ea quæ voto fit, mentionem ibi à Christo fieri, temeraria est propositio, & sapiens hæresim Sacramentariam.

IV. PROPOSITIO.

Locum Lucæ: Ego pro te rogavi, Petre, &c. exponens dixit Petrum illic gerere personam Electorum, sicut Judas est caput Reproborum.

CENSURA.

In eo quod tali interpretatione sententia excluditur Catholicorum, qui tradunt illo loco promissam fuisse Petro infallibilitatem fidei in definiendo; temeraria est & proxima hæresi: in eo verò quod Petro in persona Electorum id promissum affirmat, nobis videtur quod Auctor sentiat vel quod non est summus Pontifex nisi qui sit de numero Electorum; vel quod omnes Electi sunt summi Pontifices; vel quod auctoritas Ecclesiastica residet solum penes Electos, ipsaque Ecclesia solum ex illis constet, ac proinde esset invisibilis: quæ omnes sunt hæreticæ sententiæ.

V. PROPOSITIO.

Romanus Pontifex non est appellandus Universalis.

C E N S U R A.

Si id nomen à Summis Pontificibus usurpari non debere affirmat propter modestiam retinendam; ferri potest ista propositio: si autem quia illis re ipsa ipsum non competere arbitrat, ideo denegat; est hæretica.

VI. PROPOSITIO.

In Apologia ad Gregorium XIII. pro suis condemnatis articulis habet, hominem posse apud Deum justificari non habito respectu aut relatione ad merita Christi.

C E N S U R A.

Hæresim continet omnium pestilentissimam.

VII. PROPOSITIO.

In Concilio Tridentino quædam sunt inconsideratè posita.

C E N S U R A.

Est præsumptuosissima.

VIII. PROPOSITIO.

Post publicationem S. D. PP. Bullæ condemnationis articulorum, non destitit hic Author in scholis & disputationibus spargere & docere ac defendere sua ista dogmata, & alia antiqua, quæ erant illi interdicta.

C E N S U R A.

Arguit hominem animi pertinacis & hæretici, & inducit vehementem suspicionem, illum etiam superiores omnes affirmasse in eo sensu quo falsi sunt & erronei.

IX. PROPOSITIO.

Martyrum passiones & tormenta purgationes sunt peccatorum, non coronæ.

C E N S U R A.

In eo quod affirmat tormenta Martyrum fuisse purgationes, si peccatorum à Martyribus actualiter commissorum purgationes fuisse intelligit omnia illa tormenta; hæretica est. Et similiter est hæretica in eo quod negat ea tormenta fuisse coronas.

In eodem Codice MS. subsequitur Censura quædam in triginta novem sententias: sed illam non censui hic inferendam, quia nec cui scriptori attributæ sint, nec à quibus lata sit hæc Censura, conjicere potui. Unum liquidò constat illas sententias non fuisse Michaelis Baii, nec ipsi adscriptas; animadverto enim illas fere omnes esse stupendum in modum Pelagianas; & quæ mores tangunt; laxissimas.

BULLA PII V.

Qua sententiæ septuaginta sex proscriptæ
sunt an. 1567.

P I U S
E P I S C O P U S
S E R V U S
S E R V O R U M
D E I.

*Ex omnibus afflictionibus quas in hoc loco à Domino constituti
tam luētuoso tempore sustinemus, ille animum nostrum præ-
cipue excruciat dolor, quodd Religio Christiana tantis jam-
pridem turbinibus agitata, novis quotidie propositis opinio-
nibus confictetur, Christique populus antiqui hostis sugge-
stione dissectus, in alios atque alios errores passim & pro-
miscue deferatur, quantum verò ad nos attinet, totis viribus
conamur, ut illæ simul atque prosiliunt, penitus oppriman-
tur. Magno etenim mæore afficimur, quodd plerique, spe-
ctatæ alioqui probitatis & doctrinæ, in varias sententias, of-
fensionis & periculi plenas, tum verbo, tum scriptis pro-
rumpunt, deque eis, etiam in Scholis, invicem controver-
santur; cujusmodi sunt sequentes.*

† Al. o-
mitt.

† *Ex Libro 1. de meritis operum.*

(a) Al.
gratia.

I.



Ec Angelj, nec primi hominis adhuc integri merita rectè vocantur (a) gratia.

II. Sicut opus malum ex natura sua est mortis æternæ meritorium: sic bonum opus ex natura sua est vitæ æternæ meritorium.

III. Et bonis Angelis, & primo homini, si in statu illo perseverasset usque ad ultimum vitæ, felicitas esset merces, & non gratia.

(b) Al. o-
mitt. per
se.

IV. Vita æterna homini integro, & Angelo promissa fuit intuitu bonorum operum: & bona opera ex lege naturæ ad illam consequendam (b) per se sufficiunt.

V. In promissione facta Angelo, & primo homini continetur naturalis justitiæ constitutio, quæ pro bonis operibus, sine alio respectu, vita æterna justis promittitur.

(c) Al. per-
severaret.

VI. Naturali lege constitutum fuit homini, ut si in obedientia (c) perseverasset, ad eam vitam pertransiret, in qua mori non posset.

(d) Al.
gratia.

VII. Primi hominis integri merita fuerunt primæ creationis munera, sed juxta modum loquendi Scripturæ Sacræ non rectè vocantur (d) gratia: quò sit, ut tantùm merita, non etiam gratia debeant nuncupari.

VIII. In redemptis per gratiam Christi, nullum inveniri potest bonum meritum quod non sit gratis indigno collatum.

(e) Al.
possunt.

IX. Dona concessa homini integro, & Angelo forsitan, non improbandâ ratione (e) possent dici gratia, sed quia secundum usum Sacræ Scripturæ, nomine gratiæ, ea tantùm munera intelliguntur, quæ per Jesum Christum malè merentibus & indignis conferuntur; idèò neque merita, neque merces, quæ illis redditur, gratia dici (f) debet.

(f) Al.
potest.

X. Solutionem poenæ temporalis, quæ, peccato dimisso, sæpe remanet, & corporis resurrectionem propriè non nisi meritis Christi (g) adscribendam esse.

(g) Al. so-
lutio... re-
surrectio...
adscriben-
da est.
(h) Al. con-
sequemur.
(i) Al. &
justo.

XI. Quod piè & justè in hac vita mortali usque in finem conversati, vitam (b) consequimur æternam: id non propriè gratiæ Dei, sed ordinationi natu-
ralli statim initio creationis constitutæ (i) justo Dei judicio deputandum est; neque

neque in hac retributione bonorum ad Christi meritum respicitur, sed tantum ad primam institutionem generis humani, in qua lege naturali constitutum est, ut iusto Dei iudicio obedientiae mandatorum vita aeterna reddatur.

(a) *Ex Libro 2. De meritis operum.*

(a) Al.
omit.

XII. Pelagii sententia est opus bonum, citra gratiam adoptionis factum, (b) non esse regni caelestis meritum.

(b) Al. non
est.

XIII. Opera bona à filiis adoptionis facta non accipiunt rationem meriti ex eo quod fiunt per spiritum adoptionis inhabitantem corda filiorum Dei; sed tantum ex eo, quod sunt conformia legi, quodque per ea praestatur obedientia (c) legis.

(c) Al. le-
gi.

XIV. Opera bona iustorum non accipiunt in die iudicii extremi ampliorem mercedem, quam iusto Dei iudicio mereantur accipere.

XV. Docet (d) Rationem meriti non consistere in eo, quod qui bene operatur habeat gratiam, & inhabitantem Spiritum Sanctum; sed in eo solum quod obedit divinae legi: (e) quam sententiam saepe repetit, & multis rationibus probat toto fere libro.

(d) Al.
Ratio &c.
omittit.
docet.

(e) Al. o-
mit. quam
sententiam,
&c.

XVI. (f) In eodem Libro saepe repetit, quod non est vera legis obedientia, quae sit sine charitate.

(f) Al.
incipit: non
est, &c.

XVII. Dicit (g) sentire cum Pelagio, qui dicunt, esse necessarium ad rationem meriti, ut homo per gratiam adoptionis sublimetur ad statum dei-
ficum.

(g) Al. in-
cipit: seu-
tiam.

XVIII. (h) Dicit opera Catechumenorum, ut fidem & poenitentiam, ante remissionem peccatorum facta, esse vitae aeternae merita; quam (i) vitam ip-
si non consequentur, nisi prius praecedentium delictorum impedimenta tol-
lantur.

(h) Al. o-
pera. ut
fideles &
poeniten-
tia. ... sunt.
(i) Al. sa-
men.

XIX. (k) Videtur insinuare, quod opera iustitiae, & temperantiae, quae Christus fecit, ex dignitate personae operantis non traxerint maiorem valo-
rem.

(k) Al. in-
cipit: Ope-
ra, &c.

XX. Nullum est peccatum ex natura sua veniale; sed omne peccatum me-
retur (l) poenam aeternam.

(l) Al.
merito.

(a) Al.
omit.(a) *Ex Libro 1. de prima hominis iustitia.*

XXI. Humanæ naturæ sublimatio, & exaltatio in consortium divinæ naturæ debita fuit integritati primæ conditionis; & proinde naturalis dicenda est, & non supernaturalis.

XXII. Cum Pelagio sentiunt, qui textum Apostoli ad Romanos 2. (*gentes quæ legem non habent, naturaliter quæ legis sunt, faciunt*) intelligunt de genibus fidei gratiam non habentibus.

XXIII. Absurda est eorum sententia, qui dicunt, hominem ab initio, dono quodam supernaturali & gratuito, suprâ conditionem naturæ suæ fuisse exaltatum, ut fide, spe, & charitate Deum supernaturaliter coleret.

XXIV. A vanis & otiosis hominibus, secundum insipientiam Philosophorum excogitata est sententia: hominem ab initio sic constitutum ut per dona naturæ superaddita, fuerit largitate conditoris sublimatus, & in Dei filium adoptatus; (b) & ad Pelagianismum rejicienda est ista sententia.

(b) Al. o-
mit. &
ad, &c.(c) Al. o-
mit.(c) *Ex Libro 2. De virtutibus Impiorum.*

XXV. Omnia opera infidelium sunt peccata.

XXVI. Et Philosophorum virtutes sunt vitia.

(d) Al. o-
mit. ista.

XXVII. Integritas primæ creationis non fuit indebita humanæ naturæ exaltatio, sed naturalis ejus conditio; (d) quam sententiam repetit & probat per multa capitula.

XXVIII. Liberum arbitrium sine gratiæ Dei adjutorio, non nisi ad peccandum valet.

XXIX. Pelagianus est error, dicere quodd liberum arbitrium valet ad nulum peccatum vitandum.

(e) Al. fo-
li.

XXX. Non (e) solum fures ii sunt, & latrones, qui Christum, viam & ostium veritatis & vitæ negant; sed etiam quicumque aliunde, quam per ipsum in viam justitiæ (hoc est aliquam justitiam) conscendi posse docent: aut tentationi ulli, sine gratiæ ipsius adjutorio resistere hominem posse, sic ut in eam non inducatur, aut (f) ab ea non superetur.

(f) Al. ab
ea superetur.

(a) *Ex Libro de charitate.*(a) Al. o-
mit.

XXXI. Charitas perfecta, & sincera, quæ est ex corde puro, & conscientia bonâ, & fide non fictâ, tam in Catechumenis, quàm in poenitentibus, potest esse sine remissione peccatorum.

XXXII. Charitas illa, quæ est plenitudo legis, non est semper conjuncta cum remissione peccatorum.

XXXIII. Catechumenus justè, rectè, & sanctè vivit, & mandata Dei observat, ac legem implet per charitatem, ante obtentam remissionem peccatorum quæ in baptismi lavacro demum percipitur.

XXXIV. Distinctio illa duplicis amoris, naturalis videlicet, quo Deus amatur ut auctor naturæ; & gratuiti, quo Deus amatur ut (b) beatificator; (b) Al. s. vana est & commentitia; & ad illudendum sacris litteris & plurimis veterum testimoniis, excogitata.

XXXV. Omne quod agit peccator, vel servus peccati, peccatum est.

XXXVI. Amor naturalis, qui ex viribus naturæ exoritur; ex sola philosophia per elationem præsumptionis humanæ, cum injuria crucis Christi descenditur à nonnullis doctoribus.

XXXVII. Cum Pelagio sentit, qui (c) boni aliquid naturalis: hoc est, (c) Al. bonum est- quod natu-
quod ex naturæ (d) solis viribus ortum ducit, agnoscit.

XXXVIII. Omnis amor creaturæ rationalis, aut vitiosa est cupiditas, quâ mundus diligitur, quæ à Joanne prohibetur; aut laudabilis illa charitas, quâ per Spiritum Sanctum (e) in corde diffusa, Deus amatur.

(e) Al. in
corde dis-
fusus.(f) *Ex Libro de Libero Arbitrio.*(f) Al. o-
mit.

XXXIX. Quod voluntariè fit, etiam si (g) necessitate fiat, liberè tam fit.

(g) Al. ne-
cessariè.

XL. In omnibus suis actibus peccator servit dominanti cupiditati.

XLI. Is libertatis modus, qui est à necessitate, sub libertatis nomine non reperitur in Scripturis, sed solum nomen libertatis à peccato.

(a) AL. o.
mit.(a) *Ex Libro de Justitia.*

XLII. Justitia, quâ justificatur per fidem impius; consistit formaliter in obedientia mandatorum, quæ est operum justitia, non autem in gratia aliquâ animæ infusâ, quâ adoptatur homo in filium Dei, & secundum interiorem hominem renovatur, ac divinæ naturæ confors efficitur, ut sic per Spiritum Sanctum renovatus, deinceps benè vivere, & Dei mandatis obedire possit.

(b) Vala.
in omnibus.

XLIII. (b) In hominibus poenitentibus, ante Sacramentum absolutionis, & in Catechumenis ante baptismum, est vera justificatio, separata tamen à remissione peccatorum.

(c) AL. fo-
rum nt.(d) AL. o.
bedientia
ex vera le-
gis justitia.
(e) AL. in-
crementum.

XLIV. Operibus plerique, quæ à fidelibus fiunt (c) ut Dei mandatis pareant; ejusmodi sunt, obedire parentibus, depositum reddere; ab homicidio, à furto, à fornicatione abstinere, justificantur quidem homines, quia sunt legis (d) obedientiæ, & veræ legis justitiæ, non tamen iis obtinent (e) incrementa virtutum.

(f) AL.
omit.(f) *Ex Libro de sacrificio.*

XLV. Sacrificium Missæ non aliâ ratione est Sacrificium, quàm generali illa, quâ omne opus, quod fit ut sanctâ focietate Deo homo inhæreat.

(g) AL. o.
mit.(g) *Ex Libro de peccato originis.*(h) AL. ad
rationem
meriti.(i) Valq.
ntrum
peccatum
originis ve-
rè habeat.

XI VI. (b) Ad rationem, & definitionem peccati non pertinet voluntarium, nec definitionis quæstio est; sed causæ, & originis, utrum omne peccatum debeat esse voluntarium. (i) Unde peccatum originis verè habet rationem peccati, sine ulla relatione ac respectu ad voluntatem, à qua originem habuit.

(k) Valq.
voluntatis
arbitrio,
& tu.

XLVII. Peccatum originis est habituali parvuli voluntate voluntarium; & habitualiter dominatur parvulo; eo quod non gerit contrarium voluntatis arbitrium. (k) Et ex habituali voluntate dominante fit ut parvulus decedens sine regenerationis sacramento, quando usum rationis consecutus est, actualiter Deum odio habeat, Deum blasphemet, & legi Dei repugnet.

XLVIII. Prava desideria, quibus ratio non consentit, & quæ homo invitus patitur, sunt prohibita precepto, non concupisces.

XLIX. Concupiscentia, sive lex membrorum & prava ejus desideria, quæ inviti sentiunt homines, sunt vera legis inobedientia.

L. Omne scelus est ejus conditionis, ut suum authorem, & omnes posteros eo modo inficere possit, quo infecit prima transgressio.

L I. Quantum est ex vi (a) transgressionis, tantum meritorum malorum à (a) Al. generante contrahunt qui cum minoribus nascuntur vitiis, quam qui cum majoribus. prima transg.

L II. Diffinitiva hæc sententia, Deum homini nihil impossibile præcepisse, falsò tribuitur Augustino, cum Pelagii sit.

L III. Deus non potuisset ab initio talem creare hominem, qualis nunc nascitur.

(b) *Ex tractatu de oratione pro defunctis.*

(b) Al. omit.

L IV. In peccato duo sunt, actus, & reatus: transeunte autem actu, nihil manet nisi reatus, sive obligatio ad poenam. Unde in sacramento Baptismi, aut sacerdotis absolutione, propriè reatus peccati duntaxat tollitur; & ministerium Sacerdotum solum liberat à reatu.

L V. Peccator (c) poenitens, non vivificatur ministerio Sacerdotis absolverentis, sed à solo Deo qui poenitentiam suggerens, & inspirans, vivificat eum & resuscitat: ministerio autem sacerdotis solum reatus tollitur. (c) Suarez poenit.

(d) *Ex tractatu de Indulgentiis.*

(d) Al. omit.

L VI. Quando per elemosynas, (e) aliaque poenitentiae opera Deo satisfacimus pro poenis temporalibus, non dignum pretium Deo pro peccatis nostris offerimus, sicut quidam errantes autumant (nam alioqui essemus, saltem aliquà (f) ex parte, redemptores) sed aliquid facimus, cujus intuitu Christi satisfactio nobis applicatur, & communicatur. (e) Ripat. aliqua pietatis. (f) Vasq. vel aliqua.

L VII. Per passiones Sanctorum in Indulgentiis communicatas non propriè redimuntur nostra delicta; sed per communionem charitatis nobis eorum (g) passiones impartuntur, ut digni sumus, qui pretio sanguinis Christi à poenis, pro peccatis debitis, liberemur. (g) Al. poen.

L VIII. Celebris illa Doctorum distinctio, Divinae legis mandata bifariam impleri; altero modo quantum ad præceptorum operum substantiam tantum, altero quantum ad certum quemdam modum, videlicet secundum quem valeant operantes perducere ad regnum æternum (hoc est ad modum (h) meritorium) commentitia est & explodenda. Illa quoque distinctio, quæ opus dicitur bifariam bonum: vel quia ex objecto, & omnibus circumstantiis rectum est, &

(a) Al. *ap- pellare con- fuerunt.* & bonum (quod moraliter bonum (a) appellari consuevit) vel quia est meritorium regni æterni, eo quod fit à vivo Christi membro per Spiritum charitatis, rejicienda (b) putatur.

(c) Al. *Sed &c.* L X. (c) Similiter & illa distinctio duplicis justitiæ: alterius, quæ fit per Spiritum charitatis inhabitantem; alterius, quæ fit ex inspiratione quidem Spiritus Sancti cor ad pœnitentiam excitantis, sed nondum cor inhabitantis & in eo charitatem diffundentis, quâ divinæ legis justificationem impleatur, (d) odiosissimè & pertinacissimè (e) rejicitur.

(d) Val. & *Rip. ut odiosissima & pertinacissima.* L X I. Denique & illa distinctio duplicis vivificationis: alterius, quâ vivificatur peccator, dum ei pœnitentia, & vitæ novæ propositum & inchoatio per Dei gratiam inspiratur; alterius, quâ vivificatur qui verè justificatur, & palme vivus in vite (f) Christo efficitur; commentitia (g) judicatur, & Scripturis minimè congruens.

(f) Al. *Christi.*

(g) Al. *est.*

L X II. Non nisi Pelagiano errore admitti potest usus aliquis liberi arbitrii bonus, sive non malus: & gratiæ Christi injuriam facit, qui ita sentit, & docet.

L X III. Sola violentia repugnat libertati hominis naturali.

L X IV. Homo peccat; etiam damnabiliter, in eo quod necessariò facit.

L X V. Infidelitas purè negativa in his in quibus Christus non est prædicatus, peccatum est.

L X VI. Justificatio impii fit formaliter per obedientiam legis; non autem per occultam communicationem, & inspirationem gratiæ, quæ per eam justificatos faciat implere legem.

(h) Al. *peccati mortalis.*

L X VII. Homo existens in peccato mortali, sive in reatu (b) æternæ damnationis, potest habere veram charitatem; & charitas, etiam perfecta, potest consistere cum reatu æternæ damnationis.

(i) Al. *omni charitate perfecta.*

L X VIII. Per contritionem, etiam (i) charitate perfectam, & cum voto suscipiendi Sacramentum conjunctam, non remittitur crimen extra casum necessitatis, aut martyrii, sine actuali susceptione Sacramenti.

L X IX. Omnes omnino justorum afflictiones sunt ultiones peccatorum ipsorum: unde & Job, & martyres, quæ passi sunt, propter peccata sua passi sunt.

L X X. Nemo præter Christum; est absque peccato originali. Hinc beata virgo mortua est propter peccatum ex Adam contractum; omnesque ejus af-

flicti-

ditiones in hac vita, sicut & aliorum iustorum, fuerunt ultiones peccati actualis, vel originalis.

LXXI. Concupiscentia in renatis relapsis in peccatum mortale, in quibus jam dominatur, peccatum est, sicut & alii habitus pravi.

LXXII. Motus pravi concupiscentiæ, sunt, pro statu hominis vitia, prohibiti præcepto: *non concupisces*: unde homo eos sentiens, & non consentiens, transgreditur præceptum: *non concupisces*: quamvis transgressio in peccatum non deputetur.

LXXIII. Quamdiu aliquid concupiscentiæ carnalis in diligente est, non facit præceptum, *diliges Dominum Deum tuum ex toto corde tuo*.

LXXIV. Satisfactiones laboriosæ iustificationum non valent expiare de condigno poenam temporalem restantem post culpam condonatam.

LXXV. Immortalitas primi hominis non erat gratiæ beneficium, sed naturalis conditio.

LXXVI. Falsa est Doctorum sententia, primum hominem potuisse à Deo creari, & institui sine iustitia naturali.

Quas quidem sententias stricto coram nobis examine ponderatas (quamquam nonnulla aliquo pacto sustineri possent in rigore, & proprio verborum sensu ab assertoribus intento) hæreticas, erroneas, suspectas, temerarias, scandalosas, & in ipsas aures offensionem immittentes, respectivè; ac quacunque super iis verbo, scriptoque emissa, præsentium auctoritate damnamus, circumscribimus, & abolemus: deque eisdem, & similibus posthac, quoquo pacto loquendi, scribendi, & disputandi, facultatem quibuscumque interdicimus: qui secus fecerint, ipsos omnibus dignitatibus, gradibus, honoribus, beneficiis, & officiis perpetuò privamus, ac etiam inhabiles ad quacunque decernimus, vinculo quoque anathematis eo ipso innodamus, à quo nullus Romano Pontifice inferior, valeat ipsos excepto mortis articulo liberare. Caterum ut jam commoti his de rebus tumultus & contracta odia faciliùs comprimi possint, simulque animarum saluti plenius consulatur, dilecto filio nostro Antonio, titulo Sancti Bartholomæi in insula Presbytero Cardinali, Granvellano nuncupato, per Apostolica scripta mandamus, ut ipse quid ad perpetuam dictarum sententiarum & scripturarum abolitionem, quid ad arcendam huiusmodi proloquia, & disputationes, quid denique ad unionem & pacem cum communi omnium & ecclesiæ Catholice satisfactione componendam factò opus sit imprimis diligenter expendat; deinde in iis omnibus quæ pro communi salute, tranquillitate, & honore optimum judicaverit, salvo semper ecclesiæ prædictæ unitate, etiam per alium seu alios fide, doctrinâ & religione præstantes oculus exequatur, faciatque quidquid decreverit inviolatè ab omnibus observari: contradictores quoslibet per censuras & pœnas prædictas cæteraque juris & facti remedia opportuna,

C E N S U R A.

Si id nomen à Summis Pontificibus usurpari non debere affirmat propter modestiam retinendam; ferri potest ista propositio: si autem quia illis reipsa ipsum non competere arbitratur, ideo denegat; est hæretica.

V I. P R O P O S I T I O.

In Apologia ad Gregorium XIII. pro suis condemnatis articulis habet, hominem posse apud Deum justificari non habito respectu aut relatione ad merita Christi.

C E N S U R A.

Hæresim continet omnium pestilentissimam.

V I I. P R O P O S I T I O.

In Concilio Tridentino quædam sunt inconsideratè posita.

C E N S U R A.

Est præsumptuosissima.

V I I I. P R O P O S I T I O.

Post publicationem S. D. PP. Bullæ condemnationis articulorum, non destitit hic Author in scholis & disputationibus spargere & docere ac defendere sua ista dogmata, & alia antiqua, quæ erant illi interdicta.

C E N S U R A.

Arguit hominem animi pertinacis & hæretici, & inducis vebementem suspensionem, illum etiam superiores omnes affirmasse in eo sensu quo falsi sunt & erronei.

I X. P R O P O S I T I O.

Martyrum passiones & tormenta purgationes sunt peccatorum, non coronæ.

C E N S U R A.

In eo quòd affirmat tormenta Martyrum fuisse purgationes, si peccatorum à Martyribus actualiter commissorum purgationes fuisse intelligit omnia illa tormenta; hæretica est. Et similiter est hæretica in eo quòd negat ea tormenta fuisse coronas.

In eodem Codice MS. subsequitur Censura quædam in triginta novem sententias: sed illam non censui hic inferendam, quia nec cui scriptori attributæ sint, nec à quibus lata sit hæc Censura, conicere potui. Unum liquidò constat illas sententias non fuisse Michaelis Baii, nec ipsi adscriptas; animadverto enim illas fere omnes esse stupendum in modum Pelagianas; & quæ mores tangunt; laxissimas.

BULLA PII V.

Qua sententiæ septuaginta sex proscriptæ
sunt an. 1567.

P I U S
E P I S C O P U S
S E R V U S
S E R V O R U M
D E I.

*Ex omnibus afflictionibus quas in hoc loco à Domino constituti
tam luctuoso tempore sustinemus, ille animum nostrum præ-
cipuè excruciat dolor, quòd Religio Christiana tantis jam-
pridem turbinibus agitata, novis quotidie propositis opinio-
nibus confluetur, Christique populus antiqui hostis sugge-
stione dissectus, in alios atque alios errores passim & pro-
miscuè deferatur, quantum verò ad nos attinet, totis viribus
conamur, ut illæ simul atque prosiliunt, penitus oppriman-
tur. Magno etenim mœrore afficimur, quòd plerique, spe-
ctata aliòqui probitatis & doctrinæ, in varias sententias, of-
fensionis & periculi plenas, tum verbo, tum scriptis pro-
rumpunt, deque eis, etiam in Scholis, invicem controver-
santur; cujusmodi sunt sequentes.*

† AL. o-
mitt.

† *Ex Libro 1. de meritis operum.*

(a) AL.
gratia.

I.



Ec Angeli, nec primi hominis adhuc integri merita rectè vocantur (a) gratia.

II. Sicut opus malum ex natura sua est mortis æternæ meritorium: sic bonum opus ex natura sua est vitæ æternæ meritorium.

III. Et bonis Angelis, & primo homini, si in statu illo perseverasset usque ad ultimum vitæ, felicitas esset merces, & non gratia.

(b) AL. o-
mitt. per
se.

IV. Vita æterna homini integro, & Angelo promissa fuit intuitu bonorum operum: & bona opera ex lege naturæ ad illam consequendam (b) per se sufficiunt.

V. In promissione facta Angelo, & primo homini continetur naturalis iustitiæ constitutio, quæ pro bonis operibus, sine alio respectu, vita æterna iustis promittitur.

(c) AL. per-
severasset.

VI. Naturali lege constitutum fuit homini, ut si in obedientia (c) perseverasset, ad eam vitam pertranfiveret, in qua mori non posset.

(d) AL.
gratia.

VII. Primi hominis integri merita fuerunt primæ creationis munera, sed juxta modum loquendi Scripturæ Sacræ non rectè vocantur (d) gratia: quò fit, ut tantùm merita, non etiam gratia debeant nuncupari.

VIII. In redemptis per gratiam Christi, nullum inveniri potest bonum meritum quod non sit gratis indignò collatum.

(e) AL.
possunt.

IX. Dona concessa homini integro, & Angelo forsitan, non improbandâ ratione (e) possent dici gratia, sed quia secundùm usum Sacræ Scripturæ, nomine gratiæ, ea tantùm munera intelliguntur, quæ per Jesum Christum male merentibus & indignis conferuntur; idèò neque merita, neque merces, quæ illis redditur, gratia dici (f) debet.

(f) AL.
potest.

X. Solutionem pœnæ temporalis, quæ, peccato dimisso, sæpe remanet, & corporis resurrectionem propriè non nisi meritis Christi (g) adscribendam esse.

(g) AL. so-
lutio... re-
surrectio...
adscriben-
da est.

(h) AL. con-
sequemur.

(i) AL. &
iusto.

XI. Quod piè & justè in hac vita mortali usque in finem conversati, vitam (h) consequimur æternam: id non propriè gratiæ Dei, sed ordinationi natu-
(i) rali statim initio creationis constitutæ (i) iusto Dei iudicio deputandum est; neque

neque in hac retributione bonorum ad Christi meritum respicitur, sed tantum ad primam institutionem generis humani, in qua lege naturali constitutum est, ut iusto Dei iudicio obedientiae mandatorum vita aeterna reddatur.

(a) *Ex Libro 2. De meritis operum.*

(a) Al. omit.

XII. Pelagii sententia est opus bonum, citra gratiam adoptionis factum, (b) non esse regni caelestis meritum.

(b) Al. non est.

XIII. Opera bona à filiis adoptionis facta non accipiunt rationem meriti ex eo quod sunt per spiritum adoptionis inhabitantem corda filiorum Dei; sed tantum ex eo, quod sunt conformia legi, quodque per ea praestatur obedientia (c) legis.

(c) Al. legi.

XIV. Opera bona iustorum non accipiunt in die iudicii extremi ampliorem mercedem, quam iusto Dei iudicio mereantur accipere.

XV. Docet (d) Rationem meriti non consistere in eo, quod qui bene operatur habeat gratiam, & inhabitantem Spiritum Sanctum; sed in eo solum quod obedit divinae legi: (e) quam sententiam saepe repetit, & multis rationibus probat toto fere libro.

(d) Al. Ratio &c. omitit.

docet.

(e) Al. omittit. quam sententiam, &c.

XVI. (f) In eodem Libro saepe repetit, quod non est vera legis obedientia, quae sit sine charitate.

(f) Al. incipit: non est, &c.

XVII. Dicit (g) sentire cum Pelagio, qui dicunt, esse necessarium ad rationem meriti, ut homo per gratiam adoptionis sublimetur ad statum deificum.

(g) Al. incipit: sentimus.

XVIII. (h) Dicit opera Catechumenorum, ut fidem & poenitentiam, ante remissionem peccatorum facta, esse vitae aeternae merita; quam (i) vitam ipsi non consequuntur, nisi prius praecedentium delictorum impedimenta tollantur.

(h) Al. opera, ut fideles & poenitentia... sunt.

(i) Al. tantum.

XIX. (k) Videtur insinuare, quod opera iustitiae, & temperantiae, quae Christus fecit, ex dignitate personae operantis non traxerint maiorem valorem.

(k) Al. incipit: Opera, &c.

XX. Nullum est peccatum ex natura sua veniale; sed omne peccatum meretur (l) poenam aeternam.

(l) Al. meretur.

(a) Al.
omit.

(a) *Ex Libro 1. de prima hominis iustitia.*

XXI. Humanæ naturæ sublimatio, & exaltatio in consortium divinæ naturæ debita fuit integritati primæ conditionis; & proinde naturalis dicenda est, & non supernaturalis.

XXII. Cum Pelagio sentiunt, qui textum Apostoli ad Romanos 2. (*gentes quæ legem non habent, naturaliter quæ legis sunt, faciunt*) intelligunt de genibus fidei gratiam non habentibus.

XXIII. Absurda est eorum sententia, qui dicunt, hominem ab initio, dono quodam supernaturali & gratuito, suprâ conditionem naturæ suæ fuisse exaltatum, ut fide, spe, & charitate Deum supernaturaliter coleret.

XXIV. A vanis & otiosis hominibus, secundum insipientiam Philosophorum excogitata est sententia: hominem ab initio sic constitutum ut per dona naturæ superaddita, fuerit largitate conditoris sublimatus, & in Dei filium adoptatus; (b) & ad Pelagianismum rejicienda est ista sententia.

(b) Al. o-
mit. &
ad, &c.

(c) *Ex Libro 2. De virtutibus Impiorum.*

(c) Al. o-
mit.

XXV. Omnia opera infidelium sunt peccata.

XXVI. Et Philosophorum virtutes sunt vitia.

(d) Al. o-
mit. ista.

XXVII. Integritas primæ creationis non fuit indebita humanæ naturæ exaltatio, sed naturalis ejus conditio; (d) quam sententiam repetit & probat per multa capitula.

XXVIII. Liberum arbitrium sine gratiæ Dei adjutorio, non nisi ad peccandum valet.

XXIX. Pelagianus est error, dicere quodd liberum arbitrium valet ad ullum peccatum vitandum.

(e) Al. so-
b.

XXX. Non (e) solum fures ii sunt, & latrones, qui Christum, viam & ostium veritatis & vitæ negant; sed etiam quicumque aliunde, quam per ipsum in viam justitiæ (hoc est aliquam justitiam) conscendi posse docent: aut tentationi ulli, sine gratiæ ipsius adjutorio resistere hominem posse, sic ut in eam non inducatur, aut (f) ab ea non superetur.

(f) Al. ab
ea superetur.

(a) *Ex Libro de charitate.*(a) AL. a.
mit.

XXXI. Charitas perfecta, & sincera, quæ est ex corde puro, & conscientia bonâ, & fide non fictâ, tam in Catechumenis, quam in poenitentibus, potest esse sine remissione peccatorum.

XXXII. Charitas illa, quæ est plenitudo legis, non est semper conjuncta cum remissione peccatorum.

XXXIII. Catechumenus justè, rectè, & sanctè vivit, & mandata Dei observat, ac legem implet per charitatem, ante obtentam remissionem peccatorum quæ in baptismi lavacro demum percipitur.

XXXIV. Distinctio illa duplicis amoris, naturalis videlicet, quo Deus amatur ut auctor naturæ; & gratuiti, quo Deus amatur ut (b) beatificator: (b) AL. be-
vana est & commentitia; & ad illudendum sacris litteris & plurimis vete-
rum testimoniis, excogitata.

XXXV. Omne quod agit peccator, vel servus peccati, peccatum est.

XXXVI. Amor naturalis, qui ex viribus naturæ exoritur; ex sola philosophia per elationem præsumptionis humanæ, cum injuria crucis Christi defenditur à nonnullis doctoribus.

XXXVII. Cum Pelagio sentit, qui (c) boni aliquid naturalæ: hoc est, (c) AL. be-
quod ex naturæ (d) solis viribus ortum ducit, agnoscit.

XXXVIII. Omnis amor creaturæ rationalis, aut vitiosa est cupiditas, quâ mundus diligitur, quæ à Joanne prohibetur; aut laudabilis illa charitas, quâ per Spiritum Sanctum (e) in corde diffusa, Deus amatur.

(e) AL. in
corda dif-
fusa.(f) *Ex Libro de Libero Arbitrio.*(f) AL. o.
mit.

XXXIX. Quod voluntariè fit, etiam si (g) necessitate fiat, liberè ra-
men fit.

(g) AL. ne-
cessario.

XL. In omnibus suis actibus peccator servit dominanti cupiditati.

XLI. Is libertatis modus, qui est à necessitate, sub libertatis nomine non reperitur in Scripturis, sed solum nomen libertatis à peccato.

(a) AL. o-
mit.(a) *Ex Libro de Justitiâ*

XLII. Justitiâ, quâ justificatur per fidem impius, consistit formaliter in obedientia mandatorum, quæ est operum justitiâ, non autem in gratia aliquâ animæ infusâ, quâ adoptatur homo in filium Dei; & secundum interiorem hominem renovatur, ac divinæ naturæ consors efficitur, ut sic per Spiritum Sanctum renovatus, deinceps benè vivere, & Dei mandatis obedire possit.

(b) Valg.
in omni.

XLIII. (b) In hominibus pœnitentibus, ante Sacramentum absolutionis, & in Catechumenis ante baptismum, est vera justificatio, separata tamen à remissione peccatorum.

(c) AL. fo-
lū ut.(d) AL. o-
bedientia(e) vera le-
gis justitiâ.(c) AL. in-
cremētum.

XLIV. Operibus plerisque, quæ à fidelibus fiunt (c) ut Dei mandatis pareant; cujuscumque sunt, obedire parentibus, depositum reddere, ab homicidio, à furto, à fornicatione abstinerere, justificantur quidem homines, quia sunt legis (d) obedientiæ, & veræ legisjustitiæ, non tamen iis obtinent (e) incrementa virtutum.

(f) AL.
omit.(f) *Ex Libro de sacrificio.*

XLV. Sacrificium Missæ non aliâ ratione est Sacrificium, quàm generali illa, quâ omnino opus, quod fit ut sanctâ societate Deo homo inhaereat.

(g) AL. o-
mit.(g) *Ex Libro de peccato originis.*(h) AL. ad
rationem
meriti.(i) Valg.
utrum
peccatum
originis vo-
rè habeat.

XI VI. (b) Ad rationem, & definitionem peccati non pertinet voluntarium, nec definitionis questio est; sed causæ, & originis, utrum omne peccatum debeat esse voluntarium. (i) Unde peccatum originis verè habet rationem peccati, sine ulla relatione ac respectu ad voluntatem, à qua originem habuit.

(k) Valg.
voluntatis
arbitrio,
& ut.

XLVII. Peccatum originis est habituali parvuli voluntate voluntarium; & habitualiter dominatur parvulo: eo quod non gerit contrarium voluntatis arbitrium. (k) Et ex habituali voluntate dominante fit ut parvulus decedens sine regenerationis sacramento, quando usum rationis consecutus est, actualiter Deum odio habeat, Deum blasphemet, & legi Dei repugnet.

XLVIII. Prava desideria, quibus ratio non consentit, & quæ homo invitus patitur, sunt prohibita precepto, *non concupisces.*

XLIX. Concupiscentia, sive lex membrorum & prava ejus desideria, quæ inviti sentiunt homines, sunt vera legis inobedientia.

L. Omne scelus est ejus conditionis, ut suum authorem, & omnes posteros eo modo inficere possit, quo infecit prima transgressio.

L I. Quantum est ex vi (a) transgressionis, tantum meritorum malorum à (a) Al. generante contrahunt qui cum minoribus nascuntur vitiis, quam qui cum majoribus. prima transg.

L II. Diffinitiva hæc sententia, Deum homini nihil impossibile præcepisse, falso tribuitur Augustino, cum Pelagii sit.

L III. Deus non potuisset ab initio talem creare hominem, qualis nunc nascitur.

(b) *Ex tractatu de oratione pro defunctis.*

(b) Al. omit.

L IV. In peccato duo sunt, actus, & reatus: transeunte autem actu, nihil manet nisi reatus, sive obligatio ad poenam. Unde in sacramento Baptismi, aut sacerdotis absolutione, propriè reatus peccati duntaxat tollitur; & ministerium Sacerdotum solum liberat à reatu.

L V. Peccator (c) poenitens, non vivificatur ministerio Sacerdotis absolutionis, sed à solo Deo qui poenitentiam suggerens, & inspirans, vivificat eum & resuscitat: ministerio autem sacerdotis solum reatus tollitur. (c) Suarez poenit.

(d) *Ex tractatu de Indulgentiis.*

(d) Al. omit.

L VI. Quando per eleemosynas, (e) aliaque poenitentiae opera Deo satisfacimus pro poenis temporalibus, non dignum pretium Deo pro peccatis nostris offerimus, sicut quidam errantes autumant (nam alioqui essemus, saltem aliquà (f) ex parte, redemptores) sed aliquid facimus, cujus intuitu Christi satisfactio nobis applicatur, & communicatur. (e) Ripa. aliqua pietatis. (f) Vasq. vel aliqua.

L VII. Per passiones Sanctorum in Indulgentiis communicatas non propriè redimuntur nostra delicta; sed per communionem charitatis nobis eorum (g) passiones impartuntur, ut digni sumus, qui pretio sanguinis Christi à poenis, pro peccatis debitis, liberemur. (g) Al. poenis.

L VIII. Celebris illa Doctorum distinctio, Divinae legis mandata bifariam impleri; altero modo quantum ad præceptorum operum substantiam tantum, altero quantum ad certum quemdam modum, videlicet secundum quem valeant operantem perducere ad regnum æternum (hoc est ad modum (h) meritorium) commenticia est & explodenda; Illa quoque distinctio, quæ opus dicitur bifariam bonum: vel quia ex objecto, & omnibus circumstantiis rectum est, &

(a) Al. *appellare consueverunt.* & bonum (quod moraliter bonum (a) appellari consuevit) vel quia est meritum regni æterni, eo quod fit à vivo Christi membro per Spiritum charitatis, rejicienda (b) putatur.

(c) Al. *Sed &.*

LX. (c) Similiter & illa distinctio duplicis iustitiæ: alterius, quæ fit per Spiritum charitatis inhabitantem; alterius, quæ fit ex inspiratione quidem Spiritus Sancti cor ad pœnitentiam excitantis, sed nondum cor inhabitantis & in eo charitatem diffundentis, quâ divinæ legis justificatio impleatur, (d) odiofissimè & pertinacissimè (e) rejicitur.

(d) Vaf. & Rip. ut odiofissima & pertinacissima.
(e) Al. *fissimè rejicitur.*
(f) Al. *Christi.*
(g) Al. *eff.*

LXI. Denique & illa distinctio duplicis vivificationis: alterius, quâ vivificatur peccator, dum ei pœnitentia, & vitæ novæ propositum & inchoatio per Dei gratiam inspiratur; alterius, quâ vivificatur qui verè justificatur, & palme vivus in vite (f) Christo efficitur; commentitia (g) judicatur, & Scripturis minimè congruens.

LXII. Non nisi Pelagiano errore admitti potest usus aliquis liberi arbitrii bonus, sive non malus: & gratiæ Christi injuriam facit, qui ita sentit, & docet.

LXIII. Sola violentia repugnat libertati hominis naturali.

LXIV. Homo peccat; etiam damnabiliter, in eo quod necessariò facit.

LXV. Infidelitas purè negativa in his in quibus Christus non est prædicatus, peccatum est.

LXVI. Justificatio impii fit formaliter per obedientiam legis; non autem per occultam communicationem. & inspirationem gratiæ, quæ per eam justificatos facit implere legem.

(h) Al. *peccati mortalis.*

LXVII. Homo existens in peccato mortali, sive in reatu (b) æternæ damnationis, potest habere veram charitatem; & charitas, etiam perfecta, potest consistere cum reatu æternæ damnationis.

(i) Al. *summam charitatem perfectam.*

LXVIII. Per contritionem; etiam (i) charitate perfectam, & cum voto suscipiendi Sacramentum conjunctam, non remittitur crimen extra casum necessitatis, aut martyrii, sine actuali susceptione Sacramenti.

LXIX. Omnes omnino justorum afflictiones sunt ultiones peccatorum ipsorum: unde & Job, & martyres, quæ passi sunt, propter peccata sua passi sunt.

LXX. Nemo præter Christum; est absque peccato originali. Hinc beata virgo mortua est propter peccatum ex Adam contractum; omnesque ejus afflictio-

fiſtiones in hac vita, ſicut & aliorum juſtorum, fuerunt ultiones peccati actualis, vel originalis.

LXXI. Concupiſcentia in renatis relapſis in peccatum mortale, in quibus jam dominatur, peccatum eſt, ſicut & aliſ habitus pravi.

LXXII. Motus pravi concupiſcentiæ, ſunt, pro ſtatu hominis viciati, prohibiti præcepto: *non concupiſces*: unde homo eos ſentiens, & non conſentiens, tranſgreditur præceptum: *non concupiſces*: quamvis tranſgreſſio in peccatum non deputetur.

LXXIII. Quamdiu aliquid concupiſcentiæ carnalis in diligente eſt, non facit præceptum, *diliges Dominum Deum tuum ex toto corde tuo*.

LXXIV. Satisfactiones laborioſæ juſticatorum non valent expiare de condigno penam temporalem reſtantem poſt culpam condonatam.

LXXV. Immortalitas primi hominis non erat gratiæ beneficium, ſed naturalis conditio.

LXXVI. Falfa eſt Doctorem ſententia, primum hominem potuiſſe à Deo creari, & inſtitui ſine juſtitia naturali.

Quas quidem ſententias ſtrictò coram nobis examine ponderatas (quamquam nonnulla aliquo pacto ſuſtineri poſſent in rigore, & proprio verborum ſenſu ab aſſertoribus intento) hereticas, erroneas, ſuſpectas, temerarias, ſcandalofas, & in pias aures offenſionem immittentes, reſpectivè; ac quacunque ſuper iis verbo, ſcriptoque emiſſa, præſentium auctoritate damnamus, circumſcribimus, & abolemus: deque eiſdem, & ſimilibus poſt hac, quoquo pacto loquendi, ſcribendi, & diſputandi, facultatem quibuſcumque interdiciamus: qui ſecus fecerint, ipſos omnibus dignitatibus, gradibus, honoribus, beneficiis, & officiis perpetuè privamus, ac etiam inhabiles ad quacunque decernimus, vinculo quoque anathematis eo ipſo inſodamus, à quo nullus Romano Pontifice inferior, valeat ipſos excepto mortis articulo liberare. Caterum ut jam commoti his de rebus tumultus & contracta odia faciliùs comprimi poſſint, ſimulque animarum ſaluti plenius conſulatur, dilectò filio noſtro Antonio, titulo Sancti Bartholomei in ſiſula Preſbytero Cardinali, Granvellano nuncupato, per Apoſtolica ſcripta mandamus, ut ipſe quid ad perpetuam dictarum ſententiarum & ſcripturarum abolitionem, quid ad arcenda huiuſmodi prologia, & diſputationes, quid denique ad unionem & pacem cum communi omnium & eccleſiæ Catholica ſatisfactione componendam factò opus ſit imprimis diligenter expendat; deinde in iis omnibus quæ pro communi ſalute, tranquillitate, & honore optimum judicaverit, ſalvâ ſemper eccleſiæ prædictæ unitate, etiam per alium ſeu alios fide, doctrinâ & religione præſtantes ocyùs exequatur, ſciatque quidquid decreverit inviolatè ab omnibus obſervari: contra dictores quoſlibet per cenſuras & penas prædictas cæteraque juri & facti remedia opportuna,

portuna, appellatione postpositâ, compescendo, invocato etiam ad hoc, si opus fuerit, auxilio brachii secularis. Non obstantibus quod forsitan aliquibus ab Apostolica sit sede indultum, quod interdici, suspendi, vel excommunicari non possint, per litteras Apostolicas non facientes plenam & expressam de verbo ad verbum de Indulto huiusmodi mentionem: & quibuslibet aliis privilegiis, exceptionibus, indulgentiis & litteris Apostolicis specialibus vel generalibus quorumcunque tenorum existant, per quæ presentibus non expressa vel totaliter non inserta, effectus præsentium impediri valeat quomodolibet vel differri: & de quibus quorumque totius tenoribus de verbo ad verbum habenda sit in nostris litteris mentio specialis. Nulli ergo omnino hominum liceat hanc paginam nostræ damnationis, circumscriptionis, abolitionis, interdicti, decreti & mandati, privationis & inodationis infringere, vel ei ausu temerario contraire. Si quis autem attentare præsumperit, indignationem Omnipotentis Dei ac Beatorum Petri & Pauli Apostolorum ejus, se noverit incursum. Datum Romæ apud Sanctum Petrum, anno Incarnationis Dominicæ millesimo quingentesimo sexagesimo septimo, Calendis Octobris, Pontificatus nostri anno secundo.

Hanc Pii V. Bullam, etsi non nisi in aliis Diplomatis inserta legitur, visum est hic separatim exhibere: notatis etiam Libris ex quibus collecti dicebantur Articuli qui ad Censuram exhibiti sunt. Licet enim juxta Granvelli Litteras die 13. Novembris anni 1567. Romæ scriptas, non sit in Bulla expressum ex quo Libro excerpti sint ejusmodi Articuli; id nihilominus adnotatum erat in Extractis & Bulla Articulis cum Censura, quorum copiam Doctores Theologos fecit Morillonus dum eis Bullam intimavit.

Ex Car-
dinalis
Granvel-
lani Regi-
stro pri-
mum edi-
ta.

CARDINALIS
GRANVELLANI
MAXIMILIANO
MORILLONIO,
ECCLESIAE ARIENSIS
PRÆPOSITO,
EPISTOLA.

MONSIEUR LE PREVOST,



Vous verrez les Lettres que je vous écris en François cy-jointes, tou-
chant (a) le Livre que le Docteur Bay a fait imprimer, dont sur ma
foy je voudrois pour beaucoup qu'il se fust abstenu. Car je crains fort,
s'il ne prend les choses comme il conviendrait pour venir au remède, que
l'en ne tombe en termes dont il se trouveroit empêché. Et quelquefois
ces gens savants tiennent leurs œuvres, comme les Peres leurs enfans,
tant sont rassotés; & pour les soutenir, tombent en infinis inconveniens. Et je ne
voudrois qu'au dit Docteur le même advint. Car ce seroit le perdre, au lieu qu'il pour-
roit servir l'Eglise. Et j'apperçois bien que les vieux (b) Theologiens de Louvain ont
toujours sentu & sentent qu'il aie voulu user de ces termes: en quoy la verité ils ont
raison. Car il ne doit tant attribuer à son opinion, quelque savant qu'il puisse estre,
qu'il ne desere plus à celle qu'ordinairement tiennent les Escholes; & sont toutes nou-
velletes, comme vous savez, (c) dangereuses. Vous lui pourriez montrer ma Lettre,
& conférer amiablement avec lui, pour voir s'il se laissera ranger à ce qui luy convient,
qui seroit un grand bien; & je le desire singulierement pour l'affection que je lui porte.
& convient que vous avertissiez franchement & librement de ce que vous y trouverez.
Bien vous veng-je dire, que s'il ne s'accorde realement à la raison, à ce que je puis
appercevoir il se mettra à un bien grand bazard. Ce du Livre est le pis; mais il n'y

(a) Mi-
chaëlis
Buii Opus-
cula an.
1563. ty-
pis vul-
gata.

(b) Ruar-
dus Tap-
perus Pe-
lagiani-
zans, &
Judocus
Ravestyn.

(c) Res
Granvel-
lani peri-
culi plena
loqui ac
sentire
cum Sacris
Scripturis
& Patri-
bus.

(a) Nufquam tam prohibita sunt doctrina ista opuscula.

a remede, & faut necessairement qu'il se (a) deffende, & que ceux de l'Université entendent que telles propositions ne se doivent comporter. Cela assuré tout le reste pourra passer doucement & sans bruit. Et je vous prie tres affectueusement d'y faire tout le meilleur devoir que vous pourrez, & tost. Vous en pourrez, si bon vous semble, conferer avec le Confesseur de Monsieur le Duc d'Alve, & aussi avec nostre Maître Tiletanus, & Jansenius. Mais pour Dieu que vous procuriez qu'ils perdent toute passion, & que l'on y procede avec charité Chrétienne, pour rabiller doucement la faute qu'il y a, que sera plus d'honneur à l'Université & à eux mêmes, & gagneront par ce bout plus de reputation, que non d'y procurer aigrement: & ils vous diront les moyens que vous devrez tenir, pour y remedier selon les intentions de sa Sainteté. Mais usez en dextremens & modestement: & que Monsieur (b) nostre Maître entende qu'on ne lui est point contraire, mais que l'on lui veust faire bonne œuvre; comme certes je le desire si avant qu'il se veuille, (c) accommoder: & si non je seray contraint à mon regret de l'abandonner. Et me recommandant tres affectueusement à voire bonne souvenance, je prie le Createur qu'il, Monsieur le Prevost, vous doint vos desirs.

(b) Michael Baius.
(c) Hoc est, modo Baius in Notorum Theologorum sententias eas,

De Rome ce 13. de Novembre, 1567.

Inscriptio hæc erat:

A Monsieur le Prevost Morillon.

ALTE.

ALTERA EJUSDEM CARDINALIS GRANVELLANI

EI DEM MORILLONIO

EPISTOLA.

MONSIEUR LE PREVOST,

Ex eod.
Registro
primum
edita.

LE tiens que vous vous souvenez des differens qui cy-devant se sont suscitez, d'aucuns qui ont voulu impugner aucunes propositions, & formes de parler, dont feu nôtre Maître (a) de Louvain, & Monsieur nôtre Maître Michel Le Bay ussoient, tant aux Lectures que aux disputes, non usitées en l'ancienne Escole; & que la contention vint si avant, que aucuns Religieux de l'Ordre de Saint François avoient prêché à l'encontre d'eux tant au Convent des Religieux de Saint François à Aet, qu'ailleurs, & fait censurer les propositions contentieuses, selon que par eux elles avoient esté colligées, tant par (b) l'Université de Paris, que autres, dont l'on craignoit plus grand scandale & trouble se pourroit susciter, au prejudice de la reputation de l'Université de Louvain, & succeder de ce grandes divisions en icelle, pour estre les anciens (c) Docteurs de l'Université offenz des dites propositions, que pour estre les dits feu de Louvain & le Bay gens (d) s'avans, pieux & de grande autorité & suite en la dite Escole: & qui, s'accommodant à point les dites propositions, pourroient faire grand fruit en l'Eglise de Dieu, tant par leurs Lectures, Predications, que consultations. Et pour y remédier, l'expedient que l'on prist, fut que la bonne & recommandée memoire de feu Pape Pie le Quart, m'en chargea de (e) imposer silence aux deux parties, & de commander sur peine d'excommunication comme je fis tant au dit de Louvain, qu'au Docteur Bay, de non plus user des dites propositions & formes de parler non acoutumées aux Escoles, & aux autres de n'en plus faire mention quelconque, ny en parler au desavantage des dits Docteurs. Or est survenu depuis que le dit Docteur Le Bay a composé un (f) Livre & fait imprimer à Louvain, traitant au commencement d'icelui DE LIBERO HOMINIS ARBITRIO: avec adjonction d'autres opusculs qui concernent les points controversez, aujourd'hui

(a) Jean-
nes Hesse-
lins à Lo-
vaine.

(b) Cen-
suræ Aca-
demiæ
habentur
suprà.

(c) Tappe-
rus, Rave-
steyn à Ti-
leto, &c.

(d) Hesse-
lii & Baii
pietas &
eruditio.

(e) Utri-
que parti
imposi-
tum silen-
tium.

(f) Opus-
culorum
Baii editio
an. 1563.
nova in il-
lum insur-
gendi oc-
casio.

(a) Scandalum novis Theologia.
(b) Fius V. ab zmulis Bail malè fecidus, & à Theologia in doctrina Patrum minus exercitatus, ex Bail Opusculis ostenditur.

dans l'Eglise: le quel Livre a esté icy apporté & donné (a) scandale à gens savans; & ayant veu (b) sa Sainteté, & l'opinion que l'on en avoit, s'en est aussi à la verité scandalisé, & voudroit pour beaucoup que le dit Docteur, au quel je porte l'affection que vous savez, se fust abstenu de la composition & impression du dit Livre, & qu'il eust deserté au commandement Apostolique qui par moy lui avoit esté fait. Sa Sainteté en a communiqué avec moy, & outre ce qu'elle se souvient fort bien de ce qui se passa, lorsque feu son Predecesseur me commist cette affaire: car sa Sainteté avoit pour lors la charge de l'Inquisition. Je lui ay ramentué la qualité du dit Docteur le Bay, & le fruit qu'il peut faire en l'Eglise de Dieu, la suppliant que tenant respect à ce, & à la vertu & bon zele du dit Docteur, il luy plust traiter cette affaire de sorte que ce fust avec le moindre scandale du dit Sieur le Bay, que faire se pourroit. Par quoy sa Sainteté se condescendit avec une pieté & charité vraiment Chrétienne: & ayant compassion au dit le Bay, presuppasant qu'il fust tombé en cecy, stimulé de la contention de ses emuluteurs; & comme il advient souventefois que pour soutenir une proposition qui est échappée, quand l'on prend le chemin du monde, l'on tombe necessairement à estre forcé à conceder & affermer autres plus absurdes & plus éloignées de la Religion, & me concede sa Sainteté que l'on feroit pour le dit Bay, tout ce que la verité & la foi s'avre, & sans faire prejudice à la dignité & autorité d'icelle, se pourroit, pourveu que le dit Docteur se voulsist soumettre à ce que la raison veut, & à la Censure de sa Sainteté: & pour y proceder en cette sorte & avec la charité requise, l'on fist ôter le premier feuillet, afin que l'on ne connût ni l'auteur du livre, ni le lieu où il est imprimé: & s'est examiné l'œuvre par gens (c) savans de plusieurs nations, lesquels uniformement ont censuré plusieurs propositions (d) treuvées dedans le Livre en la forme que vous verrez par la Bulle de N. S. P. le Pape, que je vous envoie avec cette, declarant les dites propositions annotées, aucunes erronnées, autres suspectes, autres scandaleuses; AUTRES JACOIT (c) SE PUISSENT EN RIGUEUR INTERPRETER EN QUELQUE SENS pour les excuser, donnent toutefois offense à gens pieux qui les lisent. Et s'est faite cette condamnation ainsi generale avec l'adjonction du mot RESPECTIVE, pour plus de douceur. Et comme vous verrez sa Sainteté me commet d'y faire ou par moy, ou y employant autres, ce que je trouveray convenir pour, la dignité de la Religion s'avre, pour voir doucement au mal qui de cecy pourroit succeder. Et il m'a semblé que je n'y pourrois entremettre personne qui avec meilleur zele & discretion y peust satisfaire, que vous. Et tant plus pour l'affection que je faisais que vous portez au dit Docteur Bay, lequel je tiens pour si bonhomme de bien & catholique, que voyant la Censure & determination de sa Sainteté, il n'y vouldra aucunement repugner. Autrement il me feroit perdre la bonne opinion que j'ay de lui, & me retirerois de sa protection, laquelle comme vous savez j'ay tenu & tiens comme d'un personnage si vertueux & qualifié, & du conseil du quel j'espere tous les jours me valloir de mieux en mieux. Ce qu'il convient faire est à mon avis, que vous l'appelliez & qu'amplement vous lui fassiez entendre de ma part ce que dessus, lui communiquant la Bulle originale par laquelle il verra l'intention de sa Sainteté; & que pour non faillir à mon devoir, je ne puis delaisser de la faire executer, mais que je desire bien que ce soit avec le moindre scandale: que faire se pourra. Il verra que par la Bulle il n'est nommé ni son Livre, si bien en icelle il se fait mention des propositions & d'un Livre, sans dire quel. Mais toutefois s'estant publié icelus, il faut regarder par quel moien on poura

remedier

(c) Docti qui Scripserunt ac Patrum sententias non novit.
(d) Articulis in Bail Libro inventis ex aliorum relatione habuit Granvellanus.
(e) Hinc solvitur de fumo Nulla Platonis commate disputatio.

remedier à ce point : car je ne vois qu'il se puisse delaisser de le defendre, afin que les exemplaires sortent hors des mains. Et si sera besoin que au Doyen & aux principaux de la Faculté vous faires ostension de la dite Bulle, après toutefois avoir parlé au dit Docteur, afin que voyant la Censure de sa Sainteté, ils ne comportent que telles propositions se soutiennent, quelque interpretation ou glose que l'on y veuille donner. Car je vous puis assurer que pour les sauver l'on a fait tout ce qui a esté possible, & qu'en cette affaire sa Sainteté a usé d'une telle diligence, que si ce fust esté pour gaigner tout le monde l'on n'eust sçeu faire plus. Et cecy est de telle qualisé & importance, & P a sa Sainteté tant à cœur pour la crainte qu'elle à que sans y remedier promptement, inconvenient plus grand en puisse advenir : Que j'attendray avec bien grand desir nouvelles de vous pour savoir & lui faire entendre ce qui s'y sera fait. Et je desire singulierement que le dit Docteur prenne la chose par le bon chemin pour eviter tous les inconveniens, aux quels en usant autrement il pourroit tomber. Et pourtant vous prie autant affectueusement que je puis, d'y user toute diligence, vous servant du conseil de ceux que vous verrez convenir; mais ayant grand égard de fuir (a) ceux qui se pourroient montrer passionnez contre le dit Docteur; Car ce que l'on pretend est de remedier au mal, comme j'ay dit, evitant tant que faire se pourra le scandale du dit Docteur, sans toutefois rien delaisser, suivant l'intention de sa Sainteté, qui doige servir pour conserver la pureté de la doctrine. Et me recommandant tres affectueusement à vôtre bonne souvenance, je prie le Createur, qu'il, Monsieur le Prevost, vous doint l'accomplissement de vos desirs.

(a) Tiletanus, & Gaudanus,

De Rome ce 13. de Novembre 1567.

Inscriptio hæc erat:

A Monsieur le Prevost Morillon.

(a) Scandalum novis Theologis.

(b) Pins V. ab zmulis Baii malefoductus, & à Theologis in doctrina Patrum minus exercitatus, ex Baii Opusculis offenditur.

(c) Docti qui Scripturæ ac Patrum sententias non novent.

(d) Anticulis in Baii Libro inventis ex aliorum relatione habuit Granvellanus.

(e) Hinc solvitur de famosa Bullæ Piana commae disputatio.

dans l'Eglise: le quel Livre a esté icy appourté & donné (a) scandale à gens savans; & l'ayant veu (b) sa Sainteté, & l'opinion que l'on en avoit, s'en est aussi à la verité scandalisé, & voudroit pour beaucoup que le dit Docteur, au quel je porte l'affection que vous savez, se fust abstenu de la composition & impression du dit Livre, & qu'il eust deferé au commandement Apostolique qui par moy lui avoit esté fait. Sa Sainteté en a communiqué avec moy, & outre ce qu'elle se souvient fort bien de ce qu'il passa, lorsque son Predecesseur me commist cette affaire: car sa Sainteté avoit pour lors la charge de l'Inquisition. Je lui ay ramentu la qualité du dit Docteur le Bay, & le fruit qu'il peut faire en l'Eglise de Dieu, la suppliant que tenant respect à ce, & à la vertu & bon zele du dit Docteur, il luy plust traiter cette affaire de sorte que ce fust avec le moindre scandale du dit Sieur le Bay, que faire se pourroit. Par quoy sa Sainteté se condescendit avec une pieté & charité vraiment Chrétienne: & ayant compassion au dit le Bay, presupposant qu'il fust tombé en cecy, stimulé de la contention de ses emulateurs; & comme il advient souventes fois que pour soutenir une proposition qui est échappée, quand l'on prend le chemin du monde, l'on tombe necessairement à estre forcé à conceder & affermer autres plus absurdes & plus éloignées de la Religion, & me concede sa Sainteté que l'on feroit pour le dit Bay, tout ce que la verité & la foi sauve, & sans faire prejudice à la dignité & autorité d'icelle, se pourroit, pourveu que le dit Docteur se voulist soumettre à ce que la raison veut, & à la Censure de sa Sainteté: & pour y proceder en cette sorte & avec la charité requise, l'on fist ôter le premier feuillet, afin que l'on ne connût ni l'auteur du livre, ni le lieu où il est imprimé: & s'est examiné l'œuvre par gens (c) savans de plusieurs nations, lesquels uniformement ont censuré plusieurs propositions (d) treuvées dedans le Livre en la forme que vous verrez par la Bulle de N. S. P. le Pape, que je vous envoie avec cette, declarant les dites propositions annotées, aucunes erronnées, autres suspectes, autres scandaleuses; AUTRES JACOIT (e) SE PUISSENT EN RIGUEUR INTERPRETER EN QUELQUE SENS pour les excuser, donnent toutes fois offense à gens pieux qui les lisent. Et s'est faite cette condamnation ainsi generale avec l'adjonction du mot RESPECTIVE, pour plus de douceur. Et comme vous verrez sa Sainteté me commet d'y faire ou par moy, ou y employant autres, ce que je trouveray convenir pour, la dignité de la Religion sauve, pour voir doucement au mal qui de cecy pourroit succeder. Et il m'a semblé que je n'y pourrois entremettre personne qui avec meilleur zele & discretion y peust satisfaire, que vous. Et tant plus pour l'affection que je faisais que vous portez au dit Docteur Bay, lequel je tiens pour si homme de bien & catholique, que voyant la Censure & determination de sa Sainteté, il n'y voudra aucunement repugner. Autrement il me feroit perdre la bonne opinion que j'ay de lui, & me retirerois de sa protection, laquelle comme vous savez j'ay tenu & tiens comme d'un personnage si vertueux & qualifié, & du conseil du quel j'espere tous les jours me valloir de mieux en mieux. Ce qu'il convient faire est à mon avis, que vous l'appelliez & qu'amplement vous lui faites entendre de ma part ce que dessus. lui communiquant la Bulle originale par laquelle il verra l'intention de sa Sainteté; & que pour non faillir à mon devoir, je ne puis delaisser de la faire executer, mais que je desire bien que ce soit avec le moindre scandale: que faire se pourra. Il verra que par la Bulle il n'est nommé ni son Livre, si bien en icelle il se fait mention des propositions & d'un Livre, sans dire quel. Mais toutes fois s'estant publié icelui, il faut regarder par quel moien on pourra remédier.

remedier à ce point : car je ne vois qu'il se puisse delaisser de le defendre, afin que les exemplaires sortent hors des mains. Et si sera besoin que au Doyen & aux principaux de la Faculté vous faites ostension de la dite Bulle, après toutefois avoir parlé au dit Docteur, afin que voyant la Censure de sa Sainteté, ils ne comportent que telles propositions se soutiennent, quelque interpretation ou glose que l'on y veuille donner. Car je vous puis assurer que pour les sauver l'on a fait tout ce qui a esté possible, & qu'en cette affaire sa Sainteté a usé d'une telle diligence, que si ce fust esté pour gagner tout le monde l'on n'eust sceu faire plus. Et cecy est de telle qualité & importance, & l'a sa Sainteté tant à cœur pour la crainte qu'elle a que sans y remedier promptement, inconvenians plus grand en puisse advenir : Que s'attendray avec bien grand desir nouvelles de vous pour savoir & lui faire entendre ce qui s'y sera fait. Et je desire singulierement que le dit Docteur prenne la chose par le bon chemin pour eviter tous les inconvenians, aux quels en usant autrement il pourroit tomber. Et pourtant vous prie autant affectueusement que je puis, d'y user toute diligence, vous servant du conseil de ceux que vous verrez convenir; mais ayant grand égard de fuir (a) ceux qui se pourroient montrer passionnez contre le dit Docteur; Car ce que l'on pretend est de remedier au mal, comme j'ay dit, evitant tant que faire se pourra le scandale du dit Docteur, sans toutefois rien delaisser, suivant l'intention de sa Sainteté, qui doige servir pour conserver la pureté de la doctrine. Et me recommandant tres affectueusement à votre bonne souvenance, je prie le Createur, qu'il, Monsieur le Prevost, vous doint l'accomplissement de vos desirs.

(a) Tilea-
nus, & a
Gauda-
nus.

De Rome ce 13. de Novembre 1567.

Inscriptio hæc erat:

A Monsieur le Prevost Morillon.

(a) Scandalum novis Theologis.

(b) Pius V. ab zmulis Baii malefedaus, & à Theologis in doctus Patrum minus exercitatus, ex Baii Opusculis offenditur.

(c) Docti qui Scriptura ac Patrum sententias non novant.

(d) Artibus in Baii Libro inventis ex aliorum relatione habuit Giovanni.

(e) Hinc solvitur de famosa Bulla Piana commate disputatio.

dans l'Eglise: le quel Livre a esté icy appourté & donné (a) scandale à gens sçavans; & Payant veu (b) sa Sainteté, & l'opinion que l'on en avoit, s'en est aussi à la verité scandalisé, & voudroit pour beaucoup que le dit Docteur, au quel je porte l'affection que vous savez, se fust abstenu de la composition & impression du dit Livre, & qu'il eust deserté au commandement Apostolique qui par moy lui avoit esté fait. Sa Sainteté en a communiqué avec moy, & outre ce qu'elle se souvient fort bien de ce qui se passa, lors que feu son Predecesseur me commist cette affaire: car sa Sainteté avoit pour lors la charge de l'Inquisition. Je lui ay ramentu la qualité du dit Docteur le Bay, & le fruit qu'il pènt faire en l'Eglise de Dieu, la suppliant que tenant respect à ce, & à la vertu & bon zele du dit Docteur, il luy plust traiter cette affaire de sorte que se fust avec le moindre scandale du dit Sieur le Bay, que faire se pourroit. Par quoy sa Sainteté se condescendit avec une pieté & charité vraiment Chrétienne: & ayant compassion au dit le Bay, presupposant qu'il fust tombé en cecy, stimulé de la contention de ses emulateurs; & comme il advient souventes fois que pour soutenir une proposition qui est échappée, quand l'on prend le chemin du monde, l'on tombe necessairement à estre forcé à conceder & affermer autres plus absurdes & plus éloignées de la Religion, & me concede sa Sainteté que l'on feroit pour le dit Bay, tout ce que la verité & la foi sauve, & sans faire prejudice à la dignité & autorité d'icelle, se pourroit, pourveu que le dit Docteur se voulsist soumettre à ce que la raison veut, & à la Censure de sa Sainteté: & pour y proceder en cette sorte & avec la charité requise, l'on fist ôter le premier feuillet, afin que l'on ne connût ni l'auteur du livre, ni le lieu où il est imprimé: & s'est examiné l'œuvre par gens (c) sçavans de plusieurs nations, lesquels uniformement ont censuré plusieurs propositions (d) treuvées dedans le Livre en la forme que vous verrez par la Bulle de N. S. P. le Pape, que je vous envoie avec cette, declarant les dites propositions annotées, aucunes erronnées, autres suspectes, autres scandaleuses; AUTRES JACOÏT (e) SE PUISSENT EN RIGUEUR INTERPRETER EN QUELQUE SENS pour les excuser, donnent toutes fois offense à gens pieux qui les lisent. Et s'est faite cette condamnation ainsi generale avec l'adjonction du mot RESPECTIVE, pour plus de douceur. Et comme vous verrez sa Sainteté me commet d'y faire ou par moy, ou y employant autres, ce que je trouveray convenir pour, la dignité de la Religion sauve, pour voir doucement au mal qui de cecy pourroit succeder. Et il m'a semblé que je n'y pourrois entremestre personne qui avec meilleur zele & discretion y peust satisfaire, que vous. Et tant plus pour l'affection que je fais que vous portez au dit Docteur Bay, lequel je tiens pour si homme de bien & catholique, que voyant la Censure & determination de sa Sainteté, il n'y voudra aucunement repugner. Autrement il me feroit perdre la bonne opinion que j'ay de lui, & me retirerois de sa protection, laquelle comme vous savez j'ay tenu & tiens comme d'un personnage si vertueux & qualifié, & du conseil du quel j'espere sous les jours me valloir de mieux en mieux. Ce qu'il convient faire est à mon avis, que vous l'appelliez & qu'amplement vous lui faires entendre de ma part ce que dessus, lui communiquant la Bulle originale par laquelle il verra l'intention de sa Sainteté; & que pour non faillir à mon devoir, je ne puis delaisser de la faire executer, mais que je desire bien que ce soit avec le moindre scandale: que faire se pourra. Il verra que par la Bulle il n'est nommé ni son Livre, si bien en icelle il se fait mention des propositions & d'un Livre, sans dire quel. Mais toutes fois s'estans publié icelus, il faut regarder par quel moien on pourra remédier.

remedier à ce point : car je ne vois qu'il se puisse delaisser de le defendre, afin que les exemplaires sortent hors des mains. Et si sera besoin que au Doyen & aux principaux de la Faculté vous faires ostension de la dite Bulle, après toutefois avoir parlé au dit Docteur, afin que voyant la Censure de sa Sainteté, ils ne comportent que telles propositions se soutiennent, quelque interpretation ou glose que l'on y veuille donner. Car je vous puis assurer que pour les sauver l'on a fait tout ce qui a esté possible, & qu'en cette affaire sa Sainteté a usé d'une telle diligence, que si ce fust esté pour gagner tout le monde l'on n'eust sçeu faire plus. Et cecy est de telle qualité & importance, & l'a sa Sainteté tant à cœur pour la crainte qu'elle a que sans y remedier promptement, inconveniant plus grand en puisse advenir : Que j'attendray avec bien grand desir nouvelles de vous pour savoir & lui faire entendre ce qui s'y sera fait. Et je desire singulierement que le dit Docteur prenne la chose par le bon chemin pour eviter tous les inconvenians, aux quels en usant autrement il pourroit tomber. Et pourtant vous prie autant affectueusement que je puis, d'y user toute diligence, vous servant du conseil de ceux que vous verrez convenir; mais ayant grand égard de fuir (a) ceux qui se pourroient montrer passionnez contre le dit Docteur; Car ce que l'on pretend est de remedier au mal, comme j'ay dit, evitant tant que faire se pourra le scandale du dit Docteur, sans toutefois rien delaisser, suivant l'intention de sa Sainteté, qui doige servir pour conserver la pureté de la doctrine. Et me recommandant tres affectueusement à votre bonne souvenance, je prie le Createur, qu'il, Monsieur le Prevost, vous doint l'accomplissement de vos desirs.

(a) Tile-
nus, &c.
Gauda-
nus.

De Rome ce 13. de Novembre 1567.

Inscriptio hæc erat:

A Monsieur le Prevost Morillon.

(a) Naf-
quam ta-
men pro-
hibita
sunt docti
ista opus-
cula.

a remede, & faut necessairement qu'il se (a) deffende, & que ceux de l'Universite
entendent que telles propositions ne se doivent comporter. Cela assure tout le reste pour-
ra passer doucement & sans bruit. Et je vous prie tres affectueusement d'y faire tout
le meilleur devoir que vous pourrez, & tost. Vous en pourrez, si bon vous semble,
conferer avec le Confesseur de Monsieur le Duc d'Alve, & aussi avec nostre Maître
Tiletanus, & Jansenius. Mais pour Dieu que vous procuriez qu'ils perdent toute
passion, & que l'on y procede avec charité Chrétienne, pour rabiller doucement la fau-
te qu'il y a, que sera plus d'honneur à l'Universite & à eux mêmes, & gagneront par
ce bous plus de reputation, que non d'y procurer aigrement: & ils vous diront les
moyens que vous devrez tenir, pour y remedier selon les intentions de sa Sainteté. Mais
usez en dextrement & modestement: & que Monsieur (b) nostre Maître entende
qu'on ne lui est point contraire, mais que l'on lui veult faire bonne œuvre; comme cer-
tes je le desire si avant qu'il se veuille, (c) accommoder: & si non je seray contraint à
mon regret de l'abandonner. Et merecommandant tres affectueusement à votre bonne
souvenance, je prie le Createur qu'il, Monsieur le Prevost, vous doint vos desirs.

(b) Mi-
chael
Baius.
(c) Hoc
est, modo
Baius in
Novorum
Theolo-
gorum
senten-
tias eat,

De Rome ce 13. de Novembre, 1567.

Inscriptio hæc erat:

A Monsieur le Prevost Maxillon.

ALTE.

ALTERA EJUSDEM CARDINALIS GRANVELLANI

E I D E M
MORILLONIO

E P I S T O L A.

MONSIEUR LE PREVOST,

Ex cod.
Registrō
primū
edita.



E tiens que vous vous souvenez des differens qui cy-devant se sont suscitez, d'aucuns qui ont voulu impugner aucunes propositions, & formes de parler, dont feu nôtre Maistre (a) de Louvain, & Monsieur nôtre Maistre Michel Le Bay usôient, tant aux Lectures que aux disputes, non usitées en l'ancienne Escole; & que la contention vint si avant, que aucuns Religieux de l'Ordre de Saint François avoient prêché à l'encontre d'eux tant au Convent des Religieux de

(a) Joannes itessellius à Louvain.

(b) Censuræ Academicarum habentur supra.

(c) Tapperus, Ravesteyn à Tilet, &c.

(d) Hesselius & Bapiertus & creditio.

(e) Ultrique parti imposuitur silentium.

(f) Opusculorum Bapii editio an. 1563.

nova in illum instigendi occasio.

Saint François à Aet, qu'ailleurs, & fait censurer les propositions contentieuses, selon que par eux elles avoient esté colligées, tant par (b) l'Université de Paris, que autres, dont l'on craignoit plus grand scandale & trouble se pourroit susciter, au prejudice de la reputation de l'Université de Louvain, & succeder de ce grandes divisions en icelle, pour estre les anciens (c) Docteurs de l'Université offensez des dites propositions, que pour estre les dits feu de Louvain & le Bay gens (d) sçavans, pieux & de grande autorité & suite en la dite Escole: & qui, s'accommodant à point les dites propositions, pourroient faire grand fruit en l'Eglise de Dieu, tant par leurs Lectures, Predications, que consultations. Et pour y remédier, l'expedient que l'on prist, fut que la bonne & recommandée memoire de feu Pape Pie le Quart, m'enchargea de (e) imposer silence aux deux parties, & de commander sur peine d'excommunication comme je fis tant au dit de Louvain, qu'au Docteur Bay, de non plus user des dites propositions & formes de parler non acoutumées aux Escoles, & aux autres de n'en plus faire mention quelconque, ny en parler au desavantage des dits Docteurs. Or est survenu depuis que le dit Docteur Le Bay a composé un (f) Livre & fait imprimer à Louvain, traitant au commencement d'icelui DE LIBERO HOMINIS ARBITRIO: avec adjonction d'autres opuscules qui concernent les points controversez aujourd'hui

(a) Scandalum novis Theologis.

(b) Pius V. ab x-mulis Baii malè seductus, & à Theologis in doctrina Patrum minus exercitatus, ex Baii Opusculis offenditur.

(c) Docti qui Scriptura ac Patrum sententias non novant.

(d) Articulis in Baii Libro inventis ex aliorum relatione habuit Granvellanus. (e) Hinc solvitur de famoſa Bullæ Piana commate disputatio.

dans l'Eglise: le quel Livre a esté icy appourté & donné (a) scandale à gens sçavans; & l'ayant veu (b) sa Sainteté, & l'opinion que l'on en avoit, s'en est aussi à la vérité scandalisé, & voudroit pour beaucoup que le dit Docteur, au quel je porte l'affection que vous savez, se fust abstenu de la composition & impression du dit Livre, & qu'il eust deferé au commandement Apostolique qui par moy lui avoit esté fait. Sa Sainteté en a communiqué avec moy, & outre ce qu'elle se souvenoit fort bien de ce qui se passa, lorsque feu son Predecesseur me commist cette affaire; car sa Sainteté avoit pour lors la charge de l'Inquisition. Je lui ay ramentu la qualité du dit Docteur le Bay, & le fruit qu'il peut faire en l'Eglise de Dieu, la suppliant que tenant respect à ce, & à la vertu & bon zele du dit Docteur, il luy plust traiter cette affaire de sorte que ce fust avec le moindre scandale du dit Sieur le Bay, que faire se pourroit. Par quoy sa Sainteté se condescendit avec une piété & charité vraiment Chrétienne: & ayant compassion au dit le Bay, presupposant qu'il fust tombé en cecy, stimulé de la contestation de ses emulseurs; & comme il advient souventefois que pour soutenir une proposition qui est échappée, quand l'on prend le chemin du monde, l'on tombe necessairement à estre forcé à conceder & affermer autres plus absurdes & plus éloignées de la Religion, & me concede sa Sainteté que l'on feroit pour le dit Bay, tout ce que la vérité & la foi sauve, & sans faire prejudice à la dignité & autorité d'icelle, se pourroit, pourveu que le dit Docteur se voulsist soumettre à ce que la raison veut, & à la Censure de sa Sainteté: & pour y proceder en cette sorte & avec la charité requise, l'on fist ôter le premier feuillet, afin que l'on ne connût ni l'auteur du livre, ni le lieu où il est imprimé: & s'est examiné l'œuvre par gens (c) sçavans de plusieurs nations, lesquels uniformement ont censuré plusieurs propositions (d) treuvées dedans le Livre en la forme que vous verrez par la Bulle de N. S. P. le Pape, que je vous envoie avec cette, declarant les dites propositions annotées, aucunes erronées, autres suspectes, autres scandaleuses; AUTRES JACOIT (c) SE PUISSENT EN RIGUEUR INTERPRETER EN QUELQUE SENS pour les excuser, donnent toutefois offense à gens pieux qui les lisent. Et s'est faite cette condamnation ainsi generale avec l'adjonction du mot RESPECTIVE, pour plus de douceur. Et comme vous verrez sa Sainteté me commet d'y faire ou par moy, ou y employant autres, ce que je ne trouveray convenir pour, la dignité de la Religion sauve, pour voir doucement au mal qui de cecy pourroit succeder. Et il m'a semblé que je n'y pourrois entremettre personne qui avec meilleur zele & discretion y peust satisfaire, que vous. Et tant plus pour l'affection que je sçais que vous portez au dit Docteur Bay, lequel je tiens pour si homme de bien & catholique, que voyant la Censure & determination de sa Sainteté, il n'y voudra aucunement repugner. Autrement il me feroit perdre la bonne opinion que j'ay de lui, & me retirerois de sa protection, laquelle comme vous savez j'ay tenu & tiens comme d'un personnage si vertueux & qualifié, & du conseil du quel j'espere tous les jours me valloir de mieux en mieux. Ce qu'il convient faire est à mon avis, que vous l'appelliez & qu'amples vous lui fassiez entendre de ma part ce que dessus, lui communiquant la Bulle originale par laquelle il verra l'intention de sa Sainteté; & que pour non faillir à mon devoir, je ne puis delaisser de la faire executer, mais que je desire bien que ce soit avec le moindre scandale: que faire se pourra. Il verra que par la Bulle il n'est nommé ni son Livre, si bien en icelle il se fait mention des propositions & d'un Livre, sans dire quel. Mais toutefois s'estant publié icelui, il faut regarder par quel moien on pourra remédier.

remedier à ce point : car je ne vois qu'il se puisse delaisser de le defendre, afin que les exemplaires sortent hors des mains. Et si sera besoin que au Doyen & aux principaux de la Faculté vous faites ostension de la dite Bulle, après toutefois avoir parlé au dit Docteur, afin que voyant la Censure de sa Sainteté, ils ne comportent que telles propositions se soutiennent, quelque interpretation ou glose que l'on y veuille donner. Car je vous puis assurer que pour les sauver l'on a fait tous ce qui a esté possible, & qu'en cette affaire sa Sainteté a usé d'une telle diligence, que si ce fust esté pour gaigner tout le monde l'on n'eust sceu faire plus. Et cecy est de telle qualité & importance, & l'a sa Sainteté tant à cœur pour la crainte qu'elle a que sans y remedier promptement, inconveniant plus grand en puisse advenir : Que j'attendray avec bien grand desir nouvelles de vous pour savoir & lui faire entendre ce qui s'y sera fait. Et je desire singulierement que le dit Docteur prenne la chose par le bon chemin pour éviter tous les inconveniens, aux quels en usant autrement il pourroit tomber. Et pourtant vous prie autant affectueusement que je puis, d'y user toute diligence, vous servant du conseil de ceux que vous verrez convenir; mais ayant grand égard de fuir (a) ceux qui se pourroient montrer passionnez contre le dit Docteur; Car ce que l'on pretend est de remedier au mal, comme j'ay dit, évitant tant que faire se pourra le scandale du dit Docteur, sans toutefois rien delaisser, suivant l'intention de sa Sainteté, qui doige servir pour conserver la pureté de la doctrine. Et me recommandant tres affectueusement à votre bonne souvenance, je prie le Createur, qu'il, Monsieur le Prevost, vous doint l'accomplissement de vos desirs.

(a) Tileianus, & Gaudanus.

De Rome ce 13. de Novembre 1567.

Inscriptio hæc erat:

A Monsieur le Prevost Morillon.

Ex Car-
dinalis
Granvel-
lani Regi-
stro pri-
mum edi-
ta.

MAXIMILIANI MORILLONII CARDINALI GRANVELLANO EPISTOLA.

MONSIEUR,



'Ay receu avec la dépesche qui arriva hier les trois Lettres de vostre Illu-
strissime Seigneurie sur ce qui touche l'affaire de Monsieur Nôtre Maître le
Bay avec la Bulle de N. S. Pere, qui a meritoirement condanné les propo-
sitions y contenues, qui ne servent que pour engendrer troubles. J'ay dili-
gemment leu tout ce que m'avez écrit pour mon instruction, que je suivray
ad litteram: esperant avec l'aide de Dieu vous en rendre bon compte. J'en ay parlé à
Mr. de Saint Baron, afin qu'il soit prevenu si d'avanture opus esset brachio, n'est
tant autrement besoin in iis quæ sunt justitiæ, d'aucun PLACET. J'ay mandé
le dit Bay, que s'attend demain; & je verray ce que je polray faire avec lui seul avec
douceur & bonnes remontrances: & si je le trouve dur, je prendray l'assistance de Mon-
sieur nôtre Doyen (a) & Curé, afin d'estre temoins de ce que s'y feray. Mais je tiens
que veant vos paternelles & tant charitables admonitions qu'il se amolira. Et certes
vôtre Illustrissime Seigneurie n'a peu fait pour lui qu'il n'est denommé en la Bulle. Le
principal est du Livre, qu'il faut abolir quoy qu'il en soit. Et comme je l'ay toujours
connu bonne personne & homme rond, j'espere en venir mieux à chef, que je n'eusse fait
de Maître (b) Jean de Lovanio, qui estoit docte, mais (c) opinatre en ses para-
doxes. Dieu lui pardoint.

(a) Pleba-
nus San-
ctæ Gudu-
lx.

(b) Joann-
nes Hesse-
lius de
Lovanio.

(c) Sic fir-
mitas in
vero indo-
ctis ac i-
mudis per-
vicacia est.

(d) Judo-
cus Rav-
ennæ à Tila-
to.

J'ay écrit à vôtre Seigneurie Illustrissime de ce que nostre Lupi me dist lorsque j'estois
à Malines, dont depuis me trouvant à Louvain j'ay tenu propos au dit Bay, qui re-
stoit content qu'il se vouloit soumettre en cecy. Dont il a écrit au Curé de Saint Jean
de Malines, qui luy fait la reponse qui vaud cy-jointe avec la Lettre que m'écrivit hier
le dit Bay, laquelle est ensuite des propos que eusmes à Louvain sur cecy, lors que je
lui remontrais que toutes nouvelles estoient dangereuses. Il se plaint fort de (d) Mr.
Tilet, qui s'est, à ce qu'il dit, vanté qu'il y viendrait une Bulle contenant Censures.
Je

Je regarderay s'il y aura moyen de les rejoindre, sans prejudice toutefois de la Religion, & de l'autorité du dit Illeto, avec lequel tient la plus (a) saine partie de la Faculté.

Je ne faudray de communiquer la dite Bulle au Confesseur de Monseigneur le Duc d'Albe, pour avoir son avis, comme je feray avec ceux de (b) son Ordre. Car pour bien faire, il faudroit à mon semblant mander le Provincial Pepin, les Gardiens de Namur, Aeth en Haynaut, & Saint Omer, qui ont adhérent aux dites nouvelles, pour leur intimer la dite Bulle & Censures, afin qu'ils ne puissent prétendre ignorance, & se deportent pour l'avenir. A tant je prie Dieu qu'il vous doint, Monseigneur, tres bonne & longue vie, me recommandant toujours tres humblement à la bonne grace de votre Illustrissime Seigneurie.

(a) Sanior.
judicio vi-
ri minime
Theologi.
(b) Ordin.
S. Francis-
ci, qui non
Bail sed SS.
Patrum
adhære-
bant sen-
tentis,
quæ huc
non-
Theologo
novæ vi-
debanz.

De Bruxelles le 21. Decembre 1567.

*De votre Illustriss. Seigneurie, tres humble
& tres obeissant serviteur.*

MAX. MORILLON.



I

ATTE.

Ex MS.
Gaudani,
circa an.
1570.

ATTESTATIO
CORNELII
JANSENI,
DECANI SACRÆ FACULTATIS
LOVANIENSIS,
DE
BULLÆ PII V.
INTIMATIONE.

DEcanus pro tempore Facultatis S. Theol. in Universitate Lovaniensi, omnibus & singulis præsentis Litteras inspecturis salutem in Domino. Notum vobis facimus quod die datæ præsentium indictæ ad hoc specialiter Congregatione dictæ Facultatis comparuit coram nobis R. D. Maximilianus Morillonius, præpositus Ecclesiæ D. Petri Arienſis, & Illustriss. & Reverendiss. D. Cardinalis Granvelli, Archiepiscopi Mechlinienſis, Vicarius Generalis, qui ibidem exposuit brevi se accepisse Bullas Apostolicas S. D. N. Pii Papæ V. expeditas Romæ Cal. Octob. ultimò præteriti, Pontificatus sui anno secundo, quibus certæ sententiæ & scripturæ, proloquia & disputationes damnantur, *respective tanquam erroneæ, hereticæ, scandalosa & piarum aurium offensiva*, QUANQUAM EARUM NONNVLLE ALIQUO FACTO SUSTINERI POSSENT IN RIGORE ET PROPRIO VERBORUM SENSU AB ASSERTORIBUS INTENTO, quibus paucialiqui Magistri hæcenus in nostra schola novo more usi ferebantur. Quarum Litterarum executionem sua Sanctitas mandavit dicto Illustrissimo Domino, qui per suas Litteras datas Romæ 13. Novembris ultimò præteriti, ac ejus manu signatas dictum D. Præpositum, suum Vicarium, subdelegavit, vices suas hæc in participariè committendo. Qui dictas Bullas Apostolicas & litteras Illustriss. Domini sui sanas & integras nobis cum debita reverentia exhibuit, &

carum

earum tenorem de verbo ad verbum clarè & distinctè à principio usque ad finem legit; & finitâ earundem lectione, mox eisdem in dictâ Congregatione publicavit, & nobis ac cuilibet nostrum omnibus melioribus modo, via & forma, quibus potuit & debuic, intimavit, insinuavit, & ad omnium nostrum notitiam deduxit. Deinde cohortatus nos ad pacem & concordiam, obsecrando in visceribus D. N. Jesu Christi, ut sepositis omnibus, uniformem, puram ac consuetam doctrinam à Majoribus nostris, viis doctissimis, acceptam, & in hac celebri Schola, quæ semper apud Sedem Apostolicam, & omnes totius Christiani orbis Ecclesias magni nominis fuit, usitratam prostereretur & doceremus; ac æternæ salutis memores, siquid fuit dissidii, placidè componeremus; ne id nobis obijci possit quod meritò hujus temporis sectariis & hæreticis impropertur, nimirum ipsos inter se non convenire, sed diversarum opinionum procellis agitari, & in contraria studia rapi. Unum esse Deum, unam fidem, unum baptismum, unam Ecclesiam, intra quam nos oportet consistere. Itaque superesse ut quilibet nostrum ea consilia adferret, quibus præsentî malo idoneè mederi, & suæ sanctitatis jussioni ac mandatis fieri possit satis. Quibus intellectis, cum quilibet nostrum pro suo modulo quid expedire putaret protulisset, tandem D. Præpositus dixit necessarium esse ut non solum à sententiis, scripturis, proloquiis & disputationibus articulorum in dictâ Bulla expressorum deinceps omnino absterneatur, sed ut etiam libri editi, ex quibus dicti articuli fere omnes desumpti sunt, interdican-
tur. Ulterius dictus D. Præpositus ad executionem dictarum litterarum Apostolicarum progressus in hanc sententiam conclusit, nempe quoddam tanquam sanctissimi D. N. Commissarius, licet indignus, à dicto Illustriss. D. suo Card. Granvellano subdelegatus, autoritate S. Sedis Apostolicæ, & in vim dictarum litterarum, nobis Decano & cæteris Magistris dictæ Facultatis mandabat, & in virtute sanctæ obedientiæ districtè præcipiendo injungebat, ut omnia & singula in dictâ Bulla expressa juxta mentem & voluntatem suæ Sanctitatis præcisè observaremus, & ne articulos per eandem condemnatos publicè vel privatim doceremus, tractaremus, dissereremus, vel in disputationibus & scholis defenderemus, seu ab aliis doceri, tractari, asserti se defendi, publicè vel privatim aliquâ ratione pateremur: idque sub pœnis & comminationibus in dictâ Bulla expressis. Ad quæ per Nos Decanum de consensu dictorum Magistrorum, nomine Facultatis, eidem D. Præposito responsum fuit, quoddam Bullam Apostolicam SS. D. N. Pii V. ac singula & universa in ea contenta unanimiter, & cum ea quæ decet reverentia acceptavimus, sicut actu humiliter acceperamus; & quoddam eidem intendebamus in omnibus & per omnia tanquam veri obedientiæ filii, ut par erat, religiosè parère & obtemperare; habentes Sanctitati suæ humillimas & immensas gratias, quoddam nostræ Scholæ hanc paternam curam gerat. Et quod hæc meliùs observare possimus, petebamus copiam dictæ Bullæ, seu saltem articulorum in ea damnatorum. Insuper promissimus daturos nos seriam operam ut nulla sit apud nos doctrinæ diversitas, quod ut citra strepitum & scandalum curare possimus, omnes uno ore intercessimus ne ad publicam interdictionem dictorum librorum procederetur, cum id absque gravi multorum offendiculo, & auctoris li-

bellorum perpetua infamia; fieri non possit, & nunc abundè sufficiat Articuli controversos esse damnatos, & amplius proponi & defendi non posse, cui rei operam diligentem essemus navaturi. Ad quæ dictus D. Præpositus respondit ob multas easque graves causas in præseniarum non posse tradi copiam Bullæ, sed articulos suâ manu transcriptos se Facultati daturum, ne à quoquam ignorari possint; eâ tamen conditione quodd promitteremus, sicuti illi ed promissimus, quodd dictorum Articulorum transumptum à solis Magistris haberetur, & præter eos nemini communicabitur, donec plenior facultas eos communicandi fuerit obtenta, addens multum se probare promptitudinem nostram in obediendo mandatis SS. D. N. sed quodd interdictionem librorum intermittere non posset, cum hoc seriò sibi esset præscriptum. Verum cum nos vehementer urgeremus, & precando instaremus; respondit dictus Præpositus dilaturum se dictorum Librorum prohibitionem, donec secundam justificationem acceperit, eâ tamen lege, quodd eâ superveniente citra moram parebitur. De quibus omnibus sic actis, dictis, & gestis præfatus D. Præpositus sibi à Nobis Actam tradi petiit, quàm illi concessimus tenore præsentium litterarum, quas in fidem & testimonium præmissorum fieri, & Facultatis nostræ sigilli applicatione communiri, ac per Notarium Nostrum subscribi iussimus. ac mandavimus. Datum Lovanii in dicta Congregatione in ædibus Venerabilis & Eximii Sacræ Paginæ Professoris D. M. Judoci à Ravesteyn de Tileto, die lunæ vigesimâ nonâ mensis Decembris, anno 1567.

Decanus erat Cornelius Jansenius qui non diu post Gandensis Episcopus fuit. Magistri Regentes & Legentes reliqui, Judocus Ravesteyn Tileanus, Michael de Bay, Hunnaus, Goesius, Cunerus, Cornelius Reyneri à Gauda seu Gaudanus.

MAXIMILIANI MORILLON

Ex cod.
Regisso
primum
edita.

EPISTOLA CARDINALI GRANVELLANO.

MONSEIGNEUR,



Ay receu hier les Lettres de Vostre Illustrissime & Reverendissime Seigneurie, faisans mention de la Bulle de sa Sainteté touchant (a) le Livre De libero arbitrio du Docteur Maistre Michel de Bay & ses autres opuscules, laquelle j'ay mis à execution avec le moindre scandale dudit Docteur qu'il m'a esté possible, advertissant en preallable Mr. de Saint Bavon, & après le Confesseur de

Monseigneur le Duc d'Alve, lequel en a esté embouché par lui & aussi de mon dus besoigné, après mon retour duquel à ce qu'il m'a affirmé, son Excellence s'est fort contenté, selon que j'ay plus amplement escrit à Vostre Illustrissime Seigneurie dymanche dernier. Neanmoins je parleray encore au dus Confesseur, me offrant de faire rapport à son Excellence, si elle me commande, de mon dit besoigné. Et jusques ores n'ay-je fait aucune chose sans l'avis du dus Confesseur. Depuis j'ay de son aven mandé vers moi le (b) Commissaire des Cordeliers de la Province de Flandres, & lui enchargé de donner ordre que les Articles condamnez ne seront plus traitez par ceux de son Ordre: & que venant icy le Ministre que l'on attend dedans quatorze ou quinze jours, il le me amena pour lui insinuer la dite Bulle; comme je fis hier à (c) F. Pierre Lupi & à son Professeur, present le Curé de Sainte Goule, comme Noire. Ils se sont tous deux demostrez, fort humbles & obeissans, & ont promis d'abstenir de ces controverses, dont j'espere vous envoyer l'Acte Dymanche prochain, que j'ay passé aussi avec participation dudit Confesseur. Quant aux autres Provinces des Cordeliers, il n'y a tel danger comme à celle de

(a) Bulla
Pii V. ad-
versus 76.
Articulos
edita ve-
luti ex
istis Baii
Opusculis
collectos
in quibus
liquet eos
non habe-
re

(b) Padre
Angelo
Averla.

(c) Baii
sectatoribus.

(a) in Provincialis Minoritarum, qui Baio adhzrebat, locum sufficiens proponitur P. Leodius Baio xmulus.

Flandres : & nous polvons attendre la venue du Commissaire Patre Angelo Aversa, qui polroit bien faire Provincial au lieu de (a) Pepin, Frere Theodore Leodius qui a este vers le Roy en Espagne, & auquel son Excellence montre grande affection. Je ne feray autre chose en cette affaire sans le sceu de son Excellence, & me trouveray vers elle toutes les fois qu'elle me sera appeller. J'ay fais tenir au Duc votre paquet par le Conseiller Delrio, & adressé toutes vos Lettres. A tant après m'estre recommandé tres humblement en la bonne grace de Vostre Illustrissime & Reverendissime Seigneurie, je prie Dieu vous donner, MONSEIGNEUR, vos desirs.

DE VOSTRE ILLUSTRISSE ET
REVERENDISSE SEIGNEURIE.

De Bruxelles 11. Janvier 1568.

Votre tres humble & tres obeissant serviteur.

MAXIMILIEN MORILLON.

E J U S.

E J U S D E M
M O R I L L O N I I
E I D E M
C A R D I N A L I
G R A N V E L L A N O
E P I S T O L A .

MONSEIGNEUR.

Estant dernièrement à Louvain j'ay delivré les Lettres de vôtre Illu-
strissime Seigneurie à Messieurs Tiletto, Janfenius, & le Bay: ce que
j'ay différé jusqu' alors afin qu'ils les eussent tous ensemble, pour ce que
si je eusse envoyé aux deux premiers chacun la sienne, réservant celle de
M. le Bay pour ce qu'elle contenoit de rendre, jusques à mon aller là, ^{(a) Justa}
ce ne fust esté sans lui donner ombre, de la quelle il n'at faute sans cela. <sup>Baili que-
rela.</sup>
Car se l'ay trouvoy plus sâché cette fois, que je n'ay fait les précédentes, (a) se com-
plaignant d'avoir esté condamné sans estre ouï: que les articles sont esté mal recueillis,
selon qu'il se trouvera les conferans avec son Livre; & qu'il y en at aucuns en la Bulle
qui ne sont siens: Que par icelle l'on a décidé aucuns articles, qui sont en tout tems esté
disputez & controvers entre les anciens: Qu'il craindoit que quelque jour se polroit
dresser quelque escrit à l'encontre. Vôtre Illustrissime Seigneurie peut croire que ces pa-
roles me furent bien dures, & ne puis nier qu'elles ne m'ayent scandalisé, d'autant plus
que (b) le dit Tiletto m'avoit dit que l'on l'avoit averti qu'il se dressoit quelque Ecrit
contre la Bulle. Je respondis au dit Bay que ce m'estoit chose étrange d'avoir tels pro-
pos de luy & le voir plus aigre que du passé. Et reprenant les points qu'il alleguoit
pour griefs, je lui expliquis que son Livre avoit parlé pour lui, & qu'il n'estoit besoin
de l'ouïr, puisque le contenu du dit Livre estoit clair & pouvoit témoigner sa doctrine
après sa mort. Et quant aux Articles mal colligez, que je me rapportois à la Bulle &
à son.

(b) Tilet-
taurus
mendax
Baili crimi-
nalis.

a son dit Livre. Mais qu'il avoit grand tort de se plaindre que la Bulle contient aucuns Articles qui ne sont siens, puisque cela faisoit pour lui, demonstrent que la Bulle n'estoit faite pour lui seul, comme aussi il n'est mentionné en icelle. Et que touchant les Articles qui sont esté de tous temps controversés & en dispute, je m'assurois que le Saint Siege Apostolique savoit fort bien ce qui se devoit défendre ou non : & qu'il ne pouvoit nier que sa doctrine ne fust esté censurée de ceux (a) de Paris, de toutes les Universitez d'Espagne, & de plusieurs sçavans personnages de Rome; & qui plus est que (b) aucuns Percs au Concile de Trente en avoient esté scandalisez, & sans Monsieur d'Ipres & la haste que l'on avoit de conclurre le Concile, estoient en danger d'estre condannuez en sa propre presence. Et que venant au principal point, que quelques Ecrits se polroient dresser contre la Bulle, que je le vouloie bien adviser en ami que si cela se faisoit, ce seroit le chemin pour l'assoller, d'autant que sa Sainteté voudroit estre obeie, & encore plus (c) sa Majesté, qui ne permettroit à aucun sien sujet un si audacieux & scandaleux fait, sans le fort bien chastier. Et qu'il ne se forcompriß que qu'encores le nom de l'auteur seroit supprimé, que l'on s'en prendroit à lui seul : & qu'il trouveroit le Roy & le Duc d'Alve parties. Il me demanda comme le Roy pouvoit savoir à parler ou juger de telle matiere n'est par rapport. Je respondis que c'estoit le seul chemin pour informer les Princes qui ne peuvent savoir pour la grandeur de leur Pais ce que l'on y fait, sinon par rapport de ceux en qui ils fesoient : & qu'il pouvoit connoître par ce qu'estoit passé depuis quinze jours par deçà, que sa Majesté avoit esté aussi bien informée, comme si elle fust esté sur le lieu ; & qu'il se gardast bien de se joier aux deux souverains puissances de ce monde : Que je lui avois esté ami jusqu'à présent, mais que je ne le pouvois estre davantage. Il me dist qu'il n'écriroit jamais directement ni indirectement contre la Bulle, & ne permettroit qu'autre l'assist ; & que sur sa part de Paradis il ne savoit homme vivant qui le fist. Et commença à alleguer aucunes positions de Saint Augustin & de Prosper pour justifier aucuns ses articles. Mais je lui copis tout court la buchette, disant que jo n'estoie pour juger d'icelles, pour (d) non les entendre ni les vouloir entendre, & que ce me sembloient choses curieuses, & peu faisantes pour bien croire & bien vivre : que notre Roy vouloit qu'en toutes les Universitez de ses Provinces la doctrine & maniere d'enseigner en Theologie fût semblable & uniforme, & qu'il ne vouloit qu'il y eust discordes. Et pour conclusion je lui demandis s'il vouloit départir de sa premiere & resoluë determination qu'estoit d'obeir à N. S. Pere, lequel il avoit toujours dit & reconnu le seul juge de la doctrine. Et que tous bons Chrétiens estoient tenus d'obeir son jugement, (e) encore qu'il y eust erreur. Car cette theorique as il maintenant de la premiere beurre que je lui insinué la Bulle. Il me respondit avec une grande promptitude, que tant qu'il viveroit il se montreroit fils d'obedience, & parleroit ce même langage persistant en sa dite determination, me priant que je ne fusse esbahi de le voir alteré (f) qu'il portoit un grand dueil en son cœur, mesme de ce que ses adversaires prennent plaisir à le diffamer par tous, dont s'est aussi plaint à moy Notre (g) Maître Gossens avec chaudes larmes, qui prend la chose tant à cœur qu'il a cuide mourir, & est encores en mauvais estat, & le dit Bay n'est gueres mieux. Dieu ne leur seroit petite grace de les prendre de sa part, s'ils ne venissent obier leur peu fondé regret & ressentiments. Ils se plaignent fort du Gardien de Nivelles, (h) Regis. Je leur ay dit que me faisant apparoir de ses detractions, je feray tout devoir pour les reprimer.

(a) Quales
sint illæ
Censuræ
vide in
Observa-
tionibus
nostris.
(b) Id vel
de suo vel
ex falsi
æmulo-
rum Bani
relatione
dicit Mo-
rillonius.
(c) Minis-
ter rexit
Baius.

(d) Semi-
nime
Theolo-
gum fate-
tor Moril-
lonius.
(e) Nova
& horren-
da hæresis
Morillonii
vel in-
ipientia.

(f) Quan-
tiz Baii an-
gustiz.

(g) Ejus-
dem Aca-
demiz ac-
censentiz
doctor
Theolo-
gus Baius
intime fa-
miliaris.

(h) P. Re-
gis Cordi-
ger vehe-
mens in
Baium de-
clamator.

Il est fort aigre & rude. Retournant icy le Padre Angelo, je lui prieray de luy faire une bonne leçon ce que (a) 52. ne seroit, qui estiment peu que ceux qui ont offensé souffrent. Et je serois bien avec lui ne fust qu'il emporte tant que cecy demeure enseveli par une vraie avarice. Je me doute que Monsieur Tiletto soit trop liberal à communiquer (b) les articles contre ce que je lui ay si serieusement enjoint, comme auez veu par (c) l'Abbe de la Faculté, confessant les avoir donnez à (d) Monseigneur d'Ypres, à l'Abbe de Saint Gbislain, à la Faculté de Theologie de Douay, & aucuns Professeurs de Monasteres. Sur ce que je lui ay dit mon opinion, & que pour tenir la chose assoupie il ne les doit tant communiquer; il dit que c'est pour effacer la semence que aucuns en ont fait en divers Monasteres, même en celui de (e) Vicogne, où icelle nouvelle doctrine est esté fort plantée au regret des Facultez de Louvain & de Douay. Pour retourner au dit Maitre Michiel, le veant en telle peine & regret, il ne m'a semblé de lui mettre pour cette fois en avant (f) l'abjuration, & qu'il print congé de moi pour se faire absoudre, encore qu'il me semble qu'il en ait bon besoin. Mais quand les esprits des gens sont ainsi agitez, il vaut mieux differer pour quelque tems, que de les irriter ou exacerber davantage. Il desire fort vötre retour pour pouvoir parler à vötre Illustrissime Seigneurie laquelle peut-estre ne se trouvera si dur à la dite abjuration, comme je pourrois faire. Et ayant communiqué sur ce point avec Monsieur (g) Jansenius en grande confiance, & avec conjure qu'il n'en fasse semblans à qui que ce soit, puisque je le voulois declarer à lui seul, comme bien-tost futur Evêque, il n'a aucunement esté d'avis que pour cette fois j'en fisse ouverture, cum animus sit nimis ægor. Et aussie seroit pour augmenter son peché si estant admonesté il ne se rendit obeissant. Le dit Sieur Jansenius lui porte une grande condescendance, pour le tenir (h) tant homme de bien, disant tous les jours la Messe, & grand ennemi des Sectaires. C'est dommage qu'il s'est mis en ces rêveries. Car à ce que m'assure le dit Jansenius, il enseigne autant bien que l'on sauroit desirer sans toucher la nouvelle doctrine: comme aussie il n'avoit pas fait trois ans auparavant la condamnation de N. S. Pere. Bien s'est il fort éstrangé à l'endroit de Monsieur Tiletto, qui aussie n'en peut oüir parler, & au quel je n'ay voulu faire semblant de ce que j'avois passé avec lui: car je m. doute qu'il ne tiendrait le secret, comme fera le dit Jansenius, qui est bonne personne & discrete, & dit qu'il n'eust jamais cru (i) que la dite doctrine se fust ainsi esteinte, & qu'il n'en est non plus de memoire aux Escoles, que si l'on n'en eust jamais parlé. Et que le dit (k) Bay luy même, quand aucuns aux disputes l'ont voulu remuer, le: a rejetté. Mais aucuns des plus sçavans Bacheliers l'abhorrirent maintenant autant, comme par cy-devant ils y ont adhérent, & s'en moquent pour le present, ce qui me donne quelque consolation & espoir de maintenir le tout au même estat, où avec la grace de Dieu, vos bonnes instructions, & l'advis des gens de bien, il a esté mis. Et n'y ay autre scrupule, ni difficulté que de ces (l) deux gens sur les quels je tiendray l'œil ouvert, & ay mis guet, vous assurant, Monseigneur, que j'ay cette affaire au tant à cœur comme il emporte pour le service de Dieu & repos de son Eglise, & ne faudray si je descouvre, quelque chose, le faire entendre clairement à vötre Illustrissime Seigneurie. Le Docteur Gandanus qui s'est gradué le premier de ce mois, me dit d'avoir veu quelque Ecrit en Hollande, & a prins en sa charge de le recouvrer. Si cela se fait, je sauray le pre-

K

mier

pietas & in Hæreticos zelus. (i) Contentiones sopitæ. (k) Modestia Baii. (l) Baius & Goetzus.

(a) Sub hac cetera latitat alterius Minoris nomen.
(b) 76. articuli in p. V. Bulla damnata.
(c) Annotatione Cornelli Jansenii supra relatæ.
(d) Martini Rythovio.
(e) Abbatia Canoniconum Regularium, Valencianis duobus circiter militariibus distans.
(f) Balum adigere volunt ad ejurandum articulos supra dictos; & ad absolutionem recipiendam, ac si aliquam Censuram incurrisset; etiam nullum ex illis docuisset in sensu in quo damnati sunt.
(g) Paulus post Episcopus Gandavensis.
(h) Baii

mier auteur. Car il faudra que celui pres du quel il se trouvera, dise de qui il l'a eu, & ainsi de main en main. J'ay touché quelque partie de ce que dessus à 32. Mais non pas si particulièrement comme le contiens cet Ecrit que je supplie vôtre Illustrissime Seigneurie vouloir garder pour ma memoire, si j'en eusse affaire cy-aprés. Car je ne le voudrois laisser passer par les mains de mon homme, & je n'ay tenu pour le copier. Il suffit que le dit (a) 32. sache le plus gros dont je l'ay bien voulu advertir, si d'avanture quelque chose survient, ne dicat non prædictum: & je polray tant mieux recourir à luy. Je voldroie qu'il ne creust tant (b) Frere Leodius qui parle beaucoup de ceste affaire, & est de la même humeur que (c) Regis, mais plus maniable. J'ay bonne amitié avec lui, & le prieray de ne vouloir tant nuire aux humeurs. Je me suis trouvé depuis vers le dit Bay, & procuris que le dit Jansenius nous vint surprendre sans faire semblant qu'il s'eussent que je y estois. & ja avois-je remis en propos le dit Bay, que je trouvis bien de meilleure sorte, que n'avois fait auparavant; & m'asseurai de nouveau qu'il ne desobeiroit jamais à l'ordonnance de sa Sainteté, me priant de pardonner à son infirmité. Je lui declaris la bonne volonté que lui portez, & quo avenant quelque vacation à Malines seriez joieux le retirer près de vous, dont il montre grand contentement, & à ce qu'il demonstroit ne refusera le party s'il vient; combien que le jour precedent il avoit assez déclaré qu'il ne changeroit la condition qu'il avoit au College, hors du quel je le voudroie voir déjà, & que Gofsus fust à Cambray, ou Tournay. Survenant le dit Jansenius, je lui dis que j'estois venu parler au dit Bay pour voir s'il s'avoit moderé son regret qu'il m'avoit manifesté le jour paravant: sur ce le dit Jansenius print la parole, & l'admonesta lui montrant (d) la Lettre que lui aviez écrite, & la bonne opinion qu'aviez de ses qualitez, dont le dit Bay se monstra fort consolé: & le laissames avec ceste bonne bouche. Mais pourtant ne m'y fieray-je davantage, ni plus que bien à point. C'est un grand bien que les Cordeliers persistent en obaïssance, & que l'on n'oye non plus parler d'eux que si jamais ils ne se fussent meslez de ceste Doctrinne.

Le dit Jansenius espere de reconvrer les Ecrits du (e) Jesuite qui a enseigné à Rome contre l'ancienne Doctrinne, suivant celle de Catharin. Pour moi je pense que ce soient plustost bruits semez par les adberans du dit Bay, qui adjoutoient que plusieurs Cardinaux se trouvoient aux dites Leçons, pensant peut-estre par ce bout faire leur cause meilleure.

Monsieur, ayant considéré le petit nombre des Docteurs en Theologie de Louvain, que Monsieur Tilso est debile, que Monsieur Jansenius s'en vat de bref, certes il me semble que l'on desurneroit fort la Faculté si l'on envoie Monsieur Cunnus en Frise. Car lors le dit Bay & Gofsus, mesme desfaillant le dit Tilso, seroient les chefs de la dite Faculté, & polront sous main faire beaucoup de choses prejudiciables, s'ils en ont l'envie, sans qu'il y ait quelqu'un pour leur faire teste. Car il n'y auroit que le Docteur Hunneus, qui est fort leger, & les deux Docteurs qui sont esté fait le premier de ce mois: des quels l'un, qui s'appelle Malcote, a esté enfariné de ceste doctrine: mais il s'est retiré d'elle & a promis de maintenir l'ancienne; ce qui sera un grand bien s'il le fait: car il promet beaucoup de sey, pour estre fort docte. A mon advis il est autant requis de tenir la dite Faculté fournie de deux ou trois bons Docteurs pour la conduire de la Doctrinne & Escoliers, que de pourvoir aux Evêchez. Car la dite Fa-

culté

(a) Cajus Cordigeri
nomen
hoc nu-
mero in-
dicetur,
nemo scit.
(b) Cor-
diger qui
ad Regem
Hispaniz
iverat ut
Bajum
falso cri-
minaretur.
(c) Con-
ventus
Nivellen-
sis Guar-
dianus,
de quo su-
pra.
(d) Hæc
Granvel-
lani epi-
stola Jan-
senio scri-
pta desi-
deratur.

(e) Ali-
quis Je-
suits Ro-
mæ do-
cuerat se-
mi-pela-
gianam
Catharini
senten-
tiam.

culst doit estre le grand Seminaire. Ce que j'ay bien voulu représenter à v^{ost}re Illustriss^{ime} Seign^{eurie}, affin qu'il luy plaise d'y tenir regard, la suppliant me pardonner ce long & fâcheux discours, & me tenir en sa bonne grace.

De v^{ost}re Illustriss^{ime} & Reverendiss^{ime} Seign^{eurie}.

De Bruxelles ce 20. de Juin 1768.

Tres humble & tres obéissant serviteur

MAX. MORILLON.

J'envoye les Responses des dits Tilet & Jansenius. Je ne me suis souvenu de dire à du Bay qu'il repondist: ce que je procureray, car il n'y pent avoir mal de s'irer Lettres de lui pour v^{ost}re Illustriss^{ime} Seign^{eurie}.



I N
P R Æ M I S S A S
E P I S T O L A S
A N I M A D V E R S I O N E S.

I N P R I O R E M.

Touchant le Livre que le Docteur Bay a fait imprimer, &c. Liber iste varia Michaelis Baii opuscula complectitur, videlicet: *De meritis operum: De prima hominis iustitia, & de virtutibus impiorum: De peccato Originis: De justificatione: De libero arbitrio, &c.* quæ cum Regis privilegio, & Francisci Sonni Episcopi Buxoducensis, nec non F. Joannis Hentenii in Theologia Professoris approbatione typis publicis simul data sunt anno 1563. statim ac Michael Baius à Concilio Tridentino rediisset, ubi quæ potiorum istius Synodi Patrum mens fuisset ipse intellexerat. Ex libri istius anno 1566. iterum excusi occasione in Baium denuò insurrexere ejus æmuli, qui scholæ tricis ac phrasibus assueti ferre non poterant ab eò Scripturæ & Patrum locutiones usurpari, quæ in scholis ita obsoleverant, ut à Scholasticis disputatoribus & ipso Cardinale Granvellano veluti periculose novitates repudiarentur: sed quas Michael Baius unà cum Joanne Hesselio à Lovanio in Scholam revocandas judicaverat, animadvertens 1. à genuino Sanctorum Patrum sensu Scholas recentiores ideo deflexisse, quia ab eorum loquendi modis recesserant: 2. non modo cum Scripturis & Patribus sentiendum, sed & loquendum, quò catholicæ veritates his temporibus doceri possent & defendi contra Hæreticos qui Scholæ phrasas abhorrebant, nec aures præbere volebant, nisi Scripturæ ac Patrum locutionibus.

Avec le Confesseur du Duc d'Alve & aussi avec nôtre Maître Tiletanus, &c. Quàm acerbo in Baium zelo exarserint Cordiger iste & Judocus Tiletanus, ex his & aliis postea dicendis innotescit, quorum tamen consilio utendum volebat Granvellanus.

I N A L T E R A M, die 13. Novembris an. 1567. scriptam.

Et formes de parler, &c. Ex his & aliis quæ Granvellanus anno 1561. Regl
scripte.

scripserat, liquet contentionem hanc magis de modis loquendi fuisse quibus Baius & Hesselius utendum prudentius judicabant, quàm dehujusmodi Theologorum sensu. Unde Articulorum qui proscripti sunt, verba magis quam sensum damnavit Pontifex, qui ideo declaravit nonnullos ipsorum in sensu ab Autore intento defendi posse.

Et fait censurer les propositions contentieuses, selon que par eux elles avoient esté colligées, &c. Quàm malâ fide articuli isti à Minoritis Baii æmulis collecti sint ac denunciati; quàmque insulzæ ac Theologis indignæ sint Censuræ in ipsos latæ ab Academicis Hispanicis & Parisiensi jam demonstratum.

Les dits feu de Louvain & le Bay, gens sçavans, pieux, &c. Tanta erat Michaelis Baii, & Joannis Hesselii qui anno 1566. humanis exemptus fuerat, eruditio & pietas, quam Granvellanus hîc & in suis ad Regem Catholicum Litteris non potuit non plurimum commendare.

Le quel livre a esté ici apporté, &c. Ergo ab æmulis Baii Romam missus est memoratus Liber, qui viros quosdam alioquin eruditos; sed magis in futilibus quibusdam Scholæ recentioris disceptationibus, quàm in Scripturis Sacris & Patribus exercitatos offendere potuit. Pontificem pariter offendisse potuit: ex aliorum videlicet pravo relatu, & malè fida interpretatione.

Afin que l'on ne connût ni l'auteur du livre, &c. Si Michaelis Baii nomini adeo paritum voluit Apostolica Sedes; quo jure ejus æmuli in eum hæcenus palam & atrociter invecti sunt ac invehuntur?

S'est examiné l'œuvre par gens sçavans, &c. Valde indiligenter, & animo novæ Scholæ commentis magis quàm Sancti Augustini sententiis imbuto, discussa fuisse Michaelis Baii opera liquet ex ipsâ Censurâ, quæ ex * eruditionum testi-

* Doctoris
le Bossu &
Cardinalis
à S. Cle-
mente.

Autres j'ajoit se puissent en rigueur interpreter en quelque sens, &c. Ergo hæc Bullæ verba [quanquam nonnulla (ex proscriptis sententiis) aliquo pacto sustineri possent in rigore & proprio verborum sensu ab assertoribus intento] absque interjecto commate legenda sunt: ut adhuc constet ex Morillonii Epistola scripta die 20. Junii, an. 1569. Cardinali Granvellano.

La Sainteté a usé d'une diligece, &c. Utinam adeo diligens & accurata fuisset ista inquisitio, ut aliquas Sanctorum Patrum ac Conciliorum sententias non reprobasset; & in alias brutum ac irritum fulmen non contorsisset, quas nec Baius nec ullus Catholicorum unquam docuerat vel defenderat: sed quas ut ipsum summum Pontificem seduceret, fallax collectio confinxerat.

I N T E R T I A M.

N'estant autrement besoin, in his quæ sunt justitiæ, d'aucun placet, &c. Jus non Belgarum modò, sed omnium gentium ignorabat Morillonius: de quo postea eruditissimè disseruit Doctissimus Stockman in Libro cui titulus, *Jus Belgarum*.

Le principal est du Livre qu'il faut abolir quoy qu'il en soit, &c. Huic Granvellani & Morillonii proposito tam firmiter obstitit Facultas Theologica Lovanienfis, ut Michaelis Baii opera nullo unquam stigmate inusta sint.

Mais opinâtrea en ses paradoxes. &c. Sic in catholicis veritatibus tradendis firmitas, viria politicis pertinacia est: & ipsa Sanctorum Patrum sententia in saniori doctrina minus eruditis sunt paradoxa.

Avec le quel vient la plus saine gentile. &c. Majorem partem dicere voluit, ac si quia major, ideo foret sanior.

Le Provincial Papin. &c. Præcipui Minoritarum catholicis Michaelis Baii sententiis adhærebant, quos Morillonius inferioris ordinis Theologus novitates indiguit periculosas.

IN QUINTAM.

Se complaignant. &c. Quam justre fuerint Michaelis Baii in Censuram Pontificiam querelæ intelligit quisquis ejus Apologiam legit.

Qu'il dressait quelque Ecrit. &c. Nullum aliud scripsit præter istam Apologiam, quam summo Pontifici misit.

Que son Livre avoit parlé pour lui. &c. Quomodo pro Bajo respondisset Liber in quo non habentur quæ Baio per summam calumniam sunt adfecta, & à Pontifice proscripta?

Censure de ceux de Paris & de toutes les Universitez d'Espagne. &c. In æternum hujusmodi Academiarum probum: ut cuius eas legenti liquet.

Aucuns Peres au Saint Concile. &c. fieri potuit ut in hoc Concilio nonnulli minus faverint Baio, vel in SS. Patribus minus versati, vel etiam ab æmulis Baii seducti.

Je lui avois esté ami. &c. Sicut amici Job qui de divinis humano sensu judicant.

Tous bons Chrétiens étoient tenus d'obéir encore qu'il y eust erreur. &c. Perversa perniciofaque Morillonii regula: quasi verò filii veritatis errorem ac mendacium quandoque sequi tenerentur.

En ces réserves. &c. Antiqua Patrum doctrina novis Theologis somnium est ac deliramentum.

Coqueſ2. ne ferois. &c. Quis numeralibus his Litteris exprimatur, conjicere non potui. Interim ex his patet usum sic occultè scribendi non esse pravi alicujus consilii argumentum, ut Jesuitæ impropere Jansenio qui hac arte usus est in suis ad San-Cygiranium Epistolis.

MICHAELIS BAII

Hæc Apologia
col-
la-
a fuit
cum MSS.
A. F. K. L.

DOCTORIS THEOLOGI

ACADEMIÆ

LOVANIENSIS

APOLOGIA.

SUMMO PONTIFICI

PIO V.

BEATISSIME PATER,



AM annus est quod nobis exhibitæ sunt litteræ beatitudinis
vestræ plumbeo sigillo munitæ, datæ Romæ Cal. Octobris
anni 1567. quibus damnabantur septuaginta sex sententiæ;
quarum litterarum copiam neque hîc, neque Romæ obtinere
potuimus. Sententiæ damnatæ per hanc inferiorem Germa-
niam passim habentur & circumferuntur. Metuimus ne quid
Vestræ Sanctitatis existimationi (a) detrahant, non tantum

(a) Al. de-
trahatur.

propter manifestas calumnias, quæ videntur in eis contineri, sed etiam pro-
pter verba, &c. (ut apparet) etiam sensus quosdam Sanctorum Patrum, qui
in iis damnari videntur: nam regio hæc propter (b) importunitatem hæreti-
corum multos habet longè magis Scripturis Sacris & veterum Patrum sermoni-
bus assuetos & addictos, quàm Doctorum Scholasticorum: qui fortè existi-
mantes nonnulla in scriptis Sanctorum Patrum contenta propter eos damnari,
qui non nisi sensibus & verbis doctorum Scholasticorum assueverunt, scandali-
zabuntur. Quapropter visum est ipsas sententias simul cum iis, quæ nos mo-
vent, Beatitudini Vestræ (cujus judicio omnia subijcimus) transmittere; ut
iis consideratis faciliùs dispiciat ac judicet, utrùm jam dictas litteras tamquam
legitimas & sufficienter discussas habere velit, an tamquam subreptitias, ac
per quosdam bonorum virorum æmulos importunitate magis ac arte, quàm

(b) Al. im-
portunita-
tes.

ratione

ratione obtentas. Deus B. V. diu Ecclesie sue servet incolumem. Lovanii
8. Janu. Anno 1569.

B. V. ad oscula pedum.

S E N T E N T I Æ

Per Sanctissimum Dominum Nostrum

P I U M V.

R O M Æ

Calendis Octobris anni 1567. damnatæ: adjectâ explicatione,
tum earum, quâ non tantum verbis, sed etiam in alio
sensu expressæ sunt, quàm in iis libellis habentur,
ex quibus significantur excerptæ: tum quæ ad
aliud sensum torquentur quàm habent li-
belli; tum etiam quæ fortè cuipiam
non immeritò videantur non
satis fuisse discussæ.

EX LIBRO PRIMO.

De Meritis Operum.

I. **N** *Ec Angelis, nec primi hominis adhuc integritas relictæ vocantur gra-
tia.*

Hæc sententia in libello per se non habetur: Sed continetur in
sententia septima, de qua infra dicetur.

*Est titulus
cap. 2. l. 1.
de meri-
tis.*

II. *Sicut opus malum ex natura sua est mortis æternæ meritorium; sic bonum opus
ex natura sua est vitæ æternæ meritorium.*

*Al. Hæc
sententia
nihil aliud
importat.*

In hac sententia nihil aliud significatur quàm quod, quemadmodum
opus malum ex eo intelligitur ab initio creationis humanæ fuisse mortis æter-
næ meritorium, quia tunc dictum est homini: *quacumque horâ comederis morte
mories;*

morieris; sic etiam bonum opus ex prima hominis institutione, in qua ei dictum est: *si servaveris mandata, conservabunt te*: sit vitæ æternæ meritum. Unumquodque enim id ex natura sua esse dicitur, quod est ex prima sua institutione, sive ex nativitate à Deo instituta, à qua dicitur natura. Ponitque hæc sententia discrimen inter fidem, quam Cyprianus, Augustinus, & Prosper dicunt mereri remissionem peccatorum; & inter bona opera, quæ contra hæreticos dicimus esse vitæ æternæ meritoria; quod fides non ex prima institutione statim (a) initio creationis à Deo facta, sed ex proposito gratiæ Dei per Christi mortem remissionem peccatorum obtineat: bona verò opera ex prima institutione à Deo facta ad vitam perdurant æternam: unde & à Divo Thoma rectè dicuntur merita ex condigno; quia quemadmodum opera hominis recti non eguissent subsidio passionis Christi, ut (b) hominem rectum perducerent ad regnum cælorum, sed ex sua dignitate sufficerent; sic etiam opera Sanctorum, ad quæ per passionem Christi reparantur, creati in operibus bonis, quæ præparavit Deus, ut in illis ambulent, non ulterius egent gratiâ Christi, ut sint vitæ æternæ merita, sed illis sufficit gratia, quæ præcedit ut fiant; (sicut docet Concilium Arausicanum II. cum dicit cap. 18. *Debetur merces bonis operibus, si fiant; sed gratia quæ non debetur, præcedit ut fiant.*) Hoc est, Sancti nunc ex gratia & auxilio Christi faciunt opera ejusdem meriti cum iis operibus, quæ primus homo ex prima sua rectitudine fecisset, si in accepta sanctitate & (c) iustitia perseverasset. Neque enim disseritur hic quæ opera sint meritoria, an ea tantum quæ fiunt à Spiritu Sancto inhabitante; an etiam alia: sed tantum dicitur quod ea, quæ præsupponuntur esse verè merita, non egent (d) subsidio passionis Christi, ut sint suo præmio digna; sicut nec eguissent ea, quæ Adam iustus ac rectus fecisset, si talis permanisset.

III. *Et bonis Angelis, & primo homini, si in statu illo (e) perseverasset usque ad ultimum vitæ, felicitas esset merces, & non gratia.*

Hæc sententia videtur contineri in verbis Augustini de corrept. & grat. cap. 11. in fine, (f) quibus ait quod vita æterna in iis, qui liberantur, facta est donum gratiæ, quæ merces meriti futura erat, si non peccassent, sicut facta est Angelis. Id enim quod sit, non est; & idem si vita æterna in iis, qui liberantur, facta est donum gratiæ; igitur si recti permanentes sine liberatione salvati fuissent, tunc vita æterna non fuisset eis donum gratiæ, sed merces meriti, sicut dicit Augustinus. Quod quo sensu nobis dictum videatur, (g) infra sententiâ nonâ conabimur explicare: libenter tamen aliam explanationem (h) accepturi, si convenienter adferatur.

IV. *Vita æterna homini integro & Angelo promissa suis intuitu bonorum operum, & bona opera ex lege naturæ ad illam consequendam per se sufficiunt.*

In hac sententiâ nihil aliud significatur, quàm quod Angeli boni, & primus homo si rectus perstitisset, non eguissent merito Christi, ut ad vitam pervenirent æternam, sed illis sufficisset implere quod scriptum est: *si servaveris mandata-*

mandata, conservabunt te: de qua re an quisquam dubitet, ignoro.

V. In promissione facta Angelo & primo homini continetur naturalis iustitia constitutio, qua pro bonis operibus, sine alio respectu, vita aeterna iustis promittitur.

Sicut ex capite secundo libelli manifestum est, nihil aliud his verbis significatur, quam quod Angelo & homini in iustitia conditis, pro obedientia mandatorum sic in prima creatione promissa est vita aeterna, ut in hac promissione non haberetur respectus ad meritum passionis Christi; quod non magis homini, quam Angelis Sanctis necessarium fuisset, si homo non peccasset.

(a) l. 1. de mer. oper. c. 3. VI. (a) Naturali lege constitutum fuit homini, ut si in obedientia perseverasset, adeam vitam pertransiret, in qua mori non posset.

(b) Al. primi. Naturalis lex dicitur hic constitutio in (b) prima hominis creatione facta a Deo, quam ipse numquam erat mutaturus.

(c) ex c. 4. l. 1. de mer. oper. male collecta. VII. (c) Primi hominis integri merita fuerunt prima creationis munera: sed juxta modum loquendi Scripturae, non recte vocantur gratia; quod fit, ut tantum merita, non etiam gratia, debeant nuncupari.

(d) l. 1. c. 3. de mer. oper. VIII. (d) In redemptionis per gratiam Christi nullum inveniri potest bonum meritum, quod non sit gratis indigno collatum.

(e) ex c. 4. l. 1. de mer. oper. male collecta, & adulterata. IX. (e) Dona concessa homini integro & Angelo forsitan non improbanda ratione (f) possent dici gratia; sed quia secundum usum Scripturae nomine gratia ea tantum munera intelliguntur, quae per Jesum Christum male merentibus & indignis conferuntur; ideo neque merita, neque merces quae illis redditur, gratia dici (g) debes.

(f) Al. possunt. (g) Al. potest. (h) Al. contra primam. Sicut supra (h) circa tertiam sententiam diximus, Augustinus de correptione & gratia cap. 11. dicit, vitam aeternam in iis, qui liberantur, factam esse donum gratia, quae merces meriti futura eras, si homo non peccasset. Quibus verbis manifeste significat, quod vita aeterna non fuisset homini gratia, si in sua rectitudine perseverasset. Id enim quod fit, non est: & ideo si vita aeterna facta est donum gratiae in iis, qui liberantur; igitur in iis, qui liberatione non eguissent, non fuisset donum gratiae, sed tantum merces meriti. Cujus dicti rationem & intelligentiam perquirens, imprimis consideravi, sicut dicit D. Thomas 1. 2. q. 104. a. 5. gratiam daobus modis posse considerari: prioro secundum (i) naturam rei, quae gratia dicitur: altero, secundum rationem gratuiti, ut videlicet ideo aliquid gratia dicatur quia gratis datur. Juxta priorum modum necessum est, ut quidquid in uno aliquo gratia dicitur, etiam in alio quovis gratia dicatur si (k) modò in eo reperiatur. Juxta quem modum non est dubitandum, quin & bona opera & vita aeterna in primo homine gratia fuisset, si in illa rectitudine perseverasset. Nam juxta hunc modum absque ullo scrupulo dicimus, primum hominem creatum in gratia. De quo etiam

(k) Al. illò eodem modo.

Augustinus epist. 106. (a) dicit, quod cum sine Dei gratia salutem non posset cū-
 scdere, quam accepit, quomodo sine Dei gratia potest reparare quam perdidit? Sed (a) circa
 quia Scriptura Sacra ex eo donum gratiæ dici intelligit, quia non ex operibus
 sed gratis datur, juxta illud Rom. 11. Si autem gratiā, jam non ex operibus, quia
 alioquin gratia jam non esset gratia. Idem cum quæritur, utrum dona homini
 integro in sua creatione (b) concessa, dona gratiæ fuerint; non tantum confi- (b) Al. col-
 derandum est utrum fuerint ejusdem conditionis cum iis donis, quæ nunc
 per Christum regenerati consequimur; sed utrum eo modo gratiæ concessa
 fuerint, quomodo gratiæ homini lapsō dari intelliguntur, quæ in Sacris Scrip-
 turis sub nomine gratiæ commendantur. Sicut autem charitatem suam com-
 mendat Deus in nobis, quia cum adhuc peccatores essemus, secundum tempus
 Christus pro nobis mortuus est; sic etiam gratiæ suæ munera commendat,
 quod non tantum nihil boni merentibus, sed etiam multum mali (c) merentibus
 nominat, quod nihil boni merentibus tribuitur; sed ex eo, quod multum
 mali merentibus detur. Quamvis enim major est iniquitas peccatoris, tantum il-
 lustrior est gratia Redemptoris: nam ubi abundavit delictum; superabundavit
 & gratia. Unde etiam à Divo Augustino graviter reprehenditur Pelagius,
 quod se in eo gratiam defendere putabat, quod quæ nobis in creatione donata
 sunt, nullis præcedentibus meritis nobis donata fatebatur: quia non hanc gra-
 tiam commendat Apostolus, quæ videlicet homini nec bonum, nec malum
 merenti tribuitur, sed eam, quæ passionis Christi merito (d) gratis confer- (d) Al.
 ritur peccatori. De quare Augustinus serm. 11. de verbis Apostoli: *Istam gra-*
tiam, quā conditis sumus, inquit, quamquam hoc nomine appellatam minime legeri-
mus, tamen quia gratis data est, gratiam fateamur: sed ostendamus vobis majorem
esse istam, quā Christiani sumus, cum nihil mereremur: si ergo magna est gratia, quan-
do nihil boni merebamur, quanta est gratia quando tantum (e) mali merebamur? Hæc
est gratia per Jesum Christum Dominum nostrum. (f) Una erat massa perditionis ex A-
dam, cui non nisi supplicium debebatur: facta sunt inde vasa in honorem ex eadem mas-
sa: gratulare quia evasisti; mortem quippe debitam evasisti, & vitam non debitam
reperiisti. Hæc est gratia per Jesum Christum Dominum nostrum, de qua rur-
sus idem Augustinus epist. 95. Etsi enim quādam non (g) improbandā ratione
dicuntur gratia Dei, quā creati sumus, ut essemus, & viveremus, & sentiremus, &
intelligeremus, & de hoc tanto beneficio Creatori nostro gratias agere debeamus; unde
merito & ista gratia dici potest, quia non præcedentibus aliquorum operum meritis,
sed gratuita Dei bonitate donata est; alia tamen est quā prædestinati vocamur, justi-
fiamur, & glorificamur. De hac quæstio vertebatur, quando ab iis, quos gravi-
ter Pelagius offendebat atque turbabat, dicebatur ei, quod eam suis disputationibus
oppugnaret... De hac scriptum est: non irritam facio gratiam Dei: nam si per legem
justitia, ergo gratis Christus mortuus est. Illam verò gratiam, quā creati sumus ho-
mines, ita etiam appellandam esse non immerito intelligimus, mirum est tamen, si ita
appellatam in ullis legitimis Prophetiis, Apostolicis, Evangelicis quæ litteris legimus.
 Et rursus epist. 105. Cum à Pelagianis quæritur, inquit, quam gratiam Pelagius
 cogitaret sine ullis præcedentibus meritis dari; quando anathematizabat eos, qui di-
 cunt gratiam Dei secundum merita nostra dari? Respondent gratiam ipsam esse na-
 turam

zuram humanam; neque enim antequam essemus mereri aliquid poteramus ut essemus. Abjiciatur, inquit, à Christianorum cordibus ista fallacia. Non istam gratiam commendat Apostolus, quã creati sumus ut homines essemus; sed quã justificati sumus, ut homines iusti essemus. Ista est enim gratia per Jesum Christum Dominum nostrum. Etenim Christus non pro nullis, ut homines conderentur; sed pro impiis mortuus est, ut justificarentur. Similiter lib. de grat. & lib. arb. cap. 13. Si lex non est gratia; inquit, numquid natura eris gratia? Nam & hoc Pelagiani ausi sunt dicere, gratiam esse naturam, sed non est hæc gratia, quam commendat Apostolus, &c. Hætenus Augustinus. Quia igitur Apostoli & Evangelistæ in Scripturis suis non commendant nobis nisi gratiam per J. C. D. N.; idem dixi, non, ut male retulit Collector, videlicet quod neque merita; neque merces, quæ illis redditur, gratiæ dici debeant; sed dixi cap. 4. quod merita Angelorum, seu quæ homo habuisset si in iustitia perstisset, juxta modum loquendi Scripturæ Sacræ, quæ nobis commendat gratiam Dei per Jesum Christum Dominum nostrum, non rectè vocantur gratia; quia non procedunt ex Christi merito, sed potiùs ex gratuito creatoris dono. Jam verò longè aliud est dicere, non debent dici gratiæ: (sicut refert Collector). & non rectè vocantur gratiæ, secundùm modum loquendi Scripturæ, sicut dixi; quia potest aliud esse loquendi modus & jam conveniens, qui tamen in Scriptura Sacra non reperiatur. Sicut de voce, gratia, suprâ testatus est Augustinus. Sed fortè quempiam moveat, quod addidi ea tantùm munera in Scripturis Sacris gratiam nuncupari, quæ malè merentibus & indignis conferuntur, quia incrementum justitiæ & vitæ æternæ nomine gratiæ intelliguntur, quæ tamen non indignis retribuntur: do quibus ait Scriptura Sacra quod invenit illos dignos seu. (a) Responso. Incrementum justitiæ & vitæ æternæ dignis quidem redditur; sed tamen ex eo gratia non dicitur, quia redditur dignis, sed quia iis datur, qui ante suam vocationem fuerunt indigni; nam vitæ æternæ est merces digno seu bonè operanti; sed est gratia peccatori, quales nos recordari debemus quando gratiam nobis à Christo factam veraciter agnoscere, & humiliter recolere volumus; sicut monet nos Apostolus ad Rom. 3. dicens: Omnes enim peccatores sumus; & regni gloriæ Dei, justificati gratiâ per gratiam ipsius. Similiter toto capite 2. ad Ephesios, ubi ait: & vos cum essetis mortui delictis & peccatis vestris, &c. concepit et Christus; cuius gratiâ estis salvati. Et infra: Propter quod minores estote, quod vos eratis aliquando gentes in carne, qui dicebamini præputium: nunc autem in Christo Jesu vos, quæ aliquando eratis longè, facti estis propè. Et ad Titum 3. Eramus aliquando & nos insipientes, increduli, errantes, &c. cum autem benignitas & humanitas apparuit Salvatoris nostri Dei, non ex operibus justitiæ, quæ fecimus nos; sed secundum suam misericordiam salvos nos fecit, ut justificati gratiâ ipsius, &c. Unde Christus in Evangelio, cum feceritis omnia, quæ præcepta sunt vobis, dicitis: Servi inmites sumus. Talem se colebat Apostolus, cum veram Christi gratiam volens in se commendare, agebat: ego sum minimus Apostolorum, quia non sum dignus vocari. Unde Augustinus epist. 105. vitæ æternæ justitiæ quidam stipendium est, videlicet operanti justitiam; sed tibi gratia est, non propter te metipso peccatori. Hanc humilitatis doctrinam, quã à Christi fidelibus Christi gratia veraciter agnosci-

rar (a) & prædicatur, conatus sum iis locis, ex quibus excerptæ sunt jam di- (a) Al. o-
 ctæ sententiæ, breviter commendare. Sed video me ab iis non intellectum; mit.
 qui aut alter imbuti sunt, aut supradicta sancti Augustini testimonia, cum aliis
 multis, quæ longum esset prosequi, non satis attentè consideraverunt. Nam
 epist. 106. sent. 12. quam dicit Ecclesiam Catholicam semper tenuisse, asserit
 veniam peccatorum secundum gratiam dari, quoniam ipsam pœnitentiam do-
 num Dei dixit Apostolus, datum videlicet homini prius malo & impœ-
 nitenti. Nam si fides & pœnitentia non essent Dei dona, sicut assererat Pe-
 lagius; tunc gratia secundum merita nostra daretur; sicut docet Augustinus li-
 bro de prædest. 88. cap. 2. & non gratis daretur: Ad Bonif. lib. 2. c. 8. Et sicut
 ait Fulgentius de Incarn. cap. 18. Si secundum Pelagii opinionem nostrum est velle
 credere, prius quam nos Dei gratia incipiat adjuvare, injustè gratia dicitur; quia
 non gratis datur homini, sed bona retribuitur voluntati. Et Augustinus lib. 1.
 Retract. cap. 9. divinum beneficium, quo voluntas liberatur, nisi eam præveniret;
 jam meritis ejus daretur, & non esset gratia, quæ utique gratis daretur.

X. (b) Solutionem pœnæ temporalis, quæ peccato dimisso sæpe remanet, & corporis (b) Ex c. 9.
 resurrectionem, propriè non nisi Christi meritis adscribendam esse. l. 1. de mer.
 oper. male
 collecta &
 adulterata.

Merces illi merito propriè adscribitur, quòd sic illam ex condigno meretur,
 ut non egeat (c) alterius subsidio, sicut dicimus remissionem peccatorum non
 esse adscribendam merito fidei aut pœnitentiæ, sed merito passionis Christi. (c) Al. a i-
 conjur.
 Quòd autem opera Sanctorum, etiam pœnalia, non mereantur ex condigno
 solutionem pœnæ temporalis, sed solum sufficiant secundum acceptationem
 illius, cui fir emenda, secundum (d) æqualitatem interpretativam duntaxat, (d) Al. æ-
 est clara sententia Durandi in 4. dist. 15. q. 1. cujus hæc verba recitavi: Et Bo- (e) statem.
 naventuræ ibid. etiam q. 1. Et idèd nescio quid Collector hic (e) petive- (e) Al p-
 rit damnari, nisi fortè aliud fenserit de abolitione mortis per resurrectionem, mer. i dam-
 quàm de abolitione cujusvis pœnæ temporalis per satisfactionem: aut cum qui-
 busdam Doctoribus asserere velit, pœnæ temporali debitum solvi & expiari
 sine applicatione satisfactionis Christi. Quod non videtur satis consonum do-
 cetrinæ Concilii Tridentini de satisfact. cap. 13. & 14. ubi dicuntur satisfactio-
 nes per Christi merita satisfacere.

X. (f) Quòd piè & justè in hac vitâ mortali, usque in finem conversati vitam (f) Non
 consequimur æternam, id non propriè gratia Dei, sed ordinationi naturali, statim in
 initio creationis constituta: & justo Dei judicio deputandum est; neque in hac retri-
 butione bonorum ad Christi meritum respicitur, sed tantum ad primam institutionem
 generis humani, in qua legæ naturali constitutum est, ut justo Dei judicio, obedientia
 mandatorum vitæ æterna reddatur. est Mich.
 Bait: sed
 ex ejus l.
 1. de mer.
 oper. c. 9.
 male collecta &
 adulterata.

Hic nota Collectorem pro eo quod in libello dicitur: id non proposito gratia
 Dei, sed ordinationi naturali, &c. in sua sententia posuisse: id non proprio gra-
 tiæ Dei, &c. Nempe PROPRIÈ pro PROPOSITO: Quod an errore, an
 dolo fecerit, ut facilius damnetur nescio. Nunc ad rem ipsam. Quod justè
 vivi-

vivitur, omnino adscribendum est merito Christi. Sed quod pro vera iustitia retribuatur vita æterna, non videtur amplius egere subsidio meriti Christi: nam hæc videtur esse expressa sententia D. Thomæ defendentis, opera Sanctorum mereri vitam æternam de condigno. Quia si in sua dignitate & valore constituta adhuc alterius subsidio indigerent ut vitam præstarent æternam; tunc non rectè dicerentur esse merita ex condigno seu æquivalenti. Et certè cum Sancti per Christi gratiam in iisdem operibus bonis; aut secundum aliquos, etiam in dignioribus operibus bonis creentur, quàm ipse Adam creatus fuerat ab initio; mirum est, quare opera sancta ipsius Adæ perseverantis sine subsidio passionis Christi, fuissent vitæ æternæ merita; non autem opera bona, quæ Spiritus Sanctus per Christi gratiam in Sanctis restaurat & operatur. Et quod hic de operibus bonis dixi, hoc expressè non tantum de meritis, sed etiam de satisfactionibus asserit Ruardus in articulo *de satisfactione*, his verbis:

(a) Al. satisfaciat.

ut Deo (a) satisfiat per pœnitentiæ dolorem, non est opus communicatione satisfactionis Christi, quando ad hanc expiationem, & debiti solutionem filiorum opera sufficiunt. Et rursus: Vitam æternam non ex communicatione meriti Christi nos mere-mur, sed ex dignitate & virtute, qua merito mortis ejus accepimus. Quem loquendi modum etiam sequitur Concilium Tridentinum Sess. 6. can. 32. dicens: Justificatum bonis operibus, quæ ab eo sunt per Dei gratiam & Jesu Christi meritum, cujus vivum membrum est, verè mereri, &c. non enim ait, eum per Christi meritum mereri, sed quod verè mereatur operibus, quæ per Christi meritum fiunt. Quod si fortè Sanctissimus Dominus noster non hoc dam-nandum voluerit, sed aliud quidpiam in verbis sententiæ; certè intelligat eos, qui hæc damanda obtulerunt, intelligere hoc ipsum esse damnatum, & hoc passim non sine multorum offensione jactare.

E X

L I B R O I I.

D E

M E R I T I S O P E R U M.

XII. **P**elagii sententia est, opus bonum, citrà gratiam adoptionis factum, non esse regni celestis meritulum. L. 2. de merit. op. c. 4. est titulus.

Licet in titulo capitis 4. brevitatis causâ dicatur; Pelagii esse quod hîc dicitur, attamen in ipso capite nihil aliud ostenditur, quàm eos propius ad Pelagii sententiam accedere, qui opera aliqua steriliter bona defendunt: id est, qui ea sic bona asserunt, ut non sint vitæ æternæ meritoria; quàm hi, qui negant opera posse esse steriliter bona. Nam opera steriliter bona magno conatu assererat Julianus, quæ non minore conatu (a) reprobatur di- (a) Al. re-
vov Augustinus lib. 4. contra Jul. cap. 3. Sed fortè hîc se contumeliâ affici
existimant, qui opera steriliter bona defendunt, quasi ego eos Pelagia-
nos dixerim. Quibus ego respondeo, Pelagianum non statim à quavis Pelagii
sententia debere intelligi; sed tantum ab eâ, quæ manifesta hæresis est. Nam
Augustinus dicit se (1 Cor. 7.) ubi dicitur; *sanctificatus est vir infidelis per mu-*
lierem fidem) Pelagii Commentarium esse secutum, nec tamen se Pelagia-
num voluit dicere. Similiter Episcopus Rossensis, in eo quod ait Luth-
erûs; nullum peccatum esse naturâ suâ veniale, dicit se idem cum ipso sentire;
nec tamen se profitetur Lutheranum. Quapropter non statim se, aut alium
contumeliâ afficit, quisquis eum dicit alicujus hæretici in aliquo sententiam se-
qui, sed nonnumquam eum reddit attentum, ne fortè cum illo defendat ali-
quid erroneum.

XIII. (b) Opera bona à filiis adoptivis facta non accipiunt rationem meriti, ex eo
quod sunt per Spiritum adoptionis inhabitantem corda filiorum Dei; sed tantum ex eo
quod sunt conformia legi, quodque per ea præstetur obedientia (c) legis. (b) In c. 2. l. 2. de mer. oper. referatur, non asseritur. (c) Al. legi.

XIV. (d) Opera bona justorum non accipiunt in die judicii extremi ampliorem mercedem, quàm justo Dei judicio merentur accipere. (d) In c. 9. l. 2. de mer. oper. sub dubio proponitur. (e) L. 2. c. 1. de mer. oper. referatur, non asseritur.

XV. (e) Docet, nempe libellus, rationem meriti non consistere in eo, quod, qui bene operatur, habeat gratiam, & Spiritum Sanctum inhabitantem; sed in eo solùm, quia

quia obedit legi divinæ. *Quam sententiam sæpè repetit, & multis rationibus probat toto fere libro.*

Hæ sententiæ, & aliæ plures, quæ posteriore libello *de meritis operum*, saltem sensu utcumque continentur, nullo modo asseruntur, sed tantummodo dicuntur, salvâ pace Catholica, inter fideles posse disputari: id quod ex ipso libello tantâ evidentia ostenditur, ut mirum sit, Collectorem tantæ imperitiæ aut impudentiæ fuisse, ut has ausus fuerit libello tamquam assertas adscribere; maxime in sententia xv. ubi ait de libello, quod doceat rationem meriti non consistere in eo, quod quibenz opetur habet gratiam, &c. Et infra, *quam sententiam*, inquit, *sæpius repetit, & probat toto fere libro*: non enim id docet libellus, sed tantum in utramque partem disputat; sicut etiam in fine libri prioris, & principio posterioris apertissimis verbis præfatus est. Verba prioris libelli sic habent: Expediâ quæstione, de quâ dubitare fas non est, sumpto alio exordio, ad eas transeamus, de quibus inter fideles, salvâ pace Catholica, variè disputatur. Posterior verò liber sic inchoatur: *Inter eas quæstiones quæ de meritis operum etiam à Catholicis variè disputantur, prima occurrit*, &c. Sed nisi Collector per calumniam finxisset libellum dicere & asserere, quod tamquam incertum disputat; forsitan Sedi Apostolicæ non obrepisset, quam latere non puto, quod in Enchir. cap. 17. apud Augustinum legitimus; errorem esse non tantum quando verum putatur, quod falsum est, aut falsum quod verum; sed etiam quando certum pro incerto habetur, aut incertum pro certo. Quia igitur errare nolebam, ideo quæstiones posteriore libro contentas tamquam incertas disserui, ut potui; nec volui temerariè asserere, quod non poteram rectâ ratione docere, sed potius temeritatem affirmandi amovere à lectore, ubi non valebam præbere sententiæ firmitatem: sicut dicit Augustinus lib. 12. de Gen. ad litt. in principio. Nam opinio certi nihil habens, ait Bernardus de consid. cap. 5. lib. 5. si habet assertionem, temeraria est.

Unde etiam mirari non possum satis, quomodo in his litteris multa, quæ à quadringentis aut quingentis annis, tamquam dubia in utramque partem disputata sunt, sic in alteram partem desiniantur, ut altera sub pœna excommunicationis latæ sententiæ prorsus aboleatur; cum apertè dicat Augustinus de verbis Apostoli, serm. 14. quod ferendus sit disputator errans in aliis quæstionibus nondum plenâ Ecclesiæ autoritate firmatis. Et lib. 3. cont. Donat. cap. 3. tractans illud Cypriani, quod Episcopus ab alio Episcopo judicari non possit: opinor utique in illis quæstionibus, inquit, quæ nondum eliquatissimâ (a) per-
 (a) Al. perfectissimâ.
 spectione discussæ sunt: quænto magis ferendus est de his dubitans, quæ non videntur satis certâ & evidenti ratione constare? Cùm de incertis certam assertionem exigere, nihil aliud sit, quàm in errorem pellere, & disputationes magna ex parte è Scholis tollere. De quo idem Augustinus epist. 147. ad Opratum, ubi res naturaliter obscura nostrum modum vincit, & apertè divina Scriptura non subvenit, temerè aliquid definire humana natura præsumit.

XVI. (a) *In eodem libro sæpè repetit, quòd non est vera legis obedientia, quæ sit sine charitate.*

(a) Refertur inter sententias quæ à Catholicis variè disputantur: sed non assensitur hæc tanquam propria sententia.
(b) Al. nota.

Primo capite hujus libri semel duntaxat respondendo cuidam argumento dicitur, forsitan non absurdè intelligi posse, quæcumque sunt sine charitate, non esse veras legis obedientias. Quæ sententia si tam sit absurda, ut sub tanta pœna damnari mereatur, vereor ut & Christi verba non parum periclitentur, quibus ait: *qui non diligit me, sermones meos non servat*; non enim ait: *forstau & non verè servat*, sicut habet libellus; sed simpliciter, *qui non diligit me, sermones meos non servat*. (b) Puto autem quòd in Scripturis Sacris, diligere, charitatem significet. Periclitabitur & id quod toties inculcat Apostolus. *Lex iram operatur*; *Lex propter transgressionem posita est*: *Littera occidit*. De quibus Augustinus lib. de *grat. & lib. arb.* cap. 18. *Lex sine gratia non nisi prævaricatores facit. Quia in eo quòd lex sine dilectione veram legis obedientiam præstat* (sicut prætendit ista damnatio) non operatur neque transgressionem, neque prævaricationem, neque etiam iram, quæ soli transgressioni debetur. Periclitabitur etiam verba Augustini, quibus ait, in Psalmum 118. tom. 7. *non possunt custodiri verba Dei, nisi per fidem, quæ per dilectionem operatur*. Item ad Bonif. lib. 3. c. 2. *Qui* (c) *non justificantur non possunt esse legi obedientes: quæ justificatio sine charitate non est*. Item ibid. *Dicimus lege fieri, ut Deus quod fieri velit audiat*; *gratiâ verò fieri ut legi obediat*. Item de *grat. Christi* cap. 26. *Et si Dei mandatum videatur aliquando non à diligensibus, sed à timentibus fieri; tamen ubi non est dilectio, nullum bonum opus imputatur, nec rectè bonum opus vocatur, quia omne, quod non est ex fide, peccatum est*; & fides per dilectionem operatur: nam, ut idem docet lib. de *corrupt. & grat.* cap. 2. duobus modis non agitur quod agendum est; sive omnino non faciendo, sive non ex charitate faciendo. Item Fulgentius de fide ad Petrum cap. 32. *Firmissimè tene, & nullatenus dubites, posse quidem hominem, quem non ignorantia litterarum, nec aliqua prohibet imbecillitas, vel adversitas, verba legis & Evangelii sive legere, sive ex ore cujusquam prædicatoris audire; sed divinis mandatis neminem obedire posse, nisi quem Deus suâ gratiâ prævernerit; ut quod audit corpore, corde etiam percipiat, & acceptâ divinitus bonâ voluntate atque virtute, mandata Dei facere & velit & possit*. Nam bona voluntas ipsa est charitas. De quo tamen capitulo, sicut & de reliquis triginta novem, tandem cap. 44. subjicit: *Hæc interim quadraginta capitula ad regulam veræ fidei firmissimè pertinentia fideliter crede, fortiter tene, veraciter patienterque defende*; & si quem contraria his dogmatizare cognoveris, tamquam pestem fuge, & tamquam hæreticum abjice. Ita enim ista, quæ posuimus, fidei Catholica congruunt, ut si quis non solum omnibus, sed etiam singulis eorum contrumaciter repugnat, & his contraria docere non dubitat, hæreticus, & Christianæ fidei inimicus, atque ob hoc ab omnibus Catholicis anathematizandus appareat. Quæ verba subjicere volui, non tantum ut ostendam, quâ necessitate compellat super isto capitulo Sanctissimum Dominum nostrum cum debitâ reverentiâ commonefacere; sed etiam ut intelligatur, quanto periculo ista sententia damnetur; præsertim nihil aliud captantibus hæreticis, quàm ut Sacro-Sanctam

(c) Al. qui justificantur.

Sedem Apostolicam erroris aut initiae possint arguere. Periclitabitur & illud Apostoli: *plenitudo legis est Caritas*, quâ unâ impletur in nobis (inquit Augustinus in epist. ad Julianum) si quid divinae legis implemus; quia sicut qui diligit proximum totam legem implevit, nam non adulterabis, non occides, &c. sic qui non diligit, teste divo Augustino, nihil divinae legis adimplet, quia plenitudo legis non est nisi caritas, epist. 89. Sed forsitan damnatio charitatem tantum intelligit eam, quæ est per Spiritum Sanctum inhabitantem post peccatorum remissionem; cum tamen ego intellexerim etiam bonam voluntatem, quæ præcedit remissionem peccatorum, sicut etiam intelligit Augustinus locis jam citatis.

(a) Exc. 4. l. 2. de mer. oper. malè collecta & adulterata. XVII. (a) Dicit sentire cum Pelagio, qui dicunt esse necessarium ad rationem meritum, ut homo per gratiam adoptionis sublimetur ad statum Deificum. Hæc sententia est repetitio 12^m. sententiæ sub aliis verbis, à Collectore ad multiplicandas sententias excogitatis: de quâ ibi dictum est.

(b) Lib. 2. de mer. oper. c. 6. licet minus exactè collecta. XVIII. (b) Dicit (scilicet libellus) opera Catechumenorum, ut fidem & penitentiam, ante remissionem peccatorum facta, esse vitæ æternæ merita; quam vitam non consequentur Catechumeni, nisi prius præcedentium delictorum impedimenta solvantur.

Istud in libello non asseritur, sed tamquam dubium vel incertum significatur, vel dici, vel impiam videri posse; quæ verò ad dubitandum inducunt, hæc sententia esse. *Deus reddet unicuique secundum opera sua*; &c, sicut ait Ecclesiastes; *cuncta, quæ fiunt, adducet Deus in iudicium*. Ex quo sequitur, quòd eleemosynæ Cornelii Centurionis, quæ leguntur ante remissionem peccatorum fuisse Deo acceptæ, adducentur in iudicium; &c, ut apparet, etiam aliquam retributionem accipiente: sicut etiam Christus in Evangelio Marci 9. significasse videtur, quando loquens de eo, qui ipsum non sequebatur, ait: *quisquis vobis potum dederit calicem aquæ in nomine meo, quia Christi estis, non perdet mercedem suam*.

Quam sententiam confirmare videtur Concilium Arausicanum secundum jussu P. R. Leonis I. congregatum, dicens cap. 18. *Debetur merces boni operibus si fiant, sed gratia, quæ non debetur, præcedit ut fiant*. Nam his verbis significare videtur, quòd undecumque fiant bona opera, debetur eis merces; licet interim verum sit, quod non, nisi gratiâ Dei præcedente, fiant. Quam sententiam usque adeò urget D. Augustinus de nat. & grat. cap. 2. ut palam asserat; quòd si humana natura nunc sine peccato nasceretur, & propriis viribus absque Dei adiutorio perfectè legem impleveret (sicut eam posse contendit Pelagius) de præmio deberet esse secunda, hoc est, de vitæ æternæ, etiam si in aliqua gente, aut aliquo superiore tempore, fides eam latuit sanguinis Christi: *non enim injustus est Deus, inquit, qui justos fraudet mercede iustitiæ*.

Et tamen Augustinus loquitur de iustis, qui sine fide Christi, sine adiutorio gratiæ, Dei legem observarent, quales non quidem esse, sed posse esse, Pelagius

Agilus contendeat. Culetiam consonat, quod idem Augustinus lib. 4. cont. Jul. cap. 3. recusat agnoscere opera steriliter bona, sicut suprà diximus: nam si sint opera bona, quæ neque in hoc sæculo, neque in futuro, quidquam mereantur, fatendum est esse aliqua opera steriliter bona.

Hanc sententiam etiam probasse videtur D. Thomas 1. 2. q. 21. docens, actum, quia bonus est, habere rationem meriti apud Deum. Ex quo sequi videtur, quodd omnis actus bonus sit apud Deum meritorius; licet postea in questione de merito videatur ab hoc principio recedere, & ad actum meritorium non tantum bonitatem sed etiam altioris principii dignitatem requirere. Quæ altioris principii dignitas, licet in ejus operibus non inveniatur, quem D. August. *de nat. & grat.* dicit, debere esse de præmio vitæ æternæ securum: quia loquitur de eo, quem Pelagius asseribat, sine gratiæ adjutorio posse ex propriis naturæ viribus totam legem implere: attamen invenitur in fide & penitentia aliisque bonis operibus Catechumenorum, quæ licet nondum inhabitans, (a) attamen in eis operatur Deus: juxta illud Apostoli, *ne quando det illis Deus penitentiam, ut respiciant à Diaboli laqueis.*

(a) A. o. mit. ista.

Hæc sunt, quæ me ad dubitandum movent, maxime quia neque scriptura aliqua, neque alicujus veterum mihi occurrit sententia, quæ probabiliter significet, opera bona Catechumenorum nullam eis mercedem allatura, cum ad regnum cælorum pervenerint. Si cui alteri forsitan occurrat, oro, ut illius me faciat participem, & paucis etiam indicet, quid ad ea respondendum existimet, quæ me movent, ut possim ratione docere, quod video pluribus placere, licet id non possim ex Scripturis Sacris comprobare.

XIX. (b) *Videtur insinuare, quodd opera justitiæ & temperantiæ, quæ Christus fecit ex dignitate personæ operantis, non traxerint majorem valorem.*

(b) Ex. y. c. lib. 2. de mer. oper. male collecta & adulterata,

Collector malè refert.

XX. (c) *Nullum est peccatum ex natura sua veniale, sed omne peccatum meretur penam æternam.*

(c) Non asseritur sed c. 7. l. 2. de mer.

Libellus hanc sententiam recenset inter eas, quas dicit inter fideles, salvâ pace Catholicâ, variè disputari; addens, quodd licet quidam Catholici, ut Stephanus Philus, eam hæreticis erroribus annumeraverint, tamen eruditiores, ut gloriosus Christi Martyr & Episcopus Joannes Rossensis, illam inter opiniones habuerunt: nam art. 32. contra Lutherum, fatetur se in hac parte cum Luthero sentire. Ex quo intelligitur, quo candore hæc sententia tamquam in libello meo asserta sit, à Collectore summo Pontifici ad damnandum oblata; cum ego eam tantum, ut, salvâ pace Catholicâ, disputabilem proposuerim, & sine omni assertionem disputaverim. Id quod quisquis improbat, necesse est, ut eam ad fidem Catholicam, aut ad hæresim aliquam pertinere existimet.

LIBRO PRIMO

DE PRIMA

HOMINIS JUSTITIA.

Ex Lib. de
prima hom.
justitia.
c. 14. malè
collecta,
& adul-
terata.

XXI.

Humana natura sublimatio, & exaltatio in consortium divinæ naturæ debita suis integritati primæ conditionis; ac proinde naturalis dicenda est, non supernaturalis.

Collector more suo sententiam hanc longè aliis verbis, alioque sensu expressit, quàm in libello continetur: ibi enim tantùm dicitur, quod primæ creationis integritas, cujus absentia est malum, non fuerit indebita humanæ naturæ exaltatio, sed naturalis ejus conditio. Ipse verò Collector de divinæ naturæ consortio adjunxit, quæ voluit, ut rem odiosam faceret. De quibus, quantà potui diligentia, disserui cap. 4. 5. 6. 7. 8. & 9. libri. Quæ, si quem fortè non movent, potest suo frui judicio; cui etiam humiliter supplico, ut iis respondere dignetur, quæ me moverunt, & id docere, quod me fateor ignorare: nempe quomodo solidâ ratione, & non tantùm scholasticâ traditione doceatur; veram rectitudinem, in qua primus homo conditus est, & cujus absentia est malum, non naturalem esse, sed tantùm supernaturalem, cum malum nihil aliud sit, quàm naturalium privatio bonorum. Non enim dixi (quod me etiam dixisse calumniatur) humanæ naturæ sublimationem esse dicendam naturalem, & non supernaturalem: sed dixi, si esse naturalem, ut tamen in nobis rectè supernaturalis dicatur: sicut visus diceretur supernaturalis in illis, quibus divinâ virtute per miraculum esset restitutus; ut patet ex cap. 10. ejusdem libelli: ubi etiam ostendi, quâ ratione à Cyrillo supernaturalis appelletur.

(a) l. de
prima hom.
justitia.
c. 6.

XXII. (a) *Cum Pelagio sentiunt, qui textum Apostoli ad Rom. 2. GENTES, QUÆ LEGEM NON HABENT, NATURALITER EA QUÆ LEGIS SUNT, FACIUNT, intelligunt de gentibus fidei gratiam non habentibus.*

Sicut suprâ ostendi, facilè contingit, ut cum hæreticis aliqua sentiamus, etiam si hæretici non simus. Quod verò inimici gratiæ Christi hunc locum Apostoli gentibus incredulis assignaverint, expressè testatur Fulgentius cum quatuordecim aliis Episcopis Africæ in lib. de Incarn. & grat. Domini N. J. C. cap.

C. cap. 25. his verbis: *Apostolus dicit; cum enim gentes, quæ legem, &c. Quem quidem Apostoli locum hi, qui gratia contradicunt, gentibus incredulis assignare contendunt. Ex hoc videlicet quoddam illi, qui fidei gratiam non recipiunt, illa quæ ad honestatem morum, & humanæ societatis vinculum pertinent, naturali quâdam lege sic servant, ut etiam illos, qui ea violare contendunt, judiciorum æquitate ac severitate cœrceant.* Qui Fulgentii libellus, cum circa tempora felices recordationis Honorii Papæ I. in tanto honore habitus sit, ut in Concilio Hispalensi II. citentur ex eo tres sententiæ de Incarnatione Domini N. J. C. sicut citantur ex Augustino, Leone, & aliis Patribus, mirum est, quomodo nunc vice versâ in libello meo ex eo damnari meruerit, quoddam dixerit inimicos gratiæ Christi, id est, Pelagianos, jam supradictum Apostoli locum gentibus incredulis assignare; cum id ex epistola ad Demetriadem Virginem, quæ prima ponitur tom. 4. operum Hieronymi, evidentissimum sit: quam epistolam satis constat esse Pelagii, sicut infra ostenditur in explicatione sententiæ 52. licet non sine dedecore fideliū à multis legatur, tamquam sit Hieronymi, sicut bene notavit Beda lib. 1. super Cantica, ubi eam ex professo retellit tamquam hæreticam. Cæterum an aliqui veteres, ante natum Pelagium dictum Apostoli locum peculiariter gentibus incredulis assignaverint, invenire non potui: siquidem Chrysostomus & Theophilactus sic Commentarium suum temperant, ut neque incredulorum, neque fideliū peculiarem ingerant mentionem. Origenes legem in cordibus scriptam interpretatur; scriptam Spiritu Dei: & Oecumenius cogitationes excusantes in salvandis intelligit. Ex quibus videtur, quod Origenes & Oecumenius gentes, quæ ostendunt opus legis scriptum in cordibus suis, fideles intellexerint. Cæterum quid senserit Fulgentius, jam suprà dixi; quem ego hac in re sum secutus.

XXIII. (a) *Absurda est eorum sententia, qui dicunt hominem ab initio, dond quodam supernaturali & gratuito, supra conditionem naturæ suæ fuisse exaltatum, ut fide, spe, & charitate Deum supernaturaliter coleret.*

(a) Ex l. de prima hom. iustitia. c. 7. malè collecta & truncata.

Hæc non sunt verba libelli; sed commenta alicujus æmuli, cui displicuit, quoddam solidis rationibus conari ostendere, quoddam adhærere Deo, sic ad integritatem naturæ humanæ pertineret, ut necessariò homini, qualis conditus est, malum esset Deo non adhærere. Rectè enim videtur sequi, homini adhærere Deo bonum est, igitur malum est non adhærere Deo. Quæ ratio si cum iis, quæ libello continentur, convenienter dissolvatur, & verolimioribus ostendatur quoddam possit homini, qualis conditus est; non esse malum à Deo recedere aut ab eo longè abesse; sicut à Deo longè sunt bestię, quæ illi neque per (b) notitiam, neque per amorem adhærere: (est enim malum naturalium privatio bonorum: faciliè rationi consentiam: sed non sufficit mihi nuda Scholasticorum Doctorum traditio sine verisimili testimonio veterum.

(b) Al. naturam. (c) Ex l. de prima hom. iustitia. c. 7. malè collecta, & adulterata.

XXIV. (c) *Avanis & otiosis hominibus secundum insipientiam Philosophorum excogitata est sententia; hominem ab initio sic constitutum, ut, per dona naturæ su-*

(a) Al. o. peraddita, fuerit largitate conditoris sublimatus, & in Dei filium adoptatus: (a) & mut. ad Pelagianismum rejicienda est illa sententia.

Capite 8. dicti libelli dicitur, quodd naturalis beatitudo, quæ in Scripturis Sacris non invenitur, & quam Pelagius infantibus sine baptismo discedentibus promittebat, à vanis & otiosis hominibus ex Philosophia confingatur: sed quod libellus de jam dicta naturali beatitudine adversus Pelagium dicit; hoc Collectoris inanimadvertentia aut calumnia, de supernaturali humanæ naturæ beatitudine dictum proponit; quod ex ipso libello constat esse falsissimum.

Ex Libro 2. De virtutibus Impiorum.

XXV (b) Omnia opera infidelium sunt peccata.

(b) c. s. l. de virtutibus impiorum, refertur id quod Augustinus dicit de operibus impiorum.

Miror, cur in antiquo problemate damnetur parsea, quæ Scripturis Sacris & veteribus scriptoribus longè videtur esse conformior. Ait enim Apostolus ad Rom. 14. *Omne quod non est ex fide, peccatum est.* Item ad Tit. 1. *Omnia munda mundis, coinquinata autem & infidelibus nihil est mundum.* Et ad Hebr. 11. *Sine fide impossibile est placere Deo.* De Patribus verò testatur gloriosus Christi Martyr Roffensis art. 36. cont. Lutherum, quodd hæc sit sententia omnium Patrum his verbis: *Hoc dixi propter Patres, quorum sententiam sequi malui, quàm Scholasticorum, cum hac in rematut sibi pugnans: Patres enim asserunt neminem posse quidquam boni velle sine Dei speciali auxilio; nec sufficere generalem illum influxum: nonnulli contra Scholastici sic contendunt hunc sufficere, ut quis absque (c) alio auxilio benè moraliter agere, & bonum facere possit, non tantum ex genere, verùm etiam quodd debitis undequaque circumstantiis ornatum sit, &c.* Hæc Roffensis. d. Ruardus Tapperus, Universitatis Lovaniensis, dum viveret, Cancellarius, & mihi præceptor, licet in alteram partem semper videretur nobis propensior, tamen art. 2. libri sui ingenuè fatetur, probabilius esse, quodd divus Augustinus senserit, omnia Ethnicorum opera (d) esse peccata, his verbis: *Videtur probabilius & dictu ejus, Scilicet Augustini, conforius quodd omnia Ethnicorum opera tanquam peccata damnaverit, quibus offenditur Deus propter circumstantia, maxime finis.* Unde & Hieronymus ad Heliod. *Sine Christo, inquit, vanum est quodd vivimus.* Et Prosper sententia 106. *Omnis infidelium vita, peccatum est: & nihil est bonum sine summo bono: ubi enim deest cognitio æterna & incommutabilis veritatis, falsa virtus est etiam in optimis moribus.* Item contra Collatorem cap. 22. *Nihil, inquit, boni operis ex mortuis, nihil justitia procedit ex impiis;* loquitur autem de infidelibus. Augustinus lib. 4. cont. Jul. cap. 3. tam apertè hoc dicit, ut non videatur negari posse. Idem docet lib. 3. cont. 2. Epistolas Pelagian. cap. 5. Item 8. Leo ferm. ult. de Epiphania.

(c) Al. nullo.

(d) Locutus in edibus prius corruptus.

Qui verò alteram partem sequuntur, videntur potissimum niti autoritate Philosophorum, de quibus Apostolus ait: *Perdam sapientiam sapientium, & prudentiam prudentium reprobo.* Et Hieronymus epist. ad Celsiphontem in i.

rio: *Pulchrè*, inquit, *quidam nostrorum ait: Philosophi, Patriarchæ Hæreticorum, Ecclesiæ puritatem perversâ maculavere doctrinâ, &c.* Et in fine rursus: *Semper habui studio audientibus loqui quod publicè in Ecclesiâ didiceram, nec Philosophorum argumenta sectari, sed Apostolorum simplicitati acquiescere, sciens illud dictum: Perdam sapientiam sapientium, &c.* Et, quod stultum est Dei, sapientius est hominibus, &c. 1 Cor. 1. Coguntur autem hi suprà dictas scripturas, non ex aliis scripturis, sed ex rationibus Philosophicis ad alium sensum trahere, quàm præ fert sermonis simplicitas: de quo genere interpretandi Scripturas, dicit Augustinus lib. 3. de Doctrina Christi. cap. 28. *ratione redditâ interpretari Scripturam, consuetudo periculosa est.*

XXVI. (a) *Ei Philosophorum virtutes sunt vitia.*

Hæc sententia de Philosophis impiis & incredulis intellecta, de quibus expressè loquitur libellus primùm est Hieronymi super cap. 3. ad Galat. dicentis: quòd sine Christo omnis virtus in vitio est. Item ad Rusticum Monachum: *Philosophi sæculi vitium vitio, peccatum peccato medicantur.* Et Ambrosii, cùm ait: *Quod sine cultu veri Dei virtus videtur esse, peccatum est.* Et Augustini lib. 3. contra duas epistolas Pelagian. cap. 5. & lib. 19. de civit. Dei cap. 25. ubi sic ait: *Licet virtutes à quibusdam tunc veræ & honestæ putentur, cùm ad seipsas referuntur, nec propter aliud expectantur; attamen etiam tunc inflatæ & superbae sunt; & idè non virtutes, sed vitia judicanda sunt.* Denique Prosperi de vita contemplativa lib. 3. cap. 1. *Virtutes si fuerint sine fide, non sunt aliqua bona credenda, sed vitia.* Et infrâ vocat eas virtutum simulationes. Unde Augustinus lib. 1. retract. cap. 3. retractat, quòd dixerat Philosophos non verâ pietate præditos virtutis luce fulsisse.

(a) c. 5. de virtut. im-piorum aliqua ex Augustini l. 19. de Civ. Dei. c. 25. referuntur.

XXVII. (b) *Integritas primæ creationis non fuit indebita humanæ naturæ exaltatio, sed naturalis ejus conditio: quam sententiam repetit & probat per multa capitula.*

(b) Est titulus c. 4. l. de prima hom. justitia.

Si probatio libelli deprehendatur non esse legitima, & pars opposita convenientioribus argumentis statuatur, meritò hæc sententia veratur: sed quia hoc Dominus mihi nondum ostendit, idè supplico Collectori, aliisque qui hanc sententiam damnandam obtulerunt, ut suâ eruditione me alioque, quibus hæc fortè persuasa fuerunt, in hac parte, & aliis pluribus, suo studio juvare dignentur; non tantùm asserendo quòd videtur per manus duntaxat tradi à Doctoribus Scholasticis; sed scripturis tandem verisimilibus, & veterum scriptorum testimoniis ostendendo quòd sentiunt; & quæ nos movent, convenienter dissolvendo.

XXVIII. (c) *Liberum arbitrium sine gratiæ Dei adjutorio non nisi ad peccandum valet.*

(c) Est titulus c. 8. l. de virtutibus im-piorum.

Si Collector ex cap. 8. lib. 2. de Virtutibus impiorum attendisset, quos Docto-

Doctores Sanctos in sententia damnandos propinabat: puto quoddam hanc sententiam damnandam non obtulisset: ipsissima enim sunt verba Augustini lib. 3. ad Bonif. cont. duas epist. Pelag. cap. 8. dicentis: *liberum arbitrium captivatum non nisi ad peccandum valet.*

Nisi quoddam illud, *captivatum*, exposuerim, *sine gratia Dei adjutorio*, sicut ipse Augustinus insequentibus exponit. Item de spirit. & litt. cap. 3. *Nam neque liberum arbitrium*, inquit, *quicquam, nisi ad peccandum valet, si lateat veritatis via: & cum id, quod agendum, & quod vitandum est caperis non latere; nisi etiam deleat & ametur, non agitur, non suscipitur, non bene vivitur.* Eandem sententiam tenent plures alii, quos ibidem citavi. Accedit Bernardus serm. 1. de Annunciatione his verbis: *Nos, qui de nihilo creati sumus, constat quia si nobis ipsis relinqueremur, in peccatum, quod nihil est, semper declinamus, &c.* Quibus, licet recentior, tamen propter eruditionis & martyrii gloriam, addendus est Joannes Episcopus Rossensis, sicut patet ex verbis ejus supra, sententia 25. recitatis, ubi dicit hanc esse sententiam omnium veterum Patrum, quos (si res ita habet) necessarium est propter me similiter condemnari.

XXIX. *Pelagianus est error dicere; quoddam liberum arbitrium valeat ad ullum peccatum vitandum.*

Hæc sententia in libello non habetur: nec est Catholica si intelligatur, quoddam liberum arbitrium adjutum à Deo non valeat ad ullum peccatum vitandum: si verò Collector intenderit damnare, quoddam liberum arbitrium sine Dei adjutorio ex se non valeat ad ullum peccatum vitandum; sicut significare videtur mentio Pelagii, quem (a) non ignorat negasse divinum adjutorium: (b) metuo ne Catholicam sententiam damnare voluerit; sicut forsitan intelligi utrumque potest ex his sententiis & rationibus Patrum, quæ cap. 9. ejusdem libelli referuntur.

(a) Al.
constat.
(b) Al. ad-
ditur esse
necessa-
rium.

(c) Prima
pars habe-
tur l. de
virt. imp.
c. 9.
(d) Super-
etur.

XXX. (c) *Non solum fures hi sunt & latrones, qui Christum viam & ostium veritatis & viam negant; sed etiam quicumque aliunde, quam per Christum in viam justitiæ, hoc est ad aliquam justitiam conscendi posse dicunt; aut tentationi ulli sine gratia ipsius adjutorio resistere hominem posse, sic ut in eam non inducatur, aut ab ea (d) non superetur.*

Prior hujus sententiæ pars, ad verbum desumpta est ex fine capitis 9. ejusdem libelli, *De virtutibus impiorum*; quam puto non improbari, quia nihil aliud est, quam clarus sensus Evangelii. Sed posterior pars, videlicet: *aut tentationi ulli sine gratia ipsius adjutorio resistere hominem posse, sic ut in eam non inducatur, aut ab ea non superetur.* Hæc, inquam, pars est à Collectore dolose conficta: verba enim libelli sunt: *aut tentationes ullas sine ipsius gratia adjutorio superari posse contendunt.* Quam sententiam Catholicam, & à majoribus nostris contra Pelagianos ex Scripturis sacris assertam, quia palam damnare non audebat, idem verba confinxit, quibus significaret; quoddam quisquis aliquâ tentatione pulsatur, ut putâ fornicationis aut homicidii, is necessariò in eamdem

dem tentationero inducatur, nisi adjutorio gratiæ Dei liberetur: Id quod neque habet libellus, neque umquam sensit libelli author, sicut manifestum est ex libro ejusdem de libero arb. cap. 10. circa finem; ubi veluti spiritu prophetico occurrens futuræ calumniæ, ostendit eum, qui ad fornicandum tentatur, ex amore gloriæ aut pecuniæ sæpè ab hoc pernicioso affectu sine divino adjutorio revocari; addens ex D. Augustino, tunc victa vitia deputanda esse, cum Dei amore vincuntur; non autem, cum aliis vitiis vincuntur occultis. Sed tantum sentit, quod quisquis aliâ tentatione pulsatur, statim orare debeat, *ne nos inducat in tentationem*; & si sic ab eâ liberetur, ut neque in hanc, neque in aliam similem, aut etiam deteriorem inducatur; tunc statim debeat illi gratias agere, à quo se non debet dubitare esse liberatum, sicut in prima sua defensione sese à Domino liberatum confitetur Apostolus 2. ad Tim. 4. De quâ re latius disserui cap. 9. ejusdem libelli.

E X

L I B R O

D E

C H A R I T A T E.

XXXI.

Charitas perfecta & sincera, quæ est ex corde puro, & conscientia bonâ, & fide non ficta, in Catechumenis, & penitentibus potest esse sine remissione peccatorum.

Ex lib. de
charitate.
c. 7. malò
collecta.

Hoc non dixi, sed adversus eos, qui in Catechumenis & aliis poenitentibus ante remissionem peccatorum, contra Concilium Tridentinum nullum omnino charitatis initium agnoscunt (quorum sententiam etiam nobis improperat Lutherus, dicens nos docere, quod Christi passione non indigeamus, nisi in puncto remissionis peccatorum) quantâ potui diligentia conatus sum ostendere, bonum animi motum, qui ante remissionem peccatorum ex Christi dono in peccatoribus reperitur, etiam in Scripturis Sacris nomine dilectionis seu charitatis intelligi. Hæc etiam manifestè docet Augustinus l. 2. contra duas epistolas. Pelagianorum cap. 9. ubi loquendo de imperfectâ boni cupiditate, ait: QUID EST ENIM BONI CUPIDITAS, NISI CHARITAS? Quod quia Collector proponere damnum non audebat, licet fortè displiceret;

idèd ut adversum nos aliquid dicere videretur, hanc propositionem, quæ & falsa est, & à nostro sensu prorsus aliena, per calumniam nobis affinxit; quasi videlicet umquam somniassemus, perfectam charitatem ex corde puro & conscientia bona perfectam in iis reperiri, qui peccatorum remissionem nondum sunt consecuti: nam perfecta charitas foras mittit timorem, qui abesse non potest, quamdiu manet reatus æternæ damnationis; & ubi nondum est peccatorum venia, non potest esse bona & tranquilla conscientia. Non igitur hoc dicit aut sentit libellus, quod iste dolosè confinxit, sed tantum quod suprà diximus.

(a) Ex l. de char. c. 7. malè collecta. XXXII. (a) *Charitas illa, quæ est plenitudo legis, non est semper conjuncta cum remissione peccatorum.*

(b) Ex eod. cap. malè collecta. XXXIII. (b) *Catechumenus justè, rectè & sanctè vivit, & mandata Dei observat, ac legem implet per charitatem ante obtentam remissionem peccatorum, quæ in baptisimi lavacro denuò percipitur.*

Hæ duæ sententiæ in libello meo non habentur: sed si diligenter quærat; puto quòd earum sensus satis clarè invenietur apud Thomam Waldensem tom. 2. de Sacramentis cap. 97. & 105. qui tomus per felices record. Martinum V. in consistorio Cardinalium, post diligentem examinationem approbatus est. Quapropter non immeritò quis admiretur quomodo nunc meruerit sub tam gravipœna in censure reprobari & aboleri, nempe sub pœnâ excommunicationis latæ sententiæ. Sic enim habet capite 97. Scio ex lege Hieremiam Spiritum Sanctum accepisse, & sanctificatum ex utero: scio & Joanni Baptistæ celitus promissum: SPIRITU SANCTO REPLEBITUR ADHUC EX UTERO MATRIS SUÆ: nec sic tamen deletum erat sibiographum veteris delicti. Et infrà: bonus Catechumenus charitate flagrans, justus probatâ justitiâ priusquam Ecclesiæ Christi jungatur, est de vi status adhuc ineptus ad capeſcendum regnum Dei. Et iterum, pone nobis, inquit, Cornelium, teste Scripturâ, Spiritu Sancto repletum: & ipsi non sufficit. Dicit Augustinus: neque enim, inquit, si sufficeret ad capeſcendum regnum celorum, ut ad Petrum mitteret, moneretur. Insuper, nec de Christi corpore erat, quousque per Sacramentum conjungebatur Ecclesiæ. Et rursus eodem capite: fortassis, inquit, difficile quibusdam videtur, quomodo adultus susceptus superinundantis Spiritus Sancti gratiâ, ita ut ante multos Christianos firmiter credat, oret fervidè, opera justitiæ suppleat; jam non sit actu consummatus in gratiâ, & ex hoc ipso aptus regno Dei. Deinde responderet: habet gradus suos gratiâ Spiritus Sancti; in quibusdam, inquit, tanta est gratiâ fidei, quanta non sufficit ad capeſcendum regnum celorum; sicut in Cornelio, antequam per sacramentorum participationem incorporaretur Ecclesiæ. Hactenus ex cap. 97. Similia plura habet cap. 105. ex quibus hoc unum proferam, quod ait circa finem capituli: Scimus Catechumenos, aut competentes multos Sanctos, justos, orantes, differre baptismum. Scimus excellentiorem istis Cornelium, & eos qui cum ipso erant, Spiritu illustratos eximè. Scimus Joannem Baptistam Spiritu Sancto repletum ex utero matris suæ. Scio Hieremiam Prophetam sanctificatum priusquam exiret ex utero.

Da mihi quotquot tales, qui tamen cum infectione decedant vitiatæ propaginis, & quantolibet gradu sanctitatis fulgeant, si non renati fuerint ex aquâ visibili, & Spiritu Sancto, regnum celorum adipisci non possunt. Quod autem is, qui admittendus est ad baptismum (ante quem saltem regulariter non datur remissio peccatorum) non tantum integram fidem habere debeat, sed etiam Dei mandata veraciter observare, imprimis manifestè probat ipse baptismi ritus; in quo non tantum exigitur ut credat qui baptizandus est; sed etiam, ut diabolo & omnibus pompis ejus abrenuntiet: quod sine obedientia mandatorum Dei præstari non potest, nisi solis verbis; sicut de quibusdam queritur Cyprianus, quod solis verbis sæculo renuntient: & sicut non expectatur, quod post baptismum credat qui baptizandus est, sed id ante baptismum exigitur: sic etiam non expectatur, ut quis post baptismum Diabolo renuntiet, & Dei mandatis obtemperet, sed id prærequiritur, sicut D. Augustinus tantâ evidentiâ toto libro de fide & operibus ostendit; ut opposita sententia videatur sanæ fidei contraria. Nam, ut ait lib. 2. retract. c. 38. In hoc libro disputavi, non solum quemadmodum vivere debeant gratiâ Dei regenerati, verum etiam quales ad lavacrum regenerationis debeant admitti.

XXXIV. *Distinctio illa duplicis amoris: videlicet naturalis, quo Deus amatur ut Author naturæ; & gratuiti, quo Deus amatur ut (a) beatificator, vana est, & commentitia, & ad illudendum sacris litteris ac plurimis veterum testimoniis, excogitata.* (a) Al. beatificatur.

In hac distinctione nihil aliud improbat, quàm quod quidam contra D. Thomam 1. q. 34. a. 3. asserunt, aliquem verum unius veri Dei amorem posse ex solo libero corrupti hominis arbitrio confurgere. (b) Quod si cui non satisfaciunt testimonia & rationes, quas pro hac sententia in libello attuli, oro ut dignetur nos docere ex qua scriptura, aut ex quibus veterum testimoniis, pars altera solidius possit ostendi; nempe quod ex solo libero arbitrio hominis, sine Dei adjutorio, possit Deus veraciter diligi. (b) In editionis quædam erant male inserta.

XXXV. *Omne quod agit peccator, vel servus peccati, peccatum est.*

Hæc sententia apertè hæretica est, nec nobis, nisi per calumniam, affingitur. Sed Collector fortè respexit ad verba Fulgentii de Incarn. & grat. D. N. J. Christi cap. 19. quibus ait: *Quamdiu est peccati servus, non nisi ad serviendum peccato reperitur idoneus.* Sed, licet ex (c) deductione patet, Fulgentius de eo tantum loquitur, qui ita Diaboli servus est, ut ab auxilio gratiæ Dei sit prorsus alienus; quem cum Augustino existimat, quamdiu talis est, non posse nisi peccare. Hæc verò sententia etiam illum peccatorem comprehendit, qui à Deo juvatur ut credat, & de (d) præteritis sceleribus doleat; & ideo recipienda non est. (c) Al. distinctio. (d) Al. peccatis.

(a) Exc. 5. lib. de nob. malè collecta. XXXVI. (a) *Amor naturalis, qui ex naturæ viribus exoritur, ex sola Philosophia per elationem præsumptionis humanæ cum injuria Crucis Christi defenditur à nonnullis Doctoribus.*

Hæc sententia neque ad verbum, neque ad sensum continetur in libello: Sed quia capite 5. ejusdem dicitur, quoddam prætextu Philosophiæ naturalis, circa ea, quæ Dei sunt, nullus est agnoscendus dilectionis motus, qui non descendat à patre luminum. In quo nihil aliud significatur, quam quoddam omnis Dei amor ex Deo sit; & quoddam nullus Dei amor sic sit naturalis, ut nunc ex solis (b) liberi arbitrii viribus oriatur sine Dei adjutorio. Idem Collector confinxit generaliter dictum; quoddam nullus sit amor naturalis, qui ex viribus naturæ oriatur; cum ego non nisi de vero amore unius Dei locutus sim; sicut ex ipso capite 5. manifestum est. Et idem hæc sententia non est nisi mera calumnia.

(c) Exc. eod. c. 5. malè collecta. XXXVII. (c) *Cum Pelagio sentit, qui boni aliquid naturalis, hoc est, quod ex solis naturæ viribus ortum ducit, agnoscit.*

Hæc sententia eadem fide conficta est, quæ prior, nempe ex ea disputatione; ubi tantum de Dei amore disseritur.

XXXVIII. *Omnis amor creaturæ rationalis, aut vitiosa est cupiditas, quæ mundus diligitur, quæ à Joanne probibetur; aut laudabilis illa charitas, quæ per Spiritum Sanctum in (d) corde diffusa Deus amatur.*

(d) Al. corda diffusa.

Hæc sententia magna ex parte ad verbum sumpta est ex cap. 6. ejusdem libelli: sed quia in posteriori parte verba libelli non satis videbantur reprehensioni obnoxia; idem Collector placuit ea mutare dicendo: *aut laudabilis illa charitas, quæ per Spiritum Sanctum in corde diffusa Deus amatur*, ut videlicet statim de ea tantum charitate cogitur, quæ cum remissione peccatorum invenitur; cum tamen libellus habeat, *aut laudabilis charitas, quæ Deus amatur, quam nisi Deus ipse non donat*. Quæ charitas non tantum post remissionem peccatorum intelligitur. Hæc igitur sententiæ nihil aliud dicitur & significatur, quam quoddam omnis amor, ratione finis, in quem tamquam ultimum dirigitur, aut est amor mundi tamquam ultimi finis, qui vitiosus est, & prohibetur dum dicitur; *non ille diligere mundum*: aut est amor Dei, qui laudabilis est, quem mundus dare non potest, sed Deus. Et certè cum nullus finis reperiri possit, quin aut Deus sit, aut ad mundum pertineat; miror cur iste sensus reprobetur, maxime accedentibus pluribus veterum sententiis, quæ hoc significare videntur. Sed forte displicet quoddam dixerim; unius veri Dei amore haberi non posse, nisi ex Deo. De quo supra diximus sententiæ 34. inter ea, quæ à quibusdam Doctoribus minus probanda. Obiecti aliquando cuidam Sancto & erudito Episcopo, totâ hæc regione, & forsitan etiam Romæ famâ laudabili benè noto: id quod contra D. Thom. 1. 2. q. 109. a. 3. quoddam homo, qualis nunc est, possit diligere Deum super omnia ex solis naturalibus, sine gratia: sed ille pro re absurdum.

absurdissima ducens, quòd dilectio Dei super omnia ex solis naturæ viribus confurgeret; respondit eos sensisse; quòd homo, qualis nunc est, possit Deum diligere super omnia sine gratia, per quam est peccatorum remissio; sed non sine adiutorio gratiæ Christi, quo etiam antè remissionem peccatorum iuuantur fideles. Quam solutionem libenter accepi, quia videbatur mihi à veritate non recedere, sive ita senserint, sive non.

E X

L I B R O

D E

LIBERO ARBITRIO.

XXXIX. *Quod voluntariè fit, etiamsi necessitate fiat, liberè tamen fit.*

Ex cap.
7. libri
de Libero
arb. male
collecta.

Q Capite 7. huius libelli dicitur, quòd libertati à servitute peccati, quâ liber est Deus, & Angeli Sancti, etiam in iis, quæ sic volunt, ut ea non possint non velle; huic, inquam, libertati impertinens est, utrùm id, quod liberè fieri dicitur, etiam possit non fieri. Ex quibus verbis, quanto candore Collector sententiam hanc verbis à se excogitatis confecerit, facile poterit à candido lectore videri.

XL. *In omnibus suis actibus peccator servit dominantì cupiditati.*

Hæc sententia aliis verbis repetit, quod supra sententia 35. continebatur, de qua ibi dictum est; neque enim in libellis meis invenitur.

XLI. (a) *Is libertatis modus, qui est à necessitate, sub libertatis nomine non reperitur in scripturis, sed solum nomen libertatis à peccato.*

Ex c. 7.
lib. de
Libero arb.
confida.

Fateor in Scripturis Sacris me nondum reperisse locum, in quo vox liber aut libertas propriè & signatè significet libertatem à necessitate. Si alius repererit, proferat, & pax erit; quia rem modis omnibus probo, & similiter etiam vocem; etiamsi eam nondum mihi videar in Scripturis Sacris in hac significatione reperisse.

E X

L I B R O

D E

J U S T I T I A.

XLII. **J**ustitia, quâ justificatur per fidem impius, consistit formaliter in obedientia mandatorum, quæ est operum justitia, non autem in gratiâ aliquâ animo infusa, quâ adoptatur homo in filium Dei, & secundum interioram hominem renovatur, ac divinæ naturæ conjors efficitur, ut sic per Spiritum Sanctum renovatus, deinceps bene vivere & mandatis Dei obedire possit.

Hæc sententia nec ad sensum, nec ad verbum habetur in libello, sed est merè calumniosa, & contra sensum tam libri, quàm Authoris verbis Collettoris expressa, præcipuè quoad eam partem, quæ dicit justitiam non consistere in gratiâ animo infusa, &c. Nam licet libellus nomine justitiæ actum justum intelligat: sicut frequenter intelligit Scriptura Sacra; ut, *qui facit justitiam, justus est*. Et, *sancti per fidem operati sunt justitiam*; hoc tamen non facit, ut habitum gratiæ aut charitatis neget esse justitiam; sed tantum ut Hæreticis nostri temporis resistat, qui opera justitiæ contendunt nec merita esse, nec hominem facere meliorem. Id quod falsum esse ostenditur, quando juxta Scripturas Sacras demonstratur, esse justitia nobis inhærens. Cui errori non ita resistunt, qui docent, & in libellis editis asserunt: justitiam, quam Scriptura commendat, non esse justitiam operum, sive ad operandum immediate inclinantem; sed esse formam, quæ dat esse divinum, & mentem transmutat, ut sit bene ad Deum disposita, Deiformis, & cælestis. Et rursus: *Justitia fidei*, inquit idem, *non in actibus consistit, sed per modum habitus, vel status se habet*. Item: *ad justitiam operum nihil pertinet sermo de justificatione impii*. Item dixit alius quidam inhærentem nobis justitiam, à quâ justî dicimur, tantum in habituali renovatione intelligendam esse; nec de bonis operibus aliter, quàm de fructibus & effectibus justitiæ loquendum. Quæ dicta, quia mihi displicebant, tamquam nimis vicina sententiæ Hæreticorum asserentium opera non esse merita, nec hominem facere meliorem, sed tantum esse fructus, & adeptæ justitiæ testimonia. Ideò justitiam, quæ est in obedientia mandatorum Dei, commendavi; non ut habitualement renovationem negarem esse justitiam: de qua re sciebam neminem dubitare; sed ut utrumque persuaderem ad justitiam fidei pertinere, sicut dictum est, nempe actum & habitum justitiæ.

346

XLIII. *In hominibus penitentibus ante Sacramentum absolutionis; & in Catechumenis ante baptismum est vera justificatio, separata tamen à remissione peccatorum.* Ex l. de justificatione. c. 7. male collecta, & adulterata.

Divus Augustinus epist. 105. habet, quodd homo justificatur non solum remissione peccatorum, sed prius etiam inspiratione fidei & timoris Dei. Similiter contra Donatistas lib. 4. cap. 21. *Sicut non debemus improbare iustitiam hominis, inquit, quæ prius esse cepit, quam conjungeretur Ecclesiæ; sic non est improbandum Evangelicum baptismi sacramentum, etsi extra Ecclesiam fueris susceptum.* Quæ verba secutus libellus cap. 7. dicit Catechumenum & penitentem ante remissionem peccatorum aliquid habere iustitiæ. Sed quia hic sermo non videbatur Collectori satis esse reprehensioni obnoxius; idem sententiam, quam mihi impingeret, & Sedi Apostolicæ damnamam offerret, verbis suis expressit, dicens quodd in Catechumenis ante baptismum est vera justificatio, separata tamen à remissione peccatorum. Quam tamen sententiam hic à se damnatam, infra sententiâ 60. manifestè comprobât, damnans eos, qui agnoscunt illam iustitiam, quæ sit quidem ex inspiratione Spiritus Sancti, sed nondum corda inhabitantis; quia necesse est, ut iustitia illius, quem nondum inhabitat Spiritus Sanctus, sit à remissione peccatorum separata; quam tamen iustitiam hic ex professio damnat.

XLIV. *Operibus plerisque, quæ à fidelibus fiunt, ut mandatis Dei pareant: cuiusmodi sunt, obedire parentibus, depositum reddere, ab homicidio, à furto, à iustificatio fornicatione abstinere, justificantur quidem homines, quia sunt legis obedientia, & vera legis iustitia; non tamen iis obtinent incrementa virtutum.* Ex lib. de iustificatione. c. 7.

Capite 5. huius libelli dicitur expressè, quodd et si bona cuncta, quæ facimus, culpas diluere, quas fecimus, certum est; (sub quo intelliguntur etiam incrementa virtutum.) Ex his tamen operibus, quæ à fidelibus non ob id fiunt, ut vel remissionem peccatorum, vel incrementa virtutum consequantur; sed solum ut Dei mandatis pareant; ex his, inquam, operibus dicimur in Scripturis Sacris justificari, quia sunt legis obedientia, & vera legis iustitia, juxta illud: *qui facit iustitiam, iustus est*; non quia his obtinemus aut remissionem peccatorum, aut incrementa virtutum. Ex quibus verbis perspicuum est, intentionem libelli fuisse, quodd jam dictis operibus bonis obtineantur quidem & remissio peccatorum, & incrementa virtutum; sed quodd Scriptura Sacra dicens nos ex istis operibus justificari, ad aliud respexerit; nempe quodd non auditores legis iusti sunt apud Deum, sed factores. Ipse autem Collector hunc sensum prorsus invertit, dicens; quodd his operibus non obtineantur incrementa virtutum. Quod quantum ablit à calumnia, cruditus lector consideret.

E X

L I B R O

D E

S A C R I F I C I O.

XLV. **S**acrificium Missæ, non aliâ ratione est Sacrificium, quàm generali illâ quâ omne opus, quod fit, ut sanctâ societate Deo homo inhæreat.

(a) L. 10.
de Civ. c.
6. quem
secuti sunt
Gabriel
Biel Lect.
85. in
Can. Mis.
Litt. D. &
Alph. à
Calro.
Lib. adv.
hæref.
verbo,
Missæ, hæ-
retici 2.

Ex hac sententia, quæ palam est hæretica, si bene confideretur, spero cuivis sensato lectori fore manifestum, quantus stupor, aut quantum calumniandi stadium in eo fuerit, qui ex meo libello hanc sententiam confinxit. Cùm enim instituissem disputationem non peculiariter de sacrificio Missæ, sed generaliter de sacrificio; statim initio secundi (a) capitis, posui definitionem generalem sacrificii ex Augustino; nempe quodd sacrificium dicatur omne opus, quod agitur, ut sanctâ societate Deo inhæreatur. Deinde dividens sacrificia in typica, qualia maximè fuerunt tempore Veteris Testamenti; & non typica, qualia ab initio mundi fuerunt, & semper erunt: Tandem capite 5. ostendi sacrificium Corporis & Sanguinis Domini, præsertim si actionem externamque sacramenti speciem spectes, ad genus sacrificiorum Typicorum pertinere, & verè sacrificium esse: sicut olim verum sacrificium fuit ipsa immolatio Agni Paschalis. Ac denique capite 6. propositâ quæstione cur Sacræ Eucharistiæ confectio præ cæteris, quæ etiam sacrificia rectè dicuntur, à piis fidelibus peculiariter nomine sacrificii celebretur: quatuor rationes assignavi, cur inter omnia sacrificia sic emineat, ut nomen alioqui commune sibi veluti proprium vindicare mereatur. Quarum rationum duæ apud D. Thom. habentur in 3. p. ubi ostendit, cur Christus in Sacramento Eucharistiæ dicatur immolari. Tertia additur ex doctrina Concilii Tridentini Sess. 22. licet libellus ante hanc sessionem editus fuerit. Ex quibus patet quantâ diligentia conatus sim ostendere sacrificium Missæ longè aliis rationibus sacrificium dici, quàm cætera, quæ tamen generaliter sunt sacrificia, sicut immolatio agni & vituli: & tamen Collectoris inadvertentia (ut nihil acerbius dicam) audent spectante mundo confingere quodd doceam Sacrificium Missæ non aliâ ratione esse sacrificium, quàm generali illâ, quâ omne opus, quod fit, ut sanctâ societate Deo inhæreatur, sacrificium dicitur. Facile esset hæreticos multos facere, si liceret de proximis hæreses fingere.

E X

L I B R O

D E

PECCATO ORIGINIS.

XLVI.

A *D rationem & definitionem peccati non pertinet voluntarium: Ex c. 7. h. nec definitionis quæstio est, sed causæ & originis, utrum omne peccatum debeat esse voluntarium: Unde peccatum originis verè habet rationem peccati sine ullâ relatione ac respectu ad voluntatem, à quâ originem habuit.* Ex c. 7. h. de peccato originis malè collecta & adulterata.

Si perlegatur caput 7. libelli de peccato originis, etiam me tacente, videbitur, quantâ orte, ut non dicam malitiâ, hæc sententia propriis verbis & proprio sensu ab ipso Collectore sit confecta. Ibi enim ostenditur peccatum originis infanti recens nato imputari, etiamsi non sit ex ejus voluntate profectum; atque verbis Augustini contrâ Jul. defenditur, non peccatum originis, sed tantum propriæ voluntatis debere ex ejus voluntate esse profectum, in quo tale peccatum invenitur. Ad quem finem etiam dicitur, quod disputatio contrâ Manichæos; utrum omne peccatum sit voluntarium, non sit definitionis quæstio, sed originis; sicut dicit Augustinus: quod sicuti peccati origo voluntas mala est; ita nisi voluntas mala, non est cujusquam origo peccati: non ut ullâ ratione improbetur quod dicitur, peccatum omne debere esse voluntarium; sed ut Pelagianis resistatur, qui parvulos negabant habere peccatum, quia nondum arbitrio voluntatis utuntur; sicut docet August. lib. 1. retract. cap. 15. Quasi videlicet in definitione peccati generaliter dicti, poni debeat voluntarium à propriâ voluntate peccatoris profectum. Additurque in libello, quod de actu aliquo differentes, an ex suo genere sit peccatum; non hoc inquirere debemus an sit à voluntate, vel à qua sit voluntate profectum. Ex quibus verbis Collector primæ suæ sententiæ partem fabricavit, dicens ad definitionem peccati non pertinere voluntarium; quod non habetur in eo libello, sed tantum id quod dixi. De ea porro sententiæ parte, quâ dicit Collector: *Unde peccatum originis verè habet rationem peccati sine ulla relatione ac respectu ad voluntatem, à quâ originem habuit*; nullam fecit libellus mentionem. Nec scio undè Collector didicerit, quod peccatum originis præ cæteris peccatis debeat dici relativè peccatum: nisi fortè cum Alberto Pighio & Catharino existimet, peccatum originis, non verè, sed æquivocè (a) tantum esse peccatum; (a) Al. id est, idèd peccatum dici, quia pœna est ex peccato p̄lmi patetis, & ad il-

(a) Al.
diſſa.

lud relativè (a) dictum. Sicenim loquuntur quidam eorum, qui ſententiam illam tuerentur. Quæ ſententia mihi videtur olim in Conc. Arauſicano II. damnata; ſicut in initio libelli de peccato originis conatus ſum oſtendere.

(b) Exc.
7. l. de pecc.
orig. male
collecta,
& adultera-
ta.
(c) Al. erit.

XLVII. (b) *Peccatum originis eſt habituali parvuli voluntate voluntarium; & habitualiter dominatur parvulo, eo quod non gerat contrarium voluntatis arbitrium. Et ex habituali voluntate dominante fit, ut parvulus decedens ſine regenerationis Sacramento, quando uſum rationis conſecutus (c) eſt, actualiter Deum odio habeat, Deum blaſphemet, & legi Dei repugnet.*

(d) Al. corruptus locus in editis.

Ex his, quæ hæc ſententiâ continentur, nihil ampliùs in libello dicitur, quàm quod infans ex hoc naſcitur filius iræ, quia naſcitur cum vicio ex ſua ratione divinæ legi contrario, quod illi non quidem actu, ſed habitu dominatur, ſic ut non gerat contrarium mentis affectum: (d) quod quomodo negari poſſit nescio; quia ſicut Spiritus Sanctus & gratia habitualiter baptizato parvulo dominantur; ſic etiam peccatum originis habitualiter dominatur non baptizato. Ratione cujuſ, Job deplorans ſuæ conceptionis originem, & reliquias adhuc ex ea relictas: *Quare me, inquit, poſuiſti contrarium tibi, & factus ſum mihi metipſi gravis?* An verò ratione hujus domini poſſit peccatum originis etiam voluntate parvuli dici voluntarium, ſicut videtur hæc damnatâ propoſitione ſignificari, relinquo iſis diſputandum, quibus ſic loqui placet. Porro qualis efficiatur parvulus, qui hinc ſine baptiſmo diſcedit; & quid agat, cum rationis uſum fuerit conſecutus, non diſputavi. Peto tamen à Collectore, ut dignetur explicare, quis infantem, qui non reſtus ſed Deo contrarius naſcitur, ſi ſine baptiſmo diſcedat, poſt hanc vitam faciat rectum, & adverſario ſuo Deo & legibus ejus conſentientem. An Deus ſuâ miſericordiâ, an parvulus ſuâ naturali potentiâ.

(e) L. de peccato originis, 6. 2.

XLVIII. (e) *Prava deſideria, quibus ratio non conſentit. & quæ homo invitus patitur, ſunt prohibita præcepto: NON CONCUPIſCES.*

Hæc eſt expreſſa ſententia Hugonis à S. Victore ſuper epiſt. ad Rom. q. 156. hiſ verbis: *Queritur quid illud ſit quod lex prohibet, & Apoſtolus volens faciebat? Sed iſti dicunt, quod lex conſenſum prohibet: ſed conſtat quod Apoſtolus non conſentiebat, quia ſi conſentiret concupiſcentiæ, nullo modo legi conſentiret. Auguſtinus autem oſtendit aperte quid ſit, quod Apoſtolus volebat, & tamen faciebat; motum videlicet concupiſcentiæ ſentiebat, ſed tamen non conſentiebat, imò non ſentire volebat. Unde liquet, quod motus primus concupiſcentiæ Lex prohibet. Haſtenus Hugo. Et ruruſ q. 159. Queritur, inquit, quare Deus vel prohibuit, quod non poſeſt viſari? Vel præcepit, quod non valet impleri? Videtur enim crudelis, & non æquus. Richarduſ verò de S. Victore ſic habet ſuper epiſt. ad Rom. Hic non immerito queritur, quâ ratione illis imputetur, vel quomodo lex in eiſ iram operetur, quod legem non impleverunt, qui eam implere non potuerunt? Et infra clariùs: Quod lex prohibet à carne omni hora peragitur: quod præcipit verò, numquam à carne impletur. Haſtenus Richarduſ. Quod ſi quæras ubi Auguſtinuſ hanc ſententiam aſſerat,*

asserat, sicut testatur Hugo de Sancto Victore: Respondeo, quòd licet merito tanto Authori credi deberet, etiam si locus non (a) proferretur; attamen si Collector caput secundum libelli *de peccato originis* (unde sententiam hanc damnamdam sumpsit) attendisset loca, quæ ex Augustino citantur, faciliè verba ejus reperisset; nempe lib. 1. Retract. cap. 15. Et de nat. & grat. cap. 17. Nam lib. 1. Retract. sic habet: *Qui cogenti cupiditati bonâ voluntate resistere non potest; & ideo facit contra præcepta justitiæ; jam hoc ita peccatum est, ut sit etiam pena peccati.* De nat. verò & grat. cap. 17. sic habet: *aliud est non curasse scire; aliud intelligere velle, nec posse: & facere contra legem non intelligendo, quid fieri velit.* Nam in priori testimonio dicit eum, qui cogenti cupiditati resistere non potest, facere contra præcepta justitiæ: in posteriori verò eum, qui vult intelligere, nec potest, dicit facere contra legem, non intelligendo quid Deus fieri velit. Existimo tamen utrumque, videlicet Hugonem & Richardum de Sancto Victore, potius respexisse ad sermonem quintum Augustini, de verbis Apostoli, quàm ad ea loca, quæ citavi. Augustinus enim eo sermone tractans verba Apostoli ad Rom. 7. *Mente servio legi Dei, carne autem legi peccati;* videtur loqui de eo, qui mente spiritualis est: *Si concupiscis,* inquit, *quod lex vetat, cum dicit: non concupiscas: servas autem aliud, quod item lex jubet;* post concupiscentias tuas non eas; *mente spiritualis es, carne carnalis: aliud est enim non concupiscere, aliud post concupiscentias suas non ire; non concupiscere omnino perfecti est; post concupiscentias suas non ire, pugnantis est:* ait enim de eo, qui post concupiscentias suas non it, id est, qui nullo modo consentit, quòd concupiscat quod lex vetat: id quod in eodem sermone latè prosequitur. Nec mirum, sicut enim qui alienum abstulit, nec habet, unde restituat, per hoc factus impotens ad restituendum, non est liberatus ab obligatione restituendi: nam alioquin non teneretur habere voluntatem restituendi & propositum, si quando facultas daretur: sed voluntas tamdiu pro facto ei reputaretur, quamdiu factum excludit necessitas: sic, ut non sit reus transgressionis, quod de facto non restituit. Sic etiam unusquisque fidelium ex præcepto: *Non concupiscas;* tenetur non concupiscere; sed quamdiu id facto præstare non potest, tamdiu voluntas ei pro facto reputatur, ut peccati reus non habeatur, etiam si hoc facto non præstet, sed tantum voluntate & desiderio, dicendo cum Apostolo: *Velle mihi adjacet; perficere autem bonum non invenio.*

XLIX. (b) *Concupiscentia, sive lex membrorum, & prava ejus desideria, quæ inveniunt homines, sunt vera legis inobedientia.*

(b) Libro de proc. orig. c. 4. & 15. &c. 14.

De pravis desideriis diximus sententiâ proximâ. Cæterum quid me moveat, ut existimarem concupiscentiam (c) habitualement divinâ lege prohiberi, dixi in libro de peccato originis cap. 11. proferens multa veterum Sanctorum testimonia. Quæ si alios non movent, oro suppliciter, ut dignentur me docere, & quomodo his testimoniis ad satisfaciendum hæreticis convenienter respondeatur; & quomodo concupiscentia apud Augustinum peccatum esse defendatur, si non sit contra præceptum; ne fortè obijciatur nobis ab hæreticis, quod Donatistis objecit Augustinus: *Quod volumus, sanctum est.*

(c) A omit.

(a) Lib. de pecc. orig. G. 11. L. (a) *Omne scelus ejus est conditionis, ut suum auctorem, & omnes ejus posteros eo modo inficere possit, quo infecit prima transgressio.*

Miror si Adam de pomo non comedisset, sed aliud quodvis scelus commisisset; utrum se, & totam posteritatem non eo modo damnaisset, quo damnavit comedendo de pomo? Id quod si verum est, quomodo negari potest omne scelus ejus esse conditionis, ut suum auctorem, & omnes ejus posteros eo modo inficere possit, quo infecit prima transgressio? Si enim quodlibet scelus primum hominem cum tota sua posteritate infecisset, si illud admisisset: ergo ex natura sua ejus est conditionis, ut eo modo inficere possit, quo infecit prima transgressio: sed quod nunc non inficit, provenit non ex alia conditione naturali peccati, sed ex dispositione subjecti. Sed Collector forsitan damnandam hanc sententiam obtulit, quia illam non aliquo discursu rationis, sed divinis testimoniis conatus sum adstruere. Nam cap. 11. libelli, ut ostenderem quodlibet scelus ejus esse conditionis, ut suum auctorem inficiat, protuli testimonium D. Petri dicentis: *Qui facis peccatum, servus est peccati*: id est, meretur esse servus peccati. Et ut ostenderem hanc servitutem debere ad posteros transire, adhibui rationem cum Scriptura Sacra, & dixi: quod servus servos generet, juxta illud: *Quod natum est ex carne, caro est*. Homo enim caro idem dicitur, quia servus est peccati; aded ut etiam mente liberatus, & serviens legi Dei, carne tamen adhuc serviat legi peccati. Fieri potest ut fallar: sed obsecro ut aliquis eruditus ante me conetur instruere, quàm damnare; aut saltem ut hoc præjudicio non impediatur, quominus me conetur instruere.

(b) Ex lib. de pecc. orig. s. 6. male collecta, & adulterata. (c) Al. vidi. L. I. (b) *Quantum est ex vi transgressionis, tantum meritorum malorum à genante contrahunt, qui cum minoribus nascuntur vitiis, quàm qui cum majoribus.*

D. Thomas, consentientibus omnibus Doctoribus, quos (c) de hac re disputantes me videre confragit, docet peccatum originis in omnibus infantibus esse æquale: id quod ego volens juxta Augustini sententiam defendere, qui (testibus etiam Pighio & Catharino, qui ejus sententiam non recipiunt) docet concupiscentiam & carnis libidinem esse peccatum originis: sic objeci in capitulo 6. libelli mei de peccato originis: *Peccatum originis est in omnibus æquale: concupiscentia & libido carnis non sunt in omnibus æquales: ergo non sunt peccatum originis*. Deinde respondi, quòd licet concupiscentia non sit in omnibus actu æqualis, est tamen æqualis reatu: sicut in iis, qui prorsus sunt ejusdem voluntatis & conatus; sed alius propter impotentiam tantum furatur decem, alius vero furatur mille; diversus est actus, sed idem reatus. Et quia obiter dixi, quòd is, qui ex Dei dono sortitus est animam bonam, quantum est ex vi transgressionis Adæ, tam malæ indolis justè nasci potuisset, quàm nascitur alius, cui Deus tam bonam indolem non largitur. Idem Collector suæ sententiæ aliquid etiam de vi transgressionis inferuit. Et: ut sententiam admirabilem & damnandam fabricaret, humano capiti cervicem junxit equinam, quam tamen ad hoc spero profuturam, ut lectores illud caput sextum libelli attentius legant,

legant, & attentè legendo intelligant, quod Collector maluit damnanda proponere, quàm discere.

LII. (a) *Definitiva hæc sententia; Deum homini nihil præcipisse impossibile, falsè tribuitur Augustino, cum Pelagii sit.*

(a) Exc.
12. l. de
pecc. orig.
malè col-
lecta, &
adultera-
ta.

Capite 12. ejusdem libelli constans sum explicare, quo sensu verum sit, quòd Deus homini nihil præcepit impossibile: in qua explicatione, quia Collector nihil, quod damnaret invenit; idèd more suo aliquid suum addidit, significans me eo capite dixisse quòd definitiva hæc sententia: *Deum homini nil præcipisse impossibile, falsè tribuatur Augustino.* Cùm quivis Grammaticus, qui partes orationis jungere novit, facillè ex verbis meis intelligat, me dictum illud: *Deum homini nihil præcipisse impossibile*: nec sententiam definitivam vocasse, nec dixisse esse, aut non esse Augustini; sed tantùm de hac sententia definitiva esse locutum: nec impossibile aliquid potuit imperare Deus; quia justus est, nec damnatus est hominem pro eo quòd vitare nequit, quia pius est; hanc, inquam, vocavi definitivam sententiam, & de hac dixi, quòd non sit Augustini, sed Pelagii. Quid autem me moverit, paucis indicabo. Hæc sententia ad verbum desumpta est ex epistola ad Demetriadem Virginem, quæ prima ponitur tom. 4. operum Hieronymi, contra quam scripsit Augustinus & Alypius epistolam ad Julianam matrem Demetriadem Virginis, quæ apud eundem Hieronymum statim subsequitur. Hanc epistolam ad Demetriadem ex professo refellit Beda lib. 1. super Cantica, dicens eam non esse Hieronymi, ut quidam putant, sed Juliani Pelagiani: Et nominatim etiam refellit definitivam sententiam, de qua sermo est, tamquam Scripturæ Sacræ apertè contrariam; quia in ea de homine corrupto dicitur, quòd Deus non sit eum damnaturus pro eo quòd vitare non potuit. Ex quo sequitur, quòd nemo damnandus sit pro peccato originis. Ego autem hanc epistolam ad Demetriadem omnino existimo esse Pelagii, siquidem Augustinus lib. *de gratia Christi*, cap. 22. ad verbum longam satis sententiam ex hac epistola citat, sub nomine libri Pelagii ad Sacram Virginem. Cujus sententiæ rursus meminit cap. 27. ejusdem libri; quæ sententia adhuc hodiè ad verbum in illa epistola continetur. Item cap. 37. ejusdem libri introducit Pelagium dicentem: *Legant epistolam, quam ad Sacram Virginem Demetriadem in Oriente scripsimus.* Statimque subjicit se eam legisse; ac sententiam illam refert ex initio ejusdem epistolæ desumptam, quæ adhuc ad verbum in ea continetur. Si quis fortè putet me in istis testimoniis errare; oro, ut tentet (b) ea refellere, & me veritatem doceat. Scio quidem hanc eandem definitivam sententiam, de qua quæstio est, in serm. 61. de tempore, qui fertur nomine Augustini, ad verbum reperiri: sed ego hunc sermonem apocryphum existimo, non tantùm propter illam à Pelagio profectam sententiam, quam Augustinus in suis sermonibus, opinor, ad verbum non referret; sed quia circa finem ejusdem sermonis dicitur: *In potestate nostra positum est qualiter in die judicii judicemur*: quod, puto, non tam libenter diceret Augustinus, præsertim post natum Pelagianismum, quàm ipse Pelagius: *Non est enim hominis via ejus, nec viri, ut dirigat gressus suos.* Ut ut tamen

(b) Al. ea
refellat.

res ista se habeat, etiam si fortè hac in re errassem, attamen ex eo viderer non damnandus, sed tolerandus & docendus, quòd in hac definitiva sententia Be-
dam secutus fuerim, lib. x. super Cantica; ubi eam numquam Scripturis con-
trariam asseruisset, neque Juliano adscripisset, si eam Augustini esse pu-
tasset.

(a) Ex l. 1. *LIII. (a) Deus non potuisset ab initio talem creare hominem, qualis nunc nas-*
ci potest. orig. cisur.
e. s. male
collecta.

Deus non potuisset ab initio esse author peccati originis, in quo, juxta fi-
dem Catholicam, omnes concipimur. Sed si creasset talem hominem, qua-
lis nunc nascitur (id quod eum puto facere potuisse, nec umquam docui con-
trarium) tunc quod in eo, qui nunc nascitur, est culpa; in illo, quem Deus
creasset, non fuisset culpa, sed natura. Non enim fas est cum Manichæis di-
cere unum & idem naturale & originale peccatum esse, sicut Pelagiani dixe-
runt, uti in libello suæ fidei refert Maxentius vir Dei. In quem errorem, an
illi incidant, qui dicunt concupiscentiam malam, & legem carnis in infante
recens nato, qualitatem esse naturalem, quam Augustinus peccatum originis
(b) Al. ju- asserit, (b) videant studiosi.

(b) Al. ju-
dicat.

E X

T R A C T A T U

D E

O R A T I O N E

P R O

D E F U N C T I S.

LIV. **I**N peccato duo sunt, *actus, & reatus: transeunte autem actu, nihil* (a) *Ex*
remanet, nisi reatus, sive obligatio ad penam. Unde in Sacramento *tract. de*
baptismi, aut sacerdotis absolutione, propriè reatus peccati duntaxat *oratione pro*
tollitur, & ministerium sacerdotum solum liberat à reatu. *desinens.*
c. 4. malè
collecta &
adultera-
ta.

Capite 4. hujus Tractatus secutus Augustinum (cujus etiam verba recitavi) dixi quodd in peccato duo continentur, *actus, & reatus*; sicut etiam docet Durandus: an verò præter hæc duo in peccato numeranda sit malitia ab actu & reatu peccati distincta, quæ actu transeunte, simul cum reatu remaneat, sicut contendit D. Thomas, ibi non disputavi; sicut nec Augustinus iis locis disputat, quos ibi citavi. Ipse verò Collector hanc sententiam ita confinxit, ac si contra D. Thomam dixissem, actu transeunte, non malitiam, sed reatum duntaxat permanere. Id quod ego ex professio intactum reliqui, licet non satis intelligam quomodo damnari possit, quod inter Scholasticos Doctores habetur controversum, nec videtur posse certo Scripturæ Sacræ Testimonio, aut alicujus Concilii auctoritate definiri. Sed, ut dixi, id nihil ad me. Deinde eodem capite dixi, quodd quamdiu in hac vita sumus, non tantum in levioribus peccatis, sed etiam in sceleribus, & ab actu, & à reatu purgari possumus: Deus enim per semetipsum intus voluntates hominum ab actu peccati purificat; & per eos, quibus dictum est: *quorum remisistis peccata*, &c. etiam eos à reatu liberat. Ipse verò Collector suam sententiam dampnam sic confinxit, quasi dixissem, baptismi aut absolutionis nullum alium esse effectum, quam tollere reatum, non autem dari Spiritum Sanctum. Quod quam non possit verbis meis, nisi per calumniam affingi, facilè quivis intelligit. Posui enim distinctionem inter actum & reatum peccati, quodd actum peccati removeat Deus sine sacramento; reatum verò per sacramentum. An verò sacramentum plus removeat, quam reatum, eo loco non disputavi. Non igno-

ro, D. Bonaventuram in 4. dist. 18. q. 1. & 2. docere quoddam potestas clavium propriè non se extendit super culpam, neque super poenam æternam; sed tantum super poenam temporalem, partim relaxando, partim taxando.

Sed ego illam sententiam non probò; & idèd quod hîc refert Collector, non nisi per calumniam mihi & libello meo affingitur, ut dixi.

(a) Ex
verbis Au-
gustini
confecta
relatis in
cap. 4.
tract. de
oratione pro
defunctis.

L. V. (a) *Peccator pœnitens non vivificatur ministerio sacerdotis absolventis, sed à solo Deo, qui pœnitentiam suggerens & inspirans, vivificat eum & resuscitat: ministerio autem sacerdotis solus reatus tollitur.*

Sententia hæc, sicut ex 4. cap. ejusdem tractatus perspicuum est, non ex verbis meis confecta est, quia nusquam usus sum verbis, *vivificatur, vivificat, & resuscitat*: sed ex verbis Augustini ibi proluxè citatis, quibus Collector, ut puto, per inadvertentiam non sentiens esse Augustini, non minùs insidiatus est, quàm meis, addens & immutans quæ voluit: & sicuti præcedenti sententia per manifestam calumniam affingens, quoddam ministerio sacerdotum solus tollatur reatus, cum ibi nihil aliud dicatur, quàm quoddam Deus per seipsum ab operibus, & per ministerium Sacerdotum etiam à reatibus peccatorum nos liberat. Ipse verò Collector pro voce, *etiam*, quæ in libello habetur, posuit in suâ sententiâ vocem, *solum*, quæ totam sententiam invertit.

E X
T R A C T A T U
D E
I N D U L G E N T I I S.

LVI. **Q**uando per eleemosynas aliaque pœnitentia opera Deo satisfacimus pro pœnis temporalibus, non dignum pretium Deo pro peccatis nostris offerimus; sicut quidam errantes autumant; nam aliquin essemus, saltem aliqua ex parte, nostri redemptores: sed aliquid facimus, *Exc. 8. Libri de Indulgentiis: non accurate collecta.* *ablatiorem.* cuius intuitu Christi satisfactio nobis applicatur & communicatur.

Hæretici disputantes de satisfactionibus, nobis impropere; quòd licet in baptismo universam peccatorum remissionem Christi passioni tribuamus, attamen in reconciliationis sacramento illum dividamus; remissionem culpæ Christo tribuentes; remissionem verò & (a) abolitionem pœnæ restantis, nobis duntaxat, & nostris Sanctorumque satisfactionibus arrogantes, contrà Scripturam quæ dicit, quòd Deus posuit in Christo omnes iniquitates nostras, & quòd ipse est propitiatio pro peccatis nostris; non pro nostris autem tantum, sed etiam pro totius mundi. Et quòd omnia instaurantur in Christo; & sine sanguinis effusione non fit remissio.

Ego igitur volens hanc hæreticorum calumniam latenter diluere, dixi verbis Leonis Papæ, quòd quamvis multorum Sanctorum in conspectu Domini mors pretiosa fuerit, nullius tamen infantis occisio reconciliatio fuit mundi, nec alterius quisquam debitum suo sine seu morte perfolvit: Id est, Sic nostris, & Sanctorum passionibus vim satisfaciendi attribui, ut tamen illam passionibus Christi non adimerem, cuius solius satisfactio sine cuiusquam alterius subsidio, secundum Dei iustitiam sufficit: sed cuiusvis alterius satisfactio, sine illius passionis non sufficit.

Dixi igitur, quòd nostræ, nec Sanctorum pro nobis satisfactiones non teneant locum passionis Christi, nec eo modo sunt justum pro peccatis nostris pretium, quomodo est Christi satisfactio, sicut hæretici nobis impingunt: sed quòd innitantur satisfactioni Christi; seu, ut loquitur Concilium Tridentinum sess. 14. can. 14. quòd pœnitentes satisfactionibus per Jesum Christum peccata sua redimant; seu, ut habet doctrina ejusdem sessionis c. 9. quòd per Jesum Christum satisfacere valeant. Quam sententiam etiam expressè sequuntur Bonaventura, & Durandus in 4. sent. Sed Collector non intelligens ad quam utilitatem referrem, quod referrem, suâ arte effecit, ut etiam Sanctissimus

mus D. noster Hæreticorum calumniam, quam fidelibus imponunt, quòd re-
jectis Christi satisfactionibus, partem remissionis peccatorum suis Sancto-
rumque satisfactionibus adscribant, suis litteris adversus eos, qui fidem Catholi-
cam defendunt, defendere videatur: quod quàm scandalosum sit, nemo est,
qui non intelligat. Tales fructus parit æmulatio.

L VII. (a) *Per passiones Sanctorum in Indulgentiis communicatas, non propriè re-
dimuntur nostra delicta, sed per communionem charitatis nobis eorum passiones imper-
iuntur, ut digni simus, qui pretio sanguinis Christi à pœnis pro peccatis debitis libe-
remur.*

(a) Exc.
s. l. de n-
dulgentiis,
malè col-
lecta, &
adultera-
ta.

Ut Collector magis confirmaret, quod hæretici nobis impingunt, quòd non
tantum nostras, sed etiam Sanctorum satisfactiones in nostræ redemptionis
parte, loco passionis Christi constituamus: etiam Sanctissimum Domino nostro
obrepsit, ut, damnando quæ diximus, apertè confiteri videretur, quòd per
passiones Sanctorum nostra delicta propriè redimantur; nempe directè con-
tra verba Leonis suprà citata, quibus ait, Quòd nemo Sanctorum alterius de-
bitum suo sine, id est suâ morte persolvat. Ut tamen res plausibilior appa-
reret, in sine sententiæ damnatæ, pro eo quod libellus habet: *Ut digni simus,
qui pretio Sanguinis Christi à peccatis (b) (redimeremur; ipse posuit, ut digni si-
mus qui pretio sanguinis Christi à pœnis pro peccatis debitis liberemur.)* Videtur enim
timuisse, ne nimis durum appareret, si damnando verba mea, sicut in libello
habentur, palàm assereret, quòd per passiones Sanctorum in indulgentiis
communicatas, propriè redimantur nostra delicta, & quòd per easdem pro-
priè sine pretio Sanguinis Christi à peccatis liberemur; sic, ut sint iustum pre-
tium pro peccatis nostris, & passionis Christi locum teneant. Hæc enim sunt
verba libelli mei, quibus explico quid sit propriè redimere delicta, sicut videre
est capite ult. tractatus de Indulgentiis, unde istæ duæ sententiæ penè ad verbum
desumptæ sunt.

(b) Al. o-
mit. ista.

L VIII. *Celebris illa Doctorum distinctio; divina legis mandata bifariam imple-
ri; altero modo quantum ad præceptorum operum substantiam tantum; altero quan-
tum ad certum quemdam modum, videlicet secundum quem valeant operantem perdu-
cere ad regnum æternum, hoc est ad modum meritorium, commensitum est, & explo-
denda.*

Hujus distinctionis in libellis meis nullam mentionem fieri dico, nisi fortè
Collector me existimet illam damnassee, quando dixi super sententiâ 16. forsi-
tan non absurdè intelligi posse, quæcumque sine charitate sunt (id est, bonâ
voluntate, quæ esse potest ante etiam remissionem peccatorum, ut in Cate-
chumenis; & post baptismum, in relapsis poenitentibus) non esse veras le-
gis obedientias. Ibi enim videtur unicus adstrui modus implendi mandata
Dei, quem Christus in Evangelio posuit, cùm ait: *si quis diligit me, sermonem
meum servabit.* Et Apostolus dicens: *plenisudo legis est dilectio.* Et alterum mo-
dum videtur excludere cùm ait: *qui non diligit me, sermones meos non servat.*

LIX. Illa quoque distinctio, quâ opus dicitur bifariam bonum; vel quia ex objecto & ex omnibus circumstantiis rectum est, quod moraliter bonum appellari consuevit: vel quia est meritorium regni (a) æterni, eò quòd fit à vivo Christi membro per Spiritum charitatis, rejicienda putatur. (a) Al. celesti.

Hujus distinctionis non memini in libellis meis, nisi fortè suprâ sententiâ 18. putetur rejici, ubi dicitur, cuiuspiam videri posse, quòd opera Catechumenorum, etiam ante remissionem peccatorum, sint merita regni cælorum. De qua re ibi dictum est. Qui tamen hanc distinctionem tamquam rem certam asserere nituntur, videant, ne simul asserant quempiam esse steriliter bonum: quod Augustinus testatur fieri non posse, quia bonum non sumus quidquid steriliter sumus, inquit contra Julia. l. 4. c. 3.

LX. Similiter & illa distinctio duplicis justitiæ: alterius quæ fit per spiritum charitatis inhabitantem: alterius verò quæ fit ex inspiratione Spiritus Sancti cor ad penitentiam excitantis, sed nondum cor inhabitantis, & in eo charitatem diffundentis, quâ divina legis justificatio impleatur, odiosissimè & pertinacissimè rejicitur.

Hæc distinctio odiosè rejicitur, non quidem à libello, qui nullam ejus mentionem facit, sed ab ipsomet sententiarum Collectore, qui suprâ sententiâ 43. damnandum putavit, quod ait libellus; Catechumenum aut penitentem ante remissionem peccatorum habere aliquid justitiæ; qui enim hoc damnat manifestè significat, ex inspiratione Spiritus Sancti cor nondum inhabitantis, nullam peccatori inesse posse justitiâ, ac proinde posteriore supradictæ (b) distinctionis partem, quâ dicitur esse aliqua justitiâ ex inspiratione Spiritus Sancti cor ad penitentiam excitantis, sed nondum cor inhabitantis, odiosè & pertinaciter reprobatur. (b) Al. sententiæ.

LXI. Denique & illa distinctio duplicis vivificationis: alterius, quâ vivificatur peccator, dum ei penitentia & vitæ nova propositum, & inchoatio, per Dei gratiam inspiratur: alterius, quâ vivificatur, qui verè justificatur, & palme vitæ in Christo vitæ efficitur; commentitia judicatur, & Scripturis minime conveniens.

Hanc distinctionem, quæ verissima est, libellus, & libelli author usque adeò non improbavit, nec adhuc improbat, ut etiam vehementer doleat, quòd eam Collector suprâ sentent. 55. non attenderit. Si enim ibi eam attenderet, tunc ex verbis Augustini, quæ non de posteriore vivificatione, sicut ibi præterendè videtur, sed de priore loquuntur, sententiam damnandam non confecerisset. Et idèò quod fingit Collector, distinctionem hanc à nobis commentitiâ judicari, mera calumnia est; cùm hujus distinctionis nullam unquam fecerimus mentionem. Sed si querelam intellexissemus, quam supra movit ex verbis Augustini; tunc indubitanter hanc distinctionem adhibuissemus, & D. Augustini sententiam verissimam esse defendissemus.

Unde confictæ sint sequentes sententiæ nescio, nisi fortè in quantum coincidunt

cidunt cum prioribus : conabor tamen eas , prout Deus dederit , explicare.

LXII. *Non nisi Pelagiano errore admitti potest usus aliquis liberi arbitrii bonus ; sive non malus ; & gratiæ Christi injuriam facit , qui ita sentit & docet.*

Si sententia accipiatur , sicut verba sonant , ut significet , quodd absolutè nullus sit bonus usus liberi arbitrii , etiam cum adjutorio gratiæ Christi , tunc apertè hæretica est , quia significat omne opus liberi arbitrii esse peccatum : si verò intelligatur , quodd sine adjutorio Christi nullus sit bonus usus liberi arbitrii , sicut eam intelligendam significat mentio Pelagii & injuriæ gratiæ Christi , tunc videtur esse regula Apostolicæ Sedis à Cælestino Pontifice in Epistola ad Episcopos Galliarum cap. 7. posita his verbis : *Nemo , nisi per Christum , bene utitur libero arbitrio.* Quæ regula quo sensu accipienda sit , videtur quærendum ex fine primi libri D. Augustini contra duas Epistolas Pelagianorum , unde videtur esse desumpta. De qua regula dicit Cælestinus Pontifex in fine epistolæ suæ , quodd non opinetur Catholicum , quod apparuerit præfixis sententiis esse contrarium.

(a) Al.
convincti.

Ex quo (a) conjici potest , quantum periculi habeat ista damnatio , saltem apud eos , qui sententiam posteriori sensu damnatam intelligunt.

LXIII. *Sola violentia repugnat libertati hominis naturali.*

LXIV. *Homo peccat etiam damnabiliter in eo , quod necessariò facit.*

LXV. *Infidelitas purè negativa in iis , quibus Christus non est prædicatus , peccatum est.*

Hæ sententiæ meritò damnantur ; nec puto eas , nisi per calumniam , cuiquam eorum posse imputari , propter quos hæ sententiæ ab æmulis sunt constructæ.

LXVI. *Justificatio impii fit formaliter per obedientiam legis ; non autem per oculam communicationem , & inspirationem gratiæ , qua per eam justificatos facit implere legem.*

De hujus sententiæ calumnia supra diximus sent. 42. quæ re ipsa eadem est cum ista ; licet Collector eam verbis nonnihil distinxerit ad augendum numerum.

Prior ejus
patet ex c.
7. l. de
char. malè
collecta
est.

LXVII. *Homo existens in peccato mortali , sive in reatu æternæ damnationis , potest habere veram charitatem ; & charitas etiam perfecta potest consistere etiam cum reatu æternæ damnationis.*

Prior hujus sententiæ pars in libello meo *de charitate* cap. 7. sub his verbis disputanda proponitur: An is animi motus, qui charitas dicitur, remissionem peccatorum præcedere possit? Adducuntur multa Scripturæ sacræ, ac veterum scriptorum testimonia, quibus id ostendi videtur: inter quæ sunt etiam verba Concilii Tridentini, quæ puto à Sanctissimo D. nostro non damnari. Hanc igitur partem puto non damnari, nisi fortè quia verbis Collectoris incommodis proponitur, dum ait: quòd homo existens in peccato mortali possit habere veram charitatem: per quod vulgò intelligitur, quòd possit habere Spiritum Sanctum sibi inhabitantem, quod absurdissimum est. Cum tamen à nobis nihil aliud dicatur, quàm quòd homo existens in peccato mortali possit habere bonum animi motum, seu bonam voluntatem sibi à Deo inspiratam. De posterioris partis calumnia diximus suprà sent. 31. quam sententiam Collector hic suo more aliis verbis refricat.

LXVIII. *Per contritionem etiam charitate perfectam, & cum voto sacramentum suscipiendi conjunctam, non remittitur crimen extra casum necessitatis, aut martyrii, sine actuali susceptione Sacramenti.*

In Provincia Flandriæ quidam fratres hanc traditionem servabant, ut siquando præsentem non haberent sui Ordinis Confessarium, etiãsi palàm aut inebriati fuissent, aut fornicati, attamen sacra mysteria potiùs conficerent, & Eucharistiam sumerent, absque omni confessione & absolutione, quàm alicui seculari sacerdoti, quem præsentem habebant, confiterentur: contententes, & scripto etiam defendentes, confitendi propositum ad remissionem peccatorum sufficere, non tantum quando factum excludit necessitas, sed etiam quando factum excludit iusta & probabilis aliqua ratio, qualem in præfacto casu subesse censebant, ne videlicet seculares sacerdotes infirmitates fratrùm cognoscerent. Quam sententiam ex confessionibus comperi, etiam secularibus presbyteris ejusdem provinciæ esse persuasam, adeo ut admissio satis gravi crimine, licet haberent Sacerdotum copiam, attamen auderent bis terve Corpus Domini consecrare, & sumere sine prævia confessione, confisi in solo proposito confitendi simul omnia intrà paucos dies. Et magna ex parte sequentes eorum doctrinam, qui tradunt duos modos pœnitendi ad remissionem peccatorum: alterum difficiliorem, videlicet per solam contritionem: alterum autem faciliorem per sacramenti susceptionem. Adversus hunc gravissimum abusum, quibusdam insinuavimus, & Deo cooperante etiam persuasimus, id fieri non debere, eò quòd veteres scriptores sacramentum baptismi & reconciliationis ad remissionem criminum regulariter traderent esse necessaria extra casum martyrii & necessitatis, quibus casibus voluntas pro facto reputatur, quia factum excludit necessitas. Non ignorabamus, siquis curiosius inquireret, posse plures casus inveniri, in quibus non absurdè posset de divinâ misericordia confidi, quod sine sacramento realiter suscepto accipi posset remissio peccatorum: nam casum unum indicat Cyprianus in epistola ad Iubaianum, respondens objectioni, quam sibi proponit; nempe si hæretici baptismum

(a) deerant
ineditis.

non conferant, quid fiet de iis, qui in præteritum de hæresi ad Ecclesiam venientes sine baptismo admissi sunt? Deinde respondet: *potens est Deus misericordiâ suâ indulgentiam dare, & eos, qui simpliciter admissi in Ecclesiam dormierunt*, ab Ecclesiæ suæ muneribus non separare: loquitur enim de iis, quos præsupponit non esse baptizatos. Quam sententiam refert Aug. lib. 5. contra Donat. circa finem, nec improbat. Alterum casum indicat idem Augustinus epist. 122. ubi docet (a) [eos qui inter Infideles in captivitate positi Sacramenta percipere non possant, ut orantes Danielis socios imitentur dicentes, non esse locum percipiendi sacramenta, & orantes ut in corde suo contrito suscipiantur, sicut in holocaustis arietum &c. sed propter hæreticos hujus temporis qui sequentes doctrinam Wiclephicæ fidei omnia tribuunt ut] sacramentis nihil relinquant, & propter hunc abusum, qui apud multos invaluerat, docendo & disputando magis in eam partem propendimus, quæ negari non potest, & utilior esse in Ecclesia & tutior; nempe quodd regulariter extra præactos duos casus, non daretur remissio peccatorum sine actuali perceptione baptismi, aut reconciliationis; & quodd nemo de se præsumere deberet, quod extra duos illos casus haberet remissionem criminum sine sacramenti perceptione. Quas duas sententias audivi aliquando ex consensu omnium Magistrorum nostræ facultatis probari. Unde etiam scriptum reliquit D. Ruardus tomo 2. Articulorum, quodd præsumptio & temeritas esset expectare à Deo remissionem peccatorum sine his sacramentis, quando necessitas ea non excludit. Licet nunc non desint, qui confidentiâ litterarum Apostolicarum, de quibus agimus, audeant palam asserere, certum esse quodd quisquis diligit Deum super omnia, hoc ipso habeat remissionem peccatorum; quod quomodo conveniet iis Doctoribus, qui definiunt quodd homo possit diligere Deum super omnia ex solis naturalibus sine gratia, studiosis discutiendum relinquo. Certè Thomas Waldensis extra duos prædictos casus, usque adeo urget necessitatem sacramentorum, ut etiam Cornelium Centurionem, & alios charitate flagrantem dicat non habuisse remissionem peccatorum, nisi cum perceptione Sacramentorum; idque in eo libro, qui per Fœlicis Recordationis Martinum V. in Consistorio Cardinalium contra hæresim Wiclefi approbatus est, sicut supra (b) latè professi sumus sent. 32. & 33. Quia igitur ad prædictas utilitates in hanc partem propensiores fuimus, idèd nostri æmuli hanc & plures alias sententias pro suo arbitratu cum verborum exorbitantiis confixerunt, quasi defendissemus contritionem etiam charitate perfectam non obtinere remissionem peccatorum, aut quasi sententias aliquas (c) contentiosè disputandas proposuissemus, quod apertissimè falsum est. Licet non ignoraretur nos id sentire, quod diximus, sicut etiam doceri videtur in Actis; ubi Paulus sibi prius ingenti devotione converso dictum ab Anania fuisse refert: Et nunc quid moraris? exurge, & baptizare, & ablue peccata tua invocato nomine ipsius. Si enim Apostolus post tantam animi conversionem adhuc peccata sua debebat ablueri; miror quis extra casum necessitatis audebit sibi de remissione peccatorum ante sacramenti susceptionem blandiri. Augustinus etiam magnâ animi devotione ad Deum conversus erat, sicut refert in suis Confessionibus.

(b) Al.
dictum est.

(c) Al.
contentiosè.

tionibus, & tamen audacter pronuntiat peccata sibi in sacramenti susceptione demum remissa. Unde lib. 9. cap. 2. *Hoc peccatum*, inquit, *cum ceteris horrendis & funereis in aqua sancta ignorasti & remisisti mihi*: (a) (Item capite 4. ejusdem libri cum retulisset se mirabiliter curatum à dolore dentium; atramentum subdit de fide quam etiam cum suis sociis impetravit.) *Es ea fides me securum esse non sinebat de præteritis peccatis meis, quæ mihi per baptismum tunc remissa nondum erant.* Et cap. 6. *Baptizati sumus*, inquit, & *fugit à nobis sollicitudo vitæ præterita.* Item tractat. 13. in Joan. *Quantumcumque Catechumenus proficiat, adhuc sarcinam suam iniquitatis portat*; non illi dimittitur, nisi cum venerit ad baptismum. Quæ autem baptismatis, eadem est reconciliationis ratio; ut habet idem Augustinus in fine prioris libri de *adulterinis conjugiiis*. Ex quibus omnibus intelligimus, neminem relapsum in crimina regulariter posse præsumere, se extra casum necessitatis remissionem peccatorum accepisse, sine actuali reconciliatione: sicut etiam docet Hugo de Sancto Victore, & Bernardus ep. 77. Id quod si verum est, quam utilitatem habet illa doctrina, quæ per charitatem sine perceptione sacramenti tantopere urget remissionem peccatorum, nisi ut homines in suâ contritione consili, aut negligent aut differant perceptionem sacramenti & semetipsos decipiant, sicut supra ostendimus? Nec puto ad alium finem petitam esse à Collectore damnationem hujus sententiæ, quàm ut præfactum errorem latenter defenderet; quia mihi satis constat eum ex iis fratribus esse, qui Traditionem initio hujus disputationis positam urgebant, contra Decretum Concilii Tridentini, quo prohibetur sub pœna excommunicationis, ne quis doceat licere habitum sacerdotis copiam, post admissum crimen, sacram Eucharistiam sumere sine absolutione sacerdotis. Quod de contritione etiam charitate perfectâ additur, omnino fingitur, quia nihil tale umquam aut diximus aut sensimus; perfecta enim charitas foras mittit timorem; qui timor foras non mittitur, quamdiu is, qui conteritur, æternæ damnationis reus invenitur: nisi fortè ea charitas etiam perfecta intelligatur, quâ quis paratus est pro justitia aut pro fratribus animam ponere; majorem enim charitatem nemo habet, (b) quàm ut ponat animam suam pro amicis suis: Et tamen Catechumeni, qui talem habent charitatem, non cum ad mortem subeundam sunt parati, sed cum martyrium subeunt, & per martyrium quod subeunt dicuntur à peccatis suis liberari.

(a) doceant
in edictis.

(b) Al
omnir.

Fatemur tamen, Omnipotentis benignitatem id, quod ex baptismo deest, supplere, quando ad celebrandum baptismi mysterium, in angustiis temporum fidelibus & corde conversis succurri non potest, quia id docet Augustinus lib. 4. contra Donat. c. 24. & 25. Ambros. de obitu Valentiniiani: & Bern. ep. 77. juxta Scripturam: *Non dereliquisti quærentes te Domine*: Item: *qui credit in eum non confundetur.* Quod verò Augustinus ep. 180. ad Honorat. dicit, perire eos, qui ministrorum defectu in extrema necessitate baptismi, vel sacramento reconciliationis destituuntur; quantum attinet ad scelus eorum, qui ministerium expetunt, dixisse intelligendus est. Sicut similia Cypriani verba interpretatur ipse Augustinus ep. 23. ad Bonifacium.

Sunt

(a) Al.
dispositio-
nis.

Sunt qui putant Dei misericordiâ in extrema necessitate per fidem & devotionem sine sacramento non salvari eos omnes, qui accedente sacramento salvarentur: quia existimant divinam misericordiam non supplere id, quod ex defectu Sacramenti deest, nisi ex merito cuiusdam eminentis contritionis sive (a) devotionis, quam etiam extra necessitatem sine sacramento sufficere arbitrantur. Sed quantum nobis videtur, hæc sententia neque satis consolatur eos, qui in necessitate positi non possunt consequi sacramenta; neque eos, qui sunt extra necessitatem, satis docet sacramenta necessaria honorare. In priori sua parte contradicit his & similibus scripturis: *Non dereliquisti quærentes te Domine: & capitulo, debiti, de baptismo & ejus effectu*: item D. Bernardo in serm. de Innocentibus. In posteriori autem parte contradicit his & similibus scripturis: *Nisi quis renatus fuerit ex aqua &c.*

Et certè si consideretur, quanta necessitatis ratio habeatur in humano tribunali, in quo reluctum quædam divini iudicii vestigia; faciliè deprehenditur etiam rationi consonum esse quod diximus; nempe quoddam apud supremum Judicem ad peccatorum remissionem sine sacramento in necessitate valeat ea contritio, quæ extra necessitatem sine illis non sufficeret. Hanc sententiam etiam secutus est Magister noster Jacobus Latomus in lib. *de confessione secreta*, ostendens ex veteribus, quoddam remissionem peccatorum in cælis præcedere debeat remissio quæ fit in terris.

LXIX. *Omnes omnino justorum afflictiones sunt ultiones peccatorum ipsorum: unde & Job & sancti Martyres, quæ passi sunt, propter peccata sua passi sunt.*

Collector sententiarum hic more suo non prætermittit verborum exorbitantias, quibus sententiam hanc ita exprimeret, ut facilius damnationem obtineret, dicens: *omnes omnino justorum afflictiones &c.* Cùm nihil aliud umquam dixerimus, quàm quod dicit D. Thom. 1. 2. q. 87. a. 7. nempe quoddam omnis poena sit propter culpam aliquam etiam propriam, ut habet in corpore: vel, sicut idem citat ex lib. 1. Retract. Sancti Augustini c. 9 quoddam omnis poena justa sit, & quoddam pro peccato aliquo impendatur: nam licet poena à Deo puniente propter varias causas finales inferatur, quas explicat D. Gregorius in præfat. Moral. in Job cap. 9. attamen semper præsupponit peccati meritum. Nec ponit D. Thomas aut Bonavent. (qui in 2. dist. 19. a. 2. q. 1. in hac re illi consentit) differentiam aliquam inter Martyres aliosque excellentes Sanctos, & inter communes fideles; quasi videlicet communes fideles semper pro peccatis suis puniantur; Martyres verò, & alii excellentes sancti, ut Job, aliquando sine aliquo peccati merito, sicut prætereundum videtur hujus sententiæ damnatio: sed de his omnibus, tam bonis, quàm malis uniformiter loquitur; sicut etiam de fidelibus generaliter loquitur Apostolus: *si Christus in vobis est, corpus quidem mortuum est propter peccatum*, id est, merito peccati, inquit Augustinus lib. 1. de pecc. mer. cap. 6. *spiritus verò vivit* (vel, ut ipse legit) *vita propter justitiam*, id est, merito justitiæ.

Cæterum quia Collector hic pro re absurda adducit, quodd Martyrea omnia, quæ patiuntur, pro peccatis suis patiantur; miror an pro Martyribus non habeat tres pueros, qui in medio flammæ ignis sibi mirabiliter parentis, laudantes Deum confitebantur quodd Deus in veritate & iudicio induxisset omnia hæc propter peccata sua: similiter etiam septem fratres Machabæos, quorum sextus in mortis afflictione positus aiebat. Nos propter nosmetipsos hæc patimur, peccantes in Deum nostrum. Et septimus: nos propter peccata nostra hæc patimur. (1) [An verò putat eos adulando esse mentitos? (a) decrant in calis.] Non hoc sentit Augustinus epist. 122. ubi horum Martyrum dicta prosequitur. Sed de hac re latius diximus in eo scripto quod nuper Romam misimus Sanctiss. D. Nostro porrigendum.]

LXX. Nemo præter Christum est absque peccato originali. Hinc B. Virgo mortua est propter peccatum ex Adam contractum, omnesque ejus afflictiones in hac vita, sicut & aliorum justorum, fuerunt ultiones peccati actualis vel originalis.

In hac sententia, quam Collector damnandam obtulit, ingeniosè convolvitur quæstio de Conceptione B. Mariæ Virginis; ut videlicet saltem in speciem per litteras Sanctissimi D. Nostri damnata videatur sententia dicentium B. Mariam in peccato originali conceptam. Nam licet à Fœl. record. Sixto IV. & Concilio Tridentino definitum sit, hanc quæstionem debere esse liberam: & licet non tantum universi Patres, sed & Scholastici Doctores, qui in scriptis suis hujus quæstionis meminerunt, sentiant B. Virginem conceptam in peccato originali; attamen qui hæc sollicitaverunt, non patiuntur ut quis ea de re dubitet; adeo ut in ejus rei confirmationem per totam provinciam Flandriæ ordinaverint singulis diebus sabbathi per totum annum In suis cœnobiis solemniter cantari Missam de Conceptione B. Mariæ Virginis: statimque datis litteris Apostolicis, quibus hæc sententia damnatur, quidam ex horum consortio litteris ad me missis, hoc unicum me cum exposulaverint, quodd ausus fuisset dicere B. Virginem conceptam in peccato originis: id quodd licet verum non esset, quia ego hanc quæstionem numquam disputavi; attamen ostendit, quidd Collector cum suo consortio in hujus sententiæ damnatione quæstiverit, & quàm dolosè Sanctissimo Domino Nostro obreperit, ut hæc sententia non tantum per Concilium Basileense, sed etiam per Sanctissimum D. N. Pium V. contra decretum Fœl. record. Sixti IV. & contra determinationem Concilii Tridentini damnata putetur. Si igitur dicatur D. Virgo concepta in peccato originis, id quodd prohiberi non potest sine pena excommunicationis, ut patet ex Decreto ipsius Sixti, nescio an absurdius sit dicere, quodd etiam si Christus in ea fuerit, tamen corpus ejus mortuum fuerit propter peccatum, quàm de aliis Sanctis: maxime quia hoc etiam nominatim dicere videtur Augustinus, sicut in scripto, cujus præcedenti sententiâ meminimus, latius ostendimus. Ego tamen antehac quæstionem hanc numquam disputavi.

(a) Ex e.
ult. libri
De peccat. orig.
malè colle-
cta.

LXXI. (a) *Concupiscentia in venatis relapsis in peccatum mortale, in quibus jam dominatur, peccatum est, sicut & alii habitus pravi.*

(b) hic
locus
in editis
omnino
corruptus.

De hac questione nihil umquam amplius audiui: attamen cum habitus ille ex genere suo malus sit, sicut & proprius ejus actus; non satis assequor, quomodo plenus consensus in actum ipsius peccatum sit simul cum ipso actu, & non etiam peccatum sit plenus consensus in habitum simul cum ipso habitu? *Multum enim fallitur homo, (b) inquit August. de nupt. & concupisc. lib. 1. cap. 28. qui consentiens concupiscentie carnis suae, putat sibi adhuc esse dicendum: non ego oporor illud; ut videlicet à peccato excusetur. Nam si à peccato concupiscendi non excusatur, quisquis illi consentit, quomodo à peccato habitus mali excusatur, qui illi consensum præbere invenitur; & similis videtur de aliis etiam habitibus malis ratio.*

(c) Ex
c. 2. de
pecc. orig.
collecta.

LXXII. (c) *Motus pravi concupiscentiae sunt pro statu hominis vitiatum prohibiti præcepto: non concupisces: unde homo eos sentiens, sed non consentiens, transgreditur præceptum. Non concupisces; quamvis transgressio in peccatum non deputatur.*

Collector suggerens damnandum quod motus pravæ concupiscentiæ sint prohibiti pro statu hominis vitiatum, satis significat se sentire quod omnes motus concupiscentiæ male prohibiti fuerint pro statu hominis integri. Oro igitur ut explicet quomodo præceptum illud; *non concupisces*; quod naturale est & immutabile, sic immutatum sit per hominis lapsum, ut post peccatum non amplius prohibeat eos motus, quos ante peccatum prohibebat. Sed de hac re latius diximus sent. 48. quæ sine ulla necessitate hic aliis verbis iterum replicatur.

LXXIII. *Quamdiu aliquid concupiscentiae carnalis in diligente est, non facis præceptum: Diliges Dominum Deum tuum ex toto corde tuo.*

Hæc sententia hæretica est, quia qui diligit proximum legem implevit, & qui non diligit, manet in morte. Sed quamdiu hic vivitur, præceptum illud non impletur eâ perfectione, ut amplius non peccetur. Imò, ut ait Augustinus de perfect. justitiæ: cum adhuc aliquid est carnalis concupiscentiæ, quod vel continendo, frenetur, non omnino ex tota anima diligitur Deus. Quam D. Augustini sententiam, an Collector alicubi repertam aut audiatam, more suo omisissis ac immutatis aliquot voculis damnari intenderit, ipse viderit. Nos enim nihil umquam tale aut diximus, aut sentimus; sed potius contrarium.

LXXIV. *Satisfactiones laboriosæ justificationum non valent expiare de condigno panam temporalem restantem post culpam condonatam.*

Ex c. 1.
de Indulg.
malè col-
lecta.

(a) Hæc sententia continetur suprà in sententia 56. de qua ibi diximus. Et videtur esse sententia Bonaventuræ, Durandi & Concilii Tridentini.

(a) hæc
dixerant in
editis,

LXXV. *Immortalitas primi hominis non erat gratia beneficium, sed naturalis conditio.*

Multi Doctores asserunt primum hominem conditum quidem rectum: nam hoc dicit Scriptura sacra: sed tamen in puris naturalibus sine beneficio gratiæ. Si igitur Deus eum-talem reliquisset, qualem eum, secundum eorum opinionem, fecerat, & sine omni peccato se gubernasset, (hoc enim sine gratia fieri potuisse testatur Bonaventura) miror, an lege naturæ, sine ullius culpæ merito aliquando mortuus fuisset; præsertim cum dicat Augustinus lib. 13. *de Civis.* cap. 15. ipsam corporis mortem, non legem naturæ, sed merito peccati inflictam esse. Et lib. 1. *Retract.* cap. 11. Nullam ægritudinem corpora nostra pati possent ante peccatum. Et Bonaventura dicit, ordinem justitiæ non permittere punitionem sine prævia culpa. Ego quidem hanc quæstionem numquam disputavi, attamen cuperem doceri, quibus Scripturæ sacre, aut veterum scriptorum testimoniis moveantur, qui hanc sententiam tam absurdam putant, ut damnari mereatur.

LXXVI. *Falsa est Doctorum sententia, primum hominem potuisse à Deo creari, & institui sine justitiâ naturali.*

Doctores multi, imò ferè omnes, unico excepto D. Thoma, dicunt primum hominem non tantum potuisse creari sine gratia, sed etiam sic esse creatum, & postea beneficio gratiæ sublimatum; eo modo, quo Pelagius infantes nasci docebat; & postea Christi beneficio per baptismum in Dei filios sublimari.

Sed an creatus sit, an creari potuerit sine justitiâ naturali, nec umquam disputavi, nec apud ullum Doctorem disputatum inveni. Quapropter nescio quorum Doctorum sententia sit, quam Collector hic fingit reprehendi. Scio hominem à Deo rectum fuisse conditum, nec potuisse creari vitiosum, ac injustum, qualis nunc nascitur. Sed an homo habens rationem & voluntatem, talis à Deo fieri poterit, ut ratio & voluntas ejus neque recta, neque curva esset aut vitiosa, sed inter utrumque media; alia quæstio est, quam neque umquam disputavi, neque ab aliquo disputatam inveni. Nam quod ait Augustinus lib. 2. *de pecc. mer.* cap. 18. *Mirum si voluntas potest in medio quodam ita consistere, ut nec bona, nec mala sit;* non de potentia, sed de actu tantum videtur dicere. Vellem tamen quæstionem, quam ex Scripturis factis dissolvere non possum, prius invenissem ab aliquo ex professo disputatam, quam damnatam.

Hæc breviter circa damnatas sententias adnotanda putavi, non tantum ut artes & calumnias eorum ostenderem, qui illas ex emulatione confectas ad subversionem proximorum, longè & diligenti instantiâ damnari curaverunt; sed etiam ut Sanctissimo Domino Nostro nonnulla eorum suggererem, quæ circa quarundam damnationem eruditos forsitan non sine scandalo movere possent.

I. V. X. I.

REVERENDISSIMO

A T Q U E

ILLUSTRISSIMO

DOMINO

DOMINO LUDOVICO

SIMONETÆ CARDINALI

F. T. S. CYRIACI

IN THERMIS.

Reverendissime & Illustrissime Domine Cardinalis, non lubens interturbo densissimas gravissimarum occupationum (a) curas, quibus non dubito Illustrissimam Gratiam tuam quotidie distineri. Sed quia id quod scribere constitui, non tantum meam existimationem, sed (b) etiam doctrinam pietatis, & sedis Apostolicæ reputationem contingere videtur, non me continui; quin illud paucis apernem. Ante annos octodecim, cum primum cœpi publicè & quotidie sacram Theologiam in Scholis nostris profiteri, partim ob Hæreticos, qui nihil audire volunt, nisi Scripturam sacram & veterum dicta Sanctorum, partim etiam ob consortium cum optimo quodam & eruditissimo viro Joanne Hassels, Sacræ Theologiæ Professore, qui eandem docendi normam sequebatur in lectione, quatuordecim annos continuos Deo me confortante quotidie profecturus sum; post lectionem Petri Lombardi & alicujus Doctoris.

(a) AL.
urbat.

(b) AL.
sed &.

ris Scholaſtici, conatus ſum ſacræ Theologiæ ſtudio ſtatim revocare ad Scripturam ſacram, & veterum ſcripta Sanctorum, Cypriani, Ambroſii, Hieronymi, Auguſtini, Leonis, Proſperi, Gregorii, & ſimilium, quos etiam Hæretici ſaltem aliqua ex parte venerantur. Sicut autem qui Scotum ſequuntur, nonnulla afferunt, quæ Beati Thomæ aut Bonaventuræ ſtudioſis minùs arident, ſic etiam dum noſ totos ad horum Veterum, & præſertim D. Auguſtini (qui in tractandis quæſtionibus omnium diligentiffimus fuit) imitationem formare conamur, & in lucem proferre, quæ in illis videbantur abdita contineri; nonnulla occurrunt, quæ aliter aſſuetis minùs placuerunt, & iis poſſimùs, qui ſine magno ſtudio id potiùs ſequendum putabant, quòd apud plures receptum erat, quàm quòd ex ſolis Scripturæ ſacræ fundamentis diligenti ſtudio conſtituebatur; & ſuam reprehentionem interpretabantur, quidquid aliter, aut aliis verbis dicebatur, aut diſputabatur, quàm ipſi dicere, aut in ſuis ſummariis Doctõribus legere conſueverant. Hac occasione natæ ſunt remotiones, & à nonnullis (ſuppreſſis ſuis nominibus) in noſtram reprehentionem excogitatæ, ac quibuſdam Magiſtris ante ſeptem aut octo annos oblatæ neſcio quæ ſententiæ, quas Magiſtro noſtro Joanni Heſſels & mihi impingebant; licet nonnullæ eſſent à noſtro ſenſu alieniſſimæ, nonnullæ verò numquam à nobis neque in unam, neque in alteram partem diſputatæ; omnes verò, vel ſaltem pleræque eo artificio ab eis excogitatæ & expreſſæ, ut vel ob ſolum ſermonem ſuſpectæ haberi poſſent, præſertim apud eos, qui ejuſmodi quæſtionibus ex profeſſo non ſatis incubuiſſent. Reſpondimus tunc ſcripto, de quo hæctenus adhuc nullam querelam audivimus; licet illud ante annos ſex tradiderimus Reverendiſſimo atque Illuſtriſſimo Domino Granvellano, qui ſententias nobis tradiderat. Cùmque putaremus univerſa hæc jam dudum eſſe ſopita, (nam à pluribus annis in univerſitate Lovaniënſi nulla extitit hujus rei mentio) occasione quarundam contentionum, quæ circa id temporis inter quosdam Fratres Minores in Provincia Flandriæ exortæ ſunt, quorum alii, nobis inſciis, libellos noſtros allegabant, alii verò eos improbant; pars una, nobis nihil tale ſuſpicantibus, ad Conſratos Hiſpanos cum ſententiis non tam collectis, quàm in alterius partis accuſationem à ſe excogitatæ, & propriis verbis expreſſis recurrit. Per quos (a) primùm præjudicia, deinde poſt multam & longam ſollicitationem etiam tempore Pii IV. ſcelicis recordationis in- (a) Al. prius. ceptam, ut intelligo, tandem à Sanctiſſimo Domino Noſtro Pio V. obtinuerunt Bullam datam Calendis Octobris anni 1567. in qua damnantur 76. ſententiæ; quarum priores ſexaginta aut circiter, tacito quidem nomine, attamen intelligentibus ſatis apertè ſignificantur expreſſæ ex quibuſdam libellis meis, ſicut etiam palam, & nominatim in congregatione facultatis noſtræ teſtatus eſt, qui Bullam ex commiſſione Reverendiſſimi atque Illuſtriſſimi Domini Granvellani nobis exhibuit, recipiens ad ſe libellos meos, qui adhuc apud impreſſorem reſtabant, ac ſcripta Domini Heſſels jam deſuncti, cum libello quodam, qui tunc imprimebatur: reliquæ verò ſententiæ neſcio unde ſint deſumptæ, in quibus colligendis quæ fide uſi ſint, qui eas ſuppeditayerunt, poterit Illuſtriſſima prudentia tua ex ſcripto hîc annexo, &

libello impresso, quem transmitto, inter se collatis conficere. Designavi enim libellos meos ex quibus excerpuntur, & loca libellorum per numeros sententiis præmissos in margine descripsi, ut sine labore ab iis reperiri queant, qui relationis meæ veritatem excutiant. Erant plures sententiæ non satis fideliter excerptæ; sed has puto sufficere, ut demonstretur sinceritas & vigilantia eorum, qui sententias damnandas suppediaverunt. Scriptum istud nemini adhuc in hac regione tradidi describendum: sentio tamen multa in eo contenta à studiosis, qui sententias contentas in bulla habent, quotidie observari, & per totam hanc patriam rerum novarum plus satis avidam, paulatim dispergi, non sine detrimento existimationis sanctissimæ Sedis Apostolicæ, non solum apud vulgus & alios plures, qui erga illam malè animati quidvis faciliè de eâ suspicantur; sed etiam apud multos eruditos, & sedis Apostolicæ strenuos alioqui defensores, quos ex hac re metuo, imò satis scio, in cordibus suis scandalum pati. Mei ac Domini Hessels, nec non libellorum nostrorum in re tanta forsitan exigua habenda est ratio, quia Dominus Hessels jam defunctus est, & ego non diu vivam, nec libelli nostri eo genio scripti sunt, ut diu superesse queant, etsi eos nemo violenter interimat, (ut interim taceam quoddam per hanc contradictionem apud multos veluti revixerunt:) sed maxima habenda est ratio veritatis, & veterum scriptorum, qui per hanc bullam multis videntur improbari. Magna etiam habenda est ratio existimationis Sanctæ Sedis Apostolicæ, ac Sanctissimi Domini Nostri Pii V. qui nunc in ea feliciter residet, ne per quorundam astutam obreptionem hoc pessimo rerum statu doctrinæ Sanctorum Patrum, ex qua fides Catholica defenditur, & viris Catholicis in aliquo præjudicasse putetur. Nam ejus rei suspicionem forsitan etiam augebit, quoddam licet penè per totam hanc regionem evulgatum sit, nescio an industria eorum, qui bullam sollicitaverunt, me & Dominum Hessels, tamquam novæ doctrinæ Autores, damnatis libellis nostris esse per Summum Pontificem excommunicatos ob hæresim, exultantibus hæreticis, qui ob officium Sanctæ Inquisitionis, quo usque ad turbationem patriæ hujus sum functus, & ob alia multa nos ex folis nominibus oderunt. Attamen negatur Bullæ copia, perinde ac si exsequentibus eam suscepta foret. Scripsissem de hac re Illustrissimo ac Reverendissimo Domino Granvellano, cujus erga me benevolentiam hætenus in pluribus sum expertus; nam ejus discretioni commissa est Bullæ executio: sed metuo ne animus ejus sit ab aliis præoccupatus, qui Bullam impetraverunt. Quapropter non existimavi meo muneri satisfactum, nisi rem totam, quantum exemplaris patiebatur angustia, alicui exponerem, de quo omnino considerem, quoddam illam Sææ Sanctitatis sincerè exponeret, saltem si id judicaret expedire; nam si id non expediat, possunt universa, quæ mitti, exiguo chartæ detrimento aut supprimi, aut cremari: utcumque enim veniat, conatus sum conscientiæ meæ satisfacere coram Deo, cui ego negotiis successum relinquo; licet me & alios plures non parum excruciet. Mitto quod ante annos quinque Dominus Hessels & ego scripsimus; & primum per Reverendissimum & Illustrissimum Dominum Granvellanum; deinde etiam per Eximium virum Fratrem Petrum de Soto,

555

qui paulò ante adventum nostrum Tridenti defunctus est, foelicis recordationis Pio IV. misimus super una sententia, quam nunc in Bulla etiam damnatam reperio; ut (si ita videatur) legi possit & discuti; nam ego hactenus illud nemini in hac regione tradidi. Scio horum omnium iudicium Sacro sanctæ Sedi Apostolicæ jure divino competere: cui etiam decrevi in his, & aliis omnibus obedire; attamen non existimavi me ab obedientiæ officio recessurum, si per exonerationem conscientiae meae nonnulla eorum, quæ me movent, illi indicari curarem, ut ex illorum consideratione, si ita videretur, posset attendere, ne fortè sibi ab iis imponi permiserit, quibus ad statuendas suas opiniones, magis studio est quàmvis arte homines in hac vitæ miseria veritatem sollicitè quærentes vincere, quàm errores. Sin verò aliud videbitur, ego saltem in hac parte videbor mihi meo functus officio; nec aliud supererit, quàm ut me ad patientiam componam, & imminenti morti præparem. Deus Reverendissimam & Illustrissimam gratiam tuam diu Ecclesiæ suæ servet incolumem. Lovanti 16. Martii stilo Romano.

Reverendissimæ atque Illustrissimæ Gratiae tuæ
addictissimus servitor.

Michaël du Bay.

*Cardinalis iste obiit Roma priusquam hæc
littera ad manus ejus pervenirent.*

MAXIMILIANI MORILLON

EPISTOLA

CARDINALI GRANVELLANO

MONSIEUR,

Ex Cardinalis
Granvel-
lani Regi-
stro pri-
mum edi-
ta.

(a) Mi-
chael
Baius.

(b) Breve
Pii V. Mi-
chaeli

Baius: ut
supra rela-
tum est.

(c) Mi-
chaelum
Baium.

(d) Baius
crimini
ducitur

quod Apo-
logiam
scripserit.

(e) Baii
humilitas.

(f) ejura-
tio ab eo
exigitur.

(g) inde
arguitur
articulus

non fuisse
damnaus
in rigore

et proprio
verborum
sensu ab
autore in-
tenio.

(h) nullum Bullæ Pii V. exemplum ipsi Doctoribus Lovanienſibus datum.

Comma (a) celui à qui s'adressoit le (b) Bref, se trouva aujourd'uy cheant
un peu après midi ainsi que s'estoit chez mon Beaufrere, je mandis au même
instant Mr. le Curé de Sainte Goule, l'informant sommairement de ce que
j'avois à negocier avec le susdit, le priant d'attendre au jardin jusques je l'appello-
roie: & passant outre en vòtre Maison j'allis trouver le dit (c) personnage, au quel
après aucuns divilx communs je declairis ma charge, lui presentant le dit Bref,
& la lecture de vòtre lettre. Il trouva de prime face estrange que l'on le jugeoit
avoir failli d'avoir recouru (d) vers sa Sainteté, & que pour cela il fust tombé en
Censures & Irregularitez. Je lui remis au devant le point de l'obeissance qu'il avoit
toujours fait profession porter au saint Siege Apostolique. Il me dist qu'il estoit prest
d'obeir, & (e) se mist à genoux pour l'absolution. Je lui dis que je lui baillerois
pourveu qu'il (f) obſervât. Il me demanda qu'il chose il abſerveroit. Je dis, les propo-
sitions reprouvées par sa Sainteté. Il se leva & dist qu'il ne le pouvoit faire s'il n'a-
voit copie de la Bulle, pour estre par icelle dit QUE (g) AULCUNES PROPOSI-
TIONS SEROIENT SOUTENABLES IN RIGORE ET PROPRIO VERBORUM
SENSU. Je dis que je ne la (h) pouvoie donner, & qu'il ſçavoit bien que ayant
écrit à Rome pour les avoir, il ne les avoit ſeu obtenir, comme aussi n'avoient ses
adversaires, pourceque le vouloir de sa Sainteté estoit de mettre tout sous les pieds.
Il me dist que cela lui sembloit tres bien, priant que l'on donna ordre que l'on ne les
disputa plus à Louvain, dont je parlerai à Mr. Tiletz; car il n'en peut bien venir.
Il dist davantage que les dites propositions sont semées par tout, même jusqu'à Pa-
ris: dont je ſçais que la faute vient dudit (i) Tiletz qui les a communiqué, com-
me je pense avoir autrefois écrit à Vòtre Illuſtriſſime Seigneurie, à Messieurs
(k) d'Ippe & de Ruremonde, & eux à leurs amis. Et ajoutoit le dit personnage qu'il
y auroit lieu d'accommodement si les censures papales fussent jointes pour donner
icelles la distinction & difference. Je lui dis que je remettois cela à sa Sainteté, pour
n'en avoir charge, & le ſommis de sans autre replique satisfaire au dit Bref, le
priant de le retirer & aussi vòtre lettre. Il lui échappa de dire qu'il estoit en opi-
nion que vòtre Illuſtriſſime Seigneurie avoit procuré le dit Bref. Je repondis que je le

(h) nullum Bullæ Pii V. exemplum ipsi Doctoribus Lovanienſibus datum. (i) Tiletanus articulorum cenſu-
ram diſſemina contra Pontificis prohibitionem. Hinc novæ rixæ. (k) Martino Rythovio & Guillelmo Lindano.

croirois il confessa que lui aviez esté auteur de repliquer par lettres comme il avoit fait; & que c'estoit mal reconnoître ce qu'aviez fait pour lui afin qu'il ne fust traité avec rigueur: & requerans derechef de ne sortir de l'obeissance qu'il devoit au Chief de l'Eglise; & que je lui avoie souvent oui dire estre le juge de la doctrine; & qu'il regarda de ne se perdre. Il releut le dit Bref & votre lettre: & Payant achevée, me pria de lui pardonner ce qu'il avoit dit contre votre Illustrissime Seigneurie, reconnoissant qu'il avoit tort; & adjousta qu'il estoit prest pour obeir, & de jamais plus rien toucher quant aux dites propositions, & qu'il desiroit estre absous. Je lui dis que (a) l'ab-juration devoit preceder. Il repliqua que cela lui donnoit (b) grande perplexité, pour la diversité des propositions. Et comme je me commençoit à fâcher, d'autant qu'avions esté bien heur & demie ensemble, parce qu'il avoit entrelassé un monde de propos & raisons qui seroient trop longues à écrire, aux quelles (c) je ne lui pouvois donner telle solution que feroit ung de sa profession. Je lui demandis s'il ne trouveroit bon que je fisse entrer (d) le dit Maître que j'avois mandé pour se nous en eussions à faire. Il me dist qu'il le verroit fort volontiers. Venu qu'il fut, je lui fis entendre la difficulté que passoit sur l'abjuration des propositions, pour la diversité d'iceux. Le dit Curé commença par grande douleur, mais apres il lui lava fort bien la teste, disant puisque nôtre Saint Pere defendoit les dites propositions, ce n'estoit à lui d'en parler, & qu'il estoit plus tenu d'obeir au Pape, que à lui les Bacheliers de Theologie aux quels il commandoit: desorte que le dit Curé par laid & moi par beau lui representâmes l'evident dangier où il se mettoit, s'il ne s'accommodoit. Et pour ce que afin de l'appaiser j'avois consenti lui donner vission de ladite Bulle, que je feignit estre chez mon Beaufrere, je heus le moyen les laisser tous deux ensemble, & retournis au bout d'ung quart d'heure disant que la dite Bulle n'y estoit. Lorsque le dit (e) personnage respondit que cela n'emportoit, & qu'il ne la vouloit voir, estant resolu & prest sans jamais vouloir repliquer, d'obeir absolument à nôtre Saint Pere, & suivre le bon avis que lui avoit donné le dit Curé, qu'estoit (f) d'abjurer toutes les propositions contenues en la Bulle suivant le Decret, censure, & intention de sa Sainteté, & se prosterna à genoux. Je receus son abjuration tenant ses mains entre les miennes, & l'absolvit, & rehabilité selon que verrez par l'Acte. Esperant que pour la presente d'un dit Curé votre Illustrissime Seigneurie ne jugera que le secret qu'elle m'a tant enchargé, ne soit esté gardé, puisque le dit personnage s'en est tenu content. Aussi ay-je joint au dit Curé le secret: il est homme grave & confident: aussi servira l'Acte de plus grande preuve de mon devoir en ce que votre Illustrissime Seigneurie m'at de la part de sa Sainteté si expressément commandé, n'ayant perdu une minute de tems pour l'executer depuis votre lettre reçue. Je loüe dieu que ce soit avec son succés, que je tiens m'avoir inspiré de prendre l'aide du dit Curé, sans laquelle je n'en fusse si tost venu à chief. MONSEIGNEUR, apres m'estre recom-mandé tres humblement à la bonne grace de votre Illustrissime & Reverendissime Seigneurie, je prie le Createur de lui donner ses desirs.

DE VOTRE ILLUSTRISSE SEIGNEURIE.

de Bruxelles ce 20. Juin 1569.

Le dit personnage retourne encore
se soir se montrant content & à repos.

Tres humble & tres obeissant serviteur

MAX. MORILLON.

R

Je

(a) à Baio
exiguus
ejunctio.

(b) Cur
Baius ejur-
rare refu-
git.

(c) Monil-
ion ite-
rum fac-
tur se non
esse Theo-
logum.

(d) Pleba-
num San-
cti Gu-
dulz.

(e) Ni-
chaci Ba-
ius.

(f) Baius
minus dex-
ritus ac
falsis cri-
minatio-
nibus op-
pressus tan-
dem
ejurat Ar-
ticulos ad-
mentem
Pontificis,
sed sine
ulla sub-
scriptio-
ne, & ab-
solvitur.

Je n'ay beu temps de parler à M. le Confesseur, parceque je crains l'on voudra serrer la malle, & je ne la veulx laisser partir sans aduersir le progres de mon besongne, du quel je ne faultray donner compte à son Excellence par le moyen du dit Confesseur s'il me procure accez.

(a) Mi-chaëlem Baïum. (b) Littera B. in cistis Granvelani denotat Regem Catholicum. (c) Amaduenfis legere non potuit nomen quod hoc spatium implet.

Le vrai serois maintenant retraer (a) le personnaige de là où il est, y entremettant l'autorité de (b) B. se sa Sainteté voulut donner la Prebende que pretendois (c) ... Monseigneur de Cambray luy donnera aussi sa Collation. Il ne duiet là où il est. Il at trop de gens aux oreilles.

EXTRACTUM ALTERIUS EPISTOLÆ MORILLONII.

(d) Baïus ne fuit ejurationali quidem subscriptus. (e) Baïus in tantis angustias ager debuit.

IL fut esté trop (d) difficile de faire sousigner celui qui at passé l'abjuration PROPTER PERPETUAM INFAMIAM. Je suis joyeux que sa Sainteté ait beu contentement de mon besongne, comme ont beu son Excellence & le dit Confesseur. (e) L'Abjurant est malade. Ce sera bien fait de le tirer hors d'icy, le pourueant à Cambray, en Tournay à ce que je penseray.

De Bruxelles le 14. Aoust. 1569.

B R E V I S

A L T E R A

MICHAELIS BAI

A P O L O G I A,

S I V E

Declaratio sententiarum ex libris per litteras Apostolicas designatis non benè excerptarum, ad Cardinalem Simonetam, cum præfixis numeris cujusque sententiæ, sicut ordine in declaratione (*seu Apologia*) ad Sanctiss. Patrem Pium V. sunt positæ.

Ex libro 2. de meritis operum.

In sententiam 13.

Hæc sententia in libello non asseritur, sicut præ tendit hæc narratio: sed contrario modo quàm hâc refertur. Tantum proponitur disputanda, hoc videlicet modo: utrum bonis operibus, quia sunt divinæ legis obedientia, an solum ex prævia operantis dignitate, vita debeat æterna: diciturque in responsione quod personæ dignitas tantum augeat rationem meriti, quantum auget rationem virtutis & boni operis: id quod Collector sententiarum subtrahit.

In sententias 14. & 15. In libello de his sententiis nihil asseritur; sed tantum ostenditur quod salva pace catholicâ possent disputari: id quod videtur Collector dissimulasse, ut sedi Apostolicæ facilius obreperet.

In sententiam 16.

Istud verum non est: quia in hoc libro (2. de mer. oper.) nulla fit hujus rei mentio nisi capite 1. ubi citatâ hâc Scripturâ: *qui non diligit me, sermones meos non servat*: subinfertur non absurdè intelligi posse, quæcunque sine

charitate fiunt, non esse veras legisobedientias. Hoc enim videtur illa Scriptura significare: *qui non diligit me, sermones meos non servat*: nec de hac re amplius aliquid dicitur.

In sententiam 17.

Capite quarto libelli (2. de mer. oper.) dicitur quoddam hi potius consentiant Pelagio, qui asserunt bona opera non esse regnū celestis merita, nisi ab eis facta qui prius in filios Dei adoptati digni sunt regno Dei: quàm qui dicunt ex eo esse merita quoddam sint obedientiæ mandatorum Dei: id est, quoddam illi sint viciniore sententiæ Pelagii, quàm isti. Sed quod Collector in sua (asse conficta) sententia præterdit, hoc libellus non dicit.

In sententiam 18.

Dicit libellus (2. de mer. oper. c. 6.) ad quoddam argumentum hoc dici posse: sed tamen hoc non definit.

In sententiam 20.

Dicit libellus (2. de mer. oper. c. 7.) quoddam licet quidam Catholici, ut Staphilus, hanc sententiam inter hæreticas numeraverint: attamen crudiores, ut Joannes Episcopus Roffensis, illam inter opiniones habuerint. Nam articulo 32. contra Lutherum, aperte confiteretur se in hac parte cum Luthero sentire. Quamobrem libellus quæstionem hanc inter fideles dicit salvâ pace catholicâ posse disputari.

Ex 1. libro de prima hominis iustitia.

In sententiam 24.

Capite octavo dicti libelli (de prima hom. iust.) dicitur quoddam naturalis beatitudo, quæ in Scripturis sacris non invenitur, & quam Pelagius suis infantibus sine baptismo decedentibus promittebat, à vanis & otiosis hominibus ex philosophia confingatur. Sed quod libellus de jam dicta beatitudine dicit, hoc Collectoris industria de supernaturali humanæ naturæ exaltatione dictum proponit, quod est aperte falsum.

Ex libro de virtutibus impiorum.

In sententiam 29.

Capite octavo (hujus libri) citatur Augustinus epistola 106. dicens quoddam Pelagius definierit, Potestatem voluntatis aliquantulum ad non peccandum valere: sed libellus verbis in sententia positus non utitur: Quapropter sententia (hæc 29.) non tam ex verbis libelli, quàm ex verbis Augustini, quæ Collector displicuerunt, videtur esse excerpta.

In sententiam 30.

Prior hujus sententiæ pars ad verbum sumpta est ex fine capituli noni (lib. de virt. imp.) sed posterior pars, videlicet a tentationi ulli sine gratiæ ipsius adjutorio resistere homo possit, sic ut in eam non inducatur, aut ab ea superetur. Hæc, inquam, pars est à Collectore & contra veritatem & contra Autoris sententiam manifestè conficta. Significat enim quoddam quisquis aliquâ tentatione pulsatur, ut putà, fornicationis, aut homicidii, is necessariò in illam eandem tentationem inducatur, nisi adjutorio gratiæ Dei liberetur. Id quod neque habet libellus; verba enim ejus sunt: *aut tentationes ullas superas sine illius adjutorio posse contendunt*. Neque etiam verum est, quia qui tenta-

tentatur ad fornicandum, is ex amore gloriæ aut pecuniæ sæpe ab hoc pernicioso affectu sine Dei adiutorio revocatur: sicut idem Autor expressè docet in libro *de libero arb.* c. 10. circa finem addens ex Augustino tunc recta vitia deputanda esse cum Dei amore vincuntur, non autem cum vitiis vincuntur occultis. Et idè manifestum est quod Collector relictis verbis libelli quæ sententiam habent Catholicam, contra sensum Autoris posteriorem hujus sententiæ partem pro suo arbitratu confinxit, ob id forsitan quod non satis illi placuerit sententia Innocentii I. quam in sua epistola tanquam definitivam referre videtur Cælestinus Pontifex; videlicet, *neceſſe est ut quo adjuvante vincimus tentationes, eo non adjuvante vincamur*: quam sententiam Autor libelli eo loco (c. 9.) quantâ potuit diligentiam prosecutus est.

Ex libro 1. De charitate.

In sententiam 31.

Hæc sententia prout exprimitur, nec ad verbum nec ad sensum invenitur in libello (*De Charitate*), nec etiam juxta intentionem libelli est vera: quia non potest esse bona conscientia, ubi non est peccatorum venia. Idè dicitur inter calumnias reputari.

In sententiam 36.

Hæc sententia, quæ ad caput quintum hujus libelli alludit, nec ad verbum nec ad sensum in libello habetur: sed est à Collectore odiosè conficta & manifestè falsa, quia amor naturalis quo parentes ex viribus naturæ diliguntur, sine injuria Crucis Christi legitime defenditur: præsertim si altiori consideratione ad dilectionem Dei referatur. Sed quod libellus de Dei dilectione dicit, hoc parum attentus Collector, additis nescio quibus odiosis sermonibus de amore naturali qui ex viribus naturæ exoritur, generaliter dictum refert: quod apertè falsum est, nisi intelligatur de amore quo aliquid tanquam finis ultimus amatur.

In sententiam 37.

Hæc sententia est ejusdem farinae cum priore: quia hoc tantum de fidei, spei & dilectionis Dei motibus dicitur: quod per inconsiderationem Collector addito etiam Pelagii nomine, suis propriis verbis de omni bono naturali dictum interpretatur. Vide caput quintum libelli *de Charitate*.

In sententiam 38.

Huic sententiæ ex capite sexto libelli (*De charitate*) desumptæ, ex solita sua liberalitate Collector adjecit verba hæc: *per Spiritum Sanctum in corda diffusum*: per quæ non tantum odiosa, sed etiam juxta intentionem libelli falsa redditur sententia. Quia licet is dilectionis motus, quo Deus ante remissionem peccatorum diligitur à Spiritu Sancto foris existente inspiretur, non tamen inspiratur per Sanctum Spiritum in corda diffusum seu inhabitantem. Et

ita hic motus sub neutra divisionis parte continetur: licet sit amor finis, de quo intelligitur sententia quæ proponitur.

Ex libro de libero arbitrio.

In sententiam 39.

Capite septimo hujus libelli (De libero arb.) dicitur quoddam libertati à servitute peccati, quàm liber est Deus & Angeli sancti, etiam in iis quæ sic volunt, ut ea non possint non velle; huic, inquam, libertati impertinens est utrum id quod fieri liberè dicitur, etiam possit non fieri. Ex quibus verbis quanto candore Collector absurdam hanc sententiam verbis à se excogitatis confecerit, consideret lector candidus.

Ex libro 2. de justitia.

In sententiam 42.

Hæc sententia nec ad verbum nec ad sensum habetur in libello; sed est merè calumniosa, & contra sensum tam libri quàm Autoris, verbis Collectoris expressa, præcipuè quoad eam partem, quæ dicit justitiam non consistere in gratia animo infusa. Nam licet libellus (2. de justitia) nomine justitiæ actum justum intelligat, sicut frequenter intelligit Scriptura sacra: hoc tamen non facit ut habitum gratiæ aut charitatis neget esse justitiam, sicut ista sententia prætendit; sed tantum ut nostri temporis hæresis resistat, qui actum justitiæ contendunt nec esse meritum, nec hominem facere meliorem: quod falsum esse convincitur, quando ipsa juxta Scripturas sacras justitia etiam nobis inhærensse demonstratur. Cui errori non ita resistunt qui justitiam, quæ ex fide est, expressè negant in actionibus consistere, sed in sola habituali renovatione constituentes, de actibus non nisi tanquam de justitiæ effectibus loquendum existimant.

In sententiam 43.

Divus Augustinus epist. 105. habet quoddam homo justificatur non solum remissione peccatorum, sed prius inspiratione fidei & timoris Dei: & contra Don. libro 4. c. 21. sicut non debemus improbare justitiam hominis, quæ prius esse cœpit quàm conjungeretur Ecclesiæ; sic non esse improbandum Evangelicum baptismi Sacramentum, etsi extra Ecclesiam fuerit acceptum. Quæ verba secutus libellus capite 7. dicit Catechumenum aut poenitentem ante remissionem peccatorum aliquid habere justitiæ. Sed quia hic sermo videbatur Collectori non satis reprehensioni obnoxius; Idè hanc sententiam verbis suis expressit, dicens quoddam in Catechumenis ante baptismum est vera justificatio, separata tamen à remissione peccatorum: Quam tamen sententiam hic à se damnatam infrà sententiâ 59. manifestè comprobatur, damnans eos qui non agnoscunt illam justitiam quæ sit quidem ex inspiratione Spiritus sancti sed nondum corda inhabitantis: quia necesse est ut talis justitia sit separata à remissione peccatorum, quam tamen hic recusat agnoscere.

Ex

*Ex libro 3. De justificatione.
In sententiam 44.*

Capite quinto hujus libelli (*de Justificatione*) dicitur expressè quòd etsi cuncta bona quæ facimus culpas quas fecimus diluere certum est, sub quo etiam intelliguntur incrementa virtutum; ex his tamen operibus quæ à Fidelibus non ob id fiunt ut vel remissionem peccatorum vel incrementa virtutum consequantur, sed solum ut Dei mandatis pareant: ex his, inquam, operibus dictum in Scripturis sacris justificari, quia sunt legis obedientia, & vera legis justitia, juxta illud: *qui facit justitiam justus est*: non quia his obtemus remissionem peccatorum aut incrementa virtutum. Collector autem hæc non attendens in sententia sua (*à se confecta*) ponit quòd dictis operibus bonis non obtinentur incrementa virtutum: quod est verbis & sensui libelli planè contrarium. Hujusmodi enim operibus obtinentur quidem incrementa virtutum: sed Scriptura sacra dicens nos ex istis operibus justificari, ad illud respicit, quòd non auditores legis justi sunt apud Deum, sed factores: non autem ad hoc quòd per hujusmodi opera etiam meremur incrementa virtutum.

*Ex libro de Sacrificio.
In sententiam 45.*

Legatur libellus (*de Sacrificio*) præsertim cap. 6. ubi assignantur quatuor rationes cur sacræ Eucharistiæ confectio præ cæteris sacrificiis generaliter dictis peculiariter nomine sacrificii celebretur: & deprehendetur quòd hæc sententia apertè hæretica, non sit nisi mera & aperta calumnia: ut libelli auctor & alii qui nil unquam tale cogitaverant, per calumniam infamarentur: quod Collectori parum honorificum est.

*Ex libro de peccato Originis.
In sententiam 46.*

De posteriori hac parte, videlicet unde peccatum originis verè habeat rationem peccati, &c. nulla fit in libello (*de pecc. Orig.*) mentio nec affirmativè nec negativè: sed videtur Collectori doluisse quòd libellus eorum sententiam non expresserit, qui docent peccatum Originis relativè ad primi parentis voluntatem; id est idèd dici peccatum, quia in nascentibus est poena ex peccaminosa primi parentis voluntate proveniens.

In sententiam 47.

De hac posteriori parte, videlicet, *ex habituali voluntate dominante*, &c. nullam mentionem facit libellus (*de pecc. Originis*): sed tantum est ipfius Collectoris commentarius.

In sententiam 52.

Collector valde dormitavit, quando hanc sententiam ex libello (*de pecc. orig.*) collegit: videlicet quòd hæc definitiva sententia, Deum homini nil præcepisse impossibile, falso tribuitur Augustino: quia hanc sententiam neque definitivam vocavit, nec eam Augustini esse aut non esse dixit *libellus*: sed hanc duntaxat: *nec impossibile aliquid potuit imperare Deus, quia iustus est; nec damnaturus est hominem pro eo quod non potuit vitare, quia pius est*: de hac, inquam, definitiva sententia dicit libellus (c. 12.) quòd non est Augustini, licet à quibusdam sub nomine Augustini citetur, sed Pelagii. Est enim sumpta ad verbum ex epistola ad Demetriadem Virginem, quam, si attendatur quæ in libello (*de pecc. orig.* c. 12.) dicuntur, evidens est Augustini non esse, cum Beda eam nominatim improbet, tanquam sit Juliani (*Episcopi Pelagiani.*)

In sententiam 53.

Hæc sententia in libello (*de pecc. orig.*) non habetur, nec ad verbum, nec ad sensum: sed potius indicatur contrarium.

Ex tractatu de oratione pro defunctis.

In sententiam 54.

Verba libelli (*hujus*) cap. 4. sic habent: *Quandiu in hac vita sumus, etiam in sceleribus ab actu & reatu purgari possumus: Deus enim per semetipsum interius voluntates Fidelium ab actu peccati purificat: & per eos quibus dictum est: quorum remiseritis &c. etiam eos à reatu liberat.* Et infra: *Deus igitur per semetipsum ab operibus, & per ministerium Sacerdotum etiam à reatibus peccatorum nos liberat, &c.* Ex quibus verbis Collector, pro suo arbitratu, non libelli sed suam confecit sententiam, addendo quod voluit, videlicet *nihil, duntaxat, solum, & similia.* Et ex istis intelligeretur libellus (c. 4.) docere quòd per ministerium sacerdotum consentientibus non daretur Spiritus Sanctus: sicut intra suam sententiâ 65. manifestius significat: quod neque in libelli neque in Authoris intentione ullo modo reperitur.

In sententiam 55.

Sententia hæc sicut ex eodem capite 4. libelli (*de orati. pro defunctis*) manifestum est, non ex verbis libelli, qui non ulla verbo *vivificare*: sed ex verbis Augustini ibi recitatis, & per Collectorem, prout illi placuit, immutatis per inadvertentiam excerpta est, addendo *solum*, ex quo intelligitur quòd Collector non minùs studeat abolere sensum Augustini, quam libelli.

In sententiam 58.

Hujus sententiæ nullam in libello mentionem invenio.

In sententiam 60.

Hæc

Hæc distinctio odiosè rejicitur, non quidem à libello qui ejus nullam facit mentionem, sed ab ipso met Collectore, qui suprà sententiâ 42. damnandum putavit quod ait libellus (de justitia c. 7.) Catechumenum aut poenitentem ante remissionem peccatorum aliquid habere justitiæ. Qui enim hoc damnat, manifestè significat ex inspiratione Spiritus Sancti nondum cor inhabitantis nullam peccatori inesse possitiam, ac proinde posteriorem suprà dictæ distinctionis partem odiosissimè & pertinaciter reprobat.

In sententiâ 61.

Hanc distinctionem quæ verissima est, libellus & libelli Autor usque adeo non improbat nec adhuc improbat, ut etiam vehementer doleat quòd eam Collector suprà sententiâ 54. non attenderit: si enim eam ibi attendisset, tunc ex verbis Augustini, quæ de priore vivificatione loquuntur, sententiam damnandam non confecisset. Et idèd mera calumnia est, quando fingit Collector distinctionem illam in libellis designatis improbari: cum in illis nulla fiat istius distinctionis mentio.

Reliquæ sententiæ, quæ sequuntur, non videntur peculiariter ex aliquibus libellis excerptæ: sed vel ex relatu, vel ex fama, vel ex Collectoris conjectura: in quibusquâ fide usus sit ostendere non possumus, sed potest ex jam dictis conjici.

Porrò de veritate sententiarum nihil dico, tum quia nescio an id esset suæ Sanctitati gratum: tum quia videtur mihi in Bulla significari quòd illæ etiam sententiæ damnentur quæ in rigore & proprio sensu verborum veræ sunt. Id quod si ita habet, mirum est ad quid ista damnatio respiciat, an ad verba inordinate posita, quæ Collector pro suo arbitratu in omnibus pene sententiis effinxit, an ad rem ipsam significatam. Si enim verba tantum damnantur; tunc ipse Collector culpatur, qui veritatem ab aliis, ut prætendit, asseritam, ejusmodi verbis expresserit ut damnavi mereatur. Deinde poterunt sententiæ verbis aliis expressæ doceri & defendi. Si autem veritas idèd damniatur; quia quibusdam Doctoribus aliter institutis displicet, tunc videtur Deo repugnari: sicut legimus in Actis: *Discedite ab hominibus istis, ne forte & Deo repugnare inveniamini. Non enim possumus aliquid adversus veritatem*, inquit Apostolus, *sed pro veritate.* Et Christus in Evangelio: *Ego in hoc natus sum, & ad hoc veni in mundum ut testimonium perhibeam veritati.* Et, *omnis qui est ex veritate, audit vocem meam.*

F I N I S.

DE his sententiis quarum hæc non fit mentio, sic breviter habet *Auctor libellorum.*

Sententia prima non habetur nisi in sententiâ 7. cum sua declaratione, & sententiâ 7. 8. & 9.

Sententia 2. est titulus capituli 2. lib. 2. *De meritis operum.*

Sententiæ tertiæ sensus habetur c. 4. l. prioris de meritis oper. similiter & cap. 3.

In Mss. F. & K subji-
cuntur
quæ hic
non duxi
omit-
tenda.

Sententia 4. habetur in c. 2. ad secundam objectionem in priore libro *De merit. oper.* ejus posterior pars habetur sub finem ultimæ paginæ.

5. sententia statim sequitur in eodem cap. ejusdem libri.

6. sententia ponitur cap. 3. libri 1. *De meritis oper.*

De sententia 10. dicit: Subicet Collector declarationem.

De sententia 11. dicit, Collectorem in sua sententia substituisse, *proprie*, pro, *proposito*.

12. sententia est titulus capitis 4. l. 2. *De mer. oper.* & à quavis Pelagii sententia non statim quis Pelagianus debet intelligi.

De sententia 16. dicit: hujus non fit mentio. Et post adjecit sententiam Apostoli, & Augustini verba in psal. 118. conc. 7. *non possunt custodiri verba Dei nisi per fidem quæ per dilectionem operatur.*

De sententia 19. dicit: Collector malè refert.

De sententia 21. ait: Collector more suo sententiam longè aliis verbis & alio sensu expressit quàm in libello continetur.

Ad sententiam 22. dicit: facile contingit ut cum hæreticis aliqua sentiamus etiam si hæretici non simus.

De sententia 23. dicit: hæc non sunt verba libelli, sed commenta alicujus æmuli.

Ad sententiam 24. Collector malè refert: non hoc dico, vide c. 8. libri *De prima hom. just.*

Ad sententiam 25. miratur cur damnatur id quod Scripturis & sanctis Patribus longè videtur esse conformius.

Ad sententiam 26. dicit, eam esse Hieronymi, Ambrosii, Augustini & Prosperi.

Ad sententiam 27. Est titulus capitis 4. l. de prima hom. just. & attendendum an probationes libelli non sint legitimæ.

De sententia 28. Est titulus capitis 8. libri *De virtutibus impiorum*: & ipsissima sunt verba Augustini l. 3. ad Bonif. contra duas epistolas Pelag. c. 8.

De sententia 29. ait: Collector malè refert.

De sententia 31. falsa est sententia.

In sententia 32. & 33. Mirum quod in iis sensus Thomæ Walsensis, cujus liber à Martino V. in consistorio Cardinalium post diligens examen approbatus est, modo damnetur sub pœna excommunicationis latæ sententiæ.

De sententia 34. non satis rectè refert (Collector.)

De sententia 35. hæretica est.

De sententia 39. absurda.

De sententia 40. hæretica.

De sententia 41. Rem probo simul & vocem; sed eam in Scripturis nondum reperi.

De sententia 42. apertè falsa. Idem dicit de 44.

De 45. hæretica.

De sententia 47. Est Collectoris commentarius.

Ad sententiam 48. Attendantur loca quæ ex Augustino citantur.

Ad sententiam 49. Ad id existimandum me moverunt multa veterum Sanctorum testimonia.

Sententia 50. desumpta est ex lib. *de pec. orig.* c. 13.

Sententia 51. est desumpta ex c. 6. ejusdem libri.

De sententia 52. Collector malè refert.

De sententia 55. Collector malè refert & falsè.

De sententia 56. Collector suà arte effecit ut Sanctissimus Dominus noster Hæreticorum calumniam quam Catholicis imponunt, suis litteris defendere videatur.

In sententiâ 57. secunda partè Collector dicit: *à pœnis pro peccatis debitis*, & liber habet: *à peccatis*.

In sententia 58. hujus distinctionis nullam mentionem feci.

In sententia 59. hujus sententiæ non memini.

De sententia 60. dicit: Distinctio legitima est. *Idem dicit de sententia 61.*

De sententia 62. ait: hæc sententia hæretica est: & addit in margine Cœlestinus can. 9. Nemo nisi per Christum libero benè utitur arbitrio.

Et addit de sententia 63. & dicit: Absurda.

De sententia 64. Absurdè sonat.

De sententia 65. falsa.

Sententia 66. apertè falsa.

Sententia 67. falsa.

Sententia 68. falsa & præsupponit falsum.

De sententia 69. Collector malè refert.

De sententia 70. Quæstionem hanc nunquam disputavi.

De sententia 71. falsa.

De sententia 72. idem quod de 48.

De sententia 73. falsa.

De sententia 74. idem quod de 56.

De sententia 75. hanc quæstionem nunquam disputavi.

De sententia 76. falsa.

In *Miss. Codicibus unde hæc ultima exscripsi nonnullæ omissæ sunt sententiæ quas ex Apologia suppleri posse existimavi, ut nulla sit circa quam prolatum à Michæle Baio judicium non habeatur.*

B R E V E

P I I V. S U M. P O N T I F I C I S

M I C H A E L I B A I O .

D I L E C T O F I L I O M I C H A E L I B A I O .

D I L E C T E F I L I I , *Salutem & Apostolicam benedictionem.*

QUamvis ea quæ super libro & propositionibus ad nos missis per litteras nostras Apostolicas sub plumbo superioribus diebus decrevimus atque statuimus, non sine matura deliberatione & consideratione à nobis decreta statutaque fuerint, quemadmodum & ipsius causæ gravitas & hominum aliquin de hac Sancta Sede Apostolica bene meritorum conditio postulabat, tamen nos omnem novarum querelarum causam auferre volentes, simulque postulatis vestris satisfacere cupientes mandavimus ut & libri & ipsa propositiones & scripta vestra, proximè ad nos missa, diligentissimè & accuratissimè iterum considerarentur & perpenderentur; quibus omnibus maturè admodum consideratis, quæ super hoc ipso jam decreveramus, nisi antea à nobis decreta fuissent; eadem, pro ut facimus, de integro decernenda statuendaque esse judicavimus. Itaque tibi & ceteris prædictarum propositionum assertoribus ac defensoribus pro earum assertionem & defensione perpetuum silentium imponimus. Vosque tanquam nostros hujusque Sanctæ Sedis obsequentissimos filios in Domino hortamur ut his quæ nunc vestra atque omnium Christi Fidelium Mater ac Magistra præcipit & jura decernunt, sine ulla recusatione obtemperetis, eaque omnia faciatis, quæ dilectus Filius Maximilianus Arienſis Ecclesiæ præpositus, Venerabilisque fratris nostri Archiepiscopi Mechliniensis Generalis Vicarius vobis facienda proponet. Erit hæc vestra erga nos, Sanctamque hanc Sedem, reverentia dignum obsequium, nobisque præterea gratissimum. Datum Romæ apud Sanctum Petrum, sub annulo Piscatoris, die 13. Maii 1569. Pontificatus nostri anno quarto.

ALDOBRANDINUS.

EXPLI.

E X P L I C A T I O

ARTICULORUM A PIO V. DAMNATORUM,

A B I P S O

MICHAELE BAIO

LOVANII IN SCHOLIS THEOLOGORUM

F A C T A . A N N O 1570

A Nno 1570. decimo Septimo Aprilis hora decimâ in Scholis Theologorum hoc modo declaravit se Eximius M. N. Michael Bay.

Ex Codice G. scripto eodem tempore, nunc primùm edita.

Dicam vobis aliquid quod nunquam antea dixi. Ante duos propemodum annos icitis missam fuisse Bullam ex Urbe (Roma) in qua damnantur articuli, quorum quidam sunt falsi, & rectè damnantur: Alii male intellecti: Aliqui à Collectoribus non rectè collecti: Aliqui verò tantum odiosi, eò quòd in eis servatus non sit consuetus usus loquendi Scholæ, videlicet secundum Scholasticos receptos; quum tamen aliquoties Patres reperiantur eodem modo loquuti.

De qua re nihil antea vobis dixi, nec dicere volui ob certas causas. Prima est, ut res ista silentio sopiretur, & non nasceretur major contentio aut turbatio, dum aut Collectores viderentur insimulari falsitatis & calumniæ; aut sedem Romanam negligentiae & præcipientis sententiæ; quam nunc vel maximè, propter turbatissima tempora, in summa veneratione, autoritate & dignitate esse docet. Secunda: eò quòd multa essent quæ ad me non pertinent, & de quibus ne cogitaverim quidem; per circiter quadraginta articulos. Tertia: ne quem exasperarem aut exagitarem magis; quum potissimum in diluendis criminibus, quæ falsò objecta sunt, non possit se homo omnino modeste continere, & affectibus temperare. *Qui enim non offendit in verbo, hic perfectus est vir.* Tamen temperavi mihi quantum potui. Nam Jac. 3. 2. tractata hæc fuerunt in Collegio Theologorum (videlicet in Sabbathinis disputationibus à Cunero.) Tractata fuerunt etiam in concionibus (videlicet à F. Godefrido Leodio in Quadragesima apud Minores;) & semper tacui & adhuc tacuissim, nisi Reverendissimis Dominis aliter visum fuisset expedire.

Modestia Michaelis Batio.

Consolatus autem sum me hactenus illâ sententiâ Leonis, quam habet de Passione Domini: *Dominus elegit tacere. Quando quidem non potest utiliter responderi, tunc præstat tacere.* Et cogitabam hoc quoque pertinere ad afflictionem iustorum & dicebam mihi: si benè fuit, debeo habere patientiam; si malè, Dominus remunerabit: si fortè Dominus pro hac maledictione, reddat mihi (ut ait David) benedictionem.

Nunc autem (videlicet undecimo Aprilis) visum est Reverendissimis Dominis (videlicet Martino Rytovio Iprensi Episcopo, Francisco Sonnio Buscoducensi, & Cornelio Jansenio Gandavensi) expedire ut aliquid hac de re vobis dicerem, & meipsum explicarem, ut hæc infamiae nota à me amoveretur. Nam dicebant quoddam ubique constantissimè fama deferretur me post obitum Magistri Nostri Tiletani omnia denudè turbare & innovare, & huiusmodi articulos docere; quoddam quàm falsum sit scitis, quin & unico argumento vobis manifestissimè declarabo.

Scriptis mihi quidam Licentiatus, me propemodum annis decem senior, ex Gandavo, passim illic hoc proclamari: ego autem diligenter inspectis litteris, & tempore quo scriptæ erant, cum prima lectione, quam post mortem *Judoci Ravesteyn* Tiletani feceram, collato; comperi tantum tres dies intercessisse. Ex quo videtis non potuisse istud nuncium tam subitò illinc transferri, & litteræ illinc ad me transmitti.

Plūs minùs viginti annis in hac Schola *Lovanienſi* docui: nunc propter hunc tumultum decreveram & à lectione & à disputationibus in totum abstinere, ne major contentio nasceretur. Hinc etiam quando positiones disputandæ mihi exhiberentur, si quid huiusmodi haberent, iussi deleri; vel si quid huiusmodi inter disputandum tractaretur, tacui; ut silentio tandem sopiretur. Qui enim præsidet Disputationibus, sedet quasi lepus canibus expositus: alius trahit hinc, alius illinc vellicat: nec semper fieri potest ut homo tam consideratè respondeat, ut omnibus placeat. Nam aliqui aut non rectè intelligunt, aut malè referunt: alii sunt zelantes pro alterius sententia. Hinc nascitur contentio & calumnia.

Ne tamen id facerem, aliæ me rursus rationes prohibebant: quia videlicet singuli de suo talento rationem sunt reddituri: nec ille excusatur, qui talentum in terra foderat, dicens: *ſciebam quia austerus esses & durus, &c.* secundò, quia, sicut dicit Augustinus l. 22. de Civit. c. 23. *iustus non debet ob maledicta aut calumniam ab impartiendis beneficiis retardari.*

His ita præmissis jam ad Articulos progreditur; d quibus turbato ordine hinc inde quibusdam lectis; ad falsos articulos sic dicit: Hæc sine dubio falsa sunt, & rectè damnantur; sed non sunt mea: hæc nunquam cogitavi; nec in libris meis invenietis. Ad articulos dubios & obscuros, qui non sunt in sensu ab ipsa intento intellecti, dicit: Si tamen scivissem eorum occasione propter inconvenerit modum loquendi, aliquos offensum iri, tacuissim; & vellem me non sic scripissè.

Sequitur nunc quorundam Articulorum declaratio per ipsum M. N. Michaëlem Bay.

Ad Articulos de Gratia. Primus, tertius, septimus, nonus qui de Gratia loquuntur, coincidunt. *Nec Angeli, nec primi hominis gratia, &c.* Alia est gratia, quæ datur peccatoribus per Christum Redemptorem: alia est gratia, & paulo alterius conditionis, quæ data fuisset hominibus si in statu puræ integritatis perseverassent. *Dicit itaque se intellexisse de gratia Christi; quia nec Angeli nec primi hominis merita recte vocantur gratia, per Christum videlicet mediatorem & redemptorem facta.*

Ad Articulos de naturali & supernaturali. Naturale aliquando vocatur id quod homo habet à nativitate, sicut nunc nascitur, videlicet corruptum: & sic hominibus sunt naturalia non solum corpus & anima, sed etiam peccatum. Hinc Apostolus, *eramus naturâ filii iræ.* Si sic loquimur de naturali, fides, charitas, & alia dona sine dubio sunt supernaturalia. Aliquando verò Augustinus vocat naturale, quod habet homo in primo statu. *Et sic dicit Michael Bay se aliquando cum Augustino locutum; ut appellares ea dona naturalia, quæ homo habebas ex ordine naturæ à Deo instituta.*

In redemptis per gratiam Christi nullum inveniri potest bonum meritum, quod non sit gratis indigno collatum. *Dicit M. N. Michael Bay se hoc dicere non quod homo tunc sit indignus quando gratia confertur; sed considerando statum nostræ corruptionis in quo antea fuimus.* Expediit enim hoc semper cogitare, & pro eo Deo gratias agere, quod ex illo statu per Christum non solum liberati sumus, sed etiam in statum filiorum Dei translati. Sic Apostolus se dicit minimum Apostolorum, indignum qui vocetur Apostolus, respiciendo statum in quo antea fuerat. Sic enim maxime docet Paulus commendare & exaggerare Dei gratiam & beneficium: quod dilexitis nos cum inimici essemus, & tradidit semetipsum pro nobis.

Sacrificium Missæ non aliâ ratione dicitur Sacrificium, quàm generaliter, quâ ratione opus quod fit ut sanctâ societate inbæreatur Deo. Artic. 45.

Dicit Michael Bay se hoc nunquam docuisse, imo ne cogitasse quidem: nec aliud magis dolere quàm quod hoc ei tam falsè imponatur. Dicitur duobus modis aliquid homini offerri. Primò, quando aliquid simpliciter homini dono datur: ut, offero aliquid, id est, do alicui, pomum, nummum, vel aliquid aliud. Secundò, quando aliquid ad alterius bonorem, utilitatem, gloriam, vel ad ipsum rescindendum, recreandum, vel consolandum, consumitur: utpote cum Maria Magdalena ad gloriam Christi, & ad ipsum rescindendum & recreandum effudit pretiosum unguentum super caput ejus, ex cujus odore tota domus bene redolebat; Judas quidem voluisset ut priori modo obtulisset Domino: id est, ut simpliciter Domino dono dedisset, & non consumpsisset; ut ex eo vendito potuisset postea aliquid furari. Sed ipsa obtulit posteriori modo, quia consumpsit ad ejus bonorem & gloriam. Et sic distinguuntur oblatio & sacrificium; quia quando res qua offertur, non immutatur, est oblatio; ut pote dum in Altari offeruntur vinum, poma, vva &c. Quando verò consumitur res, est sacrificium: ut cum offerimus incensum, & adolemus thus ad Dei gloriam & honorem. Sic in Sacrificio Missæ si respicias terminum à quo, videlicet panem & vinum quæ Deo offeruntur; est oblatio, sive munus, donum, quæ Deo offeruntur. Unde dicitur in Canone Missæ: *HÆC DONA, HÆC MUNERA.* Si verò respicias terminum ad quem, videlicet corpus & sanguinem Christi, in quæ panis & vinum transmutantur; est propriè dictum Sacrificium, & vero nomine pro-

propitiatorum; quia offertur is, qui est propitiatio pro peccatis nostris. Si verò loquimur generaliter de Sacrificio, quatenus id dicitur sacrificium, quod fit ut sancta societas inhareatur Deo: sic respiciendo ipsam actionem, etiam verè dicitur generaliter ratione sacrificium, quia est opus ad honorem Dei factum, ut ei sancta societas inhareatur.

sic. Ar-
tic. 31. 32.
67.

De Charitate: an possit consistere cum peccato mortali. Dicit M. N. Michael Bay hic erratum esse in modo loquendi scholæ. Quod in Catechumenis sit bona voluntas, dilectio, amor, apud omnes est extra controversiam. Sed difficultas ex eo nascitur quod non disinxerim inter bonam voluntatem, & charitatem, secundum consuetum modum loquendi scholæ. Charitas enim à schola non aliter accipitur, quam quomodo Paulus accipit 1. ad Timoth. 1. Charitas de corde puro &c. hoc est, de charitate perfecta, quæ est actus vel habitus, quem operatur Spiritus inhabitans & propitiis. Et talis charitas non est in eis qui nondum habent remissionem peccatorum. Habent quidem dilectionem, quæ incipiunt Deum amare, ut loquitur Concilium Tridentinum; habent bonam voluntatem, amorem & inchoatam charitatem, licet nondum perfectam. Augustinus quodam in loco inter ista non distinguit, sed dicit bonam voluntatem, dilectionem, amorem & charitatem in Scripturis indifferenter accipi. Peccatum est igitur in eo quod secutus Augustinus non servaverit consuetum usum loquendi scholæ. Sic responsum est tribus istis articulis: homo existens in peccato mortali &c. art. 67. Charitas perfecta &c. artic. 32. & Catechumenus justè, rectè, &c. artic. 33.

Artic. 12.

Pelagii sententia est; opus bonum citra gratiam adoptionis factum, non est regni celestis meritorium. Dicit Michael Bay se semel tantum, ut putat, id dixisse esse Pelagianum, aut sententiam Pelagii. Et dixit hoc non quasi velit dicere hoc esse hæreticum, sicut Collectores hoc forsitan intelligunt. Sed dicit quod Pelagius istud senserit, non quod in eo malè senserit. Sicut Augustinus contra Julianum, ubi agit de multiplici sanctificatione, tractans illud Apostoli 1. Corinth. 7. NUNC AUTEM FILII VESTRI SANCTI SUNT, citat unum commentarium ex sensu quem habet Pelagius, qui tamen verus & bonus est, non sic intelligens: hoc est Pelagii: id est hæreticum; sed, Pelagius sic sentit. Hoc igitur non est benè intellectum, vel est nimis odiosè & durè dictum.

Artic. 19.

Opera quæ Christus fecit non habere majorem valorem ex dignitate Christi operantis.

Dicit hoc falsum esse, & rectè damnatum: & se semper docuisse opera bona quæ Christus fecit, ex dignitate tantæ personæ infiniti esse valoris.

Art. 30.

Non solum fures &c. hoc verum est: sed additur aliquid quod debes adjectum esse: nec in suo libro inveniri; videlicet quod liberum arbitrium absque Dei adiutorio non valeat ad resistendum ulli tentationi, sic ut in eam non inducatur vel ab ea superetur. Hoc falsum est, quia liberum arbitrium absque gratia Christi potest alicui tentationi resistere. Nam possumus superare tentationem libidinis per agriculturam, vel per ambitionem, videlicet, unum vitium per aliud; aut per aliquod aliud opus naturale: sicut dicit Augustinus l. 21. de Civit. Dei c. 16. occultis vitiis sæpe aperte vinci & superari.

Altero die, videlicet decimo nono Aprilis: Absolvamus, inquit M. N. Michael Bay, quod restat. Si quam unquam habuimus inter nos turbationem, curavi

expravi quantum potui ne veniret in publicum: quia vitiosum est quod de Herode in Evangelio dicitur: *turbatus est Rex & omnis Ierosolyma cum eo: & nisi*, ut dixi, quibusdam visum fuisset expedire ea de re non nihil dicere, maluisssem cum mei nominis honore tacere. Mah. 2.1

Articuli qui sequuntur sunt serè omnes falsi, & rectè damnantur; sed ad me non pertinent.

Definitiva hæc sententia: Deum homini nihil impossibile præcepisse falsò tribuitur Art. 52.
Augustino, cum Pelagii sit. Artic. 52. 53. Per illud conabatur Pelagius excludere peccatum originale: & in eo sententia optimè damnatur.

Deus non potuisset ab initio talem creare hominem, qualis nunc nascitur: est Artic. 53.
absolutè falsum: sed potest dici quòd si talem creasset, non creasset peccatorem; quia talis fuisset ex Dei ordinatione. Quòd autem nunc tales sumus, nobis imputatur rectè in peccatum, quia contra ejus ordinationem tales sumus. Sicuti si cui Deus ordinasset habere plures uxores, non esset illi peccatum; si tamen alius sine speciali dispensatione contra ejus ordinationem vellet etiam plures habere, sine dubio peccaret.

Peccator panisens non vivificatur ministerio Sacerdotis absolvens, sed à solo Art. 55.
Deo... ministerio autem Sacerdotis solus reatus tollitur. Item:

Denique & illa distinctio duplicis vivificationis &c.

Optimè hæc damnantur: estque bona distinctio, atque in Scripturis sacris satis fundata. Prima vivificatio est, quando cor immutatur. Sic dicit Augustinus: *qui peccata confitetur, vivis: littera occidit, spiritus vivificat*: quia littera non facit legi obedire, quod facit Spiritus. Altera vivificatio est, quam operatur vel baptismus, vel absolutio. Etiam addi potest & tertia vivificatio, de qua dicitur: *vivificabis mortalia corpora nostra propter inhabitantem spiritum.* 2. Cor. 1.
6. Gal. 1.
21.
Tertio die vivificabit: ut in Adam omnes moriuntur, ita in Christo omnes vivificentur, videlicet in extremo judicio. Rom. 8.
11.
Oze 6.1.
1. Cor.
15. 22.
Artic. 60.

Similiter & illa distinctio duplicis justitiæ &c. est optima; & idèd qui improbant illam, rectè damnantur: quia apertè repugnant Augustino, epistola 105. vel 106.

Non nisi Pelagiano errore admitti potest usus aliquis liberi arbitrii bonus, siue non malus, &c. Illam quæstionem solvit eleganter Cælestinus Papa in epistola ad Episcopos Galliarum c. 7. *Infidelitas purè negativa in his quibus Christus non est prædicatus, peccatum est: falsum est, & est contra Evangelium: si non venissem, peccatum non haberent.* Sed est illis peccatum, quòd non credunt in unum Deum creatorem cæli & terræ; cum illis hoc tota mundi fabrica prædicet & doceat. Art 62.

Justificatio impij fit formaliter per obedientiam legis, non autem per occultam communicationem & inspirationem gratiæ, &c. utrumque est: & spiritus inhabitans, per quem primò fit justus in habitu: deinde opera bona requiruntur, per quæ fit bonus in actu. Artic. 65.

Homo existens in peccato mortali siue in reatu æternæ damnationis potest habere veram charitatem: & charitas etiam perfectæ potest consistere cum reatu æternæ damnationis: falsum est, & contra Scripturam. Perfecta charitas foras mittit timorem; qui autem est in reatu, non potest non timere. Artic. 67

Art. 73. *Quandiu aliquid concupiscentiæ carnalis in diligente est, non facit præceptum: diliges Dominum deum tuum ex toto corde tuo. Absolutè falsum est. Si diceretur, non facit totum quidd in præcepto est; verum dixisset: sed non propterea dici potest: non facit mandatum.*

Art. 75. *Immortalitas primi hominis &c. fuit magna gratia, sed non per Christum facta.*

Art. 76. *Falsa est Doctorum sententia: primum hominem potuisse à Deo creari vel institui sine iustitia naturali. Multùm laboravi priusquàm intelligerem quid sibi hæc sententia velit. Thomas dicit: in prima gratia: sed illa distinguitur à iustitia naturali. Disputare autem de Dei potentia, non est utile: nam potuisset Deus creare hominem stupidum sine iustitia.*

Hactenus de Articulorum declaratione. Insuper adjecit *M. N. Michael Bay* & hæc sequentia.

Fatetur se aliquando disputasse in alteram partem certè definitam; & insuetas difficultates aliquando tractasse, & contra consuetum modum & usum loquendi scholæ loquutum. Et dolet se hoc fecisse; & si scivisset per hoc aliquem turbatum aut offensum iri, abstinuisset: sunt nunc edoctus facturus est.

Reliquos articulos dicit vel non esse suos, vel malè collectos, vel non esse eo sensu intellectos, quem ipse intendit. Malè autem ipsum habebat primò quòd multi Artistuli, videlicet circa quadraginta, (præter malè collectos) ipsi imputarentur, de quibus ne cogitaveris unquam. Secundò quòd multi sibi persuaderent omnes istos articulos, qui in hac Pii V. Bulla damnantur, esse falsos & hæreticos: quum aliqui falsi esse non possint, sed damnentur tantùm quia offensivi sunt & scandalosi seu odiosi, ut in Bulla dicitur: sic enim habet: DAMNANTUR TANQUAM RESPECTIVE ERRONEI, HÆRETICI, SCANDALOSI, VEL PIARUM AURIUM OFFENSIVI; QUANQUAM NONNULLI SINT, QUI JUXTA SENSUM AB ASSERTORIBUS INTENTUM VERI SINT: &c. Et dixit mihi, inquit ipse, Reverendissimus Biscoducensis Episcopus Sonnius, qui eo tempore erat Romæ quando catalogus librorum prohibitorum colligeretur, multos libros ob hoc prohiberi & damnari, non quia hæretici, sed quia propter aliquam novitatem offensivi & scandalosi. Sicut solet alicubi moris esse, ut publice in templo disputaretur aliqua quæstio in concione; quod ne reinovitate turbaretur populus, Romæ prohibitum est in ordinationibus. Item dicit Michael Bay; si quadam non satis rectè explicueris, aut nimis obscurè, propterea non insimulandum hæreseos: quia aliud est ignorare, aliud hæreticum esse. Sicut quidam cum malè intellexerat; postquàm verò ei sententiam suam explicuisset, consensit ille, & passus est se antè nunquam cum intellexisse, precatusque est veniam, si quid durius aliquando in eum dixisset: cujus testimonium dicit se adhuc domi in scripto habere.

Hæc, inquit M. N. M. Bay, est mea apud vos excusatio; si tamen executione sit opus; quam puto sufficere. Hanc mecum feram non solùm in charta; sed etiam coram iudice Deo in memoria mea. (Hæc ait modestè:) Vivamus in pace, & abstinemus ab his quæ vel nos vel alios perturbare possint. Dixit.

D E C R E T U M R. P.

JULIANI DE QUERCU

MINISTRI FF. MINORUM

PROVINCIAE FLANDRIÆ PRO CENSURIS

SS. D. N. PII. V.

IN QUOSDAM ARTICULOS.

VENERABILES PATRES ET FRATRES,

Gratia vobis & pax à Deo patre per Jesum Christum Dominum nostrum.

Cum mihi ex pastoralis officio necessitas incumbat vigilandi super gregem meum & vineam in solo Elandria plantatam, mihi ad custodiam commissam, ne vulpecula eam demoliantur, visitandi; quod personaliter propter novas & urgentes causas quotidie accidentes non possum, per litteras facere contendo. Porro cum nuper emanaverint in septuaginta quinque articulos certa Censuræ SS. D. Pii Papæ V. licet in Comitibus Nivellensibus ann. 1568. Patres illos Articulos abjuraverint pro se & pro tota Provincia; judicavimus necessarium eosdem Articulos cum suis Censuris ad vos mittere, ut iterum vestrum quilibet eos abjures. Itaque tam Sacerdotibus & Clericis, quam Laicis, Capisulariter congregatis, legantur præfati Articuli cum suis Censuris, quibus lectis pater Guardianus (postquam prior ipse abjuraverit) jubebit ut quilibet publice & aliâ voce abjures, promittasque traditurum ante viginti quatuor horas post abjuracionem factam, omnia scripta, si quæ penes se vel alibi habeant, M. Michaelis Bait, nullam denique se facturum querelam propter defensionem dictorum Articulorum, aut eorum qui eos quandoque ducerunt aut defenserunt; sed operam daturum paci provincie, quæ aliquoties turbata fuit propter illam doctrinam. Et postquam singuli abjuraverint & hæc promiserint, Guardianus conficiet litteras hæc & singula omnia continentes, quas muniet sigillo Conventus & synographâ suâ cum annotatione anni, mensis, & diei: Sicque clausas trades nobis quò citius poteris omni fraude seclusâ. Necessum autem fuerit ut sibi quisque prospiciat, ne post hæc acta ullo modo recidat in illam doctrinam, aut in aliquem ejus articulum: haberetur enim pro relapso, & dignus esses pœnis juris & in

Bulla SS. D. contentis, quæ tales sunt ut propter crimen hæresis mereatur projici ab Ordine omni Ecclesiastico præsidio spoliatus, & tradi Justitiæ seculari multandus extremo supplicio. Et quoniam non solumis qui recidit in doctrinam damnatam & abjuratam; sed etiam qui favet personæ hæreticæ, eam recipiendo, mittendo munera, defendendo quomodo libet, singularem anuſitiam ostendendo, censetur esse relapsus; vigilandum erit ne quid horum per vos vel per aliquem vestrum committatur: ne, quod absit, in notam relapsus veniasis. Ad hoc enim laboramus ut restituamus Provinciam in eodratu, in quo erat ante has doctrinas in eam introductas, & vos & singulos vestrum servemus integros in Ecclesia & Ordine nostro, absque ulla hæreseos aut peregrinæ doctrinæ suspitione, ut liberi ac liberati omni tali sorde serviatu Domino Deo in unitate fidei, & spiritus libertate. Lectis his Litteris curabit Pater Guardianus eas remittere ad proximi Conventus nostræ Provincia Guardianum, ut etiam faciat respectivè quæ hic intendo. Et quia sorores habent etiam propter hanc doctrinam aut eos qui eam tenuerunt, inter se nonnullas etiam graves querelas; Guardianus exponet illis harum tenorem, & præcipiet omnium querelarum propter hujusmodi doctrinas aut personæ abjuratorem, sub gravissimis pœnis etiam usque ad relapsus, si iterum incipiant ejusmodi contentiones sive querelas movere, ut in pace possint servire Deo juxta quod illi promiserunt. Datum Nivella sub mei Officii sigillo, meoque syngrapho Anno 1569. mensis septembris die primo.

MARTINI RYTHOVII
 IPRENSIS EPISCOPI,
 ET
 CORNELII JANSENII
 EPISCOPI GANDENSIS
 LITTERÆ FACULTATI
 THEOLOGIÆ LOVANIENSI,
 PRO SUBSCRIPTIONE
 BULLÆ PII V.

*hactenus
 inedita.*

EXIMII DOMINI, & colendissimi magistri Nostri.

Litteris suis nobis exposuit D. Vicarius Morillonius quoddam apud Vestras Dominationes accusetur, ut qui privato facto suo alienum nomen prætexere voluerit, dum nuper tanquam ex Commissione eorum Patrum, qui Mechliniæ Provincialis Concilii causâ congregati erant, in sibi Theologicis publicationem fecit ejus Rescripti Apostolici, quod de quibusdam propositionibus ad se missum acceperat; à qua suspicione vehementer liberari cupit. Nos verò ingenuè fatemur hanc Commissionem ei datam fuisse, tum ut fidem nostram liberaremus apud Ducem Albanum, cui id ante menses aliquot promiseramus; tum etiam quoddam res antea quidem solis Magistris Facultatis Sacræ Theologiæ indicata, & ut tum sperabatur, silentio premissa, jam longè latèque innotuisset, & non pauci obloquerentur & agrè ferrent non proponi publicè quod omnes ex æquo concerneret, quodque Censurarum comminationem conjunctam haberet. Unde nobis videbatur occultatio ultra cetera incommoda etiam Facultati indignationem & mali nominis periculum allatura. Approbationem autem & subscriptionem existimamus nihil difficultatis habituram esse. Nam cum solemne sit Sacra Theologia Professoribus in omni resolutione difficilius promittere apertam protestationem obedientiam erga eos quorum est errantes in viam

veritatis reducere; quid promptius erat, quàm ut Summi Pontificis etiam iterata definitioni acquiesceretur: præsertim dum satis constaret eos qui occasionem quarere dicuntur, dilationem interpretaturos esse recusationem, & inde traducendi majorem occasionem accepturos. Accedit quòd cum Eximio D. M. N. Michaeli seniori Facultatis hæc tota res antea fuit communicata, & inde relata ad Suam Excellentiam, cui sic placuit, ut conceptam indignationem pro maxima parte ei excemeris, placuit & præfidi Viglio. Patribus autem quorum consilio Lovanium veneramus, imprimis verò Reverendissimis Dominis, Archiepiscopo Comeracensi, pia mem., & Episcopo Atrebatensi, usque adeò grata fuit, ut nos optimam operam navasse testarentur. Quod igitur tanto applausu ab omnibus probatum fuit, nescio an sine gravi causa posset omitti. Dominus Morillonius scribis quosdam esse, qui ex subscriptione asserunt relapsus insidias alicui strui posse, & ob id tardiores esse ad subscribendum. Nos verò ne lapsum quidem agnoscendum jam putamus si bonâ fide probetur, & in signum candidioris mentis, etiam subscriptione corroboratur decisio Suae Sanctitatis, ad ejus sententiam & definitionem ex more Lovaniensis scholæ semper omnia referunt. Proinde nisi aliis & gravioribus de causis Dominationes Vestra moveantur, rogamus ut quod tantorum virorum judicio ad sopiendam odiosissimam causam visum suis utilissimum, & tam concorditer decretum non differatur propter vacuum metum: nostraque monitio ex candore animi & sincero affectu procedens boni consulatur. Benignissimus Deus Vestras Dominationes conservet nostri memores. Decemb. vigesima tertia: 1570.

Vestris Dominationibus

Addictissimi

MARTINUS RYTHOVIVS.
CORNELIVS JANSENIUS.

B U L L A

G R E G O R I I XIII.

In qua declarat se Pii V. Bullam in ejus Registro reperisse, ac præcipit ut exemplo quod huic inserit, fides integra habeatur.

GREGORIUS EPISCOPUS, Servus Servorum Dei, ad futuram rei memoriam. Provisionis nostra debet provenire subsidio, ut ea quæ à Prædecessoribus nostris emanarunt, suadente maxime fidei catholica conservatione, ubicunque ipsis opus est, producantur. Quare Nos tenorem Litterarum scilicet Record. Pii PP. V. prædecessoris nostri in ejus Registro repertum describi, & præsentibus annotari fecimus, qui talis est.

Pius Episcopus, servus servorum Dei, ad futuram rei memoriam. Ex omnibus afflictionibus &c. ut supra eam retulimus. Caterum volumus ut earumdem Litterarum tenori sic inserto illa ipsa omnino fides adhibeatur ubicunque & quando-cunque sive in judicio sive alibi ille fuerit exhibitus vel ostensus, sicut illius originalibus Litteris prædictis adhiberetur, si ipsæ exhiberentur vel ostenderentur. Nulli ergo omnino hominum liceat hanc paginam nostræ voluntatis infringere, vel ei ausu temerario contraire. Si quis autem hoc attentare præsumpserit, indignationem omnipotentis Dei ac Beatorum Petri & Pauli Apostolorum ejus se noverit incursum. Datum Romæ apud Sanctum Petrum, anno Incarnationis Dominicæ millesimo quingentesimo septuagesimo nono, quarto Kal. Februarii: Pontificatus nostri anno octavo. Sic Subscriptum: JOANNES BAPTISTA CANONIUS. In plica scriptum fuit: A. de Alexiis. In dorso verò: Rota apud M. Datar.

CONFESSIO MICHAELIS BAI.

EGO MICHAEL DE BAY, Cancellarius Universitatis Lovanien-
sis, & in eadem professor Sacrae Theologiae, agnosco & profiteor
me ex variis colloquiis & communicationibus habitis cum R. P. D.
Francisco Toletio, Concionatore Suae Sanctitatis, & ad hanc rem specia-
liter misso, super diversis sententiis & propositionibus jam olim à Sanctis-
simo D. N. Pio V. foel. record. sub data Kal. Octobris 1567. & nuper à
Gregorio XIII. moderno Pontifice Max. sub data quarto Kal. Februarii,
anno 1579. iteratò damnatis & prohibitis, ita motum & edò perductum esse
ut planè habeam mihi persuasum earum omnium sententiarum damnationem
atque prohibitionem jure meritòque, ac non nisi maturo judicio, ac diligen-
tissimà discussione praemissis factam atque decretam esse. Fateor insuper plu-
rimas ex iisdem sententiis in nonnullis libellis à me olim & ante emanatam Sedis
Apostolicae super eis censuram, conscriptis & in lucem editis contineri &
defendi, etiam in eo sensu in quo reprobantur. Denique declaro me im-
praesentiarum ab iis omnibus recedere, & damnationi à Sancta Sede factae
acquiescere, neque posthac ullam earum docere aut defendere velle. Actum
Lovanii die 24. Martii, anno 1580.

MICHAEL DE BAY.

B R E V E G R E G O R I I XIII.

DILECTO Filio Michaeli Baio , Cancellario Universitatis Lovaniensis , & in eadem Sacra Theologia professori ;

DILECTE FILI, Salutem & Apostolicam Benedictionem. Missimus exemplum publicum Litterarum sanctæ memoria Pii V. quas tum per litteras tum per dilectum filium Franciscum Toletum postulasti. Quicquid autem acciderit in quo possimus tuæ charitati gratificari , nunquam committeremus ut ullum à nobis amarissimæ parentis munus desiderari possit , hocque certum te habere volumus. Te quoque vicissim tuæ pietati optimique filii officio summæque bonorum omnium expectationi omnibus in rebus cumulatisimè satisfacturum esse persuasum habemus. Quo nomine omnem tibi à Domino Deo nostro sum in hac tum in futura vita salutem precamur. Datum Romæ apud S. Petrum , sub annulo Piscatoris , die 15. Junii , anno 1580. Pontificatus nostri anno nono. Subscriptum erat : ANTONIUS BUCAPADULIVS.

E P I S T O L A

D. in S. T.

L I C E N T I A T I

FRANCISCO SONNIO

E P I S C O P O

SYLVÆ-DUCENSI:

S E U

NARRATIO EPISTOLARIS eorum quæ Lovanii contigerant circa Articulos M. N. Michaeli Baio impositos, & à Pio V. damnatos, eo præsertim tempore quo R. P. Franciscus Toletus ex commissione Apostolica ad Facultatem Sacræ Theologiæ destinatus, Breve quoddam (Bullam) Gregorii XIII. publicavit 21. Martii anni 1580.

Ex Ms. L.
primum
edita.

Iterata ista articulorum Domino Cancellario impositorum condemnatio, R. D. per quosdam Facultatis Theologicæ Magistros & intercessione summorum aliquot virorum apud Romanum Pontificem procurata est; idque ex ea potissimum occasione quæd D. Cancellarius post priorem quæ à Pio V. facta fuerat condemnationem, inter disputandum in scholis ea nonnunquam objecerit argumenta quibus plerique articuli olim ab ipso asserti ac docti statui viderentur, & opposita aliorum sententiæ in omnium Academiarum scholis receptæ convelli ac dilui: quod tamen si credibile videretur illud non eo fecisse animo ac studio, ut reprobatos ab Apostolica sede articulos assereret aut doceret, sic enim Censuram Bullæ Pontificiæ jam pridem & frequenter incurrisset; sed ut rei veritas argumentorum inter se collisione & dissolutione innotesceret, uti fieri solet in illis etiam nostræ Religionis controversiis quæ inter Catholicos &

& Hæreticos disputantur; secus tamen ab iis hoc est acceptum, qui apud Pontificem illum deferri curaverunt & tanquam in pristinos relapsum errores accusaverunt. Itaque res edperducta est, ut sua Sanctitas cum ea de litteris quoque à Regia Majestate accepisset, R. P. Franciscum Toletum, suum Ecclesiastem, qui inter alios ad Articulorum istorum examen atque iudicium adhibitus fuerat, ad Academiam hanc nostram destinaverit eâ potissimum de causâ, ut in Facultate sacræ Theologiæ Gregorianam Bullam, cui Pii V. Bulla ad verbum inserta est, & quam confirmat, publicaret. Quâ publicatione vigesimo primo mensis Martii coram toto Auditorio factâ, ad D. Cancellarium, & deinde ad reliquos Magistros, Licentiatos & Auditores comitatus, quærebat ab iis num lectos in Bulla Articulos condemnarent; quibus omnibus annuentibus, è schola discessum est. Et quanquam res ista cum multis privatis accusationibus & calumniis, quæ à Commissario Apostolico jam satis innotuerunt atque detectæ sunt, D. Cancellarii animum non parum affligeret; nihilominus tantâ ille fortitudine, tantâque modestiâ hæc omnia devoravit, ut dictus Apostolicus Commissarius diceret se hæc viri istius modestiâ, humilitate & mansuetudine plurimum edificatum & recreatum fuisse; hæc etiam adjiciens, quod quantum in se esset, honorem ipsius, quem alii labefactare conati fuerant apud Ro. Pontificem, esset reparaturus. Adjecit quoque Pontificem mox Regi Hispaniarum rescripturum esse. Porro inter alia colloquia quæ D. Cancellarius cum Apostolico Commissario intercesserunt, hæc etiam objecta sunt, quod adversarii D. Cancellarii dicerent, eum privatis discipulos suos istis opinionibus imbueret. At Cancellarius respondit: isti sunt testes dormientes quales erant custodes Dominici Sepulchri. Audias si placet sub juramento eos qui supersunt discipulos, & qui hæc dicunt & me relapsum esse probari posse suggerunt, ponant rem in iudicio. Ex eo non mihi sum conscius: quod si me convincant, paratus sum omnem penam subire. Et ut Gaudamus vel Gravius, quos hæc suggestisse puto, incipiant inire ægere, rogo, rem etiam mihi pergratam facturi sunt qui apud Iudicem me urgebunt. Misit præterea per D. Commissarium ad Pontificem litteras D. Cancellarius, in quibus inter alia ita scribit: [Possem Vestræ Beatitudini exponere quantas & quàm iniquas calumnias duodecim abhinc annis occasione horum Articulorum passus sum: sed ad patriam properanti, ubi omnia clarâ & manifesta erunt, alia cogitanda videntur.] Et in calce earundem litterarum, se suæque omnia Sanctæ Sedi Apostolicæ committit & subijcit. Quod verò ad libellos olim à D. Cancellario editos attinet, declaravit D. Commissarius illorum lectionem non esse interdictam, quæ etiam adversariorum fuerat sententia. Mihi verò, ut ingenuè loquar, etsi iudicium mihi nolim de Præceptoribus aut Majoribus meis distrabere, nimis intempestiva fuisse videtur Bulla istius impetratio, hoc præsertim rerum nostrarum statu, tum quod magnam hinc veterarum ansam fuisse datam luxatæ violatæque inter Theologos nostros si non prorsus extinctæ charitatu: tum etiam quod metuendum valde sit quod bi qui in fide sunt infirmi, & Religionis nostræ adversarii, ex ista publicatione, & veteris illudii renovatione, sacræ Theologiæ professionem elevare studebunt. Non velim etiam illud R. Gratiâ Tuam latere, non omnes qui in Bulla continentur articulos à D. Cancellario assertos ac doctos fuisse, tametsi per calumniam hoc ei adversarii imputant; nam ipse ante complures annos, quorundam hujus Provinciæ Episcoporum bortatu in schola publica, me audiente, Articulos omnes recensuit, & plures inter illos fuisse pronuntiavit hæreticos, pestilentes, falsos & quos ipse nunquam opinatus

fuerat. Accedit quòd in Bulla articuli isti tanquam hæretici, scandalosi, & piam animum offensuri, sed respectivè sanctum, damnantur: quodque sicut Bulla loquitur, PLERIQUE ILLORUM IN RIGORE VERBORUM, ET JUXTA SENSUM AB AUTORIBUS INTENTUM, VERI SUNT; nec prohibitum sit propter istam respectivam damnationem quosdam ex illis veros esse existimare & credere: sed tantum propter offensam docere, scribere vel disputare, sic enim Bulla loquitur. Ideoque maluissem in iterata ista prohibitione, maturiori judicio veros à falsis atque hæreticis selectos & discretos fuisse, sublatâ istâ respectivâ, & nimis, ut apparet, confusâ anathematizatione. Hæc ego candidè & libere pro meo more ad Tuam Gratiâ scribenda esse duxi, non quòd articulorum istorum, qui mihi nunquam probati fuerunt, aut Domini Cancellarii patrocinium suscipere velim; sed ut veritate intellectâ & habitâ eâ oportunitate eadem R. Gratia Tua aliquando det operam ut discordes isti dissidentesque Articuli inter se conciliantur & ad amicam concordiam revocentur: tum etiam ut ex tua testificatione intelligant alij viri boni & Christianæ pacis & concordia studiosi Bullam istam non tantum editam fuisse adversus D. Cancellarii opiniones, sed contra Arimnensem & quosdam Scholasticos, apud quos plerique istorum articulorum ita tractati & disputati inventiuntur. Præterea adversus quosdam qui Cancellarii scripta malè intellexerant, & contra Gersonium de justitia scribentem, & similes scriptores. Deus enim mihi testis est, me nihil ita ex animo optare atque ut infirmis & fidei hostibus hoc præsertim infelici saculo omnis calumniandi via præcludatur; & inter Catholicos omnes, maxime verd inter Theologos, charitas illibata atque illæsa servetur. De Oratio non est opus multa scribere; non enim dubito quin R. Gratia Tua scriptum illud vidit quòd adversus Cancellarium Colonia excusum in lucem emisit, quin illud cum D. Commissario Apostolico & Doctoribus, editione & scriptione indignum judices. Bene vale, Lovanii, mense Aprilis anni 1580.

N A R R A T I O

BREVIS VERBORUM

Q U Æ

LOVANII IN SCHOLA

S. THEOLOGIÆ INTERCESSERUNT

INTER MAGISTROS

N O S T R O S

M I C H A E L E M

ET GOUDANUM: 12.

NOVEMBRIS 1580.

Ex Mss.
L. pri-
mum edi-
ta.

D *Isputatio erat de meritis operum, cujus disputationis Præses erat Dominus Michael. Es primæ Conclusionis initium istud: JUDÆI IGITUR LEGE ET ORDINATIONE DEI &c. Argumentans verò tertiā Conclusionis partem istam impugnabat: QUAM. ILLI QUI CREDUNT. &c. Cui argumento cum D. Michael respondisset in hæc verba: CREATUS EST HOMO UT BONA OPERA FACIAT, QUEMADMODUM AVIS UT VOLET: ET SICUT AVIS VOLARE NON POTEST FRACTIS ALIS, ITA NEC HOMO BENE OPERARI POTEST CONTRACTIS VIRIBUS: subjecit Goudanus istam interrogationem: An igitur quemadmodum avi volatus, ita justitia primo homini fuerat naturalis? Ad quam interrogationem si affirmativè respondisset, in articulum per Bullam Pii V. condemnatum inpegiasset, cum scilicet qui primo homini justitiam asserit fuisse naturalem. Cujus rei periculum simul & interrogantis intentionem & studium persentiscens Dominus Michael respondit se hoc non dicere, sed tantum in eo similitudinem statuere, quòd quemadmodum avis fractis alis volare non potest, ita nec homo destitutus Spiritu Sancto, qui & ei adinstar alarum est, & quo in sublime ferebatur, bene operari potest. Institit ulterius D. Goudanus hisce ferè verbis: Dicitis in primo articulo tertiæ Conclusionis: EADEM LEGE ET ORDINATIONE &c. an ergo justitia & ejus meritum fuerunt homini naturalia in*

primo statu? Cujus interrogationis hæc videtur fuisse causa, quod M. N. Michael ante publicatam Bullam dicere solitus fuerat, meritum primi hominis descendere ex lege naturali & non à gratuita Dei ordinatione. Id quod etiam in dictis verbis 1. Conclusionis Michaellem latenter insinuare voluisse opinabatur Goudanus, cujus opinionem irrationabilem declarare volens, in hæc verba interrogavit Magnificus D. Rector Joannes Lensæus: SEQUITUR BENE, EADEM LEGE: ERGO NATURALI? NUNQUID ENIM RECTE DICERETUR: EADEM LEGE, QUIA SICUT TUNC LEX MERITI GRATUITA DEI ORDINATIONE CONSTITUTA FUIT, ITA ET NUNC INCONVULSA PERSISTIT? Sed ab ipsis inter se altercantibus D. Rector auditus non fuit: Ad instantiam verò D. Goudani Respondit Michael ipse, de Responsali more schola loquens, non respondebunt tibi, quia timent sibi ab insidiis. Respondit Goudanus: si dicat veritatem, non est tibi periculum ab insidiis. Tum Michael: qui multa expertus est, merito timet & cavet. Ad quæ Goudanus: non oportet hoc solemne auditorium celare veritatem. Contra Michael: vos estis Magistri nostri, Doce tu; non enim tenetur Responsalis ad quævis interrogata respondere, sed ad ea tantum quæ ad præsentem positionem pertinent. Ipsa autem interrogatio est extranea positioni & captiosa, quæ trahit eum ad illud dicendum quod non vult dicere. Si tu esses tam diligens in docendo, quàm es in carpendo, melius faceres. Ordinatio Facultatis habet, quod quando occasio harum controversiarum in disputatione sese offert, omnino taceatur de iis, & ad alia transeat. Ad hæc Goudanus: cum venia, Domine Magister noster, ordinatio Facultatis habet ut veritas explicetur. Subjicit Michael: scilicet veritas, quam vos præscribetis. Ac deinde ad alia transiit. In quibus verbis Magistrum nostrum Michaellem nihil contra Bullam Pii V. deliquisse manifestum est consideranti Bullam ante in ea contentorum descriptionem, prælectionem, ac disputationem, tantummodo prohibere & non ad contrariorum articulorum assertionem adigere. Spectabat autem prædicta Goudani interrogatio non ut D. Michael ab articuli damnati, de quo questio erat, assertionem superfederet, quod solum Bulla requirit; sed ut contrarium assereret, ad quod Bulla non adstringit. Nec solum in hac disputatione Magistri N. Goudani, & alterius cujusdam Magistri nostri ad contendit studium. Id ipsum enim per artes ab Apostolicæ Sedis Commissario qui fuit, obtinere conatus fuit, sicut & librorum ejus condemnationem seu prohibitionem: sed ille pro sua modestia commissarius suæ limites excedere nolens, solo M. N. Michaelis in postscrum promisso silentio contentus & gavisus fuit.

EXACTIS UNIVERSITATIS LOVANIENSIS

ANNO 1585. IN NOVEMBRI,

jam pri-
mum edi-
tum.

Lovanium hoc anno 1585. venit Reverendissimus ac Illustrissimus Vercellensis Episcopus Sedis Apost. Nuncius, qui & schola nostra disputationes suâ presentia honorare dignatus est, & Præsidentem earundem disputationum cum plerisque Magistris ac Professoribus ad prandium secum abduxit. Post disputationem sub mensis hujus Novembris finem in scholis Theologorum habitam, retulit Decanus (Henricus Gravius) vocatum se ab Archiepiscopo Mechliniensi, qui ei declaravit à Nuncio Apostolico mandatum se accepisse ut Theologicæ facultati per ejus Decanum proponendum & insinuandum curaret, quomodo pro Officii sui ratione & singulari erga ipsam affectu totus in hoc incumbat, ut extinctis atque abolitis damnatis à Pio V. nuper opinionibus, certa stabilisque pax & concordia inter scholam tum professores tum auditores coalescat & confirmetur: Videri autem sibi fieri non posse, nisi unius ejusdemque doctrinæ consensione, neque etiam ad solidam perpetuamque satis esse pacem, si à damnatis sententiis concorditer abstinetur, sed opus præterea esse, ut de certa aliqua doctrinâ ratione in commune conveniat, quæ ex adverso tenenda & reprobata opponenda sit. Quare petere se uti brevem aliquam hujusmodi doctrinâ formulam seu explicationem concipere velint, quam eis supra dictorum Articulorum damnatio (salvo semper Apostolicæ Sedis judicio) postulare videatur. Daturum se operam ut eam Ro. Pontifex cognoscendam suscipiat, & approbatam aut sicuti videbitur limatam, tenendam hic omnibus suâ autoritate proponat atque confirmet. Quâ Decani relatione auditâ, judicarunt Domini negotium hoc uni alicui committendum esse, qui ejusmodi formulam conciperet ac reliquis deinde Facultatis Magistris communicet, censuram judiciumque singulis suum, si quid fortè addendum, demendum, mutandumve existimarint, scripto comprehensuris, ut ex communi tandem sententia placitoque concepta doctrinâ petita formula Archiepiscopo Mechliniensi ac per illum Nuncio Apostolico tradatur.

Rogatus autem à Dominis M. N. Lensæus est, ut id operâ suscipere dignaretur, qui pressus tandem se facturum promisit; ac intra dies paucos confectum reddidit:

didit: Maxque Decanus quod ab eo scriptum acceperat in plura exemplaria diffundi jussum, singulis Dominis communicavit, censuram eorum judicium quo deposcens. Verum superveniens vasis diversisque impedimentis res ea longius protracta est; nec sub hoc Decanatu absolvi potuit; quare eam ad successorem suum præsens Decanus perficiendam transmittere coactus est.

E X T R A C T U M
E X
ACTIS DECANATUS
DOMINI WALLII.

Statim in initio concepta est doctrine forma per D. M. N. Balliolanum (id est Lensæum) communi cæterorum Magistrorum ad hoc requisitorum judicio probata est, & ad manus Illustriss. Nuncii Apostolici tradita.

D O C T R I N Æ
 E J U S Q U A M
 CERTORUM ARTICULORUM
 DAMNATIO POSTULARE
 V I S A E S T,

Brevis & quoad fieri potuit ordinata & cohærens explicatio, à Veneranda facultate sacre Theologiæ in Lovaniensi Academia, Reverendissimi Illustrissimique D. Johannis Bonhomi, Vercellensis Episcopi, & Apostolici per utramque Germaniam Nuncii voluntate ac jussu concepta.

P R Æ F A T I O.

DE consequentibus articulis quos (a) rectè atque ordine ab Apostolica sede damnatos esse non dubitamus, quid nobis videatur, quidque sentiendum arbitremur, brevi quadam explicatione demonstrandum esse censuimus, nostram interim sententiam atque judicium Sedis Apostolicæ censuræ, eâ quâ par est obedientiâ submittentes. (b) Si quis autem est qui doctrinæ hæc comprehensæ, vel uberiores explicationem, vel probationem (c) operosiores, locupletioresque desideret; aut majorem etiam in judicando severitatem, acrimoniamque in refellendo requirat: is cogitet non aliud nobis fuisse in hoc studii genere propositum, quàm ut Doctrinæ formula, quæ in hisce rebus Sedis Apostolicæ judicio congrueret, damnatisque sententiis ex adverso consisteret, proponeretur. Quam quidem formulam eò commodiorem aptioremque, quod brevior ac moderatior esset, futuram esse judicavimus.

(a) Al.
recto ac
bono ordine.

(b) hæc
omittun-
tur in
M. D. L.
(c) Al.
ampliores.

(d) Al.
judicaba-
mus.

ARTICULI DAMNATI.

7. **N** *Ec Angel, nec primi hominis adhuc integri merita rectè vocantur gratia:*
 7. *Primi hominis integri merita, fuerunt primæ creationis munera; sed juxta*
modum loquendi Scripturæ Sacræ non rectè vocantur gratia: quo fit ut
tantum merita, non etiam gratia debeant nuncupari.
9. *Dona concessa homini integro & angelo, forsitan non improbandâ ratione possunt*
dici gratia; sed quia secundum usum Sacræ Scripturæ, nomine gratia ea tantum
munera intelliguntur, quæ per Jesum Christum malè merentibus & indignis
conferuntur; ideo neque merita, neque merces, quæ illis redditur, gratia dici
debet.

CAPUT PRIMUM.

D Eclaramus igitur videri nobis, & angeli & primi hominis adhuc integri merita rectè gratiam vocari: ut quæ ab eâ gratiâ fluxerunt, in qua conditi erant, juxta notissimam illam D. Augustini sententiam, quâ Deum asserit in Angelis simul & naturam condidisse, & gratiam esse largitum. Eam porro gratiam in sancto amore, & divinitus per Spiritum Sanctum infusâ charitate præsentique Dei adjutorio positam interpretamur; sine qua gratia, neque hominis, neque Angeli cæ liberi arbitrii vires esse potuerunt, quibus beatificæ illius visionis Dei ullum meritum compararent: quoniam, ut ait (a) idem Augustinus, de primo etiam homine loquens, *liberum arbitrium ad malum sufficit, ad bonum autem parum est, nisi adjuvetur ab omnipotenti bono*; ideoque nec primum hominem sine sua gratia esse voluit, sine qua (b) (inquit) nec ullum meritum tunc esse potuisset. Quocirca primi hominis adhuc integri merita sic primæ creationis munera fuisse fatemur, ut non tantum merita, verum etiam gratiæ deberent nuncupari, idque eâ loquendi ratione & modo, qui non sit à divinis Litteris alienus: in quibus gratiæ vocabulo significatum esse (c) perspicitur gratuitum hoc munus, quod supra naturæ facultatem, nullius meriti præcedentis intuitu ad spirituales hominum utilitatem datur. Unde & Christum secundum humanam naturam gratiâ plenum legimus, & in membris ejus divisiones gratiarum, unumque interim earum largitorem spiritum, qui dividit singulis prout ipse vult, non prout accipientium quisque meretur. Frequentertamen speculior illa, planeque eximia & singularis divinæ miserationis gratia commendatur, quâ propter Mediatorem Dei & hominum Jesum Christum peccatores justificantur, non solum nullis præcedentibus meritis bonis, verum etiam multis malis, quibus Dei gratiæ beneficio reddebantur indigni. Quam gratiam locis quidem variis asseruit, sed luculenter admodum explicavit B. Apostolus, cum epistolæ ejus, quæ apud Titum capite tertio scriptum reliquit: *eramus aliquando & nos insipientes, increduli, errantes, servientes desideriis & voluptatibus variis in malitia & invidia agentes, odibiles, odientes invicem; cum autem benignitas &*
humani-

lib. 12.
de civi.
Dei cap.
9.

(a) lib. de
correp. &
gratia
cap. 11.
(b) ench.
cap. 106.

(c) Al.
videtur
Joan. 1.
1. Cor. 12.
Rom. 12.

humanitas apparuit Salvatoris nostri Dei, non ex operibus justitiæ; quæ fecimus nos, sed secundum suam misericordiam salvos nos fecit per lavacrum regenerationis & renovationis Spiritus Sancti, quem effudit in nos abunde per Jesum Christum Salvatorem nostrum; ut justificati gratiâ ipsius, hæredes simus secundum spem vitæ æternæ. Major ergo hæc quidem gratia, quæ tantum boni præstatur indignis: sed & illa gratia tamen fuit (quia gratuitum munus & indebitum naturæ beneficium) quæ primus homo (a) usque aded in naturæ divinæ consortium evectus est, ut Dei per adoptionem filius esset, ideoque & illius beati ac cælestis regni hæres. (a) Al. in carum.

ARTICULI.

Humanæ naturæ sublimatio & exaltatio in consortium divinæ naturæ, debita suis integritati primæ conditionis, & proinde naturalis dicenda est, & non supernaturalis. 21.

Absurda est eorum sententia, qui dicunt hominem ab initio dono quodam supernaturali & gratuito supra conditionem naturæ suæ fuisse exaltatum, ut fide, spe, & charitate Deum supernaturaliter coleret. 21.

A vanis & otiosis hominibus secundum insipientiam Philosophorum excogitata est sententia, quæ ad Pelagianismum rejicienda est, hominem ab initio sic constitutum, ut per dona naturæ superaddita, fuerit largitate Conditoris sublimatus, & in Dei filium adoptatus. 24.

Integritas primæ creationis non fuit indebita humanæ naturæ exaltatio, sed naturalis ejus conditio. 26.

CAPUT SECUNDUM.

Nam neque id verum arbitramur humanæ naturæ sublimationem & exaltationem in divinæ naturæ consortium, debitam fuisse primæ conditionis integritati, proindeque naturalem dicendam fuisse, non supernaturalem, tantum abest ut absurdam censeamus illorum esse sententiam, qui hominem asserunt dono quodam supernaturali & gratuito, supra naturæ suæ conditionem fuisse initio exaltatum, ut fide, spe, & charitate Deum supernaturaliter coleret: aut à vanis & otiosis hominibus secundum philosophorum insipientiam excogitatum esse quod dicitur, hominem sic ab initio constitutum, ut per dona Dei naturæ superaddita, fuerit largitate Conditoris sublimatus, & in Dei filium adoptatus: neque enim tantum honoris & gloriæ aut humanæ naturæ ratio postulabat, aut simplicis cujuscumque innocentie requirebat integritas: quasi videlicet aut non potuerit esse homo, nisi tam divina esset sapientiæ præditus; aut nequiverit esse rectus, atque ab omni vitio liber, nisi tam præclaris esset animi dotibus exornatus, tantæque similitudinis ac societatis excellentiæ suo Conditori propinquus. Itaque supra eum sensum quem habere naturaliter de suo Conditore potuit, quia mente ac ratio-

ne præditus erat; supraque eum affectum, quo de naturæ viribus in suum benefactorem valuit assurgere, sapientiæ diviniore infusum est lumen, quo illustrata mens hominis, non cognitione modò sublimiore, verùm etiam præstantiore dilectione suo Conditoritanquam parenti & amico, velut unus cum eo spiritus, arctissimo societatis vinculo jungeretur. Ad eum verò finem ultimum, qui in Dei clara visione positus est, quo nihil hominì contingere possit aut sublimius ad gloriam, aut efficacius ad exuberans & inamissibile gaudium, quando suis natura viribus eniti aut pertingere potuisset, nisi magnà dignatione Dei, & munificà, planeque liberali ejus benignitate, eò fuisset destinata, ordinata & evecta? Nam & servili conditione facere hominem

(a) Al.
potuisset.
(b) Al.
potuisset.

(a) potuit, qui pro suis obsequiis aliam nullam mercedem expectaret; ac tametli non potuisset alicujus suæ felicitatis sine (b) frustrari, longè minoris tamen beatitudinis inferi potuit appetitus, ut sublimiore illà, nullà molestià careret. At nunc hominem Deus tanto honore & gloria coronare dignatus est, ut non servus tantùm esset, sed & filius; nec vulgarem sibi finem haberet propositum; sed eum quo excellentior, bonisque ad felicitatem pertinentibus cumulatur, ne fingi quidem posset. Eam autem institutionis humanæ dignitatem etsi non improbandà quādam ratione possemus dicere naturalem, tum quia cum ipsa natura exorta est, quomodo & hæc communis originis vitia naturalia esse dicuntur; tum quia naturæ humanæ apprimè conveniunt, eamque & perficiunt & exornant; rectissimè tamen supernaturalem quoque dixerimus, dicendamque arbitramur, quòd humanæ naturæ longè exuperans facultatem singulari beneficio & virtute Conditoris ei superaddita sit: quo factum est ut utroque sermone veteres uterentur, & quam S. Leo Pontifex naturalem hominis appellavit dignitatem, (c) Athanasius & eum secutus (d) Cyrillus supernaturalem dicerent.

Sap. 12.
1. phil. 2.

Serm. 7.
de jeju.
(c) oratione 1.
contra
Atian.
paulo post
initium.

(d) lib. 1. in Joan. cap. 13. & 14. l. 10, c. 23.
& l. 122. cap. 51.

ARTICULI.

1. **E**T bonis Angelis & primo homini, si in statu illo perseverassent usque ad ultimum vitæ, felicitas esset merces & non gratia.
2. Vita æterna homini integro & Angelo promissa fuit intuitu bonorum operum: & bona opera ex lege naturæ ad illam consequendam per se sufficiunt.
3. In promissione facta Angelo & primo homini, continetur naturalis Justitia constitutio, quia pro bonis operibus sine alio respectu vitæ æternæ justis promittitur.
4. Naturali lege constitutum fuit homini, ut si in obedientia perseveraret, ad eam vitam pertransires in qua mori non posset.
5. Sicut opus malum ex natura sua est mortis æternæ meritum, sic bonum opus ex natura sua est vitæ æternæ meritum.

CAPUT TERTIUM.

EX quibus non difficulter intelligi potest ipsam æternam vitam, quæ Angelo & homini in perseverantiæ suæ præmium promissa fuit, non tantum mercedem justitiæ, sed & gratiam dici (a) debuisse: quemadmodum enim jam post hominis lapsum vita æterna ab Apostolo dicta est Gratia, propterea quodd, interprete D. Augustino, justitia, cui redditur, magno divinæ gratiæ beneficio tribuatur; ita etiam integro homini vita æterna futura fuerat gratia, quodd ea divini consortii filiationisque dignitas, ex qua jure quoddam tantæ hæreditatis capefcentæ pollebat (juxta id quodd ab Apostolo Paulo expressum est: *si filii & hæredes*:) planè gratuito, sicuti antea dictum est, indebitoque divinæ erga hominem dignationis beneficio, homini cum crearetur fuerit attributa: quamvis interim inficiari nemo queat, propriâ quoddam peculiarique ratione homini jam perditò & damnato eandem vitam æternam cœpisse gratiam esse, quam B. Apostolus commendare voluerit, cum scriberet; stipendium quidem peccati esse mortem, gratiam verò Dei vitam æternam: cujus singularis gratiæ contemplatione dictum ab Augusti-^{1. de cor- rep. & gra. cap. 10. & 11. & ench. cap. 7. & 106.} no est, homini integro & Angelo si perseverarent, vitam æternam mercedem meriti fuisse futuram, quæ perditò per lapsum bono merito, in his qui liberantur, donum gratiæ facta est: alioqui ne tunc quidem lege naturali debita fuisset homini beata in Dei visione vita: quasi tantum tamque sublime bonum ita humanæ fuisset naturæ debitum, ut eo nisi interveniente peccato carere non posset. Supernaturalem omnino legem gratuitamque ordinationem, è munificentia divinæ erga creaturam suam fonte manantem asserimus eam, quæ effectum initio est, ut homini ad tam ineffabilem tamque eximiam suæ mercedis excellentiam aspirareliceret. (b) Quodd si tamen naturalem dici posse putet legem, quia sit ab initio ita constituta, non ei censemus pugnaciter esse resistendum: præsertim cum dicat Augustinus naturalem esse legem, quâ boni beatam, mali miseram vitam mereantur. Por-^{1. 1. de lib. arb. c. 6.} rò si potuit homo ab auctore suo ita fieri naturaliter bonus, ut tamen eundem supernaturale à Deo præmium minime deberetur, multò minùs est in natura boni operis constituenda meriti ratio, quo ad vitam veniretur æternam. Etenim et si esset opus malum sua ex natura mortis æternæ meritorium, non tamen consequens foret tanti præmii meritum ex boni operis natura profluere, cum possit ad defectum dejectionemque natura sibi sufficere, non autem ad profectionem tantam & gloriam. Itaque nisi & hominem Deus eâ personæ qualitate exornasset, quæ cælesti regno dignus esset, & hoc ei suâ liberalitate in justitiæ præmium promississet, nulla ejus meriti potuisset consistere ratio, cui vita æterna justitiæ lege deberetur; non enim ob boni operis naturam æterna vita beneoperanti est debita, sed sic honorabitur quem rex voluerit honorare.

(a) Al.

promissa.

Rom. 6.

Epist. 105.

& lib. de

gra. & lib.

arb. cap. 6.

& sequ.

Rom. 8.

Rom. 5.

1. de cor-

rep. & gra.

cap. 10. &

11. &

ench. cap.

7. & 106.

4.

6.

(b) Al.

hæc omit-

tuntur.

1. 1. de

lib. arb.

c. 6.

hester. 6.

ARTICULI.

51. **D**eus non potuisset ab initio talem creare hominem qualis nunc nascitur.
 75. *Immortalitas primi hominis non erat gratia beneficium, sed naturalis conditio.*
 76. *Falsa est doctorum sententia, primum hominem potuisse à Deo creari & institui sine iustitia naturali.*

CAPUT QUARTUM.

- C**UM autem explicatum sit, qualem quantumque Deus hominem suæ gratiæ beneficio, primâ ejus conditione reddiderit: non magnum jam fuerit concipere, qualem alioqui, hoc est, quanto inferiore gradu, forteque minore, facere eundem potuisset. Talis enim fieri potuit, qualis nunc nascitur, non quòd peccator aut vitiosus, pravusque qualis modò nascitur institui à Deo potuerit, sed quia corpore quidem fragili & mortali, quod necesse esset temporum lapsu veterascere, infirmari ac emori; animo verò tardo, hebeti, atque ad percipiendam veritatem difficili, facili autem ad errorem, & in voluptatem seu oblectamenta sensuum (a) pendulo, pronoque. Tamen si enim mori nunc poena peccati sit, neque naturæ necessitate (quòd Pelagiani volebant) in hominum genus irrepserit; sed ob transgressionis culpam, quæ vitari ab homine integro potuisset, inflicta sit: potuit tamen sic natura hominum institui, ut ea in parte nihil distaret à pecore, & esset ei mortis molestia nullo præcedente peccato subeunda. Verùm quoniam gratuito Dei beneficio immortalis creatus est, tantoque præ cæteris animantibus honore donatus, ut posset si vellet nunquam mori: jure nunc ad suæ culpæ reprehensionem audit, *homo cum in honore esset non intellexit; comparatus est jumentis insipientibus, & similis factus est illis.* Itaque mortalitas per quam mori necesse est nunc quidem hominis est poena damnati, propter non conservatam primæ conditionis dignitatem, quæ si ita Conditori visum esset, natura esse instituti potuisset: ignorantia quoque & difficultas, quemadmodum Augustinus ait, *etiamsi essent primordia hominis naturalia, nec sic culpandus, sed laudandus esset Deus.* Denique præterquam quòd offensionem habet generalis illa doctorum insinualio, cum (c) falsa eorum esse dicitur sententia; non satis etiam circumspèctè negari arbitramur fieri potuisse, ut sine iustitia naturali homo primus institueretur: sive iustitiam intelligant naturalem eam ipsam, quam nos (d) verè supernaturalem fuisse statouimus; sive aliam quampiam in habitibus istam virtutum moralium. Car enim fieri nequiverit, uti sicuti neque sapiens neque insipiens; ita neque iustitiæ habitu præditus, neque injustitiæ vitio laborans; sed utriusque capax crearetur? Magister quidem sententiarum, opinionem eam commemorat: quâ existimetur à nonnullis angelos in ipso creationis initio bonos exstitisse, id est sine vitio, justosque, id est, innocentes fuisse; sed non justos, id est, virtutum exerci-

exercitium habentes: nondum enim præditos fuisse virtutibus, quæ stantibus in confirmatione appositæ fuerint: Quam quidem opinionem, quamquam in eo quodd assertat contigisse, minds vero consentaneam existimamus; tamen in eo quodd fieri potuerit, à vero non censemus aberrasse.

ARTICULI

Liberum arbitrium sine gratia Dei adjutorio non nisi ad peccandum valet. 27.
 Omnia opera infidelium sunt peccata, & Philosophorum virtutes sunt vitia. 25.

Distinctio illa duplicis amoris, naturalis videlicet, quo Deus amatur ut author naturæ; & gratuiti, quo Deus amatur ut beatificator; vana est & commentitia, & ad illudendum Sacris Litteris & plurimis veterum testimoniis excogitata. 31.

Amor naturalis qui ex viribus naturæ exhauritur, ex sola Philosophia per elationem præsumptionis humana, cum injuriâ crucis Christi, descenditur à nonnullis Doctoribus. 15.

Omnis amor creaturæ rationalis, aut vitiosa est cupiditas quâ mundus diligitur, quæ à Joanne prohibetur; aut laudabilis illa charitas, quæ per Spiritum Sanctum in corde diffusâ, Deus amatur. 17.

Cum Pelagio sentit qui boni aliquid naturalis, id est, quod ex natura solis viribus ortum ducit, agnoscit. 16.

Non nisi Pelagiano errore admitti potest usus aliquis liberi arbitrii bonus sive non malus: & gratiæ Christi injuriâ facit, qui ita sentit & docet. 62.

Pelagianus est error dicere, quodd liberum arbitrium valet ad ullum peccatum vitandum. 11.

Non soli fures hi sunt & latrones, qui Christum viam & officium veritatis & vitæ negant; sed etiam quicumque aliunde quam per ipsum in viam justitiæ, id est, ad aliquam justitiâ conscendi posse docent, aut tentationi ulli sine gratiæ illius adjutorio resistere hominem posse, sic ut in eam non inducatur, aut ab ea non superetur. 29.

Omne quod agit peccator, vel servus peccati, peccatum est.

In omnibus suis actibus peccator servit dominantî cupiditatî.

34.
39.

CAPUT QUINTUM.

Hæc autem quæ hætenus quàm brevissimè fieri potuit absolvimus, eò pertinent ut magnitudo gratiæ ejus, quâ in prima sui constitutione hominum donata natura est, cogitetur: à quâ gratiâ propriæ voluntatis electione discedens & corruens, licet in miserandam peccati servitutem semel præcipitaverit, graviterque vulneraverit, atque insitas liberi arbitrii vires permultum debilitaverit: non sic tamen omnia boni principia evulsa sunt, ut liberum ejus arbitrium sine gratiæ Dei arbitrio non nisi ad peccandum valeret, multa quippe

Al. brevissimè
absolvimus.

(a) Mf.
D. L. hæc
omissit.

quippe sunt quæ vel ad humanos usus utiliter, vel ad excolendos ornan-
dolque vitæ mores laudabiliter, vel ad respublicas constituendas industriè
prudenterque ex primi honoris reliquiis protulit; neque ea in quantum hu-
jusmodi sunt, peccata esse censi ullo modo rectè possunt. (a) Quo fit ut
vel eo nomine non rectè dicendum sit, liberum arbitrium non nisi ad pec-
candum valere, sive id in hominibus fidelibus, sive in infidelibus spectetur.

(b) Al.
omnium.
(c) Al.
esse.

Sed neque solùm infidelium (b) opera omnia peccata simpliciter esse,
aut Philosophorum virtutes vitia (c) dicenda judicamus: cùm supersit in
hominum ejusmodi quoque pectoribus, præter indicium de multis vitæ offi-
ciis incorruptum, etiam amor naturalis recti atque honesti, qui de naturæ
non funditus depravatæ viribus exoritur. Si quidem omnino hoc à vero ab-
horrere censemus, omnem creaturæ rationalis amorem aut vitiosam cupidi-
tatem esse, quâ mundus diligitur, quæque à D. Johanne prohibetur; aut lau-
dabilem illam, quâ per Spiritum Sanctum in corde diffusa Deus amatur, cha-
ritatem. Est indubiè medius quidam amor, quem naturæ Author inseruit, quò
non modo beatitudinem omnes experimus, sed & parentes, & amicos, liberos,
& conjuges, & quæcumque aliâ ratione propinquos irreprehensibiliter ipsæ-
que naturâ impellente, diligimus: qui etsi (d) longè abest ab illius excel-
lentiæ charitatis, quam Deus per Spiritum Sanctum in eorum qui justifican-
tur corda diffundit; tamen neque ita degener est, ut vitiosa debeat cupidi-
tas æstimari: hæc ex Deo non est, ille Deum habet authorem: hæc dam-
nanda atque prohibita est, illum naturæ lex omnisque honesti postulat ratio
ac requirit: hanc charitas divinitus infusa destruit atque evertit, illum firmat
ac perficit.

(d) Al.
multum.

Quocirca qui boni aliquid naturalis, id est, quod ex solis naturæ viri-
bus, non ex illa per Christum speciali gratia ortum ducit, agnoscit; mini-
mè is cum Pelagio ea in parte sentire, seu Pelagianâ hæresi errare & labi,
dicendus est; sed perspicuè acquiescere veritati.

Quis autem putet liberum arbitrium non valere ad ullum vitandum pec-
catum, quandoquidem & per gratiam adjutum valet omne vitare peccatum,
& sine gratia etiam multa sæpe declinet? sive quia naturali quodam amore
honesti melioreque indole nonnulla etiam suggesta repudiat: sive quia aliâ
quâpiam occupatione, quæ plus oblectet, teneatur.

(e) Al.
profertur.
que.

Nec verò sentiendum est omne id quod agit peccator aut peccati servus,
peccatum esse: nec sic peccatum, quamvis dominetur ac regnet, vitæ sibi
totius obnoxias habet actiones, ut inquinet ac polluat universas: nam scdâ
licèt omnia sint quæ à dominante cupiditate proficiuntur atque imperan-
tur, non tamen in omnibus actibus suis dominanti peccator servit cupiditati,
sed quædam naturalis amor atque affectus, quem peccati quamvis magna
tyrannis non prorsus obruit, sibi vendicat; quædam in his qui Christiani
sunt, fides operatur; quæ tamen per charitatem operari dicatur, neque ea
in peccati servo inesse possit; tamen & per affectus quosdam bonos, quos
etiam in peccatoribus Dei spiritus exsuscitat, sese exerit (e) profertque
in opus: quemadmodum enim charitas in homine justo non sic regnum
obtrinet,

obtinet, quin aliquos sibi motus atque actus carnis concupiscentia suffuretur, propter quos si dixerimus quia peccatum non habemus, nosmetipsos seducimus, & veritas in nobis non est: ita etiam nec in peccati mancipiis sic regnat cupiditas, ut omnes affectus animi bonos, sive de natura sive de gratia venientes, exterminet; neque ex iis quidquam boni operis existere patiat: quemadmodum ut iustus non omnia iuste, nec fidelis omnia fideliter; ita neque peccator omnia vitiose, neque infidelis omnia infideliter operatur.

1. JOAN. 1.

ARTICULI.

Sola violentia repugnat libertati hominis naturali. Quod voluntariè fit, etiam si necessariò fiat, liberè tamen fit.

61.

18.

64.

52.

Homo peccat etiam damnabiliter in eo quod necessariò facit.

Definitiva hæc sententia, Deum homini nihil impossibile præcepisse, falsò tribuitur Augustino, cum Pelagii sit.

Cum Pelagio sentiunt qui textum Apostoli ad Rom. 2. GENTES QUÆ LEGEM NON HABENT, NATURALITER QUÆ LEGIS SUNT FACIUNT, intelligunt de Gentibus fidei gratiam non habentibus.

21.

Is libertatis modus, qui est à necessitate, sub libertatis nomine non reperitur in Scripturis, sed solum nomen libertatis à peccato.

40.

CAPUT SEXTUM.

Nullo verò modo sentiendum est ita peccato extinctam esse libertatis naturalis facultatem, ut libertatis ejus ratio in solo nunc voluntario sita sit, solaque violentia repugnet libertati hominis naturali; ut quod voluntariè fit, etiam si necessitate fiat, liberè tamen fieri dicendum sit. Neque enim libertas esset naturalis, nisi quod ex ea fit, ita susciperetur, ut id posset non fieri: usque adeo ut per liberum arbitrium peccet nemo in eo quod necessariò faciat, sive in eo quod vitare non possit: ac sicuti per naturalem hanc (a) libertatem inest homini facultas vitandi peccatum; ita etiam adest possibilitas implendi præceptum: falsumque est Pelagio peculiariter adscribendum quod dicitur, Deum homini nihil impossibile præcepisse; cum & Augustini Catholicæque Ecclesiæ ea certissima doctrina sit. Sed ideò verissimam hanc sententiam familiarius Pelagiani usurpabant, suoque prætexebant errori, ut per solas liberi arbitrii vires impleri posse crederetur, quod sine gratia impleri non posse Catholici statuebant. Hinc Venerabilis Beda Juliani quedam scripta reprehendens, quod dicit (inquit) Dominum non impossibile aliquid præcepisse, quia iustus est; verum profectò dicit, si ad ejus respicit auxilium cui catholica vox supplicat, DEDUC ME IN SEMITAM MANDATORUM TUORUM. Si verò viribus animi sui fidit, refellit eum (b) veridica ejusdem iusti Conditoris sententia, quia dicit: SINE ME NIHIL POTESTIS FACERE.

(a) Al. facultatem.

lib. 1. in cant. cant. de gra. Dei contra Jul. cap. ult.

(b) Al. veridica Conditoris.

Tametsi autem gratiæ solius auxilio possit ab homine divina lex veraciter impleri, non pauca tamen quæ legis sunt, etiam ab iis præstari possunt, qui solam sequuntur naturam ducem, ut ad Pelagianismum nequaquam rejicienda eorum interpretatio sit, qui textum Apostoli ad Rom. 2. Gentes quæ legem non habent, naturaliter quæ legis sunt faciunt: de Gentibus fidei gratiam non habentibus, intelligunt. Quamquam enim ea quoque vetus interpretatio sit, ut de Gentibus ad Christi gratiam conversis apostolicus ille accipiat locus: tamen & alium illum sensum, qui de Gentibus est infidelibus, Veterum catholicorum commentariis reperimus approbatum. (a) Quod verò ad ipsum pertinet libertatis vocabulum; neque id verum est, eum libertatis modum, qui à necessitate est, non reperiri in Scripturis sub nomine libertatis; sed solum à peccato libertatis nomen. Ubi enim Paulus ait subintroisse falsos fratres ad explorandam ipsorum libertatem, quam habebant in Christo Jesu, etiam libertatem significat quæ est à necessitate, nec tantum libertatem à peccato, quæ interior & coram Deo est: sed exterior illam à necessitate observandæ circumcisionis cæterorumque servilium operum Mosaicæ legis: quemadmodum eum locum Veteres & Græci & Latini interpretati sunt; usque adeo ut præter eam libertatem, quæ est à necessitate naturæ, ex qua liberum arbitrium propriè nominatur, & illam quæ est à violentia seu coactione, agnoscenda sit non solum libertas à peccato, quæ Sanctis Dei hominibus veteris legis tempore non defuit, sed etiam libertas quædam evangelica à jugo tam gravium tamque multiplicium cærimoniarum: quâ libertate & ii nunc per Christum fruuntur, qui tamen peccato servire non desinunt.

(a) hæc
omittit
Mf. D. L.

ad Gal. 2.
1. Cor. 9.
& 1. Cor.
10.

ARTICULI

- 1^o. **O** Mne scelus est ejus conditionis ut suum autorem & omnes posteros eo modo inficere possit quo infecti prima transgressio.
31. Quantum est ex vi transgressionis, tantum meritum malorum à generante contrahunt qui cum minoribus nascuntur vitiis, quam qui cum majoribus.
45. Ad rationem & definitionem peccati non pertinet voluntarium: nec definitionis quaestio est, sed causa & originis, utrum omne peccatum debeat esse voluntarium.
46. Unde peccatum originis verè habet peccati rationem, sine ulla relatione ac respectu ad voluntatem, à qua originem habuit.
47. Peccatum originis est habituali parvuli voluntate voluntarium, & habitualiter dominatur in parvulo, eo quod non gerit contrarium voluntatis arbitrium; & ex habituali voluntate dominante fit ut parvulus discedens sine regenerationis sacramento, quando usum rationis consecutus erit, actualiter Deum odio habeat, Deum blasphemet, & Dei legi repugnet.
79. Nemo præter Christum est absque peccato originali: hinc Beata Virgo mortua est propter peccatum ex Adam contractum, omnesque ejus afflictiones in hac vita, sicut & aliorum iustorum, fuerunt ultiones peccati actualis, vel originalis.

Omnes

Omnes omnino iustorum afflictiones sunt ultiones peccatorum ipsorum: unde & Job 69. & Martyres quæ passi sunt, propter peccata sua passi sunt.

CAPUT SEPTIMUM.

Cæterum etsi non ita est hominum peccato labefactata natura, ut non aliud sit quàm vitorum seminarium, nihilque aliud parere ex se possit quàm peccatum: est tamen in nascentium singulis ex sua origine vitata infectaque labe peccati: idque ex illius hominis transgressione prima, de quo scriptum est, *per unum hominem peccatum intravit in mundum.* Et iterum: *per unius inobedientiam peccatores constituti sunt multi;* quod non ideo propriè accidisse putandum est, quia gravis esset illius inobedientiæ culpa, sed quòd ejus esset personæ, quæ tanquam generis universi parens ac princeps non pro se modo, verùm etiam pro suis posteris originalem justitiam accepisset: quâ proinde dum se privavit per inobedientiam, non eam sibi modò, verùm etiam posteris amisit universis, seque in uno tanquam radice omnes de se prodituros infecit: quem unà cum natura oportebat naturæ transmittere vitium, sicuti integritatem ejus atque justitiam transmississet. Unde perspicui potest non omne scelus ejus esse conditionis, ut suum autorem & omnes posteros eo modo inficere possit, quo prima infecit transgressio. Neque verò plura quisquam de suis parentibus mala merita contrahit, sed uno originali peccato propter unius hominis delictum, de suo quisque parente prodit infectus. Neque sic est inæqualis hæc originalis infectio, ut alius alio pravior seu nequior, atque injustior nascatur: nec si ita esset, fieri posset, ut non plus in uno mali meriti graviorisque damnationis, quàm in alio reatus inesset. Ex quo apparet nec circumspectissimè nec sine offensione dici, quantum ex vi transgressionis est, tantum meritorum malorum à generante contrahere, qui cum minoribus nascuntur vitiis, quàm qui cum majoribus. Porro hoc quod dicitur originale peccatum, neque peccatum esset, nisi voluntarium foret, (a) Al. cum ad. voluntarium pertineat: neque tamen voluntarium est proprià ipsius parvuli voluntate seu habituali seu actuali, qui hanc sibi ipsi labem non contraxit, sed voluntarium est primi parentis voluntate. Ut autem habeat (b) verè peccati rationem sine ulla relatione aut respectu ad voluntatem, à quâ originem (c) sumpsit, fieri nullà ratione potest. Voluntarium quippe hoc propriè est quod à voluntate procedit, (d) & in voluntatis situm est potestate; nec peccati habere rationem quidquam potest, nisi habeat & voluntarii. Sed neque tantæ plena malitiæ recens nati voluntas esse parvuli censenda est, ut in ea secundum occultos habitus tantum vitiorum insedisse putandum sit, quantum se postea profert, cum ad annos perventum fuerit ratione utentis ætatis: tanquam videlicet ex habituali aliqua voluntate dominante fiat, ut parvulus discedens sine regenerationis sacramento, quando usum rationis consecutus erit, actualiter Deum oderit, blasphemet, legique Dei repugnet; sed magis existimandum communi parique in omnibus averfione mentis à Deo

(a) Al.
illis.

seu iustitiæ, privatione ingentem (a) illam parvulis pravitatem & maculam contineri. Quod autem ad ipsam pertinet generalitatem eorum qui hoc peccato oriuntur infecti, tamen constet communi lege humanam originem hoc subire contagium, possitque eâ lege B. quoque Virgo comprehensa videri, nec ulli Sedis Apostolicæ Constitutioni repugnet, si quis opinetur aut etiam cum modestia assermet, eam in originali peccato fuisse conceptam; quis tamen non intelligat falsò hoc statui, neminem præter Christum esse sine originali peccato? renatos quippe parvulos catholica tenet fides ab originali peccato liberos esse, ut (b) qui Christum novumque hominem induerint, veterem exuerint, qui abluti, sanctificati & iustificati sint: sed priusquam id fiat, tenet communiter omnes damnationis æternæ reos originis labe: unde etiam veluti à fonte quodam generalis hæc ærumnosæ vitæ miseria manat, cum dicat B. Apostolus, corpus mortuum seu moriendi necessitati addictum esse propter peccatum. Verum tamen non sic ex peccato communis ista mortalitas, miseraque vitæ conditio exorta est, ut omnes iustorum afflictiones, ac quidquid omnino iusti perpeffi sunt ad ultionem pertineat originalis actualisve peccati. Neque enim quoties Deus temporalibus quemquam premit incommodis, ulcisci ei propositum est, ac de peccato vindictam expetere: sed hoc interdum modo ad sui nominis gloriam servos reddit suos clariores, erigitque; ac proponit exempla patientiæ.

(b) Al.
ut Christi-
sum.

Rom. 8.

ARTICULUS VIGESIMUS.

NUllum est peccatum ex natura sua veniale, sed omne peccatum meretur pœnam æternam.

CAPUT OCTAVUM.

(c) Al.
neque
potest.

PRÆTER originis vitia, alia sunt propriæ actionis vitæque peccata, quæ passim actualia nominantur: in quibus ea tenenda distinctio est, ut quædam venialia, quædam mortalia esse judicentur: usque adeo ut quod à nonnullis asseritur, nullum esse peccatum naturâ suâ veniale, sed omne illud pœnam mereri æternam; non sine gravi ratione repudiandum damnandumque videatur: Neque enim, (c) ut cæteras causas prætereamus, poterit cum eis peccatis quæ venialia dicuntur, quibusque nec sanctissimorum hominum mortalem hanc vitam agentium conversatio caret, vera consistere iustitia, si omnia digna sunt morte.

ARTICULIS 65.

In fidelitas purè negativa in his quibus Christus non est prædicatus, peccatum est.

CAPUT NONUM.

Adversus peccati perniciem unum in Christo mediatore remedium est; neque enim aliud est sub cælo nomen datum hominibus, in quo oporteat eos salvos fieri à peccatis suis. Ideoque præter unius Dei fidem, etiam illa quæ in Christum est fides, omni tempore post generis humani lapsum, ad (a) justitiam salutemque recuperandam necessaria fuit. Magnâ autem Dei misericordiâ cœpit hæc fides novissimis temporibus toto terrarum orbe manifestè clarèque prædicari; ut & prodesset pluribus; & ii. qui non ignorant hanc salutis parandæ rationem respuissent, inexcusabiles essent. Hæc enim demum infidelitas est culpabilis, convenientem de Christo prædicationem audisse, nec credere voluisse. Infidelitas verò purè negativa, quâ in Christum non creditur, in his quibus non est Christus prædicatus, peccatum esse non potest. Quomodo enim credent sine prædicante? quomodo autem prædicabunt, nisi mittantur?

(a) Al. justificationem.

ARTICULI.

Iustificatio impii fit formaliter per obedientiam legis, non autem per occultam communicationem & inspirationem gratiæ, quæ per eam iustificatos faciat implere legem. 66.

Justitia, quâ iustificatur per fidem impius, consistit formaliter in obedientia mandatorum, quæ est operum justitia, non in gratia aliqua animæ infusa, quâ adoptatur homo in filium Dei, & secundum interiorem hominem renovatur, ac divinæ naturæ consors efficitur, ut sic per Spiritum Sanctum renovatus, deinceps bene vivere, & Dei mandatis obedire possit. 41.

In hominibus penitentibus ante sacramentum absolutionis; & in catechumenis ante baptismum, est vera justificatio; separata tamen à remissione peccatorum. 42.

Sed & illa distinctio duplicis justitiæ: alterius, quæ fit per spiritum charitatis inhabitantem; alterius, quæ ex inspiratione quidem Spiritus Sancti, cor ad penitentiam excitantis, sed nondum inhabitantis, & in eo charitatem diffundentis, quâ divinæ legis iustificatio impleatur, similiter rejicitur. 60.

Item & illa distinctio duplicis vivificationis: alterius, quâ vivificatur peccator, dum ei penitentia & vitæ novæ propositum & inchoatio per Dei gratiam inspiratur; alterius, quâ vivificatur qui verè iustificatur, & palmes vivus in vitæ Christo efficitur; pariter commentitia est, & Scripturis minime congruens. 61.

55. *Peccator pœnitens non vivificatur ministerio sacerdotis absolventis, sed à Deo solo, qui pœnitentiam suggerens & inspirans vivificat eum & resuscitat; ministerio autem sacerdotis solus reatus tollitur.*
54. *In peccato duo sunt, actus & reatus: transeunte autem actu, nihil manet nisi reatus, sive obligatio ad pœnam: unde in sacramento baptismi aut sacerdotis absolutione, proprie reatus peccati dumtaxat tollitur, & ministerium sacerdotis solum liberat à reatu.*

CAPUT DECIMUM.

Christi igitur piâ fide recepti gratiâ justificatur impius: quæ justificatio per occultam fit communicationem & inspirationem gratiæ Dei, quâ fit ut justificati legem impleant; quemadmodum scriptum est, *de peccato damnavit peccatum, ut justificatio legis impleretur in nobis, qui non secundum carnem* Rom. 8. *ambulamus, sed secundum spiritum.* Nec verum est, imò etiam divinarum Litterarum doctrinæ contrarium est, justitiam, quâ per fidem justificatur impius, ita consistere formaliter in obedientia mandatorum, quæ operum justitia est, ut non in gratiâ aliquâ animæ infusâ, quâ adoptatur homo in filium Dei, & secundum interiorem hominem renovatur, ac divinæ naturæ consors efficitur, ut sic per Spiritum Sanctum renovatus, deinceps benè vivere, & Dei mandatis obedire possit. Gratia siquidem infusa divinitus, quâ interior ille homo noster renovetur, peccatorem justificari declarat ille ad Titum Pauli locus, ubi ait. *Quum apparuit benignitas & humanitas Salvatoris nostri Dei, non ex operibus justitiæ quæ fecimus nos, sed secundum misericordiam suam salvos nos fecit per lavacrum regenerationis & renovationis Spiritus Sancti, quem effudit in nos abundè per Jesum Christum Salvatorem nostrum, ut justificati* cap. 3. *gratiâ ipsius hæredes simus secundum spem vitæ æternæ.* Quomodo autem hæredes nisi filii? & quomodo filii, nisi divinæ effecti consortes naturæ? Si igitur per id hæredes, per quod justificati; profectò per quod justificati, per id ipsum filii divinæque naturæ consortes effecti sumus. Quocirca cum nos gratia Dei per Spiritum Sanctum infusa justificet, verisimè dicitur justificari hominem intrinsecè atque formaliter per eam gratiam quâ adoptatur in filium Dei, & secundum interiorem hominem renovatur, divinæque naturæ consors efficitur. Hæc autem veræ justificationis gratia, neque in pœnitentibus ante reconciliationis sacramentum, neque in Cathecumenis ante baptismum inest, separata interim à remissione peccatorum. Nemo quippe ante remissionem peccatorum justus est, sed per fidem & orationem peccatique detestationem justificanti gratiæ animus præparatur, eamque præparationem sequitur justificatio, quæ ut Tridentini Concilii Patres rectè definiunt, non sola est peccatorum remissio, sed etiam renovatio. Non est interim odiosè pertinaciterque illa duplicis justitiæ rejicienda distinctio; alterius, quæ fit per Spiritum charitatis inhabitantem; alterius quæ fit ex inspiratione quidem Spiritus Sancti cor ad pœnitentiam excitantis, sed nondum inhabitantis, & charitatem in eo diffundentis, quâ divinæ legis justificatio impletur: uti nec illa commentitia. Scripturisque minimè congruens judicanda est dupli-

Sess. 6.

cap. 7. &

can. 11.

duplicis vivificationis distinctio; alterius, quâ vivificatur peccator, dum ei poenitentia & vitæ novæ propositum & inchoatio per Dei gratiam inspiratur: alterius, quâ vivificatur is qui verè justificatur, & palmes vivus in vitæ Christo efficitur. Etenim ante remissionem peccatorum atque inhabitantem Spiritum, & justificationis & vitæ quædam inchoationes, dumtaxat sunt conceptionibus (ut loquitur Augustinus) similes: at non solum spiritaliter concipi, verum etiam nasci opus est, ac tum demum ceptum justificationis ac vivificationis opus infusione vivificæ charitatis absolvitur: ut tum primum homo simpliciter justus esse, & vitam habere in Christo dicendus sit. Quo fit ut falso quoque statuatur, non vivificari poenitentem absolventis ministerio Sacerdotis; sed à Deo solo, qui poenitentiam suggerens & inspirans vivificat eum atque resuscitat; sacerdotis autem ministerio solum resolvi reatum. Quis enim vivificari neget eum cui Spiritus ille, quem peccata fugaverant, qui inhabitet, agat, regat, Sacerdotis ministerio divinâ redditur potestate? Quapropter D. Chrysostomus attributam Sacerdotibus remittendi peccata potestatem, vivificandi esse dicit potestatem: *non hoc (inquit) tantum mirabile est, quodd vivificat Christus; verum etiam, quodd aliis quoque præstat id faciendi potestatem. Accipite (inquit) Spiritum Sanctum, quorum remisistis peccata remissa sunt.* Denique nec ea vera sententia est, cum in peccato duo insint, actus & reatus; transeunte actu, nihil nisi reatum sive obligationem ad poenam remanere: ideoque in baptismi sacramento aut Sacerdotis absolutione propriè reatum duntaxat peccati tolli, Sacerdotumque ministerium à reatu nos tantum exsolvere. Neque enim propter nudam reatus solutionem, regenerationis renovationisque lavacrum esse baptismi diceretur, aut per id abundè effusus in hominem Spiritus Sanctus esset: cumque utroque sacramento verè justificentur homines, justificatio autem non sola sit peccatorum remissio, sed sanctificatio etiam, renovatioque interioris hominis; fieri non potest ut nuda reatus solutio divino Sacramento Sacerdotisque ministerio relinquatur.

quest. 2.
ad Simpl.

hom. 6. in
2. ad Cor.

ad Th. 9.

ARTICULI.

PER contritionem etiam cum charitate perfectâ & cum voto suscipiendi sacramentum conjunctam, non remittitur crimen extra casum necessitatis aut martyrii, sine actuali susceptione sacramenti. 68.

Homo existens in peccato mortali, sive in reatu æternæ damnationis, potest habere charitatem: & charitas etiam perfectâ potest consistere cum reatu æternæ damnationis. 67.

Charitas perfectâ & sincera, quæ est ex corde puro & conscientia bonâ, & fide non fictâ, tam in Cathecumenis, quam in poenitentibus potest esse sine remissione peccatorum. 10.

Charitas illa, quæ est plenitudo legis, non est semper conjuncta cum remissione peccatorum. 11.

Cathecu-

11. *Carbecumenus iussit, recte & sanctè vivit, & mandata Dei observat, ac legem implet per charitatem, ante obtentam remissionem peccatorum, quæ in baptismi demum lavacro percipitur.*

16. *Non est vera legis obedientia, quæ sit sine charitate.*

CAPUT UNDECIMUM.

Quamvis autem nemini de sua à mortali peccato justificatione, non adhibito baptismi aut reconciliationis sacramento, concipienda facillè præsumptio sit: tamen non solum in casu necessitatis aut martyrii, verùm etiam extra hos casus, per contritionem charitate perfectam, & cum voto sacramentum suscipiendi conjunctam, (a) remitti peccata sentiendum est, etiam sine actuali susceptione sacramenti: falsumque est hominem in peccato mortali, sive in reatu æternæ damnationis existentem posse veram habere charitatem. Et si enim ante suam justificationem insit in pœnitente amor aliquis justitiæ, eaque dilectio, quâ Deum diligere incipit tanquam totius justitiæ fontem; is tamen amor, qui charitatis (b) naturam assequitur, seu (c) vera illa & sincera charitas, quæ est ex corde puro, conscientia bona, & fide non ficta, cum æternæ damnationis reatu non consistit, semperque illa charitas, quæ legis est plenitudo, quâque Deus ex toto corde totaque animâ diligitur, cum peccatorum est remissione conjuncta. Quod si dixerit quispiam veram agi pœnitentiam non posse sine obedientia legis, hanc autem ipsam legis obedientiam à charitate non posse esse sejunctam: Respondetur ei ne id quidem verum esse, non esse veram legis obedientiam quæ sine charitate sit: neque enim eandem vim habent obedientia legis & ejusdem plenitudo; siquidem legi obediens est, qui voto saltem desiderioque animi ac sincero conatu legi obsequitur, etiam si ipsa nondum ab eo legis plenitudo præstetur.

(a) Al. in-
terdum.

(b) Al.
præstan-
tiam.

(c) Al.
perfecta.
1 Timo.
1. 31. 3. 2.
Rom. 1.

ARTICULI.

41. *Prava desideria quibus ratio non consentit, & quæ homo invitus patitur, sunt prohibita præcepto, NON CONCUPISCES.*
49. *Concupiscentia, sive lex membrorum; & prava ejus desideria, quæ inviti sentiunt homines, sunt legis inobedientia.*
71. *Motus pravi concupiscentiæ sunt pro statu hominis vitiiati prohibiti præcepto, NON CONCUPISCES, quamvis transgressio in peccatum non deputetur.*
71. *Quamdiu aliquid concupiscentiæ carnalis in diligente est, non facit præceptum: DILIGES DOMINUM DEUM TUUM EX TOTO CORDE TUO.*
71. *Concupiscentia in renatis relapsis in peccatum mortale in quibus jam dominatur, peccatum est, sicut & alii habitus pravi.*

CAPUT DUODECIMUM.

Nullo autem pacto vera esset renatorum justificatio, si motus ille carnis, quos inviti adversus spiritum rebellantes sentimus, eandem, quam prius cum voluntarii essent, retinerent peccati rationem: nec possent tamen veram propriamque peccati rationem exuere, si veram legis transgressionem & inobedientiam continerent: quocirca statuendum est motus concupiscentiæ pravi pro vitiati hominis statu, prohibitos non esse præcepto: *non concupisces*: hominemque eos sentientem, sed non consentientem, legis prædictæ pronuntiari non debere transgressorem. Quemadmodum enim Deus homini non præcipit ut faciat quod facere non potest; ita neque prohibet, quod vitare, etsi maximè velit, non valet: nec quicquam omnino sub præceptum aut prohibitionem cadit, nisi in quantum humanæ possibilitati subjicitur. Quantum itaque efficere homo potest ne hujusmodi carnis motus exurgant, tantum ut id fiat obligatur: quod autem præstare non potest, quantumvis id sibi culpâ ut non posset accersierit, nemo sapiens lege propositâ exigendum putet. At impediunt quidem hi motus, ne omni modo ex toto corde diligatur Deus; non tamen efficiunt, ut ea quæ de diligendo lex est, non veraciter impleatur: charitas enim quam secum consistere patitur violenta quantumvis carnis rebellio, idcirco etiam legis dicta plenitudo est, quod per eam divina lex impleatur. Unde perspicitur nec id ferendum esse quod sic expressum est, quamdiu aliquid concupiscentiæ carnalis in diligente inhæreat, non fieri præceptum, *diliges Dominum Deum tuum ex toto corde tuo*: quæ autem inest concupiscentia in iis renatis, qui in mortale peccatum relapsi sunt, tamen si peccatum esse verè dici queat, quia voluntaria sit atque dominetur; (a) tamen non de nihilo offendit quod adjungitur: sicut alii habitus pravi: tanquam videlicet omnes pravi habitus peccata esse dicendi sint: quod falsum esse Sanctorum convincit experientia, qui gravi sæpe contra pravi habitus susceptâ luctâ, à peccati consuetudine ægrè se abstrahunt, regnumque cælorum, sicut scriptum est, violenter rapiunt.

Aug. de
perfect.
justit. cap.
8.

(a) Al.
tamen
offendit.

Matt. 11.

ARTICULI.

Opera Catechumenorum, ut fides & pœnitentia, ante remissionem peccatorum facta, sunt vitæ æternæ merita; quam vitam ipsi non consequuntur, nisi prius præcedentium delictorum impedimenta tollantur. 12.

Opera bona à filiis adoptionis facta, non accipiunt rationem meriti ex eo quod fiunt per Spiritum adoptionis inhabitantem corda filiorum Dei, sed tantum ex eo quod sunt conformia legi, quodque per ea præstatur obedientia legi. 13.

Ratio meriti non consistit in eo quod qui bene operatur, habeat gratiam & inhabitantem Spiritum Sanctum; sed in eo solum quod obedit divinæ legi. 14.

Opera justitiæ & temperantiæ, quæ Christus fecit, ex dignitate personæ operantis non traxerunt majorem valorem. 15.

12. *Pelagii sententia est; opus bonum citra gratiam adoptionis factum non est regni cælestis meritum.*
17. *Sentiunt cum Pelagio, qui dicunt esse necessarium ad rationem meriti, ut homo per gratiam adoptionis sublimetur ad statum deificum.*
18. *Ille Doctorum distinctio, divinæ legis mandata bifariam impleri; altero modo, quantum ad præceptorum operum substantiam tantum; altero quantum ad certum quemdam modum, videlicet secundum quem valeant operantem perducere ad regnum æternum, id est, ad modum meritum; commentitia est & explosenda.*
19. *Ille quoque distinctio, quæ opus dicitur bifariam bonum; vel quia ex objecto & omnibus circumstantiis rectum est & bonum, quod moraliter bonum appellare consueverunt: vel quia est meritum regni æterni, eò quod sit à viro Christi membro per Spiritum charitatis; rejicienda est.*
11. *Quod piè & justè in hac vitâ mortali usque in finem conversati vitam consequimur æternam, id non propriè gratia Dei, sed ordinationi naturali statim initio creationis constituta juxta Dei judicio deputandum est, neque in hac retributione bonorum ad Christi meritum respicitur; sed tantum ad primam institutionem generis humani, in qua lege naturali constitutum est, ut juxta Dei judicio obedientia mandatorum vitæ æternæ reddatur.*
2. *In redemptionis per gratiam Christi nullam inveniri potest bonum meritum quod non sit gratis indigno collatum.*
43. *Operibus plerisque, quæ à fidelibus sunt solum ut Dei mandatis pareant, cujusmodi sunt, obedire parentibus, depositum reddere, ab homicidio, à furto, à fornicatione abstinere, justificantur quidem homines, quia sunt legis obedientiæ; non tamen iis obtinent incrementa virtutum.*
14. *Opera bona justorum non accipient in die judicii extremi ampliorem mercedem, quàm juxta Dei judicio mereantur accipere.*

CAPUT 13.

Justificationis fructus, bonum opus est regni cælestis meritum: nam ante justificationis gratiam licet rectè bona vocentur catechumenorum opera, quæ à fide & poenitentia proficiuntur, non tamen regni cælestis sunt meritoria, propterea quod ad tanti meriti rationem non satis sit, opus quod agitur legi esse conforme; verum etiam requiratur ea personæ dignitas atque præstantia, quæ per adoptionis spiritum divinæ naturæ consors, dignaque Deo effecta sit. Quæ quidem personæ operantis qualitas sicuti hominem Deo conjunctiorem melioremque reddit, quàm prius fuerat; ita etiam in opus transiens, ipsum afficit ac perficit æternæque vitæ retributione dignum reddit. Etenim personæ operantis dignitatem nihil conferre ad operis præstantiam vel Christi redemptoris exemplo, à vero alienissimum esse docetur: cujus opera justitiæ, temperantiæ, fortitudinis, cæterarumque ejus virtutum ex personæ ipsius dignitate, majorem multò quàm alioqui habitura fuerant, traxere valorem. Ac sicuti (a) pretiosiora illa fuerant opera, quod opera essent filii Dei naturalis; ita etiam Deo digniora sunt, quæ à filiis ejus

(a) Al.
gradan-
tiora.

ejus spiritu adoptionis effectis, per infusum charitatis (a) donum producuntur. Itaque licet Pelagius tollens originale peccatum, cuidamque naturali parvulorum innocentie vitam promittens etiam sine baptismo Christi beatam, hoc colore sit usus, quo doceret baptisari oportere ut ad regni iuspossessionemque adoptarentur: non tamen Pelagianismus est, si quis dicat, opus bonum citra gratiam adoptionis factum non esse regni celestis meritum; aut si quis dicat, necessarium esse ad meriti rationem, ut homo per gratiam adoptionis ad statum deificum sublimetur: præsertim cum jam post ruinam illam generis nostri communem ante hanc adoptionis gratiam, non innocens quisquam ac sine peccato, naturalique justitiæ dote locuples (quod Pelagius (b) errore suo fingebat) sed peccator ac mortis reus quilibet nostrum reperiatur: nec possint æternæ vitæ merita cum mortis damnationisque meritis esse conjuncta. Nec verò hic obfistit quoddam Catechumeni ante adoptionis gratiam benè vivant, moresque ad divinæ legis normam & conformitatem exigant. Non enim commentitia & explodenda celebris illa Doctorum sententia est: divinæ legis mandatum bifariam impleri; altero modo, quantum ad operum quæ præcipiuntur substantiam; altero, quantum ad certum quemdam modum, secundum quem videlicet operantem valeant ad regnum æternum perducere, id est, ad modum meritorum: ut nec illa repudianda distinctio est, quæ dicitur opus bifariam bonum; vel quia ex objecto & omnibus circumstantiis rectum & bonum est, quod moraliter bonum appellari consuevit: vel quia regni est æterni meritum, eò quod sit à vivo Christi membro per spiritum charitatis. Porro quia, quoddam piè & justè in hac mortali vitâ in finem usque conversamur, Christi propriè adscribendum est gratiæ, idè quoddam ejus conversationis intuitu vitam consequimur æternam, quamvis justæ retributionis retineat rationem, non ordinationi deputandum est naturali, sed gratiæ Dei per Christi meritum, quemadmodum illa præ se fert Pauli notissima sententia, *gratia Dei vita æterna in Christo Jesu Domino nostro*. Non sic tamen in hominum justificatorum meritis Christi prædicanda est gratia, ut statuamus in redemptis per gratiam Christi nullum posse bonum meritum inveniri, quod non sit gratis indigno collatum: siquidem & ipsis justitiæ merentur incrementis, quæ non indènis tributa sunt, sed ipsius in qua se exercebant justitiæ intuitu. Sicut enim dignum est ut qui in sordibus est, sordescat adhuc; ita dignum est, ut qui justus est justificetur adhuc. Ideoque suis operibus fideles quæ faciunt ut à mandatis pareant, cujusmodi sunt, obedire parentibus, depositum reddere, ab homicidio, à furto, à fornicatione abstinere, non solum justificantur, quia legis obedientiæ sunt, veræque legis justitiæ; verum etiam incrementum virtutum: nec vitam tantum æternam, sed & gratiæ augmentum promerentur, quemadmodum id est à Concilii Tridentini Patribus sub anathemate definitum. Postremò etsi in retributione vitæ æternæ justæ mercedis, secundum Dei cum homine conventionem, redditio est: non ea tamen debet esse nostræ assertionis temeritas, ut opera bona iustorum amplio in die judicii acceptura negemus mercedem, quam justo Dei iudicio accipere mereantur: quoddam hoc & Patres quidam ita senserint, & non

(a) Al. manus.

(b) Al. ore suo.

Rom. 6.

Apoc. 21.

Scff. 4. cap. 11.

sit à divinæ munificentiae ratione profusissimaque in suos filios bonitate & liberalitate alienum.

ARTICULI.

10. **S**olutio pœnæ temporalis, quæ peccato dimisso sæpe remanet, & corporis resurrectioni propriè non nisi meritis Christi adscribenda est.
74. Satisfactiones laboriosæ justificationum non valent expiare de condigno pœnam temporalem restantem post culpam condonatam.
36. Quando per elemosynas aliaque pœnitentiæ opera Deo satisfacimus, pro pœnis temporalibus, non dignum pretium Deo pro peccatis nostris offerimus, sicut quidam errantes autumant; nam aliqui essemus saltem aliqua ex parte nostri redemptores: sed aliquid facimus, cujus intuitu Christi satisfactio applicatur & communicatur.
37. Per passiones Sanctorum in Indulgentiis communicatas, non propriè redimuntur nostra delicta; sed per communionem charitatis eorum nobis passiones impertiuntur, ut digni simus qui pretio sanguinis Christi à pœnis pro peccatis debitis liberemur.
44. Sacrificium Misæ non aliâ ratione est sacrificium, quàm generali illâ, quâ omne opus quod fit ut sanctâ societate Deo homo inhaereat.

CAPUT DECIMUM QUARTUM.

UT autem æterna vita beataque justorum immortalitas sic Christi mediatoris accepta ferenda est meritis, ut eam tamen propriis sibi quisque meritis, quæ à Dei gratia profecta sint, tanquam suæ perseverantiæ mercedem acquirat ita etiam pœnarum temporalium, quæ culpâ remissâ plerumque supersunt, abolitionem mereri satisfactione suâ potest; ideoque verum non est quod sic asseritur: solutionem pœnæ temporalis quæ peccato dimissa sæpe remaret, & corporis resurrectionem propriè non nisi Christi meritis adscribandam esse. Tamen enim bona hæc ad instaurationem reparationemque nostri pertineant; nihil tamen prohibet quominus ipsis nostræ instaurationis initiis, quæ à Spiritu Sancto inhabitante procedunt, reparationis perfectionem consummationemque mereamur, præsertim cum ipsum Dei in nobis regem, quod Sanctorum constat esse mercedem, & ipsa justitiæ (a) pacis plenitudo, in quibus Dei regnum à B. Apostolo consistere declaratur, ac perfectam absolutamque naturæ nostræ restitutionem pertinere noscantur. Quocirca & pœnam temporalem culpâ (b) condonatâ restantem laboriosè justificationum expiare de condigno satisfactiones valent: & quando per elemosynas aliaque pœnitentiæ opera pro temporalibus Deo satisfacimus pœnis; non aliquid solum facimus, cujus intuitu Christi nobis applicetur & communicetur satisfactio: verum etiam dignum Deo pro peccatis nostris pretium offerimus. Neque id (c) repudiandum tantopere arbitramur, (d) utper ea quæ Christi in nobis spiritus tanquam in vivis suis membris (d) operatur, aliquâ dicamur ex parte nostri esse redemptores: non quia cum Christo.

(a) Al. pietatisque.
Rom. 14.
(b) Al. expiati.

(c) Al. refugendum.
(d) Al. si

Christo in nostræ redemptionis munere dividamus, ut ille nos ex parte unâ, nos verò ex altera nosmetipsos redimamus; sed quia tota perfectaque nostri à peccatis liberatio, sic pretio Christi assignanda sit, ut tamen per ejusdem (a) pretii virtutem, offerre & ipsi aliquid Deo dignum, istoque modo ad nostri liberationem & salutem cooperatores (b) Deo esse, valeamus. Et quia *pretiosa est* (sicut psalmista testatur) *in conspectu Domini mors Sanctorum ejus*; nobis virtutem. (a) AL. pretii in nobis virtutem. (b) AL. Christi. Psal. 115. fatemur non per communionem modò charitatis eorum nobis (c) passionibus in Indulgentiis impetiri, ut hoc pacto digni simus, qui pretio sanguinis Christi à poenis restantibus liberemur; verùm etiam per easdem passionibus nobis communicatas & applicatas, delicta nostra propriè redimi: usque adeò sanè ut sive in nostris, sive in alienis pro nobis passionibus non generalem tantùm mediū rationem, per quod meritum (d) Christi reddamur participes, verùm etiam nihil obstante plenissimâ satisfactione Christi, satisfactio- (d) AL. tionis, quâ divinæ justitiæ satisfiat, agnoscere proprietatem debeamus. Sicut etiam in Missa propriam sacrificii rationem in oblatione Dominici corporis constitutam agnoscimus; damnantes omnino detestantesque, si quis asserat Missæ sacrificium non aliâ sacrificium esse ratione, quàm illâ generali quâ omne opus quod fit ut sanctâ societate Deo inhæreamus (e). Quia, si ita sit, tunc Sacerdotium speciale nullum relinquitur, quod non sit Christianis omnibus perinde commune. Si enim idèd tantùm sacrificium est, quia opus bonum est; cur Sacerdos quisquam est, aut quare sacrificare dicendus est, nisi quia sanctè benèdique operetur? Ex quo conficitur Sacerdotium Novi Testamenti non quibusdā peculiariter ad hoc consecratis & inunctis esse proprium; sed bonis omnibus Laicis esse commune. Denique jam cesset oportet inter nos & Christianæ ecclesiæ adversarios mota de sacrificio missæ controversia, quòd nemo eorum sit, qui in suâ novitate non prorsus insaniunt, qui actionem Dominicæ coenæ, quàm Missam veteri vocabulo Catholici nuncupant, non bonum opus agnoscat, quod idèd fiat, ut sanctâ societate Deo inhæreamus.

44.
(e) AL. additur. dicitur sacrificium.

In Codice Ms. D. qui a. 1607. scriptus est, hæc adduntur: Composituit hanc Articulorum explicationem nomine Facultatis Theologicæ Eximius D. M. N. Joannes Lensæus Belliolanus, cujus memoria in benedictione sit. Amen.

F I N I S.

INTERROGATORIA
 A B Æ M U L I S
 MICHAELIS BAI
 S U P P E D I T A T A
 PRO INSTRUCTIONE
 D. COMMISSARI
 I N N E G O T I O
 A R T I C U L O R U M
 P E R
 B U L L A M P I I V.
 A C G R E G O R I I X I I I.
 P R O H I B I T O R U M.

hactenus
 inedita.

An verum sit.

1. **Q**UOD D. & M. N. Michael de Bay, non ita multò post exhibitam, lectam, publicatam atque receptam per totam Theologicam Facultatem Lovaniensem, in qua ipse tunc erat Legens & Regens, Bullam S. D. N. Pii Papæ V. super certis articulis seu sententiis in eadem Bulla specificatis, damnatis & prohibitis, parvum quoddam scriptum composuit directè & ex professo contra ejusdem Bullæ censuram, illudque permiserit in multorum manus exire. An testis scriptum illud aut ejus transsumptum viderit, legerit, aut legi audiverit? an habeat? Si sic, exhibeat.

2. Quid idem aliud quoddam scriptum circa idem tempus composuit multò majus pleniusque ejusdem argumenti, quod ipsum quoque fuit in varia exemplaria descriptum,

ptum, atque etiam ad Urbem missum cum epistola ipsius D. Baii ad Summum Pontificem. An testis videris, legeris, audieris &c. ut *suprà*. An fueris.... An testis videris *resp.*.... (hæc pauca aliquot verba detrita sunt in Ms.)

3. Quodd idem iussus plerasque Sententias confutare, ac in aliis seipsum declarare publice in Scholis Theologicis, duobus diebus continuis, ea dixit quæ auditores graviter offenderunt, conformia duobus Scriptis, de quibus præcedit, per quæ in summa magis visus sit Collatores prædictarum sententiarum insimulare falsitatis & calumniarum, ipsamque sedem Romanam notare negligentia & præceptis sententiarum, quàm errores suos ingenuè confiteri atque confutare. Quoddque ea ab auditoribus ex dicentis ore conscripta per multorum manus transierunt, non sine gravi scandalo legentium. An testis dicentem audieris: an scriptum ex ore dicentis exceptum videris &c. ut *suprà*?

4. Quodd idem in Congregatione quadam Facultatis Sacrae Theologiæ, cum de Articulis ac sententiis prohibitis ageretur, dixit esse in illis quoddam, pro quibus deberemus forsitan mori potius quàm ea damnare. An testis fueris præsens: an dixeris hoc de partibus aliquarum Sententiarum, an verò de integris sententiis seu articulis?

5. Quodd idem diversis vicibus susceperis publice in scholis Theologicis defendere positiones continentes clausulas offensivas, & signanter de Conciliis generalibus, quasi ea à Romanis Pontificibus contingeret aliquando non libere, non constanter, non canonicè approbari, & ob id etiam si essent approbata per Romanum Pontificem, non prius tamen eorum definitiones essent fidei tenenda quàm ab Ecclesiis Catholicis jam suscepta fuerint. An testis habeat aliquas tales positiones? Si habueris, exhibeantur.

6. Quodd idem publice in scholis Theologicis in promotione ad gradum Licentiæ in sacra Theologia recitavit orationem de potestate Romani Pontificis & aliorum Episcoporum, in qua plurimi graviter fuerunt offensi, quoddque eandem postea ostenderit Reverendissimo D. Lindano, quasi consideret eâ lectâ ipsum in suam sententiam descensurum. Qua in re non tantum non consequutus fuit quod optabat, sed etiam sibi ipsum contradicentem sensit. Cumque perlatum esset etiam ad D. Morillon de eadem oratione, is aded fuit commotus, ut cum postea electus esset in Decanum Sancti Petri, responderet se non confirmaturum electionem, nisi prius attestationem Facultatis exhiberet super duobus istis. Quoddque non potuit obtinere Facultatis attestationem, ac ne privatim quidem ullius Magistri.

7. Quodd idem conatus sit inducere Facultatem Theologicam, ut consentiret in omissionem clausulae cuiusdam posita ex ejusdem Facultatis conclusione ad iuramenta Promovendum ad Gradus: quæ clausula declaras articulos in Bulla Pii V. notatos habendos esse pro talibus à quibus oporteat studiosos abstinere. An testis tunc fueris in Facultate: quid eum moverit; & quid Facultas responderit?

8. Quòd idem majus illud Scriptum, cujus suprà fuit mentio in interrogatorio secundo, diligentissimè recognovit, manuque proprià assumptas habens diversis locis varias additiones, partim minio partim atramento delineatas, exhibuit Januarii 8. an. 1579. Gaudano & Molano; præsumens, ut apparet, quòd sic eos traheret in suam sententiam, & persuaderet quòd clausula illa ad juramenta Promovendorum addita, de qua in interrogatorio immediatè præcedenti, deinceps omitteretur, ac tandem deleteretur. An testis viderit, &c?

9. Quòd idem etiam post ipsi exhibitam ac consignatam Originalem Bullam Apostolicam per Reverendum Patrem Franciscum de Toledo hac directam, rursus Facultatem Sacræ Theologiæ contristavit, nec voluit, cum id ei ex officio incumberet, prælegere, promovendo ad gradum Licentiæ, clausulam ad juramenta additam, de qua præmittitur. An testis fuerit præsens?

10. Quòd idem cum suscepisset positionem publicè in Scholis Theologicis defendendam de meritis operum, in cujus prima propositione erat clausula suspecta; & Repetens interrogaretur ut sensum illius clausulæ explicaret: non expectatâ responsione Repetentis, animo commoto erupit in verba scandalosa, dicendo quòd ipse non vellet ad hoc respondere; cur esset responsurus, ed quòd timeret accusationes, vexationes & calumnias &c? An testis audierit &c?

E X T R A C T A

E X A C T I S

FACULTATIS THEOLOGICÆ

LOVANIENSIS CIRCA

MICHAELIS BAI

N E G O T I U M

Anno Domini 1570. 16. Novembris, Dominus Morillonus, Vicarius R. D. Cardinalis Granvellani Archiepiscopi Mechliniensis, post decimam horam ingressus scholam Theologorum cum Notario Universitatis publicavit, & publice legi fecit litteras summi Pontificis, rogavitque DD. Magistros NN. an vellent litteris Apostolicis obtemperare; cui omnes annuerunt. Nota tamen quòd Domini nihil de subscriptione audiverunt, sicut nec discipuli qui ei proximè affidebant.

*Ex libro à
An. 1515.
usque ad
An. 1572.*

Eodem die, vespèri, sub tenebras, misit Rector Bedellum suâ auctoritate, in scio Decano, ad singulos Magistros Facultatis cum chartâ his verbis inscriptâ: *Nos Cornelius Goudanus Alma Universitatis studii generalis oppidi Lovaniensis Rector pro tempore, Decanus ac Magistri Facultatis S. Theologiae ejusdem Universitatis infra scripti, fatemur nos reverenter amplecti resolutionem S. Sedis Apostolicæ in propositis Articulis juxta ejus Bullam Kal. Octobris 1567. desuper editam, & quod in disputationibus, lectionibus publicis, & omnibus resolutionibus sententiam vestram illi per omnia accommodabimus, & conformem reddemus: in cuius rei fidem hic nomina & cognomina vestra subscripsimus, Anno Domini 1570. mensis Novembris die 16.*

His præscriptis verbis petebat à singulis subscribi; quod fecerunt quidam: sed cum à me res pervenisset, ego (*) Decanus restiti; tum quòd displicebat verbum *resolutionem*, quo nec Pontifex ipse utitur; tum quia Bulla à nullo requirat subscriptionem: maxime verò eò quòd intellexeram Minoritas jactitare sententiam & Doctrinam D. Thomæ Aquinatis de Conceptione M. V. esse in præfata Bulla damnatam & definitam hæreticam; cui sententiæ eorum favere videbatur verbum *resolutionem*. Convocavi igitur

(*) Decanus tunc erat Balshaf
Trexter Ordinarius Prædicatorem.

Facultatem sequenti die in Collegio majori Theologorum horâ 7. manè, & habitâ diliberatione, Facultas ei respondit in hæc verba: *Facultas, petis copiam Bullæ, vel vidimus ejusdem, ut plenius possit intelligere, quomodo debeat se circa censuras & alia regulare. Quantum ad subscriptionem attinet, nescit ad quem finem petatur, & putat per id, quod heri publicè coram Notario factum est, satisfactum esse intentioni Reverendissimorum Episcoporum. Quod si habeant causas, propter quas judicent omnes qui sunt in Facultate, debere subscribere, illis cognitis non decrevit Facultas se reddere difficilem.*

Anno 1571. 17. Aprilis horâ 10. ante meridiem in Capitulo minori S. Petri, Facultate sub juramento congregatâ, & præsentibus omnibus Magistris, præter D. ac M. N. Michaëlem, deliberatum fuit super Articulis nuper primâ die Aprilis propositis, & ex conformibus omnium deliberationibus fuit conclusum.

1. Articulus, quorum in prima propositione fit mentio, omninò habendos esse pro suspectis & damnatis, & talibus quales per Bullam Apostolicam declarantur; atque hanc Facultatis conclusionem esse omnibus Facultatis suppositis intimandam, seorsim quidem in promotionibus ad gradus, publicè verò in Congregatione Facultatis apud Prædicatores postridie D. Dionisii, quando statuta publicari consueverunt, ut omnibus constet esse ab illis abstinendum, eosque qui secus tegerint, secundum statuta Facultatis & promovementium juramenta atque promissiones, ad Facultatem esse deferendos.

2. Libros & tractatus in quibus dicti Articuli ex professo docentur & asseruntur esse à manibus studiosorum auferendos; alios autem unâ cum Manuscriptis, quæ studiosorum diligentia collecta sunt, permittendos quidem esse, sed ita ut moneantur studiosi, defensiones & assertiones eorumdem Articulorum, ubicumque occurrant, esse expungendas & delendas: quod ut fiat diligentius, deputati sunt aliqui ex Magistris ad repurganda scripta sub D. ac M. N. Hessels in sententiis collecta, quorum repurgationes Facultas vult omnes postea imitari, qui ea scripta habere voluerint.

3. Facultatem acceptare D. ac M. N. Michaëlis declarationem, quam ante dies aliquot fecit in scholis Theologicis post disputationes, dicendo quoddam benè velit, imò quoddam benè velle debeat Facultatis judicium in hac re subire, & quoddam non recorderetur se verba in tertia propositione mentionata dixisse; si tamen dixerit quoddam respexerit fortè ad partes quasdam in nonnullis articulis comprehensas, & non ad integros articulos.

Denique judicatum fuit, etiam ex conformibus omnium Dominorum deliberationibus, utile futurum ut de nonnullorum articulorum partibus modesta fiat & amica Dominorum inter se Collatio, quatenus se mutuo plenius intelligant, & cum majore concordia semper deinceps omnes unum dicant doceantque: cujus etiam collationis capita & modum scripto comprehendendum Domini commiserunt (*) Decano Facultatis pro tempore.

(*) Decanus erat Cornelius Reynier, Goudanus.

Articuli qui erant per Decanum scripto propositi primâ Aprilis, ut præmittitur, sic tradebantur.

1. Quid Domini judicent per Facultatem statuendum de Articulis per Bullam S. D. N. Pii Papæ V., etiam iteratò Facultati lectam & publicatam, notatis: an verè habendi sint pro damnatis & suspectis, ac ob id suppositis nostræ Facultatis mandandum sit, quòd deinceps ab iis tamquam talibus abstineatur & caveatur, quòdque si quos noverint Facultati subjectos eisdem Articulis adhærentes, eos secundum juramentum suum aut saltem secundum promissionem suam Facultati deferant, an non? non solum propter censuras in eadem Bulla expressas, verum etiam propter conscientiam suppositorum nostræ Facultatis, & ut omnes Magistri de hac re interrogati conformiter respondeant.

2. Si articuli sint pro talibus habendi, an conveniat supposita Facultatis monere, quòd libros & scripta in quibus illi docentur & asseruntur, debeant à se abdicare?

3. Ut D. ac M. N. Michael ingenuè declaret, an paratus sit secundum jusjurandum sæpe per ipsum præstitum & renovatum, judicium Facultatis in hac re subire, & si velit, ut imprimis declaret quinam sint illi articuli, de quibus aliàs publicè in Facultate dixit, quòd pro illis deberemus forsitan mori potius, quàm eos damnare?

Die Augusti 29. congregata fuit Facultas in S. Petro, in quâ omnes Magistri fuerunt præsentés, excepto M. N. Michaël, idque ad requisitionem D. Rectoris, occasione litterarum à Duce Albano acceptarum, super iis quæ scripta fuerant ex Urbe, potissimum de primario Professore, &c. quod concernere putabatur nostram Facultatem: & post longam ac maturam deliberationem communibus omnium votis conclusum fuit, prout latius habetur in alio libro majore folio 54. & conclusioni subscripserunt omnes & singuli Magistri, & fuit eadem Conclusio postea ostensa M. N. Michaëli, qui & ipse dixit se eandem approbare & velle subscribere, & etiam eidem subscripsit.

Ex libro ab Anno 1572. ad Annum 1616.

Anno 1572. Julii die 4. ante meridiem sub horam decimam, Facultate ad parvum capitulum S. Petri sub juramento convocata omnibusque congregatis, secundum conclusionem superiori Anno mensis Maii die 7. captam, concorditer conclusum est, & iteratò firmatum, sub doctrina suspecta & certò prohibita in statutis nostræ Facultatis comprehendi articulos in Bulla Pii V. nuper nobis intimata prohibitos, estque constitutum illam conclusionem (ut semel iterumque in scrutinii Licentiandorum factum fuerat) in posterum accepturis in Theologia gradum diligenter recitandam esse, iisque severè præcipiendum, ut à supradictis articulis docendis, defendendis, &

disseminandis abstineant. Quam Facultatis conclusionem Decanus in Licentizæ scrutinio, quod à meridie illius diei factum fuit, (cùm M. N. Du Bay, Hunnæus, Goudanus, Maelcotius, cæterique omnes Legentes & Regentes nemine excepto adessent) sedulò executus est; neque quispiam omnium vel verbulo contradixit.

Anno 1580. sub medium Martii, venit Lovanium R. P. Franciscus à Toletofocius nominis Jesu. S. T. D. & SS. D. N. Greg. XIII. Ecclesiastes, ab eadem Sua Sanctitate admissus: qui post dies aliquot vocato ad se Facultatis nostræ Decano, declaravit ei habere se litteras Sux Sanctitatis ad Facultatem nostram, quas ei coram cuperet tradere, simulque legationis sux causam aperire: Petere se itaque ut Facultatem ad certum aliquem diem & horam convocaret: quâ postmodò per bedellum sub juramento vocatâ in horam secundam post meridiem, & in Collegio Soc. Jesu, ubi præfatus R. P. hospitio exceptus erat, congregatâ & cubiculum ejus ingressâ, cùm post mutuas salutationes omnes consedisent, protulit R. P. Breve Apostolicum ad Doctores Theologos Universitatis Lovanienfis inscriptum, quod fidem ei juberet adhiberi in iis omnibus, quæ ex Sedis Apostolicæ nomine eis esset dicturus, quibus per Decanum lectis, narravit idem R. P. meminisse Dominos præsentem, quomodò ante annos aliquot Bulla quædam, in quâ certi articuli quidam damnarentur à felicis record. Pio V., emanavit sub data Anni 1567. Kal. Octob. quæ sit quoque in scholis hîc Theologicis publicata. Cùmque Sua Sanctitas, Gregorius XIII. existimaret huic Bullæ reverenter ab omnibus, ut par erat, obediri; ad ipsius aures à fide dignis perlatum aiebat, non deesse inter Theologos, non modò studiosos, sed & Professores, qui articulis in præfata Bulla damnatis auderent adhuc adherere, eisque non privatim tantùm favere, sed coram aliis quoque eosdem asserere & pertinaciter defendere; imò persuasum non paucis esse præfatum Bullam etiam ad ipsa sede Apostolica aliquando retractandam esse & revocandam; quo accepto Sanctitatem Suam non parvo animi dolore affectam fuisse, proque officii sui ratione, simulque pro charitatis affectu, quem gerat erga Lovaniensem Academiam, imprimis autem S. Theol. Facultatem, non potuisse eam quorundam temeritatem atque audaciam ad totius etiam Ecclesiæ periculum pertinere, contemnere atque dissimulare, neglectimque habere. Quare ad coercenda hujuscemodi ingenia, simulque ad eximendam vanam illam istorum futuræ aliquando retractationis spem ac expectationem, statuisset præfatum Pii V. Bullam suâ quoque auctoritate confirmare, articulosque ibidem comprehensos iteratò damnare, & sub gravibus pœnis ac censuris prohibere; & ne quis hac in re constantem Sedis Apostolicæ voluntatem ac sententiam ignorare posset, suam hanc confirmationis Bullam, in qua altera illa Pii V. comprehensa esset, in scholis hîc Theologicis coram omnibus publicandam & promulgandam esse, atque ab omnibus Professoribus & studiosis S. Theologiæ requirendum, ut propriâ confessione eam se reverenter accipere fateantur, eique se parituros promittant. Quibus dictis protulit R. P. Bullam Gregorii XIII. de quâ dixerat, ejusque inspicendi facultatem Dominis dedit. Quo facto addebat se in hoc à Sua Sanctitate

per maxima pericula non sine gravissimis sumptibus & expensis missum ut superiora exequeretur, atque ad effectum perduceret; cupere itaque à Facultate certum diem & horam indicari, quā omnestum Professores tum Licentiatī & Baccalaurei, ceterique S. Theologiæ studiosi ad scholas Theologicas convocarentur, ut quæ in mandatis habebat exequeretur.

Quæ cum dixisset, egresso (postquam pro sui purgatione nonnulla locutus esset) D. Michaële Baio Universitatis nostræ Cancellario, Facultas suæ Sanctitati pro paternâ erga suam filiam charitate & sollicitudine gratias egit; quod autem ad Bullam ejus attinet, eam se gratissimè & obedientissimè, uti par est, recipere & amplecti, orareque ne sinistram aliquam de ipsâ suspicionem concipere velit, neve sibi persuadeat aliam ei unquam mentem & voluntatem fuisse erga Bullam Pii V. quin & illam semper reverenter habuerit, eique in omnibus paruerit. Existimare nihilominus vera esse, quæ ad Suam Sanctitatem essent perlata: quare ad iis malis occurrendum, vehementer sibi placere ut nova hæc Gregorii XIII. Bulla in scholis Theologicis proponatur & promulgetur. In quam rem constitutus est Martii 21. dies horâ 10. ante meridiem: in quod tempus ex mandato Facultatis jussit Decanus per bedellum omnes & singulos Facultatis nostræ Dominos, plebsque Licentiatos, Baccalaureos, & quotquot supererant Collegiorum bur-sarios sub juramento convenire: quibus ibidem frequentissimo numero congregatis ingressus est præfatus D. Franciscus, comitantibus eum honoris causâ DD. Cancellario, Goudano & Gravio: consentiâ autem Cathedrâ cum eadem ferè narraffet, quæ prius coram Facultate dixerat, jussit per Conrardum Sylvium Universitatis Notarium publicum, qui ad hoc ibi vocatus aderat, litteras primùm credentiæ ad S. Theol. Doctores datas, deinde ipsam Bullam clarâ & intelligibili ab omnibus voce recitari: quibus lectis convertit sese ad D. Michaëlem de Bay Universitatis Cancellarium, periitque ex eo, Anne agnosceret in ea Bulla multos Articulos damnari, qui in Libellis quibusdam ejus prius editis continerentur, etiam in eo sensu quo in Bulla damnarentur? quo agnoscente & respondente quodd sic: Rogavit ex eo deinde, anne eosdem & reliquos omnes ibi comprehensos & lectos damnaret; tum ille, damno, inquit, secundum Bullæ ipsius intentionem & sicut Bulla damnat. Dehinc præfatus D. Franciscus ad reliquos Doctores Theologiæ conversus interrogavit, anne eosdem articulos omnes damnarent & Bullam reverenter susciperent. Qui omnes uno ore responderunt, eos articulos simpliciter se damnare, & Bullam religiosè habituros & observaturos. Eadem fuit vox omnium Licentiatorum, Baccalaureorum & studiosorum, ex quibus idem interrogaverat prædictus D. Franciscus, omnesque consonâ voce conclamarunt, *Articulos damnamus, Bullam reverenter suscipimus, atque obedientiam pollicemur.* Quibus feliciter peractis D. Cancellarius de copia Bullæ, ut hic relinqueretur, mentionem suggestit. Ad quod respondit præfatus Dominus Franciscus non habere se in mandatis ut copiam ejus hic relinquat, sed acturum se apud Suam Sanctitatem, mox ubi Romam redierit, ut ea transmittatur. Post quæ cum præfatus Dominus ad obedientiam Sedis Apostolicæ & mutuam concordiam paucis esset Audito-

(a) *Liber
iste jam non
reperiuntur.*

rium cohortatus, quemque dimisit. Extat horum Actorum in scriptis rectorum per Conradum Sylvium Universitatis Notarium copia in (a) magno libro Facultatis nostræ transcripta folio 63. cui addidimus exemplar Brevis Apostolici ad Facultatem, cujus fecimus mentionem. Scriptum item quoddam manu D. Michaëlis quod tradidit præfato D. Francisco; Postremò copiam litterarum ad Gregorium XIII. quibus Facultas ad ejus Breve respondit.

Die quartâ Augusti Facultate in S. Petro post vespervas convocatâ congregatâque retulit D. ac M. N. Goudanus binas se Litteras ex Urbe accepisse; alteras à R. P. ac D. Francisco à Toletò, alteras à Reverendissimo ac Illustrissimo D. Cardinali Sabello ad se scriptas, quibus significabant mittere se ad ipsum Bullam Pii V. felicitæ recordationis, quibus certi quidam articuli damnerentur ac prohiberentur, ut eam D. Doctori Michaëli Baio (cui in publico hic nuper auditorio exemplar ejus à præfato D. Francisco à Toletò promissum fuerat) exhiberet ac consignaret, & quoddam hac in re cum ipso egisset, certiores eos per litteras faceret. Quibus lectis Bullam ipsam protulit, eamque D. Michaëli in manus dedit ac consignavit: quâ ille acceptâ explicatâque, & aliquosque lectâ, protulit & ipse ejusdem argumenti epistolam à præfato R. P. D. Francisco de Toletò ad se missam, imprimis verò & Breve Apostolicum Gregorii XIII. multam erga ipsum charitatis & benevolentiae significationem præferens; quæ omnia ubi prælegisset, petiit à Facultate præfatæ Apostolicæ Bullæ copiam, quam ei Facultas per suum vel Universitatis Notarium describendam annuit; salvo ut originales litteras ac instrumentum ad manus Decani transcripto exemplari deponat atque restituat, ut in arcâ Facultatis deponatur, ibique ad perpetuam rei memoriam conservetur. Quod se is facturum promisit ac reipsa præstitit. Porro litterarum, de quibus in superioribus facta est mentio, copiarum & exemplaria inveniuntur in majore libro Facultatis fol. 63.

Ex libro 3. ab Anno 1608.

Anno 1628. die 3. Aprilis proposuit Decanus inter alia 3. loco, An placeret imprimi aliquot exemplaria Articulorum prohibitorum Pii V. Pontificis: ad 3. conclusit non placere ut imprimantur. . . . Insuper ex justis causis animum Facultatis moventibus conclusit in mutatione statutorum Facultatis quæ brevi fieri debet, placere ut ex juramento Baccalaureorum, aut etiam aliunde si torsan reperiantur, tollantur illa verba: *sub quâ declarat Facultas articulos in Bulla Pii V. &c.*

NARRATIO CHRONOLOGICA

C A U S Æ

MICHAELIS BAII,

CELEBERRIMI IN LOVANIENSI

ACADEMIA THEOLOGICA

ANno reparatæ salutis 1513. Melini in territorio Aienſi apud Belgas, natus eſt Michael de Baii, ſeu Baius; qui cùm primùm ei per ætatem licuit, Lovanium venit ut ſe daret ſtudiis.

Anno 1533. (ætatis ſuæ vigefimo) ad Philoſophiæ ſtudium admiſſus, ei per biennium operam dedit in Collegio Porcenſi.

Anno 1535. inter philoſophos tertium locum obtinuit, ac Magiſter Artium eſt renunciatus.

Hinc anno 1536. factus eſt Collegii Pontificii alumnus. Iſique quinquennium in ſtudiis Theologicis explevit, eâ modeſtiâ ac morum gravitate, ut qui Domui Standonicæ, in qua ipſe priora ſtudia perfecera, præficetur dignior nemo inventus ſit.

Itaque anno 1541. datus eſt in præſidem Domus Standonicæ, quam per triennium rexit.

Anno 1544. die 29. Martii ex Facultate Artium ad Conſilium Univerſitatis admiſſus eſt.

Ab anno 1544. ad annum 1550. hoc eſt, ſexennium Philoſopham cum multa laude ac plurimo Auditorum proſectu docuit.

Interea anno 1545. Laureâ Theologiæ decoratus eſt, hoc eſt, promotus ad Sacræ Theologiæ Licentiam.

Anno 1550. die decimâ quintâ Julii, ſacræ Theologiæ purpurâ inſignitus fuit: ac inter Sacræ Theologiæ Magiſtros ſive Doctores annumeratus. Eodemque anno aſſumptus in Collegii Adriani VI. Præſidem.

Anno 1551. à Carolo V. Sacrarum Litterarum Profeſſor eſt inſtitutus in locum Joannis Leonardi Haſſelenſis, qui ad Concilium Tridentinum, hoc anno in meſe Maio reaſſumptum, fuerat delegatus. Eidem Coſcilio eo ipſo tempore intererant Ruardus Tapperus, & Judocus Raveſtyn, Doctores Theologi ex Academia Lovaniienſi pariter à Carolo V. miſſi.

Quandoquidem verò Michael Baius animadverterat quòd tam Lutherani quàm Calvinistæ, qui eo tempore per Belgium grassabantur, nihil nisi Scripturam Sacram, & dicta Veterum Patrum vellent auscultare, ipse cum Joanne Hesselio, altero Sacræ Theologiæ in eadem Academia Magistro, hanc docendi Theologiam methodum sibi præscripsit, quâ Sacræ Scripturæ & Sanctorum Patrum, ac, præ cæteris, Augustini, quem hæretici se speciatim revereri profitebantur, sententias ac verba discuteret, explanaret ac traderet. Insuper multos noverat, qui se Theologos ac nostræ fidei adversus Hæreticos defensores profitebantur, ab antiqua Apostoli & Augustini circa Christi grætiæ doctrina, quam Ecclesia Romana suam fecit, deficere, & ad Pelagianam dogmata declinare: quales fuere inter alios quidam Bartholomæus Camerarius, qui circa annum 1558. librum scripsit in quo prædestinationem ex prævisis meritis defendendam ipsiusmet, ut jactabat, Augustini testimoniis susceperat: Albertus Pighius, qui ita pressè Pelagianorum sectabatur vestigia, ut opera ejus cautè legenda meritis censuerit Cardinalis Bona: Alius quidam Theologus Parisiensis, qui, ut in quodam Ms. Codice observatum vidi, eo tempore dicere non erubescibat quæ sequuntur: *Non rectè tractat Augustinus de prædestinatione, nec de gratia. Nec prædestinavit Deus quemquam absolute, seu pro mero suo beneplacito, sed ex præscientia operum bonorum. Non habet quosdam specialiter electos, quos speciali seu peculiari gratiâ prævenit ac gubernat: sed omnibus offert auxilium sufficiens ad volendum credere & bene vivere: atque ita discrimen est ex soli hominum voluntatibus, auxilium illud vel acceptantibus vel rejectantibus.*

Non potest Deus ex nolentibus facere volentes, nisi cogendo voluntatem, seu libertatem violando: unde consequitur non posse eum plures convertere quàm convertantur.

Deus improprè dicitur in nobis operari velle & perficere. Non est aliquod special. donum perseverantiæ præter illud commune auxilium, quod qui vult acceptat. Deus dat omnibus fidem & gratiam operantem & cooperantem; sed idè non omnes habent, solum quia non accipiunt. Non est propriè liberum arbitrium in Deo & Beatis.

Non est inscriptibile, neque ad occulta judicia Dei pertinet, cur ex duobus infantibus Christianorum parentum, alterum perducatur ad baptismum; alterum non itidem: ut ex duobus justis alterum permittat vinci, alterum non.

Quidam Franciscus Horantius, Minorita Hispanus, his jurè adnumerandus est, qui & in Belgio tum temporis adversus Hæreticos scripsit, in sancti Augustini doctrina tam parum versatus, & in Pelagiana dogmata adeò propinquant ut, præter ea quæ de eò infra referentur, veluti veram catholicam Sancti istius doctoris sententiam hanc traderet: *Sinones prædestinatus, fac ut prædestineris.*

ad an.
470. n. 36. Mitto Tipperum & alios ex ipsa Academia Lovaniensi, qui ut à Calvinismo caveant, ad Pelagianos errores nonnihil deflexerant. De his omnibus Cardinalis Baronius videtur sapienter monuisse: *Videant quanto periculo quidam ex reventioribus, dum in Novatores insurgunt, ut eos confitent, à Sancti Augustini sententia de prædestinatione recedant.*

Anno 1552. Cùm die 28. Aprilis Tridentina Synodus propter bellorum tumultus suspensa fuisset, Lovanium repetunt Ruardus Tapperus, & Judocus Ravesteyn Tiletanus, Sacræ Theologiæ in Lovaniensi Academia Magistri. Hi Lovanium reduces cùm intellexissent Michaelæm Baium non vulgari scholarum more de rebus Theologicis disserere, sed sacræ Scripturæ verbis ac genuinis veterum Patrum, præsertim Augustini, sententiis firmiter adhærere, in ipsum insurrexerunt, ac adeo vehementer sunt inveci, ut Tapperus, quem Michael Baius in Theologia Magistrum se habuisse profitebatur, sed cujus opinionis jam non defendebat, semel zelo furens de eo dixisse feratur: *Quis diabolus ista dogmata in scholam nostram nobis absentibus invexis &c?* Hinc gravis in Michaelæm Baium cœpit excitari procella ab iis qui suis imbuti opinionibus, ac suis definitionibus assueti magis quàm Sacræ Scripturæ ac Sancti Augustini sententiis, impium, blasphemum & hæreticum censebant: quicquid extra scholæ suæ usum tradebatur.

Anno 1560. Cenerus Petri Zelandus, cujus non semel meminimus, purpurâ Doctorali in Lovaniensi Academia decoratus est.

Eodem hoc anno inter Fratres Minores Belgii fervebant contentiones de sententiis, quas Michael Baius tenere ac docere ferebatur. Idcirco duo ex illis qui Michaeli Baio adversabantur, nimirum P. Petrus de Quercu, Guardianus, ut vocant, Conventus Nivellensis, & P. Ægidius de Querceto, Guardianus Athenis, octodecim articulos ad Facultatem Theologicam Parisiensem miserunt, enixè rogantes ut super his censuram ferret: quod die vigesimo septimo Junii hujus anni 1560. præstiterunt Parisienses aliquot Theologi, qui ex articulis illis quindecim hæreticos esse, alios autem falsos, ac Sacræ Scripturæ repugnantes definierunt.

Statim atque Censuram hanc recepit Michael Baius, in eam doctas ac breves annotationes scripsit, quas decreverat curare ut alicui à Doctoribus Sarbonicis exhiberentur. Verùm cùm quævisisset ut unum istius Censuræ exemplum sibi mitteretur, quò certò scire posset, an illa à Sorbonæ Theologis verè exisset; nihilque responsi obrinere potuisset; suas in hanc Censuram Annotationes cum Epistollo misit P. Antonio Sabbonio, Fratrum Minorum in partibus Flandriæ Provinciali, iis quibus fore proficuas judicaret communicandas. Censuram hanc cum istis Annotationibus suprà prodidimus. Plures epistolæ Michaelis Baii ad P. Sabbonium, & P. Sabbonii ad ipsum asservari apud Fratres Minores Leodii & in Provincia Flandriæ, fidem fecit P. Mathias Hauzeur in Anatomia Sancti Augustini. Quidam quoque Superior Franciscanorum, teste Palavicino in l. 5. c. 7. Historiæ Concilii Tridentini, eos severissimè ac durissimè excipiebat, qui propugnabant Michaelis Baii sententias, quas ut hæresim sapientes insipienter damnabat, minatus se earum censuram à Pontifice postulaturum. Baii verò sectatores, ut sententias quas defendebant, non tam illius quàm Sancti Augustini esse cupitis notum fieret; cœperant Opera Prosperi in Gallia typis dare. Verùm ne id perfereretur impedivit Cardinalis Granvellanus, fratris sui in Gallia Legati operâ. Romam pariter scripsit ut à Papa Pio IV. facultas in concederetur præcipiendi utrique parti quod expediret. Id concessum per

Breve scriptum Granvellano qui antequam eo uteretur, Hesselium & Baium; sibi devinxit, eos in suum addiscendo consilium cum pingui pensione. Interim majora dissidia multæque anno 1561. confictæ propositiones ab æmulis Baii, qui eas Cardinali Granvellano, Belgium regenti, eo anno 1561. exhibuerunt, ipsas Michaeli Baio ascribere non veriti, licet nonnullæ ipsarum ab ejus sensu omnino essent alienæ; nonnullæ ab eo nunquam in unam aut alteram partem disputatæ; denique ferè omnes eâ arte confictæ & expressæ, ut vel ob solum loquendi modum suspectæ de errore vel de hæresi possent censerî. Granvellanus eas tradidit Michaeli Baio, qui ad eas scripto respondit, suamque responsionem Granvellano porrexit. Hæc desideratur. Romæ circa hujusce anni initium de hocce negotio scriptum est Patri (fortè Horatio) qui Regi erat à Confessionibus.

Cardinalis Commendonus, per Belgium tum temporis transiens, ut cum Margareta & Granvellano de resumenda Tridentina Synodo ageret, aures plus æquo faciles præbuerat criminatoribus Michaelis Baii, à quibus circumventus die nonâ Junii hujusce anni 1561. litteras scripsit Cardinali à Mantua, in quibus ei expendendum proponit, an expediret Michaellem Baium & Joannem Hesselium, à Theologorum Lovaniensium collegio jam delectos, ad Tridentinam Synodum mitti: simul tamen adjiciens, se nolle infaustum de iis viris præsagium præcinere. Idem fertur Pio IV. consuluisse, ut utrique parti silentium indiceret, quo hujusmodi disputationum motus componeretur. Die decimâ octavâ Octobris Cardinalis Granvellanus de hujusmodi negotio litteras Regi Philippo scripsit, quas cum Regis responso, ex Vefontiana sancti Vincentii Bibliotheca depromptas, suprà protulimus.

Michael Baius suâ Responsione os æmulatorum suorum ita obturaverat, mandatis Granvellani, qui utrique parti virtute prædicti Brevis silentium imposuerat, ita parebat, ut his de quæstionibus nulla jam querela audiretur.

Itaque pacatis omnibus anno 1563. ineunte, priora Michaelis Baii Opuscula, de libero arbitrio, de Justitia, de Justificatione, & de Sacrificio, cum Francisci Sonni, Buscoducensis Episcopi, & F. Joannis Hentenii, Professoris Theologi, Approbatione, Regisque Catholici Privilegio, dato in mense Februario anni 1563. in lucem prodire Lovanii. Tumque Michael Baius à Rege Catholico delegatus Tridentum ivit, ibique interfuit Concilio, quod eodem annò abeunte completum est.

Eo absoluto Michael Baius Tridento reversus Lovanium alia sua opuscula, videlicet libros De meritis operum, de prima hominis justitia, & de virtutibus Impiorum, nec non De Sacramentis in genere, & de forma Baptismi, luci publicæ dedic, cum Regis Catholici privilegio, quod mense Februario anni 1564. concessum est. In prima quidem pagina primùm prodixisse dicuntur anno 1565. licet anno 1564. abeunte in lucem exierint; ne scilicet annus 1564. abiens Typographo pro anno integro ex his qui pro editione concessi erant, computaretur.

Per id temporis graves inter Minoritas provincie Flandriæ denuò exortæ sunt contentionēs circa Contritionem ac necessitatem peccata confitendi; &c.

& circa Beatissimæ Virginis conceptionem. Quidam ipsorum hanc pro lege habebant consuetudinem, ut si ipsi ad manum non haberent aliquem è suo Ordine Sacerdotem cui peccata sua possent confiteri, sacra nihilominus conficerent ac sumerent absque prævia confessione, etsi publicitùs inebriati fuissent aut fornicati. Contendebant etiam scriptis, quòd confitendi propositum junctum contritioni ad obtinendam peccati remissionem sufficit, ubi excusat probabilis aliqua ratio, qualem putabant esse, si aliquis ex Ordine Sacerdos non adesset. Hinc multa morum corruptela, magnaue erga Christi Sacramenta irreverentia consequébantur. Si vehementer repugnabant sententiæ, quâ Michael Baius docebat non nisi in singulari aliquo casu, & extrema necessitate urgente, peccata à Deo remitti absque sacerdotis ministerio.

Nec minùs ei indignati sunt, eò quòd non probaret cum tanto ardore defendi sententiam de immaculata Conceptione Virginis, quæ in nullo SS. Patrum legitur, imò quam eorum doctrinæ adversari arbitrabatur. Nonnulli Minoritarum contrà pro Confessionis & absolutionis necessitate, etiam cùm contritio adest, firmissimè stabant, Michaelis Baii libros ipso inscio allegantes, quos rejiciebant aliù. Hæc inter dissidia aliqui non ex Minoritis modò, sed & ex ipsa Academia Lovaniensi, Michael Baio nihil tale suspicante, articulos quosdam ex ipsius Tractatibus malâ fide decerpserunt ac confinxerunt; ac de iis conquesti apud Regem Catholicum, postulaverunt ut sententiæ istæ configerentur.

Die enim vigesima Novembris anni 1564. Judocus Ravesteyn Hispano cuidam Patri Laurentio Villavicentio, Academiæ Lovaniensis Doctori Theologo, Ord. Eremit. Sancti Augustini in Hispania tum degenti, iniquissimè scripsit de Michaelis Baii sententiis, quas suo more referebat & exprimebat. Quæsitvitque ab eo, an non expediret Michaelis Baii libros simul ac propositiones ad Regem transmittere, & opem ab eo implorare ut hujusmodi articuli censuris Academiarum Hispaniæ proscriberentur: quod facili negotio perficiendum suggerit curâ P. Francisci Horantii, qui Regi erat à confessionibus.

Equidem Judocus Ravesteyn libros à Joanne Hesselio & Michael Baio in vulgus editos, eorumque, ut dicebat, sententias misit ad Theologos Complutenses & Salmaticenses, qui Censuras suas tandem, aliis æmulis Baii post Judoci mortem urgentibus, dederunt tempore Gregorii XIII.

Complutensis enim Academia duas Censuras in novem hujusmodi sententias tulit, unam breviorē, prolixiorē alteram. Sed quo anno non mihi constat: atramen post Pii V. Bullam & Apologiam Michaelis Baii, ut ex propositione 6. & 8. liquet. Academia Salmaticensis, quo anno suam in easdem novem propositiones Censuram tulerit, pariter ignoro: eodem, quo Complutensis data est, hanc esse latam facili crediderim.

Idem Ravesteyn à Tilerio, seu Tileranus, censuit ad summum Pontificem simul esse recurrendum; & circa annum 1564., operâ cujusdam P. Godetri di Leodii Minoritæ, alios plures articulos, veluti ex Michaelis Baii libris collectos, misit Pio IV. Pontifici, ac ejus super iis Censuram ac iudicium

titulus libri ex quo dicebantur collectæ, reticeretur. Hanc Bullam suprà ex integro relatam habes.

Sed nec visum est Pontifici Constitutionem hanc Romæ affigere aut promulgare. Satis esse ratus est, si Michaeli Baio, acstrictæ Facultati Theologicæ Lovaniensi in privatis ædibus intimaretur.

Quamobrem Papa suæ Bullæ executionem commisit Cardinali Granvellano, primo Archiepiscopo Mechliniensi, qui tum Romæ commorabatur. Ipse verò ad id operis delegavit Maximilianum Morillon, suum in Dicecesi Mechliniensi Vicarium Generalem; simulque die 13. Nov. 1567. binas ei litteras scripsit, in quibus significabat se, ut Michaelis Baii honori ac famæ consulere, egisse apud Pontificem ut ejus nomen in Bulla non exprimeretur, & ut in ea declararetur quòd multæ ex his sententiis sustineri possent in rigore & aliquo sensu.

Hanc Pii V. Bullam cum Cardinalis Granvellani litteris statim ac accepit Morillonus, Baio scripsit ut Bruxellas die 22. Decembris veniret, & ipsum accederet. Die 20. ejusdem mensis Baio rescripsit Morillono se indictâ die venturum, simulque Pastori Ecclesiæ S. Johannis Mechliniæ, suam erga Sanctæ Sedis Decreta observantiam obtestatus. Die 21. Decembris Morillonus ea omnia scribit Cardinali Granvellano, adjungens sibi videri Bullam Patri Pepin, Provinciali Minorum in Flandria, & Guardianis Namurcensi, Atheni, & S. Audomari intimandam, quia Baio adhærebant. Has Morilloni litteras habes suprà.

Tandem die vigesimâ nonâ Decembris Maximilianus Morillon, Ecclesiæ Sancti Petri Arienlis Præpositus, ac Cardinalis Granvellani Mechliniensis Archiepiscopi Vicarius Generalis, tanquam ab eo delegatus Lovanium venit, ac Cornelio Jansenio, qui Sacræ Facultatis pro tempore Decanus erat, Judoco Ravestyn, Michaeli Baio, Hunnæo, Gosio, & Cunero Petri, qui de stricta Facultate erant, privatis in ædibus Judoci Ravestyn Tiletani, significavit Litteras Apostolicas Romæ datas esse Kal. Octobris hujus anni, quibus, dicebat, *certaines sententia damnantur respectivè tanquam hæretica, erronea scandaleuse, & pium aurium offensiva, QUANQUAM EARUM NONNULLÆ ALIQUO FACTO SUSTINERI POSSENT IN RIGORE ET PROPRIO VERBORUM SENSU AB ASSERTORIBUS INTENTO.* Deinde eas Litteras distinxit legi, eos ad pacem & concordiam cohortatus. Subdidit sibi serid præscriptum, ut & libros excusos, ex quibus articuli isti ferè omnes desumpti ferebantur, prohiberet. His auditis Decanus nomine omnium Magistrorum dixit, quòd quæ par erat reverentiâ reciperent Litteras Apostolicas, ac eis essent obtemperaturi. Et ut eas meliùs observare possent, petiit ab isto Delegato ut ipsarum exemplum eis traderet: subjungens gravibus ex causis nullatenus expedire ut libri Michaelis Baii inhiherentur. Quapropter nec illi prohibiti fuerunt: Nullum verò Bullæ exemplum Delegatus porrigere voluit, sed duntaxat Articulos suâ manu transcriptos, & eâ quidem lege ut nullis aliis communicarentur.

Tum Sacra Facultas Morillonio tradidit scripto Declarationem, quâ Magistri suprà recensiti testantur, ut extat in Tabulis istius Facultatis, exhibitas

sibi fuisse Litteras Apostolicas, quibus certa sententia & scripturae, prologia, & Disputationes damnantur respectivè tanquam erroneae, scandalosae & piarum aurium offensivae; QUANQUAM EORUM NONNULLAE ALIQUO PACTO SUSTINERI POSSINT IN RIGORE ET PROPRIO VERBORUM SENSU AB ASSERTORIBUS INTENTO.

Cætera quæ ea in re peracta sunt, descripsit Morillonus in litteris quas retuli suprâ: & habentur in Attestatione seu Declaratione Jansenii superius adducta.

Hoc anno ad ea quæ in Conventu sive Synodo Cameracensi circa Hæreticorum baptismum ac matrimonium, nec non violatores Reliquiarum fuerant deliberata, sententiam suam protulit Michael Baius cum Cornelio Jansenio & Rithovio in Theologia collegis, qui unâ cum ipso ad hanc Synodum vocati fuerant.

Anno 1568. in eunte, Morillonus rursus Cardinali Granvellano scripsit litteras, quibus ei significabat se Confessario Ducis Albani seriem ac modum intimationis Bullæ narrasse, & istum Duci retulisse, qui cuncta probavit.

Interim ipse Morillonus Patrem Angelo Aversa Minoritarum Flandriæ Commissarium advocavit, & ei intimavit Bullam, inhibens ne quis Ordinis istius de his controversiis amplius disputaret: ei insuper iussit ut Patrem Ministram qui brevi venturus expectabatur, ad se adduceret, ut ei Bulla pariter intimaretur. Die decimâ Januarii eam intimavit Patri Petro Lupi, ac ejus Lectori. Postridie ea omnia scripsit Cardinali Granvellano in litteris suprâ suo ordine relatis; ubi ei proponit Patrem à Leodio Baii insectatorem, instituendum Provincialem in locum Patris Pepin Baio adhærentis. Mense Maio, vel circiter, multa cum Baio egit ac locutus est Morillonus, cum non urgens ut articulos in Bulla proscriptos ejuraret, quia nimio dolore oppressum eum videbat. Hæc & alia habes in litteris à Morillono die 20. Junii hoc anno scriptis, quas superius retuli.

Eodem hoc anno, die vigesimâ sextâ Novembris, in Sabbathina disputatione Theologica, in quâ Mathias Hovius, Burfarius Collegii Pontificii, responderebat, Michaele Baio præside, actum est de ratione Sacrificii. In fine autem disputationis Cunerus Petri exprobravit Michaeli Baio, quoddam sententia inter novissimè damnatas quadragesimâ quintâ non recederet: quod & Judocus Ravestyn palam confirmare ausus est. Ipsos ut scriptis convinceret, suamque adversus eorum contumelias vindicaret fidem Michael Baius, die proximâ, hoc est, vigesimâ septimâ Novembris Collationem cum ipsis per litteras instituit, ac primam ea de re epistolam scripsit Cunero Petri. Integra hæc Collatio superius edita habetur.

Quandoquidem verò contentiones de Baianis, ut dicebantur, sententiis maximè inter Fratres Minores Belgii efferbuerant, idcirco eorum Præpositi in suis, quæ hoc anno Novellæ habita sunt, Comitibus, istos 76. articulos suo totiusque Provinciæ nomine ejuraverunt.

Anno 1569. octavâ Januarii die, Michael Baius Summo Pontifici scripsit, conquestus quoddam nullum Bullæ, quæ sibi ac aliis Theologis exhibita fuerat, exemplar posset obrineri neque Romæ neque Lovanii: & quoddam nihilominus

ominus per Belgium circumferrentur septuaginta sex articuli à Sua Sanctitate damnati. Huic epistolæ adjunxit Apologiam, in qua demonstrat 1. quàm mendaciter ac calumniosè ipsi tribuantur hi septuaginta sex articuli. 2. Quo sensu plerique ipsorum veri sint & ad mentem Sancti Augustini.

Apologiam hanc cum suis litteris ac altera breviori eorundem articulorum explicatione direxit ad Cardinalem Simonetam, quem in Concilio Tridentino noverat. Verùm dum hæc essent in via, Cardinalis Simoneta humanis exemptus est. Nihilominus Michaelis Baii Litteræ & Apologia Pio V. summo Pontifici redditæ sunt.

Et Pius V. die tertiâ Maii ejusdem anni 1569. Michaeli Baio rescripsit quòd causa maturè discussa fuisset, eum adhortans ut se ipsius Censuræ subjiciat: adèd rarum his temporibus quòd Judices, præsertim supremi, ea quæ ab ipsis quantumcunque delusis semel judicata sunt ac definita, ad examen revocari patiantur.

Die vigesima Junii hujusce anni 1569. Morillonus prædictum Breve Pontificis Michaeli Baio tradidit cum Litteris Granvellani. Summopere autem miratus est Baius secum agi ac si suas vindicias & Apologiam scribendo Pontifici, in eum fuisset rebellis, ac Excommunicationis & Irregularitatis censuras incurrisset: à quibus cùm peteret absolvi, Morillonus absolutionis beneficium ei impertiri noluit, quin prius Articulos per Bullam confixos ejuraverit. Has & alias tanti viri molestias & quomodo nullum Bullæ exemplar quo se tueri posset, obtinere potuerit, intelligere est ex litteris quas ea de re Morillonus eadem die 20. Junii scripsit Cardinali Granvellano; & quas suprâ adduximus.

Jam post illam Censuram & istud Breve fit cuivis liberum in Michaellem Baium, ac si hujusmodi sententias docuisset, palam invehi. Nec Fratrum Minorum Præpositis in provincia Flandriæ satis fuit istos articulos in Comitibus Nivellenibus anno superiori ejurasse. Quidam P. Julianus à Querco, istius provincie Minister, hoc anno 1569. primâ die Septembris, Decretum tulit quo omnibus ac singulis Guardianis sibi subditis mandat, ut hujusmodi articulos cum eorum Censuris in Capitulo legant, ejurent, & à singulis non modò Sacerdotibus & Clericis, sed & Laicis curent ejurari, omniaque Michaelis Baii scripta, si quæ habent, Præposito tradi: imò ut ab ipsis Sororibus, quæ ab ipsis regebantur, sui Decreti tenorem exponerent, eis sub gravissimis pœnis præcipiendo, ut omni contentione ac querelâ, super his doctrinis aut propter eos qui eos defenderunt, in posterum abstinerent.

Hoc anno 1569. Michael Baius duarum curationum, quæ miraculosè conrigerant, testimonia comprobavit, exhortans ut ad Dei gloriam evulgarentur: simulque scripsit Virgines Cirenenses ad clausuram non teneri, nec posse cogi.

Anno 1570. incunte, septimâ videlicet Februarii die, vitâ functus est Judocus Ravestyn, unus è præcipuis Michaelis Baii æmulis.

Nihilominus junior quidam Theologus, de quo jam non semel feci mentionem, nimirum, Cunerus Petri, in Sabbathines scholæ exercitationibus,
&

&c quidam F. Godefridus Leodius Minorita, in concionibus quas hoc anno 1570. per Quadragesimam in Templo Fratrum Minorum Lovanii habebat, Michaellem Baium denuo exagitare cœperunt, tanquam qui Judoco Tiletano mortuo novos motus excitaret, ac proscriptos articulos audaciori animo defenderet.

Has calumnias Michael Baius in modesto silentio sustinebat, donec tandem Martinus Richtovius, Episcopus Iprensis; Franciscus Sonnius, Sylvæ-Ducensis Episcopus; & Cornelius Jansenius, Episcopus Gandensis, iniquius ferentes tam exquisitæ eruditionis ac tam humilis patientiæ virum hujusmodi æmulum dentibus sic discerpi, ipsi die undecimâ Aprilis prætercurrentis hujusce anni 1570. consulissent, ut se ab iis calumniis publicitus vindicaret, suamque mentem palam exponeret circa istos Articulos.

Ipsorum itaque consilio ac suasu Michael Baius, die decimâ septimâ Aprilis ejusdem anni 1570. horâ decimâ, cœpit in Scholis Theologorum quid circa hujusmodi Articulos sentiret, cum multa humilitate ac modestia aperire: declarans nonnullos ipsorum esse falsos ac jure confixos, sed à senunquam traditos: alios esse arte ac dolo confictos, qui pravum sensum pati possunt, quem nunquam tenuit, licet & in sano intelligi quoque facile possent.

Die decima nonâ ejusdem mensis, explicationem, quam die decimâ septimâ susceperat, in publicis Scholis prosecutus est: nec prætermisit dicere quòd quidam, cujus nomen tacuit, qui ejus sententiam non capiebat, duriora fuisset de ipso locutus: sed postquam ipse suam mentem ei aperuisset, veniam ab eo supplex petierit, & scripto quidem testimonio. Verùm neque his sedati sunt animi in Michaellem Baium improbè commoti.

Quidam enim apud Ducem Albanum, Belgii eo tempore Præfectum, quem Michaeli Baio infensum suis calumniis reddiderant, conquesti sunt quòd ipse Pontificiæ Constitutioni, quæ ejus, ut dicebant, errores fuerant proscripti, impune morem non gereret eo obtentu, quòd ista Constitutio non solenni ritu fuisset promulgata, sed duntaxat privatis in ædibus Doctoris Tiletani aliquor Theologis Doctoribus prælecta: insisteruntque apud Ducem ut in publicis Lovaniensis Academiz Scholis promulgaretur, eique subscriberent Michael Baius cæterique Sacre Theologiæ Magistri.

Cùm itaque eodem hoc anno 1570. die undecimâ Junii, Mechliniæ Synodus haberetur omnium Episcoporum Belgii, cui Martinus Rithovius, Episcopus Iprensis, Cardinale Granvellano, Archiepiscopo Mechliniensi absente, præerat; Dux Albaniz ad eos de isto negotio scripsit, urgens ut Pii V. Bulla adversus 76. articulos lata solemniter publicaretur Lovanii, ac ei ab omnibus subscriberetur Lovaniensis Academiz Theologis Doctoribus & Professoribus. Id se præstituros Duci Albano polliciti sunt; licet per priorem, quæ anno 1567. contigerat, Bullæ intimationem mandato Pontificis adeò plenè fuisset satisfactum ut à Pontifice nihil ulterius requireretur. Ut igitur fidem suam liberarent hi Episcopi, in Synodo constituerunt præter præscriptum Papæ, qui suæ Bullæ executionem Cardinali Granvellano nominatim commiserat, Lovanium denuo mittendum esse eundem Maximilianum

lianum Morillon, qui Pii V. Constitutionem ibi publicitus ac more solemniori promulgaret, ac Theologos induceret ad subscribendum.

Id antequam exequerentur visum est istius Synodi Patribus, ut ex ipsis duo, nimirum Martinus Rithovius & Cornelius Jansenius, Episcopus Gandensis, istud Synodi propositum Michaeli Baio communicarent, qui Sacrae Facultatis Lovanienſis erat senior. Illi itaque venerunt Lovanium, rem Michaeli Baio communicaverunt, quem ad omnia præstanda quæ ad pacem silvæ veritate conducebant, invenerunt paratissimum. Indeque recedentes Duci Albano promptum ad obediendum testificati sunt Michaelis Baii animus, quod Ducem summo opere mitigavit.

Cum igitur consilium hoc omnibus istius Synodi Episcopis & Belgii Præfecto probaretur, memoratus Morillon Lovanium iterum venit, ibique decimâ sextâ Novembris die præterlabentis anni 1570. Pii V. Rescriptum seu Bullam in scholis publicis ritu solemniori promulgavit, nullo tamen istius Bullæ exemplo relicto: Instititque ut Theologiæ Magistri huic Censuræ subscriberent. Deinde petiit ab omnibus Theologis, an Litteris Apostolicis ab ipso præbitis vellent obtemperare: ad id se esse paratos clamaverunt omnes: sed de subscriptione cuncti siluerunt.

Eodem die, vespere, Rector, inscio Decano P. Balthasare Textore, Ord. Prædic., Bedellum Facultatis privatâ suâ autoritate misit ad singulos Doctores Theologos cum quadam formulâ, quâ profitebantur se reverenter amplecti Sedis Apostolicæ definitionem circa recensitos 76 Articulos, seque in omnibus Disputationibus, Lectionibus ac responsionibus sententiam huic definitioni conformem fore secuturos. Statim ac Decano exhibita est ut ei subscriberet, ipse se huiusmodi subscriptionibus strenuus opposuit; ac postmodum Facultati Theologicæ in Majori Collegio convocatæ declaravit istius Formulæ subscriptionem à Theologis exigi. Hoc audito, Sacra Facultas respondit 1. se postulare exemplum Bullæ ut plenius intelligere valeat quomodo se debeat circa has Censuras gerere. 2. Quod subscriptionem attinet, se existimare quoddam per solemnem Bullæ promulgationem menti sit satisfactum Episcoporum Synodi Mechliniensis.

Igitur nulla subscriptio obtineri potuit à Theologis, qui fraudes & insidias in novo isto subscribendi mandato subsilabant. Imò statim ac Maximilianus Morillon Lovanio discessit; ferebatur alteram hanc proprio nutu, sub ementito Episcoporum nomine, Pianæ Bullæ evulgationem suscepisse; novamque illam exegisse subscriptionem, ut qui illi subscripsissent, veluti erroris ac relapsus convicti haberentur ab iis qui eos criminabantur, etsi mendaciter, recensitos tenuisse articulos, etiam postquam Pontificio Diplomate fuissent proscripti.

Ubi huiusmodi querelæ pervenerunt ad Morillonium, Martino Rythovio & Cornelio Jansenio per litteras significavit quàm molestè ferret suspicionem hanc de ipso haberi, & quàm vehementer ab ea liberari cuperet.

Eam ob causam ambo hi Episcopi, die vigesimâ tertiâ Decembris huius anni 1570. Sacrae Facultati Lovanienſi scripserunt litteras, quibus illam certiorum faciebant quoddam Maximilianus Morillon non privato suo nomine, sed ex

commiffione, quam graviffimas ob caufas ei dederant Patres Synodi, Bullam Pii V. in Scholis Lovanienfibus noviffimè promulgaffet, & præfcriptæ Formulæ fubfcribendum propofuiffet. Deinde ipfi Sacræ Facultatis rogant & hortantur ut vanâ fraudis alicujus fufpicionem deponitâ, Pontificiæ fubfcribant Cenfuræ, ad odiofiffimam, ut aiunt, caufam confopendam. At fruftra id ipfos poftulaffe, ac Lovanienfes Theologos nunquam potuiffe ad id adduci ut Pianam Cenfuram fuâ fubfcriptione firmarent, facilis crediderim. Id enim ab eis præftitum nullibi reperio.

Anno 1571. incunte, Commentarius à Cunero Petri (quî anno fuperiori ad Epifcopatum Leuwardienfem provectus fuerat) Leuwardiæ in 76. articulos à Pio V. damnatos fcriptus & abfolutus eft. In ipfa operis iuftis valde proluxi præfatione declarat, quod recenfitæ fententiæ à Sede Apoftolica, prout anno 1567. ipfi ac Facultati Theologicæ à Morillonio exhibitum fuerat, fub hac verborum forma damnatæ fint: *Quas quidem fententias ftrictò coram nobis examine ponderatas, QUANQUAM EARUM NONNULLÆ ALIQUO PACTO IN RIGORE ET PROPRIO VERBORUM SENSU AB ASSERTORIBUS INTENTO SUSTINERI POSSENT, tanquam erroneas tamen, & hæreticas, & quæ scandalum & offenfionem in pias aures immittant, damnamus & abolemus &c.* Deinde ibidem hic Baii æmulus ingenuè difertèque fatetur, quod inter hujusmodi fententias quædam reperiantur, quarum fensus ab authoribus intentus, quem præ fe fert rigor & proprius verborum fensus, fi aliter exprimerentur, poſſet ſuſtineri.

Poſt præfationem referuntur omnes illi articuli per ordinem, quibus hic titulus præfixus eſt; *Sententiæ quædam à Sede Apoftolica damnatæ & abolitæ, ita ut QUANQUAM EARUM NONNULLÆ ALIQUO PACTO IN RIGORE ET PROPRIO VERBORUM SENSU AB ASSERTORIBUS INTENTO, SUSTINERI POSSENT; erroneæ tamen, hæreticæ, & quæ scandalum & offenfionem in pias aures immittant, reſpectivè prohibitæ.* Quæ omnia totam de famoſo commate litem dirimunt.

Toto hoc Opere Cunerus Petri nititur demonſtrare quod fingulæ iſtæ ſententiæ jure merito damnatæ ſint ac prohibitæ tanquam vel hæreticæ, vel erroneæ, vel ſcandalofæ, vel immittentes offenfionem in pias aures.

Primâ die Aprilis Cornelius Reyneri, Gaudanus, Facultatis Theologicæ Lovanienfis pro tempore Decanus, eam convocavit, eique convocatæ propoſuit 1. an memorati Articuli pro damnatis verè ac certò habendi ſint, aded ut ſuppoſitis Facultatis ſit mandandum quatenus iis deinceps tenendis ac defendendis abſtineant. 2. An non conſultum ſit eadem Facultatis membra monere, ut libros & ſcripta abjiciant, in quibus iſti Articuli docentur. 3. Ut Michael Baius declaret an ſincerè paratus ſit, juxta juſjurandum ab eo ſæpe præſtitum ac renovatum, ſubire hac in re judicium Facultatis: & quinam ſint articuli, de quibus etiam publicè in Facultate dixit, quod pro illis deberemus forſitan mori potiùs, quàm eos damnare.

Die Aprilis decimâ tertiâ Facultas congregatâ, Michaele Baio excepro, ſuper articulis à Decano die prima ejusdem menſis propoſitis, reſpondit 1. prædictas 76. ſententias eſſe pro damnatis ac ſuſpectis habendas, illiſque abſti-

abstinendum ab omnibus Facultatis membris; & id ipsis publicitus intimandum eo tempore, quo Facultatis statuta solent palam prælegi; & seorsim, quando quis ad Gradus Theologiæ promouetur.

2. Libros & Tractatus in quibus istæ sententiæ defenduntur, esse Theologiæ candidatis auferendos. 3. Se recipere declarationem, quam Michael Baius nuper in Scholis Theologicis post disputationes fecerat. Ipse verò declaravit se non meminisse quòd id dixerit quod ipse dixisset, nisi fortè de aliqua parte alicujus Articuli. Denique omnium votis judicatum est expedire ut de nonnullorum Articulorum partibus modesta instituatur inter Doctores collatio, ut unanimes deinceps id ipsum loquantur ac sentiant; cujus Collationis capita & modum disponendum commiserunt ipsi Cornelio Reyneri qui Decanus erat.

Anno 1574. Michael Baius inter disputandum dixisse fertur, quòd homo in actuali voluntate existens aliquod mortale peccatum perpetrandi, peccet dando etiam elemosynam; ut si aliquem persecutus ut occidat, pauperi occurrenti det denarium; etiam si ei dicat: *ora pro me*: peccet imprimis peccato hyprocrisis, quia simulat se odisse iniquitatem, & amare Dei legem, quam seipse odit: unde præstaret tunc non dare elemosynam.

Anno 1575. mendacii, imposturis ac calumniis, quæ de Michaele Baio & ejus doctrina sparæ fuerant, Censurisquæ à variis Academiis & ab ipso Pontifice in sententias quæ ipsius esse dicebantur, latis, nihil obstantibus, ipse renunciatus est Cancellarius Academiæ Lovaniensis, & Ecclesiæ Collegiatæ Sancti Petri Decanus.

Eo ipso anno singularem Orationem in scholis Theologicis habuit: in qua demonstrat, quòd omnes Episcopi suam jurisdictionem à Deo absque medio recipiunt. Et cum in quadam Academica exercitatione dixisset, quòd ex his Christi verbis: *Ego pro te rogavi, Petre*, &c. non clarè consequitur Romanum Pontificem in suis definitionibus non posse errare: Laurentius Westerhove, Moderator Majoris Collegii, dubitationem hanc aded iniquè tulit, ut eam non absurdam modò, sed & scandalosam pronunciaverit. Ut igitur se suamque hanc dubitationem ab hujusmodi censura vindicaret Michael Baius, confestim scripsit Tractatum circa Quæstionem hanc: Utrum ex præcitatæ Christi verbis clarè ac certò arguatur Romanus Pontifex in definiendo ea quæ sunt fidei errare minime posse. Westerhovius quasdam auctoritates ei opposuit: quas Baius veluti ineptas & quæstionem non tangentes rejecit in Responsione, quæ in prima parte primùm edita extat, licet non integra.

Eodem anno 1575. quorundam de vera Christi Gratia minùs catholicè sentientium curà ac studio excusus Antuerpiæ prodiiit antiquus liber, quem inscripserunt: *Sancti Xisti Tertii, Pontificis Martyris*: cum Censura Ariæ Montani. Totum illud opus est Pelagianum, & creditur esse non alicujus Sancti Xisti Martyris aut Pontificis; sed illius Xisti, de quo Sanctus Hieronymus loquitur in suà ad Cresiphontem contra Pelagianam hæresim epistola.

Circa idem tempus quidam Doctor Parisiensis docuisse fertur 1. quòd

Augustinus de prædestinatione & gratia non rectè tractaverit. 2. Quòd nulli sint specialiter electi; sed omnibus impensum auxilium sufficiens, quo qui bene erunt usuri, prædestinati erunt. 3. Deum minùs propriè dici in nobis operari velle; & dare cor novum. Aded ut mirum minimè sit multos istis temporibus Michaelis Baii sententiis contraxisse.

Anno 1577. cœpit singularis disputatio per litteras, Michaellem Baium inter & Philippum Marnixium Sanct-Aldegondium, Calvinistam. Istius enim anni 1577. die Octobris decimâ quartâ Philippus Marnixius famâ motus profundæ eruditionis Michaelis Baii, misit ei per Dominum de Wignacourt varias Quæstiones de Ecclesiâ ac ejus autoritate in definiendis controversiis fidei; simulque Quæstiones de Sacramento Altaris: & ad eas responsum poscebat Michaelis Baii.

Die ejusdem mensis Octobris vigesimâ secundâ Michael Baius ad priores Marnixii Quæstiones, quæ erant de Ecclesiâ, respondit. Die quintâ Novembris Marnixius rescripsit Baio litteras, quas non nisi die decimâ quintâ istius mensis destinavit, cum epistolio quo se excusat. Iis autem in litteris declarat sibi circa primam Quæstionem à Baio satisfactum: innuens tamen se optasse ut quæ de Ecclesiæ Constitutionibus respondit, paulò dilucidius exposuisset. Deinde rogat Michaellem Baio, ut suam ad Quæstiones de Eucharistia responsonem quamprimum mittat. Decimâ nonâ die Novembris hæ Marnixii litteræ Bruxellis datæ, Michaeli Baio redditæ sunt. Die verò ejusdem mensis vigesimâ sextâ Michael Baius misit Marnixio sua responsa ad Quæstiones de Eucharistia: & iis paulò post adjunxit dilucidiorum de Ecclesiæ Constitutionibus explicationem, per litteras die vigesimâ octavâ Novembris datas.

Philippus Marnixius Antuerpiâ Bruxellam reversus accepit Michaelis Baii, ad Quæstiones de Eucharistia, Responsa: quibus multa opposuit per litteras Bruxellæ datas die undecimâ Decembris.

Die decimâ octavâ ejusdem mensis Michael Baius demonstravit quomodo ea quæ responderat, & quæ sibi mutuo repugnare dixerat Marnixius, perfecte simul cohererent.

Anno 1578. Alia, quæ Marnixius Sanct-Aldegondius responsonibus Michaelis Baii circa Eucharistiam opposuerat, Baius fusè dissolvit per litteras die septimâ Januarii ineuntis hujusce anni 1578. Verùm hæ litteræ Marnixio, qui in Frisiam iverat, tardiùs redditæ sunt. Et quoniam statim atque ex Frisia redux est, in Germaniam denud ablegatus est, nihil potuit nisi post annum ultimis his Baii responsonibus reponere.

Interim hoc anno 1578. Michael Baius in Conservatorem Privilegiorum Academie Lovaniensis assumptus est; ejus æmulis indubiè freudentibus.

Die decimâ Decembris anni 1577. proximè elapsi Belgæ confederati, eùm Catholici tum Acatolici, arctioris unionis fœdus pepigerunt. Et hoc anno 1578. Ordines Belgii edixerunt ut ipsi quoque Monachi & qui de Clero, fidem ac obedientiam Mathiæ Archiduci, & defectionem à Joanne Austriaco Præsecto Belgii, jurare compellerentur. Id tacitus ferre non potuit Michael Baius; imò litteras scripsit Ambrosio Looftio, Abbati Parcensi;

in quibus eum Christianâ libertate corripit, quodd huic unioni consensisset, demonstratque quantum Religioni ac Regi injuriosa esset hujusmodi jurisjurandi exactio & ista unio.

Die Julii decimâ nonâ hujus anni 1578. scriptus & absolutus est Tractatus *De Communione sub utraque specie*, quem à Michaelæ Baio dictatum hæc suadent: nimirum illum invenio in Ms. Codice scriptum esse in Collegio Pontificio, ubi Michael Baius præerat, ac docebat. 2. ex istius Tractatus initiis non obscurè innuitur Autor interfuisse conclusioni Tridentini Concilii: cui constat Michaelæm Baium adfuisse.

Eodem hoc anno scriptum puto à Michaelæ Baio Tractatum *De Ecclesia*, quem in eodem Codice eadem manu Michaeli Baio adscriptum reperio.

Dum in his detinebatur, ac fidem & Ecclesiam adversus hostes ipsius defenderet Michael Baius; ejus æmuli suas in eum calumnias clanculum prosequabantur. Scripserunt enim ad Regem Hispaniarum & ad ipsum Pontificem, quodd Michael Baius articulos à Pio V. reprobatos teneret adhuc ac defenderet. Non levis quidem in Belgio erat contentio de veritate Bullæ Pii V. Nonnulli enim eam supposititiam esse ex eo suspicabantur quodd nulla ipsius exempla haberi poterant. Aliqui eam contendebant obreptione obtentam, & brevi revocandam. Alii verd ipsam acerrimè defendebant. Ut hæc disputationes compescerentur, Rex Catholicus per suum Legatum, ac aliqui ex Academia Lovaniensi Theologi per P. Franciscum Toletum, institerunt apud Gregorium XIII. qui Pio V. successerat, ut his malis efficacæ & opportunum remedium adhiberet.

Itaque anno 1579. inchoante, die nempe vigesimâ octavâ Januarii, Gregorius XIII. Constitutionem à P. Francisco Toletò conceptam edidit, in qua Litterarum Pii V. tenorem sic inseruit, ut eas tamen nec approbare nec confirmaret, nec articulos in iis recensitos iterum damnaret: sed declararet solummodò se hujusmodi Litteras in Pii V. Registro invenisse, jubens ut ipsis sic insertis fides integra habeatur.

Ut verd de his quæ de Michaelæ Baio dicta fuerant, accuratius inquireretur; motusque ac tumultus, qui propter hæc continuò audiebantur in Academia Lovaniensi, potentius sedarentur, Gregorius XIII. Societati Jesuitarum impensè addictus, P. Franciscum Tolet, qui ei erat à Concionibus, misit Lovanium.

Iste sub annis 1580. initium Lovanium venit Brevi Apostolico ad Facultatem Theologicam Lovaniensem directo munitus, ac novâ Pontificis Bullâ. Convocatâque & congregatâ Facultate ipse suas litteras fiduciarias dedit istius Facultatis Decano, qui eas cæteris audientibus legit. Deinde P. Toletus palam dixit quodd à viris fide dignis (nempe Michaelis Baii æmulis, qui eum tanquam in suos errores relapsum tam apud Regem Hispaniarum, quam apud Summum Pontificem accusaverant) ad aures Summi Pontificis perlatum esset inter Lovanienses Theologos non deesse qui Articulos in Pii V. Bulla proscriptos clam palamque defenderent, ac sibi aliisque persuasum vellent Bullam hanc à Sancta Sede revocandam. Adjunxit quodd ad coercenda hujusmodi ingenia & ut omnis spes revocationis adimeretur, Pontifex statuisset prædictum

Pii V. Diploma confirmare & articulos in ea prohibitos; iteratò damnare, ac prohibere sub pœnis gravioribus. Hæc ubi P. Toletus privatim coram Doctoribus Theologis præfatus est, requisivit ut, ne quis Sedis Apostolicæ mentem ignoraret, Gregorii Bulla in scholis Theologicis Lovaniensis-Academiæ solemniter promulgaretur, & ut indiceretur dies & hora, quâ omnes Theologiæ Professores, Licentiati, Baccalaurei, ac auditores in scholis Theologicis convenirent, ut quæ in mandatis habebat exequeretur. Hunc in finem Sacra Facultas diem indixit vigesimum primum Martii, horamque decimam matutinam.

Igitur anno 1580. die Martii vigesimâ primâ, statutâ horâ, P. Franciscus Tolet, Jesuita, tanquam à Pontifice delegatus, eum deducantibus Michaele Baio, Cornelio Reyneri, & Henrico Gravio, S. T. Magistris, Scholas Theologicas Academiæ Lovaniensis ingressus, cathedram conscendit, ac in omnium confessu Sacræ Theologiæ Professorum, Licentiorum, Baccalaureorum, cæterorumque Theologiæ candidatorum, jussit Litteras suas Fiduciaras à Conrado Sylvio, Academiæ Notario, legi, deinde Bullam Gregorii XIII.

His perlectis ipse se ad Michaelem Baium convertit, & ab eo quæsit an non articulos in Bulla recensitos damnaret: cui Baius modestè prudenterque respondit: *damno secundum intentionem Bulla, & sicut Bulla eos damnat.* Tum P. Toletus ad reliquos Doctores Theologos conversus petiit, an non susciperent Bullam, & articulos in ea relatos damnarent: Qui uno ore omnes responderunt se eos damnare ac Bullam reverenter suscipere. Idem Licentiati, Baccalaurei ac cæteri Theologiæ auditores unâ voce clamarunt. Et ita è Scholis discessum est, nullo tamen Theologis aut aliis concessio Bullæ exemplo.

His peractis P. Franciscus Tolet privata cum Michaele Baio colloquia habuit, in quibus cum exprobraret isti Doctori quoddà à suis æmulis accusaretur suos discipulos his sententiis, etsi à Pio V. proscriptis, clanculum imbuere: respondit se hujus rei non esse conscium, & quod si à Cornelio Reyneri Gaudaro, & Henrico Gravio ejusdem Theologicæ Facultatis Doctoribus, quos ista suggessisse suspicabatur, horum convinci possit coram Judice ac secundum ordinem juris; se esse paratum ad omnem pœnam subeundam. Cum autem eorum qui Michaeli Baio ista imposuerant nemo auderet ea in judicio legitimo asserere; Pater Toletus intellexit ea quæ adversus Michaelem Baium scripta & dicta fuerant, mera mendacia esse ac putas calumnias, miratusque summam tanti viri innocentiam, patientiam ac modestiam, pollicitus est se illius honorem, quem alii labefactare studuerant, apud Romanum Pontificem reparaturum, imò effecturum ut ipse Pontifex quantocius Regi Hispaniarum in Baii gratiam ita scriberet, ut de Baio malè præconcepta sententia è Regis animo penitus deleteretur. Quandoquidem verò ejus æmuli vehementer contendebant ipsius libros esse proscriptos: P. Toletus declaravit lectionem Operum Michaelis Baii nullatenus esse prohibitam. Verùm etsi Michael Baius nihil nisi catholicæ fidei ac pietati Christianæ valde consentaneum unquam tenuisset ac docuisset; P. Toletus, tam ut Romanæ Sedis hono-

honorì consuleret, quàm ut ejus æmulis aliquid concederetur; ei præscripsit quandam Confessionis formulam, in qua fateri debuit multos ex damnatis 76. Articulis à se esse traditos, ac eo sensu proscriptos quo eos docuisset; cui formulæ optimus hic Doctor undique læcessitus ac calumniis obrutus; ut tandem pace aliquâ frueretur, subscripsit die vigesimâ quartâ Martii hujus anni 1580.

Sic cum Theologo Lovaniensi quantumvis tam in doctrina quàm in moribus irreprehensibili, non mirabitur qui in Historia legerit quomodo idem Papa paulò ante, anno videlicet 1576. ipsummet Caranza, Archiepiscopum Toletanum, primatem Hispaniæ, pluribus titulis illustrem, coëgerit nonnullas ejurare propositiones, licet solemnè istius Pontificis sententiâ eas declaravisset nunquam tenuisse saltem in sensu falso & hæretico qui ipsis adfigebatur.

Vide Varrillas to. 5. Histor. Revolut. in Monito.

Antequam P. Toletus Lovanio discederet, Michael Baius litteras scripsit Summo Pontifici, in quibus ei exposuit quantas calumnias à duodecim annis sustinuisse occasione hujusmodi Articulorum, cuncta Dei, supremi Judicis, committens arbitrio. Deinde precatus est Pontificem ut Bullæ exemplum ei juberet transmitti. Has litteras Baius Toletò confestim Romam reversuro contradidit, ut eas summo Pontifici porrigeret: quod & ipse sine morâ præstitit.

Igitur decimâ quintâ Junii die prætercurrentis hujus anni 1580. Gregorius XII. Michaeli Baio Breve rescripsit multæ benevolentiæ testimoniis plenum, simul ipsi mittens Bullæ Pii V. exemplum, quod tam per litteras, quàm per P. Toletum postlaverat.

Die duodecimâ Novembris ejusdem anni 1580. Michael Baius cuidam præfuit disputationi de meritis operum, de quibus ipse eum librum ediderat ex quo plurimi ex proscriptis Articulis ferebantur extracti. Cùm verò ad Impugnantis argumentum Baius sapientissimè dixisset: *creatus est homo ut bona opera faciat, quemadmodum avis, ut volet: & sicut avis volare non potest fractis alis; ita nec homo bene operari potest, confractis viribus.* Cornelius Reyneri, ut eum in verbo caperet, cœpit quærere: *An igitur quemadmodum avi volatus, ita justitia primo homini fuerat naturalis:* quæ vigesima septima sententia erat inter 76. damnatas.

Interrogantis mentem ac artem intelligens Baius respondit se hoc non dicere, sed tantum in eo instituere similitudinem, quòd quemadmodum avis fractis alis volare non potest, ita nec homo, si non ei adsit Spiritus Sanctus, qui ei instar alarum est, & quo in sublime fertur & valet bene operari. Cornelius Reyneri institit his verbis: *an ergo justitia & ejus meritum fuerunt homini naturalia in primo statu:* ut si Michael Baius respondisset, meritum primi hominis non à gratuita Dei ordinatione descendisse, sed ex lege naturali: hoc uno convinceretur in Pianam Bullam impigisse, quæ sententiam hanc damnaverat. Tum Joannes Lensæus, dictus Belliolanus, Academiæ Lovaniensis pro tempore Rector, se jungens Cornelio, id dixit rectè sequi ex tertia Conclusionè quæ defendebatur; quòd si lege & ordinatione naturali opus bonum habet rationem meriti in homine integro; bona opera etiam

etiam post lapsum naturali constitutione fiant meritoria: cum lex naturalis eadem & inconvulsa persistat. Baius insidias æmulatorum advertens, nihil ac capciosaf hæc, quæ extra Theſim erant, respondit, etsi Cornelius Reyneri variis eum tricis vexaret: adeò suâ phantasiâ seducti æmuli Baii in eum fremebant, ut ejus sententias perverſe intelligentes ac exponentes, nullam eum calumniandi occasionem non quærerent ac arriperent.

Denique hoc anno 1580. die Februarii decimâ quintâ Coloniz obiit Cunerus Petri, Episcopus Leuwardiz, de quo multa hîc mentio facta est.

Ut ad ea revertamur quæ Michaellem Baium Philippo Marnixio scripſiſſe vidimus: P. Horantius, cujus jam suprà meminimus, Michaeli Baio ita adverſabatur, ut quid in ejus scriptis morderet, studioſe quæritans, ea reprehenderet quæ laudem magis merebantur quàm vituperium. Æquo animo ferre non potuit quodd Baius humaniori ſtilo ſuas ad Marnixium ſcripſiſſet epistolâs. Hinc exacerbatus Horantius quandam sub huſuſce anni 1580. initium ſcripſit epistolam, in qua postquam Michaelis Baii Reſponſa ad Marnixii Quæſtiones de Eucharistia non potuit non commendare: ejus Reſponſiones ad Quæſtiones de Eccleſia reprehendit, conquerens 1. quodd ejus epistolâs Marnixio ſcriptæ nimis benignæ fuiſſent. 2. quodd Baius Auguſtinum ſecutus dixiſſet judicium de Eccleſia eſſe ex ſola Scriptura petendum. Horantius epistolam hanc Antonio Ghennart, Canonico Leodiensî, ac Cenſori librorum, approbandam ac Leodii edendam obtulerat. Verum cum nec ab iſto nec ab aliis librorum Cenſoribus ſuæ epistolâs approbationem obtinere potuiſſet, eam Coloniz mense Februario typis dedit: etsi Lindano, Episcopo Ruremundano, ſe eam non editurum in lucem promiſiſſet, quin prius eam miſiſſet Baio, & iſte ſe explicare recuſaſſet. Id Lindanus per litteras die octavâ Februarii anno 1580. datas ſignificavit Baio, qui continuè ſe explicuit. At iſta Baii explicatio deſideratur, nec ullum illius exemplum comperire potui, ideò fortè quia ipſe Baius, ut ipſe innuit, nullum ſibi exemplum illius ſervavit.

Hoc eodem anno 1580. Philippus Marnixius ſuam ad poſteriores Michaelis Baii litteras die 18. Decembris anni 1577. & die 7. Januarii anni 1578. datas, Reſponſionem valde prolixaſ abſolvit ac publici juris fecit, ſimul cum iis quæ tam ab ipſo quàm à Michaeli Baio diſputata hætenus fuerant. Et Michael Baius tam oblocutionibus Horantii per Epistolam Apologeticam memorato Antonio Ghennart ſcriptam reſpondit, quàm ultimæ Marnixii Reſponſioni per Apologiam eorum quæ ipſius Quæſtionibus ac Objectionibus hætenus reſponderat.

Anno 1581. Lovanii edita prodiit iſta Michaelis Baii adverſus Marnixium Apologia, cui præfixa eſt ejuſdem Epistolâ Apologetica contra Horantium.

Anno 1582. Marnixius in lucem miſit ſuam ad Apologiam Michaelis Baii Reſponſionem.

Anno 1583. die decimâ Martii ad Michaellem Baium perlata hæc Marnixii Reſponſione, eam ipſe ſtatim conſutavit ſcripto ac edito libro, cui titulus: *Deſenſio Apologiæ ad Reſponſionem Michaelis Baii ad Quæſtiones & Objectiones Marnixii.*

Anno 1584. Joannes Franciscus Bonhomus, Episcopus Vercellenſis, à Gregorio XIII. tanquam Legatus in Flandriam miſſus eſt. Statim ac Bruxellas advenit, intellexit Bullis Pontificum pacem Academiæ Lovaniienſi non eſſe redditam, imò iſtius Scholæ ſchiſmata, quæ ab æmulis Baii fovebantur, in dies invaleſcere.

Ipſe igitur anno 1585 Lovanium ivit, ac nonnullis Diſputationibus Scholaſticis voluit intereſſe. Eà occasione æmuli Baii, ac præ cæteris Cornelius Reyneri, novas adverſus eum inſtituerunt criminationes, de quibus poſtularant ut ab iſto legato interrogaretur. Ipſi idcirco articulorum indicem exhibuerunt, de quibus ut Michael Baius diſtinctim reſponderet, inſtanter urgebant; ſed fruſtra, ut exiſtimo: ea enim in re aliquid à Legato actum fuiſſe nullibi reperio, præter id quod mox ſum relaturus.

Joannes Franciſcus Bonhome cùm Lovanio Bruxellas rediit, nihil ad veteres illas contentiones componendas, & ad concordiam in iſta Academia ſtabiliendam conſultius arbitratus eſt, quàm ſi Facultas Theologica brevi aliquâ expoſitione ſuam circa Articulos à Pio V. damnatos mentem declararet; hancque explicationem, poſtquàm Pontifici eſſet probata, tenerent ac ſequerentur omnes Sacræ Theologiæ Profeſſores.

Itaque ſub menſis Novembris finem Archiepiſcopus Mechlinienſis Henricum Gravium, Sacræ Facultatis pro tempore Decanum, vocavit ad ſe, eique declaravit ſe à Pontificis Legato recepiſſe mandatum procurandi ut iſta explicatio quamprimùm ſcriberetur. Cura illam concipiendi Joanni Lenſeo, ejuſdem Academiæ Doctori Theologo, demandata; & poſtquàm deſcripta & reliquis S. T. Magiſtris ad id requiſitis prælecta probataque eſt, tradita fuit huic Pontificis Nuncio. Ea inter Baiana ſuperius integra habetur ex Miſſ. Codicibus emendata. Hic Nuncius obiit a. 1587. Quantum autem faveret Jeſuitis liquet ex ipſorum Hiſtoria de Cenfura Lovaniienſi, quæ reſertur in Juſtificatione iſtius Cenſuræ.

Annis 1586. & 1587. pervenit ad Academiæ Lovaniienſis Theologos quòd Jeſuitæ, qui Theologiam Lovanii in ſuo Collegio docebant, nonnulla de Sacra Scripturis ac de Gratia Chriſti traderent catholicæ fidei minùs conſentanea. Eapropter ut de rei veritate penitiùs inquirerent hi Theologi, Diſtata iſtorum Profeſſorum ſeriò ac diligenter excuſſerunt: & ex iis ita diſcuſſis quaſdam ſententias cenſorio ſuo calculo confixerunt in laudem divini Verbi ac Gratiæ Chriſti gloriam.

Cenſuræ Lovaniienſi ſuam Facultas Theologica Duacena adjunxit anno 1588. die vigeſimâ Januarii. Nihilominus Jeſuitæ, nullâ interpoſitâ morâ, ſuæ doctrinæ vindicias contra huiuſmodi Cenſuras ſcripſere; quæ tamen non niſi menſe Julio in manus venerunt Doctõrum Lovaniienſium, qui iis adhuc magis offenſi, anno 1588. ſuæ Cenſuræ Deſenſionem, juſſu Episcoporum Belgii, edidẽre.

Anno 1589. dum Catholici gloriabantur Philippum Marnixium ita fuiſſe à Michaelẽ Baio convictum, ut quod Baio reponeret nihil ipſi ſuper-eſſet; ipſe tandem hoc anno ſcripſit ac edi juſſit ultimam ſuam Reſponſionem, quæ abſque refutatione ideo remanſit, quia hoc anno die Septembris decimâ

sexta omnium bonorum luctu extincta est lux Academiae Lovaniensis, & humanis exemptus est Theologorum hujus temporis facile princeps, MICHAEL BAIUS.

V I N D I C I Æ
ECCLESIAE ROMANÆ
IN QUIBUS ADVERSUS

Tam Protestantes quàm Arminianos, cateroque renascentes Pelagianos hinc demonstratur quòd ex Pontificiis adversus septuaginta sex articulos, qui Michaeli Baio perperam adfiguntur, Diplomatibus, malè arguitur Ecclesia Romana à prisca sua fide ac à tutis inconcussisque Sancti Augustini dogmatibus de Gratia Christi recessisse, aut sententias tenere quæ ab Arminianis & à Ludovici Molinæ Schola docentur ac defenduntur.

TRisti lugendoque experimento comperimus, quàm verax fuerit eorum vaticinium qui multo cum animi sensu non semel dixerunt ea quæ primò in Michaelem Baium, deinde in Cornelium Jansenium agi ac decerni intelligebant, non levia Ecclesiae Romanæ hostibus adversus eam arma suppeditare. Ipsi perspicaci mentis oculo præviderunt una ex parte redivivas Pelagianorum reliquias ex his ansam gloriandi aliquando accepturas, ac si Romana Ecclesia ad ipsorum castra convolasset, ac jam staret ab ipsorum partibus: & ex altera parte Calvinii Sectatores ex iisdem occasionem sumpturos eandem Romanam Ecclesiam conviciandi, ei exprobrando quòd priscam suam fidem, ac Apostoli Augustinique doctrinam circa Christi Gratiā, non modo abjecerit, sed damnaverit ac veluti hæreticam proseripsit.

598

Istius vaticinii veritatem probavit exitus. Nemo enim nescit quantā cum audacia hæretici Arminiani ceterique renascentis Pelagianismi vindices jactent suam de divina prædestinatione subsequente hominum merita, ac de gratia omnibus communi, humanæque voluntati subdita sententiam, ita esse Ecclesiæ Romanæ doctrinam, ut oppositam pro erronea ac pro hæretica habeat. Frustra immoraretur locis omnibus hic referendis in quibus redivivi isti Pelagiani, aut, si malis, semipelagiani, sibi de Ecclesia Romana secum, ut putant, in his sentiente applaudunt. Unus sufficiat in quo Arminius ipse dicere ausus est, quia *res ipsa loquitur Ecclesiæ. . etiam Papistarum doctrinam* hanc, scilicet, de prædestinatione merita hominum antecedente, *pro hæretica habere*: & quod nullum sit doctrinæ caput quod *Papista acrius oppugnet*. Eadem jactare non desinunt qui eadem dogmata profitentur, quocunque titulo eos insignire placeat.

In declaratione
sententiæ
suz.

Quis etiam nesciat quanto impetu Calviniani in Ecclesiam Romanam invehantur, ei exprobrantes quoddam ipsa, ejuratā Apostoli ac Sancti Augustini doctrinā, à fide defecerit ac in Pelagianismum turpiter prolapsa sit? Omnia quæ ea de causa in Ecclesiam Romanam ipsi evomunt, ut suam ab ea secessionem multo jure tactam fuisse demonstrent, huc adducere nimis prolixum foret. Satis sit audire id quod hisce temporibus duo inter ipsos non ignobiles Scriptores in ipsam protulere.

Melchior Leydeckerus, in Academia Ultrajectina Theologiæ Professor, hæc scribit quæ vel cogitare horret animus: Ecclesiam Romanam à principio fides habuit: at ista casta olim virgo facta est fornicatrix perfida, ubi cum Judaismo ac Gentilismo impudens commisit adulterium, dignaque evasit, quæ ad exemplum Israeliticæ accepto repudii libello *caeste divor-*
tium pateretur. Pristinæ illius Ecclesiæ fidei & fidelitatis Pauli ad Romanos Epistola apertissima demonstratio est. Etenim gratiam edocta pridem justificationem ad tempus professā sicut gratiam Christi unicam, uti in origine, sic in progressu & consummatione, salutis causam, donec Antichristi passā confutationem, Pelagianismo, qui Judaismi ac Gentilismi excrementum est, suos scetus enutrivit. Sic verò cœpta Christi unici Mediatoris, totis justitiæ, gloria obscurari, ac gratia in naturam veri, imò aboleri substitutis liberi arbitrii viribus, vel propriis atque alienis operum meritis. Id quàm maximè fuit evidens proximis sæculis; neque aliunde
(Nota bene) Reformatio sua lumpsit initia atque incrementa, nisi ex sancto pro Christi justitia & gratia zelo. Ardorem adauxerunt Jesuitæ, qui recentioris exortus non certiorē sibi viam ad suæ Societatis gloriam putaverunt, quàm vehementem Calvinismi oppugnationem per laudes naturæ & humanæ libertatis. Ita enim Pelagianis ex principiis conversione & fide in liberum arbitrium refusus, vera apparebat methodus propagandi justiciam propriam nec non bonorum operum quævis merita, quæ Papatus omnis fontem ac fundamentum constituunt.

In primâ
Disputa-
tione hi-
storico-
Theologi-
ca de va-
rio Jan-
senista-
rum fato.
Thesi 1.

His exorditur Leydeckerus primam suam de Jansenistarum fato Disputationem, quam claudit istis: *Non quidem nos agere ferimus hos Jesuitarum artes* (quibus in Jansenium tanquam in Baianum ac Calvinistam Vaticanam

ibid.
Thesi 12.

fulmina excitaverant) quòd pateret amplius insanabilem esse Babelem, jure factam à nobis ex ea secessionem, Pelagianismum esse Papatùs fidem, nec posse coli cum Italica sede communionem ab illis, qui quodammodo gratia gystum habuerunt.

Ipse in altero opere, quod inscripsit: *Demonstratio Evangelica*: demonstrasse se putat quòd quibus sapit vera Christi gratia, ab Ecclesia Romana discedere debeant, cum dixit quòd ipsa à fide exciderit, hoc est, utipse explicat, à doctrina quæ propugnat gratiam quæ Deus peccatorem ad salutem perducat. In ista enim Societate seu Ecclesia hæresis Pelagiana verè sedes in throno.

Jurieu Gallus Calvinianæ Sectæ Minister, in libello, quem contra Antonium Arnaud scripsit, & cui titulus est, *L'Esprit de M. Arnaud*; observandum vult quòd Ecclesia Romana doctrinam Sancti Augustini de Christi gratia damnaverit: ut inde ostendat quàm jure merito ipsi eam semipelagianismi insinulaverint, & eam dixerint doctrinæ Apostoli & Sancti Augustini esse inimicam. Verba ejus hæc sunt: *Cecy desole l'Eglise Romaine, & confirme l'accusation dans laquelle nous la traitons de Semipelagienne, & d'ennemie de la doctrine de Saint Paul & de Saint Augustin touchant la grace.*

Unde in suis adversus Ecclesiam Romanam præjudiciis; inter ea ex quibus conseqi pro certo tradit, quòd Ecclesia Romana jam non sit Ecclesia Christi, sed synagoga Diaboli, recenset speciatim Theologiam illius, ut vocat, superbam ac plusquam semipelagianam, quæ gratiam ac æternum Dei propositum circa hominum salutem nutui humanæ voluntatis subjicit.

Primum autem caput, ex quo Protestantes arguunt Ecclesiam Romanam à prisca fide ad Pelagianismum deflexisse; & ex quo Remonstrantes aliiq; horumcè temporum Pelagiani jactitant ac gloriantur hanc Ecclesiam secum sentire: illud est; videlicet quòd Pius V. cedens malevolentia æmulatorum Michaelis Baii, qui ex ejus scriptis ac dictatis varias propositiones collegerant & eas sollicitis precibus Romæ instabant, ut auctoritate Pontificiæ condemnarentur, Bullam confecerit anno 1567. quæ omnes oblatas prohibuit, seu hæreticas & erroneas, seu suspectas, temerarias, scandalosas ac piarum aurium offensivas. Et quòd Gregorius XIII. anno 1579. in Baium censuram strinxerit, cum prior tumultuantibus videretur parum profecisse.

Hæc habet Leydeckerus suprâ memoratus, qui postquam plures ex his propositionibus retulit, subjungit: *Eccè invisas Romæ propositiones, &c. & tandem Pontificiam censuræ conclusionem sic adducit: Quas quidem sententias stricto coram nobis examine ponderatas, quanquam nonnulla aliquo pacto suslineri possent, in rigore & proprio verborum sensu ab assertoribus intento, hæreticas, erroneas, suspectas, temerarias, scandalosas, & in pias aures offensionem immituentes respectivè, & quæcunque super his verbo scriptore emissa, præsentium auctoritate damnamus, circumscribimus & abolemus &c.*

Post hæc addit: *Pium V. secutus est Gregorius XIII. suum prædecessorem. Vidit enim non defuisse suo tempore Theologos & Professores qui articulos in præcedenti Constitutione damnatos asserere & defendere pergerent. Igitur eorumdem temeritatem & audaciam ad totius Ecclesia scilicet hujusmodi pertinentem minime dissimulandam censuit; sed verò ad coercenda hujusmodi ingenia, quarto Cal. feb. 1570.*

(per

Prejugez
legati.
contre le Pa-
pisme.

1. partie
c. 20. pag.
258. &
259.

Disput.
Historico-
theologica
2. de vario
Janfensi-
harum
fatio: Th.
13. 14.

Thes. 15.

(per errorem Typographi, loco 1579.) editam Pii Bullam confirmavit, articulosque ibidem notatos iteratò condemnavit, referente Urbano VIII. in suo contra Jansenistas seu Baianos decreto.

His enarratis eà veracitate, quam postea discutiemus, Romanos istos Pontifices sic insilit: *Atqui non sic Pius egit ex devota in veritatem, gratie Th. 16. gloriam, & Christi merita, pietate: Non se ostendit Gregorius Pastorem verè perperam pro sancta fide, resumente suas vires in dies Pelagianismo... Sed & datus erat Ecclesie Romana jam libellus repudi, & debuit illa deserta PALAM FACERE SE PLANE EXCIDISSE EX GRATIA, PELAGIANISMUM AM- PLEXAM, QUI ANTICHRISTI FIDES ESSE DEBUIT, UTI SUBRUIT CHRISTIANISMI FUNDAMENTA.*

Tum ex historia demonstrat Pontificiam Bullam Jesuitarum consilio con- Th. 17. fectam esse atque evulgatam. *Motus ergo, ait, per M. Baium controversiis alla omnia fere per Jesuitas. Franciscanorum secutos vestigia, Dominicanis amulos atque invidios.*

Et refert, quia missus est Lovanium Bellarminus magnus Jesuita, qui de quæstionibus cognosceret, remve omnem componeret, vel ad Papale Tribunal deferret; & quia Hic suà benè usus est legatione, auditoque Baio, Romam recessit indignabundus, quòd plurimas Scholasticorum, etiam suas opiniones, ab ipso ut Pelagianas perstringi audivisset. *Confiscis ergo, concludit Leydeckerus, Decretum Michaelis Bii, &c.*

Denique totis viribus contendit certum esse Baianas propositiones quovis modo ut scandalosas, falsas & erroneas, eòque condemnatas in Romana Ecclesia fuisse habitas. Et cum hujusmodi propositionum censuræ opposuisset Theses, ut vocat, in libro Domini Bossuet, cui titulus: *Exposition de la Doctrino Catholique &c.* à Cardinalibus & ab ipso Papa a. 1679. die 4. Januarii approbatas, dicit quia ipsæ *Veterem Romam ut Apostaticam condemnant, Bullam contra Baium reddunt evanidam, Papatus horrorem tegunt &c.* Nec inde demonstratum putat injustam esse ipsorum ab Ecclesia Romana secessionem. Imò iterum vehementiori impetu instat his verbis: *Adbuc dico, justa fuit Patrum nostrorum ex Babele secessio, æquum manebit nostrum in Romanæ odium, frustra invitabimur ad regressum, qui novimus Pontificia Curia solitas artes, dolos, fraudes. Si hæc (quæ in relatis propositionibus Domini Bossuet docentur) Romana Ecclesia fides est; condemnentur antè evulgata Bulla contra Baium & Jansenium, anathemate percutiantur statim omnes Jesuitæ, quibus Condemensis (modò Meldensis Episcopi) hypotbeses opponuntur: agnoscant Romanenses suam Ecclesiam antè à fide aberrasse, & opus habuisse Reformatione, &c.*

Ista satis superque sunt ut constet, quòd Calviniani Ecclesiam Romanam Apostoli ac Sancti Augustini doctrinam ejurasse ac à prisca fide in Pelagianismum fuisse delapsam; suamque proinde ab ea secessionem justam esse: Arminiani verò & alii novi Pelagiani Ecclesiam secum sentire in his quæ Gratiam spectant, eo maximè argumento demonstrent, quòd Pius V. Gregorius XIII. & Urbanus VIII. Michaelis Bii propositiones proscripserint.

Ut ergo tanta injuria ab Ecclesia Christi removeatur, & hujusmodi cohibeantur insultus; evertenda imprimis est communis hæc tam Calvinianorum, quam Arminianorum aliorumque hujus ætatis Pelagianorum machina: demonstrando scilicet hujusmodi Censuris ac Bullis nihil veritati, nihil priscæ fidei, nihilque Apostoli & Augustini, imò nec ipsiusmet Michaelis Baii doctrinæ fuisse detractum. Id apertum fore puto ex iis quæ citra omnem adulationis fucum, & absque iniquo partium studio, juxta historię fidem ad hujusmodi censuras observanda veniunt.

OBSERVATIO I.

A Theologis aliquot Parisiensibus latam esse anno 1580. Censuram in octodecim sententias suprâ recensitas, nemo inficias ierit. At de ista Censura quàm immeritò gloriuntur Pater Stephanus Deschamps, & P. Joannes de Ripalda, alligæ à Molinæ Schola Theologi, ac si suæ sententiæ & aliorum qui gratiæ operationem libero subjiciunt arbitrio planè faveret; eorumque doctrinam confixisset, qui cum Augustino & Ecclesia medicinali Christi gratiæ subjiciunt liberum voluntatis arbitrium, faciliè percipiet qui adverterit primò quæ fuerit occasio octodecim hujusmodi articulos denuntiandi Theologis Parisiensibus.

Cùm inter Minoritas Belgii nonnulli doctrinæ, quam in Academia Lovanienſi tum temporis absque fūco docebant Michael Baius & Joannes Hefselius, firmiter adhererent; aliis, qui futilibus scholarum tricis ac vanis disputationibus magis erant addicti, quàm Sacræ Scripturæ ac Sanctorum Patrum studio, visū sunt nova & hætenus inaudita sequi dogmata. Inde graves inter Minoritas Belgas exortæ sunt contentiones, quas ut sisterent eorum Præpositi, singulariter Guardianus Conventus Nivellenſis, & Guardianus Conventus Athenſis, consulendos duxerunt Theologos, non Lovanienſis Academię qui eorum fraudem vel inscitiam faciliùs deprehendissent à quibus aliorum sententiæ minùs sincerè fuerant expositæ; sed Parisiensis Universitatis, quibus imponere facilius erat, & inter quos quidam ab Augustino averſi turpiter pelagianizabant: ut ex superiùs in historica Narratione relatis liquet.

2. Ab hisce æmulis constati sunt octodecim Articuli, & Theologis Parisiensibus ad censuram denunciati, quorum quidam ut 2. 4. 5. 6. 7. 8. 9. 10. 11. 12. 15. 16. 17. & 18. sunt manifestè catholici, nec nisi à Pelagianis & in Sancti Augustini doctrina peregrinis poterant reprobari: quidam, ut primus, 3. & 14. apertè hæretici, quos nemo defendebat; & quos proinde iis falsò adscribebant, qui Sancti Augustini doctrinam sincerè profitebantur.

3. Censura, quam in hos Articulos tulerunt Theologi Parisienses, subreptione obtentæ ex multis arguitur. Nam 1. nulla fertur demandata selectiſ ex ista Academia Theologis cura excutiendi hujusmodi Articulos, & referendi sacræ Facultati suum de illis, post diligentem inquisitionem, judicium.

cium. 2. Nullæ dicuntur præmissæ preces, antequam Theologi suam circa istos articulos sententiam pronunciarent. 3. Nulla facta invenitur in sequentibus Facultatis Comitii Censuræ istius confirmatio: quæ tamen Theologica Facultas Parisiensis in condendis suis Censuris non solet omittere.

4. Licet plerique ejusmodi articulorum obscuri sint & ambigui; censura tamen in illos fertur absque ulla discretionem sensuum: aded ut novis contentionibus exciendis, quàm iis sedandis quæ subortæ dicebantur, aptior esset. 5. Falsum & hæreticum absolute censet quoddam Liberum arbitrium ex se, seu de suo, hoc est, sibi dimissum, omnique destitutum divinæ gratiæ adjutorio, non possit nisi peccare; ceu de suo non habeat nisi peccatum: & (quod eundem habet intellectum) hominem facientem quod in se est, peccare: Item, quod posse peccare non sit de ratione liberi arbitrii hominis: hæc, inquam, tanquam falsa & hæretica reprobant, quæ tamen tanquam veritates Catholicas fides nos edocet, ab Augustino, Concilio Arausicano & aliis Sanctis Patribus traditas.

Demum, quod integram istius Censuræ autoritatem elevat, in ea hæreseos arguuntur qui solum Christum dixerint fuisse absque peccato originis. Hac enim definitione non solum omnes Sancti Patres qui id asseruere, hæretici pronunciantur: sed & isti Censores ac Parisienses Theologi incurrerunt excommunicationis pœnam à Xisto IV. paulò ante in eos latam, qui aliquà erroris notâ sententiam hanc afficere præsumperint. Adde quoddam Michael Baius nullum unquam Censuræ istius exemplum ab ista Facultate obtinere potuerit; quia Censura hæc factus aded deformis erat, ut ejus ipsam matrem puerit.

OBSERVATIO 2.

Censuras ab Academiis Hispanicis in novem sententias, quas Michaelis Baii tribuebant, emendicasse Judocum Ravestyn, vulgò Tiletanum, cum quibusdam Minoritis, fidem faciunt litteræ ab eo scriptæ Laurentio Vilavicentio, quas simul cum Censuris ex quodam Collegii Malderi in Academia Lovaniensi Ms. Codice, in lucem primum emisimus. Et circa illas

Advertendum 1. has Academiarum Complutensis Censuras nonnisi post Pii V. tempora latas esse. Nam in sexta propositione Michaelis Baii Apologia dicitur scripta Gregorio XIII. Summo Pontifici; quam Pio V. Gregorii XIII. prædecessori scriptam constat. Hic autem error manifestè arguit, Pium V. decessisse, antequam sexta ista propositio conficta fuisset, & ad Censuram exhibita. Sed & simul demonstrat quâ fide Opera Michaelis Baii protulerint hi delatores, qui quam ille Pio V. scripserat Apologiam, dixerunt Gregorio XIII. scriptam.

Animadvertendum 2. quoddam in iis Censuris Michael Baius has sententias tenuisse asseritur in sola ejus æmulorum fide, qui nec testes adhibuerunt, nec loca adduxerunt ubi illas docuisset. Sic in solo istorum calumniatorum verbo, absque ulla veri inquisitione, hæreticæ in sensu authoris pronunciantur;

ciantur; quod quàm temerè & quàm iniquè definitum sit, judicet qui vel primas naturalis æquitatis regulas novit.

Animadvertendum 3. ab his Theologis in secundi Articuli censura confiderenter definiri quòd error sit ac sapiat hæresim, non agnoscere in sanctis hominibus merita, ut vocant, supererogationis; quoniam Ecclesia (si Theologis fides est) & Catholici semper senserunt Job & Tobiam Deo plus satisfecisse, quàm deberent. Verùm si ab iis quæreretur quis sanctorum Patrum vel quod Concilium in hominibus etiam sanctitate præclaris, quandiu in corpore mortis hujus fuerunt, aliqua supererogationis sic intellectæ merita agnovit; certò mihi constat quòd ne unum quidem proferre possent. Dolendum sanè tales in Ecclesia inveniri Theologos, qui novitia nescio quæ commenta pro fidei dogmatibus ac Ecclesiæ sententiis venditare non erubescunt.

Animadvertendum 4. propositiones quartam & quintam esse malâ fide relatas. Nusquam enim Michael Baius in terminis, dixit quòd in illis verbis: *Ego pro te rogavi, Petre, ut non deficiat fides tua*; Petrus gestaverit personam Electorum, sicut Judas est caput Reproborum: sed inter disputandum & in Tractatu de hujusmodi verborum intellectu & alibi protulit varia Sancti Augustini loca, ubi Petrus asseritur Ecclesiæ gestasse personam: & inter alia indicavit Sancti Augustini enarrationem in Psal. 108. in qua sanctus iste Doctor sic loquitur: *Sicut enim quædam dicuntur, quæ ad Apostolum Petrum pertinere videntur; nec tamen habent illustrem intellectum, nisi cum referuntur ad Ecclesiam, cujus illo agnoscitur in figura gestasse PERSONAM, propter primum quem in Discipulis habuit, sicuti est: Tibi dabo claves regni cælorum, & si qua hujusmodi: ita Judas PERSONAM quodammodo sustinet inimicorum Christi Judeorum.* Quæ sanè Censores non ausi essent reprobare, si cautiore fuissent, & magis in Sancti illius scriptis versati, ubi & ista verba adhuc expressiora legissem: *Si in Petri PERSONA significati sunt in Ecclesia BONI: in Judæ PERSONA significati sunt in Ecclesia MALI: quæ habentur in tract. 50. in Joannem.*

In sua quoque Oratione de jurisdictione Episcoporum, ex qua malè collecta est quinta propositio, non negavit Baius Summum Pontificem jure vocandum vocatumque esse Universalem Patriarcham, sed non fuisse appellatum Episcopum Universalem asseruit; quod qui Orationem ipsius legit, nequaquam debuit reprehendere.

Animadvertendum 5. quàm falsa & calumniosa sit octava propositio, quæ Michael Baius assererebat etiam post Bullæ Summi Pontificis promulgationem, hæc & alias à Sancta Sede prohibitas sententias docuisse ac defendisse; ex suprâ (a) relatis satis innotuisse: ubi, juxta Mss. fidem, annotavimus ejus æmulos & criminatores nihil potuisse adversus eum proferre, unde ea legitimè probare possent quæ de ipso dixerant: ac Toletum à Pontifice delegatum inde intellexisse mira esse mendacia, quæ de Michaelæ Baio dicta ac summo Pontifici scripta fuerant.

Animadvertendum 6. quòd Censura Academiæ non *Salvatoreni*. quia nulla eo nomine appellatur in Hispania, sed *Salmaticensis*, quem Exscriptor

(a) Narrat. Epistolari & in Narrat. historica ad an. 1599.

Salvatoreu. corruptè scripsit pro *Salmaticen.* Authorem non minùs iniquè quàm temerè damnat absque ullis testimoniis & in solo Delatorum verbo. Deinde secundum Articulum in eo sensu veluti temerarium & hæresi proximum reprobat, in quo eum damnari minime posse Academia Complutensis censuit: adèd concordēs sunt istarum Academicarum Censuræ. Hæresim quoque sapere declarat ista Academia, si quis dixerit Sanctos Martyres à Christo habere omnia. Quibus autem id hæresim sapiat nisi Pelagii discipulis, planè ignoro. Idcirco Censuram hanc non ab ipsa Academia, sed à nonnullis in ea Pelagii errores sectantibus latam crediderim.

Præterea ex Articulo sexto, qui totus à mente & verbis Michaelis Baii alienissimus est, facile potest intelligi quantà calumniandi libidine hunc & alios conscripserint ejus æmuli, & ad censuram exhibuerint. Ex octavo autem Articulo, & ex relatis Narrationibus conjicere licet, Gaudanum & Gravium, ejusdem Theologicæ Facultatis Lovaniensis Doctores, veluti acerbos Michaelis Baii æmulos, ejusmodi Articulorum censuram urissse. Immerito ergo Jesuitæ queruntur, ac si Academicæ Lovaniensis Censura adversus errores Societatis scripta fuerit in vindictam confixionis propositionum Michaelis Baii: Cùm Cornelius Reyneri Gaudanus, & Henricus Gravius, qui inter præcipuos Censuræ Lovaniensis autores recensentur, acerbi fuerint Michaelis Baii æmuli.

Porrò quandoquidem Academici Doctores non sunt arbitri fidei, nec judices controversiarum; eorum Censuræ non sunt definitiones credendum, sed duntaxat declarationes mentis ipsorum, quæ ab aliis Theologis ad examinem possunt revocari, imò & rejici, si ab æqui verique regulis deflexerint. Præmissarum itaque Censurarum non ea est autoritas cui refragari non liceat, maxime cùm sanæ doctrinæ ac naturali æquitati adversari deprehendantur.

OBSERVATIO 3.

Circa eos qui primarii fuere Michaelis Baii æmuli.

Animadvertendum 1. inter eos ex ipsa Lovaniensi Academia recensendos esse Ruardum Tapperum; Judocum Ravestyn à Tileto, sive Tiletanum; Cornelium Reyneri à Gauda, sive Gaudanum; Henricum Gravium, & Cunerum Petri: & extra Academiam, Joannem Strienum, Episcopum Middelburgensem, P. Franciscum Horantium, & alios nonnullos ex eodem FF. Minorum Ordine. Hos autem viros, qui eruditione ac zelo catholicæ fidei sibi nomen fecerant, Michaeli Baio adversatos fuisse nemini mirum videbitur, qui noverit quantum isti Pelagiano fursure conspersi fuerint, & à Sancti Augustini doctrina alieni, cujus Opera imbuti suorum Præceptorum opinionibus legerant non ut ejus mentem assequerentur, sed ut eum in suum sensum pertraherent, quem unice tenendum putabant. Ruardus Tapperus, qui Driedonis fuerat auditor, æmulorum verò Michaelis Baii caput ac Magister, tam procul ab Augustino recedebat, & tam propè

accedebat ad sectatores Pelagii, ut in Articulo septimo contra Protestantes disputans de libero arbitrio, apertè doceat *sine gratia ex viribus naturæ multa bona ab hominibus fieri posse*: imò quòd *Impii & Infideles per solam naturæ legem, sicut Deum cognoscere, ita eum solum adorare & glorificare potuerunt*: & quòd *Impius & Infidelis solis naturæ talentis naturalibusque viribus relictus possit vitare peccata*: quia, inquit, *discernit inter multa licita atque illicita, ita pro tempore & loco potest non peccare, nolle fornicari, ex eo quod iudicat illa esse illicita*. OMNE ENIM QUOD MALUM ESSE NOVIT, ODISSE ATQUE ABO- MINARI POTEST.

Et de Gratia postea differens ait, quòd *proxima causa cur unus sit altero san- ctior & iustior, est ejus industria & conatus in usu Gratiæ Dei*: Item, quòd *ex similiter tractis & interiori in corde vocatis unus credit & convertitur, & alius manet incredulus nec convertitur, contingere potest ex SOLA arbitrii divinitus præparati libertate*: nec aliter contingere potest si *similiter sunt affecti*; & vocan- tur secundum quod apti sunt ad sequendum; Insuper, quòd homo fidelis non indigeat actuali aliquo supernaturali auxilio ad utendum habitibus divinarum virtutum fidei, spei, & charitatis &c: Homo enim, inquit ipse, *fidelis potest credere & cogitare Deum Trinum quando vult; nec opus est ibi motione aliquâ spe- ciali, & SIMILITER OPERARI OPERA SALUTIS, &c.*

Divina autem prædestinatio ab eo definitur *efficax ordinatio & directio Ele- ctorum per media congrua ad salutem æternam*. Noluit cum Augustino dicere quòd prædestinatio est præparatio beneficiorum Dei quibus certissimè libe- rantur quicunque liberantur. Nec magis consentit huic Sancto Doctori in de- finitione liberi arbitrii, quod ipse est describit: *Liberum est facultas, quâ positis omnibus requisitis ad eligendum & agendum, possumus non eligere & non agere: à qua facultate dicitur causa aliqua libera & agens liberum*. Et ex his à se ita as- sertis manifestum dicit quòd, *Libertas, quâ possumus ex nobis in opposita, sit naturalis proprietas sequens naturam intellectivam, & inseparabilis ab ea*: & quòd *non sit liberum arbitrium, in quibus solum determinatum est judicium*. Ex qui- bus principiis Augustini doctrinæ omnino repugnantibus, ac Pelagiano er- rori consentaneis ipse sic infert: 1. *Si igitur adest gratia, quâ opus est, ut ad Deum cor converti possit; NEC PECCATUM EST quòd quis non convertitur; quia non potest pro tunc ad Deum converti, & necessario non convertitur, & per con- sequens non liberè*. 2. *Quòd ea quæ per ignorantiam secundum quid invincibilem committuntur, non sunt peccata*. Idem est, addit, *judicium de universis operibus, quæ sunt supra hominis facultatem, qualia sunt, credere Evangelio, super omnia Deum diligere, in eo sperare, & similia, quorum omisso NON EST PECCA- TUM, quando præter nostram propriam culpam non sunt in nostra potestate*: hoc est, non nobis adest gratia quâ ista implere valeamus. Quam Pelagiana & iustitiæ Christianæ regulis adversa hæc sint, nemo non intelligit qui Au- gustini contra Pelagianos disputationes legit.

Porò in eodem articulo septimo Tapperus asserit non derogari Dei Gra- tiæ si quis dixerit, hominem ex solis ingenitis naturæ stimulis sese modo quo- dam præparare aptumque facere ad quem juvandum veniat Deus. Et ut quantum Pelagianis faverit, neminem lateret, Faustum Regienssem Episcopum,

pum, qui Semipelagianorum fuit antesignanus, & ejus libri à Sancto Gelasio Papa in Concilio Romano à Catholicorum albo deleti sunt, passim commendat & inter Patres adducit. Qui cum Pelagianis, qui Augustinum dixerunt diabolum, ita sentiebat ac docebat Tapperus, nihil mirum est quòd eum Michaellem Baium intellexisset mera Sancti Augustini sententiam in scholis Lovaniensibus tradere, exclamaverit: *quis diabolus hac zizania seminavit?*

Judocus Ravestyn, qui Tapperi auditor fuerat, non minùs agrè ferebat sententias quas à Tappero didicerat, à Michaelle Baio tanquam catholicæ Sancti Augustini doctrinæ adversas rejici: & speciatim eas, quibus admittebat vires naturales ad morale aliquod bonum in homine remansisse post peccatum: ut in ejus Apologia contra Illirinum & in Apologia Concilii Tridentini contra Kemnitium videre est.

Cornelius Reyneri, qui Judoco Ravestyn in Præbenda Majori Ecclesiæ Sancti Petri Lovaniensis subrogatus fuerat, non minùs durè ac iniquè egit cum Michaelle Baio, ut ex disputatione liquet ejus narrationem primùm protulimus, & ex sollicitudine quâ apud Summi Pontificis legatum institit, licet conatu irritò, ut lectio librorum Michaelis Baii prohiberetur. Unde colligere fas est, ipsum Augustinianis sententiis, quas in suis operibus docebat Michael Baius, non minùs adversatum fuisse, quàm Judocus Ravestyn ac Ruardus Tapperus. Cum enim ipse nihil scripsisse feratur, non mihi conceditur ex ejus libris explorare quare & quantum ad partes Pelagii deflexerit.

Quid Henricum Gravium moverit ad falsò conquerendum quòd Michael Baius nullâ habitâ ratione Censuræ Pontificiæ suos Auditores iis sententiis imbueret, quas ab Apostolica Sede damnatas dicebat: non est unde intelligam. Ab ipso quidem conscripta est Censura Lovaniensis anno 1586. Verùm non paucos reperi inter ipsosmet Doctores Theologos, qui dum gratiæ efficaciam propugnant ac gratuitam prædestinationem; alia Doctrinæ Augustinianæ principia, de libero arbitrio, de natura integra, & de virtutibus impiorum, reprobant, non intelligentes adeò strictam ipsorum cum reliquis de Gratia & prædestinatione veritatibus esse concatenationem, ut si unus ex ejus annulis dissolvatur, totam doctrinæ Augustinianæ catenam dissolvi necesse sit. Quòd ergo à Facultate Theologica Lovaniensi cura conscribendi Censuram Henrico Graviò commissâ sit, non mihi argumento est ipsum primaria illa Augustinianæ doctrinæ capita cum Michaelle Baio tenuisse. Sic Joannes Lensæus, ejus Collega, & in concipienda memorata Censura socius, nihilominus ab Augustiniana doctrina in multis capitibus deflexisse deprehenditur tam in sui de libertate Christiana libri c. 3. ubi non adeò collapsam vult in homine corrupto libertatem ut ad virtutes non valeat suis viribus derelicta assurgere: quàm in toto hoc primo libro, ubi oracula quibus Augustinus, Fulgentius & Concilium Arafricanum definierunt cum peccato periisse liberam bonè vivendi facultatem, ita contorquet ut non nisi de libertate à peccati reatu & à miseria intelligenda velt; ut præconcepta de libertate idea, quæ illam in potestate ad opposita essentialiter consti-

tutam imaginatur, integra permaneat. Imò in toto ejusdem instituti libro decimo quinto, confutandam suscipit Michaelis Baii, tacito tamen ejus nomine, sententiam de malis hujus vitæ, quæ Michael Baius post Augustinum censuit esse peccati pœnas. Denique in explicatione 76. articulorum, quam suprà retulimus, Augustino & Michaeli Baio totus adversatur circa statum hominis integri & Angelorum, circa libertatis naturam, & circa meritum operum.

Cunus Petri his Michaelis Baii æmulis se adjunxit, nec solum in multis opposita Doctoris istius vel potius S. Augustini sententiis tenuit; sed eis palam contradicere ac eas confutare cœpit tam in tractatibus de peccato originis, de libero arbitrio, de charitate & justificatione & de Indulgentiis, quos libris à Michael Baio iisdem de rebus scriptis opposuit; quàm in suis in articulos à Pio V. damnatos animadversionibus. Nam circa finem sui Tractatus de peccato Originali, tanquam imaginationem rejicit Michaelis Baii aliorumque Sancti Augustini discipulorum sententiam, qui censent concupiscentiam, quæ in renatis manet, prohibitam esse præcepto, non concupisces, licet ad peccatum non imputetur, ejus reatu, sed non vitio, per baptismum sublato. Et in Tractatu de Gratia Christi c. 13. communem asserit adultis omnibus sufficientem dari gratiam, quâ ad Deum possunt converti. *Hanc, inquit, generalem esse super omnes filios Adæ misericordiam Dei in Christo Jesu, ut quibus hujus lucis & rationis usum concedit, prorsus NEMINEM OMNINO RELINQUAT, quin saltem paulatim seu gradatim ad verum bonum attolli queat, quod equidem auxilium in divinis instinctibus, pulsibus, inspirationibus & illustrationibus positum esse, & omnibus pro tempore & loco sufficienter adesse crediderim; ut ex illis, cooperante Deo, homo converti & ad cor redire queat.* Sed nec in c. 14. ferre poterat à Michael Baio & aliis Sancti Augustini discipulis dici, quod nulli tentationi ex veræ virtutis amore, resistere sufficimus absque Christi auxilio: quod omnia in gloriam Dei referre teneamur; *Quemadmodum, ait Cunerus, potest homo sine speciali gratia pro vultu comparanda laborare, & in hoc non peccare: sic etiam absque simili gratia potest honestâ ratione ductus nolle furari, vel latrocinari.* Hæc est enim lex naturaliter scripta in cordibus hominum, quam ne ipsa quidem delet iniquitas, quæ furtum improbat. *Quis enim æquo animo furem patitur? Quamvis autem in singulis actibus homo finem aliquem ultimum habeat in quo quiescit, & impii non in Deo finem hunc constituant; NON EST TAMEN IS RIGOR SENTENTIÆ DEI, ut omnia & singula in verum ultimum finem, qui Deus est, referre teneamur.* Nam nimis angusta, dura, & absurda reputatur sententia, quod omnia justî hominis opera vel peccata sunt, vel vitæ æternæ meritoria; utpote qui multa ex natura necessitate vel civili ac politicâ ratione facit; & quibus hoc studium & hæc intentio sufficit ne quid admittant quo vel offendatur Deus, vel scandalizet proximus.

Cum igitur quædam in natura honestatis semina & rectæ rationis lineamenta remanserint, & non necesse sit ut singula in determinatum aliquem finem referantur: non rectè statuitur quod homo nullum opus sine gratiæ adjutorio præstare possit, in quo non delinquat.

Hæc Concilii Arausiacani verba: *Homō non habet de suo nisi mendacium & pecca-*

peccatum, sic vult intelligenda, ut homo sine Dei donis naturalibus nihil valeat: non quodd sine gratia nihil possit: *Ad verba Concilii*, inquit ibidem, *dicendum est, aliud esse quippiam habere de suo, aliud sine gratia Christi. Nam quicquid ex nostra talentis, sine peccatis facimus, Dei cooperatione ex naturalibus ejus donis præstamus: unde verè in nullo glorandum est.*

Deinde illud Apostoli: *Omne quod non est ex fide, peccatum est*: ab Aug. non vult ita intellectum, ut omnia Infidelium opera quæ ad Deum verum non referuntur, sint peccata, sed ea solum quæ infideli & impiâ voluntate fiunt: *Ab Apostolo quoque dictum est*, (ait in fine sui Tractatus de Gratia) *OMNE QUOD NON EST EX FIDE PECCATUM EST, quia quicquid ex infidelitate vel malâ fide peragitur, verè peccatum est.*

Hæc quantum Pelagianis saveant, & Augustini sententiis repugnent novit vel inter istius Sancti Doctoris discipulos tyro. Porro in Tractatu de lib. arb. c. 9, hæc docet: [ideoque rectè dici potest discrimen istud quo alter reluctatur, alter verò acquiescit, proximè tribuendum esse libero arbitrio: quoniam uterque quod facit, cum libertate facit, ut diversum vel contrarium facere potuerit. &c.]

Et c. 10. *Notanda est*, ait, *profunda quædam propositio D. Ruardi, Cancellarii Lovaniensis, quodd ex similiter tractis & internè corde vocatis, unus credit & convertitur, & alius manet incredulus, nec convertitur, contingere potest ex sola arbitrii divinitus præparati libertate, nec aliter contingere potest, si similiter sunt affecti, & vocantur secundum quod apti sunt ad sequendum.*

In prolixiori autem commentario quem Cunerus Leuwardiæ anno 1571. scripsit in 76. articulos à Pio V. damnatos, & quem ipsius vel ejuspiam alterius manu descriptum evolvi, magis adhuc mentem suam aperit Semipelagianâ tinctam fuligine: Ex quibus omnibus colligas quàm rari fuerint etiam tum temporis in ipsâ Academia Lovaniensî Doctores Theologi, qui Sancti Augustini sensum planè assecuti sint; ac ita secuti, ut à sancti illius Doctoris mente in multis non aberraverint: Et quodd Michael Baius, qui unicus S. Augustini dogmata ita pressè sectabatur ut in nullis ab eo defligeret, non alios in sua Academia æmulos habuerit, nisi qui ipsi Augustino in multis adversarentur, ac cum Semipelagianis in multis sentirent.

Sed nec mireris quia Academia Joannem Strienum, Episcopum Middelburgensem, qui se Ruardi Tapperi ac Judoci Tilerani auditorem fuisse gloriabatur, ac Censuræ Lovaniensî ita repugnabat, ut eam Episcopis probari iniquissimè se ferre, dissimulare non potuerit in quadam Epistola quam Lindano Episcopo Ruremondensî anno 1587. scripsit; insensum fuisse Michaeli Baio imbutumque Pelagianis Ruardi Tapperi, Judoci Ravestyn, & Cunei Petri opinionibus, dixisse in alia ad Archiepiscopum Mechliniensem Epistola, quodd ut *Africa semper aliquid monstri, ita hæc Theologica Lovaniensî Facultas novæ doctrine aliquid gignit*: his enim, quæ sola vera putabat, dogmatibus assueto nova videbatur Sancti Augustini sententia quam non audierat.

Quod Franciscum Horantium attinet, quisquis ipsius Locos Catholicos attentè perlegerit, facilè comperiet quàm peregrinus fuerit in Sancti Augustini

doctrina; quantumque familiaris ei fuerit sententia Pelagianorum; mirumque proinde non esse quòd Michaeli Baio contradixerit.

Ipse l. 1. c. 24. nullam interiorē gratiam vult tentationibus vincendis esse necessariam; sed hanc Philosophorum sententiam laudat ac defendit: *humani intellectus ratio gubernationi morali recta & studiose satis sufficit: voluntas verò illi subjacens à sensu quidem ad mala sollicitatur: sed ut liberam electionem habet, impediri nequaquam potest quin rationem ducem per omnia sequatur, si velit.*

Et c. 25. postquam retulit quæ quorundam antiquorum Philosophorum incredibilis probitas fuerit: ipse sic arguit; *Id verò, nempe quòd quorundam philosophorum incredibilis pietas sit, nos manifestè docet multorum qui in illo sæculo vixerunt, & sub illa luce innocenter & honestè transacta vitæ: omnibus sanè seculis extiterunt, qui naturā ducē ad virtutem intenti totā pere vitā fuerunt: &c.*

C. 26. dicit in Camillo exemplum mirabile haberi naturam si studio exaltetur, nimium bonitate præstare; & naturæ non deesse ad virtutis studium non parvam liberamque facultatem. Et ad Augustinum l. 4. contra Jul. c. 3. respondet non eum sentire quòd Paganorum facinora, quæ in Deum non relata sunt, fuerint peccata; sed quòd excellentissimo gradu virtutis fuerint privata.

Imo in c. 28. temeritatis arguit eos qui pronunciarent antiquos illos Philosophos esse ab æterna salute exortes. Unde hoc capitulum sic inscripsit: *Sicut indecorum est antiquorum Philosophorum opera omnia oblo notare: sic temerarium est de eorum salute certi quicquam affirmare.* Et in textu Capituli ait: *Multum tamen hujusmodi actibus Ethnicorum naturam nostram excelluisse, nimiumque ad bonum valere, si quidem excolatur, intrepidè cum eodem Augustino dicere audeo* Et paulò pòst: *De Philosophorum salute æterna neque rei causa neque tempus agere permittunt. Secretiora sunt ista & majora, quàm quæ brevi ac simplici sermone nunc ego persequar. Tantum id dicam.. crimen esse & scelus quòd solum longā penitentia expiari possit, sic in universum tantorum sapientum & sapienter enunciata, & religiose summaque cum virtute gesta bilioso stomacho; tanquam peccata & quasi scelera reprehendere.* Magisne unquam ipse Pelagius naturam commendavit, quàm iste Philosophorum Ethnicorum laudator? Istum aliosque similes habuisse æmuloa satis est vindicandæ Michaelis Baii fidei.

OBSERVATIO 4.

Circa sententias quæ Michaeli Baio ab ipsius æmulis adscriptæ sunt, ac Pio V. ad censuram exhibitæ.

Advertendum 1. sententias illas in omnibus tam manuscriptis quàm excussis Codicibus, præterquàm in Bulla Urbani VIII. quæ incipit, *In eminenti*, numeris distinctas quidem haberi; sed in his numerandis multam esse variationem: alii enim duntaxat septuaginta quinque computant, alii & quidem emendatiores computant septuaginta sex, alii septuaginta novem, & alii octoginta: non quòd aliæ vel plures aut pauciores fuerint in uno exemplo quàm

in alio, sed quòd eædem diversis modis distinctæ sint, unâ nonnunquam in duas divisâ, vel duobus aliquando in unam contractis, seu recensitis sub eodem numero: exempli gratiâ, duæ illæ sententiæ: *Omnia opera Infidelium sunt peccata*: Et *virtutes Philosophorum sunt vitia*, in nonnullis exemplaribus tanquam duæ, videlicet 25. & 26. computantur; in aliis tanquam una, scilicet vigesima quinta, numerantur. Ego verò emendatiores Codices secutus eas in septuaginta sex distribui.

Advertendum 2. non paucas in Codicibus variationes circa ipsum textum hujusmodi sententiarum reperiri, quarum præcipuas ad marginem annotavi in Bulla Pii V. ubi integræ referuntur.

Advertendum 3. illas omnes Michaeli Baio fuisse attributas. Licet enim nullius auctoris nomen expressum sit, libri tamen prænotati sunt, ex quibus extractæ dicebantur, & quos à Michaele Baio scriptos constat ac in lucem editos.

Advertendum 4. quòd ex illis septuaginta sex sententiis, quæ Michaeli Baio adscriptæ sunt, plus quàm sexaginta falsò sint ipsi impostæ: ac vix quatuordecim, nimirum 2. 4. 5. 6. 8. 12. 18. 22. 27. 28. 48. 49. 50. & 56. (iis inter eas computatis quæ non sunt nisi tituli capitulorum videlicet 2. 12. 28.) in ejus operibus assertæ legantur. Imò inter eas, quæ ipsi calumniosè ascriptæ sunt, decem numerantur scilicet 30. 35. 40. 42. 45. 63. 64. 65. 66. & 73. quæ à Michaelis Baii mente prorsus alienæ sunt, & tanquam falsæ ac hæreticæ ab ipfomet reprobantur.

Non tamen dissimulandum quòd ex his quæ in ejus libris non leguntur, sed adulteratæ sunt vel malâ fide ex eis excerptæ; quadraginta sex vel septem, videlicet 1. 3. 7. 9. 10. 16. 21. 22. 24. 25. 26. 27. 28. 29. 30. ex parte, 31. 32. 33. 34. 36. 37. 38. 39. 41. 43. 44. 46. 47. 51. 52. 53. 54. 55. 56. 57. 58. 59. 61. 62. 67. 68. 69. 70. 74. 75. & 76. sensum terre possunt qui ab eo non abhorret, quem Michael Baius post Sanctum Augustinum docuit, & qui extra omnem censuram est: sed non propterea ejus dici possunt. Quæ ut facilius discernantur indicem illarum ob oculos hic ponere visum est, discernendo quæ ejus sunt.

S E N T E N T I Æ 76.

P I O V. E X H I B I T Æ,

E T A B E O D A M N A T Æ

A N N O 1567.

Ex libro primo *De meritis operum.*(a) Al.
gratia.

1. Nec *Angeli nec primi hominis adhuc integri merita recte vocantur* (a) *gratia*. Non est Michaelis Baii, sed ex c. 4. libri primi *De meritis operum*; malè excerpta.

2. *Sicut opus malum ex natura sua est mortis æternæ meritorium; sic bonum opus ex natura sua est vitæ æternæ meritorium.* Est duntaxat titulus capituli 2. l. 2. *De mer. oper.*

3. *Et bonis Angelis & primo homini, si in statu illo perseverasset usque ad ultimum vitæ, felicitas esset merces & non gratia.* Non est Michaelis Baii, sed ex ipsiusmet Sancti Augustini sensu & verbis à Michaelæ Baio relatis in c. 2. 3. & 4. l. 1. *De mer. oper.* malè excerpta.

(b) Al.
omit. per
su.

4. *Vita æterna homini integro & Angelo promissa fuit intuitu bonorum operum: & bona opera ex lege naturæ ad illam consequendam* (b) *per se sufficiunt.* Est Michaelis Baii l. 2. c. 2. *De mer. oper. in terminis & in sensu catholico.*

5. *In promissione facta Angelo & primo homini continetur naturalis iustitiæ constitutio, quæ pro bonis operibus sine alio respectu vitæ æternæ promittitur.* Est Michaelis Baii l. 1. c. 2. *De mer. oper. in terminis, & in sensu valde catholico.*

(c) Al.
perseve-
rasset.

6. *Naturali lege constitutum fuit homini, ut si in obedientia* (c) *perseverasset, ad eam vitam pertransiret, in qua mori non posset.* Est Michaelis Baii l. 1. c. 3. *De mer. oper. in terminis & sensu catholico.*

7. *Primi hominis integri merita fuerunt prima creationis munera; sed juxta modum loquendi Sacra Scriptura non RECTE vocantur (a) gratia: quo fit ut tantum merita, non etiam gratia, debeant nuncupari. Non est Michaelis Baii, sed ex c. 4. l. 1. De mer. op. malè excerpta.* (a) AL. gratia.

8. *In redemptis per gratiam Christi nullum inveniri potest bonum meritum, quod non sit gratis indigno collatum. Est Baii l. 1. c. 4. De mer. oper. in terminis & sensu catholico.*

9. *Dona concessa homini integro & Angelo forsitan non improbanda ratione (b) possent dici gratia: sed quia, secundum usum Sacra Scriptura, nomine gratia (b) AL. ra tantum munera intelliguntur qua per Jesum Christum malè merentibus & in-possunt. dignis conferuntur: idè neque merita neque merces qua illis redditur, gratia dici (c) debet. Non est Baii, sed ex c. 4. l. 1. De mer. oper. malà fide excerpta.* (c) AL. potest.

10. *(d) Solutionem pena temporalis, qua peccato remisso saepe remanet, & corporis resurrectionem non nisi Christi meritis adscribendam esse. Non est Baii, sed ex c. 9. l. 1. De mer. oper. malè excerpta.* (d) AL. solutio, resurrectio, adscribenda est.

11. *Quod pòd & justè in hac vita mortali usque in finem conversati vitam (e) consequimur aeternam, id non propriè gratia Dei, sed ordinationi naturali statim in initio creationis constituta (f) justo Dei judicio deputandum est: neque in hac retributione bonorum ad Christi meritum respicitur, sed tantum ad primam institutionem generis humani, in qua lege naturali constitutum est ut justo Dei judicio, obedientia mandatorum vita aeterna reddatur. Non est Baii, sed ex c. 9. l. 1. De mer. oper. malè excerpta.* (e) AL. consequimur. (f) AL. & justè.

(g) Ex libro 2. de meritis operum.

(g) AL. omit.

12. *Pelagii sententia est: opus bonum citra gratiam adoptionis factum non (h) est regni caelestis meritum. Est duntaxat titulus capitis 4. l. 2. De mer. oper.* (h) AL. esse.

13. *Opera bona à filiis adoptionis facta non recipiunt rationem meriti, èd quòd sunt per spiritum adoptionis inhabitantem corda filiorum Dei: sed tantum ex eo quòd sint conformia legi, quòdque per ea praestetur obedientia (i) legis. Non asseritur à Michaelè Baio, sed inter quaestiones salvà pace disputatas refertur in l. 2. leg. c. 2. De mer. oper.* (i) AL. leg.

14. *Opera bona justorum non accipient in die judicii extremi ampliover mercedem, quàm justo Dei judicio merentur accipere. Non asseritur à Baio, sed inter quaestiones salvà pace disputatas proponitur in c. 9. l. 2. De mer. oper.*

(a) AL. Ratio meriti non confistit. (b) AL. omittuntur ista omnia. (c) AL. omittitur, In eodem libro saepe repetit quid. (d) AL. Scitimus autem

15. (a) *Docet rationem meriti non consistere in eo quod qui bene operatur habet gratiam & Spiritum sanctum inhabitantem; sed in eo solum, quia obedit legi divinae.* (b) *Quam sententiam saepe repetit, & multis rationibus probat totosere libro.* Non asseritur à Baio, sed inter sententias quæ salvâ pace disputantur, refertur in c. 1. l. 2. *De mer. oper.*

16. (c) *In eodem libro saepe repetit quod non est vera legis obedientia, quæ sit sine charitate.* Non asseritur à Baio, sed inter eas quæ salvâ pace possunt disputari, refertur in c. 1. l. 2. *De mer. oper.*

17. (d) *Dicit sentire cum Pelagio qui dicunt esse necessarium ad rationem meriti, ut homo per gratiam adoptionis sublimetur ad statum deificum.* Non est Michaelis Baii, sed ex l. 2. c. 4. *De mer. oper.* malè excerpta.

(e) AL. Opera &c.

18. (e) *Dicit opera Catechumenorum, ut fidem & poenitentiam, ante remissionem peccatorum facta, esse æternæ vitæ merita; quam tamen non consequuntur Catechumeni, nisi prius præcedentium delictorum impedimenta tollantur.* *Est Mich. Baii l. 2. c. 6. De mer. oper.* licet minùs accuratè collecta.

(f) AL. Opera.

19. (f) *Videtur insinuare quod opera justitiæ & temperantiæ, quæ Christus fecit, ex dignitate personæ operantis non traxerint majorem valorem.* Non est Mich. Baii, sed ex c. 7. l. 2. *De mer. oper.* malè excerpta.

(g) AL. mortem.

20. *Nullum est peccatum ex natura sua veniale; sed omne peccatum meretur pœnam æternam.* Non asseritur à Mich. Baio, sed inter eas quæ salvâ pace disputantur inter Catholicos, refertur in l. 2. c. 7. *De mer. oper.*

(h) AL. omittuntur ista.

(h) *Ex libro 1. de prima hominis justitia.*

21. *Naturæ humanæ sublimatio & exaltatio in consortium divinæ naturæ debita fuit integritati primæ conditionis; ac proinde naturalis dicenda est, & non supernaturalis.* Non est Mich. Baii, sed ex ejus c. 4. l. *De prima hominis justitia*, malè excerpta.

22. *Cum Pelagio sentiunt qui textum Apostoli ad Rom. 2. Gentes quæ legem non habent, naturaliter ea quæ legis sunt faciunt; intelligunt de Gentibus fidei gratiam non habentibus.* *Est Mich. Baii l. De prima hom. just. c. 6. in terminis & sensu catholico.*

23. *Absurda est eorum sententia qui dicunt hominem ab initio dono quodam supernaturali & gratuito supra conditionem naturæ suæ fuisse exaltatum, ut fide, spe & charitate Deum supernaturaliter coleret.* Non est Baii, sed ex ejus c. 7. l. *De prim. hom. just.* malè excerpta.

24. *A vanis & otiosis hominibus, secundum insipientiam Philosophorum excogitata est sententia: hominem ab initio sic constitutum ut per dona naturæ superaddita fuerit largitate Conditoris sublimatus, & in Dei filium adoptatus: & ad Pelagianismum rejicienda est ista sententia.* Non est Baii, sed ex ejus c. 8. lib. De prima hom. just. malè excerpta.

(a) Ex libro 2. De virtutibus Impiorum.

(a) AL.
omittun-
tur ista.

25. *Omnia opera infidelium sunt peccata.* Non est Baii: sed collecta ex S. Augustini testimonio relato in c. 5. l. 1. De virtutibus Impiorum.

26. *Et Philosophorum virtutes sunt vitia.* Non est Michaelis Baii; sed ex iis quæ ex Augustino profert l. De Virtutibus Impiorum, c. 7. collecta.

27. *Integritas primæ creationis non fuit indebita humanæ naturæ exaltatio, sed naturalis ejus conditio: (b) quam sententiam repetit & probat per multa capitula.* (b) AL. omittun-
Est duntaxat titulus Capituli 4. l. De prima hom. just.

28. *Liberum arbitrium sine gratiæ Dei adjutorio nonnisi ad peccandum valet.* Est duntaxat titulus capituli 8. l. De virtut. Impiorum.

29. *Pelagianus est error dicere quodd liberum arbitrium valet ad ullum peccatum vitandum.* Non est Baii; imò eam in aliquo sensu hæreticam ipse in sua Apologia declarat, sed est ex S. Augustini sententia adducta à Baio in c. 8. l. De virtutibus Impiorum, malè excerpta.

30. *Non (c) solum fures ii sunt & latrones, qui Christum viam & ostium veritatis & vitæ negant; sed etiam quicunque aliunde quam per Christum in viam justitiæ, hoc est, ad aliquam justitiam conscendi posse dicunt: Aut tentationi ulli sine gratiæ ipsius adjutorio resistere hominem posse, sic ut in eam non inducatur aut (d) ab ea non superetur.* Non est Baii, licet prima ejus pars habeatur in ejus c. 9. l. De virtut. Imp. & altera sit Innocentii 1. & Cælestini 1. in sancto & vero sensu. (c) AL.
ab ea su-
peretur, (d) AL.

(e) Ex libro De Charitate.

(e) AL.
omittun-
tur ista,

31. *Charitas perfecta & sincera, quæ est ex corde puro & conscientia bona, & fide non ficta, tam in Catechumenis, quam in penitentibus potest esse sine remissione peccatorum.* Non est Baii, sed ex ejus l. De Charitate, c. 7. malè excerpta.

32. *Charitas illa, quæ est plenitudo legis, non est semper conjuncta cum remissione peccatorum.* Non est Baii, sed ex ejus l. *De Char.* c. 7. malè excerpta.

33. *Catechumenus justè & rectè & sanctè vivit, & mandata Dei observat; ac legem implet per charitatem ante obtentam remissionem peccatorum, quæ in baptismi lavacro demum percipitur.* Non est Baii, sed ex ejus c. 7. *De Char.* & ex c. 7. *De justitia*, malè excerpta.

(a) Al. *inaccessibilis.* 34. *Distinctio illa duplicis amoris, videlicet naturalis, quo Deus amatur ut autor naturæ; & gratuiti, quo Deus amatur ut (a) beatificator, vana est & commentitia, & ad illudendum sacris litteris ac plurimis Veterum testimoniis excogitata.* Non est Baii, sed ex ejus c. 4. *De Charitate*, collecta.

(b) in suo opere contra Baiam. 35. *Omne quod agit peccator, vel servus peccati, peccatum est.* Nullatenus est Baii; imò ipse eam ut hæreticam abominatur in Apologia. Et ipse (b) Ripalda fatetur eam non esse Baii.

36. *Amor naturalis, qui ex naturæ viribus oritur, ex sola philosophia per elationem præsumptionis humanæ cum injuria Crucis Christi defenditur à nonnullis Doctoribus.* Non est Baii, sed ex c. 5. l. *De Charit.* malè excerpta.

(c) Al. *bonum ali-quod natu-ræ.* 37. *Cum Pelagio sentit qui (c) boni aliquid naturalis, hoc est, quod ex solis naturæ viribus ortum ducit, agnoscit.* Non est Baii, sed ex ejus c. 5. l. *De Char.* malè excerpta.

(d) Al. *verba diffiniam.* 38. *Omnis amor creaturæ rationalis aut vitiosa est cupiditas, quæ mundus diligitur, quæ à Joanne prohibetur; aut laudabilis illa charitas, quæ per Spiritum Sanctum in corde diffusa Deus (d) amatur.* Non est Baii, sed ex S. Augustini & S. Leonis sensu & verbis adductis in l. *De Char.* c. 6. malè excerpta.

(e) Al. *omniun-tur ista.*
(f) Al. *necessarii.*

(e) Ex libro *De libero arbitrio*.

39. *Quod voluntariè fit, etiamsi (f) necessitate fiat, liberè tamen fit.* Non est Baii, sed ex ejus l. *De libero arb.* c. 7. malè excerpta.

40. *In omnibus suis actibus peccator servit dominanti cupiditati.* Nullatenus est Baii: imò ab eo tanquam hæretica rejicitur in sua Apologia. Et ipse Ripalda fatetur eam in Baii operibus non haberi.

41. *Is libertatis modus, qui est à necessitate, sub libertatis nomine non reperitur in Scripturis; sed solum nomen libertatis à peccato.* Non est Baii, sed ex ejus l. *De lib. arb.* c. 7. malè excerpta.

(a) Ex libro *De justitia*.(a) AL.
omittun-
tur ista.

42. *Justitia, quâ justificatur per fidem impius, consistit formaliter in obedientia mandatorum, quâ est opus justitia; non autem in gratia aliqua animo infusa, quâ adoptatur homo in filium Dei, & secundum interiorem hominem renovatur, ac divina naturâ confors efficitur, ut sic per Spiritum Sanctum renovatus, deinceps bene vivere & mandatis Dei obedire possit. Nullatenus est Michaelis Baii; imò ipse eam execratur in sua Apologia.*

43. *In hominibus penitentibus ante Sacramentum absolutionis, & in Catechumenis ante baptismum, est vera justificatio, separata tamen à remissione peccatorum. Non est Baii, sed ex ejus l. De justitia, c. 7. malè excerpta.*

44. *Operibus plerisque, quâ à Fidelibus fiunt ut mandatis Dei pareant, cujusmodi sunt, obedire parentibus, depositum reddere, ab homicidio, à furto, à fornicatione abstinere, justificantur quidem homines quia sunt legis obedientia, & verâ legis justitia, non tamen iis obtinent incrementa virtutum. Non est Baii, sed ex ejus l. De justitia, c. 5. & 6. & ex l. De justificatione c. 5. malè excerpta: unde & ipse eam, ut concepta est, hæreticam declarat in sua Apologia.*

(b) AL.
obedientia.
justitia.
(c) AL.
incrementum.(d) Ex libro *De Sacrificio*.(d) AL.
omittun-
tur ista.

45. *Sacrificium Missæ non aliâ ratione est Sacrificium, quàm generali illâ quâ omne opus quod fit ut sanctâ societate Deo homo inhereat. Non est Baii: imò ipse eam simpliciter hæreticam declarat, & e. l. De Sacrificio, c. 6. pessimè excerptam.*

(e) Ex libro *De Peccato Originis*.(e) AL.
omittun-
tur ista.

46. *Ad rationem & definitionem peccati non pertinet voluntarium: Nec definitionis questio est, sed causæ & originis, utrum omne peccatum debeat esse voluntarium. Unde peccatum Originis verè habet rationem peccati, sine ulla relatione ac respectu ad voluntatem, à qua originem habuit. Non est Baii, sed ex ejus l. De pecc. Originis, c. 7. malè excerpta.*

47. *Peccatum Originis est habituali parvuli voluntate voluntarium: & habitualiter dominatur parvulo, sed quod non gerat contrarium voluntatis arbitrium. Et ex habituali voluntate dominante fit, ut parvulus decedens sine Regenerationis Sacramento, quando usum rationis consecutus (f) est, actualiter Deum odio habeat, Deum blasphemet, & legi Dei repugnet. Non est Baii, sed ex l. De pecc. Orig. c. 7. malè excerpta.*

(f) AL.
est.

48. Prava desideria quibus ratio non consentit, & quæ homo invitus patitur, sunt prohibita præcepto: *Non concupisces. Est Michaelis Baii l. De pecc. Orig. c. 11. in terminis & sensu catholico.*

49. Concupiscentia sive lex membrorum & prava ejus desideria, quæ inviti sentiunt homines, sunt vera legis inobedientia. *Est Baii l. De pecc. Orig. c. 4. 15. & 16. in term. & in sensu catholico.*

50. Omne scelus ejus est conditionis, ut suum autorem & omnes ejus posteros eo modo inficere possit, quo infecit prima transgressio. *Est Baii l. De pecc. Orig. c. 13. tam in terminis, quam in sensu catholico.*

(a) Al.
prima
transgressio.

51. (a) *Quantum est ex vi transgressionis, tantum meritorum malorum à genere contrahunt quicum minoribus nascuntur vitiis, quam qui cum majoribus.* Non est Baii, sed ex ejus l. De pecc. Orig. c. 6. malè excerpta.

52. *Definitiva hæc sententia: Deum nihil homini præcepisse impossibile, falsè tribuitur Augustino, cum Pelagii sit.* Non est Baii, sed ex c. 12. l. De pecc. Orig. malè excerpta.

53. *Deus non potuisset ab initio talem creare hominem, qualis nunc nascitur.* Non est Baii, sed ex l. De pecc. Orig. c. 5. malè fide collecta. Ipse pater Ripalda fatetur eam non haberi in Michaelis Baii operibus.

(b) Al.
omittuntur
istæ.

(b) Ex tractatu De Oratione pro Defunctis.

54. *In peccato duo sunt, actus & reatus: transcunte autem actu, nihil remanet nisi reatus, sive obligatio ad penam. Unde in sacramento baptismi aut Sacerdotis absolutione propriè reatus peccati duntaxat tollitur; & ministerium Sacerdotum solum liberat à reatu.* Non est Baii, sed ex ejus Tract. De orat. pro Defunct. c. 4. malè excerpta.

55. *Peccator penitens non vivificatur ministerio Sacerdotis absolventis, sed à solo Deo, qui penitentiam suggerens & inspirans, vivificat eum & resuscitat: ministerio autem Sacerdotis solus reatus tollitur.* Non est Baii, sed ex S. Augustini verbis relatis n. c. 4. Tract. De orat. pro Defunct. collecta.

(c) Al.
omittuntur
istæ.

(c) Ex tractatu De Indulgentiis.

56. Quando per eleemosynas, aliaque penitentiae opera, Deo satisfacimus pro poenis temporalibus, non dignum pretium Deo pro peccatis nostris offerimus; sicut quidam errantes autumant; nam alioquin essemus saltem aliqua ex parte nostri redemptores: sed aliquid facimus, cujus intuitu Christi

Christi satisfactio nobis applicatur & communicatur. Est Baii c. 8. Tract. De Indulg. *est minus accurate collecta.*

57. Per passiones Sanctorum in Indulgentiis communicatas, non propriè redimuntur nostra delicta; sed per communionem charitatis nobis eorum passiones imperiuntur, ut digni simus qui pretio sanguinis Christi à pœnis pro peccatis debitæ liberemur. Non est Baii, sed ex c. 8. Tract. De Indulg. malè excerpta.

58. Celebris illa Doctorum distinctio: divina legis mandata bisariam impleri; altero modo, quantum ad præceptorum operum substantiam tantum; altero, quantum ad certum quemdam modum, videlicet, secundum quem valeant operantem perducere ad regnum æternum, hoc est, ad modum meritorium: commentitia est & explodenda. Non est Michaelis Baii.

59. Illa quoque distinctio, quæ opus dicitur bisariam bonum; vel quia ex objecto & ex omnibus circumstantiis rectum est, quod moraliter bonum appellari consuevit; vel quia est meritorium regni æterni, eod quod sit à vivo Christo membro per Spiritum charitatis, rejicienda putatur. Non est Baii.

60. (a) Similiter & illa distinctio duplicis justitiæ; alterius, quæ fit per Spiritum charitatis inhabitantem; alterius verd, quæ fit ex inspiratione Spiritus Sancti cor ad penitentiam excitantis, sed nondum cor inhabitantis, & in eo charitatem diffundentis, quæ divina legis justificatio impleatur; odiosissime & pertinacissime rejiciuntur. Non est Michaelis Baii. (a) Al. Sed &

61. (b) Denique & illa distinctio duplicis vivificationis; alterius, quæ vivificatur peccator, dum ei penitentia & vitæ novæ propositum & inchoatio per Dei gratiam inspiratur; alterius, quæ vivificatur, qui verè justificatur & palmis utitur in Christo vitæ efficitur, commentitia (c) judicatur, & Scripturis minime conveniens. Non est Baii; & ipse P. Ripalda agnoscit eam in ejus libris non haberi. (b) Al. iterum & (c) Al. est.

62. Non nisi Pelagianò errore admitti potest usus aliqui liberi arbitrii bonus, five non malus: & gratia Christi injuriam facit, qui ita sentis & docet. Nullatenus est Baii, ut fatetur ipse Ripalda. Imò Baius eam, ut jacet, hæreticam pronunciat in Apol. licet in alio sensu sit Sancti Augustini.

63. Sola violentia repugnat libertati hominis naturali. Nullatenus est Baii: imò ipse eam damnat in Apologia.

64. Homo peccat etiam damnabiliter in eo quod necessariò facit. Nequaquam est Baii, ut ipse Pater Ripalda fatetur. Imò Baius eam detestatur in sua Apologia.

65. Infidelitas purè negativæ in iis quibus Christus non est prædicatus, peccatum est. Non est Baii, ut agnoscit ipsemet Ripalda. Imò Baiuseam damnat in sua Apologia.

66. Justificatio impij fit formaliter per obedientiam legis: Non autem per occultam communicationem & inspirationem gratiæ, quæ per eam justificatos facit implere legem. Non est Baii: imò ab illo rejicitur in sua Apologia.

67. Homo existens in peccato mortali, sive in reatu æternæ damnationis, potest habere veram charitatem: & charitas etiam perfecta potest consistere cum reatu æternæ damnationis. Non est Baii, sed ex ejus Tract. De charitate, c. 7. truncatim excerpta.

(a) Al. cum charitate perfecta. 68. Per contritionem etiam (a) charitate perfectam, & cum voto sacramentum suscipiendi conjunctam, non remittitur crimen extrà casum necessitatis aut martyrii, sine actuali susceptione Sacramenti. Non est Michaelis Baii.

69. Omnes omnino justorum afflictiones sunt ultiones peccatorum ipsorum: unde & Job & Sancti Martyres quæ passi sunt, propter peccata sua passi sunt. Nequaquam est Baii, & ipse P. Ripalda fatetur eam in ejus operibus non inveniri.

70. Nemo præter Christum est absque peccato originali. Hinc B. Virgo mortua est propter peccatum ex Adam contractum, omnesque ejus afflictiones in hac vita, sicut & aliorum justorum, fuerunt ultiones peccati actualis vel originalis. Nullatenus est Baii, & eam in ejus libris non reperiri ultro agnoscit P. Ripalda.

71. Concupiscentia in renatis relapsis in peccatum mortale in quibus jam dominatur, peccatum est, sicut & alii habitus pravi. Nequaquam est Baii, ut agnoscit Ripalda: sed ex c. ultimo l. De pecc. Orig. malè excerpta.

72. Motus pravi concupiscentiæ sunt pro statu hominis vitiosi prohibiti præcepto: NON CONCUPISCES: Unde homo eos sentiens & non consentiens, transgreditur præceptum: NON CONCUPISCES: quamvis transgressio in peccatum non deputetur. Non est Baii, sed ex ejus c. undecimo l. De pecc. Orig. collecta.

73. Quandiu aliquid concupiscentiæ carnalis in diligente est, non facit præceptum: DILIGES DOMINUM DEUM TUUM EX TOTO CORDE TUO. Non est Baii: Imò ipse tanquam hæreticam illam execratur in sua Apologia.

74. *Satisfactiones laboriosæ Justificationum non valent expiare de condigno peccatam temporalem restantem post culpam condonatam.* Non est Baii, sed ex cap. 8. l. *De Indulg.* malè excerpta.

75. *Immortalitas primi hominis non erat gratiæ beneficium, sed naturalis conditio.* Non est Baii, sed ex c. 8. lib. *De Indulg.* malè excerpta: imò P. Ripalda fatetur eam in libris Baii non legi.

76. *Falsa est Doctorum sententia, primum hominem potuisse à Deo creari & institui sine justitia naturali.* Nullatenus est Baii, & Ripalda fatetur eam inter Baii opera non haberi.

Ex quibus nemo non intelligere valet quanta fuerit eorum qui hujusmodi sententias collegerunt ac Summo Pontifici exhibuerunt adversus Michaellem Baium æmulatio, auidcia ac nequitia, imò & erga Sanctam Sedem irreverentia; ut eximio huic Doctori tot sententias, quarum aliæ erant hæreticæ, aliæ magis Augustini quàm ipsius, aliæ adulteratæ & ex ipsius scriptis malà fide excerptæ, adscriberent; ac ipsi per summam imposturam adscriptas Summo Pontifici exhiberent ad censuram.

OBSERVATIO 5.

Animadvertendum nihilominus 1. quòd isti Delatores ac impostores suis fraudibus ac mendacis Hum V. ita circumvenerunt, ut tandem ab eo Censuram ac Diploma adversus has sententias extorserint; Michaelle Baio non solum non audito nec vocato; sed nullà, quæ sciatur, nisi levissimà institutione disquisitione, & absque librorum Michaelis Baii examine, quos si vel aperuissent, fraudem Delatorum comperissent ac nequitiam.

Animadvertendum 2. hæt Pii V. Bullà articulos in quibus vix aliquis pravus sensus potest deprehendi, & qui intellectum fidei ac catholicæ Sancti Augustini doctrinæ planè consentaneum præ se ferunt, nudè ac simpliciter proscribi, in multam Sedis Apostolicæ injuriam, ac grave omnium Eruditorum scandalum.

Ibi enim damnatus legitur tertius articulus, qui non nisi verba Sancti Augustini habet & sensum. Ibi proscribitur octavus, cujus verba ac sensus obvius nos edocent, omnia nostra merita esse Dei dona, ac divinæ misericordie munera. Ibi damnatur decimus sextus, qui planissimum Sancti Augustini sensum præ se fert, passim adversus Pelagianos docentis, quòd qui non ex amore justitiæ seu ex charitate facit quæ lege præcipiuntur, non legem verè & ut debet observat: quod prorsus idem est ac si diceret, non veram esse legis obedientiam, quæ fit sine charitate.

Ibi configuntur articuli vigesimus quintus & vigesimus sextus, quibus non nisi sensus Sancti Augustini exprimitur. Ibi censurà notatur articulus vigesimus octavus, qui catholicam S. Augustini, seu potius Ecclesiæ, veritatem præ se fert.

Ibi damnantur, in trigésimo articulo, qui cum Ecclesiæ adversus Pelagia-

nos corde credunt ac ore confitentur hominem nulli tentationi absque gratia adjutorio resistere posse.

Ibi denique, præter alios, in articulo septuagesimo censuræ subjiciuntur qui senserint cum omnibus antiquis Patribus, quod nemo præter Christum est absque peccato Originali: quod quo sensu censuram eo tempore meruerit, nemo verè Theologus intelligit.

Animadvertendum 3. plures ex proscriptis in isto Diplomate articulis esse valde ambiguos seu æquivocos, aded ut in sensu vero & catholico æquè intelligi valeant ac in falso & hæretico. Nihilominus verò Censura in illos ita absolutè ac indistinctè lata est, ut discerni minimè possit in quem sensum cadat, an in falsum & hæreticum, an in eum quem verum credimus ac catholicum. Exempli gratiâ, articulus quinquagesimus tertius, quo dicitur Deus non potuisse hominem ab initio talem creare, qualis nunc nascitur: vel ita intelligi potest, ut Deus non potuerit hominem ab initio creare filium iræ ac vindictæ, qualis nunc nascitur: vel ita ut Deus non potuerit hominem creare ab initio morti obnoxium, qualis modò nascitur; & adhuc istud duplicem potest habere intellectum: quod videlicet hoc Deus non potuerit ratione potentiz, vel ratione justitiæ sive ac sapientiæ: & tamen absque ulla distinctione sensuum articulus iste, sicut & alii, simpliciter in Pii V. Diplomate damnatus est.

Animadvertendum 4. In istas sententias, quarum aliæ sunt hæreticæ, aliæ simpliciter falsæ dicuntur, aliæ temerariæ ac scandalosæ; censura ita indiscriminatim fertur, ut ex ea nullatenus intelligi possit quænam reprobandæ sint ut hæreticæ, quæ ut simpliciter falsæ, & quæ duntaxat ut temerariæ vel scandalosæ. Et inter Theologos quidem multum disputatur in quo sensu proscripti sint à Pio V. isti articuli. Vasquez erim & alique alii nonnullos in uno sensu defendunt, in quo Ripalda & alii eos à Pontifice contendunt esse damnatos. Cunerus Petri eos vult juxta hunc intellectum, Belarminus juxta istum, Torrez juxta alium, Stejaert juxta alterum, Autor Doctrinæ per Belgium manantis juxta Theologorum Lovaniensium mentem esse à Pio V. confixos. Alii cum Toletò & Vasque plurimos ipsorum non propter doctrinam, sed duntaxat propter censuræ acerbitem, prohibitos asserunt; alii cum Ripalda singulos dicunt ob doctrinam damnatos à Pontifice. Deinde alii cum Ripalda eos volunt in sensu Michaelis Baii censuram subiisse Pontificis: Alii cum Steyaertio eos esse Pontificis censurâ notatos, ut erant à delatoribus descripti & Papæ oblati. Porro quâ censurâ afficiantur singuli articuli, hoc est, quinam ut hæretici, quinam ut simpliciter falsi, quinam ut duntaxat temerarii ac scandalosi, à Pio V. disjuncti sunt nondum constat inter Theologos, aded ut vaga Pontificis censura, dum quid circa unumquemque hujusmodi articulorum sit sentiendum non definit, nihil definitivè videatur.

Ex quibus æquiores arbitri deducunt non inutilem modò, sed fovendis & augendis, quàm sedandis ac componendis contentionibus aptiorem: Imò magis in catholicæ veritatis perniciem, quàm in errorum extirpationem latam esse arbitrantur Censuram hanc, quæ sensum verum & catholicum à

falso & hæretico non discernens, istum æquè ac illum indiscriminatim damnat. His adde quodd cum tanta oscitantia istud Pii V. Diploma conscriptum sit, ut contra ipsas Latinæ Grammaticæ leges peccet, usurpando in multis articulis verbum, *dicis, docet, repetis, probat, &c.* licet nullum nomen præcesserit, quo indicetur quis dicat, doceat, reputat & probet, &c.

Sic N. Le Bossu ex Regali Monasterio Sancti Dionysii propè Parisios, Doctor Sorbonicus, dum Congregationibus *De Auxiliis* sub Clemente VIII. interesset, continere se non potuit, quin de iis conquereretur, quos honori Sanctæ Sedis parum consuluisset dicebat evulgando Pii V. Bullam, cujus dispositio seu contextus tam indiligenter, inquiebat, ordinatus est, ut major pars articulorum sensum contineat qui vix intelligi potest, & multi possint sensum habere saniori doctrinæ consentaneum; aded ut non nisi cum summo rigore & in sensu violento videantur aliqua censuræ digni. Imò, addebat iste Doctor, nec Grammaticæ leges in eo contextu observantur. Nam postquam in exordio Bulla in numero plurali locuta est de his qui falsos articulos defendebant, & non paucos sine numeri mutatione recensuit, nonnullos inserit cum verbo, *dicis, docet, repetis, probat*, etsi in toto præcedenti contextu nullus nominativus reperitur. Hæc in Collectaneis D. Pegna referuntur. Non minus æquum, nec magis favens de ista Bulla iudicium ferebat Cardinalis à Sancto Clemente circa annum 1643. ut ipse Joanni Sinnichio Academiæ Lovaniensis Doctori Theologo, ad Pontificem delegato, significavit.

Animadvertendum 5. ita damnatas fuisse à Pio V. istas septuaginta sex sententias, ut nonnullæ teneri possent ac defendi in rigore & proprio verborum sensu ab assertoribus intento, ut idem Pontifex in eadem Bulla diserte declaravit his verbis: *quanquam nonnullæ aliquo pacto sustineri possent in rigore & proprio verborum sensu ab assertoribus intento.* Ista Pontificis declaratio summè premebat recentiores doctrinæ Michaelis Baii æmulos, qui eam à Censura in tuto hac declaratione positam molestissimè ferentes, nihil non commenti sunt ut hæc Pontificis verba non modò non favere Baio, sed magis eum damnare demonstrarent. Excogitaverunt post hæc verba: *quanquam nonnullæ aliquo pacto sustineri possent*; comma esse interjiciendum, ut ista verba, *in rigore & proprio verborum sensu ab assertoribus intento*, ad præcedentia non referrentur; sed ad hæc quæ sequuntur, *hæreticas, erroneas, suspectas, &c.* & sensus sit illas omnes sententias esse à Papa proscriptas, ut *hæreticas, erroneas, &c. in rigore & in sensu ab Assertoribus intento; quanquam nonnullæ aliquo pacto possent sustineri.* Imò Vasquez, aut is qui Bullæ exemplum, quo ipse usus est, descripsit, ipsius textum corrumpere non dubitavit, non solum inserto huiusmodi commate, sed & additâ voce, *tamen*, ut sic legeretur: *quanquam nonnullæ aliquo pacto sustineri possent, in rigore Tamen & proprio verborum sensu ab assertoribus intento hæreticas, erroneas, &c. damnamus, &c.* Natæ inde sunt inter Theologos graves de famoso illo commate contentiones. Verùm illud comma in antiquioribus genuinisque Censuræ Pii V. exemplis non reperiri, proindeque non nisi à quibusdam Michaelis Baii æmulis in posterioribus istius Bullæ exemplaribus appositum, manifestè demonstratur,

1. Ex adductis superius ipsiusmet Cardinalis Granvellani litteris, cui Pius V. suæ Bullæ commisit executionem. In his enim postquam ipse significavit se ad averterendam Articulorum censuram apud Pontificem plurimum al-laborasse, nec id potuisse consequi, eò quod concepti essent terminis à scho-lastica locutione alienis; scribit se tamen id à Pontifice obtinuisse, ut Baii nomen subiceretur; imò declarat quod nonnulli hujusmodi Articulorum *sustineri possent in rigore ac aliquo sensu*. Idem confirmatur ex litteris Morillo-nii die 20. Junii 1569. scriptis, quas superius protuli, & in quibus verba ista leguntur: *pour estre par icelle Bulle dit, QU'AU CUNES PROPOSITIONS, & E-ROIENT SOUTENABLES IN RIGORE ET PROPRIO VERBORUM SENSU*.

2. Quia ipse Cunerus Petri Doctor Lovaniensis, Michaelis Baii æmulus, in prolixo Commentario, quem anno 1571. scripsit pro hac Pii V. Bulla, verborum formam sub qua ista Censura Pontificis ipsi ac cæteris Doctori-bus Theologis Lovaniensis Academiæ anno 1567. exhibita fuerat refert; & ut egomet in antiquo M. Codice legi, suam præfationem sic incipit: Quod „ad præsentēs sententiās attinet, Sedes Apostolica iis omnibus commemo-
„ratio, de iis sub hac verborum forma decrevit, prout anno Domini 1567.
„nobis legitimè exhibitum est: *quas quidem sententiās stricto coram nobis exa-
„mine ponderatas, quanquam earum nonnullæ aliquo pacto & in rigore & proprio
„verborum sensu ab assertoribus intento sustineri possent, erroneæ, hæreticæ &
„etiam quæ scandalum & offensionem in pias aures immittunt respectivè damna-
„mus & abolemus*. Cum enim, addit Cunerus in istius Declarationis expli-
„cationem; numero circiter 76. inveniantur, quædam sine dubio reperiun-
„tur, QUARUM SENSUS AB AUTORIBUS INTENTUS, QUEM RIGOR ET
„PROPRIUS VERBORUM USUS ADMITTIT, fialiter exponerentur, ALIQUO
„FACTO SUSTINERI POSSENT, &c.

Post præfationem præfigit hunc titulum: *sententia quadam à Sede Aposto-lica damnata & abolita, ita ut, QUANQUAM EARUM NONNULLÆ ALIQUO FACTO IN RIGORE ET PROPRIO VERBORUM SENSU AB ASSERTORIBUS INTENTO SUSTINERI POSSENT, erroneæ tamen, hæreticæ, & quæ scan-dalum & offensionem in pias aures immittunt, respectivè prohibita.*

3. Ex litteris, quas quidam Licentiatus Lovaniensis anno 1580. scripsit Episcopo Sylvæ-Ducensi, suprà adductis: in his apertè scribit, quòd *sicut Bul-la loquitur, plerique illorum Articulorum in rigore verborum, & juxta sensum ab Authoribus intentum veri sunt.*

4. Ex authentico Instrumento, quod Facultatis Theologicæ Lovaniensis jussu scriptum est sigilloque munitum anno 1567. refert, quâ ratione Pii V. Bulla adversus 76. articulos ipsi intimata est. In eo sic habetur: *Notum vo-bis facimus quòd die data præsentium indicta ad hoc specialiter Congregatione dictæ Facultatis comparuit coram nobis R. D. Maximilianus Morillonius, qui ibidem exposuit breviter se accepisse Bullas Apostolicas S. D. N. Pii Papæ V. expeditas Romæ Calendii Octobris ultimi præteriti, Pontificatus sui anno secundo, quibus certæ SENTENTIÆ, & Scripturæ, proloquia, & disputationes DAMNANTUR RESPECTIVÈ tanquam erroneæ, hæreticæ, scandalosæ, & piam auriem offen-sivæ, QUANQUAM EARUM NONNULLÆ ALIQUO FACTO SUSTINERI*

FOSSENT IN RIGORE ET PROPRIO VERBORUM SENSU AB ASSERTORIBUS INTENTO. Hoc Instrumentum habui non solum ex Codice Ms. Janfonii; sed & ex altero Codice manu ipsiusmet Gaudani, acerrimi inter Baii æmulos, exarato.

5. In eodem Codice eadem manu eodemque tempore exarato recensentur omnes illæ sententiæ cum Pii V. Censura his verbis expressa: *Quæ quidam sententiæ in Bulla Apostolica damnata sunt respectivè tanquam hæretica, erronea, scandalosa, & piarum aurium offensiva, quamvis nonnullæ aliquo modo sustineri posse ibi dicantur, in rigore & proprio verborum sensu ab Authoribus intento.*

6. In Codice, qui anno 1571. scriptus est, & quem notavi litterâ A. referuntur hæ sententiæ cum explicatione abbreviata Michaelis Baii, quibus præfixus hic titulus legitur: *Articuli Calendis Octobris anni 1567. à Pio V. per Bullam plumbeam damnati, tanquam respectivè erronei, hæretici, scandalosi, vel piarum aurium offensivi, quanquam, ut ait (Bulla) NONNULLI SINT QUI JUXTA SENSUM AB ASSERTORIBUS INTENTUM VERI SUNT, quos prohibuis doceri, &c.*

7. In alio Codice, eodem tempore scripto, & quem notavi litterâ B. eadem sententiæ recensentur cum eodem planè titulo qui in præcedenti illis præfixus est: *Articuli Calendis Octobris... offensivi, QUANQUAM, UT AIT, NONNULLI SINT QUI JUXTA SENSUM AB ASSERTORIBUS INTENTUM VERI SINT &c.*

8. In alio Codice, qui anno 1570. scriptus est, & quem dono dedit D. Loos, pastor Xenodochii Antuerpiensis, habentur iidem articuli cum eadem hac epigraphe: *Sequuntur articuli Calendis Octobris anni 1567. à Pio V. per Bullam plumbeam damnati, tanquam respectivè erronei, hæretici, scandalosi, vel offensivi, QUANQUAM, UT AIT (Bulla) NONNULLI SINT QUI JUXTA SENSUM AB AUTHORIBUS INTENTUM VERI SINT, &c.*

9. Eandem prorsus inscriptionem præferebant isti Articuli in Ms. Monasterii Parcensis, propè Lovanium sitæ, quo continebatur explicatio, quam Facultas Theologica Lovanienfis anno 1585. super iis Articulis dederat Nuncio Apostolico; & cujus exemplum à se descriptum Adrianus Estius, istius Coenobii supprior, ad Guillelmum Estium, fratrem suum, Duacum miserat anno 1586. unde minimè intelligitur quâ fide Theologi quidam Duaceni, in libro quem adversus Janfenium anno 1649. ediderunt inscriptum, *Veritas & equitas Censura Pontificiæ, &c.* & in quo istam Explicationem ex isto exemplo inseruerunt, hanc inscriptionem sustulerint; imò in suo ad Lectorem monito audenter affirmaverint istos Articulos in rigore & proprio verborum sensu ab Assertoribus intento esse Bullâ Pontificiâ damnatos: *Scimus, inquirunt, docti Bullâ eadem (Urbani VIII.) Articulos horum nonnullos aliquo pacto sustineri posse, ut sustinent Vasquez, Suarez, Bellarminus, plique Catholici, à quibus etiam discimus acerbisatem censuræ in illis esse damnatam à Pontificibus: sed cum iisdem Orthodoxis credimus definitum esse Bullâ Pontificiâ nullas ex his propositionibus non esse hæreticas, suspectas, temerarias, scandalosas respectivè... in rigore & proprio verborum sensu ab as-*

toribus intento, totis libris ac maxime obvio, quem Facultas ipsa Lovaniensis affecta est olim luculentâ ingenuâque Explicatione Illustrissimi D. Vercellensis Episcopi & Apostolici per utramque Germaniam Nuncii voluntate ac jussu conceptâ. Si enim in isto exemplo Adriani Estii descripti habebantur isti Articuli cum titulo, quem in Codice Parcensi præferebant, non nisi summâ nequitia ac fraude, Auctores istius libri, qui Jesuitis quibusdam magis tribuitur, quàm memoratis Theologis Duacensis, subducere potuerunt hujusmodi inscriptionem, ac profiteri istos articulos in sensu ab Assertoribus intento fuisse Bullâ Pontificiâ proscriptos: cùm oppositum ex ista inscriptione liquidd constat.

10. In Codice Ms. H. qui eandem explicationem continet, & cujus scriptor animum in multis prodit à Michaelè Baio valde aversum, refertur Bulla Pii V. in Gregorii XIII. diplomate inserta; & clausula hæc, *quamquam nonnulla aliquo pacto sustineri possent in rigore & proprio verborum sensu ab assertoribus intento*; clauditur parenthesi, quam tamen fateor recentiore manu videri delineatam.

11. Valerius Andræas in Fastis Academicis studii Generalis Lovaniensis, 2. edit. pag. 365. de Pii V. Bulla hæc dicit: *quâ damnantur certa sententia seu propositiones, ut hæretica, erronea, suspecta, temeraria, scandalosa, & in pias aures offensionem immittentes respectivè: QUANQUAM NONNULLÆ, UT EADEM LOQUITUR BULLA, ALIQUO PACTO SUSTINERI POSSENT IN RIGORE ET PROPRIO VERBORUM SENSU AB ASSERTORIBUS INTENTO.*

12. In tribus Mss. Codicibus, quos Johannes Sinnichiûs, Lovaniensis Academiæ Doctor Theologus anno... Sacræ Facultati exhibuit, eadem profertur Pii V. censura cum commate non post verbum *possent*, sed post verba hæc, *in sensu ab assertoribus intento*: eodem planè contextu ac in Mss. quos superius protuli, & qui alii sunt ab istis. Id liquet ex authentico ejusdem Facultatis instrumento. Porro etsi in multis Codicibus antiquis articulos legi qui à Pio V. confixi sunt, in nullo reperi comma positum post verbum *possent*. Ut autem Mss. his Codicibus fides habeatur, sciendum quòd ab ipso Morillonio, qui Bullam intinnavit Theologis Lovaniensibus, primum exemplar hujusmodi articulorum traditum fuit, ex quo alia statim transumpta sunt; quibus proinde eadem debetur fides quæ primo exemplo, quod Morillon, qui Bullæ istius fuerat promulgator, Facultati Theologicæ porrexerat.

13. In ipsa Urbani VIII. Bulla, quæ anno 1642. in Jansenii librum & Theses Jesuitarum typis Cameræ Apostolicæ evulgata est, insertum habetur integrum Pii V. Diploma adversus 76. articulos, cum ista interpunctuatione, *quas quidem sententias, stricto coram nobis examine ponderatas, quamquam nonnulla aliquo pacto sustineri possent in rigore & proprio verborum sensu ab assertoribus intento, hæreticas, erroneas, &c.*: ut testatur Ludovicus à Sancto Amore, Doctor Sorbonicus, qui istius Bullæ typis Cameræ Apostolicæ primum excusæ exemplum idcirco studiose servabat. Si ergo in posterioribus Bullæ Urbanianæ exemplis comma post verbum *possent* invenitur, illud ibi fraude positum est. Nec dicant illud reperiri in exemplo quod à Notariis exscri-

exscriptum est, ac Sinnichio à Lovaniensi Academia Delegato traditum. Si enim Albizzi tot falsa inseruit in ista Bulla, dum illam composuit, ut Sinnichius demonstravit ipsis Cardinalibus; multò faciliùs apponere potuit istud comma, quando Jesuitæ, quibus dividendus erat, adverterunt id suæ causæ conducere. Cardinalis Lugo, Jesuita, die 26. Octobris anni 1644. testatus quidem est se vidisse in ipso Francisci Toleti autographo comma post verbum *possent*; sed id contra alia tot testimonia nihil probat, nisi quoddam post Toleti mortem comma ibi in Toleti autographo ab iis insertum sit, quorum intererat ut eò loci infereretur. Si Bellarmini & ipsiusmet Toleti opera multis in locis adulterata sunt, ut norunt qui varias eorum editiones consuluerunt; sique in istius Bullæ exemplari quod Vasquez legit, post verbum *in rigore* addita est vox *tamen*, quâ expressiùs in sensu Baii damnatæ intelligerentur 76. sententiæ: quidni ab iisdem in Toleti autographo inseri potuit famosum illud comma?

14. Ipse Mathias Hauscur in sua Anatomia doctrinæ Augustinianæ Bullam Pii V. refert cum ista interpunctione: *quas quidem sententias, stricto co. n. ex. ponderatas, quanquam nonnulla aliquo pacto sustineri possent in rigore & proprio verborum sensu ab assertoribus intento, hæreticis, erroneas, &c.*

Animadvertendum 6. Pii V. Bullam adversùs 76. articulos nunquam fuisse Romæ affixam aut promulgatam; ut in Congregatione De Auxiliis prudenter observavit suprâ memoratus N. Le Bossu, Sorbonæ Doctor; & ut faciliè intelligitur ex ipso Gregorii XIII. Diplomate, in quo hanc Bullam referens fidem facit se illam reperisse in Registro sui Prædecessoris; ad quod non recurrisset, si solemniter Romæ affixa fuisset ac promulgata. Unde nec uspiam ista Bulla reperitur, nequidem in ipsis Bullarum Archivis, nisi in Gregorii XIII. Diplomate. Significata quidem fuit Doctoribus sacræ Facultatis Lovaniensis, sed privatim in ædibus Doctoris Tiletani, ut suprâ relatum est. Anno 1570. ipsa solemnitus ab eodem Morillonio in scholis Lovaniensibus publicata est; sed non mandato Pontificis aut Cardinalis Granvelli, cui Pontifex istarum Litterarum executionem commiserat, sed jussu Præfecti Belgii ac quorundam Prælatorum, qui Synodo Mechliniensî aderant. Deinde quæque sit ista promulgatio non sufficit ut cæteris Academiis & aliis Theologis promulgata censeatur ista Pii V. Constitutio, nec ut illos alliget.

Ipsam Gregoriano Diplomati insertam nemo nescit ab Urbano VIII. fuisse confirmatam in Bulla, *In eminenti*: quæ quidem solemnî ritu Romæ affixa est. Verùm Urbanus VIII. non propterea istam Pii V. Censuram approbasse existimandus est, nisi quia illam cum debitis juris solemnitatibus existisse, & à Gregorio XIII. fuisse confirmatam ei suggestum est ab Albizio & aliis: Si enim hujusmodi solemnitates huic Censuræ novisset Urbanus, eam sanè suæ Bullæ non inseruisset; cùm ipse se nihil aliud in sua Bulla intendisse declaraverit, quàm suorum Prædecessorum Constitutiones, debito scilicet ritu ab eis emanatas, renovare. Quandoquidem ergo Urbanus eas non confirmaverit, nisi supponendo quæ falsa sunt; ex ista confirmatione nullum robur accedit istis suorum Prædecessorum Constitutionibus: quod enim.

B. de Reg.
Jur. & 6.
Decret.
eod. tit.

enim in sua origine vitiosum ac nullius roboris est, rati-habitione non Et validum, vel, ut jura loquuntur, *quod initio vitiosum est, non potest tractu temporis convalescere: nec firmatur tractu temporis, quod jure ab initio non subsistit.*

Animadvertendum ultimum quoddam Pii V. Diploma Lovaniensibus Theologis fuerit à Morillonio prædictum; nullum tamen istius Diplomatis exemplum Lovanii aut alibi affixum fuit; imò nec ipsis traditum, quantumvis id requisierint: quod omnibus legibus repugnat quibus præscribitur, ut Judicum sententiæ scripto iis concedantur quorum interest, maximè si id requirant.

Qui igitur memoratam Pii V. Bullam, juxta Juris regulas expendere voluerit, ipsam profectò censebit nullius planè roboris, sed prorsus evanidam, sive materiam spectet, sive formam. Comperiet enim 1. eam esse inutilem, quia judicium profert in sententias quas nemo genuit aut docuit sive in terminis, sive in sensu in quo aliqua dignè erant censurà. 2. Eam in destructionem & Ecclesiæ perniciem, magis quàm in ejus bonum & ædificationem Fidelium latatum esse: quoniam magis excitandis ac fovendis, quàm sopiendis aut compescendis contentionibus nata est; ac amaro zelo turgentibus vel minùs eruditis occasionem præbuit vehementius invehendi in Theologos catholicæ veritatis per omnia tenacissimos. Deinde quia in intricatos & ambiguos articulos indiscretam & absque ulla explicatione sententiam pronunciat quæ æquè in verum ac in falsum hujusmodi articulorum intellectum cadere potest. Demum quia articulos, quorum alteri verissimi sunt ac plissimi in sensu quem verba præ se ferunt, alteri vero falsi & hæretici, promiscuè ac sine discrimine dispungit. 3. Eam esse injustam, eò quodd eandem excommunicationis pœnam, quæ extremum in Ecclesia supplicium reputatur, infligit tam iis qui opinionem, cui aliqua inesset temeritas, aut ex qua nonnulla oriretur offensio, teneret vel doceret; quàm iis qui planè hæreticas sententias assererent.

4. Eam esse obreptitiam, non solum quia peccat in Grammaticæ latinæ leges, in multis articulis, videlicet 15. 16. 17. 18. & 19. ubi verba ista: *dicit, docet, repetit, probat, insinuare videtur*, in singulari numero leguntur, licet nullum nomen in tota Bulla præcesserit, ad quod ista verba referri valeant: sed maximè quia fraudibus obrenta est ac mendaciis, quibus suggestionem est Pontifici plus quàm septuaginta articulos doceri Lovanii, ac in Michaelis Baii operibus contineri: etsi vix ac ne vix quidem quindecim illorum in Michaelis Baii scriptis possunt reperiri, ut ex suprà annotatis liquet. Ripalda ipse fatetur saltem decem ex illis non inveniri in Operibus Baii, & alios dicit à Michaele Baiò in privatis colloquiis, & in disputationibus fuisse assertos: verum id gratis ac falso dicitur; cum eorum quæ Michael Baius inter disputandum vel colloquendum dixerit nulla, quæ sciantur, facta fuerit inquisitio, nullique de iis legitimè auditi testes. Deinde ipsemet Baius omnes istos articulos veluti suis libris excerptos, ut eorum indicant tituli istis articulis passim præfixi, intellexit fuisse ad censuram summo Pontifici exhibitos; In sua enim Apologia ad eosdem sub iisdem titulis recensitos, sub quibus fuerant damnati, respondit.

5. Iſtam Pii V. Conſtitutionem nunquam legitimè promulgatam fuiſſe: quippe quæ ne Romæ quidem unquam affixa inveniatur: aliàs Gregorius XIII. ut eam declararet non eſſe factum ſuppoſitum, non recurriſſet ad ſui prædeceſſoris Regiſtrum, in quo ſe illam inveniſſe profitetur, ſed Charto-phylacium conſuluiſſet in quo Bullæ quæ affixæ ſunt ac promulgatæ, diligenter aſſervantur: ut ſapienter adverſus memoratus Sorbonæ Doctör, Le Boſſu, tempore Congregationis de Auxiliis, ubi iſtius Bullæ vitia non diſſimulavit.

In Congregatione de Auxiliis nulla indefinitæ Pii V. in 76. articulos Cenſuræ habita eſt ratio: etſi enim inter damnatæ aſſertiones iſta vigefima tertia ſit: *Virtutes Philoſophorum ſunt vitia*: nihilominus die 20. Martii anni 1602. Papæ præſide de iſta quæſtione diſputatam eſt, utrùm veræ virtutes in Infidelibus reperiantur, Jeſuitis aſſirmitibus, & negantibus Dominicanis, quorum ſententia omnibus Cenſoribus probata eſt.

Die 4. Decembris 1643. Doctores Sinnichius & Paepius ab Academia Lovaniënſi Romam delegati, Franciſco Albicio ſancti Officii Aſſeſſori, qui, ut ipſe fatebatur Urbani VIII. Bullam adverſus librum Janſenii conceperat, dixerunt: *Miramur unde ſit conſeſſum quod in hac Bulla de Gregorio XIII. narratur; eum nimirum ſua Conſtitutione Pianam Conſtitutionem confirmari, articuloſque ibidem comprehenſos iteratò damnari. Extat apud nos Gregoriana Conſtitutio, ex cujus tenore manifeſtum eſt legentibus, quicquid hæc [in Bulla Urbani VIII.] de Pianæ Conſtitutionis confirmatione, & iterata articulo-rum damnatione aſſeritur, eſſe ſciliſſimum. Cum enim à quibusdam in dubium revocaretur utrùm verè à Pio V. prædicta Conſtitutio emanaret, Gregorius ſua Conſtitutione dubium hoc ſuſtulit, fidem faciens & atteſtans ſe in regiſtro Pii prædeceſſoris ſui reperiſſe diploma, cujus tenorem continud ſubinferit, nullam prorsus faciens mentionem novæ Confirmationis, aut iteratæ damnationis. Quibus Albicius nihil habuit quod opponeret.*

Die quintâ Februarii anni 1644. iſdem Sinnichio & Paepio Cardinalis à Sancto Clemente dixit, magnam Pio V. injuriam fuiſſe illatam ab illis qui ſub ejus nomine BULLAM TAM FRAUDULENTER EXTORTAM EVULGARUNT: & quodd hæc Bulla à Lovaniënſibus fuerit in dubium revocata.

Die 28. Aprilis ejusdem anni 1644. in Congregatione Cardinalium, qui ad examen cauſæ Janſenianæ erant delecti, ab iſdem Delegatis demonſtratum eſt, adductâ Gregorii XIII. Bullâ, id eſſe falſum, quod in Bulla Urbani VIII. adverſus Auguſtinum Janſenii aſſeritur de Confirmatione Conſtitutionis Pii V. & de iterata articulo-rum in ea recenſitorum damnatione, factâ à Gregorio XIII. qui merè declarat ſe in Pii V. Regiſtro reperiſſe litteras tenoris ſequentis; hoc eſt Pianam Bullam quam ex integro inferit. His auditis Cardinalis Pamphilus (qui paulò poſt Innocentius X. fuit) aſſentiens, ſubjunxit Bullam Pii V. videri ſub Gregorii XIII. Pontificatu in dubium fuiſſe revocatam: Hæc omnia Joannes Sinnichius vir animi per omnia ſinceri, refert in ſuo Diario, ubi ſingula deſcripſit quæ in ſua delegatione contigerant.

Circa Bullam quam Gregorius XIII. ea de re edidit,

Animadvertendum 1. Bullam hanc urgentibus Michaelis Baii ex ipsa Academia æmulis, ac P. Francisco Toletio Jesuita procurante, esse eo tempore editam, quo Lovaniensem Academiam inter & Jesuitas, quibus Gregorius XIII. addictissimus fuit, graves exortæ erant discordiæ pro Academicæ istius juribus, quæ Jesuitæ invadere cupiebant: ut in Fastis Academicis 2^æ editionis habetur, & in Tabulis istius Academicæ.

Animadvertendum 2. Gregorium XIII. idcirco hanc Bullam condidisse, quia cùm Lovanienses Theologi nullum Bullæ Pii V. exemplum obtinere potuissent, nonnulli ipsorum dubitare cœperant ac disputare an Pius V. Censuram hanc verè tulisset. Ut igitur novas has contentiones de Bullæ Pii V. veritate compesceret Gregorius XIII. Constitutionem istam condidit, in qua duntaxat declarat, se Pii V. Bullam in ipsius registro invenisse qualem in suis litteris inserit: & id unum præcipit, nimirum, ut eadem fides isti exemplo in sua Constitutione inserto, ac Originalibus Litteris habeatur.

Animadvertendum itaque 3. Eâ Constitutione Bullam Pii V. nullatenus confirmari aut innovari: & articulos in ea prohibitos nullâ ratione denuò reprobari aut damnari: cùm in ea ne verbum hujuscemodi confirmationis vel alicujus Censuræ legatur. Hinc manifestus sit eorum error, qui passim ac perperam dicunt ac scribunt Pii V. Bullam adversus memoratos articulos à Gregorio XIII. fuisse confirmatam, & ab eo rursus proscriptos esse istos articulos.

Animadvertendum 4. istam Gregorii XIII. Constitutionem nec Romæ affixam esse aut promulgatam: sed in Lovaniensibus scholis duntaxat à Francisco Toletio publicatam. Itaque nullam Pontificiæ Constitutionis vim habere potest Diploma istud, nisi fortè Lovanii.

Animadvertendum 5. quòd etsi Gregoriana illa Constitutio Lovanii publicitus ac solemniter prælecta est, ut superius retulimus; nullum tamen ipsius exemplum concedere voluit Pater Toletus; licet, ut juxta præscripta legum, exemplum authenticum ipsis daretur, insisterint Theologi Lovanienses, qui proinde ipsam Gregorii XIII. Bullam minùs legitime etiam Lovanii promulgatam dicere possunt.

Animadvertendum est 6. quòd Urbanus VIII. in Bulla superius memorata enunciaverit quidem à Gregorio XIII. confirmatam fuisse Pii V. Constitutionem, articulosque in ea confixos denuò fuisse damnatos. Verùm hæc Urbani VIII. Bulla apertè falsi ea saltem in parte convincitur, sicut & ab Joanne Sinnichio Lovaniensis Academicæ delegato Romæ convicta est, ex ipsomet Gregorii XIII. Diplomate, in quo nihil de ista confirmatione, aut de iterata hujusmodi articulorum disputatione habetur. Ne autem id innotesceret, Albizzius, Jesuitarum stipendiarius, qui Bullam Urbani VIII. conscripsit, in ea quidem Pii V. Bullam integram inseruit, sed non Gregorii XIII. Constitutionem, ex qua singulis patuisset ejus mendacium, &

quàm

quàm falsò in Bulla Urbani dicatur Pii V. Bulla à Gregorio XIII. confirmata, proscriptique in ea articuli, iterum à Gregorio XIII. prohibiti: cùm Gregorius XIII. duntaxat testificetur tenorem Bullæ quam inserit, esse planè conformem tenori Bullæ quam in Pii V. registro invenit; & isti tenori eam fidem adhibendam, quæ ipsius Bullæ protographo debetur.

His omnibus attentè animadversis manifestum sit 1. Arminianos, Menonistas, aliosque hujus temporis Semipelagianos, ac liberi arbitrii instatores ex memoratis Pontificum Bullis, quibus recensiti 76. Articuli confixi sunt ac prohibiti, non posse nisi valde ineptè deducere, quòd Ecclesià Romana ipsorum sententiæ faveat; ac Baii opiniones damnando, ipsiusmet Augustini assertiones vel reprobaverit vel saltem mitigaverit.

2. (a) Leydeckerum ceterosque Protestantes ex iisdem Censuris non potuisse nisi iniquissimè & cum enormi calumnia Romanam Ecclesiam arguere, ac si catholicam Pauli & Augustini doctrinam per hujusmodi Censuras in Baio ejurasset & in Pelagianismum esset prolapsa.

Nam ex suprà relatis animadversionibus liquidd constat, 1. Quòd illæ Censuræ hujusmodi articulos, eos maximè qui Christi gratiam spectant & liberum hominis arbitrium, non proscripterint in sensu Baii & Augustini: cùm Bulla Pii V. disertè declaret nonnullas ex recensitis assertionibus, hoc est, eas præsertim quæ de Christi gratia ac libero hominis arbitrio juxta Augustinum loquuntur, in rigore & proprio verborum sensu ab Assertoribus intento esse veras ac posse sustineri. 2. Quòd (juxta ipsiusmet Joannis de Turrecremata regulam, innuentis inter Apostolicas sanctiones ea non esse recensenda quæ occultè & inconsultè à Romano Pontifice proferuntur; ac istà ratione cum Archidiacono distinguentis inter sanctiones Apostolicas, & sanctiones Apostolici) omnes illæ Censuræ non habendæ sint tanquam Ecclesiæ Romanæ judicia, sed nectanquam sedis Apostolicæ definitiones; cùm per obreptionem obtentæ sint, ac plures in eis defectus deprehendantur, quæ efficiunt ut vim Constitutionum Apostolicarum non obtineant. Unde nec Bulla Pii V. quæ tamen cæterarum fundamentum est, inter Pontificia Diplomata quæ Romæ asservantur in Archivis reperiri dicitur, nisi in aliis Constitutionibus inserta.

Juxta enim præmissas observationes certo certius est ac luce clarius, 1. Pii V. & Urbani VIII. Censuras non nisi fraudibus ac mendaciis fuisse extortas. 2. Bullam Pii V. à Gregorio XIII. nullatenus fuisse confirmatam, & Articulos à Pio proscriptos nequaquam à Gregorio fuisse iteratò confixos; ut falsò à Leydeckero & aliis pluribus etiam Catholicis hætenus creditum est, & in Ipsa Urbani VIII. adversus Jansenii Augustinum Bulla enunciatur. 3. Ipsas Pii V. & Gregorii XIII. Bullas superiùs adductas, ne Romæ quidem promulgatas fuisse aut affixas, multoque minus publicatas & receptas in aliis Ecclesiis aut Universitatibus Catholicis, si Lovaniensem exceperis.

Itaque his omnibus Censuris inconcussa illibataque manet, perpetuumque manebit in Ecclesià Romana Sancti Augustini, nec non Michaelis Baii, ubi hunc sequitur, doctrina: nec nisi per mendacium & calumniam potest Ecclesiæ Romanæ exprobrari, quòd per hujusmodi Censuras Semipelagianis er-

(a) loca
supra cit.
& novissi-
mè in sua
historia
Jansenii-
mi.

roribus in ullo consenserit, vel quod à Pauli & Augustini vel latum unguem deflexerit unquam.

A P P A R I T I O

D O M I N I

MICHAELIS DE BAY.

D. M. N. MICHAEL DE BAY sacræ Theologiæ Doctor & Professor, S. Petri Lovanii Decanus, Universitatis Cancellarius, & Privilegiorum Conservator, Præses Collegii Pontificis piè in Domino quievit in eodem Collegio 16. Septembris 1589. in cujus animæ à corpore separationis momento, quasi Columna ignea directè supra locum in quo recumbebat ter ex infimo aëre in cælum usque ascendere pluribus fide dignis Religiosis Dominicanis simul eo momento in suo horto congregatis visa est, qui jure jurando se paratos esse confirmare ita se vidisse mihi infrascripto fidem fecerunt: ac post ejusdem exequias me procurante solemniter in Octobri celebratas, verum esse declaro, quòd initio Novembris immediatè subsequēntis inter tertiam & quartam matutinam, dum de surgendo cogitarem, ut ad templum S. Jacobi, in quo Decanus eram, me conferrem, audivisse repentè quemdam in cubiculo meo fortiter cum pedum dispendio ambulāntem, quo sono commotus dixi, quis est ibi? quo nihil respondente, sed ab ostio cubiculi usque ad lectum deambulante, secundò rogavi, quis est ibi? ac tertîâ peractâ deambulatione usque ad lectum venit, ac ibi immotus consistens cortinas lecticæ levi motu agitans paululum aperuit, motuque æneorum circulorum & apertione nonnihil attonitus, dixi quis es tu? Neminem nec umbram quidem vidi aliquam, sed responsum leni voce audiui: ego sum, vocemque Domini Patru mihi notissimam ac familiarem optimè agnoscens, correptusque subitâ admiratione dixi: unde Dominus hic est? quomodo cum eo agitur? Respondit non benè. Mox intuli: Dominus est in statu salutis? Respondit, ita sum. Subiunxi, cur Dominus luit pœnas, an propter doctrinam? Respondit non, sed propter neglectum Decanatus officium: non putabam quòd ibi sic acciperetur. Quibus dictis, cortinas meas

latius aperuit & evanuit. Ego porro attonitus hæc audiens mox surrexi, ac pro ejusdem salute oravi, & sacrificium obtuli, interea nihil audiivi nec conspexi. Sed mox de abdicando Decanatus officio, quo multis annis in S. Jacobo Lovanii perfunctus eram, cogitare cœpi, quod etiam re ipsâ dimissi, non parum hâc ratione commotus. Ita esse hæc gesta & dicta eisdem verbis aut æquivalentibus declaro, Jacobus de Bay, S. Theologiæ Doctor & Regius Professor anno ætatis 58. Præfidentix collegii Sabaudix trigésimo primo, professionis in Theologiâ inchoatæ anno 29. Infrâ habebatur: Hanc copiam ego infrâ scriptus declaro esse verbotenus ex originali ab eximio Domino Jacobo scripta desumptam 28. Aprilis 1657. & erat signatum J. Billou, & in aversâ parte primæ paginæ habebantur hæc: Hanc Copiam Copiæ à R. D. Billou quondam Collegii Baii Procuratore & modo Canonico Aëriensi scriptæ, Ego infrâ scriptus Pastor loci de Wyers declaro esse verbotenus desumptam, subsignatum Franciscus de Thuin 5. Junii 1683. Inferiùs habebatur: Concordat Copia Copiæ supradictæ, quod attestor I. B. de Vaddere Notarius Publicus.

STIMOTIYALY

M U L U M

DE MICHAEL DE BAY, S. Theologiæ Doctor & Regius Professor anno ætatis 58. Præfidentix collegii Sabaudix trigésimo primo, professionis in Theologiâ inchoatæ anno 29. Infrâ habebatur: Hanc copiam ego infrâ scriptus declaro esse verbotenus ex originali ab eximio Domino Jacobo scripta desumptam 28. Aprilis 1657. & erat signatum J. Billou, & in aversâ parte primæ paginæ habebantur hæc: Hanc Copiam Copiæ à R. D. Billou quondam Collegii Baii Procuratore & modo Canonico Aëriensi scriptæ, Ego infrâ scriptus Pastor loci de Wyers declaro esse verbotenus desumptam, subsignatum Franciscus de Thuin 5. Junii 1683. Inferiùs habebatur: Concordat Copia Copiæ supradictæ, quod attestor I. B. de Vaddere Notarius Publicus.

H h 3 Dum

Dum Baiana hæc sub prelo erant, ab Ex: Martino Stejaert, Lovaniensi Doctore Theologo, proditum est alterum ejusdem Apparitionis exemplum, quod licet ab alio in nonnullis discrepet, neminum fidem alteri detrahât, sed aliqua rarsummodo supplet quæ in altero omiſſa ſunt. Et facile quidem contingere potuit ut Jacobus Bayus, vir integerrime fidei, non ſemel Apparitionem hanc ſit teſtificatus, & nonnulla in uno teſtimonio diſtinctius declaraverit, quàm in altero. Unde ne quid deſideretur; ſecundum hoc priori duximus ſubjiciendum.

A L T E R U M

E J U S D E M

A P P A R I T I O N I S

E X E M P L U M.

Dominus M. N. f. r. MICHAEL DE BAY, Sacræ Theol. Doctör & Profeſſor, S. Petri Lovanii Decanus, Uniuerſitatis Cancellarius, nec non Privilegiorum Conſervator, Præſesque Collegii Pontificis, in eodem Collegio piè placidèque in Domino quieuit die xvi. Septembris 1589. in cujus animæ à corpore ſeparationis momento directè ſupra locum in quo recumbebat quaſi columna ignea ter ex infimo aëre in cælum uſque aſcendere pluribus fide dignis Religioſis Dominicanis ſimul eo momento in ſuo horto congregatis viſa eſt, qui jurejurando ſe paratos eſſe ad confirmandum ita ſe vidiffè, mihi inſcripto retulerunt; atque poſt mortem uſque ad aliquot dies corpus reſervatum flexibilia omnia membra retinuit, cujus rei teſtes oculati plurimi ſuperſunt. Ac poſt ejusdem exequias me procurante in Octobri ſolemniter celebratas, initio Novembris immediatè ſubſequenti, manè inter ſecundam & quartam, audivi repentinè quemdam in cubiculo meo fortiter cum pedum diſpoſitione incedentem, quo ſono commotus, dixi: Quis eſt ibi? Suſpicabar enim Famulum ſubintraffe ad porrigendum lumen nimis citò ut apparebat ex ſomno: quare nullo reſpondente, nec lumine conſpecto, ſed ab oſtio cubiculi uſque ad lecticam in angulo cubiculi exiſtentem iterum deambulante, ſecundò rogavi. Quis eſt ibi? Ac nullo reſpondente, ſed tertio à janua uſque ad cortinas deambulante, audivi quemdam ante cortinas meas conſiſtentem, qui proximè acceſſit, & cortinas meas aperire (levi excitato ſono motu æneorum circulo- rum) cœpit: quo ſono & apertione cortinarum nonnihil attonitus, ambi-
gens

gens an forsitan aliquis per fenestras intrasset qui mihi vim inferre tentaret, dixi: (diligenter prospiciens an aliquem conspicerem qui arma haberet) Quis es tu? loquere. Neminem verò ne quidem umbram notans, audiui suaviter respondentem: Ego sum. Vocemque Domini Patruī Michaëlis paulò ante defuncti mihi notissimam agnoscens, correptusque subitò admiratione, intuli: Unde Dominus hic est? Quomodo cum eo agitur? Respondit: Non bene. Subintuli. Saltem Dominus est in statu salutis? Respondit: Ita sum. Subjunxi. Cur Dominus luit poenas? Propter Doctrinam? Respondit: Non; sed propter negligentius administratum Decanatus Officiū: non putabam quod ibi sic acciperetur. Quibus dictis cortinas meas latius aperuit ac evanuit. Nec ab ea hora quidquam aliud audiui, nec tunc plura vel pauciora verba à me, vel ipso, dicta recordor. Sed mox surrexi & pro ejus salutem precatus sum, & sacrificium deinde obtuli, atque per alios varios idipsum fieri procuravi. Quem spero brevi postea in Beatorum cœtum evolasse, Deique conspectu frui.

Hæc ita esse dicta, facta & gesta, eisdem verbis aut equivalentibus declaro, JACOBUS DE BAY, Sacra Theol. Doctor, Regiusque Professor, propria manu scripso.

Concordat cum Originali in Collegio Baiorum reservato: edi potest. Lov. 28. Martii 1696.

M. STEYAERT V. A. S. D.

F I N I S.

C O R R I G E N D A

I N I. PARTE.

Pag. 14. linea 17. respondendum. Longè, dele punctum.

57. l. 21. Cassianum, lege Cassianum.

66. l. 3. concindes, l. concindens.

68. l. penult. totius, l. tantius.

111. l. 18. ex legis, l. ex legi.

127. l. 6. futuro, l. futura.

130. l. 31. verebor, l. verbor.

162. l. 34. exantur, l. leguntur.

176. l. 20. quam, l. que.

181. l. 23. Melchisedech, l. Melchisedech.

217. l. 6. Item, l. Ite.

250. l. 24. conservavit, l. consecravit.

264. l. 1. vniiri, l. inveniiri.

l. 3. five, l. sine.

294. l. 37. irvidiofo, l. irvidiofo.

FINE

303. l. 34. *señ*, l. *sed*.
 306. l. 35. *currat*, l. *currat*.
 309. l. 35. *Cena*, l. *Cena*.
 317. l. 40. *quisquam*, l. *quisquam*.
 324. l. 9. *hoc etiam*, dele *etiam*.
 335. l. 37. *Sicilia*, l. *Eccllesia*.
 337. l. 12. *forte*, l. *forte*.
 345. l. 17. *divisim*, l. *divisi*.
 369. l. 16. *ostenderet*, l. *ostenderet*.
 391. l. 18. *quidem*, l. *quidem*.
 327. l. 3. *fuere*, l. *fuere*.
 in marg. 8. l. 3.
 404. l. 33. *ib*, l. *ib*.
 405. l. 7. *sera*, l. *serie*.
 406. l. 20. *Tappardis*, l. *Tappert*.
 414. l. 23. *capibus*, l. *capitibus*.
 435. l. 28. *spirituiter*, l. *spirituiter*.
 440. lin. ult. *delineat*, l. *pertineat*.
 448. l. 9. *reverti*, l. *reverti*.
 457. l. 30. *confractum*, l. *confractis*.
 476. l. 30. *Episcopus*, l. *Episcopus*.
 479. l. 29. *Augustinus*, l. 4. *lege Augustinus*, l. 3.

IN 2. PARTE

28. l. 29. *crudo*, l. *nascendo*.
 33. l. 13. *aviames*, l. *aviames*.
 l. 15. *abstiniassem*, l. *abstiniassem*.
 l. 24. *vegendo*, l. *vegendo*.
 l. 25. *et que*, l. *et que*.
 l. 27. *guera*, l. *guera*.
 Perdiessemes, l. *perdiessemes*.
 34. l. 3. *se meo*, l. *in meo*.
 l. 11. *mesmo*, l. *mesmo*.
 l. 24. *confessionibus est*, adde *per Ministros Generales*.
 48. l. 31. *venerandi*, l. *elevandi*.
 50. l. 19. *fit*, l. *fit*.
 55. l. 26. *ut sumus*, l. *ut sumus*.
 76. l. 10. *Basiliensis*, l. *Basiliensis*.
 81. l. 10. *perducant*, l. *perducant*.
 90. l. 1. *initia*, l. *initia*.
 l. 4. *iudicium*, l. *iudicium*.
 94. l. 30. *circumstantia*, l. *circumstantiam*.
 105. l. 11. *quantā arte*, l. *quantā arte*.
 141. l. 21. *docet*, l. *docet*.
 168. l. 10. *iudicium*, l. *iudicium*.
 193. *pbi legitur Sabbato*, *Sabbatum*, *Sabbato*.
 l. *Sabbato*, *Sabbatum*, *Sabbato*.
 l. *perul is*, l. *ei*.
 199. l. ult. *Sabbathines*, l. *Sabbathines*.
 202. l. 3. *Facilitatis*, adde *Magistris*.
 207. l. 8. *reprehensibili*, adde *allum*.
 l. 12. *delevavisset*, l. *delevatam fuisset*.
 216. l. 45. *mira*, lege *mera*.
 218. l. 24. *Liberam*, adde *arbitrium*.
 219. l. 5. *mera*, l. *meram*.
 l. 12. *Mirum*, l. *Mirum*.
 239. l. 40. *Conjura*, adde *desuisse*.

R. SALVAREZZA
RESTAURO

Via A. Cervi n. 5 - 10121 TORINO
Tel. 88.57.67

Stampato in Italia

